


叢書集成續編 第二五三冊目錄

史地類



忠義總傳

宋季忠義錄十六卷附錄一卷補錄一卷	清	萬斯同撰	四	明	一
皇明四朝成仁錄十二卷	清	張壽鏞撰	廣	東	二二九
宋東莞遺民錄二卷詩文補遺一卷	民	屈大均著	聚	德	四七五
勝朝粵東遺民錄四卷補遺一卷附錄一卷	民	九龍真逸輯 (陳伯陶)	聚	德	五二七
烈士報仇錄一卷	日	三宅緝明著 (陳伯陶)	甘	雨	六七一
附萱野三平傳	日	伊藤長胤著	六	八	六八四
大高忠雄寄母書	日	赤松鴻著	六	八	六八五
天野屋利兵衛傳	日	賴惟寬著	六	八	六八七
大石良雄自畫像記	日	赤松鴻著	六	九	六九〇
名臣總傳					
戊辰修史傳一卷	宋	黃震撰	四	明	六九三
崇禎閣臣行略一卷年表一卷	明	陳盟著	知	服	七二一
崇禎五十宰相傳一卷	清	曹溶撰	知	服	七四三

家

孝

忠

義

錄

四明張氏約園開雕

序

嘗究治亂存亡之故大抵係乎人心之萃渙政德孚於
 上下教澤被乎遐邇和洽隱顯蔚成風氣故易大傳曰
 萃聚也順以說剛中而應故聚也若夫政德乖敗教澤
 無聞人心離而無係其流散也如水故曰渙者離也此
 其端甚微迹甚隱也而終不可掩決川崩嶽莫之能喻
 然則持世柄者能一日而忘憂患之思哉昔趙宋之興
 也承五季塗炭之後務農興學慎罰薄斂又復釋藩鎮
 兵權繩賊吏重法以塞濁亂之源世有典則及其既衰

宋季忠義錄序

一四明叢書
約園刊本

始困於金遼卒亡於元乃開夷狄主中夏之局然當時
 朝野之士以死禦侮天不臣奴外夷者皆是也論者以
 謂有宋諸大儒提倡道義教澤之化比諸有政故節烈
 之行羣習以爲固然氣蘊之含結者深且固也徽欽既
 擄高孝崛起猶支半局德祐既亡景炎再興延垂絕之
 命於孤嶼海陬間天下尙奉爲正朔焉元有天下未及
 百年朱明突起鋤而去之光復舊物設無漢奸明豈能
 亡於清哉而明之亡忠烈亦不滅趙宋余讀史至宋明
 亡國之際未嘗不廢書太息亡國之難死事之眾蓋未

有如二代者也然夷考事實秦檜賈似道之徒誤國之
 罪誠已昭昭即張世傑陳宜中輩國方多難意見紛歧
 所勝止一死耳此亦文山所以不拜相命痛心疾首於
 無可如何者也若夫關懷國族遁隱終身謝豹花開戴
 勝芋熟道則高矣志徒悲耳故余讀萬氏宋季忠義錄
 嗟歲寒之不幸又未嘗不掩卷太息而發憤也雖然宋
 亡矣而留此忠義彪炳千秋則宋爲不亡吁其可敬也
 夫余既校刊高氏雪交亭正氣錄因復取萬氏此書校
 訂刊行原十六卷別爲附錄一卷更爲補一卷手校訛

宋季忠義錄序

一四明叢書
約園刊本

誤閒加註證校方竣適得石園遺編其致臬堂書云此
 實不朽之盛事而亦先賢之有待於後人者也余於是
 錄亦云民國二十三年三月張壽鏞序

宋季忠義錄校訂凡例

一宋季忠義錄十六卷萬季野先生所輯王漁洋香祖筆記作十二卷而全氏甬上續耆舊詩傳萬氏宗譜均作十六卷余舊從北平得鈔本即十六卷本也漁洋所見本今不可得故仍據鈔本作十六卷

二原書編次未盡合義例又無凡例如錄恭帝本紀端宗末帝本紀二王始末又錄元史世祖本紀續通鑑綱目或錄一人人事并採諸家所為傳載之意

宋季忠義錄校訂凡例

一四明叢書約園刊本

在兼收並蓄顧此書當時本草創之稿未經釐定今據原書細為比次重訂目錄惟原書所採未敢刪節所附元史世祖本紀續綱目等則移為附錄
三宋季忠義之偉烈首當推文山其先後從文山勤王死難者尤眾鄧光薦嘗為文丞相督府忠義傳以顯之所載五十五人今見此錄者尙闕十七人故為文丞相督府忠義傳表補之

四著錄忠節始於五代史專書則始於南宋昭忠錄而歷代節義名臣錄載見三千七百八十五人實

尤廣博今此書所記止於一代已五百數十人亦可謂富矣乃難免無遺與者亦不能無所遺畧今欲參以私家著述補之仍恐多所罣漏故督府忠義傳而外概不敢贅

五按香祖筆記謂第二卷迄末卷自江萬里文天祥而下逮劉辰翁凡四百六人今鈔本劉辰翁下又加二十三人而總全書附者不計外凡五百四十四人增多一百三十八人不知為萬氏後時續補抑王氏所見未為全本而卷十一林霽山傳後有

宋季忠義錄校訂凡例

二四明叢書約園刊本

季野所為書林唐二義士傳後一文果輯錄此書時所作抑異時所為不可知乃與書中所為諸題跋語體皆不類當是異時所為案季野詩文遺編為其子世標編校與此書字跡相符蓋為其子編校無疑今姑仍之

六按范學可即范師孔邊居誼即居義鈔本中為硃筆加入顯係後人所補又鮑廉重見顯屬錯誤均從刪除

七此書本據宋史各省府州縣志及野史廣為羅輯

而成既曰宋季忠義則以宋季抗元為準獨王復
係在建炎三年死金難是此書似不應錄但以原
書既載今亦不敢妄刪且以宋史傳補之

八鄒淵十九人并從文山勤王死事李復明九十六
人并死蒙古之難李復明等宋史無傳萬氏特為
補之此錄真諸忠之所託命也瀛傳未有云此十
九人附見左方語雖採取宋史然是錄以類相從
於此可見故次第雖與宋史忠義傳間有出入不
敢更易

宋季忠義錄 校訂凡例

三四明叢書
約園刊本

九卷十何中卷十五梁棟卷十六羅椅萬氏作遺民
廣錄訂誤均斥之考何中至順二年受聘為龍興
郡學師學師也與官職稍有不同梁棟羅椅均
載周密癸辛雜志一人之毀似不足憑故萬氏雖
訂誤於遺民廣錄而此錄仍為編入今悉仍舊
十整比此書校訛正誤頗具辛勤閱時蓋逾半載考
證力求詳盡閒加小註意在互參至附錄一卷文
仍原編補錄一卷為壽鏞所補督府忠義傳而外
更編忠義死事年月表蓋錄自宋史並參文山紀

年錄為是錄參證

宋季忠義錄 校訂凡例

四四明叢書
約園刊本

宋季忠義錄目次

卷一

恭帝本紀

卷二

端宗末帝本紀 廣王本末 衛王本末

卷三

江萬里 江萬頃 趙崇棟 江鎬 文天祥 李庭芝

張世傑 劉師勇 陸秀夫 陳文龍

卷四

宋季忠義錄目次 一四明叢書 約園刊本

高稼 曹友聞 曹萬 陳寅 賈子坤

賈純孝 劉銳 趙汝彞 劉同哥 蹇彝 蹇維之 蹇承叔

何充 何士麟 何仲桂 何駒行 許彪孫 張文德 金文德

曹嶺 胡世全 唐全瑞 龐彥海 陳隆之 史良震 楊城夫

李丁孫 楊戩子 王翊 蒲東卯 劉當可 羅山

史季儉 趙崇啓 羅君文 李大全 趙晨 陳元桂 于興 顏應焱

胡天啓 周德榮 段元鑑 楊禮 陳元桂 于興 顏應焱

張順 張貴 范天順 牛富 王福 馮驥 馮驥

邊居誼 唐震 唐格 何新之 馮驥 馮驥 馮驥 馮驥

密佑 米立 呂文信 張興宗 丁補

卷五

汪立信 汪麟 姜才 洪福 洪大淵 洪大淵

趙淮 趙孟錦 宋應龍 褚正一 胡拱宸 耿世安

趙卯發 清溪生 尹玉 陳昭 姚普

王安節 李成大 潘大同 潘應奎 潘文孫

陶居仁 趙良淳 徐道隆 胡傳心 徐載孫 黃介

陳力 吳楚材 吳應登 趙希洎 趙時賞

蕭雷龍 鄒灝 劉子俊 劉沐 孫卓

彭震龍 蕭焄夫 蕭敬夫 陳繼周 張汴

宋季忠義錄目次 一四明叢書 約園刊本

鞏信 蕭明哲 杜澣 林琦 蕭資

陳年 陳年 劉士昭 王士敏 呂武

趙文義 趙武義

卷六

徐應鑣 高應松 趙孟彙 趙孟壘 潘方

鍾季玉 林空齋 林同 劉全子 李芾 于興 顏應焱

沈忠 尹穀 楊霆 馬墜 莫鈐轄 萬安僧

劉子薦 黃文政 鄧得遇 莫謙之 趙立

徐道明 趙與樸 方洪 司馬叢 趙立

卷七

曹琦 王仙 徐宗仁 劉鼎孫 謝枋得

趙與璜 王復 王倚 楊彭年 鄭衰

趙時踐 王汝翼 孟唐老 周真 張孝忠

張德輿 夏椅 章如旦 齊興隆 熊襄

鍾克俊 李長庚 李梓發 唐伯仁 黃賢

張南仲 李申巽 陽清叟 趙時侂 羅一理 羅起潛

徐子中 胡敬方 曾如驥 易相 謝徽明

韓光國 顏希孔 吳泳 李天勇 劉欽

朱季忠義錄 目次

二三四明叢書 約園刊本

鞠華叔 顏起巖 顏斯立 吳希夷 劉伯文 張雲

彭呂 胡文可 胡文靜 錢淵龍 錢翔龍 錢應龍

張瑛 張珩 趙孟潔 王貴行 鮑廉

趙孟濟 王彥明 施子仁 王在 黨仲昇

張鎧 陳億孫 韓明 侯興 陳龍復

黃俊 馬南寶 伍隆起 熊飛 曾逢龍

藍通判 巨必明 蔡蒙吉 馬發 張烈良

劉應龍 賀十二 周隆 高桂 趙樵 茅湘

劉定國 謝明 謝富 冉安國 夏師堯

卷八

羅開禮 鍾寅

胡應炎 王珏 張和孫 邵困 牟大昌

丁衡 徐副尉 高申甫 趙時栗 鄭憲

趙良坦 吳觀 何雲 朱光 余廷簡

張漢英 豐存芳 袁鏞 孫瑋 陳自中

唐元章 吳德洪 鄭采翁 吳世鳴 毛附鳳

魏亨中 陳壽孫 林逢龍 陳虞之 鮑叔廉

林融 梅寬夫 曹天驥 陳瓚 朱浚

朱季忠義錄 目次

四四明叢書 約園刊本

卓得慶 卓規 卓權 呂大圭 陳覺伯 朱牧

陳植 陳格 雷龍濟

附錄 張鎮孫 張珏

卷九

李復明 國安用 李仙 王海 李雄

王宣 李良 王鞏 王溫 楊大全

黃從龍 王烈 趙申 王雲 何震

武勝 馮有碩 王璣 魏壽 關貴

白傅才 倪政 許通 江德 何叔丁

楊仁舉 張忠 宇文景訥 田智潤 夏舉

呂達 鄭炳孫 周榮 馬端微 張斌

張世雄 沈彥雄 李孝信 鄭俊 李安國 輔周

張順 范勝 張林 孟興 高興 徐宗武

施擇善 李大會 張實 楊立 王佐

徐昕 趙廣 上官夔 楊壽孫 江彥清

王世昌 馮仲曄 翟國榮 王虎臣 王大用

張資 王達 劉成 胡夢麟 阮應得

謝元 王恩 袁恩 呂再興 孟紀 張敏

宋李忠義錄 目次 五 四明叢書 約園刊本

雷大震 楊義忠 貝寶 胡巖起 胡明

苗再成 魏福興 馮都統 王明 王忠訓 韓文廣

張遇春 張應科

卷十

家鉉翁 陳仲微 王應麟 黃震 何時

黃申 張山翁 陳子敬 徐臻 金應

杜本 孫轍 吳定翁 危復之 何中

蘇劉義 鄧光薦 趙必瑒 翟龕 王道夫

陳大震

卷十一

謝翺 唐珏 林德陽 吳思齊 方鳳

嚴侶 鄭思肖 孫嵩 許月卿 江凱

王炎午 張千載 呂徽之 林清

卷十二

熊禾 陳普 黃仲元 金履祥 衛富益

許謙 胡一桂 韓性 劉友益 汪炎利

俞金 王瑛

卷十三

宋李忠義錄 目次 六 四明叢書 約園刊本

張樞 史伯璿 陳樵 方逢辰 方逢振

何夢桂 魏新之 袁易 鄭時中 何逢原

夏希賢 孫潼發 汪斗建 徐夢魁 姚仁壽

邵桂子 何景福 王磁 錢選 于石

林干之 林石田 史蒙卿 皇甫明子 鮑輓

陳天瑞 楊珏 周潤祖 杜文甫 黃超然

黃宏 牟及 牟似旦 趙孟憫 陳壽

友鹿翁 張舜功 曹文炳 曹文晦 夏圭孫

朱雪 湯緒 金遵古 余容光 陳潤

陳 檀 潘希宗 林起潛 林起濱 蔡希點
巨應辰 劉莊孫 黃得象 鄭與叔 方岳
許嗣翁 森 陳宗儒 吳焱 許德著

卷十四

鄭樸翁 王英孫 趙孟堅 溫日觀 褚雪巖
朱清 汪懋卿 陳應麟 應本仁 吳大有
楊子祥 葉仲凱 石余亨 黃奇孫 潘音
徐天祐 許桌 劉揚祖 姚獬孫 陶椿卿
游汶 欽德載 章鑄 周密 金應桂

宋季忠義錄 目次

七 四明叢書 約園刊本

謝國光 常詵孫 陸正王 宏 薛魁祥
顧近仁 陶菊隱 徐俊 陳存 劉若濟
葉紹 季直方 杜濟之 吳謙 吳渭

汪元量

卷十五

龔開 孟文龍 俞琰 陳深 張慶之
宋無 張雯 陸震龍 梁棟 吳龍翰
胡次焱 滕堯 汪宗臣 程楚翁 王泰來
周之翰 元溥 金可文 沈性 王鵬

馬國珍 唐元 曹知白 陸厚 楊謙
孫稷 蔣捷 許恕 劉光 江萊甫

羅榮祖 趙彌忠 許宗堯 李偉 梅致和

魚潛 朱可與 王宗岳 范思敬 盧志賢

嵇登 殷澄 俞德璘 姚和中 陳公榮

留東 黃鎮成 王德裕 陳與桂 鄭鉞

余謙一 林璧卿 鄭君老 林天書 宋秉孫

李應龍 沈子真 巨葵 詹本 黃雍

鄭曾子 巨富國 劉志學 黃孫 趙若楸

宋季忠義錄 目次

八 四明叢書 約園刊本

劉應李 范師孔 毛直方 鄭儀孫 眞山民

趙必羣 趙必辭 趙若 釋德豐 陳敬叟

陳一發 弓敏中 趙東山 區適子 羅鑄夫

邵繼賢 蘇太初 張奐 梁義夫 陳汝達

唐文嚴

卷十六

宗必經 宗必應 丁中 吳仲軒 陳煥

程以臨 陰幼遇 胡幼黃 劉應鳳 周焱

康夢吉 曾子良 于應雷 李朋 趙嗣詔

王科 鄒次陳 黃丙炎 鄭松 王道翁
 陳祥甫 李進 李士華 周屋 程時登
 周樸 余苞舒 祝泌 李存 王希旦
 王億 吳謙 史可甦 余濟 劉辰翁
 周以道 周京 文應麟 龐季安 胡仲雲
 胡仲霖 胡希是 孫興禮 王奕 戴羽
 徐必茂 羅椅 趙文 張子惠 邵定
 熊與和 劉詵 龍仁夫 劉岳申 楊應登
 劉麟瑞 劉清叟 孫璉

宋季忠義錄 目次

九四明叢書 約園刊本

附錄

宋元通鑑

元史世祖本紀

續資治通鑑

元史世祖本紀

叛逆諸臣

宋季忠義錄卷一

四明萬斯同季野輯 男世標子建校

恭帝本紀 宋史作瀛國公傳今改正

恭帝名焘度宗皇帝子也母曰全皇后咸淳六年九月
 己丑生於臨安府之大內九年十一月授左衛上將軍
 封嘉國公十年七月癸未度宗崩奉遺詔即皇帝位于
 柩前年四歲謝太后臨朝稱詔甲申兄是保康軍節度
 使開府儀同三司進封吉王加食邑一千戶弟昺保寧
 軍節度使開府儀同三司進封信王加食邑一千戶命

宋季忠義錄 卷一

九四明叢書 約園刊本

平章賈似道依文彥博故事獨班起居丙戌上皇太后
 尊號曰壽和聖福太皇太后皇后曰皇太后又詔以生
 日為天瑞節戊子命臨安府振贍細民辛卯以朱禩孫
 為京湖四川宣撫使兼知江陵府壬寅詔撫三邊將士
 命州郡舉遺逸除浙西安撫司兩浙轉運使臨安府見
 追贖賞錢詔求言八月甲辰詔乞言於老臣江萬里葉
 夢鼎馬廷鸞留夢炎趙順孫王煥李庭芝築清河城以
 圖來上詔庭芝進一秩宣勞將士具名推賞加知鄂州
 李雷應守軍器監知太平州孟之縉尙書兵部員外郎

知江州錢真孫直寶章閣知鎮江軍洪起畏直敷文閣
 癸丑大霖雨天目山崩水涌流安吉臨安餘杭民溺死
 者亡算甲寅太皇太后以老不能御正衙命暫以慈元
 殿為後殿辛酉作度宗廟戊辰以全清夫為昭信軍節
 度使謝堂檢校少保謝晷保康軍節度使馬廷鸞乞骸
 骨歸田里詔趣之任九月丁丑資政殿大學士光祿大
 夫王燦乞致仕詔不允戊寅發米振餘杭臨安兩縣水
 災餘杭災甚再給米二千石己卯似道乞免答拜從之
 辛巳覆試文武舉士人壬午覆試文武舉士人癸未元

宋季忠義錄卷一

二 四明叢書
約園刊本

兵大會于襄陽丙戌丞相伯顏將一軍趣郢州元帥唆
 都將一軍入淮翟招討將一軍徇荆南丁亥元軍薄郢
 州戊子免被水州縣今年田租甲午初開經筵丁酉天
 瑞節免徵臨安府公私房賃錢十日以金符十三銀符
 百給夏貴激賞奇功己亥試正奏名進士賜王龍澤以
 下出身有差壬寅有星見西方委曲如蚓復州副將翟
 國榮遇元兵戰爛泥湖死之閩中旱冬十月丙午知達
 州趙章復洋州加右驍騎尉中郎將元兵破渠州禮義
 城知州張資自殺丁未饒州布衣董聲應進諸史纂約

兵鑑刑鑑詔聲應充史館編校文字癸丑上度宗諡廣
 西經略司權參議官邢友龍擊潮州漳州寇破之乙卯
 令州縣行義田義役丁巳友龍以下諸將各轉官有差
 元兵攻郢州都統制張世傑力戰禦之遂去由藤湖入
 漢戊午郢州副都統趙文義追戰全子湖死之恤其家
 庚申贈翟國榮復州團練使官其二子立廟復州壬戌
 以錢百萬給郢城屯戍將士甲子詔以明年為德祐元
 年乙丑以章鑑同知樞密院事兼權參知政事陳宜中
 簽書樞密院事兼權參知政事元兵徇沙洋城京湖宣

宋季忠義錄卷一

三 四明叢書
約園刊本

撫司遣總管王虎臣援之丙寅城破虎臣與守隘官王
 大用皆被執燬惑犯鎮星元兵至新城戊辰總制黃順
 出降己巳副總制任寧出降都統制邊居義力戰城破
 赴火死知復州翟貴以城降閩中地震一月癸酉以
 朱禩孫為京湖四川宣撫使丁丑命沿江制置使趙潛
 巡江策應賜錢百萬激賞戰功戊寅馬廷鸞力辭浙東
 安撫使知紹興府詔依舊觀文殿大學士提舉洞霄宮
 贈趙文義清遠軍節度使與其兄威武軍節度使文亮
 共立廟揚州賜名傳忠庚辰以陸秀夫為淮東安撫制

置司參議官壬午削諸班直溢額人癸未至乙酉覆試
特奏名士人丙戌以王煥為左丞相章鑑為右丞相並
兼樞密使似道自九月乞命左右丞相至是從之以張
晏然兼京湖四川宣撫司參議官己丑至庚寅覆試特
奏名士人壬辰至癸巳如上覆試甲午括邸第戚畹及
御前寺觀田令輸租丁酉加安南國王陳日昃寧遠功
臣其子威冕奉正功臣十二月癸卯朔命建康府太平
州池州振避兵淮民以隆寒榮賜京湖及沿江戍守將
士甲辰詔淮西四郡水旱去年屯田未輸之租其勿徵

宋季忠義錄 卷一

四 四明叢書
約園刊本

丁未提舉興國宮呂師夔請募兵江州詔知州錢真孫
同募尙書省以錢米給之癸丑元兵攻陽邏堡夏貴以
兵力守武定軍都統制王達戰死乙卯元兵夜以偏師
乘雪渡青山磯丙辰都統程鵬飛慶戰被重創歸鄂州
都統高邦憲屯馬家渡棄舟走被執元兵復攻夏貴于
陽邏堡都統制劉成以定海水軍戰死貴敗沿江縱兵
大掠歸廬州朱禎孫將兵至鄂州聞鄂兵敗夜奔江陵
府已未權知漢陽軍王儀以城降呂文煥以北兵攻鄂
州庚申程鵬飛及權守張晏然以城降幕僚張山翁不

屈諸將欲殺之丞相伯顏曰義士也釋之詔錢塘仁和
兩縣民年七十至九十以上者賜帛及酒米癸亥詔似
道都督諸路軍馬以步軍指揮使孫虎臣總統諸軍所
辟官屬皆先命後奏詔天下勤王甲子起李芾為湖南
提刑乙丑以高達為湖北制置使兼安撫知江陵府詔
邊費浩繁吾民重困貴戚釋道田連阡陌安居暇食有
司覈其租稅收之贈王達清遠軍承宣使庚午度宗梓
宮發引至浙江上俟潮漲絕江潮失期日晡不至程鵬
飛以北兵徇黃州知州陳奕遣人請降于壽昌軍李廷

宋季忠義錄 卷一

五 四明叢書
約園刊本

芝以兵勤王辛未命州郡節制駐戍經從兵
德祐元年春正月癸酉朔元兵入黃州甲戌陳奕遣人
下蘄州并招其子嚴于安東州丁丑知蘄州管景模遣
人請降于黃州戊寅詔浙東邸第出米減價糶民以呂
師夔權刑部尙書都督府參贊軍事任中流調遣乙酉
以陳宜中同知樞密院事兼參知政事呂師夔錢真孫
遣人請降于蘄州丙戌元兵徇江州知安東州陳嚴夜
遁邳州降知壽昌軍胡夢麟寓治于江州丁亥自殺戊
子知南康軍葉闓遣人請降于江州似道出師知德安

府來興國以城降夔路安撫張起嚴與其將弋德攻開州復取之己丑知安慶府范文虎遣人以酒饌如江州迎師乙未附度宗神主于新宮以孫虎臣為寧武軍節度使戊戌赦京畿罪池州都統張林遣人請降于江州元兵入安慶范文虎降通判夏椅仰藥死是月知達州鮮汝忠以城降二月癸卯似道以宋京為都督府計議官使元軍中甲辰以黃萬石為江南西路制置使加湖北制置副使高達檢校少保庚戌元兵入池州權守趙卯發自經死宋京如軍中請稱臣奉歲幣不得請而還

宋季忠義錄卷一 六四明叢書 約園刊本

辛亥贈劉成清遠軍承宣使乙卯五郡鎮撫呂文福遣所部淮兵入衛降詔褒之丙辰詔勞賈似道命都督府歲舉改官如史嵩之故事己未加張起嚴福州觀察使弋德以下各轉五官庚申虎臣與元兵戰于丁家州敗績奔魯港夏貴不戰而去似道虎臣以單舸奔揚州諸軍盡潰翁應龍以都督府印奔臨安壬戌元兵徇饒州知州唐震死之故相江萬里赴水死通判萬道同以城降沿江制置大使趙潛知鎮江府洪起畏知寧國府趙與可知隆興府吳益皆棄城遁知和州王喜以城降建

康都統翁福出迎元兵甲子元兵至臨江軍民盡去知軍鮑廉死之似道上書請遷都乙丑下公卿雜議王燾言已不能與大計遂去張世傑將兵入衛臨安道饒州復取之其將謝元王海李旺袁恩呂再興皆戰死江西提刑文天祥起兵勤王丙寅以天祥為江西安撫副使知贛州趣入衛詔募兵以謝堂為兩浙鎮撫使謝至保寧軍節度使全永堅謝屋並檢校少保戊辰徵兩浙福建諸郡廂禁兵之半入衛湖南提刑李芾以兵勤王知江陰軍鄭壻棄城遁知無為軍劉權知太平州孟之縉

宋季忠義錄卷一 七四明叢書 約園刊本

皆以城降己巳元兵攻嘉定九頂山都統侯興戰死以陳宜中知樞密院事兼參知政事曾淵子同知樞密院事兩浙安撫制置大使兼知臨安府文及翁簽書樞密院事倪普同簽書樞密院事召王爚為浙西江東宣撫招撫大使使居京師以備咨訪遣元國信使郝經等歸庚午加夏貴開府儀同三司令以所部兵入衛令長吏給經過兵民錢米一切勿征稅應編配拘鎖人除偽造關會彊劫盜放火者餘悉縱之放免浙西公田進米及諸處見監賊諸文武官在謫籍者並放自便與敘復改

正放參親民加張珏寧遠軍節度使皆萬壽保康軍節
度使張世傑和州防禦使令將兵入衛陳宜中乞誅似
道詔罷似道平章都督予祠趙與可除名令臨安府捕
案之招似道潰兵辛未右丞相章鑑遁三月壬申朔詔
復茶鹽市舶法似道諸不恤民之政次第除之以公田
給佃主令率其租戶為兵殿前指揮使韓震請遷都陳
宜中殺之震所部兵叛攻嘉會門射火箭至大內急發
兵捕之皆散走癸酉都統徐旺榮迎元兵入建康府鎮
江統制石祖忠請降于建康命浙西提刑司準備差遣

宋季忠義錄卷一

八四明叢書

約園刊本

劉經成吳江兩浙轉運司準備差遣羅林浙西安撫司
參議官張濤成獨松關山陰縣丞徐垓正將郁天與成
四安鎮起趙淮為大府寺丞成銀樹東壩湖北安撫司
計議官吳繼明攻通城縣復取之執縣令以歸遣使召
章鑑還朝甲戌以似道為醴泉觀使元兵至無錫縣知
縣阮應得出戰一軍皆沒應得赴水死詔發兵戍吳江
乙亥發兵戍獨松嶺銅嶺詔諭呂文煥陳奕范文虎使
通和議息兵以王燾為左丞相兼樞密使閩中地復大
震丙子下詔罪已以陳宜中為特進右丞相兼樞密使

罷章鑑官子祠侍御史陳過請竄賈似道併治其黨人
翁應龍等不俟報而去監察御史潘文卿季可乞從過
所請乃命捕應龍下臨安府獄罷廖瑩中王庭劉良貴
游汝朱浚陳伯大董樸貴洪起畏鎮江自效丁丑知滁
州王應龍以城降已卯杖翁應龍刺配陽軍命王燾陳
宜中並都督諸路軍馬加呂文福福州觀察使庚申贈
唐震華文閣待制削萬道同三官罷之壬午復吳潛向
士璧官知常州趙與鑒聞兵至遁常民錢嘗以城降甲
申元兵至西海州安撫丁順降乙酉知東海州施居文

宋季忠義錄卷一

九四明叢書

約園刊本

乞降于西海州知平江府潛說友通判胡玉林鏜以城
降加張世傑保康軍承宣使總都督府諸軍丙戌知廣
德軍令狐槩以城降徙浙西提點刑獄司于平江府張
世傑遣其將閻順李存進軍廣德謝洪永進軍平江李
山進軍常州丁亥張德以下各轉官有差謝元等贈十
官有星二闕於中天頃之一星隕已丑滁人執王應龍
歸於揚州殺之加呂文福保康軍承宣使趣入衛文福
至饒州殺使者入江州降元庚寅左司諫潘文卿右正
言季可同知樞密院曾淵子兩浙轉運副使許自浙東

安撫王霖龍相繼皆遁僉書樞密院文及翁同簽書樞密院倪普諷臺臣劾己章未上亟出關道知安東州孫嗣武以城降雨土辛卯命在京文武官並轉兩官其畔官而遁者令御史臺覺察以聞閩順戰安吉縣復取鳳平張濡部曲善元行人嚴忠範于獨松關執廉希賢至臨安重創死壬辰岳州安撫高世傑軍洞庭中元兵攻之世傑降癸巳攻岳州總制孟之紹以城降甲午詔褒諭張世傑閩順諸將各轉官有差乙未免安吉縣今年夏田租有戰沒者縣令丞恤之丙申順順攻廣德軍復

宋季忠義錄卷一 十四 四明叢書 約園刊本

取之以陳合同簽書樞密院事丁酉贈邊居義利州觀察使戊戌赦邊城降將罪能自拔而歸者錄之復一州者予知州復一縣者予知縣所部僚吏將卒及土豪立功者同賞罷章鑑祠官并奪宰輔恩數曾淵子削兩官奪執政恩數陳過陳堅徐卿孫各削兩官奪侍從恩數趙與鑿追兩官罷之遇赦永不收敘罷許自王霖龍令淮東制置司用標由庚子徙淮東總領所于江陰軍加吳繼明閩門宣贊舍人四月壬寅朔贈趙卯發華文閣待制貶陳過平江府雄江軍統制洪福率眾復鎮巢軍

甲辰贈江萬里太師諡文忠輟視朝二日乙巳元兵入廣德縣知縣王汝翼與寓居官趙時晦率義兵戰鬥山路分孟唐老與其二子皆死汝翼被執至建康死之王大用贈三官王虎臣贈兩官官其二子丙午元兵破沙市城都統孟紀死之監鎮司馬夢求自經死戊申京湖宣撫朱禎孫湖北制置副使高達以江陵降京湖北路相繼皆下張起巖提兵保飛山已酉命劉師勇戊平江府辛亥順順諸將各轉三官孟唐老贈三官王子以高斯得僉書樞密院事兼權參知政事總統張敏與元兵

宋季忠義錄卷一 十一 四明叢書 約園刊本

戰豐城死之癸丑贈五官官其一子阮應得贈十官乙卯以福王與芮為武康寧江軍節度使判紹興府丙辰王煥來令如文彥博故事自朝參起居外免拜以樞密副使召夏貴提兵入衛丁巳總制霍祖勝攻溧陽縣復取之戊午贈張資眉州防禦使侯興復州團練使乙未文及翁倪普並削一官奪執政恩數潛說友削三官奪侍從恩數庚申令狐概除名配鬱林州牢城籍其家知金壇縣李成大率義局官含山縣尉胡傳心陽春主簿潘大同濠梁主簿潘大誦進士潘文孫潘應奎攻金壇

縣取之鎮江統制侯巖縣尉趙嗣濱復助元兵來戰成大二子及大同等皆死執成大以歸壬戌元兵攻眞州知州苗再成宗子趙孟錦率兵大戰于老鶴嘴癸亥加知思州田謹賢知播州楊邦憲並復州團練使趣兵入衛有大星自心東北流入濁沒乙丑熒惑犯天江西提舉太平興國宮常楙請立濟王後丁卯加李庭芝參知政事戊辰詔宜興溧陽民兵助戰有功特免今年田租江陰民被兵其租亦勿收責庚午元兵至揚子橋揚州都撥發官雷大震出戰死是月常德鼎澧皆降五月辛

宋李忠義錄卷一

十二 四明叢書
約園刊本

未朔命宰執日赴朝堂治事旌德縣城守有功免其今年田租癸酉元兵至寧國縣知縣趙與糖出戰死甲戌淮安總制李宗榮知慶遠府仇子眞將兵來勤王乙亥加苗再成濠州團練使趙孟錦揚州都統司計議官以洪福知鎮巢軍丁丑詔趙潛統軍民船屯江陰劉師勇攻常州復取之執安撫戴之泰司戶趙必佖總管陸春戰死戊寅淮東兵馬鈐轄阮克己將兵來勤王加左驍騎中郎將己卯賜婺州處士何基謚文定王柏承事郎加張珪檢校少保四川制置副使知重慶府庚辰贈雷

大震保康軍節度使辛巳加劉師勇濠州團練使其將劉圭以下各轉官有差戊子贈潘大同等官餘有功人並轉兩官辛卯貶潛說友南安軍吳益汀州並籍其家罷李珪送婺州籍呂文煥孟之縉陳奕范文虎家甲午饒信州饑令民入粟補官罷市舶分司令通判任舶事淮東西官民各轉一官丙申詔張世傑張彥阮克己仇子眞四道出兵遣使告天地宗廟社稷諸陵宮觀己亥勞軍吳繼明復蒲圻通城崇陽三縣加帶行帶御器械權知鄂州令擇險爲寓治贈鮑廉直華文閣官其一子

宋李忠義錄卷一

十三 四明叢書
約園刊本

趙與糖直華文閣六月庚子朔日有食之旣晝晦如夜皆萬壽以嘉定及三龜九頂紫雲城降知敘州李演將兵援嘉定府遂解歸戰羊雅江兵敗被執辛丑太皇太后詔削尊號聖福字以應天戒復魏克愚官太學生蕭規唐棣並補承信郎知嘉興府余安裕坐聞兵求去貶書朝中語涉不道削一官送徽州徐卿孫削一官貶吉州命侍從官己上各舉才堪文武者五人餘廷臣各舉三人雖在謫籍亦聽舉之丙午王應麟言開慶之禍始於丁大全請凡大全之黨在謫籍者皆勿宥從之己酉

免廣德軍今年田租及諸郡縣未納綱解王應麟繳還
章鑑曾淵子錄黃言韓震為逆二人實庇之且淵子庇
翁應龍致有逸罰又嘗竊府庫金以遁庚戌命削鑑一
官放歸田里淵子再削一官徙吉州誅翁應龍籍其家
辛亥銓試甲寅留夢炎入朝王燦請相夢炎乞以經筵
備顧問陳宜中請相夢炎乞祠詔二相毋籍此求閒以
燦為平章軍國重事一月兩赴經筵五日一朝宜中左
丞相兼樞密使都督諸路兵夢炎右丞相兼樞密使都
督諸路兵乙卯詔求言知敘州郭漢傑以城降丙辰疏

宋季忠義錄 卷一

十四 四明叢書
約園刊本

決在京罪人免引見戊午知瀘州梅應春以城降己未
以李庭芝知樞密院事兼參知政事庚申知富順監王
宗義以城降王應麟復繳還曾淵子貶吉州錄黃癸亥
貶韶州丙寅吳繼明諸將各轉官有差丁卯朱禩孫除
名籍其家秋七月庚午朔江西制置黃萬石移治撫州
詔還隆興府辛未張世傑諸軍戰焦山下敗績甲戌徙
似道居婺州廖瑩中除名貶韶州王庭除名貶梅州徙
曾淵子雷州寧國吏楊義忠率義兵出戰死乙亥贈武
功大夫丁丑徙似道建寧府太白入東井庚申加知高

郵軍褚一正閭門宣贊舍人知懷遠軍金之才帶御器
械知安淮軍高福閭門祇候知泗州譚興閭門宣贊舍
人知濠州孫立右衛大將軍賞守邊功壬午太白晝見
詔饒州被兵全免今年田租路鈴劉用調兵入靖州知
州康玉劫之通判張起巖入殺玉復靖州癸未拘內司
局錢餉兵丙戌令權耀公田今年租每石以錢十貫給
佃主十貫給種戶其鎮江常州江陰被兵者勿糴庚寅
謫似道為高州團練使貶循州籍其家糴浙西邸第寺
觀田米十之三追復皮龍榮官監司郡守避事不即到

宋季忠義錄 卷一

十五 四明叢書
約園刊本

官者令御史臺覺察以聞辛卯王燦子熉京學生劉九
皋等伏闕上書言宜中擅權黨似道芘趙潛潛說友使
門客子弟交通關節其誤國將甚於似道宜中去遣使
四輩召之皆不至謝堂乞罷兩浙鎮撫司不從張世傑
乞濟師不報壬辰下劉九皋等臨安獄罷王燦為醴泉
觀使癸巳以夏貴知揚州朱煥知廬州甲午遣使召宜
中還朝乙未以陳文龍同僉書樞密院事兼權參知政
事通判婺州張鎮孫闖兵遁罷其官貶胡玉連州林鏗
韶州並除名沿江招討大使汪立信卒丙申削李珣兩

官貶潮州以開慶兵禍追罪史嵩之奪其諡戊戌遣使
召宜中還朝八月己亥朔總制毛獻忠將衢州兵入衛
辛丑疏決臨安府罪人壬寅右正言徐直方遁加夏貴
樞密副使兩淮宣撫大使李芾湖南鎮撫大使總制戴
虎破大南砦轉官有差元兵駐巴陵縣黃沙乙巳吳繼
明復平江縣戊申試太學上舍生己酉拘閻貴妃集慶
寺賈貴妃演福寺田還安邊所庚戌劉師勇攻呂城破
之癸丑復嘉定七司法丁巳遣使召宜中還朝加張世
傑神龍衛四廂都指揮使總都督府諸兵戊午加劉師

宋季忠義錄卷一

十六 四明叢書

約園刊本

勇和州防禦使熒惑犯南斗趙琪除大理少卿轉三官
加張起巖太府寺丞知靖州劉用以下立功人各轉官
有差王應麟封還錄黃言昔內外以寶玉獻似道淇兄
弟為甚己未遂罷之甲子以文天祥為浙西江東制置
使兼知平江府乙丑揚州文武官轉兩官加吳繼明湖
北招討使朱旺諸將各轉三官九月己巳陳宜中授觀
文殿大學士禮泉觀使兼侍讀左司諫陳景行請令講
官坐講陪宿直從之辛未加田謹賢福州觀察使楊邦
憲利州觀察使趣入衛己卯陳宜中乞任海防不允辛

已有事于明堂赦李成大被執不屈死壬午贈五官丙
戌命文天祥為都督府參贊官總三路兵會稽縣尉鄭
虎臣部送似道之貶所至漳州殺之元兵至泰州知州
孫虎臣自殺庚寅贈太尉免靖州今年田租辛卯徙李
珪梧州乙未劉良貴再削兩官貶信州張彥與大兵戰
敗被執以城降冬十月己亥加張世傑沿江招討使劉
師勇福州觀察使總統出戍兵壬寅宜中來癸卯玉牒
殿災丁未以夢炎為左丞相宜中為右丞相並兼樞密
使都督城臨安辛亥以張世傑為沿江制置副使兼知

宋季忠義錄卷一

十七 四明叢書

約園刊本

江陰軍兼浙西策應使丁巳太白會填星戊午領戶部
材用常楙中書舍人王應麟請立濟王後贈夏椅直祕
閣徵紹興府處士陸應月為史館編校文字壬戌元兵
發建康參政阿剌罕四萬戶總管奧魯赤將右軍出四
安鎮趣獨松關參政董文炳范文虎將左軍出江入江
陰軍丞相伯顏將中軍入常州熒惑犯壘壁陳癸亥張
全尹玉麻士龍援常州士龍戰虞橋死全奔五牧朱煥
至廬州貴不納煥歸復以為淮東制置副使陳合坐匿
廖瑩中家資奪執政恩數甲子尹玉戰五牧死之張全

不戰遁丙寅趣趙潛趙與可鄭端所募兵詔中外官有
習兵略者各以書來上是月李世脩以江陰降十一月
丁卯朔銅關將貝寶胡巖起攻溧水死贈寶武翼郎巖
起朝奉郎庚午以陳文龍同知樞密院事兼權參知政
事黃鏞同簽書樞密院命諸制司各舉才堪將帥者十
人不限偏裨士卒如不隸軍中者許投匱自薦辛未起
居舍人曾唯辭官不允去癸酉贈尹玉濠州團練使麻
士龍高州刺史免張全朱華臨陳退師罪丁丑詔被俘
將士能率眾來歸者以人數補官能立功者予節鉞諸

宋季忠義錄卷一

十八四明叢書

約園刊本

閩以下官以所招人多寡行賞戊寅元兵破廣德軍己
卯破四安鎮正將胡明等死之召文天祥入衛辛巳曾
唯削一官免太白犯房壬午元兵至隆興府黃萬石棄
撫州遁轉運判官劉槃以隆興降癸未元兵破興化縣
知縣胡拱辰自殺甲申中書舍人王應麟辭免兼給事
中不允元兵至常州招降不聽攻二日破之屠其城知
州姚訔通判陳昭都統王安節皆死劉師勇潰圍奔平
江乙酉改宜興縣為南興軍禮部侍郎陳景行辭官不
允去丙戌贈濟王太師尙書令進封鎮王諡昭肅令福

王與芮擇後奉祀賜田萬畝丁亥獨松關告急趣文天
祥入衛戊子調民兵出守餘杭錢塘己丑獨松關破馮
曠死之張濡遁鄰邑望風皆遁通判平江府鄭疇遁庚
寅通判王矩之都統制王邦傑遣人迎降于常州辛卯
元兵趣撫州都統密佑逆戰于壁邪兵敗死之癸巳以
張世傑為浙西制置副使兼知平江府甲午權禮部尙
書王應麟遁黃萬石提兵走建昌軍乙未左丞相夢炎
遁丙申遣使召夢炎還朝賜餘杭武康長興縣民錢并
免今年田租鄭疇降一官罷通判撫州施至道以城降

宋季忠義錄卷一

十九四明叢書

約園刊本

十二月丁酉朔詔許似道歸葬以其祖田贖還之戊戌
復趙與可為都督府參議官放李珣自便己亥贈王汝
翼朝奉郎庚子以吳堅僉書樞密院事黃鏞兼權參知
政事遣柳岳奉書詣元軍中稱盜殺廉尙書乞班師修
好癸卯以陳文龍為參知政事兼權知樞密院事賜謝
堂同進士出身同知樞密院事甲辰贈姚訔龍圖閣待
制其父希得贈太師陳昭直寶章閣馮曠集英殿修撰
嘉興府告急給封樁庫錢為兵備命趙與偃戌緡雲縣
復季可官令如龍泉縣募兵乙巳以陳景行為浙東安

撫副使成處州起方逢辰成淳安縣丙午追封呂文德和義郡王丁未出安邊封樁庫金付浙東諸郡為兵備元兵入平江府起吳君權為大府少卿提點臨平民兵遣使召夢炎應麟皆不至戊申張世傑入衛加檢校少保降詔獎諭王爚薨輟視朝一日乙酉括臨安府州縣馬庚戌柳岳還癸丑遣宗正少卿陸秀夫刑部尚書夏士林兵部侍郎呂師孟使軍前詔呂文煥趙孟桂通好己未方輿丁廣趙文禮兵皆敗歸庚申以柳岳為工部侍郎洪儒震為右正言使燕祈請元兵破大洪山知隨

州宋端履降權吏部尚書丁應奎左侍郎徐宗仁遁癸亥遣使召夢炎不至
 德祐二年春正月丁丑朔元兵自元年十月圍潭州湖南安撫兼知州李芾拒守三月大小戰數十合力盡將破芾闔門死郡人知衡州尹穀亦舉家自焚帥司參議楊廷及幕屬陳億孫顏應焱等皆從芾死守將吳繼明劉孝忠以城降寶慶降通判曾如驥死之陸秀夫等至元軍中求稱姪納幣不從稱姪孫不從戊辰還太皇太后命用臣禮己巳嘉興守劉漢傑以城降庚午同僉書

樞密院事黃鏞參知政事陳文龍遁以謝堂為兩浙鎮撫大使文天祥知臨安府金永堅浙東撫諭使辛未命吳堅為左丞相兼樞密使常林參知政事日午宣麻慈元殿文班止六人諸關兵盡潰遣監察御史劉昂奉表稱臣上元皇帝尊號曰仁明神武皇帝歲奉銀絹二十五萬乞存境土以奉蒸嘗癸酉左司諫陳孟虎監察御史孔應得遁癸亥犯木皇甲戌元兵至瑞州知州姚巖棄城去乙亥以賈餘慶知臨安府丙子命吉王昞信王昀出鎮丁丑以夏士林僉書樞密院事己卯加金永堅太尉參知政事常林遁三學生誓死不去特與放釋褐出身以楊亮節為福州觀察使提舉吉王府行事俞如珪為環衛官提舉信王府行事元兵入安吉州知州趙良淳自經死月暈東井庚辰僉書樞密院夏士林遁辛巳祀太乙宮癸未升封吉王昞為益王判福州福建安撫大使信王昀為廣王判泉州兼判南外宗正事以留夢炎為江東西湖南北宣撫大使甲申元兵至皋亭山遣監察御史楊應奎上傳國璽降以兩浙福建江東西湖南北二廣兩淮四川見存州郡悉上是夜丞相陳宜

中道張世傑蘇劉義劉師勇各以所部兵去乙酉以文
天祥爲右丞相兼樞密使都督丙戌命天祥同吳堅使
元軍賜家鉉翁進士出身僉書樞密院事賈餘慶同僉
書樞密院事知臨安府戊子知建德軍方回知婺州劉
怡知處州梁椅知台州楊必大皆降是月知臨江軍滕
巖瞻遁二月丁酉朔日中有黑子相盪如鵝卵辛丑率
百官拜表祥曦殿詔諭郡縣使降元使者入臨安府封
府庫收史館禮寺圖書及百司符印告敕罷官府及侍
衛軍王寅猶遣賈餘慶吳堅謝堂劉岳家鉉翁充祈請
使是日元軍軍錢塘江沙上潮三日不至三月丁丑入
朝五月丙申朝于上都降封開府儀同三司瀛國公是
月陳宜中等立昱于福州後二年四月昱殂于弼洲陸
秀夫等復立衛王昺

宋帝入元降封瀛國公後出居沙漠生一子時明宗
爲周王過其地乞爲曰子名妥權帖木耳久之寧宗
殂遂代其位卽順帝也詳見庚申君遺事

宋季忠義錄卷一

宋季忠義錄

卷一

三

四明叢書

約園刊本

宋季忠義錄卷二

四明萬斯同季野輯 男世標子建校

端宗末帝本紀

宋史作二王傳今改正

二帝者度宗庶子也長建國公昱母淑妃楊氏季永國
公昺母脩容俞氏度宗崩謝太后召賈似道等入宮議
所立眾以爲昱長當立似道主立嫡乃立熈而封昱爲
吉王昺信王德祐二年正月文天祥尹臨安請以二王
鎮閩廣不從始命二王出閣元兵迫臨安宗親復以請
乃徙封昱爲益王判福州福建安撫大使昺爲廣王判

宋季忠義錄

卷二

四明叢書

約園刊本

泉州兼判南外宗正以駙馬都尉楊鎮及楊亮節俞如
珪爲提舉元兵至皋亭山鎮等奉之走婺州元丞相伯
顏入臨安遣范文虎將兵趣婺召鎮以王還鎮得報卽
去曰我將就死於彼以緩追兵亮節等遂負王徒步匿
山中七日其將張全以兵數十人始追及之遂同走溫
州陸秀夫蘇劉義繼追及於道遣人召陳宜中于清澳
宜中來謁復召張世傑于定海世傑亦以所部兵來溫
之江心寺高宗南奔時嘗至是有御座在寺中眾相率
哭座下奉昱爲天下兵馬都元帥昺副之乃發兵餘吏

以秀王與舉爲福建察訪使兼安撫知西外宗正趙吉甫知南外宗正兼福建同提刑先入閩中撫吏民諭同姓太皇太后尋遣二宦者以兵八人召王于溫宜中等沈其兵江中遂入閩時汀建諸州方欲從黃萬石降聞是將至卽閉城卻使者萬石將劉俊宋彰周文英輩亦各來歸五月乙未朔宜中等乃立昱于福州以爲宋主改元景炎冊楊淑妃爲太后同聽政封信王昺爲衛王宜中爲左丞相兼都督李庭芝爲右丞相陳文龍劉黻爲參知政事張世傑爲樞密副使陸秀夫爲僉書樞密

宋季忠義錄卷二

四明叢書
約園刊本

院事命吳浚趙潛傅卓李珏翟國秀等分道出兵改福州爲福安府溫州爲瑞安府郊赦是日黎明有大聲出府中眾皆驚仆文天祥自鎮江亡歸庚辰以爲右丞相兼知樞密院事遣其將呂武入江淮招豪傑杜許如溫州募兵廣東經略使徐直諒遣梁雄飛請降于隆興帥府乃假雄飛招討使使徇廣州旣而直諒聞昱立命權通判李性道摧鋒軍將黃俊等拒雄飛于石門性道不戰俊戰敗奔廣州直諒棄城遁六月丙子雄飛入廣州諸降將皆授以官俊獨不受遂爲眾所殺吳浚聚兵于

廣昌取南豐宜黃寧都三縣翟國秀取秀山傅卓至衢信諸縣民多應之者命文天祥爲同都督七月丁酉進兵南劍州欲取江西是月吳浚兵敗於南豐翟國秀聞兵至遂引還傅卓兵敗詣江西元帥府降平章阿里海牙破嚴關馬堅退保靜江府八月漳州亂命陳文龍爲閩廣宣撫使以討之甲戌秀王與舉圍婺州丙子聞元兵至遂解歸以王積翁爲福建提刑招捕使知南劍州備禦上三郡黃恮爲同提刑招捕使知漳州備禦下三郡張世傑遣兵助吳浚與元帥李恆戰堯零兵敗奔寧

宋季忠義錄卷二

四明叢書
約園刊本

都興化石手軍亂九月復以陳文龍知興化軍東莞人熊飛爲黃世傑守潮惠二州趙潛至卽以兵應之攻雄飛于廣州王寅雄飛遁熊飛遂復韶州新會令曾逢龍亦帥兵至廣州李性道出迎謁飛與逢龍執而殺之衢州守將魏福興出戰福星橋死王子趙潛入廣州是月招討也的迷失會東省兵于福州元帥呂師夔張榮實將兵入梅嶺十月壬戌朔文天祥入汀州趙潛遣曾逢龍就熊飛禦元軍于南雄逢龍戰死熊飛奔韶州元軍圍韶州守將劉自立以城降飛率兵巷戰兵敗赴水死

十有一月參政阿刺罕董文炳將兵至處州李珪以城降甲辰秀王與畢逆戰于瑞安觀察使李世達死之與畢及其弟與慮子孟備監軍趙由瑒察訪使林溫被執皆死阿刺罕兵至建寧府執守臣趙崇鑑知邵武軍趙時賞知南劍州王積翁皆棄城去乙巳是入海癸丑元軍至福安州知州王剛中以城降是欲入泉州招撫蒲壽庚有異志初壽庚提舉泉州船司擅蕃舶利者三十年是舟至泉壽庚來謁請駐蹕張世傑不可或勸世傑留壽庚則凡海舶不令自隨世傑不從縱之歸繼而舟

宋季忠義錄卷二

四四明叢書
約園刊本

不足乃掠其舟并沒其貲壽庚乃怒殺諸宗室及士大夫與淮兵之在泉者是移潮州是月安福興化皆降英德守臣凌彌堅徐夢得等亦降十二月辛酉朔趙潛棄廣州遁乙丑制置方興亦遁吳浚退走入瑞金戊辰蒲壽庚及知泉州田眞子以城降知興化軍陳文龍嬰城不下乙酉通判曹澄孫以城降文龍被執不屈死是次甲子門至元十四年正月元軍破汀關癸巳知循州劉興降壬寅吳浚棄瑞金遁鎮撫孔遵入瑞金文天祥走漳州浚尋還汀州降戊申知潮州馬發及其通判戚繼

祖降癸丑復來歸丁巳權知梅州錢榮之以城降二月元軍至廣州縣人趙若岡以城降廣東諸郡皆降三月文天祥取梅州陳文龍從子瓚舉兵殺守將林華據興化軍四月文天祥取興國縣廣東制置使張鎮孫襲廣州取之梁雄飛等棄城走韶州五月張世傑將兵取潮州文天祥提兵自梅州出江西入會昌縣淮民張德興亦起兵殺大湖縣丞王德顛據司空山攻下黃州壽昌軍丁巳遇宣慰鄭鼎戰樊口鼎墜水死六月辛酉文天祥取粵都已卯入興國縣七月遣兵取吉贛諸縣圍贛

宋季忠義錄卷二

五四明叢書
約園刊本

州衡山人趙璠撫州人何時皆起兵應之乙巳張世傑圍泉州遣將高日新復邵武淮兵在福州者欲殺王積翁以應世傑皆爲積翁所戮江西宣慰李恆遣兵援贛州而自將兵入興國八月文天祥諸將兵皆敗乃引兵卽鄒瀨於永豐瀨兵亦潰已巳癸亥掩月天色赤壬申文天祥兵敗於興國已卯元軍破司空山張德興敗亡走甲申天祥至空坑兵盡潰遂挺身走循州諸將皆被執九月帥唆都援泉州戊申張世傑歸淺灣左丞塔出將兵入大庾嶺參政也的迷失將兵復取邵武入福州

十月甲辰峻都破興化軍陳瓚死之進攻潮州馬發拒之乃出攻惠州十月塔出圍廣州庚寅張鎮孫以城降元帥劉深以舟師攻昱於淺灣昱走秀山陳宜中入占城遂不反十二月丙子昱至井澳颶風壞舟幾溺死遂成疾旬餘諸兵士始稍稍來集死者十四五丁丑劉深追昱至七州洋執俞如珪以歸十五年正月元軍夷廣州城張世傑遣兵攻雷州不克已酉元軍克涪州執守將王明二月元軍破潮州馬發死之三月文天祥攻惠州廣州都統凌震轉運判官王道夫取廣州昱欲往居

宋季忠義錄卷二

六四明叢書

約園刊本

占城不果遂駐碭州遣兵取雷州曾淵子自雷州來以爲參知政事廣西宣諭使四月戊辰昱殂於碭州其臣號之曰端宗庚午眾又立衛王昺爲主以陸秀夫爲左丞相是月有黃龍見海中五月癸未朔改元祥興乙酉升碭州爲翔龍縣遣張應科王用取雷州應科三戰皆不利用因降六月丁巳應科再戰雷州遂死之知高州李象祖降己未昺徙居厓山升廣州爲翔龍府己巳有大星東南流墜海中小星千餘隨之聲如雷數刻乃己卯都元帥張弘範李恆征厓山七月趙與珞與謝明

謝富守瓊州阿里海牙遣馬成旺招之與珞率兵拒於白沙口十一月癸巳州民執與珞以降閏月庚戌王道夫棄廣州遁壬戌凌震遁癸亥元軍入廣州十二月壬午王道夫攻廣州兵敗被執凌震兵繼至亦敗文天祥走海豐壬寅被執于五坡嶺震兵又敗於芟塘元軍破南安縣守將李梓發死之十六年正月壬戌張弘範兵至厓山庚午李恆兵亦來會世傑以舟師碇海中碁結巨艦千餘艘中艦外舳貫以大索四周起樓棚如城堞居昺其中元軍攻之艦堅不動又以舟載茅沃以膏脂

宋季忠義錄卷二

七四明叢書

約園刊本

乘風縱火焚之艦皆塗泥縛長木以拒火舟火不能焚二月戊寅朔世傑部將陳寶降己卯都統張達以夜襲元軍營亡失甚眾癸未有黑氣出山西李恆乘早潮退攻其北世傑以淮兵殊死戰至午潮上張弘範攻其南南北受敵兵士皆疲不能戰俄有一舟檣旗仆諸舟之檣旗遂皆仆世傑知事去乃抽精兵入中軍諸軍潰翟國秀及團練使劉俊等解甲降元軍至中軍會暮且風雨昏霧四塞咫尺不相辨世傑乃與蘇劉義斷維以十餘舟奪港而去陸秀夫走衛王舟王舟大且諸舟環結

度不得出走乃負梟投海中後宮及諸臣多從死者七日浮尸出於海十餘萬人楊太后聞梟死撫膺大慟曰我忍死艱關至此者正為趙氏一塊肉爾今無望矣遂赴海死世傑葬之海濱已而世傑亦自溺死宋遂亡時徐棟曰颶風覆舟世傑與楊太妃俱溺死非赴海也當以陳仲微所記衛王本末為確

廣王本末

陳仲微

陳仲微咸淳為侍左郎官以言事切直罷乙亥除兵部侍郎修國史丙子從二王入廣目擊當時事逐日鈔錄崖山敗流落安南臨沒時有詩曰死為異國他鄉

宋季忠義錄 卷二

八四明叢書 約園刊本

鬼生是江南直諫臣安南國主以詩挽之曰痛哭江南老鉅卿春風挹淚為傷情無端天上編年月不管人閒有死生萬疊白雲遮故國一堆黃壤覆香名回天力量隨流水流水灘頭共不平壬午歲安南國使人覲因言仲微事得所著二王首末重加編次以廣其傳

德祐二年 丙子正月戊寅廣王益王航海

二月二王由海道趨溫州二王駐溫州之江心寺蘇劉義陸秀夫來會時陳宜中海船泊清澳門諸人往

見之共議興復張世傑自定海至同趨三山三月甲戌二王至福州宣太皇太后手詔廣王昺為天下兵馬都元帥益王昺為副元帥檄召天下諸路忠義同獎王室

景炎元年五月一日廣王登極於福州升福州為福安府改

威武軍為行都之門大都督府為垂拱殿便廳為延和殿 詔改元以德祐二年為景炎元年 遙上尊號太皇太后曰聖壽和福至仁太皇太后全太后曰仁安皇太后少帝曰孝恭懿聖皇帝進冊母淑妃為

宋季忠義錄 卷二

九四明叢書 約園刊本

皇太妃封弟益王昺為衛王妹壽和公主為晉國公主以九月二十八日為天熙節 陳宜中左丞相張世傑少保樞密副使陳文龍劉黻參知政事蘇劉義開府儀同三司殿前指揮使司馬王剛中知福安府事是日百官待漏門外門未啓有物哮吼聲朝士有驚仆者 黃萬石以北命諭福建歸附邵武降建劍守臣拒之督府遣兵復邵武萬石遁 壬戌文天祥至自行都除右丞相時國方草創陳宜中專制與張世傑議論不合遂不肯拜議出督

六月以趙潛為江西制置使進兵邵武謝枋得江東制置使進兵饒州呂師夔方與張德分道進兵浙東朱浚江西招諭使毛統由海道至淮約兵會合先是文天祥自通州歸具言太守楊思復欲得海船數百艘可以直趨勤王陳宜中不以為信乃遣毛統之通州而不以告天祥統至通州守問文丞相何以無書守怒統幾不免統出而通州降矣

七月文天祥開督府於南劍時林琦自杭來監丞鄒淵自衢來一時忠義之士莫不翕集 鄒淵江西詔

宋季忠義錄 卷二

十四明鏡書

約園刊本

諭副使 分上下三郡備守以王積翁為福建提刑招捕使知南劍州任責上三郡備守黃佺同提刑招捕知漳州任責下三郡備守

九月文天祥進兵汀州十月行十一月至而行都隨陷矣 十月元兵三道趨福州董右丞與魯赤忙古歹都督峻都元帥張弘範萬戶等兵出江西浙東阿罕元帥王世強招討舟師出福州元兵直至處州守臣李珪遁 十一月董右丞至瑞安府趙與樾李世逵等禦之敗績世逵遁趙與樾既退屯福安而城遂

降 奧魯赤軍至邵武朱浚趙時賞遁至建寧府執

趙崇磯張彭老至南劍州王績翁遁壽舖謹按城遂

釋降也十二月元董右丞軍至福安縣趙與樾拒戰敗績死之又攻溫州志趙與樾傳詳載死事事實

元兵逼行都陳宜中張世傑備海舟于岸乙巳奉景

炎帝益王楊淑妃等登舟戊申發舟入海是時正軍

十七萬民兵三十萬有奇內淮兵一萬由東港入海

與北舟相遇值天霧晦冥不辨舟得以進至泉州問

蒲壽庚索軍糧不及應副遂趨潮州至惠州之甲子

門駐焉 癸丑阿刺罕王世強舟師至福安府王績

宋季忠義錄 卷二

十四明鏡書

約園刊本

翁為內應王剛中以城降 朱浚仰藥死

文天祥將兵趨廣東入浙 十二月景炎帝至廣州

守臣薛應龍運使姚良臣迎入州治作行宮

張鎮孫除廣東經略使後死於難 元董右丞軍至

福安縣趙與樾拒戰敗績死之 己丑元兵攻興化

軍知軍陳文龍不降被執至泉州蒲壽庚降至漳州

知州黃佺通判楊丙以城降至惠州文璧降璧天祥

弟也 徐直諒遁 景炎帝趨於富場

景炎二年丁丑正月文天祥引兵趨漳州謀入衛道阻不通

二月元兵撤戍改福安府爲福州置宣撫司以潛說友王績翁爲副使李雄統領諸部軍後李雄作亂殺潛說友大兵皆去不留一騎 三月文天祥入梅州四月蘇劉義卒蘇京湖老將雖出呂氏乃心在王室永嘉推戴實建大功後世傑用事志鬱鬱不得展其人剛躁不可近然能服義終始不失大節以廣中癘氣傳染而死哀哉 五月文天祥兵出梅嶺吉贛兵皆來會六月大捷於粵都復興國縣於是駐屯遣兵攻贛州諸縣皆復唯城不下龍泉縣孫栗以邑歸

宋季忠義錄 卷二

十一 四明叢書 約園刊本

正遇害永新縣令彭震龍以邑歸正遇害架閣蕭明以贛縣義兵收復萬安縣被執死於洪督幹陳子敬招集義兵屯阜口據贛下流吉水永豐以次皆復前京尹吳浚以北兵說降天祥集將吏責以大義斬之淮西兵復黃州壽昌軍 六月文天祥兵至吉州戰於鍾步不利戰於永豐又不利戰於空坑大敗未幾攻贛之兵又敗行府孤立空坑之敗全軍陷沒天祥妻歐陽氏男佛生環生女柳娘環娘妾黃氏顏氏被執幕僚張汴等皆死江西招討趙時賞寺簿劉洙架

閣吳文福督幹林棟皆遇害天祥與長子道生客杜許以數騎免時處置安撫聚兵數萬在永豐境天祥引兵就之會其軍亦潰收散兵復出汀而南劍建寧邵武多有歸正者諸畚軍皆騷動尋爲元兵收復天祥兵出會昌趨循州是冬天祥兵屯南嶺是月元兵撤戍張世傑回潮州以圖興復 七月壬申張世傑圍泉州將淮軍及陳弔眼許夫人諸洞畚軍兵威稍振蒲壽庚城拒守興化陳瓚起家丁義民五百人應世傑八月謝洪永進攻泉州南門不克蒲壽庚陰賂畚軍攻城不力而求救於唆都王績翁亦遣人至都處趨兵 十一月丙申唆都兵至福州甲辰至興化守臣陳瓚不降城陷大軍屠城三時乃止血流有聲車裂瓚五門以徇至泉州張世傑解圍去至潮州守臣馬發堅守不下唆都棄而之惠州與西省呂師夔軍會合攻廣州城陷張鎮孫死之 元軍至坎仙澳與戰得利尋望南去止碇州碇州屬廣之東莞縣與州治相對但隔一水十二月景炎帝舟遷於謝女峽陳宜中振柁之占城

宋季忠義錄 卷二

十三 四明叢書 約園刊本

景炎三年 戊寅正月遣舟師防遏海道 己酉陵都自廣州

因再攻潮州馬發固守凡半月至二月癸亥城陷馬

發死之屠其城 二月元軍撤戍景炎帝由海道再

回廣 三月文天祥兵出惠州海豐縣駐麗江 四

月戊辰景炎帝崩於礪州

衛王本末

元祥興 戊寅四月庚午衛王卽位於礪州景炎帝既崩官

將欲散獨尙書陸秀夫不可曰諸君散去可也度宗

一子尙在將焉置此古人有一成一旅興者今百官

宋季忠義錄 卷二 十四 四明叢書 約園刊本

有司軍士亦且萬餘人若天道未絕趙祀此豈不可

爲國耶乃相與奉衛王卽位於樞前 改元祥興時

有黃龍升天 以陸秀夫爲丞相張世傑太傅文天

祥少保 六月祥興帝遷於厓山厓山在海中兩山

相對勢頗寬廣中有一港其口如門可以藏舟世傑

以爲形勝之地乃屯駐於此 造行宮六月入山伐

木造軍屋千間起行宮三十間內正殿以楊太妃故

立名慈元殿時官民兵除逃竄死亡外猶計二十萬

多於船上住坐資糧取辦廣右諸郡海外四州 拘

刷人匠蓋海院造船隻治兵器自六月至十月始罷

十月文天祥引兵至潮陽平羣盜人心翕然元兵

至厓山張萬戶舟師自海道入廣過厓山有龍橫海

不得前射之雲霧晝晦遂退攻潮陽 姚良臣爲右

丞相夏士林參知政事王德同知樞密院張德爲殿

前都點檢 十一月文天祥兵潰被執時元帥張弘

範以水陸兵奄至潮陽天祥引避山谷行且數日弘

範以輕騎直趨掩其不備天祥被執服腦子二兩昏

眩久之不死越七日至帥營天祥踴躍請劍曰此吾

宋季忠義錄 卷二 十五 四明叢書 約園刊本

死所也元帥必欲以禮見天祥曰吾不能跪吾嘗見

伯顏阿木長揖而已或曰奈何不拜天祥曰吾爲國

死何拜爾爲張知不能屈遂以平揖相見蓋歲除前

三日也明年正月二日張弘範脅天祥下海舟十日

至厓山弘範令天祥以書招世傑天祥曰我不能救

父母乃教人背父母得乎有死而已不能從也乃作

詩復命云人生自古誰無死留取聲名照汗青忠國

之心終始勿替弘範又謂天祥曰國亡矣政使殺身

爲忠誰復書之天祥曰商非不亡夷齊自不食周粟

人臣各盡其心何論書與不書弘範爲之改容乃驅之過北道經吉州痛憤不食八日不死乃復食十月至樞密院引問天祥酬對不屈繫獄再引問愈不屈留燕經年至至元壬午朝廷賜死猶南面而跪念念不忘君父張毅甫負公骨殖歸葬至之日母夫人之柩同日至自廣州人謂忠孝所感天祥年四十七而歿爲人豐下兩目炯然善談論有忠孝大節自起兵勤王以至舉亭引見議論不屈忠肝義膽出于至誠聞之莫不興起驅之北行京口得脫閒關萬死由海

宋季忠義錄 卷二

十六 四明叢書 約園刊本

道還國赤手起兵又經三年江西之役大事幾集英雄無用武之地卒以困敗或謂子明知其不可爲而爲之天祥以爲譬猶父母有疾證已難療豈可聽其自斃而不求醫投之匕劑猶望其可以更生是烏可以成敗論哉所居對文壁峯自號文山爲文章未常屬藁引筆滔滔不竭尤長於詩有指南吟嘯集行世妻歐陽氏亦守節而死徐時棟曰文丞相傳夫人歐陽氏于丞相被殺時收其屍此言夫人先死未知孰是天祥爲祭文曰忠臣不事二君烈女不更二夫天上地下唯汝與吾天祥弟璧知惠州奉母

夫人就養歸附後歷廣西宣慰使天祥歎曰兄爲國弟爲家各行其志云 丁未葬景炎帝於厓山

祥興二年已卯正月辛酉元兵攻厓山張世傑不守山門集

舟千餘作一字陣禦之而元兵入山門作長蛇陣對之厓山有船千餘艘內大船極多張弘範大小船五百而二百舟失道久而方至行朝依山作一陣幫縛不可復動於是不可以攻人而專受攻矣張弘範至厓山港外停舟喚世傑打話不從又令文天祥以書諭世傑天祥不從時陳宜中如占城乞師久不還張

宋季忠義錄 卷二

十七 四明叢書 約園刊本

弘範語厓山人曰汝陳丞相已去文丞相且爲我所執汝何戰爲約二月初六日大戰 二月癸未我師敗績元軍絕其薪水道厓山人食乾飲鹹者十餘日皆疲乏不能戰元軍乘潮而進兩軍大戰半日南軍大敗世傑乘霧雨昏冥擁楊太妃脫去 丞相陸秀夫抱宋衛王赴海死陸秀夫字君實文筆英妙自維揚幕入朝京師永嘉推戴有力及駐厓山凡朝廷事皆秀夫潤色紀綱之秀夫至此知無可奈何乃取舟中物悉沈之仗劍驅其妻子赴水妻挽舟不肯赴水

秀夫曰爾去怕我不來於是登御舟啓上曰國事至此陛下當爲國死太皇后辱已甚陛下不可以再辱抱宋衛王俱投水中御舟一白鷗奮擊躑躅哀鳴良久竟與一龍俱墜水中內翰劉鼎孫侍郎茅湘吏部趙樵等溺者數萬張世傑奉楊太妃以小舟奔四日遇大風舟將及岸矣舟人催舟師疾進世傑曰無以爲也爲我取辦香來香至仰天呼曰我所以爲趙氏者亦已至矣一君亡復立一君今又亡我奉皇太后走者庶幾彼兵退別求趙氏立之以存祀耳今若此

宋季忠義錄

卷二

十八四明叢書

約園刊本

天意果何如耶若天不欲我復存趙氏祀者則大風覆吾舟遂覆

宋得天下以仁而國勢常病於不振孝宗自謂我朝家法遠過漢唐惟用兵一事不及蘇洵論勢亦謂惠襲而威不振賞數加於無功敗軍之罰不加嚴弱勢浸淫其來非一日然渡江以來君無失德理宗朝四川殘害三面被兵淮甸騷攘雲南有警左支右吾猶能扶持四十二年之天下度宗嗣位一國之事權奸賈似道實專之度宗崩太皇太后與幼君不過建空

名於六服之上且如己未庚申渡江東南之危如一髮之引千鈞似道在鄂城下之盟許納歲幣而元師始歸似道乃欺理宗詭曰戰勝而歲幣又食前言及元遣使責償拘留真州不報又遣使荆湖而似道又留之漢陽之純口始則請盟終則背盟似道知之下知之獨朝廷不之知爾宋太祖嘗言宰相須用讀書人似道以寵妃之弟不學無術處非其據乏休休有容之量忌嫉之念橫於胸臆好諛惡直進佞退賢粉飾太平諱言邊事殺功臣以失士大夫之心行公

宋季忠義錄

卷二

十九四明叢書

約園刊本

田以斂江浙之怨主推排以騷動東南之民造士籍以鉗制東南之士庇敗將則將校之心離吝軍券則軍旅之心叛日積月累無非失人心之事人謀之不臧如此雖然國之興亡亦有天數與天理存焉爾邵子著皇極經世書推明皇帝王伯之數有元會運世之說謂冬復爲春世復爲元今元混一揭宋之土地而歸職方國號曰元年號曰元豈非世復爲元之數乎宋以周顯德七年受禪至十六傳而幼君名顯改元德祐令顯德二字彰著于命名改號之間人不之

覺豈非數之終於此乎前宋以丙午丁未而遭金禍
推論五行者謂宋以火德王故能水勝火其後丙午
丁未則上下兢兢以度厄運今以丙子丁丑歸元豈
非子者午之對丑者未之對而納音亦有水勝火之
義乎宋有天下圖讖久有過唐不及漢之說漢四百
一十一年唐二百八十六年宋自建隆庚申開基至
德祐乙亥凡三百一十六年豈非過唐不及漢之應
乎此天數之應如此宋太祖受周太后恭帝禪杜太
后將終召太祖曰汝自知所以得天下乎政由柴氏

宋季忠義錄 卷二

二十四明叢書
約圖刊本

使幼兒主天下羣心不附若周有長君汝安得至此
豈料三百年後似道貪權利於立幼卒至覆國是亦
其初取於孤臣寡婦之報也未待柴氏最厚事太后
如母撫幼君如子元待宋后幼君禮意猶篤是亦其
初待柴氏之報也國既為宋柴氏族屬並無誅戮崇
議之封終三百年如一日今元於趙氏族屬一無所
問亦其初不殺柴氏之報也太祖之入京城兵不血
刃市不易肆列國諸郡聞風而降今元兵鋒所至降
者不殺過江以來迎降恐後郡縣城邑市井依然是

亦其初不殺人之報也此天理之報者如此宋太祖
生於丁亥以庚申歲建國命曹彬平江南王師係甲
戌歲渡江以乙亥丙子而平江南丙子歲是為開寶
九年今元太祖聖武皇帝亦生丁亥以庚申歲即位
命帥伯顏平江南大軍亦係甲戌歲渡江以乙亥丙
子而平江南丙子歲是為至元十三年宋太祖得國
之時有讖云十一卜人小下月十五團圓十六缺至
幼君恰十六傳亦非偶然國之興亡係乎天數而亦
關於人才之盛衰太祖開基人才輩出列聖相承國

宋季忠義錄 卷二

二十四明叢書
約圖刊本

致平治自王呂擅權章蔡用事小人黃綠為奸或為
牙爪或為鷹犬或號傳法沙門或稱護法善神釀成
靖康之禍高宗中興儻無張韓劉岳之徒幾不可為
矣時有中興之臣而無中興之君惜哉度宗以來內
無賢相外無良將雖有忠良之臣交擯棄而不用東
手待斃可為長太息可為流涕者也然忠節之士何
代不有疾風知勁草板蕩識純臣語曰無求生以害
仁有殺身以成仁孟子曰舍生而取義信哉蓋死者
人之所難而得其死者猶難也主憂臣辱義在必死

夫食君之祿死君之難不以生死易其節此誠烈士
夫也嗚呼故臨難守節者常足以動敵國之敬歎蓋
忠義亦人心所固有也苻秦之攻晉也嘗歎曰周孟
威不屈於前丁彥遠潔已於後吉祖冲閉口而死何
晉氏之多忠金人攻宋見李若水死節歎曰南朝惟
李耶一人然靖康之難死節五十餘人忠魂義魄至
今耿耿斗牛閒史官直筆安能為斯人隱若李芾死
於潭天祥死於北庭芝死於兵唐震趙昂發死於郡
治江萬里徐應儵鄧得遇尹穀赴水死謝枋得不食

宋季忠義錄卷二

三三 四明叢書

約園刊本

死朱浚仰藥死其他如姜才孫虎臣邊居誼牛富范
天順張漢英趙文義王安節馬堅馬發陳瓚米立趙
孟錦司馬夢求其中儒臣死節尤表表在人耳目閒
歐陽修作五代史謂吾於死節之士得三人焉今數
人者史氏亦當以歐陽之筆表而出之庶可發潛德
之幽光云

按前小敘謂壬午歲安南國使人覲得仲微所著
二王本末今考壬午乃至元十九年其書必作於
是年之前而元之殺文丞相實在是年之十二月

仲微安能先知而詳載其事至謝疊山之死在二
十五年仲微之死在二十年此皆明載于史而論
中述死節諸臣并及疊山尤為可笑此必他人為
之懼犯時忌以仲微在海外故託其名爾今因二
帝事蹟不可多觀故備錄之壽鏞案宋得天下以
仁一段議論意在抑

宋揚元且稱元太祖聖武皇帝此豈
仲微口吻耶為元人託名毫無疑義

宋季忠義錄卷二

三三 四明叢書

約園刊本

宋季忠義錄卷二

宋季忠義錄卷三

四明萬斯同季野輯 男世標子建校

江萬里 江萬頃 趙崇棟 江錦

江萬里字子遠都昌人自其父燁始業儒大父璘鄉稱善人其鄰史知縣者夸其能杖譁健士璘俛首不答歸語燁曰史祖父故寒士今居官以杖士人自熹於我心有不釋然審爾史氏且不昌汝其戒之是夕燁妻陳夢貴人入其家曰以汝家長有善言故來已而有娠生萬里少神雋有鋒穎連舉于鄉入太學有文聲理宗在潛

宋季忠義錄 卷三

四明叢書 一 約園刊本

邸嘗書其姓名几研閒以舍選出身歷池州教授沿江制置司準備差遣兩浙安撫司幹辦公事召試館職累遷著作佐郎權尚書左郎官兼樞密院檢詳文字知吉州創白鷺洲書院兼提舉江西常平茶鹽召為屯田郎官未行遷直祕閣江西轉運判官兼權知隆興府創宗濂書院遷考功郎官命旋寢久之以駕部郎官召遷尚右兼侍講史嵩之罷相拜監察御史仍兼侍講未幾遷右正言殿中侍御史又遷侍御史未及拜萬里器望清峻論議風采傾動一時帝嘗注尤厚嘗句祠省母疾不

許屬弟萬頃奉母歸南康旋以母病聞萬里不俟報馳

歸至祁門得訃而議者謂萬里母死祕不奔喪反挾妾

媵自隨於是側目萬里者相與騰謗萬里無以自解坐

是閒廢者十有一年後陸德輿辨其非辜於帝前賈似

道宣撫兩浙辟參謀官及似道同知樞密院為京湖宣

撫大使以萬里帶行寶章閣待制為參謀官元兵圍鄂

似道以右丞相兼樞密使移軍漢陽萬里遷刑部侍郎

似道入相萬里兼國子祭酒侍讀入對遷權吏部尚書

又拜端明殿學士同簽書樞密院事兼太子賓客隨以

言者去官後以原職知建寧府兼權福建轉運使已而

加資政殿學士依舊職知福州兼福建安撫使度宗即

位召同知樞密院事兼權參知政事遷參知政事萬里

始雖俛仰容默為似道用然性峭直臨事不能無言似

道常惡其輕發故每入不能久在位似道以去要君帝

初即位呼為師相至涕泣拜留之萬里以身掖帝云自

古無此君臣禮陛下不可拜似道不可復言去似道不

知所為下殿舉笏謝萬里曰微公似道幾為千古罪人

然以此益忌之帝在講筵每問經史疑義及古人姓名

宋季忠義錄 卷三

四明叢書 一 約園刊本

似道不能對萬里常從旁代對時王夫人頗知書帝語夫人以爲笑似道聞之積慙怒謀逐之萬里四句祠不候報出關加資政殿大學士知慶元府兼沿海制置使不拜予祠後二年知太平州兼提領江淮茶鹽兼江東轉運使召拜參知政事進封南康郡公既至拜左丞相兼樞密使句祠加觀文殿大學士知福州辭依舊職提舉洞霄宮又授知潭州湖南安撫大使加特進尋予祠時咸淳九年萬里年七十有六矣明年元兵渡江萬里隱草野間爲遊騎所執大詬欲自戕既而脫歸先是萬

宋季忠義錄卷三

二二四明叢書

初園刊本

里聞襄樊失守鑿池芝山後圃扁其亭曰止水人莫諭其意及聞警執門人陳偉器手曰大勢不可支余雖不在位當與國爲存亡及饒州城破軍士執萬頃索金銀不得支解之萬里竟赴止水死左右及子錡相繼投沼中積尸如壘翼日萬里尸獨浮出水上從者草斂之萬里無子以蜀人王楠子爲後卽錡也事聞贈太傅益國公後加贈太師諡文忠萬頃歷守大郡爲提舉江西常平茶鹽官至正郎城破時郴州守趙崇榘寓城中亦死之史

文天祥

文天祥字宋瑞又字履善吉之吉水人也體貌豐偉美皙如玉秀眉而長目顧盼燁然自爲童子時見學宮所祠鄉先生歐陽修楊邦乂胡銓像皆諡忠卽欣然慕之曰沒不俎豆其間非夫也年二十舉進士對策集英殿時理宗在位久政理浸怠天祥以法天不息爲對其言萬餘不爲彙一揮而成帝親拔爲第一考官王應麟奏曰是卷古誼若龜鑑忠肝如鐵石臣敢爲得人賀尋丁父憂歸開慶初元兵伐宋宦官董宋臣說上遷都人莫

宋季忠義錄卷三

四四明叢書

初園刊本

敢議其非者天祥時入爲寧海軍節度判官上書乞斬宋臣以一人心不報卽自免歸後稍遷至刑部郎官宋臣復入爲都知天祥又上書極言其罪亦不報出守瑞州改江西提刑遷尙書左司郎官累爲臺臣論罷除軍器監兼權直學士院賈似道稱病乞致仕以要君有詔不允天祥當制語皆諷似道時內制相承皆呈彙天祥不呈彙似道不樂使臺臣張志立劾罷之天祥旣數斥援錢若水例致仕時年三十七咸淳九年起爲湖南提刑因見故相江萬里萬里素奇天祥志節語及國事愀

然曰吾老矣觀天時人事常有變吾閱人多矣世道之
責其在君乎君其勉之十年改知贛州德祐初江上報
急詔天下勤王天祥捧詔涕泣使陳繼周發郡中豪傑
并結溪峒蠻使方興召吉州兵諸豪傑皆應有眾萬人
事聞以江西提刑安撫使召入衛其友止之曰今元兵
三道鼓行破郊畿薄內地君以烏合萬餘赴之是何異
驅羣羊而搏猛虎天祥曰吾亦知其然也但國家養育
臣庶三百餘年一旦有急徵天下兵無一人一騎入關
者吾深恨於此故不自量力而以身殉之庶天下忠義

宋季忠義錄 卷三

五四明叢書
約園刊本

士將有聞風而起者義勝者謀立人眾者功濟如此則
社稷猶可保也天祥性豪華平生自奉甚厚聲伎滿前
至是痛自貶損盡以家貲爲軍費每與賓佐語及時事
輒流涕撫几言曰樂人之樂者憂人之憂食人之食者
死人之事八月天祥提兵至臨安除知平江府時以丞
相宜中未還朝不遣十月宜中至始遣之朝議方擢呂
師孟爲兵部尙書封呂文德和義郡王欲賴以求好師
孟益偃蹇自肆天祥陛辭上疏言朝廷姑息牽制之意
多奮發剛斷之義少乞斬師孟戮鼓以作將士之氣且

言宋懲五季之亂削藩鎮建郡邑一時雖足以矯尾大
之弊然國亦以寢弱故敵至一州則破一州至一縣則
破一縣中原陸沈痛悔何及今宜分天下爲四鎮建都
督統御於其中以廣西益湖南而建闢於長沙以廣東
益江西而建闢於隆興以福建益江東而建闢於番陽
以淮西益淮東而建闢於揚州責長沙取鄂隆興取蕪
黃番陽取江東揚州取兩淮使其地大力眾足以抗敵
約日齊奮有進無退日夜以圖之彼備多力分疲於奔
命而吾民之豪傑者又伺閒出其中如此則敵不難卻

宋季忠義錄 卷三

六四明叢書
約園刊本

也時議以天祥論闊遠書奏不報十月天祥入平江元
兵已發金陵入常州矣天祥遣其將朱華尹玉床士龍
與張全援常至虞橋士龍戰死朱華以廣軍戰五牧敗
績玉軍亦敗爭渡水挽全軍舟全軍斷其指皆溺死玉
以殘兵五百人夜戰比旦皆沒全不發一矢走歸元兵
破常州入獨松關宜中夢炎召天祥棄平江守餘杭明
年正月除知臨安府未幾宋降宜中世傑皆去乃除天
祥樞密使尋除右丞相兼樞密使使如軍中請和與元
丞相伯顏抗論皋亭山丞相怒拘之偕左丞相吳堅右

丞相賈餘慶知樞密院事謝堂簽書樞密院事家鉉翁
同簽書樞密院事劉呂北至鎮江天祥與其客杜濬十
二人夜亡入眞州苗再成出迎喜且泣曰兩淮兵足以
興復特二閩小隙不能合從耳天祥問計將安出再成
曰今先約淮西兵趨建康彼必悉力以扞吾西兵指揮
東諸將以通泰兵攻灣頭以高郵寶應淮安兵攻揚子
橋以揚兵攻瓜步吾可以舟師直擣鎮江同日大舉灣
頭揚子橋皆沿江脆兵且日夜望我師之至攻之卽下
合攻瓜步之三面吾自江中一面薄之雖有智者不能

宋季忠義錄 卷三

七

四明叢書
約園刊本

爲之謀矣瓜步旣舉以東兵入京口西兵入金陵要浙
歸路其大帥可坐致也天祥大稱善卽以書遣二制置
遣使四出約結天祥未至時揚有脫歸兵言密遣一丞
相入眞州說降矣庭芝信之以爲天祥來說降也使再
成亟殺之再成不忍給天祥出相城壘以制司文示之
閉之門外久之復遣二路分覬天祥果說降者卽殺之
二路分與天祥語見其忠義亦不忍殺以兵二十人道
之揚四鼓抵城下聞候門者談制置司下令捕文丞相
甚急眾相顧吐舌乃東入海道遇兵伏環堵得免然亦

飢莫能起從樵者乞得餘糲羹行入板橋兵又至眾走
伏叢篠中兵入索之執杜濬金應而去虞候張慶矢中
自身被二創天祥偶不見獲濬應解所懷金與卒獲免
募二樵者以糞荷天祥至高郵汎海至溫州聞益王未
立乃上表勸進以觀文殿學士侍讀召至福拜右丞相
尋與宣中等議不合七月乃以同都督出江西遂行收
兵入汀州十月遣參謀趙時賞諮議趙孟滌將一軍取
寧都參贊吳浚將一軍取雩都劉洙蕭明哲陳子敬皆
自江西起兵來會鄒鳳以招諭副使聚兵寧都元兵攻

宋季忠義錄 卷三

八

四明叢書
約園刊本

之鳳兵敗同起事者劉欽鞠華叔顏斯立顏起巖皆死
武岡教授羅開禮起兵復永豐縣已而兵敗被執死於
獄天祥聞開禮死製服哭之哀至元十四年正月元兵
入汀州天祥遂移漳州乞入衛時賞孟滌亦提兵歸獨
浚兵不至未幾浚降來說天祥天祥縛浚縊殺之四月
入梅州都統王福錢英跋扈斬以徇五月出江西入會
昌六月入興國縣七月遣參謀張汴監軍趙時賞趙孟
滌等盛兵薄贛城鄒鳳以贛諸縣兵擣永豐其副黎貴
達以吉諸縣兵攻泰和吉八縣復其半惟贛不下臨洪

諸郡皆送款潭趙璠張虎張唐熊桂劉斗元吳希夷陳子全王夢應起兵邵永間復數縣撫州何時等皆起兵應天祥分寧武寧建昌三縣豪傑皆遣人如軍中受約束江西宣慰使李恆遣兵援贛州而自將兵攻天祥於興國天祥不意恆兵猝至乃引兵走即鄒鳳於永豐鳳兵先潰恆窮追天祥方石嶺鞏信拒戰箭被體死之至空坑軍士皆潰天祥妻妾子女皆見執時賞坐肩輿後兵問謂誰時賞曰我姓文眾以為天祥禽之而歸天祥以此得逸去孫卓彭震龍張汴死於兵繆朝宗自縊死

宋季忠義錄 卷三

九四明叢書 約園刊本

吳之炳林棟劉洙皆被執歸隆興時賞奮罵不屈有係累至者輒磨去云小小簽廳官耳執此何為由是脫者甚眾臨刑洙頗自辯時賞叱曰死耳何必然於是棟文炳蕭敬夫蕭燾夫皆不免天祥收殘兵奔循州駐南嶺黎貫達濟謀降執而殺之至元十五年三月進屯麗江浦六月入船澳益王昺衛王繼立天祥上表自劾乞入朝不許八月加天祥少保信國公軍中疫且起兵士死者數百人天祥惟一子與其母皆死十一月進攻潮陽縣潮州盜陳懿劉興數叛附為潮人害天祥攻走懿執

興誅之十二月趨南嶺鄒鳳劉子俊又自江西起兵來再攻懿黨懿乃潛遁元帥張弘範兵濟潮陽天祥方飯五坡嶺張弘範兵突至眾不及戰皆頓首伏草莽天祥倉皇出走千戶王惟義前執之天祥吞腦子不死鄒鳳自剄眾扶入南嶺死官屬士卒得脫空坑者至是劉子敬陳龍復蕭明哲蕭資皆死杜滸被執以憂死惟趙孟滌遁張唐熊桂吳希夷陳子全兵敗被獲俱死焉唐廣漢張栻後也天祥至潮陽見弘範左右命之拜不拜弘範遂以客禮見之與俱入厓山使為書招張世傑天祥

宋季忠義錄 卷三

十四四明叢書 約園刊本

曰吾不能扞父母乃教人叛父母可乎索之固乃書所過零丁洋詩與之其末有云人生自古誰無死留取丹心照汗青弘範笑而置之厓山破軍中置酒大會弘範曰國亡丞相忠孝盡矣能改心以事宋者事皇上將不失為宰相也天祥泫然出涕曰國亡不能救為人臣者死有餘罪況敢逃其死而二其心乎弘範義之遣使護送天祥至京師天祥在道不食八日不死即復食至燕館人供張甚盛天祥不寢處坐達旦遂移兵馬司設卒以守之時世祖多求才南官王積翁言南人無如天祥

者遂遺積翁諭旨天祥曰國亡吾分一死矣儻緣寬假
得以黃冠歸故鄉他日以方外備顧問可也若遽官之
非直亡國之大夫不可與圖存舉其平生而盡棄之將
焉用我積翁欲合宋官謝昌元等十人請釋天祥爲道
士留夢炎不可曰天祥出復號召江南置吾十人於何
地事遂已天祥在燕凡三年上知天祥終不屈也與宰
相議釋之有以天祥起兵江西事爲言者不果釋至元
十九年有閩僧言土星犯帝坐疑有變未幾中山有狂
人自稱宋主有兵千人欲取文丞相京城亦有匿名書

宋季忠義錄卷三

十二四明叢書
約圖刊本

言某日燒城葦率兩翼兵爲亂丞相可無憂者時盜新
殺左丞相阿合馬命撤城葦遷瀛國公及宋宗室開平
疑丞相者天祥也召入諭之曰汝何願天祥對曰天祥
受宋恩爲宰相安事二姓願賜之一死足矣然猶不忍
遽麾之退言者力贊從天祥之請從之俄有詔使止之
天祥死矣天祥臨刑殊從容謂吏卒曰吾事畢矣南鄉
拜而死數日其妻歐陽氏收其屍面如生年四十七其
衣帶中有贊曰孔曰成仁孟曰取義惟其義盡所以仁
至讀聖賢書所學何事而今而後庶幾無媿

龔開文丞相傳文宋瑞諱天祥吉州富田人初生祖父
夢宋瑞身騰紫雲而上名曰雲孫長而字曰天祥寶祐
乙卯歲大比以字爲名應舉得薦改字履善明年禮部
奏名廷對策有司次其第五奏讀擢居第一父留旅舍
感疾及見宋瑞成名而逝護喪歸廬陵服除檢會授承
事郎簽書海寧軍節度判官廳公事宋瑞入京行進士
門生謝禮將之任會鄂渚交兵吳丞相潛再相入內都
知事董宋臣主遷幸中外洵洵宋瑞上書乞斬宋臣以
安人心及團結抽兵破資格用人數事不報還里景定

宋季忠義錄卷三

十二四明叢書
約圖刊本

庚申除鎮南軍節判主管仙都觀歷祕書省正字著作
佐郎爲郎試郡知瑞州再除禮部郎官提點江西刑獄
公事改守宣城麾節中外踐更不常及往來周行人猶
以清要望之其權直也賈似道託疾歸越乞休致而實
有要君之心宋瑞草不允詔裁以正義是時王言多先
呈稿於權臣而後行宋瑞逕行且無所避忌似道怒使
臺臣論奪職除湖南運判俄以提刑知贛州甲戌冬十
有二月北軍渡江乙亥改元德祐壽和聖福太皇太后
垂簾與幼君同聽政詔諸道入衛宋瑞除右文殿修撰

樞密都承旨江南安撫副使知贛州尋兼江西提刑進
集英殿修撰江西安撫使夏四月領兵東下權兵部侍
郎仍舊職丁祖母憂改官承重既葬起復總兵起發吉
州中途進權刑部尚書領舊職八月至闕駐兵西湖除
浙西江東制置使兼江西安撫大使知平江府進端明
殿學士領舊職出兵援常州敗績獨松關危急趣師入
衛進資政殿學士浙西江東制置大使守獨松關丙子
正月十八日伯顏丞相駐軍皋亭山是夕丞相陳宜中
遁去十九日除朱瑞樞密使午除右丞相兼樞密使都

宋季忠義錄卷三

十三 四明叢書
約園刊本

督諸路軍馬已而解兵權詣北軍請解二十日以資政
舊職詣北軍留營中明日宰臣吳堅賈餘慶率廷紳以
國降勤王兵盡放散二月八日北軍遣朱瑞偕祈請使
俱北二十日至鎮江三十日宋瑞夜同其客杜滸及廝
役共十一人以舟西走儀真三月一日入儀真城後三
日郡守苗再興以閩府令命給朱瑞出門以輕兵護出
境聽所之經維揚不見納從者四人亡去矣趨高沙道
遇哨馬殺一人縛一人去宋瑞與同行伏廢牆得免歷
七水寨由泰至通州所歷諸郡以閩府命皆不見內遵

海而南至溫州謁景炎新主授通議大夫拜右丞相兼
樞密使都督諸路軍馬辭改樞密使同都督駐軍南劍
州入汀州移漳州龍巖縣至福州進銀青光祿大夫領
舊職仍經略江西五月入贛州會昌縣六月戰零都乘
勢遣兵攻贛吉斬汀州偽天子黃從臨洪袁瑞豪傑並
起應之興國黃州新復號令通江淮已而吉贛兵敗移
軍惠州至厓山朝行在所封信國公職仍舊封母齊魏
國太夫人其九月丁母憂起復十一月屯潮陽移屯海
豐二十日北兵追及所將兵潰被執已卯三月張元帥

宋季忠義錄卷三

十四 四明叢書
約園刊本

遣都鎮府石嵩管押宋瑞北去至會同館赴樞密院見
博羅丞相張平章及諸院官博羅丞相令譚者問德祐
爾君何為棄德祐別立景炎豈得為忠宋瑞曰德祐既
失國二王在南中立以存宗廟社稷豈不為忠從懷愍
者非忠從元帝者為忠從徽欽者非忠從高宗者為忠
眾皆笑忽一人曰晉元帝高宗皆有來歷二王何所受
命立不正豈非篡位宋瑞曰景炎乃度宗長子德祐之
兄如何不正踐位在德祐既去天位如何是篡陳丞相
奉二王出宮共稟太皇太后之命如何是無所受命博

羅丞相曰若將三宮走亦是忠臣不走出城與伯顏一戰決勝負亦是忠臣宋瑞曰此說當責之陳丞相他人何預博羅又曰既知做不得如何又做宋瑞曰譬如父病在膏肓明知不可為豈有不進藥之理不可則天也今日文天祥至此有死而已何用多言歲在壬午乃至元十九年也於是祥興亡且三年矣宋瑞囚中作贊并序曰吾身居將相不能救社稷安天下軍敗國亡辱為俘囚其當死久矣被執以來欲引而無間今天與之機謹南鄉再拜以死其贊曰孔曰成仁孟曰取義惟其義

宋季忠義錄 卷三

十五 四朝叢書 約園刊本

蓋所以仁至讀聖賢書所學何事而今而後庶幾無媿宋丞相文天祥絕筆龔開曰僕見青原鄧木之藏文公手書紀年皆小草首尾備具因求得贍本取其始末為傳與趙陸二傳並存而有感於古之立國者權臣握重兵在外必有重臣居中以制之若國之危殆則權臣與重臣合而為一正須聲援相應此又一時不可同日而語宋將亡兩淮重鎮居西者無議焉而東鎮又在遠地文公自江右提烏合之眾入衛遇戰則北及獨松失守一身在朝擁將相虛位而過解兵印駕單車稱使者不

辭徒曰抒君之急云耳使事有人未聞都督軍馬為之而受執者也五代時李嗣源告莊宗曰王彥章敗段凝未知縱知救兵必渡黎陽數萬眾須舟楫豈能一日而濟此去汴不數百里信宿可到汴既入段兵何施蓋是時梁朝虛內重兵盡在外故唐兵肆行無忌嗣源以千騎先鋒至封丘門扣關而入梁君臣束手相顧而已烏乎似者尙可取監況身親之以此知兵力與天時人事未始不相倚為用也

陶宗儀草
非私乘

李庭芝

宋季忠義錄 卷三

十六 四朝叢書 約園刊本

李庭芝字祥甫其先汴人十二世同居號義門李氏後徙隨之應山縣金亡襄漢被兵又徙隨然特以武顯庭芝生時有芝產屋棟鄉人聚觀以為生男祥也遂以名之少穎異日能誦數千言而智識恆出長老之上王旻守隨庭芝年十八告其諸父曰王公貪而不恤下下多怨之隨必亂請徙家德安以避諸父勉強從之未浹旬旻果為部曲挾之以叛隨民死者甚眾嘉熙末江防甚急庭芝得鄉舉不行以策干荆帥孟珙請自效珙善相人且夜夢車騎稱李尙書謁己明日庭芝至珙見其魁

偉願請子曰吾相人多無如李生者其名位當過我時
四川有警即以庭芝權施之建始縣庭芝至訓農治兵
選壯士雜官軍教之期年民皆知戰守善馳逐無事則
植戈而耕兵至則悉出而戰夔帥下其法於所部行之
淳祐初始去舉進士中第辟琪幕中主管機宜文字琪
卒遺表舉賈似道自代而薦庭芝於似道庭芝感琪知
已扶其柩葬之興國即棄官歸為琪行三年喪似道鎮
京湖起為制置司參議移鎮兩淮與似道議柵清河五
河口增淮南烽百二十繼知濠州復城荆山以備淮南

宋季忠義錄 卷三

十七

四明叢書
約園刊本

皆切中機會開慶元年似道宣撫京湖留庭芝權揚州
尋以元兵在蜀奏知峽州以防蜀江口朝廷以趙與憲
為淮南制置李應庚為參議官應庚發兩路兵城南城
大暑中暈死萬餘李壇窺其無謀奪連水三城渡淮奪
南城鄂兵解庭芝丁母憂去朝議擇守揚者帝曰無如
李庭芝乃奪情主管兩淮制置司事庭芝再破壇兵殺
壇將厲元帥夷南城而歸明年復敗壇於喬村破東海
石圍等城又明年壇降徙三城民於通泰之間又破斬
縣殺守將庭芝初至揚時揚新遭火廬舍盡燬州賴鹽

為利而亭戶多亡去公私蕭然庭芝悉貸貧民逋假錢
使為屋屋成又免其假錢凡一歲官民居皆具鑿河四
十里入金沙餘廢場以省車運兼浚他運河放亭戶負
鹽二百餘萬亭民無車運之勞又得免所負逃者皆來
歸鹽利大興始平山堂瞰揚城元兵至則構望樓其上
張車弩以射城中庭芝乃築大城包之城中募汴南流
民二萬人以實之有詔命為武銳軍又大修學為詩書
俎豆與士行習射禮郡中有水旱即命發廩不足則以
私財振之揚民德之如父母劉槃自淮南入朝帝問淮

宋季忠義錄 卷三

十八

四明叢書
約園刊本

事槃對曰李庭芝老成謹重軍民安之今邊塵不驚百
度具舉皆陛下委任得人之效也咸淳五年北兵圍襄
陽急夏貴入援大敗虎尾洲范文虎總諸兵再入又敗
文虎以輕舸遁兵亂士卒溺漢水死者甚眾冬命庭芝
以京湖制置大使督師援襄陽文虎聞庭芝至貽書似
道曰吾將兵數萬入襄陽一戰可乎但無使聽命於京
闕事成則功歸恩相矣似道喜即除文虎福州觀察使
其兵從中制之文虎日攜美妾走馬擊毬軍中為樂庭
芝屢欲進兵曰吾取旨未至也明年六月漢水溢文虎

不得已始一出師未至鹿門中道遁去庭芝數自劾請
代不允竟失襄陽陳宜中請誅文虎似道庇之止降一
官知安慶府而貶庭芝及部將蘇劉義范友信廣南庭
芝罷居京口未幾元兵圍揚州制置印應雷暴死即起
庭芝制置兩淮庭芝請分淮西夏貴而已得專力淮東
從之十年築清河口詔以爲清河軍十二月元兵破鄂
詔天下勤王庭芝首遣兵爲諸道倡德祐元年春似道
兵潰蕪湖沿江諸郡或降或遁無一人能守者庭芝率
所部郡縣城守有李虎者持招降榜入揚州庭芝誅虎

宋季忠義錄 卷三

十九 四明叢書

約園刊本

焚其榜總制張俊出戰持孟之縉書來招降庭芝焚書
梟俊五人於市而日調苗再成戰其南許文德戰其北
姜才施忠戰其中時出金帛牛酒燕犒將士人人爲之
死鬪朝廷亦以督府金勞之加庭芝參知政事七月以
知樞密院事徵入朝徙夏貴知揚州貴不至事遂已十
月元丞相伯顏入臨安留元帥阿朮軍鎮江以遏淮兵
阿朮攻揚久不拔乃築長圍困之冬城中食盡死者滿
道明年二月飢益甚赴濠水死者日數百道有死者眾
爭割啖之立盡宋亡謝太后及瀛國公爲詔諭之降庭

芝登城曰奉詔守城未聞有詔諭降也已而兩宮入朝
至瓜洲復詔庭芝曰比詔卿納款日久未報豈未悉吾
意向欲固圍耶今吾與嗣君旣已臣伏卿尙爲誰守庭
芝不答命發弩射使者斃一人餘皆退去姜才出兵奪
兩宮不克復閉城守三月夏貴以淮西降阿朮驅降兵
至城下以示之旌旗蔽日幕客有以言覬庭芝者庭芝
曰吾惟一死而已阿朮使者持詔來招降庭芝開壁納
使者斬之焚詔障上已而知淮安州許文德知盱眙軍
張思聰知泗州劉興祖皆以糧盡降庭芝猶括民間粟
以給兵粟盡令官人出粟粟又盡令將校出粟雜牛皮
麩糲以給之兵有烹子而食者猶日出苦戰七月阿朮
請赦庭芝焚詔之罪使之降有詔從之庭芝亦不納是
月益王遣使以少保左丞相召庭芝庭芝以朱煥守場
與姜才將兵七千人東入海至泰州阿朮將兵追圍之
朱煥旣以城降驅庭芝將士妻子至泰州城下裨將孫
貴胡惟孝等開門降庭芝聞變赴蓮池水淺不得死被
執至揚州朱煥請曰揚自用兵以來積骸滿野皆庭芝
與才所爲不殺之何俟於是斬之死之日揚之民皆泣

宋季忠義錄 卷三

二十 四明叢書

約園刊本

下有宋應龍者為秦州諮議官秦守孫良臣之弟舜臣
自軍中來說降良臣召應龍與計應龍極陳國家恩澤
君臣大義請殺舜臣以戒持二心者良臣不得已殺之
及秦州降應龍夫婦自經死提刑司諮議褚一正置司
高郵督戰被創沒水死知興化縣胡拱辰城破亦死宋史

張世傑 劉師勇

張世傑范陽人少從張柔成杞有罪遂奔宋隸淮兵中
無所知名阮思聰見而奇之言之呂文德文德召為小
校累功至黃州武定諸軍都統制攻安東州戰疾力與

宋季忠義錄 卷三

二十一

四明叢書
約園刊本

高達援鄂州有功轉十官尋從賈似道入黃州戰賴草
坪奪還所俘加環衛官歷知高郵軍安東州咸淳四年
元兵築鹿門堡呂文德請益兵於朝調世傑與夏貴赴
之及呂文煥以襄陽降命世傑將五千人守鄂州世傑
以鐵鉅鎖兩城夾以礮弩其要津皆施杙設攻具元軍
破新城長驅而下世傑力戰不得前遣人招之不聽丞
相伯顏攻嚴山隘潛舟自唐港盪舟入漢東攻鄂鄂降
世傑提所部兵入衛道復饒州乃入朝時方危急徵諸
將勤王多不至獨世傑來上下歎異自利州防禦使不

數月累加至保康軍承宣使總都督府兵遣將四出取
浙西諸郡復平江安吉廣德溧陽諸城兵勢頗振七月
與劉師勇諸將大出師焦山令以十舟為方碇江中非
有號令毋發碇示以必死元帥阿朮載穀士以火矢攻
之世傑兵亂無敢發碇赴江死者萬餘人大敗奔圖山
上疏請濟師不報尋擢龍神衛四廂都指揮使十月進
沿江招討使改制置副使兼知江陰軍已而元軍至獨
松關召文天祥入衛以世傑為保康軍節度使知平江
尋亦召入衛加檢校少保二年正月元軍迫臨安世傑

宋季忠義錄 卷三

三十一

四明叢書
約園刊本

請移三宮入海而與天祥合兵背城一戰丞相陳宜中
方遣人請和不可白太皇太后止之未幾和議亦沮兵
至皋亭山世傑乃提兵入定海石國英遣都統卞彪說
之使降世傑以為彪來從己俱南也椎牛享之酒半彪
從容為言世傑大怒斷其舌磔之巾子山四月從二王
入福州五月與宜中奉昱為主拜簽書樞密院事王世
強導元軍破之世傑乃奉益王入海而自將陳弔眼許
夫人諸翼兵攻蒲壽庚不下十月元帥唆都將兵來援
眾遂解去既而唆都遣人招益王又遣經歷孫安甫說

世傑世傑拘安甫軍中不遣招討劉深攻淺灣世傑兵
敗移王居井澳深復來攻井澳世傑戰卻之因徙礪州
至元十四年正月遣將王用攻雷州用敗績四月益王
殂衛王昺立拜世傑少傅樞密副使五月遣瓊州安撫
張應科攻雷州三戰皆不利六月再決戰雷城下應科
死之世傑以礪州不可居徙王新會之厓山八月封越
國公發瓊州粟以給軍十月遣凌震王道夫襲廣州震
敗績明年元帥張弘範等兵至厓山或謂世傑曰北兵
以舟師塞海口則我不能進退盍先據海口幸而勝國

宋季忠義錄卷三

三四明叢書
約園刊本

之福也不勝猶可西走世傑恐久在海上有離心動則
必散乃曰頻年航海何時已乎今須與決勝負悉焚行
朝草市結大舶千餘作水砦爲死守計人皆危之已而
弘範兵至據海口樵汲道絕兵茹乾糧十餘日渴甚下
掬海水飲之海賊飲卽嘔泄兵大困世傑率蘇劉義方
興日大戰弘範得世傑甥韓命以官使三至招之世傑
歷數古忠臣曰吾知降生且富貴但爲主死不移耳二
月癸未弘範等攻厓山世傑敗走衛王舟元軍薄中軍
世傑乃斷維以十餘艦奪港去後還收兵厓山劉自立

擊敗之降其將方遇龍葉秀榮章文秀等四十餘人世
傑復欲奉楊太妃求趙氏後而立之俄颶風壞舟溺死
平章山下劉師勇者廬州人以戰功歷環衛官魯港師
潰賈似道欲東入海師勇贊之入揚州圖再舉似道然
之時姚訢復常州似道命師勇以淮兵取呂城朝廷加
師勇和州防禦使助訢守常而以張彥守呂城合兵拒
元軍戰失利彥馬弱陷淖中見執呂城失守常州勢益
孤元軍寘彥城下招降師勇以大義斥彥彥慚而退又
遣范文虎來諭師勇伏弩射走之常受圍數月援兵絕

宋季忠義錄卷三

三四明叢書
約園刊本

有羣鴟飛鳴繞城眾惡爲不祥俄而城陷師勇拔柵戰
且行其弟馬墮墜躍不能出師勇舉手與訣而去淮軍
數千人皆鬪死有婦人伏積屍下闕淮兵六人反背相
挂殺敵十百人乃殪師勇從二王至海上見時事不可
爲憂憤縱酒卒葬於鼓山

陸秀夫

陸秀夫字君實楚州鹽城人生三歲其父徙家鎮江稍
長從其鄉人孟先生學孟之徒恆百餘獨指秀夫曰此
非凡兒也景定元年登進士第李庭芝鎮淮南聞其名

辟至幕中時天下稱得士多者以淮南為第一號小朝廷秀夫才思清麗一時文人少能及之性沈靜不苟求人知每僚吏至閭賓主交驩秀夫獨斂焉無一語或時宴集府中坐尊俎間矜莊終日未嘗少有希合至察其事皆治庭芝益器之雖改官不使去己就幕三遷至主管機宜文字咸淳十年庭芝制置淮東擢參議官德祐元年邊事急諸僚屬多亡者惟秀夫數人不去庭芝上其名除司農寺丞累擢至宗正少卿兼權起居舍人二年正月以禮部侍郎使軍前請和不就而返二王走溫

宋季忠義錄卷三 二五 四明叢書 約園刊本

州秀夫與蘇劉義追從之使人召陳宜中張世傑等皆至遂相與立益王於福州進端明殿學士簽書樞密院事宜中以秀夫久在兵間知軍務每事咨訪始行秀夫亦悉心贊之無不自盡旋與宜中議不合宜中使言者劾罷之張世傑謂宜中曰此如何時動以臺臣論人宜中皇恐亟召秀夫還時君臣播越海濱庶事疏略楊太妃垂簾與羣臣語猶自稱奴每時節朝會秀夫儼然正笏立如治朝或時在行中淒然泣下以朝衣拭淚衣盡浥左右無不悲動者屬并澳風王以驚疾殂羣臣皆欲

散去秀夫曰度宗皇帝一子尚在將焉置之古人有以一旅一成中興者今百官有司皆具士卒數萬天若未欲絕宋此豈不可為國邪乃與眾共立衛王時陳宜中往占城與世傑不協屢召不至乃以秀夫為左丞相與世傑共秉政時世傑駐兵厓山秀夫外籌軍旅內調工役凡有所述作又盡出其手雖恩逮流離中猶日書大學章句以勸講至元十六年二月厓山破秀夫走衛王舟而世傑劉義各斷維去秀夫度不可脫乃仗劍驅妻子入海即負王赴海死年四十四方秀夫在海上時記

宋季忠義錄卷三 二六 四明叢書 約園刊本

二王事為一書甚悉以授禮部侍郎鄧光薦曰君後死幸傳之其後厓山平光薦以其書還廬陵大德初光薦卒其書存亡無從知故海上之事世莫得其傳云宋史龔開陸君實傳陸君實諱秀夫一字實翁楚州鹽城人生三歲父母攜抱避地南來居京口比免幼出從師肆業聰明穎悟異他兒都有二孟先生以宿學教授生徒大小學多逾百人知君實不凡刮目待之學舉子文下筆有奇語不待師煩日進不休年十五應鄉舉得貢補太學牒非其好也後三年歲在丙辰用鄉書登乙科是

時殿撰章子美琰居京口負時望以兄之孫子妻之因留婦家需次淮尉李祥甫庭芝制置淮東君實當斂版轅門而同年進士錢淳甫真孫於制使有連又殿撰贊堦於是相攜入淮安幕府淮尉書攷曆而已淮南幕府號小朝廷人物如林淳甫與君實能自植立其爲人沈靜寡言與人交不翁翁熱凡僚吏因公事過閣要以主賓情接爲貴而君實退然託處非謝舉謁告未嘗過閣有集則持敬尊俎閒終日與眾客俱退制使以此雅器重之不欲撓拂其志馴以舉格改合入官三遷至主管

宋李忠義錄卷三

二五十四明叢書

約園刊本

機宜文字分擬諸房公事職無不舉京湖制使呂少傅薨詔李制使改鎮江陵君實仍以機宜佐行襄陽失守李制使投閒寓朱方君實與親友朝暮見不以前疏爲少後密爲多日從事詩酒如在山林閒也未幾印制使應雷卒於維揚閩治大敵壓境人心易搖金字牌命李制使往維揚用乙夜絕江小駐瓜洲維揚出鐵騎三千來迓擁元戎兩時頃入城君實以鞍馬從自是帷幄之謀無不與而機職領之如故召赴都堂稟議權臣誘進之君實恬無自獻之意循比除提轄文思院出爲制置

大使參議官兼淮南東路提點刑獄公事淮憲與浙右不侔既無臺治亦無公使供給以故多制垣上介兼領因之望幕焉君實處之晏如也事會艱危制臣令赴闕奏請留中未幾隨至帥府過浙東景炎新造君實以端明殿學士參贊都督軍事陳宜中既得政兼將相權知君實久在兵閒歷諸戎事引以自近多所咨訪君實亦傾心贊助之期於能濟議有不合以言者被謫大將張少保世傑謂宜中曰大業未濟人才有限動輒令臺諫排論人世傑若不可相公意亦當如此宜中皇恐即日

宋李忠義錄卷三

二五十四明叢書

約園刊本

召還遷海上君實遂執政事海濱誅茅捧土爲殿陛遇時節朝會君實端笏盛服如立文石班未嘗少怠既罷則望山海淒然至以朝服搵淚悲動左右草莽中百種疏略君實隨宜裨補盡心力而爲之及祥興繼立兩軍相見於屋山南軍大舟三百柁分前後中三部以對敵者爲先鋒而以中部居宸宸中堅反居其後前鋒失利波濤掀舞旌旗交錯部伍爲之混亂君實出倉卒仗劍驅妻子先入海號哭拜幼君曰陛下不可再辱拜起抱幼君以匹練束如一體用黃金璽砸腰閒君臣赴水而

死己卯歲二月六日也年四十二君實在海上海與青原人鄧中甫光薦善嘗手書日記授中甫曰足下若後死以此冊傳故人僕嘗託黃唐佐主從中甫取冊不得始以所聞輯爲此傳用申桑梓之義先是僕嘗序大略成長句四韻率朋從賦詩或謂僕盍疏一傳存公之大體勿以詳略爲拘僕聞之泣下旣而歎曰吾郡以忠孝聞死節有趙公師且至行有徐節孝先生今吾君實得與趙公相望而其子乃先驅入海使陸氏一枝無續趙公則有二歲孤兒不併死較之君實不其重可哀也然在

宋義忠義錄 卷三

二五 四明叢書

約園刊本

當時趙公孤兒有收養者幸而成人可爲公後無他說至若君實之子年已弱冠假令不死託之何人此君實寧有媿於節孝受無後之罪而於趙公不能作烈士斷腕之事時勢有不同者庸詎知其心不爾則傳其可以不作朋友之言其可以不懷筆力短不能使潛德幽光浮於偉節斯爲可媿焉耳龔開曰昔趙簡子使尹鐸治晉陽請曰繭絲乎保障乎曰保障哉尹鐸結民心堅壁壘以備其入也乃襄子爲智伯所攻卒以晉陽獲濟自甲戌大敵渡江東南如晉陽可走者何所再造而亡幾

及五年竟無三里之城七里之郭使其民效死勿去惟有皇皇遷轉而已國之亡固有天數抑亦人事有不至歟而吾君實鞠躬盡瘁死而後已烏乎悲夫天耶人耶

陶宗儀草
葬私乘

陳文龍

陳文龍字君貴福州興化人丞相俊卿之後也能文章負氣節初名子龍咸淳五年廷對第一度宗易其名文龍丞相賈似道愛其文雅禮重之由鎮東軍節度判官歷崇政殿說書祕書省校書郎數年拜監察御史皆出

宋季忠義錄 卷三

二五 四明叢書

約園刊本

似道力然自十數年似道所置臺諫皆闕茸臺中相承凡有所建白皆呈稟似道始行至文龍爲文獨不呈稟已忤似道知臨安府洪起畏請行類田似道主其說文龍上疏以爲不可似道怒寢其疏襄陽久被圍似道日恣淫樂不少加意時陽請督師而陰使其黨留己竟失襄陽文龍上疏極言其失范文虎總師無功似道庇之以知安慶又除趙潛知建康黃萬石知臨安文龍言文虎失襄陽今反見擢用是當罰而賞也潛乳臭小子何以任大閫之寄萬石政事怠荒以爲京尹何以能治請

皆罷之似道大怒黜文龍知撫州旋又使臺臣季可劾罷之未幾呂文煥導元軍東下范文虎首迎降與文煥俱東似道兵潰魯港潛最先遁以故列城從之皆遁始悔不用文龍之言起為左司諫尋遷侍御史時邊事甚急王爚與陳宜中不能畫一策而日坐朝堂爭私意潛說友以平江降臺臣請籍其家爚以為可宜中以為不可張世傑諸將分四道出師而大臣不監護臺諫論之爚請行邊下公卿雜議宜中請出督師又下公卿雜議文龍上疏曰書言三后協心同底於道北兵今日取某

宋季忠義錄卷三

三三四明叢書

約園刊本

城明日築某堡而我以文相遜以迹相疑譬猶拯溺球焚而為安步徐行之儀也請召大臣同心圖治無滋虛議其後宜中與爚終不相能而去至十月始來事已不可為矣是冬累遷文龍至參知政事未幾議降文龍乃上章乞歸養既出國門而悔之復上疏求還不報乃歸五月益王稱制於福州復以文龍參知政事漳州畔以文龍為閩廣宣撫使討之文龍以黃恠前守漳有恩信辟為參謀官按兵泉州使恠入招撫之恠至民皆頓首謝罪與化有石手軍者能擲石中人議者以其不足用

罷之石手軍亦叛復命文龍為知軍平之已而降將王世強復導元軍入廣建寧泉福皆降知福州王剛中遣使徇興化文龍斬之而縱其副以還使持書責世強剛中負國徐時棟曰昭忠逸詠傳云文龍復書於世強剛中責以負國自署其銜曰理宗學生度宗狀元德祐宰相遂發民兵自守城中兵不滿千元兵來攻不克使其家持書招降之文龍焚書斬其使有風其納款者文龍曰諸軍特畏死耳未知此生能不死乎乃使其將林華偵伺境上華即降且導兵至城下通判曹澄孫開門降執文龍與其家人至軍中欲降之不屈左右凌

宋季忠義錄卷三

三三四明叢書

約園刊本

挫之文龍指其腹曰此皆節義文章也可相逼耶強之卒不屈乃械繫送杭州文龍去興化即不食至杭餓死其母繫福州尼寺中病甚無醫藥左右視之泣下母曰吾與吾兒同死又何恨哉亦死眾歎曰有斯母宜有是兒為收葬之蒲壽庚以泉州降告其民曰陳文龍非不忠義如民何聞者笑之元兵既歸文龍之姪瓚復舉兵殺林華據興化未幾復破瓚死之宋史

宋季忠義錄卷三

宋季忠義錄卷四

四明萬斯同季野輯

男世標子建校

高稼

高稼字南叔邛州蒲江人真德秀一見以國士期之嘉定七年進士調成都尉轉九隴丞丁內艱免喪辟潼川府路都鈐轄司幹辦公事制置使崔與之聞其名改辟本司幹辦公事稼持論不阿憂世甚切及鄭損為制置使即求去朝廷以稼贊闔有勞未幾改知綿谷縣制置司以總領所擅十一州會子之利請盡廢之此蓋紹興

宋季忠義錄 卷四

一四明叢書 約園刊本

隆興之間得旨為之者令下民疑為之罷市稼亟出私錢以給中下戶稼弟定子時為總領所主管文字相與徵其誤而力救之得存其半公私僅濟歲大饑有司置弗聞稼損橐中裝市粟以食之全活甚眾損之入蜀也稼同產弟了翁誦言于朝謂必敗事損銜之遂劾稼罷寶慶三年元兵至武階損棄沔而遁桂如淵鎮蜀辟通判沔州尋檄兼幕職稼首言蜀以三關為門戶五州為藩籬自前帥棄五州民無固志一旦敵至又有因糧之利或遂留不去今亟當申理俾緩急有所保聚如淵然

之乃劫山砦八十有四且募義兵五千人與民約曰敵至則官軍守原堡民丁保山砦義兵為遊擊庶其前靡所掠後弗容久北兵由東道以入如淵憂之辟稼知洋州稼日夜為守禦計以洋居平地無一卒以守議移金州帥司軍千人駐洋州而自任其餉給李心傳為言諸朝不報及鳳州破制置司始從稼請調金州兵赴之而兵不時至漢中陷梁洋之民數十萬盡趨安康稼乃移屯黃金渡收散卒招忠義以制置司之命致故將陳昱於安康委以收復之任昱部分諸軍召青座華陽諸關

宋季忠義錄 卷四

二四明叢書 約園刊本

守將皆以兵來會凡得三千人稼竭洋之帑廩贍之以州事付通判而自假節制軍馬督諸將繼進沔州破北兵迫大安益昌大震稼亟命趨沔自至西縣援之如淵以便宜命稼利路提刑司兼權興元府制置司檄其守米倉稼移書曰今日之事如弈棋所校者先後爾苟以分水三泉米倉為可保敵兵若自宕昌清州以入將孰禦之盍以興沔利三戎司分駐鳳州俾制司已招之忠義關表復讐之豪傑聯司以進兵氣奪矣如淵遲疑不決逮天水同慶被屠西和圍益急始會軍民之眾萬人

援之道梗不得前而城已破矣俄報若窠七方之師皆潰稼率遺民駐廉水縣召集保甲分布閒道以保巴山當是時文臣之在軍中者惟稼一人如淵既罷李稟代之以稼久勞請改界內郡差知榮州殿中侍御史汪剛中如淵黨也欲使稼分其罪乃謂蜀之敗寔由稼邊罷之又削二官李心傳見上訟稼無罪不當罷宣撫使黃伯固辟稼知閬州未幾伯固去官制置使趙彥呐以參議官辟之制置司近漢中稼言漢中蕩無藩籬宜經理仙人原以爲緩急視師之地彥呐以委稼稼至原繕營

宋季忠義錄卷四

四明叢書

約園刊本

壘峙芻糧比器甲開泉源守禦之規罔不備具會召還彥呐密奏留稼以直祕閣知沔州利州提點刑獄兼參議官始至告于神曰郡當兵難之後生聚撫摩所當盡力去之日誓垂橐以入劔門乃葺理創殘招集流散民皆襁負來歸北兵入西和薄階州稼贊彥呐登原督戰知天水軍曹友聞等兵大戰進稼三官爲朝請大夫兼關外四州安撫司公事措置西路屯田稼嘗代彥呐論蜀事利害上嘉覽之北兵自鳳州入東軍不能禦遂擣河池至西池谷距沔九十里吏民率逃議欲退保大安

稼白彥呐曰今日之事有進無退能進據險地以身捍蜀敵有後顧必不深入若倉皇召兵退守內地敵長驅而前蜀事去矣彥呐曰吾志也已而竟行留稼守沔北兵自白水關入六股株距沔六十里沔無城依山爲阻稼升高鼓譟盛旗鼓爲疑兵彥呐至置口輟帳前總管和彥威以軍還沔召小將楊俊何璘悉以兵會又調總管王宣精兵千人益之璘軍無紀律稼捕其縱火者三人誅之未幾北兵大至璘遁其眾皆潰遂下沔州先是友聞戍七方知沔不可守勸稼移保山砦而自將所部

宋季忠義錄卷四

四明叢書

約園刊本

助之稼曰七方要地不可棄吾郡將也城亦不可棄卽事不濟有死而已先二日子斯復侍以時危任重爲憂稼舉田承君五日不汗之言語之且曰吾得死所何憾又以書告李心傳曰稼必堅守沔無沔則無蜀矣自謂此舉可以無負知己及事迫參議楊約勸稼姑保大安稼厲聲曰我以監司守城郭爾以幕客往來應援各行其志常平司屬官馮元章率吏士力請稼少避稼不爲動城既陷眾擁稼出戶稼叱之不能止兵騎四集團之遂死焉詔進稼七官爲正議大夫龍圖閣直學士諡曰

忠後以子斯得執政累贈太師稼為人慷慨有大志聞
人有善稱之不容口不善面折無所避推轂人士常恐
不及視財如糞土死之日聞者莫不於邑流涕所著有
縮齋類彙三十卷斯得自有傳壽鑄案鈔本先二日子斯
復侍宋史作斯得待攷

曹友聞 曹萬

曹友聞字允叔同慶栗亭人武惠王彬十二世孫也少
有大志與仲弟友諒不遠千里尋師取友登寶慶二年
進士授縣竹尉改辟天水軍教授城已被圍友聞單騎
夜入與守臣張維糾民厲戰兵退制置使製大旗書滿

宋季忠義錄 卷四

五四明叢書
約園刊本

身膽以旌之已而兵復至友聞罄家財招集忠義得健
士五千人制置使李璫檄管忠義領所部守仙人關且
行且戰至峽口據險前軍統制屈信率所部突陳還所
掠四州人畜至秦填遺左軍統制杜午迎擊力不能敵
友聞令諸軍乘高據險身冒矢石為士卒先信與統制
張安國領兵出戰兵退制置使檄捍七方關北兵東破
武休關已而破七方遂入沔州金牛至大安又分兵自
嘉陵江木皮口突出何進軍後進戰敗死之遂長驅入
劔門友聞與弟萬各率所部取閒道過氈帽山至青高

壩戰于白水江中流兵退制置司檄駐閬州叛將魯珍
為陳隆之所斬珍部曲肆焚劫友聞討斬其將郭虎蘭
廣楊仲等餘黨散去檄知天水軍北兵入鳳州略河池
抵同慶友聞密遣統制王漢臣統領張祥授以方略出
戰兵至城下友聞部分諸將各守一門偃旗伏鼓戒士
卒俟漸近鳴鼓張旗矢石並發又命漢臣等取閒道出
戰自提重兵尾敵後大戰有功端平初友聞遣萬與忠
義總管時當可分兵碎石頭青高谷前後大戰數合制
置使上其功特授承務郎權發遣天水軍北兵又自西

宋季忠義錄 卷四

六四明叢書
約園刊本

和至階州友聞曰階雖非吾境豈可坐視而不救遂引
兵與諸軍會命前軍統制全貴領所部為先鋒統制夏
用出其左張成出其右總管陳庚及萬友諒往來督戰
有功制置使趙彥呐俾節制利帥司軍馬任責措置邊
面換武翼大夫閤門宣贊舍人差權利州駐劄御前諸
軍都統制駐劄石門控扼七方關明年北兵破武休關
入沔陽利路提刑高稼死之制置使進屯青野原被圍
友聞曰青野為蜀咽喉不可緩遣萬領兵自冷水口度
嘉陵江至六股株屢戰有功夜銜枚由閒道直趨青野

原制置使奇萬之勇令督諸軍戢守兵退友聞引精兵亦趨至原下夜半截戰圍遂得解特授武德大夫左驍騎大將軍依舊利州駐劄御前諸軍統制北兵破沔州擣大安友聞遣摧鋒軍統制王資階白軍統制白再興速趨雞冠隘左軍統制王進據陽平關友聞登溪嶺手執五方旗指麾甫畢兵數萬突至陽平關遂遣進及遊奕部將王剛出戰又親帥帳兵及背嵬軍突出陳前左右馳射兵退友聞謂忠義總管陳庚及當可曰敵必旋兵攻雞冠隘宜急援之既而果以步騎萬餘攻隘庚以

朱季忠義錄 卷四

七 四明叢書

約園刊本

騎兵五百直前決戰當可將步兵左右翼並進王資白再興又自隘出戰喋血十餘里兵乃解去特授友聞眉州防禦使依舊左驍騎衛大將軍利州駐劄御前諸軍統制兼沔州駐劄兼管關外四州安撫權知沔州節制本府屯戍軍馬弟萬差知同慶府四川制置司帳前總管仍舊總管忠義軍馬節制屯戍軍馬董仙駐劄專與沔利兩司同其任責措置邊面明年友聞引兵扼仙人關諜聞北兵合西夏女真回回吐蕃渤海軍五十餘萬大至友聞語萬曰國家安危在此一舉眾寡不敵豈容

浪戰惟當乘高據險出奇匿伏以待之北兵先攻武休關敗都統李顯忠軍遂入興元欲衝大安制置使趙彥呐檄友聞控制大安以保蜀口友聞馳書彥呐曰沔陽蜀之險要吾重兵在此敵有後顧之憂必不能越沔陽而入蜀又有曹萬王宣首尾應援可保必捷大安地勢平曠無險可守正敵騎所長步兵所短況眾寡不敵豈可於平地控禦彥呐不以爲然一日持小紅牌來速者七友聞議爲以寡擊眾非乘夜出奇內外夾擊不可乃遣萬友諒引兵上雞冠隘多張旗幟示敵堅守友聞選

朱季忠義錄 卷四

八 四明叢書

約園刊本

精銳萬人夜渡江密往流溪設伏約曰敵至內以鳴鼓舉火爲應外呼殺聲北兵果至萬兵逆戰敵將八都魯擁萬餘眾達海帥千人往來搏戰矢石如雨萬身被數創令諸軍舉燧友聞遣選鋒軍統制楊大全遊奕軍統制馮大用引本部出東萊圍擊敵後隊勇敢軍總管夏用知西河州神勁軍總管趙興帥所部出水嶺擊敵中隊知天水軍安邊軍總管呂嗣德陳庚率所部出龍泉頭擊敵前隊友聞親帥精兵三千人疾馳至隘下先遣保捷軍統領劉虎帥敢死士五百人衝前軍前軍不動

元兵伏三百騎道旁虎兇銜枚突戰會大風雨諸將請
曰雨不止淖濘深沒足宜俟少霽友聞斥曰敵知我伏
兵在此緩必失機遂擁兵齊進友聞入虎尾頭萬聞之
五鼓出隘口與友聞會內外兩軍皆殊死戰血流二十
里西軍素以綿裘代鐵甲經雨濡濕不利步鬪黎明元
兵益增迺以鐵騎四面圍繞友聞歎曰此殆天乎吾有
死而已於是極口詆罵殺所乘馬以示必死血戰愈厲
與弟萬俱死軍盡沒北兵遂長驅入蜀秦鞏人汪世顯
素服友聞威望嘗以名馬遺友聞還師過戰地歎曰蜀

宋季忠義錄卷四

九四明叢書

約園刊本

將軍真男兒漢也盛禮祭之事聞特贈龍圖閣學士大
中大夫賜廟褒忠諡曰節官其二子承務郎堉迪功郎
萬特贈武翼大夫二子成忠郎壽鑄按理宗本紀端平三年三月階泯壘宕十八族降有謀者以檄招曹友聞軍降友聞斬之以聞九月驍衛大將軍利州駐劄御前諸軍統制曹友聞與元兵戰於大安軍陽平關兵敗死之諡毅節與本傳事蹟可參攷

陳寅

陳寅寶謨閣待制咸之子漕司兩貢進士以父恩補官
歷官州縣紹定初知西和州西和極邊重地寅以書生
義不辭難北兵入境屬都統何進出守大安獨統制官

王銳與忠義千人城守而已寅誓與其民共守此土居
民始以進留家城中恃以為固已而進徙它郡遂無固
志寅獨留其三子并闔門二十八口曰人各顧其家將
誰共守迺散資財以結忠義為必守之計北兵十萬攻
城東南門以降者為先驅寅草檄文喻之自執旗鼓激
厲將士迎敵力戰矢石如雨師退詰旦增兵復來寅帥
忠義民兵與敢死士力戰晝夜數十合兵退制置使以
寅功徧告列郡北兵伐木為攻具增兵至數十萬圍州
城進素與寅不協寅有功尤為諸將所忌至是求援甚

宋季忠義錄卷四

十四明叢書

約園刊本

急久之制置司才遣劉銳及忠義人陳瑀等往救率皆
觀望不進銳甫進七方關瑀未及仇池皆以路梗告寅
率民兵晝夜苦戰援兵不至城遂陷寅顧其妻杜氏曰
若速自為計杜厲聲曰安有生同君祿死不共王事者
即登高堡自飲藥二子及婦俱死母傍寅斂而焚之乃
朝服登戰樓望闕焚香號泣曰臣始謀立此城為蜀藩
籬城之不存臣死分也臣不負國臣不負國再拜伏劔
而死賓客同死者二十有八人一子後至亦欲自裁軍
士抱持之曰不可使忠臣無後與俱縋城亦折足死制

置司以聞詔特贈朝議大夫右文殿修撰賜錢三千緡
卽其所居鄉所守州立廟久之加贈華文閣待制諡襄
節

賈子坤 賈純孝

賈子坤字伯厚潼川懷安軍人嘉定十三年進士為西
和推官攝通判關外被兵子坤與郡守陳寅誓死城守
城陷子坤朝服與其家十二口死之追贈承議郎封其
父崧承務郎官其子仲武宣教郎隆州簽判改奉議郎
果州通判卒 仲武子昌忠純孝同登咸淳七年進士第
純孝揚州教授受知帥李庭芝調江淮總

宋季忠義錄 卷四

十一四明叢書
約園刊本

幕北兵下江南二王在福州以史館檢閱召辭會丞相
文天祥辟佐其幕尋授秘書丞擢吏部郎中丁母憂起
復為右司轉朝散郎居山師敗
純孝抱二女偕妻牟同蹈海死

劉銳 趙汝愚 劉同哥

劉銳知文州嘉熙元年北兵來攻銳與通判趙汝愚乘
城固守率軍民七千餘人晝夜搏戰殺傷甚多拒守兩
月餘援兵不至城中無水取汲於江會陳昱以去歲失
守沔編置此州夜踰城出降獻女大將告以虛實敵遂
增兵攻城甚急一夕移江流於數里外銳度不免集其
家人盡飲以藥皆死乃聚其屍及公私金帛告命焚之

家素有禮法幼子同哥才六歲飲以藥猶再拜受之左
右為之感慟汝愚宣城人善射城破被執先斷其兩臂
而後斃殺之銳及其二子自刎死軍民死者數萬人

蹇彝 蹇維之 蹇承叔

蹇彝潼川通泉人嘉定二年進士累官通判金州端平
三年北兵攻蜀彝堅守戰不能敵被擒不屈而死其子
承叔復力戰城破舉家死馬弟維之紹定五年進士利
州都統王宣辟行參軍事亦迎敵力戰而死特官其子

何充 何士麟 何駒行 何仲桂

宋季忠義錄 卷四

十二四明叢書
約園刊本

何充漢州德陽人祕書監耕之孫通判黎州攝州事預
為備禦計及宋能之至建議急於叩棘創大小兩關倉
及皆屋百間親督程役俄關破充自刺不死北帥呼之
語許以不殺充曰吾三世食趙氏祿為趙氏死不憾帥
設帟幄環坐諸將而虛其賓席呼充曰汝能降卽坐此
充踞坐地求死遂罷它日又呼之欲斮其髮而髡其頂
曰可殺不可髡又使署招民榜充曰吾監州也可聚吾
民使殺之耶卽一家有死而已榜必不可署北將遺以
酒茗羊牛肉皆卻之自是水飲絕不入口敵知其不可

強將副之北將曰此南家好漢也使之即死於是斬其首充妻陳罵不絕口初充之見呼也陳必以一家往帥曰不呼汝何以來陳曰吾求死爾及充死東望再拜曰臣夫婦雖死可以對趙氏無愧矣眾以石擊殺之方充夫婦之嬰禍也親戚勸其苟免充正色曰我夫婦與兒婦義同死汝等自求生可也於是上下感泣願同死者四十餘人男士麟孫駒行從子仲桂先充而死惟長子士龍得免

許彪孫

張桂 金文德 曹贊 胡世全 龐彥海 李丁孫 唐奎瑞

宋季忠義錄 卷四

十三四明叢書

約園刊本

許彪孫顯謨閣學士奕之子也為四川制置使參謀官景定二年劉整叛召彪孫草降文以潼川一道為獻彪孫辭使者曰此腕可斷此筆不可書也即閉門與家人俱仰藥死整既降遂引兵襲都統張桂營桂及統制金文德戰死納溪曹顯闔門死之景定四年沔州都統胡世全護糧運至虎象山遇敵兵戰敗死咸淳二年北兵取開州守將龐彥海死之德祐元年瀘守梅應春殺判官李丁孫推官唐奎瑞以城降珍州守將江彥清巷戰死之

陳隆之 史良震 楊城夫

陳隆之不知所仕履為四川制置使淳祐元年十一月成都被圍守彌旬弗下部將田世顯乘夜開門北兵突入隆之舉家數百口皆死檻送隆之至漢州命諭漢州守臣王夔降隆之呼夔語之曰大丈夫死爾毋降也遂見殺後五年提刑袁簡之上其事特贈徽猷閣待制合得恩澤外特與兩子恩澤賜諡立廟又有史季儉者威州棋城主簿也成都之陷子良震與壻楊城夫爭相為死各特贈兩官與二子下州文學

宋季忠義錄 卷四

十四四明叢書

約園刊本

史季儉 楊戡子

史季儉楊戡子並四川制置司部將蒙古兵入蜀制置使陳隆之死之二人亦戰死咸淳六年十二月詔贈兩官廕一子 壽鑄案宋史理宗本紀死事史季儉楊戡子各賜官兩轉官一子原鈔本作史季儉楊戡今依本紀更正楊城夫與楊戡子是否一人待攷原鈔本在卷九今移於此兩存之

王翊 蒲東卯 劉當可 邵復 羅由 趙崇啓 羅君文 李大全 趙晨 胡天啓 周

德榮 段元 鑑 楊禮

王翊字公輔邠縣人寶慶元年進士吳曦嘗招之入幕及曦以蜀叛抗節不拜為陳大義曦怒囚翊欲烹之曦

誅而免嘉熙元年制置使丁黼辟為參議官先遣其家歸鄉里為文訣先墓誓以身死報國及北兵至帳前提舉官成駒先走黼倉卒迎敵敗死駒與司理王燦運司幹官李日宣等募兵拒守兵入公署見駒朝服危坐問為何人曰小官食天子之祿臨難不能救死有餘罪可速殺我又問何以不走曰願與此城俱亡北兵相謂曰忠臣也戒勿殺敵縱火大掠劫以朝服赴井死兵後其家出其屍井中衣冠儼如也轉運副使蒲東卯死之兵屠漢州權州事劉當可判官邵復錄事參軍羅由司戶

宋季忠義錄卷四

十四四明叢書

約園刊本

參軍趙崇啓知雒縣羅君文皆不屈而死復雍六世孫也入眉州知丹稜縣馮仲燁死之取簡州簡守李大全死之守趙晨親率雅州牌手出戰力盡而死文州守劉銳通判趙汝彞相誓死守更迭出戰城被圍旬有五曰汲道絕兵民水不入口者半月至吮妻子之血卒無叛志城垂陷汝彞猶提雙刃入陣中十六矢被執以死銳先殺其妻父子三人登文王臺自刎死師至遂寧民兵趙朋拒戰衣臂已斷而戰不休至重慶進士胡天啓負母而逃兵欲殺其母天啓妻張哀號願以身代不聽

卒殺之天啓與其妻呼天大罵北將奇天啓貌欲活之謂之曰汝從我當共富貴天啓愈奮罵於是夫婦同死事聞劾汝彞皆立廟賜諡餘哀恤有差寶祐六年北兵拔吉平隘守將楊禮周德榮死之拔長寧守將王佐父子俱死至閬州推官趙廣死之至蓬州轉運使施擇善死之至順慶帥守段元鑑城守麾下劉淵殺之以降段元鑑楊禮並隆慶堡守將蒙古兵來寇屢戰卻之已而復來堅守不下竟以孤城乏援沒于王事開慶元年四月詔各贈奉國軍節度使封二字侯立廟賜額致仕

宋季忠義錄卷四

十六四明叢書

約園刊本

恩外更官一子成忠郎壽鏞案宋史理宗本紀寶祐二年十月段元鑑上隆慶堡戰功十二月隆慶部兵周榮被獲歸北密約段元鑑入隘解圍事覺就禽不屈而死六年十月詔知隆慶府楊禮守西安堡有功開慶元年四月以段元鑑楊禮堅守城堡歿於王事詔各贈奉國軍節度使鈔本第九卷移此

陳元桂

陳元桂撫州人淳祐四年進士累官知臨江軍時聞警報築城備禦以焦心勞思致疾開慶元年春北兵至臨江時制置使徐敏子在隆興頓兵不進元桂力疾登城坐北門亭上督戰矢石如雨力不能敵吏卒勸之避去不從有以門廊鼓翼敵矢者麾之使去有欲抱而走者

元桂曰死不可去此左右走遁師至元桂瞠目叱罵遂
死之縣其首於敵樓越四日方斂體色如生初親戚有
勸其移治者元桂曰子亦爲浮議所搖耶時事如此與
其死於饑饉死於疾病死於盜賊孰若死於守土之爲
光明俊偉哉家人或請登舟不許且戒之曰守臣家屬
豈可先動以搖民心敏子以聞贈寶章閣待制賜緡錢
十萬與一子京官一子選人恩澤立廟北門諡曰正節

壽鏞案並見宋史理宗
本紀景定元年二月詔

張順 張貴

宋季忠義錄 卷四

十七 四明叢書
約園刊本

張順民兵部將也襄陽受圍五年宋闖知其西北一水
曰清泥河源於均房卽其地造輕舟百艘以三舟聯爲
一舫中一舟裝載左右舟則虛其底而掩覆之出重賞
募死士得三千求將得順與張貴俗呼順曰矮張貴曰
竹園張俱智勇素爲諸將所服俾爲都統出令曰此行
有死而已汝輩或非本心宜亟去毋敗吾事人人感奮
漢水方生發舟百艘稍進圍山下越二日進高頭港口
結方陳各船置火槍火礮熾炭巨斧勁弩夜漏下三刻
起碇出江以紅燈爲識貴先登順殿之乘風破浪徑犯

重圍至磨洪灘以上北軍舟師布滿江面無隙可入眾
乘銳凡斷鐵絙攢杙數百轉戰百二十里黎明抵襄城
下城中久絕援聞救至踊躍氣百倍及收軍獨失順越
數日有浮屍遡流而上被介冑執弓矢直抵浮梁視之
順也身中四槍六箭怒氣勃勃如生諸軍驚以爲神結
冢斂葬立廟祀之

張貴既抵襄襄帥呂文煥力留共守貴恃其驍勇欲還
郢乃募二士能伏水中數日不食使持蠟書赴郢求援
北兵增守益密水路連數十里列撒星椿雖魚蝦不得

宋季忠義錄 卷四

十八 四明叢書
約園刊本

渡二人遇椿卽鋸斷之竟達郢還報許發兵五千駐龍
尾洲以助夾擊刻日既定乃別文煥東下點視所部軍
泊登舟帳前一入亡去乃有過被撻者貴驚曰吾事泄
矣亟行彼或未及知復不能銜枚隱迹乃舉礮鼓噪發
舟乘夜順流斷絙破圍冒進眾皆辟易旣出險地夜半
天黑至小新城北兵邀擊以死拒戰沿岸束荻列炬火
光燭天如白晝至句林灘漸近龍尾洲遙望軍旗幟
紛披貴軍喜躍舉流星火示之軍船見火卽前迎及勢
近欲合則來舟皆北兵也蓋郢兵前二日以風水驚疑

退屯三十里而北兵得逃卒之報據龍尾洲以逸待勞
貴戰已困出於不意殺傷殆盡身被數十槍力不支見
執卒不屈死之乃命降卒四人昇尸至襄令於城下曰
矮張識乎此是也守陣者皆哭城中喪氣文煥斬四卒
以貴附葬順家立雙廟祀之

范天順

范天順荆湖都統也襄陽受圍天順日夕守戰尤力及
呂文煥出降天順仰天歎曰生為宋臣死當為宋鬼即
所守處縊死贈定江軍承宣使制曰賀蘭擁兵坐視睚

宋季忠義錄 卷四

十九四明叢書
約園刊本

陽之矢李陵失節重為隴土之差今有人焉得其死所
可無褒恤以示寵綏范天順功烈雖卑忠義莫奪自均
房泛舟之役克濟為艱而襄樊坐甲之師益堅所守俄
州刺史為降將軍爾乃不屈自經可謂見危致命封其
妻宜人官其二子仍賜白金五百兩田五百畝

牛富 王福

牛富霍丘人制置使遊擊皆兵籍勇而知義為侍衛馬
軍司統制戍襄陽五年移守樊城累戰不為勦且數射
書襄陽城中遺呂文煥相與固守為屠齒兩城凡六年

不拔富力居多城破富率死士百人巷戰死傷不可計
渴飲血水轉戰前遇民居燒絕街道身被重傷以頭觸
柱赴火死贈靜江軍節度使謚忠烈賜廟建康裨將王
福見富死歎曰將軍死國事吾豈宜獨生亦赴火死

邊居誼 亦作居義

邊居誼隨人也初事李庭芝積戰功至都統制咸淳十
年以京湖制置帳前都統守新城居誼善御下得士心
凡戰守之具治之皆有法北兵至沙陽守將王大用不
降麾兵攻城破之執大用呂文煥意其小壘可不攻而

宋季忠義錄 卷四

二十四明叢書
約園刊本

破居誼率舟師拒之文煥列沙陽所斬首招降不從明
日縛大用至壁下使呼曰邊都統急降不然禍即至矣
居誼不答又射榜檄入壁中居誼曰吾欲與呂參政語
耳文煥聞之以為居誼降已也馳馬至伏弩亂發中文
煥者三井中其馬馬仆幾鉤得之眾挾文煥以他馬奔
走越二日總制黃順挾一人開東門走出降明日使順
來招之居誼曰若欲得新城邪吾誓以死守此何可得
也順又呼其部曲部曲欲縋城出居誼悉驅以入當門
斬之文煥乃麾兵攻城以火具卻之旋蟻附而上居誼

乃取其家金盡散將士往來督戰會暮破浸漢樓樓火
延燬民居居誼度力不支走還第拔劍自殺不殊赴火
死丞相伯顏壯其勇購得其屍燼中觀之事聞贈利州
觀察使立廟死所

唐震 唐椿 何新之

唐震字景實會稽人少居鄉介然不苟交有言其過者
輒喜既登第爲小官有權貴以牒薦之者震內牒篋中
已而干政震取牒還之封題未啓其人大媿後爲他官
所至以公廉稱楊棟葉夢鼎居政府交薦其賢咸淳中

宋季忠義錄 卷四

三十四明叢書
約園刊本

由大理司直通判臨安府時潛說友尹京恃賈似道勢
甚驕蹇政事一切無所顧讓會府有具獄將寘辟震力
辨其非說友爭之不得上其事刑部卒是震議六年江
東大旱擢知信州震奏減綱運米蠲其租賦令坊置一
吏籍其戶勸富人分粟使坊吏主給之吏有勞者輒爲
具奏復其身吏感其誠事爲盡力所活無算州有民庸
童牧牛童逸而牧舍火其父訟庸者殺其子投火中民
不勝掠自誣服震視牘疑之密物色之得童傍郡以詰
其父對如初震出其子示之獄遂直擢浙西提刑過闕

陞辭似道以類田屬震震謝不能行至部又以疏力爭
之趙氏有子阡僧甚暴橫震遣吏捕治似道以書營求
震不省卒按以法似道怒使侍御史陳堅劾去之咸淳
十年起震知饒州時興國南康江州諸郡皆已歸附北
兵略饒饒兵止千八百人震發州民城守昧爽出治兵
至夜中始寐上書求援不報北兵使人入饒取降款通
判萬道同陰使于所部斂白金牛酒備降禮饒寓士皆
從之道同風震降震叱之曰我忍偷生負國耶城中少
年感震言殺使者民有李希聖者謀出降械寘獄中明
年二月兵大至都大提舉鄧益遁去震盡出府中金錢
書官資揭于城募有能出戰者賞之眾懼不能戰北兵
登陣眾遂潰震入府中王芝堂其僕前請曰事急矣番
江門兵未合亟出猶可免震罵曰城中民命皆係於
我我若從爾言得不死城中民死我何面目生耶左右
不敢復言皆出有頃兵入執贖鋪案上使震降震擲筆
於地不屈遂死之兄椿與家人俱死張世傑尋復饒州
判官鄔宗節求震屍葬之贈華文閣待制諡忠介廟號
襄忠官其二子震客馮驥何新之驥後守獨松關新之

宋季忠義錄 卷四

三十四明叢書
約園刊本

守閩之新壘皆戰死

馮驥馮驥

馮驥字德父富春人性至孝母病刲股和藥以進登景定進士調安吉武康簿有聲累遷大理丞時元兵下襄樊募豪傑為戰守計驥被薦協張濡守獨松元兵來攻驥殺其渠帥元將益兵搗之濡遁驥與弟驥力戰死贈集賢殿修撰見恭帝本紀

密佑

密佑其先密州人後渡淮居廬州佑為人剛毅質直累

宋季忠義錄 卷四

三三四明叢書 約園刊本

官至廬州駐劄御前遊擊中軍統領改權江西路副總管咸淳十年以閤門宣贊舍人為江西都統是冬元丞相伯顏下鄂州留右丞阿里海牙守之而將大兵東下明年二月朱禩孫遣高世傑取鄂阿里海牙以兵逆擊執世傑荆江口兵盡潰半入江西江西制置黃萬石招集之且募寧都廣昌南劔義兵千餘人盡以屬佑十一月元兵至隆興劉槃兵敗乃嬰城自守萬石時移治撫州將遁懼佑不從乃調佑兵援槃且戒以勿戰未至隆興槃已降都統夏驥率所部兵潰圍出已而元帥張榮

實呂師夔提兵逼撫州佑率眾逆之進賢坪兵來呼曰

降者乎鬪者乎佑曰鬪者也麾其兵突戰進至龍馬坪元兵圍之數重矢下如雨佑告其部曰今日死日也若力戰或有生理眾咸憤厲自辰戰至日昃佑面中矢拔之復戰又身被四矢三槍眾皆死僅餘數十人佑乃揮雙刀斫圍南走前渡橋馬踏板斷遂被執眾見其勇戒勿殺與歸隆興元帥宋都解曰壯士也欲降之繫之月餘終不屈嘗罵萬石為賣國小人使我志不得伸宋都解命劉槃呂師夔坐城樓引佑樓下以金符遺之許以官佑不受語侵槃師夔益不遜又令佑子說之曰父死子安之佑斥曰汝行乞於市第云密都統子誰不憐汝也怡然自解其衣請刑遂死觀者皆泣下

米立

宋季忠義錄 卷四

三三四明叢書 約園刊本

米立淮人三世為將從陳奕守黃州奕降立潰圍出江西制置使黃萬石署為帳前都統制元兵略江西立迎戰於江坊被執不降繫獄行省遣萬石諭之曰吾官銜一箇光牌寫不盡今亦降矣立曰侍郎國家大臣立一小卒爾何足道但三世食趙氏祿趙亡何以生為立乃

生擒之人與投拜者不同萬石再三說之不屈遂遇害

呂文信 張興宗

呂文信文德之弟也仕至武功大夫沿江副司諮議官
德祐初帥舟師次南康斛林夾白鹿磯與北兵遇戰死
特贈定遠軍承宣使子師憲特與帶行閣職與兩子承
信郎恩澤仍立廟賜額河湖皆巡檢張興宗亦死之贈
武翼郎賜緡錢三萬仍與一子承信郎恩澤

丁黼

丁黼成都制置使也嘉熙三年北兵自新井入詐豎宋

宋季忠義錄 卷四

五十四明叢書 約園刊本

將李顯忠之旗直趨成都黼以為潰卒以旗榜招之既
審知其非領兵夜出城南迎戰至石筍街兵散黼力戰
死之方北兵未至黼先遣妻子南歸自誓死守至是從
黼者惟寡客楊大異及所信任數人大異死而復蘇黼
帥蜀為政寬大蜀人思之事平賜額立廟 壽黼按宋史
理宗本紀淳
祐九年十月諫臣周坦言知建寧府楊棟任成都制幕
時盡載激賞庫珍寶先遁陷丁黼於死致全蜀生靈塗
炭詔褫棟閣職罷新云
云傳中未載錄之備攷

宋季忠義錄卷四

宋季忠義錄卷五

四明萬斯同季野輯 男世標子建校

汪立信 汪麟

汪立信澈從孫也立信曾大父智從澈宣諭湖北道六
安愛其山水因居焉淳祐元年立信獻策招安慶劇賊
胡興劉文亮等借補承信郎六年登進士第理宗見立
信狀貌雄偉顧侍臣曰此閩帥才也授烏江主簿辟沿
江制幕知桐城縣未上辟荆湖制司幹辦通判建康府
荆湖制置趙葵辟充策應使司及本司參議官葵去而

宋季忠義錄 卷五

一四明叢書 約園刊本

馬光祖代之立信是時猶在府也鄂州圍解賈似道既
罔上要功惡閩外之臣與己分功迺行打算法於諸路
欲以軍興時支散官物為罪擊去之光祖與葵素有隙
且欲迎合似道被旨即召吏稽句簿書卒不能得其疵
迺以開慶二年正月望夕張燈設宴錢三萬緡為葵放
散官物聞於朝立信力爭之謂不可且曰方艱難時趙
公莅事勤勞而公以非理擲拾之公一旦去此後來者
復效公所為可乎光祖怒曰吾不才不能為度外事知
奉朝命而已君他日處此勉為之立信曰使某不為則

已果爲之必不效公所爲也光祖益怒議不行立信遂
投劾去初立信通判江陵府蔡制置荆湖嘗以公事劾
立信及在沿江府亦謀議算諧立信於蔡蓋未嘗有一
日之驩也擢京西提舉常平改知昭信軍權淮東提刑
景定元年差知池州提舉江東常平權知常州浙西提
點刑獄明年冬卽嘉興治所講行荒政尋改知江州充
沿江制置副使節制蕪黃與國軍馬提舉饒州南康兵
甲升江西安撫使乞祠祿差知鎮江尋充湖南安撫使
知潭州至官供帳之物悉置官庫所積錢連歲代納潭

宋季忠義錄 卷五

二 四明叢書
約園刊本

民夏稅貧無告者予錢粟病者加藥餌雨雪旱潦軍民
皆有給興學校士習爲變以潭爲湖湘重鎮創威敵軍
所募精銳數千人後來者果賴其用權兵部尙書荆湖
安撫制置知江陵府時襄陽被圍危急立信上疏請益
安陸府屯兵凡邊戍皆不宜抽減黃州守臣陳奕素蓄
異志朝廷宜防之迺移書似道謂今天下之勢十去八
九而君臣宴安不以爲虞夫天之不假易也從古以然
此誠上下交修以迓續天命之幾重惜分陰以趨事赴
工之日也而迺酣歌深宮嘯傲湖山玩歲愒日緩急倒

施卿士師師非度百姓鬱怨非上以求當天心俯遂民
物拱揖指揮而折衝萬里者不亦難乎爲今日之計者
其策有三夫內郡何事乎多兵宜盡出之江干以實外
禦算兵帳見兵可七十餘萬人老弱柔脆十分汰二爲
選兵五十餘萬人而沿江之守則不過七千里若距百
里而屯屯有守將十屯爲府府有總督其尤要害處輒
參倍其兵無事則泛舟長淮往來游徼有事則東西齊
奮戰守並用刁斗相聞餽餉不絕互相應援以爲聯絡
之固選宗室親王忠良有幹用大臣立爲統制分東西

宋季忠義錄 卷五

三 四明叢書
約園刊本

二府以涖任得其人率然之勢此上策也久拘聘使無
益於我徒使敵得以爲辭請禮而歸之許輸歲幣以緩
師期不二三年邊遽稍休藩垣稍固生兵日增可戰可
守此中策也二策果不得行則天敗我也若銜壁與櫬
之禮則請備以俟似道得書大怒抵之地詎曰瞎賊狂
言敢爾蓋以立信目微眇云尋中以危法廢斥之咸淳
十年元兵大舉伐宋似道督諸軍出次江上以立信爲
端明殿學士沿江制置使江淮招討使俾就建康府庫
募兵以援江上諸郡立信受詔不辭卽日上道以妻子

託愛將金明執其手曰我不負國家爾亦必不負我遂行與似道遇蕪湖似道拊立信背哭曰不用公言以至於此立信曰平章平章瞎賊今日更說一句不得似道問立信何句曰今江南無一寸乾淨地某去尋一片趙家地上死第要死得分明爾既至則建康守兵悉潰而四面皆北軍立信知事不可成歎曰吾生爲宋臣死爲宋鬼終爲國一死但徒死無益耳以此負國率所部數千人至高郵欲控引淮漢以爲後圖已而聞似道節潰蕪湖江漢守臣皆望風降遁立信歎曰吾今日猶得死

宋季忠義錄卷五

四四明叢書
約園刊本

於宋土也迺置酒召賓佐與訣手爲表起居三宮與從子書屬以家事夜分起步庭中慷慨悲歌握拳撫案者三以是失聲三日扼吭而卒以光祿大夫致仕遺表聞贈太傅元丞相伯顏入建康金明以其家人免或惡立信於伯顏以其二策及其死告且請戮其孥伯顏歎息久之曰宋有是人有是言哉使果用我安得至此命求其家厚恤之曰忠臣之家也金明以立信之喪歸葬丹陽立信子麟內書寫機宜文字在建康不肯從眾降崎嶇走閩以死初立信之未仕也家貧甚會歲大祲吳淵

守鎮江命爲粥以食流民使其客黃應炎主之應炎一見立信與語心知其非常人言於淵淵大奇之禮以上客凡其張服御祖應炎爲有加應炎甚快快淵解之曰此君吾地位人也但遭時不同耳君之識度志業皆非其倫也盍少下之是年試江東轉運司明年登第後其踐歷略如淵而卒死於難人謂淵能知人云

姜才

姜才濠州人貌短悍少被掠入河朔稍長亡歸隸淮南兵中以善戰名然以來歸人不得大官爲通州副都統

宋季忠義錄卷五

五四明叢書
約園刊本

時淮多健將然驍雄無踰才才知兵善騎射撫士卒有恩至臨陣軍律凜凜其子當戰回白事才望見以爲敗也拔劔馳逐幾殺之賈似道出師才以兵屬孫虎臣爲先鋒相拒于丁家洲北軍設礮架穀車弩江濱中流數千艘旌旗聯互鼓行而下才奮兵前接戰鋒已交虎臣遽過其妾所乘舟眾見之譴曰步帥遁矣於是諸軍皆潰才亦收兵入揚州北兵乘勝攻揚州才爲三疊陣逆之三里溝戰有功又與北帥戰揚子橋日暮兵亂流矢貫才肩拔矢揮刀而前所向辟易已而北軍築長圍自

揚子橋竟瓜洲東北跨灣頭至黃塘西北至丁村務欲以久困之時德祐元年也明年正月宋亡二月五奉使及一閤門宣贊舍人持謝太后詔來諭才發弩射卻之復以兵擊五奉使於召伯堡大戰而退未幾瀛國公至瓜洲才與庭芝泣涕誓將士出奪之將士皆感泣乃盡散金帛犒兵以四萬人夜擣瓜洲戰三時眾擁瀛國公避去才進戰至浦子市夜猶不退阿朮使人招之才曰吾寧死豈作降將軍邪四月才以兵攻灣頭柵五月復攻之騎旋濘而止乃舍騎步戰至四鼓全師以歸揚食

宋季忠義錄 卷五

六 四明叢書 約園刊本

盡才時出運米真州高郵以給兵六月護餉至馬家渡萬戶史弼將兵擊奪之才與戰達旦弼幾殆阿朮馳兵來援乃得免去庭芝以在圍久召才計事屏左右語久之第聞才厲聲云相公不過忍片時痛耳左右聞之俱汗下才自是以兵護庭芝第期與俱死七月益王在福州以龍神四廂都指揮使保康軍承宣使召才與庭芝東至泰州將入海阿朮以兵追及圍泰州使使者招之降才不聽阿朮驅揚兵士妻子至城下會才疽發背不能戰諸將遂開門降都統曹安國入才臥內執之以獻

阿朮愛其忠勇欲降而用之才肆為慢言阿朮責庭芝不降才曰不降者才也復憤憤不已阿朮怒劓之揚州才臨刑夏貴出其傍才切齒曰若見我寧不愧死邪

洪福 洪大源 洪大淵

洪福者夏貴家僮也從貴積勞為鎮巢雄江左軍統制鎮江北貴降福與子大淵大源下班祇候彭元亮結貴軍復之加右武大夫知鎮巢貴既臣附招福不聽使其從子往福斬之北兵攻城久不拔遣貴至城下好語語福請單騎入城福信之門發而伏兵起執福父子屠城中貴泣殺大源大淵諄曰法止誅首謀何至舉家為戮福叱曰以一命報宋朝何至告人求活耶次及福福大罵數貴不忠請身南向死以明不背國也聞者流涕

趙淮

趙淮丞相葵之從子也李全之叛屢立戰功累官至淮東轉運使德祐中成銀樹壩兵敗與其妾俱被執至瓜州元帥阿朮使淮招李庭芝許以大官淮陽許諾至揚城下乃大呼曰李公好男子死爾毋降也元帥怒殺之棄屍江濱

宋季忠義錄 卷五

七 四明叢書 約園刊本

趙孟錦

趙孟錦者少不羈遊淮以軍功為將佐北兵攻真州每戰輒為士卒先守苗再成倚之為重北兵重艦駐江上孟錦乘大霧來襲俄霧解日已高北兵見其兵少逐之登舟失足墮水身荷重甲溺焉

宋應龍

褚正一 胡拱宸

宋應龍者儒生通兵出入行陳三十餘年為諮議官寓秦州德祐二年六月甲寅北兵至秦州裨校孫貴胡惟孝尹端甫李遇春開門迎降應龍與其妻自縊於圃中

宋季忠義錄 卷五

八四明叢書 約園刊本

是時提刑諮議褚正一字粹翁廬州人武舉進士督戰高沙被創竟沒於水知興化縣胡拱辰縣破亦死之

耿世安

耿世安為武翼大夫淮東副總管兩淮都撥發官初謀報北兵至制置使賈似道調世安提兵往漣水軍增戍取方猶豫世安徑迎至漁溝以三百騎入陳慶擊自午至酉身被七創猶能追殺潰兵收兵還至數里沒事聞贈五官立廟淮安賜諡忠武

趙卯發

清溪二生

趙卯發字漢卿昌化人淳祐十年以上舍登第為遂寧

州司戶潼川簽判宣城宰素以節行稱中被論罷咸淳七年起為彭澤令十年權通判池州北兵渡江池守王起宗棄官去卯發攝州事繕壁聚糧為守禦計夏貴兵敗歸所過縱掠卯發捕斬十餘人兵乃戢明年正月北兵至李王河都統張林屢諷之降卯發忿氣填膺瞠目視林不能言有問以視身之道者卯發曰忠義所以視身也此外非臣子所得言林以兵出巡江陰降歸而陽助卯發為守守兵五百餘柄皆歸林卯發知不可守乃

宋季忠義錄 卷五

九四明叢書 約園刊本

置酒會親友與飲訣謂其妻雍氏曰城將破吾守臣不當去汝先出走雍氏曰君為命官我為命婦君為忠臣我獨不能為忠臣婦乎卯發笑曰此豈婦人女子之所能也雍氏曰吾請先君死卯發笑止之明日乃散其家資與其弟姪僕婢悉遣之二月兵薄池卯發晨起書几上曰君不可叛城不可降夫妻同死節義成雙又為詩別其兄弟與雍盛服同縊從容堂死卯發始為此堂名可以從容及兵遽領客堂中指所題扁曰吾必死於是客問其故曰古人謂慷慨殺身易從容就義難此殆其

兆也卯發死林開門降元丞相伯顏入問太守何在左右以死對卽如堂中觀之皆歎息爲具棺衾合葬於池上祭其墓而去事聞贈華文閣待制諡文節雍氏贈順義夫人錄二子爲京官

清溪二生貴池人德祐元年元兵陷城通判趙卯發死之時府學有二生撫卯發屍而哭旋跳入弄水亭下而死二生姓名不傳

尹玉

尹玉寧都人以捕盜功爲贛州三砦巡檢秩滿城居從

宋季忠義錄 卷五

十四明叢書 約園刊本

文天祥勤王及天祥至平江調玉同淮將張全廣將朱華拒北兵戰于伍牧全等軍敗以淮廣軍先遁曾全胡玉謝榮曾玉以贛州四指揮軍亦遁唯玉殘軍五百殊死戰玉手殺數十人箭集於冑如蝟毛援絕力屈遂被執北軍橫四槍於其項以槌擊之死餘兵猶夜戰殺人馬蔽田閒無一降者質明生還者四人贈玉濠州團練使官其二子賜田二頃以恤其家

陳炤 姚訔

陳炤字光伯常州人少工詞賦登第爲丹徒縣尉歷兩

淮制置司參議官大軍倉曹壽春府教授復入帥幕改知朐山縣仍兼主管機宜文字尋丁母憂歸北兵至常守趙與鑿走匿郡人錢書以城降淮民王通居常州陰以書約劉師勇許爲內應朝議乃以姚希得子書知常州師勇復常州走錢書執安撫戴之泰等遂迎書以入書以炤久任邊知兵辟爲通判或謂炤曰今辟難有辭矣炤曰鄉邦淪沒何可坐視與其偷生而苟全不若死之愈也遂墨衰而出凡可以備禦無不爲之書入常甫十餘日北軍攻常炤等率義兵戰禦自夏徂冬不能下

宋季忠義錄 卷五

十二四明叢書 約園刊本

以功加帶行提轄文思院常將張彥攻呂城兵敗而降因盡言常城中虛實遂急攻之炤等晝夜城守招之不下丞相伯顏自將圍其城炤與書誓以忠義協力固守再加書太府寺丞炤幹辦諸軍糧料院常將士皆轉五官城益急常兵阻濠水爲陳矢盡亦不降城破書死之炤猶斂兵巷戰家人請曰城東北門闔未合可走常熟入臨安也炤曰去此一步非死所矣日中兵至死焉事上追贈書龍圖閣待制希得贈太師炤直寶章閣並官其子

王安節

王安節節度使堅之子也少從其父守合州有功安節等兄弟五人皆受官堅為賈似道所忌出知和州鬱鬱而死安節至咸淳末為東南第七副將德祐初似道潰師蕪湖列城皆降不降者亦棄城遁時安節駐兵江陵即走臨安上疏乞募兵為捍禦授閩門祗候浙西添差兵馬副都監收兵入平江合張世傑兵戰鳳凰港有功轉三官劉師勇復常州攻走王良臣師勇還平江以安節與張詹守常已而良臣導北兵攻常城素惡安節

宋季忠義錄卷五

十二四明叢書約園刊本

等築柵以守相拒兩月不下元丞相伯顏自將攻之屢遣使招降亦不下丞相怒麾兵破其南門安節揮雙刀率死士巷戰臂傷被執有求其姓名者安節呼曰我王堅子安節也降之不得乃殺之

李成大 潘大同 潘大肅 潘文孫 潘應奎 胡傳心

李成大字實夫南康軍建昌人文定公李迪之從子也寶祐四年進士德祐初知金壇縣北兵至與寄居官潘大同大肅率民兵巷戰不勝大同兄弟死之吏民挾成大降乃潛與胡用存謀復金壇事泄繫獄榜掠不屈遂

殺其二子以懼之終不屈笑曰子為父死臣為君死卒

殺之事聞贈朝散大夫直祕閣諡忠節制曰外難方熾

擁名城數十而降者相望也守封疆之臣父忠于前子

繼于後如晉卞氏可無喪乎通直郎知鎮江府金壇縣

兼弓手峇兵正李成大勁氣排霄精忠貫日壯志弗就

以沒其身襚以大夫之階官其二孤用慰英爽 壽鏞謹案恭帝

本紀德祐元年四月知金壇縣李成大率義局官舍山縣尉胡傳心陽春主簿潘大同濠梁主簿潘大肅進士

潘文孫潘應奎攻金壇縣取之鎮江統制侯巖縣尉趙嗣濟助元兵來戰成大二子及大同等皆死執成大以歸不屈死事聞成大贈五官大同等贈官有差據此潘大同等同四人應附成大傳胡傳心當即係胡用存惟是

宋季忠義錄卷五

十二四明叢書約園刊本

否同死待放然亦志士也應附傳

陶居仁

陶居仁太平之蕪湖人以行義聞州里仕為鎮江錄事參軍北兵攻鎮江守臣洪起畏遁統制官石祖忠舉城降居仁見執抑使降居仁曰吾固知曆數窮而世運更也詎可失忠義求苟生邪得以死報朝廷夫何憾竟不屈遂見殺元帥至聞居仁死時語歎噴之為棺斂使人護以還其家溯流數百里不時頃至人皆異之鄉人為立祠

趙良淳

趙良淳字景程居饒之餘干太宗子恭憲王之後丞相
汝愚曾孫也累世以學行名號賢宗子良淳少學於其
鄉先生饒魯知立身大節及仕所至以幹治稱而未嘗
千人薦舉初以蔭為泰寧主簿三遷至淮西運轄淳湛
宥官二十餘年馬光祖李伯玉范丁孫交薦辟之卒不
振拔考舉及格改知分寧縣分寧江西劇邑俗尚譁訐
良淳治之不用刑戮不任吏胥取民之敦孝者身親尊
禮之至甚桀驁者乃繩以法俗為少革秩滿特差權江

宋季忠義錄 卷五

十四 四明叢書

約園刊本

西安撫司機宜文字詔除諸司審計院督餉江西升大
理司直咸淳末廷臣議眾建宗室於內郡以為屏翰遂
除良淳知安吉州先是知州李庚遁百事隳廢良淳至
日與僚吏論所以守禦之備悉舉行之時歲饑民相聚
為盜所在蠶起或請以兵擊之良淳曰民豈樂為盜哉
時艱歲旱故相率剽掠苟活耳命僚屬以義諭之眾皆
投兵散歸其不歸者眾縛以獻有掠人貨財詣其主謝
過而還之者良淳勸富人出粟振之嘗語人曰使太守
身可以濟民亦所不惜也其言懇懇足以動人人皆倒

因以應之朝議尋以徐道隆為浙西提刑以輔良淳加

良淳直祕閣文天祥去平江潰兵四出剽掠良淳捕斬
數人梟首市中兵稍戢已而范文虎遣使持書招降良
淳焚書斬其使元兵迫獨松關有旨趣道隆入衛道隆
既去元兵至軍其東西門良淳率眾城守夜就芟舍陴
上不歸先是朝廷遣將吳國定援宜興宜興已危不敢
往乃如安吉見良淳願留以為輔良淳見國定慷慨大
言意其可用也請於朝留戍安吉已而國定開南門納
外兵兵入城呼曰眾散元帥不殺汝由是眾號泣散去

宋季忠義錄 卷五

十五 四明叢書

約園刊本

良淳命車歸府兵士止之曰事至此侍郎當為自全計
良淳叱去之命家人出避乃閉閣自經有兵士解球之
復蘇眾羅拜泣曰侍郎何自苦逃之猶可求生良淳叱
曰我豈逃生者邪眾猶環守不去良淳大呼曰爾輩欲
亂耶眾涕泣出復投縋而死

徐道隆 徐載孫

徐道隆字伯讓婺州武義人父煥知南雄道隆以任入
官累官潭州判官權知全州荆湖制置使汪立信奏辟
道隆為參議官立信遷兵部尚書道隆與賓客千許人

俱去江陵趙孟傳為制置使以道隆參其軍事遂為提
 點刑獄時文天祥既至平江潰卒四出為浙西患苦安
 吉尤甚有旨命道隆措置乃梟其首亂者於市牛監軍
 遁范文虎程鵬飛管景模俱遣書誘降道隆焚書斬使
 元兵至臨平皋亭山令間道入援時水陸皆有屯軍道
 絕不通議由太湖經武康臨安縣境勤王即日乘舟出
 臨湖門泊宋村郡守趙良淳既縊死德祐二年正月朔
 旦追兵及道隆江陵親從軍三百人殊死戰矢盡槍槩
 折一軍盡沒道隆見執艦內聞守者少怠赴水死長子
 載孫亦赴水死餘兵有脫歸者言於朝命贈官賜諡厚
 恤其家立廟安吉官其子孫越三日宋亡

宋季忠義錄 卷五

十四四明叢書 約園刊本

黃介 陳力

黃介字剛中隆興分寧人意氣卓越喜兵法制置使朱
 禛孫帥蜀介上攻守策禛愛之以自隨夏貴辟充廣
 濟簿尉平反死囚尹不能抗錢真孫復辟入幕及與真
 孫別誦南八男兒死爾語以勉之後家居帥鄉民登龍
 安山為保聚計德祐元年北兵至皆眾奔潰介堅守不
 出且射且詬面中六矢不為動顧謂家僮陳力曰爾盡

力勿走力曰主在死生同之介身被鏃如蝟面頸復中
 十三矢倚柵而死力亦死妻劉被掠子用中逃得不死
 及壯求母四方逾十五年得于京師以歸州里稱為黃
 孝子云

吳楚材 吳應登

吳楚材名炎以字行建昌南城人德祐元年建昌降明
 年春楚材還其鄉領村糾集民兵時江西制置使黃萬
 石走邵武遂繇邵武守黎靖德請于萬石乞濟師萬石
 不許而授楚材迪功郎權制置司計議官以安之且戒

宋季忠義錄 卷五

十四四明叢書 約園刊本

勿與兵楚材不聽三月己亥自領村率眾晨炊蓐食將
 攻城鉦鼓震動甫至近郊之龜湖北兵三道蹙之奪其
 長梯鐵鉤因進攻領村拒以木柵不得入事聞益王元
 帥府承制遷楚材宣議郎帶行太社令知建昌軍俾聚
 軍圖再舉萬石匿其命楚材既失利且乏援元兵誘降
 其眾多解去楚材走光澤為人所執及其子應登以獻
 郡遣錄事婁南良訊之曰汝何為錯舉楚材抗聲曰不
 錯不錯如府錄所為乃大錯爾府錄受宋官爵今乃為
 敵用事還思身上綠袍自何而得吾一鄙儒特為忠義

所激爲國出力事雖不成正不錯也南夏愧而語塞及吳浚爲江西制置招討使斬楚材父子傳首諸邑益王立于福州聞而哀之贈官朝奉郎卽邵武境上立廟賜名忠勇

趙希洎

趙希洎宗室子居宜春歷官至戶部尙書咸淳中迓丞相賈似道出領廣東轉運使德祐元年制置使黃萬石檄其勤王得潰卒數百道經廬陵郡守邀其軍遂與從子必向避地贛州亂定歸里時袁守聶嵩孫希洎內嫻

宋季忠義錄 卷五

十八四明叢書 約園刊本

也勉之內款不能屈文天祥兵敗以失言與必向俱被囚辭節愈厲家人饋食則碎器覆諸地俱不食據榻而死

趙時賞

趙時賞字宗白和州宗室也居太平州咸淳元年擢進士第累官知宣州旌德縣德祐元年北軍至境時賞擁民兵捍戰有功升直寶章閣軍器太監從二王入閩中益王卽位擢知邵武軍未幾言者以棄城論罷之文天祥開都督府于南劍奏辟參議軍事江西招討副使與

宗室孟潔提兵越贛州取道石城復寧都縣數以偏師當一面戰比有勝時賞風神明俊議論慷慨有策謀尤爲天祥所知及空坑之役兵敗走吳溪爲追兵所執不屈死之時賞在軍中時見同列盛輜重飾姬侍歎曰軍行如春遊其能濟乎及被執見係繫它僚屬至者時賞輒麾去云小小簽廳官爾執此何爲由是得脫者眾

蕭雷龍

蕭雷龍字領辰建昌新城人景定三年進士調臨安府學教授通判衢州及州守棄城遁朝命雷龍權知府事

宋季忠義錄 卷五

十九四明叢書 約園刊本

北兵薄城下不降脫去還建昌建昌已降雷龍與同里人黃巡檢起兵時北兵四合雷龍度不可支與黃巡檢及麾下數人奔入閩未出境爲同安武人徐浚沖獲送縣權縣尹劉聖仲素與雷龍有怨殺之後聖仲北來泊舟小孤山有巨艦衝前建大旗書曰蕭知府兵繼見雷龍坐船上聖仲大呼有頃不見以驚死

鄒瀛

鄒瀛字鳳叔吉水人後徙永豐少慷慨有大志以豪俠鳴從文天祥勤王補武資至將軍益王立改寺丞領江

西招諭副使聚兵寧都得數萬改授江西安撫副使復
興國永豐二縣進兵部侍郎兼江東西處置副使及永
豐敗繼從天祥開關嶺道未幾復出開督府分司永豐
興國境上北兵驟至大戰瀛脫身走至潮州及天祥被
執瀛自殺當是時從天祥勤王死事者瀛與劉子俊等
凡十有九人因次第其名附見左方

劉子俊

劉子俊字民章廬陵人嘗中漕試少與文天祥同里閉
相友善天祥開督府興國子俊詣府計事補宣教郎帶
行軍器監簿兼督府機宜空坑兵敗子俊收兵保洞源
接應郡縣尋入廣與元兵遇戰敗復招集散亡與鄒瀛
同趨潮州天祥兵敗子俊被執自詭為天祥意使元兵
不窮追天祥可閒走也未幾別隊執天祥至相遇於途
各爭真履至大將前始得其實乃烹子俊

劉沐

劉沐字淵伯廬陵人文天祥鄰曲也少相狎暱天祥好
弈與沐對弈窮思忘日夜以為常及起兵辟補宣教郎
督府機宜暨天祥出使沈領兵還天祥歸開府南劔沈

宋季忠義錄卷五

二十四明叢書
約園刊本

收部曲來會改授太府寺簿專將壹軍為督府親衛會
空坑兵敗被執至豫章父子同日死焉仲子死亂兵季
子復從天祥死嶺南當時江西忠義皆沈所號召沈性
沈實而圓機晝夜應酬憂憂不倦云

孫卓

孫卓字實甫吉州龍泉人獻簡公抃之後天祥長妹婿
也天祥起兵檄卓招忠義士補宣教郎帶行監官告院
知吉州龍泉縣天祥擁兵出贛里人奉卓復龍泉拒守
不下尋為判者所陷執至隆興殺之

宋季忠義錄卷五

二十四明叢書
約園刊本

彭震龍

彭震龍字雷可永新人天祥次妹婿也性跌宕喜事嘗
以罪墨天祥起兵補宣教郎帶行太社令知永新縣會
天祥出使被執震龍遁歸吉州已失乃結峒獠起兵天
祥兵出嶺震龍接應復永新元兵至震龍為親黨所執
至帥府要斬之屠永新

蕭燾夫

蕭燾夫永新人與兄敬夫俱天祥客燾夫為詩有豪俊
氣天祥起兵補從仕郎及彭震龍謀復其縣燾夫贊之

縣受屠兄弟俱死之

陳繼周

陳繼周字碩卿寧都人淳祐三年貢於鄉以捕盜功行未奏名授廉州司法南豐縣知錄淮東總領幹官藤州觀察推官知吉州永豐縣改知高安縣廣東經略司準備差遣知衡陽縣辟淮東轉般倉江東提點刑獄幹辦公事未上會咸淳十年詔徵勤王文天祥方守贛州即日舉兵造繼周問計繼周慨然為具言閩里豪傑子弟與凡起兵之處其為方略甚詳於是留繼周幕中晝夜

宋季忠義錄 卷五

二五 四明叢書 約園刊本

調度授繼周江西安撫司準備差遣率賴士以從繼周雖弱不勝衣而年德有以服人土視為父兄進止疾徐惟指呼無敢先後詔改繼周合入官帶行監文思院差充江浙制置司主管機宜所部夜襲元兵於南柵門殺傷相當質明猶戰渴赴水死

張汴

張汴字朝宗一字次山蜀人少客丞相吳潛兄弟門出入荆閩歷年明習韜略潛兄弟既失廢斥者十餘年繼文天祥起兵辟為祕閣修撰領廣東提舉督府參謀左

右幕府知無不為空坑兵敗為亂兵所殺處置使鄒淵得其屍葬之

鞏信

鞏信安豐軍人為荆湖都統沈勇有謀本隸蘇劉義部曲文天祥開督府劉義以信與王福張必勝詣天祥信官至團練使同督府都統制江西招討使初至都府天祥以義士千人付之信曰此輩徒累人爾乃招淮士數千自隨然常怏怏曰有將無兵其如彼何天祥自與國趨永豐元兵追其後信戰於方石嶺中數矢傷重不能

宋季忠義錄 卷五

二五 四明叢書 約園刊本

戰自投厓石而死土人葬之顏色如生贈清遠軍承宣使立廟旌之

蕭明哲

蕭明哲字元甫太和人性格剛有膽氣明大節少舉進士天祥開府汀州辟充督幹架閣監軍師出嶺明哲以贛縣忠義復萬安連結諸砦拒守兵敗被執不屈死於隆興臨刑大罵不絕口聞者壯之

杜澣

杜澣字貴卿丞相範從子也少負氣遊俠德祐元年有

詔勤王許時宰縣糾集民兵得四千人文天祥開閩平江往附焉時陳志道等贊天祥出使許力爭不可志道逐之去已而天祥果見留志道竊藏逃歸天祥北行諸客無敢從者許獨慨然請行特改兵部架閣從京口以計賂守夜劉千戶者得官鏡脫天祥偕走淮甸繇海道以達永嘉益王即位授司農卿廣東提舉招討副使督府參謀尋往溫台招集兵財福安陷與天祥相失遂趨行朝蘇劉義疑許自來欲殺之陳宜中張世傑不可使人監護之乃免久之奉命復入天祥幕及空坑兵敗又

宋季忠義錄卷五

二五四明叢書約園刊本

與跋涉患難以出天祥移屯潮州許議趨海道天祥不聽使護海舟至官富場許懼力單徑趨厓山兵潰被執以憂憤感疾卒

林琦

林琦閩人也德祐二年元兵既迫臨安琦於赭山結集忠義數千人捍禦海道以功補宣教郎督府主管機宜文字充檢院文天祥開府南劍琦佐其幕琦外文采內忠實數涉患難無怨懟辭及潮州移屯琦俱被執至惠州遁復執之北行赴水爲吏所救至建康以憂憤死

蕭資

蕭資天祥幕下書史也天祥起兵資於患難中扶持甚至空坑兵敗以全督府印功升閣門路鈐轄資性和厚臨機應變輯睦將士總攝細務任腹心之寄湖陽移屯與元兵遇死之

陳牽 陳年

陳牽字肇方一字偉節饒州安仁人父詩川以武功補流陽令咸淳元年父子同舉進士調滁州司戶參軍父喪免改荆閩糧料院又以母憂去調胸山主簿制置使

宋季忠義錄卷五

二五四明叢書約園刊本

印應雷辟入幕德祐元年秋牽繇海道歸杭授南安軍教授不就還家牽少與謝枋得遊會枋得起兵安仁首拔入幕執安仁令李景景牽里人也景請得以家貲二萬贖罪牽曰普天之下莫非王土家財獨非朝廷錢耶聲其罪斬之景子率鄉民五千報怨牽度勢不敵引兵趨信州會守吏遁去牽聞于朝就攝郡事益王即位牽入覲遷宗正寺簿太府寺丞領江東安撫使出上饒接應郡縣所部才千餘人屯火燒山越數月戰潰被執至豫章元帥憐其才驅糜館留之遁去後三年復起兵尋

敗入積煙山中自刎死所著有鶴心集其詩多譏刺當時之士大夫弟年同時被執死焉

劉士昭 王士敏

劉士昭太和人嘗為鍼工與鄉人同謀復太和縣兵敗血指書帛云生為宋民死為宋鬼赤心報國一死而已因以其帛自縊死其黨入獄多乞憐苟免有王士敏者獨慷慨不撓題其裾此生無復望生還一死都歸談笑閒大地盡為腥血汗好收吾骨首陽山臨刑歎曰恨吾病失聲不能大罵耳

宋季忠義錄 卷五

二六四 明叢書 約園刊本

呂武

呂武太平州步卒也文天祥出使武應募從行偕脫鎮江之難沿淮東走海道賴武力為多天祥開府南劔武以武功補官遣之結約州縣起兵相應道阻復崎嶇數千里即天祥於汀梅挺身患難化賊為兵以環衛官將數千人出江西以遇士大夫無禮死於橫逆一軍揮涕而葬之武忠梗出天性不避疆禦而好面折人過多觸忌諱故及於禍云

趙文義 趙武義

趙文義郢州都統制更戍歸與北兵遇力戰死之初開州之役文義兄武義亦死焉恭帝本紀咸淳十年十一月贈文義清遠軍節度使與其兄威武軍節度使文亮共立廟揚州賜名傳忠

宋季忠義錄 卷五

二七四 明叢書 約園刊本

宋季忠義錄卷五

宋季忠義錄卷六

四明萬斯同季野輯

男世標子建校

徐應鑣

徐應鑣字巨翁衢之江山人世為衛望族咸淳末試補太學生德祐二年宋亡瀛國公入燕三學生百餘人皆從行應鑣不欲從乃與其子琦崧女元娘誓其焚子女皆喜從之太學故岳飛第有飛祠應鑣具酒肉祀飛曰天不祐宋社稷為墟應鑣死以報國誓不與諸生俱北死已將魂魄累王作配神主與王英靈永永無斃琦亦

宋季忠義錄卷六

四明叢書 一 約園刊本

賦詩以自誓祭畢以酒肉餉諸僕諸僕醉臥應鑣乃與其子女入梯雲樓積諸房書籍箱笥四周縱火自焚一小僕未寐聞火聲起至樓下穴牖視之應鑣父子儼然坐立如廟塑像走報諸僕壞壁入撲滅火應鑣不能死與其子女怏怏出戶去倉卒莫知所之翌日得其屍祠前井中皆僵立瞳目面如生諸僕為具棺斂殯之西湖金牛僧舍益王立福州褒其節贈朝奉郎祕閣修撰後十年其同舍生劉汝鈞率儒者五十餘人收而葬之方家峪私諡曰正節先生

高應松

高應松開慶元年進士繇衢州教授通判廣德軍召為國子監丞權禮部員外郎翰林權直北兵自湧金門入舉朝奔竄從官留者九人應松其一也遷中書舍人直學士院尋遷權工部侍郎進端明殿學士簽書樞密院事從瀛國公至燕絕粒不語越七日卒

趙孟彙

趙孟彙福王與芮從子元軍逼紹興孟彙謀舉兵興復事洩被執至臨安范文虎詰其謀逆孟彙詎曰賊臣負國厚恩其危社稷我帝室之胃欲一刷宗社之耻乃更以為逆乎文虎怒驅出斬之過宋廟呼曰太祖太宗列聖之靈在天何以使孟彙至此都人莫不隕涕既死雷電晝晦者久之

趙孟壘

趙孟壘合州人登開慶元年第為金華尉臨安降與從子由鑑懷太皇太后帛書詣益王擢宗正寺簿監軍復明州戰敗見獲不屈磔死

潘方

宋季忠義錄卷六

四明叢書 一 約園刊本

潘方温州平陽人寶祐四年進士調監慶元府市舶慶元降附方不屈赴水死

鍾季玉

鍾季玉饒州樂平人淳祐七年舉進士調為都大坑冶屬改知萬載縣淮東制置使李庭芝薦之遷審計院改宗正寺簿又遷樞密院編修出知建昌軍會有旨江西和糴季玉至郡才半年屬歲旱度其經賦不能辦請於朝和糴得減三之一遷提舉常平未幾改轉運判官皆不赴後以江西轉運判官疆起之郡大胥以賄敗前使

宋季忠義錄卷六

四明叢書約園刊本

百計護之季玉卒窮治投嶺表俄以秘書丞召還遭前使構讒而封駁之改都大提點坑冶北兵渡江季玉徙寓建陽兵至不屈死之

林空齋 林同 劉全子

林空齋永福人失其名父同官至監丞空齋舉進士歷知縣解官家居益王立張世傑圍泉州乃率鄉人黃必大劉全祖即其家開忠義局起義兵復永福縣時王積翁以福安送款世傑然實密約北兵至屠永福必大全祖等走宅邑空齋盛服坐堂上嚙指血書壁云生為忠

義臣死為忠義鬼草間雖可活吾不忍生爾諸君何為者自古皆有死俄見執不屈而死

閩書林同傳曰林同字子真閩縣人棄世澤官終養不出孝謙廉讓而深於詩嘗著孝弟篇及三教一心諸語宋幼帝南入海樞密張世傑轉圍泉州傳檄諸州起兵應之同所居其祖椽舊宅軒敞可治事而邑人劉全子者太常少卿誅之後故為監丞同妹夫也與鄉人黃必大謀起兵應世傑即同宅置忠義局募士復永福縣宋以全子為福建招撫使景炎二年九月元也的迷失兵

宋季忠義錄卷六

四明叢書約園刊本

入福州其冬入福清全子與戰敗出亡走眾勸同避之同曰吾宅業建局名忠義何以走為盛服坐堂上嚙指題壁曰生為忠義臣死作忠義鬼草間足可活吾不苟為爾諸公何為者自古皆有死兵至詰之大罵而死全子出亡既亦自經死而林劉二族株連者甚眾壽鏞案閩書林同傳所載題壁語與空齋語同或係史官誤載或閩書誤述二者必居其一然父子忠義概可見矣

李芾 于興 顏應焱 沈忠

李芾字叔章其先廣平人中徙汴高祖升起進士為吏有廉名靖康中金人破汴以刃迫其父升前捍之與父

俱死曾祖椿徙家衡州遂為衡人芾生而聰警少自樹
立名其齋曰無暴棄魏了翁一見禮之謂有祖風易其
名曰肯齋初以蔭補南安司戶辟祁陽尉出振荒卽有
聲攝祁陽縣縣大治辟湖南安撫司幙官時盜起永州
招之歲餘不下芾與參議鄧垓提千三百人破其巢禽
賊魁蔣時選父子以歸餘黨遂平攝湘潭縣縣多大家
前令束手不敢犯芾稽籍出賦不避貴勢賦役大均入
朝差知德清縣屬浙西饑芾置保伍振民活數萬計遷
主管酒庫所德清有妖人扇民為亂民蜂起附之至數

宋季忠義錄 卷六

五 四明叢書 約園刊本

萬人遣芾討之盜聞其來眾立散歸除司農寺丞歷知
永州有惠政永人祠之以浙東提刑知溫州州瀕海多
盜芾至盜息遂以前官移浙西時浙西亦多盜羣穴太
湖中芾跡得其出殺按捕之盜亦駭散作虎丘書院以
祠尹焞置學宮親為學規以教之學者甚眾咸淳元年
入知臨安府時賈以道當國前尹事無鉅細先關白始
行芾獨無所問福王府有迫人死者似道力為營挾芾
以書往復辨論竟寘諸法嘗出閱火具民有不為具者
問之曰似道家人也立杖之似道大怒使臺臣黃萬石

誣以賊罪罷之大軍取鄂州始起為湖南提刑時郡縣
盜擾民多奔竄芾令所部發民兵自衛縣與一阜幟令
曰作亂者斬幟下民始帖然乃號召發兵擇壯士三千
人使土豪尹奮忠將之勤王別召民兵集衡為守備未
幾似道兵潰蕪湖乃復芾官知潭州兼湖南安撫使時
湖北州郡皆已歸附其友勸芾勿行曰無已卽以身行
可也芾泣曰吾豈昧於謀身哉第以世受國恩雖廢棄
中猶思所以報者今幸用我我以家許國矣時其所愛
女死一慟而行德祐元年七月至潭潭兵調且盡游騎

宋季忠義錄 卷六

六 四明叢書 約園刊本

已入湘陰益陽諸縣倉卒召募不滿三千人乃結溪峒
蠻為聲援繕器械時芻糧柵江修壁命劉孝忠統諸軍
吳繼明自湖北至陳義陳元自戍蜀歸芾奏請留之戍
潭推誠任之皆得其死力元右丞阿里海牙既下江陵
分軍戍常德邊諸蠻而以大兵入潭芾遣其將于興帥
兵禦之於湘陰與戰死九月再調繼明出禦兵不及出
而元軍已圍城芾慷慨登陣與諸將分地而守民老弱
亦皆出結保伍助之不令而集十月兵攻西壁孝忠輩
奮戰芾親冒矢石以督之城中矢盡有故矢皆敗羽芾

命括民間羽扇羽立具又苦食無鹽芾取庫中積鹽席
焚取鹽給之有中傷者躬自撫勞日以忠義勉其將士
死傷相籍人猶飲血乘城殊死戰有來招降者芾殺之
以徇十二月城圍益急孝忠中礮風不能起諸將泣請
曰事急矣吾屬爲國死可也如民何芾罵曰國家平時
所以厚養汝者爲今日也汝第死守有後言者吾先戮
汝除夕元兵登城戰少卻旋蟻附而登衡守尹穀及其
家人自焚芾命酒醉之因留賓佐會飲傳令猶手書盡
忠字爲號飲達曰諸賓佐出參議楊霆赴園池死芾坐

宋季忠義錄 卷六

七

四明叢書
約園刊本

熊湘閣召帳下沈忠遺之金曰吾力竭分當死吾家人
亦不可辱於俘汝盡殺之而後殺我忠伏地叩頭辭以
不能芾固命之忠泣而諾取酒飲其家人盡醉乃徧刃
之芾亦引頸受刃忠縱火焚其居還家殺其妻子復至
火所大慟舉身投地乃自刎幕屬茶陵顧應焱安仁陳
億孫皆死潭民間之多舉家自盡城無虛井楨林木者
累累相比繼明等以城降陳毅潰圍將奔閩中道戰死
事聞贈端明殿大學士諡忠節芾初至潭遣其子裕孫
出曰存汝以奉祀也其孫輔叔時亦親迎於溫皆得不

死二王悉詔入閩官之芾爲人剛介不畏強禦臨事精
敏姦猾不能欺且強力過人自旦治事至暮無倦色夜
率至三鼓始休五鼓復起視事望之凜然猶神明而好
賢禮士卽之溫然雖一藝小善亦惓惓獎薦之平生居
官廉及擯斥家無餘貲壽鑄案宋史瀛國公傳德祐二
年春芾闔門死幕屬陳億孫顏
應焱等皆從芾死忠義李芾傳幕屬茶陵
顧應焱安仁陳億孫皆死顧字應作顏

尹穀

尹穀字耕叟潭州長沙人性剛直壯厲初處郡學士友
皆嚴憚之宋以詞賦取士季年惟閩浙賦擅四方穀與

宋季忠義錄 卷六

八
四明叢書
約園刊本

同郡邢天榮董景舒歐陽逢泰諸人爲賦體裁務爲典
雅每一篇出土爭學之由是湘賦與閩浙頡頏中年登
進士第調常德推官知崇陽縣所至廉正有聲丁內艱
居家教授不改儒素日未出授諸生經及朱氏四書士
雖有才思而不謹飭者擯不齒諸生隆暑必盛服端居
終日夜滅燭始免巾幘早作必冠而後出帷行市中市
人見其行動有禮相謂曰是必尹先生門人也詰之果
然晚入李庭芝制幕用薦擢知衡州需次於家潭城受
兵帥臣李芾禮以爲參謀共畫備禦策時城中壯士皆

入衛臨安所餘軍僅四百五十人老弱大半芾糾率民兵獎勵以義人殊死戰三月城不下元軍斷絕險要援兵不至穀知城危與妻子訣曰吾以寒儒受國恩典方州誼不可屈若輩必當從吾死耳召弟岳秀使出以存尹氏祀岳秀泣而許之已乃積薪扁戶朝服望闕拜已先取歷官告身焚之即縱火自焚隣家挾之火熾不可前但於烈焰中遙見穀正冠端笏危坐闔門少長皆死焉芾聞之命酒酌穀曰尹務實男子也先我就義矣務實穀號也初潭士以居學肄業爲重州學生月試積分

宋季忠義錄卷六

九四明叢書
約園刊本

高等升湘西嶽麓書院生又積分高等升嶽麓精舍生潭人號爲三學生兵興時三學生聚居州學猶不廢業穀死諸生數百人往哭之城破多感激死義者

楊霆

楊霆字震仲少有志節以世澤奏補將仕郎銓試第一授脩職郎柱嶺主簿有能聲五中漕舉改鄂州教授遷復州司理參軍轉常澧觀察推官擢知監利縣縣有疑獄歷年不決霆未上微服廉得其實立決之人稱神明辟荊湖制置司幹官呂文德爲帥素慢侮士常試以難

事霆倉卒立辦皆合其意一日謂曰朝廷有密旨出師策應淮東誰可往者即對曰某將可又曰兵器糧草若何即對曰某營兵馬某庫器甲某處矢石某處芻糧口占授吏頃刻案成文德大驚曰吾平生輕文人以其不事事也公材幹如此何官不可爲吾何敢不敬密薦諸朝除通判江陵府江陵大府雄據上流表裏襄漢西控巴蜀南扼湖廣兵民雜處庶務叢集霆隨事裁決處之泰然暇日詣郡庠與諸生講學又取隸官閒田增益廩稍選民之強壯當農隙訓練之時付以器械雜兵行肄習親閱試行賞以激勸之未幾有能擐甲騎射者遂皆獲其用而兵不復擾民丁內艱德祐初起復奉議郎湖南安撫司參議與安撫使李芾協力戰守霆有心計善出奇應變帥府機務芾一以委之城初被圍日夜守禦數日西北隅破霆麾兵巷戰抵暮增築月城比旦城復完策厲將士以死守之城既破霆赴水死妻妾奔收無及遂皆死

宋季忠義錄卷六

十四四明叢書
約園刊本

馬堅

馬堅宕昌人也一家父叔兄弟皆以忠勇爲名將而堅

與其兄堃特顯咸淳中堃知欽州徙知邕邕地接六詔
安南傍通諸溪峒撫御少失宜往往召亂堃鎮撫諸蠻
及治關隘皆有條理大理不敢越善闡安南不敢入永
平諸峒皆上帳冊邊陲晏然廣西經略李興上其功加
閩門宣贊舍人未幾以左武衛將軍徵入朝已而宋亡
堃因留靜江總屯戍諸軍護經略司印守城至元四十
年平章阿里海牙攻廣西堃發所部及諸峒兵守靜江
而自將三千人守嚴關鑿馬坑斷嶺道元兵攻嚴關不
克乃以偏師入平樂過臨桂夾攻堃堃兵敗退保靜江
平章使人招降堃發弩射之攻三月堃夜不解甲前後
百餘戰城中死傷相藉訖無降意城東隅稍卑元軍陽
攻西門以精兵夜決水插攻東門破其外城堃閉內城
城守又破之堃率死士巷戰刀傷臂被執殺之斷其首
猶握拳奮起立踰時始仆靜江破邕守馬成旺及其子
都統應麒以城降獨堃部將婁鈐轄猶以二百五十人
守月城不下

婁鈐轄

婁鈐轄失其名爲馬堃部將靜江陷猶以二百五十人

宋季忠義錄卷六

十二四明叢書
約園刊本

守月城不下阿里海牙笑曰是何足攻圍之十餘日婁
從壁上呼曰吾屬飢不能出降苟賜之食當聽命乃遺
之牛數頭米數斛一部將開門取歸復閉壁元軍乘高
視之兵皆分米炊未熟生鬻牛啖立盡鳴角伐鼓諸將
以爲出戰也甲以待婁乃命所部入擁一大礮然之聲
如雷霆震城城皆崩煙氣漲天外兵多驚死者火燼入
視之灰燼無遺矣

劉子薦

劉子薦字貢伯吉州安福人父夢驥以進士歷官知澧

宋季忠義錄卷六

十二四明叢書
約園刊本

州沒於王事子薦以任爲湘鄉尉以獲盜功調撫州司
錄有愬王應亨毆死荷擔黃九者獄成矣子薦閱爰書
疑而駁之俄烈風迅雷闢獄戶裂吏契殺人者實孔目
馮汝能非應亨也獄遂白得免死者八人事聞頒諭天
下之爲理官者改知贛縣監行在左藏庫通判常德府
知融州陞解度宗愬之曰廣郡凋瘵賴卿撫摩子薦對
曰臣當推行德化以安其民至官以廉靜著聞主管仙
都觀廣西經略司檄爲參議官德祐二年十一月北兵
至靜江權經略使馬堃遣子薦提糴兵藥弩手守城東

門勢不支時瀛國公已入燕子薦取笏書其上云我頭可斷膝不可屈登城北望再拜取所衣袍瘞之語左右曰事急不可為吾有以死守或諷子薦遁去子薦曰死專義也何以遁為竟死之

黃文政

黃文政淮人戍蜀軍潰間道走靜江馬暨邀與同守城破文政被執大詬不屈元軍斷其舌以次剗刑之文政含胡叱咄比死不絕聲

鄧得遇

鄧得遇字達夫邛州人淳祐十年進士調寧遠主簿改知南昌縣通判隆興府監行在藏庫出知昭州遷廣西提點刑獄逾年攝經略事兼知靜江府德祐元年長沙被兵得遇遣都統馬驥馬應麒赴援驥潛叛而還得遇斬之軍事悉委之應麒未幾馬暨代闕議事不合二年移治蒼梧靜江破得遇朝服南望拜辭書幅紙云宋室忠臣鄧氏孝子不忍偷生寧甘溷死彭咸故居乃吾潭府屈公子平乃吾伴侶優哉悠哉吾得其所遂投南流江而死

宋季忠義錄 卷六

十三 四明叢書 約園刊本

莫謙之 萬安僧

莫謙之常州宜興僧人也德祐元年糾合義士捍禦鄉閭詔為溧陽尉是冬沒於戰陳贈武功大夫時萬安僧亦起兵舉旗曰降魔又曰時危聊作將事定復為僧旋亦敗死

徐道明

徐道明常州天慶觀道士也為管轄賜紫德祐元年北兵圍城道明謁郡守姚崑請曰事急矣君侯計將安出崑曰內無食外無援死守而已道明亟還慨然告其徒曰姚公誓與城俱亡吾屬亦不失為義士迺取觀之文籍置石函藏坎中兵屠城道明危坐炳香讀老子書兵使之拜不顧誦聲琅然以刃脅之不為動遂死焉

趙與樸 方洪

趙與樸為嗣秀王德祐二年為浙閩廣察訪使益王之立舅楊完節居中秉權與樸自以國家親賢多所諫止遂犯忌嫉諸將俱憚之未幾北兵逼浙東乃命與樸出瑞安與守臣方洪共任備禦朝臣言與樸有劉更生之忠曹王皋之孝宜留輔以隆國本譖者益急卒遣之瑞

宋季忠義錄 卷六

十四 四明叢書 約園刊本

安受圍城中危急與洪誓以死守小校李雄夜開門納外兵與釋洪率眾巷戰兵敗被繫董文炳問之曰汝爲秀王耶今能降乎與釋厲聲曰我國家近親今力屈而死分也尙何問爲遂殺之洪亦伏節而死

案宋史二王本紀景炎元年八月甲戌秀王與釋圍婺州丙子聞元兵至遂解歸十一月參政阿剌罕董文炳將兵至處州制置使李珪以城降甲辰秀王與釋逆戰於瑞安觀察使李世達死之與釋及其弟與慮子孟備監軍趙由瑁察訪使林溫被執皆死再考

宋季忠義錄卷六

十五 四明叢書

約園刊本

陳仲微二王本末書十月元兵至處州守臣李珪遁十一月董右丞至瑞安時改溫州爲瑞安府趙與釋李世達等

禦之敗績世達遁與釋退屯福安城遂降十二月元董右丞兵至福安縣與釋拒戰敗績死之是與釋實死難矣及考溫州府志則言益王嗣位年號景炎以李珪爲浙東制置使守瑞安郡人徐似孫倅嘗還珪辟入幕充參議官是夏招撫使印德傳提所部兵至秋防禦使翟國秀提舟師至未幾秀王趙與釋步帥李世達亦提兵至政令不一內外騷擾十月珪被召

秀王代之德傳提所部入閩時台處已相繼降十一月朔鄉民告急秀王以爲訛率繩以法五日江北山後煙焰五天猶指爲野燒六日早濱海舉火距城一舍光徹夜如晝李帥始脅秀王守城席捲帑藏以逃十三日省官即董文炳令總管高興爲征南馬步先鋒由洞嶺道襲秀王及李步帥哈刺鰓元帥王招討提舟師由海道取福州明年正月朔秀王及李步帥林將軍於福州羅源道上悉被戮是與釋非皎皎死難者但其被殺則一也其死之地則在閩中而不在瑞安

宋季忠義錄卷六

十六 四明叢書

約園刊本

安當以後二書爲據至李世達之非死難則賴溫州志而明

司馬夢求

司馬夢求敘州人開國公光之後也母程歸及門夫死誓不他適旌其閭曰節婦夢求其族子取以爲後景定三年舉進士咸淳末調江陵沙市監鎮沙市距城才十五里南阻蜀江北倚江陵地勢險固爲舟車之會恃水爲防德祐元年湖水忽涸北兵橫邊中道乘南風縱火都統程文亮逆戰於馬頭岸制置使高達束手不援文

亮降夢求朝服望闕再拜自經死

趙立

趙立字德脩重慶人第進士以上書迂賈似道被謫德祐初起為大社令湖北提刑使蜀趣諸將入衛至重慶則魯萬壽已降張珪方城守為後圖立無以復命還至涪沈水死

曹琦

曹琦蜀進士也知南平軍亦被執脫身南歸制置辟主管機宜文字聞都統趙安以城降就守禦地自經死

宋季忠義錄卷六

十七四明叢書

約園刊本

王仙

王仙蜀都統也守涪州北兵攻圍無虛日勢孤援絕宋亡之二年城始破仙自刎斷其亢不殊以兩手自摘其首墜死

徐宗仁

徐宗仁字求心信之永豐人淳祐十年進士歷官國子監主簿開慶元年伏闕上書曰賞罰者軍國之綱紀賞罰不明則綱紀不立今天下如器之破而未墜於地存亡之機固不容髮兵虛將惰而力匱財殫環視四境類

不足恃而所恃以維持人心奔走豪傑者惟陛下賞罰

之微權在耳權在陛下而陛下不知所以用之則未墜

者安保其終不墜乎臣為此懼久矣陛下當危急之時

出金幣賜土田授節鉞分爵秩尺寸之功在所必賞故

當悉心效力圖報萬分可也而自幹腹之兵越江踰廣

而來凡閱數月尚未聞有死戰陣死封疆死城郭者豈

賞罰不足以勸懲之耶今通國之所謂伏罰者不過丁

大全袁玠沈翥張鎮吳衍翁應弼石正則王立愛高鑄

之徒而首惡則董宋臣也是以廷紳抗疏學校叩闕至

宋季忠義錄卷六

十八四明叢書

約園刊本

有欲借尚方劍為陛下除惡而陛下乃釋而不問豈真

欲愛護此數人而重拂千萬人之心天下之事勢急矣

朝廷之紀綱壞矣若誤國之罪不誅則用兵之士不勇

今東南一隅天下已半壞於此數人之手而罰不損其

毫毛彼方擁厚貲挾聲色高臥華屋而使陛下與二三

大臣焦心勞思可乎三軍之在行者豈不憤然不平曰

稔禍者誰歟而使我捐軀兵革之間百姓之罹難者豈

不羣然胥怨曰召亂者誰歟而使我流血鋒鏑之下陛

下亦嘗一念及此乎又極論邊事謂惠襲而威不振論

董宋臣盤固日久蒙蔽日深又請使有言責者皆得盡其言則國論伸而國威振臣雖屏處山林亦有生氣遷國子監丞祕書省著作佐郎主管崇禧觀遷考功郎官兼崇政殿說書進讀敬天圖遷太府少卿兼侍講兼侍立修注官遷太常少卿兼國史編修實錄檢討知寧國府監察御史郭閻論罷德祐元起授吏部侍郎兼中書門下檢正諸房公事兼提領豐儲倉所兼同脩國史實錄院同修撰侍左侍郎乞假督府名稱往本州同守臣防拓不允權禮部尚書兼益王府贊讀衛益王走海

宋季忠義錄 卷六

十九 四明叢書

約園刊本

上厓山兵敗死焉

劉鼎孫

劉鼎孫字伯鎮江陵人第進士祥興時官翰林學士厓山師覆鼎孫驅家屬并輜重沈海不死被執榜掠無完膚一夕得脫卒蹈海死

謝枋得

謝枋得字君直信州弋陽人也爲人豪爽每觀書五行俱下一覽終身不忘性好直言一與人論古今治亂國家事必掀髯抵几跳躍自奮以忠義自任徐霖稱其如

驚鶴摩霄不可籠繫寶祐中舉進士對策極攻丞相董槐與宦官董宋臣意擢高第矣及奏名中乙科除撫州司戶參軍卽棄去明年復出試教官中兼經科除教授建寧府未上吳潛宣撫江東西辟差幹辦公事團結民兵以口饒信撫科降錢糧米以給之枋得說鄧傳二姓諸大家得民兵萬餘人守信州暨兵退朝廷覈諸軍費幾至不免五年彗星出東方枋得考試建康擿似道政事爲問自言兵必至國必亡漕使陸景思銜之上其橐於似道坐居鄉不法起兵時冒破科降錢且訕謗追兩

宋季忠義錄 卷六

二十四 四明叢書

約園刊本

官謫居興國軍咸淳三年赦放歸德祐元年呂文煥導元兵東下鄂黃蘄安慶九江凡其親友部曲皆誘下之遂屯建康枋得與呂師夔善乃應詔上書以一族保師夔可信乞分沿江諸屯兵以之爲鎮撫使使之行成且願身至江州見文煥與議從之使以沿江察訪使行會文煥北歸不及而反以江東提刑江西招諭使知信州明年正月師夔與武萬戶分定江東地枋得以兵逆之使前鋒呼曰謝提刑來呂軍馳至射之矢及馬前枋得走入安仁調淮士張孝忠逆戰團湖坪矢盡孝忠揮雙

刀擊殺百餘人前軍稍卻後軍繞出孝忠後眾驚潰孝忠中流矢死馬奔歸枋得坐敵樓見之曰馬歸孝忠敗矣遂奔信州師襲下安仁進攻信州不守枋得乃變姓名入建寧唐石山轉茶坂寓逆旅中日麻衣躡屨東鄉而哭人不識之以爲被病也已而去賣卜建陽市中有來卜者惟取米履而已委以錢率謝不取其後人稍稍識之多延至其家使爲弟子論學天下既定遂居閩中至元二十三年集賢學士程文海薦宋臣二十二人以枋得爲首辭不起又明年行省丞相忙兀台將旨詔之

宋季忠義錄 卷六

三十四 明叢書 約園刊本

執手相勉勞枋得曰上有堯舜下有巢由枋得名姓不祥不敢赴詔丞相義之不強也二十五年福建行省參政管如得將旨如江南求人材尙書留夢炎以枋得薦枋得遺書夢炎曰江南無人材求一瑕呂飴甥程嬰杵曰斷養卒不可得也紂之亡也以八百國之精兵而不敢抗二子之正論武王太公凜凜無所容急以興滅繼絕謝天下殷之後遂與周並立使三監淮夷不叛武庚必不死殷命必不黜夫女真之待二帝亦慘矣而我宋今年遣使祈請明年遣使問安王倫一市井無賴狎邪

小人謂梓宮可還太后可歸終則二事皆符其言今一王倫且無之則江南無人材可見也今吾年六十餘矣所欠一死耳豈復有它志哉終不行郭少師從瀛國公入朝既而南歸與枋得道時事曰元本無意江南屢遣使使頓兵令毋深入待還歲幣卽議和無枉害生靈也張宴然上書乞斂兵從和上卽可之兵交二年無一介行李之事乃挈數百年宗社而降因相與痛哭福建行省參政魏天祐見時方以求材爲急欲薦枋得爲功使其友趙孟頫來言枋得罵曰天祐仕閩無毫髮推廣德意反起銀治病民顧以我輩飾好邪及見天祐又傲岸不爲禮與之言坐而不對天祐怒強之而北枋得卽日食菜果二十六年四月至京師問謝太后攢所及瀛國公所在再拜慟哭已而病遷憫忠寺見壁間曹娥碑泣曰小女子猶爾吾豈不汝若哉留夢炎使醫持藥雜米飲進之枋得怒曰吾欲死汝乃欲生我耶棄之於地終不食而死

宋季忠義錄 卷六

三十四 明叢書 約園刊本

宋季忠義錄卷六

宋季忠義錄卷七

四明萬斯同季野輯 男世標子建校

趙與糖 楊義忠

趙與糖德祐元年知寧國縣元伯顏徇寧國與糖率眾

城守出戰死之詔贈直文華閣吏楊義忠亦戰死見茶

紀江

王復 王倚 楊彭年 鄭衷

王復以龍圖閣待制知徐州建炎三年金人自襲慶府

引兵圍徐州復與男倚同守城率軍民力戰外援不至

宋季忠義錄 卷七

四明叢書 約園刊本

城陷復堅坐聽事不去謂粘罕曰死守者我也監郡而

次無預焉願殺我而舍僚吏百姓粘罕欲降之復慢罵

求死闔門百口皆被殺巡檢楊彭年亦死焉事聞贈資

政殿學士謚壯節立廟楚州號忠烈官其子五人 宋史

王復知徐州北軍圍城與子倚戮力戰守久之外援不

至城陷慢罵求死闔門百口皆遇害其帳下趙立已奪

門出又潛入求復屍掩之奏立忠烈廟謚壯節時教授

鄭襄巡檢楊彭年亦死之 江南通志 壽鏞案宋史忠

義三趙立傳建炎三年金人攻徐王復拒守命立督戰中六矢戰益勵復壯其勇城

死王復鄭襄均附趙立傳是復死難非宋季也與萬氏編例不符宜刪今取宋史傳補之姑仍其舊

趙時踐

趙時踐宋末為廣德軍司戶參軍攝建平縣事元兵南

下先驅擁東門時踐與繆選起計事官署中夜歎曰事

勢如此惟有死耳選起曰如家何時踐曰皮之不存毛

將安附黎明指前溪曰吾已與家人訣懷石是中矣因

登縣樓搥鼓與敵遇敵入勢盛與妻子僕妾九人赴溪

潭死 江南通志 下同

王汝翼 孟唐老

宋季忠義錄 卷七

四明叢書 約園刊本

王汝翼廣德知縣元兵入境汝翼死之 恭帝本紀德祐

元年四月元兵入廣德縣知縣王汝翼與寓居趙時晦率義兵戰鬥山

路分孟唐老與其二子俱死汝翼被執至建康死之事

聞唐老贈三官汝翼贈朝奉郎

周真 周真字子繼旌德人咸淳中奉文丞相劄授本縣尉元

兵壓境力戰死之 江南通志 下同

張孝忠 張孝忠淮人德祐初呂文煥導元兵東下呂師夔與武

萬戶分定江東地知信州謝枋得走入安仁調孝忠逆

戰團湖坪矢盡揮雙刀擊殺百餘人前軍稍卻後軍繞出孝忠後軍驚潰孝忠中流矢死

張德興

張德興淮人端宗景炎二年與淮西野人原寨劉源等起兵興復司空山民傅高起兵應之遂復黃州壽昌戰於樊口殺元將鄭鼎未幾元襲破司空山復陷壽昌德興死之宋史二王傳載至元十四年五月淮民張德興起兵殺太湖縣丞王德顯據司空山攻下黃州壽昌軍丁已遇宣慰鄭鼎戰樊口鼎墜水死八月已卯大軍破司空山德興兵敗亡走與此可相證

夏椅

宋季忠義錄 卷七

二四明叢書 約園刊本

夏椅安慶通判元兵至境知府范文虎以城降椅乃飲藥卒衣襟中有遺筆云職當其劇死逢其否負吾君親方寸亂矣命無所逃當死而死五十六年歸其天理江南通志

夏椅字景實德興人補太學生會朝廷起復史嵩之率同舍生上書爭之不報登進士授安慶教授遷知鉛山書視民如傷四字於座右歲饑救荒有奇政既解去謝壘山作清廉引以紀其績遷安慶通判元兵至郡守范文虎降椅思勢不能支遂飲藥死事聞贈直祕閣見恭本

紀江西 通志下同

章如旦

章如旦字希周餘干人咸淳進士起家東陽主簿至撫州僉判元兵圍襄陽得江萬里書言呂文煥降泣不食三日與安仁陳陽見提刑謝枋得會枋得與張練帥議勤王帥大喜因與至弋陽入朱神廟卜如旦曰今國家大勢如此又何疑哉為臣子者盡忠孝而已枋得願陽曰壯哉章希周也德祐中元兵圍饒州枋得集兵安仁如旦起兵迎之既而饒州降餘干亦降元兵攻安仁至

宋季忠義錄 卷七

四四明叢書 約園刊本

團湖張孝忠戰死如旦萬全敗走尋死之

齊興隆

齊興隆字昕翁德興人景定間進士官蒲圻令值元兵下江南興隆義不食粟佩印綬以歸曰全吾印以還吾君全吾身以還吾親遂溺死

熊襄

熊襄字贊國新昌人以祖仔觀察使廕初調無為簿再調湘潭司法以正直忤上官拂衣歸以郊恩授迪功郎監潭州糧料院秩滿家居結義兵以保鄉井劇盜不敢

近乙亥邑人姚文龍自九江引兵先闖鄉郡而遣其弟
諭降襄毅之次年兵至眾潰見執文龍詰之襄曰去年
我殺卿弟今年卿殺我丈夫何恨之有遂死

鍾克俊

鍾克俊龍南人宋末以太學生家居聞三宮北遷糾集
義旅為勤王之舉知勢不可為走登嶺之馬祖巖遙望
中原悲歌激烈已而痛憤益深賦詩一章有自許有身
埋漢土終憐無泪哭秦庭之句遂投龍頭江而死見宋文憲

鍾府君
墓碣銘

宋季忠義錄 卷七

五 四明叢書
約園刊本

李長庚

李長庚字子西新昌人初任清江尉再調湘潭丞元兵
至同寅皆遁獨長庚攜諸司印居守被執不屈死之士
友葬於學地并為文表其阡

李梓發

唐仁 黃賢 張伯子
仲 陽清叟 李申巽

劉淵子 張南

李梓發字材甫上猶人德祐元年以世族舉為南安三
縣巡檢次年冬元丞相塔出及呂師夔統兵圍上猶獻
歲猶不解去梓發隨邑令李申巽及邑中諸義士唐仁
劉淵子輩堅守不懈塔出親臨門城上弓礮齊發元兵

死者數千人元人曰此城雖小人心堅乃爾耶即徙寨

水南遂解去人皆壯之文丞相表梓發為團練使督府

諮議收之幕下少選申巽請梓發往來南嶺之間圖戰

守計踰二年為祥興己卯三月元參政賈居貞復引兵

數萬來至城下梓發與邑令及邑諸義士誓眾城守益

堅士益憤時文丞相兵在嶺外敗績行朝於厓山亡邑

子黃桂紱知之道自外歸為呂卒所獲令齎榜入城招

降且傳厓山之難梓發大怒謂妖言惑眾戮桂紱無何

城陷梓發猶率眾巷戰力盡猶歸家刺血醢酒用祠寢

宋季忠義錄 卷七

六 四明叢書
約園刊本

與子姓四十七人皆自焚同時有唐仁黃賢張伯子劉

淵子張南仲陽清叟忠義壯烈及邑令申巽皆遇害李

發見末
帝本紀

趙時倚

趙時倚字謙甫奉新人宗室子也以詞賦登開慶進士

授興國軍大冶尉郡守趙崇國屬時倚築郡城帥閭賈

以纖節構其罪朝議以為枉特授廣東連山尉受經略

司檄平潮州等處蠻寇有功辟南海尉就知本郡祥興

元年厓山行朝潰與幼主同沈於海

羅一理 羅起潛

羅一理字循與進賢人咸淳鄉舉謝枋得為江西招諭使舉兵為宋恢復一理偕弟起潛赴義被擒不屈皆腰斬起潛臨刑顧謂一理曰今日得死所矣既沒面皆如生

徐子中

徐子中字益之豐城人子端之弟繇承務郎監黃花鎮德祐初元兵陷當塗子中闔門死之

胡敬方

宋季忠義錄 卷七

七四明叢書 約園刊本

胡敬方分寧人任臨江路僉判元兵至率眾死守屢拒戰誘之不肯降及城破元將張弘範執至瑞州擁橋不屈而死

曾如驥

曾如驥字德稱泰和人淳祐間進士寶慶通判值太守去官長沙失守且聞臨安迎附人情洶洶公呼弟如駿曰吾起書生官省郎從二千石後今攝郡事誓與此城俱矣雖然不可以絕先人祀汝亟歸弟泣別去遂取考功印紙題其上曰謹將節義二字結果印紙一宗了卻

神遊何處澄江明月清風復書舍生取義章粘置齋壁登子城赴濱江自沈死數日得屍葬太平寺北將義之退兵三十里景炎初贈敷文閣待制諡忠愍如驥見恭帝本紀

易相

易相廬陵人官直學士安撫使從勤王復吉贛駐師廬陵旬日間敗於方固石下死之

謝徽明

謝徽明枋得伯父也以特奏恩為當陽尉攝縣事時天基節上壽元兵奄至徽明出戰死二子趨進抱父屍亦死

宋季忠義錄 卷七

八四明叢書 約園刊本

死

韓光國

韓光國字用賓景定進士授潭州錄事元兵下江南頓師堅守不下凡閱月城陷死之

顏希孔

顏希孔彭澤人為本縣簿宋末元師南下取安慶江州希孔率民兵八百人大聚舟楫各載石萬計戰于江中飛石四擊敵舟幾敗已而石盡力屈被害民為葬其骨於鳳凰山麓今山有廢冢在焉

吳泳

吳泳字克東崇仁人易諒從弟深於易學初本州解額每科止錄易義一人自景定甲子至咸淳癸酉泳連三舉乙亥革命北兵至其家泳不屈兵以刃加其頸泳大罵或勸以巽詞求免泳曰吾領三舉死則死耳何巽之有遂遇害

李天勇

李天勇字致弘臨川人嘗從謝枋得學為人尚忠義遇鄉里有急難輒纓冠往救德祐元年元將武良弼攻饒

宋季忠義錄卷七

九四明叢書

約園刊本

州枋得檄天勇援之統強壯兼行至饒與良弼大戰於樂湖坪眾寡不敵與張孝忠俱死

劉欽

鞠華叔 顏斯立 顏起巖

劉欽吉水人時鄒淵以招諭副使聚兵寧都元兵攻之淵兵敗欽與其同邑鞠華叔顏斯立顏起巖皆死

吳希夷

吳希夷安福人從文丞相起兵空坑之敗希夷被獲一門二十口俱死

劉伯文

劉伯文吉水人從文丞相勤王兵敗而歸見鄉國淪陷居常憤悵景炎二年同督府駐興國伯文詣府受文書結約遠近巡兵執而搜其行李得同督府文書甚多斬於袁市

張雲

張雲廬陵人時為敢勇將從勤王文丞相既執雲引兵歸值吉城已降雲不勝憤乃謀與復引所部夜襲上營前殺北軍數百人北軍不測其眾寡與戰於南柵門外雲眾舉礮而北軍援至雲表裏受敵溺死

宋季忠義錄卷七

十四明叢書

約園刊本

彭呂

彭呂泰和人為濂溪書院教諭元兵陷虔呂不屈入廣從文丞相赴難死

胡文可

胡文可泰和人懷奇負氣能騎射文丞相起兵海上文可罄家招義勇從之及丞相敗文可亦被執問脫得歸復集兵赴難而死

胡文靜

胡文靜泰和人先授提督時無敢拒北兵者拒即屠而

泰和已下乃招致文靜不屈曰仍死不負趙氏竟死之而一家被屠

錢淵龍 錢翔龍 錢應龍 鍾步 張瑛 張珩

錢淵龍吉水人與弟翔龍應龍死鍾步張瑛張珩吉水人亦以從丞相兵死

趙孟滌

趙孟滌宋宗室與文丞相同起兵為都督府諮議官景炎元年十月丞相命孟滌與趙時賞將兵取寧都克之明年正月丞相移師漳州兩人皆往會五月丞相出江

宋季忠義錄卷七 十一 四明叢書 約園刊本

西入會昌六月入興國七月遣兩人及張怵盛兵薄贛

城不克已而元兵突至偕丞相走永豐元兵窮追至空

坑官軍戰敗孟滌死之 元世祖本紀至元十四年十一月樞密院臣言宋文天祥與其

徒趙孟滌同起兵行省發兵攻之殺孟滌天祥僅以身免詔以其妻孥赴京師

王貴行

王貴行蜀人咸淳間丞德興時元兵掠饒郡倅常福以城降屬邑皆望風款附獨貴行不屈曰吾幼學壯行惟忠與孝竟赴水死

鮑廉

鮑廉德祐初知臨江軍元將伯顏下九江分兵三道南伐知隆與事棄城遁元兵乘勢攻臨江或勸之去廉歎曰城存與存城亡與亡職也可遁乎力不支被執死之

趙孟濟

趙孟濟字君用宋宗室寓清江擢咸淳乙丑第待次潮陽法曹德祐乙亥郡檄攝元僚俾衛鄉社里有橫卒縱火欲倡亂乃捐賞撲滅疏其罪於郡而梟之一軍稱快城危事急守倅奔竄遂與總統丁應明閉譙門登樓椎鼓以張虛聲兵竟越境而去未幾湖北潰軍與廣西勤

宋季忠義錄卷七 十二 四明叢書 約園刊本

王軍城南相持居民驚避乃慨然入陣撫諭兩軍感泣

和解籍其部伍幫遣之置司以衛城功聞於朝擢清江

令居官介特豪猾屏息冬隣郡不守太守以下皆遁令

獨留護印明年正月滕守回二月兵臨城守復遁濟留

不去死之

王彥明

王彥明宋末守蘄州元兵至力戰糧乏不屈率家屬乘大舡於城西中流繫舡沈水而卒人為立廟祀之 湖廣通志

同下

施子仁

施子仁知復州時元兵攻襄陽隨守張龜壽荆門守朱揚祖郢守喬士安皆委郡去惟子仁固守城陷死之

王在

王在武陵人理宗端平初進士治周禮真德秀知貢舉擢冠本經攝判施州城陷死之

黨仲昇

黨仲昇漢川人宋末與同邑趙觀許尙保守南河戰敗中流矢死贈修武郎

宋季忠義錄 卷七

十三四明叢書 約園刊本

張鏜

張鏜魏公浚之後益王卽位於閩詔天下勤王鏜起兵衡山得民兵數千文天祥督兵出梅嶺相與接應兵敗被執元參政崔斌欲降之鏜瞋目曰今日降何以見魏公於地下令逃起兵始末鏜奮筆斥罵千百言斌怒殺之

壽鏜案鄧光薦督府忠義傳鏜作唐長沙人南軒張宣公諸孫也與趙璠合傳

陳億孫

陳億孫安仁人咸淳中進士除湖南安撫使參議德祐丙子元兵圍潭億孫以幕僚從李芾拒守乘城死鬪凡

七月城陷不屈死明成化間提學薛綱爲立忠節祠於安仁縣

見恭帝本紀

韓明

韓明開州守將元兵破開州軍潰散明父子猶率部兵巷戰力屈被執死之

四川通志下同

侯興

侯興爲都統德祐元年元兵攻嘉定九頂山興死之事聞贈復州團練使

見恭帝本紀

陳龍復

宋季忠義錄 卷七

十四四明叢書 約園刊本

陳龍復字本叔南安人與文天祥同舉進士歷仕州縣有聲德祐初退居家食至天祥軍南劔時始辟爲督府參議兼行太府少卿福建提刑是時天祥幕下多名士龍復獨以持重老成見推倚輩天祥每咨問焉後奉檄如漳潮計事再會天祥於循梅尋分司潮陽號召諸路豪傑翕然嚮應天祥由是得入潮爲討賊之舉至則糧糗已具鄉兵多練習水戰天祥賴之未幾移屯海豐龍復又從至五坡爲虜騎追及遇害時年七十有三

江西通志

黃俊

黃俊南海人沈重有謀宋末為摧鋒軍將性剛毅不能隨時俯仰見上官指畫兵事語纏連不少休每所主持堅不肯回由是知名每自詫曰鐵骨稜稜吾豈凡子耶會當為國家作龍虎臣耳德祐二年元兵陷臨安廣東經略使徐直諒遣人赴隆興納款元酋阿里海牙呂師夔亦來徇廣州未幾益王即位直諒乃遣權提刑郡人李性道領摧鋒軍及水軍往拒元所遣將黃世雄等俊忠憤每曰奇男子當斬賊取侯王勿懾賊作兒女憐韓世忠岳武穆吾等儕也至石門遙望賊騎擁山塞川性

宋季忠義錄 卷七

十五 四明叢書 約園刊本

道大恐俊進曰俊觀賊眾部伍未整分兵為兩翼登塗遠其後擊之可以得志性道不從艤舟岸許不戰既而賊結陣行列鼓噪而前俊奮身大呼率眾迎敵力戰實等退縮不為之援遂敗潰奔還直諒聞之宵遁元黃世雄等遂陷廣州授性道實賢官俊拒不受實賢等謀害俊遂死之

見端宗本紀 廣東通志下同

馬南寶

馬南寶香山人世殷富讀書好義尤工於詩景炎二年十月端宗自潮州之淺灣航海避賊過邑南寶獻粟干

石供軍端宗下詔獎之召拜權工部侍郎十一月丞相陳宜中少傅兼樞密副使張世傑殿前指揮使蘇劉義奉帝幸沙衝暫宮於南寶家南寶竭力保衛帝躬居數日元兵陷廣州諸將召募潮居里民數百以行南寶謂諸將曰功成之日當以奉迎孝恭懿聖皇帝為先因飲諸將酒曰痛飲黃龍府在此行也遂歌岳武穆直搗長驅之句以相風勵慷慨激烈聞者莫不壯之張世傑奉帝舟退保秀山帝次於井澳丙子颶風大作舟敗幾溺帝遂得心悸疾旬餘諸兵士稍稍集宜中欲奉帝走占

宋季忠義錄 卷七

十六 四明叢書 約園刊本

城不果遂逃去南寶聞之慟哭曰丞相必不返國事去矣後果然景炎三年春都統凌震復廣州南寶賦詩志喜時帝舟次於化之礪洲病大作四月帝崩於礪州衛王昺即位走厓山張世傑從之而曾淵子克山陵在厓山也宋亡悲憤不食元人籍仕宋者南寶逃匿不以姓名降嘗作詩有目擊厓門天地改寸心難與夜潮消又曰眾星耿耿滄溟底恨不同歸一寸微聞者哀之已而元兵欲屠潮居里人為南寶危而南寶恬不為動後聞陳宜中奉帝昺猶在占城元主忽必烈下令捕之於是

前招討使黎德梁起萃與南寶起兵進糧往迎車駕元萬戶王守信諭起萃歸降起萃奔還德覘其有貳心帥眾致討與戰大敗南寶被執不屈死之

伍隆起

伍隆起新會人高大父珉高宗朝為嶺南第十三將守南恩州卒於官子朝凱因家文章里生子之才仕陽春尉之才生天麟授龍井場提幹天麟生隆起帝昺舟至厓隆起以世仕宋也知死忠於是聚米七千石率眾捍衛時元將張弘範攻陷廣州隆起死戰累日為其下謝

宋季忠義錄 卷七

十七 四明叢書

約園刊本

文子斬首以降丞相陸秀夫哀之刻首以葬文逕山後生募得文子戮以祭墓云論者謂隆起一匹夫遂能憤不顧身亦晚世奇節士哉

熊飛

熊飛東莞人有武略善騎射宋末勤王聞文天祥師出江西率兵往隸麾下德祐丙子兵潰元將黃世雄欲脅之降飛陽為世雄守惠潮二州世雄疑之謀殺飛飛以舟師遁還東莞趙必瑑以義語之飛即改豎宋旗號聞益王即位以兵應制置使趙潛世雄怒遣其將姚文虎

追之至邑境榴花村飛盡殺之世雄師退飛即會潛復韶州時新會令曾逢龍亦率兵與飛會入廣州執降元通判李性道數其罪而囚之沒性道家焚其居遂復廣州時景炎改元之六月也元將呂師夔張榮實入梅嶺十月潛遣飛與逢龍禦之尋使將校劉自立守韶州逢龍戰死於南雄飛退保韶州師夔榮實復圍韶州飛守城力戰未幾自立降飛巷戰敗績死之

見端宗本紀

曾逢龍

曾逢龍贛州寧都人登慶元進士咸淳末為新會令政

宋季忠義錄 卷七

十八 四明叢書

約園刊本

務化民有古循良風每以節槩自許景炎元年六月元酋呂師夔遣其將黃世雄寇廣州經略使徐直諒遣李性道拒之性道降受其官爵秋九月連韶諸郡俱降制置使趙潛乃舉逢龍判韶州將兵禦之時東莞民熊飛復廣州世雄遁去會逢龍引兵至性道迎謁因執斬之端宗在閩下詔褒其功師夔復大舉入寇逢龍帥師拒守南雄力戰師潰乃正衣冠自縊而死事聞詔贈龍圖

閣學士

見端宗本紀

藍通判

藍通判史失其名景炎二年倅惠州元兵至城下眾皆束手詣降獨藍帥民兵數百拒之力戰而死

巨必明

巨必明保昌人宋咸淳辛未進士累官韶州僉判德祐丙子元兵逼梅關時東莞勇士熊飛領兵與元師戰敗還韶元師攻城城陷必明被執不屈元師殺之白血飛流韶人哀其忠節立詞祀之

蔡蒙吉

蔡蒙吉程鄉人生而穎異八歲能頌五經十二應童子

宋季忠義錄 卷七

十九 四明叢書 約園刊本

進士授韶州司戶兼司法值元亂楊執中檄權梅州總督德祐二年元招討使易正陷梅州蒙吉被執使其下陳一元守之因罵曰吾死國爾寧事胡奴耶暴其屍三日顏色如生一元異而瘞之明年三月文天祥復梅州始具棺斂還葬於鄉

馬發

馬發海陽人端宗景炎二年春正月元兵破汀關發時知潮州與循州劉興梅州錢榮之皆降發後獨遁歸五月張世傑將兵復潮安撫使方輿來撫諭時發為摧鋒

寨將承命攝州事稱安撫使十月元將陵都陷興化先鋒至潮陽遣使諭降發嬰城固守元兵至與戰卻之三

年二月海陽賊陳懿導唆都及蒙古歹圍城發集兵戒備守南門巡檢黃虎子與陳懿通開門納元兵鼓譟突入城遂陷發收殘卒百餘人入保子城力不支令妻子縊死發自鳩時三月一日也

見端宗本紀
張烈良 劉應龍 周降 賀十一

張烈良宋末為湖南制置使與提刑劉應龍起兵應厓山為元將阿里海涯所破烈良舉家及餘兵奔思州烏

宋季忠義錄 卷七

二十四明叢書 約園刊本

羅洞元兵襲之俱戰死廣東通志 元世祖本紀至元十五年七月湖南制置張烈良提刑劉應龍與周隆賀十二起兵行省調兵往討獲周隆賀十二斬之烈良等舉家及餘兵奔思州烏羅洞為官軍所襲二人皆戰死與此相符

高桂

高桂建康人從幼主泛海為樞密使與張世傑經營戎務厓山兵敗隨帝赴海死江南通志 下同

趙樵

趙樵從幼主至閩廣歷官吏部侍郎及厓山師覆赴海而死

茅湘

茅湘潤州人從端宗入閩又入廣歷官兵部侍郎厓山師敗丞相陸秀夫抱帝赴海湘從之一時文武及眷屬殉難者甚眾咸失其名

劉定國

劉定國字靖菴金陵人也少失怙恃煢煢襁褓中哀痛迫切稍有知輒撫墓太息雖蔬食菜羹未薦不嘗燕飲歌舞未告不赴及十齡孝聲著於里閭郡長奇之舉之庠序授以詩書益加奮舉嘗語人曰士生斯世縱不能

宋季忠義錄 卷七

三十四明叢書 約園刊本

出為忠臣亦當入為孝子心同日月身任綱維斯無愧耳喃喃咕嗶何為哉及年十六成寶祐四年進士以年少未就官理宗之末出知中都端宗時入為太子賓客南渡厓門奉命往惠州及聞難之厓而寶衣雲結玉璽西沈矣定國衣冠北面題詩於石上曰君既憂臣當辱君既死臣何復赴江流葬魚腹名不傳心亦足報君恩仰天哭遂赴江流而逝

謝明 謝富 冉安國 黃之傑

謝明瓊山人宋末與謝富冉安國黃之傑起義勤王從

安撫趙與珞拒元人於白沙口力戰不利被執皆不屈而死宋史二王傳載至元十五年七月趙與珞謝明謝富守瓊州阿里海牙遣馬成旺招之與珞率兵拒於白沙口十一月癸未州民執與珞以降與此可互證

夏師堯

夏師堯字達德休寧人咸淳進士授諫議郎嘗忤權璫被謫後陞翰林學士扈從祥興歿於難

羅開禮

羅開禮永豐人起兵復永豐縣已而兵敗被執死於獄丞相聞開禮死製服哭之哀吉安府志下同

宋季忠義錄 卷七

三十四明叢書 約園刊本

鍾寅

鍾寅廬陵人從文丞相起兵空坑之敗與趙時賞等俱被執不屈死

宋季忠義錄卷七

宋季忠義錄卷八

四明萬斯同季野輯

男世標子建校

胡應炎

胡應炎字煥卿常之晉陵人宋樞密副使宿八世孫也父聰淮南節度計議官咸淳中應炎登進士第授溧水尉未赴元丞相伯顏南伐師次常境知府王洙遁朝廷以姚闓知府事復命將軍王安節都統劉師勇將兵雜守之闓等至常見應炎喜曰君吾劇孟也得君敵不足破矣署節度判官應炎歸告聰及兄應發弟應登曰吾

宋季忠義錄卷八

一四明叢書
約園刊本

家世受國恩今戎馬在郊王室將危是吾立功之秋也父老兄弟當奉以出遊吾身許國不得復徇家矣聰應發並曰吾與汝雖父子兄弟然於國則皆臣也圖報之義彼此同之豈可臨難而獨免乎乃命應登侍母及護妻子出城囑曰善避以存吾宗不幸城亡吾必死之今與汝訣矣既應闓命即選民之壯勇者三千人自將乘城為闓畫曰吾州京師北門不可失守然城庫塹狹兵皆市人非素所撫循者而北兵銳且眾乘勝遠來其鋒不可當恐未易與戰也宜樹木柵傳城益調粟繕械為

守計闓然之初洙遁時其客王虎臣盜郡印自稱知府詣伯顏軍門獻之伯顏不知其詐命還守常而遣兵與俱及城闓等已先至不得入反以民叛告伯顏怒命元帥唆都率步騎二十餘萬圍之應炎與安節師勇分門出戰各屢大捷殺其將校甚眾功上進直祕閣圍且久元兵多傷斃唆都請益師伯顏遂以西域諸部兵來會攻圍益急餉援俱絕唆都以柵堅不可拔剽近野得婦人剗乳煎膏沃其上發火矢射之火熾柵焚又運機石擊樓堞盡毀食盡唆都偵知之遣使呼應炎語諭使出

宋季忠義錄卷八

一四明叢書
約園刊本

降應炎罵之且截紙縷置孟中若湯餅狀者以飭引示之曰吾食甚足若欲得城需金山長也金山長蓋諺語謂無其期唆都聞之曰能破城者金山長老也世呼寺主僧為長老故云即趣召金山僧至軍問以攻城之策僧不知為計周行視城曰是城龜形也東南其首西北其尾攻尾則首愈縮其法當攻首從之城遂陷師勇遁闓安節死之應炎率民兵巷戰至孔子廟前眾潰猶手刃數人力屈遂就擒唆都讓之曰若即嘗多殺吾將校者耶應炎曰吾欲殺汝何將校也恨力不及耳唆都怒

腰斬之時年二十七兵入屠城聰應發皆被殺民匿溝中免者數人余爲兒童時嘗聞父老言元兵取常時事甚悉及壯觀史多所未載豈蒐采有失而致然歟抑著作者有所諱避而弗錄歟或其事多繆悠初皆無有特好事者爲之說歟是皆不可知也每竊恨焉近遇胡黼江上閒爲予言其祖應炎死節始末與予昔所聞無異斯固足徵矣夫以虎臣之奸唆都之慘與僧者妄言而幸中其事雖微猶不可使泯泯應炎之忠烈毅然如是耶因撥其語作胡應炎傳以補史氏之闕云

明高啓撰傳

宋季忠義錄 卷八

三四明叢書 約園刊本

王珏

王珏字叔寶號達觀臨海人父榮爲獄吏以活人爲務太守性剛暴每杖人務必見血往往致死榮爲潛漬血杖中行杖卽見不致重傷嘗置磔於臥處每活一人投一錢滿則更置之苦無嗣一夕夢人遺雙玉已而生珏遂以爲名登咸淳戊辰進士授國子博士德祐丙子權知本州事伯顏南下珏與兵部侍郎仙居陳仁玉集義民增障浚隍堅壁以守力不能支乃以郡章屬楊芳春者大書忠烈二字於門投左池以死元兵入欲殘其首

從子賓泣曰叔父死國忍復殘之耶乃衣珏冠袍據公座俟取其首以去

台州府志下同

張和孫

張和孫號哲齋臨海人文丞相自通州泛海過其家爲題綠漪堂有清風隨地到直節與天通之句且約其舉義哲齋欣然聚海艘移檄召募後張弘範至見壁閒檄捕得之哲齋曰吾生爲宋民死爲宋鬼遂遇害今配享仙巖祠

邵困

邵困字叔魯臨海人咸淳元年進士歷本州教授德祐丙子元伯顏統兵入臨安謝太后詔屬郡無與元敵台守楊必大率先請降困與權知州事王珏不奉旨伯顏以偏師徇之城陷火侵學宮困端坐而死

牟大昌

牟大昌字逢明號北藜黃巖人性忠義驍勇絕倫宋末應文信公義檄與姪天與聚兵勤王浙東提刑杜淵聞其賢辟大昌爲都將天與副之未幾元陷台州率眾禦之題其幟曰大宋忠臣牟大昌義兵今起應天祥等語

宋季忠義錄 卷八

四四明叢書 約園刊本

遇於黃土嶺力戰而死元兵屠其家從妹則娘投崖死
兄士伯二女及笄皆自縊死宗族男女死者不可勝計
時景炎丙子十一月二日也寇退里人昇屍葬之姚公
愨為之傳潘省元伯脩題其墓以表之

丁衡

丁衡天台人咸淳六年進士赴江西提刑任遇元兵不
屈而死弟衡與兄同年第進士歷官校書郎以賈似道
當國致仕歸宋亡縞素終身累召不起縣志有傳赤城
新舊志皆無并
辛未進士內亦無之
今據台州府志採入

宋季忠義錄卷八

五四明叢書
約園刊本

徐副尉

徐副尉天台人失其名元破臨安分兵經天台副尉率
鄉兵拒險於關嶺元兵不能度從別道抵台邑徐氏男
女無少長皆被害鄉人哀其屍作大墓瘞之因號為大
墓徐副尉家獨乳母比氏抱所乳兒歸寧父母得免三
傳至文肅公善述大顯世以為忠節之報云

高申甫

高申甫字宣卿仙居人由武科除景陵令多惠政元兵
至率民力戰死之

趙時栗

趙時栗字寬甫仙居人與王珏同年進士授海鹽主簿
募民與元兵對壘者二旬食盡度不支遂策馬突入敵
營手刃數騎而死

鄭憲

鄭憲字彥仁仙居人雄飛姪景定三年進士歷官太學
博士德祐間元兵壓境奉母逃元兵追殺其母號泣曰
吾義當死國苟且竊旦夕生者母在則然耳今若此負
土葬其母畢遂雉經於墓右

宋季忠義錄卷八

六四明叢書
約園刊本

趙良坦

趙良坦字平甫孝宗諸孫寓居上虞寶祐二年進士知
永嘉瑞安福清並以廉介名會吉廣二王走閩中檄良
坦以軍器監簿贊軍事於是募兵守禦元兵南指力屈
就擒脅降不屈繫獄二年作書付其家曰試令三載無
愧於心守節三年不屈於敵只因忠義二字累及老稚
一門吾今惟死而已後元帥詰其不屈狀對曰生為宋
臣死為宋鬼速求一死遂欣然就刑紹興府志下同

吳觀

吳觀字叔大新昌人嘗爲稽山書院山長與邑人陳非熊皆業儒有氣節元兵入浙東恭帝北轅檄報相對慟哭卽與協謀奉宋宗室趙節使圖恢復集義勇千餘繕城固守力戰而死非熊弟熊彪虎子圭學姪播坑數十輩皆被害惟子壘留新昌獲免痛父死難屏居讀書後至元十四年婺寇掠新昌邀擊陳宣尉壘率宗人赴援聞宣尉死憤激決戰皆歿於敗兵嶺可運世濟忠烈云

何雲

何雲字仕龍諸暨人德祐間北兵至傾貲倡義築柵率

宋季忠義錄 卷八

七 四明叢書 約園刊本

鄉人抵禦不支與其子嵩並死於難

朱光

朱光字吉父諸暨人明經敦行元伯顏下江南遣裨將上官棊招撫浙東至縣光與同邑張軫等率鄉民抵禦光被害口占曰生爲大宋臣死爲大宋鬼一片忠義心明月照秋水賊怒以火燃之三日始絕軫亦死之光嘗註西銘人多佩誦云

余廷簡

余廷簡餘姚人咸淳間進士任溧水丞元兵至不屈死

之

張漢英

張漢英奉化人幼聘呂氏女及請期呂以女雙瞽辭漢英曰聘時無恙而今喪明命也遂娶之後仕度宗朝咸淳間守樊城爲元阿朮所圍并守其江漢英募善泅者寘蠟書於髻中潛積草下淨水而出往荆郢求援至隘口元守卒見積草多鉤致之泅者被獲於是郢鄧之路亦絕又求得張順張貴二人俱智勇出眾俾爲都統二將又相繼爲元兵所殺至九年癸酉襄陽被圍五年樊城

宋季忠義錄 卷八

八 四明叢書 約園刊本

被圍四年元將張弘範進攻爲流矢中其肘束創見阿朮曰襄在江南樊在江北我陸攻樊則襄出舟師來救終不可取若我截江道斷救兵水陸夾攻之則樊必敗三襄亦下矣阿朮從之遂以師截江而出銳師薄樊城城陷漢英死焉

寧波府志下同

豐存芳

豐存芳字公茂清敏公玄孫也爲太平州倅德祐二年二月元兵至知州孟知縉謀以城降存芳諫不聽詈之知縉遂引元兵屠其家同死者十八人卒方義竊其八

歲孤禮長於民間傳至孫淳甫明洪武中以賢良薦仕至監察御史

袁鏞

袁鏞字天與鄞人有志遠於春秋登咸淳進士第以父憂未卽仕見國事日蹙竊歎曰生則宋臣死則宋鬼顧無寸兵尺地不能捍禦以固社稷得仗義執言從常山睢陽於地下不失為宋臣足矣適元將遣游兵十八騎駐西山之資教寺鏞悲憤激烈約沿海制置兼知慶元府趙孟傅將作少監謝昌元共出禦敵二人曰爾第

宋季忠義錄 卷八

九四明叢書 約園刊本

先往我二人當以兵繼鏞遂奮然獨往厲聲言曰汝主無故謀起干戈殘我土宇使我人民宛轉鋒刃之下天地鬼神所不容四方忠義之士日夜憤惋勤王之師四至吾恐汝北歸無日也言未竟就執而二人已密往車廄獻版圖迎降矣元將奇鏞才脅令降曰從則富貴不從則燒戮汝鏞罵曰我為宋臣死則死耳終不從汝也元將怒縱火燎之鬚髮殆盡詞氣愈厲至死不稍變其日家人驚悼赴水而死者十有七人

孫璫

孫璫鄞人侍郎願質子德祐中知臨海縣奉母在官元兵至母子俱蹈難死葉丞相夢鼎王尙書應麟湯文清漢嘗以文章政事薦之

陳自中

陳自中宋丞相宜中母弟也本永嘉人自中娶於蘭谿楊氏因家焉自中好學善為文頃刻數千百言悉有理致咸淳戊辰登進士第由郡司馬擢太常寺丞會元兵渡江而罷德祐丙子宜中奉二王南遷自中以大都督府行軍司馬提兵調守分水關食盡援絕士卒多散亡

宋季忠義錄 卷八

十四明叢書 約園刊本

元軍帥欲降之不屈朝服南面再拜而死事見黃潛所著家傳金華府志下同

唐元章

唐元章一名大初字子煥蘭谿人知縣韶之弟也為文思院官宋德祐失國二王南遷元章與韶子良嗣起義興復官撥溫州礮手三千為之助時元兵壓蘭谿元章與戰於黃盆灘破之斬其將奚達魯元兵退保桐廬遂進兵拒守嚴州朝廷以元章為朝請大夫知嚴州良嗣加閣門宣贊武翼將軍江淮閩浙都統兵馬使相持二

年糧援不繼戰不利將趨閩以圖再舉元兵大至元章戰死於龍游白雲寺前元主帥唆都以雙虎符金牌招良嗣不從亦戰死於仙霞嶺上有唐將軍廟存焉

吳德洪

吳德洪字長翁淳安人登咸淳九年進士第歷官金部員外郎遇事激烈與時多忤元兵入臨安德洪抗節而死弟雄飛字次翁秀整端重與兄齊名亦登景定三年進士累官太常寺簿夙與李芾友善以忠義相許國亡募兵赴難時論痛之子必大字萬之以文學名嚴州府志下同

宋季忠義錄卷八

十二四明叢書

約園刊本

鄭采翁

鄭采翁字季華壽昌人性剛果好讀書屢試不第居家學兵法宋將亡忿然有扶拯之志元人圍臨安遂倡義勤王郡人朱天錫等應之收集鄉兵設部伍習騎射義聲感激人皆效死俄臨安失守兩宮北去元將唆都陷建德府安撫方回迎降遂犯白沙渡采翁率所部力戰兵敗被執不屈而死

吳世鳴

吳世鳴蘭溪人歷官提幹終錢塘縣令時元伯顏駐軍

江沙世鳴挺身出戰敗績死之今有家祠五峯菴右神主題曰敕封忠翊吳公金華府志

毛附鳳

毛附鳳江山人宋室既遷益廣二王入閩取道江山元兵急追附鳳與嵩高柴希聖以義兵遇之二王得抵閩而附鳳希聖同死於難衢州府志下同

魏亨中

魏亨中開化人德祐二年丙子臨安陷亨中起義兵從丞相陳宜中浮海以死順帝至正十三年太原趙起巖

宋季忠義錄卷八

十二四明叢書

約園刊本

來尹邑按圖志得唐魏暮宋趙抃江景房程俱鄒補之趙汝標及亨中七人因學東有亭三閒遂葺以奉祀魯貞為記

陳壽孫

陳壽孫瑞安人登寶祐第調台州教授新郡守為丁大全黨將謁廟壽孫揚言曰昔冉求為季氏聚斂聖人鳴鼓而攻今太守乃丁大全聚斂之徒可升吾夫子之堂乎守聞遂解綬去後直龍圖閣為福建提刑貪吏聞風引避入覲與賈似道爭鹽法事被劾歸元兵徇瑞安率

市人禦於白巖橋取扉闔牀桌累以為柵兵至民散潰
遂被執元將欲降之噴目視之曰我大宋憲臣乃從爾
耶被縊死溫州府志下同

林逢龍

林逢龍字慶雲平陽人游郡庠從父湖北提舉以胄牒
補太學景定庚申邊警上書陳戰守淳熙丙寅與弟廷
龍叩闕言事忤時宰意歸郡守江萬頓待以師禮壬申
復至京師與同舍齊應魁等上封事乞正賈似道誤國
之罪急調兵解襄樊圍似道大怒削其籍押還本貫乃
屏居寶巖山中德祐丙子元兵至溫其將素聞逢龍名
令軍校至山中索得之迫以入城逢龍攘臂怒罵以腹
觸其刃而死遺有草堂集二十卷古論十卷

陳虞之

陳虞之字雲翁永嘉白泉人登咸淳第教授揚州改淮
東帥幹兩浙漕幹除刑工二部架閣遷祕書省校勘辟
廣王府記室參軍積階承議郎元兵至虞之率子姪鄉
人千餘登芙蓉巖誓以死守元兵攻之屢為所敗越二
載力竭乃盡以家貲投巖隙中自剄死妻子鄉族從死

宋季忠義錄 卷八

十四 四明叢書

約園刊本

者八百餘人

鮑叔廉

鮑叔廉溫州人元兵既下溫州叔廉率宗族倡義師結
寨溫台之界曰佛嶺據險固守元將怒用降人為嚮導
從他道攻破其寨叔廉死之舉族無噍類鄉人為立廟
祀焉

林融

林融青田人元兵既下處州融倡義糾里黨數千人謀
興復宋室事敗融死之元遣使捕錄其黨株連徧邑中

處州府志下同

宋季忠義錄 卷八

十四 四明叢書

約園刊本

梅寬夫

梅寬夫字伯大縉雲人調慈溪尉德祐初攝知縣事率
義勇應文天祥至常州同尹玉戰死之嘗師滕璘得考
亭之學所著裕堂講義刻於鄉較

曹天驥

曹天驥縉雲人父誠有氣節值臨安陷二王航海散家
貲募兵泣謂二子曰吾家世為宋民蒙德澤者三百載
一旦禍亂至此吾義當殉國今老矣筋力不逮責在汝

輩毋違吾志天驥及兄天煖泣受命率兵從二王以行
遇元軍於台接戰不利兄將致死於敵天驥曰兄未有
子且適也弟死國兄爲家不亦可乎遂力戰而死兄脫
還獲全

陳瓚

陳瓚字瑟玉莆田人視文龍爲從姪少有大節知天下
必亂無意仕進散粟出帛以濟飢寒曰家世受國恩吾
當爲國收人心耳賈似道潰師蕪湖文龍起參知政事
瓚語文龍曰今天下已危列郡圍兵自守何足討賊莫

宋季忠義錄 卷八

十五 四明叢書

約園刊本

若勸上盡召四方兵屯聚沿江要害擇賢王與文武才
幹臣分督之敵若來戰併力齊奮猶可爲也文龍憮然
曰叔父策甚善柄國非人恐不能用是行也某必死之
德祐丙子端宗趨廣瓚出家財三百萬緡航海助張世
傑軍傑欲授以官瓚曰某激忠義而來豈買爵耶不受
辭歸十二月叛將林華陳淵與通判曹澄孫以城降元
文龍被執北去瓚曰姪不負國吾不負姪卽陰部署賓
客募丁壯景炎二年二月晦以兵攻林華等誅之復興
化軍告華首於祖廟遂獻於朝端宗嘉其忠義命以通

判權守興化且令乘勝與世傑犄角復福泉二郡九月
元將唆都以兵攻興化瓚號令嚴整每巡城必南向號
慟士皆感奮十月既望元兵蟻附登城瓚力不能支尙
率家僮及丁壯五百人巷戰元兵死者千餘瓚被執唆
都欲降之大罵曰汝知守城不降者吾姪耶吾家世忠
義豈向汝胡狗求活唆都大怒車裂於五門以徇屠城
三時血流有聲張世傑以其事聞贈兵部侍郎諡忠武
子若水張世傑辟爲督府鴛閣宋史瓚傳附文龍傳末
稱爲從子今從何喬遠
閩書○壽鏞案宋史忠義傳六陳文龍傳末稱文龍之
姪瓚復舉兵殺林華據興化未幾復破瓚死之原註卽

宋季忠義錄 卷八

十六 四明叢書

約園刊本

本此

朱浚

朱浚字深原

壽鏞案宋史
翼作深源

建陽人文公三世孫少負奇

節累官兩浙轉運使兼吏部侍郎尙理宗公主元兵入
建寧王積翁棄城遁浚與公主入福州誓與知府王剛
中死守迨元阿刺罕侵福安剛中以城降浚與公主仰
天大哭曰汝帝室王姬吾大儒世胄不可辱於犬羊手
遂飲藥死贈朝散大夫

何喬遠閩
書下同

卓得慶

卓規 卓權

卓得慶字善夫莆田人五世祖厚吏部員外郎崇寧間與修樂書得慶紹定初舉進士教授道州歷左曹郎官以忤賈似道出知漳州平番寇召還授兵部郎中兼國史院編修官實錄院簡討官不拜提舉雲臺觀德祐丙子以大理卿趣行辭以疾景炎二年便旨除右文殿修撰戶部尚書兼福建制置司參謀官是冬十月元兵逼城得慶與家人訣且入家廟自燒俄見執并二子規權皆被害年七十二得慶早以詞賦名晚深於易丞相江萬里深器之扁其居曰順寧精舍文天祥爲作三十韻

宋季忠義錄 卷八

十七四明叢書 約園刊本

詩云卓氏居士翁方心不姿媚蒙護以去國七年無怨懟其送知漳州詩昔予援西銘期子以前修願覲弘濟學四海放一舟及其死事人擬之卜壺父子仲子準承直郎監福州海口鎮壽鏞案宋史翼引福建通志卓得慶傳云元兵逼興化城與家人訣日柱傾維絕千百年何益寧前一尺毋卻一寸與其藏溝瀆而生曷若守家廟而死俄甲士至執得慶并二子規權殺之

呂大圭

呂大圭字圭叔南安人少嗜學師事王昭復昭復之學得之陳淳陳淳之學得之朱文公世號溫陵截派登淳

祐七年進士授潮州教授改贛州提舉司幹官秩滿連調袁州福州通判陞朝散大夫行尚書吏部員外郎兼國子編修實錄簡討官兼崇政說書以操南音出知興化軍以俸錢代輸中戶以下賦著莆陽拙政錄德祐初元轉知漳州軍節制左翼屯戍軍馬未行屬蒲壽庚率知州田子真降元捕大圭至令署降表大圭不署將殺之適門弟子有爲管軍總管者扶出之泥封平生所著書一室中變服逃入海壽庚遣兵追之將授以官追者及問其姓名不答怒而殺之年四十九其泥封室盡燬

宋季忠義錄 卷八

十六四明叢書 約園刊本

獨其門人所傳易經集解春秋或問論語孟子學易管見行於世所居樸鄉人稱樸鄉先生元孔公俊建大同書院祀朱文公以大圭配之巨蔡贊曰泉南名賢紫陽高弟造詣既深踐履復至致身事君舍生取義所學所守於公奚愧

陳覺伯

陳覺伯字宗尹長樂人咸淳七年進士授泉州教授以古道迪士景炎初幼主航海次泉州港覺伯率同列奔問起居命攝州倖扈從入廣尋拜福建提刑聞厓山師

潰憤惋不食臨卒命其子曰吾宋臣也題吾墓則係吾於宋

朱牧

朱牧字子文閩縣人舉進士主簿安溪調隆興府法曹丙子之變死於官下鄉人士私謚曰文貞祠於鄉塾

陳植 陳格

陳植字寤立詔安人以字行幼學於世父淳年十八以祖澤補太學生調龍溪令轉漳州司理淳祐四年登進士提督嶺南海路兵馬帝昺浮海植提領海舟見事危

宋季忠義錄 卷八

十九四明叢書 約園刊本

斷維出港自以六舟泊梅嶺收亡命馳檄諸蠻圖立宋後聞張世傑覆舟元人索捕急遂變姓名匿於大芹白華九侯閒臨終命葬海濱南望厓山弟格爲宋海舟監簿帝昺既亡從容就死忠義形於六詠植斂袍笏招靈葬於漸山書院今漳浦人並祀之

雷龍濟

雷龍濟字耕祿建安人鄉貢舉進士常舉義兵厓山圖復王室沒於萬石灘

附 張鎮孫

張鎮孫字鼎卿南海人少苦心讀書以博學強記聞咸淳辛未舉進士廷對爲天下第一先是童謠曰河南人見面廣州狀元見有司構見面亭以俟之李昂英未達時讀書海珠以大魁自期嘗與同志數人結龍頭會有夢彎長弓射江江爲竭者昂英占之曰應是讖者其張氏子乎至是果爲狀元其年大江忽竭往來相望人始悟見面之說其所對制策有曰帝王之治天下自積一念之仁始帝王之仁天下自積一念之敬始又曰臣竊觀聖心或者未能積其敬也夫主一之謂敬無適之謂

宋季忠義錄 卷八

二十四明叢書 約園刊本

一今也恐懼於旱潦炎寒之警固知敬矣悅懌於瑞芝之觀何所積之未純耶齋莊於圭璧薦享之時固知敬矣轉移於霞光迎導之際何所積之有閒耶時度宗留意祿祥所言觀瑞芝迎霞光實事也皆人所難言臚唱日天陰霧大雨如注識者謂非文明之兆舊制狀元宣拜後中官催索謝恩詩宮女倚機以俟詩成卽織諸錦以進鎮孫素不工詩是日揮毫如飛人謂名成才湧授祕書監正字遷校書郎尋通判婺州迎養其父母德祐元年元兵至鎮孫遂奉二親歸廣臺章劾之詔罷鎮孫

職端宗航海幸閩廣閒廣州海上潰軍奉鎮孫為帥鎮孫與都統凌震結集行伍分東南二路誓圖恢復景炎元年十二月帝舟次於惠州之甲子門詔以鎮孫為龍圖閣待制廣東制置使兼經略安撫使委以軍事將校盧震擁眾暴橫鎮孫數其罪戮之由是將士用命兵威稍震元首帥呂師夔張榮實已入廣州聞鎮孫至以軍餉不繼退走命其將梁雄飛守之二年四月帝舟次於廣之官富場鎮孫復廣州雄飛等走韶州下詔褒賞親知多啓賀鎮孫有憂色皆不答十一月元首右丞塔出

宋季忠義錄卷八

三五

四明叢書

約園刊本

會師夔合攻廣州鎮孫欲為守禦計而力不支城陷明年二月師夔還師執鎮孫北歸死於大庾文天祥作詩悼之時陳仲微者紀海上事書鎮孫死節董師謙亦云鎮孫死難惜無暴白之者而史臣以降書毋亦董孤責眉之義乎廣東通志案陳仲微二王本末載景炎元年十一月張鎮孫與西省呂師夔軍會合攻廣州城陷張鎮孫死之是鎮孫實死難矣及考元世祖本紀言至元十五年四月廣州張鎮孫叛犯廣州守將梁雄飛棄城走尋出兵臨之鎮孫乞降命并其妻送京師則鎮孫不得稱死難故今附錄於後

附張珏

張珏字君玉隴西鳳州人年十八從軍釣魚山以戰功累官中軍都統制人號為四川虓將寶祐末大兵攻蜀破吉平隘拔長寧殺守將王佐父子至閬州降安撫楊齋推官趙廣死之至蓬州降守將張大悅運使施擇善死之順慶廣安諸郡破竹而下明年合諸道兵圍合州凡攻城之具無不精備珏與王堅協力戰守攻之九月不能下景定初合守王堅徵入朝以馬千代守合四年千子餽餉至虎相山為東川兵所得屢以書勸千降朝廷乃以珏代千珏魁雄有謀善用兵出奇設伏算無遺

宋季忠義錄卷八

三五

四明叢書

約園刊本

策其治合州士卒必練器械必精御部曲有法雖奴隸有功必優賞之有過雖至親必罰不貸故人人用命自全汝楫失大食平大兵築虎相山駐兵兩城時出攻梁山忠萬開達民不得耕兵不得解甲而臥每餉必竭郡兵護送死戰兩城之下始克入咸淳二年十二月珏遭其將史炤王立以死士五十斧西門入大戰城中復其城三年四月平章賽典赤提兵入壞重慶夾道出台城下珏旋舟斷江中為水城大兵數萬攻之不克遂引去合州自余玠用二再生策徙軍釣魚山城壁甚固然開

慶受兵民凋敝甚珏外以兵護耕內教民墾田積粟未
再期公私兼足九年叛將劉整復獻計欲自青居進築
馬駿虎頂山扼三江口以圖合匪刺統軍率諸翼兵以
築之左右欲出兵與之爭珏不可曰蕪菁平母德彰城
狂帥勁兵之所聚也吾出不意而攻之馬駿必顧其後
不暇城矣乃張疑兵嘉渠口潛師渡平陽灘攻二城火
其資糧器械越砦七十里焚舡場統制周虎戰死馬駿
城卒不就十年加寧江軍承宣使德祐元年升四川制
置副使知重慶府五月加檢校少保徵其兵入衛蜀道

宋季忠義錄 卷八

三十四明叢書
約園刊本

斷不得達六月督萬壽以嘉定及三龜九頂降守將侯
都統戰死已而瀘敘長寧富順開達巴渠諸郡不一月
皆下合兵圍重慶作浮梁三江中斷援兵自秋徂冬援
絕糧盡珏屢以死士間入城許以赴援且爲之畫守禦
計二年正月遣其將趙安襲青居執安撫劉才參議馬
嵩歸二月遣張萬以巨艦載精兵斷內水橋入重慶四
月合重慶兵出攻鳳頂諸砦珏結瀘士劉霖先坤朋爲
內應六月遣趙安破神臂門執梅應春殺之復瀘州重
慶兵漸解去圍瀘州十二月趙定應迎珏入重慶爲制

置時楊立以涪州降珏遣張萬攻走立俘其僚屬馮翼
午等立復合兵來決戰史進張世傑戰死萬不支俘立
妻子及安撫李端以歸珏以都統程聰守涪重慶兵盡
退珏聞二王立廣中遣兵數百人求王所調史訓忠趙
安等援瀘州張萬入夔連忠涪兵拔石門及巴巫砦獲
將士百餘人解大寧圍攻破十八砦明年六月張德潤
復破涪州執守將程聰先是聰在重慶力主守城之議
珏入不知也使出守涪聰至郡怏怏不設備至是被執
德潤以肩輿載聰歸語之曰若子鵬飛爲參政矣且晚

宋季忠義錄 卷八

三十四明叢書
約園刊本

可會聚也聰曰我執彼降非吾子也是月梁山軍袁世
安降十月萬州破殺守將上官夔十一月瀘州食盡人
相食遂破之安撫王世昌自經死大兵會重慶駐佛圖
關以一軍駐南城一軍駐朱村坪一軍駐江上遣瀘州
降將李從招降珏不從十二月達州降將鮮汝忠破咸
淳皇華城執守將馬堃軍使包申巷戰死至元十五年
春珏遣總管李義將兵由廣陽一軍皆沒二月大兵破
紹慶府執守將鮮龍湖北提刑趙立與制司幕官趙酉
泰皆自殺珏率兵出薰風門與大將也速賜兒戰扶桑

壩諸將從其後合擊之珏兵大潰城中糧盡趙安以書
 說珏降不聽安乃與帳下韓忠顯夜開鎮西門降珏率
 兵巷戰不支歸索鳩飲左右匿鳩乃以小舟載妻子東
 走涪中道大憾斧其舟欲自沈舟人奪斧擲江中珏踴
 躍欲赴水家人挽持不得死明日萬戶鐵木兒追及於
 涪執之送京師重慶降制機曹琦自經死張萬張起嚴
 出降進攻合州破外城三月王立亦降珏至安西趙老
 菴其友謂之曰公盡忠一世以報所事今至此縱得不
 死亦何以哉珏乃解弓絃自經廁中從者焚其骨以瓦

宋季忠義錄 卷八

四明叢書 約園刊本

岳葬之死所 宋史忠義傳 案元世祖本紀載至元十
 四年二月西川行院不花率眾數萬至重
 慶營佛圖關造梯衝將攻之其夜都統趙安以城降張
 珏贖軀江中與其妻妾順流走涪州元帥張德潤以舟
 師邀之珏遂降至十七年二月又載命梅國寶與其父
 應春瀘州安撫使職瀘州常叛應春為前重慶制置使
 張珏所殺國寶詣闕懇免詔以珏付國寶使其復父讎
 時珏在京師聞之自經死觀此則珏實非死節宋史之
 言不足信故今
 列之附錄中

宋季忠義錄卷八

宋季忠義錄卷九

四明萬斯同季野輯 男世標子建校

李復明

李復明江陵統制理宗端平三年二月蒙古入寇復明
 奮勇力戰死之詔贈三秩官其二子

國安用

國安用端平時權知徐州事蒙古來寇力戰而死贈順
 昌軍節度使官其子承節郎

李仙 王海 李雄 廖雷

宋季忠義錄 卷九

四明叢書 約園刊本

李仙兩淮援將嘉熙時蒙古來犯與同官王海李雄廖
 雷等戰於宣化兩軍殺傷相當仙等並陣沒各贈武翼
 大夫

王宣

王宣為蜀中都統嘉熙時與蒙古兵戰於雞冠隘陣沒

李良

李良以秉義郎守鄂州長壽縣與蒙古兵戰陣亡嘉熙
 三年十月詔贈三官

王鞏

王鞏官儒林郎家居端平三年蒙古兵陷蜀鞏闔門殉難贈通直郎官一子文學

王溫

王溫為淮東忠勇軍統領與蒙古兵戰於天長東眾寡不敵與部曲二十四人俱死淳祐二年九月贈武翼大夫吉州刺史官其子保義郎更授其一子承信郎厚賜其家餘人亦贈恤

楊大全

楊大全敘州帳前都統蒙古兵來犯大全率所部水陸

宋季忠義錄 卷九

二四明叢書 約園刊本

並進自辰至午戰十數合沒於陣淳祐二年十二月贈武節大夫眉州防禦使官其二子承節郎

黃從龍

黃從龍鄧州推官蒙古入寇從龍死之淳祐三年二月贈通直郎授一子下州文學

王烈

王烈淳祐中以左武衛中郎將措置濠州捍禦與閩門宣贊淮西路鈴王杰閩門祗候江東路鈴李季實往馬帥王鑑軍前議事遇蒙古兵俱力戰而死贈廕有差

趙申

趙申宋宗室官保義郎海州屯駐率兵攻密州先登陷陣死淳祐三年七月贈官廕其一子

王雲

王雲為荆湖制置使鈴轄嘗偕同輩王寬王立田秀董亮董玉襲鄧州鎮平縣靈山戰順陽鐵搬谷皆有功又野戰數十合被重創而死淳祐五年四月贈雲三秩官其二子承信郎餘贈恤有差

何震

宋季忠義錄 卷九

二四明叢書 約園刊本

何震淳祐中權知巴州事蒙古來攻震固守死於兵五年四月詔贈三官授其一子下州文學

武勝

武勝為荆湖制置使路將從主將劉整以雲梯登鎮平縣城克之與其儕三人戰死淳祐五年十月事聞贈恤有差

馮有碩

王驥 魏諤 楊兌 劉永

馮有碩權知成都府蒙古兵陷其城死之同時權漢州王驥權潼川府魏諤權成都縣楊兌權資州劉永並以

城陷殉難咸淳五年十一月各贈三官廕其一子

關貴 白傅才

關貴蜀中將領蒙古既陷洋州貴偕統制白傅才率兵復之還遇寇兵與將士百五十三人並戰沒淳祐五年十一月詔二人耐享憫忠廟並贈承節郎官一子進勇副尉

倪政 許通 夏珪 孫才 江德仙

倪政知淮西某州淳祐五年春率兵援安豐與蒙古軍數戰陣沒詔贈三官廕其一子同死者許通夏珪孫才

宋季忠義錄 卷九 四四明叢書 約園刊本

江德仙各贈廕有差

何叔丁 楊仁舉

何叔丁知普州淳祐元年蒙古攻陷其城叔丁與僉書判官楊仁舉兩家二十餘人並死於難至六年八月事聞贈官賜恤有差 壽鏞案叔丁孫嗣祖仁舉幼子肖翁被俘逃歸見宋史理宗本紀

張忠

張忠官寧淮軍統制戍浮山手搏蒙古將俱溺水死淳祐七年五月贈武略大夫官一子賜錢五千給其家

宇文景訥

宇文景訥彭州守臣蒙古陷其城死之淳祐七年八月詔贈三官廕其一子

田智潤 夏臯

田智潤為先鋒軍統制與蒙古兵戰於泗州潮河壩父子俱陣亡淳祐八年三月事聞兩人並贈恤尋命淮東制置司立廟於泗州祀智潤及張忠夏臯賜額以旌忠節臯亦將校死事者也

呂達

呂達利州統制與蒙古兵力戰敗沒寶祐二年二月詔

宋季忠義錄 卷九 五四四明叢書 約園刊本

贈四官一子授承信郎一子下班祇應

鄭炳孫

鄭炳孫隆慶教授蒙古兵薄城守將南永忠迫炳孫同降不從先縊殺其妻女朝服自縊寶祐二年六月贈朝奉郎直祕閣官其一子

周榮 馬徽 白端

周榮隆慶部卒也蒙古兵來犯被獲密約守將段元鑑入苦竹隘解圍事覺不屈死其儕馬徽白端戰沒寶祐二年十二月事聞詔有司立廟奉祀

張斌

張斌濠州統制與蒙古兵戰於柘塘敗沒開慶元年八月贈三官廕其一子

張世雄

沈彥雄 陳喜 秦安 李孝信 鄭俊 李安國

張世雄官總管與同官沈彥雄陳喜秦安李孝信鄭俊

李安國禦蒙古兵於橫山力戰死景定元年三月各贈

十官賜緡錢萬恤其家

輔周

輔周淮西裨將與蒙古兵戰於白鹿磯死之景定元年

宋季忠義錄 卷九

六 四明叢書 約園刊本

五月贈和州防禦使

張順

張順成都馬步軍總管也咸淳元年五月以沒於王事

贈五官廕其一子

范勝

張林 高興 孟興

范勝淮西統制官蒙古元帥阿朮率兵入寇勝及統領

張林正將高興副將孟興迎戰俱沒於陣咸淳元年四

月各官一子進勇副尉

徐宗武

徐宗武管夔州路安撫使咸淳五年五月以死於王事

詔致仕恩外官其一子承節郎以上見宋史本紀

施擇善

施擇善為蜀中轉運使寶祐六年元兵入劔門拔吉平

抵達州連山守將以城降擇善不屈而死壽鏞案卷四王翊傳互見

李大會

李大會知簡州元兵攻城大會被執不屈死

張實 楊立

張實馬湖守將寶祐中元將紐璘入寇被獲遣招苦竹

宋季忠義錄 卷九

七 四明叢書 約園刊本

隘遂與守將楊立堅守已而寇復來攻立戰死實遇害

王佐

壽鏞案卷四王翊傳長寧守將王佐父子俱死與此互見

王佐長寧守將寶祐中元人既拔苦竹隘進圍長寧山

鵝頂堡陷之佐與其子俱不屈死同官徐昕亦戰死

趙廣

壽鏞案互見王翊傳

趙廣寶祐中為閬州推官元兵陷其城不屈死

上官夔

上官夔萬州守將元兵圍其城守禦甚力元遣人招降

不從城破巷戰死

楊壽孫

楊壽孫雲安軍主簿元兵至清江縣壽孫與將校何唐安惟臣田廣澤多坤等連戰二日俱死之

江彥清

壽鏞案互見卷四許彪孫傳

江彥清德祐初守珍州元兵至瀘州守將梅應春以城降彥清聞之為守禦計甚力已而城陷巷戰死

王世昌

王世昌權瀘州安撫使元兵薄城誓不屈節城陷自經死

宋季忠義錄卷九

八四明叢書

約園刊本

馮仲暉

壽鏞案互見王翊傳

馮仲暉知丹稜縣元兵入眉州仲暉死之

翟國榮

翟國榮為復州副將咸淳十年九月遇元兵於爛泥湖力戰死之贈復州團練使官其二子立廟於州

王虎臣 王大用

王虎臣咸淳時為統管十年十月元兵既陷鄂州遂趨沙洋荆湖宣撫司命虎臣往救元人遣俘囚賁黃榜檄文入城招降虎臣斬俘焚其榜呂文煥親至城下招之

亦不應日暮風大起元伯顏命順風掣金汁礮焚其廬

舍烟燄障天城遂陷虎臣及守隘官王大用被執不屈死德祐元年四月贈大用三官虎臣二官廢其二子

張資

張資咸淳中知渠州十年十月元人陷其城資自殺德祐中贈眉州防禦使

王達

王達咸淳時為武定軍都統制十年十二月元兵攻陽邏堡達力戰死之贈清遠軍承宣使

宋季忠義錄卷九

九四明叢書

約園刊本

劉成

劉成咸淳末為都統制以定海水軍禦元兵於陽邏堡力戰死贈清遠軍承宣使

胡夢麟

胡夢麟歷官知壽昌軍寓治江州德祐元年正月元兵臨城知州錢真孫迎降夢麟自殺

阮應得

阮應得知無錫縣德祐元年二月元軍來攻勒兵出戰一軍盡沒應得赴水死贈十官

謝元 王海 李旺 袁恩 呂再興

謝元為張世傑部將德祐元年二月饒州已陷世傑將兵入衛道饒復攻拔之元及諸將王海李旺袁恩呂再興俱戰死事聞並贈十官

孟紀

孟紀德祐元年四月以都統守荊州之沙市元兵陷其城死之

張敏

張敏德祐元年以總統守豐城四月元人來犯敏出戰

宋季忠義錄卷九

十四明叢書

約園刊本

死之贈五官任其一子

雷大震

雷大震為揚州都撥發官德祐元年四月元兵至揚子橋大震督兵與戰死之贈保康軍節度使

楊義忠

楊義忠寧國縣吏也德祐時元兵來攻率義兵出戰死之贈武功大夫

貝寶 胡巖起

貝寶胡巖起為銅關守將德祐中舉兵攻溧水兵敗皆

死之寶贈武翼郎巖起贈朝奉郎

胡明

胡明為四安鎮守將德祐元年十一月元兵陷其鎮死之

苗再成

苗再成累官知真州德祐元年四月元人入寇與宗室趙孟錦率兵大戰於老鶴嘴勝之加濠州團練使孟錦擢揚州都統司計議官元兵屢攻固守不下明年揚州守將朱煥叛降外圍益急孟錦乘霧出襲敗沒城遂陷

宋季忠義錄卷九

十四明叢書

約園刊本

再成不屈死

魏福興

魏福興為衢州守將端宗景炎元年九月元人來犯出戰於福橋死之

馮都統

馮都統失其名咸淳時以都統守真州景炎二年五月率兵二千戰艦百艘襲瓜州阿朮遣萬戶昔里罕答赤等出戰都統大敗寇兵追至金珠沙赴水死

王明 王忠訓

王明端宗時為涪州守將元兵屢攻久不下景炎三年正月元東川副都元帥張德潤來寇明督兵與戰大敗死之子忠訓及總轄韓文廣張遇春皆戰死

張應科

張應科端宗時為將末帝嗣位遣應科及王用取雷州三戰皆北用遂降已而再戰應科又敗死之祥興元年六月也

案李復明以下六十九人宋史忠義傳不載今據

宋史三少帝本紀陳仲微二王本末及元史世祖

宋季忠義錄 卷九

十二四明叢書 約園刊本

本紀補入之

宋季忠義錄卷九

宋季忠義錄卷十

四明萬斯同季野輯 男世標子建校

家鉉翁

家鉉翁眉州人以廕補官累官知常州政譽翕然遷浙東提點刑獄入為大理少卿直華文閣以祕閣修撰充紹興府長史遷樞密都承旨知建寧府兼福建轉運副使權戶部侍郎兼知臨安府浙東安撫使遷戶部侍郎權侍右侍郎仍兼樞密都承旨賜進士出身拜端明殿學士簽書樞密院事元兵次近郊丞相吳堅賈餘慶檄

宋季忠義錄 卷十

十二四明叢書 約園刊本

告天下守令以城降鉉翁獨不署元帥遣使至欲加縛鉉翁曰中書省無縛執政之理堅奉表祈請於元以鉉翁介之禮成不得命留館中聞宋亡旦夕哭泣不食飲者數月元以其節高欲尊官之以示南服鉉翁義不二君辭無詭對宋三宮北遷鉉翁再率故臣迎謁伏地流涕頓首謝奉使無狀不能感動上衷無以保存其國見者莫不歎息文天祥女弟坐兄故繫獄官鉉翁傾橐中裝贖出之以歸其兄璧鉉翁狀貌奇偉身長七尺被服儼雅其學邃於春秋自號則堂改館河閒迺以春秋教

授弟子數爲諸生談宋故事及宋興亡之故或流涕太
息元成宗皇帝即位放還賜號處士錫資金幣皆辭不
受又數年以壽終

宋史
下同

陳仲微

陳仲微字致廣瑞州高安人其先居江州旌表義門嘉
泰二年舉進士調莆田尉會守令闕通判又罷輒不任
臺閩委以縣事時歲凶部卒并飢民作亂仲微立召首
亂者戮之籍閉糴抑強糴一境以肅囊山浮屠與郡學
爭水利久不決仲微按法曰曲在浮屠他日沿檄過寺

宋季忠義錄 卷十

一一四明叢書
約園刊本

其徒久揭其事鐘上以爲冤旦暮祝詛然莫省爲仲微
也仲微見之曰吾何心哉吾何心哉質明首僧無疾而
死寓公有誦仲微於當路而密授以薦牘者仲微受而
藏之踰年其家負縣租竟逮其奴寓公有怨言仲微還
其牘緘封如故其人慚謝終其任不敢撓以私遷海鹽
丞鄰邑有疑獄十年郡命仲微按之一問立決改知崇
陽縣寢食公署旁日與父老樵豎相爾汝下情畢達吏
無所措手通判黃州職兼餉餽以身律下隨事檢柅軍
興賴以不乏制置使上其最辭曰職分也何最之有復

通判江州遷幹辦諸司審計事知贛州江西提點刑獄
迂丞相賈似道監察御史舒有開言罷久之起知惠州
遷太府寺丞兼權侍右郎官輪對言祿餽可以鈞天下
之中才而不可啖嘗天下之豪傑名航可以載天下之
猥士而不可以陸沈天下之英雄似道怒又諷言者罷
奪其官久之敘復時國勢危甚仲微上封事其略曰誤
襄者老將也失襄之罪不專在於庸闕疲將孩兵也君
相當分受其責以謝先皇帝在天之靈天子若曰罪在
朕躬大臣宜言咎在臣等宣布十年養安之往繆深懲

宋季忠義錄 卷十

一一四明叢書
約園刊本

六年玩寇之昨非救過未形固已無極追悔既往尙愈
於迷或謂覆護之意多剋責之辭少或謂陛下乏哭師
之誓師相飾分過之言甚非所以慰恤死義祈天悔禍
之道也往往代言乏知體之士翹館鮮有識之人吮旨
茹柔積習成痼君道相業兩有所虧方今何時而在廷
無謀國之臣在邊無折衝之帥監之先朝宣和未亂之
前靖康既敗之後凡前日之日近冕旒朱輪華轂俛首
吐心奴顏婢膝卽今日奉賊稱臣之人也疆力敏事捷
疾快意卽今日畔君賣國之人也爲國者亦何便於若

人哉爲國者進怡懼之欺以逢其君託國者護恥敗之局而莫敢議當國者味安危之機而莫之悔臣嘗思之今之所少不止於兵闔外之事將軍制之而一級半階率從中出斗粟尺布退有後憂平素無權緩急有責或請建督或請行邊或請京城創聞駭聽因諸闔有辭於緩急之時故廟堂不得不掩惡於敗闕之後有謀莫展有敗無誅上下包羞噤無敢議是以下至器仗甲馬衰颯龐涼不足以肅軍容壁壘柵折樊駕漏不足以當衝突之騎號爲帥闔名存實亡有城而無兵以城與敵

宋季忠義錄卷十

四四明叢書
約園刊本

兵不知戰以將與敵鬪不知兵以國與敵光景蹙近日睫矣惟君相幡然改悟天下事尙可爲也轉敗爲成在君相一念閒耳乃出仲微江東提點刑獄德祐元年遷祕書監尋拜右正言左司諫殿中侍御史益王卽位海上拜吏部尙書給事中厓山兵敗走安南越四年卒年七十有二其子文孫與安南王族人益稷出降鄉導我師南征安南王憤伐仲微墓斧其棺仲微天稟篤實雖生長富貴而惡衣菲食自同窶人故能涵飫六經精研理致於諸子百家天文地理醫藥卜筮釋老之學靡不

搜獵云

主應麟

王應麟字伯厚慶元府人九歲通六經淳祐元年舉進士從王埜受學調西安主簿民以年少易視之輸賦後時應麟白郡守繩以法遂立辦諸校欲爲亂知縣事翁甫倉皇計不知所出應麟以禮諭服之差監平江百萬東倉調浙西提舉常平茶鹽主管帳司部使者鄭霖異待之丁父憂服除調揚州教授初應麟登第言曰今之事舉子業者沽名譽得則一切委棄制度典故漫不省

宋季忠義錄卷十

五四明叢書
約園刊本

非國家所望於通儒於是閉門發憤誓以博學宏辭科自見假館閣書讀之寶祐四年中是科應麟與弟應鳳同日生開慶元年亦中是科詔褒諭之添差浙西安撫司幹辦公事帝御集英殿策士召應麟覆考考第既上帝欲易第七卷寘其首應麟讀之乃頓首曰是卷古誼若龜鏡忠肝如鐵石臣敢爲得士賀遂以第七卷爲首選及唱名乃文天祥也遷主管三省樞密院架閣文字遷國子錄進武學博士疏言陛下閱理多願治久當事勢之艱輿圖蹙於外患人才乏而民力殫宜強爲善增

修德無自沮怠恢弘士氣下情畢達操綱紀而明委任
謹左右而防壅蔽求哲人以輔後嗣既對帝問其父名
曰爾父以陳善爲忠可謂繼美丁大全欲致應麟不可
得遷太常主簿面對言淮戍方警蜀道孔艱海表上流
皆有藩籬唇齒之憂軍功未集而吝賞民力既困而重
斂非修攘計也陛下勿以晏安自逸勿以容悅之言自
寬帝愀然曰邊事甚可憂應麟言無事深憂臨事不懼
願汲汲預防毋爲壅蔽所欺時大全諱言邊事於是應
麟罷未幾大全敗起應麟通判台州召爲太常博士擢

宋季忠義錄 卷十

六十四明叢書

約園刊本

祕書郎俄兼沂靖惠王府教授彗星見應詔極論執政
侍從臺諫之罪積私財行公田之害又言應天變莫先
回人心回人心莫先受直言箝天下之口沮敢言之氣
如應天何時迂權臣意故應麟及之遷著作佐郎度宗
卽位部郎官草百官表舊制請聽政四表已上一夕入
臨大臣諭旨增撰三表應麟操筆立就丞相總護還辭
位表三道使者立以俟應麟從容授之丞相驚服卽授
兼禮部郎官兼直學士院馬廷鸞知貢舉詔應麟兼權
直俄兼崇政殿說書遷著作郎守軍器少監經筵值人

日雪帝問有何故事應麟以唐李嶠李乂應制詩對因
奏春雪過多民生飢寒方寸仁愛宜謹感召遷將作監
帝視朝謂應麟曰爲學要灼見古人之心應麟對曰嚴
恭實畏不敢怠皇克勤克儉無自縱逸強以馭下制事
以斷此古人之心然操舍易忽於眇綿兢業多忘於游
衍帝嘉納之既而轉對言人君防未萌之欲存不已之
誠擢兼侍立修注官升權直學士院遷祕書少監兼侍
講上疏論市舶不報會賈似道拜平章事葉夢鼎江萬
里各求去似道亦求去應麟奏孝宗朝闕相者亦逾年

宋季忠義錄 卷十

七十四明叢書

約園刊本

帝亟取以諭之似道聞應麟言大惡之語包恢曰我去
朝士若王伯厚者多矣但此人素著文名不欲使天下
謂我棄之彼盍思少默恢以語應麟笑曰迂相之罪小
負君之罪大遷起居舍人兼權中書舍人冬雷應麟言
十月之雷惟東漢數見命令不專奸表並進卑踰尊外
陵內之象當清天君謹天命體天德以回天心守成必
法祖宗御治必總威福似道聞之斥逐之意決矣應麟
牒閤門直前奏對謂用人莫先察君子小人方袖疏待
班臺臣亟疏駁之由是一吏直前之制遂廢以祕閣修

撰主管崇禧觀久之起知徽州其父撝嘗守是郡父老皆曰此清白太守子也推豪右省租賦民大悅召為祕書監權中書舍人力辭不許兼國史編修實錄檢討兼侍講遷起居郎兼權吏部侍郎指陳成敗逆順之說且曰國家所恃者大江襄樊其喉舌議不容緩朝廷方從容如常時事幾一失豈能自安想臣無以邊事專言者帝不憚似道復謀斥逐適應麟丁母憂去及似道潰師江上授中書舍人兼直學士院即引疏陳十事急征討明政刑勵廉恥通下情求將材練軍實備糧餉舉實材

宋季忠義錄 卷十

八 四明叢書 約園刊本

擇牧守防海道其目也且言圖大患者必略細故求實效者必去虛文因請集諸路勤王之師有能率先而至者宜厚賞以作勇敢之氣并力進戰惟能戰斯可守進兼同修國史實錄院同修撰兼侍讀遷禮部侍郎兼中書舍人日食應詔論答天戒五事陳備禦十策皆不及用尋轉尚書兼給事中左丞相留夢炎用徐囊為御史擢江西制置使黃萬石等應麟繳奏曰囊與夢炎同鄉有私人之嫌萬石竊戾無學南昌失守誤國罪大今方欲引以自助善類為所搏噬者必攜持而去吳浚貪墨

輕躁豈宜用之况夢炎外令慢諫讜言弗敢告今之賣降者多其任用之士疏再上不報出關俟命再奏曰因危急而紊紀綱以偏見而拂公議臣封駁不行與大臣異論勢不當留疏入又不報遂東歸詔中使譚純德以翰林學士召識者以為奪其要路寵以清秩非所以待賢者應麟亦力辭已而宋亡隱居山中二十餘載自號深寧老人日事著述其紀年但書甲子以示不臣於元所著有深寧集一百卷玉堂類彙二十三卷掖垣類彙二十二卷詩考五卷詩地理考五卷漢藝文志考證十

宋季忠義錄 卷十

九 四明叢書 約園刊本

卷通鑑地理考一百卷通鑑地理通釋十六卷通鑑答問四卷困學紀聞二十卷蒙訓七十卷集解踐阼篇補注急就篇六卷補注王會篇小學紺珠十卷玉海二百卷詞學指南四卷詞學題苑四十卷筆海四十卷姓氏急就篇六卷漢制考四卷六經天文編六卷小學諷詠四卷

黃震

黃震字東發慶元府慈溪人寶祐四年登進士第調吳縣尉吳多豪勢家告私債則以屬尉民多凍飢窘苦死

尉卒手震至不受貴家告府檄攝其縣及攝長洲華亭皆有聲浙東提舉常平王華甫辟主管帳司文字時錢庚孫守常朱熠守平江吳君擢守嘉興皆倚嬖倖厲民華甫病革彊起劾罷三人震贊之也沿海制置司辟幹辦提領浙西鹽事不就改辟提領鎮江轉般倉分司公田法行改提領官田所言不便不聽復轉般倉職入爲點校贍軍激賞酒庫所檢察官擢史館檢閱與修寧宗理宗兩朝國史實錄輪對言當時之大弊曰民窮曰兵弱曰財匱曰士大夫無恥乞罷給度僧人道士牒使其

宋季忠義錄 卷十

十四明叢書 約園刊本

徒老死卽消弭之收其田入可以富軍國紓民力時宮中建內道場故首及此帝怒批降三秩卽出國門用諫官言得寢出通判廣德軍初孝宗班朱熹社倉法於天下而廣德則官置此倉民困於納息至以息爲本而息皆橫取其民至自經人以爲熹之法不敢議震曰不然法出於堯舜三代聖人猶有變通安有先儒爲法不思救其弊耶况熹法社倉歸之於民而官不得與官雖不與而終有納息之患震爲別買田六百畝以其租代社倉息非凶年不貸而貸者不取息郡有祠山廟歲合江

淮之民禱祈者數十萬其牲皆用牛郡惡少挾兵刃舞牲迎神爲常鬪爭至犯法其俗又有自嬰桎梏自拷掠以徼福者震見問之乃兵卒責自狀其罪卒曰本無罪震曰爾罪多不敢對人言特告神以免罪耳杖之示眾又其俗有所謂埋藏會者爲坎於庭深廣皆五尺以所祭牛及器皿數百納其中覆以牛革封鏽一夕明發視之失所在震以爲妖而殺牛淫祀非法言之諸司禁絕之郡守賈蕃世以權相從子驕縱不法震數與爭論是非蕃世積不堪疏震撓政坐解官尋通判紹興府獲海

宋季忠義錄 卷十

十二四明叢書 約園刊本

寇僂之撫州饑起震知其州單車疾馳中道約富人者老集城中毋過某日至則大書閉糴者籍強糴者斬揭於市坐驛舍署文書不入州治不抑米價日損親煮粥食飢者請於朝給爵賞旌勞者而後入視州事轉運司下州糴米七萬石震曰民生蹶矣豈宜重困之以沒官田三莊所入應之若補刻六經儀禮修復朱熹祠樹晏殊里門曰舊學坊制祭社稷器復風雷祀勸民種麥禁競渡舡焚千三百餘艘用其丁鐵勦軍營五百間皆善政也詔增秩遂升提舉常平倉司舊有結闕拒逮捕

事繫郡獄二十有八年存者十無三四以事關尚書省無敢決其獄者以結關爲作亂也震謂結關猶他郡之結甲也非作亂比况已經數赦於是皆釋之新城與光澤地犬牙相入民夾溪而處歲常忿鬪爭漁會知縣事蹇雄爲政擾民因相結拒起焚掠震乃劾罷雄諭其民散去初常平有慈幼局爲貧而棄子者設久而名存實亡震謂收哺於既棄之後不若未棄保全之乃損益舊法凡當免而貧者許里胥請於官贍之棄者許人收養官出粟給所收家成活者畝震論役法先令縣覈民產

宋季忠義錄 卷十

十三 四明叢書 約園刊本

業不使下戶受抑於上戶大興水利廢坡壞堰及爲豪右所占者復之改提點刑獄決滯獄清民訟赫然如神明有貴家害民震按之貴家怨又彊發富人粟與民富人亦怨御史中丞陳堅以讒者言劾震去讒者乃怨震遂奉雲臺祠賈似道罷相以宗正寺簿召將與俞浙並爲監察御史有內戚畏震直止之而浙亦以直言去移浙東提舉常平鎮安飢民折盜賊萌芽時皇叔大父福王與芮判紹興府遂兼王府長史震奏曰朝廷之制尊卑不同而紀綱不可紊外雖藩王監司得言之今爲其

屬豈敢察其非奈何自臣復壞其法固不拜長史命進侍左郎官及宗正少卿皆不拜初徙家郡城之月湖國變後隱居寶幢山誓不入城府故居之圖籍器物爲人掠盡亦不問山居二十餘年著黃氏日鈔一百卷春秋禮記皆爲之傳集與同郡王應麟巍然稱東南二大老門人私謚文潔先生

何時

何時字了翁撫州樂安人文天祥同年進士也調廬陵尉尋入江西轉運司幕府遷臨江軍司理參軍郡獄相

宋季忠義錄 卷十

十三 四明叢書 約園刊本

傳舊斬一寇屍能行一里許眾神之墟爲肉身皋陶時至取故牘閱此寇嘗掠殺數人曰如此可爲神乎命鞭之沈於水人服其明改知興國縣天祥起兵辟署帥府機宜帶行監文思院天祥入衛時任留司分司吉州饒運平江天祥奏時知撫州吉州下時脫身歸鄉里益王立天祥開府南劍時起兵趨興國接引以時帶行監江西提刑時聚兵復崇仁縣未幾元兵奄至兵敗削髮爲僧竄迹嶺南賈卜自給變姓名自號堅白道人

黃申一

黃申字西鄉井研人開慶元年進士授德安尉攝主簿兼提點江西刑獄司僉廳獄事多所辨明丞相江萬里提刑黃震交薦之調安樂丞申爲政廉謹有治聲以恩升從事郎元兵拔撫州下諸縣索降狀樂安令率其僚聯署以上申初聞變悉遣家人遠避至是獨抗不往令遣吏促之申不動吏白令怒俄而吏民數百人集於庭強輿致之申顛踣于地若中風然眾捧蹴詬叱曰爲爾不順將累吾輩申陽死爲不聞令無如之何申有惠愛在民至暮眾昇入寘中堂翼日或食以粥得免遂去

宋季忠義錄 卷十

十四 四明叢書 約園刊本

隱巴山中以終

張山翁

張山翁字君壽普州人景定三年進士德祐元年爲荆湖宣撫司幹官鄂守張晏然議納款山翁以書譙讓之晏然旣降山翁被執軍前諭曰若降不失作顯官山翁酬對不屈行省官賈思貞義之貨不殺後居黃鵠山聚徒教授而終有南紀緇林藏雲山相鋤等集

陳子敬

陳子敬贛州人以費雄鄉里嘗從文天祥游天祥開闢

汀州子敬募集民兵屯阜口據下流及天祥攻贛子敬與合謀忠效甚著空坑兵敗復聚兵屯黃塘皆連結山砦不降元兵以重兵襲其砦皆潰子敬不知所終

徐臻

徐臻溫州人父官河南德祐元年春臻往省以道阻會文天祥勤王臻往依之以筆札典樞密小心精鍊天祥被執臻脫難復來願從天祥北行扶持患難備殫忠款至隆興病死

金應

宋季忠義錄 卷十

十五 四明叢書 約園刊本

金應性少剛知義爲天祥職書司入京補承信郎官路分天祥奉使被執左右皆散應獨無畔志及脫走鎮江至淮東以憂憤死焉

杜本

杜本字伯原其先居京兆後徙天台又徙臨江之清江今爲清江人本博學善屬文江浙行省丞相忽刺木得其所上救荒策大奇之及入爲御史大夫力薦於武宗嘗被召至京師未幾歸隱武夷山中文宗在江南時聞其名及卽位以幣徵之不起至正三年右丞相脫脫以

隱士薦詔遣使賜以金織文幣上尊酒召爲翰林待制
奉議大夫兼國史院編修官使者致君相意趣之行至
杭州稱疾固辭而致書於丞相曰以萬事合爲一理以
萬民合爲一心以千載合爲一日以四海合爲一家則
可言制禮作樂而躋五帝三王之盛矣遂不行本湛靜
寡欲無疾言遽色與人交尤篤於義有貧無以養親無
貲以爲學者皆濟之平居書冊未嘗釋手天文地理律
曆度數靡不通究尤工於篆隸所著有四經表義六書
通編十原等書學者稱爲清碧先生至正十年卒年七
十有五

宋季忠義錄 卷十

十六 四明叢書
約園刊本

壽鏞案杜本集宋末諸人詩
曰谷音汲古閣刊行於世

孫轍

孫轍字履常其先自金陵徙家臨川轍幼孤母蔡氏教
之知警策自樹立比長學行純篤事母甚孝家居教授
門庭蕭然而考德問業者日盛郡中俊彥有聲者皆出
其門轍與人言一以孝弟忠信爲本辭溫義和聞者莫
不油然而感悟待親戚鄉里禮意周洽言論閒未嘗幾微
及人過失長短士子至郡者必來見部使者長吏以下
仁且賢者必造焉轍樂易莊敬接之以禮言不及官府

憲司屢辟皆不就江西行省特以遺逸舉轍一人轍善
爲文章吳澄嘗敘其集曰所謂仁義之人其言霽如也
其見稱許如此元統二年年七十有三卒於家

吳定翁

吳定翁字仲谷臨川人其先當宋末自金陵來徙定翁
幼歲儼如成人寒暑衣冠不少懈清修文雅與孫轍齊
名而最善爲詩揭傒斯稱其幽茂疏淡可比盧摯御史
及江西之方伯牧守部使者辟薦相望終身不爲動程
鉅夫嘗貽書曰臨川士友及門者踵相接也何相望足
下耿耿如玉人而不可得見乎定翁嘗曰士無求用於
世惟求無愧於世人以爲名言

宋季忠義錄 卷十

十七 四明叢書
約園刊本

危復之

危復之字見心臨川人宋末爲太學生師事湯漢博覽
羣書好讀易尤工於詩至元初元帥郭昂屢薦爲儒學
官不就至元中朝廷累遣奉御察罕及翰林應奉詹玉
以幣徵之皆弗起隱於紫霞山中士友私謚曰貞白先
生

何中

何中字太虛撫之樂安人少穎拔以古學自任家有藏書萬卷手自校讎其學弘深該博廣平程鉅夫清河元明善柳城姚燧東平王構同郡吳澂揭傒斯皆推服之至順二年江西行省平章全岳柱聘為龍興郡學師明年六月以疾卒所著有易類象二卷書傳補遺十口卷綱目測海三卷知非堂稟十七卷

蘇劉義

蘇劉義荆湖人景定初從呂文德於鄂州戰數有功轉十官四年復以守鄂功為吉州刺史劉義雖出呂氏乃

宋季忠義錄卷十

十八 四明叢書

約園刊本

心在王室廣王至溫州有推戴功景炎元年拜檢校少保節度使殿前指揮使司馬兼諸路經制鎮撫大使劉義多智略遇張世傑用事志不得展其年七月罷諸使免兼殿司帝在井澳元將劉深來襲陳宜中如占城劉義不以為是懼舟追之不及而返夜泊灣頭俄有天火飛集劉義舟延燒眾舟幾盡祥興帝嗣統進開府儀同三司殿前指揮使厓山兵敗與世傑斷纜泛海洋世傑死劉義與其子俱得脫文天祥謂劉義剛躁不可近然能服義始終不失大節史稱劉義為其下所殺嘗考其

家乘載履歷頗詳曰劉義字執之家本南海之龍頭堡性豪華多才智慨然以宗社安危為己事實祐六年由上舍出身授右迪功郎縣主簿再遷靖江府靈川丞德祐改元詔天下勤王劉義起兵自靈川入衛其逃歸也變名為由義云然其所歷官階與史不同姑存之

廣東通志案陳仲微二王本景炎二年四月書蘇劉義卒廣東通志死國諸臣內則言厓山師敗劉義與張世傑同斷維去世世傑死劉義為亂軍所害其說不同此傳載廣東通志流寓中乃言遁歸其鄉又與前二說異未知孰是

鄧光薦

宋季忠義錄卷十

十九 四明叢書

約園刊本

鄧光薦字中甫廬陵人景定壬戌第進士歷官十餘年至德祐元年冬元兵入江西攜家避入閩明年臨安陷端宗即位於福州趙聞帥辟為幹辦官景炎二年四月駕入廣東除宗正寺簿元兵陷廣州與其友龔竹卿避地香山縣之黃梅山是冬土寇為亂一妻三妾四子四女皆焚死光薦得脫末帝祥興元年六月從駕至厓山除祕書丞明年正月擢禮部侍郎兼權直學士院二月厓山師覆帝崩光薦投海者再元人鉤出之不得死張弘範待以賓禮令復衣冠以為揖客獲與文天祥同舟

北上時相倡和至燕弘範館之趙冰壺家教其次子屢乞為黃冠不許後得放歸大德初卒

鄧光薦先生以義行著其所賦鷓鴣詩曰行不得也哥

哥瘦妻弱子羸特馱天長地闊多網羅南音漸少北語

多肉起不起可奈何行不得也哥哥又有贊文丞相像

曰目煌煌兮疏星曉寒氣英英兮晴雷殷山頭碎柱兮

璧完血化碧兮心丹嗚呼孰謂斯人不在世間較耕錄

趙必瑑

趙必瑑字玉淵東莞人系出濮邸咸淳元年與父崇訥

宋季忠義錄 卷十 二十四明叢書 約園刊本

同登進士崇訥性恬淡仕南安軍司參軍卓著賢聲尋

曰父子竊祿是取盈於造物也解歸必瑑初任高要簿

尉郡檄署四會縣有異政民為立祠再任高康丞棄官

歸養惠州守文璧辟為郡從事璧兄丞相天祥集兵勤

王必瑑往謁相與論時事慷慨泣下天祥重之後察璧

無堅守意即歸適熊飛駐兵於邑欲盡括稅戶財穀充

軍資人情洶洶必瑑恐變請於飛願以家貲三千緡米

五百石贖軍免百姓苦擾飛從之即以必瑑董其事必

瑑隨其家各寬征之人感其義復語飛曰聞王師駐海

上欲遣趙潛方與安撫東廣莫若用宋號通趙方二使

尊宋主然後舉兵事成則可興復不成亦足垂弗朽飛

然之即日署宋旗號舉兵向城遂迎潛與入廣時天祥

開督府於潮惠辟必瑑以僉書軍事判官兼知錄事相

與殫謀恢復而勢已不支矣宋亡隱於溫塘足跡不入

城郭一時隱者多就之至元甲午卒有覆瓿集行於世

今祀鄉賢弘治中進士璧者歷副使有能聲蓋其後云

廣東通志下同 壽鏞案宋史翼趙必瑑傳云嘗題其

室曰詩人只合住茅屋天下未嘗無茶羹其所養可知

矣壽不踰五十平生慷慨仗義樂周人之急至臨大事以身任之而不辭云

翟龕

翟龕東莞人父景先登淳祐進士官僉判世有行誼龕

性孝友海寇猝至躬負親走山麓間榛險不避嘗割田

供大宗祀事與族人共之景定二年以書經領鄉薦咸

淳二年再舉都魁官本邑主簿宋末元兵壓境人民逃

潰熊飛欲盡括稅戶佐儲胥龕愍然曰天未厭禍人羸

幾斃奈何更益以瘦力諫止捐貲倡助軍費以甦之是

時元兵所過恣屠戮羣情駭愕龕與李春叟趙必瑑張

元吉締謀決策竭力完守綏輯撫循宋亡悲憤杜門不

宋季忠義錄 卷十 二十四明叢書 約園刊本

出建樓曰聚秀延士講習其間卒祀鄉賢祠

王道夫

王道夫番禺人少從陳大震遊苦志力學登陳文龍榜進士咸淳中仕連山尉有保民驅寇功度宗寵以御札有金注碗盤之賜由是才略知名張鎮孫敗後凌震得脫收拾散亡數千倚文天祥諸軍為聲援時大震道夫皆家居端宗召大震為尙書吏部侍郎道夫權兵部侍郎兼轉運判官大震固辭不就道夫拜命與凌震各將兵相為掎角景炎二年三月文天祥復惠州道夫與

宋季忠義錄 卷十

三四四明叢書

約園刊本

震謀曰文公既克復疆土吾等乘此聲勢可大舉成功機不可失震從之時呂師夔退兵震與道夫帥師擣其虛遂復廣州詔褒諭之以震為廣東制置使道夫拜兵部侍郎廣東轉運使是年四月端宗崩衛王即位改元祥興加道夫學士兼兵部尙書十月元將李恆襲廣州力戰不利閏十一月庚戌道夫遁壬戌震遁癸亥元人復陷廣州獲舡三百艘將吏宋邁以下二百人以赴於是二人會兵圖再舉十二月壬午道夫引兵先往取廣州與李恆兵戰大敗被執凌震繼至亦敗退於城東茭

塘又敗明年二月李恆與張弘範合攻厓山震降宋亡

之後道夫不仕元憤恚而卒其子孫世有登鄉薦者卒

受其報云端宗本紀景炎三年三月廣州都統凌震轉運判官王道夫取廣州閏十一月元兵入廣東庚戌道夫棄廣州遁壬戌震亦遁癸亥元人遂入廣州十二月道夫來攻兵敗被執震兵繼至亦敗

陳大震

陳大震字希聲番禺人寶祐癸丑進士釋褐為博羅主簿遷循州長樂令以敏捷寬厚稱轉廣濟令以平盜功改奉議郎參靜江帥府咸淳七年權知雷州慮西湖湮廢乃大築隄岸建平湖書院以祀寇準及蘇軾兄弟有

宋季忠義錄 卷十

三四四明叢書

約園刊本

婦人與夫殺養母偽以盜訴大震怪其詞色廉之果非盜一訊具服人以爲神理郡二年所剖決無冤獄轉朝奉大夫知全州元兵壓境知力不支自劾罷歸端宗入廣召為吏部侍郎不就宋亡元錄遺臣授司農卿廣東儒學提舉以疾力辭居嘗立靈位以待死與素所往來者飲酒賦詩曰吾可以下見穆陵矣卒年八十震為人剛方嚴毅平生無戲言御子孫不冠不見所為文典雅有集傳於世

宋季忠義錄卷十

宋季忠義錄卷十一

四明萬斯同季野輯 男世標子建校

謝翱

謝翱字皋父延平人蚤事科舉學有志當世中遭兵火室家散亡購得一子軍伍中相與竭力生產僅自給屬繇役繁興不堪迫辱日益憤懣成疾以子粗達時務委而出遊過嚴陵故舊館焉因娶劉氏其地與婺接故常往來兩州閒積十四五年指授館下生粲然進於文學性耿介不以貧累人所居產薪若炭率秋暮載至杭易

宋季忠義錄 卷十一

一四明叢書 約園刊本

米卒歲少裕則資遊江海訪前代故實善家史補唐詩人無傳者三十餘篇傳近世隱逸數篇歲甲午與杭人鄧牧相遇會稽結為方外友牧罕讀古人著述謂文章當出胸臆自成一家而君記問優贖必欲中古人繩墨乃已所見不合日夜論辨互相詆及見牧所為文乃起謝曰公不肯區區有所模擬然法度高古殆天才也牧因為言杭大都會文士輩出子知若干人盍往見之旬日別去逮牧歸杭君已挈家錢唐江上問所從遊皆前所聞者其信好學也乙未秋牧薄遊山水間君病篤望

牧不至懷以詩曰謝豹花開桑葉齊戴勝芋生藥草肥

九鎖山人歸未歸蓋絕筆於斯故同姓善之新與君交最厚哭其舍累日為著哀辭東西州故人門生不遠數百里來弔咸哭盡哀奉喪去先是君買地釣臺下將葬朋友無歸者至是君葬焉君生不得志閒居常有憂色語聲甚微鬱鬱不平之氣一宣於文讀之使人淒愴知其弗壽也婦瑯然無依子遠在二千里外存亡不相關可謂窮矣嚴陵士風厚將有集君遺稿以傳後者志且不沒牧歸悲惋不已誄曰上世之士以文取顯耀而君

宋季忠義錄 卷十一

一四明叢書 約園刊本

窮於文痛哉皋父痛哉皋父錢塘鄧牧撰傳

任士林謝處士傳云謝翱者字皋羽閩人也父鑰性至孝喪母行服廬墓終身不仕咸淳初翱試進士不中慨然以古人倡作宋祖饒歌鼓吹曲騎吹曲上太常樂工習之人至今傳其詞侷儻有大節嘗布衣杖策參人軍事未幾善哭如唐衢過姑蘇望夫差之臺慟哭終日過句越行禹窆間北向哭乘舟至勤過蛟門登候潮山感夫子浮海之歎則又哭晚登子陵西臺以竹如意擊石歌招魂之詞曰魂來兮何極魂去兮江水黑化為朱鳥

兮有味焉食歌闋竹石俱碎失聲哭何其情之悲也所知淪沒碧血濺空山川池榭雲嵐草木與所別處及其時適相類則徘徊顧盼悲不自已夫鳥獸喪其羣匹越月踰時則必巡過其故鄉翔回焉鳴號焉躑躅焉踟躕焉然後乃能去之若翔者章皇山澤惡夫淚之無從也既客滿汭往來桐廬人翕然從翔學所爲詩歌其稱小其指大其辭隱其義顯有風人之餘類唐人之卓卓者尤善敘事有良史材作南史帝紀二十贊采獨行傲秦楚之際月表所歷湖東西州山水必有遊記當天下廣

宋季忠義錄

卷十一

四明叢書
約園刊本

大足歷燕魏趙代閒遺事故蹟且涉大瀛海外盡識風物洪蒙之初度越子長矣惜其悲鳴煩促天性固然其亡乎其亡乎士充充入嬰相持解不去憎聞翩翩自若也易曰浚恆貞凶無攸利翺之謂乎或曰伯夷叔齊何人也曰古之賢人也曰怨乎曰求仁而得仁又何怨屈平非怨者也精神漂散鬼語神詞變幻不測翺豈平伍耶初翺亡恙時得唐方干舊隱白雲村建炎四年江端友呂居仁朱翌諸賢爲文祭臨水之神避地於此翺曰死必葬之作許劔錄逮疾革語其妻劉氏我死必以骨

歸吳思齊方鳳葬我許劔之地二人果聞訃至與方燾方幼學馮桂芳翁登翁衡奉骨葬如志夫以死生託人不爽曠日信矣哉其徒吳貴買田月泉精舍祠曰晞髮處士歲時奉蒸嘗云贊曰唐宰相董晉爲汴州辟韓愈從事愈激知已稱隴西公而不姓晉死從裴度度乃不引用愈愈作弔田橫文以著其哀若翺者夫亦橫之客也與

宋季忠義錄

卷十一

四明叢書
約園刊本

徐翰謝翺傳云謝翺字皋羽建寧人也家故贏於財父鑰居喪哀毀人稱其孝宋咸淳初翺試進士不第慨然求諸古以文章名家元兵取宋相文天祥亡走江上逾海至閩檄州郡大舉勤王之師翺傾家貲率鄉兵數百人赴難遂參軍事天祥轉戰閩廣至潮陽被執翺匿民間流離久之閒行抵句越句越多閱閩故大族而王監簿諸人方延致遊士日以賦詠相娛樂翺時出所長諸公見者皆自以爲不及不知其爲天祥客也然終不自明且念久不去人將虞我矣乃去而之越之南鄙依浦陽江方鳳時永康吳思齊亦依鳳居三人無變志又皆高年遂俱客吳氏里中得其餘日以自適一不問當

世事翔嘗上會稽循山左右窺祐思諸陵西走吳會東
入鄞過蛟門臨大海所至歔歔流涕晚愛睦州山水浮
七里瀨登巖光釣臺北向舉酒以竹如意擊石歌曰魂
歸來兮何極魂去兮關水黑化爲朱鳥兮有噉焉食歌
已失聲哭人莫詰其誰何唯鳳與思齊深悲之初江端
友呂居仁朱翌辟地白雲源源故方干所居在釣臺之
南翔率其徒遊焉願卽此爲葬地作許劒錄及翔居錢
塘病革語其妻劉曰我死必以骨歸方鳳葬我許劒之
地鳳聞訃訖如其言鳳字韶卿繇太學生授容州教授

宋季忠義錄 卷十一

五 四明叢書
約園刊本

治毛氏詩陳宜中當國禮下之命其二子大登小登受
業焉同鄉黃潛柳貫皆出其門好獎拔士有一善未嘗
不與之進思齊字子善其學本之外祖陳亮用蔭補官
攝嘉興丞數以書干宋臣用事者言買似道母喪不宜
賜鹵簿責文及翁顧忌爭不力猶不爭耳又言御史俞
浙以論謝堂去職宰相附貴戚塞言路如朝廷何思齊
雖有寒疾耳聾遇事不以勢移不以貧屈自號全歸子
云媯仲子曰翰少客浦陽望仙華寶翁諸山從縉紳學
者問翔時事未嘗不喟然爲之太息於是訪其論著之

文翔有髭髮集鳳有巖南集思齊有全歸集三家者惟
翔集備焉其辭隱其指微大要類其行事是時元新有
天下士大夫於宋事多諱言之鄞江任士林稱翔善哭
如唐衢豈其情哉豈其情哉

宋濂謝翔傳云謝翔字舉羽福之長溪人後徙建之浦
城父鎰性至孝居母喪哀毀廬墓終身不仕通春秋著
春秋衍義左氏辨證傳於時翔世其學試進士不中落
魄漳泉二州倜儻有大節會丞相文天祥開府延平長
揖軍門署諮事參軍聲重梁楚間已復別去及宋亡天

宋季忠義錄 卷十一

六 四明叢書
約園刊本

祥被執以死翔悲不能禁隻影行浙水東逢山川池榭
雲嵐草木與所別處及其時號相類則徘徊顧盼失聲
哭巖有子陵臺孤絕千丈時天涼風急翔挾酒以登設
天祥主荒亭隅再拜跪伏酌畢號而慟者三復再拜起
悲思不可遏乃以竹如意擊石作楚歌招之曰魂朝往
兮何極莫來歸兮關水黑化爲朱鳥兮有味焉食歌闕
竹石俱碎聞者爲傷之然其志汗漫超越浩不可禦視
世閒事無足當其意者獨嗜佳山水雁山鼎湖蛟門候
濤沃州天姥野霞碧雞四明金華洞天搜奇抉秘所至

卽造游錄持以誇人若載七寶歸者游倦輒憩浦陽江源及睦之白雲邨尋隱者方鳳吳思齊晝夜吟詩不休其詩直遡盛唐而上不作近代語卓卓有風人之餘文尤竦拔峭勁雷電恍惚出入風雨中當其執筆時瞑目遐思身與天地俱忘每語人曰用志不分鬼神將通之其苦索多類此婺睦人士翕然從其學前至元甲午去家武林西湖上前代遺老尙多存者咸自詫見翔晚明年乙未以肺疾作而死年四十七瀕死屬其妻劉氏曰吾去鄉千里交游惟方韶卿吳子善最親不翅兄弟

宋季忠義錄 卷十一

七四明叢書

約園刊本

慎收吾文及吾骨授之韶卿卽鳳子善卽思齊已而鳳等果至與方幼學方燾馮桂芳翁登登之弟衡葬翔子陵臺南以文藁伐石表之曰粵謝翔墓初翔以朋友道喪盡吳越無挂劍者思合同志氏名作許劍錄勒諸石未就復爲建許劍亭於墓右從翔志也翔無子其徒吳貴祠之月泉書院云翔好修抱獨刻厲憤激直欲起古人從之游不務諧於流俗意所不顧萬夫莫回也每慕屈平託興遠游自號晞髮子遇談勝國事輒悲鳴煩促涕泗漚然下士有苟合而氣志得者憎聞翔翔自若也

所著手鈔詩八卷雜文二十卷唐補傳一卷南史補帝紀贊一卷楚詞芳草圖譜一卷宋饒歌鼓吹曲各一卷睦州山水人物古跡記一卷浦陽先民傳一卷天地間氣集五卷東坡夜雨句圖一卷浙東西游錄九卷餘倣秦楚之際月表獨行傳及左氏傳續辨歷代詩譜皆未完所選唐韋柳諸家書及東都五體詩不在集中贊曰翔一布衣爾未嘗有爵位於朝徒以被天祥之知麻衣繩屨章皇山澤間若無所容其身使其都重祿受社稷民人之寄其能死守封疆決矣翔不負天祥肯負國哉

宋季忠義錄 卷十一

八四明叢書

約園刊本

翔蓋天下之士也昔田橫不降漢拔劍自剄客之從死者五百人若翔之志其有類橫之客者非邪吾聞諸任先生云

徐時棟曰三傳互異招魂詞朝往暮歸以此篇爲是

黃宗羲西臺慟哭記註云崇禎戊寅讀西臺慟哭記其中多忌諱隱語信筆註釋猶未見張孟兼註也已而見之所云甲乙若丙之人都無確據因爲辨證豈知是後七年而所遇之境地一如皋羽乎則此註不可不謂之識也

始故人唐宰相魯公開府南服余以布衣從戎

方鳳云丞相信公開府先生杖策詣公署諮事參軍其略見西臺慟哭記其稱唐宰相者託言前朝稱魯公者周文公封魯故言文公爲魯公也景炎元年丙子七月公以樞密使司都督諸路軍馬至南劍十一月入汀州所謂開府南服也是歲舉父年二十八張丁曰稱唐魯公而不姓者猶韓愈稱董晉爲隴西公之類徐贄民曰先子手鈔謝皋羽詩文一編其慟哭記稱宰相信公不稱故人唐宰相魯公

明年別公漳水湄

朱季忠義錄 卷十一

九四明叢書 約圖刊本

景炎二年正月公移屯漳州龍巖縣三月至梅州舉

父別公在是歲之春

後明年公以事過張睢陽及顏杲卿所嘗往來處悲歌

慷慨卒不負其言而從之遊今其詩具在可考也

祥興元年己卯舉父別公後二年也公已被執九月

北行有弔顏杲卿詩云常山義旗奮范陽哽喉咽胡

雛一狼狽六飛入西川哥舒降且拜公舌膏戈鋌人

世誰不死公死千萬年睢陽詩云起師哭玄元義氣

震天地百戰奮雄姿樹妾士揮淚睢陽水東流雙廟

垂百世當時令狐潮乃爲賊遊說公被執而爲以事

者忌諱之辭 危素曰過張睢陽所嘗往來處此蓋

題信之永豐睢陽廟非嘗所往來處也義按鉛山縣

南二十里有睢陽廟蓋當時名永豐也危意以公所

過者在此然記言別公後明年則是執後之過非平

日之過明矣其詩在指南後錄發建康以後又豈永

豐之廟哉危爲以事二字所誤

余恨死無以藉手見公而獨記別時語每一動念卽於

夢中尋之或山水池榭雲嵐草木與所別之處及其時

朱季忠義錄 卷十一

十四明叢書 約圖刊本

適相類則徘徊顧盼悲不敢泣又後三年過姑蘇姑蘇

公初開府舊治也

德祐乙亥九月公除浙西江東制置使兼江西安撫

大使知平江府事

望夫差之臺而始哭公焉

是歲癸未舉父年三十五公自壬午十二月初九日

有柴市之變故每遇諱日舉父必集同志於名臺野

祭其下越臺西臺皆是也 張丁以爲是歲在乙酉

不知何據其後越臺之哭丁亦云丙戌則是後一年

矣記言後四年丁說非也

又後四年而哭之於越臺

是歲丙戌有別唐玉潛冬青樹引皋父年三十八林

霽山酬皋父見寄詩云行行古臺上仰天哭所思餘

哀散林木此意誰能知夜夢繞句越落日冬青枝

又後五年及今而哭於子陵之臺

是歲皋父年四十二

先是一日與友人甲乙若丙

諱其名故稱甲乙甲為吳思齊字子善流寓梧廬故

朱季忠義錄 卷十一

十一四明叢書 約園刊本

下文云別甲於江宋濂子善傳云思齊與方鳳謝翹

無月不遊遊輒連日夜或酒酣氣鬱時每扶攜望天

末慟哭至失聲而後返乙為嚴侶字君友奉祖祠家

在江岸故下文云登岸宿乙家楊維禎節高先生墓

誌云宋相文山氏客謝翹奇士也雪夜與之登西臺

絕頂祭酒慟哭以鐵如意擊石復作楚客歌聲振林

木人莫能測其意也丙為馮桂芳下文云與丙獨歸

馮城曰鄧康莊撰曾大父處士桂芳墓誌有云閩人

謝翹奇士也嘗與處士雪夜放舟登子陵西臺擊石

作楚歌聲振林木意悲憤人莫識 張丁曰甲乙若

丙者意為吳思齊馮桂芳翁衡也今雖不知其然唯

三人同登時詩可考見也按此既無實證吳寓桐廬

縣馮翁皆睦人無有江干住者記言登岸宿乙家何

也丁又曰別甲別思齊也與丙歸者桂芳也桂芳衡

同家於睦歲云暮矣不應一歸一不歸也衡為皋父

之門人以乙為衡則序門人於老友之上矣故知之

為嚴侶非僅墓誌可證也

約越宿而集午雨未止

朱季忠義錄 卷十一

十二四明叢書 約園刊本

十二月初九日文公之諱也

買榜江浹登岸謁子陵祠憩祠旁僧舍毀垣枯甃如入

墟墓

祠在臺下

還與榜人治祭具須與雨止登西臺

富春山在桐廬縣西三十五里有東西二臺各高數

百丈以子陵故名釣臺

設主於荒亭隅再拜跪伏祝畢號而慟者三復再拜起

又念余弱冠時往來必謁拜祠下其始至也侍先君焉

始至時舉父年十七

今余且老江山人物睽焉若失復東望泣拜不已有雲
從南來滄海鬱氣薄林木若相助以悲者乃以竹如意
擊石作楚歌招之曰魂朝往兮何極暮來歸兮關水
黑化為朱鳥兮有味焉食

杜子美夢李白詩魂來楓林青魂返關塞黑白生故
魂來則青魂返則黑文公已死故魂來則黑此其異
也三統上元至是歲辛卯積年十四萬四千五百二
十一歲在星紀相對南方為鶉首故雲從南來化朱

宋季忠義錄 卷十一

十三四明叢書

約園刊本

鳥而有味也方韶卿過舉父墓詩朱鳥食何向記此
事也

歌闕竹石俱碎於是相向感喑復登東臺撫蒼石遺憩
於榜中榜人始驚余哭云適有避舟之過也盍移諸遂
移榜中流

徐贛民曰先子鈔本無榜人始驚以下至移榜中流
數語

舉酒相屬各為詩以寄所思

舉父詩云殘年哭知己白日下荒臺淚落吳江水隨

湖到海迴故衣猶染碧后土不憐才未老山中客唯
應賦八哀又云總戎臨百粵花鳥瘴江村落日失滄
海寒風上薊門雨青餘化血林黑見歸魂欲哭山陽
笛鄰人亦不存子善有擬古詩云平原一遺老九重
未知名臨危勸勁節相視膽為驚折墜猶舉手顧天
問無成九隕期報國千古猶光晶亦有布衣人烈烈
死彌貞回風惜往日輝映豈獨清滔滔肉食輩此類
徒吞聲我聞同志士野祭激高情配享遺斯人憂心
每如醒

宋季忠義錄 卷十一

十四四明叢書

約園刊本

薄暮雪作風凜不可留登岸宿乙家夜復賦詩懷古明
日益風雪別甲於江

舉父江上別友詩曰相看仍慟哭欲學晉諸賢成近
風鳴柝江空雨送舡翔雲侵別色南雪憶歸年擬共
鋤青朮無為俗事牽

余與丙獨歸行三十里又越宿乃止
行狀云遊倦輒憩葵睦之江源月泉故與馮桂芳歸
睦

其後甲以書及別詩來言是日風帆怒駛逾久而後濟

既濟疑有神陰相以著茲遊之偉

子善入桐廬故江行

余曰嗚呼阮步兵死空山無哭聲且千年矣若神之助固不可知然茲遊亦良偉其為文詞因以達意亦誠可悲曰余嘗欲做太史公著季漢月表如秦楚之際今人不有知余心後之人必有知余者於此宜得書故紀之以附季漢事後

太史公作秦楚之際月表一時戰爭諸國興廢倏忽不可以年故表之以月宋亡之時義師迭起皆不能

宋季忠義錄 卷十一

十五 四明叢書 約園刊本

久故臯父欲著月表以詳獨行全節之事不曰季宋而曰季漢者亦猶唐宰相之託於前代也

時先君登臺後二十六年也先君某字某

諱鑰

登臺之歲在乙丑云

咸淳元年

黃宗羲冬青引註云余曾註謝皋羽西臺慟哭記以

未得見張孟兼註為恨曹叔則出其註示之則頗

疏誕余之註若未可驟廢也其註冬青引亦然水

閣雨餘因憶舊聞為之重註非欲以蓋前人也余與孟兼所遇之時不同孟兼之去皋羽遠而余之去皋羽近皋羽之言余固易知也

冬青樹南山陲

蘭亭山在越城之南有天章寺即冬青所識之地張孟兼云遺骸瘞蘭亭山後種冬青樹為識鄭元祐云林霽山得高孝兩朝骨為函貯之歸葬於東嘉按霽山詩水到蘭亭轉嗚咽不知真帖落誰家則已明言葬蘭亭矣元祐既載其詩乃不深惟其義何其粗也

宋季忠義錄 卷十一

十六 四明叢書 約園刊本

九日靈禽居上枝

冬青之上有鳥來巢以記異也知者唐王潛詩遙遙翠蓋萬年枝上有鳳巢下龍穴其記事同也謂之鳳謂之靈禽不敢以凡鳥斥言之九日者皋羽過越臺而哭之之時也

知君種年星在尾

尾在析水之次謂葬年是戊寅也發陵之年羅靈卿云戊寅十二月十二日孟兼亦同之而貝瓊穆陵行

以爲至元二十一年周密以爲二十二年八月則是甲申乙酉也陶九成謂元下江南丙子至乙酉立國十載法制已明安得有發陵事雖辨之非乙酉然無確據何不以是詩爲證也況皋羽作此在丙戌若是乙酉則相去不及一年其事方新不知此爲追憶之詞矣

根到九泉護龍髓

龍髓卽六陵之骨也王修竹造石函六刻紀年一字爲號高孝兩陵則霽山所收餘四陵玉潛與諸人分

宋季忠義錄 卷十一

十七四明叢書 約園刊本

任之章祖程曰餘骸棄草莽中霽山以草囊拾取又聞理宗顧骨爲北軍投湖水中購之漁者而得之盛以二函則是霽山所云雙匣猶傳竺國經者一匣爲諸陵棄骨一匣爲理宗之顧與鄭元祐云高孝兩朝骨者相背觀後穆陵之骼得自北平則祖程之說爲謬

恆星晝隕夜不見七度山南與鬼戰

此言收骨之艱難也恆星晝隕言發陵在晝夜不見者諸人夜往覓骨不能卽得七度鬼戰者凡經七夜

或七歷險事也

願君此心無所移此樹終有開花時

開花時猶鄭思肖望陳宜中從占城至也

山南金粟見離離

蘭亭山後葬處其地多桂知者霽山詩有金粟堆前

松柏裏謂明皇泰陵在金粟山也故卽以金粟堆爲

陵寢之名

白衣人拜地下起靈禽啄粟枝上飛

此皋羽自敘與玉潛同拜陵下之景拜起而靈禽飛

宋季忠義錄 卷十一

十八四明叢書 約園刊本

也宋陵收骨事山陰王修竹英孫所爲而唐玉潛林霽山爲之先後蓋修竹富而好客玉潛霽山皆在其門張孟兼所謂享諸少年造六石函皆修竹事也鄭元祐所謂背竹籬爲丐者章祖程所謂草囊采藥則玉潛霽山事也其後知玉潛者以其事實之玉潛知霽山者以其事實之霽山因時忌諱故私記有異同耳若原其本末則修竹在霽山玉潛之上其時同事不止二人霽山集中有鄭朴翁而楊維禎云楊璉眞伽發陵事翔有陰移冥轉之功則皋羽亦在其中也

劉崧跋西臺慟哭記後云方文丞相海上被執時吾郡有王鼎翁者丞相同舍生也卽爲文生祭丞相復手書數十通遣人揭之通衢館舍以俟丞相過而見之以自決及聞死燕市也則又爲酌文一通爲位北望哭而祭之若幸丞相之得死者夫丞相之所以自處固有不待於人言而仁人用心若鼎翁者亦何厚哉後有張毅翁者丞相門下客也始與十義士者從丞相赴燕及丞相死翁以百金贖丞相首骨徒步七千里負而完葬焉一日過梅溪

宋李忠義錄卷十一

十九 四明叢書

約園刊本

曾氏與劉惟吉顏省身及先祖實存府君四人者是夕會於見山堂在梅溪上距丞相宅一舍許曾爲丞相外家而堂名見山者寓思丞相也是夕舉酒三酌翁自賦摸魚子一闕三人同聲和之有千年華表會有鶴歸來之句每歌一再輒聲淚俱下至嗚咽不自勝則相與掩袂罷去其詞至今可考惜新傳未及載而世亦鮮有知之者今觀張孟兼所註釋謝皋羽西臺慟哭記及冬青樹引然後知與鼎翁之生死祭文毅翁之摸魚子蓋彼此同一

情而先後同一聲也因記所聞二事於先祖者附於卷末使知當時忠義之士最多其感激憤惋於荒閒寂寞之濱者不直皋羽一人而已也

唐珏

唐珏字玉潛會稽山陰人家貧聚徒授經營滄澁以養其母歲戊寅有總江南浮屠者楊璉真珏怙恩橫肆勢燄爍人窮驕極淫不可具狀十二月十有二日帥徒役頓蕭山發趙氏諸陵寢至斷殘支體攫珠襦玉柙焚其塢棄骨草莽聞唐時年三十二歲聞之痛憤亟貨家具

宋李忠義錄卷十一

二十四 四明叢書

約園刊本

得白金百星許執卷行貸得白金又百星許乃具酒醪市羊豕邀里中少年若干輩狎坐轟飲酒且酣少年起請曰君儒者若是將何爲焉唐慘然具以告願收遺骨其瘞之眾謝曰諾中一少年曰發丘中郎將耽耽餓虎事露柰何唐曰余固籌之矣今四郊多暴骨取鼠以易誰復知之乃斲文本爲匱覆黃絹爲囊各署其表曰某陵某陵分委而散遣之絕地以藏爲文而告詰且事訖來集出白金羨餘酬戒勿泄越七日總浮屠下令哀陵骨雜置牛馬枯骼中築一塔壓之名曰鎮南杭民悲戚

不忍仰視了不知陵骨之猶存也明年己卯後上元兩日唐出觀燈歸忽坐痕息奄奄若將絕者良久始蘇曰吾見黃衣吏持文書來告曰王召君導我往觀闕魏我宮宇靚麗殆非人間有一冕旒坐殿上數黃衣貴人逡巡降揖曰藉君掩骸其有以報唐乃陞謁造王前王謂曰汝受命竄且貧兼無妻若子今忠義動天帝命賜汝伉儷子三人田三頃拜謝降出遂覺罔不知其何也踰時越有治中袁俊齋至始下車為子求師有以唐薦者一見置賓館一日問曰吾渡江聞有唐氏瘞宋諸陵骨

宋季忠義錄卷十一

王四明叢書約園刊本

子豈其宗耶左右指君曰此是矣袁大駭拱手曰君此舉豫讓不能抗也曳之坐北面而納拜焉禮敬特加情款益篤叩知家徒四壁惻然嗟矜語左右曰唐先生家甚寒吾當料理使有妻有田以給左右逢迎爰課爰度不數月二事俱恆聘婦偶故國之公女負郭食故國之公田所費一一自袁出人固奇唐之節而又奇唐之遇兩高之曰二公真義士義士爾後獲三丈夫子鼎立願願凡夢中神所許稽其數無一不台咄咄怪事乃如此唐葬骨後又於宋常朝殿掘冬青樹植於所函土堆上

作冬青行二首曰馬箠問曉形南面欲起語野鷹尙屯束何物敢盜取餘花拾飄蕩白日哀后土六合忽怪事蛻龍挂茅宇老天鑿區區千載護風雨又曰冬青花不可折南風吹涼積香雪遙遙翠蓋萬年枝上有鳳巢下龍穴君不見犬之年羊之月劈歷一聲天地裂羅有開撰傳張孟兼唐珏傳曰唐珏字玉潛會稽人也少孤能力學以明經教授鄉里子弟而養其母至元戊寅浮圖總統楊璉真珈利宋攢宮金玉故為妖言惑主聽發之珏獨懷痛忿乃貸家具行貨得白金若干為酒食陰召諸惡

宋季忠義錄卷十一

王四明叢書約園刊本

少享於家眾皆驚駭前請曰平日且不敢見今召我飲又過禮不審欲何為雖死不避珏因泣數行下謂之曰爾輩皆宋人吾不忍陵寢之暴露已造石函六刻紀年一字為號自思陵以下欲隨號收殮之眾皆諾中一人曰此固義事也然今無有知者恐萬一事露禍不測不得終志奈何珏曰吾已籌之矣要當易以他骨眾如珏言夜往收貯遺骸瘞蘭亭上山後上種冬青樹為識約明日復來會出金帛為人人壽戒勿泄也璉又易宋內為諸浮圖乃哀陵骨雜馬牛枯骸築白塔號曰鎮南以

為陵骨良已鎮而不知真之他存也亡何汴人袁俊為越治中招珏為子師閒問曰吾聞越有唐姓瘞宋諸陵骨豈君邪坐有指珏者俊大奇之手加額曰先生義士哉豫讓不及也竊聞高義之日久矣不意得與先生處因訊珏以故甚貧後亟為買田宅居之先是珏臥疾一夕夢吏持文來召曰帝召君速之行至見宮闕遂麗一人冕旒中坐旁一人延上殿又數黃衣進揖珏曰賴收遺骸無以報俄曰第報良田二頃有妻孥以養乃復揖及闕翻然而比覺莫省謂何已而會俊料理事如夢中

宋季忠義錄 卷十一

三四明報書 約園刊本

始悟有徵矣有謝翱者文丞相客也與珏友善嘗感珏事為作冬青樹引語甚悽苦時讀者莫不灑泣翱字舉羽閩人亦奇士云傳者曰余讀晉世家知趙氏有後矣非程嬰公孫杵臼莫存其孤今十七廟不食而有暴骨之難獨珏能葬之甚義乎哉嗚呼珏一布衣爾其義視程公孫何媿哉千載而下有國士風者非珏誰歟

林德陽

林德陽字景曦號霽山宋太學生當楊總統發掘諸陵寢時林故為杭丐者背竹籬手持竹夾遇物即夾投籬

中又鑄銀作兩許小牌百十繫腰閒取賄西番僧曰餘不敢望收其骨得高家孝家斯足矣番僧左右之果得高孝兩朝骨為兩函貯之歸葬於東嘉其詩有夢中作一十首其一絕曰一杯未築珠宮土雙匣親傳竺國經只有東風知此意年年杜宇哭冬青又曰空山急雨洗巖花金粟堆寒起莫鴉水到蘭亭更嗚哽不知真帖落誰家又曰喬山弓劍未成灰玉匣珠襦一夜開猶記去年寒食日天家一騎捧香來餘七首尤悽怨則忘之矣葬後林於宋常朝殿掘冬青一株置於新函土堆上又

宋季忠義錄 卷十一

三四明報書 約園刊本

有冬青花一首曰冬青花冬青花花時一日腸九折隔江風雨清影空五月深山落微雪石根雲氣龍所藏尋常蟻蝨不敢穴移來此種非人間曾識萬年觴底月蜀魂飛繞百鳥臣夜半一聲山竹裂又一首有曰君不記羊之年馬之月劈歷一聲山石裂

鄭元祐撰傳

何夢桂永嘉林霽山詩序曰永嘉舊同舍郎霽山林德陽不遠數百里寄詩冊屬嚴陵潛齋何某商略近詩三復唱歎竊於詩之變而有感焉方庠序羣居高談闊論不過頌猗那歌清廟誦魚麗天保鳧鷖既醉之什變風

變雅不忍言之矣况復齒及魏晉梁陳以下窮苦愁怨等語如細夫窶人羈旅寡婦之爲者相望十年間而士大夫聲詩率一變而爲窮苦愁怨之語而吾霽山詩亦若此世喪文邪文喪世耶古今以杜少陵詩爲詩史至其長篇短章橫驚逸出者多在流離奔走失意中得之霽山詩僅見三十篇其辭意皆婉婉淒惻使人讀之如異代遺黎及見渭南銅盤長安金爵有不動其心者哉夜半壑舟有力者負之以去飛鴻印雪爪距儼然吾是以重有感於霽山之詩也吾是以重有感於詩之變也

宋季忠義錄 卷十一

三五 四明叢書 約園刊本

夢桂字嚴叟號潛齋中淳熙一甲第三名仕至大理寺太卿知時事不可爲遂引去至元初御史程文海薦之朝授江西儒學司提舉以疾辭後累徵不起所與游者蛟峯方公止齋陳公著書自娛有易衍中庸說致用書若干卷

萬斯同書林唐二義士傳後曰或問攢宮改葬之事或歸之王潛或歸之霽山將何從答曰余考霽山文集言館會稽王修竹家二十載其與王潛訓答詩甚多而王潛亦修竹之客則必諸人協謀爲之非一人事也再考

紹興府志孝宗永阜陵在高宗永思陵西則二陵必相近光宗永崇陵但言葬會稽而不言其處則去二陵必稍遠至寧宗永茂陵特遷天章寺爲之則必高孝二陵旁無地可葬故至於毀寺其去二陵必更遠若理宗之永穆度宗之永紹又遠於永茂可知矣外更有徽宗之永祐及孟邢郭夏李韓六后陵孟氏哲宗后邢氏高宗后郭氏寧宗后俱不遷附其地之遼廓可知寧若卿大夫之冢墓可以尋丈計哉當諸陵之遍發也欲盡收其遺骸瘞之豈一人之力所能及此二人必分道任之故霽

宋季忠義錄 卷十一

二六 四明叢書 約園刊本

山但抬高孝二陵而王潛則盡拾諸陵不然諸帝皆吾故君也霽山何不忍於高孝而忍於諸帝乎今觀王潛詩有遙遙翠蓋萬年枝上有鳳巢下龍穴句霽山詩有移來此種非人間曾識萬年觴底月句皆詠冬青而霽山之冬青行正次王潛之韻則兩人之協謀益無可疑乃季彭山之辨崙歸其事於王潛而撰溫州府志者謂霽山與鄭樸翁爲之史稱王潛者誤要皆私其鄉人之詞非公論也况埋骨之事原不載於史乎蓋發陵之事確在戊寅年羅雲溪所載是也乃王潛詩謂犬之年羊

之月則是甲戌六月霽山詩謂羊之年馬之月則是癸未五月孔希普述霽山詩又謂丙之年子之月則是丙子十一月夫元人之入臨安在德祐二年丙子正月若甲戌乃度宗咸淳十年元軍猶未渡江也玉潛之詩爲失實癸未乃世祖至元二十年距厓山之覆已閱五年與雲溪所載不合霽山之詩亦失實丙子正元人入臨安之歲爲至元十三年明年二月始遣楊髡爲總統安得丙子有發陵之事則孔氏之言亦失實今以謝舉羽冬青引知君種年星在尾考之其爲戊寅無疑戊寅則

宋季忠義錄 卷十一

三五四明叢書

約園刊本

至元十五年也二公身爲之事而所志有失實者或時有所忌故素其詞使人疑其僞爾閱者但取其事而不拘其歲月卽詞有同異何害哉

吳思齊

吳思齊字子善處之麗水人祖深有奇才永康陳亮以子妻之遂來家永康父邃武學博士官至朝散郎知廣德軍思齊少穎悟倣邃爲古文卽可誦季父國子監丞天澤器之悉授以所學遂用辭章家知名尋由任子入官監臨安府新城稅鎖廳試漕司中舉上禮部不利後

從常調爲嘉興縣丞會令以言去攝縣事縣獄多留繫思齊坐獄戶讞問凡株連疑罪悉簡出之死刑多平反事有檢覆得實郡首吏持之上下承望不敢動亟聞部使者黜之郡有盜殺其黨于貨獄蔓延不決下思齊議思齊曰盜攘盜貨與民殊科獄久不斷者由吏教囚以贓累民爾若正其殺人罪置寄贓不問則得矣慮囚者如其言民有育人之子者恆出入父母家一旦忽不知所往其父訟求之思齊召父母至庭一訊而情無隱卒白其事提點刑獄洪起畏辟思齊謂曰吏如此通籍可

宋季忠義錄 卷十一

三五四明叢書

約園刊本

立致思齊曰斂怨以干祿非策之上也辭尋監戶部犒賞酒庫起畏時守鎮江復檄入幕府起畏議築城思齊諫曰京口以長江爲天塹城之爲何卽城徒厲民耳其役遂輟買似道喪母上將以太常鹵簿臨其喪禮部侍郎文及翁欲上疏言懼禍且中止思齊曰叱嗟而母婢也公不可默未幾遷饒州節制司準備差遣監察御史俞浙以論謝堂出爲太府少卿留夢炎當國言堂有勳籍浙劾之過思齊曰公宅百揆畏勢家而屈臺論天下其謂何似道丞相堂貴戚力能生殺人思齊小官中其

諱惡不虞宣泄人爲危之而思齊弗顧也俄不願仕請
監南嶽廟流寓桐廬婦翁方登嘗知饒州以思齊賢每
謀以自近思齊不樂依婦勢避去性好施與兄弟孤女
無歸者嫁之比鄰婉女欲殺者食之死無以斂手足者
棺之宦游十年田無半晦之增後值宋改物家益艱虞
至無儋石之儲有勸之仕者輒謝曰譬猶處子業已嫁
矣雖凍餓者不能更二夫也中遇寒疾耳失聽交游苦
其聾語未畢馳去獨妾方鳳粵謝翹睦方壽劇談每至
夜指畫手書傍觀咄咄而略無倦意先墓在麗水不能

宋季忠義錄 卷十一

三四四明叢書
約園刊本

數歸省歲時必遙望隕涕因自號全歸誓不失身以病
父母也思齊天性直慤雖行人所難坦然不見崖異心知
有是非不知有毀譽禍福學者尊其行爭師之方鳳評
思齊之爲人如徐積陳師道君子不以爲過大德辛丑
年六十四手編聖賢順正考終之事曰俟命錄錄成賦
詩別諸友遂卒臨卒神明湛然無怛化意所著書有左
氏傳闕疑擬周公瑾平荊州碑魏司馬孚贊跋杜詩集
陳亮葉適二家文選又倣真德秀文章正宗輯宋一代
詩文卷表多未就子三人翼之拱之成之拱之蚤卒贊

曰濂游浦陽仙華山問思齊舊遊處見其石壁題名尙
隱隱可辨故老云思齊與方鳳謝翹無月不遊遊輒連
日夜或酒酣氣鬱時每扶攜望天末慟哭至失聲而後
返夫以氣節不羣之士相遇於殘山剩水閒柰之何而
勿悲若思齊者其知事君不以存亡貳其心者歟士有
哀思齊者云睨碣石其如卷兮鉅海簸而不移其言信
矣哉

宋廉
撰傳

方鳳

方鳳一名景山字韶父其先出唐玄宗處士干干曾孫

宋季忠義錄 卷十一

三四四明叢書
約園刊本

傳字輔卿始自睦來遷浦陽仙華山傳生招招生文遇
文遇生資字逢源中嘉祐八年進士第歷官知真州未
上卒贈紫金光祿大夫資生揚遠字遐舉疏尚忼慨以
文章震耀一時亦中元祐三年進士第以吏部侍郎出
爲河北轉運使有能名上屢降詔寵諭之歿贈大中大
夫揚遠至鳳凡七世鳳有異材嘗出遊杭都盡交海內
知名士將作監丞方洪奇其文以族子任試國子監舉
上禮部不中第主閭門舍人王斌家教其二子大小登
斌與丞相陳宜中爲親舅弟鳳因得見宜中三以策告

宜中雖不能聽將奏補爲初品官既而宜中走海南事遂寢後以特恩授容州文學未幾宋亡鳳自是無仕志益試爲汗漫遊北出金陵京口南過東甌海上類皆悼天塹不守翠華無從顧盼徘徊老淚如霰一日復遊杭有人自海上來見鳳伏地泣起相抱持鳳問故則曰予大登也自從陳丞相乞師南海不得還遂爲暹國臣邈蓋古者文單盤越屬國泛大海至泉南始達岸今爲其奉使上國重過丞相故府無一人一馬可識不意復得見先生也言訖又泣鳳亦泣因欲與俱行人勸止之鳳

宋季忠義錄卷十一

三四明叢書
約園刊本

善詩通毛鄭二家言晚遂一發於詠歌音調淒涼深於古今之感臨歿猶屬其子櫂題其旌曰容州示不忘也宋季文弊鳳頗厭之嘗謂學者曰文章必眞實中正方可傳他則腐爛滛漫當與東華塵土俱盡已而言果驗性不喜佛老讀唐傅奕傳壯其爲人自撫奕後闢異教者數十事以擬高識篇題之曰正人心書尙未完他所著詩三千餘篇曰存雅堂稿櫂字壽父亦精於詩無愧其父云贊曰世言杜甫一節不忘君今考其詩信然鳳雖至老但語及勝國事必仰視霄漢淒然泣下故其詩

亦危苦悲傷其殆有得於甫者非耶鳳嘗與閩人謝翱括人吳思齊爲友思齊則陳亮外曾孫翱則文天祥客也皆工於詩皆客浦陽浦陽之詩爲之一變思齊以父任入官爲嘉興丞宋亡麻衣繩履退隱深山中翱雖布衣尤忠憤鬱鬱或披髮佯狂行嘯於野或登釣臺慟哭以酌天祥酌已復作楚歌以招其魂皆可謂氣節不羣之士而獨與鳳善豈易所謂同聲相應者耶

宋濂撰傳

嚴侶

嚴侶字君友子陵三十五世孫也楊維禎誌其墓曰嚴

宋季忠義錄卷十一

三四明叢書
約園刊本

本莊姓以漢明帝諱易之子陵以高名著史冊耕富春山釣桐江水年八十終娶梅氏西京壽春尉福女生茂茂生隆隆生卓由是而降踰唐歷宋衍爲四家甲家傳格爲先生曾王大父潤王大父自中考也俱不仕先生生而有奇氣讀書不爲覓舉計從學鄉先生漢英賈公賈公得於復齋趙公趙公得於潛室陳公陳公親受於晦菴朱子此其淵源也貴官至釣臺必訪先生勸之仕則曰漢雲臺諸將仕非不赫赫今子孫無聞吾鼻祖去之一千三百有餘年而高風遠韻與富山桐水相爲峙

流士奚必以仕而貴哉某不敏願爲嚴陵賢子孫足矣
居家教授生徒有裹糧自甌越來者宋相文山氏客謝
翺奇士也雪夜與之登西臺絕頂祭酒慟哭以鐵如意
擊石復作楚客歌聲振林木人莫能測其意也暮年建
汐社爲會取晚而有信翺卒無子與社中友買地臺南
葬之築許劒亭憲使盧公攀高其義爲之書嘗游錢唐
偕石塘胡公山村仇公過孤山酬林處士岳鄂王墓卒
有動於中告二人曰某常時如此親必不安亟歸及門
遽有終天之別擗踊氣絕者數四治喪祭一用朱子禮

宋季忠義錄卷十一

三十四明叢書

約園刊本

廬墓三年不稅衰經不見賓客有白燕巢墳木奉母益
虔母卒哀毀成疾幾不起每至生旦服墨緋哀慟踰他
時所居室堂名以高遠取郡守王泌記釣臺書院語至
順辛未冬十月晦疾革呼其子淵曰吾年踰六十不稱
天奉祖祠四十年復土田教養無忝吾死何怨乎疇西
田吾已買諸官死必葬是遂逝越若干年至正丁亥始
克葬賢者故事有易名門人黃廷玉等私謚曰高節復
請諸郡守祠於祖祠西小室

楊維禎撰墓誌

鄭思肖

鄭思肖字憶翁號所南連江人祖咸卒於枝江王簿父
震字叔起淳祐道學君子爲安定和靖二書院山長有
菊山詩集景定壬戌卒於吳葬長洲縣口山思肖太學
上舍應博學宏詞科侍父來吳寓條坊巷元兵南下叩
關上太皇太后幼主疏辭切直忤當路不報初名某宋
亡乃改名思肖即思趙憶翁與所南皆寓意也素不
娶子然一身念念不忘君形言於詩文中如過徐子方
書塾云不知今日月但夢宋山川題鄭子封寓舍云此
世但除君父外不曾別受一人恩寒菊云寧可枝頭抱

宋季忠義錄卷十一

三十四明叢書

約園刊本

香死不會吹落北風中贈人云天下皆變吾觀其不變
惟其不變迺所以變其變者物也不變者道也又云古
人重立身今人重養身立身者蓋超乎千古之上與天
地周流於不知不識之天也養身者惜一粟以活微命
役於萬物死於萬變者也何足道哉遇歲時伏臘輒野
哭南向拜人莫測識焉聞北語必掩耳亟走人亦知其
孤僻不以爲異也坐臥不北向扁其室曰本穴世界以
本字之十置下文則大宋也精墨蘭自更祚後爲蘭不
畫土根無所憑藉或問其故則云地爲番人奪去汝不

知邪不欲與雖迫以勢權不可得也天目本中峯禪林
之白眉聞思肖名欲見未果偶會於孝子梅應發家一
見各默不語坐久之本忽云所南何不說法思肖曰兩
眼對兩眼無法可說及別去本又云博學老子思肖即
曰口法和尙趙孟頫才名重當世思肖惡其宗室而受
元聘遂與之絕孟頫數往候之終不得見歎息而去無
何化其所居得錢則周人之急田亦捨諸刹惟餘數畝
爲衣食資仍謂佃客曰我死則汝主之蓋不以家爲矣
自是無定跡吳之名山禪室道宮無不遍歷多寓城之

宋季忠義錄卷十一

三五四明叢書
約園刊本

萬壽覺報二刹疾亟時囑其友唐東嶼曰思肖死矣煩
爲書一牌位當云大宋不忠不孝鄭思肖語訖而絕年
七十八蓋其意謂不能死國與無後也自贊其像曰不
忠可誅不孝可斬可懸此頭於洪洪荒荒之表以爲不
忠不孝之榜樣宋社旣墟適意緇黃自稱三外野人嘗
著大無工十空經一卷空字去工而加十宋字也寓爲
大宋經造語奇澀如度詞莫可曉自題其後云臣思肖
嘔三斗血方能書此後當有巨眼識之又著釋氏施食
心法一卷太極祭煉一卷謬餘集一卷文集一卷自敘

一百二十圖詩一卷思肖母樓氏宋侍從婦之族妹爲
比丘尼名普西受業於飲馬橋南

寶林尼寺
蘇州府志

鄭所南字憶翁一名思肖連江人太學上舍應博學宏
詞科喜畫蘭疏枝簡葉不求工也顧不妄與人邑宰齋
而求之所南曰頭可斫蘭不可得嘗寫一幅自題其端
云純是君子絕無小人深山之中以天爲春其志可見
也元兵南下叩闕上書宋亡遂變名思肖示不忘趙其
曰所南亦示不復北面他姓也僑居吳下坐必南向歲
時伏臘輒望南野哭再拜返置田數十畝寓之城南報

宋季忠義錄卷十一

三五四明叢書
約園刊本

國寺僧收其歲入以祀祖禱諱日必大慟祠下矢不與
北人交接或於坐上聞北人語輒引去嘗有詩云不知
今日月但夢宋山川又題寒菊詩寧可枝頭抱香死不
曾吹落北風中吳人好事者爲鍍其所謂錦錢集者行
於世問書

鄭所南字憶翁一名思肖連江人以太學生應博學宏
詞科會元兵南下所南猶叩闕上書元人爭物色之遂
變名曰思肖隱示不忘趙意也僑居吳下坐必向南時
時望臨安舊都野哭若狂終身誓不見朝士有鐵函經

藏蘇州承天寺古井中至明崇禎庚辰始出人異之建

通志

鄭所南先生思肖福州連江人宋太學上舍應博學宏

詞科剛介有立志會天兵南下叩闕上疏犯新禁眾爭

目之由是遂變名曰肖曰南義不忘趙北而他姓也

隱居吳下一室蕭然坐必南向歲時伏臘望南野哭而

再拜乃返人莫能識焉誓不與朔客交往或朋友坐上

見有語音異者便引去人咸知其狷潔亦弗為怪工畫

墨蘭不妄與人邑宰求之不得聞先生有田三十畝因

宋季忠義錄卷十一 三七四明叢書 約園刊本

脅以賦役先生怒曰頭可斫蘭不可畫嘗自寫一卷長

丈餘高可五寸許天真爛漫超出物表題云純是君子

絕無小人深山之中以天為春過齊子芳之書塾云此

世但除君父外不會別受一人恩寒菊云禦寒不藉水

為命去國自同金鑄心其忠肝義膽於此可見晚年究

竟性命之學以壽終輟耕錄先生悲宋室之亡作書

不取顯行乃為鐵匣錮之沈於蘇州承天寺井中至明

未崇禎戊寅歲僧人沒井得之上於巡撫張國維為鏡

孫嵩

孫嵩字元京婺源人宋末為太學生值臨安陷幼帝蒙

塵悲憤不自勝歸隱海寧山中誓不與世接發為詩歌

凄楚沈痛以寄其沒世無涯之悲門人汪炎昶繼其志

亦高蹈不仕壽鏞按宋史與引新安文獻志孫嵩傳自號良山以示意有良山集

許月卿江凱

許月卿字太空婺源人淳祐閒登第時徐元杰力攻史

嵩之史陰殺之月卿率三學諸生伏闕訟冤理宗嘉其

忠後又數上言斥丁賈奸邪出佐江西漕宋亡哀服深

居三年不言卒謝疊山嘗書其門曰要看今日謝枋得

宋季忠義錄卷十一 三七四明叢書 約園刊本

便是當年許月卿同邑江凱字伯幾月卿愛其才以女

妻之凱承月卿志亦隱居不求仕潛心大道耽于著述

邑歲貢楮絲民甚病凱上書部使者遂獲免程旬軒稱

之曰欲知隱不為徒隱須看當時一部書壽鏞按宋史翼旬軒名龍

趙訪撰江伯幾行狀云婺源有江君伯幾者許公月卿

之客也許君朱名進士國亡歸隱婺源山中製齊衰服

之以居奇江君歸以其女故江君亦不求仕而獨與先

生遊江氏所居號雪江有澗泉林木之勝日與先生徇

祥其閒賦詩飲酒上下古今抵掌劇談以相娛樂世或

比之古者山澤列仙之儔以為非今之士也詩編按宋史翼引微

州府志江愷傳賦作人稱雪征先生著有四書詩經講義箕裘集等書

王炎午

王炎午字鼎翁號梅邊安福人為太學生文丞相被執過青原炎午作生祭文自贛至洪於驛途水步山牆店壁皆貼之以速丞相死及張千載持丞相齒髮歸炎午痛哭復為文祭之炎午奉母孝三十年不懈母沒廬墓三年偶宿邑城夢母語曰夜來火吾衣幾及面急趨歸見母遺像果為跋燭所燕及面而止自是不復出廬日

宋季忠義錄卷十一

三五四明叢書約園刊本

飲饘粥而已所著有吾汶稿嘉靖閒詔從祀大忠祠江西通志

通志

王炎午安福人為太學生丞相起兵赴難炎午往貢書願明公毀家產供軍餉以倡士民助義之心請購淮卒參錯戎行以訓江廣烏合之眾以紓國難丞相嘉納及丞相兵敗被執過青原遂作生祭文自贛至洪於驛途水步山牆店壁皆貼之以速丞相死節及張千載自燕持丞相齒髮歸炎午痛哭復為文祭之吉安府志壽鏞按宋史翼王

炎午傳云別號梅邊庭珪諸孫

王炎午生祭文丞相文曰嗚呼大丞相可死矣華元踰

淵子胥脫走丞相自紋死者數矣誠有不幸則國事未定臣節未明今鞠躬盡瘁則諸葛矣保捍閩廣則田單即墨矣倡義勇出則顏平原申胥矣雖舉事率無所成而大節亦無所愧所欠一死耳奈何再執涉月踰時就義寂寥聞者驚惜豈丞相尚欲脫去耶尚欲有所為耶晉東南全盛不能解襄圍今以亡國一夫而欲抗天下況趙孤蹈海楚懷入關商非前日之頑周無未獻之地南北之勢既合天人之際可知彼齊廢齊興楚亡楚復

宋季忠義錄卷十一

四四明叢書約園刊本

皆兩國相當之勢而兩君大臣果無恙耳今事勢無可為而臣皆為執矣臣子之於君父臨大節決大難事可為則屈意忍死以就義必不幸則仗大節以明分故身執而勇於就義當以臬卿張巡為上李陵降矣而曰欲有為且思刎頸以見志其言誠偽既不可知况形拘勢禁不及為者十八九丞相之不為陵不待智者而信奈何慷慨遲回日久月積丞相不死當有死丞相者矣丞相何所俟乎以舊主尚在未忍棄捐也李昇篡楊行密之業遷其子孫於廣陵嚴兵守之至子孫自為匹耦然

猶得不死周世宗征淮南下詔撫安楊氏子孫李昇驚
疑盡殺其族夫撫安本以爲德又反爲禍幾微一失可
不懼哉蜀王衍既歸唐莊宗發三矢之誓全其宗族未
幾信伶人景進之計衍族盡誅幾微之倚伏可不畏哉
夫以趙祖之遇降主天固巧於報施然建共暫處倨坐
苟安舊主正坐危疑羈臣猶事骯髒而聲氣所逼猜疑
必生豈無李昇之疑或獻景進之計丞相於舊主不足
爲情而反爲害矣炎午丞相鄉之晚進也前成均之弟
子員進而父沒退而國亡生雖愧陳東報汴之忠死不

宋季忠義錄卷十一

四二四明叢書
約園刊本

效陸機入洛之恥丞相察其起兵次鄉國時有少年狂
子持斐牘叫軍門丞相察其憂憤而進之憐其親老而
退之非僕也耶痛惟千載之事既負於前一得之愚敢
默於後進薄昭之素服先元亮之挽歌願與丞相商之
廬陵非丞相父母邦乎趙太祖語孟昶母曰勿戚戚行
遣汝歸蜀昶母曰妾太原人願歸太原不願歸蜀契丹
遷晉出帝及李太后安太妃於建州太后疾亟謂帝曰
我死焚其骨送范陽僧寺無使我爲虜地鬼也安太妃
臨卒亦謂帝曰當焚我爲灰向南颺之庶遺魄得返中

國也彼婦人彼國后一死一生尙眷眷故鄉不忍飄棄
仇讎外國况忠臣義士乎人不七日穀則斃自梅嶺以
出縱不得留漢殿而從田橫亦當吐周粟而友孤竹至
父母邦而首丘焉廬陵盛矣科目尊矣宰相忠烈台爲
一傳矣舊主老死於降邸宋亡而趙不絕矣不然或拘
囚而不死或秋暑冬寒五日不汗瓜蒂噴鼻死溺死畏
死排牆死盜賊毒蛇猛虎死輕一死於鴻毛虧一簣於
泰山而或遺舊主憂縱不書趙盾之弒君亦將悔伯仁
之由我則鑄錯已無鐵噬臍寧有口乎嗚呼四忠一節
待公而六爲位其閒閒訃則哭

宋季忠義錄卷十一

四二四明叢書
約園刊本

張千載

張千載字毅父廬陵人宋丞相文公友也公貴顯時屢
以官辟不就江南旣內屬公自廣還過吉州城下先生
來見曰今日丞相赴北某當偕行旣至燕寓於公囚所
側近日以美饌餽凡三載始終如一且潛製一積公受
刑日卽以藏其首復訪求公之室歐陽氏於俘虜中俾
出焚其屍先生收拾骸骨襲以重囊與先生所函積南
歸付公家葬之

轍耕錄

按陳仲微二王本末言丞相夫人歐陽氏亦守節而死丞相爲祭文曰忠臣不事二君烈女不更二夫天上地下惟汝與吾是夫人之死在丞相前乃宋史丞相傳言妻歐陽氏收其屍面如生與陶九成載張毅夫遺事合則死在丞相後無疑不知仲微遠在外國安所受此言而夫人之死節則賴其書而傳 仲微載空坑之敗夫人歐陽氏男佛生環生女柳娘環娘妾黃氏顏氏俱被執後又言丞相之死張毅夫負骨殖歸葬母夫人之柩同日至

宋季忠義錄 卷十一

四明叢書 約園刊本

自廣州人謂忠孝所感與此可互證杭州府志言文丞相既仗節其夫人歐陽氏爲元將所執將逼而辱之夫人曰吾有死耳誓不以絮白之態辱於賊卒我夫不負國我獨安忍負夫也遂自刎死夫人之死益可證

呂微之

呂微之家仙居萬山中博學能詩文問無不知者而安貧樂道常逃其名耕漁以自給一日攜楮幣詣富家易穀種值大雪立門下人弗之顧徐至庭前聞東閣中有人分韻作雪詩一人得勝字苦吟弗就先生不覺失笑閣中諸貴游子弟輩聞得遺左右詰之先生初不言眾

愈疑親自出見先生露頂短褐布襪草履輒侮之詢其見笑之由先生不得已乃曰我意舉滕王蛟蝶事耳眾始歎伏邀先生入座先生曰我如此形狀安可廁諸君子問詰之益堅遂入閣眾以滕滕二字請先生即援筆書曰天上九龍施法水人間二鼠齧枯藤鷺鵲聲亂功收蔡蝴蝶飛來妙過滕復請和曇字韻詩又隨筆寫云萬里關河凍欲合渾如天地尙函三橋邊驢子詩何惡帳底羔兒酒正酣竹委長身寒郭索松埋短髮老瞿曇不如乘此擒元濟一洗江南草木慚寫訖便出門留之

宋季忠義錄 卷十一

四明叢書 約園刊本

不可得問其姓字亦不答皆驚訝曰嘗聞呂處士名欲一見而不能先生豈其人邪曰我農家安知呂處士爲何如人惠之穀怒曰我豈取不義之財必與之刺舡而去遣人遙尾其後路甚僻遠識其所而返雪晴往訪焉惟草室一間家徒壁立忽米桶有人乃先生妻也因天寒故坐其中試問微之先生何在答曰在溪山捕魚始知眞爲先生矣至彼果見之告以特來候謝之意隔溪謂曰諸公先到舍下我得魚當換酒飲諸公也少頃攜魚與酒至盡歡而散回至中途夜黑不良於行暫憩一

露棚下適主人自外歸乃嘗識面者問所從來語以故
喜曰是固某平日所願見者止客宿翼旦客別主人躡
其蹤則先生已遷居矣又一日先生與陳剛中治中遇
於道治中策蹇驢時猶布衣見先生風神高簡問曰得
非呂徽之乎曰然足下非陳剛中乎曰然握手若平生
歡共論驢故事先生言一事治中答一事互至四十餘
事治中止矣先生曰我尙記得有某事出某書某出某
傳又三十餘事治中深敬之

林清

較耕錄

宋季忠義錄 卷十一

四明叢書 約園刊本

林清閩縣人避元不仕變姓名匿居山寺會府公檢冊
寺中見清詩問且曰能詩乎曰頗能卽以冊號八音命
爲詩應聲曰金紫何曾一挂懷石田茅屋自天開絲竿
釣月江頭住竹杖挑雲嶺上來飽實曉收栽藥圃土花
春長讀書臺革除一點浮雲慮木筆題詩酒數杯府公
驚異遂與爲友政暇輒攜酒過訪唱和移日一日論海
濱人物因曰若林清者雄才□□□□□□□□□□
感府公曰君豈林清耶答曰□□□□□□□□□□
所以有感也相與盡醉而罷□□□□□□□□□□

往不見多方物色終不可得

此翰林誌之祖見近峯 下闕

宋季忠義錄 卷十一

四明叢書 約園刊本

宋季忠義錄卷十一

宋李忠義錄卷十二

四明萬斯同季野輯

男世標子建校

熊禾

熊禾字去非號勿軒一號退齋建陽人總角能屬文志
濂洛關閩之學訪文公門人輔氏而從游焉既博通五
經徧覽諸子百家之論舉進士授汀州司戶參軍入元
不仕築室雲門從學累百一時名士若胡庭芳顏君履
皆從之游州縣咸尊以師禮謝枋得聞禾名自江右來
訪及會其訴宋亡之恨抱持而哭曰今天下皆賊也所

宋李忠義錄 卷十二

四明叢書
約園刊本

不為賊足下與我耳道義契合不能卒別相與講論朱
子之道益明舊聞通澈新知而胡庭芳夙精易學亦自
江西挾道相訪相與講切者十有七年禾與庭芳論學
謂秦漢以下天下所以無善治儒者無正學也儒者所
以無正學六經無完書也考亭夫子集正大成平日得
力在易四書詩書儀禮僅完書開端而未及竟雖書有
蔡氏猶未大暢厥旨三禮雖有通解缺而未補尚多至
勉齋黃氏信齋楊氏蠲完喪祭二書而授受損益精意
竟無能續若春秋則不過發其大義而已兵難之餘學

徒解散文集燬亡早歲成春秋通解一書又厄於火兼
以齒髮向衰厄我滋甚余雖與君講切十有七年易詩
書僅爾就緒春秋更加重纂則皇帝王霸之道亦或羸
備惟三禮乃文公與門人三世未了之書庭芳當分任
此責以畢吾志其後竟修儀禮未及成書卒福寧陳益
方足而成之以為禮編所著有四書標題三禮考異春
秋論孝經序學解閩書
下同

陳普

陳普字尚德別號懼齋福安人所居有石堂山學者稱

宋李忠義錄 卷十二

四明叢書
約園刊本

石堂先生初淳熙開朱文公過石堂異其風土曰後數
十年此山中當出儒者能讀天下書十八九普生當理
宗淳熙甲辰鷓鴣百數繞屋稍長入鄉塾有大人志聞
韓翼甫倡道浙東負笈從游韓之學出慶源輔氏輔朱
門高弟也朱鼎既移決意卷藏朝廷三使辟為本省教
授不起開門授徒歸然以斯道自任四方及門歲數百
人館里之仁峯僧舍至不能容建州劉純父聘主雲莊
書院熊勿軒留講鼇峯丞相劉文簡屬修黃楊二家喪
祭禮因并晦庵所纂為三十卷尋講學饒廣在德興初

庵書院尤久嘗與游翁山范天碧謝子祥極論太極圖旨晚在莆中十有八年造就益眾出其門者如韓信同楊琬余載黃裳輩並以正學爲時所宗嘗曰性命道德五常誠敬等字在四書六經譬如斗極列宿之在天五嶽四瀆之在地舍此不求更學何事少壯時銳然有經世志謂三代之治莫善井田作書數千言欲上於朝屬不仕而止著字義一卷凡百五十三字出授門人識者謂比之程正思陳安卿詳略適中而正義指辭爲尤精又有四書句解鈴鍵學庸旨要孟子纂圖周易解尙書

宋季忠義錄 卷十一

四明叢書 約園刊本

補微四書六經講義渾天儀論天象賦詠史詩斷凡數百卷元延祐乙卯卒于家年七十二

黃仲元

黃仲元字善甫莆田人父績字德遠從學于陳宓潘柄得朱子之傳集同志十餘人十日一講習宓柄卒建東湖書堂春秋祀之所著有四書遺說諸書仲元幼有立志好濂洛關閩及父所傳陳潘二氏之學又集唐宋名文二百四十二家學爲古文盛有時名咸淳七年中省試第五廷對以直言忤時宰賜同進士出身監瑞安府

比較務家貧陳文龍延之二劉祠堂一月兩講爲學子師九年捧檄考類試歸過劔州知州事江萬頃延之郡齋未幾萬頃兄萬里招致芝山書院明年旋里又明年德祐改元始赴任三年春京師陷端明殿學士陸秀夫至瑞安一見仲元大器之趣令赴閩充益王府撰述官兼制置司幹辦公事景炎二年調刑工部架閣以通直郎改武學諭遂轉朝奉郎國子監簿兼福建招捕司都參議官仲元悉辭不赴而朝命屢加及厓山師覆秀夫投海死仲元賦詩慟哭遂隱居不仕更名淵字天叟四

宋季忠義錄 卷十一

四明叢書 約園刊本

方來受業者導以洛閩之學多所成就爲文章文質相參務以理勝卒於元皇慶元年年八十有二

宋濂序莆田四如先生後集序曰濂成童時卽讀四如先生諸經說見其立論精微鑿鑿過人遠甚未嘗不慕豔之稍長歷求先生之事迹然後知其淵源之所自而凝道之有方也蓋先生居莆陽唐御史滔十二代孫世爲儒家其父績師事瓜山潘公柄復齋陳公宓二公實考亭朱子勉齋黃公之高第弟子也先生夙承父訓年十二試舉子業鄉校多占前列後二十九年始擢咸淳

辛未進士第調監瑞安府比較務未上名公鉅卿爭聘之爲講師而丞相江公萬里挽之尤力聲譽翕然動於一時德祐乙亥冬始之官與簽樞陸公秀夫遇陸公一見極器之明年丙子杭都已陷國事不可爲陸公趣先生至行都充益王府撰述官兼處置使司幹辦公事改刑工部架閣以通直郎陞武學諭遂轉朝奉郎國子監簿兼福建路招捕使司都參議官先生皆辭不就宋既改物歸隱重山密林不與世接四方有受學者先生爲敷繹濂洛關閩之說而開導之其爲文詞務以理勝不

宋季忠義錄 卷十一

五四明鼓書
約園刊本

暇如他文士馳聘葩藻以爲工而當時求者紛如也門人武夷詹清子頰次六經四書講義爲六卷刊之而先生之子元汀州路總管府知事梓又分記序墓銘字訓之屬爲五卷而刊之先生年八十二而終遺文流落於薦紳者尙多其曾孫鄉貢進士至又哀集爲十卷將刻諸梓介楚王府伴讀陳子晟徵濂爲序以傳濂聞濂洛中微考亭未興艾軒林公光朝獨倡道莆陽從之者如歸市紅泉東井之學乃聞於天下綱山林公亦之實紹艾軒之傳綱山之後樂軒陳公藻又起而繼之樂軒家

長樂綱山居福清咸來講學東井而風聲所被氣習所薰人皆有鄒魯之行及乎瓜山復齋之起推闡考亭經訓東西角立化行而教孚文質尤彬彬可觀先生產於艾軒之鄉耳目之所濡染固已先立乎其大者復因父師之故矻矻窮年遂探考亭之正緒則其所著皆六經之微所宣皆天地之祕誠有未易涯涘者柰何道未及行而宋祚已移識者不能不爲之惜也先生之所蘊與不可傳者固已隨物俱化若并其遺文同就泯滅不亦重可惜哉先生之子若孫孜孜以傳世爲務可謂不死

宋季忠義錄 卷十一

六四明鼓書
約園刊本

其親者矣濂年耄而昏避求文者如避仇敵甚不得已多令學子代之今以童年慕豔之久勉徇至等所請而躬序之如此然先生之集自能行世亦不藉區區之文而後傳也先生姓黃氏諱仲元字善夫後改名淵字天叟別號韻鄉老人云

金履祥

金履祥字吉父婺之蘭谿人其先本劉氏後避吳越錢武肅王嫌名更爲金氏履祥從曾祖景文當宋建炎紹興閒以孝行著稱其父母疾齋禱于天而靈應隨至事

聞于朝爲改所居鄉曰純孝履祥幼而敏睿父兄稍授之書卽能記誦比長益自策勵凡天文地形禮樂田乘兵謀陰陽律曆之書靡不畢究及壯知向濂洛之學事同郡王柏從登何基之門基則學于黃幹而幹親承朱熹之傳者也自是講貫益密造詣益邃時宋之國事已不可爲履祥遂絕意進取然負其經濟之略亦未忍遽忘斯世也會襄樊之師日急宋人坐視而不敢救履祥因進牽制擣虛之策請以重兵由海道直趨燕薊則襄樊之師將不攻而自解且備敘海舫所經凡州縣郡邑

宋季忠義錄 卷十一

七四明叢書

約園刊本

下至巨洋別島難易遠近歷歷可據以行宋終莫能用及後朱瑄張清獻海運之利而所由海道視履祥先所上書咫尺無異者然後人服其精確德祐初以迪功郎史館編校起之辭弗就宋將改物所在盜起履祥屏居金華山中兵燹稍息則上下巖谷追逐雲月寄情嘯詠視世故泊如也平居獨處終日儼然至與物接則盎然和懌訓迪後學諄切無倦而尤篤於分義有故人子坐事母子分配爲隸不相知者十年履祥傾貲營購卒贖以完其子後貴履祥終不自言相見勞問辛苦而已何

基王柏之喪履祥率其同門之士以義制服觀者始知師弟子之繫於常倫也履祥嘗謂司馬文正公光作資治通鑑祕書丞劉恕爲外紀以記前事不本於經而信百家之說是非謬於聖人不足以傳信自帝堯以前不經夫子所定固野而難質夫子因魯史以作春秋王朝列國之事非有玉帛之使則魯史不得而書非聖人筆削之所加也況左氏所記或闕或誣凡此類皆不得以辟經爲辭乃用邵氏皇極經世曆胡氏皇王大紀之例損益折衷一以尙書爲主下及詩禮春秋旁採舊史諸

宋季忠義錄 卷十一

八四明叢書

約園刊本

子表年繫事斷自唐堯以下接于通鑑之前勒爲一書二十卷名曰通鑑前編凡所引書輒加訓釋以裁正其義多儒先所未發旣成以授門人許謙曰二帝三王之盛其微言懿行宜後王所當法戰國申商之術其苛法亂政亦後王所當戒則是編不可以不著也他所著書曰大學章句疏義二卷論語孟子集註考證十七卷書表注四卷謙爲益加校定皆傳于學者天曆初廉訪使鄭允中表上其書于朝初履祥旣見王柏首問爲學之方柏告以必先立志且舉先儒之言居敬以持其志立

志以定其本志立乎事物之表敬行乎事物之內此爲
學之大方也及見何基謂之曰會之屢言賢者之賢
理欲之分使當自今始會之蓋柏字也當時議者以爲
基之清介純實似尹和靖柏之高明剛正似謝上蔡履
祥則親得之二氏而尤充於己者也履祥居仁山之下
學者因稱爲仁山先生大德中卒元統初里人吳師道
爲國子博士移書學官祠履祥於鄉學至正中賜諡文
安元史

衛富益

宋季忠義錄卷十二

九四明叢書
約園刊本

衛富益號耕讀居士華亭人文節公涇之裔宋亡日夜
悲泣設壇具祭文天祥陸秀夫張世傑詞極哀慘觀者
無不墮淚嘗負笈往從金履祥許謙受學謙以齒齊名
重不敢當北面禮悉究性命之學許卒爲制服旣而歸
曰生何與草木禽獸同朽腐且先世歷蒙宋澤恥辱夷
元嗟乎夷齊何人耶馮范何人耶遂決意不仕隱居教
授創白社書院于石人涇陽春秋社日記先聖鄉賢會
布衣友賦詩講道縉紳不得就列士人高之至大閒有
司欲薦聞不就攜仲子隱于湖之金蓋山所著四書攷

證性理集義易經集說讀史纂要耕讀怡情等錄至治
閒長子迎養還故里不言世務不履城市或有乞詩文
者辭之嘗語諸子曰士子品三道德爲上功名富貴何
足慕哉一日邁微疾悉焚所著書集曰吾志晦迹安用
名世况玄妙處宋儒究盡吾錄糟粕何益于後卒年九
十六門人私諡曰正節先生松江府志

許謙

宋季忠義錄卷十二

十四四明叢書
約園刊本

許謙字益之其先京兆人九世祖延壽宋刑部尙書八
世祖仲容太子洗馬仲容之子曰洸曰洞洞由進士起
家以文章政事知名于時洸之子寔事海陵胡瑗能以
師法終始者也由平江徙婺之金華至謙五世爲金華
人父觥登咸淳七年進士第仕未顯以歿謙生數歲而
孤甫能言世母陶氏口授孝經論語入耳輒不忘稍長
肆力于學立程以自課取四部書分晝夜讀之雖疾恙
不廢旣乃受業金履祥之門履祥語之曰士之爲學若
五味之在和醯醬旣加則酸鹹頓異子來見吾越三日
而猶夫人也豈吾之學無以感發子耶謙聞之惕然居
數年盡得其所傳之奧於書無不讀窮探聖微雖殘文

羨語皆不敢忽有不可通則不敢強於先儒之說有所未安亦不苟同也讀四書章句集註有叢說二十卷謂學者曰學以聖人爲準的然必得聖人之心而後可學聖人之事聖賢之心具在四書而四書之義備於朱子顧其辭約意廣讀者安可以易心求之乎讀詩集傳有名物鈔八卷正其音釋攷其名物度數以補先儒之未備仍存其逸義旁采遠援而以己意終之讀書集傳有叢說六卷其觀史有治忽幾微倣史家年經國緯之法起太皞氏迄宋元祐元年秋九月尙書左僕射司馬光

宋季忠義錄 卷十二

十四明峻書 約園刊本

卒備其世數總其年歲原其興亡著其善惡蓋以爲光卒則中國之治不可復興誠理亂之幾也故附於續經而書孔子卒之義以致其意焉又有自省編畫之所爲夜必書之其不可書者則不爲也其他若天文地理典章制度食貨刑法字學音韻醫經術數之說亦靡不該貫旁而釋老之言亦洞究其蘊嘗謂學者孰不曰闢異端苟不深探其隱而識其所以然能辨其同異別其是非也幾希又嘗曰讀九經儀禮及春秋三傳於其宏綱要領錯簡衍文悉別以鉛黃朱墨夜有所明則表而見

之其後吳師道購得呂祖謙點校儀禮視謙所定不同者十有三條而已謙不喜矜露所爲詩文非扶翼經義張維世教則未嘗輕筆之書也延祐初謙居東陽八華山學者翕然從之尋開門講學遠而幽冀齊魯近則荆揚吳越皆不憚百舍來受業焉其教人也至誠諄悉內外殫盡嘗曰己有知使人亦知之豈不快哉或有所問難而詞不能自達則爲之言其所欲言而解其所惑討論講貫終日不倦攝其麤疏入於密微聞者方傾耳聽受而其出愈真切恠者作之銳者抑之拘者開之放者

宋季忠義錄 卷十二

十四明峻書 約園刊本

約之及門之士著錄者千餘人隨其材分咸有所得然獨不以科舉之文授人曰此義利之所由分也謙篤於孝友有絕人之行其處世不膠於古不流于俗不出里閭者四十年四方之士以不及門爲恥縉紳先生之過其鄉邦者必卽其家存問焉或訪以典禮政事謙觀其會通而爲之折衷聞者無不厭服大德中熒惑入南斗向已而行謙以爲災在吳楚竊深憂之是歲大禮謙貌加瘠或問曰豈食不足耶謙曰今公私匱竭道塗相望吾能獨飽邪其處心蓋如此廉訪使劉庭直副使趙宏

偉皆中州雅望於謙深加推服論薦于朝中外名臣列其行義者前後章數十上而郡復以遺逸應詔鄉闈大比請司其文衡皆莫能致至其晚節獨以身任正學之重遠近學者以其身之安否爲斯道之隆替焉至元三年卒年六十八嘗以白雲山人自號世稱爲白雲先生朝廷賜謚文懿先是何基王柏及金履祥歿其學猶未大顯至謙而其道益著故學者推原統緒以爲朱熹之世適江浙行中書省爲請於朝建四賢書院以奉祠事而列於學官

元史下同

朱季忠義錄 卷十一

十三 四明叢書 約園刊本

胡一桂

胡一桂字庭芳徽州婺源人父方平一桂生而穎悟好讀書尤精于易初饒州德興沈貴寶受易於董夢程夢程受朱熹之易於黃幹而一桂之父方平及從貴寶夢程學嘗註易學啓蒙通釋一桂之學出於方平得朱熹氏源委之正朱熹定甲子一桂年十八遂領鄉薦試禮部不第退而講學遠近師之號雙湖先生所著書有周易本義附錄纂疏本義啓蒙翼傳朱子詩傳附錄纂疏十七史纂並行於世

韓性

韓性字明善紹興人其先家安陽宋司徒兼侍中魏忠獻王琦其八世祖也高祖左司郎中膺胄扈從南渡家于越性天資警敏七歲讀書數行俱下日記萬言九歲通小戴禮作大義操筆立成文意蒼古老生宿學皆稱異焉及長博綜羣籍自經史至諸子百氏靡不極其津涯究其根柢而於儒先性理之說尤深造其間域其爲文辭博達俾偉變化不測自成一家言四方學者受業其門戶外之履至無所容延祐初詔以科舉取士學者

朱季忠義錄 卷十一

十四 四明叢書 約園刊本

多以文法爲請性語之曰今之貢舉悉本朱熹私議爲貢舉之文不知朱氏之學可乎四書六經千載不傳之學自程氏至朱氏發明無餘蘊矣願行何如耳有德者必有言施之場屋直其末事豈有他法哉凡經其口授指畫不爲甚高論而義理自勝不期文之工而不能不工以應有司之求亦未始不合其繩尺也士有一善必爲之延譽不已及辨析是非則毅然有不可犯之色性出無輿馬僕御所過負者息肩行者避道巷夫街吏至於童穉廝役咸稱之曰韓先生韓先生云憲府嘗舉爲

教官謝曰幸有先人之敝廬可庇風雨薄田可具饘粥
讀書制行無愧古人足矣祿仕非所願也受而不赴暮
年愈自韜晦然未嘗忘情於斯世郡之良二千石政事
有所未達輒往咨訪性從容開導洞中肯綮裨益者多
天曆中趙世延以性名上聞後十年門人李齊為南臺
監察御史力舉其行義而性已卒矣年七十有六卒後
南臺御史中丞月魯不花嘗學于性言性法當得諡朝
廷賜諡曰莊節先生其所著有禮記說四卷詩音釋一
卷書辨疑一卷郡志八卷文集十二卷

宋季忠義錄 卷十一

十五 四明叢書

約園刊本

劉友益

劉友益永新人家貧力學嘗為人傭書以給膏火或竟
夕危坐默誦不少休積十數年經傳子史天文地志律
曆象數靡不淹貫宋末兵亂卜築山間不與世接著通
鑑綱目書法五十九卷揭文安公名後斯序之謂昔之
知春秋莫如朱子世之言綱目者非深知朱子意如朱
子之知春秋者不能言能言未有若劉子綱目書法者
也書法之作積勤三十年寸較銖評其微詞隱義不但
啓千載之祕中蓋有亡窮之憂其志可謂遠也已矣為

人外通內介精神瀟然年八十五卒揭公復為之銘其
墓居邑西水窗學者稱為水窗先生吉安府志

汪炎昶

孫嵩 許月卿

汪炎昶字茂遠宋濂表其墓曰新安之婺源有隱君子
學聖賢之道不求聞於世年七十八以元重紀至元戊
寅四月二十四日終於家初元既滅宋宋太學生孫公
嵩悲號不自勝歸隱海寧山中誓不與世接發為賦詠
以寄其無窮之思孫公同時進士許公月卿亦入婺源
山中製齊衰服服之以識其終身哀宋之意此二公者

宋季忠義錄 卷十一

十六 四明叢書

約園刊本

皆新安之節義士先生受學於孫公而與許公門人交
友故自少慨然無仕進志先生壯時元有天下已久宋
之遺俗變且盡矣而先生衣冠動作語言禮度猶宋人
也後生小子去宋遠無從徵之見先生咸以為前代之
遺賢而先生亦曰吾古逸民也學者因稱之為古逸云
先生少凝重記憶不能過人然刻苦專篤雖執匕據枕
不廢誦習力久思深該貫弘博遂無所不覽要其歸宿
精索於六經而詳究於孔子孟軻曾參子思之言參之
以伊洛大儒傳註之說絲析髮解日攻月較不過求為

異而亦不苟爲同其所自得既形於言雖不欲求人之
知然人有辨其未至者必樂而從之終其身未嘗自以
爲是也其教人履庭躋級具有條序爲文奇而不肆遇
時觸物輒爲詩以達其情婉切悽壯人傳誦之蜀郡虞
文靖公集巴西鄧文肅公文原皆盛稱其材而先生志
操之高人莫之知也先生家貧事母能致其樂母年八
十九先生亦老矣夔夔祇肅進食奉水必躬親之母爲
忘其貧先生將終整冠坐命家人具蔬食少餐置筋戒
諸子以祭祠之禮言畢正身斂手而逝

宋濂撰墓志銘

宋季忠義錄卷十一

四明叢書約園刊本

俞金

俞金字叔器別號時齋王禕表其墓曰元既有江南以
豪侈靡戾變禮文之俗未數十年薰漬狃狎胥化成風
而宋之遺俗銷滅盡矣爲士者辮髮短衣效其語言容
飾以自附于上冀速獲仕進否則訕笑以爲鄙怯非確
然自信者鮮不爲之變是時金華俞先生獨率其家以
禮深衣峩冠談說古道客造門肅威儀俯首拱而趨以
迓至門左右立三揖至階揖如初乃升及位又揖者三
每揖皆有辭相稱慰慶贊周旋俯仰辭氣甚恭鄉人小

子去宋久不知宋俗皆然或竊指先生爲異或尤以爲
迂緩先生不顧也年七十有二卒於元至治四年正月
十七日先生既亡而宋之遺俗無有知者矣先生之先
在杭州吳越錢氏時有仕其國爲戶部尚書兼營田使
者曰公帛嘗道婺義烏愛其地遂遷邑之鳳林鄉戶部
生德銓德銓生談又徙金華之孝順鎮談生海海生善
轉善智各有子四人皆爲儒惟善智子昌言宋大觀三
年上舍釋褐進士知永豐蕭山二縣而善轉子奉復家
溪南之琴山奉生某縣主簿允中允中生性性生咨益
咨生壽壽生義先生父也母金氏先生少好學善自程
督鉤發窺索水涵木滋月長歲化壯而有一試不合
有司卽退修於家於經史有潛心搜訂較辯疑味多所
附益學者師尊之受業者繼于門先生年愈加志愈篤
爲學晚而彌成人望其致於用而宋亡矣故先生之名
不大顯于世惟發之文章以自見久而亦散軼不傳世
由是無從知先生知而言之者鄉人而已然先生所存
鄉人未必知之知其詳者惟子暨孫至曾孫則已疏矣
使更越數世復有知者乎篤于自信者固不恤乎人之

宋季忠義錄卷十一

四明叢書約園刊本

知否然德如先生而弗傳則天下之爲善者寡矣禕是以論列之以見不苟合乎一時者乃所以合乎後世也

王禕撰墓表

王城

王城字玉成王禕表其墓曰學者不全稱其字而用成齋爲先生稱者尊之之辭也王氏系出太原五代時有爲節度使曰彥超者來居婺義烏之鳳林鄉至宋自鳳林徙居郡城者曰三府君五世而生本贈太師追封魯國公本生登至和二年進士知湘陰縣贈太師追封魏

宋季忠義錄 卷十二

十九 四明叢書 約園刊本

國公登生四子師醇鄉貢進士贈奉議郎師心政和八年進士累遷給事中兼侍讀權吏部尙書除顯謨閣直學士知紹興府充兩浙東路安撫使節東陽郡開國侯贈特進諡莊敏師古亦鄉貢進士師德宣義郎贈太師追封楚國公莊敏次子浚知桂陽軍贈正奉大夫是爲先生之曾祖而楚國長子淮紹興十五年進士淳熙中致位左丞相封魯國公贈太師諡文定則先生曾叔祖也祖諱槐由大理寺丞知汀州終朝請大夫父諱侁將仕郎兼南康北院先生幼穎悟資稟溫厚雅不樂華靡

事惟篤志問學不少懈初先生從高叔祖直煥章閣兩浙西路提點刑獄師愈嘗從鄉先生徽猷閣待制潘公良貴及龜山先生楊公時中書舍人呂公居仁游其子爲主管建昌仙都觀瀚受業東萊呂成公之門其孫爲魯齋先生文憲公柏傳道于鄉先生北山何文定公基何公得于勉齋黃文肅公幹黃公即考亭朱子門人也先生于文憲爲諸孫又在弟子列未嘗輒去左右而丞相之孫直敷文閣福建轉運副使敬巖先生似其學得于搗堂劉公炎雙峯饒氏魯皆本于朱子復與文憲公

宋季忠義錄 卷十二

二十 四明叢書 約園刊本

諸父子姓一門自爲師友先生于敷文爲從子故又得以朝夕承教而無閒討論經義講說理趣微辭奧旨聞見日深其家學之淵源與他人號稱師弟子者不侔矣先生之學旣粹然一出於正而固未嘗標榜以立異矜持以爲高同時若葉公閻者丞相衡之孫何公欽者文定之子皆與先生以風流文雅相尙爲忘年交先生素無仕進志或勉之曰世祿不可墜也乃赴銓試中其首選補修職郎監建康酒稅院未及上而運去物改因不復出棲遲先廬遂爲終焉計矣久之遺民故老日就淪

謝先生與剡源戴公表元永康胡公長孺浦陽方公鳳
粵人謝公翱皆以節操相激厲時唱和于殘山賸水風
月寂寥之鄉黍離麥秀之音往往而見讀之令人有慨
然之思焉于是浙東宣慰按察二司並治于婺握師符
持憲節而來者與其僚佐悉碩夫鉅人若恆山周公錯
隴西李公思衍洛陽陳公元禮河東臧公夢解曹南完
顏公貞漁陽鮮于公樞郡守倅若高平孟公淳錢唐夏
公若水薊丘李公衍無不略勢分內交于先生造先生
之廬無虛日或咨叩義理或商榷辭翰或講求典故之

宋季忠義錄卷十二

三三四明叢書
約園刊本

沿革或訪問政務之得失先生歷歷與之言莫不厭服
以謂前代文獻之遺惟先生足徵而已先生丰采明朗
儀槩淹習而冠帶偉然望而知其爲喬木故家之君子
也婺爲呂成公過化之地後人因立祠事宣憲二司欲
招徠學者講肆祠下圖屈致先生爲之師而先生不欲
以師道自任則薦仁山金先生履祥且以書勉之出仁
山文憲門人也時方高臥蘭江因先生言不得已爲起
文憲之道繇以大明故凡學者猶以事仁山者事先生
焉先生生于宋淳祐丁未十二月十七日卒於今泰定

元年四月二十一日享年七十有八

王禕撰
墓表

宋季忠義錄卷十二

三三四明叢書
約園刊本

宋季忠義錄卷十二

宋季忠義錄卷十三

四明萬斯同季野輯 男世標子建校

張樞

張樞字子長金華人屢徵不起樞幼聰慧外家潘氏著書數萬卷樞盡取而讀之過目輒不忘既長肆筆成章頃刻數千言有問以古今沿革政治得失宇宙之分合禮樂之廢興以至帝號官名歲月先後歷歷如指諸掌其為文務推明經史以扶翼教道尤長于敘事嘗取三國時事撰漢本紀列傳附以魏吳載記為續後漢書七

宋季忠義錄卷十三

一四明叢書 約圖刊本

十三卷臨川危素稱其立義精密可備勸講朝廷取其書實宣文閣浙東部使者交薦之前後章凡九上至正三年命儒臣纂修遼金宋三史右丞相脫脫以監修國史領都總裁辟樞本府長史力辭不拜七年申命史臣纂修本朝后妃功臣傳復以翰林修撰儒林郎同知制誥兼國史院編修官召樞俾與討論復避不就使者強之行至杭州固辭而歸嘗著春秋三傳歸一義三十卷刊定三國志六十五卷林下竊議曲江張公年譜各一卷做帚編若干卷至正八年卒年五十有七 元史

史伯璿

史伯璿字文璣平陽人自幼嗜學強記博通經史及諸子百家之說精究四書深得朱氏之旨時諸說與朱子背馳者多乃著四書管窺以辯明之又著管窺外編論諸經史天文地理古今制度名物學者傳誦焉人勸之仕則曰讀書本以善身為仕而學豈吾志也遂隱居終身 溫州府志

陳樵

陳樵號鹿皮子宋濂誌其墓曰葵之東陽有隱君子戴

宋季忠義錄卷十三

一四明叢書 約圖刊本

華陽巾裁鹿皮為衣種藥銀谷澗中當春陽正殷翫落紅於飛花亭上亭下有流泉花飛隊泉中與相迴旋良久而去君子樂之日往觀弗厭既而入太霞洞著書其書縱橫辨博孟軻氏而下皆未免於議論元統閒濂嘗候君子洞中君子步履出遂坐之海紅花底戒侍史治酒漿菹醢親執斝獻酬歌古詞以為驩酒已君子慨然曰秦漢而下說經而善者不傳傳者多不得其宗淳熙以來羣儒之說尤與洙泗伊洛不類余悉屏去傳注獨取遺經精思至四十春秋一旦神會心融灼見聖賢之

大旨譬猶明月之珠失之二千年上自王公下至眊隸無不俛俛日索之終不可致牧豎乃獲於大澤之濱豈可以人賤而并珠弗貴乎吾今持此以解六經決然自謂當斷來說於吾後云濂乃避席而問曰其意云何君子曰吾以九疇爲六府三事而圖書爲易象者不可誣以片言統萬論而天下古今無疑義以庸言釋經子而野人君子無異辭謂神所知之謂智知天下殊分之謂禮知分之宜之謂義知天地萬物一體之謂仁禮復則和之謂樂謂天地萬物一體經子之會要一視萬物則

宋李忠義錄

卷十三

二二四明叢書

約園刊本

萬殊之分正家齊國治而天下平矣濂未達請復問其詳君子曰國家一枳也枳一爾而穰十焉枳有穰而一視之其於人則仁也發而視之穰有十則等有十其於人則君臣父子長幼之等夷刑賞予奪之殊分所謂禮也視十爲十者禮之異視十爲一者仁之同分愈異則志愈同禮愈嚴則仁愈篤者先王之道也分愈異者志愈同故合枳之穰反求其故地枚舉而銓次焉者差之黍銖則人已無別犬牙錯而不齊斂之不合而一不可一見禮愈嚴者仁愈篤故治國家天下者不以禮則彝

倫敦禮樂廢而仁亡是故洙泗伊洛朝夕之所陳者天下萬殊之分視聽言行之宜所操者禮之柄耳故學聖人者必始於禮焉故一體萬殊者孔子之一貫於洙泗伊洛之言無不統者也理一分殊之義廢則操其枝葉而舍其本根洙泗伊洛之會要不可見章句析而附會輿遺經不可識矣濂受其說以歸閒嘗質之明經者或者曰近時學經者如三尺之童觀優於臺下但聞臺上語笑聲而弗獲見其形所以不知妍媸唯人言是信君子之論偉矣或者曰伊洛之學大明於淳熙未易遽取

宋李忠義錄

卷十三

四四四明叢書

約園刊本

舍之也聞君子益以斯道爲己任汲汲焉惟恐不傳靡晝靡夜操觚著所見於書書成卽刻梓示人復遺書於濂曰予瀕死吾道苦無所授子聰明絕倫何不一來片言可盡也憂患相仍亦未及往而天下日趨於亂君子之室廬亦燬于兵寓子壻王爲家留六年之久邁微疾默坐於一室不食飲者踰月縣令遣醫來視疾君子麾去曰吾年八十又八其死宜矣何藥之爲未幾翛然而逝實至正乙巳十月戊申也君子姓陳氏諱樵其字爲君采人因其衣鹿皮故又號爲鹿皮子表隱趣也其先

居睦之富春宋之中葉來徙東陽太平里世為衣冠巨族曾祖居仁祖嘉登仕郎父取青國學進士從鄉先生石公一鼈與聞考亭之學有志節嘗抗章詆權臣賈似道誤國及宋亡元丞相伯顏見其章欲用之辭君子幼學於家庭繼受易書詩春秋大義於李公直方其於天下之書無不讀讀無不解學成而隱邈然不與世接唯磨寐羣經思一洗支離穿鑿之陋形于談辨見於文辭恆懇懇為人道之文辭狀物寫情尤精然亦自出機軸不蹈襲古今遺轍讀之者以其新逸超麗喻為挺立孤

宋季忠義錄 卷十三

五 四明叢書 約園刊本

松羣葩俯仰下風而莫之敢抗或就之學則斥曰後世之辭章乃士之脂澤時之清玩耳舍六經弗講而事浮辭綺語何哉少作古賦十餘篇傳至成均生徒競相謄寫謂絕似魏晉人所撰君子則諱之不復肯為也君子足跡未嘗出里門而名聞遠達朝著知名之士若虞文靖公集黃文獻公潛歐陽文公玄皆慕之以為不可及移書諮訪如恐失之性復至孝父患風蠱君子扶之以行歲久益勤後為風疾所侵氣弱不能吐君子截竹為筩時吸而出之母郭夫人歿君子不見見其遺衣輒奉

之嗚嗚而泣生平未嘗言利苟非其義干駟萬鍾弗為動家雖素饒於貲痛懲膏粱之習惡衣菲食以終其身遇歲儉輒竭粟賑里閭自取來牟以續其食嘗發所藏錫為器工人持歸乃白金也或以告君子君子一笑而曰嗚呼君子已矣世豈復有斯人哉君子所著書曰易象數新說曰洪範傳曰經解經曰四書本旨曰孝經新說曰太極圖解曰通書解曰聖賢大意曰性理大明曰答客問曰石室新語曰淳熙糾繆曰鹿皮子曰飛花觀小窠合數百卷君子正配朱氏先若干年卒生延年大

宋季忠義錄 卷十三

六 四明叢書 約園刊本

年首年喬年昌年大年至正庚寅中鄉闈乙榜第一署徽州歙縣教諭側室某氏生逢年君子沒時諸子唯喬年在餘皆先卒女三人其壻即王為次則俞某張紹先孫男九人庭玉庭珪庭筠庭鸞庭鳳庭堅庭誨庭某庭某女四人適徐信俞本虞某某曾孫五人紹宗超宗林宗某宗某宗女三人皆幼喬年庭堅等洎王為以是年十一月某甲子奉柩葬於縣西南四十里懷德鄉斗潭山之原葬後五年其高第弟子楊君芾乃為撰列行狀一通而喬年同王為持請為銘嗚呼君子以超絕之資

曠視千古若一旦暮期以孔子為師而折衷羣言之是非不徇偏曲不尚詭隨必欲暢其說而後已可謂特立獨行而無畏懼者也其稱為君子者君子蓋有德之通稱尊之可謂至矣

宋濂撰鹿皮子墓誌銘銘未錄

方逢辰

方逢辰字君錫淳安人居蛟峯因以為號初名夢魁淳祐十年舉進士第一理宗御筆改今名故字曰君錫累官兵部侍郎國史修撰兼侍讀除吏禮部尚書俱不拜先是丞相鄭清之賈似道擅權逢辰叩閭言時事辭旨

宋季忠義錄卷十三

七四明叢書約園刊本

激烈因忤二人意乃稱疾以歸元世祖詔御史中丞崔或起之辭不赴卒于家逢辰天稟卓絕人物魁岸聲如洪鐘自幼刻苦問學夜誦徹旦無書不讀而會極於周程朱子之學以格物為窮理之本篤行為修己之要自居幕職至秉旄節所至以教化為先務暇日輒從容庠序閒授學者以求端用力之方東陽士關義塾以迎之從遊者數百人尋創家塾授其徒後以從官入侍經幃度宗問其講授之所御書石峽書院四字為匾仍賜手詔曰近進士一科文章盛而古意衰卿以儒碩創家塾

以程朱之學淑其徒朕甚嘉之其眷遇如此嚴州府志下同○壽鏞案宋史翼方逢辰傳云著孝經解易外傳尚書傳中庸大學註釋凡若干卷刊於家塾

方逢振

方逢振字君玉逢辰弟也登景定三年進士第歷國史實錄院檢閱文字遷大府寺簿宋亡退隱于家元世祖詔侍御史程文海起為淮西北道按察僉事辭不赴聚徒講學于石峽書院以終學者稱為山房先生配祀蛟峯

何夢桂

宋季忠義錄卷十三

八四明叢書約園刊本

何夢桂字巖叟淳安人幼穎悟從鄉先生夏訥齋遊咸淳元年廷試第三授台州軍事判官改太學錄選博士洎倖吉州時廂軍不受令鼓譟而起夢桂與疾往諭遂帖然除太常博士轉監察御史抗疏言遷守之計未上而省符下遷軍器監以歸尋轉大府卿時事已不可為矣元初御史程文海薦之朝授江西儒學提舉以疾辭不赴築室小有源不復與世接著書自娛有易衍大學說中庸致用等書而於易尤精解釋圖象發揮奧妙有先儒所未言者學者因其自號為潛齋先生祠之於石

峽書院

魏新之 袁易

魏新之桐廬人受業于青溪方蛟峯得程朱性理之學登咸淳七年進士第除慶元府教授宋亡歸隱鄉里學者稱為石川先生與同邑孫潼發袁易為友易咸淳十年特奏第一名釋褐為學正德祐失國亦浩然而歸以其所得教授於鄉

鄭時中

鄭時中字玄璋壽昌人少聰俊博學善屬文明五經兼

宋季忠義錄 卷十三

九四明叢書 約園刊本

通子史以漕試得舉見宋鼎將移歎曰吾其左社矣浩然有遯世志遂居家不仕研精覃思作春秋指迷詞旨高遠開諭後學亶亶不倦以經籍自娛絕口不談仕進人或問之答曰人生富貴利達皆身外物吾有先人薄田做廬足供飭粥蔽風雨讀書誦詩足陶性情以樂吾生豈不快哉授二子各一經皆有成立嘗語之曰吾友邵西坡詩云取相封侯兒輩事老夫只占月三閒功名之事汝自為之非吾願也

何逢原

何逢原字文瀾分水人咸淳間累官中書舍人嘗因輪對陳時政十事言甚剴切已而知時事不可為遂引疾去元至元中御史程文海薦之朝授福建儒學提舉辭不赴卒於家原尋究經史旁通陰陽星曆醫藥之書至於佛老之說亦必辨其所以背於吾儒者所著有易詩書通旨四書解說玉華集十卷咸遇詩一卷

夏希賢

夏希賢淳安人究明性理洞詣本原而會其極於象山慈湖之要杜門不出者三十餘年家雖貧甚泰然自如

宋季忠義錄 卷十三

十四四明叢書 約園刊本

也學者稱之曰自然先生子清之大之潛之皆承家學

孫潼發

孫潼發字君文桐廬人少力學工文詞登淳熙四年進士第調衢州軍事判官有廉能聲秩滿擢御前軍器所幹辦公事未幾國亡家亦毀乃辟地萬山中草栖露宿若與世隔久之乃歸稍復故業為終焉之計與邑人袁易魏新之為三友以古人風節自期侍御史程文海求遺逸以潼發應詔堅辭不起卒于家金華黃文獻公潛銘其墓

汪斗建

汪斗建淳安人大理卿自強族子宋末遺老也嘗爲學官隱居不仕其詩大有聲律號雲留小稿而黍離故國之思往往見於言外至於錢唐懷古一章與唐人弔古諸作實相伯仲其詩云江上城低煙樹紅江湖西去幾時東吳王花草隨春暮禹會樓臺入夢空萬里孤雲留夕照千年遺恨訴秋風鳳凰飛去無消息漠漠遙岑煙雨中見還漳嘯詠集

徐夢魁

宋季忠義錄卷十三

十一四明叢書約園刊本

徐夢魁字梧叔領貢籍適宋運亂亡欲圖恢復潛集子弟兵三百餘人與開化魏亨同應陳宜中至信州兵復潰又聞丞相文天祥被執北去痛哭撫膺其謀遂寢既歸築室璉塢山中大書宋林二字於石元初屢薦不就年七十餘臨終謂子姓曰吾宋臣也墓題宋林處士足矣汝曹幸無食元祿言訖而歿萬曆三年知縣吳搆謙表其墓

姚仁壽

姚仁壽字靜山桐廬人以恩免進士充饒州路節制都

監兵馬德祐初私募義勇守關要元人夜犯關仁壽親冒矢石敵敗走及宋亡歸隱藍田山中元初詔求遺逸州郡以仁壽應堅辭不起年七十八卒於家會稽楊維積表其墓

邵桂子

邵桂子字德芳淳安人號玄同生安仁簿吳攀龍子也鞠於所養因從其姓以博學宏詞登進士第教授處州棄官而歸鑿池構屋匾曰雪舟所著有雪舟脞談稿等書又作忍默恕退四卦以自警晚慕天隨子之風家於

宋季忠義錄卷十三

十一四明叢書約園刊本

松江之修竹鄉歿乃還葬平生自喜爲詩而意象冲融足淹高聽裁謝風塵之表脫超凡徑之外所謂臥深巖壑思遠滄洲瀟灑風流固宜稱也其次方虛谷遷居一詩最爲雅澹而首丘之思靡不寓焉其詩云家住千峯落照邊移家三泖白鷗前東鄰舊日秦侯隱西洛新巢衛叟還當日釣游頻入夢何時婚嫁送歸田會須共跨青溪鶴點易寒窗伴老仙其雅致高尚如此

何景福

何景福字介夫淳安人爲人學博行修以所遇非其時

累辭不赴惟詩酒自娛以終其身所著有鐵牛翁詩集一卷行於世

王磁

王磁號介翁括蒼人官縣尉帝昺播遷棄印綬歸隱湖山扁所居為月洞有月洞吟詩處州府志

錢選

錢選字舜舉吳興人以畫人物花草著聞當宋亡時吳興有八駿之號舜舉與馬與趙子昂最善至元中子昂入相六人依附得官舜舉獨齟齬不合流連詩畫以老

宋季忠義錄卷十三

十三四明叢書約圖刊本

湖州府志

于石

于石字介翁號紫巖金華人為詩俊逸常帶淒婉因宋社既屋抑鬱有故國之思金華府志

林千之

林千之字能一平陽人知信州博洽好古為江萬里諸人所知元初徜徉里居以翰墨自娛著有雲根癡菴集

溫州府志下同

林石田

林石田浙江永嘉縣人汪水雲集有和林石田杭州雜詠詩

史蒙卿

史蒙卿鄞人直華文閣彌鞏子咸淳元年第進士仕州縣入元不仕其感事詩云宮花攢曉日仙鶴下雲端總是傷心事那能着眼看風沙兩宮恨煙草八陵寒一掬孤臣淚秋霖對不乾其亡國之恨不減黍離麥秀讀者傷之先是南宋時四明學者多宗金谿陸氏惟蒙卿與黃東發獨宗考亭後程端禮端學兄弟並師蒙卿盡傳其學由是朱學盛行於四明學政府志下同

宋季忠義錄卷十三

十四四明叢書約圖刊本

皇甫明子

皇甫明子字東生慶元府人性豪宕乘小舟挂布帆載琴樽書籍釣具往來江湖至元丙子發狂痛哭蹈海

鮑輓

鮑輓字以行處州人嗜酒授簡萬言教授得錢悉送酒家遇客盡飲乃去晚益傲誕衲衣髮結遊青城山不返

處州府志

陳天瑞

陳天瑞字德修號南村臨海人公輔之後也登咸淳元年進士與周敬孫楊珪楊錡俱師事王魯齋明性理之學志潔行廉爲金華令有能名宋末隱遁林壑詩文極高古效淵明有甲子文集五十卷世稱古堂先生台州府志

同下

楊珪

楊珪字君寶號簡齋臨海人咸淳進士調溧陽令轉機督官入元不仕子圭字景義克世其學

周潤祖

宋季忠義錄卷十三

十五四明叢書約園刊本

周潤祖字彥德臨海人大父繹齋嘗師事晦庵高弟黃直卿潤祖承其家學後師事待制周仁榮而與泰不華爲友故德性溫邃爲文端莊中法度隱居教授四十餘年子弟興行鄉有不善者以誠諭之終其身不敢肆吏胥催科過境上恥爲暴戾當道行部必問其廬而禮焉省臺交剡不起會朝廷使者經略江南薦擬國子助教既沒而命下鄉人稱爲紫巖先生立祠祀之所著有紫巖稿十餘卷

杜文甫

杜文甫號南峯山民臨海人師事王珪登咸淳辛未進士歷瑞安軍事推官德祐初除國子博士迄元代宋翰林學士趙與票薦于朝守令爲勸駕文甫自謂宋臣辭以疾御史陳文海奉旨召終不起

黃超然黃宏

黃超然字立道號壽雲黃巖人幼有高志聰明博達讀書不閒晨夜研精探奧絕出流輩每雞鳴盥櫛就書齋戒子弟不得通賓客及闕白家事必待午餉後乃許行之率以爲常往來王魯齋先生門得性理之傳而尤深

宋季忠義錄卷十三

十六四明叢書約園刊本

於易推本伏羲先天圖翼以邵子皇極經世著周易通義二十卷釋蒙五卷詩話筆談及會要曆各十卷燕坐凝然雖悍猾輩見輒斂退聞其風者咸起慕焉兩與鄉貢及元代宋遂不仕衣蠶啖爨一不介意艾年以後絕書不觀築西清道院以居自爲之記卒年六十有二元賜諡康敏從祀鄉賢祠從子宏字子約號己齋博極羣書尤長于詞賦有以史才薦者不就落魄江湖幾三十年文章流播天下有穀城彙

牟及牟似旦

牟及字功一號樂在野人黃巖人咸淳戊辰進士授福州司戶參軍多惠政宋社既屋屏跡山林服衰麻終身每賦詩以見志二弟雷鏞及子厚俱死于族人大昌之難賦詩曰何日脊令還並影舊時豚犬已成空宋臣仕元者或招之出詩曰困雨葵心終向日隨風柳絮慢漫天論者謂其有淵明風致所著有樂在藁族子似且領咸淳丁卯鄉薦亦不仕

趙孟僊

趙孟僊宋宗室居黃巖文天祥見之曰瑚璉器也後天

宋季忠義錄 卷十三

十七 四明叢書

約園刊本

祥開闔江東浙西俱辟以行及召赴闕孟僊留吳中僅五十日宋亡元兵執孟僊欲官之固辭以疾遂去吳依親友以居絕口不談宋事遊情釋老號三教遺逸天祥卒爲文祭之慟絕復蘇臨終口占曰王室之裔文山之客千古忠赤拱手而逝所著有湖山汗漫集

陳壽

陳壽字應嵩寧海人太學生宋亡自謂逸民不仕時黃文憲公輩屢薦于元皆不就卒後以子貴贈修撰其子以非父志辭謝後諡文貞處士所著有家禮準南山集

友鹿翁

友鹿翁寧海人不知其姓名或謂先祖父仕宋爲侍從顯官宋亡隱姓名屏跡東北蒼山下不妄交遊日與鹿麋相狎戲故自號爲友鹿人亦稱之爲友鹿翁方遜志爲立傳

張舜功

張舜功太傅世傑之子也自太傅沒於厓山奉母葉氏遜迹海濱徙居天台義不出仕居恆未嘗北面坐語及起兵勤王事輒髮豎皆裂恨不同父殉國難母卒葬百

宋季忠義錄 卷十三

十八 四明叢書

約園刊本

家園廬于墓側衰墨終其身

曹文炳

曹文晦

曹文炳字君煥天台人號霞閒老人篤學沈潛不事表暴邑令佟薦爲儒學訓導不就著有霞閒稿弟文晦字伯輝穎悟多識而雅尙瀟灑以吟詠陶情邑人鄭尹許廣大以其縣之儒學教諭薦遣使致聘不赴築室號新山道人有詩集重梓夏赤城爲之序

夏圭孫

夏圭孫字學可天台人研窮經史非其力不食元季屢

辭徵辟以壽終有詩集藏于家

朱雪

朱雪字元白天台人幼能屬文六經子史靡不通貫往處州何執受尚書年十九登座開講徐伯顏薦授國子助教固辭不赴閉戶讀書著有雲集三十卷人號清修先生且性至孝執母喪甚哀嘗侍父往東莊父指石失足後過其處必長號人因名曰孝思巖

湯緒

湯緒號樵石臨海人省試第一博學能詩至元不仕有

宋季忠義錄 卷十三

十九四明叢書

約園刊本

樵石臺

金遵古

金遵古字德卿臨海人大府寺丞起炎之子端重好學宋時試中胄闈翻然居五峯山下無復仕進意因自號青峯山翁與陳樵為忘年交雖踰大耋而耳目聰明為時尊禮

余容光

余容光臨海人志尚超卓三徵不起卒贈紫芝處士達兼善陳剛中俱為之贊

陳澗 陳榿

陳澗字澤民號勉齋臨海人至元間以德行聞於時集賢院錫褻高明處士善吟詠其臥病述懷三章為時傳誦子榿字師聖號納齋通經史敦行孝悌教諸子以義方同門士多登顯要勸之仕終不應至正庚寅方氏兵起達參政兼善受命治師聘榿居賓客各畫多所裨益達既死於難榿額天慟哭曰吾安得從公地下乎竟憤懣以歿士大夫高其義榿之子煒亦飽學不仕創館授徒尤工於詩

宋季忠義錄 卷十三

二十四明叢書

約園刊本

潘希宗

潘希宗字景昭一名燿黃巖人從蔡春山車玉峯遊宋景定二年領漕薦文丞相器重之有往來書劄宋亡隱居不仕號柏峯居士有文集

林起潛

林起濱

林起潛字用夫黃巖人弟起濱字顯夫少時同遊達觀王先生之門已而相謂曰人各有貴於己者與其雕篆以干人爵孰若釋塵踐實求聖賢之所為學者以適吾志哉遂辭歸築室同居以經籍相切劘視進退泊如也

篤於行誼鄉人高之稱東皋西墅二先生云見閭復史
孝祥所撰墓志

蔡希點

蔡希點字子與號春山太平人鎬從孫博學善詩隱居
授教從遊以百數多擢高第躋膺仕希點安貧樂逸以
終其身所著有春山雜稿

巨應辰

巨應辰字詠聖太平人博極羣書元貞間舉青田教諭
不就作正異端復井田諸論有憂憂集藏於家從祀太

宋季忠義錄 卷十三

二三四明叢書
約園刊本

平鄉賢祠

劉莊孫

劉莊孫字正仲寧海人方遜志稱其理學淵源得聖賢
大要文章朴實而氣味悠長宋亡自謂遺民

葉得象

葉得象寧海人兌之祖也登紹定鄉榜宋亡隱居教授
微辟屢至竟不就

鄭與叔

鄭與叔字希點寧海人仕至從政郎宋亡教授終身

方岳

方岳字元善號菊田寧海人經明行修隱居不仕以詩
名

許嗣

許嗣字繼可別號得靜山人天台人純慤靜重不妄言
笑生元季義高不仕善吟詠著得靜集括蒼劉伯溫批
點黃公潛謂其文清高而不失於枯平實而不近於俚
家訓詩有關世教元明諸名公皆有題跋

翁森

宋季忠義錄 卷十三

二三四明叢書
約園刊本

翁森字秀卿號一瓢仙居人書無不窺人叩之舉傳疏
不遺一言或歷代史上下四三千年纏纏如貫珠僉呼
曰翁書廚宋亡隱居教授從游累八百餘人有一瓢藁
行於世

陳宗儒

陳宗儒字弘道號樵同臨海人獻肅公從子平生尚節
槩伯父檢院公與以田力辭不受吳丞相堅延為上客
弘道每說之曰道不行志不遂尚復何待吳不省遂拂
袖南歸竟與之絕至元閒隱居不仕所著有經傳雜志

吳焱

吳焱字用晦寧海人咸淳進士授迪功郎池州東流尉
丁外艱哀毀甚服闋監紹興支鹽倉棄歸沖泊自守宋
亡不仕元至元間浙東造征日本舟材鐵百需賦重民
急焱不忍其號呼鬻田代輸家以破耗意猶不忘卒趙
子昂為題其墓

許德著

許德著字茂明天台人寶祐丙辰進士賈似道當國偕
同榜趙宗普入謁首以公田厲民為言似道不聽反欲
導以從己著曰吾祖疏劾汪黃二奸吾肯阿媚以取容
耶遂不待授官而歸隱居終身作函忠錄以表志此與
丁衛事類而赤城志不載寶祐進士亦有崇普而無德
著以其事當書併載之

宋季忠義錄卷十三

三三四明鏡書
約園刊本

宋季忠義錄卷十三

宋季忠義錄卷十四

四明萬斯同季野輯 男世標子建校

鄭樸翁

鄭樸翁字宗仁平陽人弱冠入太學咸淳未賜上舍釋
褐歷福州教授國子正與友人林景熙潛拾宋陵遺骸
瘞越州歸隱鄉山瀑下著有四書要旨二十卷禮記正
義一卷續古雜著三卷厚倫書一卷景熙銘之曰予與
君生同里學同師又同出處君沈毅直方自許致君澤
民志不獲遂猶以語言文字扶植綱常精衛填海馮霄

宋季忠義錄卷十四

一四四明鏡書
約園刊本

衛士重可悲也按拾骸事史載唐珏者誤

溫州府志

王英孫

王英孫字才翁會稽人歷官將作監簿宋亡謝翹鄭樸
翁林景熙唐珏皆集其家楊璉真珈發宋陵寢收骨之
事英孫主之所著有修竹集

紹興府志

張孟兼跋冬青樹引云予既註皋羽西臺慟哭記又以
此詩讀者未易通其詞旨故為之疏以便參考而自質
焉適文獻黃先生之門人傅藻氏以書來謂聞之文獻
者曰楊總統利攢宮金玉時越中王修竹出金帛與眾

惡少謂曰爾輩皆宋人也吾不忍陵寢之暴露已造石函六刻紀年一字為號自思陵以下欲隨號收殯爾眾皆諾遂其往收貯遺骨葬之上種冬青樹為識此歌詩之所為作也其說如此予以舊註頗有異同未即以舊聞非是姑錄一通寄傳且書來言于此以問該洽者庶幾或可再正也丙午正月十日張丁識

趙孟堅

趙孟堅字子固別號彝齋浙江海鹽縣人宋宗室善書

宋季忠義錄 卷十四

約園刊本

工詩文又能作墨花於水仙梅竹尤長兼善人物登寶慶二年進士景定初遷翰林學士承旨拜榮祿大夫孟頫其從弟二人書畫擅名一時宋亡孟頫以薦入相孟堅恥之隱居廣陳鎮不仕慕米元章書畫船製一舟東西薄游必挾所有自隨舟中滿載琴書尊杓畢具僅留偃息地隨意左右取之婆娑吟詠至忘寢食往往泊蓼汀葦岸看夕陽賦曉月為事所至識與不識望而知為趙子固書畫船嘗到縣縣令宣城梅黻造謁之飛棹避去梅佇立岸上歎曰昔人所謂名可聞而身不可見者

歎孟頫每過訪輒閉門不納一日自茗來見夫人勸之始令從後門入坐定問弁山笠澤近日佳否答云佳公曰弟柰山澤佳何孟頫慚而退公便令蒼頭濯其坐具蓋惡其仕元也公酷嗜古法書名畫不惜傾家易之嘗得白石藏硯敘五字不損書夜歸雪溪舟覆孟堅手持帖立水中大叫曰蘭亭在此矣因題八字於卷首云性命可輕至寶是保年九十七臨終賦詩有百年處世欠三秋事業都歸水上漚之句長笑而卒

宋季忠義錄 卷十四

約園刊本

趙孟堅字子固號彝齋居嘉禾工詩文酷嗜法書多藏三代以來金石名蹟遇其會目時傾家易之不斷也襟度蕭爽時比之米南宮東西薄游必挾所有以自隨一舟橫陳僅留一席為偃息之地左右隨之撫摩吟諷至忘寢食所至識不識望而知為米家書畫船也庚申歲客輦下會莒節余偕一時好事者邀子固各攜所藏買舟湖山相與評賞飲酌子固脫帽以酒晞髮箕踞歌離騷傍若無人薄暮入西冷橋孤山艤櫂茂樹閒指林麓最幽處瞪目絕叫曰此真洪谷子董北苑得意筆也異

時蕭干巖得白石舊藏五字不損本禊序後歸之俞壽翁子固復從壽翁善價得之喜甚乘舟夜泛而歸至雷之弁山風作舟覆幸值支港行李衣衾皆泮溺無餘子固方披濕衣立淺水中手持禊帖示人曰蘭亭在此餘不足介意也因題八言于卷首云性命可輕至寶是保其酷嗜雅尚出于天性如此

周密記趙子固遺事

溫日觀

溫日觀瑤瑤寺僧宋亡出家豪飲不羈往往出憤世語善畫葡萄枝蔓皆合草書法時寫詩文于上人皆知貴

宋季忠義錄卷十四

四四明叢書

約園刊本

重之性酷嗜酒楊總統以名酒啗之終不濡脣見輒罵

曰掘墳賊

杭州府志

溫日觀者宋亡出家瑤瑤寺豪飲不羈往往出憤世語善畫葡萄枝蔓皆合草書法嘗自題所畫葡萄云昨夜一番雨過葡萄長得能大西天五百羅漢每人與他一個性嗜酒楊璉真伽以名酒啗之終不濡脣見輒罵曰掘墳賊獨喜過鮮于伯機索飲醉即抱前榮支離叟或歌或哭支離叟者伯機庭前松樹也每索湯浴伯機必躬進澡豆

遺民廣錄

褚雪嶽

錢塘天慶觀高士褚雪嶽名師秀在宋素以清苦節行著聞元宣撫尤平章聞其名欲見之單騎至觀觀主王管轄叩戶白之褚拒曰某自來不識時貴何為至此平章以手拜于地章欲褚延坐其室褚即鎖戶偕行廊廡閒至雪堂前語平章曰三年前有閬州王高士嘗留此某非其人也長揖竟出平章顧瞻嗟歎曰是真一世之高士也

遺民廣錄

朱清

朱清字元之富陽人自幼力學平居以道義自持嘗在宋末與葉李同門清見李卓越不羣嘗曰李非凡子也已而李以京學生叩闈斥言宰臣似道置公田變楮幣諸新法非便得罪投漳州朋從莫敢往省清獨往與之訣且為具飲食服用之需俾所親護送出二千里外及似道敗李免歸清候之江上相見無一語相勞第勉之以風節自終元至元閒李居左揆士趨附恐後清顧之漠然若未始有一日之雅者李亦念清不置數遣人迎致之清卒不往以布衣終其身所居在其邑之東山下

宋季忠義錄卷十四

五四明叢書

約園刊本

鄉人咸稱之曰東山先生

杭州府志

汪懋卿

汪懋卿奉化人與弟森卿同貢于鄉遭宋亡兄弟並隱居不仕杜門著書懋卿二子灝瀚承家學治易春秋躬耕孝養亦不求仕灝先卒有詩文曰蠟臺稿知州馬稱德元時奉薦翰于憲司授衢州路學錄不赴明初府文學單有成奉使采修實錄書二貢士于宋二隱士于元時稱一門盛事寧波府志下同

陳應麟

宋季忠義錄 卷十四

六四明叢書 約園刊本

陳應麟字天祺鄞人淹貫經史至曆數之學無不究其指歸人稱通儒一日乘馬出有失馬者亟前認馬應麟問曰子亡馬幾何時對曰逾月矣應麟有馬數年遂與之挽轡而去明日馬從別得乃詣應麟叩頭謝庭下至元閒朝廷以安車召賢良應麟謂使者曰吾祖宗世爲宋臣子孫不忍食元祿固辭不起賜號純德先生時趙文敏公嘗爲逸民詩以美焉

應本仁

應本仁字本立鄞人曾大父伯謙爲宋觀察使以忠直

名由伯謙而上逮衛國文敏公係歷世顯于宋本仁以

家世爲宋臣義不仕元隱居城南博學好禮愛人喜施

慷慨有大志嘗募范文正之爲人規建義莊創屋舍五

十餘閒割慈溪腴田五百餘畝收其歲入以濟親族里

黨之貧乏與婚姻喪葬之不能舉者又卽其中爲義塾

延名師以訓導親族里黨之子弟供膳服用悉有常制

時其出納定其條約使後裔世守之郡府以其事達宣

慰使司行中書省移浙東廉訪使者覈實以聞褒嘉之

時翰林學士黃文獻公潛爲紀其事于石故世傳爲應

宋季忠義錄 卷十四

七四明叢書 約園刊本

家館云

吳大有

吳大有嵗人寶祐閒遊太學率諸生上書言賈似道奸狀不報遂退處林泉與林昉仇遠白珽等七人以詩酒相娛時人以比竹林七賢元初辟爲國子檢閱不赴卒葬戴顓墓左所著有松下偶鈔紹興府志下同

楊子祥

楊子祥字吉甫餘姚人父克和明春秋學學士多宗之子祥卓犖有奇氣言論侃侃必稽於道江萬里異之舉

為縣監稅不就教授海濱學徒甚盛遭宋亂兵興避地
西浙時留夢炎事元為吏部尚書聞子祥賢欲致之子
祥不顧東還遇鄧牧謝翱及方九思於臨安九思者亦
姚人自言有司馬子長之風相與弔古賦詩徜徉湖山
閒復有薦此數人者乃皆去歸其鄉而子祥歸姚杜門
著書垂二十年而卒

葉仲凱

葉仲凱餘姚人博涉經史善屬文咸淳甲戌禮部正奏
名為當國者所忌罷歸會代易終身不仕或勸之曰君

宋季忠義錄 卷十四

入四明叢書

約園刊本

未食宋祿今仕元何不可而甘貧賤仲凱對曰吾聞周
德雖興夷齊不厭薇蕨漢道方盛黃綺無間山林人各
有志柰何違之勤者乃止仲凱教授鄉里敦篤之風藹
然為詩歌寓廢興存亡之感故老往往置不忍讀金華
黃潛序之

石余亨

石余亨字成己新昌人登咸淳進士仕於鄞於衢已而
棄官歸沃洲自號休休翁避丙子之亂奔走萬山中更
號遁翁平生自喜為詩文孫璞欲梓遺稿弗許曰聊以

適吾意爾未必名家已而慨然曰吾家更八九世皆不
失素業至余身益窮今老矣然不辱於盜賊不死於道
路獲奉遺體下從先君子於九原亦幸矣因預為之銘
銘曰膠膠乎申申乎將久存以瘁余形乎寧亟歸以全
余真乎悲夫

黃奇孫

黃奇孫字竹素新昌人度曾孫也敦行誼有古風師事
俞浙石余亨韓性該博經史避元隱居不仕所著有南
明志蚓鳴集及輯其祖三朝言行錄藏於家

宋季忠義錄 卷十四

入四明叢書

約園刊本

潘音

潘音字聲甫新昌人幼聰敏強記能文生甫十歲而宋
亡見長老談厓山事卽潸然涕下及長讀夷齊傳擊節
憤歎以事元為戒曰惟杜門讀書談道多所自得後訪
弟元甫于義烏因往從草廬吳澄學泰定閒澄以薦召
欲行音勸止之不從遂歸築室南洲山中自名其軒曰
待清隱居所著有待清軒稿

徐天祐

徐天祐字受之山陰人以父相恩為將仕郎銓試詞賦

第一尉歸安時年尚少即以吏事稱嘗出郊吏具供帳甚飾天祐詰所出吏以例對天祐曰費出於官則犯法於民則重擾例安可用卻之貴人居邑者將囑事出謂人曰吾見尉自不敢有所請中進士第為大州教授日與諸生講經義聽者感發德祐二年以國庫書監召不赴退歸城南杜門讀書四方學者至越必進謁天祐高冠大帶議論卓卓見者以為儀刑

許棗

許棗字養浩嵎人元度之後景定初進士教授金陵累

宋季忠義錄 卷十四

十四明叢書 約園刊本

官太學國子錄時丁大全用事諸附麗者皆通顯有沈蕩者為之腹心藉勢輒禍善類太學六館士以上書獲罪徙他州時劉黼寓越在遣中棗往見之義形于色作書切責蕩蕩怒將並置于法人危之棗曰吾以此得罪夫復何憾時論壯之後宋亡避居東陽遂卒而葬焉

劉揚祖

劉揚祖字弘宗慈溪人幼有志操穎悟絕人崇伊洛正學景定三年登進士第除江州教授學政修舉推為崇文院校書郎時賈似道執政內外爭附揚祖獨挺然無

忌言事忤旨斥監沅東酒稅臺官交薦之起授通直郎宰南劍之將樂建言時政利病似道不悅再斥之明年以例起為撫州判官改守吉州福建提點刑獄遷刑部員外郎入朝益勵志節遇事敢言似道益惡之時同郡士以事坐廢者六十餘人揚祖與焉似道迫于公議尋復故職進禮部郎中似道使人欲以富貴輒謝絕之值似道崇建臺榭廣求珍玩揚祖疏謂朝廷不當忘經國大務坐待其敝似道又欲斥之會揚祖丁內艱不果自後國事日蹙歎曰人臣當與國同存亡今大事已去不

宋季忠義錄 卷十四

十四明叢書 約園刊本

可為矣遂有肥遁山林之志逾年而宋物改冠帶哀慟及元下詔求賢揚祖不忍聞遂徙家雲湖寺山之東原更求其西茅山建介白樓以為讀書行樂之所時從弟華亭主簿榮祖季子參知政事道中俱未仕時與講解經傳議論規飭正氣激發墾田給食自號介白散人以示不臣之意

寧波府志 下同

姚獬孫

姚獬孫字應獬登孫之從子慈溪人宋末舉鄉薦補國子助教正身率下勤於啓迪館士叩其淵源者履滿戶

外秩滿館下借留於銓部乃以上聞改學錄數學益李登孫前爲司業諸生稱爲東南遺老獬繼之人以爲世典成均善於其職尤所罕者獬博學清介爲文家傳皆以蘇氏擬之及元渾一不屑于仕卽退隱雙峯別墅卒之日鬻衣以葬所著有雙峯文集詩稿行於世

陶椿卿

陶椿卿字均壽定海人以禮經魁宋末癸酉鄉試覆試又魁父同春登咸淳進士倅平江府而卒廬墓終身元初被選舉力辭不起鄉邦異之

宋季忠義錄 卷十四

十二四明叢書 約園刊本

游汝

游汝字魯望德清人咸淳中歷江西江東福建提點刑獄俱有能聲賈似道當國時事日非汝與論事不合至于流涕宋亡家居參政蒲大年以遺老奏召爲福州總管堅辭不就所衣一布袍書其背曰前宋遺民

湖州府志下同

欽德載

欽德載吳興人仕爲都督計議官宋亡德載不肯送降款元兵募生致之欲授以官德載裂其板授書卽遁隱碧巖山自號壽巖山人

章鑄

章鑄字子壽烏程人仕爲修職郎宋亡元令故宋官納誥敕鑄終不肯以世食宋祿坐亦未嘗北向

周密

周密字公謹錢塘人宋寶祐間爲義烏令入元不仕詩極典雅善畫得意輒自題其上所著有齊東野語癸辛雜志

杭州府志下同

金應桂

金應桂字一之號蓀壁錢塘人能詞章宋季爲縣令入

宋季忠義錄 卷十四

十二四明叢書 約園刊本

元隱居風篁嶺書學歐陽詢畫學李龍眠築蓀壁山房左弦右壺中設圖史古器客至撫玩清談纒纒不休每肩輿入城幅巾篋衣望之若神仙云

謝國光

謝國光字觀夫嘉興人咸淳間對策言時事剴切主司畏賈似道不使登第補太學生不仕詔書侍御史程鉅夫奉詔搜賢咸薦國光輒杜門稱疾以經史自娛及卒遺命題其墓曰安節謝國光之墓

嘉興府志下同

常說孫

常詵孫字宜卿嘉興人累辟不起門人稱為雪溪先生所著有雪溪稿天閒雜著櫟齋筆記

陸正

陸正字行正嘉興人居武原鄉博學篤行通律呂象數之學元侍御程文海薦之不起後與劉容城同徵俱不赴隱居教授其學以慎獨存心為要

王宏

王宏字存道西安人博涉經史工文詞字學逼真晉法崇事理學自憤生丁未運隱而不仕其紀年仍用宋德

宋季忠義錄 卷十四

十四 四明叢書 約園刊本

祐年號衛州府志

薛魁祥顧近仁

薛魁祥字壯行平陽人有文行登咸淳進士授淳安尉宋革命遂棄官杜門著書辟連江宰不就每與文天祥言及宋祚移輒歔歔流涕其忠憤見于詩解有荷渚詠史等作同時有顧近仁字力行才器備邁亦以革命不仕學者宗之曰江南先生有詩萬餘首名小慚集溫州府志

陶菊隱殷澄

陶菊隱佚其名嘉興人德祐末元兵南下菊隱聞勤王

之詔散家財招義旅以拒元宋亡流寓者多以為依戒子弟勿仕元同邑有趙孟頫華亭有殷澄稱秀州三義

嘉興府志

徐俊

徐俊德清人為國子生率六館諸生乞誅賈似道疏三上不報國亡不復仕進元至元中累徵不起湖州府志下同

陳存

陳存安吉人累官兵部尚書端明制置使宋亡元遣使七徵不起尋遭疾卻醫絕食旬有四日而卒

宋季忠義錄 卷十四

十五 四明叢書 約園刊本

劉若濟葉紹

劉若濟字君用青田人咸淳進士義不仕元自謂出于六民之外別號為七民校正石門洞集同邑葉紹字繼甫以賢良方正聘于朝掌永嘉教事士風丕變德祐間聘修國史日曆後宋亡子然高遜俱有古烈士風云處州府志

季直方

季直方字德方東陽人為入沈毅方介少以世業治尚書舉進士不第退治河洛之學德裕初會求直言抗疏

闕下不報歸益潛心六籍百氏之書議論風生聲實兼
著宋亡遂隱居授徒陳樵胡滅陳士允皆以文學知名
晚歲家益貧躬耕自給人以龐德公擬之以高壽終學
者稱復菴先生

金華府志下同

杜潛之

杜潛之字若川伯高之孫明春秋領鄉貢宋易世後感
激自悼矯行晦迹寄食西峯僧寺以終其述志詩云寧
枉百里步曲木不可息寧忍三日飢邪蒿不可食雖云
食息頃便分淑與慝志士當暮年聞道轉歷歷要使此
一身如琢復如滌整冠與納履微嫌費疏別未若瓜李
地絕不見吾迹其勵志如此

吳謙

吳謙字仲恭浦江人任月泉書院學錄與方鳳吳思齋
謝翺爲道義交宋亡同寓謙家翺卒無嗣謙爲經營喪
葬刻石志墓復緝士夫哀誄爲哭謝編孫志德別見武
功傳

吳涓

吳涓號清翁浦陽人爲義烏縣令國亡退食吳溪慕陶

靖節自號曰潛齋延致鄉遺老方韶父與閩謝皋羽括
蒼吳子善主於家結月泉吟社評較揭賞以春日田園
命題取靖節田園將蕪胡不歸之意名曰月泉吟社友
多故宋人隱姓名以別號行時至元丙戌丁亥也

錢謙益記月泉吟社云月泉吟社做鎖院試士之法以
丙戌小春月望命題丁亥正月望日收卷三月三日揭
曉以春日田園雜興爲題收二千七百三十五卷選中
二百八十名自第一名羅公福至六十名賞羅縑深衣
布筆墨有差送詩賞各有小劄往復主其事者浦陽月

宋季忠義錄

卷十四

十七

四明叢書
約園刊本

泉社詩盟吳涓清翁主考謝翺皋羽其年前至元二十
四年也按胡翰作謝翺傳謂其自句越之越之南鄙依
浦陽江方鳳永康吳思齋亦依鳳三人皆高年俱客吳
氏里中柳貫作方鳳墓誌言浦陽吳明府涓與其伯兄
弟闢家塾延致先生吳溪上晚善括蒼吳善父武夷謝
皋羽則知翺傳所謂依吳氏以居蓋依涓也皋羽死葬
睦之白雲村其徒吳貴買田祀之月泉精舍貴必涓之
子弟也皋羽以丙戌哭信公於越臺丁亥哭於西臺距
信公亡五六年正吟社考詩之年也當有宋初亡黍離

板蕩之日遺民舊老皆依渭以居渭可謂非常人矣西臺慟哭記稱友人甲乙若丙張孟兼之注以吳思齋馮桂芳翁衡寶之而不及渭諸為皋羽立傳者亦不列渭名非吟社之刻則渭幾泯沒無傳余故表而出之本朝程克勤輯宋遺民錄載王鼎翁謝皋羽輩僅十有一人余所見遺文逸事吳越間遺民已不啻數十人欲網羅之以補新史之闕以洗南朝李侍郎之恥世之君子其亦與我同此歎惋者乎癸未初夏日記

汪元量

宋季忠義錄 卷十四

十六四明叢書 約園刊本

汪元量錢塘人字大有度宗時以善琴出入宮掖元兵入城賦詩悲愴頃之從三宮北去流滯燕京時有王清惠張瓊英皆故宮人善詩相見輒涕泣世皇聞其善琴召入侍鼓一再行駿有漸離之志而無便可乘遂哀懇乞為黃冠世皇許之瀕行與故宮人十八人釀酒城隅鼓琴敘別不數聲哀音哽亂淚下如雨張瓊英送之詩曰客有黃金共壁懷如何不肯贖奴回今朝且盡穹廬酒後夜相思無此杯元量既還錢塘往來彭蠡聞風跡雲影迄無寧居人莫測其迹傳以為仙也人多畫像祀

之自號水雲子士流題詠其事浙江通志

趙文序汪水雲詩云讀水雲詩而不墮淚者殆不名人矣水雲杭人善琴嘗以琴事謝太后及王昭儀暨國亡親見蒼黃歸附又展轉北行道途所歷痛心駭目不可具道留燕日久尙能和王昭儀歌詩訪文丞相於囚中三宮幸得不死沒者為青冢存者為浮屠皆史記所未有蓋昔人紇千山頭之歌水西流朕東上之歎世世勿生帝王家之恨一披史冊尙能感涕君皆耳聞目見又能寫為詩幽憂沈恨殆不可讀今君已入名山作黃冠

宋季忠義錄 卷十四

十九四明叢書 約園刊本

師飄然興亡得喪之外獨留此斷腸泣血遺千古羞與千古恨昔雍門周以琴見孟嘗君不能令孟嘗君悲也及為千秋萬歲後宗廟已不血食高臺壞曲池漸墳墓下嬰兒豎子採樵者躑躅而歌其上然後孟嘗君泣焉承臉周引琴而鼓之孟嘗君涕泣增哀若破國亡邑之人況余亡國賤俘未聽君之琴而先讀君之詩其法焉承臉已不可禁矣君謂余吾取琴為先生鼓之何如余拭淚謝之曰止止廬陵青山趙文儀可詩鑑謹案趙文出文丞相之門

見趙文傳

陶九成輟耕錄云汪元量先生大有號水雲元兵平杭
日詩曰西塞山邊日落處北關門外雨來天南人墮淚
北人笑臣甫低頭拜杜鵑又曰錢塘江上雨初乾風入
端門陣陣酸萬馬亂嘶臨警蹕三宮灑淚濕鈴鸞童兒
贖遺追徐福癘鬼須當滅賀蘭若說和親能活國嬋娟
應是嫁呼韓此語尤悲哽先生詩有水雲集

錢謙益跋汪水雲詩云錢塘汪元量字大有以善琴事

謝后及王昭儀國亡隨之而北後爲黃冠師南歸其詩

見鄭明德陶九成瞿宗吉所載僅三四首夏日曬書理

宋季忠義錄卷十四

二十四明叢書
約園刊本

雲間人鈔書舊冊得其詩二百二十餘首手寫爲一帙

湖州歌九十八首越州歌二十首醉歌十首記國亡北

徙之事周詳惻愴可謂詩史有云第二筵開入九重君

王把酒勸三宮醅酥割罷行酥酪又進椒盤剝嫩葱又

云客中忽忽又重陽滿酌葡萄當菊觴謝后已叨新聖

旨謝家田土免輸糧與鄭明德所載花底傳籌殺六更

風吹庭燎滅還明侍臣寫罷降元表臣妾簽名謝道清

合而觀之紫蓋入雒青衣行酒豈足痛哉水雲作謝后

挽詩曰事去千年速愁來一死遲國滅君死幽蘭軒之

一儘詎可以金源爲夷狄而易之乎余欲續吳立夫桑
海餘錄卒未就讀水雲詩畢援筆書之不覺流涕漬
紙崇禎辛未七夕牧翁記

宋季忠義錄卷十四

二十四明叢書
約園刊本

宋季忠義錄卷十四

宋季忠義錄卷十五

四明萬斯同季野輯 男世標子建校

龔開

龔開字聖予淮陰人少嘗與陸秀夫同居廣陵幕府及世已改往來故京家益貧故人賓客候問日至立則沮如坐無几席一子名浚每俯伏榻上就背按紙作唐馬圖風駿霧鬣豪肝蘭筋備盡諸態一持出人輒以數十金易之藉是不飢然竟無所求於人而死志節既峻儀觀甚偉文章議論愈高古嘗為文宋瑞陸秀夫二傳人

宋季忠義錄卷十五

一四明叢書 約園刊本

以為類司馬遷班固陳壽以下不及也見桑海遺錄序

淮安府志

錢謙益重輯桑海遺錄序曰余讀吳萊立夫桑海遺錄序稱淮陰龔開聖予所作文宋瑞陸君實二傳類司馬遷班固所為陳壽以下不及也余往搜癸辛雜志見聖予水滸三十六贊知為經奇之士因立夫之言求問其所謂二傳者卒不可得意其蕪滅不復傳人聞矣江陰李君如一家多藏書有陶宗儀九成草莽私乘余從借得之聖予所作二傳及君實挽詩序皆具載焉籌錄疾

讀若聞歎噫鬚鬢奮張髮毛盡豎手自繕寫不敢以屬

侍史瀆淚徹紙不數行輒掩卷罷去也當似道專國時

宋瑞累為臺臣劾罷中外踐更席不暇煖年僅三十有

七援錢若水例致仕而君實以乙科居廣陵幕府凡十

有六年李制置祥甫始上其名于朝當此時舉朝之視

二人者猶輕塵之棲弱葉惟不得掃而去之也迨北兵

日迫宋瑞由贛州勤王而君實亦以奉請留中朝廷之

上始知有此兩人嘻亦已晚矣宋瑞守平江陸辭始建

分鎮用兵之策朝廷猶以其論闊遠書上不報至景炎

宋季忠義錄卷十五

一四明叢書 約園刊本

新造陳宜中猶以議論不合使言者劾罷君實以張世

傑力爭始召還嗟乎天下方胡馬渡江翠華浮海此誠

所謂中流遇風胡越相濟之時已而大臣猶用機械結

輒人言官猶用畢牘抹撥人首尾應和如承平時故事

一二勞臣志士奮身于滄海橫流之中為國家任難卒

使之有項不得信有唾不得吐駢首縮舌與社稷俱燼

宋家三百年宗廟一旦不食其所繇來者漸矣蓋非獨

似道一人之故也夫勞臣志士既得死所以報國恩

而酬人望者無餘事矣獨其志有所為而時事不可為

時事猶或可爲而坐視其必不可爲持忠入地殺身無補千載而下覽其事者歎歎煩醒天地改色靈風怪雨發作於敝紙滄墨之間而況立夫之去宋季非立乎定哀者乎又況聖予之與君實同居幕府而身爲遺老者乎嗚呼其尤可感歎也矣立夫所輯桑海遺錄既不可得而見而其序幸存今又得聖予二傳則其書猶不亡也余故錄爲一通藏之篋行題之曰重輯桑海遺錄與立夫同時者黃文獻公潛作陸君實傳後序補聖予之闕逸訂新史之同異其文亦遷固儔也庸併著之新史

宋季忠義錄 卷十五

三四明叢書
約園刊本

二傳多沿襲聖予又已著于史故不復載武夷謝翱舉羽者信公之客亦以遺老終猶君實之有聖予也其遺文以類附焉若有宋之餘民舊事網羅放失不可勝紀余藏書不多力未之逮也蓋將徧訪之好古君子如李君者以卒立夫之志焉而爲之序以發其端

初學集

孟文龍

孟文龍字震翁鄒國亞聖公之後宋昭慈后五世姪孫也高祖信安郡王忠厚鎮吳遂占籍爲吳人初以世賞補將仕郎後中銓試受迪功郎監華亭船塢調嚴州錄

事參軍再調兩浙西路安撫司準備差遣時賈似道枋國百僚多隳法就風旨公獨守職屢忤其意不少回章鑑趙順孫交薦不報循調從政郎浙東提舉常平幹辦公事丁內艱不行始自咸淳以來被命主昭慈祀事元兵壓吳文龍奮激有賈勇三軍之氣與守臣議不合遂返哭昭慈之廟後平章史弼等薦起之文龍致書曰文龍未死慚負神明羣公相國以忠孝文龍爲羣公起將何以令今之事君者敢以死辭遂止不出戶庭者三十年著易解大全三十卷

蘇州府志下同

宋季忠義錄 卷十五

四四明叢書
約園刊本

俞琰

俞琰字玉吾吳縣人生宋寶祐間以詞賦稱宋亡隱居著書不復仕進以義理之學淑諸人於書無不讀精于易學尤好鼓琴既老自號石澗元貞閒卒年七十餘其所述諸家易說百餘卷名曰大易會要自注上下經十翼名曰周易集說又有陰符經解一卷周易參同契發揮三卷易外別傳一卷幽明辨惑二卷書齋夜話四卷席上腐談二卷弦歌毛詩譜一卷男仲溫克承其志玉吾家西洞庭後徙南園宋亡隱居不仕自言遇異人

授讀易法闡發圖說非苟作者若丹砂化煉皆所不屑年七十愈強自知死期而逝

江南通志

陳深

陳深字子微世為吳人生于宋習舉子業宋亡棄故習篤志古學閉門著書有讀易編讀詩編春秋編弟子甚眾且有高名深書筆亦精天曆中天章閣建以能書薦之潛匿不出以終別號寧極學者稱寧極先生子植字叔方少負才氣喜與倜儻之士游既而折節讀書克繼父業有孝行晨夕躬事庖饌親之中裙廁膺手自浣濯

宋季忠義錄卷十五

五四明叢書約圖刊本

更世變以琴書自娛辟召皆不起植子紹先自有傳

蘇州府志

張慶之

張慶之字子善其祖以武職入官從建康徙吳父明字子聰氣岸奇偉慶之少有志操為舉子業逮長棄不習出入經史百氏精思積年擬太玄作測靈又撰孔孟衍語絕意仕進好為山水之游著虎丘賦因號海峯野逸傲五柳先生作海峯遺民傳以伯夷蔣詡陶潛司空圖自況且謂沈冥似海峻厲似峯時人尚其狷介初文天

祥知平江慶之齒諸生之列泊國亡集杜詩備述天祥平生大節有海峯文編三卷并老子注測靈衍語續胡曾史詠詩

宋無

宋無字子虛原名尤字晞顏宋亡乃易之其先固始人生於宋景定庚申從父國珍自涪徙荆湖又避襄亂徙吳門復冒朱姓少負氣節不求仕進未弱冠已棄科舉惟嗜詩且通史從廬陵歐陽守道異齋公學當搶攘轉徙中孜孜不輟詩名震一時入元中丞王西溪嘉其才

宋季忠義錄卷十五

六四明叢書約圖刊本

舉茂異以奉親辭往來金陵句曲閒十年乃歸年五十就人館教佔畢垂二十載薄味清齋經年被褐從林下游行不用杖性畏酒其人淵默似不能言處眾多漠然及遇故人則抵掌劇談絕倒乃已詩超邁不羣所著有翠寒吟嘯齋集寒齋冷話吟嘯者列禦寇所謂寐聲也廬陵中甫鄧光荐序之又與趙子昂孟頫馮海粟子振善二人並序其翠寒集歷元至正庚辰年八十一歲自作誌銘無子不知以何年終

遺民廣錄○案蘇州府志宋景定間嘗習舉子業科舉廢遂專工詩比對精切造語新奇有隱居之趣所著有翠寒集吟嘯集嘗舉茂異

不就年八十餘卒

張斐

張斐字子昭其先浚儀人宋有官御器械者從國南渡居錢塘再徙吳斐少力學嗜書所居臨市衢構樓藏書自經傳子史稗官百家無所不有其學無所不通而尤精於律呂每眾坐聞樂輒俯首顰蹙歎曰吾其不免乎於時宋亡已久故官老校猶有存者斐從之問宋遺事朝廷宗廟宮室與服朝會讌享生殺除拜咸得其詳所著書曰繼潛錄書畫補遺墨記子田字芸己亦攻文詞

宋季忠義錄卷十五

七四明叢書

約園刊本

田子晉字繼孟一字寄夢少從金華宋濂學所為詩文清麗有法尤長於南詞新聲年八十餘卒所著有夢菴

集蘇州府志

張斐吳人生元初髫年嗜學宋亡已二十餘載每從故老遺民問宋遺事下至幽人遁士務盡得其詳喜遊錢塘宋故都歲一再往凡荒臺壞冢廢宅頽垣必徘徊嗟歎不能已兼通音律每遇廣筵坐客方歡獨歛歔欲絕臨市構樓蓄書萬卷日緝閱研究有會心則引卷高吟不喜人言科第宦富以夔約終身年六十四

遺民廣錄下同

陸寔龍

陸寔龍字伯靈華亭人咸淳鄉貢宋亡即棲逸教授終其身衣冠不易嘗自畫像贊云勤勤劬劬耽嗜慕悅而不能舍者聖賢之書趨趨起起畏懼退縮而不敢登者世利之途輕霞以為臉積雪以成衣衣前後而襜如儼張拱而徐趨或者見之而指笑此必抱遺經行古道之拘儒時同郡曹光遠者丁未進士宋亡衣冠不改人稱為大頭巾相公云

梁棟

宋季忠義錄卷十五

八四明叢書

約園刊本

梁棟字隆吉其先湘州人曾祖羽之諱翼祖仲玉諱琛父安道諱定皆仕於金金亡安道挈家渡江而南僑寓鄂州壬寅十二月十六日生棟後徙居鎮江棟生穎秀不凡沈酣墳史甫弱冠即領漕薦年二十七登戊辰龍飛第初選寶應縣簿壬申再調仁和錢塘尉辟入帥幕名動士林甲戌避地建上值丙子宋亡遂歸武林湖上隱居不出武林為舊宦游處甘棠之思久而愈切棟安貧守道澹泊自怡絕無求於人世弟中砥諱柱為道家入茅山從老氏學棟往依焉庚寅以詩得禍幾遭不測

自是名益著夙愛白下山水又喜去茅峯不遠遂卜居建康江東人士問字者踵相接也然時時往來茅山中究心性命乙巳七月七日無疾坐逝年六十四葬城南鳳臺之西鄉棟平日好吟詠成卽去其藁無有存者門人問故曰吾詩堪傳人自有腹藁在故詩多湮沒不傳死後門人哀集所記憶者若干首成集金華胡迺序之

吳龍翰

吳龍翰字式賢號古梅歙人咸淳鄉貢薦授國史院實錄文字元初鄉校諸生禮請充教授尋卽棄去嗜奇學

宋季忠義錄卷十五

九四明叢書約園刊本

博釋老之書無不究觀而卒歸於正劉後村方秋崖皆極稱之

胡次焱

胡次焱字濟鼎一字餘學婺源人咸淳四年進士授貴池尉元兵及境都統制張林納款有異者輒收殺之餘學脫身歸以易教授鄉里人稱梅巖先生或以官進招之作媒贅問答詩見志

滕堯

滕堯字仲塞婺源人宋末入元不仕常命兒子舜夫

求文丞相遺墨得其所書過金陵驛詩以歸日懸於堂焚香拜泣著有星崖集

汪宗臣

汪宗臣字公輔婺源人咸淳中兩中選入元不仕有紫巖稿

程楚翁

程楚翁婺源人元兵入臨安楚翁散家貲結死士謀恢復事洩被執賂守者得脫走閩客謝疊山所十年一寓於詩有黍離麥秀之感疊山北去死逆旅中

宋季忠義錄卷十五

十四四明叢書約園刊本

王泰來

王泰來字復元文正公旦之後自金陵徙華亭由鄉貢入太學生至元中再徵不起程鉅夫薦至京館於集賢時召論前事持正不回卽拂袖歸哀集詩若干卷皆不經人道語

周之翰

周之翰字申父華亭人宋末元初教授于鄉博究羣書通象數之學所著有乾坤闢闢天地生成陰陽變化山川流峙四圖并贊隱居不仕以壽終

元溥

元溥字泉卿宜興人幼習舉子業見宋室將危輒棄去
宋亡絕意進取自號耘軒處約以終

金可文

金可文字素公嘗曰幸有廬一區可避風雨田一丘可
給饘粥學聖賢道可以自樂不願仕也集賢院署牒賜

號貞逸

江南通志下同

沈性

沈性字自得宋上舍生江南內附乃構山房著道士服

宋季忠義錄卷十五

十二四明叢書
續園刊本

不接時貴以終其身著述甚富

王鵬

王鵬字九萬博洽經史隱洞庭東山至正閒屢徵不起
著有緱山集

馬國珍

馬國珍西洞庭山人嘗應召不受職賜號靜逸居士

唐元

唐元字本初吳人讀書淹雅嘗乘舟號一葦航載圖書
古玩浮游江湖因稱為葦航子

曹知白

曹知白號雲西居華亭長谷里至元閒從左丞鑿吳淞
江大府薦為崑山教諭不從辭去嘗游京師王侯巨公
交章屢辟知白悉辭謝曰吾聞冀北多奇士豈齷齪求
官者耶即日南歸隱居讀易終日不出戶庭

松江府志下同

陸厚

陸厚居城東自號東園散人博洽經史尤精孫吳書兵
亂往來天目靈巖茗雪閒將某聞其名覓之不可得兵
息返故廬放浪三泖中或竟夕忘返勸之仕不應有詩

宋季忠義錄卷十五

十二四明叢書
續園刊本

集號古漁唱

楊謙

楊謙別號竹西讀書不仕嘗築小樓登眺題曰雲山不
礙樓楊維禎貝瓊俱為歌詠

孫稷

孫稷字長慶言行謹飭嘗舉為文學官不仕築室於橫
雲山之支隴名其居曰小山招隱讀書賣藥以終老

蔣捷

蔣捷字勝欲宜與人舉德祐進士元初晦跡不仕大德

中憲使臧夢解陸屋薦其才不就稱竹山先生

江南通志下同

許恕

許恕字如心江陰人家北郭因號北郭先生部使者薦授澄江書院山長不就慕韓伯休為人因通其術著北

郭集

劉光

劉光字元輝歙人開門授徒五十餘年行省差充寧國路學正不赴

江萊甫

宋季忠義錄 卷十五

十三四明叢書 約園刊本

江萊甫字芳卿歙人好讀易自號草窗先生太史虞集薦之詔有司辟舉堅辭不赴

羅榮祖

羅榮祖字仁甫歙人與處士蕭剡等同被徵鄭左參力為勸駕榮祖書招隱詩謝之

趙彌忠

趙彌忠字資敬休寧人力學窮理廉使薦以官不就

許宗堯

許宗堯字子仁績溪人博通經史累徵不就隱大鄣山

有碩人風

李偉

李偉字敬叔祁門人師同郡胡方平咸淳中任郡學賓師入元不仕嘗作經史訓注二圖

梅致和

梅致和字彥遠宣城人從母兄汪文節受春秋著類編十二卷隱於城南部使者王士熙吳鐸雅重之屢辟不起卒宋濂誌其墓

魚潛

宋季忠義錄 卷十五

十四四明叢書 約園刊本

魚潛字德昭當塗人值元代宋隱居養鵝鴨以自給著詩甚富見輟耕錄

朱可與

朱可與舒城人好學博覽尤善尚書慕古高士風節不干仕進隱居教授以文行著

王宗岳

王宗岳字良佐臨淮人厭俗學肆力性道勤之仕輒不應人稱養高先生

范思敬

范思敬全椒人有志操能文章隱於石子崗梁莊號棲谷子

盧志賢

盧志賢廣德人至元時嘗隱居林下清修之節當時重之

嵇聳

嵇聳高郵人布衣尚義文丞相天祥見遂于真州聳迎事於家資送航海達行在時有工部侍郎柳岳進降表道經其莊聳憤岳賣國殺之見恭帝本紀

宋季忠義錄 卷十五

十五

四明叢書

約園刊本

殷澄

殷澄字公源華亭人家富好施人自為殷佛子澄性介特事關大義委身不顧避地南塘元兵入華亭南塘猶未下將軍楊欲屠之澄奮扣軍門大言曰郡縣新附將軍不撫綏招徠而顧欲盡勦斯民耶楊怒手劔叱之澄正色曰殺我一人活千萬人死猶生也楊感悟而止丞相伯顏聞而義之授華亭軍民都總管使守其地澄不受後野服隱居浦上

俞德璘

俞德璘字宗大父卓為廬江令家丹徒景定中魁鄉薦咸淳中魁浙江元丞相辟行省郎中不就行大司農江浙行省累薦皆不就性孝友好施予博學多識人咸敬慕有佩韋文集十六卷輯聞四卷

姚和中

姚和中號四清當塗人家世業儒徵召不赴一時從學甚眾宋濂跋其墓銘述其師吳淵穎之言曰當塗有姚四清徵君者時碩士也

陳公榮

陳公榮字子華長樂人初游太學景炎元年元兵入境公榮破產與子宗傳族子老成募兵勤王會蒲壽庚叛於泉州帝舟自泉趨潮明年張世傑會師討壽庚公榮等率兵赴之老成戰死同死者一百七十人老成有膽勇善計謀公榮深倚之至是遂不能軍事聞贈老成御史臺檢法官賜祭授公榮福清縣令宗傳提刑司檢法官時閩地已盡失歸老于家公榮臨沒戒族人無出仕故終元之世無一人附宦籍者閩書下同

留東

宋季忠義錄 卷十五

十六 四明叢書

約園刊本

留東字純仁永春人登鄉舉入國學景炎丙子以兩登極恩賜同進士出身授肇慶司法參軍廉勤有聲陞從事郎清海軍節度推官未幾改帶行國子編較平海軍節度推官宋亡杜門不仕至元辛卯錄宋故臣授桂陽縣丞及乳源縣尹俱辭不就子伯惠授將仕郎孫天錫授泉州路儒學教授亦不赴國初進士何德舉贊東像有身元心宋為古逸民之語

黃鎮成

黃鎮成字元鎮邵武人弱冠即慨然以聖賢道學自勵

宋季忠義錄 卷十五

十七四明叢書 約園刊本

學者號存齋先生至正閒築室城南名南田耕舍作詩寫懷曰白日不停馭頽波竟東馳忽忽年歲改念此將安歸我欲驅車行太行路嶮巖我欲駕方舟滄海無津涯豈不願行邁出門慎所之有田南山下可以供盛饗中廬在中田可以譚詩書上探羲皇際下及商周時賢聖尚淪落微生亦何疑懷哉羨門子千載以為期部使者相繼論薦授江西儒學提舉不應以壽終集賢定諡曰貞文處士所著有尚書通考周易通義中庸章指性理發蒙秋聲集

王德裕

王德裕長泰人年十三入邑庠充弟子員十八而宋亡聞元詔至拜哭于庭裂衣巾焚之延祐初訪求遺逸被徵不就教授生徒學者宗焉

陳與桂

陳與桂字彌芳晉江人年少博學咸淳中領鄉薦入元不仕隱于安溪水竹村文行高古後學矜式之稱水竹先生

鄭鉞

鄭鉞一名少偉字夷白莆田人咸淳中特奏名與黃仲元郭堂俱閩中之望宋亡不仕嘗入陳文龍幕記文龍遺事言甚痛憤所著有雲我存稿孔子年譜仲元為序其存彙

余謙一

余謙一字子同莆田人與弟士明連中江西漕試而謙一第咸淳進士調泉州石井書院山長累知化州入元不仕好為古學辭語渾成警切名文章家士明亦知南安縣

宋季忠義錄 卷十五

十八四明叢書 約園刊本

林璧卿

林璧卿號樵谷莆田人精易象星數之學世祖欲授以官力辭歸隱麥斜巖著書自樂學者稱節隱先生

鄭君老

鄭君老字邦壽福寧人咸淳進士乞歸養親連丁內外艱未起而宋亡元初知君老者交薦于朝累徵不起君老十歲能詩十二能綴文十六領鄉薦首選十七登第家居事父母處兄弟內外無閒喪亂之後學守獨立鄉後進宗師之卒學者私諡曰靖節先生

宋季忠義錄 卷十五

十九四明叢書 約園刊本

林天書

林天書名詔以字行福寧人勵行濟貧咸淳四年授晉江尉思尼父不入危邦之訓以疾乞歸後八年宋亡元初屢薦不起

宋秉孫

宋秉孫字彝父建陽人淳祐進士累官朝奉大夫入元不仕以吟詠自娛卒

李應龍

李應龍光澤人博學多文有節操至元閒薦為白鹿洞

長不赴尋薦漳州教授亦不赴多所著述

沈子真

沈子真字景實詔安人性至孝德祐閒以歲貢補太學授揭陽丞不仕歸隱九侯山但書宋甲子人比之陶潛云

巨葵

巨葵字吉甫居海嶼中因自號釣磯蚤有志考亭之學初從辛介甫繼從信州吳平甫授春秋親炙呂大圭洪天錫之門最久風度端凝如立鶴振鷺宋末科舉廢杜門厲學所著有易解義書解詩口義春秋通義四書日講經世書聲音既濟圖周禮補亡元時倭寇至其宅他無所犯惟取遺書以去故其著述多無傳者

詹本

詹本字道生溫言正行高抗不仕丞相江萬里欲薦為郎先致書於本本方坐門前石磯垂釣使者至問本居本給曰前即持竿去不知所終

黃雍

黃雍字子邵永福人知宋將亡隱居山中語及時事恆

宋季忠義錄 卷十五

二十四明叢書 約園刊本

流涕被面文信公勵志恢復聞其慷慨多奇以詩招之
雍度時事不可為辭不就然每誦其詩以語門生吳璽
輒慟哭移時後信公開府南劍復物色之終不出

鄭曾子

鄭曾子字子可晉江人弱冠有文聲咸淳十年試兩浙
寓太學景炎丙子隨蹕三山以迪功郎為潮州司法未
行泉州降元元左丞蒲壽庚薦授梅州路治中不受閒
居終身平生倜儻急義樂道人善是非曲直必當於理
郡縣士大夫有疑難事必造訪焉

宋季忠義錄 卷十五

二三四明叢書
約園刊本

巨富國

巨富國字行可建安人受學朱氏之門人舉淳祐七年
進士為端陽僉判宋亡不仕著周易輯解十卷經世補
遺三卷易學說約五篇發明朱氏宗旨

劉志學

劉志學字師孔同安人與兄璧齊名釋褐教授台州以
親老力求歸省未幾元兵南下杜門娛親蒲壽庚欲羅
致門下固避之下帷講誦四方學者從之如雲

黃森

黃森字水心建安人父駟宋季為吏部郎中森淹通書
史諸子百家莫不精詣景定閒領鄉薦國亡不仕隱天
湖山築室數椽四圍植柏以不及首陽為媿

趙若楸

趙若楸字自木崇安人長於詩尤工音律元高丞相入
閩與語大說曰吾下江南所見名士無出生右者授同
安尹不就著有澗邊集福建通志下同

劉應李

劉應李字希泌建陽人咸淳進士授本邑簿與熊禾胡
庭芳講道洪源復建化龍書院於莒潭著有易經精義
傳世

宋季忠義錄 卷十五

二三四明叢書
約園刊本

范師孔

范師孔崇安人咸淳舉人讀書武彝精舍三司辟師孔
講書橫經析理深得要旨聞者莫不歎服

范學可名師孔工詩著有畫餅篇宋亡屏跡不出年七

十五卒遺民廣錄

毛直方

毛直方建安人咸淳中預薦後入元授徒講學士爭趨

之有治靈稿聊復軒稿編詩學大成及詩宗韻府羣玉

行世福建通志下同

鄭儀孫

鄭儀孫號翠屏建安人從巨富國學易咸淳癸酉應賢
良舉又明年少帝北行儀孫退而著書有易圖說解大
學中庸章句史學蒙求箋註性理字訓郡守吳某率幕
屬迎于學師事之

真山民

真山民浦城人西山先生之裔宋亡後埋名隱跡字號

宋季忠義錄卷十五

三三四明叢書約園刊本

不得而傳其詩有云世換山如醉田荒草自新亦可悲

也道民廣錄下同

趙必暈

趙必暈字伯暉太宗十世孫補承務郎扼腕中原懷古
賦詩有祖述之志居泉州東陵日與漁樵方外士班荆
燕坐不復問人間事講解疊疊不倦有茹芝等集

趙必辭

趙必辭字文孫嘗官長樂主簿易名文孫不接流俗專
以訓誨為事

趙若

趙若字順之閩崇安人入元屢經徵聘堅不肯赴惜其
詩失傳

釋德豐

釋德豐三山人遺民中隱於禪者也重陽一絕云戰盡
今秋見太平西風多作北風聲不吹烏帽吹氈帽籬下
黃花笑不成

陳敬叟

陳敬叟臨武人咸淳中進士授迪功郎德祐北狩遂隱
居不仕益肆力于學有異溪集行世子章伯亦高尚所
著有異溪續彙湖廣通志下同

宋季忠義錄卷十五

三三四明叢書約園刊本

陳一發

陳一發字春卿巴陵人性聰敏年十六升上舍入對學
士章公薦之供奉翰林宋亡歸故山青林洞吟詠自娛
元初行省官交薦於朝堅志不起時號雲岫先生

弓敏中

弓敏中巴陵人字士文年十二通詩書春秋諸經義潛
心嶽麓遺教書其室曰自明軒從遊者教以克己為要

高尙不仕見臨川江漢敘錄

趙東山

趙東山東莞人系出濮邸博學能詩性高古不諧流俗
遇談勝國事則掩耳不聞嘗登鳳凰臺以舒懷抱每望
匡山輒潸然流涕邑中有何文季者亦慷慨敦節嘗相
與吟詠以寓黍離之悲人皆義之其詩多傳于世而東
山尤多石刻今尙存云廣東通志下同

區適子

區適子字正叔南海登洲人今順德父璵仕宋為德慶

宋季忠義錄 卷十五

三五四明叢書 約園刊本

參軍廉介有聲適子幼俊爽能文詞及長厚重寡言笑
以博學聞學者多從之遊所居鄉名鮫洲而適子自號
登洲於是人更名其鄉登洲以適子故也適子抱道不
仕或問之曰吾南人操南音安能與達魯花赤相俯仰
耶京口劉與子序適子文曰君德人也余以文士目之
淺矣扶胥之南粵臺之下寧復有斯人哉子魯卿元季
出粟四百石作粥食飢者魯卿卒盜戒勿犯其墓

羅鑄夫

羅鑄夫順德人生有異質日誦數萬言宋景定中以明

經試省舉第一人是時廣盜鍾明亮起寇南海鑄夫告
諸父老共為捍禦計鄉里賴之元代有天下鑄夫不忍
仕遂隱居教授又作祠堂為蒸嘗伏臘以祀先人長老
曰公忠孝人也眾議諡曰義隱其次子文鳳仕宋為都
巡檢後辭去廣置田莊三百頃歲入擬封君長老相傳
曰無官寧羅蓋指鑄夫也嘗慕漢樊重之為人好行義
讓不畜施舍蓋庶幾先正所謂君子之富焉

邵繼賢

邵繼賢番禺人天資明敏究心先儒理學以誠正為務

宋季忠義錄 卷十五

三五四明叢書 約園刊本

早年領宋淳祐癸卯鄉薦歷任四川順慶府知府時元
兵日盛退處贛州玉龍山中杜門修靜元世祖以先朝
名臣徵之不出

蘇太初

蘇太初字大來樂昌人受業于李玉溪之門通詩易春
秋宋末兵亂且耕且讀元主三聘不出里閭死不能殯
者殯之以所學教授生徒後通顯者多出其門

張奐

張奐海陽人深于易學恥仕元至正中諸路兵起徙潮

陽海口避之居嘗端坐一室以琴書自娛筆瓢屢空晏如也郡縣屢徵不就憫末俗禮教寢衰爲申明四禮以化導其鄉鄉俗化焉後有盜過其門曰此張先生廬也戒勿犯卒葬蓮花峯

梁義夫

梁義夫電白保寧鄉人有卓行博通經史在庠負時名當路以偉器奇之值元興遂屏跡山澗臨歿命其子書宋梁義夫之墓

陳汝達

陳汝達海康人少習經史未及應舉而宋事已去遂隱居焉汝達時老病恐身後襲異國號預刻石爲墓碑曰有宋陳公墓以囑其子曰他日勿改吾刻也墓今在擎雷山

唐文嚴

唐文嚴字克寬瓊山人任迪功郎及世亂隱居不仕建松軒亭吟詠其中景炎間翰林學士陳仲微省郎謝少敏至瓊訪文嚴輒移晷不去嘗以詩文相命時人高之宋季忠義錄卷十五

宋季忠義錄 卷十五

四明叢書 約園刊本

宋季忠義錄卷十六

四明萬斯同季野輯

男世標子建校

宗必經

宗必經字子文南昌人景定二年以詞學科發解明年壬戌舉進士判瑞州晉藩兵副與樞密陳宜中不合謝歸及宋祚革元世祖詔求江南人士留夢炎程文海交薦謝枋得等二十餘人子文與焉固辭迫脅以去械至元都繫獄三歲乃放還其在獄詩有云睡曉方知前是夢落花難上舊來枝又云不覺授書冬再易我思黃霸

宋季忠義錄 卷十六

四明叢書 約園刊本

欲消魂歸隱于家 江西通志下同

宗必應

宗必應字子固南昌人登景定壬戌進士授江西招討司計議官景炎丙子元人克真州徇江南招討劉槃欲以江西城降必應不可曰德祐之初降元者劉權無爲軍失守今文開府經略西南劉洙亦自省起兵往會可謂義舉名公不劉洙是效而效劉權此何爲者且能戰則戰不戰則死李庭芝姜才獨不可與同不朽乎槃不聽必應遂逝去人皆壯之

丁中

丁中字汝明新建人性剛介篤學力行兩中寶祐鄉舉補大學上舍與徐鹿卿吳澄為友聚書數萬卷訓子弟必先德後藝值宋運革隱居不仕人稱曰韋軒先生

吳仲軒

吳仲軒進賢人度宗時第進士語江萬里曰國步日蹙吾不復仕矣遂歸隱教授于鄉四方從遊者眾侍御史程鉅夫疏薦不起作詩謝之曰抱病經年久何期徵詔臨芸窗書已蠹竹徑葉尤深空返皇華使難忘鷗鳥心

宋季忠義錄 卷十六

二三四明叢書 約園刊本

懷君雖感激衰鬢不勝簪

陳煥

陳煥字詩可豐城人煥博學和易黃謙父重其人為賣田築館居之二十年兩與鄉漕薦入元隱居嶠山不仕取平生著述定為易傳宗書傳通詩傳微禮記釋四書補註諸書行于世

程以臨

程以臨字至可寧州人至元閒除將仕郎辭不就天資超悟凡經史百家天文地理諸書靡不通貫尤長于詩

構別墅閉戶讀書老而彌篤選編漢魏唐宋諸詩名曰刪後正音所著有瓢丸小集

陰幼遇

陰幼遇字時夫奉新人家數百口五世同居登寶祐九年進士入元不仕父鄉貢士應夢授以凡例幼遇著韻府羣玉若干卷兄中夫幼達復為註釋若干卷傳于世

胡幼黃

胡幼黃字成玉永新人咸淳甲戌進士授節度推官宋亡遂退居山中創讀書樓日呻諷其中元世祖用留夢

宋季忠義錄 卷十六

二三四明叢書 約園刊本

炎等議令所在搜求宋遺士以聞同榜狀元王龍澤起為監察御史獨幼黃邀進士豫章熊朋來安成劉應鳳皆避匿不出時論韙之

劉應鳳

劉應鳳字克舉安福人中咸淳癸卯鄉試明年對大廷以言忤時相實第五授簽判元兵逼江南遂隱去以文自娛好莊子戰國策故人稱其文謂有霸氣文丞相被執應鳳遇王鼎翁對牀賦詩憫之有天留中子墳孤竹誰向西山飯伯夷之句

周焱

周焱吉水人寶祐進士官南昌知縣宋亡誓不復仕閉戶著書以娛老有通鑑論斷四書行義行于世

康夢吉

康夢吉字叔誼龍泉人在大學時不遊湖山不謁貴近賈似道欲館為子弟師力辭時人比之陳后山登咸淳進士任撫州教授嚴程試舉鄉射士譽翕然尋以宋亡棄官不仕

曾子良

宋季忠義錄 卷十六

四明叢書 約園刊本

曾子良金谿人三歲不言伯父容安教之誦詩則點首應諾一夕見月忽能成誦舉家異之及長篤志性理之學登咸淳戊辰第調興安尉遷淳安令與郡守一言不合奉母歸養入元程鉅夫以遺逸薦授憲僉不赴扁節居二字於堂以示其志卒年六十三學者稱平山先生所著有易雜說中庸大學語孟解聖宋頌百行冠冕詩續言行錄詩廣崇類稿咸淳類稿

于應雷

于應雷字震卿金谿人早治舉子詩賦論策咸淳閒領

鄉薦國亡隱居龍田里之五雲山以讀書誨人為事剛直寡合非大禮未嘗一入鄰家事親孝謹為文嚴整有法吳文正名其墓曰其文金玉其質石鐵九十而終全士之節

李朋

李朋字壽甫崇仁人經傳子史一覽弗遺尤精熟周禮會諸路舉義兵朋密受蠟檄後聞厓山失守遂扁其閒居之所曰閉隱庵取古不事二君者列書于壁足跡不出戶外雖至戚不得一入其中時復悄然淚下以憤懣

宋季忠義錄 卷十六

四明叢書 約園刊本

致疾死年五十四平山曾子良銘其墓曰宋之義士

趙嗣詔

趙嗣詔字信道崇仁人咸淳元年進士初主嘉魚簿再任紹興府司法參軍宋亡隱居兄嗣謹亦先詔舉進士時同邑何晉字德翁與兄桂發俱咸淳元年進士詔與同構別堡躬耕以食日雜樵夫牧豎中短褐行歌夜則一燈相對講究不輟或有語及興亡事者詔曰受命而興古不一姓但吾輩不幸偶逢喪亂耳君何所見之不達也人以為至言

王科

王科字子純樂安人宋末貢補國學國亡隱居不仕吳草廬嘗曰耆儒宿學如吾子純者寥寥若晨星子梁字良甫師事草廬嘗築汪陂溉田千頃鄉賴無旱邑長燮理溥化郡守楊友直皆加禮敬有西齋稿藏于家

鄒次陳

鄒次陳字周弼一字悅道宜黃人宋末中博學宏辭科值革命隱居不仕遠近學者多從遊及卒何太虛哀以詩云八窗九室失般倅善斲無人轉可悲又云門生定

宋季忠義錄 卷十六

六四明叢書 約園刊本

展王通學舊友誰成郭泰碑其見推于時賢如此所著有遺安集十八卷史鈔十卷

黃丙炎

黃丙炎字純宗號思梅崇仁人咸淳元年進士授臨桂簿德祐元年差幹辦江西制司帶行禮部架閣加國子正除宗正簿北兵大至黃萬石棄撫州走丙炎不能挽遂歸隱又十餘年卒其詩文清整涵暢足自為一家初擢第歸道出安仁有盜殺人逸累居者既誣服丙炎以過客得盜名告使者謝曰君乍脫場屋洗冤如此可量

哉千峯陳宗禮每歎其清苦不可及劉須溪銘其墓曰最不幸而以身從人又不幸而以文致身故雖有孔明公瑾而用之如陳琳阮瑀又如溫石二子而不得為許遠張巡豈非命云子興孫字祖烈十歲能詩文值革命父兄相與講學不復仕進于詩尤長性孝友親疾不解帶居喪有禮卒年四十次鳳孫暉孫皆有學

鄭松

鄭松字特立樂安人三預進士貢不第以邵子經世書止於周顯德乃自庚申宋興至甲午金亡為續其二百

宋季忠義錄 卷十六

七四明叢書 約園刊本

七十五年於邵子所紀三千三百一十六年間頗有更定書法視昔尤謹其論國統絕續離合謂興國無所承亡國無所授者各為系漢魏晉宋齊梁陳為一系魏周隋唐梁唐晉漢周宋為一系遼金元為一系吳文正公以為此論世儒未之及松入元隱居布水谷三十年於凡古今因革聖賢心迹有所疑每就文正細商之不以輩行自居

王道翁

王道翁崇仁人慷慨有大節初授安陸丞不就構室淨

巨山奉母以居時南村上舍張達翁有僕胥任與張仲四僕五二強悍爭衡五二密誘贛寇蔡九五曾柏三夜劫王喬仙童二皆殺達翁收其財物達妻李氏抱男宗紹依于道翁會文天祥勤王乃率其子弟及鄉勇千人應募遂乘機破柏三寨追擒五二文聞之舉翁為義兵總管翁率其子伯高會兵與國進勦蔡賊未幾元兵南下天祥北行翁散其餘兵悲憤而卒

陳祥甫

陳祥甫號滿塘樂安人國學生咸淳甲戌嘗與同舍汪

宋季忠義錄 卷十六

八四明叢書 約園刊本

斗建楊期泰上書論賈似道誤國不報德祐乙亥奉督府何見山檄與弟祥霖築堡糾義偕輩信張日中屢角元兵於楮山東固空坑等處後徙居崇仁自號南隱誓不忘宋按崇仁志亦載陳祥甫好施平糶仗義急公壽九十六至正中縣尹李愿為建高年坊當是徙居崇仁後事

李進

李進字野翁崇仁人登淳祐二年進士福建轉運司提領戶部贍軍所主管值革命隱居栗門種瓜植菊以終其身虞邵菴稱其詩兼簡齋放翁蒼山東林之長著礪

谷居愧稿

李士華

李士華字庭實崇仁人幼喪父母及二兄值宋季亡賴子羣起行劫富者多不免士華能自衛迄完其家入元人皆易衣冠為方笠窄袖士華獨深衣幅巾翔翔自如眾咸笑為迂則曰我故國之民義當然耳善治生家大富則推以濟宗黨貧者無不飽其德會有鬻爵之令高貴者競趨之士華恬不為意有以空名告身來售者卻之曰吾不能以文學取祿位而涉銅臭之議雖貴奚益哉其他懿行甚多鄉人師尊之年八十有六卒于至正中

宋季忠義錄 卷十六

九四明叢書 約園刊本

周屋

周屋字良載鄱陽人署江東提刑幹辦時江淮屢警屋繕城堡豐儲峙為捍禦計咸淳甲戌登進士明年德祐乙亥兵圍饒屋奉母入保郡城母卒既殯而城危丞相江萬里守臣唐震死之元將諭眾能以城降者署郡守眾推屋署降表屋泣辭夜遁事平當路交薦屋起南劍治中同知廣州總管皆不拜結廬母夫人墓下杜門隱

居削跡城市後以孫伯琦貴累封番陽郡侯厘明經博學侷儻尙氣節世以魯仲連擬之

程時登

程時登字登庸樂平人自少慕義理之學聞董珠得朱子之傳而鄉隣程固山學于盤澗者因往師之搜探幽微會博于約咸淳甲戌寇擾中原朝廷不廢科舉舊制合江東九路士試之時登毅然首舉明年登太學又明年而宋鼎移矣歸杜門謝游客四方請益之士嘗輻輳盈席一時名流多出其門元訪遺材每物色之輒謝去

宋季忠義錄 卷十六

十四明叢書 約園刊本

周樸

周樸字吉甫鄱陽人初從學于張采采奇其才處之家塾吉甫以其知己事之不去時盜起江湖閒州將以采知兵使督州兵討之盜有張家僮率眾掠邑里采將攻之而賊先發遂遇害吉甫走告州將誓欲爲張復仇州將義之授以兵兵寡議者勸更募之吉甫曰我募而眾彼亦眾矣不若出其不意急擊之卽擣賊所屯賊窮以金擲地兵爭取金賊脫去吉甫立斬數人以徇慷慨流涕誓不與賊俱生眾感動願效死力攻一寨破之餘寨

皆走乘勝追擊斬首數千生擒僮賊斬之俎其心肺爲文祭其師境內賊柵數十悉平之元兵至州將唐震死之眾勸吉甫降太守可得吉甫曰吾爲師復仇而已他豈所望哉卽日散遣所部隱居不復言功名

余芑舒

余芑舒號息齋德興人少聰敏潛心程朱之學讀書暇嘗正襟端坐語門人曰讀書須虛心熟讀其味無窮及蚤了悟身心閒事一刻有一刻受用其悟道詩有曰何人解管身中事今我纔知學有源養得心源身事畢春花秋月其忘言辟學錄不就及易簣之際猶顧謂子姪曰治生不求富讀書不求官譬如飲不醉陶然有餘歡東坡此語不爲無見須臾而逝

祝泌

祝泌字子涇德興人得皇極數于建昌廖應淮咸淳十年登進士第歷饒州路三司提幹編修壬易會元以年老乞休御賜觀物樓扁因建樓于居傍元世祖登極詔取不赴貴甥傅立持書上之所著有觀物解及六壬大古祝氏祕鈔革象新書

世祖本紀至元十六年二月遣使訪通曉皇極數鄱陽祝泌子

宋季忠義錄 卷十六

十四明叢書 約園刊本

孫其甥傳立
持秘書來上

李存

李存字伯遠一字仲公安仁人深明性理之學從上饒
陳靜明遊邑令延為師郡守聘典文衡三以高蹈巨圍
舉中丞文獻公右丞烏古孫交章論薦李秘書舉以自
代相國京兆公奏補翰林屢不起乃葺書院授學者如
翰林承旨張仲舉危大樸輩皆出其門著有俟菴諸集

王希旦

王希旦字葵初德興人隱居抱道究心孔孟之學師事
邑人余桃谷與其子芭舒互相切磋遂成醇儒元屢聘
之不就嘗曰余飢則食倦則眠不飢不倦則取古聖賢
之書讀之而箋釋其義理何以仕為哉

王億

王億字時萬德興人博習經子探其理學嘗受業謝疊
山之門元累辟不就教授生徒從遊日眾建四勿齋以
館士所著有四書講義善族家訓等集

吳謙

吳謙字尊光安仁人受學陳立大與祝蕃遠舒元易李

宋季忠義錄卷十六

十四明叢書
約園刊本

仲公在竹莊書院講明性理學號曰江東四大儒元屢
聘不就依土為廬結草為坐著尊光集以傳世

史可甦

史可甦鄱陽人生而沈潛學崇篤實元初辟為郡學錄
以先世仕宋有顯者屢徵勿就乃杜門著述隱居餘干
棠棣橋晚遷鄱城之西博通羣籍因寓意雷軒以起人
沈痼邑人德之顏其堂曰更生遂以更生為字行

余濟

余濟字心淵息齋子德興人少承家學踐履篤實一介
不苟恥同俗學應舉當元初累辟不就築小室日讀書
其中偶賦云白首黃塵送隙駒那知靜處迥然孤幽人
世念如秋葉萬樹西風一點無與徐芳谷王葵初相友
善每觸景賡和怡然自得所著有谷雲遺藁

劉辰翁

劉辰翁字會孟廬陵人家貧力學學秘書歐陽守道所
守道大奇之辰翁貢于鄉會丁大全驟用辰翁對策嚴
君子小人朋黨論有司忌其涉謗擯斥之補大學生江
萬里為祭酒亟稱賞其文壬戌監試丞相馬廷鸞草鑑

宋季忠義錄卷十六

十四明叢書
約園刊本

爭致諸門下平章賈似道秉國政欲殺直臣以蔽言路
辰翁廷對言濟邸無後可痛忠良戕害可傷風節不競
可憾大忤賈意泊奏名理宗親寘之丙第以親老就贖
州濂溪書院山長萬里官帥闕強與俱乙丑萬里還樞
府以書招辰翁奉母來京數月母疾還萬里薦辰翁學
宜史館參政王煥贊之除臨安教授拔四明戴表元三
衢何新之三山馬鈞諸生中後皆爲名進士莆陽陳文
龍魁戊辰爲德祐參政萬里鎮太平兼漕節辟爲江東
漕幕知院馬光祖亦稱之曰文場獨步萬里再相問政

宋李忠義錄 卷十六

十四四明叢書
約園刊本

何先辰翁曰當先拔異議遭擯者丁母憂服除丞相陳
宜中薦除史館檢閱辭除大學博士明年改知臨江軍
事丙子宋亡萬里死節辰翁馳哭之壬午歸託方外以
自詭辰翁事母孝慷慨立風節抑於時而天下知名士
多欽其伉直平生耽著文史淹博涵深爲文祖先秦戰
國莊老有須溪集一百卷

周以道

周以道安福人篤志古學中宋試賦第一宋亡自石門
遁迹于城南吉村稱復齋先生

周京

周京字伯寬吉水人咸淳解試直寶謨閣上書詆斥賈
似道棄官歸元初屢徵不起所著有五經纂史漢音辨
等書

文應麟

文應麟廬陵人丞相文天祥從孫倜儻尙志節景定中
丞相弟璧守惠州應麟與之偕屢勸璧修城堞建樓櫓
積芻芡糧儲以嚴守備璧易其言及元兵至竟以城降
應麟恥之攜二子起南遷于東莞之東渚遂家焉今其

宋李忠義錄 卷十六

十五四明叢書
約園刊本

子孫曰蕃爲名族璧字文溪既降元授臨江路總管文
山寄詩曰五十年兄弟一朝生別離
雁行長已矣馬足遠何之葬骨知無地論心更有誰
喪君自盡猶子是吾兒後有客以詩謁之云江南見說
好溪山兄也難時弟也難可惜
梅花異南北一枝向暖一枝寒

龐季安

龐季安吉水人慷慨好義傾貲勤王爲文丞相所重復
能保障其鄉

胡仲雲

胡仲雲字從甫高安人生有異質時人目爲懸崖水晶
年十三卽悉通書史淳祐中入太學率諸生伏闕上書

論罷京尹余晦蔡適為祭酒仲雲與弟仲霖師之盡得
朱氏之學負笈者盈館下寶祐登進士監行在倉時丁
大全用事欲鉤致以館職不就以江萬里薦除太學正
因忤賈似道出倅臨江既而家居諭止亂軍起為國子
監簿攝侍左郎官嘗覆試黜賈之從子初賈欲舉為御
史仲雲曰御史上親擢大臣不當先示以意輪對懇切
無假貸遂遷樞密院編修官攝尙寶右司賈時信任翁
應龍事下兩省輒以帖鈐楮尾無敢易者仲雲極論其
弊翁銜之兼崇正殿說書上言陰彊陽弱五典且廢忤
賈黜為浙東提刑兼權紹興安撫既至減月椿錢三之
二復追還買燈錢五萬吏贓三萬六千分諸貧民且令
貴人毋奪民利民大悅越有僧殺人賈黨匿之仲雲嚴
限寘於法會母憂去歲餘聞九江失守辟地南海攜家
泝流至廬陵而卒

胡仲霖

胡仲霖字成甫高安人仲雲之弟嘗從事蔡適盡得朱
晦翁之學父子兄弟自相師友恥食元祿與其子希是
俱隱遯以終其身

宋季忠義錄 卷十六

十六

四明叢書

約園刊本

胡希是

胡希是字則翁仲霖之子也八歲輒動循規矩語言端
方且悉通諸經史年十五從諸兄游京師一時名公皆
折輩行與之友伯父仲雲嘗遣謁江古心盡得其為文
法下筆有西漢風至元革命家居著述夜分不寐端方
嚴篤一介不苟取與所著有洪範考訂大學稽疑太極
圖說史傳集論及迂山集行于世

孫興禮

孫興禮字慶甫寧都人力行孝友元至元閒御史程文

宋季忠義錄 卷十六

十七

四明叢書

約園刊本

海薦之以病辭後以孫懿貴贈官

王奕

王奕字斗山宋末人為邑博與其子介翁居玉瑯峯讀
書其中素與文文山謝疊山友善及疊山就執北行送
之詩曰皇天久矣眼垂青盼盼先生此一行遺表不隨
諸葛死離騷長伴屈原清兩生無補秦興廢一出仍關
魯重輕白骨青山如得所何須兒女哭清明詞旨激烈
宋亡建斗山書院居之杜門不出所著有東行叢稿

戴羽

戴羽德安人隱居積學徵辟不就著武侯通傳三卷史評一卷虞集爲之序

徐必茂

徐必茂字幼學清江人宋亡必茂以父卿孫宋侍郎不欲仕曾有薦爲長沙尉上杭簿安慶路同知皆不就以妹妻故文丞相子陞

羅椅

羅椅字子遠號礪谷廬陵人累官朝請大夫主權貨務上書詆賈似道棄官去終身不仕元初尙存當時評詩

宋季忠義錄 卷十六

十八

四明叢書 約園刊本

者以爲宋南渡後自陳簡齋陸放翁而下當推礪谷今人鮮有舉其姓氏卽其集亦不傳可惜也

趙文

趙文字遺可號青山廬陵人仕南陵教諭出文丞相之門丞相起兵參其機事兵敗被俘至燕備經艱苦獲釋歸有詩文傳世弟宗疆年十九第咸淳十年進士未幾國亡流離閩嶠以終

張子惠

張子惠謝疊山門人疊山北去詩以送之有此去好悲

三寸舌再來不值一文錢之句期公必死也

邵定

邵定字中立廬陵人溫粹博雅通周易春秋宅邊植梅竹蘭桂蓮菊各十餘本深衣大帶婆娑其間自稱六鄰老人

熊與和

熊與和字天樂南昌人性介淡無妻不食肉通經史百氏之書布衣草履遊遊諸名山尤嗜彈琴草書

劉詵

宋季忠義錄 卷十六

十九

四明叢書 約園刊本

劉詵字桂翁吉安之廬陵人性穎悟幼失父知自樹立年十二作爲科場律賦論策之文蔚然有老成氣象宋之遺老鉅公一見卽以斯文之任期之旣冠重厚醇雅素以師道自居教學者有法聲譽日隆江南行御史臺屢以教官館職遺逸薦皆不報詵爲文根柢六經踐躒諸子百家融液今古而不露其蹕厲風發之狀四方求文者日至于門其所爲詩文曰桂隱集桂隱詵所號也至正十年卒年八十三

龍仁夫 劉岳申

龍仁夫字觀復劉岳申字高仲皆吉安人其文學與劉
誥齊名有集行世而仁夫之文尤奇逸流麗所著周易
多發前儒之所未發岳申由薦者為遼陽儒學副提舉
仁夫江泐儒學副提舉皆不就

楊應登

楊應登字幼年臨江人寬厚長者有德行言詞七試國
子不第退就耕牧老於南塘孫雯

劉麟瑞

劉麟瑞號如村南豐人國亡不仕詠死節五十一人各

宋季忠義錄 卷十六

二十四明叢書

約園刊本

系以事實題曰昭忠逸詠

劉清叟

劉清叟號立雪江西人累舉不第生平刻意為詩歐陽
巽齋鄧中齋為序其前集行世喪亂之後與遺老羅澗
谷劉書臺諸公切磋砥礪益造精到

孫璉

孫璉字器之大庾人家貧益嗜書不應選舉躬耕織履
以食終百歲

宋季忠義錄卷十六

宋季忠義錄附錄

四明萬斯同季野輯 男世標子建校

附錄

宋元通鑑

宋末帝祥興二年 元世祖至元十六年 冬十月文天祥至燕初厓

山之破張弘範等置酒大會謂天祥曰國亡丞相忠孝
盡矣能改心以事宋者事今將不失為宰相也天祥泫
然出涕曰國亡不能救為人臣者死有餘罪況敢避其
死而二其心乎弘範義之遣使護送天祥赴燕道經吉

宋季忠義錄 附錄

二十四明叢書

約園刊本

州痛恨不食八日猶生乃復食至是至燕館人供張甚
盛天祥不寢處坐達旦遂移兵馬司設卒守之既而丞
相孛羅等召見於樞密院天祥入長揖欲使跪天祥曰
南之揖北之跪予南人行南禮可贊跪乎孛羅叱左右
曳之地或却項或扼其背天祥不屈仰首言曰天下事
有興有廢自古帝王以及將相滅亡誅戮何代無之天
祥今日忠於宋氏以至於此願求早死孛羅曰汝謂有
興有廢且問盤古帝王至今日幾帝幾王一為我言
之天祥曰一部十七史從何處說起吾今日非應博學

宏詞科何暇汎論李羅曰汝不肯說廢興事且道自古以來有以宗廟土地與人而復逃者乎天祥曰奉國與人是賣國之臣也賣國者有所利而爲之必不去去者必非賣者也予前授宰相不拜奉使軍前尋被拘執已而有賊臣獻國國亡當死所以不死者以度宗二子在浙東老母在廣故耳李羅曰棄德祐嗣君而立二王忠乎天祥曰當此之時社稷爲重君爲輕吾別立君爲宗廟社稷計也從懷愍而北者非忠從元帝爲忠從徽欽而北者非忠從高宗爲忠李羅語塞忽曰晉元帝宋高

宋季忠義錄 附錄

二四明叢書 約園刊本

宗皆有所受命二王不以正是篡也天祥曰景炎乃度宗長子德祐親兄尙可謂不正乎登極於德祐去位之後不可爲篡陳丞相以太皇命奉二王出宮不可謂無所受命李羅等皆無辭但以無受命爲解天祥曰天與之人歸之雖無傳受之命推戴擁立亦何不可李羅怒曰爾立二王竟成何功天祥曰立君以存宗社存一日則盡臣子一日之責何功之有曰既知其不可何必爲天祥曰父母有疾雖不可爲無不下藥之理盡吾心焉不可救則天命也今日天祥至此有死而已何必多言

李羅欲殺之而元主及大臣不可弘範病中亦表奏天祥忠於所事願釋勿殺乃囚之

鄭所南心史書文丞相事言公自序本末未有稱彼曰大國曰丞相又自稱天祥皆非公本語舊本皆直斥彼酋名然則今之本皆撰錄者自改

元史世祖本紀

至元十三年正月丁卯朔克潭州宋安撫使李芾盡室自焚死

癸未軍次臨平鎮甲申次高亭山宋主遣其保康軍承

宋季忠義錄 附錄

三四明叢書 約園刊本

宣使尹甫和州防禦使吉甫等齎傳國玉璽及降表詣軍前

乙酉師次臨安北十五里囊加帶洪模以總管殷俊來報宋陳宜中張世傑蘇劉義劉師勇等挾帖木兒赴闕令脫撥忽魯禿花崔斌並留復鄂州

五月乙未朔伯顏以宋主熈至上都制授開府儀同三司檢校大司徒瀛國公

壬寅宋三學生四十六人至京師

九月庚子命姚樞王磐選宋三學生之有實學者留京

師餘聽還家辛酉召宋宗臣鄂州教授趙與栗赴闕

十四年正月甲寅勅宋福王趙與芮家貲之在杭越者

有司輦至京師付其家

二月丙戌詔以僧亢吉益憐真加加瓦並為江南總攝

掌釋教除僧租賦禁擾寺宇者

五月癸卯勅江南歸附官三品以上遣質子一人入侍

十一月庚子命中書省檄諭中外江南既平宋宜曰亡

宋行在宜曰杭州

十五年正月戊申授宋福王趙與芮金紫光祿大夫檢

宋季忠義錄附錄

四四明叢書約園刊本

校大司農平原郡公

六月甲戌宋故官應入仕者付吏部錄用

十六年正月己酉朔甲戌張弘範將兵追宋二王至厓

山寨張世傑來拒戰敗之世傑遁去廣王昺偕其官屬

俱赴海死獲其金寶以獻

十九年十二月乙未中書省臣言平原郡公趙與芮瀛

國公趙彞翰林直學士趙與栗宜並居上都帝曰與芮

老矣當留大都餘如所言繼有旨給瀛國公衣糧發遣

之惟與栗勿行以中山薛保住上匿名書告變殺宋丞

相文天祥

二十一年九月丙申以江南總攝楊璉真加發宋陵寢

所收金銀寶器修天衣寺

二十二年正月庚辰毀宋郊天臺桑哥言楊璉真加云

會稽有泰寧寺宋毀之以建寧宗等攢宮錢唐有龍華

寺宋毀之以為南郊皆勝地也宜復為寺以為皇上東

宮祈壽時寧宗等攢宮已毀建寺勅毀郊天臺亦建寺

焉

二十三年正月壬午從桑哥言命楊璉真加遣宋宗戚

宋季忠義錄附錄

五五四明叢書約園刊本

謝儀孫全允堅趙沂趙太一入質

二十五年十月丙子瀛國公趙彞學佛法于土蕃

二十六年十二月辛巳紹興路總管府判官白絜矩言

宋趙氏族入散居江南百姓敬之不衰久而非便宜悉

徙京師桑哥以聞請擢絜矩為尙書省舍人從之

二十七年四月癸未江淮行省言近朝廷遣白絜矩來

與沙不丁議令發兼并戶偕宋宗族赴京人心必致動

搖江南之民方思增課料民括馬之苦宜俟他日行之

從之

二十八年十二月己巳宣政院臣言宋全太后瀛國公
母子已為僧尼有地三百六十頃乞如例免徵其租從
之

續資治通鑑綱目

宋端宗景炎元年八月元人以太皇太后謝氏北去

太皇以疾久留臨安至是元人自宮中舁其牀以出侍

衛七十人遂赴燕降封壽春郡夫人

末帝祥興元年七月元西僧楊璉真加發紹興諸陵

楊璉真加利宋殯宮金玉發諸陵在紹興者及大臣墓

宋季忠義錄附錄

六四明叢書

約園刊本

元至元二十一年十二月宋太皇太后謝氏卒于燕

元史世祖本紀

至元十五年六月處州張三八章焱李文龍等為亂行

省遣宣慰使謁只里率兵討之

十一月政和縣人黃華集鹽夫聯絡建寧括蒼及畚民

婦自稱詩夫人為亂詔調兵討之

十六年五月潭州行省上言瓊州宣慰馬旺已招降海

外四州尋有土寇黃威遠等四人為亂今已擒獲命真

之極刑

十七年十二月陳桂龍據漳州反唆都率兵討之桂龍
亡入畚洞

十八年正月邵武民高日新據龍樓寨為亂擒之賞唆

都戰功

閩八月阿塔海乞以戍三海口軍擊福建賊陳弔眼詔

以重勞不從

十月邵武叛人高日新降

十二月獲福州叛賊林天成就於市

十九年四月征蠻元帥完者都等平陳弔眼巢穴班師

宋季忠義錄附錄

七四明叢書

約園刊本

弔眼父文桂及兄弟桂龍滿安納款命護送京師其黨

吳滿張飛迎敵就誅之

二十年三月新會縣林桂芳趙良鈐等聚眾偽號羅平

國稱延康年號官軍擒之伏誅餘黨悉平

九月合刺帶等招降象山縣海賊尤宗祖等九千五百

九十二人海道以寧

十月建寧路總管黃華叛眾幾十萬號頭陀軍偽稱宋

祥興五年犯崇安浦城等縣圍建寧府詔卜隣吉帶史

弼等將兵二萬二千人討平之

二十一年二月邕州賓州民黃大成等叛梧州韶州衡州民相挺而起湖南宣慰使徹里蠻將兵討之 漳州盜起命江浙行省調兵進討

十一月江西行省參知政事也的迷失擒獲海盜黎德招降餘黨百三十三人即其地誅德以其弔活及偽招討吳興等檻送京師

二十二年正月西川趙和尚自稱宋福王子廣王以誑民民有信者真定民劉驢兒有二乳自以爲異謀不軌事覺並磔裂以徇

宋季忠義錄 附錄

八四明叢書 約園刊本

二月廣東宣慰使月的迷失討潮惠二州盜郭逢貴四十五寨皆平降民萬餘戶軍三千六百人六月月的迷失入覲以所俘渠帥至京師言山寨降者百五十餘所帝問戰而後降耶招之即降耶對曰其首拒敵者臣已磔之矣是皆招降者因言塔朮兵後未嘗撫治其民州縣復無至者故盜賊各據土地互相攻殺人民漸耗今宜擇良吏往治從之

二十三年九月婺州永康縣民陳巽四謀反伏誅

二十四年十一月獲福建賊首張治國其黨皆平

二十五年正月賀州賊七百餘人焚掠封州諸郡循州賊萬餘人掠梅州

三月循州賊萬餘人寇漳浦泉州賊二千人寇長泰汀贛畚賊千餘人寇龍溪皆討平之

四月廣東賊董賢舉等七人皆稱大老聚眾反剽掠吉贛瑞撫龍興南安雄韶汀諸郡連歲擊之不能平江西行樞密院及行省皆請益兵詔江淮兵分萬戶一軍詣江西俟賊平還翼

宋季忠義錄 附錄

九四明叢書 約園刊本

六月處州賊柳世英寇青田麗水等縣湖東道宣慰副使史耀討平之

十一月柳州民黃德清叛湖州民蔡猛等拒殺官軍並伏誅

十二月湖頭賊張治國掠泉州

二十六年正月賊鍾明亮寇贛州掠寧都據秀嶺詔發江淮省及鄰郡戍兵五千遷江西省參政管如德爲左丞使將兵往討 畚民丘大老集眾千人寇長泰縣福州達魯花赤脫歡同漳州路總管高傑討平之

正月詔江淮省臣怵兀帶與不魯迷失海牙及月的迷

失合兵進討羣盜之未平者二月王呂魯奏江南盜賊凡四百餘處宜遣將進討帝曰月的迷失屢以捷聞忭兀帶已往卿無以為慮

三月台州賊楊鎮龍聚眾寧海僭稱大興國寇東陽義烏浙東大震諸王益吉帶時謫婺州率兵討平之

五月賊鍾明亮率眾萬八千五百七十三人來降六月月的迷失請以明亮為循州知州宋士賢為梅州判官巨應祥等十八人為縣尹巡尉帝不允命明亮應祥並赴都

宋季忠義錄 附錄

十四 四明叢書 約園刊本

七月誅信州叛賊鮑惠日等三十三人

閏十月廣東賊鍾明亮復反以眾萬人寇梅州江羅等以八千人寇漳州又韶雄諸賊二十餘處皆舉兵應之聲勢張甚詔月的迷失復與福建江西省合兵討之諭月的迷失明亮既降朕令汝遣赴都汝玩常不發致有是變自今降賊其即遣之

婺州葉萬五以眾萬人寇武義縣殺千戶一人江淮省平章卜鄰吉帶將兵討之

十一月漳州賊陳機察等八千人寇龍巖執千戶張武

義與楓林賊合福建行省兵大破之機察及巨大老張順等以其黨降行省請斬之以警眾事下樞密院議范文虎曰賊固當誅然既降復殺之何以示信宜並遣赴闕從之

建寧賊黃華弟福結陸廣馬勝復謀亂事覺伏誅

二十七年二月江西賊鍾明亮等復降詔徙為首者至京師給其餘黨糧

江西賊華大老黃大老等掠樂昌諸郡行樞密院討平之

宋季忠義錄 附錄

十二 四明叢書 約園刊本

三月建昌賊巨元等稱大老集眾千餘人掠南豐諸縣建昌副萬戶擒斬之

楊震龍餘眾剽浙東總兵官討賊者多俘掠良民敕行御史臺分揀之凡為民者六百九十五人

太平縣賊葉大五集眾百餘人寇寧國官軍擒斬之五月江西行省管如德行院月的迷失合兵討反賊鍾

明亮明亮降詔縛致闕下如德等留不遣明亮復率眾寇贛州樞密院以二人違詔從賊詰責從之

績溪賊胡發饒必成伏誅

婺州永康東陽處州縉雲賊呂重二楊元六等反浙東
宣尉使史弼擒斬之

泉州南安賊陳七師反討平之

六月杭州賊唐珍等伏誅

七月建平賊王靜照伏誅

蕪湖賊徐汝安孫惟俊等伏誅

十二月仙游賊朱三十五集眾寇青山萬戶李綱討平

之 青田賊劉甲乙等集眾萬餘人寇溫州平陽

案宋社既移四方稱兵者蜂起大都宋之遺民不

宋季忠義錄附錄

十三四明叢書

忘故主忘欲噓既燼之灰非弄兵潢池者比也所

謂周之頑民非即商之義士乎乃元史概書之為

盜彼史臣之體故宜爾而諸人之心則不白於天

下萬世矣今悉採而錄之竊比於朱子綱目不書

樊崇楊玄感為盜之義云

叛逆諸臣

王旻 襄陽北軍將理宗端平二年二月焚城郭倉庫叛

李伯淵 同上

田世顯 成都守將淳祐元年十一月叛降

詹珍 閩州守將淳祐元年叛降

劉淵 順慶守將寶祐六年殺主帥段元鑑叛降

楊大淵 閩州守將寶祐六年十二月叛降

南永忠 隆慶守將寶祐中叛降

陳昱 沔州守將失事安置文州嘉熙元年叛降

劉整 潼川路安撫副使兼知瀘州咸淳二年六月叛降

呂文煥 文德弟知襄陽府咸淳九年二月叛降

黃順 總制守郢州新城咸淳十年十月叛降

翟貴 知復州咸淳十年十月叛降

宋季忠義錄附錄

十三四明叢書

王儀 知漢陽軍咸淳十年十二月叛降

張晏然 荆湖四川宣撫司參議官權守鄂州咸淳十年

程鵬飛 都統制守鄂州與晏然同降

王該 統制守鄂州與鵬飛同降

陳奕 沿江制置使兼知黃州咸淳十年十二月叛降

陳巖 奕子知安東州隨父叛降

管景模 知蘄州德祐元年正月叛降

呂師夔 文德子權刑部尚書都督府參贊軍事德祐元

錢真孫 直賈章聞知江州與師夔同降

曹明 知六安軍德祐元年正月叛降

葉闓 知南康軍德祐元年正月叛降

來興國 知德安府德祐元年正月叛降

范文虎 殿前副都指揮使知安慶府德祐元年正月叛降

萬道同 饒州通判德祐元年二月叛降

張林 都統制守池州德祐元年二月叛降

劉權 知無為軍德祐元年二月叛降

王喜 知和州德祐元年二月叛降

王應龍 知滁州德祐元年二月叛降

朱季忠義錄 附錄 十四 四明叢書 約園刊本

翁福 都統制守建康府德祐元年二月叛降

茅世榮 統制守建康與翁福同降

徐旺榮 都統制守建康府德祐元年二月叛降

曹旺 同上

孟之縉 知太平州德祐元年二月叛降

石祖忠 統制守鎮江德祐元年二月叛降

鮮汝忠 知達州德祐元年二月叛降

丁順 西海安撫德祐元年三月叛降

施居仁 知東海州德祐元年三月叛降

顏紹卿 知寧國府德祐元年三月叛降

王文虎 知滁州德祐元年三月叛降

令狐概 知廣德軍德祐元年三月叛降

潛說友 知平江府德祐元年三月叛降

呂文福 文煥第五郡鎮撫使德祐元年三月叛降

劉嗣武 知安東州德祐元年三月叛降

孟之紹 總制守岳州德祐元年三月叛降

高世傑 岳州安撫使德祐元年三月叛降

戴之太 安撫守常州德祐元年三月叛降

朱季忠義錄 附錄 十五 四明叢書 約園刊本

王虎臣 常州通判與之太同降

高達 保康軍節度使湖北制置副使德祐元年四月叛降

青陽夢炎 湖北提刑德祐元年四月叛降

李湜 湖北提刑同上

朱禛孫 荆湖四川安撫使兼知江陵府德祐元年四月叛降

劉懋 知荊門州德祐元年四月叛降

趙真 知峽州德祐元年四月叛降

毛浚 安撫守澧州德祐元年四月叛降

趙仔 知歸州德祐元年四月叛降

魯希文 總制守常德德祐元年四月叛降

周公明 權知常德府與希文同降

趙孟 安撫守鄂州德祐元年四月叛降

皆萬壽 成都安撫使德祐元年五月叛降

吳文興 知辰州德祐元年五月叛降

徐鼎 行均州事德祐元年五月叛降

傅安國 行隨州事德祐元年五月叛降

康玉 知靖州德祐元年五月叛降

文用圭 知沅州德祐元年五月叛降

宋季忠義錄 附錄

十六 四明叢書 約園刊本

祁安 都統制守某州德祐元年五月叛降

李鑑 知房州德祐元年五月叛降

梅應春 潼川安撫使知江安軍德祐元年六月叛降

郭漢傑 知敘州德祐元年六月叛降

王宗義 知富順監德祐元年六月叛降

朱煥 淮東制置副使知揚州德祐元年七月叛降

李世修 守江陰德祐元年十月叛降

劉孝忠 同上

劉榮 江西轉運判官德祐元年十一月叛降

施至道 撫州通判德祐元年十一月叛降

趙與可 安撫使守安吉州德祐元年十二月叛降

黃萬石 江西制置使德祐元年十二月叛降

王矩之 平江通判德祐元年十二月叛降

呂師孟 文德子兵部侍郎德祐元年十二月叛降

劉漢傑 知嘉興府德祐元年十二月叛降

王邦傑 都統制守平江德祐元年十二月叛降

吳定國 廣德州守將德祐元年十二月叛降

王與賢 知海鹽縣德祐二年正月叛降

宋季忠義錄 附錄

十七 四明叢書 約園刊本

劉英 總制守乍浦德祐二年正月叛降

胡全 守澉浦同上

沈世隆 馬步軍總管德祐二年正月叛降

吳繼明 潭州守將德祐二年正月叛降

劉怡 知婺州德祐元年正月叛降

方回 知建德軍德祐二年正月叛降

楊必大 知台州德祐二年正月叛降

梁椅 知處州德祐二年正月叛降

夏貴 樞密副使淮西制置使兼知廬州德祐二年正月叛降

孫長臣

泰州守將德祐二年七月叛降

王剛中

知福州景炎元年十一月叛降

凌彌堅

英德守將景炎元年十一月叛降

徐夢得

同上

黃積翁

福建招捕使兼知南劍州景炎元年十一月叛降

曹澄孫

興化通判與林華同降

蒲壽庚

福建招撫使兼市舶提舉景炎元年十二月據泉州反尋迎降

文壁

天祥弟知惠州景炎元年十二月叛降

林華

興化守將景炎元年十二月叛降

宋季忠義錄 附錄

大 四明叢書 約園刊本

馬成旺

知邕州景炎元年十二月叛降

李珏

折東制置使兼知處州景炎元年十二月叛降

劉興

知循州景炎元年十二月叛降

吳浚

江西招諭使景炎二年正月叛降

黃去疾

知汀州景炎二年正月叛降

錢榮之

知梅州景炎二年正月叛降

姚文龍

瑞州安撫使景炎二年二月叛降

趙安

都統守重慶景炎二年二月叛降

陳堯道

知南恩州景炎二年二月叛降

林叔虎

南恩州通判同上

印德傳

景炎二年三月與蒲壽庚同降

李公度

同上

郭績

建寧府通判景炎二年三月叛降

傅卓

景炎二年六月降

楊立

涪州安撫景炎二年六月降

劉自立

韶州守將景炎二年十月叛降

譚應斗

侍郎景炎二年十一月降

田子真

知泉州景炎二年十二月叛降

宋季忠義錄 附錄

十九 四明叢書 約園刊本

李象祖

知高州祥興元年六月降

翟國秀

守崖山祥興二年正月降

劉俊

守崖山同上

王立

合州安撫使祥興二年正月降

宋季忠義錄附錄

宋季忠義錄補錄目次

文丞相督府忠義傳表

繆朝宗 謝 杞 吳文炳 林 棟 曾 鳳

趙 璠 趙 漂 熊 桂 陳子全 王夢應

鍾 震 蕭 興 謝夢得 傅卓林 俞

林元甫 陳逢父 陳 槩

宋季忠義死事年月表

宋季忠義錄補錄 目次

四明叢書 約園刊本

宋季忠義錄補錄

鄧 張壽鏞詠覽編

文丞相督府忠義傳表

壽鏞既校訂萬氏宋季忠義錄復讀鄧氏督府忠義傳往往為萬書所未載而信國集杜詩詠所哀弔者自金應以下至家鉉翁凡三十人鄧傳又往往闕焉而願多載於萬錄竊欲補萬氏所略而未敢率爾蓋應補者固眾時年久遠書闕有聞補而濫又奚以對諸忠義哉聊本此意為文丞相督府忠義傳表以附萬書之後俾互證焉

宋季忠義錄補錄

四明叢書 約園刊本

趙 時 賞

鄧光薦傳督府忠義萬斯同宋季忠義錄卷五 文山集集杜詩第 一百一十九

鞏 信

鄧傳次第二 萬錄卷五 文山集集杜詩第 一百一十四

鄒 瀛

鄧傳次第三 萬錄卷五 文山集集杜詩第 一百二十七

張 汴

鄧傳次第四 萬錄卷五 文山集集杜詩第 一百一十五

陳 龍 復

鄧傳次第五 萬錄卷七 文山集集杜詩第 一百二十六

林 俞

鄧傳附陳龍復傳 萬氏未載今補

林 元 甫

鄧傳附陳龍復傳 萬氏未載今補

呂 武

鄧傳次第六 萬錄卷五 文山集集杜詩第 一百一十三

曾	顏	顏	鞠	劉	林	吳	謝	林	陳	陳	陳	杜	劉	蕭	劉	尹	繆	
鳳	起	斯	華	欽	棟	文	杞	琦	渠	逢	繼	許	沐	明	子	玉	朝	
鄧傳次第十八	鄧傳附劉欽傳	鄧傳附劉欽傳	鄧傳附劉欽傳	鄧傳次第十七與叔顏斯立顏起嚴附	鄧傳與吳文炳合林棟台傳	鄧傳次第十六與林棟台傳	鄧傳次第十五	鄧傳次第十四	鄧傳附陳繼周傳	鄧傳附陳繼周傳	鄧傳次第十三陳逢父陳渠附	鄧傳次第十二	鄧傳次第十一	鄧傳次第十	鄧傳次第九	鄧傳次第八	鄧傳次第七	
萬錄未載今補	萬錄卷七	萬錄卷七	萬錄卷七	萬錄卷七	萬錄未載今補	萬錄未載今補	萬錄未載今補	萬錄卷五	萬錄未載今補	萬錄未載今補	萬錄卷五	萬錄卷五	萬錄卷五	萬錄卷五	萬錄卷五	萬錄未載今補	萬錄未載今補	
文山集東杜詩第一百三十六				文山集東杜詩第一百八與吳文炳合	文山集東杜詩第一百八與吳文炳合	文山集東杜詩第一百八與吳文炳合	文山集東杜詩第一百八與吳文炳合	文山集東杜詩第一百八與吳文炳合				文山集東杜詩第一百二十四	文山集東杜詩第一百二十四	文山集東杜詩第一百二十四	文山集東杜詩第一百二十四	文山集東杜詩第一百二十四	文山集東杜詩第一百十六	文山集東杜詩第一百十六

羅	何	傅	謝	陳	王	陳	吳	熊	張	趙	趙	陳	蕭	蕭	彭	孫	張
開	時	卓	夢	莘	夢	子	希	桂	唐	漂	璠	子	燾	敬	震	桌	雲
鄧傳次第二十八	鄧傳次第二十七	鄧傳附陳莘傳	鄧傳附陳莘傳	鄧傳次第二十六謝夢得傳附	鄧傳與吳希夷陳子全合	鄧傳與吳希夷陳子全合	鄧傳次第二十五與陳子全王夢應合傳	鄧傳附趙璠傳	鄧傳附趙璠傳	鄧傳附趙璠傳	鄧傳次第二十四張唐熊桂附	鄧傳次第二十三	鄧傳與敬夫合	鄧傳次第二十二與燾夫合傳	鄧傳次第二十一	鄧傳次第二十	鄧傳次第十九
萬錄卷七	萬錄卷十	萬錄未載今補	萬錄未載今補	萬錄卷五作陳莘	萬錄未載今補	萬錄未載今補	萬錄卷七	萬錄未載今補	萬錄卷七作張鏗	萬錄未載今補	萬錄未載今補	萬錄卷十	萬錄卷五	萬錄附蕭燾夫傳	萬錄卷五	萬錄卷五	萬錄卷七

劉伯文 鄧傳次第二十九 萬錄卷七

李梓發 鄧傳次第三十 萬錄卷七

張哲齋 鄧傳次第三十一 萬錄卷八張和孫即哲齋

劉士昭 鄧傳次第三十二 萬錄卷五

王士敏 鄧傳附劉士昭傳 萬錄卷五附劉士昭傳

萬安僧 鄧傳附劉士昭傳 萬錄卷五附劉士昭傳

唐仁 鄧傳次第三十三 萬錄卷七附李梓發傳

鍾震 鄧傳次第三十四 萬錄未載今補

蕭興 鄧傳次第三十五 萬錄未載今補

宋季忠義錄補錄 四四明叢書 約園刊本

金應 鄧傳次三十六與蕭資合傳 萬錄卷十

蕭資 鄧傳與金應合傳 萬錄卷五

徐榛 鄧傳次三十七 萬錄卷十

右據鄧傳凡五十五人萬錄未載者十八人文山

集杜詩所見鄧傳未載者四人光薦而外許由李

幼節家鉉翁也萬錄未載之十七人則繆朝宗謝

杞吳文炳林棟曾鳳趙璠陳子全王夢應鍾震蕭

興也林俞林元甫陳逢父陳渠趙漂熊桂謝夢得

傅卓也今悉依鄧傳補之其已見萬錄者雖不備

不預焉

繆朝宗

繆朝宗淮人有意氣從丞相於平江及歸福安朝宗自
發聞道來歸精練幹實孜孜奉公空坑之敗自縊而死
官至環衛知梅州

謝杞

謝杞祕書郎太學名士督府幹辦架閣許由李幼節皆
閩士之秀俱登進士第以文采望一府空坑之敗莫知
所終

宋季忠義錄補錄 五四明叢書 約園刊本

吳文炳 林棟

吳文炳 文山集杜詩作文煥 林棟皆閩士有幹實俱為督府幹辦

帶架閣空坑之敗被執至隆興遇害樊錄判言文炳受

刑時吏卒摔辱之文炳笑而謂之曰我與爾亦各為其

主耳爾何辱我為至死不屈

曾鳳

曾鳳字朝陽廬陵人丞相嘗從鳳學自太學釋褐為衢
州教授累遷國子監丞隨行府之汀丁丑春添差梅州
通判以病卒於汀

趙璠 趙漂 熊桂

趙璠衡山人登甲戌進士第歲丁丑三月張虎起兵寶慶府環邵爭應之復邵之新化潭之安化益陽寧湘鄉潭諸縣湖南行省遣薩里蠻提兵屢至虎輒敗失馬動以百計五月朔璠與其叔父漂起兵湘鄉同督府以璠書達行朝授璠軍器監號召勤王於是朝奉郎張唐長沙人南軒張宣公諸孫也案萬錄張唐作張鐘前通判贛州熊桂湘潭人進士萬錄未見年七十餘劉斗元劉省魁皆起兵復潭之衡湘潭攸三縣明年同督府敗歸汀州人心大失

宋季忠義錄補錄

六四明叢書

約園刊本

望潭省兵陷所復諸縣攻焚下岳祠璠走不知所終執唐至行省參政崔斌欲降之唐罵曰紹興至今百五十年乃我祖魏公收拾撐拓者今日降而死何以見魏公於地下遂遇害桂為湘潭人所掩殺并屠其家

陳子全 王夢應

吳希夷陳子全王夢應皆攸縣士人亦自通於通督府與趙璠相應希夷大家世積善急義鄉里德之子全少剛猛殺人晚入佛學徒千數百人穎悟如高僧夢應甲戌進士調廬陵尉臨安陷希夷遣閒使通行朝連蜀帥

又遣區仲舉通桂師馬堅及都元帥益王府旬月閒遠近響應景炎即位事聞同督府承制各授官有差希夷志有餘而少斷子全聚眾數千善撫御為眾所懷七月二十一日復袁州萍鄉縣袁州總管聶松孫宣差來萬戶舉兵來爭夢應率數百人遇於明府嶺戰數合殺曹千戶大小頭目北兵敗走未幾北益兵再大戰北軍又遁殺來萬戶之子及頭目六人僵死蔽野餘兵奔袁州會傳示新兵敗督府師潰眾謂事未可圖遂退獨子全所部據險待命已而湘部諸縣再陷北軍日夜環而攻

宋季忠義錄補錄

七四明叢書

約園刊本

之子全胸中流矢死子就逮盡殺之妻屬死獄無遺類希夷復醴陵遇北軍眾寡不敵死之一門三十口無免者夢應竄歸收淮潭散遺舊兵善鬪捕者無敢近己卯春丞相已執厓山已亡乃率百餘人閒行入永新境依顏明叔後其眾疾復死散夢應母妻兒女皆歿惟一存

鍾震

鍾震桂東土豪也與茶陵賀尹二姓稟命同督府閒行至厓山未幾厓山潰敗被擄脫歸

蕭興

蕭興南雄州推鋒軍丙子秋趙潛方興等兵復廣摧鋒軍寨於韶州仁化縣小谷閒推興為主遣使閒受同督府文書號召寢盛丁丑劉自立守韶州乘閒襲擊興寨興等力戰不敵潰散不知所之

謝夢得 傅卓

陳莘字偉節居饒撫閒登乙丑進士第奉同督府命起兵結約弋陽謝夢得謀取信州北軍出捕莘敗走伏窰中不食死夢得死亂兵傅卓盱江人由進士第受同督

宋季忠義錄補錄

八四明叢書 約園刊本

府命為招諭起兵無成遇害

按宋史二王傳載卓事與此異應以鄧傳為準

林俞 林元甫

陳龍復泉州老儒也登丙辰進士第沈厚朴茂有前輩風流敷歷州縣以清勤著名丞相開府南劔舉辟多知名士如二山林俞林元甫皆卒汀州龍復以老成重一府聚兵積糧循梅行府趨潮陽北兵追龍復被執遇害年七十有二

陳逢父 陳桀

陳繼周字碩卿寧都人以貢士有軍功歷仕州縣者二

十八年家居贛郭中詔勤王丞相造門問計繼周具言

閩里豪傑子弟與凡起兵方略甚詳其子太學生逢父亦盡夜參預籌畫調度繼周雖弱不勝衣以年輩為鄉里所推服率贛義士以從至京丞相使北營有旨放散義兵繼周父子領眾歸則贛已失守繼周蟄兵於農盤辟草莽將以有為也會景炎登極以繼周知南安軍八月二十二日贛州總管楊子襲執繼周父子殺之事聞贈敷文閣待制諡忠節與諸子恩澤侯事平立廟本州次子桀從丞相攻江西死循潮閒其家人死亂兵惟繼

宋季忠義錄補錄

九四明叢書 約園刊本

周幼女廉渠之子英生在繼周兄子逢春投拜為萬戶入燕閒見丞相於千戶所丞相為書繼周遺事作行狀後數日而丞相遇害

論曰繆朝宗吳文炳林棟陳子全謝夢得傅卓皆死事者也其莫知所終者則有謝祕書杞趙軍監璠蕭摧鋒興祕書以空坑之敗莫知所終軍監與叔父漂起兵湘鄉同督府敗所復諸縣陷不知所終摧鋒與趙潛方興寨於仁化縣山谷閒劉自立守韶州乘閒隙擊力戰不敵潰散不知所之而桂東土豪有鍾震者與茶陵賀尹

二姓閒行至厓山厓山潰被擄脫歸廬陵曾鳳者丞相嘗從受學釋褐為教授累遷國子監丞隨行府之汀州以病卒攸士王夢應陳子全與吳希奭復萍鄉會永新新兵敗子全死趙漂熊桂起兵湘衡者也己卯春丞相已執厓山亡夢應乃閒行依顏明叔母妻兒女皆亡唯一身存林俞林元同則受陳龍復之薦卒於汀陳逢父陳渠則與父繼周同死嗚呼此十八君子者名與丞相同傳其義烈卓卓千古矣夫以初不責以必死者一旦激義憤首身離而不懲歷艱困而益奮彼豈有求而為

宋季忠義錄補錄

十四明叢書
約園刊本

哉當是時魏殺將相望風俯伏包羞事夷者未易一二數國運艱屯外侮內患交乘枋政據勢者弗能謀收拾拓撐則危亡可俟焉及其垂亡之際乃僅見區區士林之死難或并此而弗見焉嗚呼節義之種於人心又豈非天哉

宋季忠義死事年月表

起乙丑迄己卯凡十五年

宋季抗元不始於乙丑其乙丑以前死事者夥矣今欲與萬錄對勘取宋史度宗本紀補以文丞相紀年錄陳仲微二王本末並載其大事附於萬錄

之後皆犖犖大者其他散見於各傳或年月無可考者皆闕焉蓋述焉非作也

乙丑 宋度宗咸淳元年

五月故成都馬步軍總管張順沒於王事詔特贈官五其子與八官恩澤

八月元帥阿木帥軍至廬州及安慶諸路統制范勝統領張林正將高興副將孟興逆戰沒於陣詔勝等各官其一子進勇副尉

丙寅 咸淳二年

宋季忠義錄補錄

十二明叢書
約園刊本

丁卯 咸淳三年

戊辰 咸淳四年

己巳 咸淳五年

五月故夔路安撫徐忠武沒於王事乞優加贈恤詔致仕恩外特官其一子承節郎

庚午 咸淳六年

辛未 咸淳七年

壬申 咸淳八年

五月元兵久圍襄樊援兵阨關險不克進詔荆襄

將帥移駐新郢遣部轄張順張貴將死士三千
自上流夜半輕舟轉戰比明達襄城收軍閱視
失張順

癸酉 咸淳九年

正月樊城破范天順牛富死之

二月詔鄂州左水軍統制張順沒身戰陣贈寧遠
軍承宣使官其二子承信郎立廟京湖賜額曰

忠顯

四月詔襄襄城死節右領銜將軍范天順贈靜江

宋季忠義錄補錄

十二四明叢書
約園刊本

軍承宣使右武大夫馬司統制牛富贈金州觀
察使各官其二子承信郎賜土田金幣恤其家

六月詔加贈牛富寧遠軍承宣使仍賜土田金幣

恤其家

甲戌 咸淳十年

度宗七月崩明年一月為德祐元年

元兵渡江饒州破江萬里赴水死其弟萬頃子鎬

並死郴州守趙崇禎亦死之

據宋史江萬里傳補

元兵大舉伐朱賈似道兵潰蕪湖汪立信憤卒

據宋史汪立信傳補

史汪立信傳補

九月復州副將翟國榮遇元兵戰爛泥湖死之

十月元兵破渠州禮義城知州張資自殺

郢州副都統趙文義追戰全子湖死恤其家

贈翟國榮復州團練使官其二子立廟復州

元兵徇沙洋城京湖宣撫司遣王虎臣援之城

破虎臣與守隘官王大用皆被執

元兵至新城統制邊居義力戰城破赴火死

十一月贈趙文義清遠軍節度使與其兄威武節

度使文亮共立廟揚州賜名傳忠

宋季忠義錄補錄

十三四明叢書
約園刊本

十二月元兵攻陽邏堡武定軍統制王達戰死

元兵復攻陽邏堡都統制劉成以定海水軍戰

死

鄂州長守張晏然以城降幕僚張山翁不屈釋

之

贈王達清遠軍承宣使

乙亥 宋幼主德祐元年

正月元兵徇江州知壽昌軍胡夢麟寓治於江州

自殺元兵入安慶通判夏椅仰藥死

二月元兵入池州權守趙卯發自經死

贈劉成清遠軍承宣使

元兵徇饒州知州唐震死之

元兵至臨江軍知軍鮑廉死之

張世傑將兵入衛臨安道饒州復取之其將謝

元王海李旺袁恩呂再興皆戰死

江西提刑文天祥起兵勤王以文天祥為江西

安撫副使天祥使陳繼周發贛州豪傑皆應之

徵兩浙福建諸郡廂禁兵之半入衛

宋李忠義錄補錄

十四四明叢書
約園刊本

湖南提刑李芾以兵勤王

元兵攻嘉定九頂山都統侯興死之

加張世傑和州防禦使令將兵入衛

三月元兵至無錫縣知縣阮應得出戰一軍皆沒

應得赴水死

贈唐震華文閣待制

加張世傑保康軍承宣使總都督府諸軍

謝元等贈十官

贈邊居義利州觀察使

贈趙卯發華文閣待制

四月贈江萬里太師諡文忠輟視朝

元兵入廣德知縣王汝翼與寓居官趙時晦率

義兵戰斗山路分孟唐老與其二子皆死汝翼

被執至建康死之

王大用贈三官王虎臣贈兩官官其二子

元兵破沙市城都統孟紀死之監鎮司馬夢求

自經死

孟唐老贈三官總統張敏與元兵戰豐城死之

宋李忠義錄補錄

十五四明叢書
約園刊本

贈五官官其一子阮應得贈十官

贈張資眉州防禦使侯興復州團練使

知金壇縣李成大率義局官含山縣尉胡傳心

陽春主簿潘大同濠梁主簿潘大奇進士潘文

孫潘應奎攻金壇縣取之元兵來戰成大二子

及大同等皆死執成大以歸

元兵攻真州知州苗再成宗子趙孟錦率兵大

戰於老鸛嘴

加李庭芝參知政事

元兵至揚子橋揚州都撥發官雷大震出戰死

五月元兵至寧國縣知縣趙與穉出戰死

加苗再成濠州團練使趙孟錦揚州都統司計

議官劉師勇攻常州復取之

贈雷大震保康軍節度使

加劉師勇濠州團練使

贈潘大同等官

詔張世傑出兵

贈鮑廉直華文閣官其一子趙與穉直華文閣

宋季忠義錄補錄

十四四明叢書
約園刊本

六月以李庭芝知樞密院事兼參知政事

七月張世傑諸軍戰焦山下敗績

學國吏楊義忠率義兵出戰死贈武功大夫

張世傑乞濟師不報

加李芾湖南鎮撫大使

加張世傑神龍衛四廂都指揮使總都督府諸

兵

加劉師勇和州防禦使

以文天祥為浙西江東制置副使兼知平江府

李成大被執不屈死

命文天祥為都督府參贊官

元兵至泰州知州孫虎臣自殺

十月加張世傑沿江招討使劉師勇福州觀察使

總統出戍兵

以張世傑為沿江制置副使兼知江陰軍兼浙

西策應使

贈夏椅直祕閣

元兵發建康參政阿刺罕四萬戶總管奧魯赤

宋季忠義錄補錄

十七四四明叢書
約園刊本

將石軍出四安鎮趨獨松關參政董文炳范文

虎將左軍出江入江陰軍丞相伯顏將中軍入

常州文天祥將尹玉麻士龍援常州士龍戰虞

橋死尹玉戰五牧死

十一月銅關將貝寶胡巖起攻溧水死贈寶武翼

郎巖起朝奉郎

贈尹玉濠州團練使麻士龍高州刺史

元兵破廣德軍破四安鎮正將胡明等死之

召文天祥入衛

元兵破興化縣知縣胡拱辰自殺

元兵至常州招降不聽攻二日破之屠其城知

州姚訔通判陳昭都統王安節皆死

劉師勇潰圍奔平江

獨松關告急趣文天祥入衛

調民兵出守餘杭錢塘獨松關破馮驥死之

元兵趣撫州都統密佑逆戰于璧邪兵敗死之

以張世傑為浙西制置副使兼知平江府

贈王汝翼朝奉郎

宋季忠義錄補錄

十四明叢書
約園刊本

贈姚訔龍圖閣待制其父希得贈太師陳炤直

寶章閣馮驥集英殿修撰

起方逢辰成淳安縣

遣宗正少卿陸秀夫等使軍前

丙子 德祐二年

正月元兵圍潭州湖南安撫兼知州李芾拒守三

月大小戰數十合力盡將破芾闔門死郡人知

衡州尹穀亦舉家自焚帥司參議楊霆及幕屬

陳億孫顏應焱等從芾死

寶慶降通判曾如驥死之

文天祥知臨安府

元兵入安吉州知州趙良淳自經死

升封吉王昞為益王判福州福建安撫大使信

王昺為廣王判泉州兼判南外宗正事

元兵至皋亭山遣監察御史楊應奎上傳國璽

張世傑蘇劉義劉師勇各以所部去明年至溫

州

以文天祥為右丞相兼樞密使都督

宋季忠義錄補錄

十九明叢書
約園刊本

命文天祥使元軍

二月元軍軍錢塘江

五月吉王昞立於福州改景炎元年

景炎元年

召文天祥以觀文殿學士侍講赴行在據文山紀年錄補

封信王昺為衛王

以李庭芝為右丞相張世傑為樞密副使陸秀夫

為僉書樞密院事

文天祥自鎮江亡歸以為右丞相兼知樞密院事

杜許如溫州募兵

摧鋒軍將黃俊等拒降為眾所殺

六月以謝枋得為江東制置使朱浚為江西招諭

使據陳仲微廣王本末補

命文天祥為同都督

七月文天祥開督府於南劍廣王本末

八月秀王與翠圍婺州

張世傑遣兵助吳浚與元帥李恆戰兜零兵敗

奔寧都

宋季忠義錄補錄

二十四明叢書 約園刊本

九月衢州守將魏福興出戰福星橋死

十月文天祥入汀州按紀年錄作十一月

趙潛遣曾逢龍就熊飛禦元軍于南雄逢龍戰

死熊飛奔韶州元軍圍韶州守將劉自立以城

降飛率兵巷戰兵敗赴水死

十一月元兵至處州秀王與翠逆戰于瑞安觀察

使李世達死之與翠及其弟與慮子孟備監軍

趙由瑯察訪使林溫被執皆死

元兵殺諸宗室及士大夫與淮兵之在泉者

帝昞移潮州

十二月知興化軍陳文龍嬰城不下被執不屈死

丁丑 景炎二年

正月文天祥走漳州紀年錄云移屯漳州龍巖縣

三月文天祥取梅州

陳文龍從子瓚舉兵殺守將林華據興化軍

四月文天祥取興國縣

五月張世傑將兵取潮州

文天祥提兵自梅州出江西入會昌縣淮民張

宋季忠義錄補錄

二十四明叢書 約園刊本

德興亦起兵殺太湖縣丞王德顛據司空山攻

下黃州壽昌軍

六月文天祥取粵都入興國縣紀年錄云戰粵都大捷

七月遣兵取吉贛諸縣圍贛州衡山人趙璠撫州

人何時皆起兵應之

督謀張汴監軍率趙時賞趙孟深盛兵薄贛城

招諭鄒瀛率贛諸縣兵攻太和據紀年錄補

張世傑圍泉州淮兵在福州者欲殺王積翁以

應世傑皆為積翁所戮

八月文天祥諸將兵皆敗乃引兵即鄒淵於永豐

淵兵亦潰

元兵追及於東固方石嶺下都統鞏信接戰信等傷據紀年錄補

文天祥兵敗於興國元兵破司空山

文天祥至空坑兵盡潰妻歐陽氏一子二女皆失據紀年錄補

通判趙時賞自認姓文脫天祥旋死之據紀年錄補

九月張世傑歸淺灣元兵入大庾嶺復取邵武入

宋李忠義錄補錄

三十四明叢書 約園刊本

福州

十月文天祥入汀州據紀年錄補蓋空坑敗後再入汀州也

元兵破興化軍陳瓚死之

十一月文天祥至循州屯南嶺據紀年錄補

元兵攻淺灣帝昞走秀山

十二月帝昞至井澳颶風壞舟幾溺死遂成疾

元兵追至七州洋執俞如珪

戊寅 景炎三年

正月元軍夷廣州城

張世傑遣兵攻雷州不克元軍克涪州執守將

王明

二月元兵破湖州馬發死之

三月文天祥取惠州

廣州都統凌震轉運判官王道夫取廣州帝昞

欲往居占城不果遂駐碭州

四月帝昞殂於碭州號曰端宗立衛王昺為主以

陸秀夫為左丞相

五月改元祥興

宋李忠義錄補錄

三十四明叢書 約園刊本

六月張應科再戰雷州遂死之

八月授文天祥少保信國公

帝昞徙居厓山

十二月文天祥走海豐為元兵追及於五坡嶺被

執不屈越四年壬午十二月死之

元軍破南安縣守將李梓發死之

己卯 祥興元年

正月元兵至厓山張世傑以舟師碇海中

二月張世傑以淮兵死戰諸軍潰世傑乃與蘇劉

義斷維以十餘舟奪港去陸秀夫走帝昺舟乃
負帝昺投海中死之後宮及諸臣多從死浮尸
出於海十餘萬人張世傑亦自溺死之宋遂亡

宋季忠義錄補錄

三四四明叢書
約園刊本

宋季忠義錄補錄


皇明四朝成

仁錄

邑後學葉恭

綽題





屈翁山先生皇明四朝成仁錄序

余髫年侍先大父南雪公科礪字畫見邑先輩屈翁山先生畫像余笑謂此必廣東人目其額高眼深粵族特徵也南雪公謂小子何知此原先生不但文學為粵中三百年之傑且大節炳然宜仰止景行余稍長讀史籍益明先生志節即有志蒐采先生遺著後過先生族人桂庭永秋謂沙亭祖祠曾有書數箴相傳戒勿開視光緒中為族人某取去今不知所在余張歎者久之鄉人鄧秋故黃海聞單以文字鼓吹革命多闡述明末節義行實極推重先生所作四朝成仁錄余益嚮往此書而迄未得見民國二十七年余避

廣東叢書

寇香港與諸同志研究鄉邦文化以發揚民族精神通徐信符藏書運港中有此書鈔本余始得讀之然僅三冊而已柳亞子南下欲取以校訂成編以參考本太少中輟德香港淪陷余被監押至滬聞翁山族人沛霖曾得秋故所藏鈔本以屬郭君慶時校訂余因取閱郭君用力至勤然因在亂中之參考之資未能遂成完璧且聞此書之稿海內尚有數本亟宜匯集彙參遂多方訪求計先後已得吳縣葉潤生送贈寫本十四卷吳縣張祥鵬兩期重編本十五卷番禺郭伯堅慶時重編本十二卷番禺徐信符傳鈔本三冊新陽陳鳳藻刊本一冊歷史語言研究所

鈔本二冊南京國學圖書館鈔本三冊計七種比較之下當以道光中葉潤生送贈本為最善以其來源較富且潤生本續學之士編校固不苟也因據葉本與各本互校初意欲將郭君所致力者悉數采入以表其勤嗣以郭校體例不止校勘字句而且校訂事實此其工作須深之晚明史學專家方欲完善如僅略加

料注必致轉形疏漏且郭本所無各篇是正志依郭例尤難解決故致力數月轉覺廢然余幽困中形神交瘁遂亦致病但工作迄未中斷以若稿本陸續訪求不易不忍闕置也家人屢勸余報業余迄不聽每醫主注射藥液後輒復執筆自是遂患頭眩心悸

廣東叢書

至三十四年二月體益不支始行中止其時故舊人代庖定不能得僅運翁君孫君略為整理而已日寇降伏陳君與素自點未相見將執教浙江大學余因以彙編之事屬之陳君汝然同意並決定注重于編次篇目校正字句至于事實之校訂僅限于三數大端餘皆送略以冀易于觀成陳君受事未一年諸役告畢于是成仁錄可得一較整齊之稿本適廣東叢書第二集將次編印因此書編入俾三百年鄉賢著作得以出供眾覽當亦屈氏後裔與鄉邦耆碩海內文壇所同深欣快者也所惜者陸存齋一本歸于日本靜嘉堂者今在海東高橋中吾國勝利以

遂仍不得一窺其蘊其較他本所獨有之三數篇頗
俟他日再行補入恭綽無似積羣力成此以比于推輪
藍縷亦衰病中所自慙之一事謹疏其緣起經過
以為之序至依鄧君宗旨體例為事實之考訂此
則另為一事近日研究晚明史實者日多如能根據
此書兼考公私記載以補清脩明史之錯漏則誠區
所渴望蓋此乃今日歷史學者之所應有非止闡
揚鄉賢遺著而已度屢先生族人亦深以為然也
民國三十六年九月邑後學葉恭綽謹序



廣東叢書

皇明四朝成仁錄校訂例言

一是書乃就所見各稿本匯參而成其皇明四朝成仁
錄之名曾見卷四西寧死事傳論中故從之

二是書似原為未定之稿且為清廷所禁故並無刊定
之本而流傳諸本書名篇名卷數篇數以至字句均
有異同茲就所見各本比較參稽加以寫定不敢云
無錯漏意在成書留播免遭湮沒而已

三校錄是書之工作初意本在考訂葉施嗣以其事浩
繁深慮汗青無日故又轉為祇從事篇目之次第與
字句之訂補然參考所及如時地官稱姓名有顯見
其疑誤者亦間為注出以資互證至於一切事實之

皇明四朝成仁錄

例言

一 廣東叢書

考核則留待他日

四是書之稿本先後所得計七種(一)吳縣葉調笙 廷珩

寫本名皇明四朝成仁錄凡十四卷所據稱曾見舊
鈔本外尚有所謂崑本肇本者惜內容年代均不能

悉然就所見諸本言此為根據最富且較早之本(卷
中簡稱葉本)(二)吳縣張叔鵬 炳翔 寫本亦名皇明四

朝成仁錄乃根據葉本參以他書改編較葉本略有
分合(卷中簡稱張本)(三)番禺鄒伯堅 慶時 校本先是

翁山之裔 白邦 得風雨樓舊藏皇明四朝成仁錄鈔
本四冊不分卷無序例無篇目且多脫誤因屬鄒君

校勘時廣州淪陷無他本可資對校僅能以他書參

證且有所敘述因編為十二卷(卷中簡稱鄭本)(四)番
 昂徐信符紹祭傳鈔本名皇明四朝成仁錄補篇每
 朝一卷凡四卷四十七篇然以之與諸本比對却未
 有足補諸本之闕者但似亦為一較早之傳本其中
 字句仍足為校勘之助(卷中簡稱徐本)(五)新陽陳鳳
 藻刊本名明季南都殉難記凡一冊不分卷光緒三
 十三年所印屬國學叢書第四種由均益圖書公司
 印行目錄之後有陳氏按語云先生原書目錄尚有
 杭州死節傳建興死事傳海寧起義傳海寧死事傳
 海興死事傳五篇惜皆亡失云云其中海寧死事一
 傳諸本均闕惜陳氏未說明其所據者為何本末由

追溯(卷中簡稱陳本)(六)中央研究院歷史語言研究

所藏鈔本名明臣盡節錄凡二冊不分卷有可以補

諸本之闕者四篇為河南知縣死事傳新城死事王

與胤傳無錫死事傳各省州縣死事傳(卷中簡稱史

研本)(七)南京國學圖書館寫本名四朝成仁錄三冊

不分卷原為錢塘丁丙氏所藏原序文曰嗚呼明季

之事不忍傳實不忍不傳所當詳實不當盡諱者也

聖朝寬大國史褒忠近復徵臣錫以通謚士民許以

祠祭匪曰仇之直其與之若遺聞紀略等書上諸藉

軒必收歲闕亦何嫌何疑而今當時忠臣烈士湮沒

不傳耶余於戊寅夏得徐司寇家藏屈大均成仁錄

一書翁山以目所親歷而又採實事以輯之可謂詳
 密者矣然尚有缺者不無遺憾因不自揣搜羅散佚
 積之數載彙為一帙發烈士之孤忠彰聖朝之盛德
 求仁得仁知無怨矣閱是書者謂余狂言也可大均
 撰此文語其滑稽蓋文中明言補翁山之缺而末又
 署大均撰三字予官已極且全書所紀四十八人除
 王璣外餘皆見於明史而其文亦幾與明史全同似
 即鈔自明史者又凡清兵皆稱大清兵可決非翁山
 所作故不克採用除此七種外日本靜嘉堂文庫漢
 籍分類目錄亦著錄是書凡十六冊不分卷原屬十
 萬卷樓舊藏抗戰軍興以迄勝利至今未獲見其本

謝國楨晚明史籍考卷二則具載其篇目然其文則

莫由取校(卷中簡稱靜嘉本)以上各本其來歷均難

上溯然葉本似最有淵源且較完備故此即以葉

本為底本而以其他各本拾遺補闕並間參他書訂

其脫誤期不失原書之真相

五原書分崇禎弘光隆武永曆四朝其各篇之次序應

依年月排列然諸本頗不一致今斟酌內容重為編

配大抵年月不詳者則列於每朝之末月分不詳者

則列於是年之末兼跨數年者以篇中成仁最早者

之年月為準兼跨數朝者列於全書之末如生員死

義傳雜流死義傳原文以類相從合而為一成仁年

月互於四朝故歸入書末又翁山此書所紀限於四朝僅諸武臣死事傳中之童仲揆一人殉於天啓原屬例外故仍以畿輔死事傳居首

六各本鈔寫時代不一其字句間有循俗誤鈔者如避清代廟諱玄作玄或作元胤作胤或作允或作裔弘作弘或作洪寧作甯淳作淳之類有無知妄改者翁山避明諱松作嵩常作嘗洛作雒由作絲校作較校作簡之類常被竄易又有傳寫訛脫者今以各本互勘加以改正

七是書之校訂前後凡閱五年其直接間接於此事有貢獻者如徐信符柳亞子陸丹林屈沛霖徐森玉柳

皇明四朝成仁錄

例言

四 廣東叢書

翼謀簡又文黃雨亭袁守和王佩諱翁子光孫伯亮陳樂素諸先生洪美英女士均多所致力而綜貫全書尤深得陳樂素先生之助合並附志

皇明四朝成仁錄目錄

卷一 崇禎朝 起二年迄七年

畿輔死事傳 此傳原闕據鄭本補

各省州縣死事傳 此傳原闕據

諸武臣死事傳 此傳並見張本及靜嘉

大凌河城死事傳 本及徐本惟徐本左弘光

城無

登萊死事傳 此傳並見張本本靜嘉

在外死節傳 此傳並見張本本在隆武朝

旅順死事傳 此傳並見張本本在隆武朝

當陽死事傳 此傳並見張本

皇明四朝成仁錄

目錄

一 廣東叢書

大寧死事傳 此傳並見張本

卷二 崇禎朝 起八年正月十二日迄十四年二月

穎州死事傳 此傳並見張本本在隆武朝

鳳陽死事傳 此傳並見張本本在隆武朝

和州死事傳 此傳並見張本本在隆武朝

定興死事傳 此傳並見張本

應城死事傳 此傳並見張本

隨州死事傳 此傳並見張本

寧羌死事傳 此傳並見張本

濟南死事傳 此傳並見張本本在隆武朝

河南知縣死事傳 此傳並見張本本在隆武朝

傳事

永安死事傳 此傳並見張本 弘光朝

錦州死事傳 此傳並見張本 弘光朝

仁壽死事傳 此傳並見張本 弘光朝

河南死節大臣傳 此傳並見張本 弘光朝 惟徐本在弘光朝無大臣

字二

開縣綿州死事傳 此傳並見張本 弘光朝

汝州死事傳 此傳並見張本 弘光朝

襄陽死事傳 此傳並見張本 弘光朝

商城死事傳 此傳並見張本 弘光朝

卷三 崇禎朝 起十四年三月迄十六年九月

皇明四朝成仁錄

目錄

二 廣東叢書

沔陽死事傳 此傳並見張本 弘光朝

葉縣死事傳 此傳並見張本 弘光朝

襄城死事傳 此傳並見張本 弘光朝

南陽死事傳 此傳並見張本 弘光朝

通許死事傳 此傳並見張本 弘光朝

登封死事傳 此傳並見張本 弘光朝

新鄭死事傳 此傳並見張本 弘光朝

舒城死事傳 此傳並見張本 弘光朝

臨澧死事傳 此傳並見張本 弘光朝

歸德死事傳 此傳並見張本 弘光朝

貴州死事傳 此傳並見張本 弘光朝

汝寧死事傳 此傳並見張本 弘光朝

河間死事傳 此傳並見張本 弘光朝

承天死事傳 此傳並見張本 弘光朝

萊陽死節傳 此傳並見張本 弘光朝

武昌死難死事傳 此傳並見張本 弘光朝

長沙死事傳 此傳並見張本 弘光朝

永州死事傳 此傳並見張本 弘光朝

道州死事傳 此傳並見張本 弘光朝

渭南死事傳 此傳並見張本 弘光朝

韶州死事傳 此傳並見張本 弘光朝

秦宗人死節者傳 此傳並見張本 弘光朝

寶雞死事傳 此傳並見張本 弘光朝

藍屋死節傳 此傳並見張本 弘光朝

延綏鎮死事諸文武臣傳 此傳並見張本 弘光朝

死事傳 此傳並見張本 弘光朝

皇明四朝成仁錄

目錄

三 廣東叢書

永城死事傳 此傳並見張本 弘光朝

卷四 崇禎朝 起十六年十月七日迄十七年二月

武朝

武朝

武朝

武朝

武朝

武朝

武朝

武朝

武朝

武朝

武朝

武朝

三原涇陽死節二臣傳此傳並見張本靜嘉本惟靜嘉本分

為三原死節傳及涇陽死節傳

慶陽死事傳此傳並見張本靜嘉本

西寧死事傳此傳並見張本靜嘉本本傳並見張本徐本本傳並見張本靜嘉本

太原死事諸臣傳此傳並見張本靜嘉本本傳並見張本無諸臣二字

寧武死事武臣傳此傳並見張本靜嘉本本傳並見張本無武臣二字

晉宗人死節者傳此傳並見張本靜嘉本本傳並見張本無者字

卷五 崇禎朝 起十七年三月十一日迄十月

大同宣府死事二巡撫傳此傳並見張本靜嘉本本傳並見張本惟靜嘉本

本分為大同死事傳及宣府二巡撫死事傳

新城死事王與胤傳此傳原闕據史研本補

皇明四朝成仁錄 目錄

四 廣東叢書

北都死難諸臣傳此傳原闕據補徐本亦有之

保定死事二臣傳此傳並見張本靜嘉本本傳並見張本無二臣字

二

山陰死節傳此傳並見張本靜嘉本本傳並見張本惟靜嘉本

難澤死事傳此傳並見張本靜嘉本本傳並見張本惟靜嘉本

鄞縣死事傳此傳並見張本靜嘉本本傳並見張本惟靜嘉本

文待考

重慶死事傳此傳並見張本靜嘉本

成都死事傳此傳並見張本靜嘉本

流陽死事傳此傳並見張本靜嘉本本傳並見張本惟靜嘉本

武城死事傳此傳並見張本靜嘉本本傳並見張本惟靜嘉本

嶧陽死事傳此傳並見張本靜嘉本本傳並見張本惟靜嘉本

南皮死事傳此傳並見張本靜嘉本

汾陽死事傳此傳並見張本靜嘉本

南寧縣死事傳此傳並見張本靜嘉本本傳並見張本惟靜嘉本

卷六 弘光朝 起元年二月迄五月

歸德死節諸臣傳此傳並見張本靜嘉本本傳並見張本惟靜嘉本

嘉本無臣字

揚州死事傳此傳並見張本靜嘉本

二鎮死事傳此傳並見張本靜嘉本

南都死節諸臣傳此傳並見張本靜嘉本本傳並見張本惟靜嘉本

節作殉難

皇明四朝成仁錄 目錄

五 廣東叢書

廣德死事傳此傳並見張本靜嘉本

嘗州死節諸臣傳此傳並見張本靜嘉本本傳並見張本惟靜嘉本

傳

江陰起義諸臣傳此傳並見張本靜嘉本本傳並見張本惟靜嘉本

傳

吳江起義傳此傳並見張本靜嘉本本傳並見張本惟靜嘉本

嵩江起義傳此傳並見張本靜嘉本本傳並見張本惟靜嘉本

卷七 弘光朝 起元年六月迄監國丁亥

杭州死節傳此傳並見張本靜嘉本

臨安死事傳此傳並見張本靜嘉本本傳並見張本惟靜嘉本

使臣死事傳 此傳並見張本

嘉興起義諸臣傳 此傳並見張本

蘇州死事死節傳 此傳並見張本

望江死事傳 此傳並見張本

嘉定死義傳 此傳並見張本

崑山死義傳 此傳並見張本

萬安死事傳 此傳並見張本

宣城起義傳 此傳並見張本

江西二督撫死事傳 此傳並見張本

後重慶死事傳 此傳並見張本

耀州死義傳 此傳並見張本

皇明四朝成仁錄 目錄

六 廣東叢書

太湖死事傳 此傳並見張本

卷八 隆武朝

撫州前後起義傳 此傳並見張本

本無前後二字

徽州起義傳 此傳並見張本

死事

貴池死事傳 此傳並見張本

德興海口死事傳 此傳並見張本

事傳及海口死事傳

廣東州縣起義傳 此傳並見張本

新城死事傳 此傳並見張本

紹興死事諸臣傳 此傳並見張本

本均無諸臣二字

卷九 隆武朝

海寧起義傳 此傳並見張本

朝

寧波起義傳 此傳並見張本

金華死事傳 此傳並見張本

朝

衢州死事死節傳 此傳並見張本

靜嘉本在

浦城死事傳 此傳並見張本

皇明四朝成仁錄 目錄

七 廣東叢書

天興死節傳 此傳並見張本

泉州死節傳 此傳並見張本

傳

寧德死事傳 此傳並見張本

贛州死事傳 此傳並見張本

興國死節傳 此傳並見張本

福州死事傳 此傳並見張本

前廣州死難諸臣傳 此傳並見張本

督師死事傳 此傳並見張本

卷十 永曆朝

順德起義臣傳 此傳並見張本

東莞起義大臣傳此傳並見張本鄒本靜嘉本惟靜嘉本無大字

南海起義大臣傳此傳並見張本

定安死事傳此傳並見張本鄒本靜嘉本

封川死事傳此傳並見張本鄒本靜嘉本

武岡死事傳此傳並見張本鄒本靜嘉本惟靜嘉本傳作錄

永昌死事傳此傳並見張本鄒本靜嘉本

無錫死事傳此傳原闕據史研本補

卷十一 永曆朝起三年春迄七年

反正諸勳死事傳此傳並見張本鄒本靜嘉本

後廣州死事諸臣傳此傳並見張本鄒本惟鄒本無諸臣二字

南寧死事諸臣傳此傳並見張本

皇明四朝成仁錄

目錄

八 廣東叢書

死孫逆之難諸臣傳此傳並見張本鄒本靜嘉本

慶遠死事傳此傳並見張本鄒本靜嘉本惟靜嘉本在崇禎朝

廣東死事四侯傳此傳並見張本鄒本靜嘉本

靖州死事傳此傳並見張本鄒本靜嘉本惟靜嘉本與沅州合為一傳

沅州死事傳此傳並見張本鄒本

卷十二 永曆朝起十二年迄十六年

廣東死事三將軍傳此傳並見張本鄒本靜嘉本

異姓親王死事傳此傳並見張本鄒本靜嘉本

後貴州死事傳此傳並見張本鄒本

生員死義傳此傳並見張本鄒本靜嘉本

雜流死義傳此傳並見張本

皇明四朝成仁錄卷一

屈大均原著

葉恭綽校訂

幾輔死事傳此傳據鄭本補

幾輔死事曰王元雅曰朱國棟棟明史本傳作彥曰趙率教曰

滿桂曰申甫曰鄭朝鉉曰孫祖壽曰劉之綸曰劉興祚

曰鄭國昌曰張鳳奇曰何天球

王元雅字口口按韓所藏明朝進士履歷冊作字浦鶴太原衛人萬曆三十

二年進士崇禎二年朝廷清汰邊餉薊鎮王應身突以清

餉五十萬上聞鎮原作撫據明史本傳改三屯營諸卒脫巾下烽臺幾

亂上以檻車徵應身廷推元雅代之元雅至軍中仍主清

皇明四朝成仁錄 卷一 廣東叢書

汰往穆廟時大將軍戚繼光置薊鎮墩臺樓櫓哨探守禦

諸法甚善至是盡變之敵遂以十月廿七日擁三十六家

首入大安口守兵逃散將領多削髮降敵使偏師說潘家

口馬蘭峪三屯營關四城皆下之三屯營鎮帥朱國棟死

之鎮帥明史本傳作總兵先是督師袁崇煥有兩疏謂臣在軍遠敵

必不得越關而西薊門單弱宜宿重兵以防窺竊上下部

料着議至是四王子可汗貝勒果自大安口入遂薄遵化

山海總兵趙率教帥五千騎來援立兩營於遵化城南與

二副將戰而死越二日遵化攻急奸人呼南門曰敵上北

城矣大軍趨北城則敵遂登南城疑誤元雅自縊於敵樓

滿桂本勇種明史本傳作蒙古人推魯敢戰督師孫承宗

拔之使為中軍能守宣遠城捍敵者也天啟四年奉承宗

命與尤世祿襲大凌河尤原作侯據明史滿桂傳改斬獲數百遯去六

年二月經略高第奏報敵情詔擢袁崇煥參都御史桂與

趙率教總兵已而命崇煥巡撫遼東崇煥疏請以桂駐寧

遠率教駐前屯迭為聲援崇煥尋與桂不協奏列兩鎮參

差狀上命調桂別用以左輔代自是桂與崇煥積不平互

相爭辨桂嘗首主棄寧遠城崇煥叱之至是請以桂鎮守

山海駐關門兼管四路七年二月錦州被攻二月明史高第本紀及明

史本傳作五月率教擊却之七月復攻寧遠七月明史高第本紀作五月崇煥

檄桂等大戰敵敗走射死王子二人崇禎二年冬敵薄薊

州時桂以大同總兵與昌平總兵尤世威宣府總兵侯世

皇明四朝成仁錄 卷一 廣東叢書

祿各帥師次此下疑有缺文袁崇煥使世威還昌平以護陵寢使

世祿往三河以為薊門後應而以桂邊兵擁據京城據字疑誤

崇煥故不說此下疑有缺文又援兵所過抄掠無紀律道路訛為

袁兵語聞上不問時遵化已陷將薄都城詔起孫承宗以

原官改兼兵刑尚書駐通州控禦十一月望召見平臺奏

曰臣聞督師袁崇煥帥所部駐薊州昌平總兵尤世威駐

密雲大同總兵滿桂駐順義宣府總兵侯世祿駐三河三

邊將守三要地勢若排牆地密而層層接應此為得策今

聞世威還昌平世祿駐通州且聞各援兵俱還本鎮似未

合機宜上曰世祿原在三河以城小移通州就食對曰聖

諭誠然但事緩就食通州事急當仍守三河三河為東來

西南必經之路守三河則可以阻敵西奔兼可以遏敵南
下西奔則擾都城南下則蹂躪輔故臣以為當守三河上
是之崇煥以騎九千從間道馳至都下十一月十九日敵
營廣渠門外崇煥督戰自辰至申轉戰十餘里斬首千人
傷第六王子追至運河敵多溺死者敵移營南海子遊擊
祖澤潤橫衝敵陣匝日始還敵鋒銳頓挫桂與慶戰土城
間城守士卒突架巨礮擊打敵陣北其陣南依城者皆桂
軍盡死桂獨與數騎先士卒得不死二十七日敵轉攻左
安門崇煥揮兵奪攻具殲一頭目上特召崇煥慰勞有加
賜玉帶綵幣六束鎮總兵祖大壽王帶綵幣四餘大將各
緋蟒一襲戶部給各軍芻粟崇煥初兼程赴援步兵在後

皇明四朝成仁錄

卷一

三 廣東叢書

意步兵至始合戰時百官士庶在圍城內刻不自安亟思
一戰退敵而不知軍機方略咸謂督師怯懦甚者詎與敵
合而交訣滿帥十二月朔上再召崇煥問以殺毛文龍今
反逗留何也桂泣陳崇煥奸狀上怒下崇煥錦衣獄命太
監車天祚諭慰遼東將士命祖大壽盡忠撲勦以桂為武
經略總理援兵諸鎮聽節制出馬世龍於獄錫之金銳此
與祖大壽分理遼東兵明日大壽與中軍何可剛等
史本傳帥所部萬五千人東潰人言大壽且與敵合關寧
十萬眾反戈內向揭在漏刻又言大壽據關城則自此以
東數十城中斷將割以自王而師之潰也其勢如崩山決
河自通州南二十里趨張灣渡河孫承宗遣飛騎追三百

餘里弓矢反向僅及共尾大壽傳語曰事已至此當出口
策不口策穴歸來身待罪耳承宗密奏曰大壽危疑既甚
又不肯受滿桂節制兼一軍警駭有放礮洗營之說激而
東潰非諸將卒盡欲叛也當慰諭將領解散士卒大開生
路以收眾心遼將大半為馬世龍部曲臣已密調世龍至
往撫諭苟見世龍必有解甲而歸者則大壽可無慮也承
宗懼大壽之或與敵合也大書榜示軍前東敵久薄近郊
急調祖大壽兵往搗其巢逼絕歸路用以疑敵又密劄諭
大壽急上疏自列列字疑謀東身殺賊以報浩蕩之恩以贖督
師之罪大壽得帖子大哭諸將亦大哭乃具如承宗指還
指字疑謀則前軍已過永平矣上遂命承宗移鎮關門馬世龍

皇明四朝成仁錄

卷一

四 廣東叢書

既追及大壽於歡喜嶺軍騎入其營宣上詔諭撫諸將諸
將皆羅拜乃受詔斂兵以待承宗急遣世龍報命發步騎
一萬五千令督以入援世龍兵抵通州敵始拔壩上營歸
於遵化而京師戒嚴上憂甚令崇煥手書慰東鎮將士滿
桂戰歿遂命世龍總理關寧兵馬督各路援兵節制諸大
將以其有成勞於東也先是大壽東潰敵退營一舍出騎
追之已又發白鶴子軍掠畿南諸州縣踰日京營副將申
甫歿於盧溝橋南桂與孫祖壽麻登雲黑雲龍三帥方軍
於柳巷敵至悉開營出戰頗用礮擊死敵千餘察之皆我
降兵雜髮者桂戰永定門解崇永原作史據明史本傳改殺其大王子馬
世龍亦殺一牛采敵鋒少挫偽退十里我兵追之又偽退

十里至夜潛進兵劫孫祖壽營柱等始覺猝赴敵敵已深入火攻營兵大亂柱與祖壽皆戰死麻黑不知所往時十七日也錢謙益曰大壽既旋師越數日援兵大集兵部尚書申用懋分撥信隸各大帥分兵為六營以南面外羅城永定左安右安三門為中營駱案定原作安標滿柱主之隸以宣大兵萬餘廣寧東便兩門為左翼祖大壽主之隸以遼兵九千廣渠西便兩門為右翼馬世龍主之隸以京營兵八千東則朝陽東直兩門為東營黑雲龍主之隸以關寧兵二千西則阜成西直兩門為西營駱案成原作城孫祖壽主之隸以密雲兵二千聯絡佈置壁壘一新自是京師可固守矣滿柱者嘆惜宿將受命總理急欲一創

皇明四朝成仁錄

卷一

五 廣東叢書

強敵不奉師期故與敵戰歿而敵亦自是拔營而去云申甫雲南人任俠有口辯天啟初甫為浮屠往來河南山東間無所得入嵩山過一道人授以一卷書皆古兵法且言車戰甚具甫習之踰年出遊京師數以其術干諸侯王罕見聽信獨庶吉士劉之綸全聲知之崇禎二年十一月敵薄京師之綸聲遂言甫於朝上召至便殿奏對稱旨賜甫都司官不拜明日授甫京營副將聲以監察御史監甫軍兼押督糧運之綸夙善兵家言見上用甫亦陳兵事召對稱旨上擢之綸兵部右侍郎協理京營戎政駱案戎政原作諸務甫既受命上勞以溫旨甫感泣叩首殿捧下呼曰臣不才願以死自効於是大召募兵越三日得八千人

倉卒間不能訓練而甫所授術又長於用車猝不能辦擇日部署其眾未暇戰也當是時權貴人俱不習兵與之綸整數相左又妬甫以白衣超用謀先委之嘗敵日夜下兵符從甫戰會滿柱敗歿於永定門外永原作安標恐甫不得已夜引其眾縋城出未至盧溝橋敵以五十騎來攻遂驚潰馳射之八千人立盡僅存隨聲押運者七百餘人甫乃親搏戰中飛矢數十以死駱案上文滿柱傳及明死先於滿柱與此傳及明季北略卷五汪堯舉文鈔中甫傳所載不同於是權貴人爭咎甫謂其費金錢巨萬師徒撓敗且闕然詈之綸妄舉聲亦上疏自劾上以甫本忠亦忠仍宜從卹於聲並不責也甫監軍鄭朝鉉者字聲遠浙江山陰人以監生被薦授監軍御

皇明四朝成仁錄

卷一

六 廣東叢書

史戰敗被脅降不屈死之劉之綸字與鷗明史本傳及明季北略卷五作字元誠蜀人崇禎某年進士某明史本傳及明季北略卷五作元當申甫戰歿敵亦退兵之綸請率兵追襲沿途遇零騎頗有新獲與總兵馬世龍連軍薊東善度前進敵以婦女為間結之曰遵化城空可襲因進兵至娘娘山陷伏中敵急擊之之綸督將士死戰踰一晝夜諸路援兵不至全軍皆歿世龍僅以身免之綸臨死急解所配印所原作取遣親信馳新遵撫方大任軍薊因有備然敵亦以次歸矣劉與祚遼人兒時為敵所掠老汗愛之及長性機警知兵益見親幸使為都督守金復二州呼曰愛塔愛塔者愛他

之謂也又以乳媪女格格妻之呼愛塔兒夫又曰額夫畜之如諸塔興祚本遼人見遼人執左右之老汗有犯法者嘗曲為保全擇其牙而角者結以思誼於是多為心膂以左右興祚興祚日夜思歸督師孫承宗知之遣壯士孫盤間行解腰帶以招之興祚感激與所善誓死歸歛於是四衛之人皆思內附初毛文龍在皮島嘗密與興祚通凡華人俘者興祚皆私縱之俾歸文龍文龍悉行厚給自是亡歸者益眾而興祚與所親善者又時使文龍以計誘之去豐其衣食令善更相招致數年間以此陰傾敵文龍所以日盛者有興祚為之應也其後事漸露興祚患之其婦曰君本南產毋以妾故為君累盡亡而南乎興祚曰如若何

興祚為敵旗幟諳其軍號敵莫能誰何盡破其一營斬首六百餘烈皇小識卷二作得婦女輜重無算明日興祚輕兵出兩灰口遇突騎數千血戰至晡中流矢而死先是歲適除敵警益急承宗遣興祚暫護永平永平道鄭國昌者疑之曰此單于貴人也不可信託言糧少移之建昌興祚與敵遇於兩灰口遂以死明年正月二日敵入永平故開原兵備副使白養粹素嫻敵至是率百姓鼓吹導入城既以女妻之永平既陷國昌乃悔興祚悔字下當亦死之全家殉焉知府張鳳奇冠帶坐堂上飲藥以死妻妹弟婦自縊者十餘人國昌邠州人萬曆中進士明史國昌傳作萬曆三十五年進士鳳奇陽曲人萬曆丙午舉人事聞贈國昌太常寺卿鳳奇

太僕少卿明史國昌傳作光祿卿廢弟鳳梧入監讀書而命祭興祚立祠於邊周文郁此下當興祚初見孫督師於關誓以死報國永平之戰永原作太以八百騎敗敵萬騎血戰死絕為東人忠勇第一

何天球字憲周增城人萬曆丙辰進士推官永平司餉駐劄遵化署遵化事以清慎自持所得兩俸悉以鑄造軍器演紅毛放礮之法朝夕訓練經略督撫交章薦之賜救嘉獎先時有永平道耿如杞者明史耿如杞傳作不拜瑞祠被逮僚屬無敢送者天球獨謁候之且力衛其妻子如杞致書有正氣赤心不圖今日獨見於公之語秩滿陞知乾州撫按會疏題留稱東事倥傯渝關鎖鑰非公不可旨猶

未下崇禎二年十一月敵入大安口邊帥失律喪師警報
有以陞官可勿駐危城為勸者天球叱之越日遵化被圍
天球灑血誓眾分守南門指揮拒禦六晝夜不解甲曾援
絕矢盡北門先陷天球躍馬巷戰親斫三人遂死之僅僕
八人同日死樞輔孫承宗兵部尚書梁廷棟以聞詔贈光
祿寺少卿賜葬祭給造墳銀三百兩廕子一人入監讀書
子鼎鉉匍匐萬里往求遺骨敵重天球忠烈先葬於大悲
閣前鼎鉉日夜哀哭遂得疾卒於途中

屈大均曰天啟三年陞申用懋南京太常寺卿是時遼左
淪喪畿輔震驚用懋上言建四輔以鞏神京京東南建城
於通州高朱店之間為左輔西南建城於良鄉盧溝橋之
間為右輔西北建城於鞏華城功德寺之間為右輔東北
建城於密雲順義之間為左輔各宿重兵統以元戎監以
知兵使者敵從東北入左輔出兵以扼其衝而右輔從左
左輔從右各分兵夾擊如假道三衛右輔出兵以扼其後
而左輔從左右輔從右各分兵追襲如直薄都城下則京
營堅壘合守無輕出擊四輔各設長圍以坐困之又輔三
面外羅城設民堡練鄉兵令郡邑正官參用武備疏上不
報嗟夫此策若行豈有己巳之役也哉

皇明四朝成仁錄

卷一

九 廣東叢書

各省州縣死事傳此傳據文
研本補

遵義死事王佐聖
王佐聖字克重長洲人知遵義甫及一月單車周覽山川
形勢建立新城以扼諸蠻之吭未幾叛夷數萬大舉攻城
佐聖內嚴守禦外命鄉兵分截歸路援兵不至城陷拔劍
擊賊力屈被殺

永平死事羅成功

羅成功字惟一高要人萬曆舉人推官永平綜覈廉平民
無冤抑秩滿遷興化同知督撫晉之崇禎二年滿兵陷城
冠帶縊於署中贈光祿寺丞

睢州死事李夢辰

皇明四朝成仁錄

卷一

一〇 廣東叢書

李夢辰明史本傳
云字元居睢州人以通政司家居流賊破城自縊
死賊曰此有道仁人也羅拜而去

重慶死事章文炳

章文炳知重慶府多惠政奇賊破城身親巷戰臨死百姓
以身翼之者數圍其首嘆曰悔殺好官云

師宗死事徐道興

徐道興睢州人崇禎間明文本傳
問作末為雲南都司經歷署師
宗州事廉潔有聲聞流賊將至憤然曰吾死分也士民何
辜而罹此禍乎命百姓各挈家遠避士民泣請同行道興
曰封疆之臣死封疆吾志決矣左右止二僕以白金二錠
付之曰此朝廷俸也以一酬汝以一置棺殮汝未幾寇至

城陷促道與出迎其帥道與以手中杯擊賊明史本大
寫遂遇害

雲南死事朱壽琳明史本大

朱壽琳哀州人明史本大崇禎末以部院徵兵雲南孫可

望突至壽琳被執不屈械繫二十餘日強以官復大罵不
食題詩於壁與僕三人同被害

唐世熊灌陽人有文行尚氣節舉人教諭陞翰林院侍

詔歷官武庫郎中為永平知府竭力撫綏會大監高起潛
督邊聲勢赫奕監司以下莫不膝行世熊獨長揖不屈大

拂其意議功應從優僅移山東鹽運司明史本大崇禎十

二年流寇破城明史本大力戰而死

皇明四朝成仁錄 卷一 一一 廣東叢書

武宣死事朱士鯤

朱士鯤別號南池以貢知武宣縣歷官至吏科給事中子
澆知北流縣士辰敵至父子合門三十口同殉於北流之

黎村閱數年次子澆徒步七千里覓埋骨所不得慟哭而

歸陳惟崧有挽驥沙朱南池先生詞

盱眙死事蔣佳徵

蔣佳徵天啓甲子舉人知盱眙縣向無城垣流寇大至佳
徵率家人設伏殺賊賊怒合眾攻之佳徵巷戰而死全家

被害

龍門死節康翰標

康翰標龍門人勤學好問舉於鄉知江西新城縣廉介自

守變亂後解組以歸滿兵至嶺正衣冠自盡而死
平樂死事朱昊如

朱昊如蘇武科起家累功鎮西將軍崇禎間鎮守平樂孤

城堅壁城陷引刀自刎家口多殉之者

霍山死事龔元祥韓光祖

龔元祥字子貞明史本大長洲人為霍山教諭賊至知縣
解綬去元祥獨率居民同守或勸之去元祥曰職無大小

皆宜效此下疑食祿避難臨危棄城平日所讀何書乎城

陷正冠危坐罵以死子炳衡明史本大與訓導姚允恭

皆同死難

韓光祖霍山諸生流賊犯城光祖率眾守禦被執賊脅之

皇明四朝成仁錄 卷一 一一 廣東叢書

抗言曰讀書祇知節義遇賊誓不偷生賊怒殺之閨門同

殉

靈壁死事蔣賢

蔣賢崇禎末為靈壁主簿流賊犯境知縣託故他避賢獨
率民兵禦之被執不屈死事聞賜贈廕

興文死事張振德劉希文

張振德知敘州興文縣時為蠻變叛將臨城無兵可守乃
率男女及家人登陴手發大礮見賊勢鋒銳知不可支左

手持印右執匕首令夫人以下皆持利刃環坐又命積薪

坐側城陷慷慨曰吾可以受命矣令家人舉火同妻錢氏

暨二女悉自焚火中計男女同焚死者九人焉

劉希文教諭興文賊至誓死不去與妻白氏同罵賊死

靈丘死事蔣秉彩

蔣秉彩全州人天啟甲子舉人知縣靈丘廉而惠流寇大

至秉彩此下原缺按明文本傳云募兵堅守力屈眾潰投縋死合門殉之

柳州死事蔣秉芳

蔣秉芳全州人博學能文崇禎末流寇猖獗策言却敵

制勝之方不報授柳州訓導賊至死之

柏鄉死事郝奇過

郝奇過柏鄉人絕意仕進優游畝畝崇禎十七年三月聞

京城陷慷慨語妻曰我欲死義爾能從乎妻曰君欲死義

則妾請先之遂飲藥死次日瘞之於先塋招親舊與訣眾

皇明四朝成仁錄

卷一

一三 廣東叢書

曰子草莽士也何好名若此奇過曰是何言士固有志豈

以死要名乎亦飲藥而死

固原死事陸夢龍

陸夢龍字君啟紹興山陰人萬曆進士主事刑部時淮撫

李三才之僕盜皇木反卸罪七商夢龍力爭於部堂竟成

其僕出為九江道命事貴州蠻叛總督蔡復一知其才調

往監軍黔兵多虛冒請斬武弁高拱北軍威肅然蠻犯普

定夢龍出其不意來大霧破走之再任克東道明史本傳

分巡東有緝盜功調固原兵備流寇至犯固原秦州等處

屢擊賊敗之及隆德酋親行禦敵偵者妄言賊不滿千群

過數萬於老虎溝重圍突擊將士皆痛哭夢龍曰今戰亦

死不戰亦死盡殺賊而死乎此下原缺按明史本傳

江油死事章贊元

章贊元字素完會稽人繇吏員授四川江油典史縣無城

郭流寇至知縣避入山中家僮皆趨之走贊元拔刀曰我

食君祿守此土豈偷生耶比賊嚮導至即縣民也素知贊

元廉正不忍害勸之他避不從俄而賊大至脅降不屈遂

躍水而死民立廟祀之

衡州死事張任張明翼

張任字碧岑萬曆四十六年舉人知原武縣口口改臨潁

又改大興治行精明奸宄斂跡一時良吏稱最擢工部主

事歷郎中出為衡州知府未幾賊至任率眾血戰舟中力

皇明四朝成仁錄

卷一

一四 廣東叢書

屈死之舉家殉焉

張明翼明史本傳明作明翼西充人知衡州府明史本傳作崇禎十六年

五月衡州陷明史本傳明翼罵賊不屈賊縛之投於江中

羅曰死事梁志仁

梁志仁字霏玉江寧人萬曆戊午舉人初知衡陽縣主易

徵便民之法完課獨先錢糧口口自解不用庫吏而庫銀

無侵驛馬買官養不設馬戶而民間無累調羅曰縣練兵

築城為守禦計會賊破英山志仁出禦而死妻唐氏殉之

贈新州知州

崇寧死事劉旋

劉旋字遞生江寧人以恩貢知縣崇寧賊張獻忠陷城旋

危坐堂上罵賊被劾目劓賢以死事聞贈尚寶

此下原缺

諸武臣死事傳

諸武臣死事曰童仲揆曰陳拱曰錢達曰姚九疇曰潘可大曰費邑宰曰葛勇曰吳國偉曰黃國武曰葛衛國曰張承胤曰張應昌曰張德昌曰張全昌

童仲揆字玄圃孝陵衛籍萬曆二十六年武進士為四川都督督明史本傳作司遼東經略熊廷弼知其勇疏調軍前屢立

戰功天啟元年三月敵兵攻瀋陽與石柱土官秦邦屏

童仲揆傳作石柱都司率師渡河擊之眾寡不敵仲揆短兵接戰中

弩死贈都督廢子以孝陵衛正千戶歷官陽電參將死於陣

陳拱廣東南頭參將崇禎二年白艚賊李魁奇入寇拱禦

之佛堂門外擒七艘載之賊遜明年三月陞副總兵奉檄

統烏艘及寨船百艘追賊於電白海港水淺舟膠挾有躍

過賊舟死之

錢達崇禎元年武進士五年任廣東東山參將六

月內督兵堵勦羅定流賊戰歿

姚九疇字厚先南直人為浦口守禦崇禎八年冬賊陷和

州圍浦江九疇偕遊擊汪之斌往援用火攻五戰皆捷城

賴以完之斌搜山中伏九疇率兵救之賊大至援絕矢窮

被執脅降不屈罵而死兵部尚書范景文為卹其家

潘可大字觀甫江寧人崇禎八年任安慶守備署游擊事

十年春寇入桐潘可大從巡道史可法四出堵禦不解甲

者數月加參將從總兵陳龍進勦遇賊於鄧家店可大以三千餘人當賊數萬困守月餘將敗乃取關防印襟袂數十處死之龍亦自焚守備陳于玉亦戰死可法招魂而哭立祠祀之事聞贈可大指揮使廕其子

費邑宰西安前衛人歷官河州參將鎮守商漢崇禎十年移備寧羌州鐵鎖關會勦賊兵入險地獨身為殿遂頌贈都督同知廕二子

葛勇甘肅坐營都司崇禎十年巡撫孫傳庭與總督洪承疇勦賊承疇使副將威略及勇領甘州兵二千隸傳庭令略勇擊賊於寶雞斬首八十餘再戰斬首二百賊遁入口顧以其時出棧之賊又有猛虎中斗星等渡渭窺我虛實

皇明四朝成仁錄

卷一

一七 廣東叢書

勇擒賊撥一人曰來山虎山虎備言賊可取狀傳庭疾進兵大敗之賊走保山承疇提古曹二師疾至夜劫賊於寶雞南山斬首數千賊盡走勇後至率數千人徒步搜山遇伏戰死是年七月賊掠延安秦將戰死者吳國偉明年十月黃龍山之戰游擊李國政率兵殺入賊中賊射國政馬死把總黃國武遂以己馬與國政而脫盔甲步戰射死數十賊力竭死之千總葛衛國亦死

張承胤字望峰榆林人父臣歷任寧夏甘肅固原總兵所至有功承胤以父廕積官榆林總兵遷遼東以死勤事予祭葬子應昌德昌全昌世比之三神應昌字順之初為延綏副將崇禎四年五月五月明史本傳作春賊神一元陷保安應昌

擊賊之復圍慶陽遣兵往援乃解去降賊不沾泥擁眾要脅糧糈攻米脂洪承疇與應昌討之明史本傳作應昌賊皆王承恩擊走之遂追至四川斬三百餘級溺死甚眾六月郿州賊泥天猴張孟金謀襲靖邊應昌敗之於真水川斬四百餘級初神一元起寧塞竊據其城遂陷柳樹澗保安縣未幾一元死

弟一魁以其眾降尋叛去其黨黃有才斬之來歸既而有才復叛應昌擊斬之陞寧武總兵加都督同知六年二月移屯汾州往來太原以禦賊七月次汾陽敗賊於平山獲渠張有義即一蓋燈也七年四月川賊三萬分三道一趨湖南一趨浙川一趨商雒盧氏應昌與戰於均州賊績死之德昌字開之任南京池浦總兵調勦流賊與周王困守

皇明四朝成仁錄

卷一

一八 廣東叢書

開封賊決黃河城陷死之全昌字潤之以承胤廕官至雲州參將崇禎四年延安趙四兒以萬餘眾掠韓城郃陽全昌以五百人鏖戰三日斬三百餘級賊走郃州進擊之斬六百餘級四兒尋降陞宣府總兵七年二月河南賊自鄆陽渡河入郟陷房縣全昌連擊敗之七月奉督師洪承疇調間道走渭華過賊前鋒八年五月全昌自咸陽出與平之東距賊五十里賊渡河走郿追至秦王嶺擊賊之自是商雒之賊逃竄終南山中餘賊西奔與平飢疲遂乞降陰遣諸將連營走潼關守將文萬年等兵潰全昌死之父于四人俱以戰死誠忠烈一家云明史張臣傳所載與此傳頗異

大凌河城死事傳

大凌河城死事曰何可剛剛明史本傳作綱

何可剛崇禎二年為督師袁崇煥中軍副將十一月敵薄都城崇煥既入援不戰上逮崇煥下詔獄上原作立據歸本改東鎮總兵官祖大壽與可剛等率所部萬五千人東濱督師孫承宗招之使還四年八月大凌河城被圍大凌河去錦州四十里宣宗時於河側增置中左千戶所與錦州為犄角錦州者以城西有錦川水故名是時大壽與可剛等率山海關外八城兵修築大凌河城晝夜督工甚力敵舉兵來攻兵分兩翼圍之數重射書城中招大壽降大壽不從益力戰敵佯為錦州援軍距大凌河城十里各執旗幟向錦

皇明四朝成仁錄

卷一

一九 廣東叢書

州馳逐搗大壽果信為援軍至率兵出迎為伏兵所掩擊踉蹌入城閉門不敢復出越數日朝廷遣太僕卿監軍道張春總兵吳襄宋偉等統馬步兵四萬來援渡小凌河即掘濠列車盾槍礮軍容甚盛明日敵以兩翼騎兵直衝我營我不為動兩軍接戰礮若轟雷發矢如雨敵右翼兵突馳春營我兵稍挫吳襄及其副將桑阿爾賽等先奔餘仍堅壁以待敵左翼兵避我礮矢不從汎地衝擊亦踵右翼兵進遂破我營殺敵四十里方兩軍鏖戰時敵遣人於我營東發大礮火箭突有黑雲起且大風向敵軍我乘風縱火勢甚熾及既逼敵陣天忽雨反風我軍倉皇失措被焚死甚眾敵兵復扼我歸路盡為所殲陣獲張春及副將

張弘謨楊華徵薛大湖等惟春不屈但求速死敵養之冬

十月令陣獲各官以己意為書招大壽會大凌河城內糧

絕薪盡軍士皆殺修城役夫及商民為食析骸而炊又執

軍士之羸弱者殺而食之援兵不至大壽方議降獨可剛

不從大壽令二人掖出城外就敵諸將前斬之可剛顏色

不變含笑就及城內飢人爭啖其肉烈皇小識卷三作先

招降甚急何可綱明史莊烈帝本紀作十月己為大自祭而死

大壽遂降明史莊烈帝本紀作十月己為大自祭而死

皇明四朝成仁錄

卷一

二〇 廣東叢書

登萊死事傳

登萊死事曰張瑤曰樂巨金曰謝健曰朱萬年曰張可
大

張瑤字海湄一字天游登州人天啓二年進士以推官家

居明史本傳作崇禎五年二月遼卒叛逐其鄉人固守城

陷賊擁至瑤仗劍當門罵曰賊奴賊奴國家何負於汝登

州何負於汝而反耶語未終被害先是瑤自分不欲生命

妻齊氏及兩女先投井明史本傳作兩婢不俟命亦從之

死

樂巨金號涇陽登州人初遼兵謀叛夕有三百人相聚廟

中邏者以報巨金告徒卒少乃分三十人唱籌各行一卷

皇明四朝成仁錄

卷一

二一 廣東叢書

期聚於廟外乃顛倒稱名數之若干餘人入執其渠彼不

測眾少不敢出聲人服其因時用寡之妙嘗謂人曰巨金

世官也登州禍將及矣言而驗則且必死又曰凡世官皆

宜必死豈獨一巨金哉登州陷果與母及妻子皆死之而

登州世官自萬戶以下千百夫長人以百計亦無一從叛

賊者

謝健荆州人守萊城半載誤信撫局為賊所執死登州有

徐得時習昇者監視呂太監之中軍也同守萊州備極勞

瘁撫局欺被執亦死於登州有徐從治者海鹽人以監軍

至萊州擢巡撫守萊半載為飛礮所中以死從治寬仁長

者善得士民心死之日三軍皆流涕

朱萬年者貴州人遼卒初叛時首倡効死竭力軍需供億

被執罵賊死於萊州城下而指揮使李孟果百戶白仲仁

者與賊戰屢有新獲為礮矢所傷以死官布衣王琮者居

萊州城北之東流村賊至不避被執不屈而死而毛膺者

武舉人也為人短小精悍從彭參將守東城不辭艱苦解

圍後防賊廟島以大風覆舟為賊所害

張可大字觀甫一字扶輿南京衛籍父如蘭以世胄中武

舉第一人官至淮徐漕運參將可大幼警敏善騎射舉萬

曆辛丑武進士屢官右都督鎮山東勤王解都城之圍領

專勅平島帥劉興治之亂又建功於鐵山內陞左軍都督

府已得代聞兵變還登州為戰守計值防撫孫元化誤信

皇明四朝成仁錄

卷一

二二 廣東叢書

賊間奸人內應而登陷可大衣冠登城樓北向拜手及愛

妾題壁曰某年月日山東總兵張可大盡節於此遂投鏢

事聞贈太子少傅予祭葬特賜祠額曰旌忠誼壯節可大

孝友博學所至敬禮賢士大夫所與贈答皆海內通人勝

流或謂其將而能吏勇有其廉云

屈大均曰是時流賊既蔓延秦晉間屬登萊兵變因調關

寧兵馬二萬討平之朝議欲乘戰勝精甲渡河進勦兵部

尚書張鳳翼家本山西慮其驅賊入晉也阻之盡放遼兵

出關賊遂得渡河而南因入豫入楚入安廬

在外死節傳

在外死節曰俞志虞曰梁亭表亭徐本曰楊國柱曰高

從龍曰吳國偉曰劉堯曰曾紹宗曾本曰包文達曰

俞冲霄曰張開祚等曰王榮曰熊維藩曰郭天言天吉

作天志明李北略卷十九作曰陳增美

俞志虞字際華紹興新昌人崇禎間進士授順慶府推官

刑獄一清時流寇入蜀取道順慶士民議欲出戰志虞曰

不可寇之深入必因大兵追感若以鄉勇出關是棄民也

惟登陴堅守以待追兵為萬全未幾督師至喜其鎮靜特

為題敘為徐本行取入京上親策寇盜等事條對甚悉授

貴州道御史奉命巡關甫入境聞賊即逼其境吏請他巡

皇明四朝成仁錄

卷一

二二 廣東叢書

以避志虞曰我當以王事死豈借王事求生乎旋聞京師

陷即投縲幼子抱而解之叱曰忠孝一致我不忠即汝不

孝幼子曰惟欲我父知皇上存亡耳及得報還至東門東

浙江通志大哭潛縊於驛館思宗朝贈大僕少卿

梁亭表字無時番禺人舉於鄉縣大埔教諭陞助教遷吏

部主事廉靜自持尚書知其清苦問曰何久無所舉取對

曰實寡交轉兵部武庫司員外庫本時上方英察言事

者每獲罪謫亭表數上章奏蒙嘉納出知南安時流賊張

獻忠突犯湖廣時字原缺南安以西為賊所據亭表與眾

死守賊退以功開巡按薦治行第一擢荆南兵備副使北

都陷痛哭而死

楊國柱字叔堅涇陽人繇萬曆四十一年進士初知秦興

入為戶部郎出備兵河東皆有政績崇禎十六年冬賊李

自成陷懷西安其黨多援引才望自成令召涇陽王徵徵

絕粒死國柱聞之亦絕粒七日不死復食未幾京師陷為

大行皇帝后位哭奠盡哀復絕粒七日家人強之乃遞入

空同山中牧羊竟以死

高從龍榆林人崇禎初以固原參將調征流賊從龍大誓

於眾曰將乃死官也故古者鑿凶門以出我今其仗節之

時平行至三水遇賊力戰而死二年閏四月事陝撫劉廣

生厚賻之弟起龍力辭不受請給同陣士卒三軍皆哭廣

生與總督楊鶴疏聞贈特進榮祿大夫諡曰忠勇日字原

皇明四朝成仁錄

卷一

二四 廣東叢書

吳國偉榆林人崇禎初以副將討賊每戰陷堅多所斬獲

尋力戰而死

劉堯字虞唐崇禎四年寇犯濯田堯以千總奉令堵擊徐

本作戰敗被執賊喜其驍壯欲釋用之堯奮罵賊以兩筋

繫其鼻而死弟師垣輕身赴難亦死子某以廢得襲錦衣

衛千戶者曰戰聲寒鼓不起兄啖睛弟扶背如桃李爭

代死逢地下當笑語父韋衣子錦衣抽弓矢宜念之宜原

據徐本改

曾紹宗平遠人為縣吏崇禎初知縣金一鰲遣禦賊於埔

鵝鵠籠斬級數千一鰲上其功授把總銜又斬賊首黎二

總等投右鎮營奉勦壩頭梅子會諸處斬級二百餘生擒
賊徐如器等如徐本又密擒叛撫賊蘇岐等又生擒蘇光
明龔惟業等九蓮山賊犯境作連本紹宗斬滅渠謝九功
又生擒謝一善等八十餘賊三年流賊莫日舜等劫長樂
界又賊劉喇梁千斤寇大埔連山等處紹宗先登擒獲最
多又進勦黎樹坪二處擒賊徐所二等凡數千身歷行間
所至有功邑人賴之五年流寇又至紹宗易之即單騎入
賊中逆潰圍出墮馬馬逸馬逸原作而步戰死之當時立
祠以祀焉

包文達字行甫先江夏人以死事世襲蘇州衛指揮同知
因家蘇州崇禎十年文達奉巡撫檄偕統兵官四人進援

皇明四朝成仁錄

卷一

二五 廣東叢書

安慶鄒崇常縣志錢牧齋文兵械鈍敝人無鬪志文達
知戰必敗欲持重以待疲而軍中為間謀所誘中徐本作
原缺據謂賊已四出速進可收其貨寶婦女他將咸笑文
達為怯以逗撓責之文達不得已進戰伏兵發官軍鳥獸
散或勸文達脫身遁文達按劍叱之矢盡援絕遂力戰以
死黃淳耀曰文達之死非死於賊也死於他將之牽制也
夫文達未戰而先知敗微可謂知兵矣使專制而往徐本
其專制未必不能滅賊也野史稱文達脇中流矢揮刀陷
陣賊逼令卸甲降文達怒罵賊斫其左臂斷頭而死
俞冲霄靖邊人任延綏總兵崇禎九年五月賊李自成張
天琳至榆林琳徐本冲霄率兵五千禦之於西川土壘砦

力戰自辰至酉殺獲甚眾援兵不至死之

張開祚陳邦基王龍鄒維勳四人者皆兩廣總制熊文燦
部將也崇禎十一年三月楚寇劉新宇等率黨數千從九
峯入攻圍樂昌旬餘文燦遣游擊張開祚等援詔要賊於
蕭村斬數百級追之中伏開祚與邦基龍維勳並死之文
燦為文祭之先是崇禎三年九蓮山寇鍾靈秀陳萬攻陷
始興樂昌千戶梁美輪戰死其後崇禎十三年賊犯海陽
千戶吳璋戰死十七年十月閩賊林尾犯程鄉幸處溝鄉
總許元會戰死

王榮字吉甫榆林人以戰功官游擊崇禎十七年鄒崇七
志作為彰德衛藩城守參將賊至官民奔散榮護趙王歸

皇明四朝成仁錄

卷一

二六 廣東叢書

朝中途遇賊力戰被執賊愛其驍勇使偽制將軍陳永福
勸之降不屈與子師易俱死
熊維藩字振宇威安人以宣府參將致仕賊高一功攻堡
維藩力戰殺傷甚眾堡陷自刎賊碎其屍焉賊字原缺
郭天吉榆林人以武進士至甘肅副將列皇小識卷賊攻
甘涼城陷巷戰被執不屈賊磔之
陳增美字子禮應天人熱武舉官口營旗鼓中軍徐本
中以倡義謀洩被執臨死挺立罵敵以刀裂其頤血流
至踵色不變而死
屈大均曰孫承宗曰年來兵多不練餉多不覈以將用兵
而以文官招練以將臨戰而以文官指發以武畧備邊

作為撥明史而日增置文官於幕置字原缺又幕原作募

以邊任經撫而日問戰守於朝其一種因循誣謾之象原象

天下之兵於邊而既壞一隅兼壞天下又曰臣以為武吏

不拘曾口戰陣曾為大將亦不拘文武兵部調諸將有才

望者偏殿之擇一沉雄有氣略者授之節鉞鉞原作鉞據

俾開府專辟置偏裨而下得自擇其人而授之之字原

所辟置之人分募精兵多不過十萬若調募來者仍令自

為簡汰而用之如所自募縱其撫賞之費其徐本而任屬

專聽信明文吏得與謀議供軍實不得制其帥蓋兵之道

皇明四朝成仁錄 卷一 二七 廣東叢書

精不可以事窺粗不可以理解而文吏泥拘泥徐本好用

小兒解沾沾將吏之上能令將吏羈馭而不得展以文統

武自是敝法以極不知武之文統極怕文之武更屬極敝

之法臣謂今天下當重武吏之權而去文吏之擾但得無

多設文官則武吏不輕如向者劉統杜松近者羅一柱之

勇烈柱徐本假以專制之權何至於敗惜也大將既得其

人便當以遼事付之小勝小衄皆弗問要於守關無關入

俟兵力之厚為恢復城堡有所復即以昇之其人略法黔

事事字原缺據徐本補使其人之精力全用於遼得寸則寸得尺則

尺以幹家之智幹國必無遺力而朝廷特資兵饒徐本特明賞罰以防跋扈之漸如周宗之初可法也國家營兵

十萬日添文添武以為兵害而不少添其餉營兵上等之

餉不當募兵下等之餉何能為練耶耶字原缺據徐本

皇明四朝成仁錄 卷一 二八 廣東叢書

皇明四朝成仁錄 卷一 二八 廣東叢書

旅順死事傳

旅順死事曰張盤曰黃龍

張盤者督師孫承宗麾下守備也天啟三年二月鄒本作四月

承宗出關先是登帥沈有容兵至廣鹿島分舟師布間謀

宣傳大兵且至敵遂棄全州而保復州於雙臺子掘溝為

邊至是屠復州民十餘萬鄒本作一萬餘虛金復不守而以西虜

二萬人守蓋州蓋以東奴不復至遼人亦不復耕藉地數

百里承宗所遣張盤乘全州之虛率眾據之五年二月奴

兵南下盤退兵旅順奴襲之懸軍七百里晝夜兼行殺馬

以為食攻之疾力盤孤軍無援不能支力戰而死

黃龍江西人明史本傳作遼東人初毛文龍既誅龍以總兵代領其

卷一

二九 廣東叢書

軍龍素嚴馭下苛急未幾鎮兵大譁劫龍幽於別室後得

脫屬登州用兵調龍移駐旅順未幾奉命進前三島相機

扼防三島者廟島古沙門島鼈磯島唐太宗征高麗時駐

蹕地也當登州北面為虜突圍必走之路龍乃以戰船八

十艘發旅順揚帆南進值颶風大作全隊散沒龍不能列

戎鄒本作成乃收合餘兵還旅順虜襲之百方守禦城將陷

以勅印旗牌授總管譚應華南向拜辭披鎧巷戰死之崇

禎六年某月日也明史莊烈帝本紀作七月甲辰八年三月詔贈都督僉

事明史本傳賜祭葬祠名顯忠有李惟燾項祚臨樊化龍

張天祿尚可義等皆同死元明史黃龍傳作六事聞各予祭一壇仍

附祠明史黃龍傳作祀

當陽死事傳

當陽死事曰楊正芳

楊正芳貴州赤水衛人以戰功積官至參將崇禎七年提

勁兵三百數往來當陽遠安間摧寇巨萬嘗於金沙河被

圍三面賊呼之降正芳下馬叩天風忽反發迅礮毒鏢殲

其渠帥寇披靡解去嗣是聞楊家兵無不驚避者賊至當

陽正芳台兵得千餘與京營鐵騎夾勦京兵殺良冒功反

甚於寇正芳申嚴紀律隨方阻遏自蓮坪玉泉音寺屋武

安山清溪梁坪追奪寇掠悉給還鄉井當陽被寇七十餘

日正芳首尾拒禦士民感之於西門岡上立生祠報德是

秋以副將提兵秦豫轉戰深入歿於雒南明史莊烈帝本紀作崇禎七年

卷一

三〇 廣東叢書

十月庚戌湖廣兵擾漢崇禎八年四月詔贈太子少傅明

史楊九州予祭八壇賜葬建祠官其一子

傳作師

大寧死事傳

大寧死事曰高日臨

高日臨字二陽明史本傳都陽人以貢知四川大寧縣崇

禎七年七年原作十五年據明史獻賊陷城大罵支解

以死

皇明四朝成仁錄卷二

屈大均原著

葉恭綽校訂

穎州死事傳

穎州死事曰尹夢鰲鰲明史本傳作鰲曰趙士寬寬明史本傳作寬其死節者曰張鶴鳴曰張鶴騰騰明史本傳作騰但張鶴鳴傳仍作騰

死義者曰劉廷傳曰劉廷石

尹夢鰲字口口雲南人以貢知穎州事貢下原注云崇禎八年正月十二日穎州陷夢鰲被執不屈死明史本傳作

龍潭下鳥時鳳陽府通判趙士寬分司穎州當城陷見夢鰲慷慨就命亦焚其妻子於署樓明李北略卷十一作

皇明四朝成仁錄 卷二 三二 廣東叢書

自投城下池水死明史尹夢鰲傳作亦投鳥龍潭元妻李携三女登樓自焚曰我勿愧

夢鰲刺史也士寬字汝良原注云一萊州府舉人

張鶴鳴字元平鶴騰字元漢皆穎州人城陷同罵賊死鶴

鳴萬曆三十口年進士紳所藏明朝進士履歷冊作萬曆四十年會試父病馳歸官至兵部尚書總督川湖雲貴廣西

越六年始成進士

五省定安奢亂賊倒懸於樹射之死時年八十五詔賜祭

葬鶴騰萬曆四十一年進士明朝進士履歷冊及明文本傳俱作舉萬曆二十三年進

士 絲潞城榆次知縣擢刑部主事調兵部典廣西試入司

太倉銀庫出為關南道遷肇昌副使改雲南所至有名績

告歸年八十死明史本傳作城陷被執罵不絕口而死與鶴鳴兄弟也

劉廷傳字惟中穎州人為穎州衛諸生當萬曆之末知天

下將亂慨然以功名自許所過州縣豪傑皆傾身與之交

得其歡心諸慕氣節者爭趨之為人沉勇有智略與弟廷

石俱任俠著聞河南北崇禎八年春賊攻州城城外故有

樓高於城數丈賊奪據之宛射城中城中人洶洶思潰廷

傳盡從其客入見知州曰事急矣然樓旁故多積棧可鎗

下壯士百許人誘賊使戰別乘間焚其棧則賊勢可感也

知州既許諾而會張尚書鶴鳴在圍中鶴鳴年老矣性懦

多忌從中劫持之其議遂革廷傳力爭不能得奮袖走出

謀矯知州令遣其客今歸本客已悉聞鶴鳴語籍籍怒罵

稍相自引去越明日城陷賊至廷傳家廷傳危坐於堂不

動賊帥厲聲訶問廷傳瞑目叱之遂被害時年五十有七

皇明四朝成仁錄 卷二 三三 廣東叢書

廷石亦與賊戰敗身中大創十餘處中歸本與至於牀猶

口占書數百言乞鄰道兵逐賊不逾日亦死

鳳陽死事傳

鳳陽死事曰顏容暄

顏容暄字泰屏漳浦人復聖之裔也萬曆三十八年進士
歷官至鳳陽知府崇禎八年正月十五日流賊張獻忠襲
陷鳳陽先是河南大旱群賊之在河南者凡十三營分道
攻破滎陽屠汜水以及鄭州南圍汝寧破固始更自懷慶
渡河掠歸德睢汝陳許等州且至襄陽獻忠與老回回滿
天星掃地王太平王金翅鵬等賊從睢州入英山霍山遂
至鳳陽留守署正朱國相明季北略卷十一無相字千戶陳弘祖陳以
忠以明史尹夢以兵迎戰死之容暄端坐堂上弗為動賊
至大罵被殺其首墮地體猶繞柱行十餘步至川堂門觸

皇明四朝成仁錄

卷二

三四 廣東叢書

閩乃仆門子某陰藏其首賊退出而殮之或曰當賊退時
新知府至任天陰雨濕輒見簷下一青石隱隱有人卧形
泚之不滅左右有告者曰此影曩時未有當城陷時太守
顏使君被執不屈賊怒笞之簷下此或其遺影也新知府
因以此石葬之號為顏太守影石之墓野史稱賊陷鳳陽
容暄因服匿獄中賊釋囚得之杖於堂下而死非也鳳陽
既陷賊越紫禁城而入焚燬皇陵釋高牆罪宗百餘人唐
王之世子與焉其後為紹宗裏皇帝者是也賊據府舍自
稱古元真龍皇帝蓋獻忠也變聞上素冠服避正殿遣官
告天地社稷哭於二祖列宗廟命駙馬都尉王弼太康伯
張國紀行祭慰禮下詔罪己諭中外臣民以振刷國恥盡

心滅賊為務而逮漕撫楊一鵬誅之蓋鳳陽無城可守一
鵬駐札兵不過二千餘皆市人不習戰故賊至隨陷云

屈大均曰鳳陽在鳳凰山之陽高皇帝之湯沐也嘗欲改
都於是因名中都而府曰中立中立原作中立據本改
祖吳元年升為臨濠府洪武二年九月建中都置留府太
守司於此六年九月曰中立府七年八月曰鳳陽府蓋以
萬歲山之陽有皇陵在焉皇陵發源於荆塗淮濠之間龍
脉綿亘自南而北左日精右月華三峯紫削萬山拱衛誠
東南之最勝而萬世根本之地也知府顏公有守皇陵之
責以死殉之是時指揮陳永齡千戶盛可舉亦死之舉明
夢龍傳死者凡吏民四千三十八人中間或有死得其正
者然而不可考矣

皇明四朝成仁錄

卷二

三五 廣東叢書

和州死事傳

和州死事曰黎弘業

黎弘業字孟擴新會人明史本傳天啓元年舉於鄉崇禎

七年任和州知州多善政八年春流賊張獻忠自廬州三

掠和境弘業圖上方畧請命監司不報乃率士民壘城浚

濬為死守計閱數月賊不能入人有懈志弘業曰滁和二

州國家之政亮也南壤鳳泗北整陪京為吳楚水陸之衝

南北必爭之地一有不虞長江之險與賊共之彼豈能一

日而志窺伺哉益務治軍冬十二月二十六日賊果來寇

眾數十萬延亘三百餘里既薄城弘業始其魁率前與之

語碎飛礮擊之果殪賊懼將去會日暮風雪大作城上燈

皇明四朝成仁錄 卷二 三六 廣東叢書

火盡滅賊積蘆葦城南高塚丈餘焚之守者驚救而賊潛

從北門入矣弘業右手自到左手出其喉不即死復裹創

曰等死耳吾將陷陣猶有兇渠當我鋒刃者嘆血書絕命

詞靡壁率健僕三人馳擊殺賊數十人乃死賊入室惟圍

史數編及請援文稿而已相顧嘆息為扁署門而去母李

妻楊一妾一子三女明史本傳作女皆縊死除前一日也

學正康正諫訓導世選總管周廷儒並死之明史本傳

正諫祁門人舉人世選字韋所山陽人初賊急明史本傳

弘業募死士突圍請援時經略師中慶以除夕近饗士

卒置酒高會惟諭固守以待比城破賊屠害慘甚經略知

賊將去乃徐出兵和州人痛弘業之死而咎經略之不救

云鳳撫朱大典以聞贈弘業太僕寺少卿諭祭葬廕一子
入監讀書

屈大均曰和州故有周侯忠烈祠其碑云和雖在江北實

蔽江南蓋西援合肥北接滁濠而東南直姑孰建業之間

凡渡淮而有事於南者不得歷陽則不敢窺江自東晉以

還屢鎮以重兵守以信將視為南國喉襟當宋開禧丙寅

邊釁遠開旋進取之師為退保之計有周侯虎者來守是

邦顧謂諸將曰吾它日守浮光願為陳亨祖守山陽願為

趙立今得斯城而守之亦願為姚興輩蓋三人者皆死於

其所云是冬金賊大入以眾十餘萬至城中擊援四絕而

賊生兵日增侯自命必死將士僚吏激於忠義亦皆有死

皇明四朝成仁錄 卷二 三七 廣東叢書

之心無生之氣城困月餘被攻十有七日大小苦戰三十

有四卒以藁爾之眾餓喉牙使不敢渡江南犯時人謂

侯之全歷陽其功不在睢陽後云當城困時侯有母年九

十餘惟侯一子一孫甫九歲侯知賊至必死請其母携孫

逃難江南其母不從盡捐奩篋日作茶鹽餅糒冒重圍以

餉軍士賊怒城久不下攻機畢施作崇祭風於西北隅有

頤南風大作火箭亂發樓櫓百餘間立為煙燼賊將登矢

石雨下左右請侯少避侯揮所佩紫荊刀以示之曰城即

破吾用此自到汝輩為報朝廷庶九十老親得温飽以終

餘年此足一動忠孝皆不可言矣左右相與泣下事既平

州人繪像並其賢母祠之此其門生知歷陽縣謝德興之

言也嗚呼當是之時元木顏亮諸首應作亮傾心南寇誓

必致其死力先陷歷陽夷其城圍以絕反顧之慮而後一

意為渡江計微周侯出其智勇以孤城羸卒抗忠致命則

三吳兩浙幾何其不喋血數千里也黎公死守之事與周

侯先後一揆雖社稷之大功未成而忠孝之精誠則一是

可以合祠於橫江門內忠烈之廟而其母亦得與周侯之

母永國夫人並享俎豆矣州人戴重云當城之陷州守學

師而下死者十餘萬人其不辱而死謂之義其辱而不免

於死謂之不幸嗚呼惜矣賊退孤子童孫究憤罔極以義

烈相高浸而失實或郵於朝或表於有司若幽閩滅沒彈

節湮名又不知其幾也十年五月巡按御史特按州所以

皇明四朝成仁錄

卷二

三九 廣東叢書

殘陷狀哭極哀祠諸男女死者萬餘人賜名香烈甚盛典也當寇圍和州南京遣卒三百援之登岸皆沒嗚呼是皆國殤之為烈也哉

定興死節傳

定興死節曰鹿善繼

鹿善繼字伯順號乾菽定興人大父久徵萬曆間官江西

道御史有直諫聲疏救言官三十四人被諫父正字成字

熹宗時嘗於左魏諸臣傾身急難所謂鹿太公者也善繼

以萬曆四十一年進士授戶部山東司主事明史本傳無

職鹽法從格利病洞悉源委人稱其學為有用以憂去補

廣東司遼餉中匿報以便宜借發金花二十萬餉達神宗

震怒謫之光廟即位復其官改兵部職方司明史本傳云

原官天啓元年遼陽陷秦昌改元復以才改兵部職方主事時遼陽初陷中外洶懼善繼為兵

部尚書某草疏請速某斬某以伸國法會兵部尚書王象

皇明四朝成仁錄

卷二

三九 廣東叢書

乾行邊因用廢弁某與職方郎中取如杞左如杞持之力大學士葉向高擬司官不得違阻之旨善繼致書向高曰邊疆之壞繇於債帥中外諸貴人入其債而求請於職方職方自愛其官不得不徇諸貴人之請今幸得一憂國奉公不惜情面之人反奉旨不得違阻胥天下以職方為市永無不債之帥者自此一言始矣向高服其言天啓二年孫承宗以大學士理兵部事請置逃臣熊廷弼王化貞於法與善繼言台已承宗自請督師已下應善繼慷慨請從之承宗謝之曰太宰以銓部屬公蓋以公清貞安雅也吾不願奪賢於銓部且不憂太公已箸乎曰辭銓司就塞上此常人之所不為也原作辭塞上就銓司據歸本改相公願謂善繼願之

乎謂原作家大人范陽男子書末囑善繼亞亞從公於
邊老人為汝加一飯矣相公以善繼常人畜之猶可而恐
以常人畜家大人乎時吏部諸郎群欲挽留善繼善繼曰
軍中無苦樂但問所從誰孫相公一日在師中善繼嘗一
日在幕中也承宗既與善繼出關以為保關外乃可以保
關內保關內乃可以保畿內首關八里舖盡地築城而關
門之規模大定經營四載拓地四百餘里敵棄廣寧退守
河東我復九大城四十五堡招練精兵十一萬立車營十
二水營五火營二前鋒後勁營八弓弩火礮手五百輕車
千偏箱車一千五百輛沙唬船六百馬駝牛羸六萬甲冑
器仗弓矢火藥蘭石渠谷鹵楯合之數百餘萬我進數百

皇明四朝成仁錄

卷二

四〇 廣東叢書

里敵退七百里百虜受我戎索東奴不敢過河一步招集
遼人四十餘萬遼兵三萬兩年屯田五千頃得粟十五萬
鹽菜錢稅朋椿入可七萬採青省十八萬多出善繼經畫
而口不言功功亦不及僅以久次轉員外陞武選司郎中
而忌承宗者並及善繼百計阻之遂移疾相從而歸崇禎
初起尚寶司知陞太常寺少卿管光祿寺事事無細大成
修明職掌未三載復請告歸九年八月敵掠畿南明史本傳作七
月犯定興善繼從鄉落返城守禦七日城陷明史本傳作六日敵
兵提刃逼之弗為動遂死之承宗賦詩以弔得六十四章
駢本作六十章注云孫高有祝予之痛子化麟舉天啓辛
瑞前從督師略作百首酉鄉試第一伏闕訟父也不勝喪死詔贈善繼大理寺卿

歷一子入監讀書賜專祠弘光改元證忠節予祭葬
屈大均曰公嘗讀王文成傳習錄好之慨然有必為聖賢
之志其學以認理為主而言理即在事上故嘗謂人曰讀
有字書却要識沒字道理學者多服其言先是神廟末年
高公攀龍馮公從吾鄰公元標講學京師相戒以勿言朝
政勿談職掌公曰離職掌言學則學為無用之物聖賢為
無用之人矣遂不往後數年與高公偶過於朝房辨析疑
義高公恨相見之晚且疏薦之使佐孫公承宗孫公嘗云
吾窮年絕塞對此畏友不獨以軍務相仗助云

皇明四朝成仁錄

卷二

四一 廣東叢書

應城死事傳

應城死事曰張國勳曰鄧祖禹曰張紹登

張國勳字伯明黃陂人崇禎六年以歲貢授應城儒學訓

導上平寇五策於朝本傳上上嘉納之李自成自豫入

楚焚掠鄭襄等地國勳聞之誓不與賊俱生未幾明史張

突犯應城知縣張紹登與國勳策守禦百方賊遽去

九年八月賊再攻應城紹登欲圍城以守國勳曰不可我

閉關而守是以關外之民與賊也棄關外即棄關內矣不

如出也出則關外之民吾民不出則關外之民皆賊也

本傳國勳遂率義兵大戰北關外斬賊百餘賊又遁去

冬十月復以數萬眾來攻其鋒甚銳向城大呼曰與

皇明四朝成仁錄

卷二

四二 廣東叢書

我金帛將舍汝或議許之國勳正色曰應城陵寢重地賊

有求而我與之是賄賊也與之而去亦喪威不去而復求

其何以給不如堅守以待救且應城民力竭矣今若悉索

金帛於民勢必內變於是與紹登約約令副將鄧祖

禹原注云字又玄新水人萬曆四十七年中武進士守西南城紹登守中城明史

張紹登傳在

國勳自守東北賊環攻六晝夜不克被箭石火

擊破腦多死圍至三月餘城中糧盡老弱枕藉死者無算

籍原傳本改東南城角忽潰賊乘間登陴祖禹躍馬殺數賊

負創死一云被執罵賊賊縛之大樹剖心剜肝殺之國勳

猶堅守東北城有告以縋城下者拔劍斫之左右不顧去

乃還署朝衣朝冠向北拜隨謁孔子廟賊群擁之將舉火

焚學宮國勳厲聲罵賊抱先師木主大哭忽風返火滅空

中有聲如雷賊懼止燕執國勳問曰爾何官降我國勳曰

我儒臣臣豈可降賊賊露臣口不向之國勳指賊渠大

罵賊刺其手燃五指炮炙復罵遂支解之散投烈火中一

時從者肥弟世補及家丁張德等一十二人皆爭死無一

降者子世祐年十五以諸生守黃陂城聞變往斫左手一

指以血為書告於雲夢之神以求遺骨神告之故世祐於

是伏闕上書天子詔依房縣鄭西死難教官馬應魁王純

卿例贈國勳將仕郎國子監學正推入鄉賢名宦祠世廩

一子衣中奉祀與紹登祖禹並祀紹登亦以罵賊不屈死

屈大均曰自寇亂以來教官之以死勤事頗多其人惟國

皇明四朝成仁錄

卷二

四三 廣東叢書

勳張公最烈予所聞尚有九人孟宗孔漢陽教諭也崇禎

十年閏四月賊一條龍順天王等攻圍漢陽本傳宗孔

與知縣孔貞祚率鄉兵堵擊賊移營偽遁乘夜復來城遂

陷宗孔死之趙承學藍田教諭崇禎十年巡撫孫傳庭所

部將士據藍田以叛承學罵賊而死寧權吾者富平人思

貢城回教諭聞賊圍城絕粒不食死趙春芳者韓城人天

啓四年舉人許州學正署縣事聞賊至誘降不應城陷罵

賊死趙士達者永壽人歲貢莊浪衛教授城陷罵賊死孫

祺陽曲人貢士蒲州學正城陷投井死陳方壺者鄆都人

內江教諭賊張獻忠至閬城逃遁方壺集義旅五百人拒

守獻忠攻之數日乃陷痛罵不屈被賊齧解死葉元祥者

長洲人霍山教諭姚允恭口口人霍山訓導城陷俱死之
睦明永者字嵩年丹陽人崇禎十五年舉人上海教諭敵
狗嵩江明永大書明倫堂壁曰明命其永嵩祝何年生愧
祖父死依聖賢縊而死又設王道任新鄭訓導其死節事
別有傳自孟宗孔至此其死也皆合於道義光明正大是
皆師儒之傑所謂不辱夫子之門墻者也身無民社之寄
而輒與城為存亡若張公者以俎豆為戈矛以諸生為軍
旅死護學宮精迴風火其有功於聖門以之從祀豈不賢
於馬融許衡之徒乎哉聞甲申三月十九日之變順天府
學教官五人同縊於明倫堂上惜不詳其姓名嗚呼庠序
之設所以明人倫也孟趙諸公皆節義皎然不負此堂朝
皇明四朝成仁錄 卷二 四四 廣東叢書

廷之尊重學宮良有以哉

隨州死事傳

隨州死事曰王燾曰徐世淳

王燾字濬仲崑山人萬曆四十六年舉人崇禎九年以教
諭陞知隨州賊張獻忠圍隨燾與守備鄧祖禹馮時薦等
出戰斬獲頗多生擒賊陳月顯江寅等二十餘人外援不
至內守益堅相持至九十餘日賊有隨州紙城變作鐵城
之號原無變字據明李北略卷十四補拔營而去撫按上其功以為守禦
第一無何應城陷隨守將王必用率兵先遁賊以屢挫其
鋒憤甚十年二月合兵數十萬復來攻明史本傳作正月
二月關廂失守城遂陷燾單騎巷戰身被十餘創北拜
自經而死巡撫余應桂巡按林銘球疏請褒卹旨下未覆

皇明四朝成仁錄

卷二

四五 廣東叢書

解本傳十七年六月禮部尚書顧錫疇上其事乞與蔡懋
德並祠賜祠名曰雙忠詔從之

徐世淳字中明一字弟之嘉興人大父學周雷州府同知

父必達兵部侍郎必達明李北略卷十七作以建世淳萬曆四十六年舉

人明史本傳作崇禎中舉人初教諭永嘉飭治學宮課文行定禮制諸

生夏景禧請終生母服為引慈孝錄及大明會典上學使

者許之甌越之人自是生母得終喪世淳之化也劉香餘

寧出沒海上鄒本寧下有建關隘絕勾引甌越底寧方略多

自世淳出崇禎十年除重慶推官省釋冤獄數十人摘發

大奸張成郝應選等十餘人人民服其明察署巴縣事會督

師楊嗣昌徵餉萬斛過五日以尚方從事世淳括倉穀儉

舟船吐嗟立辦立原作力民不告病督兵協勦資簡諸首
 兼程鼓行舟騎糗餌不期而集我勇自倍彌截無算一時
 以智略稱焉考滿當內召有沮之者改隨州知州隨山城
 方二里許屢經破陷蝗疫相踵早潦頻仍戶口僅存三百
 人皆為世淳憂之世淳曰王事倉皇非臣子辭難之日也
 以死讓人不仁奉命不守官不義慷慨遂行先是獻忠攻
 陷隨州知州王燾血戰以死越三年世淳適補是州道經
 夷陵謁嗣昌嗣昌雅知世淳謂曰殘隨不足受任吾奉上
 命得自移調將置君善地何如世淳謝曰固知危城必不
 能勝任然君命也弗敢違成敗利鈍一身當之所以報明
 公耳過家不入而訣辭於祖父墓曰鄂本無召二子肇森

肇標諭之曰

標明史本傳

賊孽巢襄鄧及隨

葉明李北略

隨三破之餘然鄂之肩背也守隨所以衛陵寢也標也行
 捍牧圉以佐我森也居斥家資以益軍吾必死於此以與
 前守王燾為二無反顧矣時十三年十月也甫至隨潰兵
 數萬索餉鋒鉞震地世淳登陣諭之不止往責其帥曰本
 州今日至隨耳然已知二三瘡痍無可犒軍且隨民苦兵
 甚於苦寇公為國家大將獨可塗毒殘民而費官乎帥怒
 將有所發世淳復曰軍之不供給守之過也無已則殺守
 可乎或械守以見督師監紀乎然世淳向者監軍夔渝征
 蠻資簡水陸並進弓刀相銜歸師過峽數萬之眾肅然今
 至楚中日見官兵為暴已上書聞部受檄監紀行將得旨

以軍法從事矣汝曹毋以隨自試也不揖而出帥恐遂引
 去隨人大悅賊且至朝國人而大誓之歃血於神要以必
 死修城濬濠拓羊馬墻抽壯勇充礮石郵飢寒平賑糶府
 庫匱乏則捐家財給之民和而奮或有同志繕南城譙樓
 寢處其下慨然謂僚屬曰身與公等枕戈待敵以此樓為
 死所矣明年二月獻忠襲陷襄陽蹂躪德安將窺陵寢購獲
 細作要遮捕斬賊知有備走攻應城應山皆不下鄂本無
 遂悉眾攻隨世淳聞使三走鄖陽告急巡道趙某抵其章
 於地弗顧巡撫發一遊擊援隨趙勒之守鄖留弗遣時世
 淳不食二日不解甲五日與參將張人懋力守殺傷相當
 二十五日賊急攻南城潛師入道隴北城以入世淳急埋
 州印解後勒馬巷戰中兩矢墜馬左掣佩刀右握印箱鏗
 慨衝於袖賊拽之不得鉞刃交下以死年五十有七肇標
 趨至拊屍哭踊罵賊賊並殺之且死疾呼州人告以埋印
 處妾趙氏王氏藏獲十八人皆死賊驅趙出不可先殺其
 所抱幼女申姑趙奮罵賊賊乃殺之巡道以阻援自諱欲
 沒其死事狀判西道力持之楚撫按乃上其事上贈世淳
 光祿寺少卿光祿明史本 諭祭葬建祠肇標奉旨村祭隨
 嘉二祠廡一子入監
 屈大均曰錢謙益曰惟守隨之事與睢陽無異睢陽江淮
 之前障也拔雍而扼睢則可以通南北隨承天之後翼也
 越隨而保鄖則無以蔽陵寢捐必死之身委必破之城俾

其專力致死陷隨之後兵銳氣單橫折而去而陵寢晏然
無恙君之志遂矣後二年賊再至漢東無藩籬之恨原廟
震驚然後知君之以死據隨與南陽之據睢一也嗚呼護
陵之功守隨為大失隨之罪絕援為太今也責新於守死
罰佚於擁兵國論偵錯而盜賊滋不可撲滅則豈非謀國
者之咎哉君之滿考也例當內召蜀人疾君彊直以隨為
絕地陷君其卒以成君奇偉激烈者天也乃為銘其墓曰
江漢迴伏拱趨顯陔天造地設萬靈式馮漢東之國隨為
後蔽如人背肩心膂是衛烈烈徐君効死守隨隨亡身殞
寇戈北迴如隄受水捍禦奔敗岸壘隄崩水勢亦殺煌煌
顯陵原色騰騰空曲鬱盤王氣自古衣冠月游陵樹蔥青

皇明四朝成仁錄

卷二

四八 廣東叢書

帝眷南顧慰我光靈父子肉糜婢妾屍枕闔門封屠以保
陵寢帝曰念哉女師女祠功崇報夷過在祈司賀蘭環顧
始興不作陷巡莫問議壺誰駁下有青史上有白日假彼
貞珉查此直筆時司戎律時秉國成義則竊取讒鼎之銘

寧羌死事傳

寧羌死事曰周應泰

周應泰者不知何詳人

嘉慶重修一統志卷三 崇禎八年 百四十一作麻城人

崇禎八年

任寧羌州知州先是正月寧羌陷賊屠居民至盡應泰至
僅餘空城無與為守凡二月招徠撫卹流亡稍集十年八
月間將過天星等戰敗從漢中入蜀道經寧羌十月三日
原注云明史本
紀作九月癸巳城復陷應泰死之學正陳己志訓導鄧孔
健指揮徐大行皆拒戰死巡按孫傳庭以聞命未下先是
九月二十六日過天星等九股大賊勢逼漢中府將圍攻
掠總督洪承疇與總兵曹變蛟度棧道往援賊之漢中圍
解越七日賊經寧羌復陷之方是時兵勞而不得息地殘
而不能支故賊於死亡之餘猶得肆其兇鋒攻陷焚戮應
泰之不能守禦城亡與亡固其所也

皇明四朝成仁錄

卷二

四九 廣東叢書

濟南死事傳

濟南死事曰宗學朱曰周之訓曰鄧謙曰李應薦曰劉化光曰苟好善荀原作荀據明史本傳及雍正陝西通志卷六十一改曰馬爾煜

宗學朱字用晦長洲人崇禎四年進士初授南京工部主事管寶源局歲餘得羨餘若干俱以歸公怒不私一錢著書名司鑄政略丁外艱服除補禮部主事改雲南道監察御史劾楊嗣昌田維嘉唐世濟史莖袁鯨五人侃侃不阿繇是為黨人所忌十一年冬北兵破居庸關南下山東大震於是巡撫顏繼祖方以所屬兵移鎮德州總監太監高起潛以兵駐臨清濟寧間為聲援濟南告急時學朱巡按至章丘急策騎馳至閱城中兵僅得土兵五百人及調萊

皇明四朝成仁錄

卷二

五〇 廣東叢書

兵七百人嘆曰此省會重地且有藩王在守衛軍弱乃爾我無死所矣凡先後七上疏求援及條上方略皆寢不報即率兵登陴未幾北兵抵城下圍一宿去學朱益嚴守禦具既而北兵大集環營三面築長圍困之城餉絕乞德王出幣金犒軍又命將士與佛郎機火器以擊北兵圍稍却相距九晝夜守城者面目皆生瘡援兵竟不至其明年正月二日天黎明學朱方率巡道官周之訓巡道官明史張秉文傳作副及典史田多善等守東南門眾諱曰城陷矣北兵由薄以登學朱猶躍馬率親卒數十人循城而西持白楮格鬪力屈死之其地在城西南門譙樓下云之訓亦死多善寬免長子德寬聞之寬明季北略卷十四作哀旬旬抵濟南號哭徧求遺

骸不獲多善及學朱故所從胥吏得脫者言之復往城西南門求之多善指示學朱死處獲所遺令箭鏃一鏃原作本繼又獲巡按御史印一而已巡撫累疏陳學朱死事願

未育旨覆勘先是起潛既不援濟南又以失藩王故恐受誅謀欲卸罪於學朱而中朝黨人忌學朱者遂誣學朱不死次子德宜伏闕上書略謂臣父銜命巡方本無兵柄然猶慷慨身任卒以死殉泣念臣父才身蒙難非若守土諸官携有親屬收視致使形銷骨化無櫬可還惟冀上邀君恩稍光泉壤而詳覆再三尚缺題郵臣若隱忍何以為人復何以為子其言絕痛復有旨察議久不決給事中光時亨上疏力白學朱被誣狀江南士大夫在中朝者自刑部

皇明四朝成仁錄

卷二

五一 廣東叢書

尚書徐石麒以下凡三十有四人復公言於朝而吏部左侍郎沈惟炳亦請予卹廢援故巡關御史王肇坤劾議猶不決而北京遂陷弘光初始贈太常寺卿廢一予入監諱書屈大均曰汪琬曰公一羸然書生耳使得立螭頭之側正苟昌言為當世良臣可知矣不幸趨冒矢石內無金粟之儲外無虻蜂蟻子之後驅老弱千數空拳枵腹使當猝至之鋒事一不捷以死繼之視晉之六侍中唐之張睢陽亦何以異而議者顧媒孽阻撓其間賞罰無章莫此為甚此國事之所以不振也噫

鄧謙字少子孝感人崇禎元年進士幼慕于忠肅之為人

每曰大夫當戮力王事即與觀而歸猶愈死兒女子手中也初授大理評事擢兵科給事應作給事中改兵部員外九年口月北兵薄都城謀捍禦有功未幾出為山東參政北略卷十四作成宣為山東參政又明史張秉文傳改作議及北兵困濟南謀泣血登陴奮不顧身被磔死事聞贈中憲大夫明史張秉文傳作贈光祿卿忠毅

李應薦恩縣人萬曆四十一年進士崇禎初以御史削籍歸里北兵至捐募義勇奮志守城城破被執不屈死劉化光歷城人與子漢儀皆舉人北兵至破家守城城陷父子俱沒於軍中

苟好善字若誠醴泉人天啓五年進士兩任知縣以治行

皇明四朝成仁錄

卷二

五二 廣東叢書

擢南臺御史有抗直聲請量蠲江浙賦稅發內帑賑濟陝西又請就陝西應徵者照數減派使民獲朝廷實惠語侵當事忤旨尋遷濟南知府崇禎十二年正月敵入不屈死原作十五年口月據明史莊烈帝本紀及張秉文傳改馬嗣煜字元照同州人博極群書個儻有大略流寇起嗣煜起造簾架火箭出銀麥助軍晝夜守禦州賴以全崇禎十五年以貢任濟南通判築城濬池清衙蠹屏巨猾以便民為務其僕役有言及家事者叱曰在家言家官官言官舍公而濟私豈夙心所期哉朔望下學講書正儒術設鄉約民俗悉化持身清苦一無所取署武定又署蒲臺士大夫父老攀轅號泣嗣煜仰天嘆曰我即獲罪寧負百姓敵

至守南城東城先陷從者皆欲逃竄嗣煜曰天數已定寧可以苟免乎不屈而死事聞苟好善贈太僕寺卿嗣煜贈太僕寺少卿

屈大均曰蘇桓曰今欲天下治安當重郡守之權如欲重郡守之權則在先選其人欲選其人則在先責舉主欲責舉主則在先禮大臣蓋大臣國之股肱而人臣得至秩三品者皆多歷年所積有勞勤使因舉不才之人以為郡守致敗厥官必所不為而凡有舉主得為郡守者其在郡功罪舉主共之如是則郡守勢必得之其要在使其情得上達凡事關地方利害者得以疏聞於上外而撫按御史內而通政司使有沮遏者以違制論而所治一郡之內僚屬

皇明四朝成仁錄

卷二

五三 廣東叢書

知縣有不肖者得自舉勅其兵馬錢糧刑獄之類一聽自行裁處如遇寇警許即便宜行事務以一賊不至所治為功上而撫按監司撓之下而推官知縣沮之以致失機機者照等論罪又曰及今於凡庸寇所經郡縣任用三品大臣所保薦者以為郡守界以千里之地使自舉所部邑令選簡義勇訓練土著種粟屯芻選材蓄眾自戰自守不煩官兵以擾居民不需借餉以匱國儲必使其人視此千里之地一如辦其家事朝廷務責成功不必苛求細瑣科道務言功罪不得挾私讐說撫按但為覈實不得借端滋害如此而或治郡無功不能遏賊仍致地方殘破生民流離即同舉主皆膺重辟倘有跡邁古人功隆一時者即陞

巡撫或加卿貳職名仍守本郡舉主亦與賞擢以勸後效
通計天下之大郡有賢才以治之文足經邦武足戡亂則
亦庶乎小康矣夫均曰古者二千石生殺予奪得以自制
天子亦舉千里之地界之故事權一而威福行漢宋往事
可稽也今之為守者大抵垂首素餐於一郡之上一無所
為而一無敢為資發矣而無兵可用水旱困矣而無策可
施奸惡橫行矣法不克行則任其暴以苟馬二公之賢使
得重權如蘇桓氏之所云其能保民捍賊建立功業豈顧
問哉惜乎徒以孤城死守自明其節而無補於國家也嗚
呼有國者其亦知鑒矣我又聞有王胤者吳橋人崇禎末
以舉人知河南某縣城破被執賊索印捶楚備至終不與
墮城而死有王士和者江西舉人隆武中為延平知府城
陷自縊死嗚呼是亦苟馬二公之可惜者也

皇明四朝成仁錄

卷二

五四 廣東叢書

河南知縣死事傳此傳據史
研木補

河南知縣死事曰劉振之曰劉英曰姚昌祚曰王士昌
曰徐日泰曰韓醇曰劉士豫曰魏令望曰潘弘曰紀懋
勳曰李貞佐曰丁泰運曰周騰蛟曰柴存棧曰許永喜

喜明史本
傳作禧曰張人龍

劉振之字某明史本傳
云字而強慈谿人崇禎庚午舉人為黃道周
所拔士十二年知縣鄆陵賊至擐甲登陴力竭謂父老曰
勿以吾而累若曹之命衣冠北拜自刃死道周額其門曰
忠孝大儒振之為諸生時人稱三不好言不貪財不好色
不惜死也果符其言

皇明四朝成仁錄

卷二

五五 廣東叢書

姚昌祚臨晉人崇禎十三年知泌陽縣獻賊陷城死之有
歌之者曰山城鐵騎掩中宵百里神君舊姓姚手挽梨花
血滿路誰將此事報先朝

王士昌雲南人崇禎十四年知泌陽甫任城陷不屈死之
按明史潘弘傳云泌陽凡再陷崇禎十四年五月張獻忠
破信陽獲左良玉旗幟假之以登城知縣雲南王士昌
昌慎印端坐被縛謾罵死臨昌祚代
之甫數月復陷昌祚手斬賊力屈死

徐日泰鄆西人明史本傳
作金溪人崇禎十三年知偃師縣流寇陷
城死之韓醇四川舉人崇禎十三年知新野縣城陷不屈
死之

劉士豫字崑白西蜀人知沐陽縣逆闖南濱陷城死之
魏令望明史本傳
云字于野武鄉人崇禎十三年以進士知太康縣

流賊攻城屢力守備時大河以南拒守者止歸德陳州及

太康三城太康陷賊憤屠之令望闔家死焉

潘弘字若稚山陽人崇禎十六年以貢知無陽縣明史本傳作十

三城陷與子生員澄濶罵賊死口詔贈弘命事

紀懋勳膠州舉人崇禎末知鹿邑慷慨喜任事城陷死之

李貞佐明史本傳安邑人崇禎末知郟縣明史本傳作十四年城陷

被執不屈死之母喬氏亦死焉

丁泰運明史本傳澤州人崇禎十三年進士初知武陟調

河南城陷不屈被炮烙死

周騰蛟香河人以舉人知汜水縣流賊自雒攻汴騰蛟遷

縣治於摩天砦以扼其衝賊攻之力城陷自溺於河

皇明四朝成仁錄

卷二

五六 廣東叢書

柴薦禮浙人崇禎末以舉人知涇州城陷罵賊被磔死

許永喜曲沃人萬曆間舉人知上蔡縣有惠政崇禎十五

年春上蔡陷先一日賊以數騎大呼曰今不開闔明日一

城當為血沼民懼告永禧永禧嘆曰賊勢所向無敵一邑

其能守乎我惟以死謝朝廷而已著柶笏北拜末燭坐賊

近乃自刎

張人龍遵化人崇禎末知寶豐縣城陷不屈死妻孥人少

艾逆僕四人將脅以非禮孺人治酒飲之乘間出呼丞尉

約守備率兵擒之乃扶柩獨歸

永寧死事傳

永寧死事曰武大烈

武大烈字海寧臨潼人天啓七年舉人崇禎十三年知縣

永寧歲荒設法賑濟全活甚眾縣有藩封萬安王甚橫大

烈以法繩其爪牙王為飲戩閩賊自楚入豫攻之城四門

俱焚大烈督戰七晝夜明史本傳作殺賊無算力不支大

書於案云武氏祖先孝子大明皇帝忠臣賊勸降不顧索

印曰印乃朝廷之寶賊敢問取被炮烙以死

皇明四朝成仁錄

卷二

五七 廣東叢書

錦州死事傳

錦州死事曰容報國

容報國字君寵新會人少有血性務學多藝能起家省祭

省祭徐本同縣本 親終喪葬循禮崇禎間任錦州倉大使

錦為巨鎮屯重兵倉庫場局官吏盡逃報國以一人兼攝

之會計詳明州事倚以為重諸倉歲羨悉以歸之公帑祖

大壽錄其廉能薦授州判崇禎十三年庚辰總運不繼報

國間行出催糧至松山聞敵兵將趨錦松山知縣石某勸

之少逡巡候進止報國泣曰錦兵掘鼠而食數米而炊糧

若不入則無州矣寧可無身不可無州遂趣糧入城趨原

據徐三日被圍糧盡搜絕錦州不守報國具衣冠向闕五

皇明四朝成仁錄

卷二

五八 廣東叢書

拜仰藥死錦卒李清逃出言於人故其事得聞

仁壽死事傳

仁壽死事曰劉三策

劉三策字叔簡都陽人以天啟辛酉舉人知四川仁壽縣

崇禎十三年城陷三原作五據 明史本傳改罵賊死

皇明四朝成仁錄

卷二

五九 廣東叢書

河南死節大臣傳

河南死節大臣曰呂維祺

呂維祺字介儒明史本傳作字介儒河南新安人萬曆四十一年進士初推官兗州陞吏部考功司主事歷文選驗封郎

中光宗崩諸臣請見嗣君於慈慶宮門會中貴導駕幸小

南城徐本無維祺言梓宮在殯大寶未登不宜輒輕萬乘

仗出中止又言近習不得干政選侍宜急移宮請醫侍疾

無狀宜按問魏忠賢叩之廷推維祺掌計矯旨帝用罷歸

宗即位起尚寶司卿改太常寺少卿尋陟正卿原無正

山佚文 上防微八漸及聖學疏上嘉納之崇禎三年遷南

京戶部侍郎時南庚告匱官軍數萬寄命空帑維祺清覈

皇明四朝成仁錄

卷二

六〇 廣東叢書

官吏侵數百十餘萬原無清字據翁楚藩侵借三十餘萬

北戶部原借一十三萬疏十事二十四弊於朝允清屯糧

八十八萬九原作廷據翁搜括數百萬以充南餉拾翁山

別節省數十萬以充北餉二年間南庚遂積至一百五十

餘萬以助北餉以修城內外倉場原無以字據翁及江北

倉若干所並置學田起學舍上下詔褒獎六年轉南京兵

部尚書清兇冒補參軍勤行訓練檄提督趙世臣撫寧侯

朱國弼等分督水陸諸軍偵探守禦賊偽以數千人託進

香為名原無記為名三襲陷鳳陽維祺急發兵渡江制賊

追勦至安慶賊震懼不敢窺留都上嘗得維祺所上章皆

精明竊幸因切責前任計臣某某等某諛言者概他事以

中傷維祺原無字據翁八年二月六日計遂削職維祺愈

皇去國無以自明乃為文告於孝陵反覆數千言激昂沉

痛有云臣恐一去而天下之實心任事者以臣為前車致

聖天子孤立於上國事日以敗壞聞者傷之既歸立伊魯

大社講學會河南河北大饑維祺營產稱貸日事賑濟先

是崇禎八年雒陽大饑維祺父孔學出粟以賑全活一萬

七百餘人上特贈右都御史賜璽書樹坊旌之維祺繼其

志三年間凡四大賑七小賑全活二萬四千三百餘人為

撤勸施得錢若干緡又全活數千人上救荒八事一曰安

民請免河南北加派甚者全蠲舊負半蠲新糧以收思亂

之人心以遏附賊之口實二曰弭盜以勤為實以撫為權

皇明四朝成仁錄

卷二

六一 廣東叢書

三日修城俾富者出資貧者出力名為興作陰作賑濟四

日賑饑五日平糶六日折漕七日蘇驛八日勸施上可其

奏時流賊以三十餘萬盤據雒西時字據翁本補流原作

釋改詭求安插總理熊文燦力主招撫以河汝蕭條請斥

空城以綏徠新附維祺移書力爭乃止土賊王之典謀犯

新安維祺得內應數百人斬之會闖賊李自成自關中出

蹂宜陽躡永寧屠熊耳以西屯壁十數雒陽大震時福心

在城中積金鉅萬謹錄給壯不開援兵過者糗糒粗惡投

之地詔王維祺數與有司請貸王弗聽明年正月賊逼河

南府總兵王紹禹以兵門於西維祺門於北副將羅岱以

兵背西門而兵兵翁山佚文詭云逐賊實迎之賊用羅

岱軍破具來攻紹禹兵乘夜殺陣士懸布於堞賊盡上有
起於賊中者曰公非賑饑呂尚書耶我能活公公可乘間
逸維祺弗動賊擁以行道過福王謂王曰綱常至重等死
耳王母自屈見鄰大夫張炳皇呼其子曰東升亦至此耶
勉全名節炳皇領之賊深見維祺曰呂尚書今日請兵明
日請餉欲殺吾曹今定何如維祺瞑目叱之原原作瞑據
翁山佚文輯
改引頸就刃時十四年正月十九日也年五十有五夫人
郭氏聞之不食死詔贈維祺少保翁山佚文輯再贈太傅
諡忠節論祭葬廕一子入監讀書建祠勅歲祀贈郭氏一
品夫人維祺素敦仁孝大父幼齡喪父哀毀如成人見
父燕服報流涕父孔學事母牛氏牛氏病腫瀕死額天請

皇明四朝成仁錄

卷二

六二 廣東叢書

代感神授奇藥而瘳牛氏沒廬於墓傍哭泣上酒食十年
如一日先是牛氏早寡截髮毀顏守志四十九年有司並
以聞詔建母節子孝坊鄉人榮之維祺善孝經嘗撰孝經
本義孝經大全孝經或問若干卷明文藝文志著錄孝經
本義二卷孝經大全二
十八卷或上表進呈請以孝經列經筵端豫教頌諸學宮
夢天帝錫芝一本十有八莖葉與經篇章相應翌日芝生
壁間色金紫大如升許香芬繞庭維祺拜而藏之於廟是
日也上頒行孝經之詔適至維祺疏謂皇上達孝格天嘗
謂朕不敢與天地祖宗並此不敢之心乃孝之大蓋此芝
之為聖天子休祥也原無也字據翁
山佚文輯補因名其芝為孝芝云
孝芝原作孝經據翁山佚文輯補維祺講學之暇考正六書六原作文據
翁山佚文輯

改有音韻日月燈韻母同文鐸韻鑰切法正指及奏疏若
千卷明文藝文志著錄音韻日月
燈六十卷詩文集二十卷晚有存古十二篇士戒
七篇以敦本訓俗為務同產弟維結字秦石明文藝文志著錄
傳作字秦石
絲篋貢知樂平縣城破死之詔贈按察司僉事稱呂氏二
烈時有劉芳奕者雒陽人天啓四年舉人知昌樂縣罷歸
雒陽城陷北向自經死

屈大均曰自孔子繼春秋而作孝經二千年以來訓釋紛
紜至呂忠節公始發明大指原無明字據翁
山佚文輯補謂堯舜以來
帝王相傳之心法治天下之大經大本此誠廣大精微之
極論原無論字據翁
山佚文輯補蓋至聖神靈有以默啓之也公嘗進
言天子原無進字據翁
山佚文輯補謂臣所以勵愚忠報恩過者惟一

皇明四朝成仁錄

卷二

六三 廣東叢書

部孝經又上表章孝經八要一疏使其言行自今以至萬
年堯舜之君民可不絕於世也

開縣綿州死事傳

開縣死事曰張令曰劉士傑曰郭開開烈皇小識卷七及明季北略卷十七作關明史猛如曰猛先捷綿州死事曰張可曰張載虎傳及明紀同此陽

張令明史本傳作永寧宣撫司人蜀將也崇禎十三年八月督師閩部

楊嗣昌軍行入蜀嗣昌楚人不欲以一賊留楚而謀以蜀

困賊因而先困蜀凡撫標之精銳者報調遣之蜀撫郭捷

春曰督師欲殺我耶如封疆何不得已以弱卒二萬守重

慶以張令秦良玉為左右手令勇敢善戰良玉自將精兵

三萬援夔越夔咫尺即其石砬土司砬原作柱據明史秦良玉傳改守夔

所以守家也知綿州陸遜之罷歸捷春使按視營壘良玉

皇明四朝成仁錄 卷二 六四 廣東叢書

冠帶出見為陸置酒嘆曰邵公不知兵吾一婦人受國恩

當死所恨與邵公同死耳陸請其故良玉曰邵公移我去

重慶三四十里而使張令守黃泥窪已失地利矣賊在歸

巫萬山之上俯視我營以驍騎建瓴而下令敗將及我我

敗其尚能救重慶乎且閣部驅賊出楚無智愚莫不知之

邵公不及此時爭山奪險令賊不我犯犯原作能乃縱之

深入乃原作即而坐以設防此必敗之道也陸歸言之捷

春無可如何為之涕泣九月監軍萬元吉合川將拒守巴

巫諸險令秦將賀入龍李國奇楚將張應元汪之鳳張奏

凱擊賊楚兵自達州入夔營土地嶺人龍逗留不進賊知

楚兵多新募悉銳來攻應元等苦戰不決賊從山後分兵

突入其營我兵潰亂應元奪圍而出收其兵稍集之鳳禔

將潘應魁戰死元吉馳至軍中令應元兼領其眾十月明

史本傳元吉駐巫山捷春駐大昌聲勢相援軍稍張捷春

以大昌水淺地平難持久乃分兵屯報夜又三黃磨子魚

河下涌諸處元吉以力弱為憂賊果突至三黃嶺窺上馬

渡破之元吉檄諸將禦之於談家嶺賊遂從竹筒嶺進次

開縣張令率眾奮擊眾寡不敵轉戰二日夜殺賊數千力

盡死於陣良玉之兵亦敗捷春收兵據梁山十六日賊羅

汝才自豐邑坪還再與獻忠合長驅深入捷春退屯綿州

扼涪江自固賊破劍州趨廣元將取間道入漢中總兵趙

光遠與賀人龍拒之於陽平百丈二關賊不能進踰昭化

皇明四朝成仁錄 卷二 六五 廣東叢書

復走巴西我兵邀之於梓潼却之賊疾攻綿州川將曹志

耀王光啟張世福力戰敗績降將張可張載陽陷陣死捷

春之師遂潰賊屠綿州去抵成都捷春被逮論死十一月

朔嗣昌進軍重慶元吉大享將士於保寧號令不一乃以

猛如虎為總統應元副之率軍趨綿州元吉自間道趨射

洪以待賊賊方屯兵安岳里場明史猛如虎聞兵至皆遁

如虎選精騎追賊元吉營安岳城下明史如虎傳元吉以

逼歸路十二月嗣昌在重慶勒限三日進兵諸將皆行獨

人龍驕蹇三檄之不奉約束初嗣昌憂左良玉跋扈而人

龍破賊有功私許以人龍代良玉為平賊將軍人龍大喜

比良玉有瑪瑙山之捷嗣昌禮之如初謂賀將軍且需後

命人龍大失意以告良玉良玉深沮內恨人龍禍急顯言於眾曰關部不足與謀瑪瑙山之戰獻忠得脫良玉實故縱之雖順旨請戰其中實不用命元吉知兩將怨望進言曰軍心未一不可以戰令前軍追賊後軍為繼從中道出梓潼過賊歸路以徐侯濟師此萬全之策也嗣昌不聽曰賊易與耳何用分兵示弱為十五日獻忠陷入瀘州州三面皆山形銳而面江止立石一路可北走賊既自入絕地元吉謀以如虎自南率大兵搗其巢伏兵旁寨逼賊北竄永川逆而擊之可以盡殲賊永川知縣戴堯雲先適警導無人元吉以輕騎按行城空止丞薄一二人既拔立石賊已先渡南溪走漢川德陽矣元吉單騎至藉田鋪賊遂

皇明四朝成仁錄

卷二

六六 廣東叢書

渡綿江入巴州方是時嗣昌氣尚驕既誣元吉之謀不用自統舟師赴雲陽檄三軍從陸追賊勿令他軼諸將悉從瀘州躡賊後賊折而東反歸路盡空不可復過人龍一軍大譟西歸中軍陳可立率其軍背道馳去如虎所將軍團兵止六百餘騎餘皆平賊鎮兵驕悍不法時諸軍從良玉者多優游屯駐從如虎者逐山谿風雪中不少休軍中謔曰想殺我左鎮跑殺我猛鎮跑原作跑據明史如虎傳改蜀中所仗賴止此一軍人心如此元吉深以為憂十四年正月二十日官兵及賊於開縣黃陵城諸將請詰朝戰參將劉士傑曰四旬追賊今始及之舍而不戰使賊數十營遁去我不能也大丈夫獨取獻忠耳如虎激眾進擊士傑先登賊已披

靡潰獻忠乘山嶺見無秦人旗幟左家兵亦倚阻不戰乃大呼馳下良玉不戰先潰士傑及游擊郭開如虎之子先捷皆戰死如虎率牙兵苦戰中軍馬智挾之潰圍而出旗牌兵符盡失嗣昌在雲陽聞敗頓足曰吾不用萬元吉之言故有此敗令兵還楚顧根本再圖破賊遂還重慶元吉初自保寧以至達州七百里不見烟火崎嶇青谷間原缺據明史舍騎放舟據原作收始及大軍故一見督師如虎傳補即請分兵以為後繼據原本補開縣之敗親至戰場為文以祭士傑先捷痛心泣血哀動三軍在夔收召殘卒登白帝以望賊歷歷山谷間我兵反出其後無一人捍禦之者不覺拊髀流涕痛吾謀之不用云

皇明四朝成仁錄

卷二

六七 廣東叢書

屈大均曰嗚呼開縣之敗將驕卒惰而僥倖於一決督師之不得已也良玉人龍皆跋扈不肯用命致監軍之意主於不戰不以二帥為可恃而以猛將軍總統之二帥之罪至是而無以自解矣其後人龍受誅而良玉以舉兵清君側飲恨而死功名不終為天下笑所謂武人不知大義徒以駕馭無術過責督師毋乃持論之不得其平乎

汝州死事傳

汝州死事曰錢祚徵

錢祚徵字君遠

明史本傳作字錫吉明季北略卷十七作字君遠號錫吾掖人吳越王

鏐之裔也天啓元年舉於鄉署恩縣教諭崇禎十年除汝

州知州州為流賊出入孔道土賊乘釁聚依山為梗民

生苦之祚徵至簡鄉勇衛兵得千餘人伴為城守忽夜半

出從間道踰越山谷突抵其寨大破之祚徵念賊眾難

盡誅乃釋其俘招之仍令民千家立一寨有警相救賊屢

失利其頭目魯加勳遂詣州降南召登封諸賊聞之亦皆

來降祚徵選其驍健原缺選字據鄭本補送軍門効用餘給牛種遣

歸汝人少休十四年正月闖賊陷河南府遂攻汝州祚徵

皇明四朝成仁錄

卷二

六八 廣東叢書

麾下言款賊者斬以徇督戰二日中流矢力疾乘城二

月四日會風霾大作賊發火箭射城上城上發礮應之風

逆火反撲檣忽焚賊衆之入祚徵被執大罵不屈賊加以

火炮烙一宿死年四十七弟祉徵從子青與僕十餘人皆

死巡撫高名銜以聞奉旨下部議卹未覆

屈大均曰錢公守汝多善政嫻於方略觀其潛師擊賊出

其不意攻其無備亦兵家之常事耳乃當時為將帥者多

不務此何也

襄陽死事傳

襄陽死事曰郝日廣

郝日廣字居節

節原作節據番禺縣志改番禺人崇禎十年進士推官

襄陽十四年正月二十日官兵與賊張獻忠大戰於開縣

敗績督師楊嗣昌在雲陽聞報痛哭曰吾不用監軍高元

吉之言故至此令引兵還楚顧根本再圖破賊既至重慶

獻忠即東走雲陽一日夜馳四百里出巫山大昌至當陽

嗣昌遣總兵王允昌等擊之鄖陽巡撫袁繼成悉兵扼賊

於房竹獻忠留羅汝才為後自帥輕騎下宜城殺督師軍

使於途取其符檄遣賊黨數人詐為軍使夜叩襄陽城門

巡道張克儉納之

巡道明史莊烈帝本紀作副使明季北略卷十七作兵備副使烈皇小識卷七

皇明四朝成仁錄

卷二

六九 廣東叢書

同獻忠得計因詐稱督師將還襄陽先二日遣火牌至官

條盡出迎候至公所請見督師不得見夜漏四下偽軍使

與城中潛伏者並起攻襄王府焚瑞禮門樓執襄王弒之

並殺貴陽王常法投火中城中大亂明日賊眾數十萬薄

城日廣是時督餉荆州聞報馳還比城陷或勸之出避日

廣曰官以城為命民以官為命官去矣民將安歸是城非

陷於賊而陷於官也慷慨盡酒一卮登城擊賊賊縱火焚

門日廣巷戰墮馬死妻譚氏妾李氏二子長逢明年十二

次逢泰年九歲及一女並死二月之四日也

四明史莊烈帝本紀明季遺聞均作五烈皇

小識卷七作八

有標李在公者

番禺縣志作僕郝炎與求得日廣

屍殞之身被重傷四五耳貫一箭其母匿古廟中不食二

十餘日矣奄奄待絕在公意為太夫人也扶而拜之灌以米泔稍甦果太夫人也求得一幼女並護以歸繼成以死
事聞詔贈太僕寺少卿當城陷時襄陽知府王承曾挾帑逃去署襄陽縣李天覺天明史張克儉傳明紀均作大烈皇小識表七同此北面叩首置印於案不屈自經亦死之先是十二年九月賊過天星等乞降嗣昌受之徙小秦王於房縣過天星混世王於竹溪山中欲散發內地以遠之先是大軍圍賊久之四面皆降賊大軍反為所圍嗣昌弗省也克儉與川東道康四海安插降賊日不暇給賊得免死牌不肯散連營數百里克儉上書督師曰河南北大荒飢民就食襄陽者數十萬新舊降丁錯處其中一夫呼咷皆可發難何異以虎狼自

皇明四朝成仁錄

卷二

七〇 廣東叢書

衛乎嗣昌以為怯弗聽是月二十日李自成陷河南府福王亦被弒事聞上震悼輟朝三日泣曰雒陽天下形勝襄陽建瓴東南朕為天下討賊而決旬之間兩藩王皆以國斃殆天厭棄吾家而剪其子姓也不然何以至此嗣昌至荆州謂諸將曰皇上待我恩厚當謀再舉俄聞襄陽之陷及朝惠王王曰先生願見寡人者請先見襄王又聞雒陽亦陷福王不保痛哭曰何面目復見上乎以後事托萬元吉伏毒死上聞嗣昌死且恨且憐比見元吉所上死狀嘆曰督師二載辛勤一朝盡瘁功雖不成志亦可憫命用輔臣禮歸葬

屈大均曰論者謂嗣昌可為才臣方其受烈皇帝之知遇

也亦欲効忠宣力以報朝廷而薦能文燦有功雖洪承疇首罪是非混淆人心不服而無以自解於天下矣開縣之最絲不用監軍萬公之言嗣昌亦自悔過不暇矣初獻忠之降遺其心腹薛國觀之從子某入京關通朝士無人而不受其厚賄獨嗣昌一人不然其督師入川撫臣不與同心帥臣不肯効命殺藩王墮名城而捐七尺以殉蓋已異於欺君伏法受賄偷生之輩多矣初萬公以諸將離心其意實主不戰嗣昌之不用其謀亦非別有成算也受命事征身在萬里之外自念向在上前智勇輻輳功在反掌今師出累年糜餉百萬知我者朝無一人罪我者四面而至故雖將驕卒惰不得不僥倖於一決也嗚呼開縣之敗豈

皇明四朝成仁錄

卷二

七一 廣東叢書

嗣昌之得已哉自二年楊鶴總制三邊而寇氣始熾厥後嗣昌督師或罹嚴譴或以身殉父子遠與寇禍相終始夫豈人為之耶當獻忠之反文燦之誅嗣昌念再負國恩無所逃罪乃自表請行討賊於是上詔嗣昌曰問者邊陲不寧卿雖盡瘁未免為法受過朕因優敘還鄉前所奪官卿引愆自貶堅請再三所執持甚正難相聽許朕聞春秋之義以功覆過當降徒干紀干原作降據鄭本改西征失律以卿才識勘定不難可馳傳往代出郊之事不復內御按賜上方劍以便宜誅賞卿其獲剪髮賊早奏膚功詩不云乎無德不報賊平振旅朕方加殊錫焉將行佩以督師輔臣銀印賦詩宴饒以方叔亞夫為比問曰卿行兵以何者為先對曰

兵難遠度臣馳至襄陽條上方略御史張肯堂請著為令
有創為撫說者議出編氓行伍以奸細論議出道將紳於
以通賊論議出督撫鎮帥以誤國論疏入嗣昌弗善也嗚
呼主撫者熊文燦也洪承疇孫傳庭不主撫者也兩人在
關中而穀房安去關中而穀房叛若文燦豈足為有無哉
而嗣昌薦之過矣嗟乎賊之所以日熾者大率招撫誤之
楊鶴受欺於前陳奇瑜受禍於後至文燦穀城之變勢成
燎原矣嗣昌仍以此欺何覆轍之相尋也哉

皇明四朝成仁錄

卷二

七二

廣東叢書

商城死事傳

商城死事曰威以恒

威以恒字勉南潼關衛人萬曆四十三年舉人崇禎十年
知商城縣明史本傳作崇禎十年舉人知商城縣商城土俗剽疾地險而多
盜以恒浚城隍練習鄉勇逐降賊一文青全部又約左帥

良玉勦賊於和豐橋擒一字王展翅飛斬獲無算賊不敢
近商城數年張獻忠陷襄樊據明史本傳乃崇禎十四年事乘勢南下時

以恒已陞開封府同知或說以速去以恒不可集紳民議
曰商城雖小實全豫障蔽當以死守巡按御史因留以恒

同守賊數十萬乘雪夜襲城城陷被執賊引與同坐欲降
之以恒罵賊不屈死賊字原缺據明史本傳補贈按察司副使陝西通志作河

皇明四朝成仁錄

卷二

七三

廣東叢書

南按察使司



皇明四朝成仁錄卷三

屈大均原著

葉恭綽校訂

沔陽死事傳

沔陽死事曰馬颺

馬颺者沔陽州州同也崇禎十四年獻賊襲陷襄陽知州議募兵為守有費生者年甚少家貲鉅萬首倡募得人為最知州亦自募兵三百每門團長二人六門凡十二人而委所募兵於團長身與颺各率役屬分行鄉落鼓勵百姓以禦賊比歸賊勢益急沔陽四面環河惟東城陸口知州溝之城有浮橋復火之三月賊至知州閉城與颺分門固

皇明四朝成仁錄

卷三

七四 廣東叢書

守費生距河而軍擊口不利徒眾因擁費生以逸知州乘間亦潛去而颺不知也賊渡左右曰知州去矣盍亦隨之颺不可命開門縱士民出而已投水以死據明紀颺死於十六年正月屈大均曰知州不死州同死州有州同口口口馬公一死沔陽州至今聞風皆興起

葉縣死事傳

葉縣死事曰劉國能曰張我翼

劉國能明史本傳云延安人初為流賊號闖塌天河南巡撫常道立

招之國能性至孝奉其母命就撫崇禎十三年六月平賊將軍左良玉遣國能圍賊於瑪瑙山賊獻忠食盡分其眾四出抄掠不得糧歸者殺之未歸者詣嗣昌降良玉使國能將之前行詐稱糧至獻忠開營迎入國能眾大呼奮擊掃其營壘擒賊妻孥與徐以顯潘獨鰲等送襄陽獄獻忠竄入山中襄陽知府王承曾見獻忠妾悅之故疏其防賊得脫十四年九月國能分守葉縣賊至力戰不支城陷自成謂國能曰爾本故人何為不服我國能曰我肯不肯與

皇明四朝成仁錄

卷三

七五 廣東叢書

公等為賊今王臣也位居副總兵其可以悼國恩而復為賊乎因自刎死明史本傳作賊殺之其子方八齡自成抱置膝上欲收養之不從自解所帶小刀自刎死葉縣知縣張我翼被執亦死之我翼涇陽人舉人

屈大均曰論者謂崇禎十一年十二年間賊屢挫於秦師至強如李自成亦盡失其眾竄伏於嶺函之間饑餓於赤地之際且事勢不同黨相讐眾心思降稍稍悔禍此劉國能李萬慶王光恩常國安惠登相王國寧等所以去逆效順以督撫駕馭得宜且轉而為我用也當獻忠汝才歸命之時御之有方乘自成破敗數騎來歸將俘執之以為功而寇氛滅矣不幸以事權委之文燦惟賄是求得其恩

五長尺餘者二珠徑寸者十致降人輕而怨恨之以至於甚敗獻忠反時以文燦誅求事狀榜之道塗且曰不受我錢者內惟大司馬外惟道臣張克儉而已嗚呼文燦於招撫之外絕無長策貪欲無厭遂至傾覆邦家然自穀房之叛房明史李自成及張獻忠傳作城自成方以數騎西竄獻忠之弟張亦屢挫於諸師嗣昌以樞輔之重奉上方威靈號令一新三軍改色一勝於楚再勝於四川蠢茲小醜何不可以尺組繫之乃事機失之稍緩謀策失之不行諸將離心兵疲餉竭開縣之敗獻忠得志自成亦乘隙而起名城親藩連遭屠戮行間銳氣掃地無餘而國變決於此矣嗚呼

皇明四朝成仁錄

卷三

七六 廣東叢書

襄城死事傳

襄城死事曰汪喬年曰黨威

汪喬年字歲星浙江遂安人天啟二年進士歷任刑部郎

中出知青州府事擢登萊道副使明史本傳作登萊兵備副使督學陝

西按察使性英敏諸獄決告令錢穀鈞會及殿最士子皆

自程量立剖決特以廉幹稱崇禎十四年賊李自成并張

獻忠八萬眾萬原作汭據徐本改勢猖獗朝議以傳宗龍為秦督特

授喬年兵部侍郎副都御史巡撫陝西明史本傳作總督

二二曲先生定石文作督師與同討賊喬年受命書大

旗曰汪喬年以死報國出入自隨人皆屬目聳異之聞自

成將謀入關喬年率將士馳至高維廣樓稽飭烽候部署

皇明四朝成仁錄

卷三

七七 廣東叢書

未定適宗龍至與謀畫戰守喬年送之出關曰公破賊喬

年當率所統為後距後距即本相與相與慨泣數行下宗龍率

李國奇賀人龍與保督會至孟家莊賊伏兵掩擊國奇等

遁走宗龍擊誓拒守七日援兵不至潰圍出死於項城喬

年聞敗嘆曰傳公死計賊無人矣吾既以身許國不可不

出繫眾心遂誓師至郊襄城父老出迎移軍駐焉復出舍

交綏先是喬年密奉上諭使米脂知縣邊大受發自成祖

父冢自成故憤甚時圍左良玉於郟城聞喬年出厲聲曰

是發我先墓者耶撤郟城圍督眾奮擊喬年一軍盡沒收

殘兵數百退保襄城五日城陷明史莊烈帝本紀作十五

史本傳作二月二日喬年自刎未殊被執大罵被賊磔死

入襄城二十七日城陷

事聞詔立祠陳氏曰喬年久歷外任卽津要歲時無所飽遺有以竿牘至者皆峻拒不少狗群小欲中以法然以其名高不果值其撫秦遂以邊才陟總制名為尊顯實假手於賊以快其忿任總制未幾赴援河南師次襄城及既接大帥賀人龍等久蓄異志皆奔潰去喬年孤軍城守賊以數十萬百道攻之喬年坐矢石間隨機以應殺賊數千人賊憤甚左右泣諫曰眾寡不敵公盍自為計喬年怒奮拳擊之城陷手及三賊乃被執賊割其耳鼻磔之以死其罵賊之聲至今襄城人猶轟然在耳也祠名忠烈俎豆今勿絕云喬年有才武膂力絕人善騎射擊刺

皇明四朝成仁錄

卷三

七八

廣東叢書

之崇禎十五年二月督師汪喬年統兵二十萬至河南勦賊威以中軍副將從之當是時李自成等凡八十餘萬一日十七戰威銜鋒陷陣身被大創意氣不衰賊稍憚之賊勢日盛喬年移駐襄城為持久計威與曹文詔以兵萬餘銜之張崇曹文詔崇禎八年六月已戰死緝崇詔徐本作紹或別一人賊大修攻具威且戰且守城中乏食勢不可支請暫退關中休養喬年不可比賊圍急威登城見賊帥旗在南疾引精騎數十出西門從間道突銜其營斬左右數十人奪帥旗而還次日又率千餘騎出擊當者披靡食盡外救不至城陷喬年被執威持佩刀格戰被數創自刎屍不仆者移時時喬年中軍總兵馬鳴廉單騎馳救出入賊壘者三歿於陣中

南陽死事傳

南陽死事曰猛如虎

猛如虎者蒙古人也崇禎初與虎大成來降延綏巡撫易其名時稱曰猛虎二將數有戰功陞援勦副總兵十二年三月督師楊嗣昌次荆門立大勦營更戲下騎兵為上將營以如虎將之分勦流賊於楚蜀十三年十一月賊羅汝才過天星入蜀張獻忠合營安岳諸總兵左良玉賀人龍李國奇張應元汪雲鳳張秦凱等會師於夔州督師監軍萬元吉以諸軍進止不一宜立大帥以統之乃以如虎為正總統應元為副總統兵發保寧趨綿州分屯要害如虎至安岳選驍騎逐賊元吉與應元屯安岳城下十四年正月

皇明四朝成仁錄

卷三

七九

廣東叢書

月獻忠走達州嗣昌檄諸軍追躡人龍頓兵廣元不進如虎率諸將及賊於開縣日暮雨作諸將請詰朝進戰如虎曰明文本傳作劉士杰曰自瀘州逐賊馳騫四旬僅而及賊今及賊不戰何用求賊請為諸軍先登揮戈而前賊披靡獻忠望後軍無繼以精銳繞山谷中出官軍後馳而下諸軍先潰如虎子先捷戰死如虎突圍而出三月嗣昌自經死元吉部署行營命如虎駐蘄黃以防獻忠東送二月李自成大會群賊圍開封陷歸德左良玉自襄陽進師次南陽獻忠等將北向如虎扼之於德安會疽發背退屯承天十一月自成破襄城遂圍南陽城陷按襄城死事傳作十五年二月襄城陷明文本傳作二月月南陽陷唐王遇害如虎死之大威後為總兵戰死山

西當如虎死時有劉光祚者字鴻基明史本傳云以父國
鏞廢授官積功至保定提督明史本傳作三關總兵隨嗣
昌勦賊過南陽唐王留守郡城自成兵數十萬攻之光祚
血戰七晝夜力盡死之贈太保賜諭祭

通許死事傳

通許死事曰費曾謀

費曾謀字耕道鉛山人大學士文憲公宏之從玄孫也家
世傳臚者二已成進士者六舉人七餘登臚仕者甚眾曾
謀以五經應貢廷試第一文章奇奧有聲崇禎十四年知
通許縣賊自宛趨汴所過屠滅郡縣皆望風下曾謀至任
甫月餘賊以萬眾薄城曾謀執矢登陴晝夜捍禦乃屬其
父老曰糧食且盡事去矣事字原缺徒死守貽若屠無益
也我生不能全若我死而若全矣父老哭留弗得正衣冠
北拜懷印入井中以死城陷賊得其屍葬之邑人為之結
素一日

屈大均曰嗟夫城之與民有可捐有不可捐有時城重於
民而與之効死弗去有時而民重於城則捐城而以一
身殉之通許地非衝要令死而民得以生亦仁人之義也夫

登封死事傳

登封死事曰鄔廷誨

鄔廷誨閩人繇歲貢知登封縣崇禎十四年賊至登封廷誨揮百姓出城與一僕登陴拒守謂賊曰知縣願以一身代百姓賊義而釋之相戒無入百姓尋反異縣亦皆來集以為安堵邾縣土寇聞之夜潛入城屠之執廷誨索金廷誨曰吾身不能代百姓死死有餘辜今百姓已盡吾生何為吾有金求貸百姓死耳不以貸一身也賊殺之典史王大璧會稽人與之同死

屈大均曰一身代民斯語良悲已可感天天忽悔之匪天悔之蓋天之惡生而好殺也亦有時噫有劉程者程原作

皇明四朝成仁錄

卷三

八二 廣東叢書

史本 中部人崇禎十四年以舉人知登封時大盜李際遇

申請邦恭布四鄉鄉本 程練死士百人且戰且守賊不

能近十六年逆閻陷城閣下原有賊 死之贈按察司僉事

新鄭死事傳

新鄭死事曰劉孔暉曰談王道

劉孔暉字默菴廬陵人明史本傳 天啟元年舉人崇禎十年會試中乙榜教諭龍陽龍陽本 十一年應雲南聘分較書春秋十三年以巡按御史林鳴球薦授新鄭知縣會襄陽變孔暉聞道至任集紳士商議修城濬池練鄉勇嚴保甲為防禦計賊以百餘騎窺城孔暉率兵追殺之土寇王洪等鳩通李際遇惡黨抄掠村寨孔暉遣兵捕斬頭目平之十二月九日賊眾逼城呼獻官獻印免屠孔暉厲聲叱曰逆賊敢出此言官印即我守則死守戰則死戰次日賊大至人無固志有豪紳縋城而下孔暉親執斬以徇被

皇明四朝成仁錄

卷三

八三 廣東叢書

矢傷臂墜城絕飲食者二日百姓環跪泣進飯少甦二十

一日復督丁壯先驅殺賊賊遁去十四年正月十日賊引

眾萬餘來攻城中矢石俱盡孔暉誓死以守徐本作孔暉

道死 遺書報父母投筆出禦賊賊字原缺 執之見印擊

肘間先折其臂取之徐本無 至朱仙鎮罵賊以死年五十

有三隨行馬快馮三立亦罵賊與家僕劉廷徐本無家

人鍾寬楊芳皆從孔暉死事聞詔贈孔暉尚寶司卿廢子

入監

談王道字對揚六合人崇禎十一年歲薦任新鄭訓導歲

大禩王道為粥糜偕其長子躬哺飢者存活甚眾十四年

春春原作冬據 劉孔暉傳改賊大至劉孔暉時得疾病王道協力城守

不避矢石賊環攻不下以五牛拽紅夷大礮擊之城應聲
碎王道踞城東樓連被數矢墜城賊執之索印罵曰此朝
廷寶物寶原作家賊欲何為賊怒殺之

舒城死事傳

舒城死事曰胡守恒

胡守恒字吉雲一字見可結埼亭集外編卷十二胡吉雲傳作字見可別字吉雲舒

城人崇禎元年進士歷官翰林院編修十四年省親家居

十月賊張獻忠攻舒城十五年三月鮑埼亭外編本獻忠合

回革諸賊復攻舒城舒城時無知縣參將孔廷訓鮑埼亭

吉雲傳作庭明史趙興基傳及明李北略卷十八同此又

參將明史趙興基傳作遊擊結埼外編胡吉雲傳及明李

北略卷十以兵千人與守恒率民拒守七閱月廷訓降於

賊勾賊攻城守恒與舒城人益死守賊以洞車穴城穿者

數處軍民復補塞之賊射書脅降守恒燬其書不答踰月

城陷明史趙興基傳作張獻忠三月攻舒城踰月城陷明

城陷李北略卷十八作四月初三城陷烈皇小識卷七亦

作四月 罵賊賊及其腹被數十創以死詔諡文節文節鮑

趙興基傳同此 獻忠屯舒城改為得勝州令廷訓攻霍

山五月甲戌獻忠襲破廬州知府鄭履祥死之訓導汪之

楨率諸生巷戰死六月獻忠略含山巢縣襲陷廬江屠之

還兵舒城

臨洮死事傳

臨洮死事曰趙應桂

趙應桂不知何許人任臨洮府推官崇禎十五年五月為
閩將所執罵賊而死陝西巡撫孫傳庭上其事與經歷韓
永祥並請贈卹臨洮今有祠祀之

歸德死事傳

歸德死事曰王世琇

王世琇字崑良清苑人崇禎十年進士為歸德推官十五
年八月明史莊烈帝本紀作三月丙申賊陷歸德世琇率鄉兵與亂卒搏
戰世琇二字原缺據徐本補為亂卒所殺沉其屍先是世琇俸滿已轉
工部郡人詣闕訟留未十月難作今遺黎言王推官言徐本作
念歸本猶為之流涕云

貴州死事傳

貴州死事曰張耀

張耀字融我一字聚五三原人以萬曆癸卯舉人知開喜縣陞南京戶部主事繇郎中出知鶴慶陞按察司副使備兵金滄道轉四川右參政分守保寧轉貴州左布政歷官多治行精明仁愛所至有循卓聲崇禎十五年秋賊張獻忠繇湖南入蜀貴州危急耀奉命日馳四驛赴任請於巡撫亟為守禦之計巡撫曰彼眾我寡且黔人從未知戰戰則委羊於虎守亦以卵觸泰山奈之何前路某某皆去去皆保全我等今為生臣方可制彼死賊毋徒張我空券擢彼兇鋒為也耀正色曰不然有若輩之生不可無我輩之

皇明四朝成仁錄

卷三

八八 廣東叢書

死朝廷今者求死臣非求生臣也巡撫笑之耀返署戎服執戈率家健數十人登陴賊至未及合圍城已陷耀卷戰手及數賊賊執以見獻忠耀曰我布政使三原張耀也獻忠起立禮之謂耀曰公吾秦人也吾甚重公才德若降當居宰相耀奮罵不屈賊械其家口三十餘人於前曰降且免一家人死耀罵愈厲賊割其舌支解之三十餘人皆死

明史本傳作並殺其家屬十三人

屈大均曰予嘗至三原見張公諸子得死事本末甚詳因為挽歌以弔之辭曰貴陽城崩諸巷戰布政張公奮刀箭手提銀印血糝糊冒陣一呼天地變賊悔神勇欲降公泰山自擲鼎鑊中奮罵一軍皆辟易舌若電光不敢食大夫

羞與賊同生妾媵歡然爭死敵願為良臣安可得殺身成仁亦何益腐肉如山魂袒裼白晝賊中猶盪擊公喜著書窮源決委以條貫乎百氏有碩寬堂枕流別業諸集以死事其文大為秦人所貴

皇明四朝成仁錄

卷三

八九 廣東叢書

汝寧死事傳

汝寧死事曰王世琮

王世琮字六端一字仲毅仲毅本傳作端達州人年十歲

補弟子員天啟四年舉於鄉崇禎十年以會試副榜授汝

寧府推官蒞任甫三日賊猝至世琮請為監紀出奇却賊

賊射之貫耳不動塵戰益力人因號為王鐵耳十二年分

考浙闈轉通州知州崇禎得報警曰天中舍王公誰與守

者請於朝復留三年旋以軍功陞汝南兵備道事三朝

野紀作分事賊聞王鐵耳為兵備益畏憚之會賊勢日劇豫

中無復堅城有藩封之所賊必悉力攻陷汝寧圍既數重

四顧援絕城遂拔世琮不屈以死百姓求其屍得於城南

皇明四朝成仁錄

卷三

九〇 廣東叢書

雲里店巡按御史上其事贈卹如例李長祥曰賊薄汝寧

歲三四皆却得無恙一日賊大至有巨賊自稱汝寧人沒

賊久矣願歸也呼城上人世琮曰何不即入城乎其人遂

繼而入無難辭與世琮敘子民之誼甚篤世琮大喜設酒

相饗飲其人亦大喜遂言有鐵騎五百當率之來歸歸則

圖殺賊自効也世琮又喜久之告出旦再來世琮窺其詐

計旦來則擒戮之旦果來益深自結納為私人無所顧忌

世琮目力士皆莫前蓋其人壯矯敢大言氣勝力士倉卒

皆意亂莫知措手世琮急乃自拔佩刀呼擊之力士因共

擊之乃死世琮怒斬力士數人尸城堞上示賊賊相顧驚

愕竟整隊去自是世琮負威望湖廣巡撫宗一鶴賊死朝

推世琮巡撫時十五年壬午也世琮方待命賊李自成大

盛有眾五十萬羅汝才以兵附之益盛秦督傅宗龍保督

楊文岳以朝廷重兵皆潰敗於新蔡之孟家莊隨屠項城

乘勝壓汝寧汝寧莫支城竟陷世琮被執見賊首賊首曰

汝王鐵耳耶世琮偉狀貌負才而豪縱一耳缺人畏重之

呼為王鐵耳鐵耳者缺耳也賊皆憤前遂死此句疑崇王

遇害保督楊文岳知府傅汝為通判朱如寶如寶明史楊文

汝陽知縣文師頤並死之賊拔營繇確山泌陽向襄陽扶

崇世子以行閏十一月十五日也

皇明四朝成仁錄

卷三

九一 廣東叢書

河間死事傳

河間死事曰顏胤紹

顏胤紹字慶明復聖顏子六十五代孫也世居曲阜陞卷里曾祖重經祖從麟父弘化皆以齒德為林廟舉事胤紹少孤讀書能自振拔崇禎四年舉進士知縣鳳陽鳳陽為高廟發祥地而凋敝特甚胤紹多方撫卹一年增戶萬餘尋調繁江都會流寇橫行江淮窺揚州急胤紹與參議鄭二陽知府韓文鏡治兵修城為戰守計賊知有備卒不敢逼上降勅褒之云廣陵南北咽喉江海魚鹽為軍國府藏資其綢繆幸以安輯其自此廣陞卷之業完為邦之譜朕於爾有厚望焉欽哉九年分考南開得吳易胡士瑾兩人

皇明四朝成仁錄

卷三

九三 廣東叢書

易明火木 傳作易 後皆以起義死人以胤紹為知人行取入都累

試當改官翰林時武舉陳啟新者以言事稱旨為吏科給事中夙慕胤紹名欲與結納上方諭百官戴暖耳百官皆以貂啟新獨以布絮上問之曰原缺曰字 據鄭本補臣不通請謁故

貧胤紹以其面欺受謁卒不報啟新憤甚遂劾行取諸員多大吏私人俱罷歸胤紹亦左遷廣平經歷會敵兵大舉入關所向摧陷畿輔間日相驚擾吏部請以某為邯鄲知

縣上曰邯鄲畿南重地幾南鄭本 作畿內非練習兵事者不可事

本作因問前守江都者安在遂補邯鄲時胤紹已棄官歸里聞命瞿然曰吾向過邯鄲其城一土阜耳無長吏必不能支是教負朝廷也即日促裝就道預傳邑人士大夫集

城上即譙門中蒞任曰吾晝夜兼程期與趙人同死今聞敵兵連城尚可四五十里倘邀天幸假以三日訓練則此城可保無憂但與諸公約須按軍法而行違者立誅眾皆

稽顙流涕許諾即夜部署守禦又募勇士數千人以原守備張執塘領之開公帑取金賞賚守者不從胤紹曰此城失守府藏尚為朝廷有耶竟出金易錢萬緡一夕而盡夜有兩生私以索繫璫胤紹集眾數之曰汝受國家養養乃欲倡眾逃耶拔佩刀斬兩人頭以徇眾皆悚慄用命越三日敵至驚曰向過此城數里已聞人譁今惟有雞犬之聲城中其有異人乎留攻三日不克執塘乘間數出多所殺傷敵遂解圍北去時臨洺關沙河縣俱陷群盜乘機竊發

皇明四朝成仁錄

卷三

九三 廣東叢書

焚掠村墟執塘往擒數人比至則填目箕踞曰吾高總監步兵也胤紹鞭之至百列其罪狀聞於幕府時太監高起

潛握大將軍印總督諸軍稱督師總兵官皆戎裝披執以見軍氣為之不揚其部將侯拱極者與敵鏖戰敗績起潛遂劾胤紹阻撓援師以致轉戰隳敵有旨勅撫按嚴訊邯

鄲民空城出走將詣關極陳督師欺蔽狀胤紹力沮之乃赴撫按訟冤撫按屢為覆奏始從薄譴錮三級從徐本 作得除

守城功不敘執塘亦被笞辱胤紹憤求歸會真定西山多盜以趙王命往捕之探甲將戰賊曰聞顏邯鄲且至今安在乎胤紹自指曰顏邯鄲至矣賊皆投戈下馬曰我曹恨不生為邯鄲民公至必能活我一時降者以千數數日悉

平以功除河間知府十五年閏十一月敵兵再入抵河間
急攻亂紹縱火具焚其衝車會風反吹火延燒樓堞城上
人多死亂紹知不可支歸署集家人一室環薪焚之火烈
亂紹朝衣朝冠北向拜躍入死之上聞嘉悼不已救撫按
覆狀優卹會國變遂寢長子四氏學生員伯璟字士瑩當
河間陷時與弟伯玠在兗州敵至亦登陴拒守比城陷伯
玠披之以行伯璟曰同死無益弟亟去猶可生全也伯玠
不肯釋手伯璟給弟他顧自投睥睨下伯玠俯視慟哭矢
及其身而卒伯璟仆地傷左足邏卒得之見其修髯廣頤
狀甚偉不敢加害車輿以告其帥解徐本帥驚曰吾略地
以來未嘗見有此人問之則復聖之後遂延之坐留帳前

皇明四朝成仁錄

卷三

九四 廣東叢書

聞有一婦為邏卒所驅不肯行卒反及擊之臂折猶罵不
已卒殺之墻下有媪過之指曰此顏氏婦也伯璟曰得非
吾之婦乎請於帥至墻下視之果然時及傷已四日矣息
猶未絕蓋魯府鎮國將軍顯塾之女顯塾本封縣君朱
氏也伯璟日念其父帥曰兗州破時河間之陷一月矣伯
璟聞之長號力請於帥帥護之出營積日不食或為盜賊
所執慷慨與語得釋卒達河間哭其父盡哀初亂紹之自
焚也幼子伯珣年六歲其僕呂有年奪之出火途被流矢
死伯珣走匿民間得免伯璟既捨父遺骸訪得其弟與俱
還一時論者以亂紹死於忠而伯璟幾死於孝乃朱氏者
抑又烈婦也昔唐天寶河北之亂天寶徐本常山太守果

卿死之子泉明收其父骨東京行求宗屬先姑姊妹而後
及其子今亂紹伯璟父子間行事一何相類其言如此
屈大均曰顏公在邯鄲時名震畿輔河間保定天津諸撫
臣爭欲得之公冢子伯璟家居夢一人偃卧肢體糜爛不
可識一人指曰此太守公也此覺聞公除河間知府涕泣
不食急奉書極諫不可往奉原作寫據徐本改書達公已在河間正
色曰兒輩欲為我自全計此方百姓將安所逃乎比敵兵
至公率兵守禦紀律精嚴人皆恃以無恐有幕客嚴柏齡
者善察休咎密言此城不可居公佯不省而陰使人護之
出城柏齡流涕曰常山平原與今為三矣嗚呼常山平原
信與公而為三也哉信解本

皇明四朝成仁錄

卷三

九五 廣東叢書

承天死事傳

承天死事曰蕭漢曰沈壽崇

蕭漢字雲濤 明季北略卷十 建昌人 原注云一 崇禎十年

進士十四年知鍾祥縣十五年十二月闖賊破襄陽乘勝

分陷諸郡口縣丞王大震與闖賊相距於境閱月勢不支

知府王璣召其屬謀舍城去軍於豐樂豐樂河也距城九

十里漢不可留守都司沈壽崇亦不可知府遂與屬棄城

去 案城二字原缺據歸本補又歸案廣 賊既渡河漢鳴口

集胥吏以下曰知縣受朝命牧守茲土義不可行若輩有

父母妻子義不可去皆曰公不惜死以為國家某等何敢

惜死而不為公雖公不可為也為公之母所以為公乃以

皇明四朝成仁錄

卷三

九六 廣東叢書

勇健二十人護漢母出城旦日 明史本傳作 正月二日 賊遂陷承天

漢冠服危坐堂上賊帥入從馬上施禮漢叱之賊執以見

闖問曰是蕭知縣趣解其縛與之食五日不食令曰得蕭

知縣降者受上賞有兩生往說亦叱之不食又二日矣兩

生笑辭陰以剃刀置席上漢曰可矣乃北面自剄壽崇當

賊薄城時謂知府曰吾留守職司寢園守河非死事也整

冠服率所部之顯陵城將陷賊分兵先犯顯陵所部逸去

壽崇罵賊死之是時壽崇以忤宗室削職而代者以賊故

不至故壽崇仍留守之其死十二月歲除日也

屈大均曰知縣不敢去王城留守不敢違園陵是知縣長

得有王城留守長得有園陵也噫嘻泗州鳳陽神烈天壽

園陵亦不一矣誰得而有之烈烈沈君與之長在矣

皇明四朝成仁錄

卷三

九七 廣東叢書

萊陽死節傳

萊陽死節曰宋應亨曰宋致曰孫鳴岐曰趙士驥曰姜瀉里

宋應亨字長元萊陽人天啟五年進士除清豐知縣入為禮部主客司主事歷吏部驗封考功稽勲文選四司陞稽勲司郎中以侍養祖母家居崇禎十五年閏十一月敵陷臨清應亨倡率士民城守萊陽北面單弱捐千金建甌城浹旬而畢敵至獨當一面懸賞購死士斬一級與五十金士皆奮躍士皆二字原缺據鄒本補夜劫敵營斬數級相蹂死者無算敵拔營去十六年二月五日敵從墻子嶺奄至避北城不敢攻旦日繇城東北隅緣雲梯上應亨平巾箭衣驅家僮

皇明四朝成仁錄

卷三

九八 廣東叢書

巷戰家人勸之易帽不可戰良久家僮死者三十餘人敵敵亦過當應亨項中一刀被執敵知為宋稽勲也逼令降令以金錢贖死應亨厲聲大罵敵不肯即殺拷掠窮日夜遂與其族子致同死致字文玉號九青父繼登僉事兄琮任金壇知縣金壇明史宋致傳作祥符舉治行第一致舉天啟五年進士知永城明史本傳作盧城明李調杞縣定兩大亂析數十疑獄以最授吏科給事中科原作部據鄒本及明史本傳改嘗疏論用人謂皇上求治之心愈急則浮薄喜事之人愈易飾說而釣奇皇上破格之意愈殷則巧言孔壬之徒愈易乘機而鬪捷又疏論禦寇謂勦寇一事地方與行間分任之地方官主守行間主戰行間不能戰而徒責有司以守即張巡

許遠無救睢陽之亡況今之庸碌乎自今止宜責有司以守實以愛養為主如招流移活飢民者是責將帥以戰實

以戡定為主如滅某股救某城者是時論服其允當丙子主試湖廣歷刑科都給事中太常大理二寺卿遷工部侍郎明史本傳作遷太常少卿歷大理卿工部右侍郎壬午枚卜會推致與房可壯張三謨與焉以召對不稱旨又為蜚語所中上疑比私植黨下三人獄革職歸家敵兵至萊致與應亨經畫守禦及力不支城陷敵以二人彭縛左右相對拷掠遂嚼齒噴血罵不絕以死應亨致歷官並有聲績當天啟中山東言文章者推萊陽宋氏然嗜奇好古其文亦略如諸子書云始宋侍郎之繇杞縣得考選也與開封府推官張瑤爭互訐

皇明四朝成仁錄

卷三

九九 廣東叢書

其時要路多為宋地而張坐謫官去先以登州之亂死節別有傳

孫鳴岐字葆仲父旬僉都御史為南直操江鳴岐繇歲貢官至成都府通判敵攻萊陽同宋致守東城城陷與妻張氏不屈死趙士驥鄒崇士三朝野紀作自字貢澤崇禎十年進士授中書舍人敵攻萊陽分守東城魁星樓戰而死皆萊陽人也

姜瀉里字爾岷別號謹洲明季北略卷十作漢洲萊陽人禮科給事中採行人司行人坡之父也鄒崇行人司行人王通洋感舊集小傳作吏部考功司主事敵薄萊陽瀉里率子弟僅奴入城拒守城陷巷戰被執敵就索金帛瀉里罵曰吾二十年老書生二子為清白吏

安得有金帛飽狗奴腹敵以馬箠捶之辭字原缺旋攢及

刺之而死據原本改其季子坡抱父屍慟哭敵縛置營中

夜篝火燔敵帳敵覺驚殺之瀉里妻及長子圻圻妻王氏

孩妻孫氏坡妻左氏併瀉里次女先後縊死赴火死塚時

以言事迂蕪繫西曹聞訃淚旬號慟絕食孩伏闕上疏謂

臣若奔赴故里則臣兄園扉一息辭案息原作急據錢牧

忠孝記改立斃草土臣欲留視素體則臣父暴骨原野長飽鳥

驚臣餘氣僵魂死生無地伏乞皇上付臣法司代兄歸葬

兄得畢命首丘命原作民臣願填尸宰戶若臣兄罪必不

赦請勒限就繫伏前日妄言之辜並按臣今日妄請之罪

辭案臣字原缺據錢牧齋文天子覽其奏惻然憐之未及

發六月登萊撫臣曾化龍覆奏姜氏一門忠孝請賜優卹

詔下有司論者以瀉里身無一命之寄家無中人之產徒

手捍敵橫軀死義家人父子同歸魚爛國家元氣旁薄結

轅而勃發於一門非偶然云

屈大均曰崇禎初敵兵入畿輔一門殉難者高陽孫氏順

義成氏與萊陽姜氏為三乃萊陽宋氏則又烈錢謙益嘗

為辭以哀之曰奴嫫怒兮躡帝疆懂害氣兮薄萊陽騎箠

蝟兮矢飛蝗雷車轟兮焚輪狂舞銜梯兮羊馬牆越巷戰

兮我武揚戴角中兮褒戎裝領僕奴兮袴襦辭案柳原

指齋文鈔宗及迎及迎辭案及迎及迎辭案及迎及迎辭案及迎

兵接兮殺過當刀陷項兮身被創辭案刀陷項被

左驛兮縛馬柳辭案馬柳原作兩柳手反接兮口雷破血

噴射兮齒裂崩罵抗辭兮聲低昂目曙星兮炯相望穴頸

血兮注兩囊營塗地兮胸吐芒痛同日兮義士亡辭案義

兩俱據錢牧齋文鈔改哀辭原文此下尚有十七句云天

芳蒼兮日荒荒萊城鞠兮為戰場桐棺裏兮非黃腸屋三

間兮樓破帳有美子兮腸寸傷號驚風兮哭履霜排雲霧

兮叫帝閭請六師兮殲犬羊拉胡昂兮摧天狼烹羣口兮

充膾羹鳴呼哀哉兮帝命孔彰起冢祈連兮發卒治葬靈

被髮兮下大荒文天齊兮從國殤成山為看兮勃海為漿

陳余辭兮酌扶桑有日夜出兮東海決決

皇明四朝成仁錄 卷三 一〇一 廣東叢書

發六月登萊撫臣曾化龍覆奏姜氏一門忠孝請賜優卹

詔下有司論者以瀉里身無一命之寄家無中人之產徒

手捍敵橫軀死義家人父子同歸魚爛國家元氣旁薄結

轅而勃發於一門非偶然云

屈大均曰崇禎初敵兵入畿輔一門殉難者高陽孫氏順

義成氏與萊陽姜氏為三乃萊陽宋氏則又烈錢謙益嘗

為辭以哀之曰奴嫫怒兮躡帝疆懂害氣兮薄萊陽騎箠

蝟兮矢飛蝗雷車轟兮焚輪狂舞銜梯兮羊馬牆越巷戰

兮我武揚戴角中兮褒戎裝領僕奴兮袴襦辭案柳原

指齋文鈔宗及迎及迎辭案及迎及迎辭案及迎及迎辭案及迎

兵接兮殺過當刀陷項兮身被創辭案刀陷項被

武昌死難死事傳

武昌死難曰楚王曰宗室威潮曰賀逢聖等其死事曰
崔文榮等

楚王華奎 華奎原作吳某據明史諸王世表及明史楚王積傳改 楚昭王六世孫崇

積十六年五月二十九日武昌陷越十有四日王死之武

昌素無備會平賊將軍左良玉以襄陽陷引舟師左步右

騎下武昌請於王曰與我十萬人餉當為王保境回城楚

可無憂王噤不能應時良玉士馬甚眾蓋自朱仙鎮之敗

屯於樊城賊帥惠登相常國安王進忠馬士秀杜應金吳

學禮皆歸之以故兵勢張甚糧盡怨王弗恤大掠武昌而

去賊逼武昌城遂陷王坐殿角門罵賊賊渠張獻忠曰吾

皇明四朝成仁錄

卷三

一〇二

廣東叢書

欲扶王為天子享有天下王意如何王曰天下吾家之天

下天子吾家之天子安用若扶獻忠使人上食王却之絕

粒四日獻忠入拜之使與王沉之於湖 湖明史諸王世表楚王積傳均作江

王妃陳氏世子妃程氏第三子妃周氏宮女劉氏葛氏同

縊宮中烈馬山以死世子先病卒建寧王觸牆死典寶太

監山西人趙忠或曰趙良臣典服太監襄陽人范承右承

奉太監河南人李忠及指揮十餘人宮女少內官數十人

皆從王以死

宗人東安王府輔國將軍威潮字東利自刎死夫人龔氏

從之子觀音保年十三乘賊醉卧以佩刀刺殺數人乃自

刎死崇陽王府鎮國將軍某字德一自刎死東安王府鎮

國將軍蘊輝字才美為武昌生員縊死妻周氏投井死十

三歲女從之東安王府鎮國將軍蘊錫字鳳廷亦投井死

華鐵字恭敬與關外居民殺賊數十人投井死宗人夢周

手及十數賊乃自刎死

賀逢聖字克絲號對揚江夏人萬曆四十四年廷對第二

人歷官至大學士為人忠厚卓卓若無所能致政歸崇禎

十四年四月與周延儒張至發同被召入朝不久以病歸

當闖獻二賊交窺江漢時議募兵守城而府藏空匱王有

積金百萬逢聖與諸監司請貸於王王不應徐出高皇帝

時一金裹交椅曰此可餉軍他無所有也逢聖痛哭而出

賊至武昌逢聖守武勝門城陷賊見之皆稱賀佛願聽命

皇明四朝成仁錄

卷三

一〇三

廣東叢書

於賀佛逢聖勸賊毋多殺於是賊燃香三炷縱百姓出以

香盡為度不及出者悉屠殺之無遺逢聖知不可救乃反

舍衣冠北拜痛哭投王會橋下死 明史本傳作投墩子湖明季北略卷十九作投

橋下先以舟載家眷出墩子湖及城陷因擊舟全家溺死

同日夫人危氏亦死長子某自縊死 明史本傳云如翁去歸

投湖門生尹如翁從之 明紀同此明史本傳云如翁去歸

也前萊州府通判王師文罵賊死大昌知縣陳靖之字子

全江夏人繇貢生出宰以清介聞罷歸貧其寄食於宗室

鼎龍城陷罵賊死貧生熊雲馮雲路投水死 明外史馮雲

路傳均作雷雲齋 逢聖屍經一百七十日不壞僵立水中

詩分體稿作宋 逢聖屍經一百七十日不壞僵立水中
在祥龍王府後門柳樹下色如生胸藏烈皇帝所賜牙牌

一一齒用銀鑲猶存弘光元年禮部尚書顧錫疇上其事
賜諡文忠予祭葬廕祠從優

崔文榮世襲海寧衛指揮明史本傳云海寧衛人世指揮僉事以功為武昌

參將獻忠既破漢陽武昌大震文榮潛師渡江襲之斬賊

數百以眾寡不敵退還眾議撤江上兵守城文榮曰守城

不如守江守江不如守漢圍風鴨蛋諸洲明史本傳作圍

洲列皇小識卷八及明季北略卷十九作歷盤盤煤炭諸洲水淺不及馬腹縱之飛渡而

嬰城坐困非策也眾不從五月五日賊果從圍風洲渡皇

小識卷八明季北略卷十九均作從煤炭洲南渡攻武昌縣入之去省城百里賊

大營尚在江北會募兵官張其在以罪被笞陽雜記作以

敬走投賊盡輸虛實賊從鴨蛋洲畢渡先驅至華容鎮遂

皇明四朝成仁錄

卷三

一〇四 廣東叢書

薄城文榮力禦之小有斬獲賊轉攻武勝門監軍道王良

基明史崔文榮傳作推官傅上瑞遜去城遂陷文榮躍馬

持矛大呼殺賊賊攢槊刺之洞腋死明史本先是賀逢

聖倡義捐貲募兵分謂宜募土著適承天德安濟兵東下

乃盡募之為軍以長史徐學顏領之號楚府兵二十九日

新募兵為賊內應遂開門納賊學顏與賊格鬪斷左臂右

手持刃不仆賊支解之通判李毓英武昌知縣鄒逢吉自

縊死操捕都司朱士鼎戰手罵賊操捕都司明史文榮傳

遊擊作賊斷其一手自刎於寶安門死賊大括居民男子

十五以上二十以下者收為兵餘盡殺之持刃者手不能

舉乃開漢陽門以鐵騎圍之盡驅而沉之於江凡三日浮

屍數十萬水幾不流其如及死者亦至百萬後督師何騰
蛟聚骨而葬之題曰忠義塚

屈大均曰嗚呼我朝藩封之事有兩失焉始也宜削其兵

柄而不削致易位於同室末也宜授以兵柄而不授致土

崩於逆賊夫強幹者弱枝而披枝者亦傷心所以待維城

安懿親者可不兼講乎哉曩癸未秋有梁以璋者嘗上疏

請太子撫軍南畿繫屬天下人心擇宗室賢才分建要地

而招徠山東河北河南諸處保若自固之民重督撫之權

做唐方鎮遺意執政厄其議不行夫以太子出撫南京如

宋康王故事而分諸宗藩以為方鎮各守邦城俾指臂相

使親而有權其為力必厚其亦賢於諸臣持門戶以誤封

皇明四朝成仁錄

卷三

一〇五 廣東叢書

疆養寇讐以自利借招撫以欺朝廷反為國家之賊者

多矣嗚呼秦為宗國晉楚大邦赫赫諸侯王尊重無比乃

不如彼紹瑞刑餘者猶得統領禁兵指揮諸將生殺予奪

一惟其心之所欲為徒以天府之國磐石之宗文之昭武

之穆伯父叔父之親盡使之束手自殘供人刀俎可不為

大哀乎哉楚王之死猶慷慨不失體賢於秦晉降賊者多

矣

長沙死事傳

長沙死事曰蔡道憲

蔡道憲字元白號江門晉江人崇禎十年進士推官長沙

十五年秋鄭陽巡撫王永祚聞賊將至走荊州十六年正

月二日承天陷巡撫宋一鶴總兵錢中選死之明史宋一鶴傳作守

陵巡按御史李振聲永祚挾惠王復走長沙郡人畏禍遂

總兵官錢中選皆降詳而去之去郵本時知府堵胤錫入覲而同知通判皆衰

暮庸人獨道憲為郡人所信於是道憲堅執不可謂諸侯

失國託於諸侯禮也曩賊圍開封周王悉以國租犒軍故

能堅守數月今長沙吉府所封使兩藩賓主同心分壁而

守獨不可以張我之聲勢乎奈何拒之久之永祚罷去代

皇明四朝成仁錄

卷三

一〇六 廣東叢書

者為李乾德繼宋一鶴者為王第奎第明史蔡道憲傳作聚乾德有

官無地改撫備沅第奎開府岳州五月賊張獻忠自黃州

渡壽昌遂破武昌屠之沉楚王於江第奎大懼以兵三千

走長沙郡人又譁逐之曰巡撫楚之的也的之所移矢必

叢之道憲復堅執不可王明治者吉藩之左承奉也聞河

北降者皆不死且得尊官謂長沙勢將不保陰與所善協

副將尹先民謀副將明史蔡道憲傳作總兵官各遣壯士一人詣獻忠獻

忠得之大喜授以官使還為應獻忠初據武昌有大志既

聞楚師大集留偽總兵張其在謝鳳洲守城以養子四虎

駐金沙洲已率大營作浮橋於金口分軍為三一扎白羅

山一屯白石洲一繇嵩洲浮舟師於湖以窺岳州既陷咸

寧至蒲圻岳州震恐沅撫李乾德總兵孔希貴兵道許環

率兵二萬守陳陵磯三戰三勝殺賊近萬人賊怒驅其眾

二十餘萬更番迭休百道仰攻兵寡力不能支乾德殲棄

去希貴退屯相陰已而亦走岳州陷希貴以巡撫方在長

沙率所部赴之將與合兵禦賊民又大譁謂賊尚未至而

援兵之為患乃甚於賊道憲為之調劑約束軍民乃安道

憲於是上謁第奎請乘賊未至先於要害柵水陸二營扼

之賊不得前攻必將力疲氣沮我乘其瑕夾擊之必可得

志第奎弗聽八月二日賊至相陰第奎與兩藩軍於小西

門而希貴軍水麓洲巡撫中軍趙參將以千餘入軍洲尾

先民則以其兵合道憲先民門小西道憲門北明治留城

皇明四朝成仁錄

卷三

一〇七 廣東叢書

中為吉藩守府布置甫定四日賊至亦分軍為二水軍軍

山沙磯陸軍軍載家湖皆道憲前所欲柵水陸二營者也

翌日賊陸軍攻北門不利休一日獻忠自率精銳薄城復

不利先民亦間出騎謀擾賊賊自渡河所至爭降附無敢

以矢加嚮者獨長沙與拒忿甚然恃先民為應攻不甚急

其軍於山沙磯者欲濟江輒為水麓洲我軍所阻以洲外

有江江外復有洲曰龍沙絲山沙磯湖流二十里始出龍

洲始得近水麓洲也二十二日賊悉舟兵湖流上勢不可

遏希貴曰今日必以奇勝之洲東偏有白果林黯密可蔽

乃伏強弩千餘而躬率兵逐龍洲口兵既接伴走入林

林中千弩齊發賊大劇退走悉舟師追之湖流數里第奎

與兩藩遙望兩軍不辨其為賊而兵驟見我舟逆流以為
 潰敗走湘潭也一時擾亂爭舟而趙參將洲尾一軍亦走
 希貴方追賊出龍洲口望見兩軍皆走急返洲心營復與
 賊戰力憊將不支道憲從城上望之欲遣兵往援先民不
 聽希貴遂血戰而死全軍覆沒當是時賊以舟師拔營勢
 如河決莫能禦微希貴伏弩及洲心營再戰兩藩與第奎
 幾不免既皆潰敗其在城者獨道憲與先民兵拒守於是
 城門自北至小西賊皆屯營其下道憲方按弩下射而先
 民明治已縋城迎賊矣城陷乾德與巡按劉熙祚奉吉王
 惠王走衡州道憲被執獻忠好言慰之不屈復令先民說
 降道憲怒甚批其頰有衙役九人從道憲獻忠使九人降
 亦不屈乃悉命殺之而磔道憲八月二十六日也年四十
 有九明史本傳作二明季北略卷十九作生於萬曆乙
 卯九月廿七卒於癸未八月廿六日得年二十有八
 又作二其九人者自一至五皆引頸受刃四人者則奮然
 起曰主誰收乎請收主而後就死賊亦義之四人者斂積
 道憲肉骨解衣裹束葬於城南醴陵明季北略卷十
 九作醴陵既
 畢賊亦不殺四人乃皆自經以死九人者凌國俊明史
 道憲傳
 及明季北略李師孔陳賢其六人姓名不傳嘉慶重刊一
 統志卷三百
 卷十九作林李師孔陳賢其六人姓名不傳
 嘉慶重刊一統志卷三百
 五十六蔡道憲傳云凌國俊陳世科等九人俱從死
 明季北略卷十九同此
 鄉明史本傳作太僕少卿諡忠烈廕子知遠入監讀書道
 憲博學工文辭所著有悔后集及詩存若干卷
 屈大均曰當岳州之陷獻忠謀過湖三卜於洞庭神不吉

投外大怒斂千舟於湘潭將渡風大作覆其百艘獻忠呵
 曰此相君湘夫人之為怪也連輜載婦女積薪灌油焚之
 延燒四十里夜中火血如晝蓋以報辱帝之二女云於是
 率騎逼長沙先是正月獻忠陷黃梅尋破蘄州屠其城守
 道許文岐不屈死之三月破蕪水遂趨黃州有張以澤者
 集亡命迎賊生員李時榮口馬首降黃人盡逃女子不及
 行賊擇美麗者使平城三日城平指血染磚盡赤乃盡殺
 之填塹五月陷武昌殺人益不可勝計驅而之江江水為
 之斷流踰月人脂厚至寸魚鱉不可食長沙之屠婦女亦
 無一免嗚呼楚之人其皆何辜於天而罹斯慘禍也哉封
 疆之臣守者城破必屠然降者屠亦不免及此惟有慟哭
 而已

永州死事傳

永州死事曰劉熙祚

劉熙祚字仲緝號劬思武進人父純仁泉州府推官熙祚

天啟四年舉人初知廣東興寧有惠政崇禎十五年考選

授御史巡按湖南十六年十一月賊張獻忠陷衡州明史

帝本紀明季北略衡陽知縣張鵬翼死之桂王走永州獻

忠令我叛將尹先民居守自追吉王惠王及桂王於永州

熙祚遣中軍護衛三王走廣西三明史本而已入永州城

守已歸本城陷熙祚被執罵不屈賊去其衣縛竿首引滿

將射之罵益厲獻忠大怒躍馬起旋又已反加禮貌欲其

降使偽官某勸之偽官某者與熙祚同以御史拜烈皇帝

皇明四朝成仁錄

卷三

一一〇

廣東叢書

命巡按湖北而為偽兵部尚書者也熙祚亦罵之賊知難

降乃縛之馬尾以馳至死骨肉潰爛猶復嘆血如罵狀賊

隨破各邑隨縣本湘鄉知縣楊開嘉慶重修一統志卷一

知縣東安知縣陳道壽皆不屈死思宗立贈熙祚太常寺卿

明史本傳作諡忠毅

屈大均曰桂王者神宗顯皇帝之子失國後寄薨於梧州

後以次子永明王立追尊為端皇帝陵曰興陵者也世子

安仁王先薨故永明王得立粵人擁戴之功得延正朔至

十有六年然非劉御史護衛於前不及此吁死事之烈又

其小者矣

道州死事傳

道州死事曰沈至緒

沈至緒字口口蕭山人崇禎四年武進士官道州守備流

賊至力戰而死其女雲英率十餘騎直趨賊壘連斬三十

餘賊奪父屍歸啟營將再戰賊避之徙於鄰郡湖廣巡撫

王聚奎以其事聞奉旨故湖廣道州守備沈至緒力守營

陽臨陣却敵斬殺過當仇生授命生作長城死為國殤其

贈至緒昭武將軍鄂崇夏之卷沈雲英賜祠麻灘驛春秋

祀之有女雲英閨房之秀奮其弱臂以呼殘眾求屍殺寇

不用城賴誓命哭父如浮江出大復讐以報親肆殫亂以

衛國殲敵全軍保疆恢復境其授雲英游擊將軍仍代其父

皇明四朝成仁錄

卷三

一一一

廣東叢書

湖廣道州守備領其軍會雲英之夫四川人賈萬策者故

閣部督師標大勦營都司也奉命鎮守荊州南門賊陷荆

州萬策遇害雲英因哭辭詔命領軍俟代乞卸巾鞵始扶

柩積歸葬其父於原阡遂守不出備書課塾年三十八終

焉論者謂其於父為孝於國為忠於夫為節於身為貞洵

女中之烈丈夫云

永城死事傳

永城死事曰王漢

王漢字子房掖人初名應駿崇禎初兄巡撫應者以薊鎮兵變遠誅漢求直其寃日號哭京師道上語無忌諱坐是褫諸生服因更名漢十年丁丑成進士知高平縣十二年調繁河內時大河以南水奪民稼仍歲旱蝗民飢至父子夫妻相食漢泣請蠲租不報繪為十六圖以籲亦不報漢曰急矣乃釀金增築縣城日傭數千人以食之躬行版鍤活萬餘人時賊李自成張甚堡聚多斬竿樹幟以應漢鼓厲壯士日夜部署訓練之士賊起金城漢廉得其魁擒殺數十人眾遂解散作賊 太行谷有賊遣士潛往攻之賊

皇明四朝成仁錄

卷三

一一二

廣東叢書

苗三仕劫掠盤谷勳掌間偵者至漢方迎春東郊陽為怒罵置偵者於獄按轡從容令優人夾道歌且行且飲至暮陰勒兵出寇驚相蹂藉俘斬數百人三仕與其兇渠奔天壇追之天壇高峻不可陟賊下壘石如雨漢奮勇先登傷肩弗避士卒皆冒死攀木緣崖而上遂擒三仕俘於朝上嘉嘆十五年二月召至便殿漢奏諸路大帥皆玩賊以滅賊為害以賊不滅為利當賊輒清走反殺難民以為首功公行剽掠不受督師節制不畏監軍糾參如賀人龍左良玉劉澤清之輩皆跋扈可誅請即斬之以伸國法並條陳勦撫大略上色劾立拜監察御史使巡按河南監保定楚蜀諸軍同保督楊文岳往接開封崇禎史本傳作以試御史置平賊鎮標楚蜀軍

與督臣侯恂南援汴又巡撫五月自成合羅汝才之眾復犯開封督師丁啟睿率左良玉虎大威楊德政兵凡十四營赴援遇賊於朱仙鎮不戰而為濠壘以自備初四夜警

箭二傳諸營忽驚潰自相蹂躪即賊亦不知為我師也比晚啟睿率五騎奔汝寧良玉踉蹌走唐鄧賊遂圍開封漢檄保定標營都督姜武援勦武血戰七日死之復督諸將陳永福等力禦圍久不下城上人射中自成左目自成憤甚決河九月十七日夜雨大風河自朱家寨南決壞北門及曹宋二門而出南入於渦水高三丈勢如山岳士民溺死者數十萬賊乘勢導河以灌開封遂陷漢露立河干與監軍王變督舟以渡多方拯救為餽粥以食之所存活者

皇明四朝成仁錄

卷三

一一三

廣東叢書

以十餘萬計賊既退奉命巡撫河南漢大布恩信招撫李魁袁時中等賊於是皆以其堡降凡得十萬餘人十六年九月督師孫傳庭戰歿發憤恚關中驍騎三萬發憤恚關本傳作悉發將鼓行而東以漢為左右手漢知傳庭能軍亟提新降之眾分部扼塞為深溝堅壘以障賊與傳庭約為犄角謂中原掃蕩在此一舉矣會逆將劉超據永城以叛漢往擊之城既下漢欲撫綏其眾單步入城明史本傳作十六年正月入永城為亂兵所害是夕有星大如斗殞於營百姓哭踊衰衣伏道以祭者數千人而所降卒十萬餘人皆哭曰王公死吾輩無所依歸輩字下徐本有皆字速復叛去上聞震悼贈兵部尚書賜祭葬特祠予世官姜武岢嵐人詔贈特進榮祿大夫左都督

屈大均曰子房王公嘗以蕩平河南為己任謂賊一日在河南則吾一日不可以不在河南公在河南方一載誅討劇賊綏納降附思威已著十萬之眾悅服受其指麾公苟不死廓清摧陷之功功鄒本河南其足平乎陝西不得長有孫督師河南不得長有王巡撫是皆天也當是時朝臣有欲棄河南以委於賊者公至河南而後河南有生氣矣乃不旋踵而公身與河南俱沒豈天之欲棄河南必欲使河南一十七郡胥無人類而後已耶然公不死於寇而死於亂兵死亂兵亦皆為國而死故吾以列於死事傳以鄒本作

皇明四朝成仁錄卷四

屈大均原著

葉恭綽校訂

渭南死事傳

渭南死事曰楊暄

楊暄字杏園高平縣人崇禎十三年進士初知渭南縣尋陞兵部主事未幾任寇至城陷不屈以死特贈僉事一云萬全衛人與蔡教官同守東門明史本傳作舉人王命誥先自成未至十里迎之因開東門以應城破索印不與大罵不屈與蔡俱被殺蔡遼東人

皇明四朝成仁錄

卷四

一一五

廣東叢書

韶州死事傳

韶州死事曰王孫蘭

王孫蘭字晚仲無錫人天啟二年進士明史本傳作崇禎四年

部郎中出為成都知府報歸補紹興遷廣東按察司副使

分巡南韶道明史本傳作分巡崇禎十六年獻賊破連州

孫蘭自縊於官署以死其門生毛銜為思舊銘弔之有曰

夫何獻賊逼臨連州失守清楊繼叛梁化將降堅壁五旬

縱斷指無乞師之計孤軍萬里以捐軀為却敵之謀三呼

殺賊再拜投縲又曰徵兵不來乞糴無力惟有一死足以

退賊

皇明四朝成仁錄

卷四

一一六

廣東叢書

秦宗人死節者傳

秦宗人死節者曰誼果果明史祝萬齡傳明紀均作曰

存樞曰存柘

誼果字明遠崇禎十二年舉人鄒崇十二年陝西通志作兩子即九年秦府

之中尉也十六年冬賊李自成陷西安秦王降賊賊僭封

為權將軍長史張尚綱死之明季北略卷十九作章世綱又作章尚綱徐應魁

者秦藩護衛旗官也城陷泣勸秦王以國君死社稷王不

從乃奉世子存樞出走比世子為賊所執應魁絕粒者七

日死之於是誼果曰吾不恐見宗國之亡而國主之為虜

且受賊偽將軍也吾不死且愧張長史徐旗官賦詩二章

投井死

皇明四朝成仁錄

卷四

一一七 廣東叢書

存樞字春夫秦府中尉賊至不食死

存柘字秀衡中十五年鄉試副榜永興王府奉國中尉誼

斗之子也賊陷西安存柘執義不屈亦投井於秦宗室有

三烈焉御史金毓峒以聞詔止贈誼果范平伯尚綱字聞

然紹興人應魁久事秦王王最信任死於世子召忽之義

也王不從其言而降賊東向京師在軍中拜自成義父

賊敗後王死遂不可問矣悲夫

屈大均曰吾聞萬曆己未宗人之文秀莫盛於秦有七子

者善為詩崇禎末六子者先逝而子斗先生誼斗年至八

十後先皇帝十一年乃卒存柘其次子也顧炎武曰自古

以來待宗人之失未有如本朝者以文王之明德作人而

用賢常先同姓周公為太宰康叔為司寇聃季為司空成

王顧命而六卿之長五為同姓周公蔡侯毛伯凡伯之屬

每見於春秋而與周相終始漢唐而下以同姓為宰相中書省

親既不得筮仕為吏而復限之於國城之中若無罪而拘

之者故其不肖者怙侈放僻以為民害而賢者亦僅守己

潔行學為辭賦以是耐於文苑之徒於是舉天子之宗無

一人焉任國家之事以生草澤之心而召蠻夷之侮寧以

四海之大宗祧之重畀之於匪族者而不恤嗚呼此亦後

世之大監也已大均曰嗟呼誠哉是言也夫以明遠春夫

秀衡之賢使其立朝廷必能正紀綱補闕失在封疆必能

皇明四朝成仁錄

卷四

一一八 廣東叢書

耀威德遏寇讐以無負天子之所使乃不幸運當屯難未

獲一命之榮遠建其身之節在三子所以自為則誠無憾

其如國家自失宗才之用何哉六子者惟燿伯明惟倥叔

融懷受士簡懷聖長生惟難季鳳誼滿伯聞與子斗為七

皆好學能文之君子予至西安聞有青門七子合集求之

弗得獨三子節烈人人稱道弗衰當賊僭號時咸寧人有

韓文銓者前河南道監察御史也賊使為太原節度文銓

大捕宗室以為功得晉府宗室四百餘械送西安一日殺

之立盡若三子者不死於賊臣之手得幾之先蓋又明而

且哲者哉

寶雞死事傳

寶雞死事曰唐夢鯤明紀作現

唐夢鯤字化卿番禺人萬曆四十三年舉於鄉授福寧州學正陞仙居知縣憂去補天台改富川復改分水凡歷四邑精明仁恕皆有政聲富川諸徭怙亂逆拒官軍夢鯤單騎入峒招諭諸徭皆悅首聽命權要忌之謫池州府經歷值叛兵十餘萬自武昌順流而下所過焚掠湖口彭澤皆破陷池州適當其衝縣官缺當事委署池陽鄒崇番禺縣三字作當事知夢鯤才委署池陽又池陽明史本傳番禺縣志均作貴池夢鯤督兵治糧乘城力守遠近男婦億萬聞叛兵至爭趨入城守者力拒弗納夢鯤惻然下令令老稚入城捐俸米為糜以食之民賴存

皇明四朝成仁錄

卷四

一一九 廣東叢書

治以吏部尚書鄭三俊薦陞寶雞知縣寶雞三秦劇邑有夷惟命顧安所逃避耶甫至會賊入蜀將取道寶雞夢鯤力扼險禦之賊從他道以往未幾李自成陷據西安三秦皆失夢鯤以寶雞小邑不能獨完遂縊於署以死事聞贈光祿寺少卿賜祭葬

整屋死節傳

整屋死節曰袁養和

袁養和字祥夫整屋人繇舉人知屏山縣獄焚囚出避火息盡還獄人皆奇之陞衛輝同知為福藩採木於蜀省金數千遷河南知府理河南獄出死囚百餘人陞貴州副使豫策知四川奢寇之叛轉雲南參政以疾歸西安陷自成疾徵之絕粒而死養和涇陽王徵之友也

皇明四朝成仁錄

卷四

一二〇 廣東叢書

延綏鎮死事諸文武臣傳

延綏鎮死事諸文武臣曰都任曰王家祿明史本傳

錄嘉慶重修一統志卷二百四十一本傳同此曰尤世威曰尤翟文曰王世欽

曰李昌齡一統志卷二百四十一本傳同此曰王學書

曰王世國曰侯世祿曰侯拱極曰惠顯曰惠漸曰楊明

一統志卷二百四十一尤世威傳作楊明遠曰潘立勳曰

史都任傳及明季北略卷十九均同此曰劉廷夔曰李應

尤岱曰劉廷傑作傑曰劉廷夔曰李應

孝曰馬鳴節明紀作高明史都任傳曰馬應舉曰鍾

茂先曰崔重魁明史都任傳及一統志尤世威傳均作觀曰賀世魁曰苗青

曰傅佑曰劉光裕明史都任傳及一統志尤世威傳均作祐曰李耀宇明史

傳明外史尤世威傳均作李耀曰黃廷政曰黃廷用曰黃

一統志尤世威傳均作李耀

廷弼曰李光裕曰張天敘曰郭遇春春明史都任傳作吉曰張雲

鷄明外史尤世威傳均作鷄曰張發曰李威英

曰常懷德明史都任傳均作常懷德曰李登龍曰孫貴龍明史都任傳均作孫貴龍

曰傅德曰潘國臣曰李國奇曰晏維新曰文侯國曰白

慎衡曰全家欽明季北略卷十九作欽曰尤勉曰賀天雷明史都任傳

及一統志尤世威傳均作大曰楊以偉明史都任傳

明季北略卷十九同此曰李文燦曰徐可徵曰陳義昌

曰沈濬曰沈演曰白拱極曰白合章曰張連元曰張連

捷曰李可柱曰胡一魁明史都任傳及一統志尤世威傳均作奎曰李胤祥

曰李英曰鍾乾健曰劉芳馨曰姬維新曰尤養親曰楊

皇朝四朝成仁錄

卷四

一三一 廣東叢書

正韓曰王永祚曰彭卿曰趙彬曰文經國

都任字弘若祥符人萬曆癸丑進士以副使備兵榆林崇

禎十六年十月閏賊李自成陷據西安任以延綏極邊重

鎮預為守計會延綏巡撫崔源之罷去總兵王定棄城去

人心洶懼無固志任與督餉戶部員外郎王家祿涕泣相

勸勉以忠義賊遣人誘降即斬以狗偽權將軍汝侯劉芳

亮制將軍毫侯李過等率眾十餘萬下延安略地至綏德

自成復為手書發金數萬招諭又遣偽將黃色俊等說降

於是任與副總惠顯集諸將議參將劉廷傑曰賊雖破陷

西安三邊當為朝廷守天下之大勢在九邊而秦有其三

一邊之勁甲天下一作三而榆林居其第一榆林雖曠野無

險可阻而左山右水天設巖疆居人氣角立而風騎悍喜

功利尚武節乃天下精兵之所列朝名將之鄉一鏖戰先

奪其氣挫其兇鋒乃約寧夏固原三師遞進賊可滅也眾

曰將軍議是故總兵尤世威曰受國厚恩彎弓援鼓指揮

三軍有進無退惟世威是任故總兵王世欽曰大丈夫世

食君恩雙鋼橫飛飛原作死予將戰矣士庶軍餘咸噴志

憤激登城罵賊曰我榆古朔方地磽确不毛黃沙四塞居

人十萬不知耕織三百年來悉仰軍儲以食朝廷養養之

恩無以報之橫當千里之長邊力控十萬之強虜屹然雄

鎮名冠三秦其來久矣亦本末下有今肯為逆賊屈耶眾

志既定乃以李昌齡宿將知兵署領鎮事城中衛巷聯結

皇朝四朝成仁錄

卷四

一三二 廣東叢書

忠義大社習兵昌齡瀝血誓師分汎以守部署既整乃出
 精銳挑戰頗多斬獲初賊自謂榆中父老皆其桑梓度不
 煩兵力而下不意舉城誓死堅守人無二志賊甚憤恨使
 芳亮過百道疾馳榆林三面倚山一面臨河城北有護城
 郭臺款貢樓櫓相為聲援賊不敢內薄惟東南山阜參差
 有叢祠數所林木隱蔽賊得依之結營而海潮寺逼城下
 賊乃潛入其中為地穴城中亦穿土截之賊復於沙峯上
 起飛樓與城樓相對矢石交至勢尤急世威自南門出血
 戰於榆楊橋賊逼東城亦繼壯士出夜斫賊營賊披靡十
 二月二十五日初夜賊營徧吹鐵葉將還守經德請益師
 而城中奸民有起火以應之者比曉賊復環攻城將崩任

皇明四朝成仁錄

卷四

一三 廣東叢書

急撤屋材為堵補之二十七日晡時城陷一統志本傳作十一月二十七

日城士女登屋奮擊飛石雨下刀箭洶涌諸將或自殺或
 為賊縛無有一人降者任挺身巷戰力竭被執怒罵不絕
 以死

王家祿黃岡人舉人當賊臨城拊循士卒分調芻粟甚有
 方賊至拔健兒小刀自剄未殊眾扶上馬至關帝廟前索
 所佩刀再到死

尤世威字鳳臺以行伍積功歷昌平山海總兵榆林陷焚
 家人百口率眾巷戰與諸將被執至西安自成好謂之曰
 將軍皆勇智宿將共取封侯毋違天命何如世威仰天大
 笑曰爾本銀川驛馬夫爾敢大言我等朝廷大帥悔殺汝

不早自成笑前解縛世威叱曰驛馬夫勿近犯將軍衣自
 成怒斬之世威夙有重威能知人嘗薦營卒左良玉於巡
 撫侯恪恪遣良玉往救大凌河城良玉於松山杏山下連
 戰功第一遂為總兵

尤程文字龍潭世威之從弟也為定邊副將明史及一統志尤世威傳均作靖邊勇敢善戰榆林被圍率其徒千人開門出戰賊
 營副將顧上郭本為群易顧見程文所將皆步卒有賊字相聚復進程文
 力戰而死

王世欽字敬之大同總兵位特進柱國太師威之仲子先
 籍河南光州後徙榆林少歷戎行以功遷指揮同知清平
 參將孤山副總兵加署都督同知分管樞營總兵擢山海

皇明四朝成仁錄

卷四

一三四 廣東叢書

關南部總兵官南明史本傳作左時年二十八穩重有方略幽燕

老將弗如也時山海關稱雄鎮特設三部以總軍要中部
 為馬世龍北部為尤世威皆三世名將人畏憚之以功賜
 蟒服玉帶尋以太師威篤老乞終養歸崇禎二年督家丁

勤王至北京解嚴論功將行召用而世欽依子舍不就徵
 十六年十月倡義守榆林城陷被執自成釋縛欲用之世
 欽奮罵不屈以死妻高氏投井死

李昌齡字玉川鎮蕃衛人積功至延綏總兵以抗直不合
 於時落職因家榆林榆林被圍或告之趣亡昌齡曰我叨
 列大臣莫非國土出將安之當與此城池為存亡城破執
 至西安罵賊不屈被磔死

王學書字忠吾榆林人父保字麟岡歷昌平宣武薊鎮遼東備倭防海總兵多戰功歿於海州學書補世職歷遷宣府總兵轉天津防海總兵以老致仕賊攻榆林學書散其給軍城陷被執罵賊以死

王世國字御寰榆林人父繼任保定總兵加太子少保世國幼歷行陣有戰績累遷至宣府柳溝總兵加太子少保歸里未及旬賊攻榆林世國破家財招套人為援日殺牛羊饗士士皆固守城陷被執不屈死

侯世祿字裕齋裕齋本榆林人以世職歷任固原遼東宣府總兵加太子少保子拱極字樞策樞策延安府志作字樞宸山海總兵賊至守新添門賊潛入穴城世祿覺募死士繼城擊賊

南門陷父子被執死之
惠顯字晦我清澗人祖之翰嘉靖間舉人通判大同父承芳萬曆間舉人南京工部主事顯初名顯揚以嫌與兄世揚同派因去揚字以自異少薄舉業思効命疆場繇步卒起積功至延綏副將榆林陷被執賊慰之曰若固世家子有武略且為世揚弟能從我當以權將軍相授顯罵之被磔從子漸字碩亭時為撫邊守備亦罵賊死漸世揚子也

楊明字魁字榆林人以選鋒積功至山海副總兵移病歸賊至守南門與尤翟文出戰不利城陷死之
潘立勳字國俊漢中衛百戶天啟間武科狀元歷任至榆林右協副將賊至拒守七日夜擐甲不解城陷被執至西

皇明四朝成仁錄

卷四

三五 廣東叢書

安說之不降令斬之立勳厲聲曰我壯士不死幽暗請就大教場以死引頸就刃死之

尤岱字口口官山海關鐵騎營參將時與王世國守西門樓一作志本傳城破罵賊不絕口被殺

劉廷傑字若三鄜州志延安府志作字三若綏德進士尋鼎之子崇禎十六年以延綏撫標參將防寇駐綏德榆林陷被執賊欲以大將授之廷傑奮罵支解死尋鼎聞之曰吾有子矣從弟廷夔為諸生慷慨任俠聞廷傑死疾至榆林收瘞哭曰兄死吾何以獨生為祭畢投雲巖閣下死妻高氏撫孤祖仁

追稍長一日歎歎泣謂曰我所以偷生者憐汝耳今汝已有知識吾將去矣不食數日而死

李應孝字準樓榆林人官西安參將方解印歸城陷令妻女先縊率其子搏戰斃數十人矢盡父子自剄死焉又有李淮一統志尤岱傳與應孝皆使妻女自縊各率子挾弓及搏戰殺數十人而後死

馬鳴節世襲榆林百戶明史都任傳及一統志尤岱傳均作參將城陷聚室中器環其妻子焚之單騎巷戰殺傷數十人力竭顧視其家火勢方烈還入火中以死

馬應舉榆林人為撫邊中軍賊眾薄城被執殺於凱歌樓鍾茂先榆林人綏德衛管屯指揮城將陷茂先於宅門編置利刃而藏二匕首於蔽膝賊入茂先陽以酒勞賊左手捧觴右手拔匕首刺賊賊驚負傷出茂先殺其妻子而自

皇明四朝成仁錄

卷四

二六 廣東叢書

劉

崔重觀榆林指揮賊至破家聚眾於漢壽亭侯祠喋血質神期以死守城陷至家郭本無至焚其積聚曰毋為賊資也賊怒殺之

賀世魁榆林千戶從總督某守薊門甫歸會榆林陷出祖

父承襲號紙置香案衣冠東向拜曰臣力盡矣更著深衣

自劉死妻柳氏從之原注云一云衣深衣與妻柳氏從容自縊

苗青榆林人威武守備榆林陷同妻凡氏縊死

傅佑榆林衛掌印指揮城陷與妻杜氏縊死

劉光裕榆林人為中軍官戰敗罵賊以死

李耀字榆林人材官城陷插矢數十卷戰每發應弦而倒

皇明四朝成仁錄

卷四

二七

廣東叢書

無敢近者矢盡自劉死

黃廷政廷用廷弼榆林人大父演為榆林衛指揮歷官廷

綏協守出兵平河戰死蔭廷政襲指揮使襲字原在使下據鄭本改廷

用廷弼百戶明史都任傳及一統志尤盛賊薄城政身當

寇衝中礮而死用弼所傷賊及奪獲火器甚眾城陷兄弟

相謂曰盍從吾祖於地下遂偕死之

李光裕榆林人材官慷慨有勇略賊入趨家人自殺乃自

劉死

張天敘榆林人右營掌口官原注云一作材官城陷自焚困累乃

縊死於庭樹

郭過春榆林戎車從營都司善火攻以神槍佛郎機傷賊

甚眾城破被執至魚河堡不屈死從之者二十四人

張雲鶚字元舉榆林人以舉人任至戶部郎中明史都任

尤世威傳及一統志尤督餉山海關致仕榆林陷不屈死

之子發定邊副將明史都任傳先戰死

李威英榆林人以貢知太湖縣罷歸榆林陷被執賊欲降

之奮罵觸樹而死

故總兵常懷德一統志尤盛李登龍遊擊孫貴龍傳德潘

國臣李國奇晏維新文侯國守備白慎衡全家欽尤勉賀

天雷揚以偉掌印指揮李文燧李文燦教授徐可徵入井

死妻潘氏縊於井傍諸生陳義昌沈濬沈演白拱極白含

章皆罵賊死

皇明四朝成仁錄

卷四

二八

廣東叢書

張連元張連捷同縊於漢壽亭侯廟李可柱縊於余肅敏

公祠胡一魁李胤祥則縊於家李英字闇章鍾乾健字體

元劉芳馨字通字姬維新字啟口尤養鯤字輔堯楊正韓

字御寰王永祚字昌裔彭卿字佐字趙彬字瑞陽文經國

字口口皆榆林人俱不屈以死商人張禮亦罵賊死而廷

安衛人台元者當賊入城時兩手握大石欲狙擊賊鄰人

恐禍及縛之回至家不食五日死賊既破榆林盡屠滅之

以偽權將軍王良智專鎮延綏偽節度使周士奇偽防禦

使張弘祚佐之以偽權將軍高一功分守綏德州十七年

春自成下令徵榆林舊紳高惠忠等二十四人赴偽西京

西京者西安自成所更名者也行至魚河悉殺之而徙餘

民二十人於鄖陽千餘人於四川又將徙其大族以實西

京蓋以榆林俗驕悍人多忠勇惴惴然恐其為變云榆林

既陷賊攻寧夏總兵官撫民以城降攻慶陽三日城陷兵

備段復興一統志卷二百六十三寧州知州董琬太常卿

麻僖傳皇小識卷八及明季北略卷十九均作禧死之

賊執韓王屠城去又攻甘肅鎮巡撫林日瑞明季北略

明史本傳同知藍臺州紳羅俊傑死之

郭天吉大明季北略卷十九同知藍臺州紳羅俊傑死之

時秦隴盡沒甘肅以河為固日瑞命天吉力守缺口賊以

數萬騎來攻天吉與戰不支撤兵還守賊進薄城下乘大

雪下砍而登將士巷戰皆沒於是三邊皆盡無復顧忌遂

皇明四朝成仁錄

卷四

三九

廣東叢書

長驅入晉

屈大均曰榆林地處沙磧兵與民參半以餉為命俗尚雄

武多將材有氣節視他鎮為最鄭端簡云鄭本簡下榆林

地險將士懷忠畏法死無怨言又果悍敢戰不賞曾寇呼

為駭駭城人馬見而畏之四方征調所向有功信不誣也

當關賊攻城時以孤城死守七日夜孤城原作孤力竭城

崩自將帥兵民以至商賈廝養婦人女子凡十餘萬人無

不慷慨激昂為朝廷而死與寧武關屹然於三邊之中控

賊於滔天之日秦之風與子同仇樂於戰鬪至是而愈雄

勁焉三百年養士之報於秦臣子見之於榆林見之噫嘻

難矣哉

三原涇陽死節二臣傳

三原涇陽死節二臣曰焦源溥曰王徵

焦源溥字逢源一字涵一作字逸源號涵三原人萬曆

四十一年成進士知縣沙河調濬縣召為四川道監察御

史以憂歸天啟初杖擊紅丸移宮三案起源溥補江西道

首劾魏忠賢崔文昇李可灼黃克纘諸姦其明綱常一疏

言尤切直忠賢聞之出為鳳廬道兵備僉事明史本傳作

使使文昇監視將甘心焉時忠賢生祠徧天下獨鳳陽頴

川之間以源溥禁止不得立忠賢益怒遂請告歸威宗即

位起副使分守河東會流賊盜起秦晉騷動源溥急募死

士千人為兩營擒賊渠王家印於曲沃又殲紫金梁萬全

皇明四朝成仁錄

卷四

一三〇

廣東叢書

斬首萬級賊繇此不敢犯河東巡撫以功非己出匿不以

聞崇禎五年量移參政守寧武寧武總兵張應昌有健兒

陰圖不軌源溥偵得四十八人誅之疏聞上賜飛魚蟒服

銀幣蓋異典云六年陞山西按察使七年以僉都御史巡

撫大同大同兵火之餘死傷枕藉自代朔以北民苦饑有

咬牛馬矢者源溥請賑請蠲請屯田鼓鑄田字原缺據翁

又上等邊十議上大書書名御屏謂近侍曰此欲明綱常

小焦御史也源溥與從兄源清並貴顯又面顰故云久之

與監軍太監魏國徵爭屯糧不合國徵忠賢之養子也先

是六年秋上以張元佐為兵部右侍郎鎮守昌平國徵以

司禮太監守天壽山山字原缺據翁國徵被命即日行上

語聞臣曰內臣即日行侍郎三日不行何怪朕用內臣耶
朕字原缺據翁國徵侍上倚任數自擅行多方以誤源溥
山佚文釋補 欲瘡痛之均據翁山佚文釋改 源溥又請告歸時關中
流寇張甚源溥乃築四堡縣東縣東原作懸軍據 憑高據
險與鄉人為死守計賊以數十部連歲來攻弗拔援原
山佚文 賴保全者甚眾而嘗以孫督師剛愎高白二將不
和朝廷數遣使督催與賊浪戰不為持重之計為憂十六
年十月督師孫傳庭再戰潼關果敗績西安破陷巡撫馮
師孔按察使黃綱綱原作綱據翁山佚文釋明史莊烈帝
兵備道僉事王世清死之王明季北略 長安知縣吳從義
衣冠北拜投井死長安人丘從周都司掾也從原作東據
皇明四朝成仁錄 卷四 一三一 廣東叢書

逆天不祥宜翻然悔罪歸命天子立不世之功膺封侯之
賞群賊欲殺之群賊翁山佚文釋作賊黨 自成不可閉之一室三日旋
縱之歸源溥欲東走蒲州號召舊旅西走西寧連結祁李
二土官李二土原作二十一 兼卷戎之眾以保河西而圍
全陝奈賊防閑甚密弗得往慷慨歎歎有百二山河尚可
全八千子弟今何在之句自成聞而執之是日大宴縉紳
各與之秦府金銀器皿皆頓首以謝自成問曰今軍需匱
甚奈何今原作余據翁 有言開鑪鼓鑄便者自成叱曰公
等皆貪更多金史字原缺據翁 今與公等約凡為九卿者
五萬大中丞三萬監司一萬府州縣長吏半之其以次署
名露刃脅之眾皆戰栗署名源溥感怒髻盡張以筆擲自
皇明四朝成仁錄 卷四 一三二 廣東叢書

成曰瞎賊奴吾安得銀且汝獨不聞王家印紫金梁之事
乎我殺汝渠時汝字原缺據翁 汝始為賊銜草料掃馬矢
耳賊怒支解之年六十有三十二月十八日也自成令曰
有敢收視者族取字原缺據翁 公子之雅公字原缺據 特及
行哭於市曰若不許吾收父屍我則自剄自成許之之雅
字大夏驍勇善射乙酉與布衣郭雄麗與字原缺據 及
翁山佚文釋改 舉兵於耀州
王徵字良甫一字葵心涇陽人天啟二年進士初任廣平
推官部民為白蓮教所誣徵得數百人寃者釋之又築清
河水開武安河墾有功於郡丁母艱歸補揚州天啟七年
瑞桂惠三王就國供億繁重民苦之徵上啟三王王皆折

節以聽天啟七年下原作眾官皆折魏瑞忠賢起大獄構

舊巡監御史山佚文輯改舊知府樊房楊顏四人又構

黃山一獄蔓引至數百人吏緣藉為奸利將不可底徵曰

司理天子之執法也殺人以阿媚人死且不敢事若不置

此字疑誤願罷尔忠賢無以奪時大江南北爭建忠賢生祠徵

與淮海道僉事三原來復統志卷九十八本傳均作監司

毅然拒之時謂關西二勁崇禎元年登萊叛將劉興治據

島為亂巡撫孫元化薦徵邊才上命以山東按察司僉事

往監遼海軍時徵服未闕赴關控辭弗允至軍數月方望

家傳後作未閱月新興治恢復金復海蓋諸州會孔有

德自吳橋激變反攻登州徵城守旬餘士飢不能出戰城

皇明四朝成仁錄

卷四

一三三

廣東叢書

陷逆黨重徵不忍害使航海以歸既下獄會赦得釋聞賊

初起關中岌岌徵歸與邑令募兵守禦繕甲儲饌為桑梓

計流賊屢攻不能拔賊往來颯忽數千里秦無完城獨涇

陽三原安堵大抵多出徵與焦源溥方略云十六年冬西

安陷賊欲大用徵使且至徵引佩刀坐於門以待謂其嗣

子永春曰子字原缺據翁賊使至吾必不行當以頸血澆

之永春叩首曰大人毋自苦母自苦原作母老兒今走自

成所請死以代大人徵曰兒代吾死死孝吾矢自死自字

據翁山佚文輯補死忠兒行矣既行徵絕粒不食延至五日永春

獲釋而歸跪奉湯餌徵曰子之於父當承其志今日之事

不恐父死是亂父志也揮之又飢三日乃歿邑人私謚曰

端節先生

屈大均曰賊之僭號於西安也舊吏部郎宋企郊為賊進

退人才授官較士舊副使張國紳進拷掠士紳殺宗藩之

議舊磁州道僉事肇煇進改八股定官秩儀注之議賊分

鄉舉為三等一為弘文院偽館選也次為六府從事偽部

郎也外為防禦使偽監司也秀才亦分二等優等充州縣

長吏次充教官是時涇陽舉人聞而南遁者有張惇馬御

肇三原舉人聞而入山者有周祚昌自南遁以下十五字

而縉紳則焦公慷慨王公從容皆不污偽命以死若袁公

忠貞相繼亦皆人傑也死下原作豈非人傑也

魯橋拜王公祠歎流涕讀其論叛論遼論口三書翁山

皇明四朝成仁錄

卷四

一三四

廣東叢書

輯亦空一格當並足餉籌邊三議惜其不獲早用以至於

死也

慶陽死事傳

慶陽死事曰新聖居明季北略卷十曰段復興

新聖居字叔孔長垣人崇禎元年進士初知濟源縣調萊

陽以廉能著轉潞安府推官內丘王子姓多暴虐立原作

本掠澤州民婦斃民命民旬旬蠢起欲為亂起原作午

居窮訊得實抵其罪會朝廷遣內監巡視各省有牛某者

至山西厚受藩賄取澤州民覆治加拷掠民至數千人起

而詔罵某怒甚遂疏論聖居不宜以深文按宗室縱民為

橫聖居亦上變告具陳中使執法狀詔下陽和巡按盧象

昇覈問象昇直聖居對書獄一如聖居而以聖居越職言

事貶二秩聖居喜曰我去官我志獲伸矣推官上飛變罪

皇明四朝成仁錄

卷四

一三五 廣東叢書

固當誅原缺誅字且糾劾中官禍皆不測然不以此時極

論使兇暴蔓延殘虐小民其害何所底止我不可以一身

一家之故自沮抑也遂抗疏言中官多縱恣不可使在郡

縣辜校小民狀下廷議皆建聖居各省所遣中使以次撤

還於是直聲動天下動原作在庭諸臣咸自以為弗及也

十五年補慶陽府推官明年陞刑部主事未解任十月聞

賊破潼關西入秦所過郡縣皆下聖居集眾而言曰賊入

關禍不旋踵矣我慶陽乃三邊咽喉此地一失西北潰壞

無完土是以全陝予賊也今城隍險峻大有可恃當竭力

以捍其衝俾慶陽以西得以稍稍飭武備相為犄角邊境

或可保全事不濟則吾以身殉之無他也時倉卒堵禦無

具賊帥劉宗敏統眾數萬遠薄城告以早降聖居裂皆怒
罵之賊仰攻三晝夜穴北城下六十餘道蟻附而上遂不
支賊誘聖居以官不屈磔之罵不絕口以死有分守道參
議段復興者一統志卷二百六十當慶陽未陷同聖居誓
死至是自焚其家與聖居同日死之其後慶陽人於交龍
寺東建雙烈祠以祀焉

皇明四朝成仁錄

卷四

一三六 廣東叢書

西寧死事傳

西寧死事曰孔聞籍

孔聞籍字載寰曲阜人至聖第六十代孫舉崇禎七年進士授行人陞南京吏部郎中出為西寧副使十六年冬聞賊陷西寧聞籍衣冠北拜與其妻誥封恭人某氏及家人數十輩聞戶自焚其孫方二歲聞籍以投諸河僕婦救之聞籍提刀逐得將殺其孫僕婦亟以己兒投於河乃免邯鄲知縣顏胤紹聞之鄭崇胤紹死於崇禎十五年見上河間死事傳是在聞籍之先此云胤紹聞之未嘆曰此真聖人之孫也哉

聖後人其生於曲阜者自崇禎以來有忠節臣三人為至聖第六十代孫有光闕里因為作曲阜三忠節傳又聞復

皇明四朝成仁錄

卷四

一三七 廣東叢書

聖後人其生曲阜者自崇禎以來有光敏之大父河間知府胤紹生漳浦者有鳳陽知府容暄皆能以死勤事為封疆義臣因為作顏氏二烈傳曲阜孔氏三忠節者一曰聞籍別西寧死事者也一曰聞詩字過庭天啟四年進士明史道副使崇禎十七年六月敵兵至棄官歸里尋被敦逼至京聞詩伴為青盲上吏部堂階顛仆不起乃免家居擇冠野服絕無時製所著帽常綴一崇禎錢一曰聞諫字觀生天啟四年與聞詩同舉進士初任行人陞禮部郎中出為副使分守河西道丁艱居里崇禎十七年某月有令官民

剃髮聞諫致書攝政王言貴國既得中華當用中華冠服有令云孔子聖之時聞諫妄言殊辱乃祖理當正法念聖裔革職為民永不敘用未幾卒於家其曰貞璞者未詳何處人崇禎間以貢知伊陽縣多方守禦流賊不敢薄城以事往汝寧為賊所執不屈死蓋亦聖裔云予所謨皇明四朝成仁錄始自崇禎故孔顏之裔其士大夫忠節可錄者亦始自崇禎孔顏之裔自周末以來二千餘年代有聞人惟此數公未著微光敏吾無以知其行事之卓然如此矣崇禎間有三叛臣其首惡為孔有德以先降得為禪王國變後道經曲阜欲入謁先聖廟林孔氏宗人閹門弗納且叱其目稱聖裔嗚呼是真能知其先人春秋之旨者哉

皇明四朝成仁錄

卷四

一三八 廣東叢書

太原死事諸臣傳

太原死事諸臣曰蔡懋德曰應時威明紀作應威時烈

應時明史曰趙建極曰蘭剛中曰畢拱辰曰張弘業曰

張凝秀曰惠光祚曰申鼎欽曰韓似雍曰劉秉鈺曰馬

負圖曰司鼎曰彭鯤等

蔡懋德字維立明李北略卷二十作字公一字雲怡崑山

人萬曆四十七年進士初任杭州府推官執法嚴平案無

留贖修紫陽社倉陽明保約法立獄盜獄命清獄法比歲

稷通商賑荒皆有程度上官令通省行之著為令行取入

京陞禮部主事時逆奄魏忠賢用事建祠京師禮部尚書

率諸僚謁賀懋德與同官翁鴻業中道托疾歸三殿告成

皇明四朝成仁錄 卷四 一三九 廣東叢書

忠賢受上賞廷臣皆進級有差懋德具揭吏部辭言不敢

無功受賞隨封光澤王差禮畢歸里崇禎元年陞江西按

察司副使明史本傳作出為視學政量移浙江布政司右

參政兼按察司僉事備兵嘉湖地濱海賊劉香游船猝至

人心恒擾懋德立明約束為戰守計是時大盜屠阿五擁

眾千人出入湖泖為浙西殷憂撫按臺省連章告變議合

南直兵會勦懋德曰此可計擒也奈何驚擾百姓且兵聲

先聞彼颺而入海與劉香合意叵測矣上官然之一以其

事屬之懋德懋德察知盜窩皆湖濱巨室密致之脅以利

害曰汝能為我用當賞汝死然不責鈞捕但吾遣人至鄉

汝密留之不泄耳富主悉受命乃召部將授以方略偵賊

所在散健卒為商賈匠工星卜先後至其地分布遠近窩

主奉命飲食之約日齊發盜沈千斤者阿丑義男也最驍

勇捕人起擒盜千斤力鬪被傷阿丑奪氣遁有部卒偽為

曰夫猝抱持之共陷泥淖中追者至遂生擒阿丑撫其餘

黨盜平督撫上其功於是廷臣交章薦懋德為知兵懋德

又以浙盜之橫起於捕盜者諱盜又從而養之至於借盜

殃民民益迫耐盜乃立捕盜法捕者不敢為奸嚴保甲重

窩盜之罰盜無所容絲是小盜亦靖憂去補井陘道甫三

日改調寧遠遠原作前據遼餉不繼懋德以恩信貸諸大

商如期償之數貸以濟革冒濫選間諜寬文法軍政畢舉

時山東河南北直失陷名城數十懋德不解甲於松山者

皇明四朝成仁錄 卷四 一四〇 廣東叢書

四十七日於寧遠者九日他攻圍一二日者不數計而關

外八城無恙兵部奏守城功第一將大用之閣部楊嗣昌

貽書問所欲懋德不報於是敘功覆奏自督撫至游守皆

進爵廕子謂懋德曾弱不勝任調腹裏用十二年分守山

東濟南道濟南新經殘破文武吏缺人懋德攝兩司使及

三道印招集流移撫安反側諸廢墜事畢舉大寇李青山

為亂所至騷動懋德勦撫並用兩月盜平十三年春陞山

東按察使是秋陞河南布政攝糧儲道時斗米三金人相

食催科無以應而聞賊聲言先降服者不征糧民日夜望

賊懋德曰此時若急催科是驅民為盜也檄州縣停征抗

疏自劾落職七級尋齎表入京遂奉巡撫山西之命上賜

召對問政治之要對曰天下變亂皆緣窮民為盜臣任撫綏當使窮民有食而不為盜上悅賜錢及銀幣極寵渥至山西即立干城社以招奇謀異勇之士巨寇王口冕王二冕王一鳳等先後作亂討平之寧武鎮將許定國援河南兵薊將任國奇等統兵數千蹂躪晉地懋德且勦且撫亂乃定九月京師戒嚴徵天下兵入援懋德即日誓眾屈行奉旨扼防龍固諸關本以內禦外今敵入內地反居外禦內所設將皆隸保定真定二撫不奉節制懋德親率標下策應萬山中於千五百里地扼關隘設烽火臺布置嚴整匹馬不入境自十月設防至明年五月罷勞懋德甚不敢言病事平以疾請告疏留中不下而閩賊已陷河南將窺秦晉

皇明四朝成仁錄

卷四

一四一

廣東叢書

懋德聞報亟起治兵馳河上禦之疏謂賊勢披猖畿輔陷危萬難畫疆自守今日之失正在賊聚而攻我散而守是以處處無堅城請發禁旅並大其保大營宣大二撫與臣合兵尚可背關一戰否則畿輔以西恐成破竹之勢又請發京口運晉口餉連章告急皆不應諸鎮兵無一人至者寧武鎮臣周過吉亦以餉缺不赴調是時西安已陷而晉中南自芮蒲北迄保德延袤二千五百里僅恃一河為界處處可渡懋德獨力持吾以三千弱卒當數十萬強寇一敗賊於大慶渡再敗之風陵渡三敗之吉鄉渡賊屢犯屢却堅壁守者四閱月是時榆林已陷岢嵐告急太原危如累卵先是懋德請禦賊於平陽汾州間屬巡按汪宗友留

太原彈壓至是宗友馳羽書促歸太原又啟晉王以手書敦促謂省會重地不歸救則太原失即堅拒河上無益也懋德乃留千人守平陽千人守汾州自率千人赴太原宗友即出城巡他邑去懋德貽書過吉約過吉死守寧武以扼其北而懋德死守太原以障其東以俟畿輔援師大集過吉許之賊偵知懋德已離平陽布間諜訛言賊已渡河平陽道將以下皆棄城走三日賊不至懼罪乃遣人迎賊而平陽陷懋德聞報先率千人赴死諸將難之晉王及官吏泣留士民爭擁馬首不得行懋德乃誓眾為城守計而宗友反以不守河而歸太原致賊得渡劫之往者懋德多移調屬吏易置將帥吏兵二部惡其專權為憾至是諧之

皇明四朝成仁錄

卷四

一四二

廣東叢書

遂奉旨解任聽勅命郭景昌代之未至十七年正月賊遊騎至自成遣人招諭懋德碎其牌斬使懸首堞樓賊憤圍城懋德力禦之殺賊數千人夜縱壯士發地雷多擊死自成適往近寺洗浴得免二月六日自成具圖簿親臨城下督攻城上發火器西洋大礮殺賊數千傷馬千餘匹賊梯輒碎其梯肉薄輒鉤而斬之賊少却次日鄭案過變紀日明季遺聞作二月十日張本作二月二五日明史本傳同此忽晝晦風沙大作沙張本作雨瓦皆飛賊矢如蝟陣士多死然無退避志有標將張雄者守新南門與賊通豫伏黨角標乘風舉火火藥器齊發遂登城懋德出遺疏授贊畫知縣賈士璋璋列皇小識卷八傳及明季北略作章明史蔡懋德卷二十均同此欲自剄為眾所奪中軍應時感曰姑下城

巷戰救新南門遂扶懋德上馬持矛衝突手殺數十賊至水西門懋德躍下馬與時威至三立祠時威解帶繫束梁之左懋德再拜先賢就縊身輕不即死時威脫鐵甲加其肩而氣絕王永福十餘人在旁皆自經明史本傳及明季北略卷二十均作六十八事聞天子震悼未及廢郵弘光初乃諡懋德忠襄子葬祭建祠

應時威字口口遼東諸生懋德為井陘兵備時威時在偏裨懋德拔之及為山西巡撫時威為撫標中軍太原陷時威馳歸殺其妻妾及十四歲子曰母為賊辱也既從懋德至三立祠懋德死時威再拜之亦東向以弓弦自縊諸標丁把持之急時威拔刀砍之遂死後祔於懋德祠

皇明四朝成仁錄

卷四

一四三 廣東叢書

趙建極字生同鄭州人原注云一云永寧人萬曆四十七年進士歷

官至山西左布政使崇禎十七年二月太原陷迫受偽命不從斬之厲聲罵賊擊弓射洞其胸殺之先是建極家守王范寨寨破為自成所屠建極五子皆死及太原亡家雖國怨一時並集故罵賊尤烈趙氏一門盡矣

蘭剛中字坦生山東陵縣人崇禎四年進士絲太常博士擢南京兵科給事中十六年十月陞山西按察司副使兼參議督糧道是時賊已陷據西安巡撫蔡懋德駐師蒲州以防西河剛中與諸監司分汛防守剛中得東城以陽和標兵三千之調防省城者驢蹇慮為賊應強之移南門外城中以安李賊數以書招降剛中謂懋德曰賊書不可發

發則亂民視聽乃焚書斬使會平陽副將陳尚智降賊為嚮導賊馬步兵號五十萬遂從沙澗渡蒲州破陷明年正月李賊掠河東平陽吏民皆降賊殺西河王及宗室三百人河津稷山榮河絳州一路盡陷群盜輒起為應所在款潰惟汾州兵巡道范士髦擒斬偽官堅壁待援賊既薄太原方攻一日而陽和叛兵果以南關應賊裨將朱孔訓牛勇戰死會日暮東南角樓火賊乘機蟻附剛中與懋德發礮擊殺賊數千賊少却門將張雄降賊為應引賊登城剛中向闕拜曰臣力竭矣自縊未殊被執李賊好語誘降剛中叱之索印不與遂死一云與懋德立斬賊使及被執大罵明日遇害元口復躍起丈餘賊眾驚愕辟易

皇明四朝成仁錄

卷四

一四四 廣東叢書

畢拱辰字星伯萊陽人萬曆四十四年進士太原被圍拱辰以分巡冀寧道僉事分守西城日讀張巡許遠傳不輟城陷被執賊得新刀數十口斫人試之拱辰視一刀賊問何為曰吾愛其犀利請以見殺賊笑即以此刀及之至死神色不亂為人博雅高才著有息溪集係曜述草蟬雪麗言行世

張弘業字胤吾忻州人父判光祿寺卿弘業山西通志作洋弘業

天啟間任山西撫標都司以子凝和官誥封定遠將軍賊攻太原協守阜成門城破徐入樓南還室其塔從之共理一繩理移時手戰結繩梁間不著弘業顧笑曰爾誤乃公事推之出閉門塔窺窗中見弘業徐解鞵帶腰刀結繩梁

間踐壘石引頸投繩以手介心前一再死時年七十一妻
趙淑人驅女孫及侍婢八人赴井詩原作傳井塞不能容
乃縊子凝秀守北城先死於陣時諸將有惠光祚者罵賊
死有申鼎欽者太原衛人原任平城守備加都司太原圍
急鼎欽與諸弟訣彎弓勒馬以俟城陷馳殺二賊群賊繼
至擊殺之有韓似雍者太原前衛指揮賊至協守東城戰
死有劉秉鉞者太原前衛指揮被執與右指揮馬負圖罵
賊死有司鼎者陽曲人太原前衛千戶城陷語家人曰吾
當死汎地遂戰而死有彭鯤者陽曲人初為生員以父參
將振雲戰歿於邊得廢百戶太原陷持刀立戶內賊入格
殺數人力竭而死有百戶一人年十九提刀逐賊殺數人

皇明四朝成仁錄

卷四

一四五 廣東叢書

乃死有四十六人者於晉王府端禮門戰死陣士死而可
知者有曰郭鼎字君調於樓上殺賊力竭罵賊死有曰樊
維藩字柱礎城陷陣士擾亂維藩拔劍呵止賊上不屈死
曰魏選奇者城陷抵家見其妻為賊所逼奮拔賊刀殺妻
並殺賊而死皆陽曲諸生有江民者北城約長率子弟禦
賊賊登城搏戰而死於時城中人有盡室投井者高原作
木居操有懸於梁者有盡室自焚者賊令曳屍城外隍深三大
許積屍與之平嗚呼太原之人其以死報朝廷也若此其
烈豈非懋德嘗於三立書院講學親上死長之義平日有
以激勵之歟

屈大均曰嗟乎太原寧武之變蔡周二公者雖號知兵然

皆不能提單於外扼險禦賊而徒死守孤城坐失牽制之
勢是皆天也秦晉相距一河二千五百餘里之中處處可
渡而蔡公以撫標三千東西奔命所請禁旅保定兵及督
撫所協防兵將雖屢奉旨然無有一人應者總督余應桂
遂巡河上督師李建泰復逗留畿南危亡呼吸之間巡按
汪宗友乃以不守河而還太原致賊東渡為蔡公罪奏劾
之使蔡公而即解任出境代者未至節制無人則太原表
裏山河其誰與守蔡公毅然曰吾死生之際早決矣即新
撫至吾亦與之同死而奈何去之嗚呼蔡公之死無負封
疆宗友能言而不能同捍牧圉人亦有言我明之事大抵
壞於言官郊縣之事孫督師得罪於前太原之事蔡巡撫

皇明四朝成仁錄

卷四

一四六 廣東叢書

受過於後所繇以君國與敵也噫

寧武死事武臣傳

寧武死事武臣曰周過吉

周過吉號萃菴錦州衛人五歲為虜所掠不知其姓後姓周崇禎四年自滿洲拔歸授寧遠團練把總為人勇健善射性忠信仁慈撫軍馭下能盡得其死力以故數年間積功官至京營前鋒副將京字原缺據鄒本補左軍都督府僉事十三年松山之捷陞同知總兵官優詔褒獎十月奉命援勤河南於浙川破賊安世王整世王萬有餘人十四年五月於光山敗張獻忠八月於羅山敗李自成又敗其黨生鐵鋪斬獲二千八百級九月邀賊固始戰於歸德斬首二千六百有七閏九月擊賊於山東壽張敗之進及蒙陰及東平

皇明四朝成仁錄

卷四

一四七 廣東叢書

悉敗之斬首二千餘俘其渠朱連李青山以獻十五年正月遷都督鎮守山西提督鴈門等關開鎮寧武十六年四月晉光祿大夫太子太保柱國九月渡河禦賊於神木攻密寨寨黃甫川俱破之過吉自將兵以來百餘戰未嘗敗明史本傳賊李自成大舉出潼關過吉遣副將熊通偵賊通受偽命還說過吉降過吉立新通於市及其口百人手提通頭拜疏人感奮太原圍急晉王手書請援過吉馳至石嶺關而賊已破太原先麾指代矣過吉伏兵忻口殺賊數千賊憤益進兵過吉以寧武空虛恐賊潛兵往襲乃引還蓋寧武不破則京師必不可入入而過吉尾其後而大同宣府皆宿

重兵與寧武相犄角口口口口口口口口必破寧武乃

敢東行以故心憚過吉甚賊遂巡於山陰馬邑間數日謀屯營朔州以待其變朔州僉事元某謀知其謀方集眾議守中軍魯明遠殺僉事以獻於是賊得朔州過吉有舅氏在賊中賊遣特書來招過吉聞之遣人迎斬於玄岡賊氣憚過吉乃大告於眾曰先人有奪人之氣賊今以虛聲謀動京師自秦至晉無有一矢與爭今我以精銳萬人出而據險隨設伏乘其驕悍挫其兇鋒賊必不敢至寧武寧武存京師無事矣馬文秀贊之同知吳鏡爭不可僉事王胤懋兩持之過吉曰賊已破陷太原忻崞代朔山險皆為賊據我而嬰城自守賊必悉眾并力以困我京師之危在旦

皇明四朝成仁錄

卷四

一四八 廣東叢書

夕四方之援不可望此坐而自斃之道也鏡有異志沮之陰戒百姓築土塞門過吉無可奈何乃命楊光隆等分門以守賊覘我兵不出喜曰天助我也率偽將尤世祿等二十萬人自陽方口入二月己卯分六隊疾攻六列皇小謂卷八作十過吉晝夜指揮賊梯碎其梯穴燒其穴城數崩矣囊土石補復完以火器神槍擊死賊無算辛巳旦光隆忽中礮死陣士驚走賊遂斬東門以入過吉以數十騎血戰出沒如流星當者皆死賊去宣帽以識別見以宣帽即擊以字疑衍過吉身被數矢大呼殺賊自成辟易不敢入而遣騎招過吉過吉曰退兵十里吾與汝渠相見賊伴退過吉從角樓絙下大呼我周都督也至演武場自成起揖曰大同宣府一

席願以累公過吉大罵暗賊吾豈受賊偽官者乎所以出
 見者欲求一死耳光隆旦明乘城擊賊隆原作明皆我將
 令與人民無與也無與原作無自成脅以及罵聲益厲被
 礮死將士聞過吉死益奮勇民皆巷自為戰家自為鬪矢
 刃盡繼以瓦石徒手搏擊與賊相蹂躪死血流有聲而過
 吉兵亦畧盡妻劉氏西北邊牆人或曰蒙古人善射有勇
 力詔封一品夫人率僕婢三百人明史周過吉傳及明季
 女數北略卷二十均作率婦
 十人登屋射賊賊應弦多死屍相枕藉不得入從帥府後
 垣叢礮擊之劉氏與僕婢自焚死文多錦州人過吉之姑
 之子嘗官參將死有謀在過吉幕府久先十六年冬辭
 歸視母聞賊大出潼關遠反誓與過吉戮力報國及過吉
 皇明回朝成仁錄 卷四 一四九 廣東叢書

輩數人吾事去矣屠寧武而東大同總兵姜瓖宣府總兵
 唐通明史周過吉傳作宣府總兵王承慶居庸總
 監杜勛明史周過吉傳作杜之秩聞過吉死相繼迎降賊遂長驅犯關
 過吉死年四十四材官張效義請於賊瘞之
 屈大均曰賊自成之犯秦晉也所畏者惟督師孫傳庭都
 督周過吉耳使當日督師不死則潼關百二可保無虞賊
 不得潼關敢長驅而問晉陽乎都督不死而出奇制險牽
 制兇鋒賊又豈能越寧武而犯京師哉督師之死以朝廷
 趣戰使之全軍一擲都督之死以吳同知迫之拒守坐困
 孤城嗚呼聞以外將軍制之二公雖智勇絕人不能自專
 也身繫宗社之存亡一宜守而不得守一宜戰而不得戰
 皇明回朝成仁錄 卷四 一五〇 廣東叢書

為吳鏞所沮文多拔刀斫案曰國之存亡在此一舉願為
 人言牽制耶城陷被重傷入劉氏火中死胤懋胤原作胤
 霸州人是日被執不屈同吳鏞死之副將賈廷薦遊擊崔
 雲王前士呂品貴王尚慎張大選高日光大廳遊擊陳策
 順天人守備李毓秀八角堡人旗鼓守備李甲河南人掌
 印千總李世亨寧武人把總丘容等十人容寧化人火器
 把總二人舉人崔爽生員楊鼎勛鼎樞與光隆弟光玉皆
 戰死先是賊至代代諸生張令開令望衣冠哭孔廟飲鴆
 而死寧武兵民四十餘萬至是死者過半皆忠義之夫也
 悲夫是役也賊三日中死者三萬餘人自成憤甚曰吾自
 起兵以來失亡將卒未有多於寧武者使天下得周總兵

晉宗人死節者傳

晉宗人死節者曰敏泰秦原作秦據明史本傳及明紀改曰霞曰慎鉅
曰文衡曰長安曰小二曰慎錄

敏泰字麓松晉府宗人繇貢生任真定通判崇禎十七年
二月閩賊犯太原敏泰時駐龍門請督宣府兵南援未行
太原已陷心知其父不屈於賊乃封府庫收圖籍為其父
靈位斬衰哭祭已而望闕北拜書小詞壁上有君臣難負
五倫須顧之語縊而死

霞某郡王府宗人鄒案山西通志作陽曲宗室賊陷太原□□□□鄒案

山西通志原下有霞若於井椿曰六字太原府學生員朱霞死此遂入井死

其父慎鉅是秋八月閩賊大殺宗室憐慎鉅老欲釋之大
皇明四朝成仁錄 卷四 一五一 廣東叢書

呼曰吾晉府宗人已盡義不獨生延頸就及賊殺之

文衡靈丘王府宗人被執曰吾宗侯也賊術夾勒錢罵曰
賊吾無錢即有亦豈與賊賊殺之

長安者不知其名亦靈丘王府中尉太原被圍長安逆知
城陷跪白其母其母曰死耳宗室之家豈得與賊兩立遂
與長安之妻妾及弟婦凡十餘人列坐井傍以待賊城陷
其母督諸婦女悉入井已乃從入及長安入時井腹已滿
不能容賊出之勒金榜掠數百罵賊以死

小二者亦不知其名寧化王府奉國將軍城陷與其妻
飲使所愛妓四華唱歌侑酒酒罷四華先縊隨與其妻縊
而死

慎錄字嗣元靈丘王府審理城陷冠帶祭先人畢送宮眷
入廟舉火慎錄躍入火中其家人同死自敏泰以下凡六
人其死皆烈於晉恭王可謂不辱云

屈大均曰太原陷時賊以偽文水伯陳永福為太原防禦
永福患宗人繁盛陰令四城偽將分捕殺之八月八日城
盡烏大索得一千餘人殺之於海子堰而睢州知州敏渡
張秋通判新埭自村中被執斬夾以死與敏泰以下六人
者慷慨執義不同噫等死耳若六人則可傳也已當城之
陷有樊子英者晉王府典仗官被執以巨磚擊賊帥幾死
群賊擁見自成罵以死王德新者晉王府群牧所千戶見
晉王為賊所執痛憤投王菊花園井死母李氏年八十餘

皇明四朝成仁錄 卷四 一五二 廣東叢書

聞之亦死瞿通者晉王府儀衛司先令家人盡縊乃以乾
草自焚死自子英至通凡四人仕於王門已若此況為天
子大臣哉可與敏泰等並傳矣鄒本等下有六人二字

皇明四朝成仁錄卷五

屈大均原著

葉恭綽校訂

大同宣府死事二巡撫傳

大同死事巡撫曰衛景瑗宣府死事巡撫曰朱之馮

衛景瑗字仲玉一字帶黃韓城人天啟五年進士初任河

南推官河南鄆本陞山西道監察御史崇禎某年明史本傳作四

年劾大學士周延儒吏部郎中曾楚卿工部郎中靖科

元等以憂去補河南道兵部尚書楊嗣昌加勦餉二百八

十萬練餉七百三十萬景瑗疏爭之弗聽給事中王績燦

吳執御吳方皆以建言被謫景瑗疏請召還亦弗省傳

皇明四朝成仁錄 卷五 一五三 廣東叢書

朝佐李如燦明史衛景瑗傳作數大學士溫體仁十罪上

怒下詔獄景瑗力為訟寬會召對復極言從國家起見木

言下有二願赦出以作敢言之氣上怒且不測景瑗侃侃

自如尋調行人司正再遷大理寺卿平反大獄二十餘十

五年以僉都御史巡撫大同裁缺丁鑄火器裁豪宗戒貪

將以才略聞十七年二月賊李自成東犯太原總督王繼

謨望風逃避景瑗勸眾布置戰中議遣重兵扼鴈門廣武

之險總兵姜瓖觀望不前比太原陷寧武關被圍景瑗益

促瓖以非信地不行景瑗曰寧武大同唇齒今救寧武所

以救大同將軍不救寧武賊至大同則宣府亦當不救將

軍無事時畫地而守事勢至此大同宣府相與為存亡何

論信地瓖卒不行景瑗憤曰吾有標兵尚可以戰傾囊得

九百餘金以犒將士鼓行而出會寧武陷三月朔賊至大

同景瑗亟請代府十三王分守瓖射永慶王死遂奪南門

迎賊賊執代王夾死諸王多有自經及被夾死者素強潞

安昌化三王圍戶自焚副使朱家任鄭案明史衛景瑗傳

義錄香祖筆與妻子入井前總兵朱三榮督糧郎中徐有

記均作監司與妻子入井前總兵朱三榮督糧郎中徐有

聲皆死之生員李若葵明史衛景瑗傳作蔡聞賊將至母子兄弟

結環以待比賊入大書於門曰一門全節大小二十餘人

同縊明史衛景瑗傳景瑗坐堂皇按劍待賊賊入擁執以

行自成好謂曰我米脂一民今日富貴至此天命可知公

降官爵仍舊景瑗瞑目曰吾仗朝廷節鉞不能滅賊反從

皇明四朝成仁錄 卷五 一五四 廣東叢書

爾作賊耶顧見瓖罵曰賊奴賣我爾朝盟而夕背不義不

忠神將殛汝瓖掩面却退越三日明史本傳自成復好謂

曰吾念公忠不忍殺令驛騎送公西歸景瑗奮起以頭抵

觸階石血流被面賊扶掖以出至海會寺南向拜曰臣失

封疆死不盡罪願為厲鬼殺賊為書訣辭繼母及二子曰

訣辭鄭本若有骸骨還鄉吾頭迎北面倒出南門也沐浴

正衣冠自縊

朱之馮字德止鄭案明史本傳澄懷園語均作字別號勉

齋徐州人鄭案明史本傳明季北略卷二十作樂山登懷園天

啓五年進士主事戶部以忤魏忠賢左遷浙江布政司理

問歷行人司副刑部郎中浙江僉事青州參議河東副使

晉象政河東宗室朱金宇金明史朱之為群盜囊橐人不

敢問設計擒之上以為能命以僉都御史巡撫宣府崇禎

十六年十二月也明史本傳作時李自成陷據陝西偽行

仁義愚民望風款潰賊未至咸望其來之馮亟馳至鎮部

署城守餉缺軍謹斬首亂七人糾司饗主事三人三原作

改鎮帥跋扈者一人一軍肅然十七年三月九日賊犯宣

府之馮以忠義激厲口口口出衣一篋取緋袍身繡屬官

吏曰以此驗我餘悉以犒三軍眾皆感泣暨視太監杜勳

總兵唐通明史之馮傳作王承允明密表降賊之馮召通

計事將伏健卒殺之而賊薄城下矣之馮知人無同志密

疏請發重兵扼守居庸賊謀聞之流言曰撫院以人心離

皇明四朝成仁錄 卷五 一五五 廣東叢書

散請兵來屠民惶惑皆願降賊會朝廷遣一將軍出關屯

駐保定民謂兵來勦己益洵洵賊前哨至聲言監鎮皆降

巡撫何獨不降之馮奮罵拒之鼓勵將士相持兩日夜勦

通乘間開南門迎戰之馮望見命左右發礮咸叩頭曰願

聽軍民納款之馮曰爾曹發一礮可殺賊奴數百賊退有

功重賞賊字原缺即不退令殺我無恨皆曰賊已大入擊

之無益徒糜爛百姓耳之馮憤極自引火發礮而城上所

設空礮陰去鉛子或堅塞礮口擊火不發之馮擲炬痛哭

左右將擁以行之馮曰去此城棧一步非吾死所乃北面

拜曰臣不意天下事至此自縊以死三月十一日也年四

十有三賊留權將軍黃口以三千人鎮宣府望日遂至居

庸監視太監杜之秩迎降十六日昌平陷總兵李守鐸手

刃數賊自刎未殊賊磔之遂犯京師初之馮代李鐸為巡

撫賊至鐸尚留之馮死後鐸及削職總兵王應輝鐸字原

本參將楊甲密謀舉義五月朔楊參將夜率敢死士即臥

榻擒權將軍又擒果毅將軍等三十餘人皆殲焉求之馮

屍於城下死五十日矣面目如生乃棺殮以祭以姚時中

配享軍民思之無少長日夜奔哭擇地為塋而以時中葬

其旁時中宣府廩生賊至知監鎮有異謀泣曰忠臣惟朱

公耳吾將往從其後城陷衣冠縊孔廟題壁曰殺賊無權

偷生不義妻子無知付之不計初之馮官青州入賀道梗

留家濟南濟南被賊妻馮安人罵賊墜井死母李太安人

皇明四朝成仁錄 卷五 一五六 廣東叢書

不食死之馮徒步扶櫬歸廬墓側蔬布終其身蓋初名之

齋鄭本身上有至是始名之馮云

屈大均曰宣大金湯之固雄鎮邊陲曩己巳之難人心崩

恐國勢危於累卵矣而郭登羅亨信者嬰城死守也先

是城擁眾數十萬不能攻衛朱二公皆負經濟才守武陷

時賊之精銳略盡兇威亦少挫矣使爾時監鎮不降與二

公戮力擁蔽京師與十萬宿飽之師以戰為守與賊相持

久而京師有備勤王之師四集乃以一軍渡黃甫川從榆

林直搗西安傾其巢穴自成師老於外欲歸無所其勢必

致潰散天下事豈不尚可為哉而無如天之欲亡人家國

必使叛閹逆帥得志專權以險掣社稷臣之肘獨力不支

必致身膏刀鋸而後已嗚呼豈亦有數乎哉予數往來大
同宣府弔二公遺烈問姜瓖舉義舊事知瓖之悔禍以衛
公一死衛公一死而秦晉數千里幾於恢復死之功亦大
矣哉弘光初諡衛公忠毅朱公忠壯

新城死事傳

此傳據史
研本補

新城死事王與胤

王與胤字百斯山東新城人曾祖重光貴州參議贈太僕
寺少卿祖之垣戶部左侍郎贈戶部尚書父象晉浙江右
布政使與胤崇禎元年進士選庶吉士出為湖廣道監察
御史巡視河東鹽課再差陝西茶馬又差督應天學政臺
例御史必三差最後督學為老差非清望素著者不得與
至是亦惟翺翔拱默仰俟內擢而已與胤奉命未行廉得
總兵官鄧玘諸罪狀特疏奏之玘蜀人與時相王某姻婭
也政府持其議被謫江西按察使知事以歸十七年三月
聞京師陷西望痛哭不食再拜訣其父入室沐浴與其妻

于氏子士和拒戶自經死遺命速葬先是與胤聞變即握
腦子服之不死赴水者二皆被救不死會偽縣令賈三俊
者至與胤求死益力偕妻于氏共縊於室又繫絕不死家
人遂共守之與胤俟守者稍懈乃縊死及葬會哭者數千
人時四月二十六日也與胤先自撰壙志述其生平出處
及死國狀年五十有四于氏封孺人士和字允協縣學生
始與胤求死時家人或以微言諷士和俾乘間譬解士和
不為動且曰此世間好事汝曹安用喋喋為遂作絕命詞
一章其畧云痛予生之不辰天滅我玄之王嗟世道之凋
濁兮何四維之不張彼反面而事仇兮方臣妾之未違欲
容身其無所兮願從吾親於帝鄉死時年二十八與胤死

時亦自題絕句云

屈大均曰陳允衡有云公之死蓋殉三月十九日之難也顧以死於家未及與李忠文倪文正二十三人同邀贈卹在公盡其致身之常節無問知與不知九原無愧矣公生平以御史建言忤執政罷歸而聞難之日不以在野緩須與之死告於親不違其志率其夫人同日授命無少繫累是其孝慈與刑于之化積之數十年以成此忠義於一日豈不與李文忠止水之意千載同符哉

北都殉難諸臣傳此傳據本補但吳

北都殉難諸臣曰范景文曰倪元璐原傳及明季北略

卷二十一上改曰李邦華曰施邦曜原傳及明季北略

曰王家彥曰孟兆祥曰凌義渠曰吳麟徵曰周鳳翔曰

馬世奇曰劉理順曰汪偉曰申佳胤原傳及明季北略

甘來曰陳良謨曰陳純德曰許直曰成德曰金鉉曰王

章曰馮恒登曰王鍾彥曰范方曰宗天顯曰謝于宣曰

于騰蛟曰李逢申曰劉有淵曰毛維章曰施溥曰李國

禎曰張慶臻曰劉文炳曰鞏永固曰劉岱曰姚成曰李

若璉曰高文采曰魏採曰湯文瓊曰曹文曜曰李小槐

范景文字夢章一字質公又字思仁吳橋人萬曆四十一

年進士天啟間為吏部郎以不附逆瑞移疾去烈皇登極

起用崇禎二年陞僉都御史巡撫河南會敵犯京師屯營

廣渠門外散遣白鴿子軍抄掠良鄉房山霸州固安等縣

謀攻涿州原傳及明季北略上命兵部往援未有赴者景

文方是時與總督河道侍郎李若星巡撫山東都御史王

從義巡按山西都御史耿如杞巡撫保定都御史解經傳

等次第入衛俱至涿時派人守禦甚堅城上列置西洋礮

敵營距涿二十里懼不敢薄三年正月上命景文佐兵部

尚書鎮通州原傳及明季北略十一年遷南京兵部尚書南

京額兵八萬人景文訓練之數遣往援池廬滌三州皆大

挫賊賊至江浦不能渡景文之力也景文嘗謂戰所以為

守守江所以守陵守京守江北所以守江南而以池和衛

關山和原作河以關山衛滌浦宿重兵於廬而出游兵於

英六之間東據鳳泗西應皖楚南控江北扼淮為要此守

江北之大局也當是時寇自豫趨廬自鳳趨池又自和趨

浦寇往來倏忽無所不窺景文決機呼吸無所不應無不

先發以制之寇雖狡焉寇原作敵無能出其彀中也會楊

嗣昌奪情視事中允黃道周廷諱下吏部御史成勇疏救

並逮勇景文會諸公卿申救謂道周國家有數之人即今

大用之猶憾其晚豈宜一旦罪廢上怒謹歸十五年八月

起為刑部尚書十七年以文淵閣大學士兼工部尚書

本傳作十七年二月命以本官兼東閣大學士入參機務

三月十五日賊薄京師景文

皇明四朝成仁錄 卷五 一六一 廣東叢書

痛哭絕食十七日入奏已億甚出聲不相續城陷向關哭

自經家僮趙蘭芳解之賦詩自恨有誰言信國非男子延

息移時何所為之句遂投雙塔寺井中死或曰景文死於

龍泉巷井中卷原作巷據徐本及光緒順天府志弘光初

賜諡文貞敕建精忠祠於南京祀景文及同時殉難諸臣

而以景文為首景文弼亮四朝正直不阿為一時正人君

子所宗著有參機奏疏若干卷四庫全書總目著錄

倪元璐字玉汝明季北略卷二號鴻寶上虞人曾祖鍾

無曾南城知縣父凍凍明季北略卷二十瓊州知府元璐

以天啟二年進士選庶吉士陞編修六年典江西試發策

詆魏忠賢時論危之威宗即位忠賢誅元璐疏言凡攻崔

魏者必引東林為邪黨將復以何名加崔魏乎夫東林亦

天下之才藪也或繩人過刻持論太深謂非中行則可謂

非狂狷則不可議者能以忠厚之心曲原此輩而獨持已

甚之論苛責吾徒臣所謂方隅未化者此也又請焚三朝

要典疏曰臣觀移宮杖擊紅丸三議關於清流而三朝要

典一書書原作疏據成於逆豎其議可兼行而其書當速

燬蓋當事起議與盈廷互訟主杖擊者力護東宮爭杖擊

者計安神祖祖徐本主紅丸者仗義之言爭紅丸者原心

之論主移宮者殫變於幾先爭移宮者持平於事後大者

各有其是不可偏非以為忠悃則皆忠悃以為明見則皆

明見總在逆瑞未用之先瑞徐本羣小未升之日雖甚水

皇明四朝成仁錄 卷五 一六二 廣東叢書

火不害燠篋此一局也既而楊漣二十四罪之疏發魏廣

微此輩門戶之說興於是逆瑞殺人則借三案羣小求富

貴則借三案經此二借而三案之面目全非矣故凡推慈

歸孝子先皇猶夫誦德稱功於義父又一局也網已密而

猶疑有遺鱗勢極重而或憂其翻局於是崔魏二奸乃始

創立私編標題要典以之批根今日則眾正之堂碑眾徐

中以之免死他年即上公之鐵券又一局也由此觀之三

案者天下之公議要典者魏氏之私書魏氏談助三案自

三案要典自要典今為金石不刊之論者誠未深思夫翻

即紛更改亦多事如臣所見惟有燬之而已燬原作毀

本傳改 夫以閣豎之權而屈役史臣之筆亘古未聞當燬

下同

一未易代而有編年不直書而加論斷若曰彷彿明倫規
 模大典則是魏忠賢欲與肅皇帝爭聖崔呈秀可與張學
 敬比賢悖逆非倫當燬二矯証先帝偽撰宸篇既不可比
 司馬光通鑑之書亦不援宋神宗手製序文為例假竊証
 妄當燬三又況史局將開館鈔具備七載非難稽之世實
 錄有本等之書何事留此駢枝供人唾罵當燬四故臣謂
 此書至今日不燬必有受其累者則必非主三案者之累
 而爭三案者之累抑亦纂修三案者之累也逆瑞之遺跡
 一日不灑則公正之憤心千年不釋疏上上從之命即焚
 燬元路為人守正不阿履行清潔登籍以來身雖無喉舌
 之司屢建謹論有所指陳皆凜然社稷大計憂深慮遠上

料請自崇禎七年以前一應通員悉與蠲除斷自八年督
 征有司考成亦少寬之東南雜解擾累無紀如絹布絲綿
 顏料漆油之類悉可改從折色此二者於下誠益於上無
 損民之脫此猶湯火也及今不圖日蔓一日必至無地非
 兵無民非賊刀劍多於牛犢所陷決為戰場陛下亦安得
 執空版而問諸燐燹之區哉八年遷祭酒初吳江人呂純
 如以附瑞列逆案大學士溫體仁嘗陰主之吏部侍郎張
 捷遂更薦純如可用元路又力爭體仁怒欲逐之而東班
 無肯言者乃授意於誠意伯劉孔昭奏勅元路罷歸十五
 年八月起為兵部右侍郎以母老辭有詔敦促促原作趨
 適敵大至破河間臨清狗克濟諸城俱下元路率數十騎
 衝險出濟至京上即日召見問所以減禦之策元路乃條
 列情形甚備列字原缺上嘉納屬意且入相而并研謀首
 揆內忌元路乃詐上曰天下不治由兵農不合今廷臣可
 任者惟倪元璐馮元飇耳飇原作飇使元路為大司農
 元飇為大司馬彼此參合不日可治上心然之即日命元
 璐為戶部尚書兼翰林學士與元飇分部共治元璐以浙
 人例不為戶部固辭不許因召至左中門奏曰必使臣
 當有三做一實做與兵部合先準餉以權兵因準兵以權
 餉一大做求民間大利大害一舉興除一正做以仁義為
 根本禮樂為權衡苟政有厲民者必為民請命上是之元
 璐退就元飇商互稽之籍先定簿正次定部差簿正定而

詭託者無靈部差定而賄競之路絕又請以餉部兼職方
 得以察諸鎮士時郡邑殘破蠲免多外解不時至曉夜持
 籌滿三十下統牀不休因酌道里以給兵食馳書督撫使
 自生節以佐司農不逮日數百函織悉備至故終元璐在
 部士無譁者而當寧營營寧原作事據徐本改苦不富強於是礦役
 楮帛之說日進役原作破據明元璐數爭之不得會廷臣
 有言詞臣不任錢穀請撤元璐還講筵者上從之乃詔以
 原官專供講職十七年二月經筵講絮矩章經筵二字原
 因敷陳生財大道先是時賊陷河南北將向陝西而秦藩
 擁資千萬富甲天下元璐奏曰天下諸藩無如秦晉用武
 之國也宜諭兩藩能任殺賊不妨假以大將之權若不知

兵宜悉輸所有與其齎盜何如饗軍賊平之後益封兩藩
 各一子如親王亦足以酬酬原作報據徐本改書上不報三月賊勢
 猖獗元璐又勸上出東宮勸徐本循宗康王故事不聽請
 以六十金募一士徐本作請以徐本改得五百敢死可以破圍召
 勤王師亦不聽十九日聞賊踰城冠帶北謝天子南謝母
 題案云南都尚可為死吾分也慎勿棺衾以志吾痛遂縊
 死年五十三弘光初贈太保吏部尚書諡文正予祭葬祀
 於京師旌忠祠元璐文名滿天下才學與博所著有十三
 種及兒易一書四庫全書總目著錄兒易內儀六卷外儀
 續編三卷奏疏十二卷十五卷國賦紀略一卷倪文貞集十七卷
 講編四卷詩集四卷鄭案明史本傳作字孟閻吉水人錢牧齋
 李邦華字懋明文鈔明都察院左都御史李公神道碑云

字孟閻懋明萬曆三十二年進士鄭案二字原缺據明史
 其別號也十一上補萬曆三由知縣徵御史歷官巡撫戎政侍郎南
 京兵部尚書徐本無南南都御史改左都御史凡三掌戎
 政兩總憲先是邦華為戎政尚書協理京師三大營汰老
 弱清冒濫舉中官廝養養徐本侯家騎從一切釐革之中
 外洵懼蜚語流聞上心知邦華公忠曲意保全但罷之以
 本部侍郎閑夢得代崇禎十二年南京兵部尚書員缺上
 即家起邦華參贊機務蓋知邦華特深置邦華於南以南
 重亦以邦華重南也十七年邦華為左都御史與呂大器
 特薦李明睿公忠練達召起民間授左中允明睿初意欲
 請車駕西遷西安一以親征挫賊之鋒一以就甘肅寧夏

之士馬一以就關中之王氣比聞賊入潼關又念惟亟南
 遷可以圖存至是召對德政殿復請南遷三月十七日召
 對上手邦華密疏內云輔臣知而未敢言其試問之上顧
 問何事陳演以明睿疏對先是邦華與明睿私議南遷上
 親行與東宮孰便明睿曰太子少稟命則不威專命則不
 孝不如上之親行也明睿繼以疏謂今日所急無如親征
 上深許之下部速議給事中光時亨以為邪說不殺明睿
 不足以安人心議復寢邦華於是密奏以為社稷至重皇
 上自然居守若皇太子則可撫軍矣仁廟之故事可考也
 今屹然舊京我皇祖奮興故地東南兵馬不下西北皇太
 子若往望風爭趨不呼自集況草野義師枕戈豪傑又相

與引領者乎財賦所在不煩遠輸元氣猶存未嘗凋喪有
皇太子在彼則皇上之守社稷聲勢壯密呼吸關通關字疑誤
賊即紛張人心堅固願我皇上行之也隨又奏請分封二
王時勳戚劉文炳輩永固于德政殿召對亦以為然庶吉
士魏學濂又奏請分封二王始羣臣密奏後皆昌言賊逼
閣臣李建泰督師在外無策以監軍兵科給事中胡全才
之議飛章上奏稱賊勢大不可敵矣願奉皇太子南去疏
入即避走河間庶吉士李長祥泣語同官合奏語原作之據徐本改
諸擇心督大臣據徐本改輔皇太子出鎮天津提調東南
援兵蓋以天津近畿輔皇上或肯親行皆與邦華之奏同
也會明睿倡南遷議時亨斥止之舉朝因大譁無定見上

亦卒無言當是時羣臣上皇太子二王議上皆不行惟明
睿南遷議上上意頗動欲大臣一言主之大臣畏上不敢
言慮駕行屬其留守或駕行京師不能守上必罪主之者
罪徐本遂至無人決策十八日外城已陷邦華趨內閣元
輔魏藻德退食候久不出出則曰患賊耶何過慮也邦華
流涕藻德閉然無言十九日城陷邦華望闕再拜題閣門
云堂堂丈夫聖賢為徒忠孝大節死靡他走文丞相祠
走徐本詠人生自古誰無死留取丹心照汗青之句縊而
死弘光初賜諡忠文

施邦曜字爾鞠號四明餘姚人姚明李北略卷二十一萬
曆四十七年進士七明史本初為工部主事督琉璃黑窰

二殿馬瑞超作獸吻欲依嘉靖時舊式邦曜苦無所得夢
神告以南方數百步沙土中備有之晨起發地果然於是
稍遷屯田司郎中會涂文輔以中官監督二部部原作郡據徐本改
邦曜恥為之屈乃請降俸知漳州府閩郡情弊盡悉能周
知其里貫姓名每有盜發輒曰此必某也著某人捕之立
至無有遺者海寇李魁奇作亂請就撫邦曜持不可與巡
撫周璉明史施邦曜傳作鄒維璉協謀定之及劉香披猖邦曜執香母
錄其徒眾感之卒授首築郡城據徐本補關城鎮城三處
皆不費庫錢民樂趨應時而具歷陞福建僉事至福建左
布政使使原作司崇禎十二年入為光祿卿振竊剔蠹革
中官占冒者數萬計陞大理寺卿坐黃道周株連罷去再
召轉南通政陞辭疏四大事深切時政當上意已出都三
日遣中使召還徐本無中字上面諭曰南京無事留此為朕經
理要務賜酒勞之推刑部侍郎及戶部侍郎不下明年春
徐本無擢左副都御史協理院事上疏極言巡按御史狗
情之弊謂安民之法在錄循良保民之法保原作飽據徐本改在除
貪吏在原作病據徐本改上嘉納賊至邦曜數責兵部尚書張縉秀
勵兵固守飛檄召援動色叱罵之三月十九日聞上崩拊
膺慟哭題其几曰愧無半策匡時難但有微軀報主恩徐
本作遂縊僕遠解之屬聲曰汝輩安知大義更自縊而死
更徐本弘光初贈戶部尚書明史本傳作子少保左都御史諡忠介
王家彥字尊五鮮崇明史本傳作字莆田人天啟二年

美泣鼎傳真錄作遵石

進士由知縣徵拜給事中上疏請少寬文網徐本無俾州

縣得舒四體一意撫綏毋徒以催科為卓異以東濕為循

良疏出天下歡悅想望天子仁愛卒不能行其後歷官至

兵部右侍郎兵明史本協理京營戎政賊至守德勝門明

本傳及明李北略卷二太監曹化淳開門納賊家奔投城

下折臂及足家人掖入空室自縊死或曰家奔聞上南幸

以不得從駕觸死輩前為恨賊持刀叱降家奔奮罵死城

樓或曰寇偏時家奔坐安定門歎曰吾總督圍營城破義

應死而不可以汙賊及自縊於城樓未幾礮發城樓覆壓

後出其屍於瓦礫中中字原缺據徐本補其甥楊員而殮之弘光初

皇明四朝成仁錄

卷五

一六九 廣東叢書

孟兆祥字允吉一字肖形澤州人鄭素明史本傳作交河

籍澤州人明李北略卷二十天啟二年進士官至刑部左

侍郎初授大理寺評事轉吏部郎親古質威重仇直自負

分校會試隨典選門人有以他地請者兆祥曰方服官即

有趨避後來何所不至門人恐懼退自是門人每見皆畏

縮莫敢前進一言矣進字原缺據徐本補歷光祿太僕通政三卿崇

禎十七年陞刑部右侍郎賊福門人司勳郎熊文舉見曰

京師恐不保奈何兆祥曰各人自主及警守正陽門城陷

死妻何氏何明史本自經子章明字伯昭鄭素明史本傳

實錄作崇禎十六年進士觀政未授職嘗兆祥死正陽門

章明嚙齒罵賊痛哭號皇帝魏徐本作及得兆祥屍以兆

祥夙所製漆棺殮畢即與妻王氏同縊死弘光初兆祥諡

忠貞章明諡節愍

凌義渠字駿甫號曰茗柯徐本無烏程人天啟五年進士

由行人拜給事中歷官至大理寺卿賊勢日盛盛原作甚

滅賊之旨屢更義渠上疏痛言之有云以爭在呼吸之軍

機既俟成命又俟部覆又俟部咨費周折即費時日比至

行間前勢已變先着已不在手矣可惜也又云信賞必罰

軍政也今官爵鼓之顯戮懼之皆無虛日其上如誡其下

不信臣恐溫文自此不靈嚴威自此不震也皆切中時病

三月十九日黎明義渠猶入朝將奏事賊至西長安門已

皇明四朝成仁錄

卷五

一七〇 廣東叢書

南向拜遺書與其父訣謂記室趙振之書吾極云死節孤

臣凌義渠之極乃自縊死弘光初賜諡忠清鄭素清原作

傳明李北略卷二十一上及明李實錄改

吳麟徵字口口明史本傳作字聖生明李北略卷別號磊

齋海鹽人天啟二年進士由江西某府推官明史本傳及

二十一上均作拜吏科給事中科臣熊開元面劾首輔周

延儒上怒杖開元都御史劉宗周救開元上又怒麟徵又

救宗周奏最抗直聽者危麟徵不顧也上亦竟已不

加罪尋擢太常寺少卿徐本無已在二月初七日徐本無

賊已警矣是歲正月薊遼總督王永吉有撤寧遠鎮退守

關門議寧遠總兵吳三桂實上將故永吉議之遼撫黎玉

田有議亦然蓋寧遠鎮前後屯皆已喪失據徐本改孤城懸二百里外四面受敵徒守甚難舊督趙光祚在職時出以下原缺又職時三字疑有誤

保定死事二臣傳

保定死事二臣曰金鏡峒曰邵宗玄

金鏡峒字鶴冲保定完縣人明史本傳作字禮部郎中銓

之子明史本傳作崇禎七年進士授中書舍人面陳漕務

稱旨特授湖廣道監察御史請寬故徭誅亂將解黨錮清

銓銜旬日間疏四上而四報可出按茶馬駢節洮河西寧

間聞賊李自成憚之不敢犯境十七年三月召對便殿賜

袍賜宴奉命監宣大諸軍明史本傳作甫出都宣大已陷

賊分兵繇固關入破真定諸縣隨奉命督率禁旅往扼畿

南要害時賊已壓保定鏡峒微服馳歸見前光祿少卿張

羅彥進士張羅俊於私第曰捍保定即所以捍京師即字原缺

據徐本補願與公等戮力即日割臂為盟散金募士得鄉勇二

千餘人與署府印邵宗玄分門而守從子武舉振孫挾矢

登陴射殺數賊將賊怒圍益急謀知守者為鏡峒相顧失

色曰此向年茶馬金御史耶欲引去十九日京師已陷偽

將劉芳亮且至賊復留陴士畏懼鏡峒痛哭曰若等正當

為君父報讐敢有異志劍斬之懸銀牌數十令擊賊者自

取是日城大開士皆奮勇出戰斬賊數百級銀牌盡出

危繫帶諸物佐之二十四日黎明賊以火箭射南樓樓焚

賊緣以上時督師閣部李建泰在城中託病不起起徐本

中軍郭中傑縋城降賊兵潰入城城遂陷振孫積槩當城

樓大呼曰我金振孫也賊至支解之鏡峒提劍擊一綠衣

賊被挾以行至三皇廟投井死妻王氏自經姪金鑿妻陳氏與其祖母張母楊嫂常婢桂香香原作春據徐本及明李北略卷二十一改皆投井死

邵宗玄字玄洵明史本傳作字景康徐州人為保定同知署府事賊

圍保定與全毓峒及總監方正化等糾集鄉兵守禦會督

師閣部李建泰率兵百餘抵保定閣部二字原缺據鄭本補將謀入城

守者不納建泰毓峒與城上人盟疑峒二字疑衍始得入先是建

泰遇賊陰有異志而宗玄等不知自成分兵兩路犯京師

一從太原一從保定至是京師陷遣偽將劉芳亮射書城

上誘降建泰得之以示眾方傳觀宗玄後至勃然曰吾輩

受國家厚恩徐本無家字當以死報是時知府何復原注云字元萊州

皇明四朝成仁錄 卷五 一七三 廣東叢書

人甫至任未受印印猶在宗玄所建泰遂曰吾欲得君印

印書為保定數萬戶請命不則必被屠殺奈何宗玄流涕

曰曩知府來不受印宗玄所以不固讓者以守城之議宗

玄倡之也之原作劫據徐本改此時即知府爭印且不與況閣部將

劫取之以授賊乎因目建泰數之曰嗟乎此二字原缺據徐本補宗

玄一江北老貢也位不過郡丞碌碌無足比數然猶不肯

主苟活閣部固名甲科昔日官司成講書御前碩言謹論

人人動色不半歲位至宰相今奉命督師載帑金數十輛

不肯發以致士卒潰逃聞賊圍京師又不急君父大難乃

為賊作說客縱不自愛獨不記出師時皇帝親祖正陽門

以裴晉公相期待曰國家安危在此一舉耶建泰瞠目無

以對麾下欲兵之宗玄擲印曰任君所為因拔佩刀自刎

或抱持之毓峒羅亦取印授宗玄相率引去去原作出據徐本改建

泰嘆曰嗟乎我為保定士民計耳此一舉無唯類矣夜維

出城私與賊約明日城陷宗玄自投城下賊執之欲奪其

印罵不肯予遂死之正化與何復皆死羅亦自經羅俊罵

賊死武進士張羅輔巷戰死張氏婦女幼子一門死者二

十餘人都指揮劉忠嗣明史本傳作後街指揮舉人張爾翬明李北

十作高經經明李北略卷二十作經前河間知府張文耀張烈皇小謂

死之建泰竟降

屈大均曰嗟夫自賊陷潼關秦晉燕趙數千里所至降附

唯恐不及其能戰者獨榆林寧武而已矣其能守者獨太

皇明四朝成仁錄 卷五 一七四 廣東叢書

原保定而已矣顧保定後京師六日而亡以死殉城者不

可勝計城徐本蓋非為保定而死也雖其地扼塞要害夙

推雄壯亦繇全邵二公有以作其忠義歟

山陰死節傳

山陰死節曰宋偉

宋偉號鎮川大同山陰人曾祖寶祖朝並以武功著父國賓官平虜衛參將偉繼山陰守禦所千戶歷陞平虜路千總朔州分守道中軍大同右衛守備宣府葛峪堡參將甘州副將至榆林總兵凡為大小邊將二十年戰功甚多加太子少保榮祿大夫賜蟒袍玉帶廢子嘉胤錦衣衛指揮僉事調守天津以病告歸崇禎三年五月移鎮山海衛恢復涼州又以病告歸十七年三月賊李自成犯山陰偉力疾率家健守城城陷被執自成官以偽爵不從飲藥而死年六十有三妻邊氏封一品夫人賜蟒玉殿入其家索金

皇明四朝成仁錄

卷五

一七五

廣東叢書

夫人怒罵被執見自成割兩乳烙以鬻斗備體焦爛垂死罵不絕口自成亦笑釋之嘉胤妻朱氏樂昌王府鎮國將軍伯川之女也賊艷其姿將污之指堂隅曰此地有金賊爭掘地取金朱脫入窖中入字原缺據本補以土自覆縊而死年二十六

雞澤死事傳

雞澤死事曰殷淵

殷淵字仲泓泓明史本傳作弘雞澤人生員父太白舉人官關西兵巡道副使明史本傳作父大會閣臣楊嗣昌以督師至惡其抗直誣以違令致流賊突圍當坐法淵破產營救不得於是刺血作書上天子言情乞以身代跪大明門外五日哭泣不絕口書奏天子以為封疆事大朝廷之法不能為孝子私也太白卒誅死淵痛父冤遂罷舉業不治棄家隱廣陽山中日與武健子弟講習戰鬪從之者有數百家鋒矢騎匹充溢館廡廣陽山屹然雄鎮癸未春關潰敵騎自北直而山東南馳阻河堅城且莫能當連下淵乃編次

皇明四朝成仁錄

卷五

一七六

廣東叢書

什伍肅號令合賓客廨役數百家成一異軍敵騎至銳攻十五日不能下倦去淵乃出擊時元輔周廷儒督師狗賂縱鳴鏑竟罷淵嘆息飲甲山中京師陷郡縣已皆偽官而廣陽山中既嚴固淵名又著偽防禦使翟鳳翥招之不下偽權將軍以萬騎攻之不下四月乙亥聞賊空隊出關淵遂大舉飛檄諸郡縣於是廣平申涵光曲周王顯祚各以兵會淵山中雞澤城南有寨為縣要地廣陽山出兵必營其處亦皆起兵來會淵殺牛享士大誓師出營城南寨暮入雞澤雞澤縉紳士庶皆募兵治器附隸淵淵遂分兵出諸路擒斬偽官悉除逆閭政令黃祐時亦起兵祐營順德赤石岡偽官乘夜竄去順德府復諸路望風皆擒斬偽官

與松應順德九縣偽官皆被擒斬縣皆復祐入府城率縉紳士庶為先皇帝發喪行哭奠禮變偽龍牌偽敕榜自成
大逆無道罪狀立白號招置兵守陣而自率兵會淵守雞澤淵之在雞澤也賊偽縣令秦植偽掌旅曹龍泉已先期入廣平謀陷廣平而淵名最著賊以為去淵則諸路兵自解諸郡縣皆可復也賊有郭將軍者統騎兵三千自都門來諸郡縣以為平亂秦植曹龍泉即引臨雞澤營城東播言屠雞澤城中恐復議降賊淵曰我在廣陽偽權將軍統萬鐵騎來銳攻我我戰禦之不得下賊今不過三千騎反恐乎且起兵圖殺賊耳賊來乃可殺之今來矣不圖殺賊反欲降於起兵之初意謂何乃下令言降者斬會黃祐出

皇明四朝成仁錄

卷五

一七七

廣東叢書

城調諸路兵祐出抵暮城中之議降者已開門進賊矣淵方議事學中聞變疾調兵不得及即兵亦皆蒼黃潰亂或有鬪格者勢亦崩壞或勸淵且去淵曰吾先人不幸罹法先皇帝又殉社稷君父大恨在我何忍言徒欲殺賊復尺寸疆土報地下今無望矣尚何狼狽全旦夕耶遂正衣冠拜先師孔子而與左右訣曰聞賊必敗無能成事我國家方二百八十年十六世天命豈遂在賊尚可為也勉之矣左右流涕麾之去無徒俱死無上疑賊至執淵大哭叱曰我般淵也即殺何執為遂遇害淵死雞澤復陷諸路之恢復者皆復陷黃祐恢復順德一府九縣以淵死亦皆復陷

申廷光集
誌作五月死難

鄆縣死事傳

鄆縣死事曰趙嘉輝

趙嘉輝字景思浙江山陰人父柱成都府經歷崇禎十六年嘉輝以監生謁選得鄆縣主簿鄆去成都二十五里舊為杜鵑城號簡縣嘉輝喜曰吾父有政迹存焉至任無事惟司河務守堰成都沃野千里資兩江大堰之水以灌堰不在鄆而在灌灌去鄆二十餘里堰下故有巨壑擊以鐵以便版築而砥水堰堰者蜀人之司命而主簿又堰之司命也十七年五月賊張獻忠犯蜀嘉輝守堰不去有告以天社間可避者笑謝之卒遇賊賊脅之降噉以官爵皆弗聽賊笑曰是將為誰氏臣也者也者原作者也據鄆本改眇爾官查查

皇明四朝成仁錄

卷五

一七八

廣東叢書

若井中鹽耳嘉輝自念不死必為賊辱走安家三渡口投水而死蓋至任未三月也年四十有七其後二十二年亂定子慶騏始步擔入蜀擬及見生父以歸至鄆請於縣懸為榜於衙門無有告者慶騏乃背書黃紙于一鐺手一鐺三字原木補缺補贏滕履踏行泣於道拜而號曰天乎人乎有告我趙主簿之存亡乎其哀我乎從成都走保寧龍安諸府又走印雅嘉定諸州求之三年至威州遇老人向應泰者故都江堰夫也始以趙主簿畢命之事告於是慶騏哭踊頓首以謝老人遂於安家三渡口招魂以葬葬畢懷墓土而歸

屈大均曰趙主簿在鄆無事然司堰亦朝廷之事也身不

在郭而在灌漑亦其土也不去而死故吾以為死事焉有
吉水向祚者字紹鎮以例貢任鳳縣主簿城陷罵賊以死
詔贈漢中經歷有邢甫者以太學生為大庾主簿賊至嬰
城而死有陶夢龍者崇禎十一年秋為揭陽典史土賊數
百人劫掠竹橋夢龍追之戰而死有雷進暹者泌陽典史
崇禎十四年率鄉兵拒賊亦戰死是皆賊之所謂眇爾官
沓沓若井中鹽者也嗟乎官無卑能死則莫尊焉人無賤
能死則莫貴焉死之為重也蓋若是夫

重慶死事傳

重慶死事曰陳士奇曰王錫

陳士奇字平人漳州鎮海人天啟五年進士為部郎以忤
魏忠賢謫口口口崇禎四年擢僉事備兵川東遷貴州提
學十一年改四川提學陞巡撫十七年正月賊張獻忠率
步騎數十萬入夔州六月二日陷涪州遂奪佛圖關進圍
重慶時士奇在重慶悉力拒守十二日城陷被執賊釋其
縛將用之士奇大怒批賊頰被段軀以死鄒本作被賊
裂四無以死
王錫字子美一字古田新建人先世祖高遼國時以庇方
孝孺致命崇祀新建大節祠後因家馬錫崇禎十三年廷
對稱旨特賜進士知巴縣十六年夏土賊彭長庚焚掠長

壽鄰水間執殺知縣鄒案知縣明外史
王錫傳作典史錫聞報率鄉勇疾
往殲賊渠魁數人賊遂已而搖黃賊巨萬薄重慶錫開門
慶戰追斬賊首黑虎馬超等生擒代天王等數十人駢斬
於市率師直搗其巢賊黨盡散十七年正月賊張獻忠攻
夔門陷之四川巡撫陳士奇退守重慶巡按御史劉之勃
退守成都二月萬縣陷遂及墊江錫督兵攻賊於墊江復
其城六月二日涪州陷賊謀犯重慶士奇分兵銅鑼峽以
扼之獻忠遣舟師入峽而已從山路疾馳襲陷江津掠舟
順流而下不三日奪佛圖關峽乃反出其下錫以巨礮夾
擊賊舟多覆沒者然賊益進然賊二字原
缺據鄒本補我兵驚潰不能
支賊遂內薄成都錫乃還重慶守禦賊遣騎繞城說降不

應賊穴城舉火錫命汝以沸油賊多糜爛死賊知力守者
王知縣也颺言曰有能繫王知縣降者城免屠戮時錫紀
粒五日矣或以全城為諷不應十二日督兵血戰會城隔
火藥燃噴城遂摧錫被執時同難者巡撫陳士奇及關南
副使陳繼鄒案繼明紀作陳重慶知府王行儉錫顧之呼
曰勉旃一死毋挫抑於賊以辱我太祖高皇帝於是皆不
屈死之天方暑溽天字原缺賊各投茗一杯錫擲之罵不
絕聲賊枚其口置樹間叢矢射之燬烙三日夕始絕火骨
置溝中時年四十有六行儉字質行宜興人崇禎十年進
士以部郎出知重慶亦死時瑞王自漢中至被執天無雲
而震者三過害無血漬有氣一道直冲雲端雲端二字原
缺據鄒本補

皇明四朝成仁錄 卷五 一八一 廣東叢書

王端坐其中冉冉而上人皆以為異

屈大均曰李長祥曰初督師嗣昌以賊敗入窮山在房竹
之間當楚蜀之界以為賊設伺鄖陽走襄陽左帥良玉當
之伺夷陵走荊州自當之伺四川走口口則蜀撫當之而
竹溪房縣聯界大寧大昌兩縣兩縣屬有隘三十二處
嗣昌以隘多難守欲蜀撫邵捷春棄此兩縣退守夔關以
在楚之大兵從竹溪房縣逼賊於大寧大昌勢同圓盤點
滴不漏所謂圓盤議也是時闖賊在夔之太平縣其勢猶
小惟獻賊最大獻賊若滅以全勝之力制闖賊可無餘孽
獻賊又因極將無所逃矣捷春不從守三十二隘甚堅隘
將有單岱岱字原缺邵捷春傳同此 楊茂選者素不相能思岱陰

中茂選於捷春以茂選通賊將為不利捷春懼立呼茂選
斬之而以茂選之兵隸思岱部茂選兵怨恨謂殺我之主
主我不可相率委去賊遂從此一隘入諸隘警擾俱潰散
賊直斬夔關抵城下捷春卧猶未起也自此賊遂深入朝
廷之全力付之嗣昌者一時耗盡捷春就速康大亨繼之
復無能為有馬乾者實軍旅才西川節鉞無有過此人者
其時備兵川東蜀人之在朝廷上者一口欲之當會推時
已有定議政府某意在以某人繼捷春後某人鄒本立功
補捷春辱曰西川節鉞可以一榜為之乎蜀人氣沮而陳
公士奇用矣長祥每嘆我國家之事如斯矣固本於人才
之凋喪人才之凋喪如斯矣固本於用人才者之凋喪之

皇明四朝成仁錄 卷五 一八二 廣東叢書

也士奇本道學君子使居侍從之列從容諷議必有以裨
益左右乃以將帥之事任達其才而使之口口口口大均
曰嗟乎人之云亡邦國殄瘁用之不得其宜使之不隨其
器且以疆場為陷阱焉以督撫為孤注焉以快其門戶之
私而不恤乎國事之大憤噫嘻小人之使為國家蓄害並
至其為效如此復何言哉復何言哉

成都死事傳

成都死事曰劉士斗

劉士斗字瞻甫一字映薇南海人崇禎四年進士知太倉州六年充南直分考官得許直為解直後以吏部員外郎殉烈皇帝難人以士斗為知人七年攝縣崑山以漕糧事求所以便崑山民者為憲軍所擊斃一皂衣事聞謫江西按察司知事當事重其才檄署撫州府推官分考江西以憂去十二年起補成都推官十五年分考四川凡歷三省所拔多名宿士群稱得人會成都知府缺奉委署篆尋陞戶部主事撫按堅留之又陞河南參政政本傳云御史劉之勅薦為建昌兵備僉事士民遮道哭留士斗亦以時危勢急不忍去

皇明四朝成仁錄

卷五

一八三

廣東叢書

蜀人感焉十七年十月賊張獻忠犯成都城陷士斗聞暑自焚妾張氏與幼子晉女僕婢凡二十二人悉焚死明史本傳作城陷被執蜀人方在屠戮中不顧其家猶爭趨署救火其得民如此先是六月十二日重慶陷七月四川巡撫龍文光總兵劉嘉胤明史龍文光傳作佳引明紀作佳胤率兵三千至成都為守禦計蜀王將避雲南巡按劉之勅以為不可內江王爭之蜀王乃止賊騎從資陽水軍從新津兩路薄城嘉胤與戰大敗賊四面縱火急攻十月十五日成都陷蜀王率宮眷投井死文光之勅嘉胤成都知縣吳繼善華陽知縣沈雲祚皆死之文光字口口馬平人天啟二年進士被執奮罵不屈賊殺之於濯錦橋圍署皆死之勅字安侯崇禎七

年進士被執賊重其才又以其為岐山人多方誘降之勅

大罵獻忠乃手刃之血如白膏繼善字志衍太倉人崇禎十年進士甫至成都即啟蜀王請發帑金備賊王不應賊陷被執罵不屈賊斃殺之一門四十餘人子孫慈族人漢並死家人有五郎者既免奮曰吾不可獨生亦罵賊死雲祚字予凌亦太倉人庚辰進士被執罵賊不屈死獻忠將屠成都其愛將偽平東王孫可望哭諫請劍自裁乃止十六日獻忠即偽位國號曰西改元義武以成都為西京設六部尚書首議開科取士蜀中士大夫有不至者抵以法有尹仲者字惺鹿富順人明史本傳作字子求宜賓人萬曆戊戌進士歷官提學僉事練鄉兵禦賊事敗被俘不屈死有楊世賞

皇明四朝成仁錄

卷五

一八四

廣東叢書

者字菊存富順人萬曆壬子舉人官至副使率鄉勇潛劫賊營中伏以死有楊述程者號華嶽敘州人萬曆辛丑進士官至兵部尚書傾資募義兵被執罵賊死有楊齡昌者字紹鶴內江人繇官生任工部員外被執不屈死

沭陽死事傳

沭陽死事曰劉士璵

劉士璵字崑白西蜀人知沭陽縣逆閩南潰城陷死之宋
沭陽縣志作崇禎
癸未死於城守

武城死事傳武城原作城武據明
史本傳及明紀攷

武城死事曰任萬民

任萬民陽曲諸生崇禎間陝西寇起萬民以保障為任者
救時八議守城十說十說明史本
傳作十二策時賊謀四布有司倚萬
民稽詰太原賴以安撫按交章薦辟授武城知縣三年城
陷死之

峰陽死事傳

峰陽死事曰王玉汝

王玉汝字爾成華州人天啟中舉人鄒萊陝西通志知峰

陽嚴法布恩民大懷畏寇陷城死之巡撫以聞謂其生員

敏才自命百世雖未竟其施而名烈已著為一時死事之

傑云

皇明四朝成仁錄

卷五

一八七 廣東叢書

南皮死事傳

南皮死事曰陳虞裔

陳虞裔字某某乾州人鄒萊乾南皮縣志崇禎三年舉人知南

皮縣賊至堅守數月力盡被執死之

皇明四朝成仁錄

卷五

一八八 廣東叢書

汾陽死事傳

汾陽死事曰劉必達

劉必達字某某新本云山陽人崇禎十一年建武特用授汾陽知

縣賊至不降投井中賊引出之繫至太原必達陰通書信

於京師賊怒殺之

南寧縣死事傳

南寧縣死事曰陳六奇

陳六奇尋甸州人新本江寧府志作上元人知南寧

縣新本江寧府志作雲南曲靖府南寧縣清原多患政嘗語人曰縣治疏

曾以公事夜歸民間無男子者雖婦人亦必束葦為炬以

照與從如此敬重有司欲不盡心民事得乎後獻賊破城

盡節而死

皇明四朝成仁錄卷六

屈大均原著

葉恭綽校訂

歸德死節臣傳

歸德死節臣曰凌駟

凌駟明季北略卷八

字龍翰歙人崇禎十六年進士十七

年正月大學士李建泰奉命督師題授駟兵部職方司主

事贊畫軍前建泰至保定兵潰駟案南疆逸史作降賊駟募兵獨與

賊戰身負重傷數十處奪圍南歸思宗立改授監察御史

巡按山東聯絡河南駟行至歸德會總兵許定國叛導敵

過河數使人招駟駟拒之駟案南疆逸史作殺歸德垂陷駟致書

皇明四朝成仁錄

卷六

一九一 廣東叢書

敵帥曰駟世受國恩當此天崩地裂之時分應一死所以

隱忍至今者實有望於貴國也今沿河一帶盡為貴國所

有可以勿言倘江南半壁得執事主持力為貴國言之如

晉魏六朝故事永為唇齒復修兩家和好則駟之願也如

或不然恐今日揚子江頭之凌御史頭字原缺據駟本補未必非昔

日錢塘江上之伍相國也上字原缺據駟本補敵帥不從遣人促降

益急駟斬其使欲嬰城固守士民不從乃整衣冠南拜與

從子潤生俱縊死年三十有四敵帥壯之厚為之殮題曰

大明御史凌公極事聞贈兵部侍郎潤生河南道御史或

曰駟於弘光元年二月按沈丘城陷敵執之曰若肯何奔

口今何抗命從容應曰我昔者急趨新主耳今奉命按臨

茲土城亡與亡請速加刃敵帥曰我聞關為汝先帝報讐

今新主不聞有尺寸相報何也駟曰吾皇上已遣使臣左

侍郎陳都督蕭持金幣犒汝且燕高皆我境土雖有大勞

亦足相報汝今以復讐為名而以乘危為實侵我中土入

我淮北貪殘無厭惟利是求其與闖獻二賊有以異乎前

門拒虎後門進狼正今日之謂爾敵帥無以應酌金斗酒

飲之駟固辭抵暮草遺疏並遺書豫王多多遂自縊

屈大均曰方是時山東河北皆為敵人所有矣使凌公持

節而往亦必不辱君命蓋中朝欲委之於死地也顧凌公

得一死地欣然赴之其致敵帥書欲使永修和好唇齒江

南又何愚也嗟夫國家不幸當危急存亡之秋所望者二

皇明四朝成仁錄

卷六

一九二 廣東叢書

三臣之愚者耳孔子曰愚之不可及其凌公之謂也哉

揚州死事傳

揚州死事曰史可法可法自奉命督師未嘗一日離揚州其身也與揚州為存亡故不曰督師死事而曰揚州死事傷督師之失其職不能率諸將奉行天討掃清京闕僅以拒守孤城為事也其事也與守土之臣同故以揚州知府任民育江都知縣周志畏附之

史可法字道鄰明史本傳作大興人興籍祥符人崇禎元年進士歷官戶部主事郎中安廬兵備僉事明史本傳云分守安慶池州太平其秋改副使九年十二月流賊兩路犯

安慶可法孤軍禦之頗有戰功進淮陽督撫視漕十七年三月京師陷上殉社稷四月十二日二陳本南京開變府

皇明四朝成仁錄 卷六 一九三 廣東叢書

部科道官集魏國公徐弘基家弘原作洪陳本作宏傳鈔者避清諱故也據明史徐

改連傳議立君討賊倬路王福王周世孫俱在淮安可法是時以南京兵部尚書督兵勤王至淮安總督鳳陽僉都御史馬士英移書可法及南京署禮兵二部侍郎呂大器等請以倫序奉顯皇帝次子福忠王長子忠明史諱王傳作恭可法大器持不可二十七日南京都察院右都御史張慎言戶部尚書高弘圖參事姜日廣吏科給事中李沾河南道御史郭維經太常寺卿何應瑞提督操江誠意伯劉孔昭南和伯方一元和陳本作河安遠侯柳祚昌南京司禮太監韓贊周等集議大器後至議不決孔昭沾贊周力持之遂以福忠王長子福王告廟五月朔奉王謁孝陵遂以親藩監國可

法士英弘圖入閣辦事十五日上即皇帝位士英以可法異己出可法督師江北可法請設淮海徐泗鳳壽滁和四鎮以總兵官劉澤清高傑黃得功劉良佐分轄之復請傑駐兵揚州隸其標下為前鋒上皆許之可法既請分命四鎮防河時有徵士劉城者城陳本作誠遺書可法曰五總兵皆盜賊之餘非有恩義所聯結知慕節概思樹功名流聲稱於後世者也主弱必叛敵強則降則陳本作必主敵皆弱且欲專制自為而互相兼併勝者大自封小挾上不勝者則復潰溢散漫而為流賊今內無老臣宿將勁旅親兵足以彈壓不肖在廷推公防守雖名督師實出公於外耳耳字原缺據陳本根本單薄而欲使此四人者防河是猶使狼守門虎來

皇明四朝成仁錄

卷六

一九四 廣東叢書

未必能拒拒陳本作禦而主人先已不得動搖手足矣苟行之公必悔之可法得書果悔然無及矣五總兵者其一為寧南侯左良玉也前商丘知縣梁以樟亦上書可法曰公今宜以山東河北為江南藩蔽若無河北山東是無中原江北無中原江北區區江南豈能自保今當於山東設一大鎮經理山東及北直之河間天津等處於河南設一大鎮經理河南做唐節度使宋經略招討使之制以大臣文武兼材者為之而武臣為總鎮一切便宜行事於江南漕糧中為各鎮厚集兵餉以蘇息地方鋒鏑之殘黎於濟寧歸德為行在寧陳本作南以備巡幸示天下一刻不忘中原之意又曰四鎮宜使之分不宜使之合宜別而異之不宜比而

又曰四鎮宜使之分不宜使之合宜別而異之不宜比而

同之務別其忠順強梗之情而閣部大治兵以自強可法
不能用是時清兵大入塞關賊出禦之於一片石大敗走
二十日九王子墨勒根入京稱攝政王為徽傳播而為書
致可法可法以聞乃答以書曰南中自接好音隨遣使訊
吳大將軍未敢遠通左右非委隆誼於草莽也誠以大夫
無私交春秋之義今捧來章今捧來章明季南略卷七作
不啻從諷讀再三讀陳木殷殷致意若以逆成尚稽天討
成南略為貴國憂可法且感且愧南略無可懼左右不察
謂南國臣民南國南略偷安江左頓忘君父之讐故為殿
下一詳陳之作敬我大行皇帝敬天法祖勤政愛民真
堯舜之主也以庸臣誤國有三月十九日之變可法待罪

皇明四朝成仁錄

卷六

一九五 廣東叢書

南樞救援無及師次淮上凶信突來信南略地坼天崩川
枯海竭嗟乎人孰無君雖肆可法於市朝以為泄泄者戒
奚足慰先皇帝於天上哉南略作亦奚足慰爾時南中臣
民哀慟如喪考妣南略無不撫膺切齒欲悉東南之甲
立蕭亮鑾而二三老臣臣南略謂國破君亡宗社為重相
與迎立今上以繫中外之心本及南略改今上非他神
宗之孫光宗之猶子而大行皇帝之兄也名正言順天與
人歸五月之朔之朔南略駕臨南都萬姓歡呼姓下南略
聲聞數里群臣勸進退然不自勝退然南略有夾道二
僅允監國臣民屢請大位始登告廟之日紫雲如蓋僅允
都從前鳳集河清瑞應非一即告廟之日紫雲如蓋祝文

昇霄萬目咸覩咸覩南略作共瞻又大江湧出柝梓數萬
南略同此助修宮殿是豈非天命也哉略作意越數日
陳本無遂命可法視師江北南略刻日西征忽傳我吳
大將軍南略作忽傳我借貴國之兵破走逆成殿下入都
為我先皇帝后發喪成禮掃清宮殿殿南略撫輯群黎且
免難髮之令免南略示不忘本朝此舉動也南略作此
古錄今凡為大明臣子無不長跪敬禮南略作無不長跪
豈但如明諭所云感恩圖報已哉陳本作感念謹於八月
薄具筐篚具南略遣使犒師請命鴻裁請上南略連兵
西討是以王師既發復次江淮乃辱明諭南略引春秋
大義來相詰責善哉南略無此二字推而言之南略此義為

皇明四朝成仁錄

卷六

一九六 廣東叢書

列國君堯世子應立有賊未討不忍死其君者之說耳若
夫天下共主身殉社稷青宮皇子慘變非常而拘牽不即
位之說南略作而猶有坐昧大一統之義中原鼎沸倉卒
出師何以維繫人心號召忠義紫陽綱目踵事春秋其間
特書恭移漢祚光武中興玉廢山陽昭烈踐位位陳本及
祚懷愍亡國元帝嗣基元帝陳本及南撤欽蒙塵高宗繼
統高宗南略是皆於國孽未報之日報南略亟正位號綱
目未嘗斥為自立卒以正統予之至於玄宗幸蜀至於南
如太子即位靈武議者察之察南略亦未嘗不許以行權
幸其光復舊物也本朝傳世十六正統相承自治冠帶之
族繼絕存亡仁恩遐被貴國夙膺封號貴國下南略有載

在盟府殿下豈不聞乎載在盟府下南略作復以小人揣

謀保此殿下茲痛心本朝之難茲南略而驅除亂逆無而

之所知也可謂大義復著春秋復著於春秋矣昔契丹和宋歲

輸金繒歲上南略回統助唐不利土地南略作原不況貴

國篤念世好兵以義動萬代瞻仰在此一舉若乃手足靡

難視同秦越南略作若夫手足規此幅員為德不卒是以

義始而以利終貽賊人竊笑貴國豈其然歟先皇帝軫念

潢池南略作往者先不忍盡戮勦撫並用並南略貽誤至

今今上天縱聖明聖明南略刻刻以復讐為念廟堂之上

和衷體國介冑之士擊楫枕戈擊楫南略忠義民兵願為

國死竊以為闖賊之滅陳本作竊以謂闖賊之誅當不越

皇明四朝成仁錄 卷六 一九七 廣東叢書

於此時矣語云樹德務滋除惡務盡今賊未伏天誅南略

有逆捲土西秦陳本作竊據西秦南方圖報復此不獨本

朝不共戴天之恨恨陳本亦貴國除惡未盡之憂憂陳本

亦上南略伏惟堅同仇之誼全始終之德合師進討問罪

秦中其鳥逆成之頭以洩數天之憤則貴國義聞千秋南略

作則貴國義問矧擢千秋本朝固惟力是祝國南略從此兩國世通盟

好傳之不窮不亦千載一時哉南略作不亦休乎若夫

牛耳之盟若夫南略則本朝使臣久已載道載南略不日

抵燕奉盤盂以從事矣可法北望陵廟無涕可揮身陷大

戮罪應萬死所以不即從先皇帝於地下者實為社稷之

故也傳曰竭股肱之力加之以忠貞可法處今日鞠躬致

命克盡臣節所以報也南略作克盡八月以翼戴恩加少

保己又以南臨恩加少傅十一月疏請行討賊之詔嚴責

四鎮直抵秦關言數月以來陵廟荒蕪山河鼎沸臣備員

督師而河上之防百未料理復讐之師不及於關陝討賊

之約不達於北庭一似君父之讐置之膜外者憶昔北變

初傳人心駭震臣等恭迎聖駕德萬之歡聲動地陛下初

見臣等言及先皇帝則泣下沾襟次謁孝陵贊及高皇高

后則淚痕滿袖袖陳本皇天后土實式鑒臨曾幾何時可

忘前事可陳本先皇帝以聖明慘罹賊禍千古未有之變

也先皇帝崩於賊恭皇帝亦崩於賊千古未有之變也庶

民之家父兄被殺尚思穴胸斷脰脰陳本得而甘心朝廷

皇明四朝成仁錄 卷六 一九八 廣東叢書

顧可漠然耶顧字原缺今宜速行討賊之詔嚴責臣與四

鎮悉簡精銳直抵秦關懸上賞以待有功假便宜而責成

效絲綸之布痛切淋漓庶海內忠臣義士聞而感奮國家

遭此大變陛下嗣承大統原與前代不同諸臣但有罪之

當誅實無功之足錄今思外加恩紛紛未已武臣腰玉直

等尋常名器濫觴於斯為極以後當宜慎重專待真正戰

功專陳本庶行間猛將勁兵有所激勵十二月宿遷陷可

法率兵抵白洋河救之追斬四人乃撤高傑沿河築牆備

力備禦時有徐州通賊程繼孔繼陳本作紀明斬木編筏

引清兵渡河傑誘斬之收其眾傑加太子太傅可法太傅

清兵至夏鎮別從濟寧南下又從雒陽渡河攻海州圍郅

州可法與傑澤清等各告警急不應弘光元年正月十日
傑至睢州為許定國所害可法請以傑部將李本深深明
可法傳為提督上從之詔加本深太子太保左都督提督
本鎮赴歸德未幾左良玉舉兵東下上調得功良佐孔昭
阮大鍼方國安朱大典禦之江上澤清亦託勤王率兵大
掠而南揚泗徐邳勢且岌岌可法連疏告警上曰上游急
則赴上游敵急則赴敵自是長策可法曰上游不過欲除
君側之奸耳敵至則宗社可虞不知輔臣何意蒙蔽至此
意陳本及南數移書士英請選將增兵士英惟以左兵為
慮不應請還朝處分太子太子陳本作以息群累又勸諸
鎮擁兵糜餉李成棟惟怯南奔俱不應四月十八日八陳
皇明四朝成仁錄 卷六 一九九 廣東叢書

六 揚州被圍可法禦之薄有斬獲齒血為書請援不應
陳本有開門出戰本深遠率眾迎降遠下陳本越七日城
陷被屠降者押住者從可法出城且戰且走渡河馬蹶可
法溺死押住奔救弗及痛哭被執死之或曰可法臨危有
遺疏又有上其母書曰可法不忠不孝今死矣老母毋以
為念拔刀自刎總兵劉某參將許某奪其刀負血出東門
遇敵大呼曰可法在此遂赴水死明史本傳揚州知府任
民育江都知縣周志畏縣丞王志端城原作堵據陳本及
並死之可法愛將汪思誠總兵乙邦才俱戰死民育字時
澤濟寧人舉人明史本傳云城陷朝服坐堂上置印其前
以鐵槓自貫兩掌於案以示不去騎入大罵以死志畏字

抑畏又字雪松鄆人祖天覺鄆州知州志畏崇禎十六年
進士調選南京得江都知縣當是時悍帥分部四鎮國家
莫能制所至奴僕官吏蹂躪百姓蹂躪陳本稍不當意橫
刀怒視揚州一鎮尤蒙酷惡吏民苦之帥高傑旋死兵無
所統益橫暴志畏適下車取害民者置於法兵大譟謀劫
志畏廷論多志畏直恐不免議調歙縣可法知其才欲倚
為佐聞調慰留之曰敵且至城孤立無救度不能守民旦
夕死所以不即死者恃我與子在耳子即去其如民何志
畏為不忍去為陳本城中餉匱往高郵區畫得糧數千斛
入城為堅守計敵至可法守西門志畏守小東門躬率士
卒被甲冒嚴刀斗宿樓櫓上夜不交睫外攻益急有給志
皇明四朝成仁錄 卷六 二〇〇 廣東叢書

畏降者紹陳本索縣印志畏罵之曰城破我當抱印而死
印不可得西門陷被執不屈擁至南郭福緣巷遂及於水
中陳本志畏平時常以小鏡置懷懷下陳本用以為鑑
至是死數日無知之者一僕行覓志畏見死屍水上識其
衣啟視有小鏡乃殮焉子斯仁甫八歲聞之痛哭不止歿
於江都尼菴志端字研方孝豐人貢生邦才字奇山青州
人崇禎間以隊長從監軍太監擊賊河南江北間會總兵
黃得功與賊戰於霍山乘勝舍其大軍單騎逐賊陷淖中
賊圍之數重射殺得功所乘馬得功亦仰面射賊洞胸與
之相持會天欲暮止餘二矢得功自分不免而邦才適
自別道馳還登高望見之識其胄曰黃總兵也大呼馳擊

賊散走得功乃自拔出邦才授以己馬分箠中矢與之步從得功且走且反射凡殺追騎十餘人始得及其大軍於是得功德之甚以語主者大奇之拔為標下材官而是時有張衡者從總兵劉良佐亦以驍勇知名賊圍六安急總督馬士英帥軍往救始至立斥其左右副將而號於諸軍曰孰為乙邦才張衡者兩人庭謁即牒補副將以其兵授之出文書曰為我入六安取太守結狀以報兩人應曰諾即出簡壯士二百騎與之約使人持一角十人共肩一囊夜趨賊營未至十里令騎士蓐食以待將旦吹角樹燧突贊賊陣遂入城周城而呼曰大軍至矣城中人大喜合謀兩人者促太守具食食已揮太守曰署狀急懷其狀復引

人南向陪京慟哭曰不復見吾父母矣巷戰死之時年二十有一先是攀龍父業俊以揚州當寇賊之衝朝廷將委之以為鴻溝勢且不支遂先亂盡宣渡江止於金壇每食三嘆以不能與揚州同存亡為憾攀龍能承父志以死殉城可謂孝也已矣有楊默者字文適江都學生員揚州陷謂妻蕭氏曰事已至此吾讀聖人書當守義死若自為計乃冠儒巾服襤衫皂絲鞋既肅遂墜井死蕭氏謂子彥超曰汝長子父死當隨左右彥超曰敬諾亦墜井死蕭氏乃結縵於梁立視長女就縊既絕復抱幼兒魏乳之既乳置兒於地整衣拜老媪曰韓氏一錢惟此而已善撫之俾韓有後汝賜也必冥祐汝乃自縊頃之兵入老媪董氏者抱

者江都學生員衣青襟至縣學自縊孔子坐旁王士珍者揚州學生員書大行皇帝黃紙牌供堂上偕其弟某衣青襟對縊死

二鎮死事傳

弘光之初分命四鎮防河其後二鎮死事曰高傑曰黃得功故曰二鎮死事

高傑字英吾青澗人明史本傳及明季南略卷三均作米脂人少從李自成為

盜號翻山鶴崇禎十五年明史本傳作八年八月挾自成小妻邢氏

自拔來歸陝西巡按御史金毓峒受其降使隸督師孫傳庭麾下自成招之傑兩斬其使十六年八月從傳庭出關

至南陽值自成羅汝才西向傑與魯勝為前鋒擊之於塚頭大敗之斬獲萬計追奔六十餘里題授前鋒總兵官九月從傳庭出攻寶豐將降丁居中軍賊自成來援傑與白

廣恩盧光祖分兵鏖戰却之次日復來又敗之寶豐既克

師次於邾傑先登陷陣擒賊果毅將軍謝君友斫賊坐盡自成幾被擒自成乃於邾縣橫築夾牆自保會霖雨七日

銳車不至士馬飢凍賊出銳兵衝突我師遂潰廣恩引所部八千人先去賊前鋒名三堵牆紅一白一黑一各七千

二百人望之如雲錦之字原缺據陳本補官軍股栗再戰復敗陷泥淖死者萬數賊追至孟津官軍死亡復五六萬人自成遂

趨潼關傳庭揮涕謂傑曰三邊精銳盡於是矣朝廷日夜催戰慮我養寇以自固存陳本作慮吾偷安養寇我倉卒出師拊循

訓練之不暇且皇天不祐霖雨經旬芻糧乏絕馬瘠士飢為賊所乘以至於敗雖絲廟算之疏亦天之亡我也吾死

矣汝勉為吾殺賊以瞑吾目焉傳庭既沒傑奔西安取其

家從延安東遷將收兵為防河計會賊遠渡河傑以眾寡不敵又走河北巡按御史蘇京拒傑傑上疏言賊今者以數十萬謀犯京師陳本無非合天下全力未易撲討討陳本請急調遼薊之兵以扼真定調宣大陽和柳溝之兵以扼居庸紫荆復調武昌左良玉之兵出荆襄入商羅以牽制賊後則賊必不敢長驅而向關下上善其策十七年二月二陳本大學士李建泰督師勦賊上命傑馳赴建泰軍未至建泰軍潰傑南走泗州京師既陷傑與南都文武擁戴福王即位大學士史可法自請督師江北設立淮揚徐泗鳳壽滁和四鎮以傑轄徐泗駐軍泗水而徐泗宿亳豐碭等十四州縣隸之經理開歸一帶以總兵官劉澤清轄

皇明四朝成仁錄

卷六

二〇五 廣東叢書

議論以免中制假便宜以責實效上善之傑於是遣總兵李朝雲赴泗州參將蔣應雄蔣陳本許占魁郭茂榮李玉赴徐州防守而已躬往堵河為諸鎮先上遂令傑西征十一月師至徐州逋賊程繼孔方為俘獲導敵偽投傑降投陳本傑訪知斬其使事聞加太子太傅賞銀幣報無降字廢一子指揮千戶明史本傳作加太子少傅唐起龍起陳本為敵江南招撫招傑不應而致書於敵肅王請合兵入秦以殲逆聞報書勸之擇主傑怒執書於地乃沿河築牆為守禦計請以重兵急駐歸德東西兼顧且聯絡睢州援勦總兵許定國糾合若勇以定中原許之弘光元年正月傑抵睢州時定國陰已降敵實妻子還睢立功自効

皇明四朝成仁錄

卷六

二〇六 廣東叢書

淮海駐軍淮北而海邳沛曹等十一州縣隸之經理山東一帶以總兵官劉良佐轄鳳壽駐軍臨淮而壽穎六安等九州縣隸之經理陳杞一帶以靖南伯黃得功轄滁和駐軍廬州而廬巢無為等十一州縣隸之經理光固一帶請封傑與平伯澤清東平伯良佐廣昌伯晉得功為侯號曰四鎮每鎮額兵三萬以圖恢復可法尋以傑忠勇可與共事又請以傑分鎮揚州隸其標下為前鋒上皆許之傑上疏言目今東南大勢守江北以保江南人人能言之然敵設或從曹單渡則黃河無險自穎歸入歸陳本則鳳泗可虞然猶或曰有長江天堑在耳若何而據上游若何而防海道江南門戶豈止瓜儀浦采而已乎伏惟皇上明斷省

當當陳本揚人怨之入骨傑又嘗疏救劉宗周鄭三俊欲
依附正人以為重以故中朝群小中朝陳本亦甚嫉之甚
本本傑死人多不惜揚人與中都士揚上陳本有不惡定
國而惡傑也嗚呼

黃得功號虎山開原衛人驍勇嗜殺好飲酒每醉揮雙刀
如飛殺至數十人兩手血漬則膽氣彌壯人莫能當軍中
稱曰黃閻子本王姓當神宗時同衛黃惟正以軍功官至
招練總兵得功父事之因冒其姓得功嘗裸身逐蒙古數
十騎以驍勇稱崇禎元年授把總從援薊州以少卒戰大
沙河再遇皆捷上首功三十有一屬督師袁崇煥被逮遼
師驚潰惟正奉命馳入撫寧堅守得功率死士搏戰索羅

皇明四朝成仁錄 卷六 二〇七 廣東叢書

嶺新敵過當追奔至雙望連勝復灤州永平益追北又勝
於馬頭山以功最陞游擊轉參將八年陞驃騎營副將再
援畿輔戰良鄉涿州之野功最晉都督尋召入掌禁旅十
年寇犯鳳陽得功自請帥師盪賊於鄭州斬獲多逐靡新
鄭陳本作多斬獲大敗之解羅山圍十一年京師警急得
功提步卒勤王大戰吳橋以功加左都督太子太保八月
與總兵孫應元副將周遇吉太監劉元斌殲賊於淞川賊
許可變變陳本胡可受以其眾降十五年九月擊張獻忠
於潯山斬首六十餘救難民男婦數萬單騎逐獻忠馬蹶
獻忠逸去走蕪水自此不敢向淮南其冬移師潁州而虜
鳳揚悉定十六年總兵劉超據永城以叛得功受命討破

之生致超闕下封靖南伯明史本傳封靖南伯在十七年加大傅十七年
三月京師陷與鳳陽總督馬士英迎立福王進侯太師柱
國首輔史可法請設四鎮得功應駐廬州乃薄廬州以高
傑降賊而得般富之揚心甚不平提兵與傑戰不勝上使
太僕寺卿萬元吉往解之元吉貽得功書期以共獎王室
勿替忠貞得功復書自言無他志欲聯絡諸鎮鼓勇殺賊
耳元吉以得功書馳示傑傑始罷兵於是上及四鎮於淮

徐揚滁鳳泗廬州以得功及傑澤清良佐分轄之傑駐揚
得功駐廬如故左良玉仍鎮武昌弘光元年正月傑至睢
州遇害上震悼輟朝乃加傑部將李本深太子少保左都
督使赴歸德中權總兵楊承祖赴夏邑副將劉應虎赴虞

皇明四朝成仁錄 卷六 二〇八 廣東叢書

城苗順甫赴碭山後勁總兵李翔雲赴雙溝右協總兵胡
茂貞左協總兵郭虎赴泗州命得功良佐合營移鎮近地
調湖廣總兵方國安駐江浦二月叛將許定國導敵入儀
封本深劉洪起等馳斬定國先鋒劉道行敵潰入考城三
月又入賴榆清河上移得功良佐並駐廬州蓋倚之如左
右手云四月良玉舉兵陷九江挾總督袁繼威南下疏稱
逆輔馬士英蔑制無君朋害皇嗣朋陳本謹聲罪討以安
先帝神靈以抒天下公憤中或指斥乘輿語頗悖戾士英
大懼乃調黔兵入備禁衛遣得功及誠意侯劉孔昭兵部
侍郎阮大鍼朱大典總兵方國安分統諸軍出禦得功屯
板子磯築城扼險遣總兵黃蜚鄭彩等前擊互有勝負得

功乃設伏蘆葦中先鋒迎戰大破之殲殺萬人良王遜還上以得功功大晉靖國公而調良佐駐上新河命總兵鄭鴻逵徐大受禦敵江上五月八日敵編筏張燈從瓜洲渡而遣輕騎別從老鶴河潛渡旦日盡抵南岸鴻逵以戰艦千餘走入海大受所部萬計不敢拒別將劉忠率三百騎絲落塘鋪遜去落塘鋪陳木作洛塘鋪士英使人覘之則突騎填京口矣初十日上召士英入議士英密請車駕出狩夜半上率內監數十人開聚寶門西幸至太平境得功與大鍼大典朝於行宮得功見危從無人謂上社稷宗廟至重大不宜輕棄上亦自悔因酌三爵飲得功曰敬仗將軍威力得功溼解於地曰所不盡犬馬以報陛下者有如此酒因大

皇明四朝成仁錄

卷六

二〇九 廣東叢書

哭將士盡哭將奉車駕駐太平郡人不納得功以告上曰逆民惟將軍所命於是攻之殺民人數百十七日扶上登舟幸蕪湖會黃蜚鄭彩方國安杜弘域卜從善五鎮將士皆至上因拜大鍼大典為左右相五鎮皆封伯爵方議危上回鑾復為守禦然無及矣二十四日敵聞諸鎮兵大集使新叛將劉良佐迎敵良佐以書招得功得功斬使裂書良佐怒潛師來襲敵以數千騎隨之得功援袍鼓士將士皆恒怯莫應乃怒騎獨出忽流矢中頰拔視之則其部將田雄箭也仰天嘆曰事去矣奮前擊殺數十人及缺度不能免大呼謂從騎曰而等努力遂卸鬚自刎部將馬得功卜從善田雄等盡降良佐率之大索時蕪采水師總兵黃

式伍卷卅

斌卿已遜上寤急乃潛幸翁之棋舟有蘇養性者有字原補使人入舟扶上雄與得功共挽之上叱曰逆賊盡速殺我良佐叩頭曰皇上不應棄臣臣今保皇上無憂也強上乘騎從者一貴嬪一內官孫進遠幸敵營之棋痛哭投水死是日敵薄都城澤清聞變自淮入海於是四鎮之兵遂盡初上之建四鎮也以當三邊竭東南財力餉之莫其為國殺賊耳得功乃與傑爭地以關上遣萬元吉往解之而後已元吉嘗與人言與平奇男子萬人之敵靖南非其比也傑死而後朝廷倉卒獨恃得功得功血戰不撓一死自明於是乎與傑比烈矣澤清既遜敵三招之始出越三年以謀反正亦死計四鎮中亦惟良佐不義而已當徐泗既

皇明四朝成仁錄

卷六

二一〇 廣東叢書

陷上召廷臣計議士英請亟禦左兵姚思孝李之椿等請亟備淮揚士英厲聲指諸臣奏曰此皆良王死黨皆陳本為之游說臣已調良佐渡江矣寧可君臣皆死於敵不可死於良王至是而其言果驗矣嗚呼南都之變文臣殉節者七人武臣自得功而外惟翁之祺及彭述性李金祿三人已耳此其人皆死於敵乎抑死於士英乎良佐為士英心腹車駕在軍良佐以之予敵亦士英之為之也之祺仁和人崇禎十六年武進士以副將隸黃斌卿標下五月九日斌卿棄軍而逃上命之祺領其軍述性九江人金祿四川人皆隸誠意侯劉孔昭標下敵至孔昭走入海述性圍家投水死金祿先沉其妾乃自沉死

222

屈大均曰吾觀高興平其智足以知人其忠足以任國始於孫督師終於史相國皆能傾心以事之弗敢携貳何其賢也然邾之役孫督師使之與白廣恩分守東西屯關賊大至廣恩不戰而潰致興平力孤無援以死孫督師於潼關雖之役許定國復背約負盟詐而殺之以自効於敵悲夫陳本作何興平生命不長上有同德之元臣中無同力之賢將以至軍潰身殲若此豈非國家之大不幸哉然靖國不死則亦為良佐所甘心矣嗟乎靖國之死蓋絲田雄為賊雄既叛得封二等侯賜之鐵券其辭有曰自古人臣未有禽其君以獻敵者有之今自雄始功莫大焉或有題其門者曰生禽一天子活殺兩諸侯蓋實錄云上既幸敵

皇明四朝成仁錄

卷六

二二

廣東叢書

營五月二十八日豫王命諸降臣見上擬行四拜禮有爭者曰是絕吾君臣之分也因行常朝禮皆慰上曰清人有言必封皇上大國上曰封非我志但得為江南一庶人長侍孝陵足矣言畢嗚咽諸臣有垂涕者上復曰吾悔用馬士英之言急左而緩奴又悔不用史可法之言守堂奧而不守門戶也騎兵環衛以行盡屏左右嗚呼使當時早用靖南以禦長江亦安能遽至於此哉

南都死節諸臣傳

南都死節諸臣曰黃端伯曰高倬曰劉成治曰吳嘉胤曰葉廷祥曰陳燠燠徐本曰陳伯俞曰陳于階曰吳可箕曰王贊明曰董啟明曰黃金璽

黃端伯字元公

明季南略卷九作字元之

別號海岸江西新城人南略

昌人建德知縣九德之子崇禎元年舉進士任寧波府推官三年分較南直尋以病請告補杭州補上徐本憂去服

闕逮為僧事沙門雪嶠於廬山烈皇帝下省勤問久之得解復束髮思宗立往朝南京授禮部儀制司主事制原作

史本傳及弘光元年五月揚州既陷諸將奔泰州高傑部職官志改

曲大帥李本身為敵前導敵遂渡江至京口初十日上聞

皇明四朝成仁錄

卷六

二二

廣東叢書

警急召大學士馬士英入議士英書一避字於御案至夜上與內臣盧九德擁數百騎而出翌日諸臣始追駕有因之行避者端伯弗往保國公朱國弼集在京群僚會議得二十餘人人懷異心徐本意見歧迤迨至日中不決端伯抗聲曰今日之事從駕為輕守國為重吾輩當圖其重國弼默然議未畢降表已行矣總督京營戎政忻城伯趙之龍者先為迎啟三道一使揚州一使儀真一使京口十四日敵以十數騎突至孝陵衛戎兵拒之敵怒殲數百人遂營於天壇門旦日敵至城下門未啟遣騎呼曰既迎天兵門何閉也一老人登陴答曰吾自五鼓詣此吾原作爾俟城中百姓稍定即出謁騎喝曰汝為誰老人自唱名曰

禮部尚書錢謙益也有頃之龍至遂啟城門匍伏道旁行
 五拜禮敵定國大將軍豫王多多大悅謙益率文武諸臣
 吉服班俟於正陽門多多入居大內端伯大書於門曰大
 明禮部儀制司主事黃端伯不降敵駭異遣騎邀之偃卧
 不起二十五日執見多多左右趨之跪端伯叱之南面跌
 坐此四字原缺據陳徐二本補今書職名則書曰大明臣子黃端伯曰
 爾以弘光為何如主曰天王聖明曰馬士英如何曰忠臣
 也敵眾大譁皆曰士英何得為忠臣曰士英不降而出以
 兵三千奉皇太后出居於浙危從艱勞何謂不忠徧指左
 右降臣之龍謙益王鐸等曰此皆反面事警不義不忠之
 太甚多多曰素聞先生耿介孤直今薦先生為弘文內院
 如何弗應曰聞爾好佛今以善知識禮相待如何亦弗應
 多多拔刃而起端伯伸頸曰頭在此多多釋刃及原作刀據陳徐二本
 改嘆曰南來硬漢僅見此人乃送江寧獄端伯在獄言笑
 如平時謂人曰吾往歲註易疏往陳本疏成夢龜伏我胸
 前初筮得明夷之象再筮得箕子之明夷心竊疑之今其
 踐是夢乎乃作明夷以見志門生某入視生徐本勸之稍
 貶端伯怒以硯投之曰君既不能以禮自處乃欲以非禮
 處人耶陳徐二本八月十二日多多遣騎問曰問下徐本
 先生降與不降總在今日端伯笑曰吾志也同騎出通濟
 門至水草巷曰願畢命於此一卒左刃之引頸以受卒手
 顛刀墜一卒右刃之亦如左端伯厲聲曰何不直刺吾心

卒如其言乃瞑隨而觀者數萬人皆持香哭拜時年六十
 有一魯監國贈太常寺卿諡忠節賜祭及葬廕一子
 高倬現枝樓四川忠州所人天啓五年進士知德清縣調
 金華行取擢河南道御史左遷歷大理寺寺副轉尚寶司
 少卿遷太常寺崇禎十五年遷南京太僕寺卿擢提督操
 江僉都御史明史本傳云十六年二月擢右僉都御史提督操江十七年五月思宗
 即位以翼戴功陞刑部侍郎明史本傳作工部右侍郎十二月刑部尚
 書解學龍上從逆諸臣六等罪案保國公朱國弼等合疏
 糾刑官六失官徐本遂革學龍職以俾代之弘光元年五
 月十六日六徐本南都陷倬仰天長嘆呼太祖高皇帝淚
 流不止朗誦宋死節諸臣傳一過叱左右退仰藥死明史本傳
 劉成治字如廣明史本傳作字廣如漢陽人崇禎七年進士知廬陵
 縣十三年考察罷官起補累遷至戶部江西司郎中南都
 陷五月十六日敵查搜戶工二部存餉擇廉幹司之眾推
 成治成治憤然索筆書曰生為明臣死為明鬼遂自縊先
 兩月月徐本有所善僧精易數為成治筮得大凶兆成治
 曰事果不測願自靖以報先皇帝自靖陳本因寄其孤於
 洞庭孤下陳本訣辭甚愴卒成其志
 吳嘉胤字方最一字純如純明史本華亭人天啓四年舉
 人四陳徐二本思宗立官戶部主事揚州告急禮部尚書錢
 謙益疏請督師江上嘉胤聞之急謁謙益請從事中格不

果敵從瓜步渡江嘉胤方奉使出潛反京城將死之為宋人所阻宋徐本六月二十四日斃令下嘉胤冠帶詣孝陵既登雨花臺拜方正學先生像痛哭乃於宋楊忠襄墓松下自經以死遺書六事命致豫王多多一請善視故君一請勿伐孝陵樹木一請擇江南僻地封太祖裔以備大明賓恪時年七十歲

龔廷祥字伯興號佩潛無錫人崇禎十六年進士弘光元年授中書舍人家素貧束修自好入朝謁客不能貸與馬宦邸止一奴供役南京陷哭不絕聲搜篋得四金遣奴馳歸供母書片紙與母相訣五月二十三日敵王大索群臣之不朝者遂具冠帶至武定橋望拜孝陵自況有女靜照

皇明四朝成仁錄

卷六

二二五 廣東叢書

照陳本能詩能陳本為鵲紅集以悲其父吳中傳之

陳燠字胤業孟津人崇禎十六年進士授青浦知縣將赴任會思宗登極思宗徐本朝於南京上初在潛邸識之改中書舍人子伯俞中十五年舉人上出狩時燠欲追駕慮不及遂死之伯俞抱父屍恸哭恸徐本亦死孟津最爾小邑陳氏父子叔姪兄弟及王鐸父子兄弟皆以文章料第顯上之避敵孟津也鐸父子兄弟及燠皆嘗在左右上登極推舊恩以鐸為禮部尚書入閣辦事弟鏞子無黨各世襲錦衣衛指揮使恩亦厚矣敵至鐸與子弟等復膺高爵李明睿曰敵未南下時鐸先有降書在新廷矣

陳于階字瞻一上海人博學多藝督師史可法疏薦之蘇

儒士為欽天監五官掣壺五月十一日思宗出狩思宗徐本于階毅然曰主辱臣死豈獨為公卿大臣言哉言原作木往天主堂禮拜主原作王至夜自縊死嗚呼五官掣壺之官微矣古人有言不知人事焉知天道于階知天道乃知人事乎

吳可箕字豹生上元人肆業國子監五月十八日置酒召親人為別召陳本眾莫測其意已乃以三金市殮具家人詰之可箕曰此乾坤何時尚偷視息人間耶又製白衣題詩於襟有一心死國難不作兩朝人之語袖中有家書言忠孝不能兩全遂登雞鳴山南略卷九云雞鳴山關帝廟闔廟扉縊死王贊明字召文召原作召邳州人國子監生天啓時逆

皇明四朝成仁錄

卷六

二二六 廣東叢書

瑞魏忠賢亂政赴關上書通政司不以聞崇禎十七年三月國變總兵劉澤清自臨清奔潰而南至邳州與巡撫御史王燮置酒高會贊明衰經而前抗聲曰國破君亡君徐本君等乃置酒高會取燮怒繫之獄澤清解之得去南京既陷贊明日吾家中之粟皆本朝物盡此則虜粟矣陳本俱盡矣九月粟將盡乃開葬域於相山城陳本集親友曰吾不死於家而死相山相山當往來之衝使後之過而見者有動心焉天下事未可知也遂自經同時有孝陵衛董啓明者聞變自縊於樹妻王氏與子女俱死

黃金璽字士彩江寧人性豪任俠陳本作性豪任俠敵至糾合八舖子弟舖陳本為守禦計鄰貴撓之曰舉朝有成

議矣若自取禍何益金璽憤甚叩膺大呼號焚書數紙祝告天地題其門曰大明武舉黃金璽武舉明史高一死以倖傳作布衣愧為人臣懷二心者扼吭而死

屈大均曰甲申之變北都殉難者二十七人以吳橋范公為首乙酉之變南都殉難者十有二人以新城黃公為首自劉成治至黃金璽凡十人或以曹郎或以中祕或以架壺或以陵衛徵軍或以國學生或以武舉皆非柄國謀軍荷鼎鉉棟柱之任者也柱陳本然皆大節皎然慷慨以死嗟夫國家無事則公卿大臣顯其尊榮不幸有變則小臣儒生奮其義烈蓋自古而然哉黃公之死視諸公尤烈均作諸臣

皇明四朝成仁錄

卷六

二二七 廣東叢書

廣德死事傳

廣德死事曰趙景和

趙景和字萬育一字凌霄錢塘人聞喜知縣繼陞之子天啓七年舉於鄉七陳本教諭嘉興崇禎十七年授瀘州知州未赴思宗立調廣德州弘光元年五月南京陷奸輔馬士英倉卒欲走浙江惟其母車中詐稱太后所過焚掠無遺士卒著紅綺婦人衣臂劍髻髮重簪望之若優伶軍道過廣德陳本無士英檄知州備法駕迎皇太后且獻藏金萬緡犒軍景和裂其檄下教示毋納賊臣下教示陳本命其子某攻城四面縱火城陷景和還坐廳事士英至置之士英曰爾小臣敢抗命耶曰汝為國元臣棄君不顧取

皇明四朝成仁錄

卷六

二二八 廣東叢書

借太后名誰不知為若母也者吾恨不能殲賊臣以謝天下士英顧甲卒兵之景和罵不絕口以死妾秦氏聞而哭之曰公為國死我當從公而死賊兵粹至陳本無從樓上躍入井以死

屈大均曰論者謂趙公景和之死死於士英非死於敵也夫士英國之賊也其與常山之罵賊相去幾何外有強敵則死之內有賊臣則死之有殺身之實而無死節之名夫亦何所憾哉初魯王監國於紹興士英率所部至浙猶稱皇太后制大學士張公國維首參士英數其十大罪請國王斬之以徇國陳本士英懼不敢入朝而禮部侍郎王公思任貽以書曰閣下當國破眾疑之際擁立新君輒驕氣

滿腹政本自由兵權在握從不講戰守之事而但以酒色
逢君門戶同黨以致人心解體士氣不揚叛兵至則束手
無策強敵來則先期以遁致乘輿播遷致下陳本社稷丘
墟觀此茫茫誰任其咎職為閣下計莫若明水一盃自刎
以謝天下則忠憤之士尚可相原若但求全首領亦當立
解樞柄授之守正大臣呼天捨地以召豪傑今乃逍遙河
上潦倒烟霞效賈似道之故轍人笑褚淵齒已冷矣且欲
來奔吾越夫吾越乃報讐雪恥之國夫吾越三字原非藏
垢納污之地也職當先赴胥濟乞素車白馬以拒閣下此
書一出觸閣下怒禍且不測職願引領以待鉏耨書傳於
世書上陳本人多快之嗣有參士英疏疏陳本復移檄暴
皇明四朝成仁錄 卷六 二九 廣東叢書

其罪狀士英既遁旋降敵被殺嗟夫趙公之死於士英與
士英之死於敵榮辱之分相去一何懸絕也哉相上陳本
有其字

嘗州死節臣傳

嘗州死節臣曰管紹寧
管紹寧字泰階武進籍丹徒縣人崇禎元年廷試第三人
授編修歷陞南司業左諭德掌南翰林院陞少詹未赴十
七年三月國變思宗即位擢禮部右侍郎同禮部尚書顧
錫疇議大禮請復建文景泰二廟號及子遜國諸臣贈諡
一時稱中興盛典敵兵渡淮紹寧時返嘗州有揚州進士
某者先降敵改名某某敵以為嘗州知府詐傳檄文舉義
召閩郡紳衿會議至期不至者以降敵論紹寧信之是日
伏兵堂側中集雜髮者數十人縛諸紳衿頃刻盡薙其髮
紹寧大罵不屈被害於署門之外事聞魯監國特贈禮部
皇明四朝成仁錄 卷六 三〇 廣東叢書

尚書諡文忠予廢及葬祭

屈大均曰予嘗見顧公錫疇有請復建文君年號追上皇
帝皇后諡號景景皇帝景皇后諡號又有追諡靖難忠臣方
孝孺等疏疏陳本皆蒙如擬其擬兩朝諡號有曰謹按洪
武三十二年乃建文改元之歲至洪武三十五年年下陳本
字凡四年皆屬建文年號乞皇上敕下史臣改正洪武三
十二年至三十五年仍為建文實錄其編年紀月悉改正
如初庶為萬世淳史至追上諡號臣恭擬建文君尊諡曰
嗣天章道誠懿淵恭親文揚武克仁篤孝讓皇帝陳本作
道誠曰勤勤文揚武克仁篤孝讓皇帝廟號惠宗恭擬建文后尊諡曰孝
武克純篤恭讓皇帝廟號惠宗恭擬建文后尊諡曰孝
溫貞哲睿肅烈襄天弼聖讓皇后恭擬景皇帝尊諡於原

諡恭仁康定四字上下增崇十二字曰符天建道恭仁康
定隆文布武顯德崇孝景皇帝廟號代宗恭擬景皇后尊
諡於原諡貞惠安和四字上下增崇八字曰孝淵肅懿貞
惠安和輔天恭聖景皇后陳本作口孝淵懿貞惠安和輔天恭聖景皇后又按建
文元年二月追尊皇考懿文皇帝太子為興宗孝康皇帝皇
妣懿文皇太子妃為孝康皇后尊母皇太子妃呂氏為太
后伏乞勅下史館並即追復舊號並陳本作立使普天率土咸
知皇上於一月之間悉舉盛事使本朝三百年來一無缺
典此乃中興一大機括而亦二祖烈宗在天之靈實式憑
之者崇禎十七年六月十九日奉旨如擬此典禮奏疏藏
於家與管公所同定者也

江陰起義諸臣傳

江陰起義諸臣曰閻應元曰戚勛曰呂九韶呂陳本作吳明史侯

峒曾傳曰任源遠

閻應元明史本傳云字麗亨順天通州人江陰典史明史本傳云崇禎中為江陰典史弘

光元年五月南京陷守備陳瑞之黃瑞生陳天璧破產十

萬與二徽商某某明史本傳及明季南略卷九均作徽商邵康公程璧奉益陽王起

義江陰以舊巡撫田仰署縣事舊陳本作前應元召募兵數千

晝夜拒戰而戚勛破貨數萬以給官軍敵使許定國攻之

屢敗已而城中三四日烟火不舉諸門大開敵以為遁也

麾兵入城遇伏死者千人又縋草人而下敵叢射之得脫

箭數千其後復縋下草人敵以為詐弗射遂下劫營敵驚

擾相殺久之糧盡城中人悉走入海向夜以燈籠徧懸海
岸上大書大明忠義營五字敵見燈籠往擊之不見一人
悉持燈籠而返忽驚疑相殺至曉乃已敵總兵三人及定
國死焉凡攻圍三月乃陷三陳本作六明史本傳同此敵盡屠之應元
不屈死勛率其妻六人登樓大書於壁云大明武英殿中
書舍人江陰戚勛字羽明死於此南略作字伯平縱火自
焚武進諸生呂九韶亦自刎時八月二十一日也陳本無
自江南義兵之起率兒戲不能久久下陳本惟江陰城守
八旬殺敵數千時有榜於城門者曰三個月戴髮守城存
明朝十七代人物八萬眾同心出陣陳本戰江陰四百
里山河山河陳本作祖祖十七朝人物六萬人同心死義存

大明三百 嗟乎江陰亦榮矣哉先是有任源遠者先是陳本

宜興之鄙人也與應元同守江陰與上陳本有城陷逃大

湖逃下陳本已而往來群山中審其將卒皆無成久之不

能忍復出就呂氏於青山柵戰方酣而呂潛源遠被執

敵令之跪膝目曰若獨非吾明臣子乎吾陳本吾恨不能

殺汝何跪哉或曰以子之年甚少盍少待源遠曰而惟其

待乃不能死也予何待竟死

屈大均曰論者謂吾明養士三百年或得其報陳本作貴

或否或下陳本豈在貴賤哉嗟夫天下之至貴者仁至幾

者不仁應元微員源遠布衣其所以自為貴者可謂至矣

是豈二祖列宗之所養固有偏厚乎哉

皇明四朝成仁錄 卷六 二二三 廣東叢書

顧果字子方無錫人端文公憲成之姪孫為太學生豪俠

尚氣以名節自任阮大鍼廢居金陵思結納後進以延譽

製新聲著名謳日置酒高會士雅遊者多歸之果曰奄兒

包藏禍心思死灰之復燃也不撲將燎原矣乃草檄名留

都防亂引諸名士以擠之果為其首大鍼恨之入骨弘光

朝有號忠揭上當事乙酉夏北兵入常州邑人王玉汝獻

降册果起兵以應江上遇之沙山沙山人方練鄉兵保鄉

里果見玉汝大怒命執之玉汝大呼曰此賊兵也沙山人

不識果群起攻之乃遇害後審知為果大悔立祠祀之

吳江起義傳

吳江起義曰吳易曰徐爾毅爾陳本曰楊廷樞曰侯承

祖曰沈自炳曰倪曼倩曰呂宣忠曰夏完淳

吳易字日生別號惕齋吳江人崇禎十六年進士思宗立

授兵部職方司主事留都變後江南起義諸軍以易軍為

大既復吳江駐兵太湖有樓船數百餘艘魯國主加授總

督明史本傳作易與總兵黃蜚合軍聲勢張甚一時江湖

義旅皆稟號令尋封長興伯敵從平望一帶掩襲之易督

兵力戰屢勝敵蘇州戒嚴易約總兵黃斌卿自海上至督

師熊汝霖自江上至而躬率大軍於蘇嵩間接應以復留

都事未集會紹興陷執遠孤敵益兵疾攻易敗走至武塘

皇明四朝成仁錄 卷六 二二四 廣東叢書

被執為絕命辭七章死之閤門殉焉

徐爾毅字似之嘉興諸生吏部尚書徐石麒之兄子也陳

從易起兵官職方主事往來嘉湖二郡轉輸糧餉被

執不屈死有詩云太湖遙望水汪洋樓櫓檣舊戰場陳

本作 聞說楊生能殉義願為後死姓名香

楊生名廷樞字維斗吳縣人性沉毅有大節為諸生時值

瑞禍方熾吏部主事周順昌被逮廷樞率諸生朱隗等陳

本作 奪取順昌擊殺官旗數人被黜威宗即位始復學拔

入貢舉崇禎三年鄉試第一累赴公車不第退修經史研

究先儒理奧國再變從易起兵戰敗被執死之

侯承祖字懷玉金山衛參將也易起兵承祖與其子世祿

率衛戍二千人力守金山衛以應敵遺書幣招之承祖斬使焚書三戰皆捷已而中四十矢被執敵欲降之承祖以刀指腹曰腹陳本我為官二十九年今日之事固分內事也大笑而死二千人俱覆沒焉

沈自炳字君晦吳江諸生諸生陳本山東口口副使沈琬之子思宗朝官中書舍人蘇州陷走說三泖富人藉其資舉

兵倉卒遇敵格鬪死

倪曼倩者嘉善人從易起兵被執遇害選上陳本

呂宣忠字亮工崇德人生而英俊好用劍究心奇門遁甲

吳江沈自炳見而異之弘光初閣部史可法開闢揚州辟

宣忠父順良為贊畫推官自炳遇之幕府謂可法曰是碌

皇明四朝成仁錄

卷六

二二五 廣東叢書

碌者奚能為乃兒可耳可法問其狀亟召之未至南都陷

宣忠走謁魯監國於紹興監國與語悅之授前軍都督同

知掛平虜將軍印使從吳易黃蜚起兵既戰敗走匿洞庭

山中土人執之以獻慷慨罵敵敵挫其膝至碎不跪在獄

整襟危坐意氣怡然臨命過市大呼曰今日乃大明義士

報國之日諸君何不來觀時年纔十有六纔陳本

夏完淳字存古華亭人吏部郎中允彝之子也年十六從

其師陳子龍起兵太湖遵父遺命盡以家財餉軍魯監國

遂授編修子龍戰敗完淳走吳易軍為參謀易敗復與吳

聖兆連謀反正聖上文嘉定被執至留都叛臣洪承疇欲

寬釋之謬曰童子何知豈能稱兵叛逆誤墮軍中耳歸順

當不失官完淳厲聲曰吾嘗聞洪亨九先生本朝人傑嵩

山杏山之戰血濺章渠章陳本先皇帝震悼褒卹感動華

夷吾嘗慕其忠烈年雖少殺身報國豈可以讓之左右曰

上坐者即洪經略也完淳叱之曰亨九先生死王事已久

天下豈不聞知曾經御祭七壇天子親臨淚滿龍顏群臣

嗚咽汝何等逆賊敢偽託其名以汙忠魄因躍起奮罵不

已承疇無以應惟色沮而已時完淳婦翁職方主事錢梅

同在訊氣稍不振完淳厲聲曰當日者公與督師陳公子

龍及完淳三人同時敵血上啓國主為江南舉義之倡江

南人莫不踴躍今與公慷慨同死以見陳公於地下豈不

亦奇偉大丈夫乎哉梅遂不屈與完淳同死完淳時年十

皇明四朝成仁錄

卷六

二二六 廣東叢書

八先是國再變為大哀賦萬餘言淋漓愴痛世爭傳誦其

序曰予始成童便膺多難揭竿報國束髮從軍佐威虜以

于征從長興而再起朱雀戈船蕭蕭長往黃龍戰艦滔滔

不歸兩鎮喪師孤城潰版三軍魚腹雲橫歎浦之帆一水

狼煙風動秦房之火戎行星散幕府懸離離原注云先君

絕命哭藥房於九淵慈母披緇隔祇林於百里羈孤薄命

漂泊無家萬里風塵志存復楚三春壁壘計失依劉又曰

何以南朝天子竟投大將之戈北部單于遂繫降王之組

豈高廟之馨十七世而旁移孝陵之澤三百年而中斬乎

賦文繁不錄別著有南冠草一卷

屈大均曰日生吳公具高才負雄略嘗為六公詠一曰靖

遠侯王忠毅公驥一曰咸寧伯王襄敏公越一曰新建伯王文成公守仁一曰定襄侯郭忠武公登一曰少保戚公繼光一曰都督俞公大猷其詩有曰鬱鬱能羅姿高視氣敵萬丈夫重勳名志豈在鐵券吾公一起兵遂以水犀軍雄長江湖間戰勝攻取功雖未成而已膺長興伯之封矣使得縱帆檣乘長風直抵石頭斷鐵鎖於長江反玉環於陵廟其光烈豈在六公之下哉一死以殉東南於是無半壁矣呂夏二子以成童之年而能慷慨建義誓死相從吳公以之不孤江南因之有氣何必老成一殤子勝於彭鏹多矣莊生云壽則多辱彼老彭商賢大夫也商之亡入周為柱下史牧野之變不能抗節而死以與於三仁享年八

皇明四朝成仁錄

卷六

二二七 廣東叢書

百亦與蟬蟻何異哉記曰七十老而傳夫使人僅以老傳則必首彭鏹矣鏹堂殷季歲踰七百其生也當在孔甲帝臯之年有夏割正汨商九世不聞史臣載其一言一行周師之入以三姓之耆老而讓孤竹二子采薇之一日亦獨何哉

附錄 此下葉古還傳 據陳木增入

葉古還

古還居吳江之同里鎮薙髮令下宗人葉天象道而為僧古還不以為然曰父母血氣之稟受國家文獻之留遺需在此種種者充之如忠孝何於是矢誓不葺日惟以閉戶讀書為事後卒為邏者所獲縛而逼之殺然不顧作絕命

詞從容就義

皇明四朝成仁錄

卷六

二二八 廣東叢書

嵩江起義傳

嵩江起義曰夏允彝曰陳子龍曰李待問曰章簡曰夏發英曰張寬

夏允彝字彝仲號瓌公華亭人年十八以儒士舉於鄉與同郡陳子龍太倉張采張溥主社三吳兩浙文風因之一變崇禎十年成進士知福州長樂縣以廉明稱每至福州上官有疑案輒屬其識問允彝剖斷如流備得情隱以最擢吏部主事宰輔薦其才謂有經濟大略兼為清流所重烈皇帝為書名御屏將大用之未幾以憂歸十七年三月京師陷悉以家貲餉義軍助當事大夫討賊思宗立召考功司郎中未赴弘光元年六月敵官至嵩江下令招降允

皇明四朝成仁錄

卷六

二二九

廣東叢書

彝為書與友人陳子龍勉以光復之任從容拜關投井死魯監國贈左庶子諡文忠允彝之兄旭後涉吳聖兆之難自縊死

陳子龍字臥子一字執符號大樽青浦人父所聞萬曆四十七年進士歷官屯田子龍崇禎十年進士出黃道周之門初任惠州府推官憂去補紹興以擊強豪保善類為務越人敬之若神十六年鄰境許都倡亂全浙震動子龍請於上臺使繕城募兵以為禦軍騎入東陽賊壘諭降擢南京吏部主事未任京師陷歸里弘光元年起兵科給事中子龍疏請廣忠益慎名器召憲臣劉宗周詞臣黃道周及薦用舉人祝淵監生涂仲吉弗納有詔選內員及宮女子

龍與科道臣李維樾朱國昌疏諫復不聽會阮大鍼等與黨人獄忌之遂謝病歸南都陷子龍起義嵩江魯監國授以總督敵至子龍率兵出西郭迎擊敗走太湖永曆元年敵嵩江提督吳聖兆將謀反正與子龍等合約舟山肅虜侯營為內應兵未至而謀洩聖兆被殺子龍知事敗將糾合嘉興同志復起家僮毛泰被執盡泄其謀敵追子龍急子龍躍入寶帶橋下死妻張氏被執其妾毅然請代死其僕婦以幼子代子龍之幼子死

皇明四朝成仁錄

卷六

二三〇

廣東叢書

於府學明倫堂自縊死

章簡字次弓華亭人絲天啓四年舉人知羅源縣罷歸被召未入會郡中舉義與待問率兵城守待問守西門簡守東門城陷死之

夏發英字寶沐嘉興諸生陳子龍與吳易起兵嘗遣發英往紹興條陳策應機密魯監國錄其勤勞授行人及吳聖兆與子龍等謀反正令往舟山見肅虜侯黃斌卿約同舉事發英方報命聖兆兵起颶風大作海師不能至聖兆遽為中軍營甲所殺其參謀長洲戴武功武陳本平湖陸瞻伯陳本並死之子龍復欲遣發英至嘉興約同志圖再舉敵追之急投水死發英亦為敵所得不屈死之

張寬字子服華亭諸生子龍之妻弟也聖兆謀反正寬亦
與其事被執至南京不屈死於市或曰初南京陷考功員
外夏允彝先抗節死子龍為哀書於允彝墓前焚之述已
所以未死之意期不負允彝於地下於字原缺陳本補已而事露
敵有司訊之子龍曰何以訊為事皆有之但惜未能就耳
不屈而死

屈大均曰陳公久要不忘非子路所稱今之成人者耶平
生之言能踐之信乎友所以信乎君噫善矣哉

皇明四朝成仁錄卷七

屈大均原著

葉恭綽校訂

杭州死節傳

杭州死節曰陸培曰王道焜

陸培字鯤庭仁和人生而個儻負氣發憤讀書日不盡數卷不止為文辭振筆風發光采爛然人皆歎其華瞻崇禎十三年成進士例當授行人需次南還益縱覽古文奇書勤敏過諸生是時東南吳越間競尚文會培自少好客長益喜自負與其兄弟收召文士日夜為賢豪懽稱詩角藝一時號西陵體亦稍稍使酒任俠於人有不可則噴目叱

皇明四朝成仁錄

卷七

二二三 廣東叢書

曰若亟去毋汙我座及文章氣誼傲然深相結則折節身下之至急其困扼雖患難死生不易也由是容過武林者莫不爭先願從陸氏兄弟遊既而與王道焜互相砥礪盡棄其生平所為而一軌於道為人有篤性事父兄孝謹父卒於官培自南京歸號慟擗額鬻臂血淋漓見者皆為之泣十七年三月賊陷京師北望哭累日絕意仕進已而思宗即位就選得行人明年奉使淮上未還而南京不守遂歸誓以死殉及敵兵至杭州時家人避地相塢山培跪白母曰兒人臣也不能卒事大人死不塞罪母嗚咽不能語所親為之解曰行人無守土責如必不得已盍少待以觀變培仰天嘆曰主辱臣死陸生男子恐復須臾苟活耶初

潞王尚在江東及聞潞王去海遠求死妻陳率家人晝夜

伺守不得間乃徐徐改顏曰吾為老母泣留不得捐頂踵

矣聞游兵且入山汝曹盍徒避之伴索酒滿引數危言笑

自若促陳徙去即上大牀自經死年二十九先一夕留書

訣兄所作絕命詩有春秋位列諸侯上周禮名班司馬門

之句杭人士聞之無少長皆流涕或曰培聞變携夫人及

如夫人醉鴆觴而卒

王道焜字昭平錢塘人父國柱同知兗州自免歸子均崇

禎十五年舉人道焜故奇士中天啓元年舉人歷南雄同

知崇禎末詔徵天下賢能吏將親試以不次用道焜名在

選中吏部以郡丞無考選例題陞兵部職方主事道焜上

皇明四朝成仁錄

卷七

二二三 廣東叢書

書謂國家懸異格以待非常銓臣執故例而新考選非陸

下收羅賢豪至意得旨許候考而北都變號哭曰臣惟一

死報國矣有勸以待時觀變者遂歸及南都再變敵兵至

杭避居鄉村偶入城聞均名已列選單乃遺以書曰聞汝

名在選單吾家世受國恩一旦臣虜何面目見祖宗於地

下吾死汝必丁艱三年之後事又不知如何耳遂自經死

卒如其言杭人嘗與陸培並稱裏皇帝立各贈以官培諡

忠節道焜諡節愍

臨安死事傳

臨安死事曰唐自彩彩明史本傳作絲

唐自彩字西望達州人以舉人知臨安縣敵至自彩懷印而行聞浙東起義遣人齎疏奏聞魯監國願為內應監國特加監軍兵備副使仍理縣務自彩乃發硃票諭臨安胥吏取庫銀三千以為募兵之需時敵知縣已任為所發覺急遣騎襲之自彩冠帶南面立被詰不屈顧地上有石取擊敵官不中中案案所有物皆碎左右大驚恐支解之子方二齡從子方十齡同日遇害又從子偕豫向依自彩偕明史自絲傳作階匿山谷間騎至不肯去曰吾不忍背我叔父也至中途騎憐偕豫無與與陳本作車釋之堅不肯去並死之事

皇明四朝成仁錄

卷七

二三四 廣東叢書

聞監國贈自彩太僕寺卿諡忠愍予祭葬廢一子入監讀書

屈大均曰語曰知死則必勇信哉唐公以石擊敵官誤中几案有必死之心斯有必死之事誠不患其傷於勇也哉

使臣死事傳

使臣死事曰左懋第從之者曰陳用極曰王一斌曰張良佐曰王廷佐曰劉統

左懋第字仲及及陳本別號蘿石明史本傳萊陽人崇禎

四年進士初知韓城縣流寇三薄韓城再躡其境懋第率士民而戰身當鋒鏑輒大破走之關中保障推懋第第一以治行徵戶科給事中十三年三月風霾亢旱詔下求直言懋第請寬練餉加派又請核實重輕諸獄謂去歲停刑可以消彗則今歲明刑可以反風上是之詔免畿郡十一年匠料等銀賑京城貧民錢各二百分賑畿南金三萬兩是日大雨又免兩河積逋其災甚者緩征之八年九年皆

皇明四朝成仁錄

卷七

二三五 廣東叢書

減十之二宿通流陽等州縣蠲賦有差皆用懋第言十六年奉敕以吏科左給事中察覈上江十七年再奉敕督催漕糧監軍四大鎮行至淮揚而京師不守其母陳氏在京師出見賊曰我南京刑部郎中左公之龍之妻之龍陳本作公新而吏科左給事中懋第之母也賊奴吾不忍與汝俱生以頭觸石而死思宗立擢懋第都察院右僉都御史督撫應安撫寧池太等處會朝議遣使北款而難其人懋第上疏乞奉使因求其母骸骨禮部尚書顧錫疇及廷臣交薦上許之加懋第兵部右侍郎兼都察院右僉都御史經理河北聯絡關東軍務賜一品服色加都督陳弘範太子太傅弘原作洪據明史兵部主事馬紹愉太僕寺少卿兵部職

方司郎中副之賜三品服色而以參贊兵部司務陳用極為參謀齋祭告陵園御文一道祭大行皇帝大行皇后梓宮御文一道總兵吳三桂封薊國公制書一道敕諭一道鐵券一道撫臣黎玉田總監高起潛各陞廢職命一道敕諭陷敵文武諸臣一道獎勸功勞聖諭一道宣諭北京人民一道宣夷御書一道吏部給懋第府州縣空銜劄付二百道兵部給弘範參游守把劄付二百道以行游張本俾相與激勸忠義感動軍民以為恢復之舉給路資三萬兩往奠安大行皇帝大行皇后梓宮訪求東宮二王的耗祭告陵園接應吳三桂諸臣與三桂酌款賞歲賞缺賞懋第等行至德州弘範謀欲拜敵用極曰不可懋第曰敕書以不

皇明四朝成仁錄

卷七

二二六 廣東叢書

屈膝為不辱命陳參謀不可懋第亦不可自是與弘範貳矣十一月二日明史本傳次張家灣敵遣騎邀入都城懋第曰奉敕先謁山陵祭告大行皇帝大行皇后乃通國好禮也敵不許弘範捧國書居前敵持國書而去懋第使以龍亭鼓吹出迎亦不許懋第進取國書藏之望祭大行山陵痛哭已斬表以入敵館於鴻臚寺而召弘範入見弘範陰降許為傳檄江南招徠四鎮敵賞金帛甚優弘範數以委曲圖存徐觀敵變為言懋第弗聽十二月明史本傳作十月二十七日日得釋南還行至滄州弘範與敵書曰亟歸傳布招撫復擁懋第而北隨行官吏百餘乘間四逸惟用極及游擊王一斌都司張良佐王廷佐守備劉統五人

不去敵館之太醫院七閱月脅降不應懋第三拜血疏奏南京痛哭剴切俱未達日以為憂弘光元年六月南京陷敵使以駝酥羊炙來饋復說之降懋第慟哭不食搗使者却走敵帥怒會中軍艾大遷私自剃髮且以餉銀八千與敵懋第使縊殺之其黨因告懋第有變敵執懋第及用極等五人銀鑄三匣置獄中絕飲食者七日敵攝政王墨勒根召之懋第斬哀入向上揖用極亦向上揖懋第南向坐用極西向坐墨勒根訶之懋第抗聲曰吾為天使叩君命而來汝本屬夷禮宜恭順今既不郊迎天使又不肅接御書爾則無禮且王人位諸侯上漢使不拜單于汝豈不聞耶墨勒根指用極曰爾何人亦不下跪曰我兵部也三尺

皇明四朝成仁錄

卷七

二二七 廣東叢書

童子羞拜犬羊況堂堂天使耶左右捶其頰流血用極曰士可殺而不可辱安得無禮墨勒根曰汝等皆忠臣然今汝江南無主忠為誰施剃髮投降復享尊榮豈不誠識時勢偉大夫哉懋第叱之左右競曳以出一滿洲大人來說復叱之又使懋第之兄懋泰及我叛臣文武數輩來說皆叱之慷慨請死監者問遺言曰臣子致身報國有何可言所惜者此五人耳用極等呼曰願從公死國先殺我出宣武門將就縛有飛騎至曰降者王矣懋第曰寧為大明鬼不作匈奴王遂與用極等絕命蔡市懋第有僕二人在側一僕引吭吮懋第頸血乃自刎一僕再叩首懋第以小刀刺胸肝見而死觀者皆為流涕有侯官人藍鍊者仰天大

慟解衣束帶以懋第首納懷中負屍於背疾走二三里至
慈仁寺前長跪號呼為偵者所得獄吏訊之曰若與懋第
親耶錄曰吾知有忠臣不知有懋第也議上欲殺之會許
收懋第屍因宵錄用極門人咸默故人子徐敷得用極屍
及懋第等瘞於白馬寺後用極字明仲崑山人少曠達卓
犖自喜嘗從燕趙出塞周行險阨所至交其賢豪長者以
智勇自負思宗立廷議群臣之使北者大小文武皆逡巡
畏縮弗敢任用極聞之慨然曰主辱臣死此何時而謀讓
未遑耶惜用極僅一書生不足以為國重苟有行我即輔
之會懋第以終制請不許願使北乃許用極往見意相得
遂佐以行臨發親友餞之用極白衣冠以赴親人訐之用

皇明四朝成仁錄

卷七

二三八

廣東叢書

極曰左公忠孝人吾從之圖死國耳白衣冠以送左公且
以自送也一斌寧國人武進士良佐廷佐統皆上元人懋
第死其從子司直聞而哭曰忽必烈能忍文信國之死於
數年之後而墨勒根不能忍吾叔父之死於須臾與下陳
本有如此其忍敵之為敵敗亡殆無日矣縊而死懋第既死敵縱
弘範紹愉來歸舉朝以款計既沮遂無固志議戰議守紛
然不一方競門戶盛苞直修圖報復營躡遷除為苟安一
隅之計所恃者長江天塹與四鎮耳顧四鎮擁兵觀望驕
蹇不用命文臣節制視若弁髦有識者莫不寒心而柄國
權奸若士英大鐵等泄沓如故也夫使南京不陷則懋第
不死死懋第者非敵也馬阮諸人也懋第性至孝父死廬

墓三年居諫垣日有章奏必先跪呈其母審喜怒而行之
而其母侃侃罵賊使賊知有刑部郎中之妻吏科給事中
之母嗚呼豈非有光於家國者哉

屈大均曰思宗之立所使廷臣北款者止左公一人而已
左公之事與漢中郎將蘇武一轍武幸而不死以不辱國
左公不幸而不生以不辱國若陳公用極等其武之常惠
徐聖趙終根歟光祿大夫王忠之馬宏歟彼皆慷慨壯烈
不屈於匈奴雖獲生還而非其志可知也武曰屈節辱命
雖生何面目以歸漢嗟乎紹愉弘範之降其與衛律李陵
同一罪通於天者哉武之罵律有曰汝為人臣子不顧恩
義畔主背親為降虜於蠻夷何以汝為見陵曰令漢且貫
陵罪全其老母使得奮大辱之積志庶幾曹柯之盟而為
武奮袖哀歌曰老母已死雖欲報恩將安歸嗚呼陵有生
母而不能以死而生其母左公有死母而能以不生而不
死其母使天下人之稱左公者必稱其母嗚呼左公之忠
天下人知之左公之孝蓋又人之所難者哉

皇明四朝成仁錄

卷七

二三九

廣東叢書

嘉興起義諸臣傳

嘉興起義諸臣曰徐石麒曰鍾鼎臣曰朱大定曰張叔
韓曰孫開遠曰劉履丁曰周天曰錢棟曰錢梅

徐石麒字寶摩嘉興人明季南略卷九云天啓二年舉進

士授工部主事部下明史本傳及南略有營繕二字累遷南京吏部文選司

考功郎中累字原缺據陳本補尚寶卿應天府丞右通政光祿卿通

政司使崇禎十一年春召對平臺石麒謂守邊在農戰互

用救荒在勸民輸粟安民在省官用賢上是之十五年以

刑部侍郎歸里思宗立召為左都御史左明史本傳作右尋遷吏

部尚書疏請稱南京為行在不許九月以左遷黃耳鼎會

事陸朗御史為耳鼎朗所許遂及大學士姜日廣都御史

皇明四朝成仁錄 卷七 二四〇 廣東叢書

劉宗周各予告去弘光元年五月南京陷敵使救總兵陳

洪範至嘉興招降巡道吳克孝大集士民詢之願降者眾

克孝遂微服行閏六月九日敵帥貝勒至士民出納冊籍

比髡令下眾難之始謀舉義知府鍾鼎臣與前大學士錢

士升給事馬嘉植翰林屠象美同知朱大定知州劉履丁

及士升子棟姪拚等稱奉詔王令旨附者雲集鳩金助師

推石麒主城守事殺敵秀水知縣某將率兵襲貝勒後不

果十三日敵兵復至疾攻城遂陷屠之鼎臣及同知朱議

賓偕縊於儀門石麒自縊於家石麒初罷歸時構一堂曰

醉經既書榜心惡之曰醉介為酉卒明年歲在酉吾死死

乎竟以乙酉八月死魯王監國諡石麒忠襄

鍾鼎臣字彝公新會人崇禎七年進士初任寧國府推官

忤臺使左遷河南知事九年分考山東鄉試累陞部郎出

為真定知府未赴弘光元年五月改授嘉興之官時敵已

破陷南京或勸勿行鼎臣曰見危苟免義之所不敢出也

蒞嘉興踰月城陷緋衣坐堂上敵帥入眾兵方食瓜鼎臣

索之拔劍斫一瓜至碎曰此單于首也遂自刎而死

朱大定字君永秀水人文恪公國祚第六子以廕為成都

府通判強武多智屢奉檄捕寇有功以薦陞成都同知賊

張獻忠將入蜀先遣其黨攻成都督撫諸大吏惶懼失措

大定曰聞賊掘城三晝夜聞原作開據陳本改至地大餘皆純石銳

稍挫矣疾出奇兵擊之可以得志諸大吏以為不可大定

皇明四朝成仁錄 卷七 二四一 廣東叢書

曰公等無憂取渠如探掌中果耳率壯健數百夜縋而出

斫死賊百餘賊大驚退營二舍諸大吏益重其才旋以入

覲使道返里門會南都破陷大定首倡起義守嘉興屠象

美繼之城破民盡湧爭出大定手劍當門護之存活甚眾

於是絲湖航海至紹興備陳方略魯國主授監軍副使

國主陳本作監國使還收書部隆武二年秋長興伯吳易戰死長

陳本有會字大定代領其軍患痢居文恪墓堂敵騎猝至執送

杭州不屈死諸生張叔韓孫開遠皆與同事嘉興陷叔韓

持一木牌與敵格鬪死開遠亦戰死城中皆嘉興人

劉履丁字漁仲漳州人大學士黃道周高弟聰明絕人字

畫篆刻皆極其妙博物好古詩深口自成一宗崇禎間以

貢為鬱林州知州見天下方亂致書友人曰孔賊犯天津一月而弒兩藩吾輩不知死所矣因研究諸家兵法至是與石麟等起義敵至為譬所刺並殺其子以降有周天者嘉興人嘉興城陷走吳易軍以舟師出沒於蘆區白蕩之間為先鋒參將殺敵頗眾攻復嘉善多其功與敵提督吳聖兆謀舉松江反正不克被執臨命謂人曰吾一偉大夫速死速生再得十七八年又可以橫戈殺賊矣慷慨不屈而死

錢棟字仲馭嘉善人大學士士升之子性敏穎讀書過目不忘嘗與友人賭讀漢書一日欲盡司馬相如揚雄東方朔元后等十數傳以辰上口西背抄棟差三十五字余生

皇明四朝成仁錄

卷七

二四二 廣東叢書

差二十字崇禎十年舉進士年始十九授南京兵部職方司主事轉文選司郎中尋擢廣西僉事未赴會伯兄病歿請終養歸義師至首輸餉萬金與從祖淮安巡撫繼登從兄旃分防嘉善間出偏師邀戰敵亦畏其精銳既而潰敗棟以孤軍赴嵩江屯三柳上與徐孚遠孫臨等合師勢復振當敵輒利八月嵩江陷將間道赴閩舟抵震澤敵兵數百尾之棟知不免遂自沉小僮秋煙亦死之明日秋煙擁棟屍僵立湖中人以為異

錢榘字彥林雲南巡撫士晉之子崇禎六年舉順天鄉試性豪俠坐作整饬四方人士歸之無賢不肯飲食起居皆與榘等容噴噴榘錢長公弘光初授職方司主事奉命還

里南京陷與從弟棟起兵棟敗死榘亦鬱鬱家居後敵捕總督陳子龍後陳本因連及榘與崑山顧咸正嘉定侯岐曾長洲劉曙梅塔夏完淳等名士數十人榘嘗與吳易合謀並藏子龍坐罪論死臨訊榘不屈顧謂完淳曰子少年何為亦求死完淳笑曰寧為袁繁不作褚淵丈人何相視之輕耶遂同日死敵籍其家子默字不識年十四舉於鄉十五成進士十七知縣河南精明吏治有政聲同父起義同陳本兵敗避跡滇黔不知所終有詩文集數十卷咸正字瑞木曙字公旦

屈大均曰敵之南下也吳浙諸郡縣獨嘉興舉義最先蓋以敵繇嘉興而之杭州其間可乘將以烏合之眾乘虛而

皇明四朝成仁錄

卷七

二四三 廣東叢書

持其後也其勢甚危譬之群羊逐虎一箠掩河事之不成一戰而敗豈待智者而知之哉顧大義所激不惜以一城之性命殉之為綱常則有餘矣為生靈則不足難以兼善有不逞再計矣

蘇州死事死節傳

蘇州死事曰魯之璵曰韋武韜死節曰徐沂

魯之璵字瑟若蘇州衛人以世職累官至福山副總兵弘

光元年五月南都陷敵遣二使者招撫蘇州舊巡撫楊文

驄戮其正使黃家才燕文驄遂避去六月四日敵至眾遂降

閏六月十三日斡令下人心洶洶思變日晡聞總兵黃斐

兵自太湖入城民爭以白布裹頭而出之璵聞義兵起急

入城斬敵一人材官韋武韜者射死敵三人奪其馬以出

復馳入斬敵四人援絕戰而死之璵提敵級出城復入人

徒已烏獸散猶力關城下曰吾無面目以去亦死於是嘉

定聞之侯峒曾等起兵拒守陳本作於是嘉定侯峒曾等聞之而亦起義焉

皇明四朝成仁錄

卷七

二四四 廣東叢書

徐沂字九一號勿齋長洲人崇禎元年進士選庶吉士二

年敵薄都城陳本作京沂與文震孟姚希孟同誓必死裂

絹書矢志詩寄其母有曰為臣貴死忠義更無他顧所傷

有孀親就養在中路我母烈丈夫聞警奮欲赴報國與從

子一死何足怖疾書固止之仰天而號額死忠報節母始

終期無沂十一月望敵復至陳本作復告警藏及袖中已而解嚴

明年授簡計明史本傳授檢計乃二年事非三年十四年遷右諭德持節討

益藩歸以病得請十七年起少詹事兼侍讀學士不赴國

變寢苦彌月痛悼弗勝思宗立起沂沂知事不可為堅卧

不出自題畫像有曰沂乎沂乎而忘甲申三月十九日之

事乎而偃息在牀胡為乎而孤臣也義當寢苦而罪臣也

法當席藁而偷情以負恩其母乃非人類也乎弘光元年

五月聞敵兵渡江江下陳本有告其二子枋柯曰國其危

矣吾將死矣陳本作吾六月四日蘇州陷時沂在村舍潛

閉戶自經田奴覺之不得死或告之曰公身為大臣義不

可生然盍歸而死於家沂領之閏六月朔傳貝勒王至郡

紳士郊迎沂謂其從孫某曰及可加也膝不可屈十三日

薙髮令下城中洶洶魯之璵等戰死十六日晚浴奴子請

出中饋沂曰不可設有緩急君子死不可免冠漏將盡手

書致崑山朱集璜相訣十七日敵兵大至乃乘舟至虎丘

晚歸新塘橋作書遂自沉死

屈大均曰史梅吳俗好勇善用劍輕死易發殆其然哉自

皇明四朝成仁錄

卷七

二四五 廣東叢書

蘇州敗而嘉定起嘉定敗而崑山起義聲不絕死者四萬

餘人其君子能忠其小人有義嗟乎豈子胥縛諸之風烈

猶有存焉者歟顧生曰沂為諸生時見魏忠節公被逮脫

布袍典金贈之袍字原缺義聲以著北都之變里中詞臣

項煜從賊脫歸至南京為檄討賊沂偕同里數其罪陳本

有率 吳中倚以為重敵入蘇州沂廢飲食卧牀上聞太湖

中將起兵喟然曰義非不正其如力少何越數日遂死子

枋字昭法號侯齋能繼父志隱於西山光福築茅以居終

身不入城市不見軒冕人共稱為西山先生云

附錄

此下文未見兩

文秉

秉字應符為文肅公子國變後隱居竹塢搜討思陵遺事
成書八卷即今所傳烈皇小識是也有告其通長興伯吳
易軍者獲之秉亦不辨曰死固分也寧敢辱先人遂戮之

朱旦

旦吳江人白民先生之孫也先生事親孝工書畫好出游
足跡半中國旦亦少負奇氣性慨爽常以忠義自許當府
城陷時獨奮然曰昔吾祖忠於建文為作書法擬當世之
人莫不稱之吾不可以玷吾祖於是散家貲集眾得十人
攻蘇州不克死之

皇明四朝成仁錄

卷七

二四六 廣東叢書

望江死事傳

望江死事曰王之慶

王之慶字修菴一字天寵望江人崇禎二年以歲貢知尤
溪縣舉卓異告歸望江當流寇之衝之慶謂名城連陷其
釁皆自無援師陳本作其失皆在無援師請於巡撫黃配玄將習練鄉
兵為人和社以備賊配玄許之遂委之慶為長之慶內結
眾志外戮奸徒與文武將吏晝夜分守以城為家十年間
中左懋第嘗上其事命未下弘光元年五月南京不守左
夢庚者忿望江人與相距創其部曲乃白敵帥英王言望
江巖邑雖降終必負固請即屠之英王至城中大懼之慶

皇明四朝成仁錄

卷七

二四七 廣東叢書

曰事急矣疾走穹廬陳說端木英王意解委之慶署揀黃
州之慶不受行至九江留書報其子兆春曰吾為一邑謀
非為一身計今幸桑梓無事反為梯榮親墓不廬國邸不
憂其尚可以為人乎哉固辭不獲則從相累於水濱已耳
越二日又留書曰骨不可取魂不可招古有三不吊此其
一也兆春哭之堂上不設位不書銘旌遂至琵琶亭沉於
碧水池中水淺乃枕泥橫臥以死閏六月十九日也喪至
望江邑人慟哭迎之私諡曰忠節先生祀於屈大夫祠右
屈大均曰吾聞望江之雷港有忠潔王祠忠潔王者宋太
宗之所封吾先大夫左徒靈均也王修菴先生越二千年
湛身自明得俎豆於其右蓋以忠配食非以文辭其賢於

宋五景差之徒矣哉

皇明四朝成仁錄

卷七

二四八

廣東叢書

嘉定死義傳

嘉定起義死者曰侯峒曾及弟岐曾子玄演玄潔曰黃淳耀及弟淵耀曰張錫眉曰龔用圖

侯峒曾字豫瞻一字廣成嘉定人曾祖堯封故出張居正門居正以奉情事杖諸諫官堯封上書數陳大義不少阿為監察御史清戎江閩首建大節祠於南昌祀革除殉難諸臣父震暘天啓中給事擊妖姆客氏為眾正先正陳本作臣

又劾沈灌奸輔奉嚴譴家居峒曾天啓五年進士方選庶吉士即請假歸久之詔選得南京兵部武選司主事復歸省父父歿峒曾以父諫言被斥齋志而歿義不後於楊左諸君子泣血陳情詔贈太常寺少卿崇禎九年再至京例

皇明四朝成仁錄

卷七

二四九

廣東叢書

補北曹峒曾意在將母乞選部仍昇以南文震孟吳銜張鳳翼許譽卿爭相推毅固留之烈皇帝方重職方之選下部更置鳳翼以輿望特舉峒曾有旨擢補職方司郎中峒曾聞命大驚曰職方劇地非不才所勝擢郎更非其分陳本有中字且絕裾之言安忍負亟拜疏陳情改補南京吏部文選司主事十三年遷稽勳郎中無何出為按察司僉事布政司參議督學江西下教曰地方守令敢有代致竿牘者即手其書籍其名以聞於當宁倘渝此盟有如漳水及較十三郡薦紳屬吏莫敢干以私有台撫按司道郡縣守令數十牘為一御史子青其於峒曾竟拒之建昌二宗生歲試不至峒曾黜為民益王怒移書峒曾欲以奉行

置之法峒曾報以啓曰數十年以來國家恩德使玉牒之
裔得列膠庠意甚盛也古者天子諸侯之元子入辟雍猶
與庶人齒讓况親之殺者乎使將軍中尉皆得扶其貴以
自高於齊民則青青子衿非中尉所宜服也既已俯首為
諸生則固以庶人之子應矣同陳本且今宗英令曾仕於
朝者甚眾萬一得罪詔罷之此亦不過曰為民而已又將
與誰論乎為朝廷守此三尺法參議之職也誨宗子以光
庠序殿下之分也王得啓愈怒令有司申意峒曾請復二
生以為解峒曾答曰參議之法顧可以威劫耶二生卒不
得復巡按御史循故例大收峒曾杜門投劾曰參議奉職
無狀使豪有力者咸進而貧賤能文之士率擯不得與則

皇明四朝成仁錄

卷七

二五〇 廣東叢書

請以白簡從事苟為不然有撫按無侵權之旨參議不
敢忘御史大慚亞罷其事峒曾課士先德行而後文章檄
府州縣學李報之法其法令知府推官知縣教官各舉所
知而不相聞問三匝月一報視其同異以察其當否於廣
文中又令教授訓導各不相聞聞下陳本互為簡察於是
敗類無所逃發覆之日必與眾見之又令諸生各陳其當
否眾無異辭然後賞罰有差大嚴不孝不弟之律十四年
遷廣東糧儲副使以病弗克赴十六年改嘉湖兵備備下
有道字明史本傳云起時嘉興漕卒恣甚劫知縣李向中
浙江右參政分守嘉湖重傷幾斃又嘗窺伺巨室城中惴然峒曾蒞任密請於巡
撫曰此事非假象政以便宜亂不止也舊例漕卒皆隸督

糧道至是巡撫專以屬峒曾峒曾按亂首徐有功張義二
人棄於市有渠魁先遜者移咨漕撫史可法擒斬於淮千
軍肅然按部平湖有翰林某縱其僕殺人焚屍事聞於峒
曾適某遣僕持刺候於途峒曾即命縛之且諭曰論下陳
字如犯奴既遜即執其主以來須臾間罪人遂獲某出亡
吳中乞吳中薦紳以求解累數十牘峒曾原緘不啓竟以
僕正法陳本作竟以有祖吏二人倚郡守作奸峒曾廉得
其實杖斃之檄郡縣汰冗蠹嘉興首邑一日而汰百五十
人懲其蠹者百人秀水洪光水下陳本惡蹟久彰密下秀
水知縣捕治謂之曰非暴其罪狀不足服人心識決通衢
通上陳本有榜諸二字百姓相與賀於市沒入贓產數千沒上陳本
有以字

皇明四朝成仁錄

卷七

二五一 廣東叢書

召所屬七縣紳士驗散各備火器以禦亂積義穀以備荒
嘉湖舊多盜李阿元者出入太湖中最高為民害峒曾刻期
分道伺之擒於平湖縣其黨遂散商旅以安郡中故有火
藥若干久為蠹胥所匿峒曾躬詣城樓及府庫得之封貯
口往為公用得之下陳本時四方多故峒曾抱疴治
事簡練丁壯解俸給軍修城垣實器械定變鈕豪而曉夜
孜孜波歲之間嘉湖號稱大治吏部舉廉卓監司五人峒
曾列其二擢補順天府丞拜疏乞休未達北都告變思宗
立起左通政使病不能支遂隱居先隴常望闕涕號弘光
元年五月南都陷閏六月峒曾偕門生黃淳耀淵耀張錫
眉龔用圖子玄演玄潔殺敵嘉定知縣舉兵檄榜於門捐

數千金犒軍糾合城中什伍以酒肉餉之皆登陴堅守人
 人共憤敵帥李成棟自吳高至以數十騎薄城下挑戰玄
 演親執絳旗登城率勇士追逐盡殲之嗣曾聞報大喜為
 書與母龔太恭人曰兒今以身任國事矣太恭人脫簪解
 珥曰為吾兒犒軍可也嗣曾意益壯罄家財亟赴城中百
 姓夾道請命歡聲如雷嗣曾巡行各隊慰勉之日則冒矢
 衝鋒身先士卒夕則箭衣匹馬達旦巡行區畫之間井如
 也成棟鋒銳已挫乃出掠羅店楊家行各鎮而日遣數百
 騎肉薄城下嗣曾分道夾擊以步勝騎殲敵頗眾敵北次
 樓塘樓塘距城北十二里為邑至太倉州孔道拒戰數四
 皆失利樓塘既失敵大至重梯薄城嗣曾自以巨石火器
 擊死二百有奇七月五日五明文本傳及南略均作四天大雨城隅角
 崩陷數尺敵兵乘間而入嗣曾大呼先皇帝曰臣力竭矣
 率二子歸門已扃排而入躍入後池死之年五十有五門
 人私諡曰文節玄演字幾道玄潔字雲居皆諸生年二十
 餘俱死之玄潔臨命上堂拜辭其祖母拜字原缺下與仲
 兄為別從容乃死乃陳本先是嗣曾每除官輒以母老不
 赴比過國難義憤不顧身卒以不得終養古人有言急病
 攘夷據原本改悲夫岐曾字雍瞻太學生丁亥吳勝兆反
 正事敗敵購總督陳子龍子龍雅善岐曾嘗過宿其家旬
 日去遂以連謀坐收備受慘刑者二十七次終不屈而死
 至今傳侯氏雙義云

黃淳耀字蘊生明季南略卷九云嶺南嘉定人深沈好古於

學無所不闕居常獨坐一室不交當世遷同以下諸儒不能

黃鈞貫略皆上口其於考據得失訓詁異同在諸儒不能

通其條要者淳耀頓五指而數之首尾通涉錄兩歷然雖

起古人而與之讐問莫能難也為人清剛簡貴言規行矩

為文皆折衷大道稱心而出深有所得於濼洛之旨崇禎十

六年始成進士而老矣未及授官而歸於是從嗣曾起義

城陷時與弟淵耀約同死旦日淵耀來過見其兄執筆呼

哦曰吾兄平時學問此際尚不自決耶此際陳本淳耀未

及答遂去頃之因詩中偶忘一字呼淵耀詢之已縊矣乃

不終章句擲筆扼吭而死淵耀字偉恭門人私諡曰貞丈

張錫眉字介茲嘉定人崇禎三年舉人城陷與妻同縊死
 龔用圓字智淵亦嘉定人天啓元年舉人崇禎末為秀水
 學教諭南都告陷投劾歸里義兵起與嗣曾等協力城守
 城陷自縊死之
 屈大均曰顧生曰自敵陷江南四郡之內蘇州則義兵入
 城殺敵官吏嘉定崑山常熟吳江與嵩江之上海華亭之
 據陳本補常州之宜興江陰鎮江之金壇莫不殺殺官
 吏嬰城死守嬰陳本皆以不肯髡形之故嗚呼愛髮膚者
 所以愛父母元雖喪而非毀傷身不保而猶明哲以此而
 死即以此而全歸矣計有數十萬其人焉皆市井駟儉之
 夫在於士大夫之外者也姓氏弗傳無從得而大書之噫

大均曰於時江南建義皆以嘉定侯氏父子黃氏兄弟為尤烈云

崑山死義傳

崑山起義死者曰王佐才曰朱集璜曰周室瑜曰陶琰曰陳大任曰孫志尹曰陸彥冲曰李逸曰莊士翔曰陸世鏗曰胡季桂曰朱國輔曰吳其沆曰周復培

王佐才字南陽崑山人少習兵法多膂力就童子試督學熊廷弼奇其貌謂曰子將才安事文試佐才曰願以文學進熊曰他日功名有在毋多言卒就武庠癸丑登進士歷任遼左燕豫所至有能名以戰功累遷至狼山副總兵年六十餘謝病免時流寇橫劫佐才家居每酒酣嘆息言朝廷重文吏文吏不習兵一旦任方面列開府乘傳至其地何能為坐而長寇耳拙者以罪終黜者以賄免偏重京職

外臣有罪而罰或不至有功而賞或不及京官坐而索餽以賂之有無豐嗇定殿最超革捍寇匪亟行賂是亟行賂如當敵縱寇如蓄火然天下事可知矣言已款敵復辭以為常南都潰思宗出狩思宗陳本敵傳檄至崑山知縣楊永言棄官走縣丞閻茂才入郡獻圖籍閏六月十二日茂才嚴葺髮之令民情洵明日擁拜關岳之神白旌森列於道日午聞陸世鏗世鏗於陳墓起義攻蘇州於是崑民遂磔殺茂才立大明旗幟倚陸兵為援以拒敵人太倉之師夕有真義鄉兵數百貫城而過云將攻太倉未幾鄉兵避而陸兵又不至民惶懼驚呼兩晝夜貢生陳大任謀推佐才為主帥望日設壇集城中紳士父老立太祖列宗位

萬民慟哭佐才申明約束治城守具傳聞州中浦六結連

巨惡為內應賂丐者以藥投井賂陳本又以火藥置窗戶

夜舉火夜上陳本天大暑天上有會字民渴不敢飲道旁水

俱怖且怒是日雷擊其寨藥者二人民捕浦六不得攢槩

殺其藏六者會故令楊永言會陳本同參將陳宏勳募兵

數百至城義兵歡迎入遂為盟紀治縣事佐才為主將大

任為副將移檄遠近時陸氏兵已散而義兵不滿千人甲

矢俱不備敵偵崑兵將東連海上勢張頓兵不敢發集江

以南三十萬眾悉京營大礮數十載巨艦蔽空而下七月

初二日兵集吳門初四日真義兵迎戰我舟為大礮所碎

兵悉潰初五日黎明敵兵臨西門架浮橋以渡宏勳脫疽

皇明四朝成仁錄 卷七 二五六 廣東叢書

發弗能出佐才令部下發矢射敵將領一人馬卒二十餘

人天大雨佐才立城上指揮軍事次日敵發九百餘礮城

始陷永言遷去佐才率義兵巷戰矢盡力竭乃泣曰我受

國厚恩位至鎮將今不能為不死何待遂還帥府具冠

帶正坐有數騎突入見之不敢犯騎報其將執之招降佐

才叱之遇害後數月人夢佐才朝服出西門儀從甚眾咸

謂其為神云

朱集璜字以發崑山人崇禎八年選貢弘光元年弘光元年

作逆南七月知縣楊永言同鄉紳朱天麟李白春建義築

壇拜王佐才陳大任夏有光為將與嘉定相為應援集璜

偕吳其沅顧炎武等分任守禦越三日城陷投東禪寺後

魁口潭水死衣上有遺言曰可質祖宗可對天地生無自

欺死復何愧後祠於馬鞍山前子用純終身不仕為理學

名家能守父志云

周宗璠字服堅號西崑崑陳本御史青陽之孫天啓七年

舉於鄉事父緒御母顧氏至孝思祿養乃就蜀之大昌道

板不得違願得危疆自効補河南儀封縣縣久為流寇所

殘破縣所二字原缺據陳木補敵至河南北望風迎降敵帥許定國啖

以顯職弗顧即棄官歸及義兵起空璠守東關同長子朝

鏞執戈司餉以死自誓送母歸城出城陷率家人守宅兵

至突入者輒被殲朝鏞亦奮劍斫傷數人既而鐵騎四圍

登屋發瓦矢如雨父子同時遇害室瑜妻諸氏禮部主事

皇明四朝成仁錄 卷七 二五七 廣東叢書

壽賢孫女罵詈不屈被刃而死朝鏞字若金崑山諸生妻

王氏投繯死

陶琰字圭禔號圭峯此三字原缺世居雞鳴塘為諸生輒

厭薄時文嘗曰人生未究喜怒哀樂時以前境界即勛名

震世何益嘗北抵燕京南游兩浙西至楚又航海而南觀

日月吞吐所至並有紀述與朱集璜相交善乙酉之變募

鄉勇三百人赴援崑山至中途知城已潰見集璜之僕喘

而至問曰若主何在僕曰強之出不許今猶在城內也琰

曰以發其死矣是晚家人進酒就寢明晨視之則縊矣裾

間有字曰生為明人歿為明鬼諸子殮而厝於祖墓之側

不數日朱集璜板至時人語曰朱斷斷陶植植生同年死

同日生同學死同域是年荷池花開有一莖兩花扶疏而起者人以為兩人先兆云

陳大任字天中崑山諸生弘光元年選貢南都陷海上諸將合軍圖恢復崑民磔殺降丞閻茂才議城守大任以己宅為帥府推王佐才為主身自裹甲署行伍修器械斷間謀者首懸城東門士氣益銳未幾城陷大任既出復入曰同起事而吾幸免非夫也歸家謂妻張氏子思翰曰吾生平願死忠義今幸獲死所矣整衣冠父子端坐受刃弟大化字神令陳本作字字神亦從兄起義掌造礮藥火箭城破被執亦遇害

皇明四朝成仁錄

卷七

二五八

廣東叢書

孫志尹字成一嘉定籍避役來崑遂為崑人少喜騎射亦

明於醫能療奇疾遊京師中武舉得京營游擊銜及歸城中起義志尹守留暉門晝夜登城巡視七月初五日揚令永言跨馬率民兵出戰志尹親及而前過城濠至西倉橋揚兵趨去志尹大呼曰丈夫寧畏死哉發二矢殪二人忽牆側伏兵突出傷胸猶自拔其鏃復中二矢乃墜馬歿於陣妻女俱自盡自盡陳本作殉義越三日二子收殮遺骸得於安禪菴後田塍間面色如生從之陷陣者唐日都陸臨章俞銅匠張采仙朱木套平大沈養先姚巡捕蔣銅杓孫應元李仍山陳烈朱士林徐文魁高壽俞煥程澤夫陳本作顧陳澤甫顧約周長姚福汪侍溪侍陳本作士二十一入姓氏可考又高國柱柱陳本作責以百長守城城破猶執受不走被殺堵下

陸彥冲字浩然一字國欽為邑增廣生忼爽豪宕不治生產王燾守隨州約彥冲與俱時流寇充斥越四月寇雨至燾以後事囑彥冲隨既陷燾不屈死寇退彥冲解衣殮之扶柩至漢川遇燾子同歸崑人起兵彥冲曰幼負勇力今老即不勝死猶當為鬼雄遂與當事者盡戰守具而北兵粹至彥冲索水浴遂衣執兵至西城鼓眾出戰城潰披槍奮截被卒奪槍去路過兵索金彥冲鬚髮盡張曰吾固無財即有豈賂汝求活者大叱之乃遇害時年六十有九長子臨章有膂力兵至持械出西城與戰當先發火矢連殪二騎力鬪死

皇明四朝成仁錄

卷七

二五九

廣東叢書

李逸字斐石世以畫名崇禎十四年歲大飢乃繪流民圖

具悉其狀請於巨室以米麥賑之迨北兵渡江欲為僧不果會邑中義師興逸謀守禦激勸鄉勇登城巡察謂人曰我若素有年持不殺戒未嘗戕一蟻子今將兩軍相見誓殺數百以捍全城七月六日縛書護身欲出城迎敵城既陷避於僧舍暮遇兵逸曰我本欲殺汝今為汝所殺分也遂遇害

莊士翔字萬程嘉定諸生襲職吳嵩千戶北兵五月入蘇州即遣人據吳嵩士翔同弟士紳奉母至崑而義旗已豎城上矣士翔以容將赴軍與弟登陣守禦初六日城破至崑人巷戰兄弟同遇害

陸世鏗字進之自陳墓卜居崑山善屬文遊太學南都陷

倡義於陳墓者其從兄世鏞也邀與共事世鏞曰有李布
在崑邑起兵首先輸餉世鏞欲集義旅五百助守事未就
而城崩世鏞死之年四十有一

胡季桂字玄茂號存餘此三字原缺崑山諸生廣信同知

甲桂季弟也同兄子泓時守城城陷季桂被執鞭數百不

屈引頸受刃死泓時亦諸生子幼淵教於西關外又胡仲

桂長子潤時字霖汝年二十九亦死

朱國輔字左車一字匡叔別號廣柳萬曆四十三年舉人

初任宜興教諭與周延儒忤學使甘學潤劾之除邊職崇

禎十一年補保寧府簡叢上官檄權知潼川州事秦寇至

國輔授方略敵其魁狐地虎狐張本七條龍等遂解去無

皇明四朝成仁錄

卷七

二六〇 廣東叢書

何毅革募員還里募陳本十三年起福州府簡叢起陳本

又移署永福福清轉河東鹽運司經歷十五年至絳州兼

領開喜夏邑事十六年遷河北屯田駐懷慶屯撫袁口不

至懷慶陷與開封推官陳潛夫相守乃草兩河情形孤臣

哀悃一疏馳奏不旬日京師陷思宗即位思宗陳本以潛

夫為巡按國輔代為開封推官時叛將許定國襲殺鎮臣

高傑於睢陽遂北遷潛夫亦以飛語去御史凌嗣代之檄

往金陵營趣解火藥國輔曰金陵去家不遠吾先人未葬

可藉此行畢我事乃詣巡撫越其傑請假歸葬中道聞歸

德守董庭以城降敵巡按凌嗣死之乃為嗣發喪歸里以

六月四日舉七喪而北兵已破蘇郡矣郡陳本七月六日

崑城破為遊騎所獲索金帛曰我是大明廉吏今日求速

死夫何言被殺於半山橋側時年五十有二

吳其沅字同初崑山諸生性聰敏強記下筆數千言試輒

第一北都之變作大行皇帝大行皇后二誄見稱於時城

陷被執不屈死

周復培字元之崑山諸生城變日泣廟誓死忽鐵騎充斥

遂奮拳與搏被刃而死

屈大均曰崑山一小邑耳殉義死者不下千人可得而數

者尚有茅君蘭字以茵朱君黯字漢徵徐君澂字伯因吳

君行貞字履冰孫君道民民張本字霜奇周君雲璠字元

玉傅君咸字宜仲朱君維宗字新卿朱君晟字方旭張君

皇明四朝成仁錄

卷七

二六一 廣東叢書

峴字漢隱盛君基字肇之周君淵字元初戴君玄祚字明

儒王君在中字宿尹皆諸生也韓伯宣名元鎮鎮海衛官

子上升名永慶子上升陳本寧國府教授太倉張陽豫吳

縣諸生劉生西名古江皆家崑而被難至死不屈又醫生

何念山名慕一陳本作何長興籍性簡傲嗜酒任俠兵臨

之日率里兵設衛把酒相呼勞弊遇敵罵不絕口而死又

傾銀工莊華福建人執械守城被殺有陳慕濱者眼醫也

性超逸起兵時願守城編行伍月夜移杖陳本作日負蒲

團露坐堵次望之若仙語變亂如不欲生城破夫婦同被

難蘇備倫名達道居東南門磨腐沽酒為業年七十城陷

握石磚大呼奮擊被殺視其手足胸背皆書備倫字其素

志捐生如此孫紹峯名德明年八十兵見其老欲免之紹
峯大罵遂殺死又戈均一名化雅又字志勁此四字原缺

性純孝年十四逐什一供親膳逐原作廢據陳木補

我隔敵兵渡江慟哭於父母靈位前養兵起朝夕奔走積

勞成疾城陷被殺千墩陸幼安雍髮牌至曰吾髮受之父

母可揮削乎盡出所蓄雞豚祀其先人大會宗親痛飲至

夜半語其子曰我不忍去髮苟生也遂自縛橋下死甫里

顧鐵匠兵強之刺頭不肯謂我已為七十年明朝人矣被

殺以上皆崑人之死義者也死於孝者沈章甫名微憲救

父代死周在星名虞璇救母赴難周煥若名雲燦侍親湯

藥不去陸昌之名雲將歸玄卿名之甲見親被刃鬪死朱

皇明四朝成仁錄 卷七 廣東叢書

開伯名國執徐仲純名汝張玉崖名崑崇九滿名士蘭錢

偉孟名藝祐皆以親故死於難又有何日起何道行顧亥

伯朱曇口陳本作祝個朱順葵諸人莫不因親赴義廿死

如飽皆崑人之表表者也其餘湮沒不稱者可勝嘆哉其

他死於任者如山西巡撫蔡忠憲公懋德江西布政夏公

元禮廣信同知胡公甲植隨州知州王忠愍公燾錢塘知

縣顧公咸建皆能守封疆殺身成仁者而延安推官顧公

咸正北庭副使陳公用極亦並以死節顯名因並誌之

萬安死事傳

萬安死事曰梁于渙

梁于渙字欽光江都人崇禎十六年進士請假南歸十七

年三月國變五月思宗即位于渙上三大議一曰急收未

散之人心謂山東西河赤子西河陳本日望大兵且山東

義師河南土砦土砦陳本一皆國家勁旅陳本無宜急遣

請師分路渡河以收渙散仍設官守土即以當地錢糧養

當路軍馬朝廷不徵一分則轉輸可免而兵餉自足一曰

急起有用之人材一曰實核一定之財賦復有專督北討

兵馬一疏皆寢不報且忌之授萬安知縣城陷衣冠哭拜

先皇帝自經家人救之被髮投於江巡卒又救之絕粒三

皇明四朝成仁錄 卷七 廣東叢書

日未死被執至營敵帥酌酒勸降不從乃下南昌縣獄未

幾命攝湖西道乘夜北拜自經敵南昌知縣王宗熙開縣

署中門鼓樂導屍而出觀者流涕年五十有七

屈大均曰死之於人也有天焉求死而得死天之所成也

求死而不得死至於委蛇變節蓋天實有以敗之何者以

其誠與不誠也若梁君者始終不二其心天其如彼何哉

宣城起義傳

宣城起義曰麻三街

麻三街字孟璿號祖洲宣城人曾祖植贈戶部員外祖容
贈太僕寺卿父一鯤太學生弘光元年七月金聲起兵於
徽州丘祖德起兵華陽湯廷玄起兵南湖於是三街以貢
生亦起兵於稽亭未幾皆敗被執於南都死之三街臨難
有詩云怒衝千丈髮笑擲百年頭祖德字彥修明史本
傳作念
成都人前山東巡撫與其長子同死於市初金聲兵起籍
諸義士名及敗聲懼禍之延以語記宣王世德世德曰世
德幼孤未受室幸得從公死義所獲多矣請為公訴之天
帝言訖抱籍投井死時吳漢超復聚眾起華陽隆武二年
皇明四朝成仁錄 卷七 二六四 廣東叢書

正月潛師破宣城戰敗被執不屈發解而口諸里門

江西二督撫死事傳

江西二督撫死事曰袁繼成曰曠昭

袁繼成字臨侯明史本傳
作字季通一字湛師宜春人天啓五年進
士授行人考選廣東道御史巡視中城崇禎四年以科場
誣誤謫南京行人司副陞禮部主事七年當天下朝覲之
期總理戶工二部錢糧太監張彝憲疏請司府州縣各官
齋冊赴投以隆體統報依其議繼成時陞山西提學僉事
屢疏以廉取氣節為言屢字原缺
據陳本補其一云皇上允內臣之
請所重特在清理文移劇釐奸蠹非欲群臣屈膝內臣也
乃此令一出靡然從風內臣既以此示重大臣不能以此
力爭遂使上自藩臬下至守令莫不次第參謁屏息低頭
皇明四朝成仁錄 卷七 二六五 廣東叢書

得免訶責為幸諸臣未覩天子之光先拜內臣之座士大
夫尚得有廉恥乎夫此留部者有耳目之寄述職者有民
社之司奈何令屈辱至此臣所為長太息也他語多侵執
政奉旨切責彝憲有疏辨辨陳本
作辨繼成應之愈厲旨復如
前朝士皆倖其議以為不可少云刑科給事中李世祺劾
大學士溫體仁吳宗達請外復罪考選郎中吳鳴虞繼成
上書曰養鳳欲鳴養鷹欲擊今鳴而箝其舌擊而繼其羽
朝廷之於言官何以異此使言官枯囊死咎而大臣終無
一人議其後大臣所甚利忠臣所甚憂臣所為長太息也
且皇上所樂聽者諛言而天下誤以攻彈貴近為天子所
厭聞其勢將披靡不止據原作波
據陳本補上以越職言事切責之

繼成既至山西歲當大比集全晉士於太原為大社督課
 文藝數過諸生館講說經旨多士群聚聽受終日不倦時
 有外郡士病疫繼成詣榻存問士為感泣嘗取晉先達名
 賢敘次其事為位而祀之三立書院有三立祠傳旋以忤
 巡按御史被逮諸生傳山率數千人赴闕白其冤御史坐
 誣褫職繼成亦罷歸久之起九江副使陞浙江參政備兵
 淮陽武昌所至以清惠稱民歌思之十四年襄陽陷沒繼
 成時以僉都御史巡撫鄖陽忌者以失機劾之勅之二字原缺據陳
 補逮詔獄部民合辭叩關訟冤繼成亦出楊嗣昌手書明
 己無罪尋察其枉赦之謫戍某所明史本傳云十五年赴
 右僉都河北屯田十六年陞兵部右侍郎總督江楚等處
 皇明四朝成仁錄 卷七 二六六 廣東叢書

軍務駐節九江十七年三月國變繼成整飭軍旅與寧南
 侯左良玉共濟危疆楚豫章一帶賴之鎮定弘光初袁洪
 勳請追論請焚要典諸臣罪良玉力言要典治亂所關不
 宜聽邪言致興大獄上曰此朕家事不必疑繼成亦言要
 典不必重陳上允之已而良玉舉兵東下討馬士英等挾
 繼成與俱南京戒嚴繼成疏請赦出太子以遏止之上切
 責是時士英發兵堵禦敵遂乘虛過淮以及大江車駕北
 狩繼成痛哭曰本欲廓清君側今反誤國何顏以見太祖
 列宗乎欲自刎死為諸將所奪願協力死守乃親冒矢石
 與敵壘對於口口者數月尋為內應所竄被執至留都不
 屈械送燕中敵說降不應使雍髮則大怒罵囚至三月不

得死繼成乃作偽書離間以求速死敵信之遂遇害於三
 忠祠

曠昭字白於遂寧人萬曆中進士曆官至僉都御史巡撫
 江西隆武元年七月襄皇帝有敕諭江西巡撫曠昭云念
 卿在鳳陽撫綏多士甘藹之蔭施於喬木握手道故何日
 能忘此以留都不靖孝陵重局陳本作陵廟橋遷朕已徵兵閩粵
 可十數萬屢及於皇劍及於門而諸東傑以六師一動必
 須萬全欲先合江右之軍次收兩浙之士栖遲顧慮又踰
 一月朕獨居深念枕席之虞處陳本常有淚痕想卿聞之
 亦為痛心張目乎彼惡已稔人心思奮溫台以西嚮嚴而
 下勿頭之士亦數萬人欲發錢塘與大軍相遇大下陳本
 皇明四朝成仁錄 卷七 二六七 廣東叢書

卿能率章貢之師決鄱陽下蕪采指顧金陵濯足龍江香
 君之義不足高也萬元吉揭重熙能與之俱來乎雲臺麟
 閣何常之有常陳本屈指故人望卿如歲毋懷金玉而有
 遐心欽哉特諭昭得之感泣某月金聲桓攻陷九江遣所
 署九江知府吳亮為書說降昭答曰昊天不弔先皇帝身
 殉社稷乃臣子殺身成仁之秋而孤臣尚仗旄擁纛開府
 巖疆誠以本朝中興有地福國中興有主庶得藉雪犬馬
 之心而圖桑榆之效豈知人謀不臧補報無術不思先皇
 帝之恩而汲汲報其私恩不思先皇帝之讐而汲汲復其
 私讐賢奸雜處功罪不明使江上四鎮逍遙於西北荆楚
 大帥結怨於東南自相攻擊故貴國無亡失遺鏃之費遂

越長江天整之險中國尚可謂有人乎夫吳將軍之乞師
貴國也本效包胥之義使貴國成復楚之功故荷戈執矢
為王前驅轉戰數千里殺賊數十萬天下稱為奇男子今
大讐未復宗社再傾逆閹構禍蚌之勢而貴國收漁人之
利豈吳將軍之所用心哉豈天下之所望於吳將軍者哉
故為貴國計與吳將軍之為本國計莫若窮追賊黨以正
厥辜若亡命四逸則當傳檄天下捕購其首然後擇先皇
帝之諸子或宗室之親而賢者立之以為中國主又簡人
望二三元老以輔翼之其舊將擁重兵宿內地坐視國亡
不能挽救且恣行擄掠為民患者殺無赦而選才望儒將
以蒞之而陳本如是中國免湯火之患莫之杜席皆貴國

皇明四朝成仁錄

卷七

二六八

廣東叢書

賜也則厚玉帛通婚媾世講盟好永絕戰爭書之史冊豈
不遺萬世之美名而吳將軍亦得藉以不朽哉貴國興滅
繼絕在斯一舉昭束身待命自其本事自陳本不然者惟
有率江右文武百姓背城借一以死報國耳天乎天乎今
日遂有華戎之分云云南昌既陷昭被執同時安慶巡撫
張亮被左夢庚執之以獻亦慷慨不屈敵豫王高其節使
與昭同處謹守衛之二人以同鄉相誓多方求死脅之降
不得械至燕京久之乃並殺之亮字煥伯內江人萬曆四
十七年進士

後重慶死事傳

後重慶死事曰曾英曾明史英一衛傳作曾王應
熊傳及張獻忠傳均同此

曾英閩人從父宦遊成都父沒因家焉為人個儻有材武
喜赴人緩急行賈劍南數致千金以施與壯士多歸嚮之
號曾公子賊張獻忠將犯蜀英與巡撫陳士奇有舊請得
獨將千人當賊士奇以英書生不許而以全蜀精銳使漢
羌總兵趙光遠率之與賊戰大敗走漢中英復痛哭請兵
士奇不得已署英守備以土兵數百試之英盡散家資市
牛酒教練旬日士皆踴躍願効死會賊至瞿塘峽口號五
十餘萬氣驕弗備英設伏擊殺千餘賊阻險不得徑入與
英對壘憤甚日夕挑戰英堅壁不出而多張疑軍於山谷
皇明四朝成仁錄 卷七 二六九 廣東叢書

每夜劫賊劫賊本賊驚擾自相斫殺爭走上山觸飛礮死
者無算凡攻守六閱月救援不至英乃敗獻忠遂入屠夔
門雲陽抵萬縣參驅人民沉之江復從梁山趨順慶所過
喋血以人肉為糧雖婦女無得免者長驅遂入成都當是
時蜀人思念英不置皆曰曾公子不敗吾蜀屠戮不至此
獻忠大索英有僧高其義烈匿之以千金資英召募旬日
得萬餘人英裹創出戰敗賊於魚復浦收復重慶時王祥
起兵遵義楊展起兵犍為曾勛起兵黎州前大學士王應
熊亦起兵編素誓師達州道馬乾署巡撫事傳檄討賊蜀
紳前總督樊一衛前戶部郎中范文光舉人劉道貞或奉
詔或承制出師前侍郎余思恂與前四川學道王芝瑞奉

應熊徽權宜措處兵食涪州道劉麟長往來主游說袁韜
 武大定各以兵反正天生城譚弘譚詣巫山劉體純鄧都
 胡名道金堂姚玉林施州王光興光緒本王有進呼九思
 各起兵討賊所謂夔州十三家兵也夔州亦不從賊賊所
 據者僅成都保寧順慶一路勢稍衰初賊去重慶不留一
 兵故英一鼓拔之復為國家守王祥移軍蒼江與相拮角
 兵威大振而英以李占春于大海為左右手首復重慶兵
 最雄而楊展最富以獻忠所破州縣取金銀億萬沉之江
 展盡取之以贍軍故也獻忠聞之憤曰曾英不足畏重慶
 要害地不可失命親將劉文秀率兵疾往占春迎戰於多
 功城與大海夾擊文秀大敗賊他將攻嘉定者亦為占春
 皇明四朝成仁錄 卷七 二七〇 廣東叢書

大海所敗賊勢大沮英是時年二十有六玉親錦袍戰輒
 先登陷陣躍馬揮鏑所向辟易面赭美眉鬚賊望見驚以
 為神眾至二十萬威名為遠近所服獻忠數不得逞謀下
 吳越而未果者以英為之阻也初獻忠得成都即僭稱老
 萬歲建東西南北四府以養子孫可望等居之聞李自成
 潰敗乃大懼始據成都拒守性情忌屢殺其下人心崩恐
 其讐言視川人其師本先屠士大夫繼屠民又欲屠川民之
 為兵者賊諸將中以川民為兵最多眾者師本無無如劉
 進忠一軍聞之聞然逃竄會清肅王兵至漢中進忠因以
 保寧降盡輸獻忠虛實備言可取狀肅王命士馬銜枚兼
 程以進獻忠方營於西充不設備鐵騎奄至鳳凰觀觀明
史樊

一衛傳作山張 乘大霧雨晝晦潛勒軍登山賊謀者知之
 獻忠傳作坡 以告獻忠素驕新以殉三告三斬之鐵騎遂下蹂賊營獻
 忠倉卒乘馬走矢貫其胸拔視之乃大驚曰果清兵也其
 飛越劍閣耶於是賊眾奪氣遂皆披靡獻忠被擒磔死可
 望等引兵東潰深怨橫恨於英出其不意合師攻英於重
 慶英出戰中矢投渝水死占春大海收殘卒二千奔涪州
 文秀遣其黨盧名世疾取涪州占春戰敗大海在忠州知
 力不支乃放舟出夔巫入楚或曰當可望等潰走英乘其
 亂以全軍出壓之賊尚十萬餘爭路不得出險遂與英死
 戰日暮大風雨兩軍俱亂英且戰且走甲重墮水而死時
 弘光元年某月日也明史樊一衛傳作順治三年十英部
二月張獻忠傳亦云順治三年
 皇明四朝成仁錄 卷七 二七一 廣東叢書

曲多在晉王李定國軍中每言及曾公子未嘗不流涕云

耀州死義傳

耀州死義曰郭雄麗

郭雄麗字君鎮涇陽布衣也弘光元年某月與三原焦之雅舉兵於耀州張果巖敵禦之於富平安陽郃陽諸縣境皆大挫敗既圍慶陽以敵援大至雄麗被射而死之雅字大夏驍勇善射父源溥為閩賊所殺之雅持刀欲自剄卒收父屍雄麗既敗死敵憐之雅孝子置弗問

太湖死事傳

太湖死事曰戴重曰錢達

戴重字敬夫和州人十四為諸生國變與同學為不取志社又為復讐史以見志弘光元年歲貢廷試第一馬士英當國以重應制詰直切時政深銜之將中以罪中允趙士春爭之乃寢初得湖州推官士英索其沉泥硯不與以五百金購之亦不與乃改廉州未任會國再變遂與王元震裂編結太湖義旅為一軍吳江吳易宜與盧象觀相檄為首尾攻復湖州礮降者三失而三復之轉戰三月被流矢洞胸潛居僧寺作絕命詞十五首絕粒而死友人私諡曰文節先生

錢達華亭人弘光元年起義為魯監國主總兵監字原缺據鄭木補守錢塘江有戰功紹興陷航海至閩忠孝伯國姓成功承制授破虜將軍永曆元年達走入太湖糾合黃蜚吳易舊部往來湖海郡縣抄敵敵以舟邀擊之屢為所敗乃淫塞太湖諸口以困之朝聞達名朝字疑誤令必俘以獻達被困久之糧絕兵士死者過半將潛入海趨忠孝伯營漁人以告敵遣水軍要截大呼曰請見錢將軍達知不免躍過敵舟厲聲曰大丈夫死事耳至蘇州巡撫土某羈之大第使鐵騎環守之知縣朝夕候視有一樓船忽至報曰錢夫人來視將軍騎令之入則達之妻楊妾王也居一日妻留妾與諸媵婢復去守者問之達曰吾遣妾還太湖傳諭諸部解

散耳敵信之送至湖口越二日達置酒召敵守令飲其妻亦出達與妻南向坐敵守令東西向坐飲半換席妻拜而入即赴井敵守令大驚遣人急救達止之詰旦達語守者曰汝等各以土三石見贈當有厚賞諸騎欣然負土達使填井須臾井口平滿達親鋪石版其上拜而祭之數日械赴留都見部總督郎某抗罵不屈絕食數日騎以復液置酒中飲之不死至京令械還華亭殺之行次山東達竟不食以死妾返太湖亦自經其同事有唐彪者其辭本字起凡仁和人初起義為魯監國主總兵據鄒本補屯營天目數往來安溪徑山瓶窰諸軍與達水軍為犄角所統五六千人皆以白布裹頭號白頭兵瓶窰之戰死者居半殺敵

皇明四朝成仁錄

卷七

二七四 廣東叢書

亦復相當尋戰於安溪以死有陳萬良者亦仁和人為魯

監國主總兵主字原缺據鄒本補與敵戰太湖屢敗之敵招降不往

間出至臨平鎮丐者許益識之以告敵遂被執不屈死上不

鄒本有亦字

屈大均曰敬夫戴先生嘗有言曰臣子於君父之難至愚

至賤無所逃死嗚呼先生今得其死矣太湖之役死而埋

名可也死以殉名可也與錢將軍魂魄長遊於包山林屋

之間樂矣哉

皇明四朝成仁錄卷八

屈大均原著

葉恭綽校訂

撫州前後起義傳

撫州起義前曰曾亨應鄒南通史作應曰曾筠後

曰傅鼎銓

曾亨應字子嘉號鳳山臨川人也崇禎七年進士繇國子

監博士遷禮部儀制司主事改文選以忤時相罷歸隆武

元年秋南昌陷亨應與同縣知州揭重熙倡義撫州人心

渙散無以支乃使其弟和應奉父前布政使棟避地福州

亨應哭訣其父子筠哭訣其祖哀慟一軍於是宗室永寧

皇明四朝成仁錄

卷八

二七五 廣東叢書

王聞之以為撫州有仁人孝子也率王子慈榮明史亨

舉師赴撫州亨應傾貲召募圍特角以應敵帥患之出數

千騎濟度十解本間道來攻眾遂潰亨應筠父子俱被執

皆大罵敵敵帥扑之數十血肉狼藉父子聲愈震乃縛亨

應磔之以火烙筠骨皆不屈死事聞亨應贈太常寺正卿

筠儀制司主事筠字竹居通志作居選貢和應號鳳山

監生福州陷奉父走肇慶久之肇慶復陷和應曰吾而覓

髮何以見吾兄眾勸之弗得整衣拜父投井死

傅鼎銓字維衡衡明史本號復卷臨川人崇禎十三年進

士會選講官輔永定二王得授翰林院簡討屢上疏言事

指陳得失上嘉之十七年春京師陷鼎銓自經未絕長班

排扉解之擁見自成自成欲官之說辭得免南歸時曾櫻

遇之途中視其頸痕痕猶赤然鼎銓每自以為媿弘光元

年秋避亂入閩會唐藩立櫻以內閣攝吏部事徐芳為駭

封員外間商同鄉人才輒舉揭重熙及鼎銓以對櫻具疏

奉旨議用部覆改知府銜辦事穎督軍前隆武二年丙戌

四月鼎銓與重熙同入關抵行在所尋復之賴再授翰林

簡討軍前如故賴陷匡山中永曆二年戊子南昌反正鼎

銓於本郡起兵與為聲援事聞累加兵部左侍郎兼翰林

院學士明史本傳作兵部右侍郎兼翰林院侍讀學士敵至攻閩南昌鼎銓戰而

敗與重熙往來張自盛曹大鎬兩軍將圍再舉五年四月

八日至廣信張村被執逮赴南昌方中白衣緩步中道以

皇明四朝成仁錄

卷八

二七六 廣東叢書

入至堂中仰首而立眾勸之降不屈囚之索作書以招自

盛及重熙鼎銓笑曰豈有教忠臣義士而叛其君者乎引

文山絕張弘範事為徵臨命敵巡撫以保全其家為言鼎

銓曰死孤臣之分也家之存亡在執事非所願聞怡然而

出整巾衫北面拜謝踞坐受及其在獄有正命篇云經嚴

得夏義大復讐民安弗獲主辱何求生不負學死不降志

取義成仁庶畢我事

屈大均曰嗟夫臨川曾氏父子兄弟三世或去或死之各

得其正可謂烈矣和應之去也以奉父奉而不終以兩行

在俱陷故也至是生而奉父孝而非孝不若死而從兄非

忠而忠之為愈矣噫

徽州起義傳

徽州起義曰金聲曰江天一曰溫璜

金聲字子駿一字正希嘉魚籍休寧人崇禎元年進士選

庶吉士上書言兵變累數千言執政以詞臣兵不當言欲

出之外上喜其才擢山東道監察御史久之例轉山東參

事請告歸先是二年冬十一月敵薄京城聲薦山人申甫

知兵上召對稱旨官以副將使募兵禦敵聲監其軍及南

戰歿蘆溝橋諸宦者爭訟罪聲憤請追敵殲於畿東

以雪其恥上不許既歸大集賓客治兵法者於家

講求方略十四年春土賊竊發聲督率丁壯腰刀帽首出

禦賊張獻忠破武昌總兵左良玉東遁麾下苗兵諱於途

皇明四朝成仁錄

卷八

二七七 廣東叢書

郭崇苗汪琬江天一傳 所過焚掠聲拒戰祁門境上大挫

其鋒鳳陽總督馬士英聞之怒甚奏劾徽人擅殺官軍狀

速聲至都將加罪有為之申救者致書士英曰襄漢陷沒

戰士奔潰而黔兵突入徽聲勢洶湧安辨其為民為寇當

此時捍禦四境為急有捍禦不能無格鬪有格鬪不能無

殺傷有殺傷不能無虜獲主兵者安得而主之乎

若使徽人以禦寇獲罪聲以任事受惡則海內相戒以

聚鄉兵保閭里為禍首而開門揖盜者反有以藉口矣可

乎哉屬聲容江天一者為聲聲辨疏請闕上之復作嶺天

疏涕泣詣當途營救聲乃得白放還弘光元年五月敵南

下聲奉表皇帝詔以兵部左侍郎兼詹事府御史巡撫徽寧

池太四府明史本傳作右都御史兼兵部右侍郎總督諸道軍聲與天一起義徽州

敵攻之六月不下執孤援絕力不支敵令縛首事者以獻

城可免屠聲曰毋以吾一人陷億萬人遂自縛出城比至

寧國天一亦追至從赴南京敵以剃刀貽之聲不受遇害

無子僅一女有一從女為尼聞難相率自盡

餘口皆自縊 裏皇帝贈聲兵部尚書諡文毅

江天一字文石歙縣人年二十六郭崇苗汪琬江天一傳

均作三始補諸生以深沉多智為詹事金聲所知會徽州

多盜天一佐聲以軍法團練鄉人子弟結為守禦計

有苗兵為楚寇所敗潰而東走將抵徽焚掠徽人震恐聲

謀拒之以委天一天一夜跨馬率壯士馳數十里與苗

皇明四朝成仁錄

卷八

二七八 廣東叢書

兵鏖戰祁門斬敵大半悉奪其馬牛器械徽賴以安弘光

元年夏五月南都失守諸郡陷沒獨徽不下裏皇帝即位

聞天一各授監紀推官先是天一言於聲曰徽形勝之地

諸縣皆有阻隘可恃而績溪一面當孔道地獨平迤宜築

崇關以多兵據之以與他邑相犄角遂築崇山關

天一傳 已而敵攻績溪天一登陴拒戰多所殺傷敵以少

騎綴之而別從口庾潛入郭崇苗汪琬江天一傳守邏者先潰

城遂陷敵購天一甚急遂歸囑其母於弟天表出門大呼

我江天一也遂被執過聲於營門聲目之曰文石汝有老

母不必死笑謝曰焉有與人共事而逃其難者遂同赴通

濟門畢命天一先後治鄉兵三年皆在聲幕時聲幕號知

兵者甚眾鄒崇奉注疏江天一傳作客獨推重天一其後竟與同死有
陳有功張木作程有功鄒崇奉有吳國禎余元英亦同死下英
鄒本有三而溫璜最烈

溫璜原名以介字于石一字寶忠結琦亭集外編卷十二推官溫公傳云初名以

介字于石後改烏程人生二歲孤歲結琦亭集外編作月母陸氏守

節五十歲卒鄒崇奉字原缺據明史又七年當崇禎十有

六年癸未璜乃中進士蓋年五十九矣五十九結琦亭集外編作六十是

時中原覆沒神京震動勢急乃得第而已衰暮欲為國家

捐頂踵不得日常流涕十七年春授徽州府推官無何賊

陷京師明年南都隨失鄰郡縣望風降竄璜謂其妻茅氏

曰事至此吾不得顧汝矣有女二長者十五歲子一八歲

皇明四朝成仁錄

卷八

二七九

廣東叢書

在側或請當急竊從他路歸從字原缺據鄒木補茅氏謂舍此安歸

茅上歸本句夫人二字我公死國我死公一爾口口口口口子易計

也會金聲起兵璜力募義勇應之凡二百餘日聲戰敗績

漢被執璜急入城登陴嚴兵固守而變生肘腋鄉紳黃澍

為敵內應城遂陷璜嘆曰城亡矣吾其尚生乎遂自殺未

絕敵帥命昇之至見其創處相謂曰溫先生何苦我握兵

南來未見有如先生者先生何獨苦醫至不受兩手舉劍

處裂喉而死當城之始陷璜趨茅氏所曰城破矣昔日之

言今則其時茅氏無戚容猶設飲極歡已而相訣別久之

僕婢皆寢女亦寢茅氏呼之女乍寢驚問何為曰死爾女

即引頸茅氏手結紅悅投璜對曳絕仆地有頃復動茅氏

曰投七璜如其言乃死女既死茅氏整衣而卧璜手捫其
喉舉刃一擊血湧濺璜茅氏未死呼曰再一擊我璜再一
擊乃死璜素剛嚴不屈讀書止求大要將死索筆書百餘
字卷曰世受國恩惟以死報妻與長女俱已殉難幼子李
女如其不容即並殺之可令傳矣及死敵帥感動瘞之水
陸寺旁所遺子女微之人畜之送歸其家
屈大均曰金公夙有義名當嵩杏之敗督師洪承疇相傳
陣亡烈皇帝涕泣諭祭如往例又御製文召金公為之死
時承疇實主其事噫亦可以愧也夫

皇明四朝成仁錄

卷八

二八〇

廣東叢書

貴池起義傳

貴池起義曰吳應箕

吳應箕字次尾明季南略卷九云號樓山貴池生員為人癯而悍目光

如炬尚氣節好危言激論用以臧否人物會魏忠賢義男

阮大鍼久被禁錮陰策金巨萬於京師謀復用公卿間口

語籍籍東南名士聞之曰懷寧起東林無唯類矣懷寧者

大鍼所居縣名也乃謀數大鍼罪惡為文檄之共推應箕

屬草檄未布而事泄大鍼愧且志恨應箕次骨崇禎十七

年五月思宗即位於南都大鍼挾擁戴功用事將盡殺東

林黨人必欲殺應箕夜半遣較尉捕之兼捕禮部主事周

鏞及生員陳貞慧等應箕亡走南都陷徽州義兵起應箕

皇明四朝成仁錄

卷八

二八一 廣東叢書

與同志起兵山中應之事敗被執謂刑者曰吾死勿去吾

冠將以見先皇帝於地下也正冠拜故君笑而受刃

德興海口死事傳

德興海口死事曰胡海定

胡海定字聖占南昌人萬曆四十六年舉於鄉初教諭樂

平巡按御史邢紹德薦之海定固辭以讓同官袁時靜崇

禎十一年詔舉賢良方正副使張有譽復薦之部檄至海

定亦終不赴自言非幹濟才要當以人事君耳其為教諭

每見人才輒成就之或為之婚娶過郡道試甄錄才士數

人薦之所造就者若王綱許琮後皆以經術節義著名遷

汜水知縣賊方壓境海定鼓勵諸生王璧等身決死戰斬

馘頗多廉得煽亂為賊囊索者四十二人計擒斬之亂然

後定歲大飢設法賑濟存活者萬人催科檄至輒抗牘上

皇明四朝成仁錄

卷八

二八二 廣東叢書

報曰職不忍於十室九空之所更殺子遺寧受械乍而去

耳遂自刎去奉其母張孺人遷德興海口授徒董氏十七

年三月國變慟哭不食者累日明年春歸南昌葬父七月

敵入南昌海定遂誓於墓與族人訣返歸海口歸本而

董氏先起兵一月矣因亟走樂平因本聯絡鄉勇以

應之十月婺源陷兵逼海口會督輔黃道周方統兵出廣

信海定賣卜為資徒步六百里乞援道周壯之執其手而

言曰君致仕今猶艱難仗節如是道周當為彰大義於朝

以勸天下因引滿酌之遣兵與俱海定既引兵至而移張

孺人置於他所張孺人於他所孺人以申包胥張良勉

之孺人置於他所明日敵襲海口諸軍驚潰獨海口樂平兵先

後出村接戰既敗被執至婺源敵問何官海定曰今日正
得死所何以問為曰降則美官可得也海定怒罵遂被殺
僵立不仆敵羨之許歸其櫬婺源人為之涕泣曰江西真
有人
屈大均曰敵入江西之境其死事者以胡公為先

廣東州縣起義傳

廣東州縣以起義死者數百人其從陳子壯者為南海
起義諸臣從張家王者為東莞起義諸臣從陳邦彥者
為順德起義諸臣各為之傳矣其非從三子者今合為
諸臣州縣起義傳曰王天錫曰鄺鴻曰朱家臣曰陳萬
齡曰張國鑰曰黃麟遊曰黃麟昭曰陳懋修曰何同倩
曰彭琛曰鍾芳曰薛進曰上官星拱曰梁子直曰楊士
鑰曰陳曰堯曰陳世則曰林高升曰賴其肖曰賴其賢
曰李象履曰黃鶴鳴曰葉標曰林伯嶽曰林鬱豹曰羅
成基曰蘇利曰周五曰黃明初曰譚琳高其王興陳奇
策蕭國龍已別為三將軍死事傳

王天錫字襄卿廣州人世襲廣州左衛指揮兩京之陷破
產招盜數千為報恩營將率之援贛隆武二年九月上杭
變開走梧州迎立今上陞都督僉事還鎮肇慶是冬廣州
不守與敵戰於花山之下身本與敵斬獲數百人身負巨
創折左肱被執不屈死之贈都督作天錫

鄺鴻字劇孟南海人曾祖彭齡進士父露中書舍人有美
才以辭賦稱鴻亦工為詩更多勇力好劍擊陰符之術隆
武二年身本二年下有廣州陷陷本率花山義旅千餘
有鴻字下戰於東門之外死之年二十餘贈錦衣千戶

朱家臣字作基西寧人初為西山把總陞東山守備隸參
將趙千駟麾下隆武二年秋從丁魁楚擁戴今上陞副將

上幸肇慶召千駟入衛千駟卒家臣代領其眾還守羅定其冬廣州陷家臣以哨官羅成基扼於羊險邀敵戰不利退保西山已而出攻東安復之斬敵知縣丘岷敵羅定兵備王茅至家臣猝過於南鄉戰酣馬蹶土人執之以獻敵奇其狀貌欲降之使招東西二山家臣笑曰東西二山國家唇齒我可亡而東西二山不可亡也臨命囑其幼子吮死之曰朱家臣子不作敵奴也是日同被殺者標官王大用李楚磻朱萬年

陳萬齡字學修乳源人諸生父常州通判某為盜所害萬齡痛憤結壯士二十四人潛入賊砦盡擒渠首斬之以祭其父齡是以孝俠聞隆武二年冬韶州不守萬齡起兵戰

皇明四朝成仁錄

卷八

二八五

廣東叢書

敵於柿子嶺及白牛坪皆敗之遂復宜章將乘勝入楚敵禦之於柳口萬齡戰而死部曲范如元退保樂昌力戰上
身本有斬首數百相持於白沙灣踰月一日酒酣裸身與敵將戰兩釋兵搏擊力竭相抱入瀧以死同里貢生張國鏞字金門者亦起兵從總兵郝永忠戰敵死之先是萬齡與永忠約攻宜章敵知其謀潛伏山隘盡坑永忠之兵而以永忠旗鼓軍號整而出乳源諸生四十餘人謂永忠大軍至儒中襜衫往迎敵悉殺之

黃麟遊字遊震黃麟昭字昭靈高要諸生破家巨萬與舉人杜璜糾集新興驍健以圖恢復永曆元年口月與僉都御史李星一
身案勝朝粵東遺民錄作江西道御史合師又小映紀年羊城古鈔均作李星一

將復肇慶至水坑遇敵敵輕之以為秀才軍不為備亡數十騎再戰璜與同郡諸生四十餘人皆死麟遊麟昭被磔死之

陳懋修字士勳翁源人太保璘嫡孫廬南鄉所指揮使廣東陷率狼狽義旅恢復東安新興岑溪三縣以應督師陳子壯陞慶國公陳邦傳第十五鎮總兵官永曆四年移守清遠與敵對壘半年數請赴援廣州總督杜永和刻忌小人疏請禁止義旅凡有款無款皆令之稟命驗奪以故衛臣李元胤馬吉翔樞臣曹燁等皆陳於三水不得進廣州再陷懋修退守東安土人執之以獻全髮不屈死之

皇明四朝成仁錄

卷八

二八六

廣東叢書

起兵東莞守北柵若戰敗與妻子並死文斌亦曾為僧有彭琛者字述之德慶人初為僧於香山寺聞孫可望軍復湖南發憤從軍得士數百人從晉王軍恢復東安敵至城守不降被執死之三人者皆激於忠不徒以異端自沒云鍾芳字東來一名鉉字碩卿東莞人為入貓眼虎鬚狀絕雄偉初為商荊州督師何騰蛟拔置麾下又從安國公劉肇基為提塘官有侍姬陸氏楚人美而善射彈弓常不離手肇基以妻芳每戰陸氏親執桴鼓率女隊數十騎從之芳以功官總兵掛寧楚將軍印陸氏封一品夫人芳嘗恢復武岡至廣西接境州縣凡十數城七晝夜不下鞍馬開國公趙印選聘為火攻營右翼鎮總兵官督滇中兵自

楚轉戰之西粵多所斬獲以扈駕蒼梧加太子少保右都督永曆四年奉命援廣州兩戰不利返鬱林陸氏先奉敕授都督同知桂林陷從城中決圍以死年三十餘芳既歿號召舊旅出攻陸川博白亦皆復之尋被執不屈而死薛進海豐人永曆五年夏敵將班志富攻海豐縣進與拒戰會敵將郭虎與我叛將奉化伯黃應傑合兵來助城陷屠之進率千餘人踰東城走至新市據之志富等追破其若進戰死

上官星拱字北樞號辰宰辰辭本作宸靈山人貢生永曆元年

二月廉州陷指揮張烈死之至四月星拱起兵同黃鶴鳴

恢復靈山又與宗室江西石城王府鎮國將軍統鑒鄒宗遺民

皇明四朝成仁錄

卷八

二六七

廣東叢書

錄作統鑒國廉州十月之望克復之擢監軍副使踰年奉命防

守博白鬱林與太僕卿黃聚中總兵謝應奇鬱林副使謝

天英聯師守禦又與督師兵部尚書程源赴梧州扈駕五

年廉州被攻同信宜侯李明忠等堵禦同字上鄒本有星拱二字兩戰

皆勝敵取繼茂以書幣招之不應屯守武利內皆相持踰

月援絕若陷與其標官四人血戰死之義旅數百人無一

生者星拱妻沈氏召女及媳黃氏暨家人大小飲藥死子

參將捷科被執不屈死星拱復繼茂書有曰我東粵十郡

吾今以一而鬪汝之九力之不敵吾豈不知之然吾鬪義

不鬪力也義之不敵汝何不知之亦盍降乎其慷慨若此

統鑒以永曆二年至靈山被害其墓尚存土人至今祀之

梁子直香山人初為賀縣掾永曆六年於海島舉兵陰伏壯士香山城內十一月九日率戰艦數十艘遂攻香山復之敵遣使招降子直曰我得一城即堅守一城我不以一城存而一城則以我存矣敵患之使其典史陳忠以計誘執殺之妻子並死

楊士鑰字師健新會人諸生永曆六年上書晉王極言兵

事晉王承制授以參將士鑰糾集義徒將襲新會道出關

平擒敵典史柳將斬之柳夜遁而前祭酒陳世傑者密以

其事聞於敵請兵邀擊士鑰倉卒與戰被執敵曰汝儒生

也明朝豈少汝一儒生乎士鑰抗聲曰我明朝正少我一

儒生耳汝今殺一儒生我明朝有一儒生矣遂被殺剝皮

皇明四朝成仁錄

卷八

二七八

廣東叢書

以死年二十有五所居陳涌去新會治三十里多衣冠巨

族富者以財貧者以力咸助士鑰舉兵敵屠陳涌死者數

千人士鑰有家童亞連當主人被執時自首曰我士鑰也

旁有識曰以為妄並殺之

陳曰堯字元大德慶人以諸生從慶國公陳邦傳起兵繼

守備陞總兵官敵至困守德慶北鄉若戰敗敵捕之急以

全髮自盲其目隱深山中久之被執自縊死其弟世則字

顯庸永曆六年以諸生從副將易一瑜走長州謁孫可望

乞師入粵可望授以副將七年同一瑜率兵還粵至肇慶

聯絡諸路義師遇敵於大灣被執勸之難髮不從罵以死

其友林高升番禺人官都司嘗奉晉王令往新興起兵次

章由被執亦不屈死

賴其肖字若夫鎮平人父鬱林知州某崇禎六年山寇盤據鎮平其肖以諸生伏闕上書言寇可滅狀詔授監紀推官使歸招集鄉勇為導遂破寇黃海如萬眾賊塞以平詔以其地為鎮平縣隆武二年秋張家玉至鎮平其肖以子弟數百人從之家玉承制授監軍御史赤山之捷斬首虜功多家玉既還東莞還歸本其肖奉永寧王保守鎮平山中練習驍勇永曆二年授贊理恢勦浙閩等處軍務聯絡漳郡義旅都察院右僉都御史與宗室朱慈春攻入大埔饒平復攻和平縣案和平遺民錄作平和為敵所敗走鎮平山中五年冬十一月班志富攻之其肖突圍而出斬首數百眾寨不

皇明四朝成仁錄

卷八

二八九 廣東叢書

敵遂詐降尋擲去為僧久之走安龍府謁上時上為孫可望所困從駕大小臣條被害十有八人左右皆賊私人無有間關冒死勤至尊於患難者其肖至上陰與款印使還粵糾合義旅以應晉王其肖至賀縣山峇招呼其豪某原某弟其賢弟上歸本有字可夫六年八月嘗隨兄攻復平遠敵章京轟應舉等率兵千人攻之不克八年二月平遠再陷死之

李象履字素生南海人父敬問光祿寺丞象履以隆武元年恩貢為其鄉佛山練總禦寇有方授兵部司務廣州陷後託跡為僧永曆七年晉王攻肇慶象履破家治西洋火

礮及諸火器佐之復選鐵匠六十人潛送軍前而具戰艦於三水以待晉王承制授監軍副使明年晉王下高州遂圍新會象履陰通聲援將以戰士從中應之事覺拷掠慘甚不旁引一人在獄晏然死時猶自詠梅花詩句也

黃鶴鳴南海人初為馬販於廣西土司永曆元年糾合義旅恢復橫山靈山二城歷官至總兵掛將軍印八年秋從晉王軍於新會死之

葉標東莞人以檳榔買於鬱林膂力絕人走及奔馬嘗集鬱林義旅同鍾芳恢復博白陸川而已復北流容縣大小數十戰斬獲甚多潯鎮總兵李明忠愛其驍勇題授副將以功加都督太子太師勳將軍先是督師何騰蛟部將

皇明四朝成仁錄

卷八

二九〇 廣東叢書

熊北佐漳平伯周金湯同居博白與標爭地北佐一日輕出護獲為土人所執金湯意標殺之晉王還軍時標往迎為金湯所誣見殺是三人者皆以商賈起有軍功而標獨不得所悲夫

林伯嶽順德人初為人僕廣東陷義不雜髮遂從浚海虎黃二將軍起兵官授參將常以戰艦為遊兵往來海上數年一日遇反將周珍於香山海口戰敗僅餘中哨一舟壯士四十餘人皆死伯嶽與其子被執不屈俱死之

林鬱豹字振光新會人家貧不事生產性嗜酒常乞酒於人人多笑之補邑諸生知縣某愛其才華以五百金遺之不數月金盡乞酒如故廣州陷語所知曰我不雜髮若敵

至即長往矣會敵狗各屬縣新會不守鬱約乃出屋門治
戰艦與凌海將軍陳奇策共事戰歿於水

羅成基字登爵南海人初為羅定兵備道標營哨官羅定
陷入陽春山中與壯士耕鑿有難髮者罰出交槍十函人
不敢違永曆元年六月西寧貢山李國珍起兵成基率數
百人為助圍攻羅定三月敵開城降已而敵援大至國珍
不能守與成基復入西山頃之國珍病死成基出降為敵
副總兵得守羅定二年冬廣州反正宣平伯董大用至成
基迎於連灘江口大用以其熟習諸山驍勇倚任之仍使
守羅定四年冬廣州再陷大用死成基收其部曲入西山
敵急招之成基降又得守羅定六年晉王率師將至使總

皇明四朝成仁錄

卷八

二九一

廣東叢書

兵吳子聖招之成基應命又復守羅定晉王既至攻肇慶
不下子聖以兵退保西寧殺敵官數十人而去成基亦入
西山明年晉王再至成基遣人迎之高州晉王承制加都
督同知使攻復羅定殺敵知州復守羅定晉王攻新會不
克返貴州扈駕成基執孤乃入雲濠山濠山作際復與部曲
耕田諸山人民皆依之全髮羅定城外十餘里敵號令不
能及凡五年顧成基性多猜疑左右少不如意即加刑戮
中軍蕭鼎者陰約敵入諸土豪亦苦鈐制以情輸敵十一
年敵兵大至成基接戰山口鼎先降部曲因潰成基手刃
妻妾吞金死成基前後於羅定兩克之三棄之五守之反
覆之間機智雖出終不肯坐困孤城以自斃嘗曰我與城

亡是與西山而俱亡也西原作兩亡羅定可也亡西山不

可也有西山我不患無羅定也其志若此

蘇利海豐人初乘亂糾率壯健以巨舶入碣石衛據之永
曆元年授鎮守惠潮水陸等處地方協八閩中軍都督府
右都督掛威武將軍印威印本太子太傅兼太保總兵官
仍鎮碣石利兵勢日盛魚鹽之利歲可入百萬戰船千艘
士卒數萬人扶制所至沿海千餘里隱然有邊海長城之
勢四年廣州被圍利以白糧二十餘艘來援未及戰調還
廣州既陷敵以左都督啖之利不肯難髮內懷忠義外受
羈縻間數歲以蠟丸遣表達行在晉王兩下廣東利皆與
約為聲援視師閩部郭之奇利與同郡往來甚密敵知之

皇明四朝成仁錄

卷八

二九二

廣東叢書

陽示推誠而不敢先發然利與延平王地方接壤常恐為
其所併外亦藉敵以為重以故徘徊觀望者久之十七年
沿海居民被徙有蜚人為敵遊擊者曰李榮曰周玉起兵
既戰敗敵遂檄遠碣石利恃其協戰之功不從遷界之令
遂發兵出攻破敵總兵苗之秀一軍連下海濱數縣惠潮
震恐七月敵兵至海豐之赤石遣噶以什章京等圍羊蹄
嶺之破牛塘官田梅隴三處伏兵得利將桂林吳仕殺之
兵死者二千餘人遂盡毀營壘通道路利率兵迎戰於南
塘浦血戰竟日死之屍橫四十餘里敵兵直抵碣石乘勝
先克民城勝原作城據原本改次克軍城總民陳英副將李慧被執
兵死者六千餘人其有職銜死於亂軍中者不計數所受

將軍印及敕書皆被獲去敵遣官分取甲子所及東海寧
三寨利部曲在舟中者與戰又敗死者百人至小時又敗
死者二百餘人至葛州嶺復敗死者三百人皆義徒之不
肯降者也

周玉番禺市橋蠻人也兄珍與李榮皆以武勇桀黠雄長
海上初糾眾勤王詔授水師副將為沿海遊兵沿本業

護糧運廣州陷珍榮並降敵為登目都司驍勇都司敵
以水師數萬攻高雷廉瓊四郡珍榮從之摧堅陷勁所向

有功珍死玉領其眾玉下鄭本不食官糧以捕魚自給歲
癸卯鄭崇麟敵慮沿海居民以米粟布帛為賜姓延平

接濟盡遷移之外鑿長堦為界遍築烽火臺有敢踰界一尺
皇明回朝成仁錄 卷八 二九三 廣東叢書

者誅榮玉所捕魚之處悉在界內無以為生濱海之人亦
盡失其田廬丘墓轉徙流離死亡枕藉榮玉傷之遂於十

月朔揚帆出海號召諸蠻而以行在前所領水師總兵較
印從事奉永曆十七年正月朔稱帆身將軍傳檄遠近遂攻

番禺新會順德香山諸汎營壘悉平之殺敵江門遊擊一
人悉焚諸路哨船及劫邊大人馬船而夜以大舟直入珠

江攀城將上敵大驚擾次日遇敵提督楊明遇於石龍明

名本殲其兵千餘船數百次日又焚敵船數十於是東西
路絕敵惶懼不知所為榮玉之起兵以復本朝救桑梓為

辭名號甚正一時知義者爭出金錢佐軍軍聲張甚二十
二日鄭崇番再抵廣州西關攻破臺不克佯

敗走敵追之五十餘里至濫尾回帆大戰焚敵礮船二十
四斬首千餘級其帥張國勳僅以身免次日抵順德執敵

知縣王胤封庫釋囚存恤鰥寡民悉解髮從之三十日敵
悉水陸兵突攻市橋舟駐大石口榮玉列舟還救乘潮西

上鋒銳甚敵以鐵鎖聯巨艦中流以待兵始交殺敵數百
死戰竟日敵敗玉恃勝輕敵棄其大軍獨以中營七舟而

前榮不得已從之後軍不繼遂敗玉為鄉人執以獻敵被
殺榮突圍走市橋戰復敗遂出大洋其五島之眾互為犄

角者敵分三路擊之義徒死者二千餘人大嶼山大嶼口
上川下川皆相繼敗沒有趙劈石劈石山趙麟生者

以黃梁都未坎三竈之舟出救亦戰死千人皆榮玉之黨
皇明回朝成仁錄 卷八 二九四 廣東叢書

也榮之將黃明初譚琳高者初從敵攻上下兩川逸去為
榮羽翼明初與所部黃啓榮周信華等聚大小舟百餘艘

馬流門適敵將舒雲虎舒雲虎李海龍等以舟師至與戰
不利明初走至那扶而死而敵將佟養謨等遇琳高於急

水門逆戰琳高敗被執死之餘眾皆盡自榮玉舉事在在
響應兵連禍結至數年而枝蔓始盡嗟乎人無分於盜賊

事無分於大小能發憤而起與敵為難斯則義矣使得書
於冊曰某也賤某也叛豈非春秋之所取者哉

屈大均曰我粵忠義之士一感於宋再感於明事雖不成
亦足以折強敵之氣而伸華夏之威使為史者以為無益

於成敗之數削而不書是不知春秋之義者也夫蠻夷猾

夏匹夫匹婦有能披戈而起其功皆可擬於湯武況有位之士大夫乎三百年以來踐土食毛誰非臣工一人抗敵則堯舜禹湯文武周公孔子得此一鄉一國抗敵則堯舜禹湯文武周公孔子得此一鄉一國事不必成功不必就而已可傳不朽矣是故凡起兵者得死其所我皆著之於篇

新城死事傳

新城死事曰李翔

李翔字詡公鄒南經逸史作字應舉邵武人崇禎十二年以副榜貢

時三邊告警詔開言路翔上疏言天下事觸權貴禍將不

測大學士蔣德璟學士黃道周委曲護之德璟尤器其才

延之西席會母喪南還隆武元年秋八月授江西新城知

縣時江西郡縣悉為敵有惟新城僻遠又永勝伯鄭彩帥

師出杉關人猶觀望已而聞翔至奸民訛言曰是將屠我

黎川也者謀拒之比翔入境止一襪被蒼頭神氣恬適眾

遂解迎翔入邑有黃東來者助前令為虐黨與至數百人

魚肉鄉里翔下車東來入謁即擒斬於市即上解本有翔字令曰

罪止一人餘不問以兵刃置庫示無復用絲是黨與日漢

新城以安未幾縣三都農氓與豪家較斛氓解本其點者

糾集鄉人數萬鼓譟城下翔從樓櫓間諭之弗聽遂從城

缺入喧擠於堂翔陰遣義兵三百出城令裹紅巾稱永勝

伯前隊復自南門入會城中火起亂民四散劫掠聞紅頭

兵至遂避斬首千餘既知其詐也既解本明日復聚眾來

攻翔統義兵與戰戰小却颺言曰彼烏合之眾小勝必不

為備再鼓竟敗之斬百餘級皆震懾翔憫其無知出教招

撫止誅為首數人定為斛式於是變亂以寧彩提兵數萬

駐新城翔抽選義勇千人千解本設餉而訓練之無何敵

兵日急彩欲潛逸而有懈於翔乃陽赴建昌陰取間道以

達閩翔乃與監軍張家玉為死守計敵至翔帥兵出演武
場接戰嚙指血大書旗上曰誓死報國使人負為前導敵
從他徑入城選解本翔兵鳥獸散翔入城與從者三人手
刃三敵敵驚以為有伏久之無繼者翔又與三人馳而出
四顧傍徨謂三人曰汝曹其行吾入城死矣策馬復入大
呼曰吾新城知縣也何不殺我敵執之大罵不屈被笞四
十械至郡僵立不跪敵以酒誘降翔舉杯擲之臨命從容
賦詩引領受刃事聞贈光祿寺少卿諡忠壯廕一子

屈大均曰隆武二年正月二十二日欽命監軍永勝營兼
理江西軍務察核地方兵馬錢糧敕賜御節聯絡節制招
勦便宜行事翰林院侍講兼兵科給事中張家玉有疏云

皇明四朝成仁錄

卷八

二九七

廣東叢書

本月十六日永勝伯鄭彩聞敵報急即將隨征之兵及所
守新城之兵撤還促臣入關臣以新城者永定屏障永定
者福京門戶新城雖小不可棄而彩以固關為急竟棄臣
去臣與新城知縣李翔仰天慟哭誓死不去敵騎至臣調
翔守城躬率義兵三百與二三將吏血戰城南斬敵步兵
百餘臣傷箭墜馬血書招閩王宋來授王解本作王宋檄
至敵引退上云統兵大帥走入關獨使文臣陷陣何以自
解詔褒家玉而翔以死事蒙卹典云

紹興死事諸臣傳

紹興死事諸臣曰張國維曰陳南輝曰王之仁曰余煌
曰孫嘉績曰陳潛夫曰張嘉運曰邵一柱曰邵一梓曰
邵一棟曰章欽臣曰鄭遵謙曰熊汝霖曰葉汝菴曰高
岱曰吳從魯曰馮正畿馮解本曰林塗曰郭符甲曰吳
鍾巒曰張肯堂曰朱永佑曰李向中曰沈宸荃馮案荃
作曰楊定國曰何弘仁以事起紹興諸臣從之始終
不貳故皆書之曰紹興死事傳

張國維字玉筍號止菴明季南略卷十云東陽人天啓二
年舉進士知縣番禺崇禎五年以治行召為禮科給事中
歷官至兵部尚書十七年三月朔昌平兵變京師戒嚴上

皇明四朝成仁錄

卷八

二九八

廣東叢書

命勲戚科道分守九門時國維在獄上款之使往浙草督
理兵餉思宗立以兵部尚書佐理戎政未幾予告還里弘
光元年六月浙江陷紹興知府某潛逃府佐知縣以下悉
渡江納印受任諸生鄭遵謙慷慨感憤率勇敢數千人殺
敵所遣招撫使者於錢塘江及所署山陰知縣彭萬里謀
首起兵稱東海義士士民翕然從之馳告金華迎鎮東將
軍方國安軍使國安與國維方逢年柯夏卿宋之普陳函
輝熊汝霖孫嘉績等迎立魯王於台州朱大典亦遣孫廷
上表勸進於是魯王監國紹興乃分布諸軍沿江拒守既
而國安率兵與馬士英自富陽山中奉皇太后至稱方馬
軍王思任寓書罵之國維首參士英誤國十大罪請斬之

以狗士英懼不敢入朝遂別駐江口國維與逢年之普大

典國上解本有皆為大學士封國安荆國公張鵬翼永輝

伯遵謙義興伯分遣國安守嚴州鵬翼守衢州而國維督

師江上賜上方劍便宜行事子世鳳為平虜將軍七月復

富陽 師崇南疆逸 八月復於潛 師崇南疆逸 時汝霖嘉績

亦起兵與僧石田及鄭家兵軍西陵渡時時渡江批戰方

兵稍精勁敵亦憚之以江險不敢飛渡相持一載然我師

烏合人治一軍不相統一所在部曲駭然國維疏謂必連

諸帥之心化為一心然後使人人之功罪視為一人之功

罪豈國然之冬十月敵兵大至國安嚴陣待之敵稍不利

國維率王國斌趙天祥接應追戰於草橋門天大風雨礮

皇明四朝成仁錄

卷八

二九九 廣東叢書

火不得發遂收兵敵沿江營作木城為自固計會天興頌

詔至諸末富貴者爭欲應之監國下令旨返台士民惶惑

國維上疏思文皇帝謂國當大變凡為高皇帝子孫臣庶

皆宜併力同心以圖光復功成之後入關者王之監國退

居藩服禮誼昭然若以倫敘叔姪定分在今日原未假易

且豈國當人心奔散之日鳩集殊勞一旦南拜正朔鞭長

不及猝然有變唇亡齒寒悔莫可追臣老臣也 師本作且

豈若朝秦暮楚之客哉疏出議始定而浙聞成水火矣隆

武二年三月朔敵開堰入江將以艤艘潛渡國維遣武寧

侯王之仁統率水師從江心襲戰是日東南風大起之仁

揚帆奮擊稍稍得利國維率諸軍將渡會天興詔至犒師

士英峻國安執其行人陸清源而出檄數思文皇帝之過

國維頓足曰禍在此矣四月我師擬攻杭州弗克監國抽

兵屬國維西征以余煌督師江上時貝勒屯兵北岸以潮

乾試馬漸移大礮南擊我軍國安厨竈破碎大驚曰此天

奪我食也因念思文皇帝曾以手救相招入閣中必且大

用即或不支便道可入滇黔矣五月二十七日夜遂拔營

走陳兵紹興城外劫監國行明日江上諸師聞報皆潰遵

謙携家入海惟之仁一軍尚在國維與之仁議抽兵五千

分守各營之仁流涕謂國維曰壞天下事者國安也可謂

國賊罪不容誅今使敵以數十萬寇然而渡我孤軍何以

克支之仁有樓船可以入海公其亦自為計國維乃振旅

皇明四朝成仁錄

卷八

三〇〇 廣東叢書

追扈監國 追師本 六月之朔敵從白塔嶺渡國維行次黃

石巖國安士英阮大鍼將獻監國以降乃斷所過橋橋下

大書云方馬止此而遣人謹守監國守者忽病監國得脫

登舟傳命國維過防四邑國維遂抵東陽再治軍二十五

日義烏陷眾勸國維入山國維曰誤天下者文山疊山吾

惟一死而已明日敵至七里寺國維肅衣冠南拜作絕命

辭三章赴池而死其相從者為陳函輝

陳函輝字木叔臨海人自號小寒山子以崇禎甲戌進士

知縣靖江有惠政嘗開閩河七十二港造三閘備蓄洩使

縣中無憂旱潦南都陷與張國維方逢年等擁戴魯王監

國官至兵部侍郎 兵部本傳又師崇明史本傳明

鳥之陷作絕命辭又作自祭文埋骨記走入天台寒山寺
絕粒數日而死明史本傳時年五十有七

王之仁字九如宛平人太監王之心弟之心從先帝殉難
者也之仁弘光初任浙江總兵紹興兵州鎮守總兵官

起魯監國封之仁為武寧伯時浙東將士與敵畫江而守
自丙戌春屢戰不勝各營皆西望心碎之仁疏言事起之

日人人鼓舞有直取黃龍之志稍一摧敗遂欲以錢塘為
鴻溝天下事尚何忍言臣今者惟有前死一尺願以所隸

將士沉舟一決今日欲死猶為力戰而死他日即死恐不
能復為力戰也監國甚壯之及紹興陷監國航海之仁會

集水師欲圖再舉一夕颶風大作眾艦覆沒乃仰天大呼
皇明四朝成仁錄 卷八 三〇二 廣東叢書

乃解本 載其妻妾及兩子婦幼女諸孫盡沉於蛟門下
無下 捧所封大師與國公教印北面再拜投之水獨至嵩

江冠帶登陸百姓駭愕聚觀之仁曰吾再世十餘齡又可
以橫戈殺賊矣比見洪承疇慷慨言曰我之仁天朝大帥

事敗應死特至舊京請正命於孝陵之下全家骨肉已委
江魚一片心肝願充坏土充即本吾有同產之兄昔當甲

申殉威宗烈皇帝於煤山吾今於丙戌亦得侍太祖高皇
帝於神烈兄弟同歸各得死所不亦天倫之所安哉承疇

優接以禮令薙髮不從嚙指出血大書忠孝歌於壁遂遇
害八月二十四日也

余煌字公遜一字武貞山陰人天啓五年進士殿試第一

人錄翰林院修撰官至右春坊右庶子以憂歸杭州之陷
與鄭遵謙連謀舉兵上笈台州迎魯王監國擢禮部尚書

管兵部尚書事紹興陷煌啓九門縱兵民盡出書案云身
不可降髮不可棄乘波而死相累之志遂赴渡東原注云

渡橋水而死
孫嘉績字碩膚餘姚人也五世祖燧以右都御史巡撫江

西死宸濠之難贈禮部尚書諡忠烈高祖燧尚寶司卿曾
祖鑿上林苑監正鮑琦亭集外編卷四明兵部尚書兼東

銘作上林苑鮑琦亭集外編卷四明兵部尚書兼東祖如游少保文淵閣大學士諡文恭原注云

父應本應本結埼工部郎中嘉績中崇禎十年進士初授
南京工部主事本傳結埼亭集補改遷兵部職方司郎中
皇明四朝成仁錄 卷八 三〇二 廣東叢書

烈皇帝知其才召對觀德殿詢武庫軍器兵部尚書口塞
不能對嘉績一一指陳上悅賜絲繒二尺糗一盤嘉績跪

謝食糗竟救再賜再食之捧繒而出會太監高起潛乞世
廢嘉績格勿與起潛怒上方閱尺籍尺籍本起潛假以墜

中之遽下之獄時黃道周以廷諍與杖數獄吏屏一切服
御意叵測嘉績推己所有度事之且從而受易政府楊嗣

昌指為黨取同獄黃文煥文震亨等襟治之詞連嘉績嘉
績叩首抗言曰昔夏侯勝在獄中受經於黃霸不以為罪

獨奈何寬仁之朝而苛乃出漢世下苛下即本刑部尚書
徐石麒故知嘉績遂出之於獄而釋薦之已而起九江道

僉事命未下國變嘉績歸里與熊汝霖破產起兵稱孫熊

軍官監國參都御史郭本作監國封進大學士劉江而保

者一年紹興陷嘉績遜之瀚洲恍惚血遂以死六月二

十四日也年四十有四結城亭集云生於萬曆甲辰乙丑

彭湖不守嘉績之孫訥踰海得嘉績櫓槓以歸嘉績立朝

剛果不附不阿於大事每喜負荷無瞻顧意以故主上知

之朝中大臣亦謂其能以氣節自見云

陳潛夫原名朱明字玄倩錢塘人延綏總兵官死事遼陽

諡忠愍某之子也崇禎九年舉於鄉少壯死不羈言行無

擇使氣善呵罵同里陸培者為檄攻之潛夫愧而避去弘

光初官開封理刑郭崇南疆逸史作崇禎與寨勇李過知

郭崇南疆逸史作崇禎與寨勇李過知

皇明四朝成仁錄 卷八 三〇三 廣東叢書

西道御史巡按河南監國立加太僕寺少卿奉命監軍各

藩鎮紹興既陷監國航海去潛夫時在新城聞之曰昔鯤

庭攻我顧以我為非人也鯤庭死節今已一年所矣吾今

尚復濡忍其信非人也耶謂其妻妾曰余今不惟死君而

且死友汝二人能從我乎皆笑曰能遂連臂同沉於湖以

死明史本傳云至山陰化龍妻妾皆孟氏同生姊妹也

鯤庭者陸培也事在杭州死節傳

張嘉運字起芬錢塘人諸生監國初渡江獻策授總兵官

奉令旨入餘杭山中起兵杭張本傳事未畢土人執之

以獻滿巡撫張存仁問曰爾在浙東何職東郭本嘉運厲

聲曰官拜平虜將軍存仁笑曰吾輩固虜也然豈易平哉

時報將田雄在坐嘉運指謂存仁曰田雄國賊也豺狼之

性之解本既不忠於天朝亦將不忠於爾滿我君之賊汝

其為天朝誅之雄怒射之三矢尋就市賦絕命詩有頭顱

遇鐵方為貴之句

邵一柱字友濟餘杭人諸生刑部尚書陸之孫也聞監國

立念世受國恩義當死報死解本乃使其弟一梓往見監

國請令旨起兵以聯水陸之勢監國壯之授一梓滅虜將

軍軍下解本使選起兵甫兼旬有眾萬餘屯四明山於是

金華浦江諸義師不期而應慶戰三載一柱與弟一槐一

崇俱陣歿一梓被執臨命互酒務橋謂劄子子曰任爾斬

頭不可破我網巾使汝無以見君親也兀坐不動張目視

皇明四朝成仁錄 卷八 三〇四 廣東叢書

其副礮至開膛際始呼關壯繆侯一聲而絕忽空中樂作

儀仗冉冉下迎官民數百人莫不見之羅拜涕泣弟一棟

年二十三聞難復破家起兵屯四明山一載載解本得其

兄一梓之讐丁姓者斬之以祭歲餘糧盡欲率其眾赴舟

山途遇敵兵戰而死兄弟五人先後殉國其烈如此

章欽臣字某會稽人監國初紹興所在鄉落爭起義旗營

壘相望欽臣亦起兵屯剡梅山一帶與敵相拒經數月殺

傷相半已而為內應者所賣與妻金氏皆被執欽臣對簿

氣稍靡金氏謂欽臣曰君為將帥不能成功即死猶為晚

矣即解本尚欲向穹廬求活耶敵大怒以刀觸其口口解本金氏憤罵欽臣被礮死敵以金氏賞兵伍氏抗聲曰夫

既死豈肯獨生肯即本求速加及為幸敵命推出斬之金氏曰夫既磔則我亦應磔吾忍使我夫獨磔乎敵從之每刀一舉即本作每金氏輒一罵磔至下體以兩股緊夾罵不絕口而死

鄭遵謙字履泰鄭崇泰南疆逸史埋憂集作恭統海遺聞作公餘姚人鄭崇明史本傳南疆均作會稽人諸生大同兵備僉事之尹子也鄭崇大同兵備僉事南疆逸史作山西按察司僉事埋憂集作江西按察司僉事初杭州陷之尹渡江獲髮而還遵謙泣諫力陳建義之舉之尹咋舌曰毋滅而族適滿知縣肩輿入市諭士民亟從新令遵謙怒而擊之之尹跪止遵謙揚言於眾曰鄭本作遵謙不夜夢金甲神告我萬里開刀天地下拜今吾父乃跪我前而賊令名彭萬里亦

皇明四朝成仁錄

卷八

三五 廣東叢書

與夢合神先定矣遂共執而殺之懸首市門於時鄭公子之名溢於兩浙遂為義士之倡舉大名之首焉紹興既陷遵謙挈其幼子將赴水死其友孟仲芳止之乃與熊汝霖錢肅樂沈宸荃僧石田等往危監國汝霖為首輔肅樂為次輔宸荃兵部尚書石田封護國禪師鄭彩封建國公是時監國至閩義旗四起應之前兵科給事中劉中藻則復福寧朱繼祚則復莆田益王則復建寧敵在福州者敵上有時兵僅二千孤軍絕援人自相食蓋危如累卵矣外縣若長樂連江羅源古田閩清永福一時俱下我師水陸數十萬又得降將郭天才精銳六千可一舉恢復福州而彩擁兵不發為滿巡撫佟國器詐降緩兵之計所誤盡殺同

事諸勳既害汝霖并及其全家時遵謙駐福清東瀚聯絡多人彩恐其報怨也遣陳日暉暉即本誘殺之自是人心解散敵至彩退舟海中監國往舟山避焉後肅樂宸荃等亦俱死福清人義而葬之於黃蘗山初遵謙之出以幼子託孟仲芳其妻孫氏自經於紹興之西郭門巷中長子懋公鄭崇公埋憂集作純被執至鎮江痛罵不屈以死屈即本能汝霖字雨般餘姚人崇禎十年進士十明史本紹興既陷追危監國至閩中遂為大學士鄭彩初以女許汝霖子已而相貳恐汝霖圖之遂殺汝霖而沉其家口於江中遵謙汝霖雖不死於敵而死於彩亦皆為國而死者也故均謂之死事

皇明四朝成仁錄

卷八

三〇六 廣東叢書

葉汝菴字匡之鄭崇明史本傳南疆逸史均作字衛生會稽人崇禎三年舉人監國之初上時弊一疏令旨優答之授行人轉兵部主事監軍江上五月二十九日諸藩鎮兵同日奔潰遵謙亦移師入海汝菴知不免自沉於桐塢而死妻王氏亦沉於其所家人救之痛哭絕食四日而死

高岱字魯瞻山陰人鄭崇明史本傳南疆逸史均作會稽人浙江通志作會稽歷海所人崇禎三年以武生舉於北圍監國之初授兵部職方司主事嚴飭兵伍禁絕打糧送餉諸弊紹興民賴之城陷監國往台州岱時奉使他出聞變往海濱絕食十三日鄭崇南疆逸史作八日不死次子朗衣巾泣拜於前曰兒不孝不能侍奉大人矣當先死以待大人岱瞠目送之曰爾能以死先我真吾

子也朗遂乘舟躍入海中舟人援之朗嚙其臂得解岸巾
浮去約大餘復起以兩手整巾而沒又三日岱聞之一笑
而終笑鄂本先數日諸生傳炯傳鄂本山陰諸生朱
璋璋鄂本皆赴水死蕭山諸生楊雪門自經死

吳從魯字金堂山陰人萬曆四十四年進士蘇南陽知縣
起家至川湖分守右參議監國時為通政司左通政鄂本

參議城陷不肯雜髮絕粒而死者年八十矣其兄從義知縣
長安城陷投井而死者也從魯臨命時曰吾恐有愧於吾
兄云諡襄愍

鄔正畿字德都永福縣人鄔業航海遺聞作江左人隆武初以諸生授
兵部司務福州陷走福唐龍山會各鄉義兵競起推吏部

皇明四朝成仁錄

卷八

三〇七 廣東叢書

林空為督時暨國封鄭彩建國公頒劉士大夫有進正畿
者曰急選精銳若干借彩樓船出吳越與三泖太湖吳易
張名振諸公會師人既離鄉戰氣自倍不至結怨於榆勒
餉仇殺自貽後患也正畿然之暨國因授兵科給事中是
秋八月義師大至永福敵以數十騎出禦疑誤空死之眾
逆潰散正畿奔還永福敵守者請見紳於正畿義不往乃
設奠祖祠宴會親友大冠緋袍外襲麻衣自縊而死

林空字子野別號龍齋侯官人解案明史本傳南疆逸史均作福清人
崇禎十六年進士錄同此 崇禎十六年進士初以行人
與都督陳謙奉監國命及仙霞關趙起未入平虜侯鄭芝
龍以書招之乃入陸見啓函稱皇叔父不稱陛下思文皇

帝大怒下廷議皆下詔獄芝龍抗救不許尋殺謀芝龍快
快遂揚帆而去守關將施福盡撤兵還駐芝龍所居安平
鎮聲言缺餉蓋微聞錢塘信云福建既陷空與郭符甲起
義敵攻之急與帳下壯士五百人皆戰而死符甲字某與
空同邑結琦事集跋明崇禎十六年進士錄同登進士亦
遇害五百人浮屍海上符甲獨屹然不動國姓成功葬之
海島上大起冢云

吳鍾鑾字鑾稚吳鍾鑾原作鍾鑾明史本傳武進縣志改
明禮部尚書仍兼通政使武進吳公事狀云字峻伯別字
釋山學耆稱為震舟先生南疆逸史作字鑾稚號震舟
武進人崇禎七年進士知縣長興以方略盡誅湖盜殲山
賊渠擒流賊謀者浙境賴之修城築關諸大事一於民無

皇明四朝成仁錄

卷八

三〇八 廣東叢書

援時制廷方亟勦練二餉鍾鑾獨以早潦頻仍人民愁苦
緩其征不得中額尋中使崔麟以巡鹽出兼核錢糧其儀
制與撫按同鍾鑾不肯屈膝遂拂衣去十四年補紹興府
照磨補明史本量移桂林推官十七年冬陞禮部主客司
主事以清獄未行弘光元年七月走福州上書痛陳國計
為時宰所扼乞外自効得廣東督糧道所案結琦事集南
東副 未行而閩廣皆陷鍾鑾聞關海上會監國至閩與錢
肅樂被召入見晉禮部尚書而肅樂以兵部尚書入閣辦
事永曆三年閩中復潰鍾鑾從監國至舟山昌國衛於是
張肯堂為大學士朱永佑為吏部尚書李向中沈宸奎為
兵部尚書五年八月滿兵集寧波勢甚急鍾鑾在普陀懷

慨謂左右曰昔李仲達死於瑞吾以諸生不得請死馬素

修明史本傳死於閩賊吾以遠臣不得從死及入閩吾復

辭行在無城守兵柄柯本亦不得死今朔騎憑陵吾不

忍見之昔吾始祖侍御公肇避靖難一姓不再仕況今何

世耶不及此時皎皎而死一旦疾病奄然何以謝吾友見

先帝於地下耶越渡海入昌國城曰吾不能復從主上航

海作波臣矣二十一日滿兵薄城下即不食令設高椅於

孔廟左廡樓下以薪環之九月二日城陷鍾鑾抱孔子木

主升椅端坐命僕人舉火遂焚死時年七十有五先是仲

子福之仲子結崎亭集作字公介貢生義不薙髮起兵大

湖戰敗死於湖州之小涓鍾鑾聞之曰可兒可兒

皇明四朝成仁錄

卷八

三〇九 廣東叢書

張肯堂字載寧號鯢淵嵩江人天啓五年進士前僉都御

史巡撫福建隆武朝官吏部尚書其在舟山署故多梨樹

枝幹相交花開如白雪肯堂以名其堂曰雪交常與鍾鑾

輩數人飲酒賦詩其下相謂曰此吾輩歲寒之交也他日

當偕死毋相負至是果同殉難肯堂自經以死

朱永佑字爰啓號聞玄嵩江人崇禎七年進士李向中字

立齋鄒崇南編逸史鍾崎亭集外編卷九明兵部尚書兼

湖廣人十三年進士俱被執不屈以死舟山之陷文武同

時殉難者凡三十餘人不能悉紀云

沈宸荃字伺菴鄒崇南編逸史均作形菴嘉興人明史本傳崇禎

十三年進士從監國入海舟覆而死

楊定國字某濟寧人以監生監本受監國行人之職敵

渡江自縊而死

何弘仁字仲淵山陰人崇禎十年進士監國授以御史追

駕不及自縊於僧舍以死

屈大均曰紹興之事蓋賊臣方國安一人敗之一軍既動

諸軍因以不支使張王諸公水陸師徒盡失特角之勢長

江天險盡委之空國而奔嗚呼何其靡哉國安者國之大

賊故與士英相比以害於而國凶於而家者士英昔棄揚

子國安今棄錢塘二江深廣深本三折盤迴竟使投鞭

而渡如入無人之境嗚呼豈不痛哉雖然亦有數焉昔周

欲亡而三川竭宋欲亡而錢塘乾紹興之陷使非沙漏曲

皇明四朝成仁錄

卷八

三〇 廣東叢書

江滬本海潮不至敵雖剽疾何從而移礮南擊以驚國

安之魄而使之不能自固耶王嗣槐曰乙酉六月方國安

先走金華與朱大典合兵曰公為國安守國安為公戰大

典麾下拒之於是構難會紹興兵起國安引兵下攻富陽

拔之一軍屯金村嶺一軍入錢塘江西岸屯朱橋屯朱橋

者國安兄子元龍軍中號漢土營大總者也兵數千船五

百隻沿江岸列營起朱橋至轉塘口延袤里許先是嚴州

木商聞亂避去大木蔽江而下朱橋民浮江爭取之國安

因便列柵甚堅列本右倚大江左倍山以一面東下柵

阻橋倍山以柵本首尾相射腹深入列舟艦為木譙如却

月形一時山民剃髮者多匿谷間莫敢出國安至戎旅

方元糾引兵走六和塔覘視地形值敵游兵出谷口倉卒
搏戰射殺一人獲馬二匹明日以兵數千出清風亭大戰
所約江東兵皆在東岸人人惴恐莫敢汴江而來敵兵縱
騎張左右翼衝之兵遂却越三日敵兵自六和塔薄國安
營國安開柵縱兵兵亦殊死戰既數合多不利敵兵既輕
之於是使人間視橫山及所過清風亭皆無伏夜中敵分
兵為二八百騎走清風亭五百騎走橫山繞出國安營後
國安兵既無伏又不遠布作埃平明敵兵覆之卒惶急據
橋發礮風迴火猛藥箱震烈守卒披靡敵兵乘便退橋通
柵門國安拒柵力戰自晨及晡敵兵登妙高山陳兵自繞
遙望國安營有石牆如白練營柵中立一騎將請大礮前

皇明四朝成仁錄

卷八

三二 廣東叢書

曰具曉破之之術矣當將發礮橋立傾騎將大呼馳入諸
騎繼之國安兵大亂奪舟逐去大均曰噫嘻此國安戰守
潰敗之本末也敗歸本國安本不知兵又無忠義之節不
能受張公之節制又不肯與王鄭諸公同心併力一敗長
奔以國與敵又幾以君父與敵也嗚呼安得與士英大鉞
者駢首受誅以慰我二祖烈宗於天上也哉士英大鉞至
台州猶擁殘兵數請入關陛見思文皇帝以其罪大不許
此失刑之大者也士英後入山寺為僧敵將搜捕得之大
鉞迎降見勅隨令內院辦事國安方逢年及刑部尚書蘇
壯等皆降八月二十五日敵至順昌時士英大鉞及國安
父子方連名上蠟疏請思文皇帝出關已為內應敵得之

大鉞自投崖死仍戮其屍士英等四人駢斬延平城下家
口悉給賜兵丁嗚呼賊臣之效其終亦竟如此哉與忠烈
諸公謹爭命於旦夕間耳

大均又曰嗟乎紹興之陷以江湖不至使番將得以飛渡

將歸本作兵 何天之不仁必以中華盡棄之而後已耶嗟夫天

以天下而與中華天之中庸古之天也愛中華今之天也

則不然故雖以英明果毅大有為之君亦且弁髦置之而

不使其君臣辛苦保有一隅況魯監國文柔之主乎哉然

而忠臣義士之心不與天而俱變也天為其小人而反中

庸人為其君子而中庸寧得罪於天而必為其人之君子

而必不肯得罪於君父而為其天之小人故自監國繇海

皇明四朝成仁錄

卷八

三二 廣東叢書

入閩雖流離顛沛而義旗義軍四起而應之一時閩越人

心莫不繫屬可一舉而復福州乃鄭彩擁兵不救為敵撫

佟國器此下原缺

皇明四朝成仁錄卷九

屈大均原著

葉恭綽校訂

海寧起義傳

海寧起義曰查美繼曰俞元良

查美繼字仲舍海寧人為邑諸生恂恂恭謹若不能言者聞國變義氣奮發散家貲巨萬起兵海寧以為魯監國聲援謁見監國授兵部職方司主事歸引兵與敵將孟某戰於海鹽通園敵不利欲退我師發巨礮擊之風反舟焚美繼死焉

俞元良字某亦海寧人崇禎六年進士海寧起義與美繼

皇明四朝成仁錄

卷九

三三 廣東叢書

同事城破自經死曰我勿負美繼相要也美繼者其高大父秉彝以戶科給事疏參嚴嵩父子廷杖幾死謫雲南定遠典史嵩敗起官至府尹者也

寧波起義傳

寧波起義曰馮元京曰馮京第

馮元京字躋仲慈谿人隆武初以貢生上書行在授監察御史奉命還浙募兵元京乃入餘姚山中與王完勳起義將以應水師肅虜侯黃斌卿富平侯張侯服兵部尚書張煌言謀攻寧波事弗克遂渡江而西再起兵戰敵於青山和平頗有斬獲敵援大至元京退保四明山中被執不屈腰斬死子亦殉焉

馮京第字某寧波人為名諸生魯國主授兵部郎中改御史嘗奉命同黃斌卿之弟孝卿往日本乞師時西洋教人與日本構難講解始退退一日而京第至方戒嚴於外國

皇明四朝成仁錄

卷九

三四 廣東叢書

以故不聽京第等登陸京第於舟中朝服拜哭不已會其國遣官行部至京第因致其血書然卒不得請而還在延平王軍中久後入四明山中起兵與虜戰被執不屈死

金華死事傳

金華死事曰朱大典

朱大典字延之號未孩金華人萬曆四十四年進士累官至兵部尚書敵兵至金華大典以大學士督師固守傾家召募敵攻之月餘不下以持久內潰敵以紅夷大破破之大典圍門縱火焚死其子師武進人鄭邵亦死陳本作

衢州死事死節傳

衢州死事曰張鵬翼曰張鵬飛曰張繼榮死節曰胥自修

張鵬翼字羽宸諸暨人以祖某軍功世襲某君弘光朝為總兵官掛淮海將軍印鎮守營湖射陽等處為中軍都督府右都督上北狩鵬翼罷兵以歸會紹興義師大起鵬翼破家資糾率壯健斬敵將自守監國駐紹興率師入援蒙慰勞特甚晉太子少師鵬翼感激知遇頗以中興為己任身先士卒每戰多所斬獲以功封永豐伯鎮守衢州浙閩要地以鵬翼老成宿將故委之重任焉紹興兵敗諸軍以次潰散鵬翼拒守尚堅標下副將秦應科等內應秦

本作城陷楚王樂安王晉平王皆被殺鵬翼與弟鵬飛繼榮被執大罵至斷舌聲猶不絕同日鸞死鵬飛字耀宇武舉人歷官永豐藩前鋒左軍都督府左都督繼榮字君實世襲歷官永豐藩掛鎮威將軍印右軍都督府右都督兄弟皆伯爵時督學御史王景亮亦不屈被殺

胥自修字二如江寧縣人萬曆四十年舉人後登進士初知曲陽縣陽陳本有德政為三輔最丁艱歸補宜黃以不能逢迎與上官忤降秩衢州府簡較陞光祿監事尚未離衢會國變聞自修具冠服北面再拜自是絕粒子弟微勸之不顧曰吾無他能惟一死以報朝廷耳城破不屈被刺死

浦城死事傳

浦城死事曰鄭為虹曰黃大鵬

鄭為虹字天玉未詳何許人原注云一云揚州人按張本

字明史本傳崇禎十六年進士隆武二年秋以巡按御史

與給事中黃大鵬駐建寧府敵至閉城發倉米庫銀犒軍

歡呼而去一郡以全八月十七日敵至浦城百姓哭請出

降為虹不可請其出走亦不可未幾敵大至擁見貝勒不

跪貝勒嘉之不忍殺勸之雍髮為虹曰貝勒不忠辱先不

孝忠孝俱虧雖生何用寧求速飲白刃髮不可斷也明日

復邀之責以輸餉為虹曰吾清白吏安所得金百姓爭欲

代輸之為虹又不可噴血大罵貝勒令斬之為虹大呼奮

躍奪刀自刺胸不死遂見殺大鵬同日死之都督洪祖烈

遊擊張萬明萬明子翹鸞為虹僕陳龍皆從死百姓為之

祠焉

黃大鵬字文若歸崇建陽縣志作字南溪建陽人崇禎十三年進士知

縣表烏有政聲擢工科給事中尋轉兵科左給事中明史

無左所條奏皆軍國大計侃侃不阿賦性孤介與同官少

所諧合尤以干謁為恥吏部門不投一刺權貴嫉之會有

旨以閩人在任者出巡各關大鵬得請崇安去方在浦城

敵至不屈與其子痛罵死之

皇明回朝成仁錄

卷九

三七 廣東叢書

天興死節傳

天興死節曰曹學佺曰傅雲龍曰胡上琛

曹學佺字能始別號石倉侯官人萬曆二十三年進士二

三東南紀事卷授戶部主事天啓元年分較南闈以文體

被彈對級調用補南京大理評事陞戶部郎中出為四川

參政轉按察使大計降調補廣西副使又以文字忤魏忠

賢罷歸崇禎初兩奉詔起用堅辭予告隆武之初上念先

朝耆舊首召用之補太僕寺卿晉太常抗疏直言無所隱

晉禮部尚書兼攝大司成南宮主冊立大禮兼翰林院大

學士掌蘭臺館事奉詔修天啓崇禎兩朝國史加太子少

保少保明史本駕出親征以監國御弟為託天興既陷學

佺走鼓山削髮為僧時有倡義者復請學佺為主學佺尋

自經佛前年七十有三三明史本傳作四 學佺嘗築石倉園藏書

先是天啓六年九月學佺為廣西副使有野史紀略一書

議論與要典相反上命削籍毀板他所著有五經註解精

於識緯諸子百家俱有采輯有廿一史重編十二代詩選

天下名勝志所刊書克棟動至數千卷人稱為藝林淵藪

喜施予為德於鄉嘗造洪山萬安潘渡三橋梁凡梓里有

旱潦飢饉必捐貲賑濟親友不能葬者皆為卜地有假貸

者不取償以故舉喪之日吊者數千人哭聲震天隆武二

年九月十八日也時通政使馬思理亦死之

皇明回朝成仁錄

卷九

三八 廣東叢書

四年改工部都水司主事進郎中出為副使分巡興泉道
尋進按察使加大僕寺少卿仍留任興泉故鄭芝龍門第
藉勢以虐民者多不可問雲龍下車繫教以法芝龍以是
憾之天興陷隱潛於山中尋為敵帥所得聞其賢以馬來
之入見不屈帥佯為縱釋而使健兒追殺之

胡上琛字席公

原注云一作建公

世襲福州衛指揮隆武二年天

興陷城守諸軍皆散上琛送其母入山徐與一妾飲藥而
死

皇明四朝成仁錄

卷九

三二九

廣東叢書

泉州死節傳

泉州死節曰蔣德璟

蔣德璟字八公

鄭案明史本傳作字申葆南疆逸史作甲葆明詩選小傳作若柳

泉州人

隆武初起德璟為大學士力辭行人以死請之乃至陞見
時首以清屯練軍為言尋與平虜侯鄭芝龍不合當是時

朝廷倚芝龍為重而芝龍桀驁至與閣臣抗禮出入呼殿

聲

呼鄭本

擬於警蹕視主上蔑如也

視鄭本

是君臣相

與猜恨

相與鄭本

上又殺其所善者陳謙芝龍益憤不平

遂有叛志自以兵不出關無以服物議乃分兵為二

三聲言萬人實不滿千而鄭鴻逵為大元帥出浙東鄭彩

為副元帥出江西上築壇郊外拜而送之既及關侯餉屯

皇明四朝成仁錄

卷九

三三〇

廣東叢書

駢不行上敦催再三乃不得已踰關行四五百里輒還

無五

仍疏稱餉絕逗留如故於是黃道周以大學士請募

兵江西德璟自請出關確察情形相機督戰上皆許之比

至則疲兵弱卒朽甲鈍戈一無可為者德璟告病歸九月

敵入泉州絕食死之

寧德死事傳

寧德死事曰湯芬

湯芬字芳侯明史本傳作嘉

外編卷二十九跋明崇禎十六年進士崇禎十六年進士初知山陽縣

為漕撫所糾巡撫史可法總河王永吉交疏訟之弘光初

陞戶部主事督理杭嘉湖蘇常鎮軍餉南都陷叛臣陳

弘範為敵安撫大將軍與芬夙好手書招之芬不答敵至

嘉興前吏部尚書徐石麒等倡義拒守芬父某分守西門

城陷死之芬益哀痛不欲生遂從海道涉温台抵閩朝見

思文皇帝思文皇帝嘗於淮陰識芬歡甚誥贈芬父太常

寺卿而授芬四川道監察御史芬以哀經辭然於利害大

皇明四朝成仁錄

卷九

三三一 廣東叢書

事知無不言諸勳爵惡之欲中以危地會閩陷芬避居嵩

溪被執敵撫張存仁說以天時人事將授廣東雷廉道印

芬固求死存仁憐之不忍殺比魯監國航海至芬潛往從

之授某科給事中尋分守福寧明史本傳作以監時海隅

義旗紛起水陸主兵者務相雄長將卒相攻殺芬切憂之

謂國家方用兵諸君正宜同心戮力以紓大難今不務公

戰而務私鬪徒勞無益適足以自戕耳道經寧德水添鄉

適水師麾下張雲飛與秦川麾下黃際盛陳兵鬪雲飛

求芬為解芬往見際盛說以息爭雲飛復哀甲出攻芬左

右皆逃散芬自謂無他端坐不動冀復進說際盛以芬為

賣己竟害之

贛州死事傳

贛州死事曰劉同升曰萬元吉曰楊廷麟曰郭維經曰

楊文薦曰胡重明曰龔芬曰姚奇胤曰黎遠球曰盧觀

象曰吳安世曰唐周慈

劉同升字孝則一字晉卿吉水人崇禎十年丁丑中進士

第一人即萬曆間探花劉應秋之長子父子鼎甲家計不

敷蓋以祖芳興為黎平理刑平反冤獄不下千餘累代甘

貧樂施故也同升官修撰以劾楊嗣昌奪情請福建按察

司知事尋復職十七年三月賊李自成陷京師時同升以

憂家居聞變痛哭幾絕檄告江西十三郡舉義復讐編素

別丘壘而出至南昌遇職方郎中楊廷麟大集紳士於滄

皇明四朝成仁錄

卷九

三三一 廣東叢書

臺祠為大行皇帝發喪竭吉誓師進發五月思宗立授同

升左中允廷麟左庶子俱辭不拜弘光元年閏六月紹宗

即位擢同升少詹事加兵部侍郎總理江西而廷麟以東

閣大學士召廷麟以國破君亡偷安海甸為非計辭不拜

初同升廷麟與贛督李永茂起義會有滇廣兵過贛因疏

留之滇兵者先帝時命中書科舍人張同敬用牙牌調發

入京兵未集而京師陷思宗朝復敕雲南巡按御史陳盡

押赴南京及抵江省南京已失退回吉安廷麟以客禮待

之滇將趙印選胡一青亦德廷麟奮勇建功頗多斬獲復

立忠誠社於贛州招致四方之士於是王其宏王其隆劉

明保彭曰趣等各率家丁自贛糧入社立功者幾二萬人

廷麟乃大享士於城西率兵收萬安抵泰和復吉安全郡
乃奉表至天興迎上赴贛隆武元年十一月永茂以憂歸
而萬元吉以總制七省至贛與同升廷麟同心規畫時永
寧王已復撫州建昌二府約同下南昌而同升以憂勞得
疾未幾湖東告潰十二月同升病革卒於粵都事遂不果
或曰同升殉難贛州證文忠有口翰集行世第四子李質
官兵部侍郎亦殉難廣西

萬元吉字吉人一字慎餘南昌人天啓五年舉進士歷潮
州歸德永州推官以精明敏練著聲崇禎十二年楊嗣昌
督師援楚疏請於朝陞大理寺評事監制諸軍瑪瑙山之
戰平東將軍左良玉大破賊獻忠斬首萬級元吉謀力居

皇明四朝成仁錄

卷九

三三

廣東叢書

多良玉心服焉獻忠與羅汝才合黨犯蜀元吉請檄諸將
間道出梓潼扼賊歸路不聽其後賊逸出豫楚嗣昌始悔
之嗣昌死元吉亦以內艱歸十六年補南京兵部職方司
主事明年三月京師陷與大學士姜曰廣等援立思宗轉
郎中疏請立大帥以圖恢復撤海師以固江淮又請復懿
文皇太子故號並遜國殉難恩卹皆廟席大議時江北兵
民挑釁彼此邀擊元吉自請行營詔擢太僕寺少卿監理
江北軍務會四鎮爭駐維揚梅文問闕元吉馳入其壁責
以大義多方排解諸帥乃和弘光元年五月南京陷襄皇
帝踐祚元吉奔赴福州廷臣共推元吉有文武才擢兵部
右侍郎督撫南贛兼七省恢勦諸軍事召大學士楊廷麟

入朝元吉代領其眾比至贛與舊帥曹志建等即日誓師
十二月移鎮吉安屢戰屢克明年三月有驕帥不用命懼
繩以法棄城走我軍勢孤遂敗元吉退歸皂口三日不食
將赴河死永豐知縣林全春勸之曰吉安雖失章貢尚存
公身繫安危義不當死元吉乃反贛州贛方大震有司攜
家深避元吉之僕以其帑間走南安元吉麾騎追還銅幣

公辟環之以薪而杖其僕以不請命之罪於是贛人志益
堅定高進庫以兵十餘萬猝至我師未集僅得鄉勇千餘
更番出戰城上礮木砲石雨下死傷枕藉敵氣大挫徙屯
下沙富元吉以血書四出請救七月吏部員外龔芬

明受明史元吉傳作水師帥羅明受率兵六千至文潭壩兩戰皆捷舟大
膠沙敵使善泗者鑿船因縱火以騎突我師遂大敗廷麟
時既內召聞報亟反檄總兵張琮張安率師數萬順流而
下與戰於河復大敗元吉與贛人相讐意氣不衰上嘉其
義下詔褒慰之凡贛民之老者賜酒脯壯者人進一級免
征徭一歲改贛為忠誠府加元吉特進兵部尚書太子少
傅爵忠誠伯子世廕元吉上疏力辭八月柯永威新至軍
遣人來語延平既陷車駕蒙塵勢去時窮不降何待元吉
數弩射殺其人時贛被圍已六閱月兵單食匱元吉恐人
心漸弛慰之曰事勢至此義不能生汝曹若悔當斬吾首
以獻保全一城性命贛人感涕嗚咽守禦益堅十月朔黃

皇明四朝成仁錄

卷九

三四

廣東叢書

霧蔽天雨雪交作陣士寒困會舟師失火延燒火器樓櫓
略盡敵乘夜潛上新易成卒比覺騎已畢登城陷士民巷
戰死者數萬城遂屠有死士數十人擁元吉東關渡河元
吉顧左右曰為我謝忠誠父老城破民亡元吉何忍獨生
遂投水死朔之四日事也年四十有四永曆元年詔贈特
進太師上柱國光祿大夫建極殿大學士吏部尚書進封
進賢伯諡文烈予祭十二壇遣官造葬教建特祠於贛又
傳旨從祀周濂溪祠子象玄象赤象黻俱世廢錦衣衛指
揮餘事餘自楊廷麟以下恩卹有差

楊廷麟字伯祥別號機部清江人崇禎三年以貢應南闈
試中式四年倪元璐為同考官以第一人薦主考周延儒

皇明四朝成仁錄

卷九

三五 廣東叢書

不允置之第二選庶吉士改編修十年分較會闈十一年
晉經筵講官時楚寇張皇詔遣閣臣為督師廷議稱廷麟
知兵加兵部職方司郎中出為軍前贊畫弘光元年六月
南昌陷敵騎直抵萬安所爭者在贛水口時廷麟與大學
士劉同升李永茂吏部尚書郭維經等倡義恢復吉安萬
元吉從行在至贛而永茂以丁艱去同升以勞瘁薨是時
廷麟內召聞吉安警留駐贛州城外日上疏言援吉防贛
事宜吉安失守廷麟調張安等兵至贛再戰再敗遂入城
與元吉同守贛者其力為多城陷死之永曆元年追贈新
淦伯諡文正其門人彭銳字魯菴寧都諸生廷麟初舉義
湖東恢復吉安所屬州縣銳從幄中贊畫以糧盡援絕廷

麟屬孤於銳銳矢必全之廷麟死事後銳挾其孤逃之深
山與虎豹爭其軀命與捕健差其後先幾不獲免朝士嘉
其義上之得授職方司主事銳嘗疏表廷麟大節及請卹
殉難諸臣再轉本部郎中奉恩誥歸壽其母永曆四年春
寧都陷或勸之降銳曰吾以諸生蒙國恩可謂不次顧不
得如盧子占耶方從楊公於地下矣冠服北拜與妻李氏
同縊

郭維經字六修號雲磯龍泉人天啓五年進士初授行人
崇禎初明史本傳作崇禎三年擢南京監察御史掌河南道巡視下
江兼理屯田馬政諸大猾根株連結鋤治不少貸吏部尚
書王永光朋比罔上極論其推陞不法數事上鑄永光秩

皇明四朝成仁錄

卷九

三六 廣東叢書

並黜維經所糾不應推之兩廣總督尹同臯邊撫楊述程
維經又疏劾大學士溫體仁不職請即罷作上欲以禮終
始大臣下旨切責撫寧侯朱國弼自倚勲臣事多不法維
經條列數十罪上之時四方多故徵發旁午餉餽弗繼守
令以催科為能維經請蠲積逋以收人心以固邦本凡數
十疏言皆痛切懇至上雖不能盡用然常念其忠謹意特
眷注之丁內艱歸服闋以上命趨復原任未幾以疾辭簡
討汪偉以闖獻二賊肆逆請建閩於江楚間舉人望所屬
堪倚大任者四人推維經及袁繼成成德上以維經久弗
赴召遂用繼成開府潯陽十六年冬起用為原官弘光初
授應天府府丞改大理寺少卿晉詹都御史協理院事馬

士英朱國弼群奸擅命將昇阮大鍼以軍政因授兵部尚書維經疏言先皇帝親定逆案大鍼實為渠魁今加之重任無論駭四方觀聽如宗社生靈何疏上即引疾歸父老子弟遮道哭留沿江濟大慟而大鍼則已遣賊遠劫於江上矣微服奔望江縣僅以身免隆武初即宋拜工部侍郎於途轉兵部侍郎至天興晉兵部尚書兼吏部尚書總師援贛維經受命沿途募兵得八千人六月至贛亦入城同廷麟元吉為堅守計十月四日城陷死之長子應銓字甄孟次應銜字平仲姪應煜字扶生皆貢生隆武元年冬俱授車駕職方郎受命募兵扈從以道梗聚兵邑中自守敵招之不應敵吉安守將劉一鵬賄其中軍劉金因得以間

皇明四朝成仁錄

卷九

三七

廣東叢書

道破其營壘應銓策馬突陣墜崖而死應銜被執一鵬以禮待之曉譬百端終不聽巾服言笑自若也械至南昌敵巡撫章於天提督金應桓解其縛勸降又不聽益奮罵於天帳然歎曰便宜此後生作一奇男子去也臨命引頸受刃顏色不變時年二十八應煜為敵巡撫董學成所殺有諸生彭之珩者字惠生高進庫兵至不屈維經之門人也楊文薦字又如明史本傳別號客有京山人崇禎十六年進士授南京武選司主事明年三月京師陷烈皇帝崩文薦徒跣走孝陵恸哭仆地不能起見者傷之弘光初文薦在散曹奮然抵掌談邊疆大事馬士英等嫉之南京陷文薦奔杭州旋入天興伏闕下口畫立國規模戰守形勢一

時主臣環拱而聽授兵科給事中尋陞本科都給事文薦以閩疆僻陋諸事草創將驕兵情孤危無倚日繕疏條奏中外機宜剴切指陳執政左右多側目以為不利於己卒擢之於外隆武二年丙戌春奉使出承天道錄江右至贛水時萬元吉督師贛州聞文薦至喜甚特題文薦兵部右侍郎兼都察院副都御史巡撫南贛文薦已卯出元吉門其忠義饒膽略元吉素知之故引與協守云贛州圍久文薦日夜登陴裹甲而卧以忠義激勵將士十月三日夜半城陷率狼兵數百人巷戰黎明左右勸之從西門突出文薦曰城亡與亡去將安之揮令散去遂自投於園池為一騎兵所挽得肘後印驚曰是巡撫楊公耶執至南昌敵提

皇明四朝成仁錄

卷九

三八

廣東叢書

督某親解其縛曰公守贛撫臣非某等敢行加害必請於經略上聞公宜識時毋徒自苦為也文薦曰吾奉君命守贛城亡則死毋多言懸我頭於贛西門以謝贛人吾志畢矣絕粒數日不得死使者以酒殺進揮之或時推案撞碎之日狂呼以頭觸柱或自投於林冀折脅死嘔血日數升間慷慨悲吟以所唾血於壁上淋漓書之形枯骨立鬚眉脫落明年元旦自知不起強扶下榻南向哭拜畢就榻整冠正襟襦而卒文薦事親孝癸酉省試聞父病馳歸母疾篤刲股以進鄉黨皆稱之其忠蓋有本云著有聽湘集胡重明字蓋卿鄱陽人繇貢為贛州教授攝府事城陷自刎於堂上

龔林字仲木新建人崇禎十六年進士初授廣州府推官
巡按御史王化澄委之察覈數十年積案決旬清結以治
行最擢吏部驗封司主事轉員外隆武二年贛州告急芬
與監軍御史姚奇胤職方主事黎遂球糾集水師數千人
分為五營兼督副將黃志忠兵三千游擊羅明受兵三千
度嶺援贛贛死之

姚奇胤字有僕錢塘人崇禎十三年進士知南海縣陞監
軍御史同龔芬黎遂球率水師援贛城陷不屈死永曆二
年十一月十七日奉旨龔芬姚奇胤以死勤事著與贈廢
誥命

黎遂球字美周番禺人天啓七年舉於鄉崇禎中詔行保

皇明四朝成仁錄

卷九

三九

廣東叢書

舉參事陳子壯薦之遂球以母老辭京師隨遂球聞變亟
破產治鐵銃三百餘函及火器藥弩之屬解赴督師史可
法軍以佐北征之用復上書當事請儲餉練兵以保粵會
而躬詣富家巨室勸輸公弩激揚忠義一時勤王之士因
而興起當事大夫倚重焉南京陷建議迎立桂王桂王今
上之考也既聞思文皇帝即位喜曰高皇帝九世孫也大
學士何吾駒起首輔遂球草中興碩畫十事以援贛為先
吾駒以聞上命遂球以兵部職方司主事練習兩粵水師
帥之援贛時隆武二年四月也贛州圍急遂球與主事龔
芬御史姚奇胤副將黃志忠游擊羅明受推官歐宗賢提
水師數千度嶺既至贛約連諸部為水陸夾攻之勢文潭

壩之戰明受先鋒所殺傷首虜亡慮數千舟大水淺膠沙
被焚遂球方與志忠督兵城下合總兵張琮張安援兵大
戰三日敵屢口挫相持甚急明受兵既潰敵將高進庫提
兵十餘萬并力來攻琮安等眾寡不敵亦遂敗狼狽兵聞
之逗留不進遂球軍孤乃入城與萬元吉等為死守計敵
連營數里為長圍日夜益兵遂球督發石車火箭之屬逆
燒攻具敵人死傷蔽地章水為丹贛城故高峻三面據險
號虎頭城民人率懷忠負義無老少來壩決命以樓櫓為
家遂球與元吉等鼓厲有方日以數千人更番出戰兵一
民三爭先死敵遂致大斬首功敵計窮知無懈可擊撤兵
屯下沙窩八月車駕至延平御營驚潰敵語以國滅主亡

皇明四朝成仁錄

卷九

三〇

廣東叢書

不下何待遂球與元吉等憑鬱孤臺罵之敵將柯永盛新
至窮極攻擊十月三日夜黃霧蔽天風沙大作陣士對面
不相見而號礮暴發舟師失火延燒火器樓船至盡礮聲
震天諸軍崩恐煙霧中相踐踏敵乘間上城斬易塚夫城
中大亂遂球率死士數百奮呼巷戰脅中三矢墜馬騎擁
其衣見所佩敕印曰官也遂球大罵被數刃以死年四十
有五弟參將遂琪亦同死遂球嘗有從軍詩云壯士血如
漆氣熱吞九邊大地吹黃沙白骨為塵煙鬼伯欲復原心
苦肉不甜城垂破猶吟咏以自壯也今上即位詔贈大僕
寺正卿賜祭葬蔭一子入監讀書又詔以遂球與元吉廷
麟芬奇胤為五忠敕建五忠祠於贛明受字四維番禺人

初為海盜遂球言其驍勇請副使湯來賀招之使擊白旗賊蔡國忠以自贖國忠不題授水師遊擊文潭壩戰賊脫歸廣州將紉花山之眾圖再舉為警所害家賢字天駒南海諸生狀貌瓌偉才武遂球薦授監紀推官賴陷與弟思賢同戰死遂球善屬文著有蓮鬚閣集數十卷又文物當名若干卷

盧觀象字子占贛縣人以貢入南雍再試不第謁選得河間管河通判天啓元年改天津衛屯田判官陞河南清軍屯田同知四年再轉左軍都督府經歷遂乞休致先是萬曆中邊事方殷轉漕不繼戶部尚書汪應蛟巡撫畿南始創屯田之法已而以潦中廢歷十餘年左光斗繼任議修

皇明四朝成仁錄

卷九

三三

廣東叢書

屯政觀象佐之張慎言嘉其才特題本府軍田同知疏曰管河通判盧觀象者身任屯事條為九議一原始末辨壤地以明初開之繇二准得失破舊議以明不應廢之故三祖舊議亟濬築以圖不廢之基四立章程召佃種以圖長興之業五立官莊廣陸種以資大行之籍六立勸諭示補償以佐始興之缺七稽舊弊置農器以備大興之用八簡賢能專事任以廣長興之治九歸誅賦明輸納以安佃種之心前屯臣已具疏以聞矣乃論者謂濱海斥鹵水旱不時勞不補費然觀象業有成算早夜拮据及秋納稼獲稻穀三千二百有奇秋粟二千四百有奇凡耕熟水田六百五十畝旱田六千一百五十畝基造官房廬舍園房祈穀

壇廟百有餘口他如築圍濬海開河修隄水車岸斗之制皆有法今觀象經營與前九議若合符節且津門而南數萬頃固不論如河間之龍化橋任丘之隄北交河之高川獻縣之淮鎮青縣之濤沱靜海河西之王家口子牙河皆可用津門之法將三輔汙萊沮如之場盡為崇墉櫛比之區是漕轉江南十鍾僅一石畿輔一石可當十鍾矣疏上觀象晉階同知值璫執方熾觀象懼禍遂以左軍經歷致仕崇禎初袁崇煥經略九邊道過贛郡觀象與之忼慨談兵崇煥自以為不及欲屈之幕中不答十六年秋賊張獻忠破袁州吉安傳偽檄至贛郡人危懼觀象力議斬其使倡率拒守賊遂却弘光初上書馬士英謂今國家根本無

皇明四朝成仁錄

卷九

三三

廣東叢書

過江東而扼要尤在淮濟徵兵置戍經歲不集蓋若急募津淮一帶鹽徒可得數萬其人勇毅敢鬪更訓之以方用其人以守其地則聚而難散且出沒泊汭間示以不測我兵又得所恃江東可長保也士英不省敵濟河渡江所至莫有當者贛圍急觀象力疾行間七閱月城陷冠帶北面謝率家人四十餘口至圍西池上一子最少名九年十四先赴水妻妾婢僕咸相繼死觀象乃自投池中時年七十有四

胡安世字求寧汀州歸化人諸生隆武二年大學士楊廷麟疏薦請以推官銜監紀命下即日就道時廷麟在贛州圍中央安世至渡河入見多方畫策廷麟甚倚之十月朔外

攻益急安世力疾登陴礮中左膊嘆曰吾死矣君恩莫報呼左右為正衣冠扶而北拜拜已遂死年五十有三妻朱氏被執自絕飲食者八日無何發演武場會大風雨主者有封刀之令遂免安世喪還朱氏撫棺大慟嘔血以死唐周慈字穉純零陵人氣志慷慨尚理學萬元吉司理永州甚器之崇禎十六年流賊入湖南官民驚潰周慈倡募義士走粵乞師恢復永州元吉開閩贛州周慈往謁元吉承制署贛州通判委以司餉城陷與元吉同沉於江屈大均曰温蘭曰忠誠自四月被圍至於十月四日以其創殘飢羸之餘堅守半載上下一心効死勿去蓋自敵入中原攻之久守之堅未有若斯城者也乃或謂萬公吝賞

皇明四朝成仁錄

卷九

三三三

廣東叢書

興國死節傳
興國死節曰姜一洪
姜一洪字開初會稽人鄞案浙江通志作餘姚人萬曆四十四年進士初以武學教授遷國子監博士陞禮部主事調吏部考功司郎中皆南京間曹也久之改江西副使分守九江道駐節饒州捐去苛細一切以寬簡治之令有司崇尚德教察鄉民孝弟力田者核其實府縣敦促赴道治一洪降階勞問賚金帛獎厲鄉民聚觀無不相勸為良者良鄞本饒俗多溺女以故女少士民或中年不得配又惑於形家言停舊木不葬下令溺女與殺子同律停舊木與暴棺棄屍同律里鄰不舉坐之舉鄞本居三年大治遷河南禹州分巡道右參政值霖雨河決民大飢流賊犯鄰郡飢民多揭竿應者縣捕之急捕逃滿道路一洪設法以賑民稍還里賊逼葉縣及鄆陵見所在有備不得入賊帥老回回分犯河北回鄞本巡撫樊某以軍事屬之樊鄞本一洪遣老弱張幟分布要害而自將步卒千人前行賊詢之知一洪能軍舍之去遷福建按察使遷鄞本以勤慎自持八屬肅然凡滯獄疑讞立為之決囹圄皆清遷廣東右布政司使職兼清軍清核得千餘人別立隊伍訓練之既而進左準量平衡官吏輸餉者餉鄞本朝至夕發完納甲諸省入覲舉廉卓報歸甲申國變思宗立推太僕卿不赴紹宗即位於閩乃亡從之連進吏部右侍郎戶部尚書值滿兵踰浙上

皇明四朝成仁錄

卷九

三三四

廣東叢書

使平虜侯鄭彩守關自將兵三千從延平移之汀州命一
洪前行峙糗糧以俟而仙霞兵潰上潛幸不知所之一洪
徒步次興國榔木村去贛百餘里仰天嘆曰嗟乎天意如
此偷生何為遂赴水死鄒崇禎浙江通志時隆武二年丙戌
十一月六日也諸生鍾國士哀之與榔木巷僧了緣為舍
殮如禮口一洪友胡重明教授贛州聞一洪死大哭三日
城陷自刎於明倫堂

福州死事傳

福州死事曰吳聞禮曰楊履園

吳聞禮字去非休寧人東南紀事卷四作錢塘人結埼亭

年進士崇禎十六年進士乞假省親明年春明年春歸京

師隨與同邑學士金聲鄒本作聞禮謀起兵不果弘光元

年五月弘光元年五月南京不守列郡以次潰陷聞禮奉

其父母南奔福州母程氏以年老不欲遠行聞禮留其兄

事之至福州授某料給事中鄒崇禎某料南疆隆武二年隆

武二年鄒本晉都察院僉事口口奉使建寧福州陷走依營

北恒於銅山敵跡之又走張村被執脅降不屈死之結埼亭

云休寧吳聞禮殉水豐年三十四後三日鄒本無家人購

其首以歸雙目炯然猶視合諸體良是乃癸十一月十七

日也十七日

楊履園字萊民福建海澄人海澄原作鎮貴州按察使聯

芳之子也崇禎十七年崇禎十七年京師陷履園年二十

有一為諸生慷慨有殉難心以父年老不果隆武二年隆

武二年鄒本聞關不守與其死決思相持慟哭謀所以不敢

生未得也未曆元年秋鄒本作閣部能汝霖奉魯國主從

南東退師順流下掠太武集戰艦圖復濱海署履園兵部

職方司主事履園召募山中寇期應之事未就有宋琳者

佯與約結要金五千未之致竟泄其謀於楊鎮帥履園被

執至學宮挺立中階下拜先師起號高皇帝烈皇帝而不

跪帥怒鞠之但言不願作兩朝人物事之有無不必問也縱步安閒視琳在側若無見也帥置之獄更定遣私人回朱姓者出之誘以要賂履園未至學宮朱姓從後害之年二十四妻蔡氏知事之泄就井婢抱持之曰腹中有姪倘禍不及家人幸生男忠義有後蔡乃止歲乙未冬逃亂海濱騎碎至蔡持匕刎頸未斷以右手指探喉將鉤而絕之指入而仆騎見之怒揮刀裂其頂又斫眉斷耳死矣已頃騎退有醫郭梅台者見之歎曰有忠臣必有烈婦不暇自尋其子女招一道婆扶而納之牀登山採龍舌藥敷治之夜半甦閱十日遂痊愈起如平人年至七十餘子有兩孫蔡能詩有招亡女一篇漳州人傳之其弟名隸字中肅龍

漢人戊子亦以諸生從兵部盧若騰軍署贊畫兵敗死於施氏之水時年二十

前廣州死難諸臣傳

前廣州死難諸臣曰蘇觀生曰霍子衡曰梁朝鐘鐘原
據明史諸王列傳曰梁萬爵曰余述之曰馮協颺
明紀及喻園集曰蘇觀生字宇霖東莞人年三十始為諸生提學曾化龍愛

其才擢充拔貢崇禎十年工部郎中張一鳳特疏保舉授無極知縣無極兵火之餘邑無城官無署觀生悉心安撫立堡築城期年流亡畢集以卓異陞永平清軍同知加銜戶部員外督餉登萊海上監紀天津衛水師十七年三月京師陷賊李自成所署偽官至天津觀生執而戮之率輕銳數百人航海而南思宗立陞戶部郎中督理蘇高常鎮四府糧務太監高起潛疏薦授監軍副使弘光元年五月敵薄南京忻城伯趙之龍先為降表邀朝列署名觀生弗署單舸走浙中道過唐王王日角龍顏生有奇表又天姿英毅睿哲寬仁觀生知為中興令主因與總兵鄭鴻逵等奉王入福州觀生首定大策文臣黃道周張家玉武臣鄭芝龍鄭彩等贊之王遂以閏六月七日監國二十七日即皇帝位是年乙酉改為隆武元年即弘光之元年也晉觀生吏部侍郎兼東閣大學士總樞機務賜銀章一其文曰天賜忠臣尋命提督儲賢館分文武十二科惟觀生進退會靖江王兵起觀生授計廣西巡撫瞿式耜使其黨執之上以觀生有定變功益深倚任觀生疏言今者內患雖寧外憂方大然閩中門戶競起將相不知諸勳臣爵皆五等

富貴已極無復有雪恥復讐之心非皇上親總六軍以張
天討恃彼二三庸懦首鼠不前勢不能恢拓皇輿尺寸請
即先幸贛州據三省咽喉以為進戰退守之計上是其言
諭之曰朕不入閩不與朕不出閩不成命觀生先往贛州
修繕城池以待加觀生吏兵二部尚書太子少保武英殿
大學士使瞻奉南北帝王山陵安定楚豫兵民經理浙東
文武聯絡川廣兼督閩粵雲貴軍務救廣東歲解銀十萬
兩聽觀生軍前支用文武自道府副將而下得專生殺除
授賜上方劍便宜行事祖之殿門諭之曰先生清端有操
沉毅善謀朕以師尚父相期燕罷君臣揮涕而別是時南
昌吉安並陷敵騎將窺贛州觀生至贛會大學士楊廷麟
皇明四朝成仁錄 卷九 三三九 廣東叢書

兵部侍郎萬元吉亦至觀生遂移節南安督催諸道官兵
厚集贛州為固守計二年九月車駕親征至上杭為敵所
襲御營十萬餘人不戰而潰次輔楊鴻請服衮冕以代上
微服行諸臣或遁或降已而贛州亦陷觀生聞變欲赴潮
州迎駕不果乃返廣州聞桂府永明王監國肇慶尊上為
思文皇帝觀生喜曰國有君矣遣兵部主事陳邦彥奉箋
勸進且請東幸廣州初兩廣總督丁魁楚以除靖江謀逆
功封平粵伯而觀生驟起諸生以除定策入閣柄用書牒
往來責望疑似之間遂成嫌隙至是聞觀生旋師懼其逼
己因奉車駕遷梧州會思文御弟唐王聿錫者據明史訪
王列傳蘇觀生 至自閩中觀生因迎立之以十一月朔即

位廣州明紀云十一月癸卯朔謂永明王今始監國我既
立君則永明王必將退守藩服此先發制人之舉也始今
上之考桂王自衡州避賊梧州思文未立粵之人欲奉桂
王王固執不可上有異表入朝於天興思文見而嘉嘆稱
有人君之度封永明王上杭之變或傳思文潛入於海粵
中臣民咸擁戴上是時桂王與上兄安仁王皆已薨逝而
上辭讓再三寧聖慈肅皇太后曰國口患小以吾兒過於
仁厚非撥亂才吾母子播遷及此國朝夕自全耳宗廟之
事願更擇能者諸大臣叩首力陳天序懿親人心繫屬以
承顯皇之耿光以紹成宗之大烈今王是賴當此宗社傾
危之際不宜久示謙退使神器無歸本支不接以失四海
皇明四朝成仁錄 卷九 三四〇 廣東叢書

臣庶之望王默然又數日乃許監國先是邦彥至梧州上
啓箋勸進而夕聞唐王僭立舉朝且疑為間既召對答奏
忠誠上始信之命齎敕書還諭邦彥遺書觀生謂朝廷將
召楚師發狼狽兵悉會廣州城下不獲已則寧撤南雄成
守旋兵內向我能代彼拒敵取若能削號歸藩不妨盡疆
為界今敵方窺伺門庭而我乃相殘堂與所謂為秦相割
而秦曾不出力為秦相烹而秦曾不出薪者也今羽林之
軍已下荊羊峽矣梅嶺之兵亦相次返矣公之諸將亦有
如龍倫却時登趙千駟劉昌業趙繼宗李志義其人者乎
早魁楚有辭於上矣曰輔臣蘇往與臣心嫌比相見紅梅
已推誠投分臣心折其為人瀕行又謂邦彥曰有如此河

必無相貳都督侯性則曰臣願以百口保蘇輔臣然則公亦可以釋然於心矣公今定策兩朝竭忠所事其將為一己之私乎抑為二祖列宗出其心力乎觀生得書不省初唐王至廣州志在避敵亦以為思文皇帝在焉及是僭位甚不怡先是霖雨積旬至十一月朔而霽天日煥然異雲鬱起群小訕然皆謂興主之符也即日爵觀生建明伯治本兵事遷顧元鏡東閣大學士與關捷先曾道唯王應華等並入內閣分攝六部尚書事於是上命兵部侍郎林佳鼎率總兵成大用李明忠等以舟師問罪廣州觀生遣所署總兵林察拒戰於三山口佳鼎為察所賣一軍覆沒觀生於是志益驕方是時廣州劇寇陸有花山水育石徐鄭

觀生過吏科都給事梁荃曰聞主上蒙難有諸吾等死耳荃曰然觀生入東房荃入西房拒戶久之觀生度荃必詐稍留聽荃荃故意抗喉呢呢作死聲伴推藉足几墜地久之聲寂然觀生乃書壁上曰生既無成死亦萬古原注云一作苦節報高皇恩憐老母東南紀事云乃大書大明忠臣義士固當死九字於壁遂縊而死明日荃獻其尸以降捷先道唯等並降元鏡為養甲所寵則大書其門曰大清學士云觀生死年五十無子有僕木進隨玉田人亦縊於側

霍子衡字覺商南海人漳州同知騰蛟之子繇萬曆三十四年舉人任海康教諭陞國子監博士戶部司務歷主事員外郎中出為袁州知府清約愛人甚有聲流賊陷城脫

走歸廣州隆武二年十一月唐王立起太僕寺正卿次月望敵兵潛襲廣州破之王及於難子衡與甥梁朝鍾慟哭相訣乃謂諸子曰吾國之上卿君亡與亡吾今從君汝曹亦當從父皆哭拜曰如大人命諸媳姪亦皆如命子衡於是朝服望闕北拜次向宗祏拜季子應芷之妻區氏請曰御大夫之家不宜無後死易託孤難耳公有媳三而一媳無子今有子之二媳宜留無子之一媳宜死惟公命之時子衡長子應蘭有子二仲子應荃有子一皆幼故區氏以為言而應蘭之妻何應荃之妻徐皆慷慨與區氏爭死莫肯獨生子衡乃命長媳何氏留撫諸孤且須與死須上張本有綴字旦日子衡步過鄰人辭以死應蘭亦往鄰人止之曰子

家尊受國厚恩子可無死曰父死君子死父奚為不可應
 荃應並繼至皆辭鄰人大驚往視之子衡方與諸子列坐
 後園池上鄰人至執手笑語揚揚如平時有頃報騎入子
 衡揖別曰行矣遂躍入池妾莫氏繼之應荃與徐氏繼之
 應並與區氏又繼之應蘭大書壁上曰為臣死忠為子死
 孝為女死節以報國恩顧謂其女十姑曰汝雖幼獨可以
 不死乎以腰帶擊之赴池莫氏女奴掌年方十餘後至哭
 曰娘何不待我亦赴池死明史子衡傳云應蘭惜妻梁氏並死於是霍氏一
 門死者九人子衡一此字疑誤妾一子三媳二女孫一婢一嗚
 呼其大可哀也已足為城陷之次日越二日諸屍浮出莫
 氏並子衡徐並應荃區並應並十姑則並應蘭女奴掌並

莫次序不亂顏面如生衣冠整然敵帥驚異之榜曰合門
 死節之家應蘭字偕生應荃字仲偕應並字季偕皆府學
 生員永曆二年詔贈子衡太常寺正卿三子皆贈禮部主
 事妾媳女孫皆贈孺人廢孫履道入監讀書蓋何氏撫之
 得全生者子衡既死越九月從子師連以戰死清遠越十
 一月從孫達芳以全髮不屈死廣州人謂霍氏一門先後
 有光云
 梁朝鍾字未夫番禺人崇禎十五年舉人曾祖士楚以知
 縣從總兵官戚繼光討倭有功超擢貴州參政祖父俱名
 諸生朝鍾生而聰慧十歲即能為詩古文有奇童之目為
 人做儻不羈敏口善辯雖在尊貴人未嘗少屈都給事陳

熙昌有從子奪其祭曰有司不能直朝鍾方為白衣童子
 輒投書譙讓熙昌熙昌大驚造謝曰子天下士也後知縣
 張國維試童子熙昌特書薦之曰是當為予然董賈之流
 邑中材士無與比國維閱其文果善拔置第一嘗赴鄉闈
 策論所言天經地理絕與博主司疑以為老出聞乃英弱
 士自恨失人請相見朝鍾弗見也兩廣總督熊文燦延為
 兒子師長揖軍門角中傲岸時贊議機密多見採用文燦
 甚倚重之崇禎十二年文燦奉命督勦流寇與之偕行至
 安慶辭歸史可法馬士英阮大鍼皆嘗下交朝鍾弘光初
 三人皆欲疏薦於朝辭之隆武元年蘇觀生當國亦徵朝
 鍾又有特薦纂修國史者並辭之謂容曰吾頸有刀痕寧
 見否客大驚訝朝鍾曰今日事行將及矣二年冬唐王僭
 立廣州授翰林院簡討有賀之者曰國事至此朝鍾官亦
 死不官亦死是當吊之何賀為尋遷國子監司業明史諸
 王列傳
 作祭 聞惠州陷與其舅氏霍子衡約死十二月望敵騎
 破廣州朝鍾赴池池水淺僅僕掖之以出俄而兵入室中
 叱使歸降朝鍾大罵被斫數及不死展轉地上兵去匍匐
 取小刀自割以死年四十有五當城未陷朝鍾數謂其門
 人曰汝輩今欲成仁乎城陷衣冠赴泮池而死斯成仁矣
 其志如此
 梁萬爵字天若番禺人少貧傭書養母弟萬宗負販佐之
 以孝聞隆武元年舉於鄉唐王僭立官拜行人司行人敵

兵且至謂其次曰賴國家之靈苟竊一命以慰老母事不濟則宅後有池惟君收吾骨焉廣州陷遂辭其母以死越日萬宗歸見兄浮屍池上擣首慟哭亦就其旁觸死

余述之廣州西濠里人初為守備一日新沐謂人曰禿賊若來吾與是髮俱古矣人莫之信比敵人入廣州諸軍無與戰者述之獨率數十人巷戰斬敵御史一人騎四人於東門內力竭躍馬冒陣而死同日廣州左衛指揮張啓賢與其子某衣冠投井死左衛達官指揮羽騰龍自縊死啓賢字象之騰龍字冲漢

馮協颺字悅賡南海人廩生廣州陷拜辭其父以死其父曰當路公卿大夫受恩深矣猶有所待以庶幾一當書生

皇明四朝成仁錄

卷九

三四五 廣東叢書

今何為者曰彼等烏知大義兒志決矣哭而入疾驅妻女入井而自懸於樹其母救之未死旦日敵兵入室勒其父金帛不得殺之協颺慟哭曰吾縱不死於君寧可不死於父乎於是又縊家人救之則自齒斷其舌以血作絕命書卒縊而死同里監生周書聞之亦縊書字刪父副使裔登之孫父舉人夢鯨

屈大均曰前廣州死難者何死僭國之難也言僭國者何以唐王不當立而立故謂之僭也當是時上而監國梧州諸藩王皆同心翼戴奉以為君矣唐王不能力辭諸臣之請遂爾稱戈鬪鬪骨肉相殘是唐王者二祖列宗之罪人非惟上之罪人也而諸臣陷唐王於不義抑又唐王之罪

人也傳曰觀過知仁國不可以一日而無君使觀生不上箋監國則唐王嘗受思文之命居守天興兄終弟及其亦何病焉惜也朝勸進於西而夕擁立於東干戈相見禍起蕭牆竟以堂堂天朝拱手而與讐敵也觀生一死誠不足以塞責然而死雖為唐王亦為二祖列宗其擁立也私其死也公則謂之忠也亦可自子衡以下皆仕於唐王以死者故合為之傳

皇明四朝成仁錄

卷九

三四六 廣東叢書

督師死事傳

督師死事曰黃道周曰傅冠曰何騰蛟曰揭重熙曰陳瑾

黃道周字幼玄明史本傳號石齋漳州鎮海衛人天啓二

年進士選庶吉士陞編修逆黨魏忠賢始橫同館文震孟

疏論之例經筵展書官手書膝行道周以講筵道尊平步

而進忠賢目攝之不能難久之以東林見廢崇禎二年

起故官明年出典浙江試晉右春坊右中允疏救舊輔錢龍

錫坐曲庇錫級龍錫竟以得減死論道周垂出都明史本

年正傳作五以易數上陳忤旨褫職五年起論德掌司經局事時

廷議反復至以東林比崔魏道周切指時事疏入忤旨罷

皇明四朝成仁錄 卷九 三四七 廣東叢書

歸九年起復原官因星變請平大獄求直言謂五月朔夕

榮感與日同在鶉首參火之分三辰皆火也又以朔夕合

火宜修平火政稍節威光使火不為厲明春榮感在於大

火徘徊氏房心尾之墟宜慎火器巡瑟戎務十年同考會

試歷詹事府少詹諸所論奏如慎喜怒回天省刑補牘惟

申明司經掌職稱旨六月兵部尚書楊嗣昌改禮部兼東

閣大學士仍署兵部七月命嗣昌大祀大慶暨傳制頒詔

諸大典不與朝議召見如常服隨班時嗣昌母服方五月

工科給事中何楷劾嗣昌上切責之先是吏部會推閣員

止及詞臣資序上不允命并在籍守制者蓋嗣昌為陳

新甲地也己而特召新甲為兵部右侍郎總督宣大道周

上言臣雖懦弱然自二十躬耕手足胼胝以養二人迄四

十餘削籍後徒步負擔一二千里不解雇屨今雖逾五十

然非有妻孥之奉婢僕之累所纂書數卷已移月可畢筆

札千楮均為報恩天下即無人臣願輟清華以執鎖鑰何

必破非常之格拔不祥以玷皇化哉方今榮感漸次箕尾

是為燕分九十月交當南斗口思患預防聖人之所垂戒

上不憚一日召對道周顧極詆嗣昌奪情非孝上怒謫道

周江西布政司都事明史本傳作殿道周六修撰劉同升

趙士春都給事何楷試御史林蘭友各疏救之而劾嗣昌

俱謫調有差適解學龍巡撫江西甫入境疏道周忠孝之

至詔道周與學龍並逮主事馬思理董養河等相繼疏救

皇明四朝成仁錄 卷九 三四八 廣東叢書

皆得罪既入都與學龍並杖八十案以偽學欺世律大辟

學龍坐褫職刑部尚書劉澤深力請減戍不得部臣葉廷

秀者故不與道周交復直之疏論痛至並逮廷秀杖之削

籍為民明史道周傳云戶部主太學生涂仲吉袖疏詣通

政司格不得上仲吉並逮劾通政使施邦曜疏聞廷杖論

戍邦曜坐落職道周下獄未幾河南府陷福忠王殉之嗣

昌以失律喪師自殺上內念道周之非妄會周延儒復起

見上陽為不知道道周者曰聞道周博學負文名陛下宜自

赦之使天下驚聖度汪洋上是之尋復其官並赦為道周

而得罪者比召對退而復陳口口以為今日憂建州甚於

憂寇須寧錦練大師八九萬為要著謂門人曰關門以外

甚可慮也復謝病去弘光初徵為吏部右侍郎右明史本傳作左

進禮部尚書陸見痛哭曰願陛下無忘高皇帝陵寢出徒

步往哭孝陵聲動行路知事不可為自請祭禹陵而私製

縞衣刺大明孤臣黃道周七字於其上曰江南必敗以此

識我屍也未幾南都果失襄皇帝立訪耆於張家玉家玉

以道周對上曰得此商彝周鼎當為廊廟羽儀乃以武英

殿大學士兼吏兵二部尚書召道周密陳鄭芝龍不可恃

芝龍固素憾道周益不為用隆武二年春奉命督定虜侯

鄭鴻逵師北進道周檄所知數十人與俱遂與鴻逵趨浙

開化鴻逵遂巡不即前道周儒憤披褐手持小幟以二十

騎為先甫入婺源界憩古廟中敵探騎至遂以二十人去

皇明四朝成仁錄 卷九 三四九 廣東叢書

不知其中有道周也道周曰勿多求所謂黃閣部此是矣

鴻逵懼難髮棄師遜二十人內有兵部主事趙士超中書

舍人賴繼錦明史道周傳明紀及明季南行人蔡春溶明

道周傳及明紀均作蔡通判毛玉潔明紀作毛潔咸被執既至

留都洪承疇勸降不答又謹以剃刀滿帽遺之不受絕粒

十四日不死藏絕命詞於衣帶所云防風雖倒猶留一節

以問尼丘是也臨命過西華門明史本傳及明坐不起曰

此與高皇帝相近遂與四人俱畢命三月望日也典史宗

大綬私藏其屍於古廟之夾牆又竊其從人首分瘞木末

山息心亭後長子子中乃得而合葬之年六十二詔贈文

明伯諡曰文忠明紀作忠烈廢諸子有差在鄉立廟曰報忠在

福州立廟曰閔忠樹中興畫輔坊

傅冠字玄父號寄菴南略作進賢人刑部尚書炯之孫也

明史本傳刊上有南京二字 天啓二年進士廷試第二授編修崇禎元

年陞侍講學士分較禮闈歷左春坊左中允左諭德六年

陞春坊庶子七年以少詹事主考禮闈尋陞北祭酒九年

教習館員陞禮部右侍郎十年充廷試讀卷官拔劉同升

為第一會閣臣員缺吏部循資列推上特簡為大學士未

幾三疏乞休冠在史館十六年纂修神光兩朝實錄編六

曹章奏又纂修善廟寶錄皆稱旨上厚賚之侍經筵日輪

講九黎亂德篇時相諱之欲改擬以進冠曰上方遜志學

古參稽治忽而顧可諱乎仍執前講上霽論曰講不避諱

皇明四朝成仁錄 卷九 三五〇 廣東叢書

直也如卿冠可為朕鑒矣辦事閣中勤而敏雖丙夜奉上

御批拔筆即對無倦容以故上頗眷之未幾致政歸十七

年三月國變為位痛哭復籌恢復之計比江南盡失冠與

艾南英等募兵勤王力不能支走入邵武隆武二年二月

襄皇帝有敕諭行在內閣等朕今暫躡建寧練軍實圖復

江右浙徽正擬先臨邵武親督守戰據報永定一開寇犯

近地先差文武大臣督兵勦禦併即出關恢復武臣欽經

欽差國姓成功今再差輔臣傅冠作督師大臣欽定銜曰

欽命督師平定江寇恢復南昌專理湖東勦撫事務節制

峒兵解散難民賜上方劍便宜行事行在太子太保兵部

尚書兼禮部尚書文淵閣大學士差同同姓督領陳燦陳

秀二鎮先平關寇即復湖東其峒兵張安李春丘華謝朝
 恩併聽調制命至冠整師而出抵建昌界餉匱後軍逗留
 聞警報潛逃殆盡冠嘆曰事可為哉冠惟死以報國耳秦
 寧陷自縊為眾所奪有門人江亨龍者江明史傳冠傳及
明紀均作汪南略
 此以冠械送敵軍李成棟手為解縛延之上座慰勞之從
 容以冠髮請冠大叱之成棟復進曰公髮種種矣與髮無
 異但加稍雜即可飾瞻成棟當委曲為公報耳冠厲聲曰
 汝知文文山乎是我師也江右節義之邦但有斷頭宰相
 無髡首督師也成棟不敢復言衛至汀州事之惟謹凡飲
 食起居必偕焉已而成棟率兵粵行遂以冠屬之李發發
 汀州鎮將也亦敬冠一日對奕罷展檄請曰旨臨矣冠欣

沙走桂林永國公曹志建棄永州走鎮峽敵至湘潭仲明
 別率兵趨湖西可喜東渡江攻燕子窩我總兵陳士明以
 眾降長沙府屬各縣悉陷可喜還復與有德仲明會湘潭
 同入衡州時國公郝永忠明史騰蛟傳作
南安侯郝永忠方欲恢復桂陽
 可喜率兵禦之至長沙殺其哨騎乘夜抵桂陽永忠先
 被追至羅田龍水遂執我總兵張學禮永忠棄營走道州
 可喜遣騎襲之復走廣西先是時有德仲明各固山兵
 寶慶攻武岡至紫陽河與我總兵陳友隆等戰未決趣可
 喜來援可喜自道州會之遂破武岡復進攻沅州走我總
 兵張先壁遂入黎平騰蛟之家殲焉永抵全粵西大震
 而湖南悉非我有矣永曆三年正月二日湘潭亦陷騰蛟

死之初騰蛟檄召諸道兵馬齊集湘潭而遣馬進忠等
 益陽抄出長沙下邀截敵舟斷絕水道又招撫逆闖之姪
 李赤心與其將高必正等歸順錫之侯爵圖功贖罪赤心
 等遂以大隊至敗敵於荆襄之間時騰蛟威震三楚敵其
 畏之至長沙絡繹攻圍會敵眾大至與戰不克騰蛟遂爾
 被執詔贈中相王設壇掛帛上杖流親祭之
 揭重熙字祝萬原注云一
作萬年進賢水崇禎十年以五經應試
 成進士知福寧州十七年三月京師陷重熙請於當事募
 海濱死士數千人率之以赴國難會思宗立報罷尋以吏
 部主事召是冬丁外艱返里門撫州建昌連失與吏部主
 事曾亨應先後起兵皆一戰而死重熙間道入福州召對

稱旨陞本部考功司員外兵科給事中出辦湖東兵事隆武二年江撫劉廣胤督兵援贛陷於陣廷推新撫閣臣曾櫻疏薦重熙以都察院僉都御史巡撫江西上可其奏假以便宜行事秋七月重熙整兵趨撫州不克已聞福州不守乃解去潛匿山中永曆二年戊子口月明紀作正月金聲桓反正遣人招之以閩事相屬重熙已被新命晉兵部尚書不悉却倉卒召募得萬餘眾入關時敵於邵武宿重兵以逸待勞重熙揮兵進薄城下城中出騎環擊遂為所敗已而南昌圍急重熙從間道走肇慶請濟師廷議留之內樞重熙不可遂仍以閩部督師至則南昌已失惟張自威走保閩界有眾數萬重熙乃入自盛軍中約廣信曹大鎬特

皇明四朝成仁錄

卷九

三五三 廣東叢書

家永曆五年奉命以兵部尚書督師與趙印選胡一清二帥守崑崙關敵至二帥戰不利瑾痛責之一清拊膺痛哭慚恨不能言敵鋒銳甚二帥請暫移賓州為後圖瑾不許二帥退守五十里以待數遣騎要之瑾曰喪師辱國失守巖關我為督師罪當死不敢與若輩為逋逃臣也抽刀自剄不殊一清大驚單騎往視以藥綫縫其喉經二日乃甦與至南寧見上頓首謝罪上輟食溫旨慰之賜以良藥比創愈命往聯絡二十四土司兵馬瑾力疾就道至土司與諸酋歡飲激以忠義事未集敵兵又至上倉卒潛幸貴州瑾追駕弗及乃跡跡遷隆十萬山中以論語孝經授童子問一字輒持一錢入重其清苦十年西寧王李定國兵敗

皇明四朝成仁錄

卷九

三五四 廣東叢書

於新會還經遷隆招之出見瑾長揖不拜定國怒瑾曰大明會典大臣無拜二字王之禮定國謝過請為監軍瑾曰我不能再辱窮餓益甚十一年秋病死上以款召之已無及矣廣國公賀九義為請卹典命未下瑾為人方正高潔慷慨持大義數折孫可望逆謀欲殺之不果其全髮山中病死非殉難也然曾自刎以激二帥其不死者一髮耳故亦成仁之一也

屈大均原著

葉恭綽校訂

順德起義臣傳

順德起義臣曰陳邦彥從之者曰馬應房房明史邦彥傳及明紀均

方曰楊景暉縣志作暉曰高為礪曰楊可觀曰霍師

連曰白嘗燦明紀均作常曰朱學熙曰關鍾喜曰霍

達芳鄒案達翁山撰陳巖野先生哀辭作熱曰花巡簡曰僧忠顯

陳邦彥字會份鄒案明史本傳南疆逸史均作字令誠陳恭尹所撰先府君行狀及翁山所撰先師

同此順德人所居錦巖學者稱巖野先生每歲及門恒數

百人性喜任事識見通敏穿穴古今每郡邑有大議講解本

謀當事必造請詔斷而行國變走南都上中興政要三十

二策不報襄皇帝立大學士蘇觀生疏薦並進邦彥所上

書上嘉歎授監紀推官尋舉隆武元年鄉試二年陞兵部

職方司主事奉命監狼粵兵明史本傳作監廣西狼兵出夜關贛州圍

急觀生督師往援駐南安數月邦彥數為畫策不聽請偏

師獨戰不許鬱鬱久之頓陷車駕至上杭軍潰觀生聞變

還廣州曰國未有主邦彥曰國亂先內國危先外今東喪

三閩西絕湖相北淪章貢國家分土十五獨兩粵存耳掃

境內以屬閣下及其危而棄之謂天下何曰然則奈何曰

敵今全力在閩勢且西侵西解本閣下南歸毋駐而以重

兵東走惠潮因漳泉未潰以控扼之猶可自立若必以擁

立為功謀議之間動淹時日日原作月則敵越韓江之險

難與守矣兩粵存亡繫於東向遲則亡速則存夫亦憂疆

圍之不固何患無主北門之事請留一軍以委邦彥不聽

遂與俱還九月永明王監國乃遣邦彥奉箋勸進且請迴

鑾既行襄皇帝弟唐王至廣州觀生擁而立之改元紹武

邦彥不知也西至梧上啓方侯令旨夜分召對王御龍舟

太妃垂簾鄒案妃明史本傳平粵伯丁魁楚侍王曰聞唐

王得至廣州甚喜然孤既監國矣輔臣蘇先生既具啓入

朝矣彼胡為者邦彥對曰此或仍閩中之舊稱而小民傳

訛乎魁楚曰已即真矣王曰今非戰則和二者安出邦彥

對曰我弱彼強以戰則非敵我直彼曲以和則非名鄒案非名

南疆逸史南疆逸史當今之計獨宜速返肇慶獨解本正大位以屬

人心繕兵固險以觀其變耳王曰善明日擢兵科給事中

奉敕宣諭時十一月九日也十八日王即真肇慶詔以明

年丁亥為永曆元年邦彥東還未至觀生奏以為刑科都

給事中邦彥弗入乃使其副職方主事劉大壯奉敕而遺

書曉譬觀生觀生不聽十二月敵將李成棟佟養甲果自

閩攻潮惠克之輕騎襲陷廣州唐王被執觀生自經死元

年正月上在柳州成棟盡銳西寇破肇慶直犯桂林邦彥

既受團練之詔走甘竹灘說大盜余龍等鄒案余羊城使

乘廣州空虛襲之二月龍率舟數百舟下解本入自虎門

遇敵戰艦百餘艘焚之殲其水兵遂進攻廣州四日不能

下引還成棟聞報解桂林之圍而東桂林縣是得完三官
賴以無恐義師牽制之力也於是邦彥起兵高明山中使
生員馬應房以舟師先攻順德約大學士陳子壯起南海
侍郎張家玉起東莞參政黃公輔起新會互為犄角四月
邦彥出攻高明圍之御史麥而炫主事區懷吳舉人譚相
國等皆毀家以從軍聲大振養甲使騎捕邦彥家獲一妾
二子而以書招之邦彥不從乃殺其二子七月將攻廣州
先約衛指揮楊可觀楊景暉為內應而說花山盜三千人
偽降得守東門於是與子壯會師九江約從徑道攻廣州
西南而邦彥從海道攻其東且邀成棟歸路期以七日薄
城城中人三鼓皆發約既定邦彥引舟而東子壯忽以五

皇明四朝成仁錄

卷十

三五七

廣東叢書

日薄城一鼓奪西郭礮臺郭南海起義大臣傳作郭火器燄發焚一角
樓敵大懼嚴捕細作而內應謀泄景暉可觀並被執死成
棟方戰家玉於新安得報還返邦彥先報子壯曰今夕成
棟至必遣吾火懼其餘舟奔突請嚴陣待之青旗而朱符
者我師也報至子壯不即傳令七日昧爽成棟至昂珠火
舟發火船本邦彥引軍旁擊焚其關艦數十斬首千餘擒
孟輝張一鴻楊聰等成棟走邦彥乘風追之平明迫子壯
軍迫迫本子壯軍不知望帆檣蔽空而上以為盡敵也陣
動成棟因擊之遂潰邦彥亦退攻三水復之斬其知縣陳
億戰於胥江勝之戰於新會又勝之分師高明而炫等接
應復之降共知縣徐嘉植南海起義大臣傳作斬首五百

分指揮白嘗燦等攻清遠復之斬其副使于華玉知縣張
兆斗解崇南種逸史敵攻清遠邦彥往救嬰城固守被圍
十日敵為地道達城火發城崩邦彥率死士巷戰項被三
刃走待詔朱學熙園中學熙先自經死邦彥題詩於壁曰
戀闕孤懷盡懸絲一命微員傷如未覺無淚不須揮魚吃
艱貞血水為賄襟衣袂應魂氣在氣本長繞玉階飛題
畢赴池騎引之而出邦彥笑曰我陳兵科也至廣州不屈
問何言自狀生平一紙及題壁三詩而已入獄五日不食
賦詩自若臨磔作歌磔本有天造今多艱時哉不我與
我后兮何之我躬兮獨苦之語西向受刃顏色不變年四
十有五九月二十八日也解崇南游見聞錄自邦彥死義

皇明四朝成仁錄

卷十

三五八

廣東叢書

兵始衰敵得以全力直向子壯家玉二軍後十二日解崇南
逸史作邦彥增城之戰而家玉死越一月高明之戰而子
壯亦死矣解崇南朝粵東遺民錄附錄陳文忠初邦彥兵
起作書與家玉曰成不成天也敵不散勢也姑置勿計方
今天步艱難王師風鶴若得牽制突騎使數月毋西則海
樞必有備是我致力於東而收功於西也其志如此明年
成棟歸正邦彥長子恭尹伏闕請卹詔視子壯家玉例贈
兵部尚書蔭恭尹錦衣衛指揮僉事世襲賜祭葬特祠方
議諡以廣州再陷而寢明史本傳作永明王贈邦彥兵
考博極群書著有雪聲堂集南上草其留丹錄則軍中所
作詞旨哀痛尤足愴人

馬應房字子龍順德人父義祥鄒案義南疆 鶴慶知府應

房當廣州陷時為文以告孔子將歸死學宮其友止之義

師起為邦彥往說海寇余龍龍喜率眾攻廣州頗有斬獲

遠揚帆退曰退鄒本 堅城無內應不可拔也至虎頭門遇

敵舟數百艘焚之斬首千餘轉攻順德成棟卒至與戰龍

大敗或勸應房亡曰我有母遂就執敵知縣詰之曰若父

為太守若為諸生何故作賊屬聲曰父為太守子為諸生

世受國恩是以舉義何名賊為曰若舉義何與群盜為伍

曰書生空拳非藉彼輩則事不集況文丞相招合洞蠻岳

武穆指麾公率可謂非義師乎死耳汝何多言遂沉之伏

波橋下

皇明四朝成仁錄

卷十

三五九

廣東叢書

楊景暉字景生廣州後衛指揮僉事鄒案番禺縣志作

豪邁才氣不羈以善騎射中崇禎十五年武舉義兵起景

暉與楊可觀並約為廣州內應事洩養甲執其母景暉出

曰我實為之事不成天也不可上累吾母養甲曰姑釋汝

母曰景暉須俟人耳執事既念其母何不及其未死並十

齡之妹釋之以暝吾目養甲並釋之又為好語欲其降其

降之鄒本作 景暉曰汝若生我我不生汝也養甲怒使殺之事

聞贈都督賜祭葬

高為礮字啓之廣州左衛指揮中三科武舉永曆元年謁

行在授都督僉事邦彥起兵為礮及廣州前衛指揮使張

象賢俱為內應謀洩象賢被執痛罵養甲割其口鼻仍罵

與為礮並死之

楊可觀字龍瑞廣州東莞韓指揮使鄒案番禺縣志作 隆

武二年走天興上書授柳慶副將以歸義師起可觀陰結

壯士分置廣州諸門將斬關以迎會養甲重購諸大姓與

城外耳目者可觀家奴利購金乃具首內應事養甲親可

觀使引餘人可觀慷慨大罵被殺搜戮同事數百人衣縫

中皆有桂字事聞贈可觀都督賜祭葬

霍師連字連生南海人尚書諡文敏韜之玄孫也隆武初

以生員募兵勤王授游擊以功陞副將廣州陷詐降得守

三水邦彥兵起師連邀誘敵官數人斬之反戈以應從攻

廣州不利退拔三水鄒本 大小十餘戰敵畏其鋒鄒本

皇明四朝成仁錄

卷十

三六〇

廣東叢書

魏清遠衛指揮白嘗燦白鄒本 舉城迎之師連與邦彥往

赴列柵江上為堅守計騎至不得戰北風大作師連出不

意疾以火舟出擊成棟佯退師連揮舟追之數里風反退

迫柵不得入舟盡焚師連將走四會甲重溺水死贈都督

同知賜祭葬蔭子千戶

白嘗燦字燦玉清遠人清遠衛指揮僉事邦彥攻廣州不

克退取三水扼胥江慶戰兩日嘗燦乘間與朱學熙殺敵

知縣舉城迎之分門堅守被攻十日火發城崩嘗燦巷戰

死之

朱學熙字叔子一字維四清遠人永曆初以諸生上書授

翰林院待詔城陷自經

關鍾喜字岳孫南海人天啓七年舉人邦彥復清遠使署
縣事城陷戰死

霍達芳字誠懿鄒崇遺民錄南海人以諸生從陳邦彥起

兵為中軍成棟反正後赴行在授兵部司務廣州再陷走

文村下川與虎賁將軍王興凌海將軍陳奇策相結奇行

在陽秋二將軍分舟師數百使為游兵舟輕士銳出沒海

中每多戰績被執時鞠之不語姓名以家有老母也問曰

降乎三搖其首遂遇害

花巡簡氏里未詳廣州初陷署黃鼎司巡簡邦彥起兵花

巡簡招結土豪從之事敗俱死邦彥贈以詩曰既有明兵

科亦有清巡簡一索繫兩賢同舟負刑版是也

皇明四朝成仁錄 卷十 三六一 廣東叢書

僧忠顯順德人亦從邦彥起兵身被數創清遠之陷戰而

死死下歸本有亦公

之舊門人云八字屈大均曰自巖野陳公與文忠文烈三路連兵勢同鼎足

於是廣之忠臣從之而起者人人破產在在揚戈以與敵

人爭一旦之死命蓋從文忠而死者三十餘人從文烈而

死者六十餘人從公而死者則此十有一人皆大節皎然

有當於從容慷慨之二道者也十有一人者其四為公之

門人若應房景暉師連達芳是也而忠顯亦公之舊門人

云昔茂名陳思賢遭遼國之變率其弟子六人同縊於明

倫堂以死蓋君臣之義盡於師弟之義盡師弟之義盡

斯君臣之義無不盡前有茂名陳公後有順德陳公時吳

而道同也且公之於陳文忠與文烈之於林公存亦皆師
弟子也道義相孚聲氣相感又復如此求吾粵君臣之義
者求之師弟之間而可矣大均向受業於公向歸本後死
之責未知能無愧於四君與否噫嘻今亦老矣嘗為哀辭
一篇以弔公比於宋王之招魂蓋亦弟子之誼云

皇明四朝成仁錄 卷十 三六一 廣東叢書

而道同也且公之於陳文忠與文烈之於林公存亦皆師

弟子也道義相孚聲氣相感又復如此求吾粵君臣之義

者求之師弟之間而可矣大均向受業於公向歸本後死

之責未知能無愧於四君與否噫嘻今亦老矣嘗為哀辭

一篇以弔公比於宋王之招魂蓋亦弟子之誼云

皇明四朝成仁錄 卷十 三六一 廣東叢書

而道同也且公之於陳文忠與文烈之於林公存亦皆師

弟子也道義相孚聲氣相感又復如此求吾粵君臣之義

者求之師弟之間而可矣大均向受業於公向歸本後死

之責未知能無愧於四君與否噫嘻今亦老矣嘗為哀辭

一篇以弔公比於宋王之招魂蓋亦弟子之誼云

皇明四朝成仁錄 卷十 三六一 廣東叢書

而道同也且公之於陳文忠與文烈之於林公存亦皆師

弟子也道義相孚聲氣相感又復如此求吾粵君臣之義

者求之師弟之間而可矣大均向受業於公向歸本後死

之責未知能無愧於四君與否噫嘻今亦老矣嘗為哀辭

一篇以弔公比於宋王之招魂蓋亦弟子之誼云

東莞起義大臣傳

東莞起義大臣曰張家玉從之者曰陳文豹曰韓如琰
解案明史張家玉傳及所錄均作韓如琰南疆逸史
作如琰張朝粵東遺民錄考定之云張家玉名山集屈
大均撰張文烈行狀張兆龍李貞上桂王請師均只
有如琰無如琰博羅縣志稱如琰字振命天塔甲子梁
人弟如琰丁亥殉難又吳次尾樓山堂集有哭韓如琰
如琰詩編年乙亥則其歿在崇禎八年明史及所錄
皆誤曰林沔曰張恂曰安弘猷等

張家玉字玄子別號芷園東莞人東明聞見錄作新會人
明季南略卷十二作番
禺人明史本傳及結埼亭集外編卷二
崇禎十六年進士

選庶吉士明年三月京師陷家玉數賊李自成十罪被捷

於五鳳樓前垂死偽軍師牛金星遣人說降弗動乘賊東

出關賊本傳及
脫歸思宗立以六等定從賊諸臣罪

皇明四朝成仁錄 卷十 三六三 廣東叢書

逆時阮大鍼欲報私讐謂致先皇帝殉社稷者東林諸臣

也不盡殺東林諸臣不足以謝先皇帝因誣家玉嘗請自

成厚葬周鳳翔倪元璐而薦劉宗周黃道周於自成為東

林邪黨刑部尚書解學龍因以家玉列於第五等會有為

力辯者得復原官南都陷走嘉興府與副使蘇觀生總兵

鄭鴻逵等擁戴唐王奉王入福州以乙酉閏六月即位改

為隆武元年即弘光之元年也是為紹宗襄皇帝於是家

玉大告於諸將曰昔漢光武起南陽以高祖九世孫為長

沙定王後建元乙酉即位六月其兄伯升兼有朱鮪李軾

之難今皇上亦起南陽亦傳九世此下有亦為定王後五
字亦建元乙酉即位六月而且兄弟之難父子之難常變

又相準也揆之天命如此度之人事如彼彼解本
作此天與人

歸是真中興之主矣吾等當竭忠事之諸將皆以為然論

定策功晉家玉侍講兼編修旋以大學士黃道周薦命堂

起居注七月六日上大誓文武授鉞分征命定虜侯鄭鴻

逵出仙霞關關解本
作嶺永勝伯鄭彩出杉關總兵施福出崇

安關黃鳴俊鳴解本
作明郭燁燁解本
作偉出分水關黃斌御督水

師蘇海道以抵溫台靖虜伯方國安率師援浙而平虜侯

鄭芝龍督禁兵居守家玉條陳恢復大計請劾戎行上喜

命以翰林院侍講兼兵科給事中監御左營軍左解本
右解崇南

勝逸史作監永勝伯燕彩軍
聯絡直浙勦撫江西賜銀印御節使宜行

事與鄭彩督兵進取家玉被命先出關至廣信以待十一

皇明四朝成仁錄 卷十 三六四 廣東叢書

月撫州圍急家玉約諸鎮會兵許灣力戰頗有斬獲都督

陳有功參將葉壽陣亡家玉乃出金帛築壇選驍悍郭敏

卿李忠明解本
李明忠陳良趙珩四人拜之令各領死士分伏

伏已拔營伴走敵以萬人追擊伏發斷為二斷下解本
有敵字破

之遣書潛入撫州約永寧王兵襲敵內外夾擊翌日又破

之於千金陂陂解本
作坡撫州圍解捷聞上優詔褒獎懸進賢

伯世爵以待方是時鄭彩以兵三千守關內家玉以兵三

千戰關外使乘敵大創創下解本
有後字並力而前可以得志而

謂新城者永定屏障永定者福京門戶城雖褊小不可棄

請留一鎮亦不從家玉乃與新城知縣李翔募兵以守事

未集敵騎突至慶戰城南中矢墜馬上聞謂統兵大將盡走入關獨使文臣陷陣何以自解詎讓彰而慰家玉曰爾許灣之戰建撫以復新城之守杉關以寧威著華戎忠格天地今者箭瘡勿藥宗社賴之特晉爾為御史明史本傳作右御史巡撫廣信仍准帶翰林舊銜家玉以無功辭不拜請給假三月往惠潮二州措餉招兵為進取江西計上許之賜營名武興家玉為監督總理督師本傳八月至鎮平軍騎入山諭劇寇黃海如降得數萬人又招寇黃元吉及其三十六渠得萬五千人旋叛去購其黨斬之於桃陂而湖患寇悉平簡精銳萬人分為五營餘悉散遣九月車駕至上杭御營潰散家玉方引兵出營迎師本無卒遇敵於赤山

皇明四朝成仁錄

卷十

三六五

廣東叢書

坂坂本傳貝勒遣使招降貝勒本眾起副之眾起怒將來使副之眾碎其檄邀擊甲騎山谷中敗之家玉還駐鎮平顧士卒皆盜賊之餘糧盡終無固志軍竟散散師本會有大父之喪遂歸是冬十月上監國梧州大學士蘇觀生復擁立唐王於廣州以兵禮二部右侍郎召家玉不赴廣州既陷佟養甲遣使說降復致書劫之答曰大丈夫得志大上師本則立事功失志則存名節我京師罵賊思文皇帝嘉之寵我如子我受聖明恩重下髮背之下髮師本心弗忍今若拔我一莖雖易以單于弗屑也永曆元年三月遂起兵師本三月初一日初至到潯師本得驍銳千人師本騎五千人師本主事韓如琰師本參將

李萬榮師本各率眾來助遂復東莞斬敵知縣鄭師本原副使張恂指揮參事安弘猷城守還軍到潯再治兵將向廣州邑人原尚書李覺斯主事李夢日總兵王應萃等師本請敵來攻家玉還軍金鰲洲與李成棟接戰不利東莞再陷弘猷戰死恂自剄於是成棟往攻望牛整破之兩攻到潯兩字原缺師本血戰三日破之我守備葉品題何勉葉時春盧學德千總何士登師本俱赴水死師本妻彭罵敵斬肢體死師本家玉走西鄉依陳文豹承制授文豹總兵委以召募旬日義旗復振師本

皇明四朝成仁錄

卷十

三六六

廣東叢書

出復新安斬獲甲騎三百餘步兵千餘遣兵徑襲東莞師本未至敵知縣逆戰於白沙原參議鄭瑜使其眾助敵我師勝之斬首數百擒叛推官尹希臨覺斯之婿為敵先導者也再攻東莞不克成棟復至攻西鄉家玉誘之入岩殲數百人血戰二日舟師先敗文豹及監紀推官王者肱監紀通判李乙木都司陳蘭穀守備葉如日葉進之葉文明胡起新生員曾虛桐等皆戰死西鄉被屠蓋敵三攻西鄉而兩敗兩攻到潯而一敗死傷萬餘咸咋指以為勳敵云家玉走至鐵岡得姚金之眾千人陳穀子之眾千人師本至十五嶺得羅同天劉龍李啓新之眾三千人軍聲復振遣次龍門斬敵知縣林之秀教諭藍奮興

錄無奮字 典史汪熊巡簡稽高兵四百餘級七月親攻博
 羅復之新敵城守朱振邦兵五百餘級以李顯謨為知縣
 廖習梧為教諭分兵復連平州斬首百餘隨下長寧斬敵
 知縣顧濟德兵四百餘級攻惠州三日不克克歸善縣守備
 陳瑞昌戰死乃還博羅敵攻之五十餘日 郭案張文烈行
狀作二十日
 從葫蘆嶺穴地發火城陷習梧冠帶緋衣代家玉巡行樓
 堞被射以死城遂屠顯謨及守備劉麗敬千總葉奇才葉
 文揚戰死家玉返龍門召募復得兵三萬 郭案張文烈行
本傳作萬餘南
狀作四萬明史
 戰斬首一千九百餘得馬四百九十敵大至燒一小營西
 北諸軍望而陣動敵遂突犯中軍血戰竟日敵擄平岡少

休軍法出張旗入卷旗得敵旗則麾旗而呼以入 則字原
缺據郭

補有大旗總方奮前陷陣得敵旗喜而忘卷張旗入中軍

効功西北諸營望見敵旗以為敵已入中軍皆走保壘前

軍見後軍走亦皆驚亂自衝西北二營以潰成棟率鐵騎

蹂之我軍死者六千餘家玉項中三矢 郭案南疆逸史及
遺民錄均作九矢

傷一目赴野塘死十月初十日也 十月原作十一月郭本
據張文烈行狀行在陽

敵得其屍佩銀印文曰光明正大 郭本
大明

襄皇帝所賜者也家玉既死諸文武將吏死亦略盡其可

知者增城之戰則總兵黎昭傳威羅同天副將陳奇棟 郭
本

嘉伍千總梁實與徐大佐等同家玉而死者也從弟都司

有光亦被執不屈死萬家祖之戰 郭案祖翁山
文外作州 則從弟有
 恒貢生尹鈇 郭案南疆逸
史作伊鈇 望牛臺之戰 郭案望牛臺原
收牛坑據遺民錄
 改則參將楊邦達北柵之戰則推官陳伯耀潘汝隆赤岡
 之戰則主事鄧棟材參將王贊廷 廷郭本
作庭 陳子英龍門之
 戰則武舉譚高謀永安知縣譚高擢博羅之戰則守備方
 如璇 郭案遺民錄守上有
主事譚如璇五字 千戶侯成祖游擊譚立志等 郭
名山集及遺民錄均作譚立志又
譚立志之下有生員韓二見五字
 台玉大埔人 郭案嘉應州志及遺
民錄均作程鄉人 貢生習梧字完楚貢生
 昭江西人感歸善人同天龍門人奇棟從化人皆家玉之
 愛將明年三月成棟反正思侯陳邦傳首上章請邱上
 揮涕輟朝一日詔贈家玉少保兼太子太保 家玉二字原
缺據郭本補

武英殿大學士吏部尚書增城侯諡文烈賜祭葬建祠廢

一子錦衣衛指揮使世襲一子中書科中書舍人父兆龍

陛見上慰勞備至封增城侯家玉死年三十三論者以家

玉受知於襄皇帝最深所以報之者可謂無愧初襄皇帝

嘗語家玉云朕痛憤國讐枕席間嘗有淚痕今者車駕親

征身等鴻毛為二祖列宗 為郭本
作必欲 救此瘡痍百姓有進以

死無退以生艱難險阻惟卿與共之嗚呼至是而襄皇帝

知人之明為不負矣至於提烏合之眾水步連攻家自為

軍人自為關使敵人驚服首尾狼顧喋血千里殺死不勝

而篋管之三宮得以無慮則家玉之大有功於中興也家

玉高才博洽下筆千言在天興凡誥敕高文冊典多出其

手在軍則有言兵事薦賢守疆諸疏其軍中遺稿讀史詩

諸作曾呈御覽曾原作書最行於世於字原缺

陳文豹字孺赤鄒案孺新安縣志新安人少負才武尚節

義兩京連陷連陷本文豹於所居西鄉團練十人自保諸

寇環視不敢犯廣州陷敵知縣至新安厚飲於民民不堪

命文豹代輸金數千尚無厭眾怒遂奉文豹舉義斬之以

狗諸生王者肱出資巨萬助軍軍大振李成棟遣兵猝至

與戰敗之其將殲焉會張家玉至招黃麻園義旅為助諸

山驍武戈矛競起事未集成棟復攻之復下鄒本觸伏發

地雷火器鄒本作伏發死者無算遺漁者數百人激截虎

門燭其樓船至盡越數日復來攻鏖戰三日軍士死傷者

皇明四朝成仁錄

卷十

三六九

廣東叢書

眾不能支文豹躍馬入陣格殺數十人以死鄒案新安縣志

死之山下者肱授監紀推官者上鄒本時亦戰死妻子俱自

燔死西鄉屠焉男女數萬無一降者文豹故饒於財平時

喜周人急故鹽徒蛋戶一呼響應兒時隨母避賊母置文

豹草中賊數人捉之弗動及其耳而去鄉人因以為神至

是舉兵皆踴躍曰我公天佑事聞文豹贈都督賜祭葬先

是新安治東二十里治鄒本有白石村居人二百餘年以

打魚自治廣州陷首起義旗以應家玉斬獲頗多被圍甚

月西鄉陷勢孤舉村戰死其為首者一諸生姓楊云時新

安諸生曾虛桐東莞諸生陳伯耀亦破家同事虛桐戰死

新橋伯耀以監紀推官全髮被殺所居北柵亦以起兵被

屠有王元起者新安諸生投井死

韓如琰字潤季鄒本作潤秀又云博羅人父晟某縣知縣

鄒案惠州府志如琰中崇禎十五年舉人十五原作三鄒

作遂安知縣國變將謀起兵先為檄文馳布辭旨激烈當事

疑而執之旋得釋廣州既陷遂偕從子二見見原作人

羅浮山招集壯士五千與家玉合軍攻復博羅歸善二縣

未幾博羅再陷如琰督戰不支單騎走園頭鎮其姻家舉

人朱庚龍者庚鄒本將執以獻如琰倉卒與二見赴水而

死其子若婦在博羅者十二人是日亦同死其檄有曰誰

無君父詎專責於縉紳孰非子臣豈有辭於草莽又有曰

愴共主之何存惟宜死關倘大讐之不報何以生為噫嘻

皇明四朝成仁錄

卷十

三七〇

廣東叢書

可以見其志矣事平平字贈兵部職方司郎中賜祭葬

林洵字習修東莞人曾祖烈福建鹽運司同知祖培神宗

時南京河南道監察御史道字原缺仇直敢言都人歌之

曰南林北馬臺省增價時臺省以言建儲被斥者三十四

人培具疏申救又力詳四事慎喜怒審好尚辨忠邪節操

織謫福建鹽運司知事卒贈光祿寺卿洵補諸生家玉少

從之學家上鄒本嘗問洵他日致君當於古人何若洵謂

吾於漢尚友一人曰甚矣汲黯之戇也於唐尚友一人曰

會須殺此曰舍翁家玉既貴薦於朝隆武元年詔以人材

徵家玉奉命返粵募兵詔洵以推官監紀其軍廣州陷東

莞知縣余經國倡議迎降洵庭叱之會家玉以大父喪還

家敵至家玉欲就死存欣然出西監藥杏授之曰子前不
 屈於賊今復不屈於敵可謂完人子死吾將隨子置酒生
 祭之已而陳子壯書至約同舉兵而存為謀主東莞既復
 家玉還軍到滘留存守萬家祖敵至存督鄉兵力戰家玉
 還口戰酣風反我舟被焚遂敗萬家祖屠焉貢生尹鉞存
 弟諸生涯同赴水死家玉轉戰博羅又敗存為文謝世將
 歸死孔廟有舉人黃文燦者燦解本得存所與家玉書使
 之分兵出應王師者以獻於敵敵知縣施景麟執之並以
 存野紀二卷紀解本雜詩一卷辭旨憤激或哭或詈上之
 佟養甲養甲親鞫之存箕坐抗聲不屈獄中聞家玉戰歿
 哭祭之曰吾昔祭子於生今祭子於死吾昔祭子於生吾
 皇明四朝成仁錄 卷十 三七一 廣東叢書

張恂字士和號種穀東莞人永福知縣弘濟之子中萬曆
 四十年舉人初教諭保昌崇禎四年陞衡州府同知會勦
 峒源大盜擒其四渠脫難男女萬計請設嘉禾新田二縣
 為善後計陞永州知府地經川寇破殘請減派黔餉改食
 東鹽又為修備儲練以禦變亂以故流寇再犯鄖襄而不
 敢窺永州境土隆武元年遷督師閣部軍前監軍餉道湖
 廣按察司兵備副使以病歸詔晉太僕寺卿鄒崇名山集
 寺卿家玉其族孫也東莞既復恂自領一軍比城破戰歿
 至錢屋田北向拜曰臣力竭矣遂自刎死贈左參政賜祭
 葬子景萬字福孺詔授監紀推官監連陽軍以復城功陞
 兵部職方司主事監軍湖南駐藍山時有楚舟曾志建擁
 大鎮以叛迫景萬降不屈大書絕命詞伏劍於藍山署中
 死之
 安弘猷字叔壯其先靈壁人以祖圮世襲南海衛指揮使
 東莞被攻弘猷血戰南門而死弟弘烈弘謨子正邦正道
 皆死死下解本其妻妾女亦皆死妾下解本詔贈都督賜
 祭蒸楊邦達龍門人先大戰於分龍嶺斬首千餘又戰於
 望牛墜生擒渠率五人率解本被流矢死皆家玉之愛將
 也此七字原缺譚高謀字天池武庠生譚高擢字景卿貢
 士士解本俱龍門人高謀前為京營守備家玉兵起高謀
 招集義旅為龍門內應被執死之高擢舊知縣清河龍門
 署象州知州全州州同 罷歸家玉恢復永安使為知縣

城陷死之有陳婆知陳爰裴鄧棟材者奉家王命起兵於石岡門婆知戰死國子助教陳文者起兵於橋頭與爰裴棟材相應敵攻其所居之鄉曰北柵者文與爰裴棟材皆被執不屈死之

屈大均曰自廣州不守張公首建義旗以為諸豪俊倡於是東莞山圍水砦所在戈甲雲興競為兵首以與敵人決命爭一旦之生死縱橫數百里間小者百人之奮大者萬人之鬪鉦鼓之聲晝夜喧闐不絕而一稟節度於公以為進止嗚呼公何以得此於東莞之人哉計敵自入粵以來所將皆西北遼人其精銳為公所殲隨到隨屠西鄉十而三四存者亦瘡痍之餘雖欲不反正歸誠以十郡還之天

皇明四朝成仁錄

卷十

三七三 廣東叢書

子勢不可得公蓋以敗為成十郡雖不自公恢復而卒使惠國乞降行朝再造兩粵得見中興之盛者公之力也公敗之於東而成之於西所繇與陳文忠陳巖野諸公同為佐命元勳之冠歟

南海起義大臣傳

南海起義大臣曰陳子壯從之者曰朱實達曰黃吳元等其從於高明者曰麥而炫曰譚應龍等子壯起義以南海始以高明終諸臣皆同死事故合為一傳

陳子壯字集生別號秋濤南海人也曾祖紹儒南京工部尚書祖弘乘善化知縣父熙昌吏科都給事贈太常寺卿子壯以萬曆四十七年廷對賜進士第三授編修天啓四年子壯典試浙江得士甚盛逆瑞魏忠賢慕其才名營第求署書峻拒不答熙昌為吏科給事中在言路則疏劾忠賢罪狀忠賢既積怒乃詆其黨推子壯試錄語以為訕於是父子同日放官咸宗立忠賢伏誅起子壯左春坊諭德

皇明四朝成仁錄

卷十

三七四 廣東叢書

而熙昌除吏科都給事會病卒子壯服闋遷中允轉少詹事陞禮部左侍郎明史本傳兼侍讀學士充經筵日講官每進講數陳灑灑所啓沃上為動容傾聽稱先生而不名一日御東華門出諸章奏授廷臣各以其意擬旨越日以子壯及文震孟張至發姜逢元等九人下吏部錄履歷以上屬意且大用子壯尋署部事八年寇熾中都祖陵子壯言今日當以收拾人心為急宜下罪己之詔與天下更始庶幾激發忠義寇乃可滅上嘉納命列其目子壯具十明史本傳及舊鈔本陳子壯行狀均作十二事一事曰獨祖曰清獄曰束兵曰恤宗曰宥罪曰豁賦曰改折曰寬驛曰省工曰旌敘曰事例詔行其十惟事例一款格止初紹宗在唐邸嘗以禮節之

失劾州縣官被罰者四人又以文移紊錯劾知府推官等
而周藩亦劾御史督學並下獄論治子壯慮外藩權勢重
重有司不能制下民將受虐無告因其疏論救唐郊聞之
弗善也為書復往子壯報箋諷以愛民保國尊朝廷崇禮
法言婉而直其後紹宗即位更注念召子壯人謂君臣兩
得之云是時宗室日繁歲祿不繼有詔宗人具文武才者
藩府以聞許改秩授職子壯疏謂宗藩得應貢舉已有文
武二科以羅其才今聽上名自列耳目徒寄長史長史考
察不屬撫按而屬親王必且一意將順將所謂才者未必
才能者未必能難於核實考驗且館驛之伴送參勅之顧
瞻考功之連坐多有不便乞罷前議上怒下詔獄將律以

皇明四朝成仁錄

卷十

三七五 廣東叢書

疎祖問親罪且不測中宮聞之惻然告上曰素聞子壯忠
直陛下方思治奈何殺言事者上意稍解廷臣連章申救
論贖罷歸故事逐臣無疏謝者子壯自以蒙上眷久不忍
草草去國乃陳謝報聞而後行人以為知禮京師陷上殉
社稷安皇帝起為禮部尚書掌詹事府事加太子太保數
趨上道至則南京不守矣行狀云乙酉正月赴金陵與馬
阮不協五月南京失公經淋漓還
粵是在南京有五隆武二年明史本傳作
隆武元年以東閣大學士
禮部尚書召明史本傳作
兵部尚書以母朱氏病劇疏乞暫留而福
建又陷其冬敵僞養甲襲陷廣州子壯以母在城乃雍髮
詐降得奉其母還九江堡永曆元年二月遂與兵科給事
陳邦考刑部主事朱實運長子兵部主事上庸起兵九江

堡遠近聞之翕然響應清遠則指揮白嘗燦舍人朱學熙
高明則御史麥而炫主事區懷吳廣州則參將楊可觀指
揮楊景燁皆約以城應而侍郎張家玉起兵東莞參政苗
公輔起兵新會各殺其令遙相聲援七月五日子壯督舟
師千餘艘卒至廣州一鼓奪西郭礮臺養甲大駭乘城自
守趨檄所遣東西兵還救重購諸大姓為義師耳目者手
刃子壯妹婿知州梁若衡以立威而可觀家奴先首其主
內應同事悉被捕執是日殺內城豪傑數十百人城中震
慄趙王與從子亦被絞死子壯本以可觀等內外同謀可
恃以濟故輕率烏合倉卒攻圍至是意氣大沮而上庸又
以憂勞患痢卒於軍眾志益衰望敵舟先自披靡前軍方

皇明四朝成仁錄

卷十

三七六 廣東叢書

戰後軍盡已奔潰莫可如何子壯乃走高要橫鄉與而
炫等合八月克復高明殺敵知縣徐中玄教諭曾應十月
李成棟來攻明史本傳
作九月為地道穴城燬火藥破之子壯冠
服端坐自如成棟與至軍具賓主禮談笑引滿舉止如常
至廣州訶責養甲曰汝世食明衣明明何負於汝而背畔
至此吾國家大臣不為汝屈養甲坐以木案衣以楮衣早
遊四關大書其旗曰逆宦陳子壯云臨命呼太祖高皇帝
不絕聲遂被磔死同日死者區懷吳生員區宇寧武舉區
銑關倫紀貢生楊從堯楊從先譚熙昌李鍾岳程憲玄曾
一唯僧達朗凡十一人據行狀同日死者尚有知縣曾貴
鄉守備陸言象將王鼎衡又麥而
炫亦同季子上庸將同命家僮伯御請代乃囚之時十一

月六日也上聞震悼詔贈子壯中極殿大學士禮兵二部尚書太師忠烈侯明史本傳諡文忠賜立祠祭葬有加上庸太僕寺少卿廢次子上廷尚寶司丞上廢錦衣衛指揮使加都督同知孫周贊中書舍人上庸字登甫上圖字叔演廣州再陷上圖舉家匿皂帽山全髮不屈虎賁將軍王興給其衣食痛憤以死若衡字簡臣南海人崇禎三年舉人十三年特賜進士知廣西永福縣革搖人例全與兵餉羨餘全張本以廉稱靖江王時蓄異志陰與尚鑾相結獲盜驍使若衡開釋若衡不從又奸徒指良民田以獻王王道吏執券索印若衡不可威脅之卒為不動以憂歸遷左州未赴死難事聞詔贈光祿寺少卿賜祭葬懷吳字熙仲

皇明四朝成仁錄

卷十

三七七 廣東叢書

高明人戶部尚書大倫之子以廢入監授知縣與從子字寧並有戰功字寧字精卿岳州通判大樞之孫以諸生授監軍知府懷吳後贈光祿寺丞銑以舉人授兵科給事嘗奏設都舍太平巡簡司者奉欽劄陞監軍副使聯絡西師後贈光祿寺少卿加增兵部左侍郎廢一子錦衣衛指揮僉事從堯字中郎年十五以文學知名工詩賦善書崇禎壬午歲貢授知縣從先授學錄熙昌授監紀推官憲玄字覺斯以監授戶部主事一唯字貫卿以生員授中書二人並高明人破家助兵子壯使試兵部主事朱實蓮字子潔號微龍南海人祖讓夔州知府實蓮性聰穎七歲能屬文總角舉鄉試第三提學魏浣初薦舉授德

清知縣歲飢賑活萬人以漕允愆期被劾提騎至上官念其清廉贖助千緡不受至京降嵩江照磨踰月補臨淮知縣憂歸隆武元年召刑部主事未行上即位轉戶部奉敕團練水陸義師廣州陷與子壯起兵九江敵盡銳來攻兵悉持兵伏隘斬獲千餘馬數百匹生擒敵將數人敵甚患之乃率戰艦數百與子壯分攻廣州使陳官榮梁標陸言葉以繡先登遂奪西關礮臺會成棟軍還大戰我師潰走實蓮一軍獨完為殿退屯三水而使區懷吳先往高明以子壯令呼程憲玄曾一唯等為應高明既復軍執復振子壯委實蓮署高明縣事以吳兆健署教諭朱名臣署訓導關天鍾梁運臣等分門而守實蓮既與子壯據高明而九

皇明四朝成仁錄

卷十

三七八 廣東叢書

江以屢勝而驕中無主持內變忽作敵潛入破之屠戮數千人遂攻高明三日城復陷實蓮手刃數人被磔死兆健名臣運臣並死天鍾長軀黑面力舉千鈞巷戰殺數十人而死同日授戶部參議中軍生員謝過春授監紀推官劉民欽程憲康生員楊如桂譚建新譚萬爾貢生譚介維嚴必登譚登魁譚象璠曾啓佐譚有珍李宏材譚象璣劉景星楊而楠譚燦譚繼俊楊際昌程憲雍楊應遜楊本立譚可美劉守芳莫可當楊贊之楊夢陽等皆死之據陳子壯實蓮同死者尚有參將參議楊游擊陳冲都司關能方從灼守備何照中書范奇徵並義勇軍陳長林拔秀梁應辰趙冠符陳瑞潘他男婦死者三千餘人官非字保章年二十餘偉幹多武藝與標言以繡皆先登中破死標言並南

海人以繡建寧人兆健字行之進士羽侯之子以諸生試
兵部司務名臣字毅友以諸生授贊畫知縣試兵部司務
連臣字某順德縣人御史元柱之子以諸生為遊擊子壯
其外舅也實運有異才解章秀逸著有詩稿

黃吳元字元晦弟吳元字元容南海人皆名諸生子壯起
兵謀先復廣州蠟書使吳元吳元為應並署兵部主事
泄吳元被執並逮其父以致吳元吳元時已逃出乃還詣
獄曰吾兄弟思報國耳吾父無與遂駢斬東市吳元就道
讓其兄先行曰造次不可失序也時吳元年三十五吳元
年二十九弟晟元字元節方捕急脫走藤縣成棟反正晟
元率義徒恢復梧州授監軍副使梧州復陷力戰死兄弟

皇明四朝成仁錄

卷十

三七九 廣東叢書

稱三烈士其友郭非亢南海人以諸生從子壯起兵子壯
承制授贊畫知縣兵敗後不肯薙髮里人傳天植者捕之
非亢曰吾此髮在小人則輕於鴻毛矣吾則不然吾今完
而勿損使繫吾頭於市亭而無煩繩組不亦可乎乃自詣
天植天植縛而獻之臨命怡然

麥而炫字玄仁一字章閣高明人崇禎四年進士知縣上
海多惠政邑中有虎為文告於神虎去作遠虎亭以志之
歲以催科不及降福建布政司簡較旋署寧海漳浦二縣
攝漳州海防丁癩補安肅旋與權要不合罷歸築康山書
院教授上監國起湖廣道監察御史未行值廣州失守數
被招復書不屈永曆元年四月陳邦彥起兵將襲高明而

炫約為內應不果八月陳子壯帥師至而炫遂與譚相國
區鏡等說敵知縣徐中玄中玄許之以高明迎子壯又與
相國關其忠李星一合師出攻新興復之高明再陷而炫
亟欲還救兵潰將率東山猛狼圖再舉奸人絀而執之至
廣州不屈與弟而焯及隨征都司嚴曾都司生員謝達等
同死詔贈太僕寺正卿賜祭葬廢一子而焯字昌仁以諸
生從軍授監紀推官從子萬孩字道泰世襲百戶授都司
先高明城陷巷戰而死先是新興有錦衣衛梁逾字卓甫
與新興生員梁州垣耆民梁州翰起兵與而炫合戰敗皆
被執死之二年上命梧州府通判劉姚馨往葬州垣以一
品禮祭七壇官其子敬承監紀通判逾先有護駕功陞餘

皇明四朝成仁錄

卷十

三六〇 廣東叢書

同至是贈廣威將軍

譚應龍字能岳高明人崇禎中為昭平典史知縣嘗委鞠
囚既定贖納錢囚泣問之曰鬻女所得也請於知縣以俸
代之有勾絕軍丁金却之旋以不忍廢民詣上拂衣歸北
都變聞與二子相國正國喪服書大行皇帝血詔於堂日
拜而哭謂先皇帝死而不忍忘百姓吾百姓生而忍忘先
皇帝乎且自有書契以來帝王之哀痛亦云多矣然未有
若先皇帝之慘者也讀之而不以死報先皇帝者其人必
不忠讀之而不以死報先皇帝者其人必不孝汝曹勉之
隆武二年廣東陷舉家全髮陳邦彥過之嘉其義言於子
壯子壯帥師將至應龍使相國出迎而陰約而炫與為特

角半旬而高明克復應龍之力居為多力字原缺子壯承據歸本補

制授兵部職方司主事不受敵將至應龍曰吾不可以不

安眾志更移妻子入城同署縣朱實達力守常佩一帶謂

子姪曰脫有不虞吾當維經於母塋之樹矣比城再陷乃

謂其妾黃氏曰汝嘗誦唐人波濤誓不起妾心井中水之

句今其時矣妾欣然赴井應龍徐整衣冠自縊年六十有

九相國妻口氏抱幼子憲默亦赴井事聞上以應龍一門

節烈准照以死勤事例給祭葬建祠旌表相國字起臣崇

禎十二年舉人國變後為書將獻行在以不能具行李而

止當事檄餉鬻產得三十金首輸之曰吾以翰義上即位

授禮部儀制司主事元年春聯集義旅從邦彘龔高明弟

皇明四朝成仁錄

卷十

六一

廣東叢書

克既與區銑關倫紀等說敵知縣徐中玄中玄說遂舉城

降二年春走南寧迎駕中途為土寇所害年四十九詔贈

員外郎

屈大均曰吾廣州故有三大忠焉其與國為存亡與君為

生死仁之至義之盡蓋文陸張三公其人也嗟乎廣州故

忠臣之淵藪哉宋亡於廣州三公死以終之明興於廣州

三公死以始之事雖不成而已有牽制之功臣沒於東而

君存於西矣故永曆之初言中興大烈者吾必以陳公為

冠其從之者皆非常之士云

定安死事傳

定安死事曰吳履泰曰王昌言歸案言翁山文外王惠愍先生哀辭作元

吳履泰字亨若定安諸生永曆元年四月清兵南渡瓊海

閩郡官吏皆薙髮迎降履泰時丁父艱乃以衰經起兵盡

散家貲召募旬日間得壯勇三千黎岐之眾六千於五月

五日歸案定安縣志作初十日慟哭文廟大誓師分水陸二道進擊十

一日歸案本傳戰於買萬長坡歸案坡翁山文外吳端烈先生哀辭作陔斬獲首

級以千計清兵稍却次日黎明以鐵騎夾擊我軍遂潰履

泰謂其弟履節曰吾力盡矣事之不成天也汝可歸葬先

人毋使暴露大呼崇禎先皇帝數聲抱石投海而死其甥

王蔚文從之於是門生故舊為履泰設位而哭私諡曰端

皇明四朝成仁錄

卷十

六一

廣東叢書

烈先生予為辭以哀之辭曰有美人兮何豪雄衣斬哀兮

為元戎父死謂何兮有他志吾志未卒兮辭殞宮歸案吾志未卒

翁山文外將破羌兮瓊海外出奇兮水火中募黎迤兮

半萬謀生熟兮蠻童果下駟兮爭跳蕩骨為鏃兮膝為弓

血濡縷兮歸案翁山文外此下有三躍殺藥弩兮成叢梯

黎錦香皮甲兮重重百子礮兮鹿鐵洞人馬兮心胸慶

戰兮大捷血十里兮沙紅天不助兮義旅再鼓行兮摧鋒

如流星兮突騎貫我陣兮西東鳥獸散兮驚駭羌半化兮

沙蟲沈那黃兮抱石與相累兮相從魂魄毅兮長在何草

莽兮孤忠無一命兮爵祿為國殤兮以終展我甥兮壯士

於魚腹兮依公駮兩螭兮騰鯨子前海若兮後祝融哀陸

沉兮赤縣挽潮沙兮洗炎邦鄭案邦原作邪嗟後死兮無力鄭案分原作者徒望之兮鬼雄投大招兮水怪為我致據翁山文外改分蛟龍

王昌言字如綸定安人諸生南京吏部尚書弘誨之孫鄭案

史翁山文思明知府鄭案明定安汝鯤之子鄭案汝鯤原

外作禮永曆三年六月五指山黎有叛酋馬路

根者結黨林冲霄黃敬純謀破定安擁上流以窺瓊郡昌

言所居龍梅實當黎賊出沒之衝念龍梅不守則定安一

邑隨之而陷乃散家財糾壯健為捍禦計賊知有備不敢

越龍梅咫尺犯我邊陲先是崇禎十七年昌言已設備至

是賊乘昌言稍瑕以數萬眾出攻昌言率死士先登陷陣

皇明四朝成仁錄 卷十 三六三 廣東叢書

多所斬獲既而參將張某軍行過伏棄戈潰敗數鄭本昌

言單騎衝突手刃數人毒矢雨發不能支遂死妻陳氏被

執以計脫其孤懋曾乃罵賊而死是秋九月定安陷嗚呼

昌言守龍梅而定安以固延至六年不被寇人倚以為長

城地恃以為磐石昌言死而定安遂失禍流數縣生靈數十

十萬無所寄其須臾之命焉天之欲亡昌言也夫豈惟一

身一家之故而已哉夫當黎賊作難可以挾妻孥負圖史

飄然遠瀛矣乃義不返顧與城存亡遂與吳履泰為定安

二烈視彼州縣大夫有官守者委百里之命而不恤相去

一何懸絕哉定安人私諡昌言忠愍鄭案忠愍以其嘗置

義田設義學賑飢恤貧造橋梁治道路有德於鄉又能保

障一城屹為巨鎮以一死殉其父兄子弟予又為辭以哀

之辭曰嗚呼定安迺有二仁吳之與王忠義其振端烈惠

愍社稷烈臣身沉海水血灑戰塵惠愍之死夫人同淪賊

眉罵賊亦動星辰脫孤於死勇計如神鄭案勇翁山尚書

弗絕胤子酸辛一鄉一井一郡本根王之水土小大惟均

守死勿去以保城闔為士如此為臣必純屹然大節朱崖

垂芬嗚呼吾廣東有三大患一曰交趾一曰澳門一曰黎

昔湛文簡有恢復交趾之議龐惠敏蟻鏡有陳可虞之疏

鄭案蟻鏡有翁山海忠介有滅黎之疏載在志書一一可

考然三大患黎尤近蓋黎居五指之山為瓊三州七縣之

心腹熟黎奸宄往往勾引生黎肆其抄掠思得三州七縣

而甘心焉蓋未嘗須臾而忘瓊也昌言軍殲身死瓊之人

至今憤恨此事勢之最烈者當事大夫苟能以忠介之疏

奏聞於朝依所區畫而行諸峒既平分為數縣黎母之子

孫鏤頰雕題與乾脚生歧之眾悉為化內編氓沐詩書而

知禮義是猶反掌之易易焉耳奈何其不講此策也

屈大均曰當宋之末瓊有謝明謝富冉安國黃之傑者從

安撫趙與路鄭案路瓊山拒元兵於白沙口事敗被擒皆

慷慨不屈以死於是瓊人義之終元之世瓊州無登進士

者明興人才大起丘文莊海忠介以文章道德嘉謨嘉猷

鬱為名卿大夫冠當成化二年秋薛公遠進戶部尚書邢

公宥進都御史而文莊進翰林學士皆在一月之內雖天

下望郡亦罕有衣冠勝事如瓊者瓊本海中一大洲去畿輔絕遠自本陵稱為南溟奇甸未百年而人賢奮起有背相望環五指之山三千餘里千餘本遠為名臣淵藪雖孝陵煌煌天語為之開厥禎祥然亦宋末忠臣義士之氣鬱勃而成天不得忠臣義士之子孫而報之而報之於其地之人賢天之所以厚愛夫忠臣義士也如此兩先生之事與二謝冉黃四君者後先一揆異時瓊之生才其光明俊偉以經世之文而為名世之業如文莊其人者當五里而一人馬十里而一人馬不但吳氏王氏之子孫簪纓輝聯獨受其報而已也則兩先生在天之精爽其亦以少慰也夫

封川死事傳

封川死事曰何兆寧

何兆寧字仲軾香山人崇禎間以諸生請從禁旅征賊河內有戰功總兵王樸甚奇之題授守備會兩廣用兵兆寧以部咨歸赴軍門請勦盤古十八峒賊古鄆本作力又鄆破之尋與惠州參將施王政破沙子下岡諸賊復合楚師擣之於主簿峒殲其渠首陸游擊未幾復從總督沈猶龍征九連山八排諸酋悉平之陞參將統轄肇標水師援勦海上諸寇兆寧善用間謀往往預得其聲息賊夕聚謀而兆寧樓船朝至矣隆武初靖江王擁兵東下人情疑懼諸將咸持兩端總督丁魁楚召兆寧與謀兆寧悉藏其哨艦港中而以漁艇數十溯流火攻破之陞思恩副將旋陞正總兵永曆元年夏從慶國公陳邦傳戰敵於潯梧容縣北流凡三恢復其地長驅至封川江口其監軍副使易第昌被箭入貴縣山中全髮而死兆寧拒守封川旬日戰不利身負數創躍入江中以死詔贈封川伯廕子昭錦衣衛僉事

武岡死事傳

武岡死事曰劉承胤

劉承胤字思山一字定一江寧人年二十以勇略為南兵部尚書黃克纘所器重題授湖廣征勦營游擊崇禎間奉命征勦有功於蕪黃麻城承天襄陽等處每行兵手持鐵棍重六十四斤先聲所至萬人辟易軍中號曰鐵棍將軍湖撫余攀桂題陞副將管撫標中營事轉貴州副將苗夷作亂承胤率兵攻克萬山雙溝八排八排本兩江爛泥橫嶺諸苗夷平陞黎平總兵廢襲錦衣衛百戶崇禎十五年武岡州東鄉黃橋有逆民袁有志等構黨數萬陷武岡及澧州常德裁岷王焚燬宮殿僭稱王號置偽官知州譚

皇明四朝成仁錄

卷十

三七 廣東叢書

岷雪告急承胤率兵進勦脫王世子於難得王冊寶賊巢

盡下楚黔兩撫疏以聞詔封征蠻伯明季南略卷十三作

定蠻世券命世鎮武岡流賊破寶慶統兵復之殲賊斬偽

官弘光元年河南北盡失承胤欲統兵下南京護衛馬士

英疏止之晉封侯爵行在陽秋作隆武二年十月永其後

南都福州連陷諸路文武臣僚赴武岡欲立岷王監國承

胤曰岷王我塔也若議監國是使天下後世笑我欲以女

為皇后也乃致書廣西巡撫瞿式耜議立永明王王既監

國旋即莫乃封承胤安國公南略作丁亥五月承胤請幸武

岡詔從之永曆元年丁亥八月敵恭順王孔有德懷順王

耿仲明智順王尚可喜噶喇額真焦泰藍拜率兵犯湖南

初渡岳州督師何騰蛟率諸鎮將棄長沙走桂林曹志建

棄永州走鎮峽敵至湘潭取仲明別率兵趨湖西尚可喜

東渡江攻燕子窩我總兵陳士明等率眾降長沙府屬各

縣悉陷敵入衡州我總兵郝永忠攻桂陽不克總兵張學

禮被擒永忠棄營走道州敵追之復走粵西孔有德耿仲

明同各固山兵絲寶慶攻武岡至紫陽河與我總兵陳友

隆等戰未決鄒本作陳文隆可喜自道州會之遂克武岡

武岡被圍時承胤出城迎戰不利遣總兵梁應忠率兵護

上出幸廣西承胤乃偽降以緩追騎事覺被拷掠不屈死

之祖母李氏年八十先投水死子起鵬年八歲為有德所

殺

皇明四朝成仁錄

卷十

三八 廣東叢書

永昌死事傳

永昌死事曰王運開曰劉廷標

王運開字子朗夾江人劉廷標字霞起

人弘光元年乙酉土司沙定洲叛

黔國公沐天波脫走永昌既而賊孫可望等至攻破定洲

定洲遁歸阿迷可望等遂屠臨安曲靖兩府

勢下楚雄大理移檄永昌是時運開以永昌推官署金騰

道印而廷標以通判署府印謀守瀾滄江拒賊會可望歸

正或勸天波往從之天波以問兩人皆曰賊喪敗之餘遊

魂倏忽誠恐不為天下所容故設此名號以欺人公今大

節一屈不可復申吾兩人受命守土自分死亡久矣豈能

皇明四朝成仁錄

卷十

三九 廣東叢書

累然降賊天波無以應然郡人大恐競叩署譁哭請降兩

人知事不可為因遣家人西走騰越運開謂其弟運闕曰

弟未仕表可無死其將吾累原注云一作妾俱西遂偕走廷標出

坐廳事諭眾曰逆賊狡詐吾素知之他城之降而屠者亦

屢屢矣處亂世死生有數若輩何畏之深耶眾大譁或直

前曰世間無不畏死者廷標笑曰莫謂無人因取酒置鴿

其中將飲眾惶懼趨出是夕運開再過廷標飲極歡既罷

運開遂繼廷標聞之沐浴焚香撰上烈皇帝遺表賦詩二

章二明史本書畢以練懸標練絕復甦客持之曰此天留

公也廷標厲辭拒之盟漱整衣冠更帛乃絕永曆元年丁

亥某月某日也運闕聞訃偕廷標子弟馳至治喪有過哭

者曰此吾輩布帛菽粟事耳其後可望至永昌襲執天波

父子聞二人死嘆異之命求其後將授官使人邀運闕運

闕欣然就道至潞江中流出一行書與其僕曰吾兄弟豈

可作兩途人耶遂躍入江中既沉復出眾爭救之運闕揮

手竟沉死僕視其書云將吾骨與兄合葬曰夾江二王兄

弟之墓運闕字子遠永昌陷時聞有馬生吳者吳本聞

門自焚亦奇烈士云

皇明四朝成仁錄

卷十

三九〇 廣東叢書

無錫死節傳此傳據史

無錫死節華允誠

華允誠字汝立無錫人天啓二年進士歸而受學鄉先達

高攀龍之門踰一年明史本傳作四年春明季南略卷九同此從攀龍北上授

工部都水司主事是時魏忠賢與閣臣魏廣微等亂政方

欲盡誅逐東林黨人凡士大夫為世指名者悉墮黨中允

誠將草疏以爭攀龍力止之會楊璉以疏劾忠賢得罪攀

龍與諸賢相次去位允誠遂告以歸赴補營繕司監督疏

瑤廠減經費銀數萬兩以繕城工南御史疏薦天下清官

四人首列允誠眾以為當久之明史本傳作崇禎二年冬擢兵部職方

司員外郎協贊郎中事於是溫體仁在內閣閔洪學在吏

皇明四朝成仁錄

卷十

三九一

廣東叢書

部兩人相表裏謀翻故時所定逆案一切是非進退不廢

眾望允誠憤然曰去河北賊易去朝中朋黨難吾非以養

母引退即當死職官下耳允誠先上母老乞休疏不許遂

即陳三大可惜四大可憂數千言其末謂次輔與眾臣以

同邑為朋比吏部惟阿閣臣之意造門請命昏夜為常加

膝壓淵惟其所欲甚至庇同鄉則逆黨可因事保舉排正

類則講官可借題逼逐皇上惡諸臣之欺欺莫大於此惡

諸臣之專專莫甚於此厥諸臣之黨黨莫固於此成禍下

移而舉措倒置臣寒心竊感疏上凡再奉旨詰責允誠遂

發洪學冒功冒廢諸弊言益侃侃不阿且謂喪師辱國之

王化真何以不正法也潔己愛民之徐大成徐明史本傳及南略均作

余何以不矜恤也唐世濟之黨護逃臣何以驗得美官也

劉宗周之孤忠自立何以不登啓事也特體仁方擅寵中

朝見允誠疏者悉為危之允誠亦分禍及然上意頗悟僅

奪俸半年是後釋大成誅化貞而逐洪學最後世濟下獄

體仁亦竟罷去訖如允誠言其年竟以養終告歸歸十二

年而思宗即位於南京始調吏部文選司員外郎尋改驗

封到署甫十有三日復疾歸凡通籍二十餘年立朝不滿

五載其剛方蓋天性也中間疏爭者率國家大計而訖未

究其用知允誠者惜之自諸生時讀攀龍心性靜坐諸說

即深信不疑及從之遊造詣益深遠攀龍既沒允誠發明

高氏之學巍然稱東南大儒蓋攀龍之後一人而已戊子

皇明四朝成仁錄

卷十

三九二

廣東叢書

避地鄒氏鎮標兵猝至允誠以不羸髮被執送抵南京諸

滿漢咸集皆以緩言款允誠允誠植立南向舉手曰二祖

列宗神靈在上允誠髮不可去身不可降乃遇害年六十

有一是日天大雷電晦冥風雨驟至父老見者相語曰此

不要錢華吏部也無不嘆息泣下從孫尚濂從之死僕葬

成聞允誠執長號不食先一日死僕朱孝聞訃亦號哭立

死閱十年縣人作神主附東林道南祠學者因允誠自號

尊之曰鳳超先生

屈大均曰汪琬曰予聞鼎革之際公間指頭上髮嘆曰留

此必買禍然吾食祿於朝去之無以見故主地下此其定

志久矣嗟乎忠憲公授命於前公又仗節於後所遭之變

雖殊而就義則一也不負所學誠哉是師是弟子云

皇明四朝成仁錄

卷十

三九三

廣東叢書

頁在卷十

屈大均原著

葉恭綽校訂

反正諸勳死事傳

反正諸勳死事曰姜瓖曰金聲桓曰李成棟

姜瓖榆林人崇禎十七年甲申二月瓖為大同總兵以城降賊賊挾之同犯京師自成既敗十二月清英王從保德州渡河孤山黃甫川東路諸堡皆爭迎附從鎮川溝南取西安分別部唐通姜瓖諸師狗榆中明年正月賊權將軍高一功拒戰於常樂敗奔響水瓖追至波羅又大敗之一功遷去瓖以二十騎乘夜馳還大同奪城而入一呼響應

遂斬賊制將軍過天星名張國忠者復稱崇禎十七年以令四方會敵至瓖倉卒不備復降為大同總兵戊子冬十二月乃建義旗奉永曆二年正月朔一時山西豪傑並起爭殺守令以應前副將劉遷起代扼雁門關為瓖號召瓖遣將姜建勳南下與敵戰於忻州不利明年三月從靜樂西山下取汾從汾而上將攻太原遇敵端重王於赤橋大戰而敗保晉祠堡水草乏絕以數十騎決圍出敵追及汾建勳自經死餘眾潰散所得太原汾諸州縣復陷惟太谷不下保德則瓖之將牛化麟所據被圍數月士卒殺之以降時瓖以母老堅守大同不出敵為長圍以困之經年載城中糧盡人相食其卒遂殺之以獻永曆三年五月事也劉

遷敗走入山堡自縊死初瓖兵西下敵延綏鎮總兵沈朝

華擊兵黃河為過截計敵延綏巡撫王正志更撤調延安參將王永強協防清水營及黃甫川諸路會神木高家堡諸義士曰秉德原注云一作真張秀倡義擁舊將高有才郭毓奇

而府谷兵知義者又應之二月永強率兵馳一日夜突入榆林屯凱歌樓下聲言姜瓖分兵過河已將歸守延安朝華聞其西還有異志從徑路襲之至神木隘口被永強生得之有才又已馳檄招榆林云大兵且至榆林遂下正志死焉永強自立為延綏大元帥又召魚河故將平德為山西總兵出攻平陽而留裨將謝汝德為延綏總兵有才時據神木亦各自署官爵不相統攝永強勒兵至延安有才

亦出富平於是關中大震永強渡河攻蒲州拔之復渡河至美原流曲敵巡撫黃爾信遣使走漢中求救於平西王吳三桂及固山李某各以兵出棧疾趨三原三月大戰於美原永強大敗奔石浦川自縊死四月有才遷至府谷據城自固敵引兵屯於保德保德與府谷夾河而城府谷城險峻據高臨下敵數渡河仰攻之弗克保德所處卑有才數以巨礮下擊敵兵多死相持年餘明年二月府谷食盡不降民婦女數千絳衣盛粧悉投河死有才亦投河死之平德至汾州聞美原之敗退屯紫柏六月三桂兵次回莊德逆戰大潰三桂遂進營於綏德之無定河口將屠榆林以暴風雷而止德竄入葭州八月城陷復東渡黃河三桂

遣將追及之德與壯士劉通等斫殺數十人被執不屈俱死之永強吳堡人有才安定人環之初起永強有才與為首尾所向克復夾河血戰三路應援秦晉幾於全舉駸駸有席捲天下之勢環死而諸豪傑相繼戰沒悲夫

金聲桓字虎夫遼東衛籍嘗為左良玉諸將弘光元年五月率其所部隨左夢庚降敵是歲隆武改元七月襄皇帝有敕諭提督各路援兵掛討逆將軍印恢復豫楚等處兼管土司中軍都督府左都督金聲桓昔者帝舜三苗之格周宣六月之師雖天行不廢五兵惟人龍可勝九伐蠢茲狡賊敢肆披猖廟社受其震驚神人為之共憤邇者誓師親討直驅口口於幽燕伐罪弔民先集銳鋒於彭蠡爾聲

皇明四朝成仁錄

卷十一

三元六 廣東叢書

桓正氣摩天忠肝貫日樓閣鎮遠先朝之召虎生威志渴吞胡胡字原缺據張本補此日之范韓攸賴邦水朕識大將之面芝山爾騰無敵之稱茲加爾文銜一品太保豫楚改為南京爾其効順竭忠力為恢復造廬推轂早已結念於舊知礪山帶河即以相期於異日大度朕之天性善後臣之良規汝其懋哉勗哉朕不食言特諭先是弘光元年六月楚將謝騰雲白之裔兵亂江右屠殺吉安等處隆敵敵遣聲桓入南昌以永曆二年春反正遣使齎疏至南寧上封聲桓豫國公王德仁口國公王德仁者本閩部裨將先降敵時與聲桓同舉義旗者也敵固山檀拜攻之明年正月城陷聲桓赴水死德仁被執亦死之論者謂南昌起事者宸濠

知取建業而不知防贛州聲桓知防贛州而不知取建業皆底於亡然自聲桓反正其時孔有德取仲明尚可喜三裨王與噶喇額真方抵全州圖攻桂林以聲桓舉事念上游聲勢不可不壯遂率兵還駐武昌以退為進而使檀拜攻之

李成棟字廷貞山西人初為開封游擊與流賊戰不利率兵隨高傑至高郵在後勁營為鎮守徐州總兵弘光元年口月江北俱陷成棟南走既而降敵為高江總兵尋鎮崇明貝勒使攻汀州邵武延平成棟先至上杭克之隆武二年十二月與佟養甲絲漳襲潮降大盜陳曜遂破惠州日用潮惠印符為文書郵至廣州報平安而選騎易裝馳三

皇明四朝成仁錄

卷十一

三元七 廣東叢書

日夜至廣州東門奪關而入其副社永和得唐王偽稱紹武者養甲並執周益遼鄧四王盡害之成棟隨遣兵往南雄韶州下之親往肇慶又下之遣楊文甫張月往高雷廉三府閩可義往瓊州皆下之親往梧州廣西巡撫曹輝出降上幸桂林已又幸南寧永曆二年正月上在南寧江西金聲桓王德仁反正檄至廣州三月成棟遂以廣東來歸成棟本山西勳衛受國恩久降敵非得已其在廣州或傳其密閣中奉高皇帝畫像未審也然俘執忠節諸臣必盡禮待之為之咨嗟贊美人咸怪之又初破廣州時得印信五十餘顆於中獨取總督關防藏之及與養甲有隙會江西報至遂反正閏三月十三日下令去辦復衣冠為表稱

罪臣遺羅成耀詣行在乞降明季南略卷十三云遺帳下投誠進士洪天權潘曾璋李

絳齋表編臣並以總督關防上之上遣勳臣馬九功封成棟惠

國公授養甲兵部尚書養甲懼遂以兵馬盡歸成棟上命

商丘伯侯性往廣州築壇拜成棟為大將軍成棟大悅五

月成棟率師往南寧迎駕陛見時汗流浹背俯伏不能起

出語諸將曰真天子也上以其忠勇可託委以恢復中原

之任六月上發南寧遂幸肇慶封養甲襄平伯召掌左軍

十月成棟出師贛州州守將高進庫者與平伯傑之子也

江西廣東反正而進庫屹立其間堅不肯附王德仁約成

棟會攻之成棟方經理內事未遑出師比出師則南昌警

急德仁還軍自保矣成棟一攻不下退壁信豐南昌復陷

皇明四朝成仁錄 卷十一 三九八 廣東叢書

成棟數戰不利敵援大至懼廣州不固使浚治城隍築東

西二隅為兩翼南屬於江而修行宮迎駕十一月成養甲

伏誅成棟出師時養甲屬其舊人蠟書通敵事覺成棟密

請誅之遣祭輿陵於梧州舟至楊柳沙總兵張善追及之

養甲當燭夜棋聞有變按槍槍口傷兵士數人善厲聲叱

曰公差矣公所殺宗室諸王忠臣義士以數百計一死有

餘幸乃吝惜若此取養甲赴水善刀及其腹以屍還報越

四日乃暴其罪三年三月成棟大戰於信豐敗績遣諸部

先還成棟斷後甲重溺水死上痛悼輟朝親祭贈寧夏王

後廣州死事諸臣傳

後廣州死事諸臣曰馮耀曰郭瑤曰施輝然

馮耀字蒼玉鄒州南海人世襲廣州後衛指揮使

郭瑤字季文南海人祖盤延平府同知父邦英參將瑤生

而好武喜擊劍舞樂年十八走遼東塞督師袁崇煥愛之

題授守備崇煥死罷歸隆武二年冬清督

車駕幸梧州上欲使使宣諭敵平南王尚可喜靖南王耿

繼茂而難其人耀慷慨自請上遣之既至廣州守將江寧

侯杜永和止之勿往耀曰吾設不往則欺君吾今惟知君

之不可欺不知敵人之不可說也永和與諸將飲餞於鎮

海樓耀年七十餘鬚髮皎然意氣凌厲引滿盡數斗謂諸

將曰從此出郊一里至越王臺即是天山朔漢矣吾老矣

奮三寸之舌宣布天威但得了零歸命亦何必蘇武生還

哉緋衣玉帶道鼓吹旌旗而出既抵敵營宣敕云立轉南

來之甲旋為北伐之師封可喜為平南侯繼茂為靖南侯

二裨王大怒耀厲聲訶責諭以大義二裨王亦皆壯之欲

以微使還說耀不從以劍擬之欣然引領執刃者欲去其

冠曰吾冠朝廷冠也頭可去冠不可去以手控冠坐而受

刃州城破耀被執不屈死之

皇明四朝成仁錄 卷十一 三九九 廣東叢書

皇明四朝成仁錄 卷十一 三九九 廣東叢書

皇明四朝成仁錄 卷十一 三九九 廣東叢書

皇明四朝成仁錄 卷十一 三九九 廣東叢書

皇明四朝成仁錄 卷十一 三九九 廣東叢書

皇明四朝成仁錄 卷十一 三九九 廣東叢書

皇明四朝成仁錄 卷十一 三九九 廣東叢書

於養甲襲陷廣州兵引滿射之瑤以肘三落其矢被執見
養甲養甲故與瑤同事崇煥一見識之使為麾下都司瑤
偽聽命明年秋閣部陳子壯率兵攻廣州瑤為內應事敗
養甲以故人不忍殺反正後走行在所上書授游擊將軍
為某總兵旗鼓永曆四年春廣州被圍瑤與勳爵杜永和
等戮力死守城陷冠帶坐中庭酌酒以待兵入奮罵見殺
瑤故人崔應龍者燕人也時為廣中都司城陷入文廟謁
辭孔子縊而死有馬承祖者廣州右衛達官指揮守五羊
門城陷與子宗保宗仁同戰死

施輝然番禺人先世名滿者國初從征南將軍廖永忠征
南副將軍朱亮祖平定廣東有功授廣州前衛指揮世襲
皇明四朝成仁錄 卷十一 四〇〇 廣東叢書

輝然歷官副將為太子太師王化淳軍前昭勇將軍鄒崇
山文外及番禺縣志作澄永曆四年廣州被圍分守西城十月城陷
巷戰而死家中男婦十餘從之十原作千子祚基五歲以
哭父亦死從子廷基以城陷被俘不屈死其從兄輝然從
弟煥然鄒崇煥然從弟四字原缺據永曆初同為護駕將
軍後為益陽王軍前副將鄒崇煥字原缺據翁山皆以殉
難死子嘗為其兄處士煥然墓銘有曰國初勳庸厥有施
公南從朱廖底定番禺一官二舍世祿永豐鄒崇永翁山
三百餘祀十九飛龍思爾一衛與子男同子孫何賴鄒崇
山文外所賴祖功自宜死國天寶始終鄒崇寶翁山九世
昭勇將軍寶忠西城困守哀創執弓巷戰殲敵血濺佗宮

乃君之弟是曰孺弘孺弘者輝然之字也

屈大均曰前廣州之陷諸臣死者一皆廣州之人而他無
一焉後廣州之陷亦然耀與瑤皆非封疆之臣封疆之臣
當日皆安在乎其不死者豈以為非廣州之人乎然亦有
燕人崔應龍矣聞是時有總兵蘇文光者不知何許人潛
兵小舟作農裝往來慕德里巡司將謀襲敵敵遣數騎誘
之文光棄舟追敵遇伏父子死焉亦廣州死事之一也又
永曆三年冬十二月晦敵至南安偵知南雄虛實乘夜度
庾嶺抵南雄遣使說降至再三總兵楊傑等不下疾攻之
城陷敵殺傑及董洪信鄭國材等五人副將蕭起等二十
四人是皆以死殉城者也其亦賢於杜永和諸人遠矣然
皇明四朝成仁錄 卷十一 四〇一 廣東叢書

皆未知其何許人噫

南寧死事諸臣傳

南寧死事諸臣曰高賚明曰楊禹甸曰洪雲昇曰張孝起

高賚明字孟良新會人天啓二年進士永曆四年蘇河南道御史陞太常寺少卿從駕至南寧敵追急群官逃散賚明依依行在獨不肯去貧甚紙袍糠飯得疾痛哭以死年七十餘

楊禹甸字甸之號海鶴深水人以貢生任國子監博士遷戶部郎中督餉南寧永曆五年十二月十九日南寧陷衣冠赴水死直立不僵土人殮之於袖中得二語曰有母不能養非孝有君不能事非忠末綴畢命詞一首

皇明四朝成仁錄

卷十一

四〇三 廣東叢書

梁雲昇字超然一字諱穆詳解本宣化人以舉人任工部

郎中南寧陷雲昇糾率義旅為保障所居喬板村敵兵卒下被執不屈以死其生為三月十九日其死亦然皆威宗烈皇帝殉社稷之日也人多異之雲昇與禹甸交好既死踰年同降神於喬板土人立雙忠祠祀之雲昇子振殉父難亦不屈死因以配享

張孝起字將子吳江人崇禎十三年特賜進士任廉州府推官城陷被執不屈反正後得出獄永曆元年從駕幸梧州遷兵科給事中兼掌吏科四年廣州被圍駕復幸梧州十三營諸勳自楚戰敗入行在不法孝起疏列其罪直聲震廷有鄭國公高必正者闖賊李自成之妻弟也驕蹇之

甚叱孝起於朝孝起挺然不撓以大義責之諸勳率懾服焉五年春駕幸南寧孝起奉命出為高雷廉瓊四府巡撫四府陷乃入廉州山中復依靖氛將軍鄧權於龍門島合謀恢復會漳平伯周金湯移軍防城耀疑其并己攻之孝起往來為之解紛權不悅孝起遂往依金湯敵將栗養志兵襲金湯金湯戰敗走上思州復走南寧孝起倉卒被執逼令薙髮不從不食七日死之

屈大均曰自兩粵破陷以來忠義之士惟粵東為盛粵西則絕無而僅有梁公雲昇其一人也三月十九日生之日即為死之日自甲申至今凡有血氣者莫不於此日夜痛不忘梁公何幸而得死於此日也得死於此日即謂之復

皇明四朝成仁錄

卷十一

四〇三 廣東叢書

生於此日也詎不可哉喬板之鄉予未嘗一至若楊公禹甸者又使南寧以之而重者哉

死孫逆之難諸臣傳

死孫逆之難諸臣曰楊畏知其先死於雲南者曰羅國
璣曰朱壽琳琳張本作錫明季南略卷十七同此死於永昌者曰劉廷標
曰王運開別有傳死於各州縣者曰席上珍曰取廷錄
曰冷陽春曰夏祖訓曰周柔強死於行在者曰楊鼎和
曰嚴起恒曰劉堯珍曰吳霖曰張載述曰楊同宣曰吳
麟麟南略卷十五作晉其後十八人者曰吳貞毓曰張鐫曰張福
祿曰全為國曰蔣乾昌曰李元開曰徐極曰楊鍾曰趙
慶禹曰朱議景景明紀曰李欣欣張本及南略卷十六均作傾曰胡士
瑞曰蔡縝曰鄭允元曰周允吉曰朱東旦曰任斗墟曰
易士佳其不在此數者曰雷得復曰朱斗垣

皇明四朝成仁錄

卷十一

四〇四 廣東叢書

楊畏知字介甫寶雞人弱冠舉鄉試第一崇禎十三年以
特用歷官戶部郎督餉真定明年遷川北按察司僉事未
任補金滄道攝洱海巡道事弘光元年乙酉元謀土知縣
吾必奎反連陷武定祿豐楚雄諸群縣九月征南將軍黔
國公沐天波檄各土司兵會勦遂與土官祿永命龍在田
等擊破必奎平之畏知繇是以監軍留楚雄十二月朔凱
旋領費土酋沙定洲衷甲入謝遂作亂陷沒雲南連下迤
東諸郡勢張甚天波走楚雄畏知聞定洲西出與天波計
畫守禦之具未集曰公在楚雄賊以全力來攻城必破不
如西走永昌使楚雄得為之備賊西追則恐楚雄塞其後
留破楚雄則恐公從西來首尾牽制上策也天波從之定

洲至楚雄城閉不得入為畏知所給遂去遣其黨王胡李

日芳等分攻大理蒙化屠之畏知募奇兵邀擊於定遠廣
通間屢敗之於楚雄堅壁清野檄調漢土兵馬郡縣多遙
應者定洲恐斷歸路又聞迤東祿永命龍在田等各自為
守因不敢遽至永昌還攻楚雄不能下畏知乘其懈出兵
奮擊前後殺萬人賊稍稍引去東攻石屏不能下遂攻寧
州破之永命死至嶧岷土官王克猷走死在田在石屏大
懼與其黨許明臣竄大理定洲既定迤東復攻楚雄分兵
為七十二營每七營以一大將統之環城守濼為久因計
畏知守益堅終不能下永曆元年丁亥張獻忠被射死於
西充其義子孫可望等率潰兵奪重慶江蘇遵義入黔在

皇明四朝成仁錄

卷十一

四〇五 廣東叢書

田使人告急且勸其至滇可望因詐稱黔國夫人焦氏之
弟率兵復讐雲南初苦定洲之亂皆延頸以望不知其為
賊也三月可望等兵至雲南定洲解楚雄之圍禦之於革
泥關大敗迺還阿迷州畏知追至昆明獲其黨張國用等
磔之天波以兵屬馬俾調練各土司兵馬阮守諸隘可望
破曲靖及交水皆屠之遂繇陸涼宜良趨雲南宜良知縣
方輿佐迎之賊喜不入城至雲南巡撫吳兆元等迎之巡
按羅國璣在曲靖被執不屈自焚死前通判朱壽琳以倉
都御史奉命募兵於滇亦不屈從容賦詩死之可望等既
據雲南分遣李定國狗迤東諸郡可望自率兵西出畏知
禦之於祿豐啓明橋兵敗身中三矢赴水不得死被執踞

罵可望素重其人下馬扶之曰吾今已不為賊當與爾共
扶大明耳畏知瞪目視之曰果爾當從我三事一不用張
獻忠偽號二不殺百姓三不淫掠婦女不然有死而已可
望皆許之折箭與誓即日下令止殺畏知與可望抗禮無
一言相下每拂意輒以賊呼之可望畏其剛正不敢害竟
聽其言可望至大理龍在田許明臣迎降復致書天波如
畏知言天波遣子以道府印信報命永昌通判劉廷標推
官王運開俱不屈自縊死可望分兵入麗江悉取其數代
所蓄厚待天波子陰使劉文秀隨之疾馳奪蘭滄橋至永
昌挾天波與鄉官龔彝等及畏知皆至雲南姚安舉人席
上珍拒賊被磔死李定國至臨安定洲所部李阿楚拒戰

皇明四朝成仁錄

卷十一

四〇六 廣東叢書

攻下之阿楚自焚死城被屠口死者八萬餘人聞晉寧有
變因大掠臨安而還過河西故御史耿廷籤不屈赴水死
至晉寧守者為昆陽人孔師程城陷濼去定國屠之并屠
昆陽呈貢歸化死者又數十萬晉寧知州冷陽春呈貢知
縣夏祖訓俱死之江川知縣周柔強率眾屯撫仙湖之孤
山定國遣兵往擊盡殲之於是迤東屠戮之慘幾與蜀同
而迤西獨免故楚雄人至今尸祝畏知云可望還雲南梅
平東王造印救設官故御史任僕倡議尊可望為國主以
僕兼吏禮二部尚書鑄興朝通寶錢括近省田地及鹽井
之利俱以官四民六分收可望饒機督既據有全滇益自
尊大而其黨猶儕視之各僭王號不相下而李定國尤強

悍每事多扞格可望執而杖之定國怒自率所部往攻沙
定洲平之眾益悍定國可望計不遂苦無以制其下願欲
假名號自尊畏知又屢以匡扶大明為言因遣畏知龔彝
等道貴陽入粵適武康伯胡執恭方奉命屯泗城州防滇
寇探可望意便宜招撫許以王爵可望悅執恭遂矯冊命
封可望為秦王密疏以聞可望率眾迎受亦具疏謝並修
貢物畏知等至貴陽為守臣所阻多方陳論得達肇慶行
在朝上道可望歸順意為請封道臣袁彭年科臣金堡等
執不可謂祖制異姓毋得封王至袖納敕印請收畏知畏
知奏可望等兵馬威強可藉為用何惜一大封號以收拾
人心而反自樹敵上是之許授公爵督師堵胤錫復請乃

皇明四朝成仁錄

卷十一

四〇七 廣東叢書

封可望平遼王賜名朝宗不知可望已受秦封傳檄四出
矣畏知又固爭謂彼等已僭自王矣今一旦降號公侯復
降為二字郡王此純臣之節非所望於群盜也不如姑餌
之破格明恩猶可幾其用命於萬一且法有因革今疆土
已非祖宗之舊則法寧不可以變通乎權封之加以大國
責以蕩平亦猶祖宗之志云爾且臣已許之矣臣為祖宗
起見非為賊也弗聽詔加畏知兵部尚書提督川湖雲貴
軍務既還可望恥改封亦不受詔乃自稱秦王且禁定國
等勿受公爵定國等不悅謀遣畏知再行以請改封為名
因致擁戴之意時偽定北將軍艾策勳已死可望悉收其
部曲勢愈威強四年冬兵出貴陽破定番侯皮熊兵於貴

筑北攻遵義忠國公王祥自劉死遂盡有黔中之地時滿兵亦盡陷湖南及兩粵上幸南寧五年可望遣賀九義張明志赴南寧護衛且脅改秦封大學士嚴起恒督師楊鼎和給事劉堯珍吳霖張載述等抗論不允並疏劾執恭綸詔之罪可望聞之使九義盜殺鼎和於崑崙關九義與起恒議不合擊殺之於水中屍流三十里有虎負之置岸上而去又殺堯珍霖載述及兵部尚書楊同宣兵科給事中吳麟以洩其憤上不得已遂更授秦王冊寶可望復遣畏知赴南寧覘朝廷舉動畏知因疏劾九義賊殺朝臣之罪上留畏知入閣辦事可望怒使指揮鄭國執畏知上與痛哭而別手賜金章鑄忠貞直諫四字畏知至貴陽大罵可

皇明四朝成仁錄

卷十一

四〇八 廣東叢書

望取頭上憤擊之既下獄士民數萬哭聲震天乃出之黑神廟任僕是時得寵可望生男僕乞加恩如皇太子例龍羣亦希意啓陳十事欲租外增賦賦內編馬滇黔民甚苦之畏知與力爭二人因構畏知畏知度不免作絕命詞以自見可望召詰前事侃侃不屈可望令杖之畏知呵曰朝廷大臣誰敢輕辱有死而已罵不絕口遂死之定國文秀皆與畏知善聞之益恨可望六年二月定國率所部五萬餘人出靖州可望恐其遂擁車駕而東使馮雙禮馬進忠等與俱因以相制更使鄭國遷上於安隆所改為安龍府以范應旭知府事上在安龍益窮促密與內臣張福祿全為國言秦王待朕無人臣禮朕欲發密敕使人馳賚西藩

行營葉出朕於險福祿等承諭口舉共事職名上許之遂命大學士吳貞毓撰敕以文安侯馬吉翔乃可望心腹先遣往南寧祭陵以林青陽充使封定國晉王召之迎駕復使周官再致誠款吉翔知之陰使提塘王愛秀聞於可望可望怒使鄭國伴縛吉翔於南寧令與行在諸臣對理實厚待之八年三月六日國與愛秀見上求索首事之人上曰此事朝內諸臣必不敢為數年來外邊偽寶偽敕頗多鎮臣尚宜密訪國等怒目而出至朝房械繫貞毓等引兵入宮執福祿為國宮中大震鄭國將貞毓等極刑拷訊貞毓言凡事惟宰相主持我約李定國還討可望是實何與諸朝臣事然吉翔已預報一十八人某主謀某草詔某盜

皇明四朝成仁錄

卷十一

四〇九 廣東叢書

寶因羅織成案請上裁決上不得已付廷臣公同議擬刑科給事中張鐫內監張福祿全為國凌遲翰林蔣乾昌李元開給事徐極楊鍾趙廣禹御史朱議臬李欣胡士瑞郎中蔡績鄭允元周允吉主事朱東旦任斗墟舍人易士佳棄市貞毓以大臣賜絞皆慷慨賦詩慰安皇上而死上心惻然於時朝野哀之皆稱為忠烈十八公云然定國得密敕亟趨安龍護上遂入雲南得延正朔至於壬寅為十有六年而上乃崩則十八公之功焉可泯哉外又有雷得復者字七來南昌人以諸生起兵從金聲桓反正永曆三年走肇慶行在授兵科給事中疏參大學士嚴起恒革職上幸貴州迨至武岡帝及安龍之難上為可望所困得復聞

之賦詩四十章繼以死年四十餘又有朱斗垣者字月生
崑山人官兵科給事上既入雲南可望遂反定國禦之軍
於曲靖可望總統大將白文選率兵歸定國斗垣奉使封
文選為王途過可望所遣龍雲南兵張勝武大定等不屈
被磔死此則十八公之外者皆忠烈之臣云陽春石阡人
祖訓嘉興人起恒字秋冶桐廬人崇禎四年進士貞毓字
念劉宜興人崇禎十六年進士畏知死上以其節贈之某
官賜諡忠烈

屈大均曰楊公正直剛方兼資文武使滇黔得見大明天
日延國祚至十六年皆其功也公倘不死與諸勳戮力勤
勩其功名豈出諸葛公之下哉曹操不殺孔融不敢擅漢
皇明四朝成仁錄 卷十一 四一〇 廣東叢書
融一死甚為漢重吾於公亦云十八公之死能救君父於
險難與唐之六臣並烈焉可誣哉

慶遠死事傳

慶遠死事曰龍韜

龍韜維容籍原陽山人武舉人永曆初起義從定興伯何
騰蛟恢復柳州南寧慶遠太平四府封維容伯崇禎末行在
寧尋晉侯孔有德陷廣西韜獨守慶遠不下單騎入黔乞
師孫可望使從晉王李定國還戰嚴關復桂林誅有德誅
下孔有德有晉王使提兵東守梧州晉王攻新會不克還滇韜
還守慶遠被困自經死

廣東死事四侯傳

廣東死事四侯曰李明忠曰李元胤曰李建捷曰郝尚

久秋行在陽

李明忠字蓋臣別號葵庵進賢人初遊京師與諸豪俊交好慷慨談兵島帥毛文龍延致幕中甚尊禮之明忠時時從其麾下孔有德取仲明二將飲酒酣嘯歌輒自負文龍死有德等震懼東走滿洲邀明忠與俱明忠不可慷慨言曰吾中原人當歸中原異地富貴非我願也單騎馳歸京師上書言方略不報鬱鬱去之弘光元年二月督輔史可法奏請遴選奇材勇略之士如武進士例考取得三百二十人明忠第一初授廣東西山參將陞潯梧副將隆武二

皇明四朝成仁錄

卷十一

四二 廣東叢書

年九月上監國梧州明忠奉命從總督林佳鼎率師問罪廣州兵敗佳鼎死之明忠收集殘軍而還永曆四年命以中軍都督府都督太子太傅提督廣東高雷廉瓊等處軍務兼理糧餉聯絡義旅便宜行事掛寧武將軍印封海康伯廣東既失敵靖南王子取繼茂念明忠與其父仲明舊交遺書招之明忠斬其使五年二月五日尚可喜遣其將徐成功率率兵向高州明忠接戰於陽江岾峒行在陽秋作五年三月高州提督李明忠檄廣西總兵趙印選以狼兵三千來助敵連斬三塞以入我兵多死進克電白抵高州明忠走保博白山中副將王邦友黃魁馬進忠李光先監軍副使郭光祖吳人龍等以兵降明忠勢益孤聚集散亡再走龍門島六

年八月繼茂將攻瓊州駐兵海康先是總督杜永和及博興侯張月等以廣東失守走瓊州至是明忠欲往從之永和因誘執之以獻繼茂待以父執時時勸降許以侯爵明忠仰天笑曰嗟乎繼茂吾與汝父別皮島時肯降心北向今分藩開府豈足道哉吾明室遺臣力盡而死夫又何言被囚七日遇害四月某日也

李元胤字源白浙川人本姓孫崇禎間副將陳永福駐兵浙川部將賈姓者開封人元胤幼孤無所依因往歸賈賈其姓中軍李成棟與賈善心悅元胤待之異常兒尋賈陣亡元胤歸成棟事以父禮開封陷從成棟走下邳軍事無鉅細成棟皆與謀議智計絕人弘光元年南京陷成棟以

皇明四朝成仁錄

卷十一

四三 廣東叢書

兵降豫王使為嵩江總兵未幾貝勒將征福建調成棟至軍隆武二年冬與佟養甲帥精騎二萬繇漳泉攻潮惠克之遂襲破廣州明年粵中義師大起成棟推鋒陷陣四應不給精銳之師半殲於山圍水砮之間然嘗於私室中奉高皇帝畫像家人不知惟元胤知之永曆二年金聲桓王德仁以南昌反正檄至廣州元胤疾告成棟請舉全粵應之成棟喜曰吾志也閏三月十三日原注云嶺表紀年作欽作四月十五晨行在陽秋作二月清廣東提督李成棟以肇慶內附成棟下令復衣冠奉正朔養甲為所脅亦奉表歸附稱臣上以元胤為錦衣衛指揮使管衛事兼中軍都督府都督同知提督禁旅官旗辦事宿衛乘輿成棟遂以大將軍率師度嶺初元胤依托

成棟數年皆以賈為姓至是反正成棟以老母妻子在嵩
江盡遭戮辱乃命元胤為後改姓李氏三年三月明紀及
秋均作成棟師次信豐敗績死之上聞揮涕罷朝二日贈
二月行在陽宣夏王而進元胤南陽伯元胤痛哭流涕固辭謂今日皇
上中興無人可用杖拭二三累臣而用之但云使過而已
今者名器已濫人人罪浮於功臣誠不忍乘先臣之亡以
為己利優詔再三乃勉受車騎將軍印然章奏文移猶署
原職人稱其識大體云四年正月南韶連喪上御龍舟西
幸留元胤與文安侯馬吉翔居守敵騎從間道趨從化將
向廣州總督江寧侯杜永和及總兵范承恩布政使江楨
副使戚元弼議棄城航海居民驚走元胤聞之親至廣州

皇明四朝成仁錄

卷十一

四四 廣東叢書

責永和等死守永和等乃還舟守禦二月六日廣州被圍
元胤與吉翔及宣平伯董方策慶國公陳邦傳兵部尚書
曹燁等督兵來援永和恐諸勳鎮分其權上疏止之元胤
不得已以舟師陳於三水敵攻之屢戰數日勝負相當已
而元胤欲入城同守永和亦弗許鄭國公高必正率精騎
二萬自楚至行在自請擊敵元胤疏言請救必正出懷集
四會度清遠以斷敵人之後廷議以永和故卒不敢用處
之潯梧之間後以水土不宜二萬兵疫死殆盡元胤聞之
數遺書以責永和永和弗恤也十一月三日明紀作乙卯
秋作初廣州城陷元胤退還梧州先是上在梧州聞廣州
二日不守將幸桂林會桂林亦陷乃夜乘船西幸陳邦傳來危

劫駕及後宮輜重元胤身先士卒擁護三宮上所御殿船
輕疾先至南寧元胤追之不及遂與海康伯李明忠避入
博白山中久之往來海上檄召舊旅乃為恢復之舉五年
二月至防城敵引兵圍之元胤單騎脫走為土兵王勝堂
所執行在陽秋云四年十二月既見取繼茂不屈左右白杖
交下元胤厲聲曰刀銘鼎鑊不懼懼白杖乎百計誘降皆
不答令謹事之一日敵人會獵元胤笑謂汝曹何不以我
為鵠而叢射之諸將不忍或譏其前亦曾薙髮曰我昔以
白衣參軍無關重輕今列爵五等為國大臣尚欲覲面求
生耶遇害時自擇三州之口令從者移置胡牀西向坐曰
我君在西也顏色怡然與弟建捷同日死五月八日事也

皇明四朝成仁錄

卷十一

四五 廣東叢書

行在陽秋作六年三十有四一子五齡先數日殤諸將皆
年四月十三日元胤顧喜曰我庶幾無身後之累也一女二歲令人投
之於海妾亦赴海而死
李建捷字敬赤真定人亦父事成棟而以元胤為兄為人
深沉有大略言笑不苟善騎射膂力過人信豐之役成棟
卒於軍中建捷將所部隸總督杜永和麾下廣州圍急建
捷數開門出戰身從騎數十直突重圍斬級懸之馬首
往來披靡以為常進爵安肅伯敵久頓堅城智勇俱困乃
借賴兵萬人為助而范承恩者陰與交通以西關礮臺與
之敵反礮擊城城崩遂陷建捷走梧州行在扈駕旋奉命
與元胤往來海南檄瓊州舊旅合兵恢復至防城遇伏覺

之已脫身登舟矣聞元胤被執乃還曰兄死我忍獨生乎
同詣敵營辭氣不少屈駢首死之

郝尚久本惠國公李成棟部將封新泰侯奉敕守潮州永
曆四年廣州被圍惠州總兵奉化伯黃應傑嶺東道李士
璉密書納款使往來說潮州尚久與副將沈時亦遣人納
印敵使尚久仍守潮州尚久年老性剛復與郭虎班志富
不和尚可喜因調尚久充水師副將以便節制而以劉伯
祿往代之尚久怒不受命遂舉兵奉永曆七年正月時西
寧王李定國兵臨肇慶尚久與為聲援改署官府執敵知
府薛信辰囚之四月攻潮陽縣不克求助於國姓成功成
功遣兵至擊鷓汀背尚久拒之大掠潮陽而去閏八月耿

皇明四朝成仁錄

卷十一

四六 廣東叢書

繼茂與哈哈木統滿漢兵及土兵號十萬攻之分駐城外
踰月以巨礮陽擊其西陰遣舟師登東城尚久奔東山塞
與其子堯戰敵不勝投井死潮州遂破屠破字疑誤
屈大均曰初惠國既薨諸將故比肩不相下朝廷無威望
大臣足以攝之者兩廣總督之任至數月未授惠國有親
隨戎旗三千最精悍自信豐還倡曰誰為總督視我所屬
而已中軍江寧伯杜永和以厚利許以三倍月糧三千
人歸之朝廷因授永和總督問鎮廣州當是時朝廷乾綱
獨斷若以南陽任之南陽秉其公忠勿矜勿急使四向撥
兵雲合水陸連攻斷糧而絕歸路敵雖輕入豈能久困
於堅城之下永和執海康以獻致南陽安肅皆不免焉而

乙亦不克令終新泰隱忍待時卒以潮州舉義事雖不成
亦可以見三公於地下也矣

皇明四朝成仁錄

卷十一

四一七 廣東叢書

靖州死事傳

靖州死事曰林爾張

林爾張字四維惠來人父應選韶州學訓導爾張以崇禎十七年歲貢知天柱縣陞桂陽知州調靖州皆在湖南殘破之地撫綏有方以才幹著聞滇寇至靖守禦兩月不懈援絕城陷死之一家殉難十餘人民立祠以祀之

沅州死事傳

沅州死事曰李之駒

李之駒字某某沅州平溪衛人崇禎癸酉舉人歷任雲南羅平州至辰沅道敵至沅之駒冠服坐堂上曰死不避難臣職也被執遂死之

皇明四朝成仁錄卷十二

屈大均原著

葉恭綽校訂

廣東死事三將軍傳

廣東死事三將軍曰王興曰陳奇策曰蕭國龍

潮州忠逸傳稱興為大王興埔人本姓黃後改王興字電輝恩平人以殺讐亡命

易姓名蕭嘉音人以其短小精悍因訛呼為繡花鍼云初

為盜任俠好施得諸惡少死力會御史連成壁以勤王兵

至新興興眾疑而擊之殺五百餘人成壁厲聲責興以大

義興聞之大驚曰此朝廷繡衣使者若輩無知至此奈何

乃單騎造成壁伏地請罪遂迎成壁至其營張樂設飲三

皇明四朝成仁錄

卷十二

四二〇 廣東叢書

日劍血為誓會有他盜謝案者要掠高雷運餉數萬興執

案斬之護餉直詣撫軍撫軍異其事授以官繇是興以勤

王為任成壁疏聞襄皇帝嘉之授以副總兵命成壁監其

軍鎮守陽江陽春兩縣隆武二年冬唐王聿錫偕立密使

人說興西出梧州邀劫三宮許酬封爵興以大義拒之廣

州陷退保恩平山中終養甲以書招降弗聽遣兵合攻興

伏而敗之殲其將焉遂復恩平養甲謀使朱崖執黎從合

浦西走南寧犯駕興知之出攻羅定陽春以制其後而來

間襲復陽江遂攻電白無日不與敵戰敵其苦之永曆二

年李成棟反正上躐肇慶成壁上其功詔興入朝晉都督

總兵官賜蟒玉還守陽江陽春恩平開平四縣四年春廣

州被圍詔興掛虎黃將軍印率兵同衛臣馬吉翔李元胤

等赴援興次三水道遇敵斬獲百餘人奪餉數萬上之戶

部廣州守將杜永和忌之過勿使前廣州再陷興退至陽

江會永和亦至舟資器仗盡為所奪乃率眾至白泥塞尚

可喜取繼茂二裨王招之興斬使焚書已復書曰朝廷用

我以名我報朝廷以實朝廷用我以實我報朝廷以名今

尺寸之土朝廷之名實在焉必生死以爭之敵遣重兵攻

之踰兩旬力懈興以五百人分伏斬級千餘得馬騾數百

七年五月復廣海衛城殺敵將一人八年九月西寧王李

定國兵下高涼興為前鋒旁收諸縣從攻新會先登定國

敗績興乃駐軍文安寨築壘建倉廩為持久計宗藩唐王

皇明四朝成仁錄

卷十二

四二一 廣東叢書

聿錫郡王郾城興安及縉紳朝士多往依之興一過以禮

資給咸豐欲婚者為其羔雁欲去者為其行李時車駕在

雲南出入海上詔使往來藉興為東道主又數使姪茂公

與黃珏假道交趾貢金銀布帛諸物上益嘉其忠十年春

可喜發兵三萬攻之以巨礮壞壘可丈蟻附欲登興掘塹

而伏奮火器飛礮石擊死精騎七千餘人又陰毒四山水

草密布竹筴蒺藜敵士馬飲者踐者輒腹脹蹄潰相持三

月凌海將軍陳奇策率師來援解去蠟表告捷上加興縣

伯十一年境內薦飢興散糧儲以賑敵乘我窘驅民夫十

萬水陸合攻文安地窪下四際滿田岡巒傾陷難以馳騁

遂張兩翼為寬圍邀斷出入欲以坐困我師久之城中食

盡與令兵民散出就食時升米二千錢鼠一錢百人雖飢
 贏無有異者興私謂其弟曰城可恃而食不支天也我終
 不降弟善撫諸孤以續先祀我死且不朽乃密斷大棺一
 具藏之十二年八月城將陷可喜使使來招望日夕興
 令將士登陴嚴守自與妻張氏朝服及諸妾北拜謝恩置
 酒相訣張氏與妾十五人皆縊死興舉火自焚比曉敵人
 入視興與妻妾十七人骸骨皴然乃取所斷大棺合殮之
 時興年四十五是役也敵之將卒死者三十餘人喪兵數
 萬馬五百九十餘匹圍凡十有三月可喜義之迎喪葬於
 廣州之河南而粵人題於碣曰皇明虎賁將軍縣伯電輝
 王公偕同節元配一品夫人張氏十五庶夫人之墓云茂

公以參將同守文安既陷與監軍副使黃珏總兵鄭球參
 將李玉分據隔水南廳上下兩川相為聲援十四年七月
 隔水南廳亦陷茂公去雲南中道被執全髮不屈以死珏
 字嘉麟新會人初奉其大父兵部尚書公輔起兵新會殺
 敵知縣戰敗匿山中久之潛詣行在授兵部司務從西寧
 王軍理餉有方後入文安寨數為興奏事貢御物著有勤
 勞玉閩人興戎旗親將數有戰功全髮不屈死之
 陳奇策字鴻石南海人初絲邑掾黎遂球薦之使為游擊
 羅明受記宣從至贛州總督萬元吉授以守備廣州之陷
 佟養甲得之使管肇慶水師李成棟反正仍守羚羊峽口
 永曆二年冬朝議誅養甲陰令奇策於楊柳沙掩殺四年

廣州被圍奇策率舟師赴援與諸軍皆會三水為杜永和
 所阻不得進軍廣州再陷奇策退據下川而數往來虎門
 洋峙之間出奇邀敵屢有首功詔拜凌海將軍七年春西
 寧王李定國兵臨肇慶分攻四會廣寧並克之奇策率舟
 師應援將直抵三水渡軍以趨廣州敵以戈船扼大路峽
 口奇策攻之斬級千餘退還下川定國解去明年五月定
 國復至攻下高雷廉三郡嶺西盡復九月進圍新會奇策
 率舟師先大軍襲擊斬敵將蓋一鯤於江門焚其大艦數
 十又擒副將梁大力檻至軍前定國大喜使為水師都統
 屯江門相築礮臺以絕聲援敵窘甚城中兵民相食會滿
 兵救至定國戰敗奇策仍還下川先是高州之戰敵總兵
 郭虎敗走高明以眾三千乞降定國分置之奇策舟中虎
 潛逸去奇策命諸軍圍殲其眾糜鹿劉良興來攻奇策設
 伏擒之全軍皆沒十年敵攻文安寨奇策往救轉圍下川
 大戰七日以西洋礮擊傷數百人敵退去奇策念下川彈
 丸之地雖與隔水南廳海陵諸寨交連然密邇敵庭終難
 以一鄉之地抗兩裨王全省之力聞靖氛將軍鄧耀在欽
 州之龍門島孤懸海外界接粵西鄰交趾通滇南思與耀
 合兵西附定國東通成功以張聲勢彼雖強盛終不能直
 沒巨溟千里外以與我爭此藪爾因移師往與耀合耀高
 州人隸海康侯李明忠麾下明忠死耀將餘眾保牙山牙
 山陷乃走龍門龍門雖遠裔絕島獨存正朔衣冠避難者

多依之郡藩宗室曹監司首領以下恒數十人有赴行
在上書者耀必厚資津送與海陵島之李常崇皆為詔使
出入東道主定國既敗餘兵多走海島上軍聲日振裝船
繕甲煮海屯田以為恢復之計奇策初至耀甚喜為治營
壘且資儲約為婚姻久之以嫌疑弗能和協耀乃具舟送
奇策往思州道出南寧廣國公賀九義素聞其名待以
客禮使鎮永淳將聯絡土司出復欽州會敵犯雲南九義
退援行在奇策以孤軍難支仍返上思入十萬山中欲走
交趾敵總兵粟養志襲之倉卒交鋒士卒疲飢數百人同
日戰死無一降者部將數十人與錦衣衛指揮僉事葉英
欽州知州陳首功皆死奇策被執行至肇慶敵總兵董某

皇明四朝成仁錄

卷十二

四三四 廣東叢書

邀見執禮甚恭二禪王亦優待之奇策殊不為禮在獄一
年每日衣冠端坐臨命敵知府先具棺衾祭物乃迎之出
奇策欣然色喜方巾白袍雍容步履索胡牀踞坐笑而受
刃傾城感嘆咸私焚楮帛莫之十四年五月也英字千元
南昌人首功字起生建寧人中武進士

蕭國龍字沛卿陽江人初為虎賁將軍王興副將從興攻
復州縣視師閩部郭之奇疏其功教授驃騎將軍西寧王
李定國師至國龍請為前鋒力攻新會不克既退奉興令
分鎮永豐寨與文安特角永曆十二年秋文安陷永豐被
圍國龍以眾寡不敵佯降敵既退遂約水陸義士亨峒陳
期新白頭顏洪彪古城勞奏雷崗鄧雄雙水鍾良等同起

義聲四應可喜大發水陸兵遣絲上下川陡門海陵分路
夾攻遂薄永豐相持兩月敵益發大礮益馬步數千濟師
先克白頭顏諸寨孤我外援國龍奮戰兩晝夜遂陷舉火
焚其家以餘兵保西礮臺或勸之降曰虎賁不得有文安
國龍豈得有永豐哉天亡文安所以亡永豐也今以永豐
並文安以國龍並虎賁天之所以亡我者不亡矣我妻子
已焚亦以並虎賁之妻妾十有六人也虎賁其望我矣其
弟國驎中箭死國龍遂赴水中軍余達子被執不屈敵援
其皮以死一時相羽翼者若期新彪奏及周祥黃忠與三
瀧黃涌之夏應昌雙水之梁逢泰梁國柄武定屯之王尚
忠雙龍之鄧允元錢崗謝邊砦之何亞武並上下官田之

皇明四朝成仁錄

卷十二

四三五 廣東叢書

壯健團練者率戰沒無遺我兵死者前後一千四百餘被
執二百餘蓋高肇兩郡接壤地與山深敵禁令有所難及
故我義徒得因緣屯集士民不削髮者得以乘間相依事
敗捐身甘心赴死忠義之盛固在炎海一隅哉

屈大均曰三將軍之起其地同其事同我不以列之於廣
東諸起義傳中獨表而出之者欲三將軍之名易舉易舉
則其事易傳也自中華陷沒君父三遭大變我廣東興復
讐之甲者凡數十家始於張文烈陳文忠陳巖野三公終
於虎賁王將軍凌海陳將軍驃騎蕭將軍靖氣鄧將軍四
公蓋自永曆元年至今凡十餘載大小諸軍所在血戰皆
所謂君子之師也豈嶺海之人獨蒙我二祖列宗之恩偏

厚哉靖氛敗後走安南剪髮為僧土人執以獻敵被殺我
不曰四將軍者以其剪髮之故也然其部將楊彥迪兄弟
自靖氛死猶擁余皇數十艘數敗敵因巡海大人於瓊海
中敵不能挫其鋒其餘諸將負險不屈鼓鬚牙山則有符
德義等那略則有黃國林榻則有口口通等大峴山則有
陸順明等或殺或執與眾數十人或數百人同全髮以死
寧不知一洲半島之不足以抗敵之廣土全疆白榕棘矜
之不足以當敵之強弓勁矢哉人而盡敵則天下無人矣
人何在在於一洲半島在於白榕棘矜死則人而生則敵
也噫

皇朝四朝成仁錄 卷十二 四十六 廣東叢書
鄧耀高州人海康侯李明忠部將明忠死耀率所部保牙

山走龍門島獨存衣冠正朔人多附之李定國敗餘兵走
島中軍聲日振治舟繕甲煮海屯田為恢復計封靖氛將
軍北兵至以金帛結其麾下士卒皆走耀入安南剪髮
為頭陀大帥曰鄧將軍若在海島不能安靖也捕之急土
人執以獻不屈而死

靖氛雖以剪髮之故不與三將軍並列亦宜收入州縣
起義傳中不合竟遺之也為補錄於此

異姓親王死事傳

異姓親王死事曰李定國

李定國字一人初名如靖綏德人少為流賊張獻忠所掠
獻忠愛其驍勇使與孫可望劉若錡艾能奇並為義子獻
忠破陷四川僭號因號定國安西將軍可望平東若錡撫
南能奇定北為四將軍與偽都督白文選馮雙禮王尚禮
王自奇分統賊軍為八營隆武二年清肅王帥兵至西克
襲殺獻忠定國等率潰眾奪重慶江平蜀侯曾英與戰敗
死之永曆元年遂絲遵義攻入貴州會雲南土司沙定洲
與妻萬氏叛陷據雲南黔國公沐天波脫走迤西定國等
詭稱援師進屠交水及曲靖定洲逆戰於蛇花口大敗定
皇朝四朝成仁錄 卷十二 四十五 廣東叢書

國等遂入雲南諸偽將欲推定國為主尚禮不從乃推可
望號為平東王定國安西王若錡撫南王能奇定北王建
四藩府毀呈貢昆陽二城為之而定國號曰西府云可望
既為主乃自尊大使定國等皆從掖門而入執入臣禮定
國不能堪倔強有言每事與之扞格可望與若錡等遂執
定國於演武場數其罪杖之八十既復相與抱持而哭命
定國取沙定洲以贖罪定國心雖憾之念相推奉已久無
能抗也二年春與若錡率兵至洱草竟圍之生得定洲萬
氏磔於市可望大喜然陰忌其功時加裁抑定國繇此與
可望有隙可望僭據雲南脅執天波勒諸土司出兵輸餉
兵勢張甚乃為黃屋左纛鑄興朝通寶偽錢造七曲篆印

設六部九卿科道等官稱國主然亦嫌名號不正無以厭服人心故洱海道會事楊畏知者與可望善因導之歸命木朝為桓文事業明年春可望遣焦光啓定國遣潘世榮借畏知馳赴行在獻南金文馬請得冊封親王奏下廷臣議大學士嚴起恒等固執不可上乃封可望景國公賜名朝宗如靖康侯賜名定國若錡泰侯賜名文秀能奇信侯賜名策勳畏知固爭弗能得六年二月定國自率所部五萬餘人出靖州時上在南寧可望恐定國擁上而東使馮雙禮馬進忠等與俱因以制之更使鄭國遷上於安隆所改所為府以范應旭知府事歲以銀八千兩米百石進御上及隨行文武口糧皆請於可望而後發應旭與提塘章

皇明四朝成仁錄

卷十一

四六

廣東叢書

應科造冊內稱皇帝一員支糧若干皇后一口支糧若干其大逆無道多此類定國至湖南連拔靖沅武岡諸州敗清總兵張國柱於歐陽盡降其眾寶慶既復可望心嫉惡之雙禮等與爭由獲益相搆可望疏請封定國為西寧王劉文秀為南安王明紀作南康王定國不受可望陰使雙禮率兵擒之不勝反為所擒可望恐仍善養定國家口於雲南七月定國乘勝入廣西裨王孔有德迎戰於嚴關大敗桂林下有德焚死文秀亦率所部與白文選入四川裨王吳三桂同固山額真侯墨勒根報還守保寧文秀與戰大敗單騎逃還可望奪其王爵九月定國取衡州楚粵間殘兵舊將皆起而應之定國號令所及方數千里不復奉可

望約束矣可望率文選張虎等出沅州攻下辰州使人催促定國進兵定國不聽遣高文貴乘勝東下敵將線國安馬雄全節等潰走至梧州三戰皆敗復走封川定國盡得其兵西粵全復安定侯馬寶永國公曹志建分攻臨武連山皆復之鄭國公高必正率兵繼至攻復陽山定國又復永川遣偏師潛至吉安亦復之江西大震方為下湖北許裨王號敬謹王尼堪者與戰於衡州城下三日定國伏而敗之馬寶慶戰甚力尼堪死焉已而定國亦敗退守武岡可望再招之不聽明年二月明紀作三月定國復走廣西可望親追之逼敵兵於花街子為固山佟圖賴所敗文選攻嘗德亦敗可望乃命之還鎮雲南而自扼守貴州誅戮宗室

皇明四朝成仁錄

卷十二

四九

廣東叢書

遺臣一時殆盡三月明紀作夏行在陽秋同此定國復從梧州東下遂圍肇慶四十日而城不拔會桂林衛永復陷定國乃還與敵戰於桂林總兵王之邦陣沒乃退保柳州可望又招之不聽遣兵從古泥懷遠追之八年三月行在陽秋作二月定國走至靈山還軍拒戰大破可望兵因復廉州至高州故博興侯張月開城應之遂復陽春陽江恩平東安西寧五縣從羅旁連灘出屯端江西岸別遣陳武渡瓊州攻復昌化臨高九月明紀作十月定國至高明擒敵將郭虎杜豹遂圍新會久之城中食盡略人為脯死者男女七萬餘人謂旦夕必降按兵以待十二月清靖南將軍朱馬喇肅章京東拜等率兵大至時定國分屯諸山於峽口列巨象紅夷礮為陣

別以勁兵屯左山為乘高駭下之勢敵憚其嚴整揮騎營
之左山兵敗走礮暗不發敵遂據左山揮步兵分攻峽口
與裨王尚可喜耿繼茂分兩翼進群象驚走自踰踏營中
陣遂亂定國走高州九年正月明紀作三月行退保橫州
敵追之復走南寧是時上在安龍已久日益窮蹙密救召
定國封為晉王行在陽秋云十一年正月駕定國遂發南
寧可望使關有才禦之泗城州大敗定國未至可望又遣
葉應禎文白選疾趨安龍將移車駕入貴州上未即行明
年春文選陽為催從而陰遣人迎定國定國既至上及兩
宮相慶再生舉朝歡躍既陛見嗚咽流涕伏哭不能起留
一二日將奉車駕入雲南文選陽請小駐貴州上曰曲靖

皇明回朝成仁錄

卷十二

四三〇 廣東叢書

義定國文秀謀反因遣文選擊國公救印繫之其偽署列
侯馬寶馬惟興等與文選謀反正言於可望曰文選受恩
有年在雲南受封屢辭不允勢不得已今國主重加爵賞
用為總統必然感恩圖報可望信之命偽興國侯馮雙禮
守貴州而封文選為征逆招討郡王總統兵馬可望親赴
交水進圍曲靖上命定國文秀禦之王師始至文選夜以
數騎來歸盡輸情實且言舊勳馬寶馬惟興等咸為內應
師至三空距交水二十餘里對壘未戰可望意雲南空虛
乃使偽臨潼侯武大定漢川侯張勝及馬寶夜以精銳四
千從尋甸間道奔襲行在可望自將擊定國九月十九日
接戰惟興等果為內應可望兵盡披靡逃還貴州全軍盡
降馬寶亦來歸惟張勝率兵直抵雲南已焚南關碧雞坊
尚禮復為內應聞可望潰敗將走楚雄與自奇合沐天波
覺之攜與入朝不得發定國聞報亟還遇張勝于澤水塘
大戰竟日擒勝磔之尚禮服毒而死時文秀文選追可望
於貴州未至雙禮給可望言兵已垂及可望急挈妻子奔
赴長沙雙禮斷後盡得子女玉帛以歸上封雙禮慶陽王
文選擊昌王馬進忠漢陽王惟興欽國公寶淮國公九義
廣國公其偽德安侯秋三品岐山侯王會荆江伯張光翠
等以黨附可望降爵有差已而文秀病死慶國公王自奇
永昌伯關有才等遂據永昌以叛定國率兵誅之可望既
降清得封義王因以滇黔地圖為獻請為滿漢兵先導十

皇明回朝成仁錄

卷十二

四三一 廣東叢書

二年二月吳三桂掛平西大將軍印偕定西將軍固山額
真侯墨勒根蝦絲四川入寧南靖寇大將軍羅託絲湖廣
入征南將軍固山額真趙布大絲廣西入安遠靖寇大將
軍信親王多羅鐸尼我叛臣洪承疇等攻貴州留守馬進
忠棄貴陽走九月五日明紀作七月上命定國以招討元帥同
郡王公侯伯將軍等出師其銜曰欽命專征節制郡勳文
武提調官義兵馬賜黃鉞上方劍便宜行事師至安順扼
盤江屯雞公背示攻貴陽文選出七星關屯生界示攻遵
義以牽制之十一月三桂及沈應時馬寧等自遵義出文
選還守七星關三桂於水西得奇道絲天生橋抄烏撒軍
民府斷我歸路文選疾棄關焚可渡橋走雲益定國以維
公背戰敗聞多羅鐸尼中路兵大至亦還守盤江布太以
奇兵自泗城突出安龍抄我師之背定國禦之於羅茨河
大戰三日諸軍悉潰敗遂失盤江敵於是三路合兵收我
餘軍及戰象所至摧陷定國奔還奉上下幸永昌百官倉
卒悉隨幸是時十二月之望也上命文選留守玉龍關扼
永昌要路敵入雲南開國公趙印選衛國公胡一清土司
總兵龍世榮等皆降十三年正月駕至永昌二月敵會兵
鎮南我總兵王國勳與戰勝之文選與戰又勝之已而皆
敗國勳走死普湖湖疑為海之訛文選奔至瀾滄江燒鐵索橋敵
編竹篾以渡永昌隨陷上幸騰越敵渡江急追江瘴險惡
水氣毒淫敵多飲水死者定國扼磨盤山為柵數重節節

皇明四朝成仁錄

卷十二

四三

廣東叢書

分伏使平陽伯靳統武護駕出三宣六慰以入緬甸布太
等以全軍來追及磨盤山麓遇伏而敗益進兵又遇伏敗
死者萬餘我秦安伯寔名望戰死定國復為火雷四十里
誘敵有虛柱生者泄其謀敵遂有備定國乃整軍而去騰
越以陷敵踰南甸追之軍至孟村為雲南迤西盡界乃還
上遂入緬定國與文選合謀恢復承制槩加上司勳爵使
為內應九月沅江土知府那嵩兵起復維摩州圍臨安府
全滇響應嵩為定國密傳敕印於諸土司於是延長伯朱
養恩與將軍高應鳳總兵許名世土司總兵龍贊陽等以
次反正與嵩合三桂統滿漢兵至石屏州攻嵩土司總兵
龍世榮率塔沐忠顯出迎盡以嵩謀告之遂圍沅江踰月
而城陷嵩與子那嵩閨室自焚敵屠其城死者十萬餘人
嵩死定國勢孤遂走木邦文選亦走茶山上在緬既久定
國擁兵在外屢疏迎駕乃馬吉翔等苟安旦夕且苦跋涉
從軍請詔止之定國不得命兵至緬境去而復來者數數
緬亦盛兵禦之十五年二月文選疏至謂諸軍不敢速進
者恐聞變驚駕必諸臣奉上而出勢始萬全已作浮橋必
渡河矣詔又止之九月明紀及行在陽緬酋弒兄自立以
計誘我文武諸臣自嵩滋王以下至皇親公侯伯都寺諸
曹內監盡殺之死者五十二人明紀作四十二人行十二
月三日緬頭目數人忽擁上及太子三宮出關獻敵敵奉
上還雲南十六年四月上崩太子亦遇害定國聞之日夜

皇明四朝成仁錄

卷十二

四三

廣東叢書

哭移屯葫蘆山以將分東西二軍以屠緬甸而兵少糧空
諸將校率倖降且盡疽發於背慟哭曰萬古君臣之變至
斯極矣予能出皇上於安龍而不能出皇上於緬甸豈非
天哉豈非天哉予之罪無可贖矣吐血數升而死子嗣興
與劉震白文選遂出降敵明紀作十五年十一月十一日敵封嗣興
歸命侯震歸義侯震文秀之子也

後貴州死事傳

後貴州死事曰皮熊

皮熊字玉山銅仁府人崇禎末為貴州總兵弘光元年封
定番伯逆賊孫可望將犯貴陽縣敘州至永寧衛熊率部
將楊光謙等襲敗之追奔三十餘里多所斬獲永曆元年
上駐蹕武岡召熊入衛可望兼程攻陷遵義遂入貴陽上
晉熊定番侯命提師還救至龍里三戰俱克可望走入雲
南熊追至盤江弗及留兵守之既而武岡陷車駕幸廣西
敵遂潛尾熊後抵平溪熊遣楊光謙鄧啓明楊登高守駐
師清浪堵禦圍方急又遣武邦賢等駐思州以為犄角監
軍都御史郭承汾駐鎮遠與敵大戰光謙被圍清浪城中

其繼室丁氏貴州人有膽略募兵黃平得三千人赴援敵
乃退解本作及敵退督師鄭逢元及承汾疏上熊功晉匡國公使
宜行事諸將加將軍丁氏賜名國祥拜壺毅將軍會遵義
駐鎮忠國公王祥縱兵四出假買糧布給軍糧歸本煩擾
黔民熊懲其一二尤者尤歸本作大祥忿甚率三十六鎮攻圍
貴陽兩月熊撤清浪鎮兵入援撤歸本作至油柞關大戰擒
殺祥兵十萬於河乘其潰敗復踰烏江索戰軍騎甚易視
祥兵日事飲博祥偵其懈急設伏舉火亦殲熊兵數萬於
江中於字原缺據歸本補兩家兵勢俱喪可望乘虛踰盤江陷貴
陽迨至平越大戰熊師再却同承汾走烏羅江司黑坡調
集將士以鎮帥張先壁壁歸本作壁擁重兵捍蔽於外不設備

可望乃假道先壁使其將馮雙禮從間道執熊及承汾承
汾不食以死熊不屈可望摩繫之可望已破貴陽復分兵
北敗遵義祥與戰於烏江兵潰敗走林中縊死永曆十一
年秋駕在雲南可望稱兵犯關既敗走所署偽文武官相
繼歸朝能以間得脫上命以原將鎮黔命下解本敵入熊
走水西大方城同水西土官安坤合謀恢復兵勢復振十
九年乙巳敵平西王吳三桂力攻水西熊退保楊保山中
被執奮罵不屈敵挫其頰齒牙盡落猶噴口血罵不食至
十四日氣將盡敵乃斷其首頸流白膏人皆以為異云同
死者凡十一人暮容舞陽人張籍與焉籍歸本張諸屍狼
籍郊外獨能屍群鳥迴翔不敢近敵乃瘞之

皇明四朝成仁錄

卷十二

四三六 廣東叢書

屈大均曰前三原張公死事貴州予嘗愛其朝廷求死臣
之語以公之慷慨區區一孤城無將無兵委家口數十百
人以與封疆為存亡視張許之守睢陽不較難哉若皮王
二公之私鬪不忍小忿禍及邦家坐使寇讐拱手以獲漁
人之利何其愚也水西之役忠節凜然視同時諸將銜璧
擊蒙其而為敵用命反戈相向者相去何啻天壤哉

生員死義傳內丘嶽傳原

生員死義曰秦鎬曰楊應璧曰東肇高曰韓識曰楊于
世等四人曰王胤曰張國禎曰魚若性曰王鐘等四人
鐘明史潘附余承蔭等曰張渭曰吳伯胤胤明史避
弘傳作鍾曰熊更更明史木曰馮雲路等曰明睿曰鎮時
昌等曰白昭遠曰劉長庚曰張應泰曰梁文炳及弟文
燭曰許瑛曰顧所受曰張秉純等曰王台輔附石屋寺
僧曰王心翼曰馬純仁等曰徐念祖曰沈壽堯曰張龍
文等曰方授曰嚴紹賢等四人曰張廷章曰韓繹祖曰
鄧思銘等曰王毓著等曰傅炯曰陳煥曰劉泰兆曰曾
嗣宗曰王道行等五人曰鄒文鼎及弟文某曰睦本曰

皇明四朝成仁錄

卷十二

四三七 廣東叢書

林化熙曰葉尚高等曰李應開曰薛大觀及子之翰曰
沈士柱曰魏耕耕續甬上者曰錢繼曾曰丘嶽
秦鎬字子京汝寧人其性至孝行誼卓然為中州人士
冠威廟時與貴池劉城南昌萬時華兩應徵辟皆不就流
賊陷城奮罵求死時年八十二鬚眉皓白偉衣冠賊異其
狀不忍殺鎬曰吾以老而為賊所憐吾之恥也伯夷非天
下之老者乎不餓死於首陽天下亦何貴有此老者也遂
絕粒死自題墓石云人間貧孝子地下老書生所著有頭
責齋集鬚鬚園銷夏錄嘗鬻宅得百金以餉軍有助餉疏及
辭當事建坊疏

楊應璧河曲生員流賊王家胤作亂應璧率眾奮擊而中

一矢為賊所曾墜城死

東肇商字雲駒華州生員敏而嗜學詩古文十言立就為人豪放不羈多玩世時行崇禎七年閩賊至飲酒不輟所愛一妓力挽之同入華山肇商不從挺刃力鬪而死

韓識武功生員崇禎七年守堡禦賊堡陷挺棗木大槌當門擊斃數賊賊壯之不欲即殺識罵被磔而死

楊于世熊叶夢禮之槌韓定美皆潁州生員崇禎八年正月十一日城既破潁州生員死者七十七人潁州衛生員死者二十六人而于世等最烈于世字子代

王胤字雲卿汝陰生員父參政某胤為人砥行抗名不下曲俗嘗建宗祠與族人興復古禮冠婚諸儀皆有法崇禎

皇明四朝成仁錄

卷十二

四三八

廣東叢書

八年賊圍城胤以善射守西南隅城陷賊故缺一面縋者皆從胤所守處下胤不去卒縋於樹而死生平喜為詩聞惠湖別墅以供嘯咏構築不給輒鬻他田宅以益之舍旁有廢塚或曰遷之便胤笑曰此亦鄰也何去為刻石作鄰墓記文多達旨所著有四禮摘錄枕流寤言

張國禎字蓋吳臨潼生員從兄某講實踐之學兄貴為給事中國禎蔬食緼袍泊如也一夕有數十賊劫其父國禎奮及赴之殺二賊救父以歸人稱其孝崇禎八年賊薄城國禎率其屬先去夜中雨雪曰不可獨存我家與其僕呼起黎明賊突至率眾捍禦手及數賊相持至暮被執不屈死

魚若性字暢機高陵生員崇禎八年四月流賊至高陵得若性悅其容儀壯偉請為魁率若性諭以朝廷威德被脅不屈支解死

王鐘丁乙統乙明史潘弘傳作一張五美王之章之明史潘弘傳作子皆鄧州

生員賊至鐘自刺死乙統綠袍將中持大鎚斫賊死五美罵賊賊剔目鑿齒以箔卷而焚之之章口口口口口口

千戶余承蔭李錫及海寬傳彥者同鐘等守城城陷承蔭巷戰死錫北向再拜曰臣世受國恩今老矣不能手屠逆賊願為厲鬼與寬彥俱不屈死

張渭字口口商丘生員嘗試居下等自袖其文爭之提學潘曾紘曾紘曰子文誠善我粹未識也竟高拔之後數年復袖其文爭之提學任贊化贊化怒黜渭薦紳先生有言

皇明四朝成仁錄

卷十二

四三九

廣東叢書

渭實名士乃復其故而渭亦且摧挫矣每醉謂人曰吾馬周也天下方有事胡不用我天下且不知我文士烏能知我哉或遂怒罵其坐客或醉而哭人皆以為狂崇禎十五年商丘城破賊斫渭左臂及頤張且斷矣渭右手灑其鬚血而以折臂手承頤徐步行吶罵不止又一賊從後斫之仆而死

吳伯胤字延仲商丘生員美鬚眉善書為詩文溫澁有法崇禎十五年城破被執賊以為官也繫而牽之伯胤抗聲曰奴乃以吾為官我即非官豈從汝賊耶賊及之以死弘光初贈某官

盧如鼎字呂侯蕪州人生員生而奇穎卅歲善屬文為人
厚重質直內行修飾歲凶札輒傾困賑贍視置醫藥宗黨
多賴以全閭閻有爭相率就之平決片言折衷愧屈過於
要質崇禎十六年正月賊張獻忠陷蕪州令紳士冠帶自
東門入西門出悉斬之遂屠蕪州婦女被驅毀城稍懈即
刈殺血流成渠如鼎時被執賊中有識者曰此善士舍之
寇退如鼎乃勒里人分布關隘為死守計如鼎分守南城
寇復來攻城陷過害十六年二月也

熊雯字渭公號立齋黃岡生員淡泊寡營精心易學歲壬
午忽洞悟平生吉凶悔吝為卦運卦氣一書自一歲至二
十有五某年值某卦某月值某爻分儀比象毫髮不爽賊

皇明四朝成仁錄

卷十二

四四〇

廣東叢書

張獻忠將犯楚雯居武昌嘆曰左良玉通賊且不支吾儒
者不可以壞名節悉以所著書授其弟藏之比城陷雯先
一日辭其友馮雲路汪陸延曰吾死矣明日當於某樹下
書能渭公死所數字而死明日雯至某樹下賊得之欲授
以官不屈遂投池死越三日僧熹雲者收之顏色如生手
尚抱圖書懸象云

馮雲路字漸卿號畏菴黃岡人年二十餘

明史本傳作行年三十

諸生潛心理學著孔孟真參左傳智定周子通書及用書
百餘卷巡按御史林某疏薦其才

明史本傳作崇禎三年巡按御史林鳴球薦其

賢以用書進覽吏部某者格之不得召武昌陷雲路於寧
湖寺駕梓入水

明史本傳作乘槎入寧湖

同梓者聞岸上呼雲路聲急

且曰高官大祿無恙雲路曰生平讀死忠死孝之書不曾
讀降賊之書今日有清涼一口水而已遂自沉年四十六
汪陸延亦不屈死

明睿武昌生員城陷越三日賊令罷戮居人方喜更生睿
獨戒家人曰安有讀書識理義而待活於賊者乎從我者
入井不則去其妻及兩子三女以次入井

三女明史本傳作二女

婢二人從之睿焚香告天曰睿此時始無累矣為書數千
言榜於門告通國人士勿降賊隨入井死
鎮時昌江夏生員被執不屈死生員易為湖者其父道還
與次子為隸先罵賊死至是為湖亦死

白昭遠字允哲臨潼生員崇禎十六年賊圍其堡昭遠糾

皇明四朝成仁錄

卷十二

四四一

廣東叢書

眾力守堡陷大呼曰性命為輕節義為重婦女宜悉入井
其女適韓嗣宗先入井死一時婦女死者甚眾賊執昭遠
殺之

劉長庚字醉白同州增廣生員崇禎十六年冬賊破潼關
即約眾城守比西安陷賊遊兵薄同州官民逃迎者各半

長庚往辭先師廟焚冠下階曰長庚誓不敢以夫子之身
失之於賊也歸召族人與謀曰長庚無以報祖先今割城

內地五畝為祠堂餘地以作祭田族人揣知其意力勸之
長庚曰吾志已決次日傳賊大至長庚語妻党氏曰吾以

無子納姬人雷氏賴祖宗之靈生二子長者八歲次四歲
矣汝善撫之毋使喪失詩書乃沐浴望闕拜復詣先人廟

拜借党氏至讀書樓前指一穴曰我死即葬於此党氏哭止之不答謂雷氏曰我死汝少將安歸曰願從君地下長庚拜之執其手上樓手及馬並六歲女明史劉長庚妻傳作七歲乃自縊死

張應泰永壽生員崇禎末賊破縣堡手刃數賊以死

梁文炳及弟文燭皆靖邊衛生員崇禎末流寇破城欲招致幕下抗節不屈罵以死文炳女亦投井死

許琰字玉重長洲生員崇禎十七年四月聞京師失守仰天大慟比哀詔至哭臨畢即投縋友人挽之復自沉得江水中曰吾懼不得死徧書崇禎皇帝四字於衣上額天哀號不食旬日乃死劉宗周有哭布衣許先生詩云先生一

皇明四朝成仁錄

卷十一

四三

廣東叢書

死真無謂蓋謂琰也上聞其死贈五經博士今從祀旌忠祠吳人相率至祠而哭及祠所敵兵且壓境吳人亦哭之如初嗟乎哭許生者諸生也何其務於哭人而不肯為人所哭也聞南都陷時敵留洪承疇為江南總督有金壇諸生二人及閩諸生十三人道遇承疇大罵承疇使人擊殺之於筮橋十五人者曰我死骨馨於爾噫斯亦諸生之傑然者歟

顧所受字東吳長洲生員弘光元年五月聞聖安皇帝出狩南都隨失密謀起義既而江南盡降乃詣長洲縣知縣李實要之以死二十四日敵使徇蘇州所受服儒巾服哭投文廟沉泮水中死之顧苓曰兩都之變吳門以生員死

國者二人亦可謂節義之邦矣

張秉純字不貳含山生員甲申北都變聞誓欲死之或笑之曰一老書生亦何為者秉純曰然姑待之乙酉五月南都陷秉純遂絕粒不食或曰匹夫而死國難市井名也千載而下誰復知之且天心既如此矣死亦何益秉純嘆曰國家養士三百年今日其死所也如以為無益則古之忠臣義士皆捐軀於國破家亡之後有益者幾何人哉今日率天下之人無貴無賤無老無少皆宜為君父而死者也己不能死而輒笑死者為市井名此世之所以多亂臣賊子也家人進食弗顧子相泣曰大人不食一家當盡不食以死秉純曰兒輩能如是乎吾復何憾卒不食飢已殆家

皇明四朝成仁錄

卷十二

四三

廣東叢書

人生祭之哀請甚迫啜水一杯而已水中投有復液絕粒至五十一日絕命詞成十章乃死其妻劉氏哭之撫棺一慟而絕明史本傳作氏一勺水不入口是日同席生徐正大聞之亦感憤自經和州戴重方戰敗湖州裏創和其詞哭之而以崇禎末湯文瓊許琰及正大為烈士云

王台輔字元化邳州人太學生崇禎十七年國變以死自誓里中人笑之閱數月未死眾益笑之台輔曰吾家有餘粟故國粟也不忍以遺諸人吾食既盡乃死耳一日向里中人曰粟盡矣遂駕小犢車上載生平所讀書百卷酒數升刀如環者一一奴子御之去邳五十里至象山謂御者曰止之勿行遂登山之巔里中人從而觀者猶竊笑之其

友某設酒生祭台輔端坐受祭三奠爵三飲起謂眾曰自此別矣舉身以刀斷喉死眾乃大哭聲震陵谷越三日有一僧至撫其屍大笑曰死矣乎在此山耶越數日睢寧石屋寺忽有僧至仰天長嘆自經於佛殿中人爭視之則象山大笑台輔死者也卒不識其為何人

王心翼字贊明邳州生員生平寡合持論一軌於正三走京師上書為當事所抑人以為愚弘光元年國再變絕粒二日死遺命不葬淮南人為作奇節詩

馬純仁字樸公六合生員南京陷與其友約死其友背之純仁嘆曰死固不可以要人哉題詩衣帶曰朝華而冠暮夷而髡與死其心寧死其身一時迂事原注云一作士千古完人

皇明四朝成仁錄

卷十二

四四四 廣東叢書

其人伊誰樸公純仁投河而死有徵人程繼約者為大學生聞之亦投河死繼約生平尚義數輸金以佐戶部人多稱之

徐念祖字無念華亭生員大學士文貞公階諸孫也弘光元年秋敵至聚子弟十七人恟哭謂之曰吾祖國之大臣清白傳家吾等奈何以身受辱於是闔門俱縊縱火於堂自焚

沈壽堯字景山宣城生員有膂力南都陷起義獨當前鋒力戰死

張龍文字掌霖武進生員乙酉夏率鄉民起義攻郡城事敗死之有吳福之者同事亦死義湖中福之字公介武進

原膳生鍾巒之子也

方授字子留桐城生員國變為僧哭孝陵三日復走嘉興登東塢上哭以死

嚴紹賢字與陽無錫人董元哲字質明武進人徐懌字瞻淇項志寧字靖伯常熟人皆生員敵劫之薙髮紹賢與妻對縊元哲不食半月志寧觸石碎首懌遺筆言頭可斷身不可辱以一死報先皇帝存節義遂皆死之

張廷章嘉興生員從大學士徐石麒等起義既敗公服經死中堂

韓繹祖字茂貽歸安人修撰韓敬之子乙酉敵至江南歸安知縣某欲為啓迎貝勒王悉列生員於上繹祖不從因

皇明四朝成仁錄

卷十二

四四五 廣東叢書

作書上湖州知府乞除姓名知府以其書張明倫堂上掛冠而去後敵捕之繹祖逃入金壇山中一日遇宴會見伶人服本朝衣冠一慟而絕

鄧思銘字建侯建昌人生員崇禎十七年請合郡邑士大會於學宮置冊籍申駁約月以朔望較射於學圃比耦進退中否多寡書於冊以聞陳技擊習金鼓坐作期而不至至而撓者罰如此則人皆習兵他時將帥才或出於此有緩急敵愾御侮即膠庠而具眾深然之下日請於郡有司

有司笑曰庠可兵耶眾索然而散思銘鬱鬱不得志明年益王舉兵招思銘客其幕下建昌陷思銘兀坐不動被執大罵敵繫於竿射之思銘披身受矢每發一矢必高聲呼

曰未中要害至六矢更罵曰汝何技之拙乎敵集矢如蠅
舉室殲焉無何敵兵入新城城中人欲髡髮以降諸生楊
應和聞而痛哭作詩有云髮膚猶是本朝人犬馬難忘舊
主恩族里誦之止輸城應和曰眾死於難無益也以吾一
身與敵可矣其族弟居久嘆曰壯矣吾兄可無與之共事
者乎遂偕就執敵欲降之應和居久大罵擢刃殉敵敵怒
始殺之兩屍立山中如擊鬪狀應和字惠生居久字若淡
皆建昌人與思銘為較射之約者也

王統著字玄趾會稽生員南都陷敵兵入浙統著作致命
篇並詩有身亡猶佩信公歌之句因與其師劉宗周約死
而以致命篇粘宗忠烈唐將軍琦祠壁儒中襖衫自沉於

皇明四朝成仁錄

卷十一

四四六 廣東叢書

柳橋下仍留書以促宗周有願先生早自決毋為倪鴻寶
先生所笑之語明史本傳作毋為王炎午所弔之語諸生數千人會哭於明
倫堂私諡曰正義先生建祠城東祀之魯監國贈翰林院
簡討廢其子越十有三年丁酉其友蔣平階魏芬等會葬
於山陰梅里尖之西阜而為文祭之曰嗚呼哀哉維我烈
皇在位十有七年死社稷兮後主繼立爰宅舊京庸讒賊
兮忘我大讐弛兵固成黨禍亟兮躊躇其馬來牧我園莫
關格兮我軍百萬化為豺狼反噬食兮三事大夫棄國而
走寡君執兮淮濱泗汭勾吳勁越獻圖籍兮先王命服玄
冠彤裳棄勿惜兮彼都人士辨髮擗裘盡戎狄兮有不若
者腊汝肝腦塗草澤兮矯矯王君邦之彥士未爵秩兮周

公之詩魯公之史稟聖則兮謂敵不可臣謂身不可辱心
如暢兮竟彼祀柳其下有渠清且澗兮士冠士服以沉其
軀情無極兮數文言志作此好歌流金石兮此邦卿貳劉
伯祁仲死相得兮乃有壯夫拔劍北向刈蓬藿兮拜手天
潢揮軍監國踐宗祏兮君子知義小人敢死共戮力兮懸
軍千壘斬敵萬首摧強敵兮幾逐名王復我疆宇君之績
兮嗚呼哀哉天未厭禍人謝其祖國無良兮烽旗自偃戰
鼓不鳴敵反張兮建邦千里及暮而壞若亡羊兮君之故
里陷為雙國視龍荒兮斑斑沐椁殯在城隅寶君喪兮歲
周其紀星復其次更大梁兮齒髮腐落骨肉朽敗魄銷亡
兮嗚呼哀哉君之死義兄弟妻孥等敵僑兮諡曰正義寵

皇明四朝成仁錄

卷十二

四四七 廣東叢書

以祠宮薄鴻毛兮今者不葬螻蟻為食樂陶陶兮爾反未
達言求爾櫬度山椒兮曰是名丘梅福所宅寶神華兮曲
阿螭螭嘉木成蔭翳菁篠兮君魂戾止驟猿馭約役山魃
兮律屈仲呂爰卜柔日在今朝兮爾車既駕爾穴既穿胡
沈溲兮邦人諸友服爾名義涕泣交兮肆筵設席清醑在
壘具百牢兮望君之來靈衣控日振笙匏兮今君宅此於
萬斯年神孔昭兮嗚呼哀哉先是統著既自沉有布衣潘
集字子翔山陰人也為文祭之自署江東義士哀慟特甚
招其友痛飲於市曰王君死矣吾不可以獨生為絕命辭
數章袖二石及所著詩文踰女牆而出沉於渡東橋下時
年十有九監國贈禮部主事廢其子入監讀書然集未有

子也郡人私諡曰義成先生歷十餘年殯宮額毀骨且露友人釀金葬於城南謝堡同時山陰諸生周卜年字定甫為詩祭王及潘為文自祭摘所佩玉露圈捶碎紙裹外書曰寧為玉碎遂投江死監國贈禮部主事蔭一子入監讀書遣官致祭是為紹興三義士云有朱璋者字鴻儒亦山陰人聞敵渡江從父避居梅里尖墓所輒向壁坐泣下間語舅氏曰吾得所往矣家人異而防之越數日故稱往蘭若薙髮防稍懈遂反舍以聖大書几上寧為束髮鬼不作髮頭人出望墓再拜投河死河深廣拯之無具旦且移家項里父號哭河上曰家今去此吾其守汝魄以及於難乎抑捐汝骨於此乎三終璋躍而出角巾僵立引至岸不仆

皇明四朝成仁錄

卷十二

四四八 廣東叢書

年二十有四

傅炯字中煌諸暨生員丙戌六月敵至薙髮令下炯與同學五六人先約同死至期無一至者炯乃賦詩自沉於浣江

陳煥字建且安福生員甲申以後悉憤見辭色悉當為悲字之誤

盡焚其詩古文避深林中丙戌避益深轉徙居高灘值袁州敵兵掠其地煥踞坐石橋見輒憤罵臨之以兵益憤罵以死殮之日見髮際出口三寸許豎起如指衣帶有全歸父母要捐軀之句弟藻字昭令與之同志授某州同知棄官遠引或曰亦以烈死

劉秦兆字方公寧都生員北都陷走南都上書不報日夕

痛憤為人性簡傲特為岸異喜駭議古今人物烈皇帝崩秦兆為檄文徧謁當事請興兵復讐卒無所合贛州陷約里人為大全會欲以激奮忠義事不集徙居釣峯敵兵過其地鄉人盡走秦兆獨儒生巾服當門而立兵過叱曰汝何人曰我天朝廩生也曰何不薙髮曰薙髮非天朝人也敵遂殺之

曾嗣宗字元聲寧都人大學士楊廷麟起兵嗣宗以生員劾三千金饗軍題授兵部主事從師吉安敗退保贛州將入城為死守計廷麟謂嗣宗曰事急矣毋得從我嗣宗曰與相公共國事久奈何乘危而去卒入城俱死

王道行字為公起義敗手刃妻妾而死王寵字二吉習文

皇明四朝成仁錄

卷十二

四四九 廣東叢書

鼎字象耳同破家起義戰死馬某字尊生赴王寵營中籌兵敵夜擄之執至吉安慷慨請死啖以榮利不顧乃殺之蕭某字建侯翰林蕭命官孫同楊廷麟起義屢立戰功被土寇擊死擊山五人者皆廬陵生員也

鄒文鼎字子如弟文某字子賤都御史元標孫破家起義敵執文某殺之懸其首道上復執文鼎仰見弟首大笑曰我何時與汝同懸於此敵復殺之亦懸其首於弟旁吉水之生員也

睦本字某某明季南略卷九作字允立丹陽人父明永上海教諭死節本為生員以通廣西行在所被繫不屈觸階死賦絕命詞曰父既死忠子當死孝子載一門不愧名教

林化熙字韓如福清生員城陷義不獲髮中服如故海帥周崔芝據海口鎮東二城化熙潛往視之為敵所執親友持金帛求釋化熙揮之曰斯我効命之秋也敵私進剪刀令斷髮數莖堅拒不可械至福州化熙先詣文廟哭拜巡撫張存仁詰之曰髮膚不敢毀傷存仁曰爾書生不知時變為書所誤雍之斯亦已矣一介小儒顧安所得忠義之名耶使人與之小刀仍堅拒不可存仁曰爾既硜硜自守何不匿處山中而乃招搖市井以自戕寧得為守身孝子耶曰聞海鎮恢復有機因往觀軍容冀相籌畫語已瞑目怒罵存仁不能堪令殺之至鼓樓前為思文皇帝行在地曰此大明門也願畢命於此五拜三叩頭坐而受刃

皇朝四朝成仁錄

卷十二

四五百 廣東叢書

葉尚高字而立一字天章永嘉生員能文工詩歌城破義不獲髮日荷一竿竿上繫一筆一鏡一帶一網巾示必竟戴網巾之意高冠大袖招搖市上敵知府吳執之尚高曰吾善詩即吟曰北風袖大惹寒涼惱亂溫州刺史腸何似蜂蟬易生死得全楚楚好衣裳吳以為癡釋之丁亥春二月上丁吳將有事文廟尚高持芹一束水一盃先往祭孔子讀祝辭曰嗚呼天兮何忍嗚呼人兮何辜嗚呼斯文兮幾於喪嗚呼吾道兮從而汚吾師乎吾師乎曾泰山之已顛而林放之不如乎讀罷痛哭失聲徬徨不能去被執大罵就獄五月四日尚高謂人曰明日乃屈大夫懷石自沉之日吾可以死矣沐浴整衣賦詩有未嘗蒲酒心先醉不

浴蘭湯骨已香之句旦日飲藥死有諸生朱維則者永嘉陷衣中自投孤嶼江中死年二十四樂清貢生章靖難聞永嘉陷衣中拜孔子廟躍入泮池死恭毅公綸之裔也李應開字翔御寧都人世居古下村以豪健聞會國變棄諸生結客士之落拓不得志者多依之辛卯歲敵鎮將以勦山賊道上鄉聞應開狀猝掩捕其家獲之繫獄使所知謂之曰李生未嘗抗兵速難髮明日赴鞠公庭稍自遜活矣所知往諭意應開慨然曰諸君愛我良厚我非不自愛人生早暮等死耳顧婉轉求生他日不自立死鹿鹿中悔晚矣諸君願勿復言居數日庭議應開踞地坐鞠者曰汝何為作賊應開曰未也曰汝不作賊何不鬻頭應開曰汝

皇朝四朝成仁錄

卷十二

四五一 廣東叢書

作賊乃鬻頭耳鞠者怒牽出斬之應開坐而受刃薛大觀字爾望雲南人其先當洪武中自無錫遷滇大觀與長子之翰並為生員有文名孫可望據雲南一時依附得官者甚眾大觀父子獨不屑上既至諸不事可望者皆以名節見重大觀亦恥自言城北有龍泉觀觀有黑龍潭其上為射魚樓兩傍竹木蒼鬱因黎家隱焉戊戌敵至朝議走緬大觀亟與其妻楊氏及之翰之翰妻孟氏並侍女瑣兒抱大觀幼子以行至射魚樓題壁上數語復書父子夫婦婢女姓名庚甲於左乃共赴潭水次日五屍相牽浮出幼子在婢懷中兩手猶抱如故大觀次女適鄒氏子者避兵西山相距數十里同日自焚

沈士柱字崑銅一字寄公蕪湖人父御史某為名進士善
知人嘗拔豫章名士黎元寬羅萬藻吳甘來甘來以忠節
顯士柱童子時性聰敏讀書十行俱下師事南昌萬茂先
為詩及古文辭諸老生皆以為弗過也與人交恂恂若不
見所能酒後議論風發往往屈其座人聽者忘倦烈皇帝
時大臣交薦不就徵比國家南渡阮大鍼柄國黨人獄興
士柱與周鏞為罪首鏞被殺而士柱以赴楚藩召獲免南
京既失破家結客座上言兵者嘗十數人癸巳以通西寧
王李定國逮車被執尋得脫歸丁酉復被執囚於南京者
三年作故宮詞以見意己亥延平王賜姓成功將帥舟師
至南京敵以士柱與交通殺之妻方氏不食五日死妾汪

皇明四朝成仁錄

卷十二

四五二 廣東叢書

氏鮑氏俱自經士柱獄中多著作散佚不存存者有土音
集

魏畊字雪竇續南上者舊集作原名 慈歙人國變棄諸生

志園匡復所交皆當世賢豪士歸安以起義敗亡命走江

淮間妻子滿獄弗顧久之會解乃與錢纘曾閉戶思溪習

為詩一時吳越人士莫不傳誦又與張近道朱士樞交善

近道好黃老管商之術見詩人輒大唾罵士樞與畊論詩

近道亦罵之然三人相得甚歡畊間上書延平王成功請

乘南風便直入京口己亥夏六月王果以戰艦千艘入至

應天既攻城弗克師退頃之畊復上書兵部尚書張煌言

備述敵情虛實請以舟師再舉有孔孟文者從延平王軍

中至主畊嘗給其資用孟文以纘曾饒富有所求費不
厭於是畊所上煌言書首於敵帥畊及纘曾被執拷治
不屈遂駢死妻子田宅盡沒其友祁班孫以與畊交好亦
遣戍瀋陽畊故烈士平生以死國自許嘗有句云人生壽
命各在天須臾何必求相緩又嘗誦司馬遷之言曰匹夫
慕義何處不勉焉其志若此所著有思賢堂集原注云逸
史作思息

錢纘曾字允武歸安生員少工詩清婉綿麗語必悲涼頓

挫令人流連宛轉不能舍家素饒慷慨喜周人急朱士樞

破產後父雷州太守年老甘旨之奉多倚纘曾而奸人孔

孟文利其財賄構成大獄致與魏畊同命悲夫

皇明四朝成仁錄

卷十二

四五三 廣東叢書

丘嶽字梁甫徽州生員生平任俠喜周人急寓居嘉興乙

酉從魯監國於紹興紹興陷走福建行在福建陷走肇慶

間關行遯終以全髮被執罵敵死

雜流死義傳

雜流死義曰搜梯郎君曰張餘剛及子鴻猷曰朱鳳曰
苗根千曰蕭承運曰陳新曰石電曰陳建靖曰李國愛
曰李可從曰耿景榮等三人曰李亮曰馬二曰孔四郎
曰劉榮備曰劉鳳池曰張日振曰百川橋乞兒曰總兵
家丁及提督營卒曰細柳街瓦匠曰靈谷寺僧及內監
姪馬二曰王莒卿曰歐敬竹曰石士鳳曰李玉奇曰湯
士鰲曰嚮麵人曰倪文徵曰王元振及弟某曰黃嘉縉
曰畫網巾先生曰桐鄉村人曰鄞縣樵夫曰黃賢曰馮
我賓曰簡夙興曰曾奉初曰樊泰曰李爾龍曰龐延曾
及子時倬曰覃騰龍曰徹三浮曰羽鳳期曰馬千戶

皇明四朝成仁錄

卷十二

四五四 廣東叢書

搜梯者不知姓名崇禎三年正月敵犯昌黎擊掠人民萬
計知縣左應選與士民嬰城固守敵急攻東門搜梯者為
敵昇雲梯至城下昇亭林文集卷五梯郎君祠記作昇登者數人將上矣
乃搜而覆之其帥礮諸城下積八日不拔亭林文集引兵
退城得以全事聞擢應選山東按察司僉事丞以下遷職
有差又四年楊嗣昌以巡撫至始具疏上請邑之士大夫
皆保綏保亭林文集民兵死者三十六人立祠祀之是搜梯
者請旨封為搜梯郎君立祠昌黎
張餘剛大埔人崇禎三年賊陳癩瘡掠湖寮知縣李秀嘗
遣鄉兵禦於三河以餘剛為選鋒餘剛力鬪死之其子生
員鴻猷往救手及數賊亦死

朱鳳興寧人十三都巡司弓兵崇禎三年流賊半天飛者
攻陷司城鳳與巡簡俱被執巡簡匍匐乞哀鳳獨不屈賊
縛一日夜問曰汝護我否鳳曰我護兵不護賊賊遂礮之
苗根千河曲人嚮炭為業流賊據河曲流言官兵殺良冒
功以搖民心民惶恐不敢出城根千陰將制府諭帖徧散
城中賊覺將殺之根千大言於眾曰制府諭爾居民出者
生在城者死汝等宜速出城賊怒折其首
蕭承運汝寧人崇禎七年流賊至汝寧兵皆不戰獨承運
率眾力戰以死知府為文奠之予補其辭曰公非戰賊者
分而戰賊者公分戰賊而死公非死分其死者戰公之賊
而不死者戰賊之公分

皇明四朝成仁錄

卷十二

四五五 廣東叢書

陳新潁州人為畫工年七十餘有膂力善舞刀劍崇禎八
年正月十一日潁州陷新持刀潛伏舍中賊入即被斫死
凡斫死數賊賊率數十人入新復斫十餘賊乃死賊取
其刀刀柄有殺賊報天子五字
石電嘗熟丐戶也崇禎八年流賊躡中都圍桐城電有所
厚陳英從指揮包文達往援要電與俱電曰吾老矣不食
軍門升斗粟英曰吾輩平居以君為眉目君不往是無渠
帥也幸強為我一行電曰諾三月十日追賊於宿蒿我師
輕進陷賊伏文達死之電英分左右翼大呼往救賊圍之
數重電手弓射殺數人賊羣斫之頭斷猶僵立為擊刺狀
良久乃仆鹿相紀聞云電單騎往救手皖人招其魂祀之

余忠宣祠

陳建靖蘇州人賣藥於洛陽市流賊陷城執之抗聲言大明天子尚在何不歸順賊怒磔之

李國愛陝西人從督師傅宗龍勦賊襄城與結義弟兄十人陷堅陣中國愛潰圍而出不見其九人者曰吾兄皆已戰死吾何忍生以所持弓與僕躍入冒死

李可從蓋屋人少具大志好談兵以勇氣著聞關中無遠近皆稱壯士崇禎十五年正月闖賊犯河南督師汪喬年奉命討賊以同知孫兆祿為監紀兆祿素善可從挾以行使為百夫長可從謂其妻彭氏曰我此行誓不殲賊不歸立扶一齒授彭且拜曰倘相憶視此齒矣喬年師次襄城

皇明四朝成仁錄

卷十一

四五六 廣東叢書

會闖賊拒左良玉於郟喬年使賀人龍及鄭牛二帥三路進兵皆懼怯不戰而還喬年與兆祿策守襄城可從兆祿此下疑後見可從奇之屬大雨雪城崩賊執喬年喬年大罵不屈死尋執兆祿可從亟從賊伍中躍馬奮戈趨救旋投戈以身翼蔽遂同死之至死猶抱兆祿不解云

耿景榮沛人包奇曹人韓從友清河人崇禎十五年十一月敵兵犯沛有勇士三十餘人夜入敵營劫之短兵驟交敵弓矢不及握馬柵屋樹不及乘遂大潰死者三之一其勇士被殺者三人則景榮奇從友也沛人為之置祠

李亮華陰人王氏之僕也目不識書惟以樸勤事其主主甚愛之崇禎十六年十月七日賊破華陰得亮見其偉軀

多力欲用為前鋒亮拒之賊出及以脅亮大罵支解之紀聞作韓生曰嗚呼亮可謂善取義者華陰從逆之士大夫何如哉是亮有華陰非華陰之能有亮也

馬二不知其名富平人少孤貧為穿窬之盜西安陷二為偽汝侯劉宗敏所掠愛其狀貌使為麾下小將二奮罵被磔每刀一下宗敏輒問從否二曰不從凡數十刀皆應如之至割其舌問尚能罵否乃以口血噴賊而死

孔四郎紹興人父以主簿候選京師四郎隨之亡何父死四郎少時柔曼有鳳陽勳衛常守經者四郎在其處京師陷賊索金守經不得乃殺之而以四郎去夜半四郎起拔賊刀殺所與卧賊初起時度擊賊腹不中中足賊驚叫四

皇明四朝成仁錄

卷十一

四五七 廣東叢書

郎知事敗罵曰賊奴我欲殺汝不幸不能天也遂自刎死死猶屹立不仆賊推之乃仆

都門鬻菜傭者崇禎十七年三月三十日賊奉大行皇帝大行皇后梓宮殯於東華別殿此人慟哭觸階死人莫知其姓氏而之者有曰綱常千古事盡付菜傭擔

劉鳳池口口人生有氣節與人無欺長齋少嗜欲年始三十有一甲申之變作遺言付子六斤為治命從容赴水死家人跡之見其衣冠整然植立河中面貌如生人多為詩文弔之

張日振新會人為農甲申之變聞威宗烈皇帝殉社稷哭曰無皇帝矣其意以為無皇帝則自此不復有皇帝矣遂

縊死久之人問其子汝父何以遽死曰我父愚甚以無皇帝而死夫無皇帝亦何必死我父愚甚人傳以為笑

南京百川橋上乞兒崇禎十七年四月於秦淮橋上遇一

士人問曰相公知北都事乎士曰哀詔已至崇禎皇帝自

經矣乞兒咨嗟不已乃市酒一壺飲罷遠秦淮岸而走人

以為醉不之異乞兒放聲哭曰崇禎皇帝真死耶擗踊數

十望北叩頭赴水死市人以聞當事者為祭葬或曰即愧

二先鹿樵紀聞作此未知孰是或曰弘光元年五月十一

日車駕出狩有乞兒題詩百川橋上曰三百年來養士朝

如何文武盡奔逃網常留在卑田院乞丐羞存命一條遂

自縊死顧生曰嗚呼此殆所云不食嗟來以至於斯者耶

皇明四朝成仁錄

卷十二

四五六 廣東叢書

其死在十一日故其詩專為出亡者言不知後此之為文

武者求其逃而不可得矣乃乞兒獨以逃自羞耶或曰長

干有丐者乙酉五月之變曳杖挈瓢躡草履且哭且笑行

至通濟橋植杖挂瓢脫草履投河而死人於歌中得二詩

痛傷國變語甚激烈大均曰嗟乎何乞人之多忠義也當

其飢寒之時不肯為鮑焦之持蔬立槁而留其身以殉國

難蓋知所重哉

河南副總兵丁啓光鹿樵紀聞作有一家丁當敵至河南

啓光單騎往迎家丁控馬不使前曰將軍兄弟受國家重

托不能殺敵反迎之何以為人帝聽遂投水死又提督曹

存性標下有一營卒當乙酉五月敵至南京屯營洪武門

外存性將往乞降卒為前馬問曰今日之事何如存性曰

降耳卒曰公降我不降存性曰汝儕小人何知勿復言卒

呼曰我真不降也拊膺大慟投中河橋死或曰南京失守

敵索降官職名甚急安遠侯柳祚昌鹿樵紀聞倉皇懼降

不及一隸卒哭止之曰侯世受國恩此行可緩願自愛祚

昌叱之者三卒牽衣力止祚昌怒手批其頰至中河橋卒

曰侯不聽我我死矣仰天擗踊遂投河而死顧生曰春秋

時士多仕於卿大夫家卿大夫亦有與之同升者秦漢而

下稱奴僕矣士人雖甚不肖罕有廁身於此惟邊將多以

麾下壯丁因功自拔得為將軍往往有之此輩中宜有賢

者竄身其間之三人者其皆烈士而隱者歟

皇明四朝成仁錄

卷十二

四五九 廣東叢書

南京細柳街瓦匠者弘光元年五月二十四日士氏鬻髮

瓦匠獨留髮人皆危之匠飲酒自若暮歸其妻強之遵令

匠伴醉許以凌晨遂中夜縊死

靈谷寺僧失其名思宗出狩秣陵人爭往孝陵伐木僧印

公宣言於眾曰吾君雖出猶有高皇帝在天之靈吾與若

受廢於茲二百餘年安可遽忘恩澤乎靈谷寺一僧奮出

率眾斧斤眾擊之死僧函可曰嗚呼高皇帝賴是一僧矣

哭以詩曰一身殉林木國難見孤僧便與埋松下千年護

祖陵是僧既死無復有爭之者原給事中倪嘉慶泣告禱

王禁止其後洪承疇任事遂弛其禁守陵馬內監姪馬二

多方護衛因撲殺一人二殺然抵命內監尋以連結瑞昌

王遇害

王荳卿揚州人張維則之青衣也揚州陷敵入其室維則度不免屢目荳卿荳卿曰請先至鬼門關待郎遂整衣投池敵憐其姿貌拯之荳卿乘間復躍入池敵乃殺之並殺維則

歐敬竹武進人不甚識字舌短而好大言人皆笑之貧無生產浮寓城南戈橋為人修破扇餬口得錢輒醉醉即仰面捲舌而歌乙酉夏南京變聞敬竹招鄰人飲酒與相訣曰忠義祠池水至清來日我當赴之若且盡我一杯其事提壺適至勸之曰子休矣聞舊官皆作新官安在子敬竹曰此而翁所以欲死也媪何知竟自沉死董生聞之曰嗟

皇明四朝成仁錄

卷十三

四六〇 廣東叢書

乎噫嘻死者乃敬竹耶

石士鳳字仲祥原注云一作君翔武進人質青蚨為業閏六月朔鬻髮令下士鳳不從臨死繫小竹牌於帶曰大明不屈義士

李玉奇宜興之市井人也江陰起義既敗以殘兵出掠敵執之曰我非盜也我乃義師之帥不可以無食而殲敵故至此耳敵欲降之曰汝誠念我當以美酒相餉酒至酣飲唱大江東去至年少周郎何處去也高聲呼敵曰斫頭去敵遂斫之

木匠湯士鰲者金壇人以不離髮哭祭祖父投水死
蘇州玄妙觀前鬻麵人不離髮夫婦對經死

倪文徵字舜平紹興山陰人以訓蒙貨藥為業乙酉杭州不守日夜悲號乃罄家資為酒食饗諸少年以其餘鬻二大磁缸置於祖塋之右諸少年怪之酒罷文徵躍入下缸屬諸少年以上缸覆之須臾呼使啓缸皆笑曰先生不耐煩耶曰否否適造次入缸志坐向耳皆曰諾整襟端坐然後命之掩覆踰時往聽但聞吟誦之聲旁夜寂然乃為掩土立墓焉

王元振湖州人都御史潘某之僕也幼鬻於潘既長贖身為府吏知府某起義元振與都御史之子國瓚從事敗被執元振言國瓚無辜其家攻戰之具悉己所藏惟徵餉於國瓚耳於是國瓚父子六人得免元振弟冀脫兄死復自

皇明四朝成仁錄

卷十三

四六一 廣東叢書

首為真元振敵並殺之

黃嘉縉字季振一字樂玄江西新城人隱於醫丙戌正月十七日城破嘉縉正衣冠端坐堂上敵兵搜索寶物嘉縉笑曰架上書皆可寶也兵斫之傷嘉縉曰君子不以交亂易其志仍整衣冠端坐而死年六十有二先是甲申之變嘉縉素服悲號謂所親曰我生為聖朝民死為聖朝鬼得題明故二字於墓幸矣至是果行其言以死

畫網巾先生者不知何許人丙戌間與二僮遊於光澤原注云二僮名武山寺中敵吳某聞其岸異捕之械至邵武池原注云二僮名武山寺中鳳鳴所原注云兩先生傳作鳳鳴鳳鳴訊問不答戒部卒曰善事之但去網巾使無惑眾焉可矣先生既索網巾無有則謂二僮

曰有筆墨乎盍為我畫諸二僮乃為先生畫網中於額畫
已加巾幘二僮又交相畫軍中莫不譁笑呼曰畫網中會
義師張自盛洪國玉曹大鎬李安民四營大潰鳳鳴遂說
稱先生陣俘獻之揚名高兩先生傳作提督某名高見畫網中以為
狂笑置不問已遣詣王之綱之綱問其姓名為誰曰我忠
未報國留我姓名則辱國我智不保家留我姓名則辱家
我危亡不即致身留我姓名則辱身若曹但呼我為畫網
中此即姓名奚問為之綱抗聲責之先生奮罵之綱令先
斬二僮群卒麾之二僮曰吾豈憚死哉顧死亦有禮當一
辭主人耳於是向先生拜且辭曰僅得効掃除地下矣欣
然就戮之綱婉謂先生曰若豈有所負耶不然殉義留名

皇明四朝成仁錄

卷十二

四六三

廣東叢書

亦何害曰吾何員員昭代耳一等未施束手待斃其去婢
妾幾何而敢以此博節烈名乎吾蓋恥不自述也出袖中
詩卷擲於地赴秦寧之杉津引領就刃所畫網中猶斑斑
額上觀者數千人莫不嘆息流涕諸生謝韓兩先生傳作
收葬於松窠山兩先生傳題曰畫網中先生之墓歲時謁
奠湯生曰嗟乎昔子路結纓子御握節義之所在雖微物
古人往往鼎呂視之先生籍一網中以報國而二僮亦即
籍一網中以報主真者不可得更圖其似先生之不忘其
故其遂至於斯極也耶

桐鄉村人有業蠶者某入市聞敵騎至闔戶自經死
鄞縣樵人不薙髮為歌曰髮兮髮兮白者父之精黑者母

之血兮我無髮兮何以見父母兮遂自沉死
黃賢廣州人家東郭以販油為業廣州陷久之賢不薙髮
輒販油出入敵營久之知不免告其父曰兒不能為薙髮
之人今且以不敢毀傷而死幼孤之子惟大人鞠育以繼
先祖再拜而退與妻王氏痛飲焚廬而死

馮我賓新會人丙戌十二月新會陷我賓獨不薙頭為詩
曰匹夫思報國所守在幾希自是丘山重誰言虜髮微虜
巡簡執之將行杖我賓奮起奪杖反擊之曰而無髮之偽
虜取無髮而為天子然且不可乃僅為虜之巡簡乎虜巡
簡惡其言將以獻於主帥里人爭出金錢賄之乃縛而覓
我賓我賓憤志不食嘔血數升以死遺言殮以大明衣冠

皇明四朝成仁錄

卷十二

四六三

廣東叢書

簡夙興新會人少貧自鬻於梁生梁生為人耿介尚名義
城陷不肯薙髮奸人以告知縣率兵捕之將加刀杖夙興
請以身代許之梁生泣曰爾代予死誠義然亦有所欲乎
曰無所欲也我受主衣食十數年今已死報何憾然我嘗
貸某某百錢未償主今為我償之則瞑目矣遂死
曾奉初寧都市小賈也亂後未嘗薙髮或有樂道北中事
者奉初輒罵之城既破獨冠網中衣大袖袍儼然立屋庭
中騎入叱之遂見殺


樊泰者番禺龍眼峒人庚寅三月敵大至以峒人饒富將
籍其資糧以攻廣州數遣使往說峒人弗聽敵兵乃疾攻

之洞人故勇悍善鬪兒童十五六以下皆可搗竿冒陣父子兄弟相救護無不一以當百血戰旬餘所殺傷敵以千計會大雨火藥沾濡礮石不能發堡遂陷短兵巷戰復殺傷此下
原闕


皇明四朝成仁錄

卷十二

四六四 廣東叢書



宋東莞元遺民錄



序

宋東莞遺民錄九龍真逸之所著也嗚呼冬青樹老見踏
海之冠裳薇蕨風清挹空山之冰雪十步非無芳草一篇
永壽貞珉表梓里之精靈寓黍離之感唱作者其有憂患
之心乎慨自濃花淡柳不說錢塘刺水殘山惟餘嶺嶠膠
舟則昭王孰問蟲沙則穆滿難歸吾邑熊將軍飛以草莽
臣扶綱常節驅市人而執梃旋巷戰以捐軀銅嶺烽滅化
為燐火之場銀塘浪湧出榴花之血美矣善矣求仁得
仁維時孟嶺殷頑珊洲阮逸志同道合履潔懷清或則派
衍天潢倉皇荷戟或則姻連宗室垂老投簪管寧卓帽遼
海潛蹤元亮白衣柴桑高卧往往書編甲子恨寫庚申種

宋一序

菜圃以招朋望匡門而隕涕擊竹如意來浙水之悲風呼
玉帶生憶廬陵之舊雨慈元殿廢塊肉難尋越國舟沈斗
膽誰悼青天問而首搔碧海枯而淚續命之衰也傷如之
何然而卷施之心拔而不死申椒之氣鬱而彌馨武嘉一
簣思障江河逢萌三綱言凜霜雪國香零落吟芳草以怨
王孫湘水波瀾賦女蘿而招山鬼漢史所稱不屈穎陽之
高終全孤竹之絜者其在斯人歟嘗考宋代遺佚多以詩
文自顯吳月泉之吟社杜清碧之谷音元趙景良忠義集
所編明程敏政遺民錄所輯冥鴻著其幾輩窺豹略見一
斑又若吳之振宋詩鈔顧嗣立元詩選厲樊榭七人雜事
之詠曹六吉百家宋詩之存刻意梭羅足資考證而秋曉

諸賢既有遺集各家所著采錄者鈔人則振振詩歌麟趾
名則寂寂句同鳳毛秘片玉於于闐遺明珠於合浦斯則
杜鵑望帝同拜荒山精衛冤禽終沈恨海後世不生子雲
集之覆頤宜矣嗟乎鼎翁吾汶相對蒼茫臯羽西臺不忘
痛哭汪水雲之石硯有淚成斑鄭思肖之鐵函以心名史
蛟峰門戶讓白石以主盟蝶軒文章溯閩風而載筆凡厥
逸民並彰竹素留貽一卷永壽千春粒米皆丹碎金亦寶
若夫獻之有坡谷門風月卿號泉田隱遜做陶書之例遂
顯秋聲寫山民之圖等閒湖水遺篇鉅製尙難更僕數也
庾子山之賦好江關助其老成孔巢父之名傳天地長留
詩卷獨吾邑遺佚標榜未聞乎汐社篇章幾付乎劫灰慨

宋一序

當時推挽之無人問後世表章而誰屬嗚呼銅仙辭漢我
吟長吉之詩玉馬朝周人重子昂之畫披夢華之錄孟老
遊仙考逸民之傳野王名佚此讀史者於以歎歎而懷古
者因之悽愴也歟真逸迹海濱徵求文獻念維桑而恭
敬發潛德之幽光倣堯八遺民舊著數見其增考粵十三
家新篇詩仍待輯蒼涼憑弔聞落葉而憮然編纂成書折
疏麻而遠寄其淪懷賢念切好古心同竟日披覽如獲瓊
書當年護持定煩神物滄江朱味難招異代之忠魂故里
黃冠喜有千秋之知己真逸著有勝朝粵東遺民錄既付
手民矣或憇思之復為宋粵東遺民錄他日者星鈔彙纂
不遺屑玉零金月苦風酸羅列貞松勁竹夢梁已醒如葉

誠甘彌增嶺海之光不盡滄桑之感所謂藏之名山傳之
其人匪異人任也虞卿避地乃著窮愁之書子安有言不
讓當仁之筆後死之責亦安可辭敢綴蕪詞以爲嚶引人
間何世哽咽同深丙辰夏六月張其淦謹序於春申浦

宋一序

三

序

辛亥季秋余避地九龍九龍古官富場地其海濱有宋王
臺焉宋景炎駐蹕之所也地舊屬東莞邑志稱宗室子秋
曉必豫於國亡後西走大奚東走甲子每望匡山則伏地
大哭大奚山在官富場南吾意當時邑之遺佚若秋曉者
必皆黃冠草屨撫冬青之樹招朱鳥之魂相與崎嶇躑躅
哭拜於是間宋亡逮今七百餘載書缺有間不可得而詳
已余閱邑志知邑先達明袁莞沙昌祚嘗做程篁墩例采
秋曉及所與往還李春叟陳庚陳紀翟龕輩又益以趙東
山何文季邵績三人摭其事行綴以遺文爲東莞宋八遺
民錄錄已佚惟邑儒劉磐石鴻漸序尙載志中序之言曰

宋一序

四

同時有武夸謝翱者事之本末悉與必豫相類乃翱以往
來吳越所結交多當世英豪其人與文遂以大顯而必豫
退居巖邑錮守荒邨故天下無有知之者所著覆瓿集亦
不傳又曰昔吾祖處士公玉以家世仕宋當匡山覆沒卽
與伯兄特奏進士司法公宗退隱員山而先生所錄尙未
之及然則歲月旣久所謂遺民舊簡雲滅煙沈雖有博雅
君子又安能一一網羅之也耶今覆瓿集已出余暇稽志
乘攷以他書凡當時遺佚得二十餘人而所謂邵績者徧
搜之不可復得蓋舊簡煙沈去莞沙時又三百餘載矣嗚
呼宋之亡也吾邑熊將軍飛以布衣起兵勤王往隸文山
麾下斬元將姚文虎走黃世雄梁雄飛遂迎趙潛入廣進

復韶州其後元呂師夔等將兵度嶺飛卷戰死志稱邑人
從飛死事者有許之鑑伍鳳諸人然當飛起兵時李用及
子春叟咸激以忠義而秋曉及翟龕輩又復周旋兵間逮
飛死後秋曉復謁文山於惠參其軍文山執弟璧降乃不
得已遁歸其以身許國之忠百折不回實出謝翱上不幸
宗邦淪喪銷聲匿跡肥遁以終其身凡此二十餘人者此
心同此理同雖姓氏無傳有所不恤其自處如是不亦重
可哀耶余嘗登宋王臺眺海山之蒼蒼海水之茫茫慨然
想秋曉諸人往來邱墟禾黍間未嘗不俯仰古今爲之涕
泗滂沱而不能已已也因復輯此錄自爲把翫且以貽世
之同志者或曰子嘗爲勝朝粵東遺民錄矣當宋之季吾

宋一序

五

粵區仕衛李志道馬南寶陳大震廖金鳳李肖龍石文光
諸君子皆盡忠所事窮佚以終者也蓋廣爲搜采復撰宋
粵東遺民錄乎余曰唯唯海濱無書不能具也請俟他日
丙辰端午九龍真逸序

丙辰九月十七祀趙秋曉先生生日次秋曉生朝觴

客韻

翠旗虹旛海上槎白鷗刷羽鳴荒遐靈偃蹇兮帔赤霞薦
以莞香建谿茶高臺曉業屬宋家庚申帝亡勢莫加仰天
電笑聲聲牙桑海變滅如空花桃實千年棗若瓜蓬萊仙
子迴雲車翩然而去隨翠華匡山風雨歸途賒

秋曉先生生日並祀偕隱諸公次前韻

南溟一葦回靈槎寶安隱君心不遐清沁冰雪醉流霞羅
浮春釀茶山茶逢匡塊肉沈趙家濮宗節苦世蔑加公等
倡和鳴璜牙燦燦叢菊霜中花中田有廬場有瓜畦以留
夷并揭車廢興莫問胡與華海濱避世風濤賒

宋一詩

六

賀新郎 秋曉先生生日前詩意有未盡再次秋曉生
朝答陳新綠韻

一盞寒泉菊痛當年禾黍荒墟邱山華屋金甲神人雲際
見匡海終沈璽玉空淚灑江流魚腹報國丹心長耿耿奈
三閭未受王明福嗟宋鷁退飛六 冬青樹老寒蕪綠緬
清風晉室柴桑周家菰竹松雪齋中丹詔至未肯餐芝商
谷賴君結遺民一局朱鳥悲呼江水黑試招魂爲奏歸來
曲瀕海地稻梁足

又 再次前韻祀秋曉偕隱諸公

舊里荒松菊記詩人海邦偕隱菜羹茅屋畫像同瞻文信
國應泣卷卷帶玉更節義文章滿腹比似月泉吟社合變
姓名咸重羅公福天地閉筮坤六 富場水漲蒲萄綠歎

故鄉無人爲作祠堂修竹南野西臺哀慟處一例遷移陵
谷况虎鬪龍爭幾局不有黃冠歸里客曠千年誰與論心
曲巖穴士幾蛇足

丙辰秋余輯宋東莞遺民錄成莢節忽過桂輪漸缺同
人乃於宋王臺下官高場邊蕪棧香樹桂酒蠓山馬柱
肆昌黎之筵甘菊黃精擷東坡之圃相與拜秋曉先生
生日並祀諸隱君之靈於時園花綻金山葉染赤龍湫
曉澈鯉門不波因和秋曉詩詞四篇按神絃肅靈鑿雖
續貂可笑庶附驥益彰嗚呼鼎湖龍去既棄羣黎華表
鶴飛又逾千歲問人間何世定知今我安歸望海上諸
峯聊作高山仰止云爾九龍真逸記

宋一詩

七

宋東莞遺民錄目錄

九龍真逸輯

卷上

趙必瑑傳詩八十四首長短句二十六首
文七首附錄詩十七首文三首

趙東山傳趙北山附
東山詩二首

趙時清傳詩一首

卷下

李用傳詩一首附
錄詩二首

李春叟傳弟得朋附
春叟詩十首摘句一首
文四首附錄詩四首文二首

陳益新傳附錄文一首

陳庚傳弟紀附
庚詩三首文二首紀
詩九首長短句四首文一首

翟龕傳詩二首
文一首

宋一目錄

何文季傳詩十
首

劉宗傳從弟玉附
宗詩二
首文一首玉詩一首

黎獻傳從子子可附
獻詩四
首文二首附錄詩一首

張衡傳子孺子附
衡詩二首附
錄詩一首

方幼學傳兄恭己子圭附
錄詩一首

李佳傳附錄詩
一首

姚鳳傳

文應麟傳蔡郁附
郁詩一首

以上詩文詞除覆瓿集外係搜取崔清獻言行錄

外集李文溪集陳琴軒集廣東文選廣東詩粹嶺

南詩鈔粵東詩海粵詩苑逸宋詩紀事補遺詞綜

粵東詞鈔廣東通志廣州府志東莞舊志增城縣

志文各家族譜錄出

按粵詩蒐逸宋詩紀事補遺俱有劉登辰云東莞人咸淳九年鄉貢入元不仕攷所錄詩係張登辰作劉蓋張之誤張登辰已附見張衡傳中茲錄不為立傳者以元張宏範兵至邑曾強令攝丞事也然其後不肯復仕故趙必瑑諸人引為同調云入元不仕者以此

宋一 目錄

二

趙必瑑傳

趙必瑑字玉淵號秋曉邑之柵口人系出濮安懿王高祖不母以少保觀察福建因家於閩曾祖善企武節大夫南

宗正司掾察主管台州崇道觀祖汝拾廣東鹽幹父崇誦

侍鹽幹於廣遂家東莞陳陳琴軒集趙秋曉墓表按朱

靖王元份元份生礎安懿王允讓允讓生太師建孝良王

宗蓋宗蓋生榮國孝節公仲的仲的生贈少師和國公士

善企生汝拾汝拾生崇誦崇誦生必瑑必瑑少穎悟讀書

輒通解工詞賦陳紀秋曉咸淳元年與父崇誦同登進士

崇誦性恬淡任南安司戶參軍卓著賢聲尋曰父子竊祿

是取盈於造物也解歸黃佐通志必瑑釋褐授從事郎肇慶府

高要縣簿尉太守檄攝四會令琴軒集邑有二人忿爭各自

殘互訴於官前令毛舉細微根株相連搖動一鄉必瑑至

曰彼皆輕生豈可波及良善以長後俗乎斥二家各收瘞

鄉人德之為立生祠四會縣志宦績後陞秩文林郎南安軍南康

縣丞尋棄官歸養邑大夫政有未達嘗詣門咨訪必瑑為

陳利害多所裨益琴軒集德祐四年夏惠州守文壁辟為郡

從事眷之如子姪甫一月以親病告歸通志參覆會

邑人能飛以勤王兵潰歸附奉主率命自循惠下招輯東

廣而梁雄飛亦以招安兵自大庾下先入城飛與梁構兵

弗解琴軒集必瑑念欲為宗國因以語中飛曰師出無名是

為盜也吾聞宋主舟在海中將遣趙潛方輿制置安撫東

廣不若建宋號通二使尊宋主然後舉兵入城事成則可

雄一方不成亦足以垂不朽飛深然之即日署宋旗舉兵

向城梁遁去遂迎趙方二使入廣飛欲盡括邑人財穀以

充軍實人情洵洵必瑑請於飛願以家貲三千緡米五百

石贍軍乞寬邑人之力飛從之就委必瑑董其事必瑑第

物力高下而均其輸鄉井賴以不擾陳紀撰景炎三年三

月文天祥復惠州宋史二開督府於惠陳紀撰集兵勤王

志時文壁以秘撰都承分憲重守惠陽因以書招必瑑覆

集答文必瑑往謁天祥相與論時事慷慨泣下通志天祥偉

其義辟朝散郎簽書惠州軍事判官兼知錄事壁時為行

朝總領尤敬愛必瑑每事取決焉陳紀撰必瑑因殫謀竭

忠力圖恢復然勢已不支桂山志是歲十一月天祥被執於

五坡嶺二王必瑑察壁無堅守意通志誤綴必瑑詣天祥

誤不得已遁歸明年宋亡劉鴻漸東莞宋元以故官例授

將仕郎象州儒學教授不赴琴軒集遂退隱於邑之温塘村

足跡不入城郭惟西走大奚東走甲子短衣敝笠徘徊海

岸不挾一童每望厓山則伏地大哭又畫天祥像於廳事

上朝夕泣拜劉鴻漸東莞宋必瑑為人才識俊邁多慷慨

仗大義樂周人之急通志閒居時憲士好賓客日擊鮮為具

無厭怠意及是益縱飲時或憑陵大叫以紓其卓厲不平

之氣陳紀撰嘗題其室曰詩人祇合住茅屋天下未嘗無

菜羹其寄託可知已粵大晚歲所交如梅水村陳匪峯趙

為盜也吾聞宋主舟在海中將遣趙潛方輿制置安撫東

廣而梁雄飛亦以招安兵自大庾下先入城飛與梁構兵

弗解琴軒集必瑑念欲為宗國因以語中飛曰師出無名是

竹澗李梅南張恕齋小山諸人年長則父事年相若則兄

事陳紀撰行狀按梅水邨名時舉永嘉人嘗流寓於莞

弟小山名衡邑之柵口人詳下卷陳匪峯趙竹澗名里未

詳張登辰有海鄉甥館懷竹澗水村二友詩云鴨引新雞

積乳孩半間老屋脫秦灰詩人門地那無竹處士家風側

要梅游倦莫教芳草怨信稀誰寄白雲來且將醉裏持螯

手旋擊蓮蓬薦碧醕據此竹澗一時隱者多就之通志

水村蓋流寓莞之瀕海諸鄉者一詳見下卷此外如

所載如李梅外李梅邊陳東湖俱邑人詳見下卷此外如

張昭子徐心遠劉貳車黃秋楊推朱水鄉李自玉鄧南山

陳新綠諸人俱不可至元三十一年十二月卒琴軒年五

考皆當時遺佚也

十據陳紀撰行狀云生於涪祐著有覆瓿集五卷全書目

乙巳至甲午得年五十也

趙必璩詩八十四首長短句二十六首文七首次序依

入粵十三家集詩文中往還諸人不盡

可考其可知者別為按語附記於後

和文文山中秋賞月韻原注時在惠陽按此係祥

是歲十一月文山

被執於五坡嶺

中秋有月更有酒樂事賞心并二難萬里無塵銀世界一

清徹底玉溪山素娥伴兔夜無寐仙侶乘鸞曉未還老子

南樓動吟興風吹香句墮塵寰按此和文山韻寒剛通用

和張竹處韻餞陳匪峯之濂泉按莞志載有元侯圭

池蓮總春意詩人只合在濂泉按集中又有餞陳匪峯之

濂何處夢短到家難不辦一邱費猶為九品官鶴嫌新俸

薄鷗訝舊盟寒附翼振鱗事書生不敢干攷四朝詩趙善

瑛作題與詩俱同善瑛太宗七世孫家南

海疑當時必璩代作故仍收入集中也

至節寄家信原注時在病中

薄宦駸駸已及瓜寒梅羞見舊時花年來吟苦形成鶴客

裏愁多鬢減鴉浮世有身元大患此生何處是真家白雲

極目空搔首歸雁兩三寒日斜

和黃秋三衢舟中韻

壯志曾期捋虎鬚中年跛躄困泥途槽檣富貴幾場醉盧

雉功名一擲呼世事看來真塞馬吾才祇可比黔驢客遊

倦矣歸休去三徑可松園可蔬

挽李梅邊按梅邊名得

貞元朝士盡凋零一世龍門羨李膺靖節有詩題晉號德

公無意入襄城牀頭點易朱猶溼几上遺書稿已騰收拾

故家華萼集翩翩三鳳以文鳴

歸臥西樓理故書幅巾羽扇一癯儒家庭師友尊明道古

史文章逼老蘇蓬鬢早因時事白荷衣不受劫塵汗嗚呼

天不遺耆老雨淚如傾一束芻

和李梅外韻以傷邑士之無朋按梅外名春

兀兀規規鐵限門鬚眉妾婦冠吾冠蜀南見日犬羣吠井

底觀天蛙自尊守望誰為鄉里助典刑藉有老成存書生

唇齒久荆棘氣不能平又一言

避地惠陽鼓峯用徐心遠韻

按惠州志鼓角山在城南四十五里左右兩峯

如鼓角鼓峯當卽其地

收拾當門破勅黃山中蕙帳夢魂香風供松葉暖茶竈雲

卧茆窗凍筆牀一雨鳴蛙亂深夜數聲啼鳥怨斜陽風塵

浩蕩愁如海怎得中山醉酒方

按四庫提要稱一雨二事亦錄此詩攷必以文壁降後道歸詩云避地蓋壁降後作一雨二句純是奇託當於言外求之

挽張縣尹

別駕新除墨尙鮮翩其鳧鳥已飛仙牀頭空有栽花譜身

後應無買木錢自古才人多薄命如今鄉國正思賢纍纍

孤寡相持泣說與天知天也憐

春行南山訪友不遇

宋一

五

瘦筇支我上南山纔到山中分外閒九日春將解印百

年心事幾凭欄燕營一壘離相慶鶴舞三臺仙未還松菊

把門牢閉著誰人彈壓此駭壇

和黃秋韻

騷壇分戍打愁城奏凱梅邊緩轡行詩債填償難一頓酒

緣結習是三生未能范蠡浮輕舸且學靈均賦落英落魄

平生成底事沙汀月冷負鷗盟

和自村同年韻寄南山劉貳車

空谷寥寥絕足音月明千里故人心功名蝴蝶半牀夢歲

月蜉蝣一息陰王粲曾聞附劉表華元何忍薄羊斟買舟

欲泛剡溪曲安道門前雪武深

和尹權宰見訪韻

原注春嶼

牛下高眠扣角歌轡金裾翠重相過江湖千載知少風

雨一庭愁思多君向青雲騰驥足我甘白髮老漁蓑茅簷

翦燭更酌酒人世歡娛能幾何

餞陳柳邊權惠陽教

豪氣元龍習未除扁舟撐月過豐湖飯雖不足猶攜鶴累

既無多合載書野客慣曾憐鄭老諸公何敢薄相加江湖

交舊如垂問爲道衰頽只故吾

挽趙北山

原注善醫

發緯孤忠泣黍離吟形如鶴不勝衣參苓信美難供病松

菊猶存欠賦歸魂夢三千餘里遠功名四十九年非北山

宋一

六

復鶴多悽愴獨對梅花淚暗揮

避地山中和楊推夜寒韻二首

山藏皇恐色溪訴不平聲落葉啼猿怨危枝宿鳥驚林疎

風四面霜冷月三更酒醒愁無寐燒松炙到明

浮生等萍汎前事總花虛橋外訪四皓林間逢二疏溪山

數茅屋天地一蘧廬怕有桃源路相期更卜居

別和明府歸帥省

原注蜀人

江山如昨日人物已晨星往事風前絮浮生水上萍別離

頭半白邂逅眼終青客子愁如醉曉風吹未醒

幾度賦停雲重逢瘴海濱已成三載別猶是舊時貧酒量

病來減詩情老更新慙勤分袂意折盡柳條春

和朱水鄉韻

已落淵明後歸歟寂寞濱舊交松處士新寵竹夫人詩國
尊齊晉仙溪隔昂辰南柯還是夢螻蟻自君臣

江湖雙鬢短風雨一燈孤買酒初嘗艾鈔詩細截蒲織耕
同德曜編簡對韓符怕有傷時句磨教棱角無

何處著詩豪白雲高更高山中別天地門外自波濤夜雨
荒園菊春風媚觀桃歸來懷故宇招隱愧無騷

一我獨栖栖相逢又解攜驚魚依亂藻忙燕壘新泥亦有
種桃者獨無芳草兮買舟欲乘興風雨黯前溪

重九宴陳東湖亭 按東湖名益新詳見下卷東湖
在邑城東益新居此故以為號
詩成歡未盡月下客重來清影共千里寒香更一杯龍山

秋寂寞牛渚夜徘徊飲待東方白人生能幾回
題竹隱梅外二先生祠堂 按竹隱名用梅外名春叟
用之子詳見下卷陳庚有

一瓣瞻祠像形癯道自腴衣冠千載事功力廿篇書老竹
秦四皓寒梅漢二疏紛紛麟閣畫章服裹猴狙

挽陳東湖

諸公凋謝盡此老魯靈光筆硯生涯舊詩書福澤長春園
名獨樂秋圃賦寒香誰續斯文脈元方與季方

東湖地百弓左柳右芙蓉老屋正間月童顏七十翁曉涼
快吟屢晚霽醉漁篷一夜西風慘池荷不敢紅

吾善養吾存銜茅道更尊書聲響三世詩派禪諸孫今古

自秦晉山林有綺園臨風涕如雨一些試招魂

邯鄲塵夢覺歸臥讀書林投老菊三徑憂時雪一簪魚安
知我樂鷗自識翁心已矣鍾期死眼前誰賞音

懷梅水村十絕用張小山韻 錄七 按水村名時舉
見附錄小山名銜詳見

人生南北浮萍耳四海九州都是家畢竟男兒心似鐵莫
將愁淚澆梅花

十年騎鶴夢悠悠天地無情白髮愁歸到咸陽還似客幾
回腸斷望井州

小山山人荷為衣松梅為屋竹為籬簷花細雨青燈句獨
憶鄭老同襟期

紙衾如水夢難成抱膝燈前讀北征懊恨鴈來無箇字海
雲千里雨冥冥

暮秋已誤張郎約冬暮歸期又未成趁取歲前到家好春
來怕有杜鵑聲

梅花集裏識真梅曾讀梅花偈子來四海交遊君倒指江
南只有賀方回

鄰牆砧杵送秋聲雲掩香幃六曲屏燈下同文題未就梅
花明月一牀冰

再用前韻集句 錄七

我思君處君思我 東一擗歸心未到家 惠相見或因中夜
洪
夢羅孤燈何事獨成花 東

思君天闊水悠悠黃後醉裏眉攢萬國愁山所不負子如

此酒秋已教從事到青州東

蔬飯藜牀破衲衣東經年兀兀槿花籬秋與君聚散若雲

雨東君問歸期未有期杜

聞道騎鯨遊汗漫東寄書因見雁南征王介他年一舸鳴

夷去東莫羨搏風起北溟介

相思一夜梅花發王吟破離心句不成荷橫玉叫雲清似

水崔夜鐘殘月雁歸聲高

少年心壯輕爲客杜不寄梅花遠信來東爲見行舟試借

問王看花出約幾時回陳

草根何處不蟲聲方燈火昏昏獨掩屏翁有約不來過夜

半樂煮茶敲碎一池冰道

挽李自玉
安樂窩中寄幅巾牀頭易註墨猶新蓋棺只著深衣去疑
是堯夫輩行人
宗主文盟護梓桑春風一手種甘棠葬時移近坡翁墓留
取清名伴菊香
百年心事兩眉頭生死間關繫戚休浩蕩中流無砥柱乘
風漲浪舞鯨鯢
醫至猶言疾可爲酸風吹訃落茅茨典刑諸老凋零盡一
東生芻雨涕垂

宋一
九

種花之暇點春芳把酒花邊試洗粧差勝當年潘令尹空

栽桃李滿河陽

點綠粧紅千萬般薰桃染柳更蒸蘭梨花也費東風力九

十日春無點閒

霜玉肌膚冰雪魂春風庭院月黃昏兒曹不解吟翁意無

雨無風也閉門

李俗桃麤不用評梅花之後此花清喚醒山谷商量過差

替山簪做弟兄

挽鄧南山

洛社耆英久隱居書田付與子孫鋤終南不是功名徑說

著功名俗了渠

老子生平不好諛莫教後鶴費分疏只消題作南山墓種

竹一庭梅百株
題雲岫半閒堂用李涉韻
一塢白雲茅數間歸與釣水採於山寄聲靈徹休相笑未
必僧間似我閒
卧月眠雲屋半閒詩人到處是家山當年悔弄君房筆只
得忙中一半閒
題月巖
千年老桂影婆娑一半銀蟾掛碧蘿大抵人間天上事團
圓時少缺時多
戲題睡屏

宋一
十

別相如直至今牀頭綠綺暗生塵當年自是文君誤未必琴心解挑人按起二語今塵為韻當時本真通庚青蒸侵轉文元寒剛先也饒實齊星人韻亦然點檢殘杯未了棋才貪著處轉成低一番輸後惺惺了記取從前當局迷

翻覆于郎錦筍看紅邊墨迹未曾乾宮中怨女今無幾那

得新詩到世間

秋水盈盈嬌眼溜春山淡淡黛眉輕人間一段真描畫喚

起王維寫不成

吟社遞至詩卷足十四韻以答之為梅水村發也錄

鐵石其心腸冰雪其心胸晨陪玉輦遊夕墮瘴海東

宋一

十一

蕭艾穠羣芳草木紛零落梅花我輩人例合東高閣

紫薇號舍人紅荔名郎官梅花隱君子未可一樣觀

無詩對梅羞詩成梅花開梅自工於詩歐九却識梅

霜凋雪剝餘萬卉生意動梅花讓羣芳回施春風供

欲花未花時此妙無人知著花已多事更為花吟詩

子猷癖愛竹無夢到香影雪夜棹忽忽未必有詩興

香魂逐逋去翠羽招不還醉到趙師雄一身花影寒

我愛梅花清梅花憐我癯宜為寒東野毋為渴相如

無贊謁梅花一詩我破戒春風如打勘具有案卷在

梅花老山林思與天下芳瓊花差清白薦之守維揚

懷哉丈人行四海空交游桃李不識面一生慕荆州

饒實齋趨朝原注廣帥劉應龍按宋史本傳應龍

海寇作朝廷患之乃以顯謨閣待制知廣州廣東經

略安撫使寇聞應龍至遁去應龍剔逐之南海大治

特旨屢召拜戶部侍郎仍兼侍讀七上奏辭免德祐

元年遷工部尚書寶章閣直學士知贛州兼江西兵

馬鈐轄清海軍節度使力辭隱九峯此詩蓋德祐元

年作屋山志帝紀景炎二年春經略使劉應龍導帝

至廣州港口元兵拒之不果入據此應龍後蓋從

景炎南奔未亡乃隱九峯也宋史未詳附記於此

四海人物如晨星老成典刑公一人秋月玉壺皎皎飛

鸞不駢翔八表寒花晚節紛其香春風筆底多甘棠景定

東南民力竭天畀福星照南粵盡洗蠻煙瘴雨塵藥洲草

木欣然春至今民拜寬分賜古有今無此廉吏清風去後

凜冰臺前度劉郎又復來閩府清明民快活滿腔子仁活

潑潑一十四州生意多海鼇不動紅牙高治平奏最居第

一生平受用惟一貫一朝徵入作侍郎晉陞邃閣侍華光

國家多難予誰與嗣王小忠新求助矧今耆俊莫如公泰

占君子上下同大用之機其在此周公冢宰毋專美不然

成王方幼冲何為袞衣赤舄先歸東送公此行登鼎席南

豐辨香此所夕他時英俊館翹材桃樹應思去後栽

南山賞梅分韻得觀字

老梅百窠霜騷壇崢嶸鐵骨傲歲寒千枝萬枝凍欲槁一

花兩花春尚慳愁聞羌雛吼玉笛羞見公子馱金鞍芳魂

久嫁逋仙去怨雲恨雨迷孤山憔悴獨醒者納交惟芷蘭

江南窮詩人鄙哉弟山蒼甚而含毫吮墨之俗子或比之

粉面之何郎玉肌之阿環梅花酷怕渠點腕所以未破冰

雪顏與其玉堂今金屋孰若竹籬茅舍幽且閒與其狀元
今宰相孰若收香斂華林壑間逆知梅意同我意詩人合
作如是觀

生朝觴客卽席用韻 原注九月十七

西風吹客浮仙槎萬斛詩香散幽遐瓊裾翠裳佩九霞賜
我羔酒龍團茶剪錦飛落山人家黃絹幼婦無以加衰賤
何足辱齒牙相看白髮羞黃花西山薇蕨東陵瓜前村烟
雨黃犢車共嚼秋芳咀春華茅齋飲盡鄰可賒

和同社餞梅

花開春意動花謝春意靜通仙餘詩魂夢斷孤山境飄零
萬斛香冷落一枝影玉笛聲聲愁月浸闌干冷吟翁餞梅

宋一

圭

行詩句真雋永持螯醉酒船呼童滌茶皿欲調宰相羹且
歸狀元嶺離騷不知音激楚鄙鄙郢惟存廣平翁心腸鐵
石勁無花實更奇此意要人領桃李兒女曹眼底紛蛙井
酒醒動微吟心下快活省

和李梅南見寄十四韻 按梅南名七龍見附錄

公歸平山中袖藏經濟策恨不雲龍遊相從老樵石樵溪
釀泉甘樵谷嘉禾殖劉曹壓詩壘晉齊并酒國與其千戶
侯何如千畝漆文星耿在目龍門分咫尺天風墮珠璣捧
玩手不釋斧鉞太森嚴句法尤峭拔奈何士也賤至寶道
傍擲平生釣鼈手烹鮮抑何屑簞食與豆羹豈足動顏色
閒愁惱吟腸義利自爲敵相逢開口笑無怨亦無德 按集
中答

李梅南云淡交歸蒙袖至十四韻嘗同諸友續貂謝罪至
穗石則玉佩瓊瑤已歸蓬萊矣淡交陳紀號見下卷此詩
云恨不雲龍遊相從老樵石考羅浮亦名東
樵相傳爲蓬萊左股蓋梅南隱羅浮間也

遊濂泉

星巖高哉不知其幾千丈今下有儒宮上接青雲梯緣回
鑿破水泉冽泉以濂名宗濂溪濂翁去今凡幾載一脈流
通無窒礙光風霽月此山中景物因人成勝槩亭翼翼水
泠泠一清不著點子塵眼前色色俱呈露何必解蘭縛塵
纓君不見孤山六一泉硯洲包公井君子之澤深且長清
風千古霜凜凜我欲採薇隱此山祇恐林慙澗惡鎖松關
我欲祠下筆一詞又恐寒泉痛洗凝之詩解襟坐石濯清
冷一畝寒冰和露飲雪我酒腸霜詩脾此身疑在神仙境

宋一

西

倩君爲問玉皇借玉鞭鞭起睡龍騎上天持此一瓢濂翁
泉一雨炎荒洗蠻烟 按莞志邑學舊在城東南二里許清
熙十五年邑令王中行遷於東城外
詩云下有儒宮蓋舊學
在濂泉左右故云然

陸尸有擣蒲之招詩以答之

局促束縮抱羈獨頽然一我慙今俗酒病昏沈無詩醫詩
腸枯槁欠酒沃閒隱坐與周公安焚香痛把離騷讀世情
冷暖故人疎笑殺和靖龍頭縮夜長燈明弔影孤無情紅
粉不可呼夢中猛省京華事圍紅擁翠邀博徒銀燭高燒
海棠暖醉豪一喝成臆盧贏却翠裘六郎恨丈夫此樂天
下無君不見劉毅家四壁百萬祇一擲袁耽少不羈破帽
懷相隨逢場作戲政不惡大抵人生樂其樂

古端飲問梅亭作

把酒問梅開未開梅花問我何時來嫣然一笑醒塵夢
我詩與寬酒懷有梅無詩酒懷惡有詩無酒羈味薄一觴
一詠暢幽情人生須作及時樂去年嶺上曾相逢花邊醒
酒醉師雄霜月三更天似水枝頭翠鳥睡正濃今年寒淺
花較遲一花兩花時最奇春多爛漫無意思此意梅花知
不知孤山寂寞通仙去香影之後更無句幾回擬作梅花
騷無力其如梅花何懷哉此花丈人行冰清玉潔不做時
粧樣紛紛桃李嫁春風臭味未必與我同莫說和羹事和
羹事猶未莫美玉堂人玉堂人已陳細把心期向梅說花
開花落有時節

宋一

五

和同社酒邊韻

規規爲愚傲爲穎晨華夕喪何足逞對山悠然此心領誰
歌白雪妙於郢題破蜀牋爲紅杏晝遊苦短燭堪秉媿我
寒蠅時如啞墮身千仞求長綆移文鷗社盟莫冷共嚼梅
花醉香影

重九卽席點韻

淵明我輩人豈爲口體累歸歟三徑秋清吟發幽寄醒眼
對黃花陶然已心醉世俗兒女情飲菊萸萸繫臂長房果神
仙登高未爲智落帽狂參軍聲利窮所嗜與來盡君歡得
句輸杜二牛山淚沾衣鄙哉馬千駟悠然千載吟高韻未
易次人生聚幾何此意非酒爲徜徉林壑游磊落湖海義

明年此會日老健天所賜

和李梅南對梅韻

三花兩花疏籬東玉堂何似茅舍中孤芳不受春風施千
紅萬紫俱下風羅浮夢斷孤山杳寂寂誰躡二子蹤謫仙
天人霸梅國騷壇萬仞奴羣雄我交梅花二十冬梅工於
詩例合窮我窮於梅詩更拙豈無膏沐誰爲容湘纍醒眼
不相識蘭芷未必臭味同何時典衣買酒醉梅下澆我磊
落寫我悵詩成閣筆對梅笑此一瓣香爲梅翁

卽席點韻賦方硯

一片端溪雲至寶俗眼驚體方而質剛翰林叨寵榮楮君
同出處松侯難弟兄紫肝馬膚潤綠暈鵠眼明白笑謫仙

宋一

示

狂曾倩妃子擎我愛清廟瑟人吹高門笙龍尾與鳳味圓
巧相逢迎吾友管城公奚假乎猩猩留此鎮山房移文鷗
鷺盟好方已成癖焉用圓爲卿

綺羅香 和百里春暮遊南山

辨一枝藤蠟一雙屐縱步翠微深處無限芳心付與蜂媒
蝶侶紅堆裏杏臉勾粧翠圍外柳腰嬌舞有吟翁執轡心
腸肯拈出美成佳句 九十光陰箭過趁取芳晴追逐春
風杖屨消得幾番風和雨春歸去悵鶯老對景多愁倩燕
語苦留難住秋千影裏送斜陽梨花深院宇

念奴嬌 和雲谷九日遊星巖

一時四美對重陽那更無風無雨塵世難逢開口笑不飲

黃花有語雲谷春生星巖秋好引領羣仙去滿襟霽月山中一洗塵霧
濛翁舊說猶存淵明獨愛菊風流千古柱杖笑談卿與我不減晉人風度破帽歌風空樽眠月也有
悠然趣秋容未老晚香尤有佳處

蘭陵王 韻上用美成韻

畫欄直鉅釘千紅萬碧無端被怪雨狂風然柳僂花禁春色尋芳遍楚國誰識五陵俊客流水遠題葉無情雁足不來香牋尺
浮生等萍蹟纔卸却歸鞍坐未温席忽忽還又京華食嘆聚少離多漂零因甚江南逢梅望寄驛美人
今天北悲惻恨成積悵釵玉塵生貌金烟寂綠楊芳草情何極偏懶撥琵琶愁聽羌笛梨花院落黃昏後珠淚滴

宋一

風流子 韻上飲歸用美成韻

舊夢憶錢塘笙歌裏幾度醉斜陽曾載月一篷眠楊柳岸買春深巷過杏花牆腸惱斷香鬢盤鳳髻櫻口轉鶯簧釵
玉分輕夢孤宵枕歌紉蠹久愁對春鶻司空曾見慣相逢處還又聯步西廂底用十分迷滯翠陣紅行記鴛篋題
情離懷如訴鮫綃溼粉別淚猶香年少拋人易去苦也何妨

又別韻上故人用美成韻

春光纔一半春未老誰肯放春歸問買春價數酒邊商略尋春巷陌鞭影參差春無盡春鶯調巧舌春燕壘香泥好
趁春光愛花惜柳莫教春去柳怨花悲春心猶未足春

曉煖爐薰香透春衣說與重歡後約春以爲期記春雁回時錦牋須寄春山鎖處珠淚長垂多少愁風恨雨惟有春知

齊天樂 舟中和花翁韻答自村同年

東南半壁乾坤窄渺人物消磨盡官爵網羅功名釣餌眼底紛紛蛙井暮更朝令扞格了多少英雄豪俊身事悠悠
儒冠誤矣文章病休休蕉鹿夢醒早牛衣無恙鷗盟未冷相越平吳終成底用不似五湖舟穩浩歌狂飲休說我
命通待他心肯浮世南柯夢那那一枕

華胥引 舟泊萬安用美成韻

宋一

六

滄浪磯外小艤蘭舟旋沽竹葉雨過谿肥波心蕩漾鷗對暖烟晚欵乃漁歌和榔聲啾軋裏泛五湖祇恐西施羞怯
年少飄零鬢未霜底須輕鐺江南歸雁寄來鴛牋細閱多少盟言誓語滿鮫綃羅篋揀弄相思琴心寸寸三疊
意難忘 過廬陵用美成韻

魏紫姚黃屬吟翁管領曾醉春鶻盟寒釵鳳股灰冷寶鏡香前事遠此心涼去也棹滄浪把年時芳情付與鴛頸交
相燈前甲影成雙嘆星星絲鬢老矣潘郎愁偏欺客枕樣不入時粧塵面目鐵心腸歸隱又何妨小灘頭曲竿直
釣誰識嚴光

宴清都 舟中思家用美成韻

遠遠漁村鼓斜陽外賓鴻三兩飛度茅簷春小白雲隱几

青山當戶驂翁底事飄蓬
浮忘却耕徒釣侶何時尋
斗酒江鱸悠悠千古坡賦
風流種柳淵明折腰五斗
身為名苦有秣田二頃菊
松三逕不如歸去山靈休
勒俗駕容我臥草堂深處
問故園怨鶴唳猿今無恙
否

瑣窗寒 春暮用美成韻

乳燕雙飛黃鶯百轉深深
庭戶海棠開遍零亂一簾
紅雨繡幃低捲起春風香
肩倦倚嬌無語嘆玉堂底
事忽忽聚散又江南旅
春暮人何處想歌館睡濃
日高丈五舊迷未醒莫負
孤眠鳳侶長安道載酒尋
芳故園桃李還憶否
早歸來整過欄杆花下攜
春俎

隔浦蓮 春行用美成韻

宋一

九

東風吹長嫩葆花塢穿青
窈玉管新聲金鈴顫響驚
青鳥行樂莫草草春光鬧
鴛鴦浴垂楊沼紅嬌小慵
梳宮樣鬢雲釵鳳斜倒酒
邊輕別一枕相思到曉雲
雨巫山難夢到愁覺一些
心事難表按周美成原詞云新篁搖動翠
葉曲徑通深窈窕夏果收新脆金丸落
驚飛鳥濃霞迷岸草蛙聲鬧驟雨鳴
池沼水亭小浮萍破處簷花簾影
顛倒綸巾羽扇困臥北窗清曉屏
裏吳山夢自到驚覺依前身
在江表萬紅友詞律第三句脫字
為句以此詞攷之則當新字為句
脫字屬下讀也詞律又云水亭
小三字是後段起句前尾不宜有
此贅句用作換頭為妥以此詞證
之蓋信此詞原刻梳上脫一字
巫上脫二字茲以意補補雲雨
三字以便讀者

蘇幙遮 錢塘避暑憶舊用美成韻

遠迎風回避暑人似荷花
笑隔荷花語無限情雲并
意雨驚散鴛鴦蘭棹波心
舉約重遊輕別去斷橋風
月夢醒

飄蓬旅舊日秋娘猶在否
雁足不來聲斷衡陽浦

齊天樂 薄麗壁燈

紅紛綠鬧東風透煖得枳
花香也雪柳撚金玉梅鋪
粉粧點春光無價釐蓬如
畫簇萬頃芙蓉桂華相射
豔冶逢迎香塵滿路飄蘭
麝人生行樂聊爾况良辰
美景好天晴夜重帖爭先
芋郎卜巧細說成都舊話
傳觴立馬看翠陣珠圍歌
朋舞社酒盡更闌月在蒲
萄架原注時簿廳新作
蒲萄架按此詞
當秋曉官高
要簿尉時作

燭影搖紅 縣廳壁燈

宋一

手

月浸芙蓉冰壺天地波凝
碧太平歌舞醉東風花市
人如織桃李一城春色玉
梅嬌鬧蛾無力粉圍紅陣
燈火樓臺綺羅巷陌樂事
還同遨頭引領神仙客高
燒銀燭照紅粧香霧穿瑤
席款款檀牙細拍醉金樽
東方未白傳柑相遺探蠶
爭先明年今夕按此詞當秋曉
攝四會縣時作

沁園春 歸田作

看做官來只似兒時擲選
官圖如瓊崖儋岸渾么便
去翰林給舍喝采曾除都
一擲間許多般樣輸了還
贏贏了又輸回頭看這浮
雲富貴到底花虛吾生誰
毀誰譽任荆棘叢叢滿仕
途嘆塞翁失馬禍也福也
蕉間得鹿真歟夢歎何怨
何尤自歌自笑天要吾儕
更讀書歸去也向竹松深
處結个茅廬

賀新郎 和陳新綠觀競渡韻

繡口琅玕腹美人今陽春一曲華貂難續喚醒荷花歸棹
夢猶憶紅塵迷目只消得鳥飛兔逐往事已隨流水去眇
愁子鬱鬱哀時俗恨千縷淚一掬不須青史流芳馥也
不須榮華富貴樽前頻祝但得山中茅屋在莫遣鶴悲猿
哭隨意種茶薇躡躡蓴菜可羹鱸可膾聽漁舟晚唱清溪
曲醉又醒喚芳醪

夏日燕鬢堂和竹磻韻壽匪峯使君

赤城中奏鶴笙一曲玉珮丁東蒲節后七日宴翠閣瓊宮
年年王母來稱壽醉蟠桃幾度東風簇花間五馬輕裘短
帽雪鬢吟翁魁宿耀三雍曾歸車共載非虎非熊急流
勇退淵底卧驪龍山中不用官三品墊角巾人暮林宗記

宋一

圭

亳州舊事畫鴟夷獻與恭公

賀新郎壽陳新綠

壽酒浮萸菊記年年重陽嘉節開樽華屋綠鬢朱顏春不
改彼美人兮如玉有錦繡珠璣滿腹戶外紅塵飛不到受
人間倒大清閒福數花甲纔八六十分秋色呈新綠一
簇兒池館亭臺左梅右竹柳下繫船花下飲不減西園金
谷更橋外安排棋局獨立小橋明月夜喚鶯鶯低唱雙飛
曲有子也萬事足按此詞新綠生日在重九先秋曉
八日未語則謂其婦人將誕子也
又生朝新綠用前韻見贈再依調答之

低唱芙蓉菊有吟翁坐擁紅嬌宴黃金屋恰則絃麟三日
後燦燦醉盤珠玉不待夢燕懷楓腹自是嫦娥分桂種伴

靈椿千歲延清福回笑我龜藏六歸歎老圃鉏春綠五
菟裘三逕荒苔一庭瘦竹欲隱貧無山可買聊爾徜徉盤
谷更管甚雲臺玉局緊閉柴門傳語客道主人高枕南牕
曲有酒蠲此生足按此詞與前詞當同時作前
半賀其得子後半則詠懷也
又用張小山韻賀小山納婦

沙上盟鷗鷺笑吟翁夢今不到草堂深處金屋重春睡
暖傍翠偎香步步已自摘蟠桃三度舊日畫眉情性在更
君房妙絕文章語消受得乘鸞侶樓中燕燕誰家住又
從新移根換葉栽花千樹第一信風春事覺莫遣綠羞紅
汗早早做欄杆遮護天上黃緣千里合喜乘槎先入銀河
路人似玉衣金縷按張氏族譜衡初娶徐氏繼娶何氏劉
氏陳氏詞云摘蟠桃三度蓋四娶時作

朱一

圭

滿江紅和李自玉蒲節見寄韻

如此風濤又斷送一番蒲節何處寄黍筒綵綬龍饒蛟鬻
已矣騷魂招不返蘭枯蕙老餘香歇俯仰間萬事總成陳
新愁結梅子雨荷花月消幾度頭如雪嘆英雄虛老淒
其一快回首百年歌舞地胥濤點點孤臣血問長江此恨
幾時平茫無說

念奴嬌餞朱滄洲

中年怕別唱陽關未了情懷先惡回首西湖十年夢幾夜
簷花清酌人世如萍客愁似海吟鬢俱非昨風濤如許只
應高卧林壑松菊儘可歸歎嘆折腰為米淵明已錯相
越平吳成底事一舸五湖差樂細和陶詩徑尋坡隱時訪

峯頭鶴羅浮咫尺春風寄我梅萼東坡和陶白鶴峯故事
朱蓋惠州人張登辰有奇朱滄洲三首云敲月池空草樹
深往年樂事杳難尋至今枯葉分題處猶有寒蟲抱梗吟
尺素無緣慰鬱陶曾將近况問同袍知不在閒言語琴
到無弦韻更高掃却閒愁倚夕暉暝禽分擇舊枝棲鶴
猶有雄心在各占一山深處啼敲月亮為登辰弟張
衡所築詳趙詞及張詩意亦當時遺老相倡和者

醉落魄 用韻賦九月見梅

西園飲飲倚欄杆玉簫聲徹荷枯菊老秋芳折兩葉三花

九月南州雪 何郎情思通仙骨觀桃牆杏成疎閣醉騎

玉鳳遊銀闕滿袖西風吹動暗香月

攤破浣溪紗 寄小黃

只為相思怕上樓離鸞一操恨悠悠十二翠屏烟篆冷曉

隱秋 繡綫未拈心已懶花殘欲寄寫還羞懊恨郎邊無

宋一

畫

个信暮雲愁

菩薩蠻 戲菱生

紅嬌翠溜歌喉急舊絃撥斷新腔入往事水東流菱花曉

帶秋 幃香雙鳳集情淚層綃溼殘夢五更頭酒醒依舊

愁按宋稗類鈔云宋祖建隆庚申受禪後間陳希夷祇伯

五更頭之言命宮中轉六更方嚴鼓鳴鐘殊不省庚與

更同音也至理宗景定元年應五庚辛越十七年宋亡而

五更頭之數信矣此詞殘夢五更頭二語蓋隱寓亡國之

感集中詩詞皆

當以此意求之

朝中措 錢梅分韻得疎字

冰肌玉骨為誰癯只為故人疎憔悴粉銷香滅風流不似

當初 聚能幾日忽忽又散騎鶴西湖整整一年相別到

家傳語林通

答趙鵞湖 原注良階

某於先生姓同寅同而臭味又同其相與也一以真實世

俗浮花浪蕩語悉去非於門牆乎略高明諒之某芙蓉

江邊翦袂黯然歸侍後即同文溪過羅浮上下追逐者兩

載奈何黃埃漲天海鯨鯢而陸豺狼山林之密一身無所

容天地之大一物不能外干戈餘骸顧影向厭况向平之

債滿前離亂中起於一二淑後未知其所以為策昨承賜

論如對玉立十年塵夢陡爾喚醒喜極而不覺展齒之折

前此司簿在邑蓋嘗詢台躔次舍知其居與潭對霞飛雲

溢謂吾宗長雅得某水某邱之樂豈謂猶肩肩坐廣文種

耶山深雁杳未能奉一牋問起居高誼薄雲敦篤寅好勤

宋一

畫

勤渠渠專走一介賜之書而惠之餽焉盛德固有光矣如

瑣瑣者屏弗能當何寵教佳章備悉近况然魚相與處於

陸响以溼濡以沫安得如相忘江湖時哉執筆及此旅思

淒然凌江風景蕭條歲晚江空何以為懷霞佩尚留穗石

城去邑一葦雪夜之舟或肯訪戴山中度歲相與叫笑况

亦不惡未審高明以為何如按書中稱姓同又稱吾宗則

之下為良良階當呼必璩為叔世系表有良階無良階必

知即一人否文溪文壁號見惠州府志其同文溪過羅浮

上下追逐兩載當在德祐兩

子之前玩下答文溪書自見

答文溪書 原注時以秘撰都承分憲重守惠陽

聞世俗以竿牘長語謂之敬頻書數訊謂之情先生拜臺

兩月矣而莫之書書於兩月之後而率其辭不敬不情甚

矣先生儻求之世俗之外而不責之以世俗之禮則庶乎
免戾于門牆某丙子之夏奔走鈴齋下塵垢剛一月辱所
以眷存眄睐者不啻如子姪然白雲關心遠理歸棹淒其
短翼貼地低飛欲攀附垂天之雲翱翔九萬里外則不能
也風濤洶湧蹙蹙靡盬轉瞬三秋風矣中間嘗狂一牋干
溷記室未必不為殷洪喬所棄擲去夏舍弟下富山附起
居狀時則瓊琚玉佩已歸紫蓬般浩空函持歸覆瓿千里
咫尺瓣香拳拳泰階六符耿耿在目云云某夏申卧病聞
建臺舊治喜極而病為之愈方欲拏舟參賀忽歸拜使帖
不棄遺簪墜履之盛心何物么賤乃欲記之齒牙敢不思
所以報知已稱使令除已具公狀供申即容日下躬詣使

宋一

五

臺公參憂患之餘言不能文惟高明亮之按書中云丙子
下丙子為德祐二年其年五月益王是即位福州改元景
炎又云轉瞬三秋風當祥興元年時文山復惠州故壁以
書招必瑒而必瑒答書云即容日下詣使臺公參蓋往謁
文山也書中所稱去夏舍弟下富山附起居狀考宗室世
系表必瑒二弟必瑒必瑒生清祐乙巳至祥興
元年戊寅年三十四疑書中所云舍弟為必瑒也

干倉官借米

某僭有粟廩誦家貧食粥之詩多矣取糴於市升斗不足
醫菜色盧仝干人之詩魯公乞米之帖屢欲寫而屢闕筆
者以無指廩故人也告之慈親慈親笑曰所幸未有啼飢
之妻哭飯糴之孩兒耳汝俸獨不足以養親乎汝俸獨不
可以預借乎用敢乞憐於下執儻蒙推猶飢之念而特賜
借支則一飯實拜君賜爨煙纔起皆報德之心香也兄毋

日劣弟非食煙火者

繳呈竹隱梅外二先生祠堂詩

某啟昨廉車蒞邑伏承立夫郎中引領諸生晉拜二先生
祠下捐金命匠繪畫一新釋菜之日耐交廣文以祠弗葺
為歉越數日而新之像之新立夫郎中之美意也祠之新
耐交廣文之餘力也吾黨小子其能已於言乎於是瓣香
祠下操觚弄墨相與美盛德之形容繪畫日月多見其不
知量然高山仰止外是無以寫諸生之忱謹用錄呈丈席
儻台慈恕其狂斐進而教之某等下情豈勝榮幸按耐交
友龍見下卷黎
獻立夫未詳

書陳孟剛童烏集後

宋一

五

孟剛弱冠頭角嶄然吾意老眼及見其聳壑昂霄也云何
得疾遽召玉樓遺藁殘編流落人世見之怡然讀之潸然
雖英物固天地之所靳然鍾愛乃人情之所同嗚呼痛矣
哉痛矣哉吾黨不斯人之慟而誰慟

祭趙北山文原注善醫

嗚呼兄有馳騁功名之志而無其時有歸去田園之心而
無其機十年湖海國危莫醫瘴雲之巔鯨海之涯窮天下
之艱苦極人生之辛悲猶不為造物見容遽然一疾而至
於斯僕於北山如兄弟然此別千古痛哉蒼天猶記夏初
兄弟鄰居昔之玉立今也鶴癯意其藥籠之參苓可以壽
餘生而制頽齡奈日贏於一日龜於己而不靈臨訣欲獻

哽咽語余死生數耳累以妻孥古有託妻子於其友吾特
患吾力之無餘經營後事一如囑書衾不覆首衣不蔽軀
所可憐者三歲之孤回首白雲萬里邱狐嗟夫僕既不能
爲申屠蟠護喪歸里之行又不能爲范雲移喪歸家之舉
欲安厥靈權殯淺土今生以來費敢不助辦香束芻老淚
如雨兄其有知實聞斯語

祭先父文

吾父半生江湖客於南國持身以儉事事真率起家以勤
鑿鑿精實早捷棘闈壯登桂籍宦情如水而不濁其清世
態如雲而不淄其白短褐瘦筇清泉白石笑語春風琴書
暇日孫子檀欒萊衣遠膝將百年奉菽水之歡忽一旦有

宋一

老

苦廬之戚喪事未終禍生不測家具蕩爲煙灰屋宅化爲
瓦礫死者無所安生者無所息吁窮天下之哀極人世之
慘未有甚於此時者孤也既不能奉先大夫遺體以歸三
尺之上又不能從首邱之義以事千里之役不孝之罪兩
儀充塞時哉奈何曷容吾力漢土茫茫欲歸何適望北山
之白雲悽秋風之荆棘篁邨之原天相故宅日吉時良謹
奉窀穸血淚滂沱昊天罔極按文云喪事未終禍生不測
崇誦當卒於景炎間又云不
能從首邱之義以事千里之役當祥興元年必豫赴惠州
謁文山時蓋猶未除服也又云日吉時良謹奉窀穸蓋葬
親而後行其許
國之忠至矣

附錄詩十七首
文三首

挽趙秋曉

張登辰 恕齋
東莞

儒風凋落盡生意僅如絲一自先生死深爲吾道悲頽波
誰砥柱善類孰綱維有子森如玉斯文想未衰
自古名而壽宗臣罕有之嘗陵終落魄賀白不期頤天涸
璇源漲霜摧玉樹枝遊魂歸故國忍見黍離離
羈卅分燈讀論交若弟兄羨君先得雋嗟我老無成幾輩
同憂患終年隔死生夢中猶歷歷笑語若生平

又

翟 佐 孟卿

當年汗漫期蟾窟折危枝四海習鑿齒三生杜牧之淒其
一聲笛已矣人哀詩忍看亭前柳青青似舊時
疇昔追隨日團頭笑語同酒船浮大白荔園擘輕紅入社
慚招亮忘年肯友戎向來觴詠地古木起悲風

宋一

老

又

姚 然 達泉

已矣嗟麟趾青衫正少年才優合芸閣時異條桑田雨散
傷同輩風流瘞九原何當芻一束揮淚玉人前
一枕春婆夢如君亦可悲人間無著處天上有歸期光嶽
失英氣江湖欠好詩莫愁身後事跨龍有諸兒

又

梅時舉 永嘉

蟾宮年少夢成非橋梓空分桂一枝酒聖詩狂唐太白筆
精墨妙晉羲之商山早隔人間世男子不成天下奇間道
寶安埋玉樹一航秋雨寄相思

自古詩人仕不高偉人底事占詩豪同年親友俱三釜半
壁天傾空二毛守我冷官巾與屨任他巧宦帶而袍一篇

覆瓿生光燭地下脩文想和陶

又

僧覺真 半顛

合爪焚香敬撰著數符大衍為君悲生如元德不為天命許宣尼只自知方丈室中曾示病三生石上又前期他年認取本來面依舊顛僧與退之

又

李士龍 梅南

汝陽眉宇信天人弱冠龍門客已新梅隱端溪先得月松哦橫浦已經春芹宮翁季題名記粉曲生徒墊角巾嵇阮風流誰有此官窮回首已成陳

橋梓聯輝榜帖香霜剏甫試善而藏何堪袍笠失吾故惟
有詩書教子強杜驥白龜俱爽適荀龍薛鳳看飛翔人生

宋一

无

有子萬事足壽比錢毋終亦亡

又

黎□□ 善夫

年時父子記同登詎意天從祀國傾輦路春風三月夢山莊夜雨十年燈率更帖墨知魁悟庾信文章邁老成二妙風流今已矣薤歌賦罷淚沾膺

十載荒邨共亂離雲龍上下憶追隨生前已飽撞鐘問死後方傳覆瓿詩此夕巷歌誰忍發他年鄰笛自應悲傷心豈獨幽冥負重為斯文一涕洟

又

張昭子 竹處

亭亭玉樹世間稀天與科名不與時信厚每生同族敬風流多結貴遊知吾於魯肅情偏厚客謂文園疾莫支撫几

自悲還自慨喜君跨竈有諸兒

家住青山擅一邱菜畦花圃足夷猶哲人造物何慳壽公子平生不識愁雜黍情緣成夢斷鶯花心性蓋棺休草亭吟卷今猶在讀向西風老淚流

過趙秋曉墓

張登辰

蔽骨茅山岡上土故人怛化只如斯一生淚盡丹陽道四

海人傳白雪詞無奈老懷悲宿草擬將寶劍挂何枝諸郎

卓厲才無敵好摸河東墓道碑

按陳瓊琴軒集趙秋曉墓表云吾邑秋曉趙公學行
動聞甚著而史氏之紀墓門之文缺焉今諸孫穎等以洪熙元年十月修其塋域既成乃不遠萬里致前鄉貢進士陳紀景元所為狀徵文表於墓據此是秋曉卒後子良麟等以時當易代有所畏而不為立碑故登辰感而賦詩也陳紀行狀見下卷陳紀述表蓋據行狀為之茲不復錄摸同摹集韻莫故切音墓

宋一

辛

祭趙秋曉文

張登辰

世有一人之生死關於吾道之興衰吾道之興衰關於生人之休戚是有天焉故吾於秋曉之死仰天椎心為吾道哭為生人哭非獨哭吾私也邇來堯舜之道不明利欲之欲薰灼仲尼之徒槁項黃馘衣冠了鳥庸奴阜隸獻笑見譏儒丐同至賤之科章逢為納侮之具謀身遠辱之不暇脩齊治平又何責焉毋怪生人之類不被吾道之澤也吾兄以卓犖不羈之才抱正大剛方之氣聰明特達得於少成容貌辭氣斯遠鄙倍文章過人畧而不有素志所蓄蘊乎可知少年出應時需摠吐膚寸則春官舉其文華藩侯資其畫諾使者詳刑任之以洗冤澤物大臣分聞訊之以

治法征謀觀其抱負已不碌碌惜乎生不逢時莫究所蘊
今涵蓄於三十年之久採芝茹薇以養其高紉蘭攬桂以
助其潔碩果不食之餘得如兄數十輩參錯於天下吾道
其庶幾乎生人之類亦庶幾被吾道之澤乎奈何天不憇
遺九原莫作死生常事於兄何憾所可憾者素志未施庸
庸之徒不知其心蚩蚩之氓不被其德彼蒼者天與吾道
何仇使斯人齋志以歿耶與生人何仇使之終不被吾道
之澤耶與言至此心管欲裂自朋儕零落君子道消惟望
吾兄伸其志業顯揚於時光明雋偉使斯人徒囿我兼善
今復死矣吾道息矣雖其生者志亦死矣仰天大哭萬事
已矣如斯人兮不復得矣豈無他人不吾知矣天乎痛哉

宋一

三

嗚呼秋曉汝詎止於斯乎詎無意於世乎如有意焉當化
而爲人以續其志乎抑知吾道之不行將他有以伸其志
乎是未可知也幽明永隔夫復何言矢辭矢心零涕如雨

又

梅時舉

維元貞元年歲次乙未時維四月永嘉梅時舉竊聞故契
兄南海前府教秋曉先生天水趙君之訃越十月望日遣
次男慶翁具酒果之奠陳於柩前南向再拜哭而言曰嗚
呼璇源潰兮難爲玉玉樹萎兮難爲花君游歆向之藝苑
兮壓賀白之詩家心摘雲錦兮口吐天葩妙齡秀發兮闊
步東華豈徒撚髭於一第兮羨盛事之希詫橋梓雙攀桂
殿兮騰南州之佳話寶鍾閩山之靈奇兮氣奪寶山之雄

霸挺生此丈夫固兮賢哉郎罷繫神龍之苗裔兮爰分瑞
於濮邸豐芑數世之仁兮蔚傳家之詩禮允如旱麓兮榛
楛濟濟宜偉人之拔萃兮對三策於玉陛似太阿之出匣
兮逞游刃於盤錯方鸞棲於枳林兮靡克辭四會百里之
託旣代繡斧之平反兮且專黃堂之畫諾厭簿書獄訟之
紛紛兮自請杏壇之木鐸長材無施不可兮盍橫飛於省
閣俾判花而視草兮續天花之灑落奈日月之無光兮乾
坤爲之反覆瞻禾黍之離離兮何怪蘭茝之不馥悵鬱悒
其曷伸兮姑離世而立於獨本根之旣撥兮枝葉零其何
速何君子之不得與兮悵蒼天之無福歎從地下之脩文
兮環良朋爲之慟哭嗚呼哀哉余從重耳之壺餐兮因流

宋一

三

落於海角一傾蓋如舊識兮心無適而無莫中嘗告以還
故里兮分兩懷之作惡懷梅紛其廢和兮獨聯篇而累牘
嗟集句如膠髓兮誼於余而何篤重相遇於羊石兮手無
日而不握泛夜月以橫江兮聽嚴城之鳴柝聯呼甌甌以
豪飲兮借穹輿爲席幕倚梅南以浩歌兮恍然若赤壁共
舟之樂慘回首歎其十年兮遠聞淨覺子之訃遣次息以
往弔兮因巖書慰君之遲暮擬雁帛還以慰我兮乃聞君
已先於薤露悵嵇阮之繼殂兮晨夕誦停雲之賦痛切余
心兮撫躬莫措景薄西山兮邈然脩路孰寄余哀兮兒其
編素持此絮雞兮蒼蒼曷訴嗚呼哀哉慨柵口之故陟兮
喬柳依依想溫塘之新築兮清水漣漪伊玉人之不見兮

惟屋梁落月之輝輝晉室其無曹志兮而已而號狐狸而舞鱗鱗兮挽龍種其何施璇源玉樹同爲劫塵兮子何獨爲君悲按文中云遠聞淨覺子之計黎獻挽詩亦云淨覺草未宿先生復踵之淨覺疑必璪弟今不可考又按集後附錄哀挽詩文如張合德寶大則登辰之子陳季質師善則庚之子皆必璪婿又陳仲卓繼善亦庚之子俱見下卷梅宗善慶翁則時舉之子見時舉祭文此外如胡德夫駿升羅桐江附鳳鄧松蒼元金葉南坡特張古翁震李簡齋昌宸及前所錄翟佐姚然僧覺真黎善夫諸人不盡可考半皆當時遺佚也因附記之以待知者

覆瓿集序

元東郭應木願堂
荒令郭應木資州

南風不競炎德既熸三后之姓於今爲庶蔑蔑無聞矣嗚來東邑有客舉似一二詩奇甚問何人作曰宋有官宗子秋曉先生詩也遂從其子良麟得全帙觀之清新閑雅飄飄然有神仙風致予謂一歲之清氣在秋一日之清氣在

宋一

三

曉趙侯以是自名使君於此不凡矣乾坤有清氣散入詩人脾則其人其詩清絕也固宜客又曰秋曉節義人也因爲予言其平日出處大槩誠非常人之所能企及嘗觀戰國羣公子如孟嘗春申輩裘馬輕肥以豪俠相尚彼知節義爲何事不足稱也屈原楚公子也忠愛寸忱拳拳焉以維翰維城爲己任離騷一經忠貫日月千載而下聞風興起豈徒取其文而已趙侯世擢高第居官有能聲年甫三十而宗國隕矣卽韜晦不仕放浪山水間長歌短吟寫其憂憤而終身焉宋亡未十年子自楚而燕見夫內而金馬玉堂之署外而閩府州縣之間往往皆宋宗臣近就本支百世之義畧不暇恤聞此可心愧死矣吁公之文學使在

前朝盛時則校書天祿揮翰金鑿固不在劉李下宗國殄瘁而人云亡可慨也先儒謂未有宗袞而無賀白公之文固無遜賀白凜凜高節又豈賀白所能企及哉諸郎競爽振振誦誦克紹先業節義之報也邱山零落往事莫追西山朝來爽氣固在秋曉之高風清節如乾坤清氣在穹壤間百世不可泯也詩文云乎哉

趙東山傳 趙北山附

趙東山佚其名邑人系出濮邱按宋宗室世系表無以東性高古不諧流俗遇談勝國事則揜耳不聞嘗登鳳凰臺以舒懷抱其志行汗漫視世間事無足當其意數來亭頭游法性寺海月巖每憑高瞻望匡山之雲則悲歌慷慨涕泗潸然粵大逢佳山水詩成刻於石野仙則其自號云其題海月巖詩二首石刻猶存黃佐通志同時有趙北山者亦佚其名善醫寄寓邑中趙必璪視之如兄弟然卒時託必璪以妻孥必璪爲之權殮淺土其祭文則謂兄有馳騁功名之志而無其時又謂十年湖海國亡莫醫亦當時遺佚云

宋一

三

趙東山詩二首按明歐大任撰區仕衡家傳云公詩文如趙東山則東山當有專集今不傳

題海月巖二首

踏盡崔嵬倚石門海風山月滿巖巒自然仙室依蓬島不覺人寰變廣寒千載揚塵安可測一杯對景且爲歡崖前浴日皆詩境喚醒東坡仔細看

架巖鑿石有規模不學桃源舊畫圖亭豁人稀林鳥樂錫
飛天老野雲孤雨餘石井泉深淺煙淡虎門山有無說與
山靈莫分別從教仙窟着浮屠

趙時清傳

趙時清號華巖邑人張二果志宋宗室也按時清挽趙必
故知為宋宗室考宋史宗室世系表魏王廷美生穎川郡
王德彝德彝生遂寧郡王承範承範生南康侯克備克備
生遂國公叔封叔封生西京左藏庫副使值之值之生公
指公指生脩武郎彦文彦文生端夫端夫生時清時清生
若冲若冲生嗣琳嗣琳計時清當宋官修職郎連州注陽縣主
簿按覆瓶集有繳回趙簿跋割云本同葛蕭之宗未諸良
簿觀何幸梅花之外獲黍常條此趙簿當即時清蓋必瑒
官南康縣丞時俱德祐後兵戈旁午幕府委時清攝邑丞
在五嶺外故云時清殫心戮力斬濟民艱張二果志宋亡與趙必瑒陳紀

宋一

妻

偕隱覆瓶集參紀嘗和其梅花詩粵東及必瑒卒時清哭
以詩以謂同宗間訃尤傷感老淚無多暗損神云覆瓶集

趙時清詩一首

哭趙秋曉

諸老凋零不忍聞奈何天又奪斯人漢初賈誼曾前席晉
後淵明恥屈身尙想醉歸松路月可堪夢斷草池春同宗
聞訃尤傷感老淚無多暗損神

補錄

趙處士傳

明洪武五年舉舉黎光仲輝人官刑部侍郎黎光東堯

處士諱良驥字逸仲必瑒仲子生而凝重好讀書不屑屑
于章句之末惟求大義所存必瑒嘗器之曰此子能讀父
書未幾宋室淪沒處士抱黍離之悲絕無仕進意矣每以
王蠋白期雖身為布衣而忠節常存義不北面爰是深自
隱晦營隙地植花竹時與二三知我醉歌其中以成澤畔
行吟之志視人世之富貴利達直等之微塵緘埃且日訓
其子暨諸姪讀書而語之曰學以明心見性非徒襲取功
名况吾家為大宋之裔豈可甘心臣仇而塗炭衣冠耶其
天植孤忠耿耿如此贊曰氣正性剛心悲宋亡效不帝秦

宋一

妻

之義向東海而流芳或釣魚于水之澗或採芝于隴之岡
陋彼巾幗之婦人反目之為顛為狂其讀書非以邀祿位
其教子蓋以明義方宜爾孫枝之振振詩書之彬彬以貴
其忠貞之光今後之景仰者讀傳與贊而得其詳

北坡趙公行狀

明邑趙應斗運垣庠生趙東堯

公諱良駿字駒仲秋曉公第五子秋曉公隱於温塘生公
兄弟六人各散處異鄉惟公定居北街因號北坡公天性
孝友賦質醇和人未嘗見其疾言愠色生值匡門之變痛
悼獨深終身誓不仕惟以詩書自娛日與文應麟何文季
暨宗人華巖野僊諸公遨遊山水間愛脉溪林臯之勝鑿
池構亭廡從過訪輒擊鮮浮白敲棋考古為樂酒酣則高

歌長嘯以寓黍離之悲尤仗義輕財樂周人急雖罄家儲弗計也晚喜讀易從祖有諱善湘者繇資政殿大學士封那公暨其季子少卿汝棣世傳易學善湘著有學易補過或問續問約說輯略諸書汝棣著有易雅叢書輯聞筮宗諸書公得其說而精之十翼九師了厥宗旨嘗言易卦六十四厥父三百八十四一言蔽之曰懼以終始其善易蓋得之家傳云又嘗手輯藝祖以來詔書二卷藏於家元配孺人板橋錢氏履齋公之孫縣尉公之女按邑舊志履齋元年進士官至靖江府通判子夢驥咸錢益字益清祐淳十年進士官陽江縣簿尉宋亡不仕公慷慨好客不事生產孺人多方彌縫嘗脫簪珥置寮邊田數畝爲祀贍之資公得瀟然物外而無內顧憂者錢孺人力也生一子而

宋一

三

孺人蚤世繼配孺人廣州林氏尤篤鴈鳩之愛撫前子如己出爾時諸子雋朗彬彬皆以季世緝光迨歲戊申大明麗天林孺人驟然謂諸子曰養晦多時欣逢聖主汝曹可以出而行世矣其識時知義又如此洪武癸亥歲季子友正以從龍功授鎮南衛百戶蓋仰承先訓也北坡公享年七十有八附葬篁村白坭坑先塋孺人錢氏享年三十有口葬篁村鸚鵡岡孺人林氏享年九十有六附葬公塋下子五人長友真錢氏出次丙次友安側室劉氏出次友觀次友正林氏出斗幼讀時博搜先世典故得公遺囑并所輯謬易說宋詔於家藏叢籍中謂公之學行與兩孺人之聖善不媿古人而碑石闕焉因述梗概勒之簡編當代鴻

儒倘不以爲謬惠採斯狀而傳之銘之也則我祖不朽裔孫應斗謹述

此錄刻成後趙宗人以族譜至因補錄此二篇於上卷之後以著秋曉先生子孫之賢九龍真逸記

宋一

美

宋東莞遺民錄卷下

九龍真逸輯

李用傳

李用字叔大邑之白馬鄉人明一統志按鄉賢錄作邑之嶺步人其先南

雄人祖卓朝議大夫始居東莞琴軒集梅外李公墓表參鄉賢錄父景宏

承事郎鄉賢錄用少孤事母極孝愛盡禮雖盛暑侍母側未

嘗去巾襪德器凝重造次必以規矩鄙慢之氣不形也初

業科舉及讀周程諸書即棄之杜門潛心理學非親友婚

祭不出如是者將三十年而踐履日益熟士之從學者館

無虛日自號竹隱人因稱曰竹隱先生李昂英聞其賢就

見之與語終日用未嘗有解容昂英出語人曰吾今乃見

有道君子嘗著論語解究明伊洛奧旨以迦洙泗之源訓

宋二

詰明白便於誦誦學者傳習之昂英進其書於朝詔授校

書郎用曰著書豈干祿計哉不受而歸又遷承務郎以旌

其高所著論語解梓行天下黃佐通志後憲使周梅叟諸公交

口薦舉復奏於朝理宗特書竹隱精舍賜之咸淳中提刑

劉叔子命繪像祠於邑庠琴軒集參鄉賢錄用安貧樂道無所求

於世其誨生徒貌肅色和疊疊有序人樂從之遊以故多

所造就通志德祐二年用使其婿熊飛起兵勤王按莞志不載飛起兵

年月考陳紀撰秋曉趙公行狀云丙子夏飛勤王兵潰而

歸丙子為德祐二年然則飛起兵當在是年春初也

身浮海至日本以詩書教授日本人多被其化稱曰夫子

年八十一卒日本人以鼓吹一部送喪返里至今莞人送

喪鼓吹號過洋樂樂人皆倭衣倭帽以像之阮元通志按用以德祐

二年丙子浮海至日本越三年祥興已卯未亡用在日本

教授人被其化其卒當宋亡以後蓋因宗邦淪喪故極身

異域不復返里也又按元史日本傳趙良弼往僅至太宰

府而還十一月三日命鳳州經略使實都高麗軍民總管

洪茶邱以舟九百艘載上卒一萬五千征日本冬十月入

其國敗之而官軍不整又矢盡惟虜掠四境而歸至元十

一年為成淳十年又二年丙子伯顏入臨安益王昀即位

福州蓋用聞日本與元構讐故使飛起兵而身至日本說

其出兵撓元北方以紓南使之患也明季馮京第黃宗義

乞師日本亦此意及至元十八年世祖命范文虎率十萬

人征日本喪全師而還終元之世日人竟不至此則宋遺

臣如李用等教之使然國朝番禺車騰芳題竹隱像稱

以為遺世之逢萌避世之戴顓此但觀其迹猶未得其用

心也又按李氏族譜云竹隱墓在交趾此當喪歸後子春

叟遺遺囑往葬蓋生不食元粟死不葬元土之意其苦節

如著有竹隱集三子長春叟次得朋別有傳三松叟號梅

際有文聲早卒阮元通志參明

李用詩一首按竹隱集今已佚

宋二

題畫

冬嶺秀孤松松枝傲霜雪不同桃李春永抱歲寒節

附錄詩二

寄贈竹隱李聘君宋龍圖閣待制吏部侍郎諡忠簡李昂英文溪

圓沙有此隱君芾獨枯筇自一邱安樂窩中寬宇宙道

遙游處眇公侯逢人皆喜一無忤於世何求百不憂種德

已深天必報大兒玉立最清修原註翁長子春叟三薦於鄉名士也清修可敬

謁竹隱先生祠宋寶祐二年進士知肇慶府事蘇良

千古儀型竹隱堂此身雖晦道彌光軒裳不入山林夢塵

土難侵冰雪陽清影雅宜梅共瘦高風堪與菊同芳斯文

一脉流傳遠羞把庭槐祝二郎

李春叟傳 弟得朋附

李春叟字子先號梅外用之子資敏悟學如夙習邑宰許

巨川見而奇之勉其進業春叟承家學而覃思經術陳琴軒集

公墓表嘗從游李昂英之門李春叟文已復遠遊從師謁

桂陽林思齊陳翊陸鵬升授春秋又以諸經參訂於公巖

壽莞志作盧方春周梅叟諸公如趙順孫陳存盧鉞呂直

之皆其友也廣州人嘉熙四年以春秋鄉貢凡三中舉張明

志東莞寶祐四年省試中選以誤寫謹對黜開慶元年

試入選奏號之夕宰相上言西廣有邊擾宜優省試一名

以收人心春叟厄於數竟為易置廷紳深惜其才交薦入

仕乃授惠州司戶有賢能聲廣東提刑楊允恭狀奏廣州人物

宋二

三

傳 曰臣念嶺海之東素號多賢自崔清獻之力辭相任高

風逸韻聞者興起比年恬退清脩之士蓋多有之臣得於

所聞之真者有迪功郎李春叟刻苦窮經清嚴自守兩試

南省俱中前列厄於勢要竟就特奏之選春叟處之怡然

無愠間嘗攝職則確守公廉及其退居則安貧教授未嘗

汲汲於祿仕可謂經明行脩者也乞賜獎拔以厲浮競之

俗世道幸甚黃通得旨除肇慶府司理嘗辨冤獄當路不

從卽投告身於庫請歸竟得白郡守劉叔子歎服尋除德

慶教授秩滿歸廣州人初廣州置買銀場本與商舟為市

後從而征之歲久弊滋吏緣為奸征及民戶租米民甚苦

之又提舉鹽司以鹽科配民戶價多而鹽少深山窮谷懼

其害者不少廣州人物春叟上書察院郭閻閻為條奏罷

之民歌於道既謝事琴軒暇日著論語傳說以補先志所

未及張二果大抵撮晦庵要語為之又摘其玄微者為詩

使學者詠諷自得號詠歸集家居以經學訓後生嶺海名

士多出其門朝廷敬其名除軍器大監辭不就廣州人特

賜梅外處士號以旌之春叟性孝友然偉特方嚴風岸峻

立望之知為端人正士素質經濟才恒以濟時行道盡忠

所事為心成敗利鈍初不計恤琴軒德祐二年熊飛起兵

勤王赴文天祥麾下春叟作詩以送其行有馬革裹屍真

壯士陽關莫作斷腸聲語粵東及飛潰歸駐兵於邑邑士

民多逃竄遠鄉飛揭榜限三日回家否則發兵戮之春叟

宋二

四

號哭諫飛飛乃止時羣雄四起乘時剽掠以春叟故多不

忍犯邑邑人賴以免患廣州人歲丁丑元張呂二帥克廣

州按此係至元十四年十一月事廣州人哨騎將及邑眾

皆危懼春叟毅然與邑人張元吉走謁麾下琴軒以死爭

事遂止帥命春叟宰邑力辭不就以元吉宰之邑人德春

叟不忘繪像於竹隱祠同祀焉張二果自是絕意仕進橫

經講學以道自任琴軒時宋社已屋昂英家藏書盡為灰

燼春叟收拾其稿付之剞劂曰文溪存稿文溪集李增城

李肖龍輯崔與之文集亦至莞訪求殘編就正於春叟李

龍清獻文集元初分司李僉憲禮春叟以賓師公暇卽造問政

張二果莞志其見重於時如此琴軒晚歲隱居養高年八十卒

張二果莞志 按春叟有挽趙必瑒子時可一名昌期寶詩蓋卒於元貞元年以後今不可考

祐六年以春秋中鄉舉琴軒集參莞志選舉表早卒其妻何氏鄉貢

何漢臣女以孝節聞姑病篤何割股肉煉糜以進疾尋愈

咸淳十年邑宰爲立孝行坊景炎二年復旌其門賜東帛

焉琴軒集得朋號梅邊用之子春叟弟也琴軒集用子三人

各通一經得朋善易淳祐六年特奏進士官從事郎南恩

州司法張二果莞志宋亡不仕卒趙必瑒挽以詩云靖節有詩

題晉號德公無意入襄城蓬鬢早因時事白荷衣不受荆

塵汚其風節蓋可想見云覆瓿集參李氏族譜二子通甫以易舉景

定二年鄉貢行簡宋將仕郎貴州路儒學教授居喪以孝

聞邑述其事申於郡張二果志選舉表

宋二

五

李春叟詩十首摘句一首文四首按詠歸集今已佚

登粵秀山

宇宙皇圖遠山川霸氣收唯餘漢時月猶照越臺秋天迥

明城樹雲空斂海樓清光對尊酒莫作古今愁

送熊飛將軍赴文丞相麾下

龍泉出匣鬼神驚獵獵霜風送客程白髮垂堂千里別赤

心報國一身輕劃開雲路衝牛斗挽落天河洗甲兵馬革

裹屍真壯士陽關莫作斷腸聲

文丞相兵挫循州詩以迓之

手持盛甲挽天河鐵石心肝尙枕戈賓客三千毛遂少將

軍百萬李陵多風波如此子焉往天道不然人奈何嶺海

書生今已老天涯無石爲君磨

哭趙秋曉

秀出天潢一派來廣寒早掇桂枝回生前笑破春風面盡

把浮名付酒杯

驀地剛風折羽翰懶將功業鏡中看時危羞佩黃金印乍

可無羶作冷官

百尺樓中眼孔高氣吞餘子等兒曹才名赫赫天公妬罰

作人間詩酒豪

篋中遺藁墨猶新門外池塘草自春鄰笛一聲腸欲斷豈

墳失却倚樓人

世上紛紛白首翁老天何獨死英雄想應仙魄乘風去謫

宋二

六

在蓬萊第一峯

五十年間富貴中生來玉樹飽春風買臣晚貴成何事那

得全歸似此翁

森森蘭玉出庭闈突過燕山桂五枝六逸風流誰得似君

家箇箇是麟兒

哭張元吉句

時平持論易世否見才難孤柱支顛厦危船上急灘按元吉衡兄見下張衡傳

慶林寺陳氏捨田記

慶林寺爲祝聖道場所比邱大衆結香火緣關梨鐘響攝

衣升堂坐喫常住飯淨洗鉢盂果腹而去幾劫修來受茲

供養我佛弟子能三篋遠肚空心坐佛否諸佛神通能以

虛空中推轉食輪化大地作香積厨否世尊尙爾乞食何况汝等比邱僧夏禁足獨口不可禁街坊持鉢達城市化齊糧作諸佛供飢來喫飯不免口腹累人非藉十萬檀越發大願力這一粒米甚處得來靖康場李公元亨故昭州恭城縣尉孫也嘗發大悲心捐己田百畝餘入寺供僧陳大孺卽李公再世孫婦也積善好施未瞑目前囑其子割先疇以附益之志未竟不幸而歿子羅州李君彥忠遂撥捨田五十畝歸之寺以成母志一門三世齊發肯心同栽善果如是布施宜受如是果報萬口讚嘆諸佛護念子子孫孫福德無量或曰衆生以有欲故貪貪故吝惟西之法以三途六道欺庸嚇愚故貪者畏怖吝者喜捨子答之

宋二

七

曰世尊有言滿世界七寶布施是爲福德非福德性佛非誑俗迷人自不見如來耳李君奉母命增種福田蓋自孝念中來亦豈受誑誘求利益者然施心不可無亦不可有無則貪着有則住相佛法所謂不住相布施利益一切衆生功德不可思議如是我聞悟向上義爲叢林大衆下一轉語同施羅州居士居士合掌點頭曰善哉善哉請書之以勸來者

按李彥忠卽李佳詳後

重建經史閣記

邑學有經史閣宋嘉熙己亥歲令尹鈍齋許先生所創也先生初仕廣文學掾甄拔士類爲多後二十年宰邑政聲著聞尤敦尙化本於是建藏書之閣使士知講學以進於

道出餘力爲文皆不失程度撥儒科者踵相接蓋道化緒效也邑士祠於學以無忘公德距今五十年矣世運遷革郡縣受兵人不賴生奚暇禮義之治長編巨帙蕩爲灰埃而閣亦以廢時方右武簿書期會是急憲臺分司官按部蒞邑諸生合辭以請曰是關風化不可缺願邀惠於有司以相斯役旣得請乃督吏徵宿逋得錢約二百緡歸之學市材計傭衆議落落相視有難色校書黎君友龍喟而歎曰築室道謀是用弗集此吾責也慨然舉公家之費悉歸公室退而發私囊出己力大興工役棟樑椽瓦咄嗟取辦涓吉會衆工親執策督役不三月輪奐一新挽墜起廢引千鈞於一髮豈易爲力哉宋淳熙間學宮隘陋有割地以

宋二

八

遷之於爽塏者則君之四世祖也積德蓋有自來閣者書之寄書者道之寄閣成斯文於是得所寄矣後之有志者博蒐載籍得以優游其間相與討論服習天地陰陽事物之理歷代興亡治亂之故反而求之身心以爲致知力行地使往聖絕學炳然不墜舊典在而魯安遺書出而漢盛斯道之寄閣之存弗存而關於人國者大矣或曰行不宜於古文不售於時士乎士乎侈袂方履閭閻秩秩高閣之東若無所事於書者然德之不脩學之不講道之不明行也豈爲士之羞抑世道之憂春叟東髮執經於鈍齋先生之門蒙被陶冶期以遠業不克副黎君之爲斯役是能繼先生之志者也喜而書之使爲善者勸斯文之責庶幾來

者有繼焉

重刻李忠簡公文溪集序

天地之精英人得之以爲文可以黼黻朝廷芬芳宇宙存乎中中必有浩然獨立乎萬物之表者此天地之正氣也故論人之文當先觀其人之所養先生昭代偉人年弱冠以雄文魁天下追風絕塵之資刷燕秣越其進也孰禦而居官守當言責則益爲國死益以言去身與家不遑恤何官爵崇卑足計哉則其所養可知矣居官多惠政及民未易縷數姑以立其大者觀之初筮汀幕適有軍變郡侯束手就執僚屬鼠竄不暇公從奮身直前諭以禍福脫郡侯於虎口不崇朝而大難立解後數歲家食循陽成卒倡衆

宋二

九

直搗廣城震撼一道清獻崔公判鄉郡選幕下士論賊人相顧股栗公以廷紳贊圖畫毅然請行絕城詣賊壘言未竟聯事者已血刃頸疑刃向公恬不爲動從容陳義以調伏其心賊爲逡巡退却卒斂兵去城賴以完探虎穴料虎頭設不幸則男兒死耳豈全軀保妻子之爲者真丈夫哉旣而入烏府立朝若少屈意穹班可以一武至公方碎首玉階與天子爭是非辯可否出袖中彈文對仗斥宰相借尙方劍斬佞臣苟利國家雖鼎鑊不避一言柄鑿拂衣徑歸視軒冕去來太虛一微塵耳孤忠突兀凜然與冰雪爭嚴三學諸生送行詩有庾嶺梅花清似玉一番香要一番寒之句聞者壯之剛方正大之氣蟠鬱胸次泄而爲文

光芒自不可掩大者中圭瓚小者鑄珮環奇峭者如怪石之倚斷崖清麗者如明星之炯秋漢進而立朝則論奏丹青言言藥石皆足以裨主德格君心而深衣獨樂則嬉笑怒罵字字箴規皆足以植民彝垂世範蓋忠義以爲之骨學識以爲之根故芬郁葩華爛漫宣吐不自知其爲文也而文益工天收其聲山頽筆絕遺編散落浩不可收僕從先生游舊矣賜牆及肩未覩闔域方將擬集大成以俟識者世運中更衣冠禍烈主家十二樓竟墮昆明劫火中斯文何辜例坐此厄噫尙忍言哉先生有子五人今中峯獨存諸孫競爽追抱往恨皇皇乎赤水元珠之求春叟耄矣於師門無能爲役大懼放失永負夙心於是勉收燼餘僅

宋二

一

得奏藁雜文一百二十二篇詩詞一百二十五首編次成集命之曰文溪存稿卷飭而歸之羣玉府俾登諸梓以壽其傳嘗鼎一臠知味者有遺恨焉雖不幸而不得其全也猶幸斯文之未盡喪也果日行天照映穹壤先生之節卓乎不可尙已先生之文泰華之毫芒耳所可傳者僅止此其所不傳者又孰得而窺其際哉掩涕濡毫撫卷長歎九原不可作吾誰與歸先生名昂英字俊明宋朝賜之諡曰忠簡文溪則其自號云

朝議大夫李君墓誌銘

李君肖龍字叔膺登辛未進士第初調贛州司戶改調循州興寧簿尉攝長樂縣事除大社司令居官清白訟有持

而舉絃誦謫然矣考增城志傳云肖龍字叔膺咸淳中舉進士由興寧簿攝長樂縣事與學課農四境晏然後遷太社令累官至朝請大夫入元遂不仕未季學校廢閑肖龍與其甥鄭聰老立私祀祀孔子邑人因之彬彬有弦誦聲焉至元中詔鉤考諸路錢穀郡邑吏輒破舊例益日賦肖龍抗辭爭邑賦得如舊未幾疾卒李春叟謂肖龍以屏然一儒生於艱難反側中豎鐵香梁為狂瀾砥柱坐折奸萌撫翼桑梓雖位不滿其意權不展其才然生平大業亦略可見矣據此肖龍蓋立私祀無任元真學事墓誌亦不言其為提學疑人物傳誤也

附錄 詩四首 文二首

送子先賢歸南海

李昂英

束書相伴到江西我尚濡留子遽歸輪角難生催別筇刀頭欲折為斑衣功名有分須如意學問無窮更造微若到家林遇奴輩先教拂拭釣魚磯

子先宗友試蘭省送以小詩

李昂英

宋二

十一

毫端五色織成章皎皎清標月照梁再戰文場推定霸一經書法首尊王鞭揚庾嶺梅花早梯上寒宮桂籍香師道自居吾豈敢所期竹帛遠流芳

送族子春叟游西廣

李昂英

鳳出丹山定九苞桂林要揀一枝巢久聞巖竇須幽討不
是豪人莫汎交鶴髮頻將安問寄螢牕勤把舊書抄功名
到底還堅志崛起新豐一草茅

從學者題名疏

李昂英

李子先經義知名湖海間尤長於論策訓經生固其本色
賦友欲師其後場之文無不可者先疏來學者姓名豈若
世之有求於人者哉蓋欲知其為如何人耳

梅外李公墓表

明洪武庚午舉人官陳 璉琴軒
南京禮部左侍郎

自昔有德君子雖不獲大施於當時而盛且大者恆在其
後人焉蓋積之既厚則發之必茂今日所以淑諸人者即
異日所以起其家者也矧承家學之懿仁聲義聞足以勵
俗而化人其宗支之蕃莠亦理之必然者予於梅外李公
而有徵焉公之先南雄人其居東莞則自朝議公始至竹
隱先生尤有重名先生諱用字叔大性至孝喜讀書邃伊
洛性理之學宋忠簡公李昂英嘗以其著論語解進於朝
授校書郎不就尋遷承務郎以旌其高憲使周梅叟諸公
交口薦舉復奏於朝御書竹隱精舍賜之鄉人以爲榮咸
涓中提刑劉叔子命祠於邑庠先生娶王氏敕封三安人

宋二

三

生公昆仲三人而公居長次得朋號梅邊次某號梅際俱
以孝行知名公諱春叟字子先資敏悟學如夙習邑宰許
巨川見而奇之勉其進業矧承家學淵源而覃思經術遂
通春秋凡三中舉初爲惠州司戶有政譽提刑楊允恭奏
爲肇慶司理嘗辨冤獄爲郡守劉叔子推服薦除德慶教
授時銀場鹽局政弊因上書郭察院深切時病郭爲條奏
罷之民歌於道既謝事以經學訓生徒誘掖獎勸甚至故
及門者後皆知名鄉邑化之儒風翕然爲振由是聲聞於
朝復授朝奉郎軍器大監懇辭不就特賜梅外處士號以
旌之時宋主駐蹕南服邑人熊飛起兵勤王潰歸駐近郊
居民竄匿山谷飛怒其不附已欲縱兵捕戮邑人洵洵公

泣諫語甚激切飛素重公遂止時羣盜乘間剽掠以公故多不忍犯邑歲丁丑元張呂二帥克廣州哨騎將及邑衆皆危懼公毅然與張元吉走謁麾下掉三寸舌活一邑人命因命公宰邑力辭不就以元吉宰之是後益無意仕進橫經講學以道自任部使者至邑必躬謁問政邑大夫嘗造席請益過者以識爲幸其見重於時類此娶何氏封四八大安人生三子長時可寶祐六年以春秋中舉次昭可獻可俱克世其家二女長適曾羅溪次適張某享年八十與安人合窆於英村麻地嶺坤向誌其墓者則資中郭應木也邑人德公不忘繪像於竹隱祠祀之焉記其事者則門人陳庚也公性孝友然偉特方嚴風岸峻立望之知爲

宋二

三

端人正士恒以濟時行道盡忠所事爲心成敗利鈍初不計恤而遇事風生果於決斷矯矯然有三代遺直其爲文以理爲主雄渾有氣詩典雅溫厚耻作綺麗語有詠歸集傳於世素負經濟才遭叔季之世弗克以究厥施仕止即官人皆惜之然而名重播紳仁洽鄉邑慶流後裔真可謂有德君子矣公曾孫勝輔間馳書請曰惟我李氏世以文學行義重於鄉邑梅外公之名尤彰今宰木拱矣而墓隧之石未刻幸爲文以表於墓庶幾發潛德於九泉俾後世子孫知所自也於戲仁者必有後李氏自朝議公至於今凡十有餘世詩書之緒繼繼承承其大而盛者已兆於今日則公淑人之德天之報施蓋未艾也於是論著公之出

處大節揭於墓道庶幾以慰其後人之思而信於邑人云

陳益新傳

陳益新邑之亭頭人父應辰

陳璉琴軒集東湖先生墓碣銘

嘉定三年以

周禮舉鄉貢都魁十二年特奏進士官至連州推官權命

判致仕家居作清溝亭訓子孫年八十餘卒

張二果益新

承庭訓博通羣書尤邃性理之學

琴軒

以次膺補貢不就

遂隱居東湖之上自號東湖居士

張二果

性貞介有守經

術行義爲學者所宗

琴軒

邑人尊之曰東湖先生

張二果

宋亡不復出幅巾杖履逍遙里社惟與趙必瑒諸遺老相

游宴至元二十五年卒年七十二必瑒挽以詩有投老菊

三徑憂時雪一簪今古自秦晉山林有綺園之句蓋實錄

宋二

南

云覆韻集參亭頭陳氏族譜二子庚紀別有傳

附錄首

東湖先生墓碣銘

陳璉

東莞有鴻儒曰東湖先生既葬一百三十有三年宰木已合抱矣五世孫英祖等深懼厚德深澤所以裕後者將久而彌晦因具世次行實請銘其墓俾後人有徵焉余曰噫世固有積善累德不獲顯融於時而子孫陰受其報發祥委祉亦足以表見其來之有自豈偶然哉此子於先生尤信也先生諱益新別號東湖其先閩之泉州同安人高祖儻始遷東莞亭頭場曾祖諒祖希傑俱潛德弗耀父應辰號青溝先生宋嘉定中由特科爲南恩州司法轉龍川丞

陞連州推官權僉判致仕秩通直郎妣黎氏贈孺人先生
娶封氏孺人有淑德二子長庚字南金號月橋咸淳丁卯
進士次紀字景元號淡交咸淳癸酉進士孫四人繼善師
善宜祖敬祖曾孫八人默甫國朝洪武初膺鄉薦岐山縣
丞嘉甫博學工古文辭士林推重立孫十有二人五世孫
二十有一人先生生嘉定丁丑九月初八卒於前元至元
戊子八月初九享年七十有二孺人生嘉定壬申八月二
十八日卒於德祐丙子七月初十享年六十有五越十年
戊子十二月初十日始與先生合葬增步大堂山之原先
生夙承庭訓博通羣書尤邃性理之學事親孝處兄友愛
待宗族盡姻睦之道雖遇貢補不樂仕進惟以教子爲業

宋二

五

以故庚紀皆爲名進士一門父子兄弟文學之懿邑人士
未之或先也先生復以道自居貞介有守以經術行義爲
學者所宗後人愈傳愈盛爲邑名族非積善累德其克爾
耶英祖等惓惓焉以發潛表幽爲事余不得辭乃撫事狀
最著者碣於墓俾其後人咸知所自且爲邑人士勸也復
繫以銘銘曰
有陳之先克種德先生承之善培植學成弗仕厚厥積二
子科名尤烜赫天之報爾亦云極諸孫煒煒孔蕃碩大堂
之原是藏室孺人耐之協龜食揭潛表幽我攸職永昭厥
聞有樂石高風不磨過者式有弗式者詠茲刻

陳庚傳弟組附

陳庚字南金號月橋益新長子也琴軒集少執經李春叟之

門陳庚竹隱梅外咸淳三年以書舉鄉貢張二果志南省

罷歸無復求仕志日肆力詩古文明暢沈蔚有歐曾風經

略劉應龍奇庚才辟置幕府無何以世亂歸廣隱居東湖

家塾研心道德性命之學學者多師之廣州人世以其經

學與南海區仕衡並稱歐大任家一時終掖皆推重不敢

與庚齒稱日月橋先生周天成宋亡與趙必瑑相往還必

瑑以女妻其子師善覆陳氏族譜必瑑卒哭之甚哀有湖

海襟期別風濤患難同枕邊呼別意生死見情真句覆

邑宰嘗延庚以爲儒師造門問政庚嘗脩寶安志人咸稱

其有史才年六十九卒郭應木表其墓曰生爲一邑之儒

宋二

六

宗歿爲一鄉之善士可謂有德君子矣廣州人物傳按

中郭應木攝邑事又應木序覆瓿集題皇慶壬子序寶安

志題皇慶癸丑庚蓋卒於癸丑後一二年應木時在莞故

爲之表紀字景元號淡交庚弟也琴軒集咸淳九年以周禮

中鄉舉張二果志官至通直郎宋亡不仕粵東與庚皆退

隱於家以賦咏自娛廣州人一時遺佚如趙必瑑趙時清

輩俱與之倡和覆瓿集必瑑尤雅相敬愛陳紀秋

紀工小詞有周美成康伯可風韻著有越斐吟稿廣州人

秋江欵迺粵東傳於世時號淡交先生張二果志廣州

淡軒交談

陳庚詩三首

哭趙秋曉

泮水題名記靈光獨此翁衰衣雋曼倩折角郭林宗湖海襟期別風濤患難同斯人盜復得些罷涕無從

客至支筇出俱云步履強禮猶尙筋力病忍謂膏肓此別終千古相陪苦一霜蕭蕭亭畔柳回首重淒涼

取友慚何益論昏不厭貧亦公自爲德而我竟奚因事巧緣何淺言深死已瀕枕邊呼別意生死見情真

祭趙秋曉文

嗚呼閩山幾千仞兮摩蒼蒼閩江幾千尺兮流湯湯鳩扶輿之清淑兮陶英鑄良魁人碩士之挺出兮背項相望公孕秀其間兮佩飛霞而頡頏抱胸中之耿耿兮蚤搜奇擅勝於遐荒南士爭先快覩兮景星鳳凰負湖海之豪氣兮

宋二

七

直臥餘子於下牀賦飄飄而凌雲兮前無班揚持寸鐵而橫行兮眇萬鵠之詞場年弱冠兮摘一第於太常晚蟾宮其陶步兮踵郎罷而翱翔方發兮駕飛黃剛新露兮試干將青雲方開兮奈白日沒而無光倦鼈鼈海而涸兮膠龍驥萬斛於坳堂珎璜至寶兮橫道傍青衫白首兮困一邦萬牛回首而莫挽兮卒歸根復命於水窮天盡之鄉嗚呼鈞天寥寥兮滄海洋洋柄生死晝夜而羸縮兮孰居無事而主張何者而凶頑兮折而剛方何皎皎者奪兮而癡者臧嗚呼公之丰標兮頎而長公之膽氣兮慨而慷手植吾道之赤幟兮鐵作脊梁面折朋友之過兮心無太行公巋然一靈光兮今復淪胥以亡渺世路其風濤兮舍公孰

航嗚呼公屈青雲之武步兮下追濁世之批糠倚松柏而干青雲兮僕女蘿之不自量始接僕以交好兮不謂僕爲愚且狂復締僕以姻連兮俾永以爲好而勿忘從公於盤兮謂終吾生以徜徉忽倚枕而呼我以訣兮何遺音之琅琅不鄙謂余亦託以慇懃兮顧余力之甚涼苟可盡絲薄之所至今敢負公於重泉之茫茫矢心以辭兮侑我觴公不少留兮我涕滂

竹隱梅外二先生祠堂記

庚戌春仲丁邑博士率諸生有事於竹隱祠李氏子弟咸與籩豆卒事孫同文進而言曰吾大父竹隱祠廣東憲劉叔子邦於宋咸淳己巳逮至元丁丑邑人復繪先人梅外

宋二

七

像於祠歲月寢遠祠未有記願以爲請庚常執經梅外先生門獲拜竹隱翁牀下知之悉不得辭竹隱不事科舉以經學誨生徒魯論解一書迺洙泗之源明伊洛之旨訓誥明白便於講誦文溪李公昂英進其書於朝賜校書郎先生曰著書豈爲干祿計哉不受而歸安貧樂道視軒冕如敝屣廣憲祠之尊其道也梅外少負場屋聲挾春秋巨筆與湖海俊英爭同經之士如趙格庵盧梅波諸公皆託文字間嶺表後進得子厚指教法度者試藝有司如昇審殿百不失一然皆先生之餘也詠歸一編道義精微取晦庵平昔用工字字皆在枰上稱來底摘其立要者而爲詩以成先志章氏一經之美炳炳一門矣惜夫河汾之道值於

季世將敗者不得用將興者不得振天兵南下所至不嗜
殺惟吾廣爲昭王膠舟之地重兵至于城將涉吾邑人心
洵洵先生扁舟造麾下掉三寸舌活百里數萬之衆且一
時羣雄探丸斫吏斬關發篋騷然無寔日獨以先生不忍
犯故善類趨之如歸市倚之如長城垂一髮於九淵欲墜
之時屹大厦於風雨震凌之際邑人祠之感其功也嗟夫
海外之於竹隱不同者時也其道未嘗不同也孟子曰禹
稷顏回同道道同矣祀之同疇不曰宜禮祀先聖先師畢
釋奠於先老成均之法合國子弟擇有道德者使教焉歿
則祭於瞽宗二公以道德著於一邑是祠也其古者先老
瞽宗之意歟晦庵先生徽人也祠於徽之學勉齋黃公作

天二

充

記以惠徽士日思其人不若尊其道慕其迹不若師其心
吾黨生二公之鄉風聲話言耳接目擊思其人慕其迹者
多矣抑亦能心二公之心而道其道否乎最哉

陳紀

詩九首長短句四首文一首
按越斐吟稿秋江欵適今已佚

早秋有懷寄趙華顛

一葉共梧落微涼生瘦藤老兼秋共至衰與病相仍砌近
蟲號枕簷疎雨翳燈熏爐對經卷清似住山僧

和華顛梅花

起舞簪花老尚狂梅花應記舊高陽葉宮僊子無塵韻幽
谷佳人有靚粧斜月半簷微弄影斷橋深夜忽聞香真成
坐對被渠惱不信先生鐵石腸

春感

唾壺壯氣已休休呼酒田翁與勸酬九十日春長是兩三
千丈髮總綠愁稜稜顏面塵埃滿渺渺山河歲月道谷飲
芝餐皆可飽人生何必稻梁謀

秋懷

書劍飄零學稼遲吾儕捨此欲安之愁懷慣對寒燈話老
態惟應曉鏡知中散不堪長伴俗陶潛所好每違時西風
落日蘋花岸獨立蒼茫自詠詩

哭趙秋曉

鵬運南來駐海涯熟聞諸老說瑰奇周瓜正接雲仍眇邨
桂駢生父子枝閱世忽更龍漢劫蓋棺猶見義熙詩每嗟

宋二

三

嶺海無英特况失斯人重可悲

摩室興居問亦詳祇言永訣語琅琅情知豎子膏肓病謾
試庸醫補瀉方華屋邱山真俛仰長瓶短管付淒涼平生
曾賞窮吟者莫訝銜哀入些章

年頭歲尾足追隨暢飲高歌送落暉賡詠每思彈丸句談
諧常落箭鋒機漸成瓜葛緣方熟共看菜莢事已非數尺
茅簷楊柳岸故應經此尚依依

甲辰元日

按甲辰爲元大德八年
去宋亡二十有六年矣

屋角雞聲一歲分起搔吟鬢惜芳辰江山有恨英雄老天
地無私草木春柏葉又傾新歲酒梅花同是隔年人東風
着物能多少寫入清詩句句新

夜夢遊野人家萬竹蒼寒老翁款留意甚真子題詩
贈之一聯云與誰共住祇明月所可論交惟此君
覺乃足成亦夢中意也

一徑蒼寒長綠筠雞聲人語隔林聞與誰共住祇明月所
可論交惟此君世事乘除天已定人生勞逸念中分卜鄰
倘許通來往分我南山一片雲

賀新郎 聽琵琶

趁拍哀絃促聽泠泠絃間細語手問推覆鶯語問關花底
滑急雨斜穿梧竹又澗底松風簌簌鐵撥鷓鴣絃春夜永對
金釵鍾乳人如玉敲象板剪銀燭 六幺聲斷涼州續悵
梅花歲晚天寒佳人空谷有限絃聲無限意淪落天涯幽

宋二

三

獨頓喚起閒愁千斛賀老定場無處問到如今只鼓昭君
曲呼羯鼓瀉醞醪

念奴嬌 梅花

斷橋流水見橫斜清淺一枝孤鬢清氣乾坤能有幾都被
梅花占了玉質生香冰肌不粟韻在霜天曉林間姑射高
情迥出塵表 除是孤竹夷齊商山四皓與爾方同調世
上紛紛巡檐者爾輩何堪一笑風雨憂愁年來何遜孤負
渠多少參橫月落有懷付與青鳥

滿江紅 重九登增江鳳臺望崔清獻故居

鳳去臺空庭葉下嫩寒初透人世上幾番風雨幾番重九
列岫迢迢供遠目晴空蕩蕩空長袖把中年懷抱更登臺

秋知否 天也老山應瘦時易失懼難久到于今惟有黃
花依舊歲晚淒其諸葛恨乾坤祇可淵明酒憶坡頭老菊
晚香寒空搔首

倦尋芳 郭隨堂寒食有無家之感為賦

滿簪霜雪一帽塵埃消幾寒食手撚梨花還是年時岑寂
簌簌落紅春似夢萋萋柔綠愁如織怪東君太恣意亦是
人間行客 問幾度五侯傳燭但回首東風吹盡塵迹笑
杜陵淚灑金波如積對酒且寬愁意緒題詩與寄真消息
待歸來細溫存慰伊相憶

故宋朝散郎簽書惠州軍事判官兼知錄事秋曉趙

公行狀

宋二

三

公諱必璵字玉淵濮安懿王之世也王四世孫少保不羈
觀察福建因家於閩是為公高祖少保生善踐成宣郡王
贈少師季日善企武節大夫南宗正司檢察主管台州崇
道觀是為曾祖檢察生汝拾廣東鹽幹鹽幹生崇誦脩職
郎南安軍司戶參軍司戶生公初司戶侍鹽幹公官於廣
至東莞家焉公生於清祐乙巳比南來年甫志學人見其
眉宇俊秀言論機警不問而知其為王孫公子也性穎悟
讀書輒通解工詞賦咸淳乙丑侍司戶同試南宮父子聯
名登高科時公年纔弱冠也鄉閭族屬以為榮司戶曰吾
父子挈挈南來而忝竊若此今俱祿食是取贏於造物也
吾懼焉吾將隱矣乃結屋邑之柵口居焉插柳藝蘭角巾

道遠同俗壽世日狎漁翁釣叟目送風帆鷗鳥以自樂公初授從政郎任肇慶府高要縣簿尉有能聲太守才之檄攝四會令邑有二民忿爭其一自殘以誣之被誣者亦自殘互訴於官前令發糴細微延禍一鄉公至日彼二民皆輕生豈可滋蔓良民以長狠俗乎斥二家各收瘞之鄉民德之立祠以祝公壽再仕文林郎南安軍南康縣丞時司戶公老且病公乃棄官歸侍隱居讀書教子丙子夏邑人熊飛以勤王兵潰歸附奉呂元帥命自循下兵招安東廣爲宋兵所遏黃世雄梁雄飛亦以招安命自梅嶺下東廣熊甫至邑而黃梁二使已入城矣熊與黃梁交怨黃梁遣將姚文虎領兵攻飛飛擊之殲焉飛欲大治舟師以攻

宋二

事

黃梁時公閒居念欲爲宗國一吐氣因以語中飛曰師出無名是爲盜也吾聞宋王舟在海中將遣趙潛方與制置安撫東廣不若建宋號通二使尊宋主然後舉兵入城事成則可雄一方不成亦足以垂不朽飛深然之遂擇日返正署宋旗改衣冠舉兵向城而黃梁亦遁去遂迎趙方二使人廣宋王舟駐淺灣一二年間宋之爲祥興者公與有力焉嗚呼士君子建功立事要其終未必盡如人意而器識之偉意氣之雄固出於餘子萬萬矣逮飛欲盡括邑人財穀以充軍費人情洶洶公請於飛願以家貲三千緡米五百石贍軍乞優邑人之力飛從之就委公董其事公乃第物力之高下而均其輸鄉井賴以不擾文丞相開督府

於惠公伏謁轅門丞相偉公之義辟公以朝散郎簽書惠州軍事判官兼知錄事丞相弟璧爲行朝總領亦屯於惠尤敬愛公每事取決焉代更世易淒其黍離銅馳之懷無復仕進意矣以故官例授將仕郎象州儒學教授而公山林之意已堅遂隱居於邑之温塘村惟以詩酒自娛仰俯林壑欣然會心朋儕二三更唱迭和歌笑竟日將以遺世事而閱餘齡嘗自題其隱居之室有曰詩人只合住茅屋天下未嘗無菜羹則其所養可知矣至元甲午冬忽得痞疾起居言笑無異平日但日覺厄羸友朋問疾必衣冠對坐每日吾此疾決不起自此訣矣至屬續不亂蓋十二月初七日也公以英邁之氣俊逸之才弱冠擢巍科登顯仕

宋十

言

而官止監一州壽不踰五十豈非命也公待人無邊幅處朋友有義氣義苟當爲勇往不顧禍之及財之殫不計也知官之不可以久居也故隱居以求志富不可以獨專也故行義以及人名譽不可以太彰也故浮沈以從俗其好飲也非取其昏酣蓋以消世慮其吟詩也非欲留連光景蓋以暢幽懷其憑陵大叫也非故玩愒光陰蓋以紓其卓厲不平之氣公家初以富名遠公閒居熹士好賓客日擊鮮爲具無厭怠意珍羞豐膳飫及童僕江湖之舊識周之鄉間之義舉倡之公老而家貲亦落落矣晚歲所交如梅水邨陳匣峯趙竹澗李梅南張恕齋小山諸人年長則以父事之年相若則以兄事之皆得其歡心邑有疵政公必

力詆之以護桑梓邑大夫舉國以聽登門親薤水之規者踵相接亦其公心直道足以信之云耳有覆瓿集四卷永嘉林資山資中郭頤堂為序引公詩文清逸樂府風流動盪得秦晏體皆已板行蓋乾坤清氣鍾為是人號曰秋曉以况其清宜也娶肇慶陸氏增城王氏皆先公卒子良麟良驥良駿良豹皆賢而才以世其家女適邑士張寶大陳師善大德丁酉十二月丙申諸孤附公於黃村之先塋禮也良麟泣曰先君之窆宰木拱矣而平生行事未有狀之者此不肖孤之罪也先生知先君為悉且雅相敬愛敢以是請紀辭不獲因披其行事而書之接於目見者其傳信而拙於立辭者其事核此紀論次之意也隧道有銘請俟

宋二

美

當世之君子里生前鄉貢進士陳紀狀

程龕傳

程龕號遜庵邑人粵詩父景先登淳祐元年進士官僉判世有行誼龕性孝友海寇猝至躬負親走山麓間榛險不避嘗割田供大宗祀事與族人共之阮元夙以文章知名廣州人景定二年以書經領鄉貢咸淳二年再舉都魁官本邑主簿宋末元兵壓境人民逃潰熊飛欲盡括稅戶佐儲胥龕愍然曰天未悔禍民羸幾斃奈何更益以瘁力諫止捐資倡助軍費以甦時元兵所過恣屠戮羣情駭愕龕與李春叟趙必瑒張元吉締謀決策竭力完守綏輯撫循阮元人蒙其惠周天宋亡悲憤杜門不出阮元建樓曰

聚秀延士講習其間張二果大德間趙興祖重脩邑學龕以其有造於邦人士也嘗為之記范文安學耆稱遜庵先生廣州人元末羣盜陷邑城故居無一在者惟聚秀樓獨存琴軒

程龕詩二首
文一首

崔清獻公祠堂落成

象笏猶存舊典型魏謩亦此振家聲矧今故第堂堂復不日新祠恰恰成嘉定開闢全蜀險端平倉卒護鄉城此功此德垂千古自有人人香火情

哭趙秋曉

蚤向南宮掇一籌英聲藉藉塞南州襟懷雪月五更曉氣

宋二

美

宇江天萬頃秋方羨廬山高築室奚虞夜壑遽藏舟天胡弗為斯文地才美如公不少留

修學記

東莞縣古晉郡地大物眾館多士而教育之不宜庫且陋宋淳熙戊申揭陽王中行宰是邑始遷學址繼是堂構者踵相接右廟左學制侔成均翼翼宮牆殆甲他邑中更兵火官舍民廬蕩為灰燼而吾夫子之居歸然獨存意金石絲竹有相之者歟今代崇儒重道凡郡縣廟學廢者畢興陋者畢葺獨吾邑學歲久屋老未有出一手新之者大德辛丑廉訪分司趙公興祖至邑適吏姦除民瘼頓岸為之蘇息乃十一月朔率僚吏杜毅楊榮張綺拜孔廟躋公堂

周行廊廡徘徊咨嗟願諸生而言曰茲化本也奈何蕪穢若是其何以敦薄俗吾所職者刑也古者刑以勸教化明則刑可措矣且勉勵學校吾事也其可後乃飭縣尹彭振庀其事期以浹旬訖役遂出材於學傭匠於官督工於儒令下而斧者鋸者操墁者丹雘者奔走先後如期而工告備焉諸生舉酒相慶以爲數十年不能起之廢而公一旦新之公可謂大造於邦人士矣抑學校之建非徒歡士顏而已蓋將使之漸仁摩義人人有士君子之行此公所望於士而士亦所以自重其身者也雖然作而不記後代何觀文學掾鄧君元圭以記筆屬予予不敢辭於是乎書

何文季傳

宋二

三

何文季字子友邑城北街人張二果其先南雄人遠祖宏宋崇宣中由四會令攝東莞卒於官子孫因占籍焉傳三世號東野者登慶元六年進士官至南恩州司戶參軍六子咸登科第父志大景定五年漕舉爲臨川丞文季少以孝友聞陳瓚琴軒集謝庵而志尙卓特敦節義嘗從李昂英遊學行宏正學者尊之張二果仕宋季後棄官歸匡山之變慟哭成疾阮元遂隱卧不出逢人談勝國事則慷慨扼腕惟與趙東山陳遠覺按廣州人物傳遠覺名大震番守端宗召爲尙書吏部侍郎不就相吟咏以寓黍離之感宋亡立靈位以待死日年八十卒有滿目山河長是淚容身天地生何補句張二果臨卒戒子孫不得復仕著有蘭齋集阮元子武傳以好善聞孫振

碩德與學爲鄉邑所尊曾孫本字有源甘淡薄篤於孝友嘗以訥名庵謂諸子潛珍潛淵曰吾克守先業訥之力也

自武傳至本俱不求進取本明永樂間卒陳琴軒謝庵處

按邑志明季有何如斌字柏友諸生文季之裔從張家玉起兵授兵部武選司主事明亡奉母隱居梅園嘗取文季詩正氣莫教銷鑠盡典型留與後人看語以看型名其堂時稱何氏世有逸民二句蓋文季奇姚達泉詩見後

何文季詩十六首按蘭齋集其子孫有傳

送翁主學謁靖山提舉

三百年間植士林年來零落幾青衿人間已厭詩書味堂上猶聞絲竹音山向靜中涵易象陽於復處見天心執經弟子趨函丈祇恐門前雪意深

寄朱五哥原注館於石灘

宋二

三

單父琴邊遇賞音臯比巍坐屋廬深客中莫放揮金手酒後無忘守口箴投筆未酬豪傑志讀書猶識聖賢心何時棹破山陰雪共對青燈談古今

送邵省元

血汗文場日未東秋香壓倒萬花叢幾年豹隱山中霧一息鵬搏海上風魁業正須期遠大微官豈足論窮通龍門有客來相訪爲說憂時鬢已翁

寄遠覺陳先生

白髮相看重別離幾回默坐撚吟髭子猷不作乘舟興龐老終無出郭時隔面雲山如有礙輸心泓穎寄相思文溪遺稿傷淪落此事還當付與誰按遠覺亦李文溪門人

寄姚達泉

按達泉名然有哭趙秋曉詩見趙必瑗附錄

鵬程九萬儘天寬剛被西風鍛羽翰四海車書新宇宙幾家門戶舊衣冠園花灼灼酣春夢澗竹亭亭傲歲寒正氣莫教銷鑠盡典型留與後人看

再用汪縣尹韻寄彭府教

二首 按粵詩蒐逸錄前一首題作寄彭教府

食薇已愧首陽人肯學楊雄作美新滿目山河長是淚窮崖草木不知春狂來自與白雲笑老去從教俗子嗔湖海論交無久近相逢同是漢遺民

日入菴巖萬念灰出門笑口爲誰開人從飯顆山頭遇春在梅花枝上來有夢欲隨流水去無詩怕被黑雲催疊山曾是江湖友恨殺吟魂喚不回

按詩意彭蓋江西人謝疊山之友詩則疊山歿後作

宋上

堯

寄懷二首

白髮蕭蕭壯氣衰垂頭兀兀董生帷飢難煮字將焚硯語不驚人懶作詩昔日卞和常泣玉今時墨子更悲絲自從夢筆風流後枯朽那能出菌芝

衣冠不忍墜家聲風雨瀟瀟雞自鳴身似孤蓬隨地轉家無長物帶書行淒涼松竹鄉心在淡薄齋鹽世味輕幸有田疇堪料理何如買犢且歸耕

送黃坡峰

浮萍浩蕩失桑榆茅屋田園狐兔墟拾橡豈能飢杜甫巒車終不困相如子規枝上他鄉月白鶴峰頭處土廬三徑雖荒歸亦好筆耕還有腹中書

寄赤嵌陳五上舍

按粵詩蒐逸作寄陳赤嵌詩中字句亦互有異同

英雄有恨淚沾襟千古興亡感慨深邱壑袖閒醫國手弓刀銷盡讀書心容身天地生何補刺骨風霜老不禁我向紅塵知退晚輸君早計已山林

寄石溪 三首

錦雲曾逐好風來強學嬌顰寄雁回鯨浪拍天滄海闊祇愁無路到蓬萊
龐老多年不入州一竿危坐石溪頭山中飽食魚羹飯不博人間萬戶侯

長天淡淡雁沈沈人在桃源路更深一點靈犀千里月雲遮不斷故人心

宋上

辛

題嚴子陵垂釣圖

卧足曾將帝腹加拂衣歸去伴烟霞祇消一釣名千古虧殺當年鄧仲華

別徐大使

去來書畫米家船聊結梅花一笑緣不爲尊鱸棄官去歸心祇在白雲邊

劉宗傳

從弟玉附 按劉玉周天成堯志粵東詩海俱作劉玉真疑玉真乃其字本名玉也

劉宗邑之柵口人曾祖某武節大夫團練使貫濮州雷澤縣靖康兵火遷金陵迺遷家於莞
劉宗張母劉宗以賦中鄉舉嘉祐三年特奏進士官封州司法秩迪功郎
宗以賦中宋亡與從弟玉退隱員山
劉鴻漸宋人互相倡和著有墳

篋偶詠

張二果 莞志

王學士繼曾之子

周天成 莞志

景炎間熊飛兵

敗避亂鄉曲入元不仕

宋詩紀事補遺

自以家世仕宋不忘故君

酒酣賦詩一字一泣

劉鴻漸宋人遺民錄序

所作贈內一律世傳誦

之彭人傑 東莞志

劉宗

詩二首文一首 按 填篋偶詠今已佚

柵口致喜亭詠懷

經年多病少逢迎投老歸來稱野情閉戶且教防俗客擁

書終自笑浮生怪人鴻雁呼羣起浴水鴛鴦傍母輕幾點

疎螢獨來往鬢絲禪榻落花聲

天末涼風吹白雲漸看長晝少炎氛滿庭惹竹秋陰合夾

岸枯荷夜雨聞漂泊鄉關新避寇荒唐客夢舊從軍起來

宋二

三

極目西山望故里松楸悵夕曛

張母劉安人墓碑

清祐辛亥十一月二十二日戊申前蒼梧司法曲江張君

之夫人彭城劉氏終於廣之東莞壽六十有六賓祐丙辰

十二月初三日庚申葬於黃公嶺新村坤山艮向之原實

禮部正奏名黃君石相之其子光濟擗踊而囑子曰孤之

母子之姑也生不及養祿之榮死當盡孝葬之禮然長於

劉歸於張皆子之所知所聞者願以爲誌嗚呼哀門薄祚

吉人其萎吾父之黨其已乎遂重其事而承命書夫人之

懿於茲石夫人名伯順祖武節大夫團練使貫濮州雷澤

縣靖康兵火擁六世遷金陵迤邐因家於此夫人其女孫

也生於清熙丙午二月十八日早有淑德識見逮男子嘗

與姊妹析財推多取少悉無所較既笄叔祖命之曰汝性

簡淡不事於飾吾鄰張氏深居簡出積善家必與諸子競

爽長尤力學吾以汝妻之及歸居家有條事舅姑如父母

先姑文允迪字德明早蜚聲於璧水時南宋鮮有登天子

之廷先姑文踵菊坡後程文滿方冊與中州豪傑齊驅一

日歸自京夫人有不悅色問之曰夫子名未遂宜決意以

遂若志家事非夫子所慮學二十餘年往來貨程夫人悉

筆之累數至萬需輒應無難色癸巳先姑文蒼梧法司未

及祿而卒夫人撫諸孤剔燈課書寒暑不輟勤儉治家銖

積寸累衣不文彩食不重味惟周急不繼富晚年買屋創

宋二

三

義齋割田施寺觀積而能散鄉閭義之夫人生三子俱以

邊賞階右選長斗文江東漕元兩征所至以廉能稱當路

交判焉次翼文調沅江征亦領漕貢赴禮部卒於廬陵季

光濟間闕數千里扶護而歸委官不出侍夫人而勵先業

兩與漕貢男孫七人師道師德元慶元吉登辰迺衡一龍

曾孫八人惟寅寶大方穀希性孺子昌武昌平伯良孫支

誥誥繩繩來者未艾叔祖謂積善家必與信不誣也安人

其得所託也夫謹書於貞石以垂不朽宋特奏迪功郎封

州司法姪劉宗謹誌

按碑文所稱黃石考張二果志選舉表石清祐十二年鄉貢開慶元年周震炎榜第五甲進士迪功郎碑作於寶祐丙辰時石未成進士故稱特奏名邑志無石傳然新會厓門石刻有寶安黃石來五字石舉進士去宋亡僅二十二年其隨祥興至厓門或宋亡後憑弔至止俱未可知亦遺民也秋曉屢有

和黃秋韻詩秋不詳
何人豈即石字耶

劉玉詩一首

贈內

春風休記舊繁華舉案園林樂事賒月引池光歸座榻雲
含花氣入窗紗鹿門本是龐公宅栗里誰尋舊令家相對
莫論終歲計酒狂詩癖自生涯

黎獻傳從子子可附

黎獻字子文號拙翁邑之城東人從兄友龍字士震號耐
交校書郎咸洎間官本邑庠教諭庠舊有經史閣宋季燬
於兵辛卯諸生合辭請建資弗集友龍喟而歎曰此吾責
也退而發私囊督工役三月而閣成士論韙之

宋二

書

鄉賢錄黎氏族譜獻性警敏富於學問弱冠授徒一依紫陽白鹿
規為教士聞風來者戶外之履恆滿時人方諸王通稱拙

翁先生李君實姓氏譜纂參吳大章黎氏祠堂記黃佐通志宋亡與趙必瓌卜鄰恒
以詩筒往來必瓌卒哭以詩復偕學中諸友往祭覆瓌集附錄

按莞志宋元選舉表俱無獻名蓋宋亡後不復進取也暇嘗取經史子集與埤雅小
說摘其的對奇語編為事類蒙求九卷對偶切要叙事精

詳見者稱賞一時多傳誦之阮元通志參張二果莞志明焦竑撰國史
經籍志錄其書入小學中國史經籍志獻從子子可字行之號

遜庵友龍子也至正中以博學宏文舉為湖州路教授子
可毅然辭曰此何等時尙戀此一片青氈耶吾得優遊林

壑於志遂矣終元之世竟不復仕黎氏族譜按友龍重建經史閣在至元辛卯

趙必瓌亦有贈詩志乘不載友龍為元官疑亦當時遺民
蓋友龍曾祖晦洎熙間以學官隘陋割祠左美地以遷之
時比之范文正以所相宅基為蘇州學故友龍復
重建經史閣以成先志非必其時尙為邑教諭也

黎獻詩四首

哭趙秋曉

父子龍門客衣冠濮邸孫海桑塵劫換文獻故家存白壁
今橫道青衫此蓋棺風流頓消歇些罷涕汎瀾

嶺海英遊少詩書壯氣衰先生今不起後死竟安歸文曲
星何暝靈光賦又非儒宗真可憾豈但哭吾私

淨覺草未宿先生復踵之百年幾英特三載兩凋萎此去
無歡日重逢有夢時向來觴詠地衰柳帶斜暉

假館慚何補叨鄰卜偶從燈留分夜讀歌忍相晨春半壁

宋二

書

山河逸他生飲啄同眼前無此屋風雨憶幃幙

祭趙秋曉文

嗚呼玉溪生官不挂朝籍而死孟東野僅溧陽一尉而終

惟才與名天之所靳奪所靳而有者宜見忌而不容至若
蒼野陳思之於魏長吉太白之於唐或以天折去或以謫

罰凶以龍種子孫而負蓋世之才名此尤天奪神禱而禍
之所鍾嗚呼先生天上之麟人中之龍年甫弱冠搏扶搖

步青雲赫乎扶桑之方東奈何麟趾之詩遽變而為黍離
之風使太室玉璣竟毀棄於瓦釜而合宮杞梓卒因死於

蒿蓬嗚呼先生視太白諸人所喪不為已甚視東野輩所
得亦不為不豐倏飄忽其仙去亦何恨乎遭逢追赤虬而

記玉樓駕青驪而主芙蓉想神遊於八極肯戀戀於濁世之樊籠所可憾者後學失其典型斯文失其統宗鄉邦失中流之砥柱寒士失風雨之旃幟嗚呼先生襟誼兮薄雲聲譽兮塞空邑有疵政極口以攻宜抗上官面頸發赤不顧罪戾之叢其躬友有急難憂戚與同宜挺身以當如救頭烘不以小嫌而介其胸朋輩有過面折而納忠暨其少悟則假以春風色笑未嘗停怨蓄怒於胸次之雲夢若茲數事當求於古人之中痛九原之不作嗟吾儕其曷從嗚呼吾儕之望先生兮真黃鵠之與壤蟲而先生之於吾儕兮無乃下體而採葑日交錯於觥籌時往來於詩筒斫鱸浮白沽蟻擘紅帳溪山之陳迹恨變滅之匆匆翩翩者旌

宋二

書

閱彼幽宮墓道之碑未嘗覆瓿之集未公發幽潛於不朽豈無椽筆之宗工是雖曰同志之責亦繼述者所當顯揚而封崇薄言束芻以寫我悃

代學中諸友祭趙秋曉文

宋三百年進士彬彬翳我寶安代不乏人咸清一榜轟我閭里名子之父名父之子踵是而後青雲聿開背項相望英俊鼎來地折崑崙天掩文曲凡名慈恩悉登鬼錄公獨巋然如魯靈光邑之眉目士之津梁謂秦無人吾邑則恥天乎痛哉公復不起嗟嗟我公維國之琛唐之賀白漢之向歆虹霓其氣琅玕其腹其詩其文凡今之獨天不佑之曷付之茲亦既付之曷不假之諸郎如竹二壻如玉生榮

死哀公可瞑日我輩失公如厦失梁如駕失轡如涉失航題名之石記閣之墨公之風流或未泯沒不腆束芻以慟斯文嗚呼秋曉英爽若存

附錄詩一

壽拙翁黎先生

張登辰

六壬又慶始生歲吾道新看氣數回素業傳家依本分白頭爲世育英才孫枝春滿斑衣戲女樂風微絳帳開舉酒祝公須滿百一年十萬八千杯按邑志黎如璧好善樂施崔羽寓邑之上清觀與如璧交特厚一日來辭曰吾將去矣如璧曰何以教我羽因書依本分三字於壁數日崔遂解去如璧終身誦之如璧獻之祖也故詩云然又按張氏族譜登辰卒元大德己亥此詩云六壬又慶始生歲則當作於至元壬辰時獻年六十一以此推之獻當生於宋紹定五年壬辰廣州府志以獻爲元季人誤也

宋二

書

張衡傳子孺子附

張衡一名迂衡張二果莞志參張氏族譜號小山邑之柵口人張路漁系出張九皋之後父光濟清祐六年鄉貢兄元吉登辰元吉當宋末攝邑尉至元戊申張宏範率兵駐惠州遊兵至邑之萊蘭村將徇邑邑人驚恐元吉使登辰罄家資往賂邑獲安堵帥因命元吉攝宰登辰攝丞事定後朝命授登辰將仕佐郎靖江路儒學教授登辰笑曰豈吾志哉卽謝病不出元吉登辰歿時邑民大作緇黃以報德廣州人物果莞衡太學生有德望工詞翰肄業太學觀化齋初稿嘗創敲月庵延湖海名士莞志滄桑後獨棲遲衡泌與趙必豫李春叟諸遺老相往還或感憤歛歔長歌短牘以寫

其麥秀黍離之戚漁石初稿必瑒嘗用其韻以懷梅水村覆韻集

有小山吟稿張二果敲月集今不傳漁石初稿子孺子字全德

逃元祿不仕時稱高士張氏族譜

張衡詩二首

經史閣四言詩

玄黃氤氳混沌未死道隱冥默文鬱雕跂蚩蚩熙熙結繩而治誰鑿七竅鴻濛拊髀馬圖鳥跡彷彿文字羲軒動華授受一理典謨訓誥渾渾無擬天生素王躬服仁義憲章祖述參贊經緯經揭日月史嚴辭事九流說鈴諸子疣贅秦灰小厄魯壁闢秘白首齊生口誦臆記枝葉扶疎風流委靡漢興購求六經大備舒向校讐班馬傳紀爾雅同風

宋二

三七

沿襲世次宋三百年超軼姚姒際海薄天聲教漸被惟此東邑藹藹多士孔牖魏重屋丹綺羣王之府五經之笥排籤插架堆案盈几藻飾皇猷馳騁帝軌蘭薰顏冉玉潔曾史物忌太盛道有中否何物壞宅有士抱器壇荒杏老墉鼠穴虺川竭珠逃楨破玉毀炷燈拭案篇瑤簡燬觀鶴雅鴉魯魚亥豕斲輪糟粕負吟口耳忘筌舍蹄出足棄履文未喪天道不墜地起廢者誰孟母之子薄言采藻於彼沼沚鳩工捐資不捐廩餼榘榘得宜輪奐有煒肩摩踵接出入槐市非此喬木曠克大庇非我宗匠孰主張是祖有令德世濟其美休聲日流與道終始

龍潭瀑布泉

古木千章蔭淺灘干霄危石噴飛湍水晶簾下誰家女亂擲珍珠落玉盤

附錄詩一

讀敲月集

元季處士張文齋東莞衡從曾孫

小山先生信英傑蚤歲窮經詣丹闕太學游歌姓字香京華旅食鄉心切一朝拂袖辭金門歸隱山林計非拙樂道能存顏子風干時肯掉蘇秦舌築庵喜延湖海士大書華匾名敲月花晨露夕多勝事對飲豪吟未嘗輟長篇短句每驚人律呂和鳴珠玉潔建安七子當並駕唐室諸賢可同列才名奕奕聞海隅家世遙遙在南越倏然竟赴玉樓招西風吹老巖阿巖我疑先生列仙侶一段清懷盡冰雪

宋十

美

暫來林壑學巢由不向朝廷隨稷契嗟我胡為生較晚不得樞趨受詩訣幾回臆下讀遺篇敲碎唾壺歌激烈

張孺子詩一

挽秋曉趙公

早袖經綸手歸歟臥首陽可憐心錦繡不補帝衣裳祿與年俱斬名和壽且康互鄉蒙與潔聞訃重心傷

方幼學傳兄恭己子圭附

方幼學字行父邑之河田人其先莆人祖邦榮正奏朝奉大夫始由莆入莞父良輔官司隸校尉幼學善文詞尚濶王郡主官郡駙嘗還於莆與服屬諸父兄敦齒讓且以觀時變文天祥勤王師起幼學方謀捐貲助餉會大事去天

祥被執乃大慟歸陳子壯郡駙方公墓表 按此文不見

建宜謝朝者天祥客也胡翰謝 墓表天祥死朝設主哭於嚴之

子陵臺宋濂謝 墓表幼學與朝同社多所賦咏陳子壯 朝垂

歿時語妻劉吾去鄉遠交遊惟方某翁某數人最親死必

以赴慎收吾文及遺骨候其至以授之訃聞幼學與方鳳

吳思齊馮桂芳翁登及弟衡會小爐峯相嚮哭明日與鳳

及方燾先往臺南度所葬地復具舟之杭哭諸劉氏劉循

治命殯所度處即其地作許劍亭伐石表墓曰粵謝朝墓

方鳳謝舉羽行狀 按行狀稱發方幼學蓋幼學 時論義

時從朝鳳居發也 陳子壯墓表亦載葬謝朝事之後歸河田營菟裘與兄恭已樂墳篋以終老焉陳子壯 墓表

恭已少穎特早歲登朝歷官承事郎所至有冰蘖聲嘉定

宋二

完

間元兇繼相搖動國本恭已仰天歎曰時不可為矣遂解

綬南歸與幼學友愛尤篤先廬悉以付之袁昌祚宋承事 郎方公墓表

幼學四子圭甲平申皆郡主趙氏出陳子壯 墓表圭學籍五車

人稱學士晞髮集 此從 方氏族譜轉引嘗官登仕郎入元後與三弟俱

隱德不仕方氏 族譜

附錄 詩一

寒食同方行父明中往錄渚舟中作寄東安方子仁

宋文丞相軍謝 朝 墓表 門諮議參軍謝 朝 墓表

自食嶼雲薇聞君白接羅謁靈隨社到為客寄書遲瓢入

新城水舟回故渚祠南衣離火浣垢做禁煙時

李佳傳

李佳一名彥忠大清一統志廣東新語并只云李佳據

又莞志宋選舉表有李 彥忠故知一名彥忠也邑之靖康人上世有諱某者官昭

州恭城縣尉曾祖元亨嘗捨田百餘畝入慶林寺父願配

陳氏陳璉琴軒集故處 墓表生佳而願死陳矢志教子大清

佳有才略祥與中幼主駐厓山邑人多應募勤王佳慷慨

請行陳囑之曰汝宜竭忠事主勿以我故懷二心琴軒 集

既行陳亦趨廣州至黃木灣自沈死廣東 新語佳至厓山得潮

州府教授還家拜母不見哀隕莫及乃築望至堂於烏沙

之陽張二果東莞志按一 統志作望親臺誤朝夕哭奠聞者傷之廣東 新語邑宰

尹天覺嘉其孝徵惠陽守臣文壁為之記琴軒 集陳積善好

施未死時囑佳割先疇以益慶林寺宋亡後佳遂捨田五

宋二

罕

十畝以成母志因自號居士云李春叟慶林寺 陳氏捨田記

附錄 詩一

精衛辭哀陳烈婦

陳 璉

宋幼主由閩入廣師次崖山烈婦屬其子李佳往

事之臨別與訣曰勿以我故而懷二心遂趨廣赴

水死聞者哀之

東海有精衛銜石填海死海枯石復爛此恨何時已天目

山崩王氣消北風夜退錢塘潮崖山新稱行在所萬里兵

塵漲九霄南海有烈婦能守陵母節淚血滿衣裾泣與兒

訣別萬古綱常日月明爾當盡忠吾盡節黃木灣頭風雨

來扶胥海口浪如雷此時孤憤同精衛一墮滄溟竟不回

滄溟之深有時竭烈婦之名應不滅

姚鳳傳

姚鳳邑之石碣人熊飛起兵時鳳以勇力從飛衛帳中飛之自惠州遁還東莞也元黃世雄遣其將姚文虎追飛飛反首殲之鳳功居多焉鳳喜酒善沒號水犀頭飛戰死鳳以善沒免歸操一舟捕魚海島元將張宏範使邑丞張元吉招之鳳謝曰吾鹵拙不能投降各行其志毋相強也亟呼酒大醉哭飛三日遂死時同鄉有伍鳳者喜酒有膂力善用槊從飛出江西一日元兵急鳳以銅盤為爵再飲訖持槊上馬大呼入敵陣所鏖斬無算已力盡為黃世雄所執瞋目大罵死明經熊簡庵嘗作二鳳行以紀其事今不

宋二

聖

傳劉鴻漸書熊

文應麟傳蔡郁附

文應麟天祥從孫江西通志少使酒好劍尚氣節用財如糞土

恣游浪跡欲因以結奇士景炎中周天成天祥以樞密開

府惠潮弟璧亦以戶部侍郎任惠州江西通志應麟往依之天

成莞屢勸璧修城堞建樓櫓積芻菹儲以嚴守備璧易

其言是冬元兵入廣天祥被執璧竟以城降江西通志應麟哭

曰城亡與亡職也奈何隳家聲周天成天祥執後不屈繫

頸繫手足備極艱苦而璧以降附尊寵為美官江西通志

通志又云文山囚燕獄者四年璧以郡守入觀亦至燕文山詩曰兄弟一囚一騎馬同父同母不同天匡山志云璧

降後仕於元當時有詩云江有見一好溪山兄也應麟恥

難時弟也難可惜梅花各心事南枝向暖北枝寒

之攜二子起東起南遊於邑之東渚因家焉樹棘為園栽

花蒔藥荷畚鍤以事隴畝深自隱匿當其極飲大醉發狂

歌呼憤懣精悍之色猶見眉宇終身不入城市周天成蔡

郁字西野蔡元定四世孫咸淳九年官雷州司理景炎間

聞文天祥至粵作詩奉寄有百年養士恩報之在朝夕多

慚遲暮身涕淚望鄉國語宋亡歸路梗塞亦家於東莞屈

均廣東著有西野詩集廣州府志時稱西野先生後子孫無仕

元者粵東詩海

蔡郁詩一首按西

奉寄文丞相

嗟哉此綱常一朝已散失臣豈無賢良君豈有慚德君臣

義未明大道致閉塞誰實篤忠貞矢志不可屈先生真英

豪提戈呼咤叱一心收桑榆戎行瞻黼黻開關五嶺南誓

師存百粵有仍田一成足以張征伐南陽戴真人足以興

漢室天道豈無知為此冠裳惻昨聞戰城南王師奮鈇鉞

萬馬似羣羊關敗鼓聲竭百年養士恩報之在朝夕多慚

遲暮身涕淚望鄉國

宋東莞遺民錄詩文補遺

李春叟詩一首

釣菴臺和蘇堯臣韻

誰把漁竿老渭濱撥開塵鞅對清薰乾坤浩蕩臺非舊湖
海淒涼我接君有客攜家來上塚無人載酒共論文山陰
興盡空歸去何處天風落五雲

陳庚詩一首附錄文一首

謝友人惠犀皮胡瓶

靈犀鱗甲鳴夷腹魂土能奇託善埏器似虞陶知不窳規
同莊埴巧成圓雕鏤尙喜兼文質空洞祇堪容聖賢於一
器中求不器願珍嘉惠比韋弦

宋十一補遺

聖

宋鄉進士月橋陳公墓誌銘

郭應木

延祐二年二月二十一日前進士月橋先生陳君卒門生
學子奔走會哭拔淚相弔曰斯文墜矣吾黨之小子今而
後無所師矣皇皇者累月四年十月其孤師善狀其家庭
之言行泣而請曰先君子卽世餘三年矣歲卜宅兆不吉
葬是以緩今得地於縣西三里綠紫岡之原命于靈龜食
將以十二月十四葬吾父踵門雖晚君之知吾父不可謂
不深也願哀而賜之銘予不敢辭乃序而書之君諱庚字
南金東莞縣人也家世業儒爲士林望族曾祖希傑祖應
辰累官至通直郎引年致仕號清溝先生父益新文學不
失其世守而退然無求於時築室東湖之上教子讀書號

東湖居士君幼穎悟異凡兒童遲重不戲故志專而學固

咸淳丁卯年二十一歲以書擢鄉貢庚午癸酉二科連冠

乙榜弟紀由君誘掖漸漬文聲頡頏亦以癸酉貢於鄉一

家二難英英競爽而君尤爲時所推經帥實齋劉君奇君

文雅致之幕府由是聲名大振無何而科舉廢矣代更時

異君慨然曰城市今不可久居温塘之上有先人之做廬

在兵後喪亡殆盡惟書籍獨存可以悉意於學矣隱居東

湖家塾博覽經史研心性命道德之旨道隆望重邑人士

尊之曰月橋先生執經問道者無虛日後邑庠士相率迎

致歸邑中以便造請先生探賸鈎玄口講指畫教人不倦

是邑文風迄今爲嶺海冠先生之教也邑令始至必造門

宋十一補遺

諸

問政君極言時政之要務民瘼之隱情聽其言而施於政
者率爲賢大夫而民亦陰受其賜歲辛亥予承乏攝茲邑
獲與君交君峨冠深衣龐眉豐頰固已見其善者幾矣及
觀其文和如鈞韶温如圭璧藹然仁義之言也文運湮微
衣冠道盡賴此老儀型後學而天不憖遺可慨也君寢疾
數日呼二子謂曰昔夢人謂吾數九齡今六十有九吾殆
將死矣荷祖宗餘澤幸不墜厥緒謬爲朋輩所推敬以不
悖聖訓故也吾歿後喪葬一依朱文公家禮其勿用緇黃
庶吾不悖聖訓之心始終無忝適書史爲君寫真君自贊
曰忠信篤敬儼書諸紳景行先哲清溝後人命弟紀爲書
之死生之際其不亂如此可以觀其所學矣君生於宋淳

祐丁未卒於延祐乙卯卒年六十九歲娶同邑翟氏先君
三年卒男三人長冲善早卒次繼善次師善孫五人君文
行言貌端莊粹温表裡如一以友愛待兄弟以恩義睦宗
族以謙和處鄉里以寬忍遠暴慢生爲一邑之儒宗死稱
一鄉之善士可謂成德君子矣予聞鄉先生死可祭於社
墓無銘可乎銘曰

橋之水兮逝而不可絕橋之月兮虧而不可滅緊維陳君
如水與月勿謂斯人而瘞斯穴終古今名月光水潔

陳紀 詩十七首長短句二首

遊深溪龍潭

危磴上嶙峋泉聲靜更聞雨添三尺水僧卧半間雲境勝

宋二 補遺

罌

詩難好林深日易曛忘言觀衆妙一縷起爐熏

暮春山行 二首

幽興忽不愜山蹊策杖遊林深樹疊影溪漲水重流對酒
愁先醉看花老却羞平生倚樓意搔首轉悠悠

不具看花眼蕭然綠暗邨貧來疑筆硯老去信乾坤日澹
樹無影潮回草有痕詩成鷗沒處鴉外又黃昏

早起

星斗淡欲落銀河白向斜人間猶夢蟻樹杪已聞鴉池水
偷山影朝陽禪月華升沈無限事秋草滿天涯

雨後出郭

幽人宜免俗蹠蹠且泥行雲過溪山動雨餘池沼清長身

成踟躕暮景學將迎應被鄰翁笑有田胡不耕

餞黎希明赴興宜教諭

冷官仍冷地况味淡於僧泮水無一畝亂山知幾層樹雲
侵絳帳山雨翳青燈若有登臨句寄予能不能

哭月橋兄

自注兄著有續近思錄陽紀付梓

前輩風流盡鄉粉執表儀如公又凋謝末俗恐澆漓幼學
皆真踐瀕危屬近思端爲吾道慟不但哭吾私

夜宿增江松鶴菴

木落風高夜欲冰襍衾來此愛幽清壁燈未滅見花影山
雨忽來聞竹聲謾憶同遊期後會因思往事悟前生自憐
粗帶山林骨坐待寒鐘吼五更

宋二 補遺

罌

窮吟

窮吟之外百無功鬢髮蕭蕭漸已翁自枕書眠聽夜雨偶
披襟去納雌風男兒未死身難量豪傑雖貧氣未窮緩步
短筇誰會得野花啼鳥夕陽紅

寄朱滄洲

不見滄洲已十霜夢中炯炯此靈光青山拄杖尙能否
髮與秋俱老蒼夜雨豐湖吟浩蕩夕陽鶴觀弔興亡通家
有子今頭白此意堪君累十觴

題李漁隱山齋

法界人寰共一邱欲窮遠日更登樓蒼藤碧蘚樹容晚涼
月好風山意秋莎徑荒寒聞鶴唳竹叢搖搖落見漁舟一聲

橫笛碧天暮詩在滄波蘆荻洲

早春有懷亡友秋曉怨齋小山諸公

詩成誰與共賡酬又綠前汀杜若洲舊友凋零渾似夢新
春蕭索亦如秋陰晴氣候惟供睡今古乾坤只載愁我與
東風俱是客肯緣華屋妬山邱

舟行

落日殘霞島嶼明淡烟衰草古今情青山偏向意中遠白
鳥正當吟處橫歲晚梅花和我老愁來竹葉向誰傾浪遊
無奈徂年感遠浦晚風潮又生

夜起

萬籟沈沈見息機輕寒獵獵入單衣新霜欲落露痕重缺
月漸高河影微村犬驚寒時自吠水禽失侶夜猶飛更須
景物完詩句莫訝更闌未掩扉

宋二補遺

零

初夏

梅子黃時雨又晴春衫未脫暑猶輕天橫遠岫半眉綠雲
漏斜陽一眼明野樹晚風清蝶夢曲池芳草亂蛙聲浮生
器寂何窮已搔首蓬窗感慨生

梅花

冰霜骨格玉精神索笑巡簷不厭頻清瘦絕如人有韻品
題除是筆無塵一枝影裡溪山晚萬斛香中天地春幾度
見渠詩便好此花前世定詩人

謝謝疊山惠杜詩紙被

食詩如蜜睡如餇二足偕來敢不登錦軸一編夔府稿雪
衾萬杆剡溪藤朝來誦句能驅瘴夜半眠雲稱伴僧只恐
癡兒驕踏裂起來仍喚讀書燈

滿江紅 饒趙僉事

攬轡埋輪算不負蒼髯如戟人爭看橫秋一鶚軒然健翼
隻手為天行日月寸懷與物同蘇息到于今天定瘴雲開
伊誰力 雲霄路金門客念往事情何極把行藏細說應
無慚色虹氣上橫牛斗劍梅花不軟心腸石願此行珍重
不賞軀無瑕璧按趙僉事即必璋詞蓋
送其赴文山督府時作

念奴嬌 釣鼈臺用東坡赤壁韻臺在亭頭海濱

宋二補遺

突

天垂四壁粟粒太虛蜉蝣天地懷抱皆冰雪清風明月坐
中着我三侏 為愛暮色蒼寒天光上下艤棹須明發一
片玻璃秋萬頃天外去帆明滅招手仙人拍肩居士散我
騎鯨髮釣鼈臺上吐雲吹斷殘月

黎獻詩一首附錄詩一首

輓陳淡交先生

承師受業憶同門如水之交昔有年痛哭鵠原情未已徘
徊鵬舍意凄然功名早領賢書薦世業由來家學傳碩德
晨星嗟已矣試編遺稿淚潛漣按此詩領聯淡交蓋
繼其兄月橋而卒

壽黎拙翁

陳儀慶德甫
東莞

名重河汾道更尊只將拙日養吾存南州佳士爭傾蓋闕

里諸生半在門一笑何妨延賀客六旬今已見曾孫斯文
壽脈天同久挺挺霜松傲歲寒

張衡詩二首

輓陳東湖先生二首

清溝名父子濁世福人家二妙手誰抗一翁顛未華天方
老猿鶴歲忽值龍蛇公死可無憾吾生未有涯
亂世沒吾宜何須滿百齡雲封靈壽杖天殞少微星長夜
泉臺黑幽林鬼火青西風吹木葉無語慰飄零

此錄刻成後亭頭陳氏以族譜全帙至因補錄諸詩文
附下卷之末九龍真逸記

宋二補遺

完

12 14 16 18 20

22

24

臚 朝 粵 東

與 民 錄 甲

季 劫陳文忠齊文 陳忠賢介狀一 季

丙辰仲龜付梓
板藏真逸寄廬

序

辛亥之變九龍真逸棄其圖書宅舍遯於海濱之龍秋龍
秋宋季故墟也桑海易觀異世同感乃纂輯吾粵明季遺
民舊事得二百九十餘人爲粵東遺民錄四卷其自序極
言吾粵人心之正風俗之厚傷今思古有餘痛焉嗚呼此
其由來遠矣湖自廉恥道喪至五季而極士之談節義者
昌於宋盛於明吾粵在宋時被中原文獻之傳訖明而嶺
學大興與中原埒名臣鉅儒先後間出莫不敦崇名教倡
導鄉邦夫粵人自好天性然也居常蹈利則若慙赴義則
若渴其倡導也易爲力重以同志之羽翼師友之講明翕
合類應漸漬成俗故宋崖山之亡也烈士殉於前遺黎慟

勝一序

於後矣明之亡也桂王西奔吾粵倡義爲牽綴之師同志
響應其敗者沈身隕族瀕九死而不悔其存者問關奔走
亦至萬不可爲而後遜居窮山或涸跡方外以終餘若一
介草茅抗節高蹈者復所在而有視宋之亡加烈焉凡此
皆吾粵數百年來醞釀潛蓄之正氣不幸值世變而於諸
君子一襮之蓋積久而不可遏也如此顧嘗論之風俗者
積而盛者也世變者積而大者也士志不素定不足當世
變世變不一端司馬氏孟荀列傳利爲亂之始一語盡之
顧其傳貨殖也歷舉當世趨利之流並隱居巖穴設爲名
高者屬之又以無巖處奇士之行長貧賤好語仁義者爲
足羞蓋謂語仁義者惟巖處奇士可信而設爲名高者皆

靡靡意未嘗羞貧賤也疾夫利爲亂源而舉世競其中正
言若反意未嘗崇勢利也班氏不察以此相譏人心趨利
苟便其說希通而惡介媮爲而務得夫如是故積漸之久
官常國紀日卽於此窳夫如是故大奸乘其敝得別恣其
邪說詖辭摧毀名教以自便夫如是故趨利者無復顧忌
而古我先哲所恃以正人心維風俗之具塞源拔本掃蕩
無餘士無特操靡靡隨之竊嘗觀於晚近而後歎司馬氏
立言之痛與諸君子志定之可貴又以爲致此極者非一
二人之事一朝夕之故也蓋世變積大而不可測也又如
此然而所謂志定之士往者已矣固無意於身後之傳來
者蒿目世變方自得於山巔水湄亦豈患德孤而援古人

勝一序

以自壯此未嘗兩相待也兩不相待而兩相感不得已而
發憤道之使後之論世者知風俗世變之相爲乘除其養
而成之也有因其敗壞而流失也且無止極俯仰今昔蓋
有憂焉然則讀此一篇徒歎其采摭之富考證之精未足
以知其用心也嗚呼微矣丁巳春二月永晦

序

往讀全謝山鮎埼亭集明季逸民甬上最盛當南都既覆
浙江屬郡相繼降附獨甯波未下錢忠介倡議抗守諸君
子投袂並起及勢窮力竭相與結爲湖上吟社日抱麥秀
黍離之戚以終其身全氏生同里閭流風未遠凡所稱述
得之故老傳聞者爲多故其表章易爲力也吾粵當桂王
時陳文忠陳忠愍共舉義師張文烈起兵東莞遠近響應
海濱義民如王興鄧耀陳奇策等所在擁兵咸奉號令遙
爲聲援三公旣殉國難文忠之弟子升文烈之弟家珍尙
保餘衆力謀恢復廣州再破抗節不變獨漉以復壁之孤
遷徙流離屢瀕於死顧其觀變待時無一日忘故國也忠

勝一序

三

義之氣萃於一門經百折而不撓而聞風興起以名節相
砥礪者非其門生卽其故舊其他孤臣節士同謀舉事者
讀東莞張氏三疏其人不可悉數事敗以後多能保其晚
節又或草茅韋布未嘗有一命於朝而潔身高蹈誓死不
屈者比比也爰及方外函可函是早歲出家獨能表揚節
義宏暢宗風則宋之杲公同時之南嶽大師也從來忠孝
大節自二三賢者倡導之後遂成爲風會此非其效歟明
季距今二百餘年桑海之交文字散佚稽諸志乘或缺而
不載或載而不詳至於私家著述流傳日少士之懷負殊
異湮沒而不彰者多矣九龍真逸慨然以編輯自任乃蒐
集郡縣各志及 國初諸老詩文遺集旁加攷證凡得二

百九十餘人成勝朝粵東遺民錄四卷然後知粵人氣節
之盛尤非甬上一隅可比若其纂述之勤則過於全氏也
昔黃太冲謂宋二王立國三年文陸陳謝而外豈無人物
今無一傳以爲遺憾篁墩程氏撰宋遺民錄朱錫鬯謂其
所收不及什一吉光片羽人猶珍之茲編所錄掇拾於殘
編斷簡之餘凡一人一事散見於諸家集中必爲之詳究
其本末於以永鄉邦文獻之傳抑一代之瑰行奇節其顯
晦固有時也夫古人往矣彼其倦懷君國耿耿未已方憂
然引爲內疚豈復計百世之下有人焉表而章之然而天
理民彝終古不絕則此潛德幽光之發猶有所與感非細
故也嗟乎自新學盛行奸險之徒不惜破壞名教倡爲異

勝一序

四

說以便其私而奔走於衣食者又往往不能自固所守巖
穴之士無可共語徒欲求之古人以寫其抑鬱不平之恨
使後之讀者知名教之不容破壞而又懼空言之終無補
也李杲堂之言曰采薇經磴猶爲末節然則此編之成其
隱痛爲何如也乙卯冬十一月閩道人拜序

序

余與閣公避地海濱閣公喜觀明季隱逸傳竊歎昔獻粟
徵所載吾粵遺民寥寥無幾暇因輯此錄以示閣公錄成
因爲之序曰明季士大夫敦尚節義死事之烈爲前史所
未有盛矣哉而嘉應尤盛當時海內諸大儒若梨洲亭林
夏峯二曲楊園桴亭船山晚村輩未聞有如許魯齋之仕
元者吾粵雖無此魁碩之彥而山林遺逸以今考之凡二
百九十餘人其書缺有間不能得其本末者尚不可更僕
數也蓋明季吾粵風俗以殉死爲榮降附爲恥國亡之後
遂相率而不仕不試以自全其大節其相副以忠義亦有
可稱者何言之自順治丙戌冬李成棟佟養甲以偏師襲

勝一序

五

廣州紹武遇害踰年春成棟復追桂王及於桂林勢將殆
矣而粵之陳文忠張文烈陳忠愍三臣振臂一呼義兵蓬
起於時破家沈族者踵相繼也養甲懼遂令成棟旋師及
三臣敗死山海諸義士猶擁殘衆爲復讐計會城之外至
於號令不行李佟因是勾反復爲明之舉蓋桂王所以延
其殘祚者實維吾粵諸臣之力至若何吾騶黃士俊王應
華曾道唯李覺斯關捷先等雖欠一死後皆終老巖穴無
履新朝者故貳臣傳中吾粵士大夫乃無一人而吾騶士
俊以崇禎朝舊相出輔桂王及平靖二王圍廣州桂王西
走吾騶猶率衆赴援士俊亦坐閣不去其苦心勤事思保
殘局比之貳臣傳中馮銓王鐸等自當有間而此諸人當

時咸被鄉人唾罵至於不齒到今弗衰此亦可見吾粵人
心之正其敦尚節義浸成風俗者實爲他行省所未嘗有
也嗚呼明季去今二百七十餘年耳今何如耶序成擲筆
爲之三歎不已時乙卯孟冬朔日也九龍真逸序

勝一序

六

凡例

一是錄係采諸志乘及明末 國初著述詳爲考證編輯而成閒有增削貫穿然皆不失事實其諸書互異及可疑者別爲按語附載於後

一郡縣志脩自乾隆中葉以前者以時方忌諱一切遺民不敢紀載甚爲簡略自乾隆四十一年奉上諭後始漸有增入然閱時既久文獻無徵纂脩者又多因陋就簡每致闕如茲錄雖以志乘爲據然極力蒐討他書以補所未備惟上下各府私家著作未由徵引故所采無多

勝一 凡例

一諸遺民撰作多經禁燬如翁山文外獨漉堂文集凡觸諱者概從刊削闕略不全嶺南遺書粵十三家集所刻明末 國初諸人著述不過數種當時已稱難得此外詩文諸集所見甚稀最爲憾事故茲錄於諸遺民撰作悉錄其目以見一斑

一阮通志網羅宏富其選舉表凡明人入仕 國朝者悉爲載入雖閒有舛誤可信者多如南海志杜長喬傳云時稱逸民郭元昇傳云隱居教授而阮志表則云長喬 國朝義益知縣元昇 國朝岑溪知縣如此之類不復采入錄中以符宜闕毋濫之義

一獨漉翁山中洲大樗雲華咸陟瞎堂千山等集諸遺

民多見其中然往往不詳其名籍本末茲錄於可考者雖名籍偶佚仍爲采入其不可考者則或錄其詩或撮舉其文以類附見諸遺民之後然獨漉集極推李相如考四會縣志李恕字相如 國朝鶴慶府知府中洲集亦稱陳子明考高州府志陳鑑字子明 國朝華亭尹詳獨漉中洲詩意二人似非仕 國朝者疑事毋質茲仍不復采錄以符宜闕毋濫之義若獨漉中洲集內所稱林叔吾朱子敬考叔吾名梧東莞人 國初諸生子敬名伯蓮南海人 國朝教諭皆有碣徵如此之類則概不錄入

勝一 凡例

二

一 國朝表彰忠義不遺餘力除殉節諸臣錄外郡縣志亦皆紀載靡遺然閒有殉節未明者茲仍作爲遺逸輯入錄內以闡幽光至郡縣志於忠義諸人未詳叙者閒亦補輯一二然祇以類附見諸遺民之後不入正錄以符體例

一是錄所采皆吾粵生同時人故用志書例以郡縣分列其有事蹟相類亦從志書例以繁簡相附合爲一傳并非有所軒輊於其間

一是錄於殉節家族諸人則錄冠各郡縣之首以符 國朝表彰忠義之實

一降附諸臣後不復出者郡縣志多作爲遺逸茲錄慎爲決擇凡入爲卿相出任封圻及傾心 國朝與諸

忠義相賊害者概不錄入

一是錄以不仕不試為斷其不得已出而與當道周旋者仍為采錄蓋本降志辱身不失為逸之義也

一諸遺民於國變後為僧者事非獲已茲仍著其初名其甲申以前為僧而仍繫懷宗社者則冠以僧名入之附錄若僧函是則又結吾粵遺民之局者也故以之終篇焉

一海濱無書所采致多遺漏如有續獲當再補遺

勝一 凡例

三

勝朝粵東遺民錄

九龍真逸輯

卷一 目錄

陳子升 從子上圖

梁士濟 子觀

楊邦翰 吳以連

吳龍福

林逢春 鄭洪照

黃葵日

黎春曦

崔千上

岑徵

羅璟

朱厓

賴鏡

龐嘉奎

鄭日晉 以上南海

黎延祖 弟彭祖同族啟明

施焜然 子雄基

劉師雄 梁興臺

羅賓王

勝一 目錄

屈士燦 弟士焯

屈大均

王邦畿 子隼

王鳴雷

方國驛 子顯愷梁啟運

陶璜

馮挺衡

黃鶴仙

梁殿華

謝長文 同族凌霄

黃元祥

彭孟陽 子針

凌民鑰 凌王翊

潘雲衢 弟雲銜謝獎

趙焯夫

黃登

羅謙 郝瑗

潘岫巖 兄秉彝弟慶存慶餘秉彝子漢生

李成憲

曾起霖 曾暉麥侗

陳虬起 麥向高

王瑯 子鎮遠謝楸

萬氏子 李氏子
以上番禺

卷二目錄

陳恭尹

彭睿勳

高賚明

胡日乾

李際明

何仁隆

梁祐遠

羅大賓

梁湛然

歐主遇

薛天瑛 子起晉

薛始亨 弟起蛟

何絳 兄衡

梁璉 父在廷從父崇廷子符
祖陳其秩

羅宜默 李文燦

蔡隆 林子瑤

黎景義

張在瑗

勝一 目錄

二

羅炳漢

潘鳳升

羅殿式 梁國植國植族弟
古行 以上順德 張家珍 祖明教父兆龍兆龍
從子雷祖雷祖

陳葆 孫應光

洪錫祚

張備 弟仲儻似

李貞 子繼洪穆壽

何如拭 何鴻飛

陳鎮國 張安國

陳熙 劉繩武

丁邦楨

陳萬幾

張穆

袁立俊

簡知遇 陳調

盧上銘

尹體震 尹鑿

方日瓊 叔祖聲去

謝重華

劉政 陳舜法吳而達

周覺

溫氏子 王鴻暹 以上東莞

楊晉 楊守清守清子璇璣
伍瑞隆

梁國棟 高有馮

區大緯 黃遠卿 從兄鵬卿從弟廉卿

何源澎 何準道 弟登道輩道子拭
以上香山

卷三目錄

黃公輔 子確 唐元楫

區志遠 子伯亮 吳馴

梁奇顯 易奇際 子訓宏

陳應緯 林皋 兄宜達莫觀光

劉坊 何士琨 從子壯英

勝一 目錄

三

陶天球 子鎰 莫以寅

譚庸 廖明士

黃居石 高儼

湯晉 弟建叔英上何九淵 楊大進

潘楫清 黃尙源 從兄今如莫微

錫彤 以上新會 湛粹

湛子雲 劉若鱗 盧弼 以上增城

李星一 陳王道 以上新甯

戴光震 李士貴 黎邦瑛

鄧聰 以上從化 區懷瑞 弟懷年

譚相國 何三復

李夢賦

吳獻 子廷相廷柱

勞士傑

梁應材 謝鋒 以上肇慶府

馮光璧

梁偉棟 以上羅定州

邱天民 弟半醒

凌雲 以上韶州府

李長庚

蕭俊文 瑩然 以上南雄府

羅文解

以上連州

葉猶龍 猶龍兄

葉挺英

駱鳴雷 陳廷圖

庾樓

韓晃 子履泰

鍾丁先

劉肩初 以上惠州府

卷四目錄

陳廷策

薛學參 薛虞畿

勝一 目錄

四

辜朝采

鄭同元

馬光龍

姚喜臣

黃奇遇

羅萬傑

語山

李士澗 子樟榭梓同族以貞

張琚

弟瑤

蕭澄

廖衷赤

曾捷第 沈殿一

梁應龍

詹韶

陳國英

陳表

賴其肖 賴應殿

饒澄

從子希變黃一淵

林雋胄

謝元汴

從父宗鎰

李日煒

蔡文蘭

陳者高 以上潮州府

歐光宙 周冕

梁瑗

陳禮

李麟祥

劉傅暹

陳紹顏

黎民鐸 以上高州府

梁羽翰

彭鉅 以上雷州府

仇自奇

以上廉州府

王昌言

胡輝祖

陳是集 林希高

曾開

以上瓊州府

梁稷

韓閔昌

李祈年

碧溪臥叟

岸庵居士

無家 以上不詳邵縣

附錄方外

二嚴

子雲子龍子

函可

函昱

子琮

勝一 目錄

五

補遺目錄

劉如性

關家炳 馮毓舜

陳埏

黎日盛

韓騏超

弟駿超

蘇國祐

袁爾輝

黃用元

林堯微

嚴而慊

鄒鑒

洪夢棟

孫耀祖

文冠伯

黎應祥

陳子升 從子上圖

陳子升字喬生號中洲南海人父熙昌萬曆丙辰進士官至吏科給事中劾魏瑞削籍卒贈太常寺少卿兄子壯萬曆己未進士官至禮部右侍郎以言事下獄減死放歸廣州破起兵拒戰死贈太師番禺侯諡文忠 國朝特諡忠簡明史有傳子升幼從父宦遊自浙而京師歷齊魯踰江漢水陸萬餘里嘗過孟嘗君養士處慨然太息見者咸異之時六歲童子耳讀書一覽輒誦而力學刻苦初操觚爲文憤悱不自得一夕夢其胸前有一孔洞開徹背驚寤而文遂大進年十六郡守顏俊彥拔冠一郡目之曰十六

勝一

邑奇童補郡弟子員與同里黎遂球陳邦彥歐必元以文章聲氣遙應復社遂球每持其詩文延譽兩都吳越間一時賢俊引領願交書郵車轍踰嶺而南者無不問子升之廬留連繾綣而後別太倉張溥尤音問莫逆巡撫壽春方震孺直聲震天下於人少所推許獨傾心子升及撫粵西病亟千里相迎以後事爲託子升終其事無少憾其篤誼如此福王立詔薦士以明經舉第一明年隆武改元張家玉疏召赴閩拜中書科中書舍人旋銜命趨餉道贛州入粵及奔復閩中而汀州陷乃歸子壯之死也李成棟籍其家子升奉母竄匿成棟艷子壯妾張納之年餘不歡偶演劇張見之而笑詰之曰爲臺上威儀觸目相感成棟遽起

著明冠服張取鏡照之成棟歡躍張愆思其叛成棟撫几曰憐此松江眷屬也張曰我敢獨享富貴乎請先死以成君子之志遂自刎死成棟大哭曰女子乎是矣拜而殮之時金聲桓已叛江西道不通子升復擁舊卒爲復仇計成棟懼遂叛歸於明迎桂王都粵子升因奔謁行在於邕州桂王至梧州復扈駕謁興陵抵肇慶拜吏科給事中遷兵科右給事中時朝廷草創衣冠附勳鎮如響子升守正無所倚疏上封事多感激奮發桂王鑒其忠小人嫉之而閒無絲入乃假以使事出之外子升既東而桂王西奔子升追不及流落山澤間久之得歸里子升幼時子壯教以爲詩應聲而就子壯嘗曰阿季勝我長與薛始亨締社於仙

勝一

二

湖復與子壯黎遂球區懷瑞懷年兄弟黎邦瑛黃聖年徐棻歐必元歐主遇黃季恆僧通岸等十二人修復南園詩社所著書亡慮數十種子壯則謂其詩可孤行丙午丁未以後與梁佩蘭陳恭尹往還酬唱有未愜者再四更易必令激賞而後已新城王士正嘗謂子升詩爲可傳里人黃羽可適吳子升因以詩集請序於虞山錢謙益謙益序之云讀喬生詩而想見其已事慟哭誓師創殘飲血旣已怒爲轟雷笑爲閃電矣又云自悼之章七哀之什長懷思陵永言金鑑魯陽之落日重揮耿恭之飛泉立涌豈猶夫函書督井但懺庚申慟哭荒臺徒傳乙丙而已哉其推獎甚至蓋子升詩悲慨多變雅之音世以爲三閩澤畔杜陵夢

州不是過也爲人高額廣穎清揚美髯有晉人風致性喜音律能吳歛世所侈九宮十二調曲盡其妙復善鼓琴嘗憫世道微援琴流徵爲水東遊之操畫則法董悅刻印亦追秦漢時以才子目之晚人黃山青原訪舊友熊開元方以智爲方外之遊二人宗門中所謂藥庵藥地者也藥庵法字子升曰智山因自稱智山道人還至萬安而藥地卒哭之慟乃重入廬山歸宗寺受僧函是戒歸後杜門不出語子元基曰吾者裏還將信不及未幾卒年六十餘有中洲草堂遺集二十三卷其四子義易義疏草焚餘中洲說詩等著俱未刊行從子一圖字叔演子壯子少從陳邦彥學與邦彥子恭尹相得子壯與邦彥攻廣州時長子上庸

勝一

三

戰歿子壯死上圖與兄上延俱被獲其僕伯卿請寸斬以贖主人之孤得免死桂王時上圖以蔭授錦衣衛指揮使與恭尹同官居肇慶暇輒沽酒七星巖上相對飲泣人莫測也及慎池路絕上圖挈妻何避地山中不恆厥居往往告匱年及三十而卒中洲草堂集薛始亨撰傳李模撰六十一書序錢謙益梁佩蘭薛始亨黃河激撰集序練要堂集晴堂集獨澗堂集名山集明史西南紀事小腆紀年廣東新語粵小記明詩綜漁洋詩話嶺南詩鈔粵東詩海自耕軒詩集文獻徵存錄阮通志南海縣志

按子升野思賦序云少伯氏侍郎十有八歲考子壯死於乙亥年五十二子升是年當三十四以此推之則生於萬曆四十二年甲寅李模壽序云辛亥訪藥庵藥地時年五十八而子元基維摩圖歌云天然是與藥庵志

得戒安名過復還又云轉盼吾翁離四大淚盡血枯身欲代是歸後未幾卒也集中詠懷古跡詩下注日乙卯子升是年六十二其後無詩意即卒於是年今約略言之曰六十餘卒

又按子壯起兵時子升亦當身在行間錢謙益序稱心躬填海力盡移山原軫之歸元如生雲雲之斷指猶動而小腆紀年亦稱喬生擁舊卒爲復仇計觀此可證

又按鄺露嶠雅趙夫人歌序稱勸成棟歸明者爲趙氏廣陵人他書則云松江張氏蓋皆爲陳文忠諱也當以小腆紀年所載爲得其實惟稱喬生爲子壯子誤

勝一

四

弟懷年黎邦城歐主遇俱見此錄中黃聖年字逢永號傭石南海人萬曆戊午舉人當陽教諭徐棻字木之後改名榮南海人諸生歐必元字子建順德人歲貢生僧通岸字智海歙山和尚書記以歐主遇憶南園八子詩考之四人皆未及甲申而卒黃季恆不詳其名籍本末然主遇憶八子詩時云存者叔永喬生季恆中洲草堂集有贈黃季恆詩云秋江楓落雁聲繁去歲同君深夜論醉倚蠓蠓浮北極夢驚胡蝶化南園臨文每歎風雲事作賦能忘筆札恩不見柴桑故人久幾回煙水限桃源詳詩意則亦遺民也

又按中洲草堂集有贈表兄馮茂詩云與君爲兄弟異

姓復連枝君是大馮君生於吾有嬌虞帝南巡下韶石
天南家世斯輝赫言陪八伯共賡歌向爾商瞿先學易
學易精思還草玄賦成吾欲獻甘泉甘泉烽火來萬里
俄看荆棘上參天曉漏滴殘鳩鵲悲風吹斷脊令篇
脊令歌急孤鸞竄可憐親友皆星散伍胥祇合避蘆中
甯戚惟知愁夜半故舊淪亡有幾存中表行中君最尊
甘爲貧士終逃祿曾列諸生亦受恩傷心思過烏衣巷
遯跡難營白板門君年七十榮期似猶待華封祝男子
自言御婦比容成莫是安儲有園綺憶昔風流鄭舍人
雕龍繡虎負無倫世人妒才皆欲殺君與相歡兒女親
廣陵遺散成絕調山陽聞笛重沾巾端陽怨切靈均賦

勝一

五

酌酒同吟舍人句君持竹杖且須停雲過西山雨如注
詳詩意茂亦遺民也又中洲草堂集有與家明敬詩云
後於君學道實是愧稱兄巖岫有同適江湖嗟各行殊
勳閔料易俗事偶談清何故疏蹤跡騎牛獨到城又送
明敬游西湖詩云西湖清澈底觀海眼猶懸二月千花
浪三吳一葉船紅顏開藕際白業在鷗邊去去曠名得
鴟夷未足賢此明敬亦遺民逃於禪者今俱不可考獨
澹堂集翁山詩外並有送明敬詩

梁士濟子觀

梁士濟字遂良南海人天啟乙丑進士授奉新令調清江
邑極煩劇士濟政務清簡待士大夫有禮人不敢干以私

讞獄矜慎不苛識楊廷麟於諸生中後以文章忠節名海
內崇禎壬申以循良內召民號留爲停車三日擢江西道
御史轉浙江道癸酉巡按雲南丁父艱歸值閩寇劉香犯
內地總督熊文燦造訪士濟力拒撫議竟滅之丁丑復補
浙江道巡按四川時寇賊充斥士濟抵成都覈功罪除貪
墨革火耗寇遁民安脩漢昭烈君臣陵墓及杜甫浣花草
堂復命之日行李蕭然庚辰巡按北直隸鋤奄宦劾宗室
糾外戚不避強禦奉勅監軍山海關核將領籌兵餉值旱
蝗禱雨輒應壬午掌河南道侍經筵四疏乞休歸甲申國
變入西樵山居乙酉唐王立大學士何吾騶赴閩疏請召
里人黃士俊陳子壯同時張家玉亦再三疏薦士濟請勅

勝一

六

撫按疾催就道未赴而閩陷後屢晉高秩皆不起卒年七
十七著有橋臺城臺諸集按蜀巡畿疏草子觀字顯若貢
生鼎革後不復仕進初與父士濟隱西樵後移居順德邑
城構西山草堂吟詠其中不問世事梁佩蘭嘗過觀草堂
題詩云西山地僻成高隱手植青松過五山除却白雲來
往慣更無人跡到柴關觀善清談有晉人風嘗棕笠道衣
策杖出遊與陳恭尹交最契甲子草堂中池蓮忽花開紅
白各半自夏徂秋所發皆然恭尹爲賦詩以紀其異觀嘗
得今生畫松卷今生者晉江李氏女御史葛徵奇妾也南
都破徵奇殉難今生亦從死世罕知者觀爲之題跋萬餘
言以表其節所爲詩有晚唐佳致著有虛齋集

名山集六
瑩堂集獨

澹堂集詩房詩集海雲禪藻集廣東詩粹
粵東詩海廣州府志南海縣志順德縣志

按南海縣志稱士濟累晉高秩皆不起此當桂王時事
今不可考

楊邦翰 吳以連

楊邦翰南海人崇禎辛未進士初任溧水令省徭均賦能
愛民分校南閣號得士以績最擢工部郎中堂考有清操
練達之語授福州府知府值軍變開誠撫諭咸遵約束遷
廣西學使以養辭歸李成棟迎桂王都肇慶邦翰赴行在
以李元胤薦官太僕卿桂王西奔後歸里卒吳以連字泰
茹亦南海人崇禎丁丑進士授戶部主事督理易州保定
糧儲疏地方積弊釐剔一清繼督運山海關催輸有法軍

勝一

七

需克濟因條陳籌邊五策轉戶部員外郎自以耿介孤立
遂疏乞休隨以艱歸桂王時亦以李元胤薦官驗封司國
亡後不復出以遊覽吟詠自娛簪冠野服澹如也卒年七
十三著有西山四書鐸八卷易經闡微六卷行在陽秋小
典紀年廣州

府志南
海縣志

吳龍禎

吳龍禎字雲御南海人崇禎壬午舉人少篤儒行受業於
同邑劉士斗以忠孝廉節相砥礪士斗深器之每日此吾
門游楊也乙酉丙戌間粵東未入版圖龍禎見士習性誕
歎曰文風至此時事可知矣會寇盜充斥乃躬率鄉民爲
守禦計一方賴之李成棟迎桂王都肇慶以史官之員詰

勅多出中書欲歸其職於翰林已丑十二月開科取士龍

禎出預試與劉菴錢秉登等八人并特賜進士改庶吉士
旋授翰林院簡討桂王西奔乃歸隱金茹築勿庵因以自
號日與樵牧雜處常攜書踞泉石欣然樂之性博聞強記
暇則舉先朝典故與粵東舊俗恂恂然爲後生小子道至
老不倦屈大均嘗以詩壽龍禎云淵明居玉京子真隱梅
市義不慕長生所懷溝壑志又云先朝一耆舊天留有深
意須髮雖皤然精純若童稚其風概可想見已卒年八十
著有冷音閣集十卷勿庵史鈔七卷獨澹堂集翁山詩外
所知錄廣州府志南
海縣志

林逢春 鄭洪照

勝一

人

林逢春字孟育號木翁南海人生而穎悟年十二能文章
爲諸生二十餘年教授生徒數百人多所成就崇禎丙子
舉於鄉丁丑成進士出黃道周門除會稽令邑故繁劇難
理民奸吏猾逢春至人不敢欺均九湖患田之累調劑各
驛幫遞之勞民皆悅服以弗諧上官左遷汀州永定有流
寇數千逼城逢春集士民登陴擒其渠魁民賴以安當路
題叙擢常州癸未晉戶部主事轉員外遷池州知府未赴
抱病歸丙戌兵燹後隱龍山鄉一室僅蔽風雨門人復請
講學手不釋卷年七十三卒著有家乘識乘醫書詩韻蘭
陵鄞江諸集鄭洪照字遠台亦南海人天啟甲子舉人官
潮陽教授陞光山令調溧水革陋規釐積弊撫流亡設義

倉捕蝗易粟存活數萬鄰境饑民嘯聚觀山洪照單騎往
論咸投戈自責歲旱步禱雨輒至臺使力薦廉能丁內艱
歸邑士民建祠祀之甲申後杜門講學家徒壁立著有易
河圖解十卷年八十六卒阮通志南海縣志龍山鄉志

黃葵日

黃葵日字獻君南海人崇禎庚辰進士官大理寺評事唐
王立於閩張家玉疏薦葵日促赴行在並貽書敦勸就道
及家玉起兵戰死葵日輓以詩云天運靡常帝道傾危四
海鼎沸蹂躪東陲誰哉守土倒戈失旂吁嗟哲人陳抗六
師大廈將傾隻手難支酒血戰場千古男兒爾死有用我
生奚爲時桂王召爲兵科給事中未幾憂憤卒名山集九

勝一

九

黎春曦

黎春曦字梅映南海人崇禎癸酉舉人庚辰特賜進士授
武定州知州時中原鼎沸盜如蝟毛赴任者恆惴惴春曦
謂士人求科第非謀溫飽欲得百里以行所學耳盜賊何
處蔑有奚避焉遂慨然就道既蒞任值朝廷事搜括大吏
復喜苞苴春曦儒者性清廉與上官齟齬遂告歸歸後日
覩時艱多作爲詩歌以抒憤懣國亡不復出自以躬際滄
桑同鄉故舊朋好忠臣義士與國俱亡及嘉隆以來搢紳
大夫同里閭者其嘉言懿行不及時紀錄恐日久湮沒無
以爲後進法乃著九江鄉志五卷後卒於家馬統志序南海

縣志

崔千上

崔千上佚其名南海人登隆武乙酉鄉薦國亡後與王邦
畿吳獻隱於龍江邦畿詩有隱居樂朋好容易過年語
陳子升嘗同薛始亨過千上江館贈詩云墟頭賣漿至座
右勒銘新無使窮途淚闌干縷上塵干上與陳邦彥同榜
邦彥子恭尹每父事之平居恂恂不爲矯矯之節稜稜之
行當義利之交則侃侃然或勸之仕曰是非我所得爲也
生徒百人請南面爲師曰是我所得爲也當時遠近皆曰
崔先生忠信人云中洲草堂集獨漉堂集粵東詩海

勝一

十

蓋偶佚也

岑徵

岑徵字金紀號霍山南海人諸生貌端偉頰而長星目虬
髯讀書日誦萬言貫串羣籍童時卽善爲詩稍長喜任俠
談韜鈴占候之法年二十遭明鼎革棄儒冠與陳恭尹同
隱西樵山中每酒酣擊案切齒於失機誤國之儔引斷以
古今成敗仰天號歎至爲泣下已恭尹避地江楚徵亦繼
至泛三湘走金陵復北遊燕趙間屈大均送以詩云使氣
誰相讓紛紛俠少場休從勾踐博合與魯連飭日照漳河
白天連代草黃邯鄲饒鼓瑟知爾樂無方大陸沈秋雨長
河走暮雷龍地何處墊日月幾時迴嗚咽劉琨嘯悲涼庾

信才狗屠應得見燕市重徘徊生平遊覽過故宮戰壘英
豪遺跡多憑弔寄懷之作而不喜名譽每詩脫稿惟與二
三知己放聲雜誦十數徧即碎投狂瀾烈焰中故世鮮知
者嘗得戚將軍繼光手鑄劍拂拭帶之時或起舞作長歌
以感歎既因好遊耗其產則賣文授徒自給性方介不受
人憐終世坎壈弗悔其所交皆高僧野人非是弗顧也恭
尹晚年爲避禍計多與貴人酬答微諷之云可憐一代夷
齊志却認侯門作首陽其制行端方如此梁佩蘭稱其高
節在屈大均陳恭尹上徵歿三年其子索於耆舊門生得
詩百四十九首刻爲選選樓集其悲歌沈痛性情所注者
尙不與焉恭尹序謂其志節嶮巖爲狂瀾砥柱李朝鼎序

勝一

士

亦謂其方古逸民殆無二轍云黃河激撰傳翁山詩外獨
流堂集釋古梵李朝鼎選

選樓集序嶺海
詩鈔南海縣志

按獨漉堂集有西郊贈岑梵則詩云郊外新晴暮鐘歇
江引霞光動林樾浮邱丈人坐秋風玉兔冷冷照仙骨
自言夙昔值昇平快意遨遊正立髮千金買醉五羊城
匹馬獨行雙鳳闕老眼何曾看貴人壯心足使吞溟渤
而今萬事付兒孫寂寞荒邱采薇蕨惟有新詩似少年
夜夜高吟松下月又有西郊讌集同岑梵則張穆之家
中洲王說作高望公龐祖如梁藥亭梁顛若屈泰士屈
翁山時翁山歸自塞上詩又張穆鐵橋年譜有庚子秋
七月同岑梵則陳中洲王說作梁器圃何不偕梁顛若

陳元孝梁芝五集高望公西園旅舍詩此梵則蓋當時
遺民年齒亦尊故讌集賦詩叙列在諸人之上又僧函
是瞻堂詩集有過藍田訪岑梵則詩云何期當此日復
見老成人未亂先歸隱爲園及早春沙田將播種茅屋
絕無鄰借問生涯事年來欲慕真考藍田鄉在南海縣
扶南堡梵則蓋南海人疑岑徵長輩也南海縣志不載
其人今不能得其名籍本末附錄於此

又按選選樓集入禁書目

羅璟

羅璟字嗣垣號元公南海人幼有令譽十三補諸生性孝
友居喪哀毀盡禮與異母弟均產輒引取其下者國變後

勝一

三

奉母避地常正衣冠而居遇時輩貴人雖舊交絕不往來
聞仗節死義之士欣然曰丈夫當如是也居恆佗儻思有
所奮發以用其長以母老不敢決母喪既除而疾革拊牀
曰受七尺軀不敢自立鬱鬱與衆人同盡歎息久之而歿
子顯與陳恭尹遊恭尹爲誌其墓稱曰高士獨漉
堂集

朱厓

朱厓字遠公南海人生弱甚而有氣操於交友最篤遭亂
棄舉子業挾其技以遊無所遇常夜客帥幕武士四五人
相與論刀棒厓於月下聽久之謂曰此法未精當也四五
人顧見其文弱皆笑曰秀才何與刀槊閒事耶厓請與試
對執丈二棒於一隅立武士一人前盡其擊刺之術厓植

立不動視其所攻而徐應之意態甚閒而攻者終不得所欲匡俟其回旋急進足深紉之中其殿而仆匡笑謂四五人曰皆來四五人者忿執刀仗四面至匡進退左右不越尋丈而棒之所及四五人無不失仗呼伏者匡嘗爲陳恭尹論曰丈二棒而操其中前後餘各五六尺手動寸則末尺動尺則末丈而戰者常側身所備者縱七尺廣七寸耳故手上下左右不使過六七寸則力專而握固以拒則堅以擊則破昧者用力費而神搖是以敗蓋吾師云然亦兵法也匡嘗寓順德署中岑徵寄以詩云曼倩徒懷玩世情頻年蹤跡任飄萍一從荆楚淹王粲聞說臨叩重馬卿仙觀夜寒孤月影花田秋冷暮鴻聲思君不見空惆悵珠海

勝一

三

迢迢接鳳城夙工詩尤善白描人物得古意矜惜不輕與人並絕不肯爲時貴人作垂及時更精而世希得之年三十七卒陳子升哭以詩云絕技翻如不受身奄然朝露墜蕭晨癯形自合騎高鶴生態空歸畫美人世上名從蓮社記扇頭書作戴山珍平生拌得稱文弱遺嗣如何遺負薪後恭尹爲先友傳稱匡曰山人錄存其詩若干首

獨渡堂文集朱氏傳

賴鏡

賴鏡字孟容南海人少讀書增城白水山亦號白水山人遭亂後逃禪於萬壽寺工畫山水筆力遒勁氣格高凝時有彭滋者字伯時亦善山水性高簡不輕爲人作嘗有豪

貴奪其田曰爲我作畫卽歸汝陽滋唾之不爲畫卽棄其田當時鏡畫與滋並重皆稱一時高手鏡亦能詩著有素庵詩鈔

廣東新語粵東詩海嶺南叢述邠通志南海縣志

龐嘉耆

龐嘉耆字祖如南海人貢生曾祖嵩字振卿湛若水弟子其學能會通甘泉陽明二家之說世所稱彌唐之學者也彌唐鄉林木幽清風土敦朴甲申以後避亂擇鄰人以彌唐爲安土嘉耆復爲之居停陳邦彥起兵時其子恭尹年僅十七脫身走彌唐嘉耆匿之會增城湛粹遣僕迎恭尹藏其家複壁中遂得脫恭尹後過彌唐感舊贈嘉耆詩云他日誰青史當年易姓名門人思李固孤子託程嬰我愧

勝一

齒

前賢事君猶古道行白頭懷宿昔竟夕自霑纓嘉耆遭變後禮僧函是名今欲號若雲居士築易庵於彌唐聚禪者其中與之沈空守寂函是嘗示以詩云下得牀來事萬千日長倦去帶衣眠分明好箇真生活却倩旁人爲汝憐千生萬劫未曾乖癡愛因循枉自埋豎起丈夫眉目看聰明一副孰安排及三藩叛粵東盜賊復起陶璜方顯愷及梁佩蘭等復依嘉耆避地於彌唐嘉耆既自晦嘗詠冬泉以自况有欲煉神丹須爾就因函心史見人遲語屈大均少與嘉耆同學於陳邦彥嘉耆年五十大均贈詩云看君已過杖鄉年老大狂歌可似前殉國不隨師友蓋居家徒作父兄賢休同謝客貪成佛莫學龐公愛坐禪兒女聞庭看

漸長尙書多授伏生篇後大均過易庵稱嘉蓋家藏有白沙甘泉陽明及弼唐遺像與其禮如來諸相不若禮四先生衣冠蓋深慨其有託而逃云

獨鹿堂集翁山詩外文外廣東新語成驚紀夢編年

鄺日晉

鄺日晉字無傲一字檠庵南海人官總兵廣州破張家五起兵東莞日晉率所部爲之響應旋隸家玉部曲戰數有功晉都督同知國亡不復仕合肥龔鼎孳至粵訪之佛山贈詩云龍腹名原盛乾坤此種瓜玉壺釀晚市珠月吐晴花老愛看山杖狂銷犯斗槎招攜春草在湖海跡非賒嘗一至京師寓同里程可則家及歸可則送以詩有知君學

勝一

孟

道晚逾堅語後禮道獨和尙削髮爲僧名函又字安老復捨其菴園爲禪林招道獨之徒函是爲主社函是感而留題云右軍第宅今猶在晉室山河久已湮已而菴園英石假山爲勢家奪去日晉詩以送之不與較晚踰嶺北游爲九疑尊宿著有楚游稿菴園集

名山集定山堂集海日堂集晴堂集粵東詩海嶺海詩鈔海雲禪

詩鈔海雲禪

黎延祖

弟彭祖同族啟明

黎延祖字方回番禺人恩貢生父遂球天啟丁卯舉人崇禎末詔授兵部職方司主事乙酉監督廣東兵赴贛城破與弟遂琪俱力戰死贈兵部尙書諡忠愍明史有傳延祖小名長雄少聰敏遂球次江西時憶之有大兒始讀書問

義生波瀾句遂球死難蔭錫衣衛指揮僉事國亡與弟彭祖并隱居不仕自以屯難煩仍株守食貧恐無以揚先烈因開闢至吳乞墓銘於遂球房師李模又以兵燹後贛之五忠祠及廣州仁厚里專祠皆廢因改建於板橋鄉之菴園塑像以祀并重建蓮鬚閣藏其遺書一夕與陳恭尹醉宿大忠祠中恭尹言庚寅廣州一屠竹帛與生靈俱燼番禺黎氏自韶山侍御前峰京兆及瑤石昆弟高士父子洞石美周兩先生集俱版籍無存因爲之涕下乃搜求先世詩文片言隻字購若重寶積二十年合之遂球蓮鬚閣集凡得十有九人屬恭尹選刊之爲番禺黎氏存詩彙選所爲詩樸茂真摯新城王士正祭告南海慕其名訪之爲序

勝一

六

其瓜圃小草及士正北歸延祖送以詩云駐蓋便尋遺逸士懷鉛還問舊孤忠相逢一賞猗蘭操不覺哀絃在嬰桐時以爲延祖高致士正愛才兩賢之後禮僧函是於雷峯名今延字達公號禺海遺民晚歸耕羅浮恭尹送以詩云先世詩篇刻已成羅浮歸去好躬耕知君幽意無終極更向丹厓自勒銘豐齋從來理必均况於取義與成仁舍生已是前人事應付長生與後人彭祖字務光歲貢生小名石官英發岐疑下筆成章遂球亦有詩憶之云石官入塾名彭祖愛爾聰明每好奇定是能剛徑邊竹不教搖動損花枝所爲詩富於才思多曠達之旨著有醕曜堂集時恭尹負才名與延祖兄弟感傷家烈多懷楚之音談者以爲

粵風一變海盜查繼佐至粵訪金堡於雷峯因得交延祖兄弟並歎以爲好學篤行之士云同族啟明字晦生喜談論尙風節遠球既遇難啟明無意當世盡散其家產父老逼之婚新婦入室炳爛相對危坐達旦而逃已丑爲僧於雷峯名今墮早卒

蓮鬚閣集獨漉堂集粵東詩海嶺海詩鈔阮通志番禺縣志

按嶺海詩鈔云延祖師事空隱者誤

又按蓮鬚閣集卷首延祖跋稱禺海七十遺民獨漉堂集有祝黎方回詩云柳菽宜武園皆抱柏近王哀樹已枯酌酒壽君還自笑一般霜雪各頭顱是延祖壽過七十以外也獨漉堂集番禺黎氏詩彙選序云十年來務光捐館而方回遂能輯先生全集而刻之據此是彭祖

勝一

七

先延祖卒特其卒年俱不可攷耳

施焜然子雄基

施焜然字孺朗番禺人始祖滿從廖永忠朱亮祖征粵以功授廣州前衛指揮世襲祖津授明威將軍父元樞諸生生子八人焜然第四生而敦篤好學不倦爲邑中名諸生冠桂王再都肇慶任焜然爲將命守石門庚寅正月大兵克清遠二月朔師次石門焜然列艦拒戰大兵焚其舟遂潰歸先是崇禎末六弟燦然從從兄指揮使炯然與從五弟煜然解礮餉至山東河南以勤事死永曆初二從兄諸生焜然六從弟煥然同爲桂王護駕將軍後爲益陽王軍前副將皆以殉難死及焜然敗退廣州被圍五弟副

總兵焜然分守西城十閩月城陷巷戰死家男婦十餘人

從焉子祚基五歲以哭父死從子廷基以城陷被俘不屈死成基後從李定國還粵死七弟焜然旋亦以羈旅死焜然哀痛在心自以家世勲衛受國恩深思所以雪家讐國恥者不可得居常悒悒不欲生時生母鍾尙存乃棄諸生與妻邵奉母隱於順德之龍江自稱番禺遺民妻亦辟纒春汲同潔膳羞以養歷十餘年無須臾離膝下子雄基早爲諸生焜然命勿應試癸卯焜然卒年四十八臨終囑葬於母墓側雄基悉遵父命時稱爲孝焉

翁山文外南海百詠續編番禺縣志

按焜然墓在廣州小北門外臘茶坑駐防禁封有詩云世爵應同國始終全家就烈幾人同荒阡嶽嶽餘生氣

勝一

大

風馬雲幢降鬼雄注云同邑王孝廉爲墓誌碑久缺泐其銘詞盛傳於世然所載銘詞見翁山文外非王作也

劉師雄梁與臺

劉師雄字沛叔番禺人黎遂球姊子少有勇力能敵數十人喜孫吳兵法以遊擊隨遂球援贛州授參將會水師敗遂球偕師雄入贛身冒矢石督發鐵銃火器目不交睫凡數閱月城陷遂球巷戰脇中三矢墜馬死師雄被執不屈已而乘間脫歸隱雷峯陳恭尹贈詩云章貢千峯裏當年羽檄飛死生從舅氏辛苦脫重圍馬骨招無日虬鬚拔漸稀白頭持壽酒莫道不沾衣卒年八十六梁與臺字彥閣亦番禺人生而俊偉膽略過人由廣督守備歷官至應天

都督同知福王時軍糧乏令與臺轉餉以濟南京破走福州唐王授官保督練水師福州陷隨唐王弟聿錫入廣州授中府僉書時與臺從子朝鐘亦以擁立功授祭酒廣州破朝鐘赴池水鄰人救之甦敵兵入室朝鐘大罵被三刃死事見明史蘇觀生傳與臺慨然曰姪得死所矣復走事桂王已而見時事不可為憂傷成疾庚寅卒於軍番禺縣志

羅賓王

羅賓王字季作番禺人萬曆乙卯舉人性倜儻舉進士不得意遂就選為南昌同知值徵兵入援當事相顧不肯發賓王挺然誓死訣別妻子以身任之頓撫解兵符以佩賓王即日涉湖浮江走朱仙鎮有詔班師乃歸賓王嘗思殺

勝一

九

身報國同列忌之因拂衣回里與里人會起莘黎遂球梁朝鐘陳學佺博羅韓宗駭俱以高才好談當世務見時事日非禮僧道獨有出家之志會國變黎梁抗節死丁亥張家玉起兵東莞時博羅韓如琰亦糾合同志為恢復計賓王為草倡義勤王揭及家玉如琰俱死大帥捕賓王及其子縶下獄賓王不屈意氣益厲作為詩歌多憤激之詞其哭陳子壯詩云忠魂莫便朝天去還有重門待命臣哭黃湘卿諸義士詩云餘生漫後須與死泣向西風孰可論一夕傳有令勒使自裁守宰者將賓王嚴禁待命賓王因篝燈草囑并封所著古書付其子縶續成一律云傳是將軍令重牢擊柝頻暫時猶父子今夜盡君臣待命聽殘漏封

書謝古人離魂將有去珍重勿迷津後大帥感其節釋之先是起莘為僧名函是居雷峯賓王在獄寄道獨及函是詩有年來長下獄不愧獄中燈此地人誰到懷師道益增語既免遂棲隱禪林參禮道獨名函駱字思唐及卒函是以詩哭之云別子方三月倏然成古人誰知昔日諾空結再生因俠骨終難副詩情孤絕鄰窮交看欲盡橫酒獨沾巾著有散木堂集獄中草初粵秀山前甲第相望豪華冶麗冠於天南賓王罷官歸於芳草街為園居築堂名哭斯人以爲誕及兵燹後張穆訪賓王園居積草牧羊不辨故處忽破垣聞聲知賓王尚在低語太息而去已諸第宅改為大營遺構胥盡人謂其先見云黎遂球散木堂集序靜志居詩話晴堂詩集張

勝一

辛

鐵橋年譜海雲禪藻集嶺海詩鈔粵東詩海廣州府志番禺縣志
按黃湘卿諸義士蓋乙酉起兵殉節死者今不可考

屈士燦弟士煌

屈士燦字賁士一字白園番禺人明初元帥府總護仲舒其祖也元末盜起招勇壯練之東莞何真假以名號用制其鄉里一方以安高祖一釐嘉靖戊子舉人父驥崇禎庚午武舉士燦聰敏能文年十九舉隆武乙酉鄉薦永曆初粵中兵四起士燦方居父憂乃破產與弟士煌衰絰從軍初入羅浮糾合十三營壯士得數千人與赴張家玉師未至而家玉戰敗陳邦彥攻廣州不克走清遠死守數致書士燦使為應邦彥被俘臨難賦絕命詞有還同屈子俱沈

句士燦曰此識也安知吾異日不爲陳公績耶戊子春李成棟迎桂王都肇慶士燦上時務疏授中書舍人奉命還娶再上疏請執及先死弗許庚寅春南雄破桂王走梧州士燦與弟士煌適歸欲援省會拮据數月始成一旅守將江甯伯杜永和忌之分其兵戍石門廣州再破走匿西樵甲午李定國陷高雷廉士燦移家羅浮與弟間道赴軍至則定國以攻新會失利還黔矣進退無計乃入化州西山時靖氛將軍鄧耀屯欽州海中之龍門島親駕艤艘迎之島中所集通播臣有兩郡王一巡撫六部監司知府以下凡數十人每會讌士燦年少居末座然有大議必顧問士燦知無不言東結凌海將軍陳奇策之援西解漳平伯周

勝一

圭

金湯之關近連交趾屬國遠約延平水軍皆至計也旋聞定國從桂王入雲南諸人使士煌齋表先行而士燦則從交平特摩州入既至上書指陳利害語侵執政及孫可望時議遷士燦諫垣畏其多言乃轉禮部儀制司主事於是兵部侍郎冷孟錕少詹楊在都給事齊環太僕卿蔡鍊侍讀汪蛟言士燦九死一生與弱弟間走交南匍匐詣闕而官秩未稱非所以獎勵瘁臣不報後以士燦充雲南同考試官得士景同春等六人將典試四川未果行而可望稱兵犯闕其黨有保國公王尙禮者驕橫無人臣禮士燦疏糾之尙禮大怒將遣健兒爲不利武靖侯王國璽力解之得免士燦爲人纖柔謹愿然不畏強禦人笑其迂而定國

頗重之時鄭成功將進封延平王朝議遣士燦往實遠之也定國不許明年轉員外郎掌儀制司印定國性苛細慮諸道督學貪墨每出校士遣一都司隨行謂之監試士燦言其非體罷之長至節瑞昌王與內江王爭列盛氣至署責掾吏士燦出曰蜀王太祖十一子寧王之兄玉牒具在王今欲亂之耶因上言喪亂之餘舊日天潢存者無幾自當勉親親不宜自起干戈以貽國戚會宗藩某王薨子幼不能自立士燦請命吉藩收養教誨俟長襲封於是宗人府建議凡諸宗孤莞無告者悉歸吉藩議出宗人感焉凡暑象六月而雲南破桂王走永昌百官倉卒隨幸士燦與士煌晝夜兼行至楚雄士燦病甚伏山寺中度追王不

勝一

圭

及遂東歸後聞桂王遇難哭殞地咯血不止因得疾乙卯遂卒年四十九著有容臺疏鈔顯晦草食薇草士煌字泰士二字鐵井年十六補諸生與兄士燦往來陳子壯軍中圖義旅相犄角李定國之撤兵還黔也士煌方聘妻蘇不及娶卽與士燦西入滇徒步瘴鄉艱辛萬狀旣致命因上書引宋陳亮故事陳三大計六要務且極言可望之惡授兵部司務試職方司主事及可望平諸臣以覃恩晉階兄弟爲撰誥命及謝表日不暇給已而留守漢陽王馬進忠棄貴陽走士煌憤恚上章數其失律棄城不戰三罪不報雲南破還家母劉尙存相持慟哭而所聘妻蘇已鬱邑死矣同產五人兄士燦弟士煜士灼士熿皆賢而有文先後

卒獨士煌奉母匿跡山村以筆墨代耕稼及聞桂王之變
鬚髮皓白容顏枯瘁望之如七八十歲人乙丑母年已八
十餘士煌竟先母歿年五十六翁山文外詩外粵東詩海
南海百詠續編阮通志香

按鄧燿陳奇策皆粵人其起兵歷年最久死事亦烈當
時目爲海賊故殉節錄不之及其實忠義也茲采撮諸
書爲之傳附錄於此以見一斑

鄧燿不詳何郡縣人永曆初起兵海上庚寅正月進據
龍門島島在欽州南海中東界合浦西界交趾爲欽廉
門戶羣山錯落七十有二欽江諸水隨山而轉彼此相
通亦七十二徑而注於海時宗室鎮國將軍朱統鑿海

勝一

三

北道周騰鳳先後入廉州俱與燿相應援桂王因授燿
爲靖氛將軍統蓋字梅園蓋藩石城王端隱王之裔騰
鳳廉州人拔貢生官河南知縣陞蘇州府知府以艱歸
唐王時起知漳州未赴桂王立於肇慶因命爲海北道
辛卯 大兵克高州提督李明忠敗走逃於龍門吳江
張孝起時爲高雷廉瓊四府巡撫未至四府已陷亦入
廉州山中依燿於龍門癸巳正月 大兵復至廉州騰
鳳及其下曾仲宏黃履俱不屈死甲午二月燿進據欽
州收其丁牛船龜魚課山場田穀等稅設快馬船於州
江之石灘東西二江之長坡截斷行人復取其學宮銅
器千五百餘舫鑄礮島中會屈士燦士煌兄弟欲赴李

定國軍定國以攻新會敗去乃轉入化州燿聞遣舟迎
至島中時諸遺臣在島者有兩郡王一巡撫六部監司
知府以下凡數十人土燦爲燿畫策西解周金湯之關
東結陳奇策之援近連交趾屬國遠約延平水軍燿及
諸遺臣皆以爲至計金湯者蒲田武進士以全桂林功
封漳平伯時據石城與燿有違言自解釋後燿遂與金
湯相結復約海陵島李常榮等同圖粵西是年六月統
鑿敗走靈山被殺麾下謝天封等葬之縣東北三里烏
江橋嶺丙申定國扈桂王入雲南燿及諸遺臣因使士
燦兄弟齎表問道往滇丁酉正月燿以衆攻欽州城不
克戊戌五月十六日彗星殞龍門人謂燿將亡之兆平

勝一

三

南王以高廉多警燿及金湯常榮俱潛通鄭成功往來
南甸招納流亡燿復入占海康庚子命總兵張國勛等
進討至海陵島常榮降金湯進戰被擒其下王懋德黃
確鄭球俱赴闕死孝起亦被執七日不食死 大兵進
攻龍門島燿出搏戰 大兵五路合擊燿大敗浮屍滿
海走交趾 大兵躡之交夷亦發兵逆擊被殺無算燿
復走廣西入土司被擒於千隆山寺死之嶺海由是無
用桂王年號者然燿麾下楊彥迪等率餘衆走投成功
踰年復據龍門島康熙二十年彥迪爲其黨王進所殺
乃克蕩平二十三年龍門島遂設爲重鎮郵諭考東華
全錄明季南

略小腆紀年風隴翁山文外南海百
詠續編高州府志廉州府志欽州志

陳奇策新宜文村人永樂丁亥起兵新會據江門與虎賁將軍王興相犄角李成棟遣沙遠勉撤奇聖招撫奇策斬之桂王授凌海將軍庚寅平靖二藩圍廣州五月奇策率戰艦百餘艘隨督師何吾鵬往援至三水張月白北會平藩遣副將吳進功迎戰奇策等登陸列陣敗績浮水遁還及廣州陷霍達芳走文村下川間奇策與興分舟師數百人使往來海上爲游兵時大學士郭之奇出守樂民所爲奇策聲援甲午八月平藩遣總兵蓋一鵬攻江門奇策斬之乙未九月復與馮士驤出沒雷廉海中斬敵將劉良卿後入粵西據南寧太平思恩等府已亥與江夏王知府姬昭並爲大兵所擒害陳子

勝一

三五

升哀以詩云滿城人看將軍死絳履寬衣 慨行戈折肯孤迴日志印留堪對伏波名 羶裘近血甘當濺 魑魅逢魂必盡驚一木不支誠足恨 滾煙高閣後人成 王興恩平人後據文村力盡闔室自焚死 釋史撫遺西南紀事俱有傳 霍達芳字懿誠南海人 諸生初從陳邦彥起兵爲中軍授兵部司務 旣投奇策三載間戰多奇績一日單舸護棧於四沙 猝遇邏舟驚其存髮執之平藩鞠之不語姓名以家有老母也 問曰降乎三搖其首遂遇

害東華全錄諡卹考平南王元功垂範行在陽秋西南紀事嚴野集中洲集新益縣志

屈大均

屈大均原名紹隆字翁山又字介子番禺人屈姓世居沙

亭鄉其祖多壽人曾叔祖起鵬字圖南崇禎壬午年八十五猶赴省闈國變後始棄諸生隱居教授或著高齒屐遊行田間著野語十四卷年九十八卒父宜遇幼寄養於南海邵氏家精醫理廣州破乃返沙亭大均少從陳邦彥學邦彥殉節死遂棄諸生永歷初赴肇慶行在上中興六大典書大學士王化澄疏薦將官以中秘會父疾遽歸已丑父歿大均削髮爲僧事函昱於雷峯名今種字一靈又字騷餘名所居曰死庵復取永歷錢一枚以黃絲繫之貯以黃錦囊佩肘腋間以示不忘時亂後士多蜚遞大均因與同里諸子爲西園詩社丁酉秀水朱彝尊至粵與大均最契歸則持其詩徧傳吳下名大起丙申踰嶺北遊入越讀

勝一

三五

書和氏寓山園不下樓者五月旋復遊吳謁孝陵吳越間名士俱從之遊其至諸寺刹則據上坐爲徒衆說法時年不過三十也又數年返於儒丙午遊秦隴與秦中名士富平李因篤爲友作華嶽百韻詩因篤驚服先是榆林衛有王壯猷者乙酉秋建義旗於園林驛以應郭雄麗久之戰敗不肯降投城下而死一子殉焉餘一女養於侯某家侯託其妻弟代州守將趙彝鼎爲求壻彝鼎以因篤言愛大均才遂以妻之大均喜甚因字王曰華姜自字曰華夫性寡儻不羈自代州攜妻出雁門歷雲中上谷走馬射生縱博飲酒人嘲笑之不顧也遂復遊京師謁長陵及以下諸陵旋下吳會自金陵返粵已酉秋抵里華姜旋病死哭之

哀爲悼亡詩數十章辛亥復娶於黎黎喜禪自稱綠眉道人能詩會吳三桂叛以蓄髮復衣冠號召天下時有說其立明後者甲寅乙卯大均遂往來楚粵軍中後知其無成丙辰春謝事歸歸而妻黎亦死己未復奉母黃與側室陳及子避地江南又欲留居於贛入翠微山中與易堂諸子相講習未幾側室及子俱死遂歸自國亡後諸遺佚多扞文網大均忽釋忽儒又喜任俠往來荆楚吳越燕齊秦晉之鄉遺墟廢壘靡不躡涕過之而矚然自拔於塵墟之表陳子升爲屈道人歌稱以猶龍老子上元龔賢則云龍章鳳姿輝映南海而寧都魏世倣又謂關尹子云蛟蛟而已不能爲龍亦不能爲魚爲蝦爲蛤惟龍則能之大均蓋進

勝一

七

於是云晚築祖香園中爲騷聖堂祀屈原以宋玉景差配自以屈氏本三閭苗裔園中草木又皆先祖三閭之遺香故因以爲名吳興祚督粵欲疏薦之大均婉謝曰家有老母豈能違朝夕之養况所著諸書未竟余之筆硯未可輟也性至孝每出遊念母則歸省母病割股以療母年九十歿廬於墓側踰三年丙子大均亦卒年六十七生平好易研極於理數之微自言嘗欲以易爲詩顛倒日月鼓舞雷風奔五嶽而走四瀆使天地萬物皆聽命於吾筆端神化其情鬼變其狀神出乎無聲鬼入乎無臭以與造物者遊於不測其才化學亦與之俱化故其爲詩原本三閭自王逸以下多屏不觀南昌王猷定言大均賦質既超選材亦

別餘子在人海和酬獨能拔地作空中語嘉興繆永謀言詩有俚語入顧炎武筆輒典詩有庸語入屈大均手便超新城王士正亦言大均詩如太白所云咳唾落九天隨風生珠玉當時海內宗工哲匠無不斂衽歎服比於有唐名家至仿效之目爲翁山派所爲文學博詞沛有發而不能禦之勢著有九歌草堂集寅卯軍中集道援堂集後集之爲文外十七卷詩外十七卷附騷屑詞二卷他著有易外四書補注兼考廣東新語登華山記廣東文選其四朝成仁錄一書表章盡節諸臣尤有裨世教翁山文外廣東新士集獨澹堂集潘耒廣語序黃廷璋詩外序明詩綜朝詩別裁粵東詩海嶺海詩鈔文獻徵存錄余秋室集嶺南叢述禁書目

勝一

夫

按大均所著各書俱入禁書目又按翁山文外繼室黎孺人行略云甲寅春予從軍於楚又云方是時予建義始安爲某大將軍監督漢土官兵進取敵人聞之又將不利於予家又云丙辰春二月予謝事歸方服冠帶拜親孺人強起陪拜又伯兄白圃先生墓表云乙卯正月伯兄終時予方以廣西按察司副司監督安遠大將軍軍於桂林未及撫棺盡哀丙辰四月謝事歸攷甲寅爲康熙十三年時吳三桂叛寇湖南所謂從軍於楚者從三桂軍於湖南也聖武記云康熙十三年二月孫延齡降於吳三桂招致土寇參以舊軍分設五鎮騷擾遠近所云爲某大將軍監督漢土官

兵進取者監督孫延齡軍也東華錄云康熙十三年五月尙可喜奏孫延齡叛自稱安遠大將軍證以白園墓表所云知卽延齡時大均受吳三桂署官爲按察司副司也大均聞變卽起不擇主而事此真洛邑之頑民然四王合傳稱時有說三桂立明後者意大均必預其間聖武記云三桂於康熙十七年戊午卽帝位改元昭武大均丙辰春卽謝事歸殆以其不立明後有僭竊之意知其必敗歟

又按翁山文外有鄧先生壽序云予之姑夫鄧宜嘉先生者中歲遭亂棄諸生隱於占候卜築閒先生平生所行絕似司馬季主今年己未八十有一鄉人以先生高

勝一

完

節且善易欲得予文以爲壽此宜嘉亦當時遺民今名籍未詳

王邦畿子集

王邦畿字誠齋番禺人副貢生舉隆武乙酉鄉薦廣州擁立紹武以薦官御史邦畿少以詩鳴其感傷時事一寓之於詩丙戌十二月李成棟破廣州邦畿作詩云朔風瘦林木長陌動煙塵草野知今日飄然愧古人此心空有淚對面向誰陳厭看城邊柳春來葉又新逾二年大饑邦畿感時作戊子歌激切近變雅及桂王復都肇慶邦畿與陳恭尹寓肇一年時朝臣樹黨由廣西至者自恃舊臣每詆廣東人邦畿作詩託諷云白簡朱衣曉漏催平明春色御門

開不知輦下承恩者誰從鑿輿入楚來及桂林傾覆邦畿遁歸乃避地於順德之龍江後禮僧函是於雷峯名今吼字說作居羅浮西樵間函是雖提持祖道然不廢詩士之能詩者多至焉時金堡亦事函是爲僧名今釋詩文極富皆推邦畿爲第一手堡亦謂憤悱抗激每見邦畿詩輒自失也邦畿嘗賦癸巳雜詩以託微見遠覽者悲其志迨桂王從亡諸臣死於緬甸壬寅四月吳三桂復害王雲南邦畿感傷家國欲泣不敢欲默不能乃爲秋懷八章以寄哀思其序云歲紀壬寅權歸白帝金烏落羽桂樹不華暗露成聲明河莫挽痛仙人之長往憂蓬島之云頽以此感懷於焉不寐如何永歎遂有長篇其詩仿義山無題纏綿悱

勝一

手

惻非身其際者莫知比興之由蓋邦畿工於白晦故刻滅文字以避禍患時同里屈大均爲西園詩社有舉鄺露詩貴聲律語者邦畿論詩則謂必斂華就實如果孰霜紅甘美在中悅目不足而適口有餘乃爲可貴常熟錢謙益稱邦畿詩以爲學殖富意匠深雲浮朏流別出於嶺南諸子間新城王士正亦謂邦畿詩如雲低滄海樹潮上夕陽城曙色寒山外秋風古渡前殊近錢劉寧都魏禮至粵與邦畿遊其歸也邦畿以詩送之序未有并遺桃花洞裏薇蕨山中鑑我性情知人名字語及卒禮以詩悼之云生年六十老柴荆州府從來絕送迎留得孤魂歸侍帝近聞一子竟爲僧詩名祇博墳前草筆札惟餘紙上情他日重尋鬼

驛寓夜潮空打尉陀城鬼驛那幾寓處也時梁佩蘭為輓詩五章有幾人泉下路似汝世閒賢地關詞人塚天沈處士星語又陳恭尹為祭文有早賓於王多士眉目天工人代雲章玉軸時移步改振纓濯足語皆痛惋甚至著有耳鳴集一卷自序謂十年前不復存十年以後不敢存其或託微詞以自見亦自聽之人不得而聽之也故曰耳鳴云子隼號蒲衣七歲能詩邦畿既甘隱常誨隼曰若作衣裳爾時佩若種澗松爾其歲春毋時俗以為雷同春毋唯諾以為取容谷口之鄭南郡之徐斯人哉斯人哉振古豈易得隼曰謹受命隼早年亦志栖遁父歿年二十餘即棄家入丹霞禮函是為僧名古翼字輔墨未幾入居匡廬太

勝一

三

乙峯與熊燕西遊詩歌唱酬甚樂燕西者即所稱豫章王孫也久之隼復返於儒結深廬於西山之麓者二十年其地與屈大均沙亭咫尺旦夕相從復相與講求理學又為隱士冠寬衣博帶每至城郭人爭物色之妻潘通史漢諸書樂貧偕隱字之曰孟齋有女瑤湘亦能詩得故人李恕之子仁遂妻之隼性嗜音能自度新曲作崑山腔以寄其意仁倚而和之瑤湘吹洞簫以赴節每雨關人靜聲發深廬中里人側耳遠聽不敢近懼其近而輒止也尤善琵琶窘即彈之琵琶聲益急則窘益甚妻弟聞之遺十金不顧而彈益切俄而聞使者及粵大吏先後饋至合五百金乃舍琵琶召賓客大作歲事分濟貧親友金緣手盡率以為

常未幾而琵琶聲復作矣年四十餘妻死以先人產付長子攜幼子別居納徐女為側室教以琵琶陳恭尹題其卷有曰琵琶妙手王摩詰不買鸞膠續斷琴欲其不忘孟齋也隼愛而常誦之年五十七卒同人私謚清逸隼賦才奇麗所為詩與梁佩蘭屈大均陳恭尹並稱大家王士正嘗稱為廣州英妙又歎以為才士其無題七言律百章麗而不越於則所言不過男女而忠臣愛國之思溢於言外著有大樗堂集七卷外集一卷琵琶楔子一卷詩經正訛嶺南詩紀嶺南三大家詩選梳山七書錢謙益今釋耳鳴集序列朝詩傳源流詩話皇華紀聞北歸志 國朝詩別裁魏季子集廣東文獻四集廣東新語楚庭碑珠嶺海詩鈔嶺南叢書卷二山合志羊城古鈔王鳴雷大樗堂集序翁山詩文外獨曉堂集大樗堂集粵東詩海阮通志番禺縣志

勝一

三

按耳鳴集大樗堂集梳山贈言嶺南三大家詩選俱入禁書目又按錢澄之所知錄云粵東以反正叙官者滿朝列惟從蘇觀生擁立唐藩者禁錮不用然其中亦有賢者皆從此廢謂之紹武一案邦畿寓肇不詳何官疑亦因紹武一案不甚顯也

王鳴雷

王鳴雷字震生號東村番禺人父者輔字汝珩歲貢生勤學好古事母以孝聞鳴雷聰慧早知名隆武乙酉以五經舉鄉試廣州擁立授中書舍人城破後與羅賓王俱下獄父聞之喜曰吾兒得死所矣既得釋乃踰嶺北遊燕趙往

來吳楚歸而自題所居曰窮室爲醉鄉侯傳以寄意爲人
虬鬚犀首恂恂似不能言遇几榻黝然熟寢好果餌伸手
求索若穉子至有所著述終夜立黑地中倚柱吟思比曉
不肯休蟲蚋嗜肌膚不少避壯夫不若也嘗學於梁朝鐘
爲文有師法奇古奧勁讀之澀口似戰國諸子其祭寵文
佶屈如汲冢書必三復再索始解生平著書等身無語言
不妙天下庚寅平靖二藩再破廣州屠戮甚慘居民幾無
嗙類浮屠真脩曾受紫衣之賜號紫衣僧者募役購薪聚
齋於東門外焚之累骸燼成阜行人於二三里外望如積
雪因築大坎瘞焉表曰共塚鳴雷爲文祭之云嗚呼一治
一亂維天有道一死一生維人有數在昔尉陀南土翼翼

勝一

三

迄於盧循降割邦域殺人盈城屍填溝洫甲申更姓七年
討殛何辜生民再遭六極血濺天街螻蟻聚食飢烏啄腸
飛上城北北風牛溲堆積髑髏或如寶塔或如山邱便房
已朽項門未枯欲奪其妻先殺其夫男多於女野火模糊
羸老就戮少者爲奴老多於少野火輓轡五行共盡無智
無愚無貴無賤同爲一區豈無同姓鬼食嫌疑生妻在傍
冥漠未知兒尙襁褓母已生離骨無人收兒在背飢亦有
弱婦倉卒入房暮昏晨別未拜姑嫜斷肌委塵粉骨埋香
生不相見良友巾幗如何墓門不遠咫尺嗟乎悲哉浩浩
黃雲瀟瀟暮雨誰斂魂魄而聚比戶野狐鄰穴野葵塞路
崢嶸荒墟白楊衰草大小號呼同歸鄉土回首西天勿生

劫道江南庾信傷心作賦因而大招夫甯無禱乃招曰欲
開兮天門蕪城荒兮隴樹寒有年月兮無瓦棺誰之哀兮
露漫漫往復兮新曠未乾狹茲窳窳兮相安文出遠近傳
誦焉詩純乎中唐錢劉韓王諸家得風人之旨朱彝尊王
士正至粵俱推重之著有續易林上下經二卷從蒙子語
錄一卷東村講學錄二卷王中秘文集十卷空雪樓詩集
七卷大雁堂集獨渡堂集粵東詩海嶺海詩鈔羊
城古鈔南海百詠續編番禺縣志

方國驊

子顧愷梁啟運

方國驊字楚卿一字騎田番禺人隆武乙酉舉人少孤貧
治經過目成誦爲文日萬言如湧泉語及忠孝大節則裂
皆奮臂以此知名海內士大夫爭與之遊或命子弟執北

勝一

三

面禮甲申國變慨然有澄清志嘗北面慟哭不與聞賊戴
天李成棟迎桂王都肇慶國驊赴行在以薦授翰林院庶
吉士旋以母老告歸歸後桂王西奔乃隱於黃花塘畔率
兒輩躬耕築草亭名曰祝豐嘗作祝豐亭示兒詩有笑看
于招者猶是采薪人語國驊與陳邦彥爲同年友赴行在
時又與恭尹爲同官恭尹嘗寄詩云羚羊峽裏憶同船江
水盈盈十五年漢業不安分鼎地楚臣誰定勝人天思尊
酒客歸鄉井攀柏孤兒守墓田三十無成慚父友報書惟
有一潸然晚杜門教授從之遊者數百人其教子顧愷則
勉以耕稼課以詩書期以忠孝不及汲於名利復自銘其
堂曰學守世稱學守先生年六十二卒著有學守堂集顧

愷字趾慶生時母夢老僧入室嘗謂之曰汝從僧來當從僧去少聰慧有神童號稍長督力過人以任俠自許舉重扛鼎運槊試劍莫敢誰何性嫉惡父與客言某相奸某相貪某相庸鄙以致喪亂則聞而心憤之己丑廣東復為明時年十三出就試補諸生及平靖二藩入廣州辛卯督學李頴傲諸生不到試者以叛逆論頴愷誓死不赴既而不試者眾頴除其籍令學校諸生作西山採薇文以送之頴愷頗自喜自是閉戶讀書淹貫羣籍家貧藉館穀力耕以養及父與祖母歿哀毀盡禮丙午尚之信叛復衣冠時頴愷年四十喜曰吾得見先人地下矣踰年之信降遂削髮為僧然未有師也會石洞離幻覺和尚至乃受法名光鷲

勝一

蓋

字跡刪號東樵後從平陽祖派易名成鷲始與石洞躬耕羅浮相與遊戲翰墨以文字作佛事及石洞臨歿乃舉靈雲桃花公案問曰自從一見桃花後直至于今永不疑且道如何是靈雲不疑處頴愷應聲曰可笑靈雲不作家眼花錯認是桃花原來咫尺天台路滿地殘紅總是它石洞為首肯已往來諸方禪林為之主席一時名公鉅卿多與往還然道範高峻與貴人遊談禪外公私一無所及先是頴愷為僧時母尚在因託其友陶璜等十二人月為代養年五十九母歿聞計徒跣歸里竊念佛法出家兒不喪其親然吾盡吾性伸吾情購得而禁之撫靈三踊絕而復甦饋粥苦出一遵儒禮葬日負土築墳痛哭而後別俗僧笑

之弗恤也所著述皆古詩歌雜文無語錄偈頌氣同時僧人罕出其右浙西陳元龍稱為墨名而儒行襄城李來章則謂其以大通為西山抄化為薇蕨然怨尤之氣悲憤之思斬然不見於筆端非通權達變樂天知命者未易得此頴愷晚掩關大通古寺故來章云然壬寅年八十六卒著有咸陟堂文集十七卷詩集十五卷詩文續集三卷鹿湖近草四卷楞嚴經直指十卷金剛經直說一卷道德經直說二卷注莊子內篇一卷鼎湖山志八卷梁啟運字文震亦番禺人萬歷副貢生與國驊善以女妻頴愷啟運少寓波羅嗜讀兵法律歷之書與袁崇煥相往還又嘗與黎遂球有恢復明祚之志後知事不可為築水雲別墅隱居不出歿時以別墅施僧今番禺北亭水雲寺是也雅善鼓琴其寫竹與梁元柱皆稱一時高手咸陟堂集紀夢編年廣東新語禮山園集嶺南五朝詩選粵東詩海嶺南詩鈔國朝詩別裁嶺南叢述波羅外紀阮通志番禺縣志

勝一

素

按頴愷為方殿元從弟其題東華姪詩文集云我年十三舉博士自誇逸足能先驅須臾九天改玉步儒冠高挂歸田廬又云兄方及第兩出宰廿年不調思歸歟我年四十八入山去終老不材如大樗殊塗同轍各有以蓋棺事定當何如蓋自託於遺逸不以殿元應舉入仕為然者李來章稱其怨尤悲憤不露筆端然如君馬行紹武陵等篇愴懷君國亦未嘗不欲歛歛絕也又按咸陟堂集為林載說自壽文云載說老人早棄章

終晚甘韋布與室人黃氏子隱於龍山之陽末云始吾與載說少而就傅同出入也長爲諸生同銳進也中遭鼎革挂儒冠謝場屋同勇退也退而耕硯朝傳經暮稽古同學業也此載說蓋當時遺民又壽張愚公文云當明之季有虎賁王將軍者以烈士數千人棲於海島守田橫之義愚公與焉斯時也收其餘燼尙克有濟愚公則拂衣而起請以黃冠歸里末云昔先府君在永厯行在與虎賁同北面晚節歸隱常爲子言虎賁殉節之詳與愚公智勇之大略竊以英雄許之惜其退步之速也此愚公亦當時遺民今名籍俱不可考又按咸陟堂集入禁書目

陶璜

勝一

毛

陶璜字握山一字補子番禺人諸生七世祖魯官湖廣左布政使兼廣東按察副使領嶺西道事人稱三廣公明史有傳父翼宸亦諸生璜生而端凝十歲能文章廣州破從父走鄉落遇大風覆舟父溺死璜自舵後得出乃更字苦子已棄諸生奉母陳避地儆舍凡十數徙所至掃一室設書史香茗旦夕寢處其中性孤僻嗜吟咏雖在囂塵閒持筆瞪目注思若罔聞見家本世宦市邸之利幾甲一郡庚寅園地不獲有尺寸璜以爲此皆國賜國亡則家毀義當如是無幾微怨尤色家廟在廣州城中經亂爲兵所居璜別建於西郊高原率宗族歲時祭享新會有三廣公坊將

類又竭資新之及廣州撤藩民復舊業璜先業爲人所隱上片紙可得璜恥與較置弗問也自奉儉薄妻孥亦藿食見友人急難及有閉關志者有所積悉以資之或別貨以應終未嘗一向人言世謂璜體中三反儉嗇而好施懦緩而勇於義喜著述而不以立名而不知其中固有在也居平考究古今得失山川險易及風俗人材升降盛衰之故娓娓辨論輒數夕不休當事仰其才欲見之終不可得嘗寓居北田與何衡何絳陳恭尹梁璉講論於寒塘草亭間時稱北田五子甯都魏禮兩至粵與語無閒晨夕歸述於南昌彭士望士望贈序稱恭尹尙不免爲人訾訾璜獨超然毀譽之外母歿後更挈妻孥入窮山中數年而後返嘗

勝一

毛

取陶靖節慨獨在子之語以慨獨名其齋著有慨獨齋詩集二卷己巳卒年五十三初璜祖幼岳在時濂泉寺僧道安常募化其家一日僧登樹摘果墜而傷肩及足其師以藥傅之辭曰吾往生陶家矣語畢而絕黎明師往語以故幼岳曰然哉昨夕昏時吾見僧趨而入呼之不應而孫兒生斯其是也因言新生兒肩有紅痣而一足屈師曰足屈所傷也痣紅所傳藥也歸爲直僧足而葬之遂愈恭尹言璜生平猶有僧習然潔身獨行遜世无悶則可謂高士也

詩

陳恭尹撰行狀彭躬庵文集魏季子文集魏昭士文集廣州遊覽小志文獻徵存錄 國朝詩別裁粵東詩海嶺南按粵東詩海有兩陶苦子一名璜番禺人一名竄順德

人張維屏詩人徵略及番禺縣志則謂爲一人攷之他書璜與焄俱三廣公後世陰指揮蓋璜居順德北田因易名焄也詩海偶未之攷耳

馮挺衡

馮挺衡初名國柱字鼎臣番禺人萬曆己酉舉人知善化縣縣附郭崇禎十年臨藍礦賊數萬攻城卻之以功資金幣時盜賊日熾挺衡增城堡浚池墜繕器械練義勇甚有經畫四攝長沙縣事偏撫陳睿謨力薦之調江西奉新以寇警不待符下嚴限赴官奉新兵荒民逃挺衡設法招徠流移復業勦除劇盜李宿十等蒞任三月民歌之北都傾覆文憲不至遂去官唐王時起授工部主事株守冷曹積

勝一

堯

俸陞轉而已後桂王走桂林挺衡遜跡龍巖年七十餘乃

卒番禺縣志

黃鶴仙

黃鶴仙字友松一字鍊庵先福建人萬曆間隨祖入籍番禺崇禎庚午舉人庚辰成進士初授豐城令歷官至雲南道御史廣州破妻盧爲亂軍所脅大罵曰吾命婦豈受辱乎遂投水死國亡後鶴仙自稱柱下遺史嘗作自述詩云飄零何處曳長裾短鬢星星霜雪餘入世不須悲失馬出門何事歎無車人非彭澤辭酒學逐龍門漫著書回首春明驚夢斷梅花幾樹已成廬又作詩示諸孫云我有良田人不見一經相繼更何求同里潘雲衢與鶴仙同舉於

鄉雲衢子楛元本其父義例爲廣州鄉賢傳鶴仙序之云士君子生於世得志則殊勛偉績不得志則氣節文章所趨不同原其心皆欲不朽蓋自寓也所著有東園草堂稿

廣東詩粹粵東詩海廣州鄉賢傳
大清一統志阮通志番禺縣志

按翁山文外某公壽序稱丁卯遺老黃鶴仙年八十五丁卯爲康熙二十六年鶴仙是時尚存

梁殿華

梁殿華字弼臣番禺人崇禎壬午舉人癸未乙榜殿華與僧函是函可最契南都立殿華北上函是諷以詩云天上只今已如此丈夫出處倍相關時危不可徒干祿親老何妨暫住山後殿華禮函是爲居士屢徵不起函可聞之懷

勝一

學

以詩云曾尋彌勒許同龕分手人間便不堪一木自難支大厦三徵終不就華簪雲山已破家何在心膽還餘面莫慙數畝荒塘天悔禍尙期攜竹共雙柑已而殿華度嶺欲往濬陽訊函可以病阻白門不能赴因寄以書及詩函可次韻答之云驚傳一紙到濬陽舊園樓臺種白楊我友盡亡惟汝在而師更苦復子傷孤舟卧老長干月破衲披殘大漠霜共是異鄉生死隔秋風吹淚不成行兩度書來僧正眠石頭仍繫孝廉船交情尙擬還鄉曲病骨先殘出塞前舊閣遺經難可問覆巢餘卵更誰憐幸留花雨沾新塚始信雷峯別有天晴堂詩集千甫詩
集阮通志選舉表按詳函可答詩意殿華蓋即卒於白門

謝長文 同族凌霄

謝長文字伯子一字雪航番禺人歲貢生少善舉子業間
箋疏義能詩古文詞與同里黎遂球相契遂球父密嘗謂
遂球善步伯也武陳子壯子升兄弟與遂球開南園社長
文與焉嘗和遂球黃牡丹詩十首名曰南園花信詩又嘗
築小圃名花城遂球題詩云一城如彈綠苔環可有鶯雛
為抱關落葉自成紅字押葳蕤不減皂衣頰閒看酒政侵
花事敵作棋圍戰竹闌笑我却如催權使醉來時折一枝
還以屢試不售就教職遂球序其游草歎以為盛王之世
詩多窮人後補郎陽知縣方行而賊已陷楚會國變福王
立於南都長文上下大江求復補一令自效聞母憂乃歸

勝一

聖

廣州擁戴授戶部主事遷員外郎廣州破不復出嘗作詩
云我聞精衛鳥銜木填滄海一切至誠心畢生期不改雖
然功不就肝膽具精采海水竭無期我懷宛長在宇宙有
變遷此心自危殆所患願力微中情為廢餒秉此終古心
海水終見底未幾遂禮僧函是名今悟字了聞函是喜其
人山贈詩有頻經禍亂君能老暫閱窮愁詩亦傳語初隱
居雷峯之海雲寺後居丹霞復居香山攬溪子升以長文
久游不歸憶之以詩一日長文自香山見過復喜作云曾
趨建禮共鳴珂一落丹霞髮已皓月滿千山惟獨悟花藏
二徑忽相過池邊命酒觀王鮪石上題詩拂女蘿歸去登
臨空海嶠君家還有幾羊何長文詩五律尤工梁善長嘗

稱其詩中有畫著有乙巳詩藁雪航藁秋水藁同族凌霄

性倜儻善談諧舉止清適詩文皆有奇思遭亂亦棄諸生
癸巳皈函是菴染為僧名今白字大牛與長文同居海雲
寺長文贈詩云上人吾宗彥靜念參神諦恆憶舊須眉乃
在端溪歲一旦解儒冠竟續空王裔託鉢煙海曲挂錫香
河滋了此出世心一往無留滯後居匡廬一夕行乞即次
端坐而逝 蓮巖閣集 詩堂詩集中 洲草堂集 海雲禪藁集
廣東詩粹 粵東詩海 粵臺徵雅錄 嶺海詩鈔 阮
通志番
周縣志
按梁佩蘭六堂堂集有贈謝可南詩云我觀張子房仕
漢為報仇四皓居商山儼然巢許傳一旦出安漢乃為
後世差不似子房去學赤松子脫身但願求封留君不

勝一

聖

見梅福託跡吳市成高蹈逢萌一往海上不回顧焦先
辭詔更深隱司馬入山無所慕人生歲月如跳丸今日
為新昨為故縱使生成廊廟百尺材不若放浪江湖五
石瓠古來磨鏡稱潔身賣漿亦是英雄人竹實青琅玕
松柏蒼龍鱗卧壑任霜雪生意隨陽春天造草昧雲雷
屯行藏何地非經綸君家住扶桑海大小虎門在其
背日月出入無內外手劖珊瑚作釣竿釣得白龍常不
愛忽然海水飛萬里洪濤奔帝江舞千戚朱鷺游天根
君也消盤沐浴臨星辰冰車電馬同一塵蒼狗浮雲終
不變天地清甯立時見鐵笛橫吹出夜漁香泥新啄巢
江燕士女銀鈎扣銅鼓井里酒甯設芳甸君也白髮如

五

銀絲養成反覺同嬰兒人疑草創大還藥天子玉角仙人姿龍蔥之竹柱爲杖澆滂之鳥真能騎中庭之樹復何有的樂瓊藥連細枝翩翾么鳳繞樹底中有金鳩騰天池今辰何辰夕何夕銀河天上成空碧鈎月斜生學上弦雙星暗度歡同匹紅樓處處墜蜘蛛赤岸紛紛吟蟋蟀世人此時盡乞巧我不乞巧獨乞拙從來質樸多勝文一有聰明掩其德惟君之生協其吉南極朱鳥南宮星權衡昭灼三光廷太微之前稱第一少微處士垂星經豈無盧鴻草堂誇捷徑終南地軸行當平華陽山館構勾曲此人姓字留金庭君近羅浮軒轅宅道士倘有遺黃精太乙古初運元氣北斗酌漿流玉炁仙樂何

勝一

望

曾在四廂天酒那論沙糖味市橋水漲高屋樓請君更築芙蓉一十二我從朝臺一望之湖中製得紅蓮衣扁舟入門訪君陳一卮與君漢陰同息機此謝可南亦當時遺民市橋鄉屬番禺與虎門相近蓋隱於是地其本末未詳不審與長文同族否附錄於此

黃元祥

黃元祥佚其名番禺人崇禎間貢生廣州擁立以薦授推官桂王時復官中秘亂後閉戶城隅不出以經學教子若孫年七十餘視聽不衰燕居無事輒爲諸孫寫細書動盈篋衍日夕與妻李諷詠古詩圍棋彈琴相樂也僧成鷲嘗贈以詩云高歌飲酒須盛年四座未醉翁醜然請與吾翁

論經濟少壯粗疏老微細始知識力相乘除外邊不足中有餘顛毛豁盡齒牙脫胸中饒有真詩書詩書不是空文字風雨晦冥皆正氣萬古端州一片雲逼塞孤臣方寸地五羊城邊垂釣翁曾識西方隆準公穆天去後無消息惟留八駿長嘶風風高大野秋光早散誕天開隨水草產得龍駒腹有文取次驚騰慰衰老老翁事事不如人止有耳目聞見新逢場笑倒笑還起撲折一角林宗巾問翁笑笑胡爾爲欲語不語人知稀女子不嫁嫁已畢於陵竊鉄蹠采薇江河日下長如此河水待清人壽幾分明記得少陵詩眼中之人吾老矣所著有碧山草堂文集翁山文外 咸陟堂集

彭孟陽子好

勝一

蜀

彭孟陽本名日貞號穩心道人番禺人父德馨萬曆甲午舉人官漳州同知孟陽早補諸生與郡中賢豪長者遊陳子壯放歸時主盟詞壇孟陽與黎遂球梁朝鐘王邦畿諸人以文藝相角逐子壯皆引重之時廣州校書張喬字二喬工詩子壯脩南園詩社時喬每侍筆墨年十九病垂危孟陽以數百金贖之附於千金市駿骨之義及死爲悼詩百首名曰惻惻吟塋之白雲山麓梅花劫復集諸名士下至緇黃各爲詩一章植花一本以表之號曰花冢復夏喬詩及諸人弔喬詩爲蓮香集其好事如此然平居氣節自許每感憤時事慷慨欲從戎遂球題蓮香集云忠臣孝子無非離情之至憶數年前子與孟陽作走馬章臺戲子固

已解結索拖弓弩彭子亦慧劍疾揮威弧奮振駭激於懷
乃留得斷腸詩為張麗人傳在麗人生為漢豔死不汚於
風塵所為以聲色蠱媚人而至於忘國家之大難者俱不
任其咎至若彭子一片熱恨已足為君父用子所以望彭
子出而運忠孝大節遂球蓋以此激勵孟陽孟陽亦告喬
墓有折衝之志已而贛州破遂球殉節廣州擁戴議起孟
陽知其無成遂歸隱鍾山不復出子針字崑玉甫九歲日
念大母即從蒼頭行數十里往省人咸異之未冠補諸生
有文名中隆武乙酉舉人鼎革後隱居教授其學以明體
達用為主父病衣不解帶凡六閱月夜率兩弟露禱願以
身代父病愈人以為孝感後禮函是於雷峯名今傳字當

勝一

聖

來年六十一卒臨歿呼子弟語以學諸子哭輒止之曰吾
返吾真耳痛何為因口占紹尼山之心學用舍隨時悟葱
嶺之真詮去來何著四語而絕為文善於論議明白深粹
長洲吳翌鳳嘗采其文入文徵著有世紀史鈔五傳彙鈔
諸史彙鈔古今樂部及夢草堂文集十一卷翁山文外薈
雅錄二山合志 國朝
文徵阮通志番禺縣志

凌民鑰 凌王 謝

凌民鑰字兆平一字點蒼番禺人歲貢生官連平州學正
署州事遭國變遂棄官歸嘗作出門歎一篇於崇禎朝野
大勢透關言之幾於太息流涕後鬱悒以終著有宦溪詩
草凌王弼字藩之亦番禺人南海籍諸生國亡棄去號太

虛散人學者稱潛玄先生程可則自京貽書勸之仕王弼
答詩云神堯稱則天巢許尚風操漢世羅英賢綺黃自高
蹈惟士各有志非必明倨傲退豈耽沈淪進或戒輕躁時
以為諸遺老中所養較遠云粵東詩海嶺海詩
鈔聽松廬詩話

潘雲衢 弟雲街 謝獎

潘雲衢字燕雲番禺人祖梧師事湛若水若水喜之曰是
所謂言坊行表者士生豈不貴特操哉因字之曰太操年
八十卒雲衢少穎異受學於梧梧器之曰是兒他日當不
負詒厥比長肆力於古旁通天文輿地讖緯之術崇禎庚
午舉於鄉數上公車所與遊皆海內名士廣州擁立授僉
事監江粵軍雲衢知時事不可為力辭不受廣州破偕弟

勝一

異

雲街入羅定隱靈陽雲際山中講業學者稱為醉餘先生
未幾卒雲衢常撰廣州鄉賢傳未成子棣元續輯之其義
例一本雲衢手定云謝獎字居載亦番禺人少能文弱冠
應童子試郡守解立敬首拔之天啟甲子崇禎癸丑丙子
三登副榜問業者常數百人性孝友儉約飲食器用如簞
人子後見紹武與永厯爭立積憂成疾不浹旬卒黃鶴仙
賢傳序廣東文獻
二集番禺縣志

趙焯夫

趙焯夫字裕子番禺人少以詩名梁元柱以疏劾魏闖歸
與焯夫遊黎遂球歐必元李雲龍梁夢陽戴柱梁木公輩
重開訶林淨社焯夫與焉又與謝長文韓宗駭相友善工

花卉當時稱為高手遭亂後嘗作春望詩云寒食蕭條野
望陰一枝筇竹日行吟出塵笑我煙霞骨逝水還誰日月
心薇蕨長時知雨足鷓鴣啼處怨山深連年烽火何時息
殘燒而今尚滿林時宗駮為僧名函可謫瀋陽聞長文焯
夫尚在賦詩云少小論交四十秋驚聞二老足風流長安
市上韓康伯術嶽峯前李鄴侯陵谷已移貧未改親朋欲
盡咏難休白雲舊社時來往定話冰天老比丘焯夫所著
有草亭稿粵東詩海嶺海詩鈔廣州鄉賢傳嶺南叢述蓮鬚閣集千山詩集阮通志

按獨漉堂集有祭趙意子文云君國家一老諸生耳屬
世休明君未嘗與之同榮及運鍾窮剝君棄儒冠盛年
自廢行吟憂鬱一若與之同悴者又不獨是朋友道喪

勝一

罕

於偽而君日敦其誠未俗尚巧而君益安其拙舉國爭
利而君益嗜其貧方天之未定而行不偶時宜其不久
淹人世也不然以君之強骨壯氣貞固靜篤法皆宜壽
豈其僅及六十而遂止哉獨漉又有贈趙意子詩意子
當卽裕子

黃登

黃登字俊升一字積庵番禺人好學工詩善鼓琴國亡後
隱居不試築南軒亦非亭與屈大均陶璜鄭日晉羅謙相
往還時稱高士大均嘗過登賦贈云一室城南小幽人自
有餘花乘三月食菓待一秋書詩句先年老禪心入夜虛
我來分嘯傲每至暮鐘初登嘗輯嶺南詩選前後集四十

卷歷代嘉言十餘卷晚開黃村探梅詩社延梁佩蘭主衡
社詩黃村去番禺東郊三十里居人多環山植梅待子熟
以收其利至是以花時見賞於騷人遂為韻事著有見堂
詩草大均序以為善詩者多隱居之士黃子一室獨居蕭
然無營故詩日以深遠云四庫提要翁山文外詩外六堂集粵東詩海粵臺徵雅錄

羅謙 郝瑗

羅謙字仲牧番禺人善琴喜為詩國亡後晦迹龍溪以布
衣老世稱龍溪高士時同里布衣郝瑗亦隱龍溪與謙唱
和陳恭尹屈大均鄭日晉輩時與謙遊晚移家車陂恭尹
送以詩有陂上家家好清溪帶綠筠近聞詩社裏添汝白
頭人語嘉魚熊開元後為僧號檠庵和尚嘗過禪山謙訪

勝一

罕

之贈詩云野舸乘潮一問津秋山秋水更宜人間來重約
三千日閱去浮生八十春支遁定中鐘磬寂維摩行處雨
花新相憐往事難追憶正好優悠了此身著有蔗餘稿瑗
字瑗卿號龍溪逸叟著有淇園詩草粵東詩海

按翁山詩外有羅翁八十有五善琴詩以贈之詩云橫
琴復何事老向七絃中髮是先朝白顏非故國紅蠲愁
花有力養壽酒無功為我彈神化泠泠松下風此羅翁
卽謙蓋高壽也

潘响嘯 兄秉彝弟慶存慶餘秉彝子漢生

潘响嘯番禺人與兄秉彝弟慶存慶餘俱同母生遭國變
偕隱不出所居口陂頭鄉去屈大均沙亭二里許大均嘗

從岫巖遊岫巖爲談隆慶萬歷間事酒酣耳熱感激家國
亂離主憂臣辱之故則相與愴然而悲及桂王殂於雲南
時秉彝年九十二岫巖年八十九慶存年八十七慶餘年
八十一其族人以聞有司表其閭曰一門四皓世稱之日
四潘翁已而有司欲請於上官昇四翁頂帶爲壽官三翁
聞之掩耳走岫巖翁則謂其族人曰急爲我辭我兄弟四
人生於我穆宗神宗光宗熹宗威宗思宗紹宗至於永歷
大行皇帝八朝於茲矣幸而不死爲有明之遺民以老遂
福於八朝之先君甚厚今一旦覲然頂帶爲異朝壽官舉
予兄弟九十八十餘年爲八朝先君深仁厚澤之所培養
者而盡棄之吾兄弟其忍乎哉大均聞之歎以爲四翁高

勝一

吳

節漢四皓所不及云岫巖翁魁梧豪爽善飲啖意氣豁如
大均嘗贈之鶴頂杯并祝以詩有金應收駿骨珠莫買蛾
眉况此飛仙物堪娛綺皓姿語三翁則醅樸恭謹恂恂若
孺子不出戶庭吟嘯自樂其後秉彝九十八岫巖九十六
慶存八十九慶餘八十八乃卒秉彝子漢生隱於醫年七
十大均贈以詩云野老能思漢心懸建武年長生待光
復大耋見曾玄藥得長桑秘林多杏子解鄉園相接近來
往興翩翩翁山文
外詩外

李成憲

李成憲字正甫番禺人性孤介倜儻有雄略早爲諸生未
有所知名父卓卿先故廣州破其母復及於難乃髡首戴

笠自名今日僧字雪牀出遊江楚間無所遇客於新安愛
零丁山居焉零丁山者南海之島嶼浮沒波濤中悲涼寥
落文天祥所謂零丁洋裏歎零丁者也成憲既痛家國之
禍東身孤旅寄食於漁者遇哀至則拊心澆酒放聲曼歌
歌文天祥正氣篇歌已而哭哭已復歌欲投洋死既又自
念吾布衣之士耳與其死於父何如生於君死於父則無
子生於君則有臣尙可以致吾命而遂吾志乃復棄僧歸
里性好獨坐一室深閉人不知其所爲竊窺之每一削髮
輒嗚咽以紙錢包裹具衣冠上山焚去問之則曰吾欲還
之父母也全歸之未能故傷之耳所爲詩多刻厲悽惋之
音如云身當病後哀歌短家自亡來骨肉輕多病一身堪

勝一

李

久客故園諸弟尙重圍夜夜哀魂同夢父年年孤影愧稱
兄皆哀猿喚鶴不堪入耳詩成時時自焚其橐人或物色
之與坐終日不交一語行城市中遇人不爲禮縮兩手襟
袖間或反揖所同行者曰吾自爲公禮彼無與也惟與東
莞張家珍善時客其家家珍有送成憲還零丁山詩云靖
康一買釣魚船牢落零丁有幾年今夜暫同燈下酒明朝
相望島中天山深麋鹿依宏景海闊魚龍傍魯連莫歎無
成當此日從來正氣本山川及家珍卒哭極哀旣而曰吾
亦不久矣踰年病歿於零丁山年三十七龔文吉以詩弔
之云洋口零丁對夕暉此中遊者古今稀文山丞相無窮
淚東海魯連何處歸友人集其詩梓之曰零丁山人集陳恭

尹零丁山人傳廣東新語寒木樓遺草廣
東詩粹嶺海詩鈔粵東詩海番禺縣志

按李成憲廣東文選作李正字正甫蓋壹人而前後異
名其僧名今日亦禮僧函是也

會起霖 會暉 麥侗

會起霖字湛師番禺人諸生從兄起莘字宅師崇禎癸酉
舉人已卯禮僧道獨於廬山削髮受具名函是世所稱天
然和尚者也起霖幼聰敏長放達任俠形短而神奕奕遭
亂後一夕豪飲與友人訣曰今日盡此杯中物明日索我
於金輪峰頂矣人咸未信起霖先遣其妻祝髮密製衣襖
分散書帙作詩留別社中諸子云十年浪跡事俱非會向
煙霞洞壑歸瓢笠不辭行路澀琴書長與故人違鹿門妻

勝一

奎

子皈空盡陽羨田廬舉手揮此去東林勝猶在白蓮依舊
賞心稀遂潛附商舸入廬山求函是脫白名今音字梵音
乙未在棲賢登具後歿於羅浮華首臺著有古鏡遺稿一
卷曾暉字自昭起莘族姪少為名諸生有至行篤於友誼
研窮儒者之學規行矩步皆有準繩廣州再破室廬妻子
陷於危城子身漂寓深自晦匿無復有人世意嘗作招隱
詩云昔者荷篠子沮溺相因依豈不惜賢達殊路安可希
南澗有蘋藻北山唯蕨薇晏歸做廬策杖任所之於是
入雷峯結茅屋與友人麥侗閉關三年年四十函是返雷
峯遂受戒為僧名今沼字鐵機生平於書無所不覽善行
楷詩長於古體尤工駢麗之辭夙與羅賓王鄺露陳恭尹

輩遊嘗過友人和其憶季作湛若二公詩云念舊劍猶在

歡新蓋偶傾遨遊同所仰言笑隔平生勁骨終摧土清詞
竟蹈兵因君數疇昔余亦淚縱橫又嘗與恭尹宿廣朗洞
贈詩云自予識陳君慷慨懷酸悽未擬去鄉曲聊復依卑
棲及暉為僧恭尹寄詩云自得傳心印年來出院稀苦吟
詩體瘦蔬食病身肥地靜風吹竹池涼水濺衣空江相憶
處白鳥夕東飛晚居東莞芥庵一夕而卒年四十六著有
鐵機集侗字之六亦番禺人諸生後禮函是名今立字具
三未幾亦卒函是悼以詩云早年避亂投泉石因病辭家
渡海雲白社尚存居士筆青山添作苾芻墳淚零松阜新
霜露夢繞蘿龕舊見聞借汝再來吾已老不堪孤雁唳斜

勝一

奎

噍海雲禪藻集晴堂詩集獨
鹿堂集阮通志花縣志

按翁山詩外有贈九江曾丈詩云九江臨海日山色似
朝霞歲晏餘三秀林深有一家早收多雁膳春養亦魚
花不覺成高隱清霜滿鬢華暮年悲老驥千里豈無心
劍有仇人字詩多猛虎吟蘭蛾常八熟松子已三尋愛
我還朱槿枝枝拂玉琴又粵東詩海載有岑徵送曾澹
只先輩館端州詩云想到崧臺淚暗零背人開匣撫青
萍當春別酒休辭醉入夜鳴笳不可聽腸斷子山應作
賦心違劉向且傳經銅駝一夜荆榛雨寒食端州草又
青此九江曾丈及曾澹只亦當時遺民今不可考附錄
於此

陳虬起 麥向高

陳虬起字智莊番禺人諸生靜默寡言與物無忤少從蕭奕輔梁祐遠黎邦城區懷年等結社於芳草精舍感傷時事抑鬱之氣時露於唱和間後曾起莘李雲龍韓宗駭倡道於羅賓王散木堂虬起朝夕往還時聞緒論起莘旋削髮為僧名函是居雷峯及廣州破虬起棄諸生丙申入雷峯依函是以居士充書狀戊戌遂落受具名今傲字敬人時函是高足今壁字仞千東莞温氏子也為函是第四法嗣虬起年六十今壁壽以詩云短髮長眉一衲輕古榕深屋老閒情不知歲月歸何處聊共雲山樂此生白晝聽潮滄海遠中宵看月草堂清一千七百無今日人世猶傳

勝一

三

賈掌名後卒於雷峯詩草經亂遺失今不傳同里麥向高亦諸生遭世亂隱居山野不入城市教授生徒自給先是向高季弟事函是為僧名今辨字樂說因以書招向高論以生死大事向高遂脫白衣緇同事函是名今鷲字慧則性坦率不隨人俯仰後亦歸雷峯卒 海雲禪藻集楚庭稗珠番禺縣志

王瑯 子鎮遠謝秋

王瑯字澹子番禺人諸生乙酉徵召不赴瑯與黎遂球朱學熙友善及遂球學熙殉節死瑯有登樓北望憶遂球學熙詩云登樓酌酒不成歡城角宵哀百感攢江月豈堪頻北照嶺雲誰復向南看歸猿立樹啼窮驛落雁衝寒咽占灘何處悲哀同日暮西風愁入路漫漫後禮僧函是於雷

峯名今葉號開五居士茸野樗亭為終隱計著有龜雨樓

野樗堂稿子鎮遠字虎拜能詩甘隱春日破塵諸法侶過集野樗亭瑯命賦詩云避地相逢無故客谿橋過訪有閒僧門前雨冷青苔積堂上春深白葉增麥飯行餐慚季琰竹根跌坐說南能飄零莫訝巢鳥少半入禪棲戀佛燈後亦禮函是名古若字若蓮謝秋字惟秉亦番禺人諸生與方國驊交最密國變後國驊不仕秋亦甘隱國驊子顛愷贈秋詩有莫更覓知音斲鼻今無質莫待濁河清龍門流汨汨語後禮函是於雷峯名今秋字鄰門與函是及諸法侶相酬和及卒函是弟子古檜挽以詩云柳市高眠七十春英才俊望樂清貧著書空抱干雲志運甓終為不仕身

勝一

三

山徑舊遊苔跡在吟軒初冷月痕新如君世上堪嗟少况是東林白社人著有螺室詩集箕山草堂稿 海雲禪藻集東詩海嶺南五朝詩選阮通志番禺縣志

萬氏子 李氏子

萬氏子佚其名番禺人父諸生以株連坐繫禁卒拒弗使進飲食萬給卒書金券得再飽俟尹出遮道大哭尹愕然憐其稚小乃問狀判牒取釋萬曰遲則必斃尹喻意立出之禁卒歎曰吾乃為孺子賣性聰敏豪宕不羈郡邑校士有旨籍應試者糾眾首擊之廣州破貧不能自存以本儒家子涉末流負名義戊子年十六遂事函是為僧利所入以私養父母因名今無字阿字初以貧廢學年十九隨函

是入匡廬中途遭疾垂死夢神人授藥拉覺乃甦從此思
如涌泉博通三教諸耆宿皆遜之初博羅韓日續子宗駮
與函是同人道名函可坐事戍藩陽函是命萬往訪之徒
步萬里函可一見深器重焉住藩三年渡遼海歸復遊奇
甸遣兵變有欲假渠魁以中之者其黨忽就擒得免萬既
遭國變嘗作拜三忠祠詩以寓意云窮匡極海拜名祠萬
古山河又一時波浪獨深臣子淚死生唯有老僧知魚龍
國冷人如夢鳥鵲枝危月亦悲最是不堪投弔草乾坤若
箇哭男兒其論參禪也曰有本因於無繁亦從約長日會
理融百途鞭過敵成兩仍本儒家窮理工夫不專靠了悟
後開法海幢創建大利一時法席交遊之盛不減晦堂大

勝一

壽

慧面如滿月舌能覆鼻人以博山懸記謂為再來遂為函
是第一法嗣萬與平南王善平藩為建海幢天王殿其福
晉舒氏建大殿總兵許爾顯巡撫劉秉權建二殿及後閣
山門先是平靖兩藩營邸宅咨請部示懇照王貝勒制式
用琉璃甍瓦後奉部駁瓦成遂布施諸寺故海幢局式宏
廓甲於嶺南萬住海幢十二年癸丑請藏入北過山東聞
變復回海幢辛酉年四十九卒著有光宣臺集二十五卷
同里李氏子亦佚其名先世多以儒顯李生而穎悟過目
成誦族黨以大器期之年十八遭時鼎革歎曰世事如此
不出家奚待年二十結束辭親禮以爲長老於東莞廣慧
庵薙髮爲僧名一機字圓捷後入鼎湖謁棲壑和尚受具

足戒棲壑名道邱字離際順德柯氏子慈山法嗣鼎湖開
山祖也李初與同里樊應元遊鼎湖作詩云萬絲難放下
放下卽僧身綠水爲良伴青山是故人但教知自重何處
不稱真此卽桃源洞由來堪避秦後作山居詩云媿難羣
眾壑孤德歎無鄰闐寂潛幽鳥疏慵稱懶人睡高三丈日
坐老一閒身莫問滄桑變桃花亦笑秦晚於鼎湖慶雲寺
西北營一室顏曰芻廬遂終老焉戊子年七十九卒著有
塗鴉集阿字禪師語錄楚庭稗珠海雲禪藻集二山合志
嶺南詩鈔粵東詩海李朝鼎圖捷和尚塔志銘咸
勝堂集鼎湖山志
阮通志番禺縣志

按光宣臺集入禁書目

勝一

壽

陳恭尹

陳恭尹字元孝晚號獨漉子順德人父邦彥福王時以鄉舉徵拜兵部職方司主事擢給事中廣州破起兵拒戰力困被執不屈死贈兵部尚書諡忠愍 國朝賜諡忠烈明史有傳邦彥四子恭尹居長幼承庭訓習聞忠孝大節年十二喪母十五補諸生邦彥之起兵也終養甲掩捕其妾何及恭尹弟和尹虞尹於肇慶以招邦彥不屈皆被殺弟馨尹亦死亂軍中時恭尹年十七脫身走彌唐父友增城湛粹義士也遣奴操舟密迎恭尹至新塘有迹之者復急走泥子灣田舍中知縣徐士賡疑匿粹所執粹下獄粹賄

勝二

以千金事得解乃藏恭尹於其家之複壁李成棟復為明迎桂王都肇慶恭尹出複壁上疏陳父殉難狀司封索紙筆費千金恭尹不與因贈邦彥太僕卿蔭一子讀書國學南昌饒元璜以卹典不稱疏請申前旨下部議常德潘應斗夜夢畫圖上有雲氣五色一老人指謂曰此給諫陳公血也醒異之覆疏上得加贈諡蔭恭尹錦衣衛指揮僉事廣州再破恭尹避兵西樵築幾樓於寒濠洞念國破君亡輒失聲慟哭思以身殉辛卯秋乃聞關人聞自閩而浙而金陵時魯王竄舟山鄭成功屯兵閩海不敢進恭尹往來觀變者三年一日遇父友於途責之曰君先人未葬四世宗祊無託奈何欲以一死塞責耶恭尹泣謝之遂歸甲午

夏就婚於新塘湛氏粹女也丁酉春乃奉先人柩合葬於增城之九龍山旋聞諸遺臣多逃避海外戊戌春復與何絳出厓門渡銅鼓洋訪焉其秋踰嶺北行至贛聞妻生男喜曰吾先人有後矣遂名之曰顛時桂王在滇恭尹欲從之乃取道宜春至昭潭值 大兵進剿道阻不得前因登衡岳汎洞庭順流江漢之間至蕪關值海舶之亂濟江入汴北度黃河徘徊太行之下中原兵燹後人物蕭條間有一二遺民恭尹與撫時感事對坐飲泣見者為之駭怪先是母艱苦次夢有大象十餘頭過門象上有人羊裘而操琵琶且以告父父曰異夢也必有徵及是還轅鄭州遇象騎十三自南而北宛然昔夢驚問之知 大兵入滇南桂

勝二

王走緬甸故先以所獲象獻捷恭尹是遊志在西南而行乃東北至是歎曰子之飄泊於此命也夫鬱鬱南歸逾年聞桂王殂大慟遂不復出初依妻族居新塘壬寅後返順德居羊額鄉與何絳何衡梁璉陶璜遊時稱北田五子已復往來羅浮諸山中自號羅浮布衣戊申夏妻死自以德不及黔婁老萊而使糟糠終貧賤為程嬰杵臼所立孤而行能遜趙武哭之甚哀所為祭文雖自述報德未能之私而實寫其當日枕戈寢塊遺怨甲寅以後三藩變起恭尹以虛名為累周旋刀鋒箭鏃中又文字為時所指目戊午秋下於理者二百餘日其禍視覆巢破卵時尤酷既得釋自念四世一絲租入僅支兩月干戈之際又以不出見人

積爲疑謗乃卜居會城小禺山舍賣文爲活貴人折節下
交者卽與之禮接用是冠蓋交遊贈答無虛日或疑其先
後易轍肆爲訾警惟晉江潘鼎江深知恭尹以爲世皆皮
相未悉肺腑秀水朱彝尊亦謂其降志辱身終當進之逸
民之列恭尹嘗繪九邊圖疏明阨吭藏之篋衍又能指陳
象緯於分野躔次度數占驗晰若毫芒爲人脩髯偉貌器
局深沈經歷百折而鋒鋦不露至鬱不得逞乃託於遊燕
唱酬以自掩梁佩蘭言恭尹以詩文名乃其不幸云恭尹
少與屈大均程可則同學卽善爲詩及長賦姑蘇懷古諸
詩傾動一時朱彝尊王士正趙執信先後遊粵俱與訂交
世以其詩與梁佩蘭屈大均並稱嶺南三大家趙執信謂

勝二

三

其詩沈健有格王士正謂恭尹在三家中尤清迥拔俗得
唐賢三昧朱彝尊則謂大均祇工五言不若恭尹諸體俱
稱逮乾隆間洪亮吉論三家詩則云獨得古賢雄直氣嶺
南尤似勝江南杭世駿論恭尹詩則云悽涼懷古意豈是
屈梁能其推挹並至晚好道結願放生有乞其書者籠鳥
而至視鳥多寡羸縮其書閣筆開籠其四方碑版之酬亦
卽遇物放生賞盡乃已庚辰年七十一卒著有獨漉堂文
集十五卷詩集八卷又以其父所與交遊皆偉人雄傑而
與已琢磨晨夕者亦一時之選變亂以來其間斃於桁楊
仆於草野逃於浮屠方士者相繼而畢命王事自致青史
者亦不乏人乃按錄詩文系之以傳分兩世之交爲上下

成先友傳二卷 梁佩蘭撰行狀馬永初撰傳獨漉堂詩文
集翁山文外曝書亭集鉛山集彭躬庵集
漁洋詩話靜志居詩話聽松廬
詩話文獻徵存錄觚觚通志
按獨漉堂集入禁書目

彭睿勳

彭睿勳字聞自號竹本順德人父燿崇禎丙子舉人庚辰
特賜進士官延川令桂王監國遣燿往諭聿鏘爲所殺贈
大理寺卿諡忠愍 國朝通諡節愍事蹟見明史蘇觀生
傳睿勳痛父殉難每過父死所輒流涕嘗立父祠於羊城
多羅致奇花怪石置之階下明亡隱居不出自稱龍江村
療常寄跡僧寮野屋人少識者文品並高工草法筋節皆
勁至今傳竹本派 五山志林
順德縣志

勝二

四

高賚明

高賚明字孟良一字康山號見庵順德人天啟壬戌進士
授新喻令以卓異著調安福先是安福里戶解米泊省河
候兌收苦耗失賚明捐築城外行倉使暫貯待輸納民稱
便舊俗獲竊盜擲投濛潭斃之不送署訊賚明察出以擅
殺律論於是宵小感化三年無犯竊者魏闢矯制毀天下
書院爲生祠安福有兩書院曰復古復禮並在毀中賚明
抗言復古祀王文成湛文簡鄒文莊皆本朝大儒毀之則
得罪天下名教雖死不敢爲爭之力復禮亦緣是得免考
滿擢陝西道御史旋以建言謫歸里時陳子壯亦以禮部
侍郎抗疏歸與黎遂球等十二人復脩南園詩社賚明與

焉生平淡薄自甘居家不置田宅惟購書史李成棟復爲
明迎桂王都肇慶資明奔行在以李元胤薦復官御史後
不知所終江西通志行在陽秋小腆紀
年粵臺徵雅錄順德縣志

按順德縣志選舉表稱資明官大理寺少卿此亦當桂
王時官今不可考志稱其子孫皆列庠序而不言其卒
年疑亦桂王奔梧州後還里卒也

胡曰乾

胡曰乾字酉仲號鷺園順德人父與京字子毅號自齋萬
歷壬午舉人官至戶部郎中事母以孝聞居官廉介及卒
橐無餘金所遺止圖書而已曰乾少聰慧年十二爲諸生
侍父入都澗水胡元瑞見其文器之作阿咸歌以贈萬歷

勝二

五

戊午舉於鄉任澄海教諭勤於課士薦南助教未赴會國
變遂杜門著述生平蓄彘鼎圖籍甚富值 國朝邊界盡
失之嘗上書巡撫王來任請復界語甚惋切來任後以遺
疏得請曰乾實感之也遂以壽終廣州鄉賢續傳順
德縣志澄海縣志

李際明

李際明字伯章順德人崇禎庚辰進士辛巳知建德縣杜
絕苞苴贖緩悉歸公庫不自私國變後不復仕嘗作同聲
歌以寄意云君住首山巔我住南山下中間相去萬千里
清風吹來無冬夏山巔不須學飯牛山下不須學牧馬君
操上古無弦琴我敲深竹牆頭瓦持問與君同不同勿言
知音和者寡著有樵懷集粵東詩海
順德縣志

何仁隆

何仁隆字效坤順德人崇禎丙子舉人鼎革後築古照堂
隱其中不入城邑衣食不給安之縣令沈梓隆招之不至
爲人外和內剛嘗謂吾輩中人資幸以忠孝節義相勉使
有操持爲益多矣人稱其長者順德
縣志

梁祐遠

梁祐遠字漸子順德人崇禎己卯舉人十五通春秋傳工
古文詞與黎遂球互相師友陳子壯等十二人脩復南園
詩社祐遠與焉陽羨吳湛以文章自豪嘗隨督學吳貞啟
游粵獨與祐遠及黎遂球陳子升羅大賓爲莫逆交祐遠
尤精史學寢食古事綜異同別流派持論精審爲私案書

勝二

六

十卷客讀而奇之袖示邑令祐遠謁令索前書以無副本
告令不之還慨然曰金子栖三焚文稿蘇明允亦自悔少
作奈何享敝帚以千金耶雅不樂時趨庚辰南宮試竣不
俟榜發卽命駕歸歸而嗜古益工同里陳邦彥極推重之
贈詩四篇中云古道深自勗高文列鼎彝對此希代質願
我爲小殘又云大雅屬榛蕪小言多破道志士謝衆咻干
秋恣玄討末篇云海氛初就平驕敵猶匪茹潢池有弄兵
連誅在秦豫材官非不足往往煩召募司農憂轉餉反裘
未遑顧遂使聖躬勞况也諸曹署子房信文弱乃復多智
數懷哉圮石人斯人良可慕君如對承明可以借前箸祐
遠嘗以子房自比所著名圮石人藁故邦彥云然夙與曾

起莘韓宗駮遊崇禎末起莘宗駮並爲僧丙戌廣州破祐
遠亦棄儒爲僧名詰喬宗駮謫滄陽有懷祐遠詩云嶺海
于今信有渠寥寥揚子病相如國人已恐歌黃鳥詩卷曾
無寄白魚馬革縱能饒瘦骨鹿門何處隱柴車他年得返
飯龍洞惟索窮愁舊著書及卒起莘以詩哀之云雲煙縹
緲暗雙林一望脚蹶淚滿襟我也不曾道生死終教難免
扣門心著有史眉綺園集蕉桐集代耕編黎遂球代耕編
陳巖野集千山詩集詩堂詩集五山志
林廣東文獻四集粵東詩海順德縣志

按瞎堂詩集哀詰喬禪人詩注云卽梁漸子其詩次丁
亥臘盡臺設禪人乞詩前則其卒卽在順治四年廣東
文獻四集以歐主遇憶南園八子詩首陳子壯終僧通

勝二

七

岸疑通岸卽祐遠僧名攷明詩綜通岸爲慈山書記有
栖雲庵集蓋別一人

羅大賓

羅大賓字敬叔順德人崇禎壬午舉人曾祖虞臣嘉靖己
丑進士官至吏部主事文章氣節見重於時著有原子集
八卷大賓少從陳邦彥學慷慨尙志節陽羨吳湛游粵大
賓與爲莫逆交嘗以計偕上書內閣所言聖學理財用賢
安民察吏慎刑除害興利選將治兵皆中時務輔臣魏藻
德善之而不能甲申間變慟哭服斬衰福王立馬阮擅
權大賓知其不能中興遂焚公據隱羅浮山中每對客誦
離騷以寓悲痛聞邦彥殉節死爲位見陽臺哭之邦彥所

作書疏詩文經亂散逸大賓與邦彥子恭尹采其流傳於
好義之家私記於表忠之錄者彙刻之而序其端以傳於
世未幾以哭邦彥成疾因不食卒年三十三著有永懷堂
詩集一卷陳巖野集湖海樓文集廣東
文獻四集阮通志順德縣志

梁湛然

梁湛然字醒人順德人少喜讀書金閭書賈至人未及見
湛然則已成誦舉隆武乙酉鄉試第一國亡後隱居講學
授註錄者千人後以次子疑族人盜其嫂手刃之家遂破
書籍斥賣殆盡著作無一存者乾隆間同里羅天尺館於
其鄉其子孫無可物色欲求一軼事不可得深用爲憾云

五山志林

勝二

八

歐主遇

歐主遇字嘉可號壺公順德人質敏好學篤於孝友弱冠
補諸生天啟丁卯以副榜貢太學祭酒孔貞運賞異之一
時薦紳多屬以文問字者屢滿戶外崇禎己卯主遇與陳
子壯子升兄弟及從兄必元區懷瑞懷年兄弟黎遂球黎
邦城黃聖年黃季恆徐棻僧通岸等十二人脩復南園舊
社期不常會會日有歌妓侑酒後吳越江楚閩中諸名流
亦來入社遂極時彥之盛主遇嘗夢索子壯書熟騷痛飲
四字因以詩爲質子壯和其詩書以歸之子壯復命弟子
升從主遇遊致書言以師友代父兄舍嘉可誰望其見重
如此福王立乙酉懷瑞入南都主遇送以詩有擊楫中流

先著鞭警告同仇吾敢後語未幾主遇有秘書之命因病
辭免然愴懷君國一託之於詩廣州擁立蘇觀生與肇慶
相攻爲李成棟所襲主遇作不寐詩云平生愛用老此夕
老逢憂烽煙迷帝座戈甲指髦頭吳魏爭延漢東西統附
周不須推甲子吾志在春秋悲歌憂社稷永夜思悠哉虎
豹關誰守龍影兆不來幾人沈屈水何處鑿顏坏暫借卧
游隱翻忘鄰笛哀桂王還肇慶有永歷二年九月十五日
詩云東西巡駐蹕南北直收京盛氣靈洲見秋花錦石明
因風荷芰客望月鳳皇城誰問升沈理平分天際情庚寅
春桂王西奔有卽事詩云帝座傳遷次髦頭見動兵廟廊
稀勝算簪笏幾同行沼淺魚何樂天低雁莫征不勞金窖

勝二

九

力貧賤一身輕及廣州再陷有詩云巢覆幾遺卵泥空並
壞梁可憐歌舞地翻盡戰爭場作鎮非羊杜殉城媿許張
不知何處所奔走自蒼黃亂定後主遇念南園舊社諸人
或慘烈盡忠或倉卒觸刃或憂憤病隕存者僅子升懷年
季恆及己四人因作憶南園八子詩寄三子屬和自謂長
歌當哭云癸巳歲大饑主遇倡賑全活千餘家鄉人賴之
晚優游林壑絕迹公門築南圃自娛子升題詩云南圃人
安節東籬菊吐英蒼涼開畫色閒暇讀書聲又寄詩云夫
子步趨遠煙村花木中吟邊貧是樂靜外氣常充其節概
可想見已卒後同里李文燦哭以詩云知交徧四海投老
亦荒村月照展書席風開脩竹園跡真鄰靖節才肯近虞

翻遺草應無恙名山千古論著有西遊集北遊集醉吟草

自耕堂集練要堂集中洲草堂集陳巖野集廣東文獻四集廣東詩粹粵東詩海順德縣志

按粵臺徵雅錄稱脩復南園舊社十二人南海陳子壯

子升兄弟曾道唯黃望年蘇興裔番禺黎遂球謝長文

順德高資明梁祐遠從化黎邦城高明區懷瑞懷年兄

弟而無主遇所載諸人又與主遇自耕堂集所稱互異

然主遇身與社事其言當不謬疑後續入社者多故粵

臺徵雅錄記載不同

又按自耕堂集入禁書目

薛天瑛子起晉

薛天瑛字季瑜順德人崇禎壬午貢生廷試高等授瓊山

勝二

十

訓導轉教諭天瑛熟於史事與族子始亨談治亂興廢人

物得失每至夜分官訓導時勤於訓士不較脩費丙戌

大兵渡瓊亂民劫官舍獨相戒毋入其署已而鎮道至責

官輸餉察天瑛廉令還職辭曰殺也未期而醮人皆賤之

矣遂棄官歸隱年九十卒子起晉字君翔娶三日航海省

父遭颶舟幾覆虔禱願得養數年風頓息父病衣不解帶

垢穢親爲滌除補瓊山庠後隨父歸亦棄諸生偕隱卒年

八十五順德縣志

薛始亨弟起蛟

薛始亨字剛生順德人諸生父天植萬曆丙午舉人授閩

清令有惠政官至戶部主事始亨少從陳邦彥學受周易

毛詩自己卯迄己酉皆及門邦彥嘗東始亨云朗如玉映
軒若霞舉昔見其人今聞其語誰同衛玠亦有杜虎濯濯
冰魂城南無暑時程可則屈大均亦學於邦彥邦彥死可
則與父俱爲係縲不得已取世資以免而始亨與大均並
棄諸生以著書自樂始亨能詩古文詞兼通琴棋曲藝雅
好飲酒善擊劍嘗寶藏一古劍又遇異人授以劍論一篇
因自稱劍公初隱西樵山作詩云兩儀經倂擾一紀殊憫
默節候愆芳歲佳期緬遺佚夙欽梁鴻隱遠慕孫登識于
郊恆利需固志鞏用革潛淵未徙溟海漢方垂翼神泉淡
孤逞異境資冥索獨撫邱中琴弦絕成悽惻世謂讀此一
詩可想見其貞操後入羅浮爲道士自稱劍道人亦號二

勝二

七

樵山人屈大均嘗寄詩云君戴芙蓉冠幾日羅浮返芝房
白玉童應笑學仙晚又云東西二樵山有如日與月相望
不相知夢魂常恍惚始亨嘗以生平於邦彥本末甚悉心
喪時竊爲之傳以授其子恭尹恭尹每嚴事之嘗爲增闕
歌以贈又嘗訪始亨不值作詩有舍瑟定借童子去采芝
還入老人行語所爲詩規模古哲發揮性靈當其高寄冷
泠然若御風吸露之姿秀水朱彝尊遊粵與之唱和著有
南枝草堂集卒後王鳴雷爲文哭之云薛子好讀書好擊
劍明先王之道守學士之業幸事也而天不幸於斯人者
獨何歟往年與薛子學操蓮葉舟置漢文數本其間阿曲
之務去沈潛之務來閱論雅尙通於琴達材敏用通於弈

弈賦吾知其流傳悠久矣惟是琴賦不可傳自喻而已曾
幾何時而薛子溘然而往薛子往而正學誰與潔身誰與
忠告誰與方謂天下無事約居一荒山隱身著言教吾子
與汝子使之孝弟與之終身焉則亦已矣今已矣余焉能
不爲之涕泗滂沱也其推服如此弟起蛟字牟山一字炎
洲又字炤萬貢生少日記千言及長務淹貫爲有用之學
尤通諸史與兄始亨齊名學者稱小薛以別之時有十力
禪師者少遊西北及滇黔秦蜀與曹文詔虎大威交厚密
語起蛟曰汝輩經生不知興廢大勢咿唔何爲叩其故曰
朋黨亂於朝盜賊亂於野大事去矣不久且將革命起蛟
以闖賊據秦晉將窺神京問代興者豈此寇耶曰非也曰

勝二

七

然則誰得之曰有天命者得之老僧不及見矣癸未十力
歿於羅浮踰年國難作起蛟自是淡意祿仕嘗一脩縣志
梁佩蘭稱其直而不偏廣而不肆有史氏之遺當事重起
蛟延訪利害悉合機宜巡撫李士楨有大建置每屬以文
記爲文力追柳州年九十猶喜讀書暇則臨摹古帖人爭
寶之至九十八乃卒同里余錫純輓以詩云牀頭周易已
封塵書滿名山墨尙新潘岳老來無父輩陶潛亡後少遺
民三春夜斷歸鄉夢一代文爭異國人性得世間無可語
九泉知己盡交親著有木末山房稿陳巖野集際書亭集
翁山詩外獨鹿堂集

五山志林二山合志脈贖廣東詩粹嶺
海詩鈔粵東詩海羊城古鈔順德縣志

何絳 兄衡

何絳字不借號孟門順德人布衣好讀書淹通羣籍會國
變乃自放廢徜徉羅浮西樵山中日與高人雅士賦詩贈
答已乃與同里陳恭尹爲澳門之遊復同渡銅鼓洋訪逃
避諸遺臣於海外聞桂王在滇復與恭尹北遊西濟湘沅
不得進乃東浮揚子江北觀於黃河太行恭尹以爲此之
同游目授而色喻宮動而商應時絳父持泰尙在踰三年
歸而父歿絳遂旦夕侍母數年不復遠出性英爽慷慨能
任難事所至皆爲人扶持患難而已一無所與遠近之豪
以爲質的曰此吾黨金湯也嘗有閩客寄以三百金二十
年不至忽一日客子至詢所寄金絳偕往古井旁指其下
曰在是自取之出則封識宛然晚與兄衡恭尹陶璜梁璉

勝二

三

隱跡北田稱北田五子南昌彭士望孟都魏禮及子世倣
至粵深慕其人禮與五子爲昆弟交報書言寒塘草亭一
日於我胷中十餘到士望世倣序則與程山髻山易堂
諸子並稱而世倣尤以絳客惠州未及一見爲恨絳狀貌
軒偉豐頰脩眉見人談忠義事義形於色居鄉善規勸有
所教責微刺婉諷聞者皆服論詩宗張文獻王右丞韋蘇
州少與屈梁陳三家相劇切然不喜翁山詩常以鹵莽目
之所爲詩淡逸幽遠無悲怨壯憤意工書得二王正派著
有皇明紀略不去廬稿衡字左王號蘿峯好學能文詞國
變後隱居教授絳好遠遊而衡常居以養父母彭士望稱
衡循循儒者居家庭宗族率由古道孝友無間然父母喪

哀瘠一秉家禮今人所庶見爲人持重好個儻之畫策不
輕任事任則必成鄉里視之爲那容陳恭尹亦云見面而
心折其人退而無復餘議者惟衡一人而已陶璜嘗攜母
與衡居而遊於外母死衡主其喪里病疫者多死所親或
畏避衡徑至其家爲經紀有病中夢衡沃其背得汗而愈
者自是卽書衡名揭側輒瘥晚出遊吳楚間恭尹序送之
云九土之中而有人民社稷雖舉以諫衡吾知其必不顧
而不能已於遊者衡之言曰吾老矣俟河之清恐不復見
京國山川之美也嗟夫使衡有是言亦蒼蒼者之過也衡
亦能詩而不以自見故集不傳卒年六十五

彭躬庵集魏
士集獨濺堂集廣東文獻四集
五山志林粵東詩海順德縣志

勝二

四

梁璉父在廷從父崇廷子符祖陳其秩

梁璉字器圃順德人諸生寧都魏禮所稱北田五子之一
也父在廷萬曆甲午舉人官叙州通判在廷弟崇廷天啟
辛酉舉人由政和令官至廣西按察副使分守左江道唐
王時靖江王亨嘉徵狼兵爲變時崇廷守平樂不爲屈有
受藩署欲奪其章者崇廷日子官受自烈皇帝此印豈輕
假人耶堅守孤城卒無如之何亂定巡撫上其功加二品
服俸旋以病告歸與在廷優游林下杜門却軌以詩酒終
餘年並八十二而卒璉生時池中白蓮開並蒂人以爲瑞
遭國變感慨世難每思投袂而起常斥千金產資同人遠
遊旣落落無所成乃閉關北田結茅池西曰寒塘懸板以

限來者因自號寒塘居士又號鐵船道人縣令膠西張其策高其行欲見不可得跡其在甘溪單車就焉璉夷曠自如令歎曰高風偉節蘇雲卿之流也生平慕倪雲林爲人並師法其畫閉戶讀書足跡不一入城市顯者或求畫雖甚貧亦返璧不一作陳恭尹所與多不擇人璉輒罵之曰向與公言何事而僕僕走城市爲也恭尹敬謝之不爲止彭士望魏世倣至粵俱以不得見璉爲恨士望稱璉以爲高士晚益好清淨十二年不一宿內室時復覽禪家語錄未嘗一參禪泊然高寄晏坐而已後疾篤作二詩謝世舉手別親友而逝年四十六恭尹讀璉謝世詩因次韻哭之云絕無沾滯絕根塵膚髮完歸與兩親胡蝶夢中醒睡客

勝二

五

白蓮花裏去來身天邊星已占方朔谷口名猶說子真不恨夜臺多好友西山薇蕨漸無人寂寞空齋閉竹門寒塘西畔暗雲屯心從灰後仍餘熱水到窮時自得源作傳敢辭朋友責遺經深幸子孫存朱明丹火西樵月照爾千秋處士魂後恭尹復誌其墓以爲璉有伯鸞之高而志益傷有皋羽之慟而去其狂舉不爲名而任天以行夫是以沒世不忘云璉詩追中唐冲澹有自得之致今集不傳子符祖通易經遵父志不赴試同里陳其秩字采庸亦諸生貌奇偉有磊落氣能爲古文與人交無城府御史梁元柱以劾魏忠賢削籍歸里與之游處國變後作圖於扶南山麓隱焉自號菜傭常與梁璉往來東西樵間年六十五卒著

有松菊集彭躬庵集魏季子集魏昭士集偶然堂集

羅宜默李文燦

羅宜默字仲恭順德人貢生精考核寡言笑先世多藏書手不停披盡窺其奧與同里李文燦蘇士許俱擅才名稱一時魁傑少與黎遂球相師友國變後寄詩遂球弟美接及子彭祖有高懷不讓先名碩何可無詩寄草堂語所爲詩古樸渾穆逼真漢魏梁佩蘭稱其出脫古人不肯規模古人體體起雷造冰字字剴心瀝血著有偶然齋集文燦字輶號韞庵崇禎恩貢生素積學號李書櫃苦心於古文辭二十載序記賦傳俱能窮極高妙王鳴雷稱其往復流連於幽蘭芳草之間既無寵辱以撓其胸次故著爲文

勝二

六

章具見梗概亦可想見其人嘗爲西賊所困七日談笑自若喻以鄉中貧苦賊解去鄉賴以安著有天山草堂集粵詩海王鳴雷天山草堂集序順德縣志

蔡隆林子昭

蔡隆字良若順德人諸生崇禎末以時艱日迫乃習子史孫吳書講求天下形勢阨塞遭國變遂棄諸生與陳恭尹葉世穎築室西樵爲終焉計已復與恭尹就何絳之鄉結茅亭荷池中杜門事古學性至孝自以少孤祖母母老不敢遠遊然篤氣誼狷介少許可座有意外客卽輒然去之所爲詩文孤潔峭刻不欲襲前人一字年甫三十卒卒後恭尹寓山陽值其生日感而賦詩云寫過我何賴多才人

未知其見重如此著有杜若居稿同里林子昭天資敏悟沈酣典籍鼎革後亦棄諸生入西樵讀書教鄉曲子弟其詩和平蘊藉篆隸印刻並各極其工

獨漉堂集粵東詩海順德縣志

黎景義

黎景義一名內美順德人諸生祖材嘉靖辛丑進士官桂林知府景義少讀於舅氏吏部主事羅虞臣家虞臣淹貫經史所爲文方駕作者景義因是習朝章典故上下千古均有論說鼎革後奉母桃山不出其抑塞磊落之氣一見於文當時忠義如黎遂球梁朝鐘陳子壯陳邦彥皆素與交好卽日所親見事各爲之傳而於邦彥尤有深契詩古近體悲歌慷慨感遇賦一篇有離騷遺響論者謂其身遭

勝二

七

板蕩新亭淚炎午文時時於字縫墨蹟間發山鬼之號露填海之恨著有二丸居集十卷其艷史四卷自蒼梧二妃迄明代女史人爲一傳亦以寓香草美人之意云

羅天尺集序五山志林順德縣志

按二丸居集入禁書目

張在瑗

張在瑗字蘧度順德人祖希載號柏山貢生官教諭從白沙遊得動靜惺惺之旨在瑗學亦宗白沙胸懷光明家粗足而積書萬卷吟嘯自娛生平足跡幾半天下且輕財好客一時士大夫皆器重之崇禎甲申後杜門不出蘇觀生何吾騶擁立聿錙於廣州遣陳邦彥徵之亦不起嘗與友

人登金紫峯作詩云夷歌處處喚愁襟懶向珠林聽梵音天地不堪還寄傲江山何意復登臨誰將桂樹仍招隱肯信桃源可重尋且喜一觴時一詠悠悠天外和龍吟所爲詩文清婉有奇氣著有綠樹山房集在瑗侍兒清郎香奴均能詩清郎常與諸名流倡和有畊雲集

白沙門人錄龍海順德縣志

羅炳漢

羅炳漢字文昭順德人淹博而俠少與陳邦彥鄰稱總角交甲申國難作邦彥次答炳漢詩有艱危宏濟須公等肯遣蕭條老鶻冠句其推重如此及邦彥殉節時親友畏禍炳漢獨走匿其旁俟正刑後卽出而親抱其元與屍合殮

勝二

六

家本饒於財以俠故日集騷客文人會飲高樹堂僕告貧乏日盡賣田久之復告乏怒日何故喋喋亂人意僕以田盡告炳漢乃訝日百頃之田盡乎因落魄不自聊嘗出簞索邦彥子恭尹書恭尹款稱文昭先生炳漢閱畢徐日吾今當呼元孝後生矣粵人稱先生最泛呼巫日先生日者日先生炳漢自以爲文山之張千載而恭尹泛稱之故諺語云然年九十子天族人孫耀祝以詩云伏生年過授經時吟榻蕭然妙有詩四海舊遊埋俠骨一身長在見期頤浮雲久變雞洲道明月猶懸沙子磯公自不勞人拜祝草堂高樹共依依

五山志林陳巖野集

潘鳳升

潘鳳升字允大順德人遭國變棄儒冠多宿寺觀與僧侶遊新城王士正祭告南海偶遊海幢見壁上詩云珠海鐘聲日夜流紅棉綠瓦幾經秋錢王已去山僧在更與誰吟十四州士正激賞之詢知爲鳳升作欲延見之鳳升竟不往五山志林

羅殿式 梁國楨國楨族弟古行

羅殿式字君爽順德人諸生與兄寅皆有時名爲梁朝鐘梁祐遠小友遭國變作秋懷詩八章以寄慨如云靈武幾年瞻帝子睢陽十日痛張巡千家旅食羈臣淚十載馳驅故國心忍見魯連甘蹈海遙憐王粲苦登樓七哀聊賦當年恨九辨如悲萬古秋皆愴懷身世歌以當哭殿式弱冠

勝二

九

時常從僧函是問生死大事已丑遂脫白受具名今嚴字足兩其母頗知書亦相繼落髮性孤潔不能容物遇非其人雖貴勢不肯晉接居雷峯丈室最久人罕見之惟與王邦畿黎延祖諸人相過從嘗奉命往嘉興請藏過南昌訪徐世溥作詩云南州高士後孤隱石門間兩載期相見方春始下山文章顏謝侶風致應劉閒未得看中論踟躕空往還後還至歸宗閣大藏一周遭歲儉日止一糜研覽不輟晚愛棲賢山水之勝扶病強行竟歿於五乳峯靜室著有西窓遺稿一卷梁國楨字友夏亦順德諸生性謙謹與初學言輒自稱名遭世亂隱居於鄉閉門却掃與妻子修淨土之行聞函是道風高峻求爲難度乙巳受具名古通

字循圓充雷峯下院主時年已老函是令還本山國楨作詩云鬢髮白髮一函經曳杖還山惜暮齡堪笑此中陪我老昂藏孤鶴自梳翎遂卒於山中國楨有族弟伏其名少與殿式同鄉塾遭世變亦棄簡策慨然有出世之志以親老依戀子舍親歿卽入雷峯爲僧名古行字克躬函是令行募於吳楚閩越中丙辰三藩叛嶺外阻梗音問闕絕古行毅然請往遂道卒海雲禪藻集廣州府志

張家珍 祖明教父兆龍兆龍從子雷禎雷禎

張家珍字矐子東莞人祖明教父兆龍俱布衣兄家玉崇禎癸未進士唐王時官至右僉都御史承應初進兵部尙書丁亥起兵不克戰死贈增城侯諡文烈明史有傳家玉

勝二

三

擁唐王入閩時明教書勉之曰天下無半上半落之人小人不十分無以動上天之所大怒君子不到十分無以動上天之所大悅猶相去不遠也是故知之至行之盡君子必立其誠丙戌八月卒臨卒猶貽書家玉勉以渡采石下淮淝學虞謝諸公及家玉起兵兆龍相從軍中到涪之敗兆龍走新安母陳妻黎等俱死已復隨家玉至龍門家玉死從子雷禎護之歸里李成棟迎桂王都肇慶兆龍三疏請贈卹錄用起義同事諸臣桂王以家玉爵封兆龍並分別錄卹有差國亡後兆龍不復出丁未年七十三卒家珍年十六從家玉起兵常著小金冠披紫鎧別率所部千人爲奇兵轉鬪數勝號小飛將到涪之敗家珍走入水敵

兵鉤其衣亟脫之泗行數里躍而上觸船額裂復沒水踰八重至赤嶺收殘卒六百人赴家玉於西鄉家玉復長崑連平時功最多家玉死家珍與總兵陳鎮國擁殘卒數萬於龍門以圖報復桂王蔭家珍錦衣衛指揮使廣州再破隱於鐵園家居養父始折節讀書通賓游所居室不三畝而客常數十人自高僧羈人劍士技術無不披肝膽寫意氣人竭其歡心援筆爲詩歌畫蘭竹皆伉爽有氣從家玉時得良馬絕愛之摧鋒陷堅陣數有功馬死哭之慟葬龍門山中既十年忽夢馳馬如昔悲鳴戀戀覺而爲詩弔之曰久失飛黃馬空餘血戰衣可憐橫草後不得裹屍歸力盡猶追逸功高幾潰圖年來生髀肉夢爾淚頻揮詩成屬

勝二

主

諸名流同賦屈大均爲作夢馬歌末云願君努力更臨戎厲鬼仍能相夾輔時桂王在滇大均蓋望其出爲國用云家珍每痛其兄家玉不置見於吟咏大均贈詩云伊昔龍門戰君當矢石先三千勾踐士十四舞陽年日落蒼梧樹雲沈瘴海天有兄頻殉國流淚脊令篇秀水朱彝尊游東莞與家珍善亦贈詩云可歎張公子流離自妙年身孤百戰後門掩萬山前易下窮途淚難耕負郭田平陵松柏在餘恨滿南天年及三十而卒著有寒木樓遺詩雷禎字以起天資明敏與家玉同學嘗語曰士願爲良不願爲忠然生不逢時馬革裹屍亦吾儕事也家玉奇之弱冠補諸生家玉起兵時雷禎偕弟雷禎隨軍家玉謀不決兄弟爲之

畫策屢建奇績及家玉蒙貽郵雷禎復題授推官辭不就國亡不復出按察使嚴正矩嘗歎雷禎兄弟以爲義士後以雄心未已爲邑中降紳所構中傷死年二十八雷禎痛兄未幾亦卒名山集屈大均張文烈行狀翁山詩外傳詩嚴正矩張雷禎墓志東莞縣志張氏族譜

按明史叙家玉死事最烈而郵論錄不及所錄祇韓如璜陳文豹兩人攷名山集載兆龍三疏叙當時起義甚眾不特桂王贈郵者爲忠義卽錄用者後亦多爲逸民年代既遠書缺有間其本末不盡可攷茲摘錄原疏以見一斑兆龍第一疏云自丁亥三月臣男家玉獨豎義旗一時響應東莞則有實授總兵張安國陳鎮國副總

勝二

主

兵張尙行實授參謀推官陳調兵部職方司主事李貞鄧棟材莫子元監紀推官尹登張雷禎張稽休丁文周葉日濟參將張瓊陳瑞隆張文揚李萬榮鄭弼鳳何禮張拜仁趙省一何不凡張桂芬都司方龍見張家璽張邦文茹蕃張子鼎等新安則有實授總兵陳文豹等南海順德增城則有實授總兵鄭日晉湛壯參將湛迪監紀推官林大生李躍沈羅英劉嘉彥羅應時葉永盛羅頤等龍門則有實授參將劉龍李啟新馮家祿游擊涂明標朱興謝可能都司藍之玉凌富駱復興守備呂真利德等鎮平平遠則有實授兵部主事賴其肖總兵謝志良等皆屯軍數千聽臣男約束調撥其中如張安國

鄺日晉陳調林大生李躍沆等爲臣男部曲而參將劉龍李啟新馮家祿則爲臣男將領屢建奇勳者三月十四日臣男復東莞敵水陸夾攻追至到溶邨臣母陳妻黎媳彭胞弟兆鳳兆麟兆虬之弦等闔門三十餘口皆罵賊不屈被戮臣男家王脫奔西鄉與陳文豹等復新安敵既敗更調精兵至西鄉糧匱兵遂潰文豹全家死義矣臣男先委陳鎮國馮家祿往會劉龍李啟新等於四月十九日復龍門臣父子繼至敵不得臣父子遂籍臣產殺臣族叔光祿寺卿恂姪孫都司錫爵好謙及男婦千餘人臣男不暇再計七月初十日帥各部復博羅進復連平長寧至十月初二日攻增城初十日我兵斬

勝二

三

敵奪旗手縮敵頭張旗入中軍効功四營錯誤以爲敵入皆走保壘敵遂衝中營臣男奮戰竟致殞命今臣次男家珍總兵陳鎮國現統龍門等處勁旅數萬總兵張安國現統東新勁旅三萬伏冀錄臣次男家珍與諸臣俾得効力馳驅以成臣男未竟之志至當日同義諸臣如監紀推官尹弒陳奕禮林游莫映垣兵部主事韓如琰世襲指揮安弼猷千戶侯成祖游擊譚立忠等先已死義謹據實剖陳統惟勅下該部特加採用並加旌表無任激切待命之至其第二疏云臣前奏臣男家王殉國一疏奉旨張家王忠節可嘉張家珍察例授職總兵張安國等推官尹弒等分別錄卹欽此又科臣李貞爲

詞臣蒙難獨烈一疏奉旨張家王一門死難祖母陳母黎妻彭並其故祖明教一體褒贈其父兆龍弟家珍均當敷恩張恂韓如琰等俱分別議卹該部知道欽此吏部尚書臣晏清具覆奉旨張家王准加贈資德大夫正治上卿太子少保東閣大學士吏部尚書蔭一子中書舍人張恂准贈參政韓如琰准贈職方司郎中曾盧桐尹弒林游准贈推官欽此臣捧誦再三不勝感泣卽同次男家珍具設香案望闕叩頭然臣不揣冒昧更有請者臣姪孫戶部湖廣清吏司主事備世篤忠貞行敦孝友臣男未第日與備在伊父一鳳署中共勵靖共之義臣家清苦不憚通財臣所銜而未報者臣男自起義後

勝二

三

舉族罹殃其間累獄經年家產蕩廢甘之如飴則有臣姪孫中書舍人仲舉人儻份皆最可矜錄又臣前疏臚列諸義旅當時各保一方存亡未卜今幸際中興以次安集伏觀皇上求才若渴臣不敢沒人之善如原任總兵梁中英湛澄壁姚萬勝潘世襲皆同時起義百戰相依如原任武選司主事張啟祚何如栻參謀推官王誥林泰生監紀推官王仁張麟士盧最良李士琦張繼成朱令望管糧通判張兆元張兆瑞彭應啟張啟新張家偉張士龍王士泉張廣譽鄧挺枝鄧起雲陳舉等皆善謀善斷惟懼運籌如參將錢懿矩張文萃鄭元鼎張仕信盧秉忠王贊廷李翰冲潘世隆陳登雲吳達賢游擊

張光正梁士斌朱佐國盧萬策丁豹謝日平鄧應元陳
冲雲張有容都司岑憲昭張勤湛通翟斌姚彥遵練永
秀林耀松曾心元張明恩葉自成張復謝騰龍張士忠
張朝鵬守備鄧好禮王見南張士福單天德張國偉等
皆殺敵恢城親冒矢石伏祈勅下該部隨材優擢俾知
鞭策建立奇勳至於死難諸臣尹斌林泮外則有東莞
訓導臣男委署縣事張珩死於守城參將何仕龍張際
飛張佩紳潘昌忠張星高守備葉品題何勉葉靖獻李
如范葉文揚張仕仁張祺張振襄張伯從張王綱張元
翰張啟順監紀推官張澆林涯等死於戰陣都司張有
光張允嘉陳日隆等死於陣擒此皆臣前疏所未及者

勝二

義

臣敢冒昧以陳伏乞聖明留意其第三疏云臣初上諸
義旅屯在龍門乞加錄用一疏其時道路未通臣猶未
知莞惠諸臣之存亡否也自臣回莞再具一疏臚陳義
旅以憑采擇奉旨起義同事諸臣文如張備張啟祚等
武如梁中英湛澄壁錢懿矩等通候察明定奪該部知
道欽此臣與諸臣讀之怵舞而蒙部覆者文惟推官張
麟士一員武惟梁中英等十一員其餘皆流落不偶中
間飢寒宛轉而死又七八人人情不大相遠臣男死雖
甚烈而朝廷所以報之者極級踰階同事諸臣或被伐
塚甚至屠家貞心苦節誠不可泯臣故不避再三爲皇
上陳請疏中文如張備張啟祚何如棫張仲王誥王仁

盧最良張繼成李士琦朱令望張兆元張兆瑞彭應啟
張啟新張家偉張廣譽陳舉等武如錢懿矩張文萃鄭
元鼎梁士斌丁豹鄧應元張勤翟斌姚彥遵練永秀曾
心元張明恩葉自成張復林耀松張士忠張朝鵬張士
福單天德張國偉等其効力建功前疏已言之臣不復
贅乞勅下部臣密加察覆倘謂臣男功微賞鉅略按數
人足示優渥則願減臣封級及次男家珍官級推此諸
人少酬當日同臣男起義之誼又臣閱邸報陳上圖一
疏云起義非一人之能同事有未彰之苦奉旨故輔陳
子壯同時起義幸存無幾李兆樑夏竣胡瑞麟等准與
量用麥明相黃奇策郭良佐准與欽劄盧三仁等給與

勝二

義

部劄范其徵等各准旌卹以示朕篤念故輔之意欽此
爲此冒懇聖明一視同仁臣不勝悚慄待命之至永歷
三年二月十二日具疏吏部尚書晏清等具覆三月十
三日奉旨張備等起義既真應與叙酬擢用

陳葆一 孫應光

陳葆一字元澤東莞人祖母及母俱孀撫之成立家貧力
學補諸生有隱德子象明崇禎戊辰進士官湖廣副使甲
申聞變歸與父訣葆一日行矣毋以老人爲念桂王時象
明與 大兵戰敗死於梧州榕樹潭明史有傳葆一聞之
喜曰是真吾子矣張家玉死大吏捕其宗人葆一匿之曰
死一人生數十人何悔張氏遂獲免戊子土寇劫葆一載

以行孫應光追至寇曰吾欲與俱起義耳不忍害仁人也
置之而遁癸巳年八十四卒應光字實尚象明子亦諸生
內行甚修父死慟哭成狂杜門二十載終日瞪目無語每
讀父書輒擊案椎心自哭自笑年四十二卒

陳阿平撰家傳東莞縣志

洪錫祚

洪錫祚字藿藜東莞人少穎異喜治史遇忠孝大節事輒
掩卷擊案歎歐流涕時人目為狂天啟辛酉以從父居粵
西領桂籍鄉薦崇禎初部選知縣官浙江歷龍游等縣循
聲卓著會丁艱歸里丁丑服闋起署處州府同知時國難
日亟饑民劇盜揭竿劫粟無虛日而黠吏陰陽其間甌江
沿境勢將危殆錫祚至痛治之且嚴飭巨室之過糴者或

勝二

三

疑其酷錫祚曰藥不瞑眩厥疾弗瘳吾寧博酷吏名姑息
遺惠我不為也令下不匝月盜風稍息乃與庠序之教以
廉恥勵士氣絃歌比戶郡中翕然稱治大計疏土擢陞溫
處兵備道聞浙間海盜充斥居民多被劫殺錫祚抵任嚴
戒備定賞罰令沿海州縣聯絡如一誘盜登陸焚其舟擒
渠魁數人盜知其難與相戒勿犯積功晉按察司僉事仍
留原任蓋欲竟其功也甲申京師陷乙酉南京亦破馬士
英阮大鍼等走杭州閏六月魯王以海稱監國於紹興使
閣臣張國維等撫有浙東給事中熊汝霖員外郎錢肅樂
等均舉兵於浙以應之肅樂故善錫祚力陳其才王詔以
太僕少卿內用錫祚辭曰臣以書生起家縣令受先帝知

遇廁職兵備今殿下起兵江上大敵在前坐不安席保有
茲土臣之責也苟利社稷死生以之內外臣工盡瘁一體
事求有濟何取於官臣無寸功先膺懋賞冒榮苟祿何以
勸善王温旨慰勞會唐王聿鍵已以福州稱帝頒詔於浙
而貝勒博洛復破馬阮之師進駐杭州廷論紛呶浙東岌
岌錫祚疏曰殿下當大勢橫流之日不忍國祚淪胥起兵
江上海內義兵風起雲湧此誠危急存亡之秋也然天下
之士感激公義棄桑梓甘鋒鏑竭膏血前仆後繼不自珍
惜亦欲雪先帝之仇恥衛國岷之一髮耳今蘇松嘉湖列
營數百浙西府縣義旗高舉首尾有相應之勢一鼓作氣
此其時也鄞慈石浦之兵銳氣可用平湖義師血戰方酣

勝二

三

殿下居中策應宜簡舟師絕流而渡以攻其前臣當選率
精銳糾合嚴衢之兵以躡其後杭州孤懸進退兩顧必不
能守然後渡三吳以窺白下此上策也洪承疇新破江陰
銳氣雖盛然吳中水師之潛據太湖者實繁有徒若遣使
聯絡以為犄角而另簡偏師由嘉興以趨蕪湖斷其運道
杭城坐困勢必返救大兵躡之浙西可定此中策也殿下
不忍社稷傾覆冀成中興之業唐魯誼屬宗藩奚必爭親
疎先後之分義兵正兵皆為國而來奚必持分地分餉之
議倘我兵渡浙定鼎金陵大號自非閩人所能奪若徘徊
爭論藩鎮中官得制義餉宏光故臣不變鴟音則義師解
體強敵方抵際路瑕坐收漁人之利是曰下策疏上魯王

賸之然不能用也十月馬阮構二國之讒嫉方國安劫閩餉且檄數唐王罪於是閩浙水火初聞詔之頒浙也並賜諸臣救命肅樂及錫祚均奉表謝方國安等遂疑肅樂私於閩欲令壯士劫其首肅樂乃棄軍走温州依錫祚錫祚方鞠囚把袂大哭曰海隅駐蹕而唇齒交爭故都有黍離麥秀之悲而會稽無嘗膽卧薪之志吾輩不知死所矣乃語囚曰國將不存囚於何有吾行且負罪爲大明亡命人今畧汝罪汝其寔家遂盡釋囚囚故海盜也皆大感泣曰公不吾罪吾當爲公死又何敢去丙戌四月博洛礮毀方國安營魯王走台州六月博洛攻張國維於金華國維戰死大兵乃乘勝而南肅樂欲說黃斌卿攻崇明以襲其

勝二

元

後犇舟山已而大兵至境錫祚不敵兵潰囚乃與錫祚航海輾轉於海壇福清間以圖恢復未幾閩中又破乃間道回廣初欲祝髮以免物色既而曰吾非緇流死何以見先帝因完髮匿跡於所居水南鄉之三寶庵不履城市戊子間肅樂歿大慟吐血禱佛以求速死庚寅平靖二王破廣州大肆屠戮遺臣死亡殆盡遂鬱鬱致疾逾年竟卒陳廷璠撰

按廷璠順治庚子舉人與錫祚同里聞此傳當親得之錫祚所紀述叙魯監國事可以補史鑑諸書所未備東莞志不爲錫祚立傳緣錫祚嗣息已絕又脩志時一切觸諱者俱刊削故廷璠撰傳未之見也

張備 弟仲儻似

張備字孟器號介若東莞人諸生父一鳳萬曆丙午舉人官至湖廣督糧副使同里蘇觀生族弟張家玉俱出其門崇禎末詔舉賢能一鳳以觀生薦已復爲家玉營婚娶以紓其乏癸未年六十五卒備少隨父宦遊介特有守與家玉讀書署中以忠義相切劇觀生初任縣令母老家貧備月贖魚蔬俾供菽水唐王立觀生薦爲監紀推官備以禫辭虔州告急當事檄備赴援星夜督兵往既至署南安理刑尋擢戶部主事兼督理兵餉備點閱軍伍設法以汰冒糧時有議搜括富室助餉者民洵洵條陳罷之及回粵僨糧而虔州破廣州擁戴擢江西道御史執法糾劾多所匡

勝二

辛

救上目擊時艱疏召對遷僉都御史廣州破備隨扈在途中矢昏眩從人昇回家丁亥與家玉同謀起兵家玉號召到涪眾萬人攻城備及弟仲儻似份五人爲內應城遂破先是家玉在閩疏召同里刑部尚書某及同里與謀起義已允之矣會有以危語尼之者遂中變家玉入城乃藉其貨以犒士未幾家玉敗走某遂與里中降紳同控備兄弟首惡並請誅張族死者千人備泣曰吾不理吾宗休矣傾貲爲之營救奸弁李子源復肆殺當道覺之寘諸法事得釋備自是遂隱桂王再都肇慶召起之不赴適居田界涌人以其冲恬耿介易名曰恬介丙午年六十四卒仲字仲恪號侯在髫年補諸生唐王時以薦授中書舍人桂王

時復授國子監學錄篤於學雖蒙大難猶日課子弟如恆
時儉字叔孺號直庵諸生爲文沈鬱與梁朝鐘王鳴雷齊
名舉隆武福建乙酉鄉試晚年留心經傳著有書禮約旨
大全或問似字季可號睿亞太學生隆武初授新安教諭
陞高州教授國亡後與諸兄並不仕名山集屈大均張文
烈行狀張氏族譜東
莞縣志

按名山集載家玉父兆龍疏稱備爲原任戶部湖廣清
吏司主事不叙紹武時官者以時定紹武諸臣逆案故
也

李貞子繼洪穆霽

李貞字定夫號萍庵東莞人父元弼官分宜令貞少聰慧

勝二

三

岐嶷讀書過目成誦年十七補諸生二十游北雍負才名
與張采陳子龍徐世溥相友善海內名宿咸以得交貞爲
快性倜儻有大志重然諾急人之急用財如土苴不以有
亡屑意里居時黎遂球陳子升輩與相款洽遂球致貞書
有分財則管鮑之知稱詩等元白之譽語同里張家玉與
貞尤契時以道義相砥家玉有錄別和貞詩云鴛鴦戲清
池兩兩常相倚羽翼臨當乖風波中道起相對尙難知何
况萬餘里來親去者疏毋爲貴君子子懷抱區區君諒執
高誼崇禎乙亥貞復度嶺北遊擬上書痛哭如賈長沙故
事屬權輔當國阻抑言路乃歸北都陷感憤激烈聞贛州
圍急舉兵往援總督萬元吉題授兵部職方司主事監督

粵東義旅贛州失守北望痛哭慟不欲生已復同張家玉
起義家玉敗貞被執下獄備極五毒後得釋戊子復奔桂
王行在既召對擢兵科給事中轉戶科兩上疏爲家玉請
卹以爲家玉受難之苦甚於閣臣陳子壯子壯之禍禍烈
於一身家玉之禍禍烈於一族桂王感動家玉遂得賜諡
贈爵時朝士分吳楚兩局貞不附惟以報國自期所上封
事無慮數萬言廣州再破禿髮僧服自稱大呆和尚人亦
呼之爲李和尚自是頽然自放陶情麴蘖日與良朋野老
作爾汝交著有乙丙遊草寄遠樓集自知錄逸民傳贊教
忠堂疏草子繼亦諸生國亡棄去侍貞林下得其歡心王
子貞年六十二卒友人洪穆霽爲之誌其墓穆霽字藥倩

勝二

三

亦東莞人祖信萬曆壬午舉人會試中乙榜官連江令息
訟寔人公庭清寂穆霽中隆武乙酉鄉舉桂王時以薦官
工部主事國亡不仕生平博學多能所與遊皆一時奇士
足跡半天下丐其詞翰者戶外屨恆滿陳恭尹嘗贈詩云
各有千秋志俱行萬里回論交爲後輩相見慰從來話向
杯前滿心當燭下灰十年滄海變老盡濟川才穆霽嘗過
飲屈大均感念興亡大均答詩有士馬祇今無鳥嶼春秋
那得有華夷語年七十大均壽以詩云翠華當日駐松臺
君作曹郎已見才天爲祖宗留大老人從煙水得深杯花
爭作箭穿橋出鳥喜收香入戶來龍馬精神誰得似七旬
今正離珠胎後卒於家洪穆霽李定夫墓誌所知錄名山
集蓮鬚閣集明詩綜獨漉堂集翁

山詩外粵東詩
海東莞縣志

何如栳 何鴻飛

何如栳字柏友東莞人諸生少厭羈束年二十始折節讀書所作古今文雅有原本以時事多艱習孫吳兵法甲申閩國變大慟唐王立張家玉疏薦赴閩家玉創立武興營授監紀推官丁亥家玉起兵復東莞如栳與爲謀畫授兵部武選司主事桂王都肇慶復召爲兵部司務廣州再破遂奉母隱居梅園躬耕給養常獨遊山水怨歌涕泣人莫測其意家玉弟家珍嘗答如栳山中詩云蹤跡同爲一隱淪思君落落少相親鳥知好木終難擇劍有千金尙未貧松檜春林時獨往藤蘿夜月闌無人年來更有半駭者不

勝二

三

釣濱江欲買鄰如栳遠祖文季於宋元間與趙必瓌輩抗節不仕咏吟皆寓黍離之感嘗有詩曰正氣莫教銷鑠盡典型留與後人看如栳乃以看型名堂時謂何氏世有逸民年八十餘卒同里何鴻飛亦諸生少喜談兵崇禎間以薦授衛千戶隨征湖湘諸寇積功至都督僉事鎮守衡陽等處旋告歸國亡杜門深隱十餘年卒於家
名山集寒木樓遺詩廣州府志東莞縣志

陳鎮國 張安國

陳鎮國東莞人官總兵丁亥張家玉起義鎮國忠奮感激與同里總兵張安國聚兵爲之響應家玉走新安遣鎮國及參將馮家祿往攻龍門鎮國招同劉龍李啟新之眾克

其城擒知縣林之秀殺教諭藍奮興典史汪熊巡簡樞高斬四百三十餘級會家玉敗於西鄉遂奔龍門帥鎮國等部破博羅連平長益進攻增城家玉死鎮國與馮家祿劉龍李啟新等奉家玉弟家珍統餘眾數萬仍駐龍門以圖報復會李成棟復爲明乃解甲歸龍門部眾勇悍精技擊利器械故所向多捷屈大均嘗賦龍門健兒行云龍門健兒身手強綿木爲鎗三丈長三人持一綿木鎗風旋電轉誰能當進四尺兮退四尺挑起人馬半空擲朔騎千羣喪精魄前鋒夾以竹篙鎗三丈不足二丈餘藤牌絮被滾如珠三眼鳥鎗洞鐵甲繞指彎刀隨卷舒焦銅鋒鎗塗毒藥猛虎中之僅三躍用短尤能精用長縱橫擊刺千軍却往

勝二

三

日勤王義氣作文烈張公恣揮霍大小百戰似雷霆長驅幾欲空沙漠桂王再都肇慶家玉父兆龍疏稱鎮國百戰不挫實可爲中興効用晉都督同知安國字康之器宇奇偉美須髯聲若洪鐘隸家玉麾下爲別將戰數有功家玉死亦率所部三萬人居東莞新安問兆龍疏請桂王錄用並晉都督同知國亡後逃於禪與僧函是今同輩爲友自稱夢回居士函是有留別詩云惜別張居士殷勤寄一言干戈猶未已瓢笠尙能存山淺無黃獨林深有白猿古今看欲盡相待祇蓬門今同亦贈詩云早歲論功重禁垣投閒久矣樂邱園茅檐已忘將軍貴蓮社今推大士尊廿載壯心虛夢幻一經家學付兒孫長生詎羨彭錢術日對優

曇靜掩門後隱居龍岡以終名山集屈大均張文烈行狀
氏族諸

按龍門縣志稱順治四年賊首劉涇眼李啟新等於四
月二十九日圍城陷之繫知縣林之秀教諭藍奮興與殺
典史汪熊此劉涇眼當卽劉龍藍奮興蓋先被繫後見
殺也

陳熙 劉繩武

陳熙字徽猷東莞人曾祖履隆慶辛未進士官至廣西按
察使熙性慷慨尙奇節以古人自期弱冠補諸生崇禎癸
未父次良以選授經歷官京師聞羣盜猖獗憤卒同里張
家玉爲經紀其喪熙聞訃痛不欲生甲申北都陷熙泣曰

勝二

重

吾家世受國恩闖賊如是吾豈能坐視哉卽鬻產募兵乙
酉赴張家玉於闔以蘇觀生薦授御營錦衣衛都督同知
汀州破間行回里永歷時復授參將令鎮虎門廣州再破
熙知事不可爲棄官歸誠子孫以不試不仕後卒於家劉
繩武字明遇亦東莞人才質俊異通經史唐王立蘇觀生
招之辭不赴桂王都肇慶復強起之授參將以轉運功遷
副總兵因疏畫攻守萬餘言時不能用卽引病歸終日杜
門以課子爲樂家無長物然力敦任卹及卒焚篋中積券
一鄉化焉鳳岡陳氏族譜廣
州府志東莞縣志

丁邦楨

丁邦楨字善甫東莞人少好談經世務與梁朝鐘曾起莘

韓宗駮梁祐遠最契以時艱日亟因約爲方外遊遷延不
果隆武乙酉領鄉薦丙戌張家玉疏薦促其入閩值廣州
破未赴尋以憂憤卒時宗駮爲僧名函可謫瀋陽懷以詩
云苦留短髮近如何無地堪容挂綠蓑山月樓臺愁夢斷
江花兒女悔情多幸存料自脩文塚憤死憑誰棄草坡天
外故人心未改西風斜雨念殘荷後聞邦楨及梁祐遠並
歿復哭以詩云幾回三笑度溪風話盡仙羊恨轉蓬桂樹
折殘天地老花磚踏碎水雲空幸將短髮皈黃面定有遺
文化白虹獅子獨憐頭尙在雁聲愁斷大關東晴堂集千
山集張鐵
橋年譜

陳萬幾

勝二

重

陳萬幾字伯燮東莞人少伉爽喜談兵法勤於記覽長而
好遊與同里林洵何如栻等足跡幾徧天下所過山川墟
里無不登眺城郭弔其遺文尤垂意隱君子及賣漿屠狗
輩訪詢無虛日乙酉留都破萬幾奔難於錢塘遇蘇觀生
張家玉同入閩唐王立以觀生及總督朱大典薦官中書
舍人擢兵部職方司主事唐王師駐建甯萬幾留福州家
玉復薦萬幾才可大用可急用請置臣軍中俾展千里奉
旨萬幾召對奉使智辨足稱爾不再舉幾失此人准在張
家玉軍前用萬幾工詩與同里張穆相酬和穆至閩時亦
主其家嘗賦詩云朔風栗栗透絺衣有客蕭條坐釣磯化
鶴自憐城郭改僧牛何事市廛非東歸有母空懷橘西去

無人問采薇惆悵五噫歌欲罷滿天愁思雁鴻飛會汀州
變起萬幾歸里廣州破萬幾痛憤復作詩云蕭蕭鐵騎卷
潮來百雉重城破竹開結草竟虛龍馭去乘軒空見鶴飛
回湘娥清淚啼斑竹望帝芳魂委綠苔獨有匡山舊時月
淒淒還照越王臺自是不復出名山集張鐵橋年譜
粵東詩海東莞縣志
按千山詩集有懷陳燮詩云長纓欲請戀荷衣躑躅長
途劍屢揮親老有身難許國天傾無地可肩扉乘槎瘴
海空相弔謫戍寒邊苦未歸朋好已稀鬢已白不知何
處奉慈幃此陳燮當卽萬幾蓋燮上脫一伯字也

張穆

張穆字穆之號鐵橋東莞人父世域萬歷乙酉舉人官博

勝二

三

白令穆僑儻任俠工詩善擊劍恥章句不爲性好畜馬嘗
百金買名馬飲食坐卧其側深得馬之性情故又善畫馬
年二十七踰嶺北遊思立功邊塞有欲薦於山海關督師
楊嗣昌者或阻之乃止連州八排徭反總兵陳謙徵穆入
幕穆以策干鎮將陳邦傅邦傅不能用崇禎甲申聞北都
陷穆爲位吳於茶山雁塔寺唐王立穆入閩謁蘇觀生觀
生以御史王化澄疏叙穆爲靖江王黨人擯不錄侯官曹
學佺疏薦穆得旨張穆旣稱勇力能文便可上馬殺賊下
馬作露布着御營兵部試用旋詔與張家玉募兵惠潮鎮
平賴其肖爲衆擁攻澄鄉穆以書招之其肖束手聽命穆
卽與家玉入其軍閱兵得萬人會汀州變起家玉以餉不

繼偕穆回里廣州擁立穆歎曰諸當事不虞敵而急脩內
難亡不旋踵矣遂不復出穆少與黎遂球梁朝鐘鄺露諸
人遊露稱穆短小似郭解沉深類荆卿相劍類風胡畫馬
類韓幹飲不能一蕉葉而日游於酒人儲不能踰甌石而
好散粟募士膺門無五尺之童而駿馬實外廐恂恂似不
能言呵筆而千言下志投筆而擅美六書薄雕蟲而專精
繪事鉤圓飛白咄嗟立辨腕中有師宜官也解衣盤礴鬼
出電人滅沒權奇目中有九方歎也又稱穆之詩其旨數
百其體屢遷翼虛無翔寥廓倘佯佛老有屹其棲變化見
矣其傾倒甚至後屢游衡岳泛湖湘入留都歷吳越所作
紀遊詩皆奇傑可誦海內諸名士多與之遊秀水朱彝尊

勝二

三

贈詩云莫道雄心今老去猶能結客少年場歸安韓純玉
題其畫馬詩云壯心烈士悲暮年永日披圖發長歎大興
劉獻延年三十遇穆於西湖穆時已七十矣獻廷作長歌
四百餘言以贈末云還期徧走齊州地同作天台采藥人
其志趣可知已穆嘗讀書於羅浮石洞中晚好道戴竹皮
冠支藤杖廣袖寬衣所至劇談修煉術謂神仙旦夕可致
年八十餘步履如飛一日無病卒著有鐵橋山人稿何浣
山人年譜嶠雅曝書亭集 國朝詩別裁嶺海見聞楚
庭碑珠畫徵錄 國朝畫識 三續疑年錄東莞縣志
按何浣所編鐵橋年譜穆生於萬歷三十五年丁未年
譜缺後半不知其卒於何年以畫徵錄年八十餘計之
當卒於康熙十五年以後三續疑年錄未詳附記於此

袁立俊

袁立俊字遜萬東莞人歲貢生甲申國變後入閩居閩部
 蘇觀生大參陳際泰幕中軍書旁午咄嗟立辦永歷時以
 薦授宣化教諭遷太平府通判妖賊亂起流毒南太兩郡
 本道檄立俊鎮左州立俊築屯堡備守禦賊遁去總兵陳
 某督餉至州按戶科斂幾釀大變立俊急飭州官巡防復
 力請罷諸科派民始安時養利州為交趾殘破學正華白
 滋闔門遇害州牧程某亦被戕道無人煙巡撫王菁特疏
 薦為知州命下即偕一僕及兵役三十人往至則除瓦礫
 瘞遺骸殮恤華程兩家論士民刻期安集並請蠲租稅免
 徭役實巨棍張某於法境內以宜州有虎患躬禱於神虎

勝二

亮

亦遁跡御史廖應亨使滇道經州檄取役夫立俊力陳困
 苦廖批還其牘曰鄭圖可繪賈涕長流該州撫此殘疆用
 心良苦但滇南請封安危呼吸與其一路哭何如一家哭
 也不得已捐賞雇役以應廖召致慰勞贈玉帶一圍後見
 王撫曰袁牧知有百姓不知有上官今日難再見也已流
 賊四起有巨寇自署其巢日圍京設偽官恣焚掠立俊會
 剿擒偽知府總兵斬馘無算叙功加按察司僉事銜會丁
 父艱歸時東粵已隸版圖立俊閉戶著書足跡不入城市
 當道聞其才欲禮聘之皆不就性不喜佛而勇於赴義友
 人黃偉輔死無子遺一母老而貧立俊迎養之終其身年
 七十八卒著有四書正解詩經補注茶山鄉志訥齋瑣錄

養利州名宦志袁氏家乘東莞縣志

按瞎堂詩集有送袁普類還寶安詩云送汝且歸隱難
 逢無事人才多常憫亂母老莫嫌貧安攘千秋業田園
 此日春悠悠塵世外猶有草茅臣此詩題下注云乙酉
 蓋當時遺民疑亦與立俊同族也

簡知遇 陳調

簡知遇字伯葵東莞人萬歷戊午舉人官四川銅梁令時
 流寇蹂躪蜀中知遇多方捍禦境內以安丁外艱歸值羣
 寇梗道年餘方抵家尋以薦擢兵部主事國亡後棲息東
 泉與同里陳調輩為耆英會放浪於文字詩酒間深自藉
 隱年七十卒著有頑庵稿調字枚臣通脫喜任俠張家玉

勝二

早

起兵時糾合鄉兵與為響應後隸家王麾下任參謀推官
 家玉死乃歸與同里李貞悲歌痛飲晚築樂皓齋結隱而
 終 阮通志名山集東莞縣志

盧上銘

盧上銘字爾新東莞人父瑛田萬歷庚戌進士官至河南
 按察使奢宗明叛瑛田率師援蜀復重慶卒後叙平奢功
 贈太僕寺卿蔭一子上銘以父蔭官國子監典籍因叙述
 明代太學起洪武訖崇禎十年為辟雍紀事十五卷遷左
 府參軍擢工部虞衡司主事督造洪威廠為權璫所陷辛
 巳謫南甯逾年釋歸國亡不仕嘗作詩答友人云多君佳
 意惠新詩憐我青山采蕨薇自是琴書堪共隱不隨富貴

履危機著有幻遊草西征草 四庫提要粵東詩海 東莞縣志盧氏家乘

尹體震 尹瑩

尹體震字恆復東莞人諸生父遂祈萬曆辛丑進士官同安令調閩縣潔己愛民去官日商民走送百餘里歸至頓州卒卒時猶手江門集曰吾將從白沙先生遊矣著有天文備考陣法源流叢桂堂集體震性至孝父卒時年祇十歲奉檟歸望里門擗踊幾絕見者皆為流涕弱冠有文名與同里張家玉相切劘唐王時家玉薦體震及尹鈇尹榮兄弟未赴而閩陷桂王時授中書舍人國亡後遁迹羅浮已復逃於禪與僧函是諸法侶遊函是贈詩云頻年轉戰知交盡相對真疑夢裏人心澹自應廉吏後時危曾現

勝二

聖

宰官身趨庭有子能娛老避世尋僧得正因開士漸推蓮社長羅浮今亦有遺民函是弟子古易番禺崔氏儒家子也其贈體震詩有知是羅浮題已徧三朝曾不出蓬蒿句屈大均隱羅浮與體震相往還體震年八十大均壽以詩云一老在羅陽天留白髮長芝華先代秀菊蕊古人香道以神仙小身從隱逸強間時猶有夢夢向鳳池翔後歸里卒年八十二鈇字彥端瑩字彥素並東莞諸生甲申寇起嘗率里人築砦以衛桑梓家玉起兵時鈇與瑩從軍鈇戰死於萬江租桂王授瑩兵部司務國亡後韜晦不仕 名山集 山詩外 晴堂詩集 海雲禪 藻集 東莞縣志 尹氏族譜

按翁山詩外有奇祝子堅丈詩云羅浮峯四百盡讓老

人峯箕踞石樓上蒼蒼煙翠重其旁為玉女 自在 以下 是黃龍 洞名 仙客相期甚君來更植松東南民獻壽一 老在江濱碩果開天物芝華翼漢人歲將逢甲子天已 厭庚申八十多神智先求萬歷臣此子堅亦遺民隱於 羅浮壽八十今不可考

方曰瓊 叔祖聲宏

方曰瓊一名龍見字偉子東莞人少嗜學儻多智略桂王監國肇慶曰瓊破產助餉詣行在授金吾將軍旋與張家玉戮力行間雖間關百戰倡和不輟軍中目為羊叔子廣州再破遁跡蒼梧嘗謁尉遲祠賦詩以寓悲憤詩云廟食崇梧嶺英風載粵川犁庭思昔日真主識當年山岳難

勝二

聖

搖撼江河幾播遷蒼茫千古意何日息狼煙晚歸里構池亭顏曰渠園小隱與僧破浪遊自號別有居士因合寫小影一留僧舍一藏於家同族叔祖聲宏題其小影云咄咄二像遠而視之疇不曰吾家偉子吾則曰非偉子偉子昔曾束帶簪冠與吾馳驅乎王事今白着眼光着頂解冠帶而獨存須眉箕踞長松下僧並坐而與世違吁細觀果是偉子胡為乎爾吾知之滿肚皮不合時宜乙丑年六十二卒著有百遊草渠園集聲宏字茹實少能文屢試不售甲申之變年已四十仰天歎曰此英雄用武時也遂投筆請纓桂王時官拜明威將軍國亡後栖息禪林與今釋相倡和嘗賦山居卽事詩云閒居一草廬不管世乘除揮筆紀

時事然燈讀古書鳥啼荒徑悄花落碧窓虛富貴循環轉
浮雲自卷舒年八十四卒河田方氏族譜

按金吾將軍明威將軍非官名明人稱錦衣衛曰金吾
曰瓊蓋官錦衣衛也

謝重華

謝重華字嘉有東莞人諸生少有文譽崇禎間以乙榜貢
鼎革後杜門晦迹或勸其就試曰忝列名士籍卽老死田
間猶有慚色敢求聞達乎語及興亡之際輒慷慨泣下廣
袖寬衣獨行里社鄉居不入城市者三十餘年惟屈大均
寓莞時一過訪之大均作詩云咫尺鄉園未得還城中閉
戶亦深山故人祇有香農父來共琴書一日閒相見無多

勝二

聖

萬厯人白頭冠簪是遺民山中酒熟須多飲爲我長留太
古春重華晚以藝香爲業自號香農與故舊書亦稱南社
遭農故大均詩云然其後大均回里復寄以詩云長懷南
社老白首作香農香樹遺諸子香田在幾峯故人巖壑少
遠道水雲重蕪絕羅浮夢無因問石龍重華一女適盧年
三十七而寡有子挺生甫五月能撫之成立當戊己時屢
經播遷人罕見其面重華歎曰真吾兒也年八十三卒著
有化原韻考雲窩集翁山詩外東莞縣志

按翁山詩外有賦答莞中梁子詩云萬里孤征日三朝
痛哭人還家如紫塞見爾卽青春犬馬難酬主雞豚幸
及親白頭得知已感激更沾巾丈夫時命薄不幸作神

仙梅福監門日安期賣藥年道須高士得書必後人傳
歲晏多風雪松枝好自堅與子復何事千秋一采薇自
驚鸞鶴貴不必稻梁肥海氣樓臺結溪聲水石飛龐公
我兄事牀下拜無違滄浪歌自逸漁父卽三閭哀怨復
何益芬芳難久居月華含露溼泉響入風虛吾道遠遊
好從君恣所如時無衰鳳在難與楚狂言將子知音好
從茲古道敦鴛鴦元共命蘭蕙亦同根寡過相須甚時
時一討論又哭蔡二西詩云四十顛毛白知君不永年
無心非著述有淚是山川兒女遲婚嫁圖書早棄捐陶
公頻絕筆甲子仲冬前自注君以甲子年十月棄世柳下工何益徒
勞玩世心代農非此日依隱且空林縱飲無餘事狂歌

勝二

蜀

直至今人間蝸蛭早哀樂恐情深相憐被髮久未戴建
安巾慘淡南陽氣蕭條朔漠春命難盤石固愁易落花
新一旦歸蒿里皇天鑒碧燐故國頻興廢徒傷命不辰
無能迴白日得死卽長春溝壑難留汝江山易屬人英
雄多鬼伯催促作黃塵與子婚姻好圖將慰寂寥男憐
嵇氏幼女愛左家嬌骨肉能相保精靈自可招向平家
累重身後恐飄搖東官雖咫尺匍匐苦難前白馬遲三
月黃泉已半年結婚圖好永知已使情偏自分惟孤立
從今謝世賢此二人俱當時遺民並東莞人今不可考
詳詩語蔡二西蓋與翁山爲兒女姻親者
劉政陳舜法吳而達

劉政字起喬東莞人父鴻漸著書闢白沙姚江之學時稱
盤石先生政有父風性剛方寡言笑常偃居一室經旬始
一出戶在里巷六十年人多不識其面遂於易所持論在
京王程邵間晚遭鼎革棄諸生以吟咏自娛尋卒著有河
洛理數說陳舜法字子若亦東莞諸生國亡棄去號將隱
掩關羅浮以著述自娛內行甚脩所作詩文自成一言
年八十餘卒吳而達字康侯亦東莞人國亡棄舉業隱居
吟咏性疏脫不羈有女將嫁先一日遇遊羅浮者即欣然
隨往浹月而歸入門良久曰何不見吾女也然敦節義不
畏強禦嘗題降紳某像有堪嗟祿食全無面何事姦雄尙
有頭語邑人至今傳誦之詩長於集句詞亦工著有康侯

勝二

聖

集古詩破夢草 廣州府志東莞縣志粵東詞鈔

周覺

周覺字了玄東莞人家徒四壁而胸中恬然妻亡不再娶
性聰穎好測驗精天文術數之學嘗言旱乾水溢皆本五
星羸縮凌犯而星之失度離次直可豫計於百年之前人
初迂之久而四時晴雨一一服其億中崇禎初海內方晏
然覺獨告人曰主上英敏震厲而紫微久暗白狼晶晶芒
角賴孤矢張鎬注之今恐不可遏矣貫索內有星主多罪
臣玄象凌替如此天心人事其應在甲乙之間乎嘗與同
里張穆夜登臺觀北極帝星預爲杞憂時兩廣總制熊文
燦喜談兵以禮聘不應強之始出草冠破履來前不脩容

正文燦與語大悅餽以百金出遇貧苦者輒解贈及抵家
則既盡矣文燦使人偵之徹溫如故益奇之丁亥度嶺去
不知所終 張鐵橋年譜嶺南叢述

溫氏子

溫氏子佚其名東莞人幼通墳典能詩工楷法弱冠遭國
變遂出世習毘尼於鼎湖間函是倡道雷峯徒步歸之函
是一見知爲法器因名曰今壁字仍于時仁和金堡亦禮
函是爲僧名今釋初丹霞名刹迎函是主席溫追隨函是
住丹霞一言之下知解盡脫戊申元旦遂與堡同日付囑
函是以堡爲第三法嗣以溫爲第四法嗣後卒於雷峯時
函是住歸宗聞之悼以詩云昔辭雷岫獨躊躇再別丹山

勝二

聖

意倍孤慶喜堂虛人去後鉢曇花落雁行殊七年行徑空
芳草此日雲山有鷓鴣老我鷺溪成底事不堪吾道日荒

蕪海雲禪藻集晤堂詩集楚庭稗珠嶺南叢述

王鴻暹

王鴻暹字方之東莞人諸生父應華崇禎戊辰進士官至
禮部侍郎廣州擁戴與蘇觀生同爲大學士城破出降後
禮僧道獨名函諸鴻暹幼敏悟貫穿百氏能詩善畫蘭竹
不屑世事以父降恥之父歿既葬一日梳櫛笑曰萬髮皆
捐一髮何用遂棄諸生事函是於雷峯削髮爲僧名今回
字更涉受具後作詩云寄書故舊無勞問猶有僧聞學采
薇其意可知已後住丹霞一日過瀧江遇暴漲漂沒於巉

石之下人謂更涉之字若懸識云素與王隼友善卒後隼
夢見之作詩云昔年共約匡廬隱今日相逢夢寐間空歎
有魂歸白水可憐無骨葬青山數篇遺艸留孤韻一樹殘
梅想瘦顏石上三生人不見等閒風月幾時還

楚庭碑珠
海雲禪藻

按海雲禪藻集云王應莘字崇芳東莞人明經禮空隱
和尚山名函聞此當應華兄弟亦遺民也

楊晉 楊守清守清子璇璣

楊晉字子晝號二雪香山人父歿六月而生四歲母何口
授四書悉成誦年十二補諸生與黎遂球張家玉梁朝鐘
結詩社於白雲山寺稱嶺南四子崇禎癸未歲貢於廷直

勝二

聖

指柳寅東薦晉可大用特簡兵部司務異數也時軍興旁
午晉區處精詳遷本部職方司主事尋以病告歸甲申聞
燕都破號慟不欲生母勸諭再四始進飲食留都踐祚閣
部史可法疏薦不起唐王時黃道周瞿式耜復先後薦晉
至閩上疏千餘言力陳時弊不能用罷歸順治辛卯直指
楊旬英舉晉遺逸晉託疾辭甲午總督李率泰復舉晉遺
逸晉獻詩云鐵崖久已耽泉石乞放閒身侶白鷗率泰歎
曰宋之謝枋得也重違其性益敬重之晚禮信函是名今
報字薦緣與僧石鑑時相過從石鑑卽新會諸生楊大進
也晉嘗贈詩云廿年風急鶴鴿原避地何如出世尊火宅
自憐衣毳戀冰天誰媿明瓊存夜涼月上泉初熟花發風

和露亦温早晚春糧尋五嶽肯容一榻話朝昏晉性仁孝
遇親諱日輒悲泣祀必豐潔祖祠圯卧處廡下家人以爲
言曰祖父未安其居晉何敢逸卒竭蹶新之持躬嚴終日
危坐無少怠讀書嘗至夜分不輟著有讀易日解六卷大
易析疑十卷綱鑑撮要四卷性理指歸六卷家訓二卷何
慕廬遺稿鴛賦樓集四卷楊守清字清水號五癡亦香山
人諸生晉同族也少不羈年二十始折節讀書尤好左氏
春秋其先祖大章有厓山雜詠詩守清愛誦之甲申國變
守清曰吾可與世浮沈而忝厥祖乎遂絕意進取暇則泛
舟厓海作詩弔焉年九十餘卒著有五癡集游仙草二子
璇字協周璣字協公並好學能詩文承父志隱居不試

勝二

聖

仙揚二雪傳海雲禪藻集嶺南五朝詩選
粵東詩海阮通志香山縣志楊氏族譜

伍瑞隆

伍瑞隆字國開號鐵山香山人性穎悟弱冠補諸生聞玉
溪園白燕池於所居之南與同里李孫宸何吾騶諸人文
酒唱酬無虛日領天啟辛酉鄉薦中崇禎丁丑會試乙榜
授化州教諭累遷至河南兵巡道謝病歸瑞隆嘗愛香山
蓮花峯下藕泉陳子壯爲題詩云雲瀑樵西唱采茶道情
三老便移家香山近日饒鎗鼎掃拾蓮峯瓣瓣花子壯以
方文襄湛文簡霍文敏爲西樵三老而瑞隆與孫宸吾騶
二人交舊故用以相期云鼎湖僧道邱者號棲壑順德柯
氏子也有戒行瑞隆罷官歸從之遊嘗與吾騶延至香山

講金剛經國亡後瑞隆迭經喪亂有奇道邱詩云我歲乙酉夏師年丙戌春所爭九箇月同作七旬人老宦曾何補名僧自有真鼎湖山月白爲照劫灰塵岡州四衆請道邱說法瑞隆有皈依意復贈詩云昔日從師斷二愚別來原只當斯須肉身喜見生菩薩法座前稱老腐儒滿月一簾天在水春風萬里露成珠憑師試展琉璃臂入我岡城立雪圖晚以榜櫟自况所居在榜櫟社因離合其文曰雩樂林已復卜築於邑南鳩艾二山間號鳩艾山人所爲詩寄意深遠嘗賦竹枝詞云鷓鴣草長鷓鴣啼胡蝶花開胡蝶飛庭前種得相思樹落盡相思人未歸新城王士正極稱之又謂屈梁程陳外如瑞隆詩皆有可傳著有臨雲集辟

勝上

吳

塵集懷仙亭草金門草白榆園草遊梁草石龍草鐵筵草雩樂林草鳩艾山近賦少城別業近草練要堂集鼎湖山志僧圖捷棲老和尚行狀漁洋詩話國朝詩別裁粵東詩海阮通志香山縣志

梁國棟

梁國棟字景升香山人天啟甲子舉人授彭澤令廉以持已敏以御物民懷其惠姦畏其威咸稱爲鐵面梁公甲申之變附逆者蠶起國棟擒獲僞官三僞印二左良玉兵所經州縣無不殘掠及過彭澤誠曰此梁侯境也慎無擾以母老告歸廣州破家居十二載讀書自樂年七十二卒香山縣志

高有馮

高有馮字仁長號盤野香山人隆武乙酉舉人遭變後隱居不仕置園林於城東之河泊築室開池種樹栽花爲教子息老之所並擬建庵舍延僧主之時方顛愷爲僧名成鷺過謁有馮愛其清淨可以栖禪有馮爲點首默許卒後其子承先志遂割其西偏與成鷺爲東林庵咸陽堂集紀夢編年

區大緯

區大緯字文昂香山人貢生初任安吉州同知大吏廉其能領餉三十萬入都路遇寇力禦獲免督權北新關商民感其寬政立碑頌之尋遷中書舍人陞虞部主政乞養歸大緯工詩在都時與李雲龍區懷瑞相倡和嘗過豫讓橋作詩有七尺當年捐報主二心千載愧爲臣語遭亂後不

勝二

辛

復仕自號五象山人與伍瑞隆諸子詩酒往還著有紀漫草續漫草粵東詩海香山縣志

按梁佩蘭六堂堂集有送區魚山歸鐵城省覲詩云歲暮州城負米歸他鄉猶得戀慈幃亂離只合甘貧賤生計何妨采蕨薇海上一帆孤島近柴門深雪夜燈微讀書膝下真難事莫歎乾坤老布衣此不知卽大緯或別一人亦遺民也

又按陳巖野集有次答大參區几蘧先生詩云不道口口俄犯口浪傳縉葛亦能軍中原半已成魚爛草野宜當戀鹿羣燕薊攀髯愁浸李秦淮扈蹕盛風雲安危此日資元老早應蒲車翼聖君考郡縣志俱未載几蘧其

人疑後亦為遺民附錄於此

黃遠卿 從兄鵬卿從弟廉卿

黃遠卿字廣思號香樵山人諸生六世祖瑜字廷美景泰丙子舉人長樂知縣七世祖畿字宗大諸生高祖佐字才伯正德辛巳進士官至少詹事卒贈禮部右侍郎諡文裕明史有傳自瑜及佐三世皆以著述名世為嶺南文獻之宗遠卿承先緒善讀書識大義遭變棄舉業與陳恭尹從兄鵬卿隱西樵之寒瀑洞後恭尹諸子皆以文章成名遠卿能之而能不為同時偕隱者或饒然列鐘鼎之上遠卿惟安貧守道不少貶辭色世目之為拙或曰懦夫惟僧成鷺知之謂遠卿之拙與懦乃所以保其令名終其大節

勝二

至

初以城陷覆家遷海破產無土瓦之遺遠卿返邑居躬耕自樂及邊界既復第宅之在城者亦還故主遠卿脩復故業得以歲人之餘刻其祖瑜及佐三世遺集十餘種凡數十萬言劖劂之費浮於歲計則貸而益之人莫不稱其孝友自兵燹以來五羊城中故家巨室能先復其故字重刊其先世著述使煥然復流播於人間者遠卿而外不數數觀也年六十卒成鷺輓以長歌末云罔君念我意中人碧血丹心半塵土黃梁已熟人未醒喚起二難相對語時鵬卿已歿故云鵬卿字舉思號勉庵亦諸生遠卿默然循謹不求聞達而鵬卿擊劍悲鳴常有叱咤風雲之氣以任俠破家歿後十年易宏賦詩焚寄之云黃金散盡不知貧竟

赴沙場歿此身命去英雄空有恨時來意氣始無人劍沈

秋水光初滅骨瘞寒原草不春十載尙應懷此事睢陽為厲隔紅塵遠卿從弟廉卿字潔思號雪桐國變後亦隱居不仕雲間張恆遊粵訪文裕子孫於寶書樓時廉卿已卒因題其墓曰宮詹賢裔 咸陟堂集雲華閣集毛定周撰黃序黃氏家乘 香樵家傳陳恭尹撰黃廣思哀誄

按成鷺易宏二詩其語意皆言鵬卿殉節死今不可考

何源澎

何源澎字潤萬香山人生時父已歿事祖母及母孝愛甚至幼嗜學通左史百家弱冠補諸生會遭國變不願薙髮黃冠道服遯跡於邑之眾母禪寺易名正昌號逸叟正昌

勝二

至

者隱寓其為大明也自是蔬食布衣足不出戶數十年如一日蓄一琴曰氣合乾坤暇則彈之以寄意然性好善敦任卹創建祖祠葬伯叔及族人之貧而未厝者兩遇饑年輒出粟數十石以賑壬寅甲辰遷界令下邊海之民流離瑣尾道殫相望源澎復命子弟計口授糧借以居止死則為之殮葬鄉人德焉後兩舉鄉飲大賓不就時稱為盛世逸民年七十五卒 香山縣志楊聖烈等公呈節略何氏族譜

何準道 弟輩道輩道子杖

何準道字旦兼香山人父吾騶萬歷己未進士崇禎隆武紹武永歷四朝俱官大學士明史附見王應熊傳準道登崇禎壬午鄉薦累官至吏科給事中中國亡隱居不仕屈大

均嘗贈詩云老矣黃門客軍中昔苦辛江山無半壁市井有孤臣海日生紅樹天風起白蘋相公家學在詞賦亦經綸著有棕山詩集玄英閣藁弟鞏道字皇圖諸生少聰慧有時名遭亂徜徉自廢丙戌廣州破鞏道作日日詩二篇云日日貌貅擁六街東南陰氣半爲霾紅塵撲岸飛陰火白浪橫灘瀉積骸燕戀衆雛盤舊壘蜂憐殘蜜守空厓野人不問興亡事只覺秋光到處佳日日悲笳海上來蕭條風景暗相催驚潮打鶴猶聞立深雨迷花尙闕開曉出不知心所往夜吟惟有影相陪天涯縱得投閒地庾信江南未免哀論者謂開韻一聯上語見李成棟襲廣州蘇觀生不設備下語見永歷紹武自尋干戈昏而不悟也其比興

勝二

卷

多類此吳江鈕琇稱鞏道詩刻意抒懷雖音多哀颯而律細思清他如別非垂老偏多淚歸已無家復送行百戰山河如昨日獨行蹤跡似孤僧皆世所傳誦方在盛年爲怨家夜殺死於道著有越巢詩藁二卷子拭字太詹性曠達亦以詩名尤工書法卒年九十一著有獨寫堂集二卷南塘詩鈔二卷梁佩蘭稱之爲詩隱觚贖翁山詩外嶺海詩香山縣志

按準道官吏科給事中此當唐王或桂王時官今不可考

又按南塘詩鈔入禁書目

又按獨漉堂集有寄懷何克諫何景雪詩云君家隱處

海雲東水繞青螺一百峯初日芙蓉三謝句西山薇蕨

二賢蹤投竿擬傍羊裘老負土新成馬鬣封猶感故人嘉惠在相思和夢夜千重此克諫景雪兄弟亦遺民也

今不可考獨漉又有壽何克諫詩云姓名不愧何徵士

甲子終虛宋永初又有何克諫八十詩

又按海雲禪藻集載有李雲子贈何淨德詩云經術逢時早避秦傲游今已得閒身庭前雙鳳能娛老雲外飛

鴻不傍人居士久推蓮社長古風猶見葛天民門臨江水通漁父大石垂竿學涓濱此淨德蓋逃於禪者亦遺民也

又按翁山詩外有香山過鄭文學草堂賦贈詩云與君

勝二

卷

同學早四十四年前白首歡初盡青春恨未捐汝師餘

碧血吾道在黃泉不盡招魂意同裁大小篇自注師謂陳巖野先生

於子多一歲同是杖鄉時飲酒教難老茹芝得未衰

武公應九十萊子且嬰兒莫惜頻相見殷勤作社期此

鄭文學亦香山遺民今不可考

黃公輔 子確

黃公輔字振璽新會人萬曆甲辰進士知福建浦城縣薄斂省刑民甚德之晉南京山西道御史多所建白有府屬誤干文網力為昭雪饋之醢發視金也還其金而切責之上疏劾魏忠賢及織監李實乞正典刑以伸國法言甚激切留中不報旋削奪回籍崇禎改元魏瑞敗起湖廣參議分巡湖北轉江西副使湖民數百抵京擁政府楊嗣昌門責其不為桑梓保障計楊懼特疏題留還公輔於楚晉參政分守寶慶因入賀上疏言流賊猖獗勢將燎原征討宜急上嘉納賜宴優渥越二年兼備兵長沙值賊犯城公輔

卷三

一

設伏擒斬千餘始定未幾復回寶慶臨藍賊萬餘逼城督兵逆擊搗其巢擒賊首斬之餘黨悉平上功加俸二級錄蔭一子尋會推都御史撫治偏沅以病歸癸未起太僕卿轉南左通政疏辭丙戌廣州破踰年諸義師遽起張家玉起東莞陳子壯起南海陳邦彥起順德而公輔亦起新會邦彥攻順德時約公輔就其鄉屯兵互為犄角公輔遂與御史連城璧攻下新會新寧桂王晉公輔刑部侍郎已復晉兵部尚書不拜其長孫確亦以諸生從桂王授兵部司務陞按察司副使監軍廣西會家王子壯邦彥俱死公輔軍亦潰敗庚寅平靖二藩入廣州致書招公輔降公輔復書曰公輔世受國恩八十孤臣報國無狀枯朽餘生徒未

死耳所可自明者輔自四十成進士嘗恐入仕後區區愚忠有忝先人昔逆璫構清流之禍輔以抗疏削籍天下笑其愚三十年來奔走流離窮愁孤憤唯不敢阿附權奸以至於此天下之所知也今已自甘遁跡山林為世外閒人矣明公若宏胞與之量俾獲老死溝壑以終其志死且不朽若必使造郡自明亦猶誘孀婦使潛出戶外也無乃不可乎即輔不顧禮義赧顏造郡明公憐其枯朽貸以不死輔敢厚顏求生乎生為明孤臣死為明故臣輔志決矣辱命使諭確歸順以自贖未敢聞命昔狐突曰父教子貳何以事君若使確降教之貳也無乃為狐突所笑耶亦明公所恥也違命之罪無所逃生人生自古誰無死留取丹心

勝三

二

照汗青文公教我矣不敢當明公之賜也遂避地新寧而卒年八十四或曰與將軍王興同死於文村骸骨不歸云確尋亦殉節死公輔著有北燕巖集 大清一統志馬馳見聞隨筆西南紀事 陳巖野集翁山 文外新會縣志

按新會志稱確與陳子壯同日殉節考公輔復書二王時確尚存志誤

又按中洲草堂集有與少司寇黃公感述詩云古柱煙空石室寒扶桑低拂海門寬屯田日月愁充國賭墅風流泥謝安漢苑望迷承露掌楚天彈破切雲冠巨魚出沒無消息猶自期年守釣竿此少司寇黃公當即公輔其詩次戊子至行在後寄鄺湛若前蓋在桂王再都肇

慶時作詳詩意蓋勸公輔復出輔桂王也

唐元楫

唐元楫字應運號巖長新會人淹貫經史皆根極理要崇禎癸未進士授兵部職方司主事給假南還唐王立以張家玉薦召促入閩未赴而閩陷廣州破總督佟養甲檄署梧州司李不就李成棟迎桂王都肇慶元楫與同里中書陳世傑奔赴行在仍官職方國亡後不復出時給諫金堡亦為僧隱於丹霞元楫贈詩云悟後今相見禪宗即佛宗高秋深夜月古寺萬層峯法說天人聽經翻花雨重丹霞遙一望時有白雲封後巡按復疏薦起用堅辭不赴年七十八卒學者私諡文貞著有太極圖說西銘發蒙辨解初

勝三

三

築集名山集小腆紀年粵東詩海新會縣志

按阮通志選舉表云元楫 國朝桂林知府此與梧州司李皆當時起用而元楫不就者粵東詩海云元楫於鼎革後屢徵不就此其證

區志遠子伯亮

區志遠字爾遂新會人萬曆戊午舉人官至南兵部郎中志遠年二十餘受書日不滿三四行自曉至夕不成誦久之其弟舉於鄉志遠讀其文嗟然曰直若是非甚難到也師叱之請自試應筆立就皆可觀乃共奇之官都察院都事時都下大疫環所居無存者志遠家晏然因傳區都事能治疫鬼有得其花押者持至門病人立起於是求者如

市御史某病甚過志遠曰卧吾榻當瘳其人少睡得汗病

良已乙酉南都破投誠者多還職志遠獨挈妻子南奔道為亂兵所掠備極艱苦始達江右時嶺外阻絕因遜入清江深山擁茅以蔽惟祝大詹暨周黃諸故老知其蹤跡嘗密過訪相顧流涕未幾病自嘆曰吾道窮矣口占一絕云朝廷養我今何補空愧昂藏一丈夫大厦將傾支不得孤臣萬死有餘辜遂卒妻顧亦自縊二子削髮為僧諸故老為殯之淺土後康熙五年族孫孟賢過清江遇孝廉黃偕宸始悉其詳子伯亮為僧者老矣乃同啟土扶之歸葬獨堂集五山志林新會縣志

按獨漉堂集志遠作致遠

勝三

四

吳馴

吳馴新會人天啟辛酉舉人性慷慨有濟世才崇禎時寓都門嘗為駙馬王昺草奏請練京兵上覽之嘉歎昺欲以名聞馴力辭歸鼎革後四壁蕭然甘貧自樂邑令劉象震見而重之歲饑餽之粟不受著有野鳴集卒年八十三新會縣志

縣志

梁奇顯

梁奇顯字肫慶新會人天啟丁卯舉人少孤力學事母及大父母孝樸誠寬厚遊其門者歲常數百人崇禎間任茂名教諭遷工部司務不就歸而教授生徒取楮自食登科五十八載中遭國變奇顯褐衣屣足跡不涉公庭見者

不知其曾爲官也年八十三卒

新會縣志

易奇際 子訓宏

易奇際字開五號吾豫新會人性孝有文行年十二侍母
馮疾廢寢食者累月及喪哀毀骨立弱冠補諸生崇禎庚
午舉於鄉公車凡三上厯覽齊魯燕趙間與豪俊交遊意
氣慷慨毅然以忠孝大節自期已卯復赴北都上書論邊
防諸務時禮部試未畢忽蒙父疾亟遽歸抵家父卒已踰
月人謂精誠所感甲申後與子訓避亂山間後復徙之蒼
梧及歸絕意進取講學授徒以克己爲要主靜爲宗陳恭
尹嘗贈詩云帝里看春最少年比年多祗戀林泉頻移隱
地金囊澀久坐窮山木榻穿脫粟便爲終歲計道書相共

勝三

五

午時眠酒酣笑向妻兒說梅尉原來是列仙年六十三卒
門人私諡曰文哲恭尹爲文祭之云公之決科年始二十
從容盛時進不汲汲乃及壯強地坼天崩之死靡他人醉
我醒獨臥窮山左圖右史子衆而材弗命之仕時以爲實
錄著有書詩傳解逸記吾豫漫筆拂劍草僑梧集大易堂
集訓字宣人少天資卓異能詩性狷介視流俗若浼嘗從
父遊京師時諸鉅公題詠五色鸚鵡訓以韶年出語傾動
一時國變後常往匡山倚哀歌亭放聲大哭人莫之測也
屈大均有和其弔匡山詩云乾坤於此盡海底有中華魚
腹懷忠義鸚鵡啼爲國家雙峯天作闕兩廟地沈沙歲歲蘋
蘩薦勞君此水涯訓嘗與諸名流重結南園詩社恭尹極

推之有入羣野鶴能驚眾出土新松卽傲秋語恭尹又稱
其垂髫以往出則千里求友人則閉一室以求性命未嘗
有無謂之行其見重如此後隨父適蒼梧謁興陵作詩云
白雲漠漠覆層巒獨上荒陵掩淚看坏土未乾人盜去寢
園無主火燒殘迴腸暗應猿聲斷落日愁添壠色寒惆悵
西郊寒食節春風誰與薦芳蘭已聞陽朔之勝將探其地
居焉尋得瘴疾卒年二十八著有東樵遺集訓弟宏字秋
河少與兄閉戶讀遺書發憤力學制府吳興祚遊海幢寺
見壁間詩有十年王謝半爲僧句問之寺僧曰此秋河易
生也因延入幕中久之興祚遷瀋陽偕宏行所過名山大
川仙靈窟宅名賢古跡以及綺羅佳麗之地一一皆有詩

勝三

六

因之北極窮邊東逾崑台西出雁塞五嶽登者四焉嘗抵
晉之間喜縣鄉落間有張侯廟意以爲桓侯也翼晨往謁
司廟者已知宏姓氏跪而乞爲記曰神所命也廟立四十
餘年向者境中時出妖祟民多奇病蠶害禾苗神降某家
曰余增城侯東莞張家玉也爲禳災害保爾黎民余當食
此土廟旣立闔境遂安昨復見夢言易君至君知吾事宜
請爲記宏驚異攷建廟之年卽家玉殉國難之次年也宏
爲記稱侯節義在天壤文章在方策宏記何足重而侯以
之命予者侯亦知人間有宏矣蓋願自負云其後倦游歸
寓肇慶法輪寺謝絕人事以著述自娛自號雲華子竟卒
於寺所無子惺和尚爲葬於西郭梅庵右所爲詩清麗芊

綿間作蒼涼沈鬱之句時謂諸名輩中宏詩可稱秀絕所著道德經注金丹會輯龍沙別紀青山外史俱散失惟雲華子詩集坡亭詩餘尙存獨澗堂集翁山詩外雲華閣詩府志新會縣志

陳應緯

陳應緯新會人崇禎癸未舉人未第時值蕉園盜起當事議剿無成策應緯言於總督熊文燦請撫之海盜以平賊感其德餽之金不受盜誦其義時有吏在賊中聞之言於海道晏清清亟稱之曰此君可謂義感羣盜矣國亡後年八十五卒臨終自題銘旌曰吾明人自省不愧孝廉稱明孝廉可也新會縣志

勝三

七

林皋 兄宜逢莫觀光

林皋字應沚號頑庵新會人諸生舉隆武乙酉鄉薦鼎革後棄去時藝博涉六經諸史百家之言善屬文尤好表彰忠孝節烈事嘗閉戶十年成通鑑綱目大成六十卷已踰嶺越豫章至浙江徧遊吳會所過名勝留題幽人贈答以及傷今弔古發舒憤懣之篇彙成一帙名曰漫遊草歸四年丁內艱服闋復浩然長往自松臺抵蒼梧歷熊湘厄於洞庭作洞庭春三十韻晚年多病猶力學不倦作同文說約未終遽得疾卒年六十三他著有論史二卷圭峰志一卷慈文堂古體詩一卷近體詩一卷皋兄宜逢亦諸生甲午李定國東侵圍新會宜逢與母俱繫圍城中有悍卒欲

烹其母宜逢求以身代許之及解衣見其羸瘦將置之其黨不從宜逢妻陳曰子可代母妻可代夫願就烹遂烹其妻時人稱曰孝子義婦之門同里莫觀光亦諸生性孝謹甲申國變後絕意科名甲午圍城時援兵脯人而食有劉弁欲據其室觀光疑將見殺弁稔其長者厚視之食必同案久之觀光告以親朋飢狀欲一往省弁曰可然恐爲他兵所得將不免奈何乃銀鐺其項曰負餉見逮也他兵不疑遂得袖米周諸親族云大清一統志阮通志新會縣志

勝三

八

亭月豈獨俟芭載酒過絳帳曾思十載違芳辰今立雪中扉孤山放鶴常閒任靈石攜琴每懶歸砥柱波瀾文獨老感時筆削義多微不須更上河汾策穩坐江門舊釣磯此林秋浦當卽林皋楫汝字用濟新會人順治丁酉舉人辛丑進士蓋及皋門也

又按新會縣志稱西寇圍城中糧盡兵略人爲脯舉人莫芝蓮貢生李齡昌生員余浩魯龍李吳登等皆爲砧上肉知縣黃之正莫敢誰何撫膺大慟而已翁山詩外有四孝烈操序云有莫氏者諸生林應雒之妻其姑將就烹莫叩頭請代姑得釋而莫死有李氏者兵欲食其夫哭拜曰吾夫五十無子請食我兵殺之以首還其

夫使葬焉梁氏者其父諸生名學謙女年十一請代父亦死諸生吳師讓妻黃氏亦代夫死是爲新會四孝烈此亦甲午圍城時事

又按林泉有贈僧今日詩云三城有關士碧眼水田衣一尊繡佛前咳唾成珠璣蒿日憂世志蝸磨忘渴飢岡州昔三載白骨委荆扉親戚念倉黃時危願力微戒舟下江門對之長累欬兜羅一展力殖幣何巍巍白業護枯朽魂氣倍有歸我來煮石園與子話無機羨子法雲侶而我願多違三笑過虎溪臨歧歌采薇今日番禺李成憲僧名詳詩意李定國圍攻時皋蓋在圍城中圍解後成憲至新會爲掩其遺骸也

勝三

九

劉坊

劉坊字懷默新會人崇禎庚午拔貢授撰文中書舍人癸未假歸甲申國變遂不復出鄙露過之贈詩云浮海諸夷未定居乘桴時過夕郎廬蘭臺墨妙闕中秘薇省文心逼子虛鳳詔昔傳三殿詔金泥長護九龍書沈香浦外遙相憶爲駕琴高錦鯉魚及丙戌丁亥間土寇兩犯邑城坊與何士琨登陴助守日爲酒食餉禦者數月不輟城遂全平生以禮自持盛暑不脫衣冠雖自奉儉樸而好周易晚年攻隸書以吟咏自娛著有燕遊集瑤玉館稿

嶺雅新會縣志

何士琨 從子壯英

何士琨字文玉新會人父熊祥萬曆壬辰進士官至南吏

部尙書卒贈太子太保諡文懿士琨孝友和藹出拔貢生歷官至南刑部郎中治獄平允年四十餘解組歸甲申福王立士琨方里居築演露堂成廊露過之勸其出仕有聞道聖人新建極北窗雲起半從龍語會羣盜蠶起丙戌冬賊犯邑城士琨與劉坊等相率登陴辦火藥賦糗糧備賞犒把總司徒義因之斬賊首黃信賊乃退踰年春賊復至士琨復募鄉兵相爲策應城賴以完性好義瀕年歲饑損口捐糶率弟姪炊粥賑飢存活無算國亡後優游林下不復出縣城北有圭峰山水簾千尺下注雲潭陳白沙與周鎬嘗游於是以前詔莊定山者也山麓有玉臺寺士琨隱於是間其引道青松皆所手植云從子壯英字茂生諸生遭

勝三

十

國變棄去所爲詩多感亂語每作輒焚其稿故集不傳

嶺海詩鈔新會縣志

按中洲草堂集有挽何司寇詩云漢署星沈紫水濱岡州難問老成人萬錢憶會鳴鐘里五殺俄悲相杵鄰棗下歌傳真厭世橘中棋散竟藏身承家更有元成嗣喬木他年念世臣此詩次壬寅元日詩後壬寅爲康熙元年何司寇疑桂王時官刑部尙書者詩云岡州老成亦新會人也又何絳不去廬集有江門會葬家節生職方詩云艱難歷盡見清操誓死封疆敢告勞殫日冠裳州刺史葬時碑碣漢兵曹素車並是平生友殘仗猶餘陣上旌此去厓門應未遠淒風難聽夜潮號考海雲禪藻

集僧今沼有送何兵曹拜命赴端州行在詩節生與何
兵曹當卽一人詩題稱江門亦新會人二人新會縣志
俱失載今不可考疑與士琨同族亦遺民也

陶天球 子鎰

陶天球字昭輯新會人諸生三廣公六世孫蔭錦衣衛千
戶粵番禺陶璜居異縣而同祖天球少奇慧善隸工詩與
弟琳俱以博洽稱鄺露嘗贈詩云賦才曾許擅機雲五色
肝腸絕世氛芳草綠時頻寄夢菊花黃後又尋君開尊獨
翦堯年韭懷古同探禹穴文歸去層城隔明月岸松煙艇
對秋分國亡後不仕愴懷君國時寓於詩嘗作輓虎賁將
軍王興詩云十年膚髮干戈裏一代君臣艸莽中興或云

勝三

士

新會人奉朱聿鐸據文村糧盡闔室自焚死故天球云然
王邦畿嘗稱天球詩有初盛風陳子升亦稱其命意真篤
立言典雅著有世烈堂集子鎰字賑茲一字雲地幼亦有
詩名王隼稱其豪華偉麗象物寫意無不逼肖要皆性情
所發非徒輕世肆志云著有四桐園存稿嶠雅嶺海詩
鈔新會縣志

按嶺海詩鈔有陶鎰丙辰從軍詩云請纓無路謝終童
蒿日郊原負乃翁上士逍遙惟遜世書生離亂自從戎
風鳴細柳馳金旆月照垂楊試角弓匹馬輕衫時校獵
要令鵬鷲下雲中考丙辰爲康熙十五年時三藩方叛
詳詩意鎰蓋從吳三桂諸軍也
又按粵東詞鈔云陶鎰陶璜苦子之弟此不知何據疑

誤

莫以寅

莫以寅字休倩新會人少聰敏過目成誦博通古今十
六補諸生平居慷慨倜儻不羈而至性過人篤於君親朋
友之義義所在不避艱險甲申間變痛哭爲書訣父閉閣
自經其叔排闥救之得不死遂棄儒冠著道士服與同里
湯晉遊遊吳越山水間嘯歌自遣年三十二卒其友毘陵
張處仁葬之番禺畢村山麓秀水朱彝尊至粵哀以詩云
穠花細雨落前檐憶別江樓暮捲簾今日天涯同調盡白
楊荒草哭陶潛著有明史綱晒雲閣草曝書亭集羊城古
鈔新會縣志番禺

勝三

士

譚庸

譚庸字非庸新會人諸生性皎潔方廉有不可一世之概
遭國變時懷悲憤嘗作詩送屈大均之江南大均答詩有
今天降螽賊王事艱且危脅力君方剛經營願相資語庸
又嘗作詠懷詩云甕牖無丹漆穴處無雕梁被褐何所懷
懷此蘭蕙芳拊缶悲南山擊鼓傷漁陽貧賤全性命垂竿
釣滄浪又云蟋蟀鳴牀下蟋蟀亦相因毛褐已蒙戎我心
獨憂殷白駒不可留青陽欲改新終窶難爲禮何以祀先
人先人識祖臘季女湘其芹年五十餘卒於廣州旅舍卒
時頌書散玩雖手厥舌結猶草訣友之書易題詩之字識
者謂其了了於死生云陳恭尹問其卒爲文以祭曰嗚呼

石斧不剖玉觸則碎草萎不死花榮則悴胡先生之制行與流俗而趨背然而天人未定時命不偶揮戈莫迴逐日徒走藹集其足霜侵其首貧攻其軀病夭其壽非所謂制行高則易隳孤則易淫者耶是可想其志節已

獨澆堂集翁山文外

粵東詩海嶺海詩鈔

廖明士

廖明士新會人佚其名說者曰明士生於明士於明其隱也亦以明故號為明士云明士生白沙之鄉白沙弟子有李子長者以道學獨行不鄙流俗兒童狎之弗恠也所為詩文有高深超脫之致善書畫雖愚弗却貴人齋幣以請不能買其一笑明士私淑子長之為人明於易究心幾衡

勝三

三

圖書之學旁通音韻六書能詩文書法晉人嘗手勒雙鉤澹化閣帖墨竹類與可畫成信筆題詩積至千首無雷同句生平立身皎潔待人忠恕事親以守身養志為先先世居省會國變後奉二人盡室避兵僅以身免僦居南海之佛山尋遷西樵之沙頭家徒四壁藉硯耕以養晨起必親入市擇屠肉之精者割臠許以歸紙裹袖之或問之則笑而答曰籠肉也籠肉奉親差不薄耳其真率而詼諧多類此環樵居人聞其風高其行皆謂子長再見一日偕客遊樵道經子長墓掃地拜首錄碑志以歸因跋其事於西樵山志後其後晦迹於卜決休咎不爽毫髮間有弗若於義者輒龜謝曰易為君子謀不為小人謀子之所謀不可以

瀆元龜也客慙而退輒有憬然而惕於中者為詩歌多不存稿有此君子詠環齋小集卒後梁佩蘭題其墓曰徵君僧成鶯改題曰高士

咸陟堂文集

按王中秘文集有與李伊令書云伊令子長曾孫也行醇謹端慤有祖風時天步艱難已棄儒冠不復仕僕去年春交伊令因懷子長期相與遊黃山約三十六峯結茅其上此李伊令亦當時遺民附錄於此

黃居石

黃居石字圯仙新會人世居江門水南村少穎異博學工詩遭鼎革隱居尚志留意經世之學於數學尤深與僧石鑑遊有逃世意嘗作贈石鑑歸自棲賢詩云百尺竿頭一

勝三

西

月明萬緣空盡道難名燈傳上座開鵬嶺錫帶閒雲返象城蓮社近歸秦處士經筵長侍魯諸生應慚未斷周何累何日東林躡屐行康熙庚申八月平南王尚之信以罪誅居石作羊城秋意十章論者以為詩史著有自知集

新會縣志

嶺海詩鈔

按居石羊城秋意詩諸選本不載惟新會志有之其詩哀艷並可考見當日情事附錄於後詩云陸賈城邊肅曉霜滿林秋意動悲傷枯榮夢冷槐安國笑泣聲殘郭禿場何處劫灰沈泮水多時凶器伏蕭牆憑高莫弄山陽笛徒倚西風一斷腸見說浮生事可哀英雄無計避輪迴軍前藁葬腸尤熱殿上茶毗骨已灰送殯山城門

吏少營齋江寺野僧來生前恨不疏儀狄莫向重泉更
酌杯電掣雷轟瘴海邊蒲門金紫集貂蟬南溟水擊三
千浪北斗城高尺五天重錫土田符已剖未離襪祿綬
先懸何堪轉盼成朝露黃木灣頭泣逝川鼓門闕處士
如雲玉帳雄驅虎豹羣秦戍已能亡二世楚歌誰爲散
三軍牀頭寶劍藏秋水壁上彤弓挂夕曛海島義旗倡
五百幾人殉難獨從君翩翩朱履集西園此日驚惶出
掖垣彈鋏客依新幕府曳裾人返舊衙門稱藩未盡狂
生策仗劍寔忘國士恩亞父不留時已去彭城空鎖夜
歸魂三千紅粉泣化僞鬢亂釵橫下翠帷一葉可能逢
范蠡千金誰爲贖文姬含顰柳葉凋殘黛射覆花媒冷

勝三

五

舊枝誰肯墜樓輕七尺綠珠千古是男兒庫標黃紫十
經秋悉索東南尙未休幾處鑄山窮絕域頻年煮海截
長流波斯特獻珊瑚樹隴右遙供翡翠裘早悟多藏容
易散內庭何苦夜持籌畫閣雕軒結彩霞還與土木築
章華穿簾巧語殊方鳥而檻交垂上苑花金埒月明嘶
叱撥玉樓春暖聽琵琶于今冷落誰爲主幾樹垂楊咽
暮鴉萬家傾橐築禪堂繡閣高懸古佛缸舍利塔藏金
鷲刹上方雲鎖玉龍窓三城熱血塗丹壁十郡冤魂結
寶幢借問臺城飢餓魄可曾持履到蓮那全家閣淚出
仙城牧馬南來又北征五夜管絃金屋夢一天風雪玉
闕情衰年落索憐慈母遠道提攜仗阿兄孤寡莫嗟行

路苦窮檐離散久吞聲

高儼

高儼字望公新會人博學工詩畫艸書時稱三絕國亡後
與陳子升王邦畿陳恭尹張穆輩遊復與穆有偕隱之約
後穆度嶺北遊儼作詩送之云白頭爲客昔人悲况復行
當此亂離江國昔年曾失路才名今日恐非時隻身旅食
仍依友萬里家書欲寄誰莫向天涯重留滯青山還有白
雲期海鹽彭孫適秀水朱彝尊至粵俱與儼相契彝尊贈
詩云高生老畫師往往賦新詩能事由來重狂歌和者誰
飲知犀首好情識虎頭癡不向銅鞮去尋常倒屣羅尚藩
駐粵聞其名屢辟不就嘗自寫照幅巾深衣半露白雲天

勝三

六

際又嘗以赭石染布爲野人冠服屨俱與時異見者無不
知其爲高望公也時又稱爲高士望公云年七十一卒著
有獨善堂集

湯晉

弟建叔英上何九淵

湯晉字建孟新會人生甫兩歲指壁上詩樂字詢之卽手
按其處六歲能文淹貫經史長從陳子壯學感其忠節淡
志科名偕同邑莫以寅遊吳下南涉閩浙北踰齊魯及歸
與陳恭尹屈大均諸人相友善已遂禮僧面是爲居士名
今怪時從子某遭吳逆之亂一門三十餘口遇害某方襁
褓婢負之逃置草坡僧惟一見其影拾養之名拾影及歸
里晉贈以詩云家運當中微天意恆見絕一遇有用材往

往遭摧折如我磴磴人老死安足說子爲吾宗秀少卽與家別不記父母誰但憶兵火烈今來訪眷屬親舊皆哽咽託身在空門世緣既不屑願子爲南能毋爲湯靈澈蓋慨其同遭喪亂迹跡禪門也晉年將八十游湖南永明永明者桂王始封地也陳恭尹送以詩云白頭游興亦雄哉三楚煙花二月開九十甘泉曾若此祝融峯頂去還來永明潛邸萬峯前君見荆榛亦黯然不及鍾祥龍起地至今人尙說承天未幾遂卒於營陽著述甚富友人梁聖瑞欲刊不果弟建叔亦工吟詠角巾道袍嘯傲人間亦年踰七十卒時同里禮函是爲居士者有英上何九淵上字卓今諸生遭亂隱於雷峯禮函是名今心字目青嘗有登樓詩云

勝三

七

漢隴秦雲樹色深高樓獨上淚盈襟十年不遂從軍願一望難爲故國心東海波寒思駐節西山日暮畏行吟亂離何處堪巢鳥歎息東南王氣沈未幾卒屈大均悼以詩云蜉蝣堪歎英居士欲學長生未有年九淵字澤泗熊祥曾孫父鍾英官應天府治中國亡隱居番禺瀝教村所交多一時遺佚後禮函是名古峯字石人晚始歸里

海雲禪藻集獨德堂

集翁山詩外粵東詩海嶺海詩鈔

楊大進

楊大進字翰序新會人諸生弱冠講陽明之學才華挺出有用世志遭鼎革遂棄諸生嘗作秋蟬詩以寓意云絕壑遙憐爾蕭條碧樹陰危冠如有意薄翼自成吟身與秋枝

淺聲連煙月深臨風斷續聽誰識倚關心癸巳邑旱饑道殣相望大進憫之收諸棄兒寘南山廟側空舍中雇婦媪養護至穀熟各還其家無家者許人抱養凡活兒數百人先是大進訪僧函是與論儒佛異同往復數回不覺心折自是篤信空宗參究益力號無見居士庚子年四十二遂落髮受具名今觀字石鑑入侍寮舉妙喜格物頌渙然冰釋壬寅函是付大法偈云體露金風莫可追相隨來也又奚爲暗明鑑盡無遮護獨荷全機賴石兒甲辰領西堂復繼江西之棲賢席戊申移住福州之長慶大進道容寬深家風縝密爲函是第二法嗣惡諸方馳逐聲利與衆衲子栽田博飯有古德風士大夫多傾心請益時金堡以名給

勝三

六

諫爲僧名今釋自以爲弗及大進嘗送大進之長慶贈詩云未流日以下此道將安終自非再來人豈克扶吾宗岡城有勝流紫肩左蒙茸齒群希聖賢骨老成英雄了見物不遷信此心無窮全歸最上乘一印傳雷峯雷峯博山孫密移選飛龍雙幢夾長慶從天下瑤宮吾兄嗣真化矯若千雷從領衆出棲賢大法初昭融如來隱遺蛻五色先瞳曠符采一相映出地光浮空煜如海底日忽發三更紅飛書來八閩仰天乞清風推轂重此行祖德存良弓九仙騁逸駕頓駮扶桑東不隔崑崙西五老子懷中別情非不深所貴開羣蒙吾聞禪販子濟眼繁師蟲薄漿鼠白乳瓦缶爭黃鐘活人既有刀挂角元無蹤百草萎霜雪獨立惟高

松正眼本不邪卷簾忽亡功寄語棧禪客項羽猶重瞳誰
償七蒲團我欲烹而翁念此熱我腸千里攜孤節未幾復
返棲賢陳恭尹送以詩云英英丰骨透眉棱五老峰前作
老僧已悟心中無一法却歸林下演三乘風搖凍壑聞冰
解水漲平湖見月昇回憶十年論劍夜雲泥今日隔千層
大進嘗著棲賢三十詠以見志戊午年六十餘以宏願未
踐勞瘁嘔血而逝函呈以詩哭之云八旬萬里望寒原倚
杖山堂笑語溫欲啟蔣生當日徑俄招宋玉百年魂孤松
日暮憐歸鶴斷壑春深泣夜猿從此掩關忘歲月不知誰
是好兒孫著有石鑑集直林堂全集海雲禪藻集編行堂集獨澗堂集晴堂詩集楚庭神珠粵東詩海嶺海詩鈔江西通志岡州遺稿新會縣志

勝三

九

潘楫清

潘楫清字水因新會人諸生性豪放嗜酒任俠急友誼出
入危難忘身徇物不可更僕數及將歲薦適以憂解服闋
遭國變遂棄諸生夙與陳子升黎延祖兄弟及同里楊大
進諸人遊嘗有與子升夜話詩云破我燈前夢憐君此日
身多才羞再仕虛稅食難貧鐵硯耕何補焦琴典更頻無
任憔悴意天地一孤臣未幾遂薙髮為僧事僧函呈名今
幅字記汝作詩云乾坤龍戰幾彫傷三十為儒鬢已霜落
葉已歸根底冷好花難問眼前香故投方丈求真性羞把
文章媚後行此別萬峯人世斷家書休寄白雲鄉已隨函
呈住歸宗與豫章王孫熊燕西遊贈詩有時危自守何妨

勝三

辛

拙身隱翻憐善用文語性航山水有孤峯獨宿之誓後愛
香山鳳皇峯孤擎海角人跡罕至結茅憩焉遇淫雨暴漲
茅茨衣具一夕漂盡人咸以為死數日樵豎入山見一人
曝衣樹下歸而言之楊長者晉亟遣人迎至其家楫清堅
請還山晉復為構丈室於爽塏孤居十餘年不與人接參
究之下閒疏韻譜諧聲協律精研與博累數十卷大為詞
流所重函呈歿楫清乃使人焚所居歸雷峯庚午還古岡
訪尋故舊作書訣別諸同學端坐而逝遺命閣維颺灰巨
浸道侶擬函骨歸雷峯又復見夢乃如言颺於江水著有
借峯詩稿歿後香山監生楊錫震得楫清所藏沈約四聲
韻譜古本及所為書因合吳棫韻補詳考音義博徵載籍

黃尚源

為古今詩韻注凡二百六十二卷赴通政司疏上之遂以
其書付內閣着與毛奇齡所進古今通韻訂其同異
禪藻集古夫丁亭雜錄新會縣志
黃尚源從兄今如莫微
黃尚源新會人諸生品行端恪嘖笑不苟傳江門之學學
者多宗之鼎革後棄諸生讀法華經有省聞僧函呈闡法
於詞林謁請辨論儒釋宗旨披剝累日不覺自屈即日皈
依落髮名今離號即覺家人生徒猶未知也戊子受具居
雷峯已復居華首棲賢戒律精嚴博通三乘教典行住坐
臥默誦不輟方便度人一出至誠慈和之氣達於眉宇望
而知為有道尊宿與今觀今釋今壁今回俱知名於時一

日聞鐘聲得悟函是許之將付法偶示病自知時至別大
衆說偈曰懸崖撒手風猶晚未上山時意若何遂合掌而
逝從兄某佚其名亦諸生以國變與尙源俱事函是爲僧
名今如字真佛性慈善簡於言笑尙源及僧石鑑引爲性
命之友往來廬山二十餘年年臘既高歸雷峯先尙源三
月卒卒後函是憶之有黃家兄弟皆淪落太息吾門百感
生句蓋極哀悼云莫微字思微亦新會諸生少與邑人湯
晉族弟莫以寅結方外之遊覽勝弔古幾徧宇內嘗過江
虛龔賢齋居賦詩云竹園數畝石城西角里先生此卜棲
白業箕傳歡有子素絲琴斷久無妻眼前陵谷看如幻筆
底雲山路不迷朝市似容高臥穩故令門巷草萋萋庚子

勝三

三

歸里亦事函是爲僧名今如字姜山爲雷峯監院時巾錫
至者恆數千指一僧因目眇辭去微卽所居送之仰視西
日射入窓隙蹙然悔謝曰某爲監院竟不知公居止爲西
烏所薄罪何可道引咎不已解所衣贈之其慈遜若此人
比之揚岐石牕諸尊宿後居福州長慶卒

楚庭神珠晴堂詩集海雲禪藻

集新會縣志

按海雲禪藻集載新會諸生事函是爲僧者尙有五人
陳某佚其名平生豪舉有大志不肯少挫於人人亦罕
近之一見函是卽戢身皈命辛丑受具名今二字一有
後卒於清遠李某亦佚其名世亂父爲豪猾所害闔門
被僇李匿親串家日夜思報父仇久之猥輕其孱息不

復置念李藏刀懷中一日過僧道左立刺其胸割其首
鳴之官官憫其孝原之遂爲僧名今佛字千一後卒於
丹霞二人疑亦當時遺民又黎國賓僧名今錫字解虎
張聖睿僧名今四字人依劉彥梅僧名今身字非身其
是否因國變出家不可考附記於此

錫眇

錫眇新會人粵俗方言謂錫之渣滓曰眇眇或作屎蓋自
傷無用於世有同屎溺而適以打錫爲生故名其姓名不
知亦筑中置鉛而隱約者也爲人有巧思每製一錫器成
置掌中玩弄未盡妙復錘壞之更造佳者性多言遇談先
朝遺事輒扼腕彌日遭亂感憤聞雷震輒歎息曰雷霆何

勝三

三

不向廣州擊平南王而坐此轟轟耶若平南王不可擊請
擊錫眇錫眇有目誠不忍見此世界也一日袖數小器至
湯晉所曰錫眇老矣恐一旦死無復有打錫良如錫眇者
幸好藏之未幾遂死

文翁山

湛粹

湛粹字如珩增城人崇禎乙亥恩貢生闕達多識以薦入
太學讀書湛文簡書院中習知時政邊事得失念父母老
不就選歸謂所親曰天下事殆不可爲矣時方承平聞者
皆笑獨與陳邦彥爲莫逆交語輒數日不能去遂以次女
良許字邦彥子恭尹性好施與周人之急常若不及歲饑
捐粟以振復勸鄉人無藏粟聽民賤糴所全活者不可計

乙酉丙戌間石徐馬鄭四姓盜亂海上數犯其所居沙貝鄉粹率鄉人禦之沿江樹木柵十餘里日惟牛饗士所需干楯礮火旗幟皆粹一人立辦無不周給盜率巨舶數百來攻以礮擊岸上木石皆碎粹命疊湖泥爲短牆高等肩厚三四尺礮不能過盜以小舟泊岸將登粹自行酒飲鋒銳士撫其背使出戰斬數十級復從短牆內以礮石擊之傷死無算盜仰攻六日無所得退去由是威信著於一方丁亥邦彥起義其家爲敵所得恭尹脫身走弼唐粹聞之命一奴挾扁舟迎置泥子村田舍中院檄購恭尹急令徐士賡疑匿粹所謬以好召粹留縣衙弗遣使數騎圍搜其家鄉民闕然走縣廷爲粹白者千人令懼禍作中止粹因

勝三

三

留衙四十餘日以千金賄令事得釋乃藏恭尹復壁中戊子佟李飯正恭尹出復壁諸公多粹義爭欲薦之辭不就庚寅春平靖二藩再攻廣州城未下徇增城龍門以東皆降附粹挈家渡東江寓東莞之茶滘先是粹數夢被髮臨江阻水不得歸未幾遂得熱疾卒年四十八喪歸時亂方劇死喪徧野然鄉之人無識不識皆往弔其感人如此世稱以爲古之田疇嬰杵云

陳巖野集
獨漉堂集

湛子雲

湛子雲字翰卿一字漢度增城人性至孝事繼母能得歡心友愛庶弟內外無間言讀書務卓犖大節不脩飾名譽與梁朝鐘陳學佺齊名爲陳子壯所知弱冠補諸生崇禎

壬午督學吳貞啟拔第一且顏其門曰天下士是年舉鄉薦甲申國變子雲歎曰已矣遂杜門教授講甘泉體認天理之學或勸之會試不應至再三則以親老婉辭撥履方嚴閭里奉以爲式布政使曹鎔禮重之嘗以利病訪焉未幾遭父喪哀毀成疾遂不起聞者惜之謂增江失一名儒

增城
縣志

劉若麟 盧弼

劉若麟字而躍號澄波增城人少聰敏力學慷慨明大義喜談兵狀貌魁梧每自許奇男子見明季傾覆播越常扼腕恨不得一藉手乃援例入太學唐王立蘇觀生領儲賢館疏薦之若麟遂率鄉族義士三百餘人赴閩從觀生駐

勝三

三

南安屢立戰功授都司吉安破復遣率所部助萬元吉守縣津灘未幾師潰元吉退守贛州贛圍急觀生復遣若麟率三千人往援值他將戰敗乃退屯南安從觀生入廣州紹武立與桂王日治兵相攻若麟知事不可爲遂歸若麟倜儻仗義遇歲饑罄家所有以濟故人樂爲之死所率三百餘人鮮有還者年八十餘臨終謂家人曰吾出不能事君處不及事父一生抱愧當席藁葬於吾父墓側也盧弼字元安亦增城人曾祖綸宏治壬戌進士嘗疏劾劉瑾下詔獄曝酷暑中不死累遷至四川按察使父應徵萬厯戊午舉人弼有志節能決機應變由太學生授推官從唐王入閩爲蘇觀生所知奉命徵湖南兵總督何騰蛟亦器重

之尋以憂歸桂王立於肇慶卽家起用戶部主事改監察御史宣諭湖南諸鎮惘慨然以澄清爲己任會諸鎮將各逞其私人無固志惘不得意乃棄官歸時若麟已返里兩人遂結爲姻親每談及往事未嘗不悒悒也國亡後擲放浪山水間自號休庵著有紉蘭集增城縣志

李星一

李星一字繼碩新寧人生之夕母見一星墜房遂以爲名崇禎己卯舉於鄉性豁達諳兵略廣結納與張家玉彭耀善甲申國變集兄弟起兵勤王聞家玉擁立唐王投袂赴之丙戌十二月星一奉命監督水陸擢江西道御史大兵入廣州桂王仍據肇慶命星一往三水招兵丁亥陳邦

勝三

蓋

彥起兵順德修養甲捕獲其妾何及子和尹虞尹於肇慶星一遂與舉人杜璜等以兵攻肇慶邦彥妾何及二子被殺璜等力戰不勝死會邦彥以師潰退攻三水星一復與邦彥協力赴陣不知所終子孫以衣冠葬焉見聞隨筆西

野集阮通志新寧縣志

按小腆紀年星一作皇一又以爲與杜璜同死皆誤惟見聞隨筆不誤阮志云赴陣三水不知所終以四朝成仁錄考之邦彥與陳子壯戰禺珠師潰退攻三水復之星一其亡於是役歟

陳王道

陳王道字登三新寧人天啟甲子舉人甲申國變後土賊

竊起王道所居爲汶村負山面海乃倡築垣墉環鄉四周以爲固時王興聚黨數千人擾近海諸鄉興短小精悍智計過人時稱繡花針賊廣州再破興欲據汶村爲死守計甲午屠大隆崗遂來攻王道率鄉勇三百人禦之且爲鄉鄰援興患之會李定國攻新會以桂王命遣使召王道授以官王道聞命卽行甫出門興折鄉人以為不祥勸阻之王道不爲止定國尋敗去王道行至廣海他賊執昇興乃錮之北泥王道罵不休曰吾爲某卿死不爲李陵生也興厚禮之罵如故興黨謀曰王道所繫懷者汶村耳汶村破彼焉懷於是環攻益急遂破屠汶村王道聞之口占曰赤族無能除寇害黃泉有路話鄉愁卽自縊死時年七十餘

勝主

美

矣子際昇亦遇害

汶村治亂記南海百詠續編新寧縣志

按南疆釋史撫遺王興傳云其先以世勛開鎮海疆駐文村爲藩籬之臣此誤也興破文村在乙未李定國圍新會敗去後汶村治亂記爲該鄉人所紀載當不誤獨濺集王將軍輓詩云始從戊戌夏兩及中秋期則興焚死在己亥八月其據文村祇五年耳他書或以爲十一年者亦誤又考肇慶府志云順治三年十二月撫賊王興破新興據明巡撫連城壁知縣陳兆棠大掠而去是興初起時實爲賊志又云順治十一年三月李定國寇恩平王興執知縣王奇應之桂王由榔拜興虎賁將軍是興受明官亦在定國兵至新會時王道不肯從興者

以此新甯志入王道於 國朝蓋未詳其本末也

戴光震 李士貴

戴光震字蔚森號宸樞龍門人孝友端方好學博通古今
崇禎壬午膺歲薦年七十一矣以母廖年九十五尚在未
赴廷試甲申國變移居增城臘月六日山賊攻龍門城光
震聞之卽額增城令請援時城中久困知縣白爲袞出千
金求和賊得金弗退圍益急會援兵至乃解邑人德之自
是不復出年八十六卒同里李士貴字主兌諸生博學能
文尤尚節義甲申聞京師陷涕泣累月後竟以憂憤卒龍門縣志

黎邦城

勝三

君

黎邦城字君選號洞石從化人祖貫字一卿正德丁丑進
士官陝西道御史嘉靖時以爭大禮下獄禡爲民從父民
表字惟敬嘉靖甲午舉人官至河南布政司參議南園後
五子之一也著有瑤石山人稿邦城由天啟恩貢生官興
業教諭以世多難淡於仕進告歸少承家學工詩能文善
隸草竹石山水陳子壯脩復南園舊社邦城與焉子壯嘗
讀邦城中州諸詠作詩云入市恰同公子轡游梁初上孝
王臺臨風不用思賢達獨把新詩次第裁廣文先生囊不
空閒攜童冠詠春風相傳洛下書生語盡解人頤七字中
性倜儻高談豪飲每飲必達旦不問生產四壁蕭然與陳
邦彥尤契邦彥嘗夢邦城招飲大雅堂覺而賦詩以爲壽

甲申國變後邦彥復次答邦城詩有感時淚盡頻看劍報

國身微但著書天下尚仍平世習幾時重起故宮墟語未
幾邦城以憂憤卒卒後歐主遇憶以詩云夫子齊端節歸
來無俸錢不樂荒三徑寤歎義熙年又云沈飲延明月卜
夜通曙煙共言惜嘉會高衢步前賢何期滄桑變摧傷杖
屨顛老成淪胥日慨慕覓遺編著有洞石稿練要堂集陳巖野集獨鹿堂集廣東文獻四集粵東詩海粵臺徵雅錄阮通志
按獨漉堂集云邦城罷官以詩酒老不及於亂考巖野
集答詩在甲申後歐主遇憶南園八子詩亦云以滄桑
變而摧傷疑未及於亂者蓋卒在丙戌廣州未破之前
非未及國變也

勝三

表

鄧聰

鄧聰從化人諸生弱冠有雋才聞僧函是道傾嶺南日游
訶林門下竊聽餘論及遭國變勃然有出世之志父兄不
能強己丑遂薙落爲僧名古卷字破塵時雷峯法席最盛
穎鋒無出其右函是甚器之羅殿式曾暉與聰先後爲僧
稱莫逆友殿式有懷聰詩云道心知日損瘦骨近何如後
聰卒以求道過苦病卒海雲禪藻集

區懷瑞 弟懷年

區懷瑞字啟圖高明人父大相萬厯己丑進士歷官至中
允有海目先生集明興前後七子稱詩號翰林爲館閣體
大相始力祛浮靡還之風雅懷瑞少負異才不讀唐以後

書與弟懷年俱能承其家學富都中時賦秋雁詩大爲相國趙志皋所賞天啟丁卯舉於鄉知當陽縣值流寇殘破之餘力行撫字招集流亡民始安堵直指薦之會以憂去官嘗遇劍客於金陵知其異人善待之因謂客曰吾生平負熱血每思得丸劍之事以據不平客因授以劍術秘書念時艱日亟自是研究兵略服闋入京補官梁朝鐘送以詩云祖帳及秋風談兵語未終且將三戶政再集九邊功桑土寬民力鷄賁待詰戎故山收將士相約薊門東尋補平山縣不得志不二年挂冠歸時李雲龍羅賓王歐必元鄭露諸人俱以詩鳴懷瑞與相倡和陳子壯子升黎遂球歐王遇等十二人脩復南園詩社懷瑞及弟懷年與焉生

勝三

完

平以文章節義自勵未嘗輕履公庭歸里後益以崇正學砥末流爲己任當道聘脩府志精核大備稱一郡良史及聞寇陷襄雒與遂球社集賦詩同思憤敵甲申國難作乙酉仲夏懷瑞遂同鄭露入南都主遇送懷瑞詩因以尹吉甫佐宣王艱侯謁帝靈武相勉未幾福王敗唐王監國於閩尋卽位改元隆武外間訛言紛藉復稱南都以睽離人心遂球因致懷瑞書以爲老年翁堅決勇往卽宜合請諸紳日集會館申明忠義破沮訛惑懷瑞從之尋於途中倉猝觸刃而卒卒後主遇聞之稱其歿有餘忠實爲晚成大器因悼以詩云垂死欲叩閻戎器戒行役陽九嗟莫逃身與國同阨懷瑞論詩以爲國朝文章自北地以還歷下繼

之盛於嘉隆而卽衰於嘉隆其病在夸大而不本之性情率意獨創而不師古遂使唐宋昭代吟分爲三聲氣之元江河不返世以爲篤論所爲詩溫厚和平光明麗則絕不爲新聲野體淫邪佻蕩之音著有趨庭稿游踪稿三卷二嶽游稿二卷燕吳游稿正續集七卷玉陽稿八卷又琅玕巢稿廓然堂稿證往堂稿雙源洞稿碧山草堂稿若干卷其嶠雅一篇則輯粵先輩之詩也懷年字叔永少聰穎十歲能詩與兄懷瑞齊名初以拔貢應恩選歷太學考通判職性簡率不樂爲郡縣吏優游泉石者二十年崇禎丙子入都候選尋以內艱回籍及與子壯等脩南園詩社暇因輯其詩質於遂球遂球序之以爲大相之詩規於雅懷瑞

勝三

三

之詩麗於古懷年曾懷澹遠曾再遊金陵入燕市登眺多感歸乃爲園掩關三餘有閒情無雜慮其詩乃一變而精潔細膩得之性者深而出之意者稱亦其才使然云懷年嘗作望西樵詩及游西樵記人競傳之於選體尤工遂球嘗以世人不知粵有大海觀擬著懷士賦以廣其見聞及懷年所著三城賦出遂不復作甲申變後懷年爲當事物色授翰林院孔目國亡遂韜晦迹然隱憂孤憤時寓於詩陳子升嘗有答懷年見懷之作云風吹城樹散羣鴉萬事摧藏感鬢華舊國自傳燕市筑輕舟宜阻越溪花西園鄴下難重集東嶽平原憶共誇誰倚蘋洲怨春晚碧雲新對一江霞屈大均亦嘗與懷年爲雅約社并序其詩晚博

綜內典一時緇素多就質疑稱為天童先生著有楚鄉亭
稿石洞遊稿一嘯集築筑吟燕邸旅言元起堂稿廣東文獻二集
蓮鬚閣集崎嶇自耕堂集中洲集張鐵橋年譜薛始亨元
超堂稿序廣東新語楚庭稗珠粵東詩海阮通志肇慶府志

譚相國

譚相國字起臣高明人崇禎己卯舉人性孝友博通羣籍
以五經教授生徒丁亥陳邦彥起兵使余龍戰於黃連龍
敗邦彥收餘燼出攻高明相國與同里麥而炫區懷吳皆
毀家以從軍聲大振懷吳大相從子紫髯少負氣節天啟
副貢生永歷初官主事及邦彥敗而炫被執不屈死懷吳
亦被害藏血衣於南蓬山至今區氏子孫有掃其墳輒病

勝三

疫死相國先率眾往新興至是不知所終陳巖野集楚庭稗珠肇慶府志

按陳巖野集有贈端州符伯清詩云淮海新承吐握餘

為憐聲氣枉高車驢兒背上頻驚詫今日從君讀異書

自注伯清以薪貽錄見贈傾蓋都門語便深孤蹤猶自戀長林東山

不為蒼生起誰與當年挽陸沈此詩作於乙酉至南都

上書時伯清後當為遺民肇慶府志失載今不可考

何三復

何三復字載繹高明人少孤貧勵學中崇禎庚午副榜由
癸未歲貢授貴州新貴縣尹新貴乃古新筑地軍民雜處
三復撫之以恩馭之以法衛所軍伍咸感激焉黔多苗患
連年用兵官俸悉供軍費公服外衣不曳帛食不重味上

官察而重之薦語有子惠廉明孑然孤冷語後忤當事改
安龍教授龍士多經商曠業三復申嚴課格土風丕變者
籠南稅司出納不苟遷雲南景東府判管同知景距龍千
餘里以老告歸別時四民遮道餞送四十餘里歸途徒步
四日道經泗城泗城大夫聞而迎之贖以貲乃得抵家鄉
居布衣蔬食年逾八十猶荷鋤灌汲不憚勞苦暇則作草
篆覽史籍悠然自適焉肇慶府志

按肇慶志入三復於國朝然所歷官俱貴州雲南順

治末始入版圖實明官也特入國朝卒耳

李夢賦

李夢賦字相巖四會人行高學博善詞賦由副榜恩貢官

勝三

在平縣貳尹有聲委攝縣事善政上聞值鼎革棄官歸垂

橐蕭然毫無失意嘗語人曰遺金誤作生前計種德應留

去後人其行誼如此卒年六十五肇慶府志

吳獻

吳獻字呈偉又字幼更新興人隆武乙酉舉人丙戌桂王

立於肇慶獻詣闕陳策丁亥陳邦彥起兵高明山中獻乃

散家產結鄉兵隨邦彥與張家玉陳子壯相援應後子壯

敗走高明獻中流矢傷城破易服遁敵兵以刃脅其妻陸

強索獻卒不言乘間投水死初土寇掠靜村獻討平之開

平羅村有族匪隨賊官兵將屠其鄉獻請分別治保全者

數百家人多德獻會獻收殘敗還肇慶募兵於是遠近響

應軍勢復振庚寅桂王走梧州奔南孟 大兵至肇慶磨
下謀縛獻降獻覺逃去變姓名居龍江鄉人無識者久之
鬱鬱死年四十八子廷相廷柱俱隱肇慶府志龍江鄉志阮通志

按肇慶志據選田吳氏族譜傳中有擢兵部左侍郎晉
兵部尚書語獻以一舉人起兵桂王自當授官然不應
如是之驟茲刪去

勞士傑

勞士傑字學秋開平人諸生性耿介有志節通春秋以為
衰貶者聖人所以綱維天地也每讀古忠臣義士傳輒慷慨
擊節流連不釋及聞燕都闖賊之變拊膺大慟曰國家
養士數百年欲得一日緩急用耳今誤國至此吾讀聖賢

勝三

書何忍偷生閉戶自經母救之甦曰稍延殘喘為親故也
自是佯狂自廢未幾卒年三十四開平縣志

梁應材

梁應材字瑞石陽春人天啟壬戌進士官進賢蕪湖兩縣
知縣以治最擢兵部主事遷吏部員外郎清慎自矢峻絕
賂遺陳子壯官侍郎時與應材相契嘗九月十日過訪作
詩云似有佳期望翠微可無尊酒洽鄰扉各情澹蕩輕過
節人事參差未拂衣秉燭憤談三兩局防秋新報數重圍
還持共照黃花鬢北斗闌干海月輝時國事日非未幾應
材遂告歸杜門不出怡情詩酒間鼎革後隱山中足不入
城市與田夫野老雜處絕口不言朝事誠家人兄弟不得

仍稱故號但呼曰阿翁而已後二十年卒年七十二謝鏜
字天聲亦陽春人崇禎庚午舉人志行卓越以古人自期
再上春官不第遭亂遂希蹤高隱和陶淵明歸去來詞以
見志鑿池引泉栽竹灌花日以課子姪為事不入城市者
二十餘年卒年六十六練要堂集金通志肇慶府志

馮光璧

馮光璧字子真東安人崇禎壬午舉人少穎悟四歲能誦
古文詞長益肆力於古學父喪哀毀骨立事母孝兄死撫
兄子如己子癸未公車南還隱居教授丙戌丁亥間嶺海
羣盜竊發光璧雖籍東安家居在南海其素行為眾所服
南海二十四鄉因推為鄉正光璧扶弱抑強倡賑活饑鄉

勝王

人賴之嘗縛劇盜制奸弁救難商不受餽金脫鄉民之為
盜誣者生平於書無不讀尤精研性理樂律皇極經世諸
書所著有春秋訂義四書管豹綱鑑貫珠錄雪湖集卒年
六十八阮通志南海縣志東安縣志

梁偉棟

梁偉棟字方來西甯人崇禎壬午薦明經遭國變隱居不
仕性溫厚醅篤居躬坦易接人藹如津引後學諄諄不倦
終身未嘗謁長吏之庭累舉鄉飲不就令長以此高之年
八十八卒羅定州志

邱天民

邱天民字獨醒曲江人諸生博學工書畫澹於名利國亡

棄舉子業專隱於畫畫皆臙腫怪筆尤善畫虎嘗結屋山中觀虎形狀得其神急就粉壁圖之犬一見驚仆爲之遺矢其畫至今傳爲名筆性倜儻過佳山水輒徜徉終日不能去偶遊長安友人贈金數百盡買書歸貯山寮中被焚仰天大笑而罷弟半醒有兄風亦善畫虎嘗燈下伏地作虎跳躍狀取形圖之如活虎云

七十二松堂集 國朝畫識 韶州府志

凌雲

凌雲字澹癯號十齋晚號髭放仁化人天啟丁卯舉人崇禎庚辰會試登乙榜授河南府推官時洛陽新破雲恤死弔生流亡稍集翦劇盜馬二等威惠大著居官冰霜自勵人不敢干以私洛陽人戴宦績入祠碣中會總督孫傳庭

勝三

姜

敗於偃師城再破雲時督運外邑直指與雲有私憾不爲別白遂以失守逮已赴訊司寇未復奏北京陷雲脫身蕭寺闖賊大索職官有報名錄用隱匿連坐之令乃削髮僧服走蔚州依江禹緒久之遊固始依許汝都二人俱宦遊僑寓者也蔚州魏象樞方舉於鄉遭國變初無仕進意遂從雲遊值雲初度同遊爰泉贈詩云離亂家何有南歸不可輕雲收山氣老石辨水痕清傲骨潛龍護狂吟俠客驚十年悲瓠落萬里學無生丙戌象樞成進士入翰林壬辰雲歸里既歸足不入公府晏坐一室四壁不完題之日傘居雖值粥不繼未嘗告人象樞屢寄以詩置不答如是者十年象樞託郡丞孫某訪之始報以詩象樞喜次韻寄答

云嶺外梅花信遠而秋空一雁寄相思十年風雨真如夢兩字寒溫不是私老剩須眉歸本色心空海嶽放來茲家庭無恙爲君報難報殷勤妙語吞先是仁化北關外有總持閣僧摩尼所建遭亂猶存雲與摩尼友暇輒掛衲衣闌入僧隊中及今釋袂丹霞別傳寺迎函呈主法席雲入室扣擊不少退息因從受菩薩心地戒辛亥年七十七卒今釋表其墓日前明雒陽司李丹霞菩薩戒居士淡癯凌公之墓云昔前明者著公邈世之因具官爲公雪枉書菩薩戒者著公出世之因稱士爲公正名公於世間法既自託彭澤杜陵其出世間卽視之同香山玉局公不離節義而皈命道法道法不在節義中節義不在道法外後有過斯

勝三

姜

地者仰高尙之餘風能使百世而下激濁返素不應以差別相而異其觀云所著有集陶集杜樂此吟今釋爲之序

徧行堂集 寒松堂集 韶州府志

按徧行堂集有與凌髭放書十則皆答其問道之詞其云兄已七十餘歲決無更活七十餘歲之事何不將死字放在面前併力一路據此雲之受菩薩戒蓋在七十後今釋實其導師也

又按翁山詩外有乳源出水巖采雪花贈高士周孝廉詡詩云乳山多異卉歲晏發寒林不作冰霜色誰知草木心幽香盈石室素影傍瑤琴遲暮吾何惜憑將答所欽此周詡蓋當時遺民疑乳源人韶州府志不載附錄

於此

又按 大清一統志韶州府仙釋載有僧行臘云族姓劉氏少錄科冠軍好讀貞復白沙集崇禎己卯司臺馮秉清賞其卷爭元竟落之一日讀楞嚴經有會決志祝髮依朝宗和尚 本朝順治初欲度嶺往寶華未果駐錫青蓮庵坐化留偈云處處皆為般若場山山自有白雲莊丈夫各解翻身去豈可甘心負負囊此行臘蓋因國變為僧志諱之耳亦遺民也

李長庚

李長庚字西白保昌人諸生性剛果尚氣節遠近從學者甚眾甲申國變哀詔至與官紳哭於明倫堂慨然曰身受

勝三

三

國恩不能勤王奈何覩顏鬢序乎乃焚衣冠於聖殿前削髮為僧門人歲貢鄧之璽為築雙鱗庵於侯陂水口時有營兵佚其姓名舊臨陣為敵砍去左手與之執役一日召諸門人集庵中沐浴辭別執塵端坐而逝

南雄州志

按保昌即南雄州城志稱順治己丑十二月平靖二王南下有楊總管逸其名誓死守城除夕城破屠戮殆盡考南海百詠續編注云己丑十二月二王師次贛州敵將楊傑董洪信悉力守南雄官軍四面環攻遂克其城諸將就州城度歲據此楊總管蓋名傑也志叙傑死事極烈同時邑紳譚鼎臣輩助傑守並死傑不詳郡縣疑亦粵人其事史乘不載茲采撮為傳附錄之以見一斑

楊傑不詳何郡縣人永歷戊子江西提督金聲桓王得

仁叛龍泉縣進士劉士楨起兵附金王遣季子穉升趨

南雄己丑十二月平靖二王南下從間道入境穉升與

戰於長甫橋敗死時守將羅成耀駐南雄傑亦奉命守

城城中人以總管稱之警報至官弁震懼議降傑妻蔡

厲聲曰受命守城城存與存城亡與亡何降為傑遣千

總某往城東北麥嶺堵禦而千總與縣令潛通款傑偵

知殺令千總以徇乃自與指揮王之焮提兵出城至五

渡與 大兵遇力戰兵單不敵被圍兩日夜城中民兵

救之潰圍復戰 大兵却退屯大庾之黃龍鄉傑時出

襲劫二王密遣數十人入城為內應除夕斗城樓火傑

勝三

三

往救 大兵突從外城文明門入成耀遁蔡聞之亟調

羸兵數十伏民舍復令家擲椅桌盤盃於衢 大兵過

輒仆被殺數十人二王縱火徧燒署舍傑勒單騎疾戰

受數刃死蔡聞之遂縊家屬俱自殺同時死事者邑人

譚鼎臣卓榮有義概善屬文崇禎拔貢生授布政司經

厯甲申聞變棄官歸因助傑嬰城固守城破竄火死按

貢生甘起元夫婦及女俱投井死拔貢生岑溪知縣陳

復虞抗詞不屈腰斬死子貢士趨救父難亦被戮死城

中紳耆男婦不屈死者甚眾屠戮殆盡

南海百詠續編南雄州志

蕭俊文 瑩然

蕭俊文字去勝始興人天啟丁卯選貢生官瓊州府教授

精書法襟懷灑落遺國變不復出優游泉石以詩文自娛
晚年絕跡城市結屋竹林中題曰睡足軒日與二三耆碩
觴詠其中嘗作永興庵書壁詩云茂林精舍鎖雲煙兀坐
僧參不語禪廊下花枝廊上月任他移影到階前年八十
七卒時有僧瑩然者亦始與諸生本姓口名文明遭鼎革
隱大庾之了山清脩有得了山苦汲禱之甘泉涌出甲辰
住陸源塔下寺一日靜坐墜葉蟲蝕成和尚速避四字趨
出塔崩壓其坐處晚年仍歸了山無病而卒

南雄州志

羅文解

羅文解字元美連山人一日順德人貢生崇禎中司訓南
甯擢通判永歷初軍書旁午上官檄尅期措餉米二千石

勝三

三

無所出乃集豪右激勸之不三日畢解以應諸帥言功多
誣平民繫獄文解鞠實輒釋之會條陳不當意降永瀆令
文解知勢不可留棄官歸隱於悔溪鼎革後葛巾野服自
比逸民

順德縣志

葉猶龍 猶龍兄

葉猶龍佚其名歸善人祖夢熊字男兆嘉靖乙丑進士歷
官陝西甘肅巡撫兵工兩部尙書加太子太保蔭錦衣衛
指揮世襲明史有傳猶龍年十三以祖蔭官錦衣衛指揮
同知連姻帝室家門貴盛時以紅陽爲比旋以親老乞假
歸遣國變不復仕進築泌園於西湖與陳子升屈大均陳
恭尹梁佩蘭何鞏道諸名流相遊宴子升贈詩云鶴峰高

卧羽林郎問道將雛舞鳳皇頓遜杯新擊到酒博山爐舊

賜來香門前月冷雕弓影宅內湖涵寶鏡光早晚靈洲見

佳氣可能無意共翱翔恭尹贈詩云門功先世在安邊少

執金吾漢帝前寶帶尙留天府賜篋書猶是異人傳間中

歲月就山水亂後文章託管弦長記黃塘好風景近來添

得幾湖船佩蘭贈詩云漢時都尉聲名重家世勳勞國史

稱賜劍幾年藏北斗種瓜終日學東陵天中絲管長留客

屋裏湖山欲贈僧相過黃塘坐明月羅浮峯影落層層先

是武宗內府有琴名綠綺臺唐武德年製武宗以賜劉某

鄭露得於劉家廣州再破露抱琴死騎兵取之鬻於市猶

龍見而歎曰噫嘻是御琴也解百金贖歸暇日招諸名流

勝三

罕

泛舟西湖命客彈之於是大均等皆流涕爲賦長歌猶龍

有姬名昭容與之偕隱大均贈詩有君今有窈窕左右爭

芙蓉我亦容成子大道在其躬相將且駐年紫髓而方瞳

時來建勳伐乃追太保公語猶龍每念國恩思爲報効故

大均詩云然猶龍有兄亦佚其名遭亂亦築園於惠陽不

復出大均贈詩云江山戰後日蕭條壯士聞笳慘不驕兄

弟登高猶九日君臣失路已三朝時以爲俱抱德而隱云

中洲草堂集獨澆堂集六瑩堂集
翁山詩外廣東新語粵東詩海

按歸善縣志不爲猶龍立傳故佚其名然恩蔭表葉世

仍注云以父夢熊蔭錦衣衛指揮同知此當卽猶龍之

父又葉維城注云襲祖蔭陞堂上僉官管事都指揮同

知此當卽猶龍之兄又前事紀云順治丙戌春二月叅將車任重中軍羅昌兵叛連山寇陳耀等衆數萬攻城守道楊彝瑀等登陴協守紳衿同各官分守城門復募死士開門衝殺賊氣稍奪六月撫院調援兵至圍始解其捐貲募卒郡人葉維陽與有勞焉惠州府志載有康熙八年脩西湖北隄碑記云葉君維陽捐貲過半葉君視公事如己事固抱德而隱者也維城維陽似兄弟派名然則維陽其猶龍歟歸善志藝文有維陽重建寶公祠記水晶魚說橫槎水七律皆典雅可誦故當時屈陳梁諸名士多與之遊又藝文載有知縣連國柱泌園宴集詩注云葉猶龍別業歸善志脩於國柱在康熙十四

勝三

望

年乙卯時猶龍兄弟尙存故無傳後之續脩者亦不復爲立傳則殊簡略耳

又按中洲草堂集有寄葉許山詩云水門山郭裏舊種掖垣梧示容書多秘隨僧禮半儒池浮蘇子舫家造葛仙廬莫更尋閒事如花攝白鬚又獨漉堂集贈葉許山詩云聞君高卧江城裏宅後園林載一峯中歲身曾官小鳳先公名在補山龍多題逸句鐫新竹自領閒僧坐古松白鶴觀前湖月滿扁舟何夕此相從又寄葉許山詩云荔支曾自小園分荔子紅時倍憶君短髮細梳涼夜月虛窗高掩後山雲狂書往事追狐史夢寄閒身到鶴羣十載別來今大壑鱗湖鴈更須勤詳三詩意此

葉許山蓋惠城人亦夢熊後裔疑卽猶龍兄字也

又按徧行堂集有兼園記云兼園者葉子許山所署爲大隱一區也葉子蓋宅於南山之麓山據郡城之中園居山之顛向也以宅兼園今以園兼宅從主人之所好也絲宅外門進而內左折名之以獸勝顏曰兼園密樹覆階疎竹拂徑稍折而北臨池有堂曰梧鳳迎朝曦納晚涼清風可呼碧波欲應煥若文漪折而左有門曰蒼雲深處從曲欄度小橋老榕橫橋畔矗天而立一杖丈餘臥水上復拔起如虹霓之飲于川不測其首尾書屋佛龕以次置傍榕侵池有亭曰挹澇直而沿隄卉木藂錯亭曰含餘隄折而南又一老榕如龍伯之國人軀幹

勝三

望

甚偉肘掌之計以丈須麋之計以尋對梧鳳而峙望之凜然亭曰羣翠折而西門於宅之內右緣堦以達於山顏曰采榮拾級登岡穿蕉逕而左若有順風而呼兩榕者兩榕亦自處於仲季事之以孟公臺於其下日來鶴直東坡之故居萬家鱗次兩江飛流交於几席臺下之徑雜植梅花松竹之寒枝與天桃參伍而旁映折而北有堂南向曰壽燕葉子所以奉母淑人者也堂後曰潛齋大隱一區此爲自受用三昧左折登最高之巔亭曰萬象鷲城屏障觸石飛雲不有慧稜安知獨露右折而西臺於竹林日採珠榜山爲人文瑞夜分有光大如斗如車輪赤如火上下峯間謂之驪珠且呼其子弟得之

衣領之間不墮於象罔折而西北隅全湖激澗一吸可
盡雁塔蘇隄釣臺孤嶼蕙溪荔浦松逕水簾澹粧濃抹
粲如臨鏡臺曰兩宜觀止矣園之觀前兼江後兼湖四
外兼山介於內外之間兼城郭內兼宅宅兼池池內復
兼山斯兼之名之所獨得也主人蓋嘗得其所得而深
知其所以得故其用之也不忒守之也不失夫是之謂
真得據此許山雖隱蓋有山水園林之樂者

葉挺英

葉挺英字昌裕號潔吾歸善人諸生夢熊曾孫猶龍從子
也少穎悟讀書過目即窺奧窅幼孤事母以孝聞與人交
尚意氣重然諾雖已故一道及輒淚潸然下滄桑後絕意

勝三

聖

進取自稱處士究心宗乘嘗繪佛菩薩相一藏有餘僧今
釋爲作如來藏歌云葉侯畫佛五千四十八硯池日夜蓮
花發緇衣白衣來者肩相摩不覺瘴海通金河我名其室
如來藏水墨渾圓相非相莫諱前身是畫師一門深人看
迴向畫馬或墮馬腹中畫佛還應證六通聚沙作戲猶食
報舐筆和墨豈得非心宗還聞法華了義教若人散亂入
塔廂一稱南無成佛道卽此毫端轉法輪譬如一燈散作
無盡燈大千世界同光明本燈光明終不動燈燈同此一
燈用吳道子張僧繇近時吾友陳章侯彼皆擅絕因地小
不乘願力成工巧如君正信卽非常萬德生成此吉祥生
成一藏如來子摩耶夫人十箇指筆筆丹青總不眞丹青

筆筆談無生百萬人天休打瓦得卻佛時失卻馬後從雪
樞和尚削髮爲僧名元琇字石新年七十燈下能作蠅頭
書遊山水或十里二十里步履如飛常寓準提閣從樓上
墜地數四卒無恙人以金剛體目之癸亥十月坐化三日
神色如生所著有夢餘集雲水殘言

偏行堂集
惠州府志

駱鳴雷

駱鳴雷字乃震一字殷郎歸善人父斌字祿元通太極陰
陽二氣之理以孝友聞於時鳴雷少穎悟勤奮克承先緒
參心性之學性篤孝父病感異人授藥而愈母病中夜籲
神請減已算以益親及朝而愈崇禎己卯舉於鄉由藤縣
教諭歷中書舍人遭國變退而講學西湖之濱丙戌春叛

勝三

聖

將車任重與土寇攻惠州破西湖之堰以窺城湖遂廢鳴
雷與葉維陽等爲之脩復晨夕董理三閱月而功成民食
其利晚持五戒脩十善勤懇懇不爲世諦所閒時稱長
者癸卯鄉民陶如耀病死而甦云冥中方督造善亭爲鳴
雷舉家好善而建丙午有林必高者亦死而甦云冥中爲
鳴雷建槐亭時鳴雷七十一矣僧今釋聞之因爲作駱先
生傳云先生自鼎革以還杜門高栗里之風異語安箕山
之節惟橫經講藝士無貧富無少長循循善誘不倦於耆
年其律已謙退接物和敬歷七十年如一日內子鄧孺人
持阿彌陀佛號火盡而灰不斷火復逆行而上尺灰寸寸
成火其異如此子若孫又皆醇謹克守家學宜其爲地下

主者所知也後年七十八而卒學者私諡文恭著有四子
尚書講義陳延圖字東繩亦歸善人崇禎壬午副貢生官
定安教諭遭國變棄官歸奉母韓避地博羅丁亥城陷母
亟揮延圖行所親復拉之延圖曰母死吾何之遂同遇害
編行堂集列郡名賢錄尹源
進修復平湖隄記惠州府志

按徧行堂集有松石圖歌壽殷郎詩云百尺高松連惟
石扶持不借神明力深根到地撥金沙密幹排雲蒸玉
液石有髓兮松有脂醞釀日月流華滋中有幽人揮七
絃餐五芝後天而老吾已見先天而生誰得知我聞世
壽有增減譬之在德不在險槐亭報道已題名鬼伯從
今罷差遺願翁直至入萬四千年慈氏下生乃復見此

勝三

巽

長眉仙此石老作須彌山修羅化身十六萬由延上倚
有頂下窺諸天不得睹此撐空偃蓋松之顛又訓殷郎
詩云一水西流慢起蓬幾回離合在薰風不名盛德生
何補更出新詩老愈工面目百年人自異江山千里信
元通却慚長者頻相顧明月無痕病亦空又同駱殷郎
劉淨菴葉潔吾程憲申彭鍾鶴遊迴龍寺詩云雨洗雲
頭一派青西湖北面問圖經江迴萬馬安馳驟塔湧三
台動杳冥得見古人因此地偶來閒話憶虛亭最憐深
竹無長夏滿耳清音不受聽今釋蓋與鳴雷最契者

庾樓

庾樓字太叔一字筠倩歸善人儼奇偉為諸生時讀書

永福寺十行俱下聲如洪鐘同輩咸震懾自經史外旁及
諸子百家無不淹貫落筆纏繞千言中隆武乙酉舉人國
亡後不復仕進時番禺張裔達字伯淇與樓乙酉同年紹
武時官禮部主事樓嘗次答裔達詩云白髮催遲暮高峯
伴寂寥十年成底事一別又今朝但可花經眼何當米折
腰子山詞賦好遺恨向誰銷晚家居授徒多所成就郡人
建鵝峯書院延為經師著有敦行堂集十四卷西湖志五

卷 粵東詩海阮通志
惠州府志歸善志

按海雲禪藻集載有潘楫清夢張伯淇詩云不除豪氣
讓名流已著袈裟萬慮休使酒灌夫曾誤學搥琴安道
敢同儔新來解破三般惑那肯還添一段愁夢裏故人

勝三

空六

誰是幻忽驚鐘斷悟浮漚楫清後為僧詩蓋為僧後作
然推挹如此疑裔達後逃於禪亦遺民也

韓晃子履泰

韓晃字賓仲號青嶠博羅人萬厯庚子舉人知青田縣早
歲讀書研性命之學獨居一室不設牀榻任青田時絕苞
苴革耗羨剔奸弭盜厯著善政性剛毅不能媚上官任滿
歸杜門著述年七十秉燭操觚仍以夜分為率著有羅浮
野乘六卷所稱第七洞天樵史韓光源臣清父者即晃也
又著夢遊倡和集一卷拙修堂竹素園詩文集二十卷尋
以遭時多故手訂武備揣摩及星象形勢志皆切於用御
史王化澄檄邑令亟采上之甲申聞國恤遂絕粒不食惟

日昭蓮子數合尅期沐浴而逝年七十七子履泰號十洲
乙酉選貢生才識兼長篤於孝友兵燹之餘負母謝逃亡
勤苦侍奉國亡後事僧道獨於華首名而靜號五戒行人
卒年七十九

羅浮山志會編 四庫提要千山詩集
嶺南叢述阮通志南海縣志博羅縣志

鍾丁先

鍾丁先字後覺永安人少穎異有神童之目崇禎壬午舉
於鄉甲申闖賊陷京師聞變痛哭隨破家起義集民兵數
千人屯凹下山爲恢復計桂王授丁先監軍道後知事不
可爲乃散其軍削髮於藍塘之彼岸庵平靖二藩以書招
之堅不出所答書風霜滿紙大義凜然在彼岸著有四書
明微全集尋卒

惠州府志

勝三

哭

劉盾初

劉盾初字長孺龍川人崇禎壬午舉人盾初爲番禺王瑯
壻以國事日非嘗入都上書及還里國難作瑯喜其歸賦
詩云投荒去國身如寄亂世還家意亦歡秋盡秋來人獨
記天南天北淚重看歸心馬首燕雲立壯志龍文粵水寒
頭白有人慚獻納溪邊聊爲伴漁竿廣州破後盾初禮僧
函是爲居士山名古意字悟非居雷峯嘗與龐嘉耄讀其
同年梁朝鐘遺稿有太史未收封禪草門人先輯子雲書
句時桂王已西奔而嘉耄爲朝鐘門人故云晚攜家歸里
僧今印送以詩云霍山山下是蓬廬半課耕耘半讀書彭
澤還存三徑菊華陽歸去一巾車落帆鷗鷺迎新侶入里

兒童指舊居池上故交零亂散他時魂夢亦應疏

海雲禪藻集

按徧行堂集有留別劉淨菴詩云劉公激西江龍川蕩
煙月數從湖上遊出處未留跡昨來視我病偶然論疇
昔乃知無垢人心口滿冰鐵大鵬掠南溟千里遮一翼
愛網一絲縈化作池中物君能絕家緣廿年保孤客眼
前無罣礙世事可手裂將相非丈夫詩文亦小術浮名
落肥遯生死豈能越三聖雖同流此宗本殊絕瑞開有
導師意久立深雪胡爲猶路歧寶所未圖歇人生譬隙
駒擔荷貴壯色君纔過強仕我已踰半百瘧鬼煎脂膏
自救了不及念君留苦語空山倘相憶淨菴當卽盾初

勝三

哭

號詳詩意蓋勸其早爲僧也又有同路殷郎劉淨菴葉
潔吾程憲申彭鍾鶴遊廼龍寺詩寺在惠城葉夢熊所
建詩蓋今釋寓惠作又留別程憲申詩云湖山渺千里
餅鉢隨孤筇遠遊非玩物逐景憐飄蓬憶昔華首老聽
法如雲從我行一無有展手尋三空

自注三輪等空
是檀波羅密 惠

州古名邦豈復來坡公胡然程夫子千載超遺蹤勁翼
無卑棲去若摩天鴻一朝雲路隔甘守藜蒿中文詞遠
飛揚名節堅磨礪愛我數相見雲海交心胸河南與湖
北蠟屐如輕風清談日忘疲暮祿連晨鐘良朋合亦難
此意深無窮吾生過五十大事猶息息若有近道姿明
如白陽銅何當凌雲霞高視如來峯後時且未期延頸

津梁通長吟託迴颺聲落千巖松憲申不知惠州人抑
僑居於惠者蓋遺民也又三見行爲彭鍾鶴詩云開別
眼出別手同牀各夢君知否草檄磨戈陣上人藥欄瓜
架園中叟彭郎十五氣成虹欲翻滄海掖飛龍廿年慘
澹不得志鉛丸擣盡干霄意竭來幕府譬如閒心存事
外元無事倦燒香醒搨字棋枰茶竈縱橫置四壁圖書
變古今避地不成成避世菜苗雨後自攜鋤蔓草跟尋
片葉無我到荒村難此地何人鬧市得吾廬呼茗促坐
如如室密意初兼雲水碧記起茅坪又海幢如今老倒
非疇昔道旁閱盡短長亭津頭飛去雌雄鐵無可行無
可說死生打散連環結孤峯把臂復天涯不爲蕩子誰

勝三

吳

憐客忘却流連薄暮還半規落照紫彌山與君指出丹
霞路舵石埋雲一叩關序云鍾鶴初見予於茅坪再見
予於海幢今復見予於瑞開已十六年矣考今釋謫清
浪衛時入茅坪爲僧鍾鶴蓋曾從桂王至粵西者又憲
申鍾鶴夜話瑞開閣上詩云平湖秀色暮雲邊望入遙
山思渺然雜念早能消謝客移情恰欲到成連千秋龍
戰空懷古四壁蟲吟各問天不覺鷄聲催曉月寫將幽
夢寄無絃又與鍾鶴書稱曰隱君又鍾鶴如如草敘稱
其才足以備藻太平今徒不然鍾鶴當惠州人亦遺民
也

又按粵東詩海載有梁朝鐘贈劉乃運詩云之子有奇

尙何能老一邱客邊寒煖夜生計短長籌意氣孔文舉
精神李鄴侯春宵三月夢一半到循州又海雲禪藻集
載有梁朝鐘初夏同韓猶龍入循州訪劉乃運兄弟白
鶴峯詩而僧函可千山詩集亦有閱梁未央遺集初夏
同子入循州訪劉乃運兄弟詩據此則韓猶龍卽函可
也千山詩集又有遙哭劉乃運詩云卅歲論文爾汝交
柴門風雪夜來敲朝雲墓側新鴛塚白鶴峯前舊鵲巢
留得鬚眉身後惜肯將風月死前拋于今哭子全無淚
鄉國都成水上泡其詩次丁酉元旦詩後此乃運亦惠
州遺民其本末未詳附錄於此

勝三

平



陳廷策

陳廷策字穎夫一字觀墀海陽人弱冠有文名事親撫弟以孝友聞親履芒鞋竹杖求吉壤曰吾非以親骸為子孫利但求安先人體魄耳為諸生三十餘載崇禎癸未督學曾化龍以學富行優拔置明經國亡後不復出晚年脩造西湖山老君巖講明正學嘗作湖山題壁詩云平泉綠野自名莊一壑翛然與世忘物外煙霞容我老山中歲序為誰長松風謾謾侵茶竈蘿月娟娟照筆牀架上圖書觀不厭一編周易一爐香後舉山林隱逸不就著有陽山詩文集粵東詩海阮通志潮州府志

勝四

薛學參 薛虞畿

薛學參字周魯海陽人好學博覽究心濂洛以聖賢自期事親至孝甘苦與共尺帛不以自私母患目疾晨起以舌舐其眇旋愈崇禎末潮大亂負母避東山之叢客鄉時土寇四掠相戒不入其廬甲申聞變痛哭淚承睫者累月遂不復進取著有三山古蹟志及輯其先世詩文藏於家薛虞畿字舜祥亦海陽人諸生後棄去隱韓山之麓以農圃自娛長吏造其廬踰垣而遁著有聽雨篷稿潮州府志

辜朝采

辜朝采字端章號願小海陽人諸生兄朝薦崇禎戊辰進士官至禮科給事中朝采少劬學兄朝薦貴不改寒素聚

書四香堂朝夕鍵戶雖至戚罕識其面國變後棄諸生迹海外十餘年晚歲歸里卒所著述甚富今不傳潮州府志

按明季南略稱丙戌朝薦獻策下廣考潮州志朝薦癸酉官御史劾溫體仁甲申督餉粵東聞變痛哭作桑浦行吟棄家而隱年七十卒郭之奇潮郡已恢復陷疏云太常少卿朝薦毀家避敵依成功資望夙著忠憤盈懷宜升樞貳行朝錄鄭成功傳云朝薦成功上客軍國事悉諮之據此亦遺民中錚錚者南略疑傳聞之誤俟考

鄭同元

鄭同元字黃中潮陽人崇禎甲戌進士官六合知縣下車摘伏如神案無留牘縣舊無城同元慮流寇侵犯浚濠樹

勝四

柵為守禦計適調川兵至啟柵納之兵潛結寇夜為亂同元帥士民焚治浦橋力禦之援師至寇乃遁去坐是里吏議謫戍台州到戍所觀海門形勢倡議立礮臺當事上其議朝論譴之癸未遇赦奔母喪歸聞京師陷縞素慟哭變姓名走梧桂間桂王時以薦官太僕寺少卿值容縣兵叛與長子貢生振芳同日被害大清一統志潮州府志

馬光龍 姚喜臣

馬光龍字受攀潮陽人有夙慧九歲能文弱冠補諸生崇禎丙子舉於鄉丁國變浮沈嶺外以宿負時名唐王時起授中書舍人大學士黃道周何吾驥及晏日曙諸公咸器重之國亡後結廬和平里西之中洲飄然作世外想為人

風度蘊藉博極羣書自經史稗官今古文詞及字學琴音無不研究晚更號確乎與二三知己嘯咏於山水之間而終姚喜臣字欽颺亦潮陽人崇禎己卯拔貢生生平於書無所不讀遭鼎革絕意仕進廬先人墓側日夕哀吟海內知名士咸悲其志為詩清峭突兀如其人與程可則輩往來唱和著有溪雲廬詩集潮州府志

按程可則海日堂集有羅浮歌寄贈姚千子詩云我家西樵麓却望扶胥東羅浮靈氣氤萬仞翕闢造化爭鴻濛名峯四百三十二峯峯突兀青芙蓉翠微深鎖召鸞鶴青天亂落奔蛟龍萬壑層巖種芝朮千章古木羅青蔥一從葛令騎白鹿石牀丹竈朱霞封千年羽衣化胡

勝四

三

蝶如車似蓋紛摩空側聞靈粹鍾懿哲奇文萬軸蟠心胷揆天作賦獻三禮珥筆直上蓬萊宮滄桑變易忽旦暮閉門但煮青溪菘年周髀歷氣逾壯道貌炯炯雙方瞳我懷神仙久延伫因君想像丹青中安能及爾乘風跨絕頂鐵橋華首遙相從嗚呼鐵橋華首終相從此姚千子不知即喜臣或別一人

黃奇遇

黃奇遇字亨臣揭陽人少孤恪守母訓以文章知名登崇禎戊辰進士授固安令時前令繫獄無子奇遇憐之遺以婢及期而生男甲戌入覲太監張彝憲用事奇遇不為屈對策稱旨擢翰林院編脩與脩實錄旋以母憂歸甲申國

變後奇遇從桂王梧州累官至詹事府詹事兼禮部侍郎桂林留守瞿式耜屢疏請開經筵薦詹事劉湘客為講官庚寅四月桂王御經筵命奇遇同直進講時史官乏員勅誥多出中書桂王欲歸其職於翰林於是奇遇議仿唐宋開科取士十二月桂王臨軒親試得劉蒞等八人授庶吉士命送館教習推禮詹大臣為館師奇遇同里郭之奇亦戊辰進士時俱官詹事兼禮部侍郎嘗以小嫌爭於杜永和前至是當並推之奇詆奇遇由推知考選安知庶常典故奇遇亦詆之奇相爭久之大學士黃士俊因請候上點定尋以 大兵破南雄桂王倉猝奔梧州事遂已國亡後奇遇歸里終身不復出讀書課子自號綠園居士所知錄

勝四

四

贛紀年潮州府志

按潮州志選舉表稱奇遇禮兵二部尚書此當桂王時官今不可考

又按郭之奇從桂王官至大學士死事最烈諡卹攷祇寥寥數語阮通志潮州志亦不叙其從桂王時事世遂罕知之者今采撮諸書為之傳附錄於此之奇子天禔初以為逸民考潮州志選舉表乃 國朝歲貢然亦孝子也

郭之奇字仲常號菽子揭陽人崇禎戊辰進士選庶吉士以忤溫體仁改禮部主客司主事轉員外郎內艱歸起補原職升福建提學參議時鄭成功為泉州諸生其

父芝龍已封南安伯求置成功高等得食餼於庠撫按亦欲以此羈縻之奇曰若輩鷹鷂之性豈一廩生所能籠絡乎卒不允龍溪賊陷閩清之奇督官兵日夜馳三百里分布搜勦悉平之流寇犯袁吉諸郡益藩去國走閩賊長驅至閩省震動之奇抵邵武謁益王請歸國王意不決之奇退而歎曰屏藩失矣吾爲之保障可也請之撫軍振旅柅杉關建南賴以安甲申以兩臺薦陞太僕少卿命甫下而北都陷之奇聞變哀慟巡撫張宥堂猶援例待哀詔至發喪之奇力爭偕闕士哭臨宏光初以薦擢宮詹便道歸省唐王立芝龍宥堂挾宿憾力擠落職尋以蔣德璟黃景昉等推轂復起用會九軍賊

勝四

五

圍揭陽之奇與官紳協守城陷弟之章戰死之奇與父陷賊中普蓋林銘球力拯之父子先後得出作九九篇以自紀其阨遂與銘球謀起兵赴國難俄丁外艱銘球亦卒己丑服闋八月桂王召之奇既至陳安內懷外措芻糧選守令諸事授禮部左侍郎晉尙書充經筵日講官桂王開科取士得劉蒞等八人授爲庶吉士之奇被推爲館師南雄破桂王倉卒走梧州百官逃散之奇書寄家人以死自勵先是袁彭年以說降李成棟擢左都御史與劉湘客丁時魁金堡蒙正發攬權植黨時稱五虎彭年嘗論事桂王前語不遜桂王惡之奇不附成棟彭年等獨與大學士朱天麟吏部侍郎吳貞毓及巡

撫堵胤錫輩相契合期以報國未幾天麟以觸時魁等怒罷相胤錫亦死死時遺疏稱彭年五人作心腹股肱時事可虞及是國勢不支之奇憂憤遂與貞毓等十二人合疏論彭年五人誤國十大罪龍舟甫駐之奇復與貞毓等請對極言其罪桂王詔竟治其獄以功赦彭年餘皆杖戍五月鄭國公高必正興平侯党守素以兵五千入衛之奇與貞毓郊迎四十里牛酒犒師必正等大悅孫可望先遣楊畏知求封陳邦傳以偽勅封爲秦王八月可望復遣使至梧自稱秦王請勿改號朱天麟等以爲許之便之奇與大學士嚴起恒以爲不當許會颺風盪舟求直言之奇言風變由滇封也議遂寢及廣州

勝四

六

桂林盡失桂王奔南寧之奇以沿江濱兵肆掠暫寓北流辛卯二月可望遣兵殺阻秦封嚴起恒等十九人時之奇方赴召桂王密詔止之因還防城壬辰晉武英殿大學士吏兵二部尙書命督師出守雷州樂民所規復兩粵爲陳奇策等聲援遂並海而南至牙山遇颺之奇登絕島三妾二女俱沒甲午練水軍督諸營出應李定國之師合攻陽江進至新會圍之數月及定國兵敗奔南寧之奇退至石井乙未復會諸營之雷廉拔高明己亥桂王奔緬甸行畿路絕之奇遂與光澤王儼鐵總兵楊祥亡入交趾辛丑八月交夷懼禍執送桂林門人監司彭而述等委曲諭降不屈賦詩飲酒而已遂與祥同

日遇害之奇死時慷慨從容賦絕命詩二首云十載艱
虞爲主恩居夷避世兩堪論一聲平地氛塵滿幾疊關
山霧雨翻曉澗哀泉添熱血暮烟衰草送歸魂到頭苦
節今方盡莫向西風灑淚復成仁取義憶前賢異代同
心著幾鞭血比蓑宏新化碧魂歸望帝久爲鵑曾無尺
寸酬高厚惟有孤丹照簡編萬卷詩書歸一炬千秋霜
管俟他年時壬寅八月十九日也所著有宛在堂集稽
古篇視學申義攝泉陳事勦防合紀 國朝賜諡忠節
子天禔號屯園少聰敏弱冠補諸生從父之奇走荒域
出萬死一生之奇被獲時天禔以身蔽父刃揮其顱血
泔泔不少却父死與父門人莆田薛英圃匍扶柩歸里

勝四

七

負士築塋結茅廬墓於側事後母能孝爲時所稱工詩
文尤長於尺牘喜與鄉里談古禮媿媿不倦以明經老
著有屯園尺牘溪堂詩集 殉節諸臣錄論卹考馬奉初
撰傳宛在堂集贈六堂集寒
支集所知錄行在陽秋見聞隨筆明季南
略西南紀事阮通志湖州府志揭陽縣志

羅萬傑 語山

羅萬傑字貞卿號庸庵揭陽人崇禎甲戌進士甫釋褐丁
外艱服闋授行人司行人兩奉使冊封吉荆二藩庚辰召
對給筆札問脩練儲備四事侃陳利弊切中時弊擢吏
部主事轉驗封司員外郎會冢宰鄭三俊澄清銓政薦萬
傑誠實不阿破格畀以選事在職一年旋以內艱歸值歲
稔倡富戶出糴全活甚衆甲申間變將散家財與同里郭

之奇募兵赴國難會福王立徵拜都察院右副都御史萬
傑以馬阮用事辭不就國亡後披髮擣哭遁居豐順之藍
田隆煙寨築逸老庵環以叢桂脩竹前鑿方塘後以居僧
草衣蔬食日與樵牧爲侶已復逃於禪居大埔西巒峯麓
盤湖庵與僧語山遊處終其身三十年足跡不入城市邑
令入山勸之仕萬傑答詩有道人祇合孤峯頂卧聽康衢
擊壤聲句所爲詩冲澹希夷不露抗忿噍殺之音著有瞻
六堂稿二卷年六十八卒鄉人諡曰文節先生語山佚其
姓名亦潮郡諸生國亡薙髮爲僧精於六書有問者辨析
音義井井有條理或叩禪宗則曰君輩方讀書爲世用無
庸向此問理會也雅不喜薙度法嗣常語人曰人無戒性

勝四

八

貪懶爲僧祇造孽耳有幼孤者懇之許暫留服役日夕課
以樵採灌園兼教令識字稍長卽遣還俗久之於盤湖五
里外得西華山愛其幽靜芟榛闢徑構精舍一區潛脩淨
業並足跡不入村市年九十三一夕跌坐而逝識者歎其
口不談禪乃深於禪者 沈德潛馬奉初贈六堂集序潮
州府志揭陽縣志大埔縣志

李士澇 子樟棟梓同族以貞

李士澇字二河程鄉人生而敏慧總角能文爲諸生時讀
書陰那山嘗引范文正先憂後樂之語以自勉弱冠中萬
厯己酉鄉試第一崇禎戊辰成進士授翼城令惠民訓士
朔望詣明倫堂集諸生講學勸建翔山書院時流寇入山
西士澇計擒巨盜王加印等散其餘黨調曲沃邑劇而治

最撫按交章特薦戊寅行取入都時有考選翰林之命行取者爭奔競給事中陳啟新論之上怒罪廷臣濫徇者吏部尚書田維嘉等乃請先推部曹凡推二十二人士涪授戶部雲南司主事會同授王章任溶冷必泓李爾京欲疏辨憚爲首獲罪以士涪年老四人不告而首其名士涪怒與章等大詬會上知維嘉有私詔許與考又以爲首者必良士召入對策稱旨擢第一授翰林院編修充東宮講讀六年啟沃有功特加侍讀學士癸未分校禮闈號得士甲申闖賊陷京師士涪爲所獲被囚夾受刑甚慘卒不污僞命潛遁歸里唐王時軍興饑餓命士涪練兵措饗士涪僕僕與長程鎮間持鉢沿門有如老衲又遣其子梓多方勸

勝四

九

導得饑二萬有餘兵科給事中張家玉疏稱其忠勞贈詩有灞上勞軍如見郭關中轉餉不推蕭語丙戌三月鎮平土寇攻圍程鄉時家玉募兵惠潮欲單騎入鎮招撫士涪嘉其膽智拜而送焉家玉遂購斬夾翼虎禿爪龍獨負蛟等餘衆悉降國亡後著書垂世創耆英書院以造士學者宗之所爲古文如健馬脫韁橫行千里不受控制其序所著古今文範尤注重於論世知人尙友順治癸巳以薦起用有司敦促至再堅辭不就世比之王伯厚元遺山卒年八十一著有三柏軒文集四卷陰那山志二卷燕臺近言素言逸言質疑十則詩藝等書長子樟恩貢生性篤孝友丁亂奉親樂隱親卒盡哀盡禮訓諸弟俱成名次子榭字

其礎崇禎己卯舉人儀容秀偉嗜古好學書法直通鍾王遭國變淡於仕進與張琚等四人偕隱刻有溪聲堂帖著函秘齋詩文集梓選貢生士涪季子也唐王時官兵部職方司主事張家玉創立武興營用爲監軍疏稱其公忠端介同族以貞號石塘孝友著於鄉里國亡不樂仕進以布衣終嘗題鄭所南畫蘭呈士涪云黍離麥秀歎周原憔悴蘭英散澧沅纔得駱歌弔魂魄又無王土寄愁根棄之沙礫花無語寫向雲箋淚有痕繡檻珠簾重仁目風流不及趙王孫著有石塘集時稱其浸淫騷選大類黎遂球蓮鬚閣集廊露嶠雅明史王章傳明季實錄名山集吳蘭修四閣集廊露嶠雅明史王章傳明季實錄名山集吳蘭修四閣集廊露嶠雅按烈皇小識謂士涪從賊者誤茲從明季實錄及明季

勝四

十

北略程鄉志選舉表云士涪歷官詹事禮部右侍郎吏部右侍郎兼翰林院侍讀學士協理詹事府事經筵講官五奉勅使敦促高尙不仕考名山集張家玉贈詩時在丙戌仍稱官詹則爲禮侍吏侍當是紹武永曆時官表又云樟授福建道試御史此亦唐王時官今並不可考榭偕隱四人其二未詳疑大埔黃一淵亦其一也

張琚弟瑀

張琚字居玉程鄉人崇禎己卯舉人兄瑀字白玉崇禎甲申選貢生授東莞訓導張家玉起兵復東莞以瑀攝知縣大兵至死之著有蒼蒼亭集寓閩錄琚年七歲詠鸚鵡詩三十首稍長讀書淹貫學使魏環初稱其文有古大家

風登鄉薦時出邑宰侯官陳燕翼門下時中原盜起琚知國事不可爲闔雙峯齋於城東三里彈琴賦詩足不履城市燕翼素器琚期以大用聞其買山而隱歎曰士各有志不可強也燕翼旋謝病歸琚餞之與琚慷慨談時事泣數行下留衣帶爲別先是邑有土豪陳其明者被酒誤殺人琚策其可用爲請於燕翼釋之及鼎革其明聚眾保鄉里未幾流寇破城其明驅賊據城自守一夕賊大至眾寡不敵丐策於琚琚教以偃旗息鼓潛遣數百人屯河干環立七營多張燈火然後城中鼓噪而出河上軍分兩翼合擊之如其言賊果敗丁亥兄珩殉難琚由是一意泉石與李榷諸人爲煙霞四友念其師燕翼恩誼於雙峯齋故居爲

勝四

七

陳夫子祠祀焉著有旋溪集學者稱旋溪先生弟珩亦諸生與兄珩琚皆讀書有聲聞珩難往覓其屍卒於道屍不可返琚乃招珩魂葬於小密

潮州府志
嘉應州志

蕭澄

蕭澄字坦卿程鄉人少穎慧過目成誦弱冠登崇禎癸酉鄉薦事親以孝聞性好善明末寇陷城奉母避岩重罹兵燹猶購人掩骼埋齒值歲饑行賑者再國亡後家居三十餘年非公未嘗私謁當道或勸其銓選以親歿不捧檄婉

辭程鄉志嘉
應州志

廖衷赤

廖衷赤字蕙孟程鄉人隆武乙酉舉人性坦易不形喜愠

三尺童子咸樂近之然人不可干以私爲文淹雅邑中著作多出其手國亡後食貧力學以詩酒自娛所爲詩多感愴之音嘗作悲今昔詩云落日高樓涼風吹白紵江山舊蒼鬱極目尙可觀江山雖如故周京已禾黍主人播西東關山行路阻側耳聞杜鵑終宵啼逆旅故園不可巢新巢豈終古何來驟風雨飄搖肆其侮桑土尙可徹空牢尙可補美人天一方瞻言懷顧汝淚血灑崖山孤魂復何主長鯨浪噴天聚蟻紛無數挽弓向蝸國牽牛祭豺虎野鬼哭黃昏戰血流江渚哀猿嘯山泉驚鴻鳴澤浦我向故園行草蔓荒煙聚安得援臂弓射石沒矢羽白水起真人箕尾賚良輔女織與男耕鼓腹復含哺我懷日以長我思日以苦試作今昔歌悲吟江之滸時桂王不能中興衷赤深爲寄慨故詩云然著有五園等集

勝四

三

粵東詩海潮州府志程鄉志

曾捷第

曾捷第字閻奇程鄉人幼嗜學長有智略以忠義自許崇禎初鎮平賊劫其家殺二叔捷第糾眾破賊巢殺數百人擒賊首黃一虎唐王在福州何楷薦之授連城知縣隨罷歸後隱於浮屠年八十二卒盡焚其所爲文稿遺命墓碑勿書官職但云明曾某之墓同里沈殿一崇禎時任大埔城守唐王立統兵勤王授副總兵歷著勞績國亡遂隱不出

阮通志程鄉志
光緒嘉應州志

梁應龍

梁應龍字霖海饒平人父之屏字明樹諸生從陸郡守典與聞新建之學多所發明時擬諸海陵王良應龍中崇禎戊辰進士授太平府推官丰采峻整執法不阿權蕪湖權關蠹吏皆斂手相戒曰毋犯梁公再補保寧府推官時寇盜充斥青城岷峨間無堅城應龍至日夕繕城守預築梁山土地二關以扼流賊之衝一方底定寇陷別疆朝旨切責蜀帥侯良柱冒上捷功一千九百餘級遮殺行人以足其數衆大譁應龍奉御史符按之亂始戢未幾流賊破安籠潼川等處二十餘城保寧震動應龍已內召猶日與士大夫調度戰守五閱月賊解然後去先是饒平北門外河口陂爲水蓄決流遂湮環陂田皆苦旱丙子春應龍以假

勝四

三

返里憫之謂陂之潰由無餘地以蓄水水壅不得行必齧決田與水爭利勢弗勝乃出貲買田捨爲溝渠居民利焉郭之奇嘗稱應龍以彌綸天下才而不遺於其鄉卽小可以見大已調兵部轉戶部員外郎陞分巡福寧道至則擒賊魁陳任會遭鼎革遂棄官歸角巾林下三十餘年時抱鼎湖之悲晚銳志聖學接引後進年八十一卒郭之奇重

記湖州府志
饒平縣志

詹韶

詹韶字廣鳳饒平人拔貢生性孝友慷慨好義崇禎末潮郡大亂鄉人避寇石壁寨男女被殺者衆寇退後韶收衆屍葬以大塚爲文哭而祭之自是值中元焚楮設奠以爲

常癸巳正月郝尙久復叛爲明閭里諸無良乘勢殺掠韶捐資築堡招流亡相助守望民賴以安繼而疫起病者延醫死者給樽傾其家弗顧少博極羣書尤長於詩亂定後年四十餘遂棄舉業與嶺南諸名士結珠江社日以著作自娛著有尙書發微四卷潮州府志

陳國英 陳表

陳國英字六輔惠來人崇禎甲申歲貢生爲人負氣節其師吳達彝被仇誣盜力爲昭雪遂獲免族有富人遺萬金產乏嗣衆爭利之國英獨不與先是庚午七月百花峰前有大石起立行移七步其行過之迹入地半尺有餘國英聞其異往觀之因作賦以紀事其末云若夫地有三千六

勝四

西

百軸今尙有時擺撼震動而不宜石亦地中之一粒兮又惡能歷滄桑而不改其形吾尤慮乎海內名山有五千三百七十兮其間硿硿然嶢嶢然安知不移動而紛更恐有龍伯巨人之縱山而倒海兮將令葵嶺神江之北終當以戈鋌而易棘矜彼杞人之懷憂而不忘兮按物理而蚤知乎人事之縱橫自後國事日棘時服其先見旣遭亂隱居以吟詠自娛著有青松居草問禪篇秋聲三集陳表字聞擘亦惠來人性至孝痛親早歿雞豚不逮每祭祀必泣當餒輒嗚咽不下食里人化之稱爲陳孝子甲申世變家產蕩盡所得升斗必與鄰里分之共延旦夕少力學不遇亂平遂絕意進取芒鞋竹杖歌咏山林年八十五卒潮州府志

賴其肖 賴應殿

賴其肖鎮平人諸生鎮平僻處萬山衢通四省先是鍾凌秀嘯聚十餘萬久方削平甲申國變後盜復起道爲之梗其肖素以豪傑自命爲宗族所推至是練鄉兵自衛時稱賴公子唐王立張穆由潮赴閩或言鎮平一徑通上杭頗捷然須見賴公子庶可度關也穆從之其肖留穆夜讌出美人侑觴穆賦詩謝之有千岫白雲留馬足一尊紅燭對蛾眉之句旣而穆隨張家玉募兵惠潮時其肖爲衆擁攻澄鄉穆爲書招之曰家翰科持節西來有事王室知將軍師次城下冀接雄圖昔東南延譽已非一朝祖士雅之渡江徐無山之連騎能遲望丰采乎書達其肖遂率子弟諸

勝四

五

壯士來謁家玉入其軍得衆萬人因創辦武興營題授其肖兵部職方司主事其同族諸生應殿爲監紀推官隨與其肖應殿議剿撫諸賊斬夾翼虎秃爪龍獨角蛟等收其衆十餘萬其肖復親詣各鄉各竈點煙戶編保甲嚴夜出之誅申連坐之法地方遂安會唐王軍至上杭不戰而潰家玉聞將入粵與其肖引兵出迎遇大兵於赤山之坂時惠州餉不至兵飢不欲戰其肖曰主上蒙塵我曹當首死敵以明忠義敵易與耳遂斬招降者四人潛繞敵背而伏率勁弩馳射誘敵騎入山谷中斬獲十餘人敵逃走其肖治兵嚴食雖不足仍禁掠已而糧盡家玉歸里其肖亦還鎮平丁亥二月家玉起兵東莞其肖與應殿亦起兵饒

平出攻各州縣以應家玉叛將文貴金與陳虎余成隆來戰克三寨至勒馬寨貴金單騎先入其肖伏兵起遂殺之虎及成隆俱死總兵許有信復統兵至圳礮與其肖遇其肖伏險邀之有信不諳地利亦大敗去時宗室朱由榛與許元烈等潛謀與復九月爲叛將車任重所殺至十月家玉亦殉節死踰年四月閩帥鄭鴻逵出兵攻揭陽其肖復奉宗室朱慈春以兵擊平和不克聞李成棟復冠裳廣東全省入明遂旋師及平請二藩圍廣州潮州守將郝尙久惠州總兵黃應傑等俱降其肖應殿並不知所終屈大均行狀名山集張縵橋年譜行在陽秋西南紀事小隳紀年潮州府志征撫記

勝四

六

饒燈 從子希變黃一淵

饒燈字用恆大埔人萬曆癸卯舉人官山東甯海知州豁丁口亡絕者萬一千有奇復業者二千餘家請築奇威二所城衙沿海居民以治最賜清康宴進階奉直大夫去任之日士民泣送數十里甲申春漳州賊寇大埔燈與從子希變晝夜守禦城獲全自是不復出著有莊言謾言白笑諸集希變字彥粹號和臣貢生國變後或高其行舉鄉飲大賓不就作梅花詩百首以自况著有桂香隨筆同里黃一淵字積水諸生幼失怙恃長以俠名遭亂溫溫無所試國亡彷徨山水間論詩以詩歸爲宗然所作感慨似杜甫文亦激昂愴况上張家玉書序李履集尤見稱於時所居

別業有天外數峯當門一淵以遙峯名閣樓取以名其集序稱當世有黃子者亦天外數峯云

李梅馮奉初選峯閣集序潮州府志

林雋胄

林雋胄字介文普益人父銘球宗禎戊辰進士官御史上疏言治兵固急保民宜先又申救遼督洪承疇免逮薦黃道周起廢籍召用後劾岷藩降官起補光祿寺監事京師陷賊迫汚偽命旋遁歸潮寇起以練鄉兵保境積勞成疾卒雋胄少有文名尤工詩崇禎甲申恩貢生桂王時以郭之奇薦授兵部職方司主事謝病歸國亡後隱居崑山辛卯大吏薦之以原官錄用雋胄以母老乞終養辭晚年益肆力於學著有時山集西溪草堂詩集

宛在堂集明季北略潮州府志

勝四

七

謝元汴從父宗道

謝元汴字梁也澄海人母陳以節著督責甚嚴元汴奮志下帷中崇禎壬午舉人癸未成進士知貢舉奇其才擬館選元汴以母老辭歸母曰國步艱難士可無同患之志乎踰年北都陷元汴慟哭方往來觀變會土寇陷邑城妻劉罵賊死元汴遂奉母走漳州乙酉唐王立母責之出九月至福州對朋黨策謂士大夫稽首賊庭氣節頽喪皆朋黨所誤若馬士英輩負乘致寇實秦檜賈似道一流不可言冀唐王授兵科給事中尋上六可憂疏一曰名器宜惜今所收用者皆社師僧父所召對者半駮僧市兒金紫比肩冠蓋接踵若不持八柄之馭以杜僥倖之門恐不肖登庸

高賢畏足一曰精神宜節今遠來之奏累牘連篇伏闕之

儒黃口秀舌輪亂聰明煥惑心志恐條陳批答未可以了

恢復之局一曰除授宜嚴陛下今日簡一樞部明日陞一

督撫又明日賜一玉蟒又明日選一翰林擢一臺省然曩

之門戶分途者今則扇鑰愈固曩之情面圓熟者今則營

鑽愈工懸秤賣官借刀報怨恐兩京覆轍前事再見一曰

義旅宜援徽郡不守吉安盱江旋得旋失雖恢復斬獲之

書日上而長驅直搗之事無聞及事既去始羣言某當設

兵某當遣將一誤再誤恐義兵老而衰人心老而渙一曰

臣工之奉行宜速今勅書日下徒歎積薪議覆雖頻束之

高閣蓋由諸臣火已燃膚尚言好官得錢勢已剝牀惟營

勝四

七

狡兔三窟恐操刀不割失利之期一曰文武之志氣宜厲

今英人偉流投袂欲起山林隱逸對景飲泣而諸臣惟高

賭墅之風曾無枕戈之志敵不忘我我先忘敵人事不修

而單靠天意臣期知其不可至於戰守急着以戰而言

敵之長技利於馬閩之長技善於水以我之堅攻敵之瑕

莫如遣一大將聯合茅山澎湖舟師從海上徑趨金陵以

斷其後以守而言我兵屯杉關若彼賂土人由仄徑疾趨

則拒輸於前進狼於後杉關即失其險然則斬木堙谷以

防衝突亦要策也元汴慙直敢言疏上與時局相鑿柄十

一月奉使冊封二藩便道奉母回潮丙戌春至肇慶梧州

遂抵桂林有降紳希鄭芝龍意劾元汴革職還潮聽勘戊

子七月潮鎮車任重之變元汴幾不免脫身至廣州十二
月謁桂王肇慶桂王復授兵科給事中上中興十事疏考
選四議疏時羣臣植黨營私元汴復上目擊時艱直據憂
憤疏謂諸臣不早挺脊骨振蒙落晚冰而戲屠火而卧蠅
營狗苟通國若狂恐不足承當好運諸臣嫉之欲出之外
已丑五月遣募兵平遠爲廣州聲援廣州破元汴乃奉母
隱居於豐順之大田母歿遂棄家僧服流寓廈門澎湖間
後不知所終著有盡言放言霜厓集詩文瘦削奇放梁佩
蘭亟稱之後督學惠士奇得其稿與番禺梁朝鐘新會胡
方並刻之曰嶺南三家文選從父宗道字儒美少負詩名
崇禎己卯鄉試第一出分校陸岫青門黎遂球嘗爲序賀

勝四

六

陸得人遭國變絕意仕進嘗過其同里先輩唐伯元釣臺
作詩云山勢依臺曲折成斷橋深處藕陂清高人所寄皆
孤迥勝地頻年見廢與春水苔磯枯柳卧夕陽漁笛野煙
橫羊裘亦是尋常事浪有桐江身後名著有觀古堂集遜
齋集馮奉初撰傳霜厓集蓮鬚閣集瘦
嶺山房集粵東詩海潮州府志

李日煒

李日煒號乾室澄海人恩貢生授岳州府照磨張獻忠寇
湖南岳州震動日煗効力行聞多著勞績陞江山知縣邑
爲浙閩咽喉素苦徭役日煗加意撫循民困少蘇乙酉南
都破唐王立日煗間關入閩丙戌六月唐王親試流寓貢
生按日煗第一同試萬子則倪天鴻等俱改萃士惟日煗

授禮科給事中桂王再都肇慶日煗官戶科給事中時袁
彭年等五人躡亂朝政號五虎庚寅桂王奔梧州日煗與
尙書吳貞毓侍郎郭之奇萬翱程源及同官張孝起等合
疏糾參彭年五人龍舟甫駐復請對極言其罪桂王及太
后亦意其有黨遂詔竟治其獄後隨義旅東歸至惠州未
幾卒所知錄南疆釋史小映紀
年潮州府志澄海縣志

蔡文蘭

陳者高

蔡文蘭字免生澄海人少從漳浦黃道周遊年十五補諸
生中崇禎癸酉副榜文蘭貧而介授徒致束脯悉均諸弟
甲申之變更名守文避跡巖谷中窮愁落莫多發爲詩歌
以寄意著有亂後草海東旅人集未幾卒同里陳者高字

勝四

九

心禱諸生以次將貢遭鼎革遂棄舉子業牢落鬱悒亦託
於詩文以見志乙酉寇變自分必死因題其門曰世人皆
無吾那得獨有世人皆亡吾那得獨存遂餓而死潮州府
志澄海

歐光宙

周冕

歐光宙茂名人諸生兄光宸字戴皇天啟丁卯舉人崇禎
甲戌考授知縣光宙少以孝行聞參議張茂頤巡行至梅
菜地方夜見山下火光疑爲盜察之乃光宙廬墓處歎曰
孝子也卽申詳大吏入奏賜舉人丁亥 大兵定高州下
薙髮令光宸不從光宙亦以國恩深重遂慷慨仗節與兄
光宸及茂山書院生徒謀起兵六月率吳川茂名之勇敢

者攻陷梅棗及吳川城會郡兵至引退未幾陳邦傅以承
應劄付招兵恢復施上義等遂令軍破高州光宸回復練
兵結寨於博鋪桂王授光宸海南監軍道按察司副使癸
巳平南王遣標下李之珍陳武徇高州擒光宸於博鋪勒
令贖免光宸曰吾有死耳遂見殺光宙見兄殉難痛哭悲
憤後韜晦以終周冕亦茂名人素有膽勇崇禎甲申正月
府縣兩監囚譚聖典等越獄劫庫知府鄭三謨遇害把總
黃翼龍捍禦不克死冕首追捕囚黨擒獲誅之丁亥大
兵定高州冕不肯薙髮與各縣義士百餘人同起義兵李
明忠據高州冕鎮守吳川營辛卯領弁兵征岑鬱被箭傷
退回沙坡發熱浴塘中吐血死陳舜系亂離聞見錄
歐氏家譜高州府志

勝四

三

梁瑗

梁瑗字元玉茂名人諸生孝友恬靜好施與明季多故不
樂仕進乙酉郡守呂之節辟舉賢良不就遭亂後里居訓
俗以敦倫勵行爲先喜述往事得失回環諷諭聽者感泣
有益入其鄉亦從容慰諭羣不逞之徒悚然避去年九十

四卒茂名
縣志

陳禮

陳禮電白人家貧甚父母賣漿道旁禮性好學年九歲有
文學劉維藩過之見禮浴於溪以衣置竹籬上出對曰數
枝荆棘爲衣架禮應聲曰萬古山河作浴盆劉大奇之卽
妻以女並助其讀書崇禎庚午舉於鄉庚辰詔天下舉人

歲貢試文華殿特用二百六十三人釋褐題名與甲科比
禮與焉授刑部主事時四川失守官繫獄者咸坐以死禮
執法原情多所宥釋陞郎中出守河南彰德府釐剔弊蠹
吏畏民懷未幾寇犯城禮躬擐甲胄運籌決勝全境獲安
加秩按察司副使致仕歸國亡後不履城市十餘年嘗賦
詩見志有因人求避地教子莫拋書之句後卒於家高州
府志

李麟祥

李麟祥字符聖信宜人父期然諸生安貧樂道以孝聞卒
後當事表其阡曰高士麟祥由廩生舉賢良任戶部主事
性恢廓明敏慷慨有大略詩古文詞雄視一時志弗尙也

勝四

三

事嫡母羅以孝聞幼時被盜諸物不顧惟持母衣被以死
爭盜感動捨去居職日曾以上書言事忤旨執赴東市將
刑神色不變有達官某異之論救得免遭國變不復出時
戚屬流離麟祥多方救護賴以存活者數千百家鄉人比
之王彥方陳太邱羣盜亦相戒不忍入所居里年八十二
卒著有谿仙詩集二十卷文集三十八卷高州
府志

劉傅暹

劉傅暹化州人諸生崇禎時學使重其學行薦入京師遭
國變回籍隱居不仕建曇雲寺於州北之青山嶂悲歌慷慨
慨以終天年傅暹行六鄉人因呼爲六公嶂高州
府志

陳紹顏

陳紹顏字愚發吳川人崇禎己卯舉人少負文名有血性為邑令王泰徵所賞國變後晦跡山林間久之聞魯王依鄭成功在臺灣往從之至福建以未薙髮為官吏所殺家人贖其首函之歸紹顏髮素長累兩桌加椅其上置首以理髮髮猶委地云高州府志

黎民鐸

黎民鐸字覺于石城人崇禎癸酉舉人甲戌會試中乙榜民鐸素有大志潛心力學會遭國變家居恬淡杜絕干謁日以著書垂訓為事世稱其制行似李二曲王船山龍溪陳曠嘗讀其詩憫然驚歎因為序曰自丙戌吾師黃文明先生完節後同堂三十餘友咸罷學業然不廢詩昨至潮

勝四

三

陽訪吾師舊交傳絲庚先生於黃竹山中捉臂論心以詠歌為痛哭而深慨慕海內之真詩覺于先生非有意為詩也情有不能自己故江離晦蕙無非山榛隰苓之思若徒以漢魏盛唐擬先生是未知先生真詩之所在猶未足以讀先生詩也觀此其節槩可知已著有易經旨意汶塘詩集陳曠汶塘集序高州府志

按翁山詩外有高涼遇歐陽先輩賦贈詩云寂寞高涼郡相逢白髮人軍中三祭酒漢末一孤臣榴蕊頻燒日鶯聲尚弄春滇南多變事為我話酸辛石船仙處土錦繖女將軍往迹披蒼蘚微誠託紫芬英雄羞粉黛變化望風雲且作山中逸翩翩鸞鶴羣此歐陽亦當時遺民

高州府志失載今不可考附錄於此

梁羽翰

梁羽翰字鵲起海康人少負才名力學不倦領天啟辛酉鄉薦崇禎癸未成進士會甲申國變歸家杜門不干仕進時同年在要津者甚眾羽翰家極貧然絕無趨附之念丁亥同年餘杭趙最守雷多方勸慰誘其出仕輒以各行其志拒之是年卒二子遇饑歲遂相繼而亡雷州府志

彭鈺

彭鈺字席之遂溪人少明敏博學為諸生時勤於教授高雷之蔚起者多出其門登隆武乙酉鄉薦國亡後不復出性靜默接人溫和簡易著作甚富有四書內說尚書解義

勝四

三

讀史鑒法諸書晚號巢雲學者稱巢雲先生廣東通志雷州府志

仇自奇

仇自奇字子珍號宜庵先世居肇慶父夢槐為靈山縣吏卒於署遂為靈山人自奇承父業吏滿為陸川典史丙戌城陷自奇整衣冠北面再拜將自縊令踉蹌來止之日唐桂二王無恙甌閩諸郡猶存天下事尚可為奈何以子之才一死塞責耶自奇領之遂與令歸桂王於肇慶瞿式耜陳邦彥疏薦既召對上恢復大計十二策桂王嘉納之授監軍官自奇破產以紓國用深得軍心無何扈從諸臣與反正爭功武臣復與降賊脩怨自奇撫膺大慟知國事不可為遂歸隱西靈山中時有武弁黃學明者聚眾高廉間

奉永歷年號欲引自奇爲重數造廬谷以置事自奇爲指
畫形勢授以方略瞭如指掌會李定國兵至粵道經靈山
諸部曲相戒曰此仇監軍故皇毋得掠有不戒者斬以徇
左右村莊多藉以保聚乙卯吳三桂反使僞將徇粵欲起
自奇爲參贊自奇正色曰使將軍於二十年前爲先朝泣
涕興師號召天下忠臣義士豈無起而應者今白圖叛逆
庸有濟乎使者惡其言短於帥帥曰必致之不然則殺之
自奇懼挈家奔橫州八縣莊賊迹之爲所獲遂遇害年五
十八仇巨川撰傳

王昌言

王昌言字如綸定安人祖弘誨嘉靖乙丑進士歷官南京

勝四

壽

禮部尙書父汝鯤思明府知府昌言以祖蔭入太學肄業
撥工部屯田司差遣旋授五品官不就瓊郡生黎居五指
山中熟黎姦宄勾引之爲三州七縣心腹患甲申國變後
叛酋馬澄根等謀破定安以窺瓊郡昌言所居龍梅當黎
賊出沒之衝乃散家財糾壯健爲扞禦計自甲申至己丑
凡六年賊知有備不敢越龍梅咫尺己丑夏六月馬澄根
結黨林冲霄黃敬純以數萬衆來攻昌言率死士先登陷
陣多所斬獲既而他將軍行遇伏棄戈潰敗昌言單騎衝
突手刃數人毒矢雨發不能支遂死是秋九月定安陷其
妻陳被執以計脫其孤懋曾亦罵賊死昌言嘗置義田設
義學賑饑恤貧有德於鄉鄉人私謚曰忠愍先是丁亥四

月 大兵渡瓊海同里諸生吳履泰字亨若哭於文廟募
兵數千人出戰兵敗大呼崇禎皇帝數聲抱石投海死其
甥王蔚文從焉鄉人私謚曰端烈時與昌言稱定安二烈
云翁山文外瓊州府志

按瓊州府志稱 大兵渡瓊履泰適遭父喪號慟而絕
蓋諱之也當以文外所紀爲得其實昌言文外誤昌元

胡輝祖

胡輝祖字朝翰定安人諸生舉隆武乙酉鄉薦國亡不復
出輝祖與屈士璟陳邦彥同年屈大均嘗寄輝祖詩云吾
家有花萼與爾孝廉同出處皆勤事存亡一匪躬墓門餘
宿艸魂氣逐悲風襄帝遺臣盡嗟君草莽中白髮蕭疏甚

勝四

壽

康成但幅巾時窮誰處逸道在自忘貧奇甸三神島遺民
二祖身造門多屣履戶內闐無人邦彥子恭尹亦寄詩云
海隔紅塵不閉門東風攜杖木棉温今時父輩人無幾先
代遺民君獨存霜雪滿頭腸自熱水天多浪晝常昏著書
豈必沈吳井韋氏傳經有子孫翁山詩外獨漉堂集
按翁山文外有藏髮賦序云友人某子拾平生所雍之
髮藏定安山中子爲賦此翁山曾寓定安爲修縣志所
稱友人當卽胡輝祖

陳是集

陳是集字虛斯號筠似文昌人崇禎辛未進士官中書舍
人少慕海忠介爲人秉性清介居親喪哀毀骨立出使蜀

粵諸王奉金不受既復命王人嫁禍下之獄會赦得免復官未赴遭國變居鄉食貧刺不入公庭著有中秘稿南溟詩集林希高字廷選亦文昌人諸生剛方有守以養親不求仕進遭亂後棄舉子業擇雅淡七人為七逸友詠歌自適後屢舉鄉飲大賓不就

阮通志瓊州府志文昌縣志

曾開

曾開字公實號泰階儋州人人生而穎異過目成誦弱冠領崇禎癸酉鄉薦國亡後不復出為文援筆立就尤工詩處人以和臨事能決編脩韓廷芑日以儋耳碩士所編儋州志三卷有功於儋

阮通志

按僧函是瞎堂詩集有曾公實過訪詩云看君幾歲籜

勝四

美

皮冠試問從來為選官念我故山腸欲斷因人歧路淚偷彈已成白髮南洲暮却憶青袍北邸寒莫恠童齡多慷慨低垂猶自倚欄干詳詩意似諷其入國朝後欲就仕者然阮通志傳及選舉表不載開為國朝某官蓋開得函是詩遂不復出也

梁稷

梁稷字非馨其郡縣未詳少與黎遂球交最密數稱其詩李雲龍陳邦彥陳子升鄺露韓宗駮輩俱從之遊已出塞居督師袁崇煥幕中為重客雲龍因賦寶劍篇以贈浙人王子安亦客崇煥所稷於聽畫角胡笳時同作越吟至相得也及崇煥以孤忠見法稷悲憤欲蹈海死事然思白其

宛姑少全自以無家室妻子隻身怏怏不樂歸遂留寓金陵時晉江何喬遠主南都社事一時詞人號為極盛浙人黃宗義聞人黃居中林古度及粵人韓上桂韓如璜等俱與會稷廁其間復與如璜徵采文集選皇明文徵宗義亟稱之未幾復入都匿遂球寓不敢出見客嘗與遂球共被遂球責之稷但流涕不言會子安舉於鄉公車北上與稷時私去相語子安後為遂球言塞上事遂球乃深服稷故出都時贈別稷詩有勉矣千秋事毋為達者嗔語甲申國變福王立邦彥入留都上書晤稷因感懷今昔贈詩云記得當年別路遙音塵寂寂度先朝頗疑望氣依南國猶有啼痕泣舊遼侯霸素癡仍是昔景差能賦為誰招越臺春

勝四

毛

好藤蕪長駟馬何時重過橋及南都破稷間關入閩唐王時以薦官主政時露與子升俱在閩官中書舍人稷因之遂上疏白崇煥冤卒得服爵賜葬露歎以為信友因贈詩云逐客同征雁翩翩出塞垣誇胡曾斷臂哭漢不歸魂別久見如夢相看無一言龍精千尺雪持照昔人恩子升亦贈詩云一片南雲對轉篷五噫歌歇見梁鴻氣凌燕筑高歌外悲滿秦淮細雨中廿載風流羞結客幾時天下罷從戎鄉關信爾游蹤近桂樹南山有小叢後歸里不復出時宗駮為僧謫瀋陽懷以詩云廿年作客白門秋辛苦還家短髮留半壁又虛惟裂帛而天何處可埋頭文章自合隨身老貧賤除非到死休絕塞忽思酬唱地西湖有月大如

歐南雷詩歷蓮鬚閣集嶠雅中
洲集千山詩集粵東詩海

按南雷詩歷稱稷嶺南人考蓮鬚閣集王子安石室詩
序云子少即喜為詩然不出門所見客惟侍先君子坐
不得談得與談者有梁子非馨據此則稷居與遂球不
遠又張鐵橋年譜云甲戌人日登雨花臺逢羊城梁非
馨據此稷居蓋在羊城當是番禺或南海人兩縣志俱
失載

韓閏昌

韓閏昌不詳其郡縣官都司隸薊遼督師袁崇煥麾下崇
煥使領尚方劍崇禎二年十一月崇煥率師入援閏昌隨
崇煥及右鎮總兵祖大壽大壽所部都司吳三桂四人俱

勝四

天

召對崇煥既下獄大壽三桂出即單騎奔薊閏昌獨自投
於獄三年八月崇煥磔於市大司寇胡應台憐閏昌審讞
再四僅擬戍陝之鎮番衛自都至陝所過市肆皆知其忠
盡酒饌不取分文恣所飽而去陝督令復暫官營弁辭弗
就因留為諸營教師凡十三年乃削髮為僧還粵母久窘
許其妻別適鷄鳴即發舟去矣是夜漏二下閏昌忽叩門
至母驚曰人耶鬼耶閏昌曰兒人也妻聞之遂不嫁閏昌
感其異蓄髮生二子已復削髮為僧每與人道崇煥事輒
泣下謂冤必終白云督師袁自
如行狀

按閏昌戍陝在崇煥死後居戍所十三年正崇禎十六
年闖賊破陝之時故閏昌以僧遜也及生二子復為僧

當佟李入廣州之後閏昌不肯薙髮而然

李祈年

李祈年不詳其名籍善奕與詩妙絕一時遭亂奉母隱於
順德之龍江與陳恭尹許起蛟僧成鷺等遊恭尹贈以詩
云長裾玉面正青春可歎飄零亂後身老母幸存為客早
故山雖在欲歸貧能工麗句追前輩偶着枯棋服世人相
見江城沽美酒醉吟忘却落花旬祈年常語人曰棋不如
琴琴不如畫畫不如書書不如詩詩不如文文不如道時
聞者莫不稱善惟成鷺不然其說以為道外無技祈年自
是復求於道晚年有得技日益進成鷺每歎以為天下畸
人其後寄懷祈年詩亦謂東南有曠士道勝無欣戚云獨

勝四

天

堂集咸陟堂
集龍江鄉志

碧溪卧叟 岸庵居士

碧溪卧叟蘇姓佚其名遭國變晦迹於順德之碧江鄉壬
寅年七十餘矣無子僅一孤孫供樵爨役日夕閉門著書
書甚秘方頗愷館於碧江梁氏知為異人往拜牀下叟傲
然不顧叱曰汝從何來速為老夫具膳頗愷起就爨煨湯
請頰頰已點茶揖而進之其孫負米歸為之代勞饗殮缺
竭力圖之俾無乏不言所以叟知微意徐問曰子之來得
無有所求於老夫乎曰無他求見老人篋中秘耳沈吟久
之揮使退曰異日當來期子於夕如約至呼使拜拜已出
其書數十餘卷皆生平箸述編次井然歸讀之蓋天文地

理陰符兵法三式六壬奇門演禽之學顓愷少曾得是書於異人未窺其奧今所授者方諸前書互相逕庭茫然不知所擇復載幣往丐其面命叟笑而言曰吾念子之誠姑相報耳子果位中人非術數之學可盡地而趨也凡有文字可觀理數可測者均非上乘妙悟子歸矣當向上求之顓愷慨然其後三復研究其書始悟不傳之秘甲寅徙置三藩之議起顓愷語人曰天下將有變亂不久底定無足憂也後果如其言會有覬覦其書者顓愷急投諸水火遂不傳同時晦迹碧江者有岸庵居士亦蘇姓閉門不見客顓愷嘗三訪之不應訊諸鄰知居士耳奇聾不可聲致踰垣入見之居士默坐視客而笑指几上筆硯曰子來何求

勝四

辛

顓愷書有疑就正點首曰吾方止靜明日過亭午可快談至夕矣如期復往隨叩而應不少隱笑謂顓愷曰子以目代耳子以手代口天下豈有聾人啞漢乎哉顓愷日與之處遂悟圓通門不由聲而入平生所學盡成糟粕云成驚紀夢

無家

無家不詳其姓名郡縣本進士國亡後以抗采薇之節遂為僧名無家遁跡茂名雲間山關茅庵居焉涅槃時留偈曰太極渾然兩儀左右四象八卦弗冗弗漏我發其藏公諸宇宙人傑地靈二百年後誰言者支離叟高州府志

附錄方外

二嚴子雲子龍子

二嚴番禺人本姓李名雲龍字煙客少補諸生負奇氣慷慨重節義一時名士多嚴事之梁元柱以疏攻魏闖削籍歸與二嚴及陳子壯梁繼善黎遂球趙焯夫輩徜徉詩酒間性跌宕時廣州女校書張喬歌舞妙一時二嚴復與之善然縉於遇以資遊國學卒無成走塞上客袁崇煥所遂球送以詩云萬里欲何之行營望將旗我正憐煙客人疑是藥師談兵奮髯戟騎馬策楊枝為試登樓嘯風塵滿眼悲張喬亦送以詩云子夜徵歌特底忙奈何花月是離觴春江千折牽遊舸若箇津頭柳線長香作飛塵玉作煙輕寒微月養愁天梅花本是江南弄一疊關山倍可憐時崇

勝四

辛

煥總制三邊威名大震二嚴在幕實參其謀天啟丁卯七月魏忠賢使其黨劾崇煥不救錦州崇煥遂乞休去二嚴痛憤作感秋詩云中丞鵠印舊登壇一劍霜飛絕漠寒漢帥豈堪蕃將代軍容爭遣內臣觀居人夜傍長榆泣邊馬秋嘶白草殘祇為令公今遠竄憑誰免胃陣前看自是鬱鬱作栖隱計與韓日續謀與構羅浮院宇會崇煥復起用因為作募疏自言隔數千里之羅浮不能一効款款而一萬里之醫巫閭忘身徇命以與邊徼爭余媿也然地有南北山之靈何分南北則醫巫閭之未始非羅浮也用心於醫巫閭與用心於羅浮無二也煙客與余二身也一心也一心而兩心也後崇煥死二嚴歸里久之遂參禮道獨制

髮爲僧爲羅浮華首臺藏主嘗與張穆同旅榻謂穆曰君血性男子獨不知豪傑不能爲之事當一回頭英雄技倆皆癡也國亡後遂不知所終著有雁水堂集嘯樓前後集遺稿別稿二嚴未爲僧時有二子長名雲子字山農貢生與弟龍子皆有文名雲子素持梵行嘗與僧函是結淨社於天關遭亂以父長往不能蹤跡遂棄章縫隱於柏堂故里教授生徒丙午遂隨函是雜染名今从字淨起性質樸不事華飾與人言真率無少迴護人雖嚴憚始終愛其直諒時稱爲儒之君子禪之耆宿龍子字田叔崇禎己卯舉人嘗從函是講學以父長往亦退隱山林家無半畝之入攜妻孥因館穀就食野服芒鞋蕭然自足先其兄五年薨

勝四

三

染爲僧名今莖字具五祝髮時作詩云萬事煙銷不復言此身何幸得生存辭家直欲超三界焚草無由到九閻雲外飛鴻離竭澤水邊鷓鴣喜依原曹溪咫尺門前路一上雷峰溯洞源龍子超悟出羣爲函是所期許以有宿病不獲究竟一大事諸山惜之蓮鬚閣集蓮香集廣州鄉賢傳年譜粵東詩海阮通志海雲禪藻集羅浮山志張鐵橋

按張鐵橋年譜云庚辰與二嚴同返羅浮則爲僧在崇禎十三年以前二嚴僧名未詳既參空隱當名函某二

嚴乃其字也

又按嘯樓選集入禁書目

函可

函可字祖心號剩人博羅人本姓韓名宗駮父日續萬曆丁未進士官至禮部尙書卒諡文恪函可少聰穎爲名諸生性好義有貧士獄寃自分必死函可密白得免不令知偶獨出里門爲市兒所窘家人追至將赴理函可止之日豈有吾輩不能忘人誤犯耶嘗與黎遂球梁朝鐘羅賓王輩遊有康濟天下之志父歿見國事日非遂與曾起莘同參禮道獨於羅浮華首道獨令參趙州無字函可呈頌曰道有道無老作精黃金如玉酒如澗門前便是長安路莫向西湖覓水程自是密拈古人無不犁然深解崇禎己卯年二十九遂隨道獨入匡山下髮登具時起莘已僧服在坐易名函是矣函可旋還住華首充都寺復築不是庵於

勝四

三

廣州小北門外與諸淨侶相過從甲申之變悲慟形辭色聞福王立乙酉以請藏經金陵居江甯顧夢游樓上值國再變親見諸死事臣紀爲私史城邏發焉當事疑有徒黨拷掠至數百絕而復甦者屢但曰某一人自爲夾木再折血淋沒趾無二語觀者皆驚顧咋指歎爲有道旋囚於滿婦張氏張頂禮之招撫江南大學士洪承疇日續門下士也以避嫌不爲定獄遂械送京師張告日師不擇於字故禍至此師生無論好字醜字母更着筆函可爲悚然然不能改也至京下刑部獄得減戍瀋陽無何函可弟宗麟宗駮宗驪以抗節死叔日欽從兄如琰從子子見子亢以起義戰敗死寡姊以城陷妹以救母宗駮婦以不食宗驪婦

以飲乃皆死其僕從婢媵亦多從死者函可每得家書卽流涕被面痛定而哦或歌或哭爲詩數十百首如云人鬼不容髮安能復遲遲努力事前路勿爲兒女悲又云地上反奄奄地下多生氣其痛傷人倫之變故國之亡雖居世外每以澗澗荷全不得死於國家見諸公地下爲憾時譴謫諸臣若萊陽左懋秦霽化李呈祥壽光魏瑄定州郝浴泰興李開生及李龍衰陳心簡輩始以節義文章相慕重後皆引爲法交函可因招諸人爲冰天詩社凡三十人自稱檣榘和尚其稱北里先生者卽懋秦也已而懋秦歿函可哭之哀爲持誦經呪復以詩爲其諸孤托鉢有脩文獨取多愁客乞食還餘未死僧句其風誼如此初至瀋時

勝四

書

吾上人延函可閱藏因爲演楞嚴圓覺四輩皆傾自是大闡法教由普濟應廣慈大宜永安慈航接引向陽凡七坐大刹會下各五七百衆乃至開法元旦喇嘛率諸遼海王臣道俗稱佛出世一日目衆歎曰釋兒識西來意乎追念吾在家時曾刺臂書經以報父及出家而慈母背反立解條衣披麻泣血以葬之非愚先後互左顧創巨痛深皆不知其然而然也是西來意也丙戌歲愚以友故將掛錫靈谷不自意方外臣少識忌諱遂坐文字有瀋陽之役是亦不知其然而然也是西來意也重示偈曰發來一個剩人死去一具臭骨不費常住柴薪又省行人挖窟移向渾河波裏赤骨律祇待水流石出言訖坐逝時已亥冬月年四

十四郝浴在旁拊其背哭之雙目忽張淚介於面衆跪乞留肉身乃龕之入龍泉寺後三年迎至大安建寶塔於璣塔峯西麓下先是函是開法嶺南諸遺老多從難度間函可住瀋陽因遣其徒今無通問而函可所度弟子今育今匝今日今廬今又今南等皆江南人由是兩家弟子分處南北及函可歿函是以詩哭之云烏玄鶴白盡乾坤俠骨平心欲並論至性自應投絕域深悲何必恨中原十年檀雪酬先澤七刹幢鈴答後昆覺範子卿終一死空餘骸骨弔關門鎮國公國肅世祖章皇帝之庶兄也嘗作詩悼函可云一葉流東土花飛遼左山同塵多自得玩世去人間古塔煙霞在禪關水月閒空悲留傷處今日共躋

勝四

書

攀所著有千山語錄千山詩集二十卷補遺一卷函是可和尙塔銘郝浴可禪師塔碑顧夢游千山集序東華全錄千山詩集曠堂詩集池北偶談廣東新語楚庭稗珠明詩綜粵東詩海南海百詠續編阮通志惠州府志博羅志按韓氏一家死事惠州志不詳惟如琰有傳今以諸書考之惠州志云如琰字潤季崇禎壬午舉人遂安令晟子如璜弟張家玉起兵東莞如琰率黃牛巡千人從未幾戰敗家屬死者二十人及家玉攻惠州克歸善還駐博羅大兵環攻穴地實火藥火發城陷如琰等及生員韓二見皆戰死屈大均張文烈行狀所載略同其家屬二十人則云死於到潛之役千山集有遙哭潤季兄同二見六在諸姪詩二見六在當卽子見子亢字惠州

志選舉表日欽天啟元年恩貢千山集有夢安仲叔詩
有遙哭安仲叔詩安仲當即日欽字廣東新語云日欽
以戰敗死蓋亦從如琰建義死於到溶或博羅之役阮
通志選舉表宗麟崇禎己卯舉人日續子千山集秋思
詩云兄弟本四人仲季欽云亡仲即宗麟季即宗驪也
張鐵橋年譜云辛卯訪韓耳叔於鷺城漢逸先年死於
城破耳叔撫其姪又甲午與剩和尚書云向過惠城從
張玉繩覓季閑子阿象得見漢逸耳叔季閑當即宗麟
宗驪宗驪字云死於城破者惠州志丁亥八月張家玉
踞博羅九月水師副將黃明梁立克復之文烈行狀博
羅陷家玉脫走敵屠城據此則宗麟宗驪以抗節寡姊

勝四

三

以城陷妹以救母宗驪婦以飲刃死皆城破被屠時事
如琰宗麟爲從兄弟當時起義宗麟等必主其謀故被
禍獨慘也然是役宗驪未死千山集潘陽雜詩云舉家
數百口一弟獨爲人又憶耳叔弟詩云白骨全家賴爾
收觀此可證張鐵橋年譜云辛卯訪韓耳叔於鷺城歸
後聞耳叔亦隱於山閣部洪文恪門下士也嶺東道施
出都門洪以韓諸子爲託施至爲之顧盼旋與鎮將王
某不愜遂撫耳叔陰事耳叔既殺妻不食死按洪即承
疇其時嶺東道爲施起元鎮將爲黃應傑王當黃之誤
蓋宗驪爲黃應傑所殺也千山集有聞耳叔弟盡節詩
次壬辰元旦後則其被殺在辛卯壬辰間又秋思詩云

叔弟薄青矜欣然慕老龐蓋諸生而棄去者惠州志稱
嶺東道施起元分校惠士疑宗驪不肯就試故爲鎮將
所構殺也千山集又有哭錄用道廣二僕詩注云錄用
執役先子幾三十年道廣亦十餘年遺產皆其管理丁
亥而後諸弟相繼盡節當事執二人追其產二人私相
語曰二三孤幼在將何所存活因誓死不言同斃於獄
此僕從從死之可考者

又按函可一家俱好佛釋在慘六道集云函可母素持
齋臨終謂家人言往生廣州鄺緒生國學家訪之果其
誕辰卽終日鄺蓋闔門事佛者又云韓耳叔與張穆劉
兩成爲友死於難託生兩成爲子未生之前兩成夢耳

勝四

三

叔入室及能言劉有姑戲曰汝爲誰曰我父爲官我兄
爲和尚我爲人害今五年不復記憶穆喜續三生之緣
以詩寄兩成曰流浪何曾已重來亦可悲寔忘當日語
賴見再生時夢幻曾何定恩仇且勿癡吾慙空住世尙
是舊須眉又千山集辛卯八歌云有姊有姊夫早撇手
持木樵剪元髮忽聞姊死心割裂此寡姊爲尼以城陷
死者又屈大均韓烈女哀詞云廣州有周生者於市買
得一袴丹殼鮮好置於牀側夜將寢褰帷忽見少女驚
而問之女曰毋近我非人也生懼趨出比曉率間里來
觀聞其聲嬌啼幽怨若近若遠久之形漸見姿首綽約
陰氣籠之若在輕塵謂觀者曰妾博羅韓氏處女也城

陷被執蕃兵見犯不從觸刃而死袴平生所著故附而
來西方淨土諸君見憐爲佛事則遊魂有歸矣觀者泣
下懺禮袴焚遂絕此妹以救母死者千山集有得張觀
仲書詩注云觀仲元配爲余第五妹以救母死疑許嫁
而未出閤也

又按明史稱韓如璜與張家玉起兵錢秉澄所知錄同
且云如璜死於杜濬考張家玉山集屈大均張文烈
行狀張兆龍李貞上桂王請郵疏俱祇有如璜無如璜
名博羅舊志稱如璜字姬命天啟甲子舉人少負才望
遊秣陵與諸名流吳次尾倪漪亭輩主盟壇坫聲噪作
者之林所著有文茲集築筆集韓文剛弟如璜丁亥殉

勝四

美

難兄弟文章節義爲海內所稱據此是如璜以文章著
無殉節事殉難者爲如璜明史所知錄誤也吳次尾樓
山堂集有哭韓姬命如璜詩編年乙亥則其歿在崇禎
八年詩云年僅踰四十蓋早卒也郵諭錄據明史以如
璜爲戰死諡烈愍而不知有如璜惠州府志沿其誤如
璜如璜並列忠義蓋未之攷耳

又按千山詩集有和掌邦弟詩二首序云阿字出塞簡
布袋破紙有二詩云是子族弟掌邦所寄掌邦名宗禮
從楚江入匡謁樞賢留十餘日便辭欲相訪業八閱月
竟不知飄泊何所未附掌邦原詩云碧山風雨長離憂
湖海煙塵恨未收有客扣鐔歌六月何人擊楫渡中流

數聲鼓角斜陽暮兩地飛鳴旅雁秋
更堪王粲賦登樓經旬雷雨蛟龍起
入夢雲生虎豹屯
四海羽書飛白日十年戎馬躍中原
但聞蘇武辭金闕
不見班生入玉門
紫塞黃榆千萬里
濟陽花月欲銷魂
考博羅志不載其人亦遺民也

又按千山詩集入禁書目

函是子琮

函是字麗中一字天然番禺人本姓曾名起莘字宅師生
而胎胞紫衣墮地始出六歲就外傳自覺身若隕虛大哭
而返如是者再年十三思註周易問太極相生於塾師爲
依文解說函是曰此名言耳太極究爲何物且兩儀未生

勝四

美

極從何住兩儀既判極從何去塾師不能答年十七補諸
生輒以康濟爲己任與里人梁朝鐘黎遂球羅賓王陳學
佺張二果韓宗駮輩並以高才縱談當世務後見時事日
非遂相約爲方外遊父曰汝欲出世當俟名成函是體親
志復事舉業年二十六舉崇禎癸酉鄉試甲戌春官歸途
病劇感異夢而愈遂斷欲絕葷力爲參菟衣不解帶者彌
月丙子冬謁僧道獨於黃巖道獨者字宗寶號空隱老人
本南海陸氏子年二十九入博山參無異禪師得其傳爲
曹洞三十二傳法嗣函是與之往返叩擊針芥相投道獨
遂示偈曰風幡一頌解投機千里同風事亦奇三上黃巖
問端的實知野老不相欺時詔行保舉函是以大臣交薦

當授官辭不就己卯公車復上舟次南康值道獨移錫匡廬遂詣求祝髮函是既爲僧住歸宗寺與嘉魚熊開元新城黃端伯休甯金聲遊以禪悅相契壬午省親歸里陳子壯輩延請說法訶林函是以文人慧業深入真際有叩則鳴緇素禮足凡數千人道聲由是遠播乙酉南都破端伯殉義函是悼以詩云品行文章第一人曾隨匡嶽憶前身分明學到無生處博得浮名答夙因徽州破聲亦殉義函是復悼以詩云頭目髓腦君甘捨山河日月淚難乾可憐石上三生話回首歸宗夢裏香唐王立開元爲大學士及汀州變起遂爲僧住齊雲山中以書偈與函是相問訊函是答之云富貴功名夢裏人誰知苦樂正相鄰回頭大有

勝四

早

甘心處須信身貧道不貧丙戌廣州破朝鐘及霍子衡父子俱死函是哭以詩有白刃春風冷懸厓撒手時父子情俱重君臣義獨深語丁亥子壯及張家玉陳邦彥以起義死函是哀之作廣州三首有秩宗首義車先裂文苑連營陣亦亡萬古江山皆易主一朝簪紱自從王語其感事懷人一寓於詩初以避亂居西樵已居雷峯所立規矩整肅森嚴於是粵之學士大夫潔身行遁轉相汲引咸皈依爲弟子函是雖處方外仍以忠孝廉節垂示以故從之遊者每於死生去就多受其益又以時方喪亂嘗示偈稱愚者聾耳盲目之場卽上哲全體大用之極及門深佩其言及廣州再破桂王西奔後戎政尙書西安劉遠生商邱伯祥

勝四

聖

符侯性都憲公安袁彭年憲副泉州何運亮輩皆參禮函是或乞賜法名爲居士而給諫仁和金堡以直節著自謫清浪衛時已爲僧及禮函是易名今釋爲之滌器厨下隆冬龜手不廢服勤後創丹霞名利復迎函是爲主法函是遂付堡大法爲第三法嗣大學士鄧州李永茂之弟儀部充茂旣捨其丹霞舊宅爲寺復祝髮禮函是名今地中丞西安劉湘容亦事函是薙髮於雷峯號思園當時遺臣流寓粵東者多依函是以雷峯爲質的南豐湯來賀理學家也先在粵海總制時心慕函是後再來粵訪之芥庵問儒佛異同之旨杭州陸圻東南名宿也出家十餘載初名法龍字誰庵及入粵謁函是於丹霞函是爲易名今竟字與安使掌書記其爲人傾服如此初函是以盛年孝廉出家入願莊之及時移鼎沸播紳遺老多出其門乃始服其先見平南王尙可喜慕其高風以函是開法雷峯之海雲寺因捐金鑄銅佛高丈餘置寺中復廣置寺田盛興土木俾成海邦上刹嘗以禮延至郡一宿卽告歸或問之函是曰平王具佛性而無定力蕭牆之禍近在目前邊計其他耶後卒如其言函是父母妻妹子媳俱爲僧尼歷主福州長慶廬山歸宗及海幢丹霞芥庵華首諸刹垂老猶勤梵行嘗爲四言詩題室中左右壁云可以終隱哀我後人可以終默誰迪先民毋尙孤潔任其愛嗔因象之式不淄不磷深心堅忍盡未來身又云內無繫念外無長物一瓶一鉢

一杖一笠要行便行要住便住無愧古人無欺後嗣慎乃
典型永垂來禩丙辰夏返雷峯詠詩有牀前休問菊花期
句及八月二十七日作偈投筆而逝年七十八著有楞伽
楞嚴金剛三疏各利語錄醉焚禪筆及瞎堂詩集二十卷
函是未爲僧時有子名琮邑諸生穎悟拔俗好黃老之學
遭亂後庚寅與大父同時祝髮於雷峯名今摩字訶衍函
是立按雲堂策勵後學琮讀寶峰照自讚有省一日因病
舉真點胸機緣呈偈曰做賊心虛真點胸翻疑鼻孔向人
中一回開眼猶如夢處處雲山帶碧峯函是領之遂付囑
大法愛匡廬山水幽邃有終焉之志鶴鳴峯舊有僧室老
竹萬竿下瞰彭蠡之勝購而居之影不出山三十餘年金

勝四

聖

壇蔣超慕其名遊山造訪琮匿避不見入其室竹影松聲
而已歎息良久乃去後聞山中僧徒悉編保伍遂歸雷峯
戊寅年七十卒學佺字全人東莞人崇禎癸酉鄉試第一
後禮道獨名函全與梁堅德同受戒於椒園二果字釋復
亦東莞人天啟丁卯舉人丙子詔舉賢才總督熊文燦給
事郭九鼎交薦不就尋與函是同禮道獨祝髮於廬山號
荊公著有是誰集白業卮言白業法言與學佺皆未及國
變而卒宗駮僧名函可國變後謫潘陽嘗讀朝鐘與荊公
宅師談金輪舊事詩因感賦云人世難逢幾弟兄舊編重
讀不勝情忠臣遺廟清珠海古佛雙林冷堯城地下定知
談往昔雪中難免恨孤惇只今惟有金輪月偏向栖賢破

寺明時函是住栖賢故云朝鐘禮道獨名函機字妙明遂
球亦禮道獨名未詳湯來賀天然和尚塔誌銘晴堂詩集
海雲禪藻集海日堂集成陟堂文集
千山詩集楚庭神珠皇華紀聞羅浮山志羊城古鈔嶺海
名勝記南海百詠續編江西通志阮通志番禺縣志東莞
志

按海雲禪藻集載函是之徒爲僧及爲居士者凡百餘
人除已見前錄外尚七十餘人其是否因國變出家不
復可考集中凡例言所亟表者尤在隱德密行則亦多
爲遺民茲彙錄之以待知者其禮函是之徒今無今觀
等年代稍後不復錄入

今辨字樂說番禺人本姓麥
今攝字廣慈番禺人本姓崔

勝四

聖

今湛字旋庵三水人本姓李名廷輔
今應字無方番禺人本姓許
今品字山品番禺人本姓李
今鏡字臺設三水人本姓李
今全字目無番禺人本姓許
今二字一有新會人本姓陳諸生
今樞字聞者番禺人本姓蘇
古汝字似石瓊山人
今潰字離言漳州人
今佛字干一新會人本姓李諸生
今端字毫現新會人本姓蔣

今竹字俱非湖廣人

今龍字枯吟茂名人

今漸字頓脩歸安人本姓茅鹿門先生裔孫

古正字輪潔歸安人本姓茅諸生今漸從兄

古真字智攝歸安人本姓茅古正子

古住字正十黃梅人

古逸字覺大番禺人本姓羅

今錫字解虎新會人本姓黎名國賓諸生

古毫字月旋新會人本姓黎今錫子

今荊字妙峯江浦人本姓關名天放

今印字海發順德人本姓梁名瓊字之佩諸生

勝四

器

今電字非影新會人本姓李

今四字人依新會人本姓張名聖睿諸生

今普字願海姑蘇人本姓朱父字未央

古鍵字鐵關順德人本姓胡

古蔭字覆人香山人本姓梁

古義字自破新會人本姓盧

今足字一麟高要人本姓陸諸生

古證字竟清梧州人本姓陳

古易字別行番禺人本姓崔

傅多字味囉番禺人本姓崔古易次子

古檜字會木番禺人本姓許

今身字非身新會人本姓劉名彥梅諸生

古昱字融虛信宜人本姓曾

今毳字雪木東莞人本姓尹

以上皆祝髮為僧者

袁彭年字特邱公安人崇禎甲戌進士官都憲法名今

忭字高齋

何運亮字紫屏泉州人崇禎癸未進士官憲副法名今

宣

梁聲字駿郎番禺人文學法名今象字乘白

李廷標字鴻子番禺人明經法名今晴字迴無

高嘉學字斯啟番禺人布衣法名古根字靈枝

勝四

墨

羅龍祥字德若番禺人明經法名今莖字草一

李蜚粵字長吉番禺人文學法名古混字知處

林夢錫字叶立番禺人文學法名今舒字舍予

何國相字良哉番禺人壬午副貢法名今趣字淨德

何王捷字少軍番禺人候選州佐法名古總字大持

黃燦字簡如番禺人山人法名古記字當煎

謝儼字望畏番禺人隱士法名古頤字靈洲

劉雲漢字卓之順德人丁丑進士法名缺

衛文英字傑元番禺人中書法名古深字自得

許古仁字慈元番禺人隱士法名缺

葉符字虎竹番禺人布衣法名缺

許穎字識微番禺人布衣法名古穎

林上達字苑君番禺人文學法名古贊字鏤白

林璇字本茅番禺人文學法名缺

許城字清漳番禺人文學法名古口字二菱

陳灝字夔石增城人文學法名古瓚

張密鶴字孟發番禺人文學法名今口字揚公

樊應元字長文番禺人乙酉舉人法名今鷺字月藏

謝禹臣字允虞番禺人隱士法名缺

衛兆桂字石室番禺人文學法名缺

崔植字培生番禺人隱士法名今濟字蕩虛

衛灝昌字博子番禺人文學法名缺

勝四

果

李夢會字元起番禺人儒學司訓法名缺

麥定元字正言番禺人隱士法名今載字大車

梁憲字緒仲東莞人文學法名缺

謝楷字儀世番禺人隱士法名古澗字宛在

衛廷昌字睿侯番禺人候選州佐法名缺

張蓋都字直咨順德人文學法名古童字十真

謝振翎字厥搖番禺人文學法名今濟字法航

梁逢聖字達子番禺人文學法名古聲字無聞

韓嘉謀字旅庵番禺人隱士法名古咸字無物

以上俱在家為居士者集中凡例云所附蓮社諸居

士其人非夙觀天老人稱法喜之交與曾以一大事

因緣參詢會下槩不之錄非能吟之士咸得與茲選也然則諸人蓋多有託而逃者歟

又按睦堂詩集函是僧徒尚有雪盛達此轉一采石離欲吼萬須識來橋善鄰角子端巖大紹衣石塵異慧潛澤萌山淡光半識盡湛六雪草作金玉泉一株洪源光徹聆玄已鋒鑿光會三諸人其參禮函是者又有梁同庵道者王冲和道者胡君德道者倩聞道者丁普益居士方闍賓居士翁子鄭居士袁調公居士周聞湛居士周無隱居士陳大受居士程雪池居士梁樸臣居士黎體大居士何石人居士何法液居士文玉居士紹元居士汪居士童居士崔今嬰崔石師郭無傷鄭無畏劉見

勝四

罍

願王人閻何一字陸亦樵蕭孟昉林孔石阮若生何世程何別傳李幻生劉平田儀部程大匡儀部彭飛雲刺史樊大願文學盧黼子處士諸人海雲禪藻集意在錄詩不得其詩故不之及今遂不可考並附錄之以見一斑

又按天然和尚語錄睦堂詩集入禁書目

又按禁書目內載有釋古如丹霞語錄釋古梵圓音語

錄古如古梵當函是弟子疑亦遺民也

又按明遺民錄有道獨攷道獨雖入國朝卒然既為

函是導師其為僧當在萬曆天啟間羅浮山志釋道獨

傳稱生三歲母抱登樓觀蜘蛛結網瞪目久之悲喜不

禁晚自言四五十年來回憶不加毫末其夙根如此是道獨出家由其天性非因國事感憤使然不宜廁之遺民之列然道獨亦能通達事理非等枯禪崔弼白雲越秀二山合志稱梁朝鐘師道獨能文燦鎮粵與道獨善因識朝鐘崇禎十年文燦總理九省師討賊擊朝鐘度嶺時道獨居廬山朝鐘與文燦過謁之與論討賊事文燦主撫道獨謂流寇非海寇比宜慎之文燦悅其言寄孥安慶留朝鐘經紀其家而提師西上決計招降明年果降劉國能張獻忠九月次襄陽有雙溝之捷賊頗懼降者益多分處於鄖均朝鐘憂之爲書與文燦謂勦撫二機有環中之應一馭則解甲數萬少紓則剽掠又若

勝四

粟

雲屯鳥飛往時倚剿則傷撫倚撫則傷剿迭出迭因愈理愈亂宜廣撫謙念念毋忘本師囑本師謂道獨也已而九營賊果反文燦逮死觀此道獨之能講求世務可知函是函可黎遂球梁朝鐘輩相與飯依蓋有以也

勝朝粵東遺民錄補遺

九龍真逸輯

劉如性

劉如性字淡然南海人萬厯己酉舉人由英德教諭擢知賀縣賀多山寇下車即親履賊砦撫諭皆爲良民所屬多曠上官每藉之爲利一日郡守檄取錫二百勛吏白往例錫百勛折銀百兩皆派於曠戶如性曰吾官可罷吾民可重苦耶遂以金市錫獻果被劾降官崇禎間起補雲南陽宗知縣有政聲遷趙州知州流寇張獻忠入蜀餘燄煽於滇黔如性講武爲捍禦計得無患孫可望竊據川黔皆汗偽命如性以聾瞶自託堅拒之年逾八旬間關歸里未幾卒年八十三

金通志

勝四 補遺

粟九

關家炳 馮毓舜

關家炳字堯文南海人崇禎庚午舉人庚辰賜特用出身授南京戶部司務擢主事大司農張慎言嘗稱其文而靜方以艱歸遭世變杜門書空咄咄節義之槩時見於詩或言及家人生產則色艱然卒後家無長物著有巢棲集同里馮毓舜字爾錫崇禎丙子舉人庚辰亦賜特用出身授北京刑部司務擢工部主事告歸會值鼎革與陳子壯同起義桂王賜敕褒美有擊祖遜中流之楫次陶侃石頭之舟鐘虞式靈綱常再振語後黎春曦撰九江鄉志表彰同時節義毓舜爲文序之世傳誦焉

馮毓宗九江鄉志

陳埏

陳挺字南叟南海人從祖萬言嘉靖丙辰進士官江西參政父超然萬厯戊子舉人官玉山知縣挺生長清華無紉袴習娶高明侍郎區大倫女與同里朱寶蓮為僚婿寶蓮從陳子壯起兵大兵克高明戰死明史附見陳子壯傳李成棟收捕寶蓮家口下令匿者坐十家寶蓮妻挈子國藹國薦崎嶇山海無所容挺聞之流涕為藏其家復壁中數年禁解乃得出時比諸北海孫嵩云

馮武宗九江鄉志

黎日盛

黎日盛字台錫南海人性聰穎讀書過目成誦為詩文援筆立就好為人解紛排難鄉里有智囊之目值國變棄舉子業日逍遙醉鄉同里黎春曦目之為酒隱

黎春曦九江鄉志

勝四

補遺

辛

韓騏超

弟駿超

韓騏超番禺人與弟駿超俱諸生父上桂萬厯甲午舉人歷官至建寧同知甲申三月流賊陷京師慟哭不食卒國朝賜諡節愍騏超兄弟嘗侍父署中一夕上桂仰視天文憂形於色兄弟叩其故曰乾象異甚變將不測其在甲申乎汝曹可速歸事親吾死官守矣兄弟皆泣下上桂乃遣騏超返里及卒駿超奉靈輜歸服闋後兄弟不復就試食力養母而終

韓氏朶雲山房集

蘇國祐

蘇國祐字祐叔東莞人父觀生由知縣起家隆武紹武兩朝俱為大學士大兵下廣州死之明史有傳觀生無子

以國祐嗣福王時國祐以父蔭入監讀書時有謝尚政者為遼將袁崇煥下獄樞臣梁廷棟令誣陷主將陞閩鎮後廷棟以貪敗詞連尚政并奪職隆武即位於閩尚政以助餉得召對隆武遣往贛州軍前用觀生薄其人不為復官恨之 大兵至廣尚政為鄉導復糾六營兵內應城遂陷觀生死尚政沒其產國祐奉大母偕隱流離困苦年五十餘卒易簣時呼諸子述其父大節勗以毋忘忠孝且謂尚政無後死時手足如縛大呼曰我錯我錯望蘇翁赦罪蓋天之報施不爽云

余大成割肝錄蘇國祐易簣遺言

袁爾輝

袁爾輝佚其名東莞人七歲而孤事母黎至孝年二十以

勝四

補遺

辛

國家多故奮志請纓應嶺西道樊某選一舉隴澳夷城總制廉其能題咨援黔既至衝殺安邦彥等賊數千人貴陽圍解復督兵征乾溝威清及都自麻哈等處斬馘無算以功授守備踰年還粵總督熊文燦委征海寇劉香老李魁奇轉戰屢捷所居碣石鄉與袁崇煥居僅數百武聞崇煥死拊髀喟歎遂以母老告歸國亡後奉母韜隱年九十餘而終

尹源進愛日堂集

黃用元

黃用元字天是東莞人性慷慨好談兵甲申北都陷聞變痛哭唐王立徒步入閩條陳八議兵部尚書吳春枝選錄御營隨征授都司踰年復令管領西巡道中軍事張家王

復博羅時用元募兵策應家玉用為參謀及平靖二王攻
廣州惠州黃應傑叛降用元復起兵扼東江敗應傑赴廣
之兵慶國公陳邦傳聞捷委兵科陳經往相聯絡題授用
元總兵監軍羅人備復令監督忠正義正兩營軍務廣州
再破用元知不可為遂韜晦不復出年八十同邑劉家賓
贈以詩云曾從弱冠請長纓俯仰乾坤自不平勳業半生
惟看鏡英雄末路竟埋名天邊月照孤松立壁上星懸一
劍橫八十年來猶未老酒杯棋局寄閒情後八十五而卒
寶溪詩選
黃氏家乘

林堯徽

林堯徽字啟人新會人崇禎元年恩貢生父枝橋萬厯丙

勝四 補遺

至

辰進士厯官至吏部郎中天啟五年魏忠賢矯詔枝橋及
李邦華周宗建周順昌李日宣等同日奪職崇禎初詔復
原官厯貴州按察使以憂歸壬午夏六月卒堯徽孝友嚴
正為諸生時豪猾蔣某凌辱其友趙生首事攻之蔣餽金
及刺客盡毒志不渝邑勢家多藉縣官丞尉刑禁人於城
樓以得所欲邑令卞某訪堯徽力陳其害且為言防盜禁
姦拒佞清蠹諸事卞力行之夙弊頓革與弟堯揆友愛出
必雁行性好學老而不倦所纂述盈數篋國變後隱居不
仕自號天紳居士

金通志

嚴而謙

嚴而謙字有嚴三水人弱冠補諸生明末選貢國變後同

選咸出就督院李率泰徵奏授職而謙獨隱於楊梅之沙
邊與西樵山人何起之賦詩往還終身不仕

三水縣志

鄒塗 洪夢棟

鄒塗字石可海陽人事母以孝聞崇禎辛未進士授戶部
主事遷員外郎郎中出知襄陽府張獻忠據谷城襄陽幾
陷塗練兵籌餉出奇制勝固守四月城獲全御史林銘球
登薦署鄖襄監軍副使禁旅變塗諭解之張獻忠詐降當
事議發帑犒軍塗謂獻忠不可信且無尺寸功不宜擅動
庫藏執不可旋以母老乞歸桂王時晉太僕少卿癸巳大
學士郭之奇奏稱潮郡已恢復陷鄒塗梁應龍洪夢棟等
皆懷忠義宜量加陞擢會李定國以攻新會敗歸塗遂不

勝四 補遺

至

復出著有可園詩文集夢棟亦海陽人崇禎庚辰進士桂
王時官吏科右給事中國亡不仕卒

郭之奇宛在堂集潮州府志

孫耀祖

孫耀祖號戒庵揭陽人弱冠與同里羅萬傑同游泮才名
藉甚崇禎壬午舉於鄉公車北上聞京師戒嚴遂歸國變
後絕意進取築一畝之宮長齋佛前日與山僧野叟遊以
萬傑志同道合與訂兒女姻每過萬傑山中輒留數晨夕
所談皆世外事萬傑贈詩有靜裏生涯資竹樹閒中經濟
課雲煙語及卒萬傑為文哭之謂耀祖以鐘魚梵唄寫鼎
湖號慟之思以衲子田夫當新亭對泣之侶其隱衷苦志
不欲人知惟子實心喻之云

羅萬傑瞻六堂集潮州府志

文冠伯

文冠伯吳川人丙戌大兵下廣州委陳培亨知吳川縣同游擊汪齊龍往時桂王遣嶺西道洪天擢渡瓊汪招兵丁亥夏茂名歐光宸歐光宙周冕李振璽遂溪鄭良哉起兵應天擢冠伯與同邑諸生鄭淑真吳士機及孫士戴林鍾標鄧耀等亦倡義恢復六月初八日率眾襲邑城淑真裹網巾纏白布先踰城人被執死之耀率數千人繼至初十日遂復邑城殺所署官吏未幾齊龍召高鎮兵至眾推冠伯為將禦之梅菴兵敗鍾標戰死齊龍迎射冠伯連發數矢冠伯手接之遂下馬跳走泥淖中齊龍曰好漢捨之去已聞其勇也出榜徧招匿不出七月陳邦傳遣施上義

勝四 補遺

五

葉標圍高州士機士戴赴其營劄授監軍道使攻齊龍齊龍襲敗之士機士戴並死己丑桂王命程源至高州催餉並督兵勤王冠伯從源弟鑛往粵西至鬱林病卒耀後遁據龍門陳舜系亂離見聞錄

按鄧耀即靖氛將軍據此蓋吳川人

又按亂離聞見錄稱同時吳川起義者有姚起巖鄭子璿龍泉劍吳乾登陳其素凌德著唐子昇吳平之葉書文吳懷敬黃岳開梁華楊浮八歐十張十諸人起巖乾登與葉標約擒李明忠被殺書文藉葉標為宗恣為殺戮病癩死岳開後劄授監軍道梁華後結黨往雷瓊餘俱不詳皆當時遺民也附錄之以俟知者

黎應祥

黎應祥粵東人不詳其郡縣為皇親王維恭優人已亥五月維恭隨桂王入緬至者梗宰臣馬吉翔宦者李國泰夜飲維恭家呼其梨園勸酒應祥曰此處逼近於內且上卧病叫號甚切此何時也尚可作樂撤劇乎即殺我亦不忍為之吉翔怒痛批其頰乃散未幾桂王授應祥千戶辛丑七月緬人要桂王諸臣飲呪水盟誓維恭被殺十二月緬人劫桂王踰年三月入滇城時從行者應祥及安籠死難閣部吳貞毓子宏猷靖東將軍魏豹子宗泉姜承德三子鄧昌琦一子王祖望一子鄧居詔義子鄧玉潘琪義子漆相十人而已應祥後不知所終陳鼎留溪外傳

勝四 補遺

五

張鄧二老

張鄧二老佚其名並明季諸生所居地曰梅花潦水峻險不與外通居人數百千家二老為之主皆聽其指揮鼎革後不薙髮據險自守官不得入而租賦輸納不缺追呼者山下遙呼之繼租而下不少欠平西之變胡國柱過之二老以野服見事定後二老已死矣眾以地歸朝廷因置花縣屬廣州府今人所謂梅花洞者即其地劉獻廷廣陽雜記按廣州府志花山地連南海番禺三水清遠從化之交康熙二十三年戶科給事中王又旦疏陳設縣治奪盜淵藪報可二十四年析置花縣廣陽雜記稱其地屬韶州府乳源縣蓋傳聞異辭茲刪其語

後序

羅浮厲道人既卜居九龍之龍湫玩其林壑有終焉之志因自號九龍真逸而汲汲以著述為事嘗怪道咸間吾粵義民之弊震天下一旦宗社遘難曾無一人杖戈前行為國殤者而覆載不容之事乃至書不勝書於是慨然發憤有勝朝遺民之輯著于錄者至二百九十餘人閻公序而張之傷今思古蓋詩人之志也余以為君臣之誼與天地為昭故節概之隆多見於變之際而勝朝諸賢所以獨有千古者雖當大定永清之一不忘報韓復楚之為至萬無可幾則往往溪刻薪絕務為苦節之不可貞以遂吾志蓋嘗推求其故非惟天資忠孝抑亦有友生之助焉世傳

勝四 後序

至六

陳文忠張文烈黎陳二忠愍皆同社石交文忠復命弟子升學於歐壺公以師友代父兄及元孝晚節恍禍與世委蛇而岑霍山梁器甫輩譙讓以濫交不少貸余讀傳至此深躓其合於古人切直之義而知同道為朋相激相勵能使嶺表區區蔚然完節為一時冠者非偶然也真逸才望傾海內中年解組慕嚮者戶屢恆滿其里第間敞有園沼之勝雖中遭搖扞而松菊晏如真逸一捨去不顧而屏處於寂寞之濱此豈無所得而然者余家居奉母不獲絕人事而從之遊顧比年海外避兵往來輒造其廬見必劇談談必與閻公俱每念吾輩躬逢喪亂上不能手翦鯨鯢雪敷天之痛下不能救災捍患紓桑梓一朝之急固已不如

無生矣然通播孤蹤猶得與二三同調歡歌對酒自放於山巔水厓彈射之所不及視諸先生之冒鋒刃出九死或

文網牽逮窘迫幾不自脫者所遇誠為已泰而愈無解於乘約為利者之居心何等也雖然彼即不高自期待千夫之指或非所安無亦一念之不持以至於此然則吾輩苟一日不死又安往而不在虎尾春冰中乎余與真逸有同學之雅故於其請文不敢以夸飾之詞進而竊取昔人規儆相成之意以要其終亦欲後有述者勿見擯於斯錄斯人之外而不徒為蒼茫之憑弔也時丙辰夏至萬年青室主人跋於島寓興漢山樓

勝四 後序

至七

後序

張南軒先生曰名節之稱起於衰世士君子道學未至則以名節自負吁亦小矣雖然士君子不幸而生於末世併名節而不講則亦何以爲國哉吾嘗讀漢書至王莽居攝卽真頌功德獻符瑞者盈天下又嘗讀史至五代見夫搢紳之徒充然無復廉恥之色喟然嘆曰此洪水猛獸之天下也王荆公乃謂揚雄之仕合於孔子無可無不可之義謂馮道爲能救衆生噫異矣夫西漢末世名節之不競其始壞於叔孫通其後則公孫弘張禹孔光之倫皆足以敗壞風俗衍成哀平末世之陋光武中興崇尚風節先舉遺逸子陵高節起儒激頑於是東京風俗之美賢才之盛卓

勝四 後序

堯

絕千古迄今讀黨綱獨行逸民諸傳皎然與秋霜比潔日月爭光焉五代之季禮義廉恥固維不張人倫大壞天理幾滅有宋藝祖興褒表韓衛薄海向化真宗仁宗之世范唐歐陽諸賢以扶翼名教爲己任及濂洛關閩諸大儒出闡孔孟之教嚴義利之辨天下之士皆以廉恥爲尙氣節爲高迄乎宋亡正氣獨伸死節相望卽彼鐵函心史痛哭西臺汐社諸賢且與西漢逸民後先輝映也嗟乎漢哀平之世可變而爲東京五代之世可變而爲宋以此見人心之不死天理民彝之未盡漸滅剝極斯復亂極斯治雖曰天意豈非一二人提倡之力哉有明一代士大夫爭尙氣節死事之烈逸民之衆超越前史試觀建文遜國壬午殉

難如方孝孺練子完輩揚灰湛族蹈死如歸卽彼餽橐從

亡諸臣四十餘載沐雨櫛風老死於山巔水涯而不悔夫諸臣雖有射鉤之嫌然無身事異姓之辱也使其改事成祖亦可曰天下一家喪君有君不必倡爲新異之學說以自便身圖也而其守義也若此迨夫甲申之變懷宗殉社稷殺身成仁之士史不絕書往往闔室自焚肝腦塗地而四方起義之師田橫島中五百從死度彼諸賢蓋亦視爲遭際之當然而不自矜爲奇節若夫蹈東海隱西山之流睠懷君國憔悴閒吟疵物以激其清垢俗以動其槩隱姓匿名方自咎其身死之不速又違計後之人蒐訪之而表章之也哉當是時也吾粵陳文忠公陳忠愍公家文烈公

勝四 後序

堯

起兵殉義英魂毅魄嶺海生光其餘義師騰起指不勝屈瑣尾遺黎如陳喬生獨漉兩先生及家瓊子先生咸有著作表見於後世維時同道得朋履潔全貞所在多有其姓名泯沒而不彰者何可勝道蓋陵谷變遷已二百七十有餘年矣九龍真逸博學好古避地海濱搜羅文獻成勝朝粵東遺民錄四卷得二百九十餘人表章前哲不遺餘力顧亭林先生曰易姓改號謂之亡國仁義充塞至於率獸食人謂之亡天下保國者其君其臣謀之保天下者匹夫之賤與有責焉真逸此篇之成其有保天下之心歟丙辰夏六月豫道人謹序

勝朝粵東遺民錢題辭

勝國河山嗟已矣，嶺表遺忠足興起。滄桑身世著書才，如讀所南古心史。想當明社丁淪亡，義士奮起皆堂堂。提戈赴難氣激壯，抱琴蹈死情慨慷。更有從容矢高節，深山長泣杜鵑血。苟存性命逃空門，謝絕徵書老巖穴。與亡滿眼家國愁，采薇甘作荒逖流。當時顯晦置度外，終與毅魄同千秋。二百餘年紀錄闕，正氣天南久銷歇。幽光力闡昭來茲，名教綱常繫一髮。開編情與思古深，炎陬逸乘供繙尋。天荒地老此何世，煤山北望愁人心。

天壽歸來叟

望斷虞淵日，天南野老哀。楚庭有松柏，明社已蒿萊。粟里

勝四題辭

卒

千秋感篁墩，一世才好同。晞髮集讀向，宋王臺

兩遘紅羊劫，明季廣遂厓宋祚同。荒山存大節，海島哭孤

忠服縱逃儒，異心仍報漢。雄乾坤留正氣，薇蕨未應空

席棘茹荼志，遑論身後名。百年今論定，曩日祇吞聲。卓犖

藏山著蒼茫，思古情成仁。四朝錄屈華夫嘗著愧未闡幽

貞

高亭留野史，曠代泣滄桑。椽筆萬流仰，鴻編五嶺光。世猶

存志節，天不實綱常。願掬迷民淚，燕山灑解裳

羅浮黃圃慶慈博

明社邱墟賸劫，塵楚庭終古仰。遺民心同元亮，惟知晉志

異楊雄耻美新窮，海怒濤流碧血空。山冷月弔青燐，思陵

北望頻揮涕，仗節南天大有人

牂牁故壘戰雲封，十郡蟲沙未息烽。賦作江南憐庾信，文移山北笑周顒。黃冠空灑新亭淚，白社難尋逸士蹤。華表鶴歸魂欲斷，後凋還讓歲寒松

閩廣流離類楚囚，痛心天不遂人謀。橋邊賣卜餘生在，井底藏書正氣留。龔勝宜知移漢祚，子房祇爲報韓仇。春秋大義均能踐，狐史應推草莽儔

回首滄桑事可哀，忍將姓字沒蒿萊。徧搜南嶠瑰奇出，曾記西臺慟哭來。貽上千秋感舊集，亭林一代著書才。鴻篇鹽誦洵驚絕，曠世悲歌了酒杯

祖坡逸叟

勝四題辭

卒

落日崧臺感慨新，梧桐風倒已成塵。三忠自繼厓門節，更有黃冠故里人

紛紛披薜共逃禪，古刹雷峯問海填。膚髮不完忠孝盡，底須收拾仗天然

二樵山上幾先生，薇蕨當年砥節貞。我亦朱明洞中客，那堪桑海話朱明

九江著述付飛灰，異代遺黎沒草萊。朱九江師著述甚富，錄稿殫時，幸有九龍真逸在一編披對宋王臺，九龍古官

景炎曾駐蹕於此，有宋王臺石刻與真逸所居相對

永春道人

重刊卷之十

續題辭

不盡興亡感，祇徇蠹簡中。流花橋水逝，散木草堂空。紀事徵方志，操絃念土風。篁墩有前例，微指古今同。

陳文忠張文烈 倡義旅士氣，恥彈冠寄託餘禪。藻威容想

漢官，葉庵秋籜沒瓜圃。夕煙寒淒絕，翁山老浮湛。意未闌

憶昔錦巖畔，雪鷲尋故堂。今來讀遺草，太息又滄桑。光緒

順德有謁陳忠愍祠詩云：行狀罕傳本，今年避地海濱。過訪九龍寓廬，始得見之。 苦子誰真隱，零

丁空望洋餘。生惟痛哭自愧上元黃。黃定公上元諸生為

聞變沈井死有黃老相公祠阮通志未載

野史亭何在，沈霾亦可哀。孤懷守薇蕨，潛景出蒿萊。一代

乾坤氣，千秋嶺海才。幾時同訪古，更上宋王臺。

勝四 續題辭

李

清谿漁隱

余輯勝朝粵東遺民錄闡公序以爲吾粵忠節之盛本於
陳文忠張文烈陳忠愍三公三公行狀足補史闕然世所
罕見茲彙爲一卷附刊錄後使後之覽者得以攷焉丙辰
三月九龍真逸記

勝附序

陳文忠公行狀

公諱子壯字集生號秋濤南海沙貝鄉人尙書公諱紹儒
之曾孫太常公諱熙昌之長子母太夫人朱氏有身時夢
神人以丹桂花枝拂其腹曰俾爾生兒流芳百世及誕異
香滿室少穎異四歲受書一覽成誦七歲能文尤敏於詩
時有神童之目中秋節太常公讌集賓朋是夜微雲掩月
有客口占云天公今夜意如何不放銀蟾照碧波公應聲
曰待我明年遊上苑採花因便問嫦娥後果應詩讖年十
歲遍通經史子集萬曆丙午科太常公發省解元公蹶然
起曰我不爲國士無雙是不肖也奮志下帷者五年萬曆
辛亥公年十六歲應歲試冠邑弟子員萬曆乙卯公年二

勝附

十歲中式鄉試第八名舉人次年丙辰隨父太常公赴都
會試是科太常公登進士授平湖令公下第歸省始婚夫
人方氏萬曆己未公年二十四歲成進士廷對及第第三
人授翰林院編修同充脩史館天啟元年辛酉奉使祀南
海神回京供職魏閣忠賢見公才鋒卓絕欲羅致之公峻
拒天啟四年甲子出典浙江鄉試發策問歷代宦官之禍
公自作策進呈試畢還京陛見歷陳漢十常侍唐甘露之
變語極痛切闢黨不平魏閣曰方今爵賞之權操之自我
彼少年新進不識仕途窺要耳若以遷除餞之終當出我
門下闡築塢落成欲扁元勳二字於堂以示威尊以公善
書遣客乞公題曰書此當得好官公堅却之客又極道闡

勢能生死人公怒罵客語刺闖於是闖恨公甚思中傷之
太常公時為吏科給事中疏擊闖閹諂於上因并諷其黨
撫浙江鄉試錄有庸主失權英主攬權等語以為誹謗於
是父子同日奪官歸里公雖家居心懷廊廟之憂託於吟
詠以抒忠憤嘗秋日自遣歷述斥拒逆闖之姦及逆闖獄
剝羣紳之慘媿媿五百餘言成長篇詩曰生長海之濱所
遇無全慧徒知讀父書頗與聞祖制洪武庚戌詔創科草
昧際時務需直陳簡畧在文藝累葉儒風開恩數超無二
弱冠遇神祖得事今皇帝父也入省垣分直班聯侍諫劄
傳人口金貂側目視賤子乃循資謬登大落使副考擴虛
懷房司遵約誓一展生平愚以茲當獻替馳闕進天子微

勝附

二

文諒不諱稽首論大權睿聰幸蚤計泯泯聖明憂將踵漢
唐季幾回矢劍心廷檻高睥睨前賢四諫稱聞之有餘愧
翰院忝虛名耳食思羅致內外互賞緣同朝工飭試耶鳩
綽題新乞我元勳字餒我以遷除嚇我以械繫聞此憤填
膺拒客動高詈我生命在天區區敢為崇肯以筆札勞而
供冀除隸中旨固隱微實與此時值賢等罪書所坐應
誹誹父已駐天南褫奪傷連累一門霹靂加妻子旅魂悻
去國極踰跟中途糧不繼痛卧長江干伯為掃行袂入門
粲華髮驚喜若夢寐母氏慰勞深父也從容示疇昔省垣
中久已灼此事曩若或非恩借隱多君賜我躬不閱後動
色皆願忘喪筋疾雷周高天何日霽瓜葛盡株蔓四方走

縱騎詔獄剝羣紳有若遊屠肆出守滿邊津體貌凌大吏
翼虎各負隅可憐鷹鼠輩九列厚奴顏三台率竈媚尸祝
流藩鎮茅土爵延世不避勸進名且援專征例汗渚大學
傍推崇配禴祭築怨歸大工沉寃激天地輦轂千家裂數
里轟震異煨燼朝天宮虐斂乃益熾片語下綸扉敷張代
聖製盡倒文翰權苦欲箝一切屬意科場規疊疊重申厲
鈞黨舉臣名招搖學術偽倡和一至今文網密窮治淪淪
秋風飄耗盡江湖淚耳垣正有人援毫一申記詩出人多
傳誦時鈞黨獄成矯詔紛出吾粵之以大中丞按臨者為
魏閻私人日尋公隙得公詩即密報閻愛公者莫不為公
危公殊坦然閱得公詩在丁卯年七月抵其詩於地曰此

勝附

三

人欲為周順昌耶因顧謂其黨曰前三月逮周順昌於蘇
州吳民倡亂今若遣縱騎捕之彼處嶺海萬一生變將若
之何其黨曰矯詔以起用召至京師然後逮之可無慮也
方欲行其謀會八月莊烈帝即位十一月逆闖伏誅說者
謂公詩痛哭之言可作天啟數年間實錄恨不留諸史館
云崇禎元年戊辰詔起諸言事者公以左春坊左諭德召
用公父亦遷吏科都給事中值病卒詔贈太常寺少卿制
書曰憶貂璫煽焰之日正螭首濡墨之辰射隼高墉固無
暇計於利鈍抒忠丹陛亦罔慮及於身家植千載之綱常
極一時之譽諤誰從媒孽大肆苛求以爾子賢書為罪書
致爾官柳篋為誘篋俱從削奪罔念貞良朕掃除虐政振

拔孤忠登爾子於論思啟沃之班嘉爾品於紀綱法度之上又曰汲穉排闥千秋共錄其忠史魚尸諫百世猶高其直爾恂恂有道溫溫蒸人乃履危地而無改容迫臨大節而不可奪得則欲行於天下隱則施教於有家有子作我師臣何殊爾夙宵左右身雖不逮道已留餘時公父子忠義暴於朝廷制書褒美人皆榮之公居憂哀毀服既闋不入官崇禎四年辛未公以資深起詹事府少詹兼翰林院侍讀學士五年壬申纂修玉牒告成六年癸酉遷禮部右侍郎兼侍讀學士充經筵日講多所啟沃每進講上動容傾聽尋署本部事敏練掌政奏對動合機宜蒞事三月董率司屬刷剔積弊數年來不決之議未覆之案疏通成就

勝附

四

部中爲之一新七年甲戌上御經筵詔諸儒臣廷對便殿給筆札令擬票疏稱旨者九人公居最上屬意且大用八年乙亥流寇蹂中都燬皇陵上素服避殿召對廷臣當軸惴惴恐獲罪欲狹小其事以奏之公謂人家邱隴有傷其一坏一樹未有不切齒痛心者况陵寢遺此非常言孰有大於是於是極言寇變首請下罪己之詔以感發忠義周咨九列激昂呼籲於綸扉之中又復條上時務十二事上嘉納之詔行其十事焉公感知遇言無不盡或謂公曰公於言行直則直矣盍思自免於禍乎公曰何謂也或曰中使上之近侍也邇來甚見親寵公疏有請復祖制之舊盡撤內遣無俾干預政事則不利於諸閣矣大同總兵王

樸交結近幸冒報功績越俎藩封而公條議駁之則不利於諸鎮矣宗藩上之至親也其請護衛請牧地亦小故耳而公每事裁抑使不得逞則不利於諸藩矣閣臣總理朝綱各部事務均聽稽覈人孰不競爲趨承而公以冷淡應之此後部中之事固不望其覆庇必將加以吹求且人臣安得事事可對君言而公每奏對發其奸欺則不利於綸扉諸公矣當今之世直道難行萬一天威震動則諸人之從而媒孽以罪公者豈其微哉公笑曰然則吾將浮沈俯仰竊位苟容乎吾惟知致身不知禍福也後每奏事言益危悚會唐王周王常以禮節小故劾各大員皆下獄論治公慮外藩勢重有司不能舉職抗疏揀之又適有詔宗室

勝附

五

中具文武才者許改秩受職公以宗材受職債事可虞復抗疏固爭陳五不可宗藩引前代故事交構公以爲非祖間親革職刑部問議公次子上延輟食痛泣跪請曰大人公忠許國勞苦若此兒將爲大人申雪萬一不得達則擁母至朝房挽閣老之裾連日哀號必脫父然後已公叱曰童子何知而輕言也遂詣獄公在獄中語人曰初覺身之大於地也久之身小而地大道家縮形之法禪家觀想之功於此乎悟則海外神山極樂淨土亦如是易曰艮其背不獲其身行其庭不見其人正謂此矣遂欲取文王以下人事稍著者編爲獄史以劇心不果鄰壁有韓非子太史公書太白東坡諸詩文隨手覆涉以自遣餘則彈琴一曲

濁醪一杯與總河劉榮嗣命一詩總兵俞咨皋布一奕榮嗣工字畫喜音律北人操南音悠揚多致有琴瑟下餘能幾鶴到籠開傷已多句公亦爲之感愴時公門人陳之透爲省父祖苞備兵宜遠值公有事遂淹京師爲公經理家事竭力奔走常同上延入園省公相對歎歎公曰古人名位勳庸赫奕當時言高行博聲施後世遭此者固不鮮也况人臣事君致身生死聽之又何悲乎遂收淚出一日博平侯郭振明屬其私附耳上延曰皇上宮中問及若事聖母娘娘正色而言帝欲平治天下奈何殺忠臣至於垂涕帝亦動容久之好語尊公曰下且大喜上延私以報公公抑之曰宮中遠密外人何由得知汝無妄言吾置死生

勝附

六

度外久矣時將屆萬壽節又值履端節園中故事是早齊依官班向天北拜或謂囚服不宜拜節或謂朝中亦有青衣小帽拜於墀下者公謂君親壽考無日忘之眇爾罪人容知改歲乎於是洋聖節不拜年節人以爲知禮丙子正月初九日御史徐之垣抗疏揀曰人臣之事君也以盡言爲忠人君之馭臣也以容言爲大皇上破格蒐擇既薦舉及嚴穴矣宗室之英擬行簡擢蓋網羅一代之材廣爲國用固亦欲其展慮抒猷非欲取寒蟬仗馬而徒充筮羽也乃禮部侍郎陳子壯獨以宗秩換授一疏仰荷嚴譴臣甚惜之乃者皇上諄諄頒諭惟在諸臣各修職業子壯寵叨寅清密參啟沃宗藩大政自其專責則凡杜漸防微私憂

過計皆職內所得言者使言而當則皇上自賜轉圜使言而未當亦必存懲毖之款談而恢高深之雅量當此三陽履泰載啟宸幃而頒寬大之詔恤誦讀之勞政惟其時臣言官也夫亦恃其所當言者冀無失言責皇上俯賜惠聽使天下曉然知聖主本樂受言不致以言爲諱自是六科顏繼祖等十三道林棟隆等吏部尙書謝陞太常卿李日宣戶部給事中汪懋效工部給事中郭九鼎御史葉初春詹爾選金光宸刑部主事錢啟忠等先後公疏申揀時皇上既感太后之言及覽諸廷臣之疏知公之忠意稍解下閣臣會議先是大學士溫體仁事多壅蔽宸聰公在講筵每發其奸因此憾公是日詔下會議遂極言公欺罔罪未

勝附

七

便釋票擬下刑部問議奏奪三月初七日刑部尙書馮英左右侍郎朱大啟蔡奕深奉旨鞠問公叩首龍牌供詞云世受國恩蒙我皇上再生賜環以至今官誓將竭忠圖報妄謂國家大事職掌所關知無不言言無不盡一時意直獲罪繫獄雷霆雨露莫非主恩總之投誠歸命於皇上以聽執事之具覆而已問官默然唐王聿鍵溫體仁皆授意馮英等文致公罪英等陽應之而懼干物議適工部侍郎劉宗周以枚卜召入班行倡言公疏實忠君愛國并非欺罔與溫體仁往復爭論義形於色又朱統鉉以宗籍選授排羣咻而申公讜乃得旨准配贖公於八年乙亥十一月入獄九年丙子四月出獄凡五閱月時得罪諸臣無報名

謝恩之例公自惟侍講筵久蒙上眷願深恩一旦建議不合草草去國心難忽然具疏於通政司寓忠愛依戀之意家人環跪沮諫諸司屬聞之亦來相勸曰天威不可再試也公弗聽卒上疏行謝恩禮取道南還公既歸闕雲淙別墅於城北白雲山中寄情詩酒復修南園舊社一時諸名流區啟圖名懷瑞曾息庵名道唯高見庵名賚明黃石傭名聖年黎洞石名邦瑛謝雪航名長文蘇裕宗名興齋梁紀石名佑達區叔永名懷年黎美周名遂球及公季弟名子升共十二人稱南園後勁各有詩集行世遂球番禺人執贇門下師事唯謹公亦雅愛重之師弟二人往往於月夕花朝談及時事輒歔歔流涕人莫知之也公又常榜少

勝附

八

陵句於雲淙門首云天下何曾有山水老夫不出長蓬蒿識者知其有憂世之心焉一日公弟子升偕友人陳邦彥謁公邦彥字會份順德人時尚爲諸生公一見與語驚曰此奇男子也遂與訂爲昆弟因下榻館之使誨上延上圖課讀之餘嘗與之縱談天下事邦彥指陳形勢條舉策畫悉中當時利害確然可見之施行公益重之語人曰吾粵之士胸懷經濟大畧而不以經生自局者會份一人而已崇禎十五年壬午起復原職同充會典總裁公以親老辭不赴召崇禎十七年甲申三月闖賊陷京師公聞煤山凶報率諸搢紳成服於光孝寺設位哀臨泣血幾死聞福王以神宗之子受監國寶於金陵卽位南京八月初三日公

拜本助餉以佐軍需十月起公禮部尙書次年乙酉正月公赴金陵尋以本部兼詹事府正詹時首輔馬士英專典機密與阮大鍼朋比爲奸導上聲歌不恤國政嘗從容語公曰主上教演優童君與錢謙益素號多才曷各撰新詞使宮廷按拍而歌傳之樂府亦藝林韻事也公愀然曰如公言將使我作玉樹後庭花之續乎神州陸沈國家多難爲人臣者當責難於君宵衣旰食以圖興復而乃君臣樂禍游宴歌舞此所謂燕雀處堂不知大厦之將焚者也馬士英大慚由是與公有隙公每有謀策輒沮不行五月初九日聞大兵破揚州尅日將薄金陵公趨朝請旨設法守禦爲馬士英所阻不得入覲往會掌京城戎政忻城伯

勝附

九

趙之龍條陳守禦機宜趙之龍曰聞史可法鎮揚州竭力守禦大小十餘戰自謂能軍卒致破敗今南京人情洶洶兵微將寡各鎮之兵不聽徵召戰固無功守亦豈萬全之策公曰今日之所賴以盡主憂臣辱主辱臣死之義者非戰則守耳至云守非萬全然則尊意若何趙之龍曰子固未有勝算然用兵而不計強弱不問衆寡是所謂驅羸羊而與猛虎鬪也事必不濟矣公知其有降意也辭出因念錢謙益平素交厚往告之曰金陵尅日受兵馬士英嫉賢妬能盡惑宸聰趙之龍色厲內荏心懷叵測事勢如此計將安出錢謙益聞公言唯唯而已公曰今亡在旦夕竭力揅死之不暇乃人各一心大事去矣長嘆而出是夜三鼓

馬士英竟挾王與太后闔宮潛逃次日公始驚覺方欲追隨車駕而大兵已逼金陵師次於京城外之北郊二十一日趙之龍與錢謙益等出降居民多出城逃避公遂微服潛出聚寶門沿路間關求王聞王與馬士英走浙江六月初一日公過嘉興時吾鄉鍾鼎臣爲嘉興府邀公相見公爲言求王不獲狀且質所聞鍾曰道傳王走浙江者誤也吾前日得偵者言馬士英乘敵兵渡江危急之際舍乘輿於太平而以黔兵千人與阮大鍼奉太后入廣德州走浙江王客太平無所歸曾靖國公黃得功屯於蕪湖王由太平走蕪湖潛入得功軍中得功驚泣率麾下搏戰爲飛矢中喉而死王被執北去公聞則大哭卽欲引決鍾止之

勝附

十

曰昔文信國棄德祐嗣君而立二王曰爲宗廟社稷計今聞神宗孫永明王逃竄兩粵間君曷不南還擁立以圖恢復而乃效自經溝瀆者爲乎公深然之初五日過杭州奉慈禧太后星馳還粵集旅勤王懿旨於陳華宇家遂取道南還閏六月十五日南安伯鄭芝龍福建巡撫張肯堂等擁立唐王於福州改福州爲福京公二十二日抵家覲朱太夫人於五羊城太夫人曰聞南京已破吾以汝爲死矣王今何在汝何自來公爲具述君臣失散之由及追尋乘輿之苦泣然流涕且以違侍久依依不忍去太夫人勉之曰行矣國破家亡盡忠卽以盡孝汝毋以我在藉口若徒知事我以生是反速我以死也公涕泣受教秋七月初三

日公見粵督丁魁楚言桂王之子永明王爲神宗孫謀與迎立魁楚曰公猶未知唐王於前月十五日卽位福京乎事見邸報特明詔未到耳公曰福京旣立斷無更立啟爭之理魁楚謂公今將何如公曰肅宗以青宮而克復光武以支子而中興但願君則以卧薪嘗膽居心臣則以反首芟舍自威戮力同心興復雪恥上以答列祖之靈下以慰兆民之望爲臣子者與有榮施矣何必以迎立之故堅執成見哉魁楚於是大服公八月初九日唐王起公太子太保兵部尙書至十月初十日唐王復遣使齎敕至粵加幣聘焉時有以前議宗室沮公者故公未卽赴召太夫人曰新主英明志圖興復正以前議宗室諒爾孤忠故召用更

勝附

十一

加禮焉往哉何疑二十二日公遵慈訓赴召唐王亦召公之門人黎遂球以禮部員外郎隨公同往十一月十四日公至雄府時唐王以逆宗靖江王僭亂懼其侵奪廣州也乃復遣使加公東閣大學士兵部尙書令與粵督丁魁楚贛督萬元吉同辦軍務不必入覲公遂留雄而命黎遂球赴贛州助萬元吉以爲聲援十二月初八日有山賊擁衆數千攻圍雄府公厲衆登陴而出奇兵勦殺之乃捐資召募得衆二千餘人日夜訓練將爲勤王計至九月初旬聞大兵入閩總兵周之藩衛主戰死唐王被執於汀州公撫膺痛哭語所屬曰昔文信國有言援立新君以存宗社存一日則盡臣子一日之責吾南還時本議擁立神宗孫

桂王子永明王以延國祚緣唐王卽位福京其事遂寢今
福京旣亡永明王近駐端州殆天之所相以兆光復未可
知也乃遣人至端州奉表勸進十月丁魁楚兵敗還粵見
公告以敵兵取頓城總督萬元吉赴水死兵部員外郎黎
遂球與弟遂琪俱陣亡公聞之太息不已因以勸進端州
事語丁魁楚魁楚曰吾有是心久矣卽偕公以兵赴端州
與廣西巡撫瞿式耜定議十月十四日永明王卽位於端
州時閣臣蘇觀生兵敗南安退入廣州適唐王弟聿錞與
大學士何吾騶自閩入廣南海關捷先番禺梁朝鐘首倡
兄終弟及議蘇觀生遂與何吾騶及布政使顧元鏡侍郎
王應華曾道唯等會議擁立商之公公曰天潢之序不可

勝附

三

紊况端州已正大位若必爲之是啟爭端也蘇觀生日兄
終弟及何謂紊序卽起爭端豈謂吾等甲兵不堅利乎公
曰以兄終弟及爲宜則端州之立固所以繼南京也且公
等亦思今日僭事之由乎自煤山遘變以來南京則不二
年而亡福京則僅一年而陷其時南京之倡議迎立者馬
士英也而士英則以奸邪誤國福京之決計擁立者鄭芝
龍也而芝龍則以觀望喪師良由諸臣徒以推戴貪功不
以興復廛念以至宗社日移國祚日短也今公等不鑒敗
亡覆轍猶欲各據爭立勢必至天潢之內互爲敵讐諺所
謂鷸蚌相持漁人之利吾未見爲得計也蘇觀生日君言
擁立非功何以勸進端州爭非得計何不勸端州退位以

成讓國之美公知其意不可回乃率所部兵出屯九江建
樹義旗廣行召募番鬼蛋戶聞公名多歸之又命上庸說
降諸山寨招集流散糾合義勇待時而發十一月初二日
蘇觀生等擁立聿錞於廣州是月初八日永明王遣兵科
給事中彭耀戶部主事陳嘉謨齋登極詔至廣州諭以天
潢倫序爲蘇觀生所殺復命廣州將陳際泰率兵拒端州
師於三水海口兵部侍郎林佳鼎戰敗死之此後道路梗
塞凡上有敕詔授公及公有表章馳奏俱爲所隔冬十二
月 大兵入粵部院佟養甲總兵李成棟由閩趨潮惠下
之卽用惠州符印爲文書牒廣報平安蘇觀生信之成棟
又令前軍效廣軍裝直至城下是日觀生方隨聿錞視學

勝附

三

或報有警觀生殺之而前軍已入東門倉卒間兵不能集
聿錞觀生皆縊死何吾騶王應華等悉降丁亥二月永明
王移蹕桂林瞿式耜從丁魁楚出屯岑溪成棟遣杜永和
襲殺之三月永明王遣使齎敕至九江授公東閣大學士
兵禮二部尙書總督廣東福建江西湖廣軍務賜上方劍
便宜行事又授上庸爲兵部職方司使團義勇以濟師公
拜命後欲趨行在而未得乃以所得募兵萬有餘人於七
月二十八日立漢威營風雨驟作中軍督字大黃旗敗於
雨墨模糊不辨左右疑非吉兆公曰忠孝是吉人卽吉兆
也遂密諭廣州衛指揮使楊可觀總兵楊景燧守府王天
錫王天授勒兵城中爲內應而令左州知州梁若衡設伏

城外以爲之援并傳檄諸鄉鎮兵部侍郎張家玉兵科給事中陳邦彥等起兵爲東西夾攻之計諸軍雲集響應八月初二日誓師於九江分諸舟爲四營戰艦計一千二百艘將及廣州總兵霍師連殺其縣令陳億監軍鄧乘等以三水來歸指揮白晝燦擒殺海道于華玉遂復清遠亦來獻馘公乘勝率師進攻擒殺統臺總兵孟輝等統臺悉下俄而西門楊可觀等伏先發事洩死之梁若衡亦被執死佟養甲遂盡換各門軍警衛益密我師駐五羊驛連日攻廣州不克初公之約邦彥家玉起兵也新會王與潮陽賴其肖亦先後起兵時李成棟既定廣州克肇慶梧州敗走朱治澗襲殺丁魁楚前驅抵平樂永明王由梧州道平樂

勝附

古

走桂林勢危甚邦彥乃說甘竹灘余龍乘間發兵由海道入珠江會合公軍攻廣州以牽制西兵成棟以養甲告急飛馳赴救偵余龍軍無紀律就甘竹灘擊敗之邦彥兵亦却因乘勝回兵珠江與公軍戰公遂解圍退劄三水是時家玉乘公之攻廣州率師襲新安東莞戰赤岡據之軍聲大振成棟見公軍退乃疾趨新安與家玉會戰數日家玉敗走鐵岡八月十六日公復約邦彥攻廣州邦彥曰今成棟攻家玉於新安公率兵攻城成棟聞警必急還我伏兵禺珠洲側突衝之而公以大艦逼其西可以得志望青旗而朱旂者我軍也公用其計是日公攻廣州成棟果引兵還至禺珠側邦彥以火舟衝之焚數十艘成棟引兵而西

邦彥尾之會日暮天將雨黑暗中公軍不能辨旗幟疑皆敵舟也迫之陣遂動成棟同舟奮擊賊方酣忽風雨大至波浪拍天成棟援兵繼至乘風順流勢不可遏師大潰長子上庸歿於陣公遂舍舟登陸退還九江適御史麥而炫起兵復高明使人報捷迎公公往高明安撫遂命刑部主事朱實蓮與麥而炫同守高明二十五日公還九江陰遣家人奉朱太夫人寓於高明三洲之馮館時有九江舉人陳官紀私通廣城密書納衣領遣奸細約敵來攻爲邏兵巡獲以書獻公公拘官紀按之得實數責以大義未欲殺之也諸將固請申軍法以爲負恩叛國首戒遂斬之鄉人恨之甚爭啗其肉須臾而盡公嘆曰讀聖賢書所學何事

勝附

古

彼與朱實蓮同領辛酉科鄉薦均受國恩蓮則公忠自矢彼則廉恥喪盡人之賢不肖相去爲何如也九月初十日公復治兵於九江四路設伏二十四日李成棟率師環攻九江見雒口無兵成棟遂舍舟登陸進逼中洲書院之後垣伏兵四起公率義勇五百人衝戰斬其健將張虎等三十餘人遂大勝之成棟兵退還舟解圍而去十月十四日公師攻新會圍三日不克往攻新興亦不克遂還高明二十一日大兵抵高明公嬰城固守人人自奮二十九日南城崩公登西城振臂一呼諸將死戰莫不一以當百關死殆盡人無變志刑部主事朱實蓮叅將麥鐵樞遊擊陳冲都司關熊方從灼守備何熙中書范奇徵舉人區銑并

義勇軍隊長林挺秀梁應宸趙宛符陳瑞潘文鑑潘至慎等十四人俱戰死兵部主事譚應龍全家縊死時李成棟下令軍中生執公公遂與麥而炫區懷吳區宇宜曾貫卿陸言王鼎衡自西門衝陣出逃高明之三洲歸省其母而朱太夫人已縊於馮館矣公呼天擗踊欲殮母而死遂為追兵所及麥而炫等六人亦同日被執成棟親釋公縛且命鄉人殮其母又遣副將張英唁公設飲食供具甚美公流涕拒之時張家玉陳邦彥俱戰敗死節東粵粗定而粵西告急於成棟言瞿式耜守桂林命焦璉復陽朔平樂陳邦傅復潯州合兵梧州軍聲復振成棟於是引兵而西乃以公如修養甲營命張英監護語以善為安置無相害也

勝附

去

十一月初六日公入見養甲岸然北面立養甲叱之跪公厲聲曰我為朝廷大臣頭可斷膝不可屈養甲知其不可以威惕也曰嘗威言曰我念爾是年誼欲曲意保全俾知天命有歸爾何違天自作孽乎公曰爾既負朝廷何年誼為且氣數之天不敢知君臣之倫當自盡我神宗鼎甲世受國恩今日事既無成一死以報而已養甲曰汝降生且富貴否則族公曰但求死所耳他非所計也於是養甲泣東郊先殺御史麥而炫行人區懷吳知府區宇宜知縣曾貫卿守備陸言參將王鼎衡六人以懼公公且笑且罵養甲怒遂磔公時正晝黯晦大雨震雷郡學兩楹無故自壞觀者咸以為忠誠所感云養甲欲夷公族後每出堂見公

呼阿至門指己忿罵養甲懼故所執親屬皆放還惟上延上圖繫獄次年戊子閏三月十八日始出之殮公遺體於光孝寺之邵宅公殉節時年五十二歲永明王命東閣大學士吏部尚書吳貞毓設祭九壇贈公太師上柱國中樞殿大學士吏兵二部尚書南海忠烈侯諡曰文忠子三人長上庸兵部職方司主事殉節時二十七歲贈太僕寺少卿次上延蔭尚寶司丞三上圖蔭錦衣衛指揮使

九龍真逸示余此狀謂得諸故家傳鈔本無撰人名氏余取明史校之文增於本傳者什八其有同異者史稱永明授公兼兵部尚書狀作兵禮二部尚書賜上方劍便宜行事史繫母縊於被俘之後狀在公殉國之前史

勝附

七

贈公番禺侯狀作南海侯冠以忠烈字其足補明史未備者史於福王起用下即云至蕪湖聞南京失守若未履宏光之廷者狀則歷叙官南都時見嫉馬士英有謀輒沮及與趙之龍錢謙益商戰守諸語皆闕與亡大計史但言與蘇觀生立君異議狀則備舉往復抗爭之詞所云以推戴貪功不以興復歷念尤切中南中諸臣營私誤國之病至所據以屬詞略可攷見者如所載魏闢乞書長詩自遣洎整頓禮曹陵變陳言並詔獄事首尾具詳文忠遺集中記約陳忠愍攻廣州事見忠愍子恭尹所為行狀其宅雖無可攷然觀其排比月日纖悉靡遺似出公自記公與陸夢龍書云日不致玩或門人日而時有記見練要堂集題辭

錄故能翔實若是宜阮通志文忠本傳於正史外不取
稗史一字獨此篇則書之累牘而不殺也顧其紀載之
指務極周詳致去取之間不遑精擇利鈍雜陳讀者惜
之真逸請余爲之潤色辭不獲命乃蒐采諸書加之參
攷大要以阮志爲本阮志於狀頗有闕阮志所無則取它書斟
酌之訂其譌脫省其冗累非敢謂詞必雅馴亦庶幾乎
勉竭愚管稍副前人留待之意爾又行狀之體或乞文
達人昌黎馬彙或請牒史館昌黎董晉例於篇末致詳
而此狀無之阮志引有所著有經濟言南宮集禮部堂
稿練要堂諸稿十八字而此狀無之且有經後人竄改
顯然舐悟者則展轉鈔傳已非當日完本書至此益深

勝附

六

人懷古之思而歎拾遺訂墜之良非易易也丙辰七月
望日萬年青室主人島中記
按狀中叙事稱天啟崇禎曰上稱宏光永歷曰王又曰
上稱文忠兵曰我師而稱國朝之師曰大兵又曰
成棟兵曰敵如此之類舛錯甚多疑此與張文烈陳忠
愍行狀俱桂王時作本以身居明代爲詞阮脩通志時
淺人改之以呈志局而有未盡也狀末無撰人姓名亦當時所刪萬年
青室主人雖細爲攷訂而於舛錯處並仍之以存其真
狀稱贈南海忠烈侯南海字同計六奇明季南略忠烈
字同劉湘客行在陽秋蓋當時實有此贈特番禺侯是
否改贈不可知耳真逸識

欽命總督武興營軍務兼理糧餉聯絡直浙節制江西招
勦敕賜銀印捧持御節便宜行事翰林院侍講兼兵科
給事中加服俸一級贈資德大夫正治上卿太子太保
東閣大學士吏部尚書加贈奉天翼運中興宣猷守正
文臣特進光祿大夫左柱國少保兼太子太保武英殿
大學士吏部尚書增城侯諡文烈張公行狀

東莞爲忠義之鄉宋末有將軍熊飛許之鑑以布衣起兵
於花溪銀塘之間從文丞相大破元兵復韶廣二州失機
以死國朝有都督陳策鎮撫關鎮明以五千之兵遮滿洲
數萬於渾河口血戰數日殺傷相當絕援以死四君者皆
萬人之傑義不與強敵並立煌煌忠烈載在史書逮中興

勝附

克

之初則復有文烈張公其人焉自廣州陷公首建義旗以
爲諸豪俊倡於是東莞山園水砦所在人民戈甲雲興競
爲兵首以與敵人決命爭一旦之生死蓋縱橫數百里間
小者百人之奮大者萬人之鬪金鼓之聲晝夜喧闐不絕
一皆稟節度於公以爲進止嗚呼公何以得此於東莞之
人哉計敵自入粵以來所將精銳及西北遼人爲公部曲
所殲髓到涸腦西鄉十而三四存者亦瘡痍之衆雖欲不
反正歸誠以十郡還之天子勢不可得公以敗爲成十郡
雖不自公恢復而卒使惠國乞降行朝再造兩廣得見中
興之盛者公之功也公敗之於東而成之於西所由與陳
文忠陳巖野二公同爲佐命元勳之冠歐公之戰績東莞

人人能言之他州郡弗悉也公季弟琳請余爲狀余詢諸公門生故將曾隨鞭弭者一一書之與四朝成仁錄互有詳畧各從文之體製云爾公諱家王字玄子號芷園東莞萬家租人唐文獻公九齡遺腹中監九皋之後爲韶州刺史君政所由出宋未有諱峴者自福清來作尉海豐遂遷東莞之圃沙子姓繁行至數千人以文學行義政事稱者肩摩踵接爲衣冠望族十七傳至公與從祖恂遂以忠烈益光大其家公曾祖諱宗尹祖諱明教父諱兆龍學行端純並有隱德爲宗中耆碩公生而通敏穿穴經史才具博大有經緯天下之志幼從諸同學登黃旗峯峽險皆有難色公獨造絕頂舉觴屬其師林公洵曰我輩作人非第

勝附

三

一流不可林公驚異之爲人頎而長貌英秀好笑語白皙微鬚眉目如畫好戴折角巾光髻鮮衣風流自喜而文豪武俠慕雲長公瑾之爲人年十九補廣州儒學生員崇禎九年舉於鄉十六年成進士出左諭德周公鳳翔之門殿試三甲觀政工部選授翰林院庶吉士先是倪公元璐夢一童子持旛自天而下旛有詩曰謹記崇禎十六年聖明天子大求賢從今絳闕天魔墮輸與金幡玉局仙倪公以公名應夢且負大才絕器重之請課三以公詩歌居第一撰誥敕輒以屬公十七年三月京師陷周公殉節遺書與公曰玄子爾雅溫文貌若婦人女子然中懷剛毅定知大節不移書未至公已罵賊矣初賊李自成欲授公官公致

書欲自成賓禮之而不臣而題其門曰明翰林庶吉士張先生之廬不然臨以刀鋸將形影相笑而樂蹈之自成見公於中左門賊令公跪公曰前上書不上疏請賓不肯臣今日當以賓禮見因長揖不跪自成笑曰我定要爾做官公曰我定要不為官因數自成十罪自成怒命僞錦衣衛四人持出斬之公大笑而退自成釋公令懸槌之於五鳳樓皮開血迸七日不食垂死自成再使軍師牛金星說降公不爲動後賊出東關公乘間得脫歸里思宗安皇帝立以六等定從逆諸臣罪阮大鍼欲報私仇謂致先皇帝殉社稷者東林諸臣也不盡誅東林諸臣不足以謝先皇帝公既爲倪周二公所器重大鍼因目爲東林邪黨謂公請

勝附

三

厚葬倪周二公而薦劉公宗周黃公道周於自成刑部尙書解學龍受其指以公列於五等保國公朱國弼等合疏糾刑部六失詣革學龍職以高倬代之高公正直欲上章訟公及簡討方公以智寃弗果逮問至公慨然就道曰此行當爲君父雪耻除兇當日之事諸朝臣屬目豈俟向一人求白也其大父則謂之曰我太祖表正華夷蕩除亂賊直將孔子全部春秋一身做出孔子口教太祖身教太祖賢於孔子未有不中興者也而南都卿相未善奉行意今歲來年當有白水黃衣奮起建非常之業我孫此去定有遭逢當放出參天贊地之手爲太祖做一番事業已而公遂攀龍飛之聖首先建策公大父預識興廢其言明驗若

此公至南京有爲力辨者得復原職已而車駕北狩乃走錢塘江上與監軍副使蘇公觀生水師總兵鄭鴻逵等擁戴唐王王高皇帝九世之孫生有紅雲黑龍之瑞龍行虎步目若朗星警效若洪鐘豁達大度濬哲英明恭儉仁慈清心寡慾愛人禮士博學工文少遭家難力報父讐與兵勤王爲法受過安皇帝立乃出鳳陽潛邸先是王至嘉興臣民擁戴王謙讓轉奏潞王潞王不振謬從邪議降敵以救民公與諸臣乃奉王入福州以閏六月初七日監國二十七日卽位是年乙酉改爲隆武元年卽宏光之元年也是爲紹宗襄皇帝公大告於諸將曰昔漢光武起南陽以高祖九世孫爲長沙定王後建元乙酉卽位六月其兄伯

勝附

三

升兼有朱鮪之難今皇上亦起南陽亦爲定王後亦傳九世亦建元乙酉卽位六月而且兄弟之難父子之難常變又相準也揆之天命如此度之人事如彼天與人歸真中興之主也諸將皆以爲然謂公斯言不啻王命論云上以定策晉公侍講兼編修旋以大學士黃公道周薦命給筆硯掌起居注公疏謂起居有注所以書天子之言動也臣今直書無隱願皇上無取覽所書於臣否則臣死不奉詔上以公侃侃有古大臣風因書其疏御屏賞銀三十兩以旌其直七月六日上大誓文武於天興府西郊登壇受鉞遣將分征命定虜侯鄭鴻逵出仙霞關永勝伯鄭彩出杉關總兵官施福出崇安關總兵官黃明俊郭煒出分

水關少保黃斌卿督水師由海道以抵溫台靖虜伯方國安率師援浙而平虜侯鄭芝龍督禁兵居守公知兵數條陳恢復大計請效戎行上奇愛之諭曰爾年少英俊文武兼資朕今以兒子視爾朕中興大事今以託爾乃命以翰林院侍講兼兵科給事中監軍御右營聯絡直浙節制江西招勦敕賜銀印捧持御節便宜行事同永勝伯鄭彩督兵平江定京八月復命公兼理吏戶禮三科事諭以戮力匡復矢謀蕩平稽察兵餉覈功論罪所過都邑有司不時舉劾隨地調補忠孝節義及立功贖罪等人一聽赦錄旌卹朕弗中制十月公先出關至廣信聞南建徽州並陷謂腹心之患在洪都咽喉之患在徽郡乃疏陳進勦分合之法上以公言確畫命速催鄭彩出關由建撫立功彩懦觀望不前駐軍邵武月餘未嘗一矢加遺公枕戈待旦精慮不遑按行營壘日以忠義鼓勵諸將十一月撫州圍急彩書與公使督率諸將往援公卽東約右鎮陳輝西約中鎮林習山南約前鎮蔡欽會兵於許灣十四日敵至公令蔡欽所部衝鋒斬六級馬四匹敵少却親督右鎮所部長驅出營大戰十餘合斬敵總二級兵三百二十三馬四匹得生馬三十一匹器械無算薄暮都督陳有功參將葉壽再戰死敵糾難民數萬鳴鑼吶喊飛箭雨射沿山放火軍中寒慄又復陰遣書招誘我將趙珩令之勸降公慮軍中疑忌變生肘腋執珩手拔刀斬案曰敵人行間離我兄弟

勝附

三

我兄弟益當戮力撲討敵人敢有疑謗者斬因設高皇帝位牽諸將泣拜剖瀝胸肝誓決死戰出犒賞二百兩選驍悍郭毓卿李忠明陳良趙珩四將築壇拜之令各領死士百人分伏伏已拔大營走敵以萬人追擊伏發斷爲二公鼓噪回軍大破之步兵斬捕殆盡騎捨馬渡河率溺死是日公卽爲蠟書使都司黃瑛等帶健丁數十人冒重圍間道至撫州縋城而入與永寧王所部謝忠良蕭聲等乘虛出襲批搗老營敵驚走自相蹂躪十六日又夾擊之於千金城斬五百餘級馬三百餘匹釋難婦女二百四十三人獲摺紳手書七道悉焚之一時永勝之兵稱義師焉而撫州圍解全郡克復捷聞上優詔褒獎懸進賢伯世爵以待

勝附

書

但進南昌卽行封拜是時公以監軍之臣竟行督師之事制勝出奇功勞遂出彩上彩畏惡其能公謂兵宜神速乘敵大創之餘並力而前可以席捲江右數請彩出師先發制敵彩不得已於二年正月十六日遣前鋒至硝石俄聞警急卽盡撤兵入關棄新城不守公力爭謂新城永定屏障永定福京門戶新城雖小不可棄也請留一鎮彩不從公乃與新城知縣李翔招募鄉兵以守事未集敵騎突至翔登陣公出擡戰領親兵八人鄉勇二百人鏖於城南斬步兵五十餘級公傷箭墮馬臂折意氣益厲都司林雄等扶絮被冒陣貫其東西斬二人馬四匹奪公以歸上聞謂統兵大將僉走入關獨使文臣陷陣何以自解詔下責彩

而慰公曰爾許濤之戰建撫以復新城之守杉關以宣威德華夷共見忠勞天地咸知今者箭瘡勿藥宗社賴之特晉爾都察院右僉都御史巡撫廣信仍准帶翰林舊銜公無功疏辭不拜公故與鄭彩戰守之策不同欲聯絡閩羅宋之兵彩不許欲同鎮建昌易儒將周斌斬逆將王象乾彩亦不許上於是欲獨將公然無兵公請給假三月返粵之惠潮將藉其餉八萬招練兵一萬爲進取江西計上許之賜營名武興公。監督總理八月至鎮平會山寇黃海如張甚公單騎往諭降數萬人購其黨斬夾翼虎禿爪龍獨角蛟三渠又有寇黃元吉與其渠三十六人焚劫郡縣遣書招之亦以所部萬五千人降旋叛去購其黨斬元

勝附

書

吉於挑破而潮惠寇遂平選精銳萬人分爲五營餘悉散遣疏營制以聞上喜詔卽帥之赴贛而公至潮惠支餉止得一千三百餘兩捐納止得一千五百餘兩此外分毫無有士卒方飢不可以戰公疏謂兵以無糧而寄命於民民以苦兵而乞命於敵國事所以日壞今孤軍深入殺人求食我賊民民亦賊我勢必潰散夫有糧則有制有制則百姓親士豫附是勝兵也勝兵先勝而後求戰糧至則臣兵出矣疏入未報九月車駕親征至上杭御營不戰而潰公聞上將入粵引兵出迎卒遇敵于赤山之陂兵弗肯戰職方司主事賴其肖曰方今主上蒙塵我曹當首先死敵以明忠義敵易與耳衆曰我飢非畏戰請一戰以謝貝勒遣

辨髮四人招降衆將起而剛之碎其牌遂潛繞敵背而伏誘敵騎入山谷中率勁弩馳射斬獲十餘人敵迸走公拔還鎮平士卒皆盜賊之餘糧盡終無固志公遂嘆息曰廉頗思用趙人集吾東莞子弟尙可爲也會有大父之喪遂抵家是冬十月今上監國於梧州唐王與鄧周益遼四王航海至閩部蘇公觀生遣主事陳公邦彥上箋勸進於上旋以唐王乃襄皇帝母弟兄終弟及復推名分立之改元紹武召公以禮兵二部右侍郎三使御前辦事中書至公辭不拜十二月望廣州陷口總督佟養甲聞公有能將英名心憚之遣口副使張元琳說降啖以官爵公殺冠出見叱之曰與爾同作庶常受恩於威烈皇帝何故貳心憤咤

勝附

美

作色遣之養甲復致書劫公公答曰丈夫得志則立事功失志則存名節我燕京罵賊思文皇帝嘉之寵我曰朕以子子爾爾以父父我我受聖明恩重下髮背之不忍今若拔我一莖雖尊我爲清朝天子弗屑也區區官爵何足云永愿元年三月四日公起兵先是正月蕉麗到浔二鄉生員莫子元布衣何不凡等以船楫黃頭郎四出捕敵敵方搜括諸鄉縣金帛子女絡繹走江中斬敵渠數人兵數百人得所奪文武印信數十顆口知縣鄭塗遣使至到浔說降首領葉如日等執而沈之口副使戚元弼遂率兵攻到浔大戰六日殲敵二百餘人敵以書招降陣士佯許諾潛使人往憑浔沙灣市橋古勞諸處乞救得義兵千艘入自

虎門大戰殲敵二千人燒敵白艚三十八艘哨船百餘得口總兵陳甲殺之是役也爲敵入廣東以來敗衄之始報至公笑曰敵以數騎破廣州不能以百餘艘艘破一到浔異哉到浔之人可用也吾事濟矣遂使參將陳登雲往約尋以戰艦來迎公至得驍銳五千餘人申明約束大誓師十四日揚颿至東莞而使兵部主事韓公如琰率黃牛逕之衆千人參將李乙木率黃藤園之衆二千人族人世爵光正等率其父兄子弟篁村壘下之衆數百人從陸爲助戰鼓未伐南門已開遂復東莞執口知縣鄭塗斬口典史趙元鼎以徇以原訓導張珪爲知縣以原副使張公恂爲指揮僉事以安宏猷爲城守十五日公還到浔再治兵爲

勝附

老

攻復廣州計原刑部尙書李口口主事李夢日總兵王應莘馳書報敵十七日敵至大戰於萬家租居人四面叢擊一日夜殲敵數百人公還軍於金崙洲戰初交殲敵數十人我舉火敵亦舉火風反我舟逼柵口被火遂敗績時萬家租戰酣飛彈如雨一婦人經其下火器悉暗不發敵舟遂抵岸岸之東已敗岸西猶立如堵墻巷戰死者前後相屬敵屠之並屠篁村壘下東莞再陷珪戰於東門而死宏猷戰於西門而死恂走至錢屋田原參軍李盾香以兵追至親割恂首三蹴之持以獻敵公退師到浔口提督李成棟先擊望牛墩以孤我唇齒大戰七日夜敵死數百人卒被破遂攻到浔以牛皮絮被擁蔽冒敵火破柵門而入血

戰三日敵死千餘人載屍還廣州舡艦不絕然我力亦竭圍落遂陷公以三面與敵開一面走敵屠到守備葉品題何勉葉時春盧學德千總何仕登巷戰死之公大母陳氏母黎氏安人妹石寶赴水死公妻彭氏安人被執大呼我張總督夫人賊敢辱我因大罵敵斷其支體以死如琰家屬二十人並死壯士負公走指香悉兵追之不及遂至西鄉大豪陳文豹布衣士也當甲申國變團練二千人保障西鄉威恩大行爲山海諸盜所服其母年八十先一夕夢黑龍止其家有光閃爍明日公至衣黑衣母大驚異因曰此天人之傑也發窖中銀二囊與其子爲公召募公承制授總兵官旬日間義旗復振出復新安縣斬馬兵三百

勝附

天

餘級步兵一千五百餘級四月十日戚元弼及成棟義子賈九率水陸兵大至陸兵所經北柵勞德大窰烏沙沙頭諸鄉凡十餘處土人爭出堵禦老羸婦女悉持兵仗率於要隙樹木爲干欄人持數十短挺挺末悉有鈎連綴數十短挺於一大挺以長繩繫之敵至被撒挺飛鈎死者人馬不可計敵增兵奪險得至西鄉我總兵梁中英浮舟師數百艘來援既合戰獲敵二大鬪艦斬百級敵以紅毛鬼子數百爲先鋒人持雙倭刀擁花鬪跳盪而來中軍參將趙省一揮兵以銛竿刺之並得其崑崙船敵遁去公遣參將何不凡率兵六百疾走諸鄉召募得三千人乘虛襲東莞未至口知縣施景麟率兵至白沙來拒問計於參議鄭瑜

瑜使其眾助敵戰於赤崗我師勝之斬數百級得推官尹希臨口口之婿爲敵前驅者也追至河田墟復擒四十八公斬以徇五月廿一日遣兵至東莞攻三日垂拔何四舍撓軍斬之廿五日公親率兵至東莞降盜司徒義開城待戰公揣彼逸我勞彼飽我飢戰恐不利遂收軍還至北柵我兵散歸諸鄉未集司徒義導敵兵力追公馬陷泥淖中長鎗幾及一戰士以鈹挑馬馬驚一躍而起遂脫去得達西鄉成棟復來攻我舟小彼舸船大公謂文豹等曰虛而示之實令若上徧列旗鼓伴書約戰潛與眾登舟匿他島敵至疾攻若上一礮不發疑有伏薄暮謀知無人乃入舉火燔若公見火起與文豹等反擊成棟不備大創死者千

勝附

完

餘人棄舟走數日復盡銳來攻公守若中文豹等戰若外水戰其陸戰其水凡二日我舟師先敗公且戰且走至於鐵崗遂經萬家祖視家廟問舍悉爲灰燼親戚宗族亦屠戮過半矣痛哭而去先是口口等獻計於敵謂公之所居以家廟爲虎頭金鰲洲塔爲虎尾摧其首尾彼將自壞敵從之並掘公祖墓又使其子爲敵設邏兵布遊哨下令有敢匿張氏者殺無赦於是張氏死者前後及千人遂爲忠義之族公既行西鄉力盡亦爾文豹及監紀推官王者肱監紀通判李乙木都司陳蘭毅守備葉如日葉進之葉文明胡起新生員曾盧桐等戰死敵屠西鄉蓋敵三攻西鄉而兩敗兩攻到滘而一敗死者凡萬餘人東莞之到滘

新安之西鄉敵聞之至今昨指以爲鬼門之關也公至鐵岡得姚金之衆千人陳穀子之衆千人遂走十五嶺簡練復得羅同天劉龍李啟新之衆三千人先是四月二十九日公遣總兵陳鎮國參將馮家祿等往攻龍門復之斬口知縣林之秀口教諭藍興口典史汪熊口巡簡嵇高斬四百三十六級至是公入龍門安輯已乃帥兵往博羅復之斬五百一十級執口城守朱振邦以李顯謨爲知縣以廖習梧爲教諭於是分兵往連平州復之斬一百二十三級分兵往長窰復之斬口知縣顧濟德斬四百七十五級攻惠州三日不克克歸善縣守備陳瑞昌戰死遂還博羅敵來攻圍二十日城卑小我軍以齒盾遮蔽得箭數十萬聚

勝附

三

而焚之敵望而氣奪衝梯旣盡從胡盧嶺鑿地道實火藥火發城崩肉薄而上習梧冠帶緋衣方僞爲公巡行樓堞持旛前導步馬雍容敵競射之以死以爲公也公以故得免敵屠城顯謨及守備劉麗敬千總葉奇才葉文揚並戰死公旣出山谷艱險馬屢蹶參將陳瑞龍負公走追兵及瑞龍拾礮石飛擊敵死者數人公得脫復返龍門大召募旬日得兵四萬分龍虎犀象豹五營遂至增城公營於南門諸將營於西北十月朔敵至首領爭出至十里逕口逆戰勝之得一魁帥奪一大旗敵披靡退走諸路義兵赴援從五指山綏福燕清來者又得萬人初四日敵至我兵爭出逕口勝之初七日敵至又勝之凡三日三勝斬一千

九百餘級馬四百九十四匹敵知我兵剽疾難持重故以利嘗我然亦崩摧甚矣初十日敵大至瞭望者搖旗不已我兵驚駭膽忽餒莫肯前敵奪逕口而入燒一小營從五指山諸處來援者也西北諸處望小營火起懼而陣動公弗能止敵遂圍中軍公搥鼓鼓士自辰至未血戰斬馬數十匹人百餘級敵騎散走據平岡而止公稍收軍令以五千人衝鋒以五千人守壁我兵過勇空營遂利軍法出張旗入捲旗奪敵旗則麾而呼以入是日大旗總斬敵級多喜而忘之手縮數頭張旗人中軍獻功西北諸營望見張旗以爲敵人中軍皆走保壘前軍見後軍走亦驚曰敵出我軍遂亂自衝西北二營以散成棟疾以鐵騎下蹂之我

勝附

三

軍死者六千人中公中九矢墮馬參將陳瑞龍負而走追急置公叢篠中空拳奮鬪不勝公躍入野塘以死敵得公屍佩一銀印文曰光明正大襄皇帝所賜也養甲集諸降紳驗視口口跪而賀曰此真逆賊張家玉首一齒缺以銀鑲之髮美長二尺三寸許量之果然敵懸之東門經月色不變一日養甲過其下公怒皆睨之雙瞳飛出文餘光芒四射養甲駭慄以爲神公旣死諸文武將吏死亦畧盡增城之役可知者龍營則總兵黎昭傳盛羅同天虎營則總兵陳奇棟楊威雄參將李輔明守備丁善和葉秀芳黃鎮朝李嘉伍千總梁定與徐大佐等同公而死者也萬家租之戰則公從弟有恆貢生尹鈺望牛塾之戰則參將楊邦達

公常哭以詩所謂丰標無復張文遠酣戰誰尋許虎癡者也北柵之戰則推官陳伯耀潘汝隆赤崗之戰則主事鄧棟材參將王贊廷陳子英龍門之戰則武舉譚高謀原清河知縣譚高擢博羅之戰則主事韓如琰守備方如璇干戶侯成祖遊擊譚立志生員韓二見等先公而死者也餘死者莫詳名氏皆身經數創染鏃膏刃以爲國殤以報君父者也公仲弟家珍年十六勇決無前號小飛將到涪之敗家珍走入水敵鈎及衣亟脫之以泗赤身行水底數里氣急躍而上觸船額裂復沒水凡踰水八重乃至赤嶺倉卒以巫師符印鈐黃紙畫一花押爲軍號收得殘兵六百赴西鄉助戰斬馘功多連平長嶺之復皆與有力增城之

勝附

三

役公從弟都司有光年少似家珍被執給敵曰我張總督之弟家珍也大罵奪刀斫敵檻至廣州使之跪抗聲曰忠臣之弟不跪敵屠裂之公常遣之蒙險致書與陳文忠約爲犄角者也從弟雷禎在公帷幄久授監紀推官戰敗同陳瑞龍走十五嶺護公之父後爲警所中以死與有光皆以義俠稱公歿之六月成棟反正思恩侯陳那傅首上章請卹上幸肇慶於龍舟願問公全家死難狀揮涕久之輟朝一日公父與兵科給事中李貞並奏以聞詔贈資德大夫正治上卿太子少保東閣大學士吏部尙書祖父皆如其官錫之誥命廕一子中書科中書舍人旋以皇太子生覃恩加贈太保兼太子太保武英殿大學士吏部尙書仍

加奉天翊運中興宣猷守正文臣特進左柱國光祿大夫增城侯曾祖祖父皆如其官皆贈增城侯父封增城侯廕一子錦衣衛指揮使世襲父兆龍陞見上慰勞備至曾祖母盧氏祖母劉氏繼母陳氏母黎氏妻彭氏皆封一品夫人又贈侯夫人公無子以弟家珍承廕錦衣衛指揮使仍加後軍都督同知侯家珍生子以嗣公一廕中書科中書舍人一廕指揮使世襲賜祭公及祖母母妻二十四壇遣禮部主事陳子履宣諭賜公葬以眞首香身葬於將軍嶺亥向之原圍禁如創遣兵部主事倫鳳翔宣諭賜金五百兩勅有司造坊建祠公生於萬曆四十三年乙卯十二月十三日終永曆元年丁亥十月初十日享年三十有三年

勝附

三

二十二舉於鄉二十九成進士爲庶吉士三月侍講兩月監軍總督祗席於鋒鏑者七月嗚呼公受恩於烈皇帝淺而受知於襄皇帝深所以報之者亦可謂至矣夫襄皇帝以英文耀武之姿躬統六師奉行天討可謂大有爲之君乃御營文武諸臣不能扶持顛沛迅掃兇殘棄其君於矢石之中之死而不救主辱臣死之謂何嗚呼有君無臣之痛三百年間前有威宗後有襄皇帝我朝之君父何多不幸若是哉豈非天乎天不使襄皇帝成中興之大業公雖優於將畧智勇絕人其何能爲襄皇帝常語公曰朕痛憤國讐枕席之間常有淚痕朕不入閩不興不出閩不成今者車駕親征身等鴻毛爲二祖列宗救茲二三百姓有

進以死無退以生艱難險阻唯卿與共嗚呼公血戰以死忠壯之勞於是乎襄皇帝知人之明爲不負矣至於提鳥合之衆水陸進攻家自爲軍資人自爲鬪具使敵驚服首尾狼顧喋血千里救死不贍而邕管之三宮無恙桂林之諸將不驚崑崙關之一夫可守則公之有功於中興也雖不能救襄皇帝於一月之中而猶能救今上於二千里之外亦可以瞑目於九泉也夫吾粵固多忠義宋厓山之變英豪痛憤謂蒙古滅中國人人得而誅之於是競起兵以伸大義終元之世粵人所在橫戈伐鼓怒氣凌雲無一日不思爲宋復讐計元八十年間與粵人力戰蓋無虛歲元可以得志於中原而不能加威於吾粵粵人之爲元患

勝附

書

也久矣而東莞爲甚東莞豪傑在皇明開國則有何真在中興則有張文烈嗚呼詎不偉哉公之兵或取之四民或取之羣盜女子褰裳而用命兒童白打以當堅自相部勒不煩指揮其戰也人以竹索爲縶絳布屯頭跣行荆棘口含刀而手飛劍木棉之槍長可三丈三尺持之進四尺退四尺旋轉如電從地上挑起人馬擲之空中謂之八步長槍雜以丈二之竹篙錐藤牌絮被燠鋼之鎗輪轉之鈹三眼鳥鎗獨彈龍銃敵之驍騎望而股戰一交旗鼓接風埃輒辟易崩奔不止公之忠誠又能使之無人不兵無民不信一其戰心齊其戎足至於敗也爲敵所屠鄉大小以四五十計人男女以十餘萬計而甘心赴難一無怨言雖時

乎不利一篲功虧而近張虎烈遠保龍輿所以爲至尊効死者諸道義師弗能及也公才高博洽下筆千言在天與則襄皇帝誥敕高文典冊皆出其手在軍則有言兵事薦賢守疆諸疏其復養甲一書詞旨俊偉養甲讀而驚嘆以示諸降紳曰節概梗梗真大丈夫因令付史局時諸降紳有爲養甲羈留修史者蓋愧之也諸著述有大易纂義詞林館課燕山吟南遊草西征集歷代帝王世說名臣論贊百將妙畧其軍中遺稿讀史詩曾呈御覽荷蒙天賞公與師林公游定謀公之事不及詳者余詳之於林公狀中以見兩公相爲表裏云

勝附

書

按明史稱李自成陷京師家玉被執上書自成怒召之入長揖不跪縛午門外三日復脅之降忱以極刑不動自成曰當磔汝父母乃跪時其父母在嶺南家玉遽自屈人咸笑之此據錢狀甲申傳信錄傳聞之誤計六奇略所記略同考文烈自閩回粵時其父母猶在佟養甲蓋本之錢狀致書招之降答書怒憤不肯屈具載行狀中及起兵奉父母軍中奔走顛連萬死不顧詎有於八千里外因闖賊一言而遽屈膝之理馮甦見聞隨筆言家玉罵賊被縛執訊聞見其少而秀拔聲巨詞辨愛而釋之家玉懼不免佯爲文譽賊乘間南走明季南路亦云家玉上書蓋借以逃邵廷采西南紀事言家玉罵賊脫走大致與馮同且論之曰家

王神明英暢北都陷賊審權達節已名蓋天下並不言其跪罵賊當得其實全祖望跋崇禎十七年進士錄云子嘗得流賊所投降官簿一冊頗與諸野史所紀不同張家玉以庶常留館下家玉不入朝捕至不拜縛端門者五日釋之遂投書喻賊賊又臨以刃不動賊必欲授以官家玉忽遜詞受之人皆疑焉不知其以此乘間而逃也又云南中解學龍再定六等逆案傳聞不甚有據如家玉反誤入之後世將何所信焉降官簿所言當最確與馮邵書合然則錢馱之誤全氏已辨之矣今觀行狀稱高公倬欲上書辨公冤又稱公至南京有爲力辨者得復原職蓋文烈爲倪文正周文節門人時阮大鍼

勝附

三

與東林構釁故入之逆案中然舉朝並知其冤旋即湔雪明史不究本末遠采錢馱言使一代精忠蒙冤千載此誤之大者也徐鼐小腆紀年但采錢錄未見馮邵書並鮑琦亭集亦未深考蓋明史惑之也明史又稱家玉監鄭彩軍出杉關解撫州之圍不載其有許灣之捷今觀行狀乃知文烈會兵許灣時以忠憤激勵諸將驅率羸軍破斬敵厥功甚偉當時大兵所至若摧枯拉朽無或抗者文烈此捷實宏光隆武兩朝所未有此捷他稗史俱未載惟邵廷采東南紀事有之稱以爲歸州戰功第一使非鄭彩懦而媚嫉合兵前進直搗南昌雖未遠克然撫州必不失守撫州存南昌有所牽制贛州必不受兵如是則唐王可達江右無汀州之變以唐王之賢得何罪諸將

帥輔翼之事未可知也天不祚明令文烈不克展其手足此可爲慨歎者至文烈起兵後大小數十戰斬馘之多敵人昨指明史削之體例應爾然明史所載家玉矢盡礮裂欲戰無具將傷卒斃欲戰無人烏用徘徊不決以頸血濺敵人手哉語此行狀無之綜觀前後文烈蓋一日不死即一日起兵復讐當時山海諸義士誓死相從一呼即集非萬不能脫必不肯遠以身殉或當日赴水時無此數語也翁山與文烈生同時居同里翁山曾寓東莞所作行狀聞見較真實足補明史所未備末題永曆己亥爲順治十六年時桂王已入緬甸然是年七月鄭成功張煌言方陷鎮江進攻南京中興之望猶未遠絕故

勝附

三

一切稱述仍以身居明代爲詞篇中祖宗今上等字舊皆擡寫間有脫字疑有所觸諱鈔者缺之讀者以意會焉可也真逸識

兵科給事中贈資政大夫兵部尚書先府君巖野陳

公行狀

公姓陳氏諱邦彥字會份廣州順德人先世自銅陵入粵曰陳璽仕宋爲機宜文字從端宗南遷卒於廣州次子大謨元樞密副使樞密之子徙家南海龍山世以貴雄於鄉曰小圃陳氏景泰初析南海置順德縣故公爲縣人祖文學公諱嘉言父處士公諱韶音以公故皆贈兵部尚書祖妣康氏妣鄭氏皆贈夫人處士公操行方巖隱居言性命之學公幼穎敏處士公恆自教之未嘗名他師十八受餼學宮每試冠諸生以文行負重名遷居縣北錦巖從學者數千人稱巖野先生然而四十不售老矣甲申之變走南

勝附

堯

京上中興政要書三十二策報聞而歸思文皇帝入閩得書草於戶部郎蘇公觀生讀之曰奇才也有旨召見未赴旣而特詔授監紀推官公之自南京還也以宏光登極詔舉恩貢復應乙酉鄉試拜官數日而榜發雋第七人遂以推官冠服燕一時榮之隆武二年遷兵部職方司主事監復粵兵萬人出南安時蘇公觀生以樞輔督諸軍援贛州公數以策干之不聽及秋閩中陷蘇公旋師入粵公請其旨曰國未有主公曰邦彥聞國亂先內國危先外今東喪八閩西絕洞庭北淪章貢國家分土十五獨兩粵在耳掃境內以屬閣下及其危而棄之謂天下何蘇公曰然則奈何公曰國自有主非閣下所急敵今全力在閩東事爲急

閣下毋歸廣州而間道疾走惠潮收漳泉未潰以控扼之猶可自立若必以擁立爲功謀議之間動淹時月待越關而後行則士必懼怯而不肯附難以守矣兩粵存亡在閣下東向遲速之間毋亦憂疆圉之不固何憂無主北門之事願留一軍彥請以死守之不聽南安士民泣涕遮道留公蘇公亦不許至廣州聞上出潛桂邸監國梧州平粵伯丁魁楚柄用蘇公舊與魁楚隙不憚公引義固爭乃遣公奉箋勸進且請迴鑾廣州公瀕行數以惠潮爲言旣行而思文皇帝四弟唐王諱聿錞者浮海自閩至紳士不得志於時者從與蘇公擁而立之廣州改元紹武嚮官無暇日屠販之子高車於道中而公未知也西至梧州方上啟候

勝附

堯

令旨夜被酒卧漏下二鼓中使十餘人燈火連江呼陳主事船公驚起曰事變矣衣冠入對上御龍舟太后垂簾平粵伯魁楚侍承旨語東事畢因問曰今非戰則和二者安出公對曰不可我弱彼強以戰則非敵我直彼曲以和則非名敵急矣觀生若不悔禍亡無日矣悔禍則不得不請和於我無事而先求之示之弱也粵西之士不長於舟楫督府諸軍四出而未返其在蒼梧高峽間者大抵皆新募之衆也浮囂鈍懦未見大敵以戰必不勝未見勝而戰焉遺之禽也故曰不可且天家之盾中州之產盡區區兩粵中不以死仇讐乃反而死於骨肉乎方今之計獨宜速返端州正大位以屬人心繕舟固險馳檄遠近摩厲以觀其

變今南雄之守皆西山勁卒藉以取詔其勢必舉粵東十郡我制其七而使以其三代吾受敵從而乘其弊猶或可也何必戰上曰善明日擢兵科給事中齋敕還諭觀生時丙戌十一月九日也十八日上卽位於肇慶詔以明年丁亥爲永曆元年公東至廣州蘇公奏署公爲刑科都給事公止郊外不入使從人奉敕而遺書蘇公指陳利害廣州君臣益怒而蘇公顧恐懼欲和會總督林公佳鼎以舟師與廣州總兵林察戰爲所紿一軍覆沒蘇公絲是驕無和志廷議水軍新敗無以爲守於是上幸西粵公西歸朝廷不得乃易姓名林居士入高明山中十二月口總督佟養甲提督李成棟甲士六萬自閩攻潮州惠州潮惠降乃輕

勝附

甲

騎襲廣州而用潮惠印符日爲文書郵廣州報平安蘇公不設備望日黎明唐王將幸學百官畢集或報敵至蘇公怒曰潮州昨日有書那得敵兵妄言斬之三報斬三人而兵溢城內矣唐王踰牆走出被執蘇公死之元年正月上在柳州成棟盡銳西向破肇慶遂圍桂林公出自山中臨西江之口望敵旌旗歎曰莫救也夫若乘其未定得奇兵徑襲廣州此孫臏所以解趙也時順德大盜余龍衆數萬聚甘竹灘上粵之餘兵敗將倔彊者往往依焉公駕扁舟獨詣龍軍三日結其酋豪握手傾談人人得其歡心說以攻廣州龍許之二月十日龍率舟數百從海道入遇敵百餘船於東莞焚之進薄廣州養甲閉城不出而遣飛騎日

夜走桂林追成棟軍城中豪猾夜起劫掠養甲不能禁或獻計曰龍輩妻子財物皆聚甘竹羣盜無遠圍可以虛聲走也乃流言曰成棟還勦甘竹且盡龍懼引退然成棟得報亦解圍而東桂林絲是得完於是公起義兵於高明使門人生員馬應房以舟師攻順德三月侍郎張公家玉起兵東莞公與張公書曰成不成天也敵不敵勢也姑置勿計今主上殷憂王師風鶴若得牽掣敵騎使數月毋西則潯梧之間可以完葺是我不必收功於東而收功於西也張公然之敵自是不能復西四月成棟敗余龍於黃連焚舟二百應房迎戰亦敗死之公身下江門收其燼餘軍復大振養甲患之使數十騎掩公家於龍山獲妾何氏二子

勝附

三

和尹虞尹遺書招公公不答判其後曰妾辱之子殺之身死朝廷義不私妻子也其後養甲卒殺之公約衛指揮楊可觀楊景堪爲廣州內應而說花山盜三千人僞降得守東門於是與大學士陳文忠公子壯會師九江約文忠從徑道攻廣州西南而公從海道攻其東北且邀成棟歸路期七月七日薄城城中人三鼓皆發期約既定公引軍而東文忠遂以五日薄城城中人回俟期而文忠家僮有乘馬張檄城下者爲養甲所得一鞠遂吐事實可觀方與景堪計事聞文忠攻城驚曰死也奈何先期負我此必洩矣語未畢捕騎至養甲使引餘人可觀怒曰所以屈身爲若輩用者正爲今日丈夫斫頭耳終不緩一死殺天下英雄

也養甲並殺之而犒花山三千人伏甲士於空院分伍而入入則斬之成棟方敗張公於新安聞之趨歸公偵知之度其夜當至弔珠乃密令治火具使報文忠曰成棟夜至必遭吾火懼其餘舟奔突請嚴陣待之青旗而朱旂者我師也夜半報至文忠未即傳令七日鷄鳴成棟至弔珠火舟縱橫起蘆葦間公引軍旁擊之焚其巨艦數十成棟率輕舟前走公乘風追之環城而西平明迫又忠軍養甲從城上擊鼓助呼喧聲震天文忠諸軍望帆檣千翼蔽空而上者以爲盡敵也陣動文忠雖知之然倉卒傳令不及後軍拔船先走成棟因擊之遂潰公乃收兵攻城城上揭可觀景燧首公祭而哭之轉攻三水高明並復之鏖戰新會

勝附

望

香山間一月十餘捷清遠衛指揮白嘗燦舉城迎公公率軍赴之池水諸鄉釋耒耜輦芻粟以佐師四會韶連翕然響應廣州之咽喉中絕成棟盡銳爭之公設柵江上以拒成棟成棟不得戰值天北風總兵霍師連以火舟出柵先擊成棟舟成棟敗走師連率舟追之數里風反成棟因火舟以攻我我舟却迫柵不得入盡焚退而守城成棟圍之數重十日不拔周行郊外見古廟曰得之矣乃伏人廟下穴地及城剗城根而實之火器戰酣火發城崩十餘丈公率死士巷戰自曉及午頸被三刃左右死傷略盡走朱氏園亭題詩於壁曰無拳無勇無餉無兵聯絡山海矢佐中興天命不佑禍患是嬰千秋而下鑒此孤貞又曰平生報

國懷深望斷西方好音已共萋宏化碧還同屈子俱沉又曰戀闕孤懷盡懸絲一命微負傷如未覺無淚不須揮魚吮艱貞血水爲賻縵衣祗應魂氣在長繞玉階飛書舉赴池敵騎適入引出公曰我陳兵科也檻車致之廣州養甲欲降之使醫視創膳者進食公笑却之問何言公自書生平一紙及清遠題壁三詩養甲亦笑袖之下於獄五日不食端坐賦詩意氣陽陽若無事者養甲知不可屈遂見害臨命歌曰天造今多艱臣也江之泝書生漫談兵時哉不我與我后兮何之我躬兮獨苦厓山多忠魂後先炤千古歌畢西向稽首受刃永歷元年九月二十八日也於時好事者爭投紙筆求遺書故臨難諸詩傳焉或言公被害時

勝附

望

監刑某取視其肝肝忽躍着面某驚墜馬歸病而死治其病者歐陽生言之嗚呼痛心尙忍言哉公歿後一月侍郎張公家玉戰敗自溺死又一月大學士陳公子壯被執死之又三月成棟以東粵來歸上嘉公忠制曰邦彥奉敕宣揚叩頭泣血山林感奮義勇願忠却敵西行牽之東願醞釀□□□□中興之業實賴爾二三臣起義之功加贈兵部尙書廕一子錦衣衛指揮僉事世襲賜祭二壇加祭一壇全葬仍咨內閣擬諭行地方官設廟歲時致祭公長身美姿髯目炯炯視日不眩爲諸生日剛毅喜任事每郡有大議諸薦紳會坐或至終日不決公遙於坐末申論可否了了數言聽者折服諸大老或先期就公問所宜其在邑

令所經畫必取決於公癸未秋傍海所在盜起公乞餉於富人募鄉兵拒之明年春饑公又乞粟以賑餽粥百日食者三千人富人服其無私卒莫怨也其卒也門生耆老爲位哭祭者相望於諸縣所著書多散軼存雪聲堂集十卷公生於萬曆癸卯四月朔得年四十五配南海彭氏今贈夫人先公卒四子恭尹馨尹和尹虞尹一女適同鄉舉人馮公顯忠之子生員惺和尹早慧七歲器識如成人與虞尹並歿於難馨尹死於軍恭尹逃之增城爲口知縣所蹤跡父友貢生湛粹破千金匿之以故獲免永曆三年七月兵部題奉旨恭尹准世襲錦衣衛指揮僉事謹具先府君願官死事始末伏請咨內閣擬諡并咨史館編錄謹狀

勝附

醫

不孝子恭尹泣血述

按行狀末數語蓋永曆三年桂王未賜諡忠愍之前咨內閣史館作舊附刻巖野集後前有門人何絳錄後有門人羅大賓填諱字時獨澆年十九歲疑絳與大賓共成之也明史陳邦彥傳無甚異可疑據此行狀爲之特務爲簡括於忠愍之忠忱偉略不盡顯著耳

真逸識

九龍真逸既輯勝朝粵東遺民錄復以所得陳文忠張文烈陳忠愍行狀附刻於後當明之季粵人氣節之盛實自三公倡之蓋忠義之感人深矣真逸嘗謂三公當合祀一祠以繼厓門三忠之後表揚風化激厲末俗此亦賢士大夫之責也因並記其語以諗後之讀是書者丙辰夏六月閩道人敬識

勝附跋

墨

烈士報館錄



觀瀾三宅先生傳

先生諱緝明。字用晦。號觀瀾。又端山。京師人。或云美濃人。先生天資聰悟。書史過目成誦。家素貧困。備書養父母。朝夕誦習。孜孜不倦。人稱其力學。元祿十二年。以鶴飼真昌薦仕水戶。為史館編修。賜祿二百石。時年二十六。先生赴水戶旅中。賦七言律詩一篇。曰。倚關攬轡立多時。身逐東流何所之。長水雙鳧眠不解。平田獨鶴立如思。雲尖欲雨前程遠。天末無山落日遲。不是涓人能買骨。金原多馬好追隨。小金原。有牧馬。後累遷為總裁。嘗著中

古雨亭叢書

傳

興鑑言。凡南山事實。素所熟諳。故新田楠奈和等諸傳。多成其手云。初先生受業於淺見綱齋。及出仕。為師門所絕。以出處異趣也。又遊于木下順恭之門。遂以新井君美薦。與室直清同擢為博士。正德壬辰。朝鮮來聘。命就客館唱和。其詩文輯為一冊。名曰支機間談。享保三年戊戌。病剝卒。年四十五。其友人梁田邦美作文祭之。且與書桂山彩巖曰。物徂徠老矣。弩末不能入縞。天又奪藤煥圖。如失左右手。室鳩巢醉乎古先生。澹泊自守。無關心也。三宅觀瀾。豎幟駿臺。堂堂正正之威。殆使

牛門塞關。不敢東飲馬矣。不幸星隕可歎也。著有觀瀾文集。觀瀾談餘。萍水集等。

論曰。先生以文章史學。為世所重。然以其學實出于綱齋。深於理學。觀其文辭。而可知其所淵源也。早遭遇義公。又擢明時。一遇猶為難。而況弄乎。但恨不幸蚤世。不得盡所蘊。設使假之以年。與白石鳩巢諸人。進能濟大用耶。其所裨益。有匪淺鮮者。蛻翁之嘆惜之也。宜矣。

安中城主板倉勝明子赫撰

古雨亭叢書

傳

烈士報警錄

平安 三宅緝明用晦著

元祿十四年辛巳春三月。敕使前大納言藤原資廉。前中納言藤原保春。院使前大納言藤原熙定。來江府。命使內匠頭淺野長矩。接待。敕使左京亮伊達宗春。接待。院使十四日。延使報謝。詔命辰刻。儀未行。長矩卒拔刀。擊高家高家掌王京接應之事。接待官。每察指授。上野介吉良義英。義英被血脫走。又擊之。仆不死。梶川賴照稱與三兵衛。從後抱持長矩。呼目付收之。後增賜賴照祿五百石。賞之也。諸高家

自雨亭叢書

烈士報警錄

赴至。擁義英入直房。目付就訊爭故。長矩對自奉。命接待。上野介每以非禮見遇。是以及事。義英時曰。臣素與內匠面識而已。數日公事相聞。不知有甚乖沮。乃令大目付伯耆守仙石久尚。命曰。內匠頭既正刑矣。卿治所創。供職如故。長矩賜盡于右京大夫田村建顯邸。時倉卒。不暇使脫朝服。檢使下總守。在田安利。既至。引出之。傳命曰。卿為私爭故。臨國大禮。用刃殿內。大不敬。其自盡。暨家士領屍。葬于府下泉岳寺。義英為入食蹟。長矩義英。卿之。每有咨察。答以慢。欲令誤事。是日。殿內相遇。又有所犯。畏刑。一時憤激。遂至刃擊。世所傳有數說。難

得的確。然大明日。命淡路守脇坂安照。肥後守木下意不出此也。

公定。往收赤穗城。荒木十左衛門。榊原采女。名不詳者。以稱書下。

之。監之。既凶問至赤穗。長矩長臣大石良雄。聚眾言曰。

上野介在。吾曹唯有枕城耳。大野九郎兵衛亦與良雄

同班。遽齎財貨。倡為逃計。城眾凡三百餘。多從焉。其稍

有志。部長往往抑令不通。應義者。僅五十八人。相共刺

血盟誓。良雄乃作口狀書。使多川九左衛門。月岡治右

衛門。長矩之臣。齎至江府。致之。長矩外親采女正戶田氏定。

時松平綱長。淺野長道。並封國。而氏定適參于府。曰。內匠頭有罪伏法。臣等謹

自雨亭叢書

烈士報警錄

二

以服命矣。但家眾以上野介殿故也。以謂生不復可面于。人。臣等屢加訓諭。田舍人頑乎弗聽。然於君上。毫無所恨。亦計各自刃。枕城死耳。今將以此意。報目付官。恐或沮閣弗通。敢告左右。以希轉達。氏定作答書。使家士中川甚五兵衛。召長矩邸士。並二使。告曰。赤穗士眾。能聽我所令邪。必通前言于目付邪。二使對曰。臣之出赤穗。眾約采女正殿。別有指揮。俾我曹得完名義。則便還報。不須更告目付官。臣今非閱報書。未知所對。乃示之。文曰。家眾所議。絕為粗戾。亦坐不審。此方事宜也。內匠

平生敬上奉公。此卿等所素知也。則卿等所以為忠。莫若速納城解去。別致言曰。必通前言于目付。目付達之公聽。則大學長矩之弟長好及諸宗族。豈可得無不利。卿等宜思甚。五兵衛亦曰。采女正敢為諸君休無過。天下孰得以授城為議。二使乃還報。氏定及長矩宗族安藝守松平綱長。土佐守淺野長澄等。頻馳書諭眾。所言皆同。眾乃更議。會死花岳寺。在赤穗乃濁野氏之墳寺。而良雄與奧野將監進藤源四郎。小山源五左衛門。長矩之臣。原元辰等。竊定輸城。徐圖義英也。會眾言曰。有故更議輸城。諸君宜解去。

上南亭集書

烈士報警錄

三

既退。與眾微和言曰。諸君此去。豈無復死所哉。眾或喻其意而罷。或怒思圖良雄。岡島常樹以謂致沮議者。九郎兵衛也。斬之足矣。往見之。九郎兵衛稱疾不出。常樹直入內門。詎呼使出。九郎兵衛大怖。乘婦人輿。出城逃去。九郎兵衛子郡右衛門。率妻孥繼亡。會乳母抱幼女。臥。恐其覺也。不告而去。良雄憫之。令其親家收育。由是眾益離沮。而輸城之議定矣。方是時。公使將至。隣郡牧守。出兵界上。以虞變。民庶騷洶。幾荷擔立。良雄率吉田兼亮。原元辰等。日坐廡舍。接見吏民。應對四方。戒擾動。防逸亡。內外諸事。一莫壅滯。城中賴寧。及使至。

也。繕橋道。纂必復。候迎唯謹。悉籍所有器械金穀。至紙鈔出入。租稅完欠之細進焉。候其循城。以口狀書請曰。臣等遵松平安藝守。戶田采女正。淺野土佐守所令。謹以納城。然淺野氏勝國以來。世被恩眷。今有大學見在。願其赦罪繼家。公使昇坐。良雄又以面請。至夜。公使召見。曰。子之施為。殊厭人意。所請當為馳報。安意俟之。因饋魚鮮。以嘉存焉。四月十九日。輸城解去。尋義英請致仕。聽之。子義固襲祿。而至八月。命梳長矩弟長好祿。令綱長錮之。廣島城。綱長所鎮。良雄自去赤穗。居城州。

上南亭集書

烈士報警錄

四

山科。協亂義眾。專圖報復。遣歸妻及幼女。次子為僧。而或出游京師。淫蕩無行如狂。至披僧衣。攜婦女。白晝醉市。聚傭夫與蒲博。散髻不佩刀。以縱飲娼家。雖親戚。惡其為。絕不與通。良雄妻父石來源五兵衛。住甲斐守。良金將如江府。在談及源五兵衛曰。再讒我。豈復見。警家偵知。以謂無能為也。明年三月。良雄使兼亮率數人。先入江府。掌規形便。變姓名。僦市巷。詐稱為多貨者。以故眾日夜來往。人不之怪。神崎則休。前原宗房。佯為販夫。居義英第側。因出入以探動息。有所得。即遞報。十月。良雄子良

金來江府。亦變姓名。稱垣見左內。良雄繼至。稱垣見五
郎兵衛。時眾稍逃盟。在者五十五人。義英畏警。屢遷夜
宿。莫測其處。而性常以茶事為嬉。良雄乃訪得其所。喜
茶人。使大高忠雄伴為富商。與之交歡日暱。茶人偶語
及十二月十四日夜。集飲義英第。忠雄欲覈其實。經日
贈之帛段。詭請曰。近將遷鄉。期十四日夜。過所居以執
別。茶人果辭以前言。於是良雄聚眾。約十五日拂曉舉
事。時眾又逃盟。在者實四十六人矣。立約約曰。一當夜
眾人並向。點定三處。赴期會齊。一期至即發。勿得遲誤。

日南軍叢書

烈報警錄

五

一獲警首。梳衣包裹。持去祭之。泉岳寺。途或遇。公使
見邀求。隨即授付。勿為深拒。一獲左兵衛首。置而勿攜。
一傷者扶去。其不可扶。斬首而出。一獲警父子。常吹器
相集。一退時鳴鉦率出。一退當山後門。一退路當入無
緣寺。不內。且駐兩國橋之東。一退路即第。或出人攔阻。
告曰。我等內匠家士。今得報警。入無緣寺。以迎。公使。
倘虞逃散。煩為隨後監送。一警家追躡。當即逐鬪。一先
未獲警。公使既至。當一人出腰門。詭請曰。今既獲警。
請斂眾而後出謁。吾曹懷必死。不敢逃匿。願被暫待。

公使固要入。對以眾未戡定。恐有誤犯。勿卒開門。今
所示引退條令。特欲臨時不迷耳。專懷退。則易志進。雖
即退。亦不得生。抑眾人進決之際。奮身勿顧。制號。眾皆
綴白片布于雙杖。問曰。山。峇。口。川。以為號。按第圖。定部
分。眾皆戴鐵兜。衷鎖甲。外為潛火吏服。攢擔弓鎗長梯
大椎從之。則休鄉導。夜四更至。至則槌門。綠屋。乘高亂
發。呼曰。內匠家士。為報警來。第眾狼狽。不能出拒。拒輒
斬。婦女若逃者不害。遂亂進入室。每室燒燭。依明亂搜。
不得。乃捕劫一人。導至寢所。則義英既逸。匪側房。有乃

日南軍叢書

烈報警錄

六

倚席。卧被尚暖。眾知其逃不遠。更旁搜數四。不得。聞光
興至房側。偶聞囁囁有耳語聲。破戶呼曰。得無是邪。眾
聞發矢奮鎗薄之。房乃藏茶具者。義英於此窘甚。亂擲
莞物烏炭。拒之。出二從士鬪。亦見殪。武林隆重揭燭照
視。見其著白襯衣。在隱所。不肯出。光興從後突入。鎗刺
之。義英拔副刀方起。隆重既攙進。斫而殪之。而眾無識
其為義英者也。見額及背有創痕。喜曰。此非亡主所手
擊哉。良雄令光興斬其首。梳襯衣藉之。捕一人識認。果
是矣。眾起亂呼。素義固不出。乃吹器相聚。滅燭灌竈。戒

傍巷曲火。挈首擁去。天明至無緣寺。在距義英第百步許。不納。轉

經長矩故邸。在府下築地。乃今賜物。佐酒井忠園。適泉岳寺。距第二比里許。比

至。警家無追躡者。乃祭首長矩之墓。焚香羅拜畢。付之

寺僧。善收之。是夜所殺凡十六人。傷三十餘人。我衆

被創二。跌撲自損三。長雄預作具名書二通。一則留義

英外廳。一則途遺兼亮及富森正。因齋詣仙石久尚。其

言曰。內匠頭以私故。擊上野介殿于殿中。坐是場自盡。

收城邑。謹已奉命矣。特登時為旁人被遏。所仇獨免。伏

刃之下。為懷何如。凡在臣行。不得忍也。以吾曹之與貴

甘雨亭叢書

列女報警錄

七

人相仇。罪不容誅。而君父之讐。竟不可與戴天。今日敢

擬伸報。亦冀以濟亡主之意爾。既而二人至。久尚血衣

泥足立廳前。納書請曰。內藏助以下。並在泉岳寺。聽候

官裁。久尚則出見之。曰。果了上野介邪。對曰。是久尚

命。食具洗沐。授衣改著。以事上報。乃命諸目付。召良

雄等。于久尚第訊狀。良雄與兼亮從容對以所有。目付

問左兵衛義國稱何為。良雄兼亮相目而笑曰。好鬪。遂分

拘良雄等於越中守細川綱利。隱岐守松平定直。甲斐

守毛利綱元。監物水野忠之等邸。初良雄之去。赤穗竊

取長矩藏金萬餘兩。自隨。人多污之。而它日義舉之需。

皆取資辦。支費至盡。至是為簿具注。緘如郵書。使人結

束為脚夫。十五日拂曉。持遣長矩夫人許。夫人已寡。依式部少輔淺

野長照稱來自京師瑞光院。在京師大德寺。世同淺野

院。此置之而去。以明無所私也。明年二月四日。命付

義因于安藝守諏訪忠虎。拘置諏訪城。罪其不恤父難

也。衆之襲第。義因執長刀。與武林隆重合。被傷而走。隆

穴。在傷中。斃。因所創。一而一背。傷膚而已。府下傳以爲

笑。後有司毀義良雄等。就所拘之四邸賜盡。命曰。前

甘雨亭叢書

列女報警錄

八

者。涉野內匠所犯大不敬。論死如法。而吉良上野介原

而不問。汝等乃誣以主讐。結聚徒衆。執持弓矢。擅殺不

憚。抗法之罪。增係深重。其各自盡聽。四家葬之。長矩墓

側。各為立碑。流其諸子于伊豆大島。年幼侯。至十五。遣

之。為沙門者。免。府下往觀碑者。填湊成市。坊間又梓衆

姓名年甲。鬻之。大售。至所遺戒具。見爭質寶藏焉。

義士四十六人。前有故。不預。城中盟者多。

大石良雄。辨內藏介。其先出自鎮守府將軍藤原秀鄉

世。領近江栗太郡大石庄。因氏焉。庄枕湖高山四圍。人

多驍勇。雖經世亂。不被侵掠。中世隸足利氏。應仁之亂。閩族戰亡。特有小山久朝者。父大膳大夫。兄九郎。名俱。仕足利持氏。持氏叛。足利義教。敗而自殺。結城氏朝奉。其子春王安王。據城復叛。大膳大夫與九郎從。在城中。義教遣兵。悉虜殺之。以故久朝自幼流落居京師。而大石乃與小山同出。庄民迎以為嗣。久朝而上。系譜沒我。熾莫所考。久朝三子。久重。泰賴。朝重。久重子曰重綱。重綱子曰金右衛門。名仕。足利義昭。織田信長。攻殺之。奪其地。朝重生。重國。重國生朝良。朝良生良信。初稱新七。

自前中書

初七報錄

郎後改久右衛門。仕豐臣秀次。秀次敗。屏居大石。生子良勝。始仕采女正淺野長重。有戰功。及長重子長綱。改封播州赤穗。從從焉。祿千五百石。生子良欽。亦稱內藏介。良欽生良昭。稱權內。早世。良雄乃良昭之所生。承重。良欽以襲世職。為人和易簡樸。不喜矜飾。長矩之時。有故。雖任國老。於事鮮預。而內實剛潔。存忠概。最厚族人。至輸城。人始知其有幹畧焉。既死。泉岳寺僧命法名。曰忠誠。年四十五。生三子二女。長乃良金。餘皆幼。大石良金稱王稅。良雄之長子。來江府日。既加首服。其

至仙石久尚宮。日付特呼出之。問曰。年幾。對曰。十五。日付顧良雄曰。子有好兒。在坐為之飲泣。吉田兼亮稱忠左衛門。為郡代。祿三百石。年六十三。輸城之日。與原元辰。共助良雄。綜理諸事。近藤源八亦長矩之臣也。名知兵。兼亮嘗從學。未就。長矩敗。源八不應。義盟。逮眾解去。兼亮就之終業。曰。吾將有所用。豈顧其人何如哉。數月。乃來京師。與良雄協謀。前後施設。皆出其策。吉田兼貞稱澤右衛門。兼亮之子。年二十九。

自前中書

初七報錄

原元辰稱總右衛門。足輕頭。祿三百石。年五十六。與堀部金丸。間充延。並老成。忼慨。眾之濟事。多賴其力。片岡高房稱源五右衛門。內證用人。祿三百五十石。年三十七。初與磯貝正久。居赤穗。聞訃曰。上野介讐也。與俱如江府。計刺之。至此。與眾赴節。間瀨正明稱孫九郎。正明之子。年二十三。小野寺和秀稱十內。京屋舖留守。居。祿百五十石。磯貝正久稱十郎左衛門。物頭。祿百五十石。年二十五。

三二作

堀部金丸稱彌兵衛致仕故江戸留守居年七十七。
 堀部武庸本姓中山氏稱安兵衛金丸之養子襲父祿
 二百石年三十四本父仕信濃守滿口某有故屏居以
 死武庸去依人于江府母舅菅野六郎左衛門仕于左
 京大夫松平賴純與友有爭期聞于高田馬場行過武
 庸告以事故曰此非可以告子或云六郎左衛門先
 遺累在願煩付託武庸曰付託事在後日安而親伯父
 期決可束手而已哉固請偕往或云武庸請偕往六郎
 遺書訣所依武庸請偕往六郎六郎左衛門從一奴仇從徒三人武庸進
 為馳赴馬場

甘雨亭叢書

列女報讐錄

十一

方與一人聞斬之。一人從後來擊。幾中。乃旋身橫斬之。
 一人望勢逃走。而六郎左衛門及奴亦合擊斬仇。時六
 郎左衛門被重傷不能起。武庸乃歷刺仇屍使其死穩。
 扶六郎左衛門行里許。投一人家。決時六郎左衛門終
 死。武庸出市買棺斂之。使奴負送僧寺還。更至馬場關
 庭。則路人停觀如堵。乃混眾中。視仇家來斂屍首。徐而
 歸家。初聞仇刃及帶。斬寸許。隨不補綴。人問之。輒曰。所
 以得有今日者。賴此帶爾。我將留以記其功。後憑金丸
 求仕長矩。金丸愛其勇薦之。久不見舉。謂武庸曰。幸我

無子。子必求仕。何不來為嗣。武庸曰。此是下情所願。請
 退謀所親。金丸慨然曰。子無分決。莫復以言。武庸謝曰。
 唯命。然冒姓以獲祿。非我之志。而公之子。我亦將有取。
 繼續非其所料也。請從本姓。見稱金丸可之。即席結成
 父子。居歲餘。武庸乃曰。於我足矣。始冒堀部。或云金丸
 庸助身殺仇。輒憑其友。請見之。數日。又往。語曰。聞子孤
 寓。求就仕。我有族人。喪嗣者。願得子以託。姓可被許否。
 武庸不可。數日。又往。曰。前者難於斥言。託名相報。其實
 求嗣者。我爾。我故無子。前聞子勇於眾中。言曰。必得斯
 人以為吾嗣。眾笑曰。以彼之材。安肯來。續子家哉。吾答
 彼以武節自任。我以士氣相託。必可致也。子今固拒不
 聽。忍使我無辭於眾邪。武庸之濟事。武庸與奧田重盛
 庸聞之。慨然結成父子。

甘雨亭叢書

列女報讐錄

十一

功謀最多。
 近松行重稱勘六。祿二百五十石。年三十四。
 富森正因稱助右衛門。祿二百石。年三十四。舉事之日。
 訣母。母贈所著白觀衣曰。汝著之以死矣。母懷我為。
 潮田高教稱又之丞。祿二百石。年三十五。
 赤垣一作重賢稱源藏。祿二百石。年三十五。
 奧田重盛稱孫太夫。祿百五十石。年五十七。
 奧田行高稱定右衛門。重盛之子。年二十五。
 矢田助武稱五郎右衛門。祿百五十石。年二十九。

大石信清稱瀨左衛門。良雄之族弟。祿百五十石。年二十七。

早水滿克稱藤左衛門。祿百五十石。年四十。

間克延稱喜兵衛。吟味方。祿百石。年六十九。

間光興稱十次郎。克延之子。年二十六。

間光風稱新六。亦克延之次子。年二十三。前有故罷去。

至此死節。

中村正辰稱勘助。右筆。祿百石。年四十八。

菅谷正利稱半之丞。祿百石。年三十六。

二作

甘雨亭叢書

烈士報警錄

十三

不破正種稱敦右衛門。祿百石。年三十四。嘗有故罷去。

至此死節。力闘多殺爲最。

千馬光忠稱三郎兵衛。祿百石。年五十一。

岡野包秀稱金右衛門。初名九十郎。年二十四。

木村貞行稱岡右衛門。祿百五十石。年四十六。

貝賀友信稱彌左衛門。藏奉行。切米若干。年五十四。

大高忠雄稱源吾。近習。切米若干。年三十二。

岡島常樹稱八十右衛門。實原元辰之弟。勘定役。切米

若干。年三十七。

武林隆重稱唯七。近習。切米若干。年三十二。

村松秀直稱喜兵衛。來江府。薙髮號隆圓。近習。切米若

干。年六十四。

村松高直稱三太夫。秀直之子。年三十七。

倉橋武幸稱傳助。扶持奉行。切米若干。年三十二。

杉野次房稱十平次。近習。切米若干。年二十八。

勝田武堯稱新左衛門。中小姓。切米若干。年二十八。

前原宗房稱伊助。金奉行。切米若干。年四十。

矢頭教兼稱右門七。年十八。與父長助。俱預城中之盟。

八作

甘雨亭叢書

烈士報警錄

十四

良雄憫其幼。教去。教兼怒曰。公以我年弱。不能爲邪。拔

刀將自死。衆救之以止。長助後病將死。授甲一領于教

兼曰。汝克從內藏介以濟復讐。教兼奉其言。及入讐第。

書父法名。藏諸鐵兜之中云。

神崎則休稱與五郎。步行橫目。切米若干。年三十八。

茅野常成稱和助。步行橫目。切米若干。年三十七。與神

崎則休。初仕美作守森忠繩。忠繩國除。去仕長矩。僅四

年。

橫川宗利稱勘平。步行。切米若干。年三十七。

贈作

三村包常稱次郎左衛門。臺所小役人。切米若干。年三十七。衆之在赤穗會議。偶呼酒。包常執注而進。衆拚盟。册不令親。包常曰。風聞諸公有結義之計。雖以僕賤。願勿外焉。衆笑曰。匪汝所知也。包常色怒曰。今段之事。豈有貴賤。請不已。良雄隔障坐。聞之曰。次郎左衛門言是也。我不遺汝。自後數命以事。包常奔走弗懈。衆猶謂親賞已。至此死節。

遺子二十八

大石吉千代。良雄次子。年十三。前爲僧。居但州豐岡興

甘雨亭叢書

列傳卷之

十五

國寺。寶永八年。疾終。

大石大三郎。良雄第三子。年二歲。

吉田傳內。兼亮次子。年二十五。

原重次郎。元辰子。年五歲。

片岡高房子某。良雄養爲子。以嗣男山大西坊。

片岡新六。高房長子。年十二。

片岡六之助。高房次子。年九歲。

間瀬貞八。正明次子。年二十。

富森長太郎。正因子。年二歲。

矢田作十郎。助武子。年九歲。

中村忠三郎。正辰長子。年十五。

中村勘次。正辰次子。年五歲。

不破大五郎。正種子。年六歲。

村松政右衛門。秀直次子。年二十三。

奥田清十郎。行高子。年二歲。

茅野猪之助。常成子。年四歲。

木村総十郎。貞行長子。年九歲。爲僧。

大岡次郎四郎。貞行次子。爲長矩家士。大岡藤左衛門

甘雨亭叢書

列傳卷之

十六

養子。年八歲。

岡島藤松。常樹長子。年十歲。爲僧。

岡島五郎介。常樹次子。年七歲。爲僧。

吉田傳內。間瀬貞八父死。依親于中務大輔本多政

武鎮所。中村忠三郎依親于大和守基忠鎮所。村松

政右衛門。舊仕長門守小笠原長定。及流。三家厚資

遣之。

先事死者四人。戰城中之盟。

萱野三平。中小姓。長矩滅。歸依父子攝州萱野。父命冒

繼他姓。固辭不聽。乃謂君誓不可復。父命不可從。自殺死。

岡野金右衛門。與子包秀同稱物頭。並祿二百石。病死。

矢頭長助。教兼父也。勘定頭。祿百石。病死。

橋本平左衛門。祿百石。自殺死。

後事死者一人

小山田十兵衛。年八十一。前已致仕。薙髮號一閑。長矩滅來江府。依女家。以子左衛門在盟中。心竊自喜。庚午十一月。左衛門盜片岡高房衣資亡去。事濟之後。

甘雨亭叢書

烈報警錄 十七

府下傳良雄具名書。一閑始聞其逃節。自殺死。岡林本

千石。不應我盟。去居江府。辛未正月。遂自殺死。家訴之。有司論以病狂。或曰。親族逼使自殺。

赴義赤穂者五人

岡野次太夫

井關繼兵衛

井關紋左衛門

大岡清九郎

中村彌太之丞

右舊仕淺野氏者。擔甲赴赤穂。請與死守。良雄曰。此

舉非叛也。不宜納游士。不許。

前載盟後逃節者七十四人

或預城中之盟。事散。輒逃。或來京師。初協謀。後背去。或至江府。近期而亡。如寺坂吉右衛門。至十四日夜。不知所之。故具名書。列四十七人。

附

常憲廟之苑。行赦。釋淺野大學。還江戶。大石良雄以下諸子。自流所還。年幼。疾遣者。並蒙豁免。明年。賜大學祿五百石。正德三年癸巳。安藝守松平吉重。授良雄子大

甘雨亭叢書

烈報警錄

十八

三郎祿千五百石。

烈士報警錄終

跋烈士報警錄

狀我所天之謂警而長矩之舉私忿也不敬之坐公法也。以私忿而死公法非有能操戈判刃主使而陰中之者而然。良雄其將不知所施而必濟不遂之意。償單死之怨。以與我主同科並誅而後已焉者。何邪。分然爾安容已。唯其不容已。斯與義英正不戴天之名矣。若夫佑抑予奪。有司之所嘗論定。乃結徒持兵。震驚城府。擅相誣斥仇殺。抗上之罪。罪足可斂。則錮之。流之。市斬之。門誅之。亦皆法之所當然。而我之所不得而料耳。此蓋良

古雨亭叢書

烈士報警錄

十九

雄之所以為心。觀之遺言。晰然可見。而致誠之道靡缺。而奉法之敬。未嘗不存。委命於公議。而取安乎心理。終始曲盡。從容有餘者。固非夫。硬硬好氣。決激諸一旦。而為之比也。予恐世所記淺狹。不足傳也。輯以為編。傳聞之際。未免錯脫者。付之後日訂補。予素居江府。諸人舉小冊見示。詳錄事狀。載以餅店口詞。並義士誦歌。祭長相墓文。一時傳以為信。及訂正之。悉皆市井好事者所偽作矣。嗣後所見諸記。訛誤附會。往往而是。予所纂江府之事。則實之。良雄堂親。良九。編正司者。其人今仕潮。親見。聞定。為此編。細故。泛言。捨而不錄。蓋雖漏脫之尚多。而此編所記之外。傳得其真者。亦什而無一也。玄溪父仕出雲守本多政利政利國除因為處士玄溪居

京師以醫為業。與于最好。庚辰歲始仕。淺野長矩。從在江府。長矩敗。與眾至。赤穗。遂退還京師。我舉之事。莫不參畫。及良雄東來。謂之曰。君臣之義。雖無異同。而于仕前主。為日殊淺。且子以醫人。為眾所知。動足東發。必起人怪。請留為理。後事。以故玄溪不從。後請吁武人之成。國招辟。並下。應。正德元年。病終。京師云。吁武人之成。風。五百年于今矣。泊濡滓礪之餘。卒待四十有六人。以發沛乎江河。率去。赫乎日星。並縣。自舉事之始。海內疎乎若有震。而至伏刃之夕。愕乎亦若有喪焉。則其聲烈。輝英之所流及。豈無復伴。讀此編者。扼腕三歎。繼之涕泗交下。以風勵乎千載之下也哉。綱常之道。罔墜。而忠義之靈。不朽。三宅緝明識。

古雨亭叢書

烈士報警錄

二十

Table with multiple empty columns and rows, likely a placeholder for a list or detailed notes.

萱野三平傳

平安 伊藤長胤源藏著

萱野三平。名重實。其先出于鎮守府將軍源賴光。賴光裔孫左京大夫賴益。方源右將時。食邑攝州萱野鄉。遂氏焉。其後若干世。至名恒產。始臣事于大島家。及子恒重。孫重利。相繼襲祿。重實者。重利第二子也。甫十三。因大島羽州之薦。仕淺野內匠候長矩于播州赤穗鎮。擢列近職。元祿十四年春。天使東下。侯為館伴。吉良義英朝臣以閭閻之家。掌勅使祇應之事。時職名高家。

萱野三平傳

萱野三平傳

侯有憾于朝臣。三月十四日。銜參之日。刃傷其額。坐大不敬。即保管于田村左京侯第。即日沒其封邑。賜自盡。重實時從侯在筵。與早水滿堯。乘傳告變于赤穗。路由萱野。遇有眾送喪而過。問之則曰。萱野重利妻也。不意凶變。悲駭兼至。乃曰。今為君告急。又罹母艱。將奈之何。敢以私情。而緩公事哉。揮鞭而去。遂造播州。告其由于城中諸士。既而官遣監使。收其戚及邑里。先是。城中諸士皆將并命以下從主。眾志不一。或依或違。重實終始矢心。不貳其言。告情于父兄及姊。將剋日就死。實欲伺

有標上

便狙擊。以成先主之志。逮事畢。裨以下四散。各從所適。重實乃隱于萱野。以終母喪。大石良雄侯家巨室也。倡率義旅。將成君志。時在山州山科鄉。相距十里餘。時時過存。密圖報復。至冬。重實辭父將東行。求仕。父不許曰。子籌汝之心。汝非干祿也。將以刃仇家。以敵乃愾。若有其事。吾族不足恤也。恐累及吾主。吾之思我君。猶汝之思汝之君也。重實再請曰。願絕吾籍。何畏相累。父又不許曰。絕骨肉之恩。以防禍患。薄俗之所為。何可效尤。吾非勸汝死也。唯欲汝之遂志焉耳。重實從其言而止。不

萱野三平傳

萱野三平傳

復東行。至明年正月十四日。乃先內匠侯忌日也。前夕命僕齎一通書。往良雄許。浴盥謁父及嫂。談笑如常。而就寢。及明日。日加辰。而房戶不開。家人怪訝。排戶而入。則東嚮自裁而死。家人錯愕。走報于父。父戒其勿泄。曰。若宜于眾。恐敗多士之事。乃以暴死。聞于世。遽瘞于旁近山中。向遺良雄者。到山科。時尚未明。良雄啓函大駭。召同志在近側者。感其情義。歎詫之聲聞于外。則與自盡同其時也。死時年二十八。別號消泉。孟子曰。所欲有甚於生者。所惡有甚於死者。非獨賢者

有是心也。人皆有之。賢者能勿喪耳。爲士者。委質事君。死生以之。君不得其死。而已偷安苟生。豈其本心哉。淺野侯輒觸憲綱。覆其宗社。事固不可追咎也。欲敵其憤。無計可爲。唯有死耳。三平氏之志。亦可憫也。近者其嗣子長好。錄其世次事狀之大畧。屬予作傳。謂世言乃父狃子愛。扼其義舉。此傳聞之繆也。願憑大手。以表實蹟。仍爲傳。又誌于其後。長好今住伊丹。與萱野相近云。

萱野三平傳終

大高忠雄寄母書

此書譯文。原附評大宰純四十六士論後。今載于此。

滄洲山人赤松鴻著

吾邑東偏有正福禪院。藏本書及大石良雄與僧某三村次郎與布袋屋某等書。皆國字也。忠雄書頗盡事情。讀之者。不覺沾襟。亦足以見忠肝義膽。鐵石不啻。與若德夫心腸迥別矣。予今譯以附焉。直寫其情實而已。非敢戲擬弄筆。以虛文飾辭爲事也。

雄東行期已迫。乃一去長無奉侍之日。痛心之極。如何

可道。而事實出于不得已。亦唯母所具悉也。嗚呼。雄遇先公。無異衆人。則永在膝下。奉甘旨。或無不可焉。獨奈何。辱蒙拔擢。日侍左右。恩遇之厚。非衆人比。是以變故以來。食不甘。寢不安。悄悄心目。不能須臾忘。是區區之所以不能已也。雄聞主憂臣辱。主辱臣死。況主而辱且死。爲之臣者。如之何。其可一日生存也。亡論先公之陷罪。而社稷之不血食。職吉氏子之由。卽念先公當日不能逞其所欲。遂含怨怒而沒。吾曹一日生存。如痛苦彌年。宜速致微命。以從先公于地下。而隱忍至今日者。以

大學君禁錮未釋。而竊冀其蒙赦而奉先祀也。雖則大學君奉先祀。而吾曹固從先公於地下矣。唯其處置。有輕重難易之異耳。近聞大學君永放安藝。吾曹又何顧慮之有。於是乎。將作重止難者。以報先公於地下矣。相識者猶謂。大學君不蒙恩命。而吉良子不被罪責。以此二事訴之。庶幾吉良子被責讓。而大學君從末減矣。若猶不蒙明察。而後舉事未晚。吾曹乃以爲是大不可也。苟有所上請。不得而發事。殆乎似怨上而仇之。大負先公敬事之意。唯當一心遂先公一朝不遂之志。以報地

下而巳矣。故今決定。與同志輩俱東云。兒輩沒後。罪或

大高忠雄寄母書

二

連及。苟然。母宜逍遙就刑。必勿過自盡。嗚呼。縱罪不及。既無一男存。寥寥淒淒。何所依焉。豫思之。五內如割。何心能任。然而又思。吾母賢明。昔時臨別。不作尋常婦女悲痛之態。輒以名義勉勵吾曹。使方寸不亂。吾曹豈可不以此奮起哉。雄今年三十一。第富二十七。甥秀二十。三。並皆壯而健。臨期先登。豈在他族。請勿復過慮。姊妹及乳母。亦復同痛。喻之勿令深傷。吾母平日奉佛。請時開步。詣城外諸寺。燒香供花。以消閑散憂。庶亦養生之

一助也。臨書哽咽。淚筆俱下。唯願加冷自愛。

赤穗藩赤松滄洲先生譯故赤穗侯淺野氏臣大高忠雄奉母國字書文一篇。六百有五言。一腔孝義勃發。讀之可泣鬼神。因想當日義士四十有六人。人人必有肝膽冰霜。言之不厭煩復灼然可觀者。惜乎無片言隻字之存于今。當日亦不遇忠義天性。視人之善。如已有之。若吾先生其人矣。今惟良雄氏之名。赫赫乎天壤。金石俱弊。而諸士名姓。僅存于一片石表。若存若亡。人無詳其傳。良雄雖誠首唱。諸士之忠烈。

大高忠雄寄母書

三

亦不期而契焉。人各成志。公侯之威。抗之不過乎殺身。豈待唱而和之者哉。彼皆所謂死節之士也。雖無良雄。必行其意者。我忖度之。而有知其心矣。若或有搜訪其事行。而著其畧傳者。則豈翹藝林一大觀。亦可以風一世。而使知方也。余嘗謂文章之用。傳道則尚矣。次則記忠臣孝子貞女逸民遺事。亦足不朽。其他泛泛應酬。千人亦言。萬人亦言之類。不作而可也。如先生此文。則可爲慶元以來第一之文字矣。不知文得忠雄書而然乎。抑雄書待此文。而與日月爭光。

也。岡思潛識。

甘雨亭叢書

大高忠雄寄母書

四

大高忠雄寄母書終

天野屋利兵衛傳

安藝 賴惟寬千秋著

天野屋利兵衛。名直之。大坂人。為鄉長。世往還於赤穗。城主淺野君之門。特見眷顧。赤城元祿之變。諸士會議。直之即走於赤城。聞其處分。欲為效萬一之力。久之。義士相結。復讐之議定。殊秘而不出。內外莫有知之者。獨直之以其忠誠。得與聞焉。大石良雄又竊與直之議。凡所用兵仗器械。一切屬託直之。製造之。既而義徒各自潛匿于三都之間。直之在大坂。一謀戍之。乃妻子僕從。

甘雨亭叢書

天野屋利兵衛傳

一

亦不令知之。躬自奔走於工肆。隨成而輸之于江戶矣。治工神力氏者。詣官曰。有請造一長兵者。以其在職而諾而未為之。但其制甚奇異。是以敢告。求其人。則直之也。乃逮而至。按驗之。直之曰。是市井備偷兒之具耳。豈有他乎。詰其制之非常。則曰。一武人巧思之創。聊效之也。時都下鍛工匠人傳聞之。其嘗為直之作兵器者。皆告於官。於是遂下諸理。拷掠甚急。而不服。乃收錄妻子。拷問極辛毒。皆曰。實不知。實不知。官請憫之。言辭慘然。直之曰。此事家人一無所知。敢請其所受。華於直之身。

官聽之。乃復鞠訊。水火備至。身無完膚。幾絕者數矣。居頃之。直之請曰。此事有所由。自始蒞事。自分死。豈謂有生路乎。但至明春當自首。不然。身且齏粉。不敢白也。其容貌安諦。辭氣愨實。不似有憾者。官以故許之。而不問。既踰年。世間盛傳。去年十二月十四日。赤穗諸士襲吉良氏之第。殺義英。以復先君之讐也。獄卒徒隸。亦相傳稱。直之詳其事。乃請自首。引至于庭。則曰。直之歷世辱。赤穗城主之顧。義倅臣子。當良雄諸士圖大事。屬直之。製造兵器。向之所爲。卽其所用也。今聞旣復讐。直之事。

天野聖烈兵衛傳

天野聖烈兵衛傳

二

畢矣。嘗得刑之秋也。嘗恐事之洩。又憫刑之及。故未始使妻孥有知覺也。仰願宥彼刑。使直之一人就戮也。則雖死。猶生之年。言畢。淚如雨流。官聞之。感其義心。減死放之。家資悉賜其子。襲爲鄉長。其子稱利右衛門。直之入京。寓郭北瑞光院。以院與淺野家有舊也。改名姓曰松永土齋。以壽終。

野史氏曰。赤穗諸士之結義。初得一百人。後稍稍搆。僅至四十餘士。但大石氏之糾合其人。未嘗輕與之。故雖有搆賊者。而其情實不外洩。而直之一市人也。屬之。

以大事。能知其人也。是有所由也。先是直之抵赤穗時。暑月公庫風于什器。頗有珍玩。直之謁良雄。矚自之。良雄請而觀之。已而失一玉盃。檢問之。直之之外無入者。也。衆皆意直之。以致之良雄。良雄驚召直之。謂曰。今日失一玉盃。我知子非竊。然子之外無入者。衆皆意子。將如之何。直之恬然曰。走實竊之。豈有所逃死。請速就刑。時有司潛已告于君。君袖間出之曰。寡人取而把玩耳。直之何知。於是羣疑始釋。良雄見其甘引罪。不愛死。乃以托腹心云。然是一旦憤激之事。若乃鞭箠之間。一言。

天野聖烈兵衛傳

天野聖烈兵衛傳

688

乍池。則不惟大事敗壞也。再爲君之辱。爲天下笑。直之以死自矢。以成其事。功豈在四十餘士之下耶。嗚呼。治平而聚凶器。是友亂之人。不可不究治者也。而寬妻子之鞠。自晉期春。皆見聽。是平常訟獄。所不能得而能然者。其誠實之德。感動人心。豈不偉乎。

十數年前。余自鄉里。暫抵京師。由浪華。時長州獨笑巷在焉。訪之。則坐上有一商客。浪華人也。獨笑介余通姓名。而曰。是子雖商族哉。能脫洒風塵。慷慨以之。是故義氣相許。日以周旋。君可善視之。顧謂彼曰。是

余之舊也。善文章。子平常之志願。可託是君遂之。因說余曰。是子常歎世盛稱赤穗四十餘士之義。而無傳。天野屋利兵衛者矣。自以四十七士義至高矣。而成之者。利兵衛也。且其忠憤。雖四十七士。不之過矣。而況非有君臣之分乎。況非有士大夫之望乎。身集于辛蓼。四十七士。有所不如也。其事業難於四十七士所為十倍焉。而無傳之者。何也。以其匹夫乎。匹夫而為之。特可嘉賞焉。世有傳。萱野三平者。萱野氏豈足傳乎。其可稱者。殞身而已。非難事也。憤激之餘。採

據異聞。狀其事。錄而藏之。將後文人而傳之。今君來。庶為具列。而副是子素願乎。予亦幸甚。彼人亦踴躍喜。大撼肝膽。乃懷中出艸錄。附與余懇求。余其時客氣未除。率爾諾之。既別而返于國。四方奔走。不遑執筆。重東上。則獨笑菴已死。其所住。併姓名失之。而艸錄在余所。其人自謂託非其人。年來之望。一旦空之。獨笑菴誤我。其遺憾可勝道乎。余不能一日忘於懷。然栖栖世路。亦未如之何已。自卜居於京師。身今少安。因又思之。刊于我。而行于世。則不知其人存亡。

足償萬一乎。乃茲舉事。蓋其人之志。欲垂之千載。夫有文而無望。不足傳之。有望而無文。不足傳之。余無文。亦無望。悔率爾諾之已。江村君錫京師之文宗。而有四方斗山之望。且與浪華諸士相暱。庶足傳乎。乃託之。則速諾而不果。三年于此。促之則曰。有日本詩選之事。未暇著手。而他請託之文。往往見之。乃知疑余貧無潤筆。余即黽勉辨之。非義氣行之。亦不屑為之也。以故辭之。我同邦之人。賴千秋今在浪華而教授。而聲價藉甚於洛攝之間。余所少相知。其人大有

義氣。請之則忠然肯來。今其文既成。燦然可觀也。於是泮澄煙消。余心灑然。其人存則當吐氣。若亡則少慰靈魂。聊附言。以顯其人之志云。唯不得姓名為恨耳。安永乙未杪冬望。安藝平賀晉民識。刻既成。及將發行。千秋自浪華致書曰。頃日鑿生松田元龍者。引一商客來。執謁請見。見之。而曰。聞先生為藝州平賀某。著天野屋利兵衛傳有諸。曰然。平賀氏曾於本郡。以獨笑菴之託。約為一商客。為此傳。自獨笑菴死。無由與其人相通。其文即成。不能致之。甚

病焉。遂不能措之。令余叙之。刊而傳之。一則欲使其
人知之。一則欲遂其人素志。既命剞劂。今當成也。商
曰。託於平賀氏。僕卽是也。因曰。自託之以來。無日不
思之。而千里外人不得問之。大失望矣。既而自憫謂
獨笑所友。則其人必不背於約。其文當成。縱不傳於
世。苟留之天地間。亦足耳矣。我得覩之與否。實在天
也。今其文成。先生之手。且刊而布於天下。僕不知手
之舞足之蹈。素願之遂。在平賀君之信。與先生義氣
贊成之功。其恩惠不知所謝也。是日賓客雜沓。應接

天野屋利兵衛傳

不能詳。草草而別。余得之亦大喜。蓋余雖爲此學。不
知其人。尚不嫌於心。今其人存。而與千秋相見。得彼
此伸情。千秋之見。猶余見之。而其姓名亦得傳也。而
後爲無遺恨。因重記之。其人稱鹽屋伊兵衛。在浪華
綠橋畔。以賣糕餅爲業。丙申正月。晉民又識。

天野屋利兵衛傳終

大石良雄自画像記

滄洲 赤松鴻著

柳田士龍持此圖來示余。且語曰。是故大石君所手寫
也。驚也。從本邨元厚者。懇乞得之。其妻在旁。愀然曲述
其由曰。妾大父稱八介。嘗仕大石氏。倭國旣除。大石君
出城。寓居尾崎邨。當時妾大父旣老。退居陋巷。已而大
石君將移居洛東山科。大父聞之。乃造謁曰。奴聞主去
此地。遠徙山科。奴老矣。恐無復奉謁之日。冀得賜一物。
永以珍藏。非所敢望。敢布腹心。君曰。社稷傾覆。進退惟

良雄自画像記

谷汝所知也。吾不得復列士人矣。卜居假地。永爲小民。
畊芸終身而已。與汝別去。無復見期。聊留此以爲別。乃
以十數金賜之。妾大父怫然曰。老奴來謁。欲得賜主手
澤所存一品。朝夕奉之。以代拜尊容而已。雖老悖。豈爲
貪賜金而來哉。遂抗言曰。國家滅亡。痛豈可謂。賤若奴。
尚抱憤怨。而況世奉國恩。而肉食者乎。然而竟無一人
有報警志者歟。乃攫金投君側。因慟哭。君默然久之曰。
吾過矣。吾過矣。乃攬筆寫此圖。以與大父。大父奉之。熟
視。忽欣然頓首拜謝。蓋君少壯嘗從其尊公在江都。有

肯微行。必妾大父一人從焉。是其狀也。妾語如此。妾也。不幸。父母已沒。且無兄弟。藏以至今。乃從夫言。割愛奉贈。如善珍藏。猶妾自藏也。驚也。喜感交至。殷勤致謝。遂懷而還。謹請先生爲記此事。余乃序次其語。且言於士龍曰。奇哉八介。可謂氣節。以余觀之。此圖非尋常遊行狀。頗含猛烈意。蓋大石氏雖不顯告深志。而暗示其意。故其狀如此。八介又覺其意。故欣然拜謝焉。不言而喻於同心。豈不亦美乎。嗚呼。此圖也。雖么麼哉。節士精神所注。義奴意氣所感。宛然存於目前。覽之者。誰不慨然。非尋常繪画比矣。子其珍襲之可也。

自序書

卷之二

二

大石良雄自画像記終

1900

1900

史 戎

稿 辰

備

四明張氏鈞園開雕

序

宋度宗咸淳四年賈似道枋國姦竄竝進正人君子輒引去以爲高勉留再三弗近益遠往往相尙時東發先生爲史館檢閱慨然於君子道消小人道長奮發自勵而作修史傳六曰杜範曰眞德秀曰洪咨夔曰袁甫曰徐元杰曰李心傳所謂戊辰史稿是也世無刻本全謝山見之嘗作跋著於結埼亭文集余旣得盧氏抱經樓舊藏四明文獻考而是稿在焉讀之慄慄然有生氣蓋當天運人事之窮外患內憂必有蘊成而養護之如癰

戊辰修史傳

一四明叢書
約園刊本

疽然待時而決之耳有此六君子者果能盡用其才則朱何至遽亡哉乃讀先生所爲傳杜清獻言去私而鄭清之以爲承風旨眞文忠奏疏懇懇無慮數十萬言繫屬人望聲滿夷夏徒以清之誤國意在調停不免爲盛德之累洪舜俞袁廣微吾鄉人也舜俞鯁亮忠懇有助親政嘉定不合端平驟用之亦終不以端平爲然廣微切於愛民謂史彌遠老當還政謂史嵩之不可相天下立朝正直無阿附心徐仁伯裁書至宗社隱憂處輒關筆揮淚當嵩之謀起復舉朝翕然嚮往獨能陳其不可

李微之該總通達成一家言良史才也以言去奉祠晉上六君子者其才如此而其所施爲僅僅如彼則宋之存亡可知已嗚呼觀於宋季之已事而凡類於宋之季者不大可懼哉余旣刊東發先生理度二朝政要更取史稿刊之君子小人之消長國家存亡之關係著之於此以爲鑒焉民國二十一年十二月後學張壽鏞序

戊辰修史傳

一四明叢書
約園刊本

戊辰修史傳目錄

丞相杜範

參知政事真德秀

端明殿學士洪咨夔

兵部尙書袁甫

刑部侍郎徐元杰

寶章閣待制李心傳

戊辰修史傳 目錄

四明叢書 約圖刊本

戊辰修史傳

丞相杜範

宋慈谿黃 震東發撰

範字成己台州黃巖人登嘉定元年進士第調金壇尉嚴弓手出入每入鄉卽以己俸給從行者食一不爲里正擾再調婺州法曹行義烏經界籌畫曲當村翁野姐有欲言者必召至前使人人得自盡昔時侵擾隱漏之弊盡革紹定三年主管戶部架閣文字六年除大理司直端平元年除軍器監丞每月點戎器必計工役多寡

戊辰修史傳

四明叢書 約圖刊本

良窳而下上其食以示勸懲明年陞對首言三四十年權臣擅國百蠹交潰陛下親攬大政召用正人天下延頸更新之治兩年于茲今不惟未覩更新之效而或者乃有浸不如舊之憂夫致弊必有原揅弊必有本積三四十年之蠹習至於浸積薰染日深日腐有不可勝揅者其原不過私之一字耳陛下奮大有爲之志而適當天運人事之窮固宜澄其弊源使私意淨盡願以天位之重而或疑其爲私德之報以天倫之親而或疑其有私憾之藏天命有德而或濫於私予天討有罪而或制

於私情左右近習之言或溺於私聽土木無益之工或多於私費隆禮貌以尊賢而用之未盡溫詞色以納諫而行之惟艱此陛下之私有未去也和衷之美不著同列之意不孚紙尾押敕事不預聞同堂決事莫相可否集議盈廷而施行決於私見諸賢在列而密計定於私門正塗未闢捷徑已開朝端未清舊習猶在此大臣之私有未去也君相之私容有未去則教條之頒徒爲虛文是以賢能不見於實用而流俗易至於移人私意橫流充塞宇宙各身其身各家其家而陛下將孤立於天

戊辰修史傳

二四明叢書
約園刊本

下之上豈不危哉貼黃言近者召用名儒發明格物致知誠意正心之學有好議論者乃從而詆訾訕笑之陛下下一惑其言則將有厭棄儒學之意而姦阻嗜利之徒偷爲一切以攫取陛下之爵祿此正賢不肖進退之機天下安危所係願以其講明見之施行毋徒誦說以事美觀而墮或者清談之謂越兩月除祕書郎又兩月除監察御史奏議者權臣所用臺諫必其私人約言已堅而後出命其所彈擊悉承風旨是以紀綱蕩然風俗大壞陛下親政公道方開首用洪咨夔王遂痛矯宿弊斥

去奸邪改聽易視於旬月之間然廟堂之上牽制尙多言及貴近或委曲回護而先行丐祠之請事有掣肘或彼此調停而卒收論罪之章亦有彈墨尙新而已頒除目汰去未幾而旋得美官自是臺諫風采昔之振揚者日以鑠朝廷紀綱昔之漸起者日以壞欲望明詔大臣力除回護調停之弊臣當誓竭愚忠以報君父上深然之卽奏何炳守九江年耄不足備風寒廟堂匿不行再奏一守臣之未罷其事小臺諫之言不行其事大沮臺諫之言猶可也至於陛下之旨匿而不布此豈勵精親政之時所宜有哉丞相鄭清之見之大怒五上奏丐去有危機將發朋比禍作等語且謂範承順風旨粉飾擠陷範遂自劾言宰相之與臺諫官有尊卑而事關一體但當同心以爲國豈容以私而害公行之者宰相言之者臺諫行之者豈盡合於事宜言之者或未免於攻詆清明之朝此特常事古者大臣欲扶持紀綱故必崇獎臺諫聞有因言而待罪者矣未聞有諱言而含怒者也曩者柄臣所用臺諫必其私人陛下更新庶政而臺諫皆出於親擢若廟堂不欲臣言其親故鉗其口而奪之

戊辰修史傳

三四明叢書
約園刊本

氣則與鬻者之用私人何以異又疏言呂夷簡有社稷之功而歐陽修論之文彥博負天下之望而唐介劾之況功烈聲望未能萬一於夷簡彥博而論其未報之章又非大有觸忤乃含怒不已累疑譎譎若與臺諫較勝負者不知所謂承順風旨者何人粉飾擠陷者何事乞檢照臣前奏賜之罷黜以從臣退安田里之欲時清之不量非才妄邀邊功用師河洛兵民死者十數萬資糧器甲悉委之虜邊境繹騷中外大困範合臺論其事併言制閭之詐謀罔上風采大振於是凡侍從近臣之不

戊辰修史傳

四四明叢書
約園刊本

合時望者監司郡守之貪暴害民者皆以次論斥清之愈忌之除太常少卿轉對言今日之病莫大於賄賂交結之風向之專於一門者今分裂四出向之形於緘題者今潛達密致旁蹊曲徑競致奔趨小黠大癡共爲奸利名譽已隆者賈左右之譽以固寵宦遊未達者惟梯級之求以進身邊方帥臣黃金不行於反間而以探刺朝廷厚賜不優於士卒而以交通勢要撥支軍旅之費太糜國帑而盡付承受之手分致權門以致賞罰顛倒威令慢褻罪貶者拒命而不行棄城者巧計以求免提

援兵者召亂而肆掠當重寄者怙勢而奪攘下至禁旅驕悍而難制鹽軍羣聚而剽劫蕩無治紀浸成亂階欲望陛下剛明以體天德奮勵以振主權毋以小恩廢大誼毋以私情撓公法嚴制宮掖不使片言得以入於閭禁約閹宦不使讒諂得以售其奸然後明詔大臣至公血誠嚴望私徑同以社稷存亡爲慮貼黃又以宮中宴樂太過爲戒範自入臺屢丐祠至是復五上歸田之請上皆不允除祕書監兼崇政殿說書以韃虜寇江陵俾近臣條邊事範乞屯兵蘄黃以防窺江且令沿江帥臣

戊辰修史傳

五四明叢書
約園刊本

兼江淮制置大使以重其權令淮西帥臣急調兵撥糧以援江陵且用邊頭義甲土豪與官兵相爲表裏因言虜見遣王楫持國書議和宜令邊帥諭以必俟斂兵始可奏聞不從則發楫等過江南僻遠州郡置其徒於獄以究情僞亦伐其謀之一端十二月除殿中侍御史辭不獲命乃因講筵奏臣嘗冒耳目之寄輒忤上宰至煩陛下委曲調護今又復以向者負芒之地陞其職而昇之豈以臣樸無他腸行絕私比而其言猶有可取耶抑以臣異懦之質易於調護而姑使之備數耶若以狂直

之言爲可取敢不勉竭以報隆恩加以臣易於調護則向也執守不固已爲親擢之羞今更不務飭厲而脂韋苟祿則臣之罪大矣且自昔人主之於諍臣非樂而聽之卽勉而從之否則疏而遠之未聞有不用其言而復用其人也陛下自端平親政以來召用正人以振臺綱天下翹望風采未幾而有委曲調護之弊其所彈擊或牽制而不行其所斥逐復因緣以求進臣於入臺之初固已力言之不惟不之革而其弊滋甚甚至節貼而文理不全易寫而臺印無有中書不敢執奏見者爲之致

戊辰修史傳

六四明叢書
約園刊本

疑不意聖明之時其弊一至此極陛下以其言爲不可用又從而超遷之則是臺諫之官專爲仕途之捷徑陛下但知崇獎臺諫爲盛德而不知沮抑直言之爲弊政也抑其言而獎其身則是陛下外有好諫之名內有拒諫之實天下豈有虛名可以蓋實哉範始以不得其言不去爲恨至是遂極言臺諫失職之弊時襄蜀俱壞江陵孤危兩淮震恐遂極論清之橫挑強敵幾危宗社及其子招權納賄貪冒無厭盜用朝廷錢帛以易貨外國具有實狀與蜀帥趙彥呐及其子玠夫昏耄貪鄙妄易

主將以至喪師害國皆乞重行鑄斥併言簽書樞密院事李鳴復與史寅午彭大雅以賄交結曲爲之地鳴復庇奸人以犯眾怒既不恤父母之邦亦何有於陛下之社稷上以清之潛邸舊臣鳴復未見大罪未忍行範亦不入臺官宅上促之入範奏鳴復不去則臣去安敢入經筵方再奏之鳴復俄抗疏自辯言臺臣論臣未知所指何事豈以臣嘗主和議故爲陳鞅地欲扼史嵩之而奪其權耶不知今日國勢但當和而不當戰又謂幸未斥退則安國家利社稷死生以之否則無家可歸惟有

戊辰修史傳

七四明叢書
約園刊本

扁舟五湖耳範遂再極言其寡廉鮮恥既而合臺劾其爲鄙夫患失太學諸生亦上書交攻之鳴復猶眷眷未肯去詰旦會朝入待漏院範語閣門吏李參政已被劾今日不可使立班閣門手扞去之始出關上遣中使召回範遇諸塗舊比臺諫行車避執政執政被論則不避至是範前趨呵殿中侍御史鳴復謂其陵已泣訴于上範復合臺奏鳴復身爲宰執所交惟史寅午彭大雅此等相與陰謀不過賂近習蒙上聽以陰圖相位臣近得其自辯之章見其交關邊臣以啟嫌隙妄言和戰以肆

脅持且以蜀既破蕩而欲泛舟五湖又以安國家利社稷自任不知鳴復久居政府有何安利之策欺君罔上無所不至見者無不駭笑其無識固位一至於此用是不免洵干天聽如臣等言是乞卽賜施行如臣等言非則是臣不識事體上忤聖意下觸大臣乞早賜罷斥除起居郎範奏臣論鳴復未施行忽拜左史之命則是所言不當姑示優遷臣前嘗奏臺諫但爲仕塗之捷徑初無益朝廷之紀綱躬言之而躬蹈之臣之罪愈大正月二日卽渡浙江歸上聞之愕然諭宰執貽書勸範回辭

戊辰修史傳

八四明叢書
約園刊本

愈力二月除江東提刑改浙西鳴復亦出守越範辭召赴行在又辭嘉熙二年八月差知寧國府明年三月至郡適大旱市中絕粒幾旬日範卽以便宜發常平米粟四千斛以禮延寓公富人勸分人賴以免於飢邑令期會但以紫袋往復如一家請於監司亦如之於是縣之應郡郡之應諸司無督趣之煩而免淹滯始至倉庫多匱及去米餘十萬斛錢亦贏數萬計悉以代輸下戶苗淮民流南多標掠有水寨首領張世顯尤勇悍擁眾三千餘人泊城外範檄其頭目犒之俾勿擾以俟處分世

顯乃先陰爲窺城計範不得已以計擒斬之安輯其眾給之使歸四年五月造朝首疏言今旱暵存臻人無粒食楮券猥輕物價騰踊行都之內氣象蕭條左浙近輔殍死盈道流民充斥未聞安輯之政剽掠成風已開弄兵之萌是內憂旣迫矣新興大戎乘勝而善鬪中原羣盜假名而崛起擣我巴蜀據我荆襄擾我淮堧近又由夔峽以瞰鼎澧疆場之臣肆爲蔽欺勝則張皇而言功敗則掩覆而不言脫使乘上流之無備爲飲馬長江之謀其誰與捍之是外患旣深矣人主上所事者天下所

戊辰修史傳

九四明叢書
約園刊本

恃者民近者星文示變妖彗吐芒犯王良絡紫微方冬而雷旣春而雪海潮衝突於都城赤地幾徧於畿甸是不得乎天而天已怒矣人死於干戈死於饑饉父子相棄夫婦不相保怨氣溢腹謗言載路等死一萌何所不至是不得乎民而民已怨矣內憂外患之交至天心人心之俱失陛下能與二三大臣安居於天下之上乎陛下亦嘗思所以致此否乎蓋自曩者權相陽爲妾婦之小忠陰竊君人之大柄以聲色玩好內蠱陛下之心術而廢置生殺一切惟其意之所欲爲以致紀綱隳夷風

俗頽靡軍政不脩邊備廢闕凡今日之內憂外患皆權相三十年醞成之如養護癰疽待時而決耳端平改元號爲更化而居相位者非其人無能改於其舊而旁蹊邪徑捷出爭馳敗壞污穢殆有甚焉自是聖意惶惑莫知所倚仗方且不以彼爲讐而以爲德不以彼爲罪而以爲功於是天之望於陛下者孤而變怪見矣人之望於陛下者缺而怨叛形矣陛下敬天有圖貞酒有箴緝熙有記使持此一念振起傾頽宜無難者然聞之道路謂警懼之意祇見於外朝視政之頃而好樂之私多縱

戊辰修史傳

十四 明 叢書

約園刊本

於內廷燕褻之際名爲任賢而左右近習或得而潛間政皆出於中書而御筆特除或從而中出左道之蠱惑私親之請託蒙蔽陛下之聰明轉移陛下之心術而不自覺併指陳宰執臺諫與凡內而百執事外而邊守帥臣偷惰苟安徇私忘公之弊忠憤感發聞者竦歎於是範去國四載矣上撫勞備至卽日除權吏部侍郎兼侍講六月以久旱復言陛下嗣膺大寶垂二十年災異譴告無歲無之至於今而益甚陛下求所以應天者將止於減膳徹樂分禱羣祀而已乎抑當外此而反求諸躬

乎得之傳聞謂內廷好賜外邸營繕如故也左右蠱惑私親請託如故也夫不務反躬悔過而徒覲天怒之釋天下寧有是理哉欲望陛下卓然奮發勵精有爲濯去舊習以新天下出宮女以遠聲色斥近習以防蔽欺省浮費以給國用薄征斂以寬民力精白一意勉爲後圖貼黃言儲貳未立國本尙虛乞選宗姓之賢者育之宮中而教導之二劄言銓法之壞廟堂既有堂除復時取部缺以徇人情士大夫旣陷賊濫乃間以不經推勘而改正凡此皆徇私忘公之害後有此比容臣執奏上皆

戊辰修史傳

十四 明 叢書

約園刊本

然之七月旱勢亢烈範乞禱雨須聖駕一出上卽親行禱事烈日炎赫上命撤蓋流汗沾衣須臾大雨隨至上喜甚範慮以久旱得雨爲喜復進戒數百言時歲比不登米價大踴範不勝憂再入疏言天災旱暵昔固有之而倉廩匱竭月支不繼上下凜凜殆如窮人昔所無也物價騰踴昔固有之而升米一千其增未已日用所需十倍於前昔所無也民生窮瘁昔固有之而富戶淪落十室九空竈罕炊煙人多菜色昔所無也楮券折閱昔固有之而告緡譏關錢出楮長物價反貴人以爲病

昔所無也甚而闔門餒死相率投江愁歎相聞怨氣滿腹里甚聚首以議執政軍伍諍語所不忍聞此何等氣象而見於京城最大之區浙西稻米所聚而赤地千里繼以飛蝗大至苗禾槁死未盡者一旦俱空太湖揚塵河港斷絕嘯聚剽劫所在相挺會稽帝鄉道殣相枕此何等氣象而見於京畿密邇之地淮民流離襁負相屬欲歸無棲狼狽道路其泊于沙上者亦奄奄待盡使邊塵不起尙可相依苟活萬一虜騎衝突彼必奔迸南來或相攜從虜爲之鄉導巴蜀之覆轍可鑒也豈不重爲

戊辰修史傳

十三四明叢書

約園刊本

朝廷憂哉中夜以思矍然而起爲之痛哭流涕竊意陛下宵旰憂懼寧處弗遑然宮中宴賜未聞有所貶損左右嬖孽未聞有所放遣貂璫近習未聞有所斥遠女冠請謁未聞有所屏絕朝廷政事未聞有所修飭庶府積蠹未聞有所搜革秉國鈞者惟私情之徇主道揆者惟法守之侵國家大政則相持而不決司存細務則出意而輒行命令朝更而夕變紀綱蕩廢而不存無一事之不弊無一弊之不極陛下盍亦震懼自省詔中外臣庶思當今急務如河道未通軍餉若何而可餉浙右旱歉

荒政若何而可行財計空匱糴本若何而可足流徙失所遣使若何而可定虜情巨測邊圉若何而可固各務悉力盡思以陳持危制變之策二三大臣推血誠黜私見協慮併智擇其可行者行之十一月除吏部侍郎兼中書舍人淳祐元年四月言陛下卽位以來二十年間變故大者如山東逆酋輒肆反噬遠近方震動而彼已陷淖隕軀矣此幸之一也京畿汰卒曠突瀕洞且莫莫保而彼已服刑順令矣此幸之二也輕啟兵端大稔寇孽巴蜀荆襄彌望茅葦國勢幾岌岌矣而哨騎亟退稍寬憂顧此幸之三也清野有令流民剽掠焚蕩城邑其勢益張人心亦凜凜矣而烏合之眾未幾解散此幸之四也以至江湖失道摧陷衝擊已迫城闈幾不可以爲國而怒濤復殺寢安故流此幸之五也積此五幸將玩之爲不足畏此其勢之必然者也變至今日亦極矣去歲京輔旱饑田野小民齧糠粒以延旦莫之命殫於道填於壑所至積穢無異斃獸相食之風盛行甚則生致而烹之雖其子亦忍焉京城委巷夜無行人不幸遇之輒遭其毒哀哉陛下爲民父母其得不爲之動心乎

戊辰修史傳

十三四明叢書

約園刊本

旬月以來麥秋有成民稍得食米價漸減死者漸稀寇盜亦少人情至此孰不喜幸不特天下幸之而朝廷亦自幸之矣臣所深慮者懼其幸而至於玩也以根本之撥而為太平之粉飾以財用之乏而襲豐亨之調度事力日微而與不急之土木蠹弊日甚而濫當尼之恩使今歲有一稔之望猶懼疲氓難以遽甦壞證難以遽復萬一歲事復不可保揭竿一呼羣黨趨和當是之時尚可幸而玩之耶又況韃虜多詐出沒不常斥埃不明傳聞多端海宇將有鼎沸之憂人心已有瓦解之勢而玩

戊辰修史傳

十四四明叢書
約園刊本

視苟安類若平時何哉遂復極言宮中宴賜之不節內殿修造之不時以為皆玩幸而縱欲者凡數事俄兼權兵部尚書十一月除權禮部尚書兼中書舍人二年六月除同簽書樞密院事至日大雷電公因奏言動不以天其何以弭變願陛下罷宮庭之宴賞懲左右之奸欺杜禁掖之批降禁斜封之除授使天下欣欣有望治之想先是當國者專權執政祇押敕尾範既入都堂凡行事有得失除授有是非悉抗言無隱情丞相史嵩之外示寬容內實忌之劉漢弼入臺劾右正言葉贊贊聞之

亦上章劾漢弼二人皆罷而葉獨寵以閣職翌日奏事因言贊已先被劾則為罪人乃借臺諫之官以為報復之舉其罪尤重退而謂嵩之曰漢斗南劉晉之小人無忌憚者丞相何不去之乃尙留要地耶嵩之滋不悅俄除劉晉之為諫議大夫四年正月除範同知樞密院事亦除李鳴復參知政事使範不屑與共政而去範即出關上遣中使召回且敕諸城門不得出範會太學諸生上書留範而斥鳴復且併及嵩之乃亟遣其客劉械密約劉晉之等併論範鳴復範始得遂其行會嵩之遭喪謀起復不果拜範右丞相善類相慶都人歡呼載道範以遜游侶不許力疾入覲上親書開誠心布公道集眾思廣忠益賜之範上五事一曰正治本謂政事當常出於中書毋使旁蹊得竊威福二曰肅宮闈謂當嚴內外之限使官府一體三曰擇人才謂當隨其所長用之而久於職毋徒守遷轉之常格四曰惜名器謂如文臣貼職武臣閣衛不當為徇私市恩之地五曰節財用謂當自人主一身始自宮掖始自貴近始攷封樁國用出入之數而補窒其罅漏求鹽筴楮幣變更之目而

戊辰修史傳

十五四明叢書
約園刊本

斟酌其利害貼黃乞早定國本以繫人心時親王近戚
多求內降恩澤屢引前朝杜衍例封還乞撥堂除闕歸
之吏部以清中書之務惟留書庫架閣京教及要地幹
官時人情久狃於私多以為不便太學生方大猷等亦
上書言之上封以示範範奏三十四年權臣柄國以公
朝爵祿而市私恩取吏部之闕以歸堂除太學諸生亦
習於見聞乃以近年之弊政為祖宗之成法是必有縱
與為之者陛下如以臣言為是上下堅守則便者必多
而謗者息矣未幾赴選調者無淹滯合資格者得美闕

戊辰修史傳

十四明叢書
約園刊本

眾始服上求治甚急用仁祖故事命宰執各條當今利
病與政事可行者範條上十二事一曰公用捨願進退
人才悉參以國人之論則乘罅抵巇者無所投其間元
祐之變為紹聖非所慮矣二曰儲才能內而朝列則儲
宰執於侍從臺諫儲侍從臺諫於卿監郎官外而守帥
則以江面之通判為幕府郡守之儲以江面之郡守為
帥閫之儲他職皆然如是則臨時無乏才之憂矣三曰
嚴薦舉宜詔中外之臣凡薦舉必明著職業功狀行義
事實不許止為褒詞朝廷籍記不如所舉者並罰舉主

仍詔宰執侍從臺諫不許為人覓舉四曰懲贓貪自今
有以贓罪按上即行下勘證果以贓敗必繩以祖宗之
法無貪贓實迹而監司妄以贓罪誣人者亦量行責罰
臺諫風聞言及贓罪亦行下勘證五曰專職任吏部不
可兼給舍京尹不可兼戶吏經筵亦必專官六曰久任
使內而財賦獄訟銓選與其它繁劇之職必三年而後
遷外而監司郡守亦必使之再任其不能者則亟行罷
斥七曰抑僥倖布告中外各務職業朝廷不以弊例而
過恩宮庭不以私謁而廢法勳舊之家邸第之戚不以
名器而輕假八曰重閫寄九曰選軍實十曰招土豪十
一曰謂宜倣祖宗方田之制疏為溝洫縱橫經緯各相
灌注以鑿溝之土積而為徑使不得並轡而馳結陣而
前如曹瑋守陝西之制則戎馬之來所至皆有阻限而
溝之內又可以耕屯勝於清野多矣十二謂治邊理財
實為當今急務有明於治邊善於理財者搜訪以聞凡
此皆素所欲施行者孟珙擁重兵久居上流朝廷素疑
其難制至是以書來賀範復之云古人謂將相和調則
士豫附自此但相與同心殉國若以術相籠駕非某所

戊辰修史傳

十四明叢書
約園刊本

屑為也幸勿以此見施琪大感服謝曰某四世受國厚恩自當效忠今蒙推誠如許與前人以術相馭萬萬不伴願效死不辭未幾虜大入五河絕中流置營柵且以重兵綴合肥令不得相援為必取壽春計範命維揚鄂渚二帥各調兵東西策應嚴為隄防虜卒敗走計功行賞莫不曲當軍士皆悅範孜孜憂國知無不為雖在疾疢猶不廢機務疾革四月二十一日薨為相纔八十日年六十有四上震悼御札賜諡清獻初國朝自紹興奸兇摧折士大夫正氣至嘉定權臣復柄國三十年士習

戊辰修史傳

六十四明叢書
約園刊本

遂銷軟為貪佞無敢一吐氣鄭清之尤其所親信者闔其死給其子約以保戶門而薦諸上以承其位既而一反之以為名又欲生事為功以壓勝之三十年架漏扶持之天下遂至一輕擲而敗國家多事方自此始而乘時得志之士反或誇為小元祐於斯時也追罵已寒之內者何難矣獨範超然其間痛憤時事屢與時相力爭如縱口而談古人豈不難哉相繼而協助之者惟唐璘又相繼而興無所附麗而敢言者惟王萬鳴呼亦難乎其入哉然範死而清之再相矣所誤又不止國事矣其

誰與爭之嗚呼亦可惜哉範有令質至行讀書窮理必深玩味以聖賢格言大訓實見諸躬行事親以孝居喪哀毀骨立事其兄如事父訓誨孤幼盡恩處族黨謙和少賤率與鈞禮雖御僮奴皆有恩意未嘗見其疾言遽色有田二頃粗給餽粥雖貴為宰輔未嘗增尺寸室廬僅庇風雨見者莫知為公相之居自其未貴人已比之司馬公其後清修苦節身若不勝衣至臨大事則責育不能奪天下候其出處為休戚得政未及大設施而遽薨背識與不識莫不痛傷輜車所過聚祭巷哭果與司

戊辰修史傳

六十四明叢書
約園刊本

馬公事皆相類嘗夢自為門銘曰守之以一報之以五且自釋曰守者守也報者應也既覺書于座右而言曰一者不易之理所守在我不可或變也五者適中之數隨事而應必當中理也此其平生素學形於夢寐至為宰相亦不出此其遺文有古律詩歌詞三卷雜文六卷奏藁十卷外制三卷進故事五卷經筵講義三卷易禮春秋禹貢關洛諸儒微言皆有論述漫塘劉宰嘗為名其居曰立齋故世尊之曰立齋先生二子濬淵皆能世其家法範既薨清之再相時以私憾損其恩數太平濬

淵食貧七年閉戶讀書澹然不問澆管以薦繇大理正知汀州纔三月卒省諸邑月解錢數十萬計盡捐舊比之私得者代輸戶部欠以寬民力

史臣震擬贊曰南渡距端平餘百年間未有正人得政柄者也然則尙何望哉李忠定趙忠簡皆正人也遭時之厄力不能勝一秦檜壽皇思治宰相皆無足當其意者不三數月輒易然則尙何望哉於是內則賂賂成風眾弊膠轄外則邊將收拾中朝所屬鑽刺之人使備數帷幄而國家所仰惟在天祐端平大壞之餘方得正人

戊辰修史傳

二十四明叢書
約園刊本

如杜公我理宗方傾心仰成眾弊方條陳更革邊將亦方洗心聽命乃纔八十日而終嗚呼其所關繫何如哉

參知政事真德秀

德秀字希元建寧浦城人四歲受書過目成誦年十五而孤同郡楊圭一見奇之使歸其諸子學尋妻以女弱冠再貢于鄉擢慶元五年進士第繼試中博學宏詞科入閩帥幕時相陳自強家盛暑訴人德秀書其牘曰丞相方憂邊思職顧屑屑及此乎召爲太學正遷博士時韓侂胄已誅史彌遠相德秀首言權臣開邊南北塗炭

今茲繼好休息有期豈非天下之福然日者以行人之遺虜人欲多歲幣之數而吾亦曰可增虜人欲得奸臣之首而吾亦曰可與往來之稱謂犒軍之金帛根括歸明流徙之民皆承之唯謹得無滋熒我乎抑善謀國者不觀敵情觀吾政事今號爲更化而無以使敵情之畏服正恐彼資吾歲賂以厚其力乘吾不備以長其謀一日挑爭端而吾無以應此有識所爲寒心又言侂胄自知爲清議所不貸至誠憂國之士則名以好異於是忠良之士斥而正論不聞正心誠意之學則誣以好名於是僞學之論興而正道不行今日改弦更張正當褒崇名節明示好尙嘉定三年夏大水因論對言更化以來導諛之風未除旱暵酷矣則謂其幸不傷農螟蝗熾矣則謂其幸不食稼元元愁苦有閭巷知之而士大夫不知者士大夫知之而廟堂不知者況陛下深居九重安得盡知之下情不通民隱莫訴此積陰之沴又言公議卽天也自昔無道之世能使公議不行於天下不能使公議不存於人心王安石秦檜侂胄旣拂天以取敗則爲國者當畏公議如畏天願陛下立政用人一以天下

戊辰修史傳

二十四明叢書
約園刊本

公議爲主秋八月大雷損太廟鴟吻奏言損膳避朝僅
舉故事况遇災旬有四日而行行甫兩日而遽已以此
動人猶不可况天平六年秦曩權奸擅政十四年朱熹
彭龜年以抗論逐呂祖謙周端朝以上書斥當時近臣
猶有爭之者其後呂祖泰之貶非惟近臣莫敢言而臺
諫且出力以擠之則嘉泰之失已深於慶元矣及其起
干戈之釁非獨舉朝莫敢言雖布衣之士求一如祖泰
者亦不可得是開禧之失又深於嘉泰矣更化之初羣
賢皆得自奮曾未兼旬而補遺之官以言罷職既而傅

戊辰修史傳

三四明叢書

約園刊本

伯成以諫官論事去蔡幼學以詞臣論事去鄒應龍許
奕以封駁論事去是數人者非能大有所矯拂已皆不
容於朝故人務自全一辭不措設有大安危大利害羣
臣喑默如此豈不殆哉時鈔法楷令行告訐繁興抵罪
者眾莫敢以上聞德秀奏或一夫坐罪而併籍昆弟之
財或虧陌四錢而沒入百萬之貲至於科富室之錢拘
鹽商之舟視產高下配民藏楮鬻田宅以收券者雖大
家不能免尙得名便民之策自此籍沒之產以漸給還
未幾復言金虜有必亡之勢乞君臣上下皆以祈天永

命爲心充金國賀登位使及盱眙聞虜內變而返言于
上曰臣自揚之楚自楚之盱眙沃壤無際陂湖相連民
皆堅悍強忍此天賜吾國以屏障大江使強兵足食爲
進取資顧田疇不開溝洫不治險要不扼丁壯不練豪
傑武勇不收拾一旦有警則徒以長江爲恃豈如及今
大脩墾田之政專爲一司以領之數年之後積儲充實
邊民父子爭欲自保因其什伍勒以兵法不待糧餉皆
爲精兵又言韃若果有中原則疆場相鄰非我之利尤
當經理兩淮今淮東要害在清河口敵之糧道所出而

戊辰修史傳

三四明叢書

約園刊本

淮陰無城無兵徒以山陽可恃然山陽雖大前無淮陰
之蔽後無寶應之援若敵以重兵遮前奇兵斷後則高
郵維揚之路絕而山陽之形孤山陽不守則通泰危而
江浙震矣淮西要害在渦潁口亦敵之糧道所出而濠
梁安豐城庫池狹兵備單虛徒以廬和可恃然有安豐
則敵始不得以犯合肥有濠梁則敵始不得以走歷陽
藉有他徑可由而吾以廬和當前濠梁斷後則彼有腹
背之虞其能長驅深入乎故欲固兩淮先防三口及其
他所陳皆邊防要事時廟堂方以爵祿縻天下士德秀

已屢遷至起居舍人兼太常少卿慨然曰吾當急去使廟堂知世亦有不肯爲從官之人力請郡得轉漕江東適江東旱蝗廣德太平爲甚德秀遂與留守憲司分所部九郡大講荒政而自領廣德太平親至廣德與太守魏峴同以便宜發廩使教授林庠賑給竣事而還百姓數千人送之郊外指道傍叢冢泣曰此皆嘉定辛未餓死者微公我輩已相隨入此矣索毀太平州私創之大斛劾新徽州守林琰謂其無廉聲不容上而以李道傳攝守微先是都司胡槻薛極每誚德秀迂儒試以事必

戊辰修史傳

二酉四明叢書

約園刊本

敗至是民譽日聞因倡言旱傷本輕監司好名振贍太過使魏峴劾林庠而李道傳尋亦召還八年知泉州番船畏苛征至者歲不三四德秀首寬之至者驟增至三十六納秋苗令民手自概聽訟惟揭示姓名人自詣州泉多大家爲閭里患痛繩之有訟田者至焚其契不敢爭海賊劫鎮縣將迫城官軍敗歟德秀祭兵死者乃親授方略擒之復徧行海濱審視形勢增屯要害處以備不虞十二年易帥江西適承寬弛者後乃稍濟以嚴尤留意軍政欲分鄂州軍屯武昌及通廣鹽於贛與南安

以弭汀贛鹽寇未及行以母喪歸明年蘄黃失守陞武昌縣爲軍其後盜起南安延蔓三道討之數載始平人服德秀先見服除知潭州安撫湖南以廉仁公勤四字勵其僚以周胡朱張學術源流勉其士罷權酷除斛面申免和糴以甦其民民艱食旣極力賑贍之復立惠民倉五萬石使歲出糴又易穀九萬五千石分十二縣置社倉以徧及鄉落他若立慈幼倉立義阡惠政畢舉月試諸軍射捐其回易之利及官田租凡營中病者死未葬者孕者嫁娶者贍給有差朝廷從壽昌朱橐請以飛

戊辰修史傳

三酉四明叢書

約園刊本

虎軍戍壽昌併致其家口力爭止之江華縣賊蘇師入境殺劫檄廣西共討平之司馬遵守武岡激軍變劾遵而擒亂者誅之理宗卽位召除中書舍人尋爲禮部侍郎直學士院人見奏三綱五常扶持宇宙之棟幹奠安生民之柱石晉廢三綱而劉石之變興唐廢三綱而羯胡之難作我朝立國先正名分故先朝名臣以爲家法最善大綱甚正陛下初膺大寶不幸處人倫之變流聞四方所損非淺雪川之變非濟邸本志前有避匿之迹後聞討捕之謀情狀灼然本末可攷願討論雍熙追封

秦郎舍罪恤孤故事斟酌行之濟王未有子息亦惟陛下興滅繼絕上曰朝廷待濟王亦至矣德秀曰若謂此事處置盡善臣未敢以爲然觀舜所以處象則陛下不及舜明甚人主但當以二帝三王爲師上曰亦是一時倉猝德秀曰此已往之咎惟願知有此失而益講學進德次疏言雪川之獄未聞參聽於槐棘之下淮蜀二閩乃皆出於僉論所期之外天下之事非一家之私何惜不與眾共之且言乾淳間有位于朝者以饋遺及門爲恥受任于外者以苞苴入都爲羞今餽賂公行薰染成

戊辰修史傳

三十四明叢書
約園刊本

風恬不知怪又疏言朝廷之上敏銳之士多於老成雖嘗以耆艾褒傅伯成楊簡以儒學褒柴中行以恬退用趙蕃劉宰至忠亮敢言如陳宓徐僑皆未蒙錄用上因歎無一廉吏德秀以知袁州四明趙鉸夫對上卽擢鉸夫爲監司德秀入謝因又言崔與之帥蜀楊長孺帥閩亦有廉聲上初御清暑殿德秀因經筵侍上進曰此高孝二祖儲神燕閒之地仰瞻楹桷當如二祖實臨其上陛下前所居處密邇東朝未敢遽當人主之奉今宮閣之儀浸備以一心而受眾攻未有不浸淫而蠹蝕者惟

學可以明此心惟敬可以存此心惟親君子可以維持此心因極陳古者居喪之法與先帝視朝之勤寧宗小祥詔羣臣服純吉德秀爭之曰自漢文帝率情變古惟我阜陵方衰服三年朝衣朝冠皆以大布惜當時不併定臣下執喪之禮此千載無窮之憾近阜陵上賓從臣羅點等議令羣臣易月之後未釋衰服惟朝會治事權用黑帶公服時序仍臨慰至大祥始除惟侂冑反慶元之政始以小祥從吉且帶不以金鞵不以紅佩不以魚鞍轎不以文繡此於羣臣何損於朝儀何傷議遂格德

戊辰修史傳

三十四明叢書
約園刊本

秀屢進鯁言上皆虛心開納而時相益嚴憚之其黨乃謀所以相撼畏公議未敢發給舍王暨盛章始駁德秀所主濟邸贈典繼而殿中侍御史莫澤遂劾之與祠職諫議大夫朱端常又劾之落職罷祠監察御史梁成大又劾之請加竄殛上曰仲尼不爲己甚乃止紹定五年起再知泉州迎者塞路深村百歲之老亦扶杖而出城中歡聲動地諸邑二稅嘗預借至六七年德秀入境首禁預借諸邑有累月不解一錢者郡計赤立不可爲或咎寬卹太驟德秀謂民困如此寧身代其苦決訟自卯

至申未已或勸膏養精神德秀謂郡凋無力惠民僅有政平訟理事當勉建炎初置南外宗正司于泉宗子僅三百人漕司與本州給之而朝廷歲助祠牒已不復給而宗子至二千三百餘人郡坐是愈不可爲德秀請于朝詔給祠牒百道上親政移帥福州嚴戒所部無濫刑橫斂無徇私贖貨罷市令司曰物同則價同寧有公私之異閩縣里正苦督賦革之建福興泉四郡苦貴糴便宜發常平賑之海寇縱橫次第擒殄之未幾聞襄閩與韃合兵滅蔡奉露布圖上八陵而江淮有進取潼關黃

戊辰修史傳

天四明叢書
約圖刊本

河之議德秀以爲憂上封事曰自有載籍以來凡與夷狄其事者未嘗無禍而況移江淮甲兵以守無用之空城運江淮金穀以治不耕之廢壤富庶之效未期根本之弊立見惟陛下審之重之除戶部尙書時諸賢已盡收召丞相鄭清之因書促其來以副中外之望德秀自開禧丙寅登朝至嘉定甲戌請外居中九年奏疏懇懇無慮數十萬言皆切當世要務直聲振朝廷四方人士傳誦其文想望風采及出而磨節徧歷江東西湖南福建仁民愛物之政所至深洽休譽流暢京師又與疇昔

之議論符由是中外交頌日相望其登宰輔致太平都城百姓時驚傳傾洞奔擁出關曰眞直院至矣果至則又填塞聚觀不置孟珙與韃大酋併蓋會兵攻蔡侂蓋當矢石間亦屢拱而起曰南朝好眞侍郎蓋近世之繫屬人望聲滿夷夏者莫加焉時相憚且忌之愈抑不用聲愈彰及是歸朝方將大用之適鄭清之非才挑釁兵民死者數十萬中外大耗尤世道升降理亂之幾而德秀則旣衰矣杜範是時方力攻清之誤國且謂其貪黷更甚於前而德秀乃奏言此皆前此權臣玩愒之罪非

戊辰修史傳

天四明叢書
約圖刊本

今日措置之失譬如和扁繼庸醫之後一藥之誤代爲庸醫受責吁果和扁也安有爲庸醫受責者哉其議論與範嚴恕不同乃如此明年知貢舉已病除參知政事薨年五十八天下惜之然自慶元權臣立僞學之名以錮善類凡周程朱張諸儒皆顯禁以絕其書斯文幾至墜地德秀晚出獨慨然以斯文自任講而續之行於身誦於朝發施於政事僞學之禁開而正道遂彰明於天下多其力也端平初入朝首進大學衍義壽鑄按此下似有闕文史臣震擬贊曰德秀當嘉定寶紹間入則盡言於朝出

則施澤於民天下浩然歸重所望致太平者而獨不知
端平貪妄之爲非何哉然德秀講正學有實行至今學
者師尊之所以傳世者有在矣

端明殿學士洪咨夔

咨夔字舜俞其先自鄞徙杭家天目山咨夔擢嘉泰王
成進士第尋試中教官又應博學宏詞科崔與之帥淮
東郡置幕府邊事纖悉爲盡力丘壽鶴代與之爲帥嘉
定己卯虜犯六合揚州閉門設守咨夔亟詣帥言曰虜
忌楚必未至揚揚乃先自示弱不特淮左之人心動而

戊辰修史傳

三四明叢書

約園刊本

虜且驕必來矣第當遠斥堠精間探簡士馬張外郡聲
援而大開城門晏然如平時若虜果來犯咨夔當身任
之帥愧謝已而虜果遁山陽兼帥事清州張林請獻銅
錢二十萬緡咨夔謂宜因所獻就犒其軍如唐魏博故
事使無輕量中國心帥乃令輸其半林亦不復來明年
與之帥成都請於上除咨夔藉田令通判成都府與之
除四川制置使首檄咨夔自近辭曰今當開誠心布公
道合西南人物以濟國事乃一未有聞而先及門生故
吏是示人私也卒不受惟以倅職事往來效忠蜀人高

之尋知龍州州貢麩金率科鑛戶咨夔曰將奉上乃厲
民乎出官錢市之江油之民歲戍邊復苦糧運爲請于
制漕司免其轉輸毀鄧艾祠更祠武侯告其民曰毋事
仇讐而忘父母歲甲申還朝除祕書郎理宗卽位遷金
部郎官會詔求直言因抗疏濟王之死非陛下本心當
國者悲之遷考功郎官輪對復言李全必爲國患於是
臺諫李知孝梁成大交論鑄二秩讀書故山七年而丞
相史彌遠薨上親政五日卽召除禮部郎官入見乞養
英明之氣及論君子小人之分上問今日急務對以進

戊辰修史傳

三四明叢書

約園刊本

君子而退小人開誠心而布公道且言此事全在陛下
一念堅凝又問在外人物對以崔與之護蜀而歸一聞
十年終始全德之老臣若趣其來可爲朝廷重眞德秀
魏了翁皆陛下所簡知當察之本朝翌日御筆與王遂
並除監察御史咨夔感激知遇謂遂曰朝無親擢臺諫
久矣要當極本窮原而先論之乃上疏曰臣歷攷往古
理亂之原權歸人主政出中書天下未有不治權不歸
人主則廉級一夷綱常且不立奚政之問政不出中書
則腹心無寄必轉而它屬奚權之攬此八政馭羣臣所

以獨歸之王而詔之者必天官冢宰也陛下親政以來
威福操柄收還掌握揚廷出令震撼海宇天下始知有
吾君元首既明股肱不容於自惰撤副封罷尙先行坐
政事堂以治事天下始知有朝廷此其大權大政亦略
舉矣然中書積習之弊端其大者有四一曰自用二曰
自專三曰自私四曰自固願陛下於從容論道之頃宣
示臣言俾大臣充初志而加定力懲往轍而圖方來以
仰稱厲精更始之意上嘉納之又首乞罷樞密使薛極
以厲大臣之節章三上卒出之其他得罪清議者相繼

戊辰修史傳

三四明叢書
約園刊本

劾去朝綱大振明年改元端平咨夔預乞於新元端朔
親洒宸翰示天下以堯旌舜木之意使人人得盡言無
隱又乞令內外職任之寫者各舉所知上札諭中外如
其言時登進諸儒以廣講讀說書之選咨夔奏聖學之
實所當講明而推行者有六一親睦本支二正始闔門
三警肅侍御四審正邪用舍五儲養文武之才六憂根
本無生事邀功又言常平義倉鹽課及苗稅多取之弊
京湖以八陵圖來上咨夔援紹興留司奉表八陵及東
晉大都督親謁五陵故事乞先詔制臣往省候回別議

朝祭又復以完顏守緒骨來獻時將侈大其事公奏撥
寒灰而認殘骸雖離婁無所用其明望稽春秋缺疑之
義且以守緒骨函藏大理寺又奏偽參政張天綱等窮
猿奔麕舉是大獻臣實眇之但當以虜亡告九廟歸諸
祖宗德澤況與強爲鄰抱虎枕蛟事變叵測願可侈因
人之獲使邊臣論功朝臣頌德且陛下知慕崇政受俘
之元祐獨不鑒端門受降之崇寧乎然不果悉從女眞
既亡與韃爲鄰和戰之說並起謂和固失於信韃戰尤
失於輕韃乞明詔三邊一意備守講求營屯爲久駐之

戊辰修史傳

三四明叢書
約園刊本

基是夕除殿中侍御史會王定入臺察對咨夔力詆將
重珍咨夔乃按定疾視善良乞罷之越三日左遷定而
擢咨夔中書舍人尋兼權吏部侍郎端平二年與眞德
秀同知貢舉竣事兼直學士院時咨夔口瘍已深復上
疏曰人君當以天自處而猶有未純於天者易心吝心
也易者何氣盛而輕於發吝者何氣歉而吝於行疏凡
千餘言病稍劇自度必死無以報上遂奏自恢復之議
不審百敗紛出元祐已絕望而趨下之勢次第且紹興
崇觀所當引咎悔過亟圖挽回毋使後世謂東南事變

胚胎於前日用儉巧之人沈痼於今日用正大之士因
 力乞祠上曰卿在朝多有裨益何輕去咨夔奏去年臣
 備數臺諫今年臣備數給舍皆不能過六月之師何補
 於朝近年朝士有以老病求去輒苛留之人亦幸留不
 去寡廉鮮恥風俗敗壞臣病久當去去猶足裨風俗上
 勉留之越五日除吏部侍郎兼給事中奏比年徇私成
 習化實未更所持以一公鑠萬私者獨陛下耳而好樂
 營繕親厚近屬保護舊臣若未能無所繫累上在位踰
 一紀國本未立未有敢深言之者咨夔乞擇宗室子鞠

戊辰修史傳

三四四明叢書

約園刊本

養以迓天慶併為濟邸立後廟堂問稅畝以重楮何如
 咨夔答以取之而燕民悅則取之韃犯襄荆江淮皆警
 上命樞臣視師公奏朝廷之待督府者有三曰重權事
 曰疾報應曰一議論督府之奉朝廷者亦三曰明分義
 曰合謀慮曰講實政三年正月除給事中史嵩之自任
 和韃召赴闕下除刑部尚書咨夔乞姑令出守勉效驅
 馳嵩之遂兼兩使以出殿院徐清叟以事引去咨夔復
 力疾抗疏挽留拜翰林學士知制誥祈閒愈切除端明
 殿學士六月己丑薨于在所寓舍年六十一上聞之痛

悼遺表上御筆洪咨夔鯁亮忠愨有助親政與執政恩
 謚咨夔剛正明達議論多關世道升降在嘉定不用仕
 外多政績用於端平能斥端平之不足言更化且凜有
 後憂少以文稱晚益老口其遺文有兩漢詔令三十卷
 單鈔一百卷春秋說三十卷外內制奏議詩文若干卷
 多行於世

兵部尚書袁甫

戊辰修史傳

三四四明叢書

約園刊本

甫字廣微慶元府鄞縣人嘉定七年擢進士第一簽書
 建康軍節度判官廳公事除祕書省正字陛對論君天
 下不可一日無懼心而今之可懼其大端有五端良者
 斥諂諛者用杜忠臣敢諫之門可懼也兵戈既興餽餉
 不繼根本一虛則有蕭牆之憂可懼也陛下深居高拱
 羣臣奉行簿書獨運密謀之意勝而虛心咨訪之意微
 天下迫切之情無由上聞可懼也外患未弭內患方深
 而熙熙焉無異平時自謂雅量足以鎮浮不知宴安實
 為鳩毒可懼也陛下恭儉有餘剛斷不足庸夫儉人苟

求富貴而未聞大明黜陟軍帥交結州郡賄賂皆自貴
近者化之可懼也其它禍機亂萌不可悉數將何以答
天譴召和氣哉次論士大夫官兵無一足仗乞嚴帥守
之選併大軍之權興屯田之利十一年除校書郎輪對
言邊事之病不在外而在內偷安之根不去規模終不
立壅蔽之根不去血脈終不通忌嫉之根不去將帥終
不可擇欺誕之根不去兵財終不可治祖宗之御天下
政事雖委中書然必擇風采著聞者為臺諫敢於論駁
者為給舍所以戢官邪肅朝綱也今日誠體是意以行

戊辰修史傳

三十四明叢書
約園刊本

之豈復有偷安壅蔽者哉出通判湖州考常平獎源以
增積貯核隱產增附嬰兒局除祕書郎尋除著作佐郎
知徽州治先教化崇學校訪便民五事上之一乞蠲減
婺源紬絹一萬七千餘匹茶租折帛錢一萬五千餘貫
月椿錢六千餘貫二乞照咸平紹興乾道寬恤指揮受
納徵絹定每匹十兩三乞下轉運常平兩司豫蓄常平
義倉備荒四興修陂塘五勸築百梁丁父憂服除知衢
州立旬講務以理義淑士心歲撥助養士千緡西安龍
游常山三邑積窳預借為代輸三萬五千緡蠲放四萬

七千緡郡有義莊買良田二百畝益之紹定元年冬移
江東提舉歲旱亟捐廩捐直凡州縣窳名隸倉司者無
新舊皆住催為緡錢六萬一千米一十三萬七千麥五
千八百石又告于朝曰本路或水後旱或旱後水重以
去冬今春雨雪連月飢寒交迫道殣相望至有一家七
八口相枕藉而死者此去麥熟尙賒事勢益急有詔給
度牒百道助費時江閩寇迫饒信慮民情易動分榜諭
安之檄諸郡關制司聞於朝為保境捍患之圖寇迄不
犯除提點本路刑獄兼提舉移司番陽四年霜殺桑春

戊辰修史傳

三十四明叢書
約園刊本

夏雨久湖溢諸郡被水連請于朝給祠牒二百道賑卹
之七月盜起常山調池州兵千人屯廣信備之九月都
城大火上封事言上下不交以言為諱天意人心實同
一機災變之作端由於此望下哀痛之詔以回天意十
月詔求直言復上疏言災起都邑天意蓋欲陛下因其
所可見察其所不可見其末因言宰臣積勞成疾猶不
避事乞上行至公無私之心全保護大臣之體厲率羣
工大明黜陟與天下更始五年春行部問民疾苦薦循
良劾奸貪決滯獄所至詣學宮講說勸書院貴溪之南

祠先儒陸九淵六月大旱列其狀于朝得祠牒緡錢綾紙以助賑卹疫癘大作勅醫院療之前後持節江東五年所活殆不可數計除將作監領事如故繼力辭庾司事從之冬彗星見詔求直言上疏言皇天所以震怒者由愁苦之民眾人民所以愁苦者由貪冒之風熾願一變上下交征之習爲大公至正之歸理宗親政除直徽猷閣知建寧府明年兼福建轉運判官閩鹽隸漕司例運兩綱供費後增至十有二吏卒並緣爲姦且抑州縣變賣公私苦之甫奏復舊例丁米錢久爲泉漳興化民

戊辰修史傳

三六四明叢書
約園刊本

患會知漳州趙以夫請以廢寺租爲民代輸甫并捐三郡歲解本司錢二萬七千貫助之郡屯右翼軍本備峒寇招捕司移之江西南檄使還營寇作唐石卽調之以行而賊悉平除祕書少監入見上曰卿久勞于外篤意愛民每覽所陳備見懇惻甫奏無逸之義言知農夫稼穡艱難自然逸欲之念不起次乞力守更化以來求賢加不及之初意二年春除起居舍人兼崇政殿說書經筵奏剛之一字最切於陛下陛下徒有慕漢宣厲精爲治之名而乃墮元帝文宗柔弱不振之失元帝文宗果

斷不用於斥邪佞反用於逐賢人此二君不識剛德之眞所謂眞剛者當爲之事則決於必行不當爲之事則斷在勿行又乞專意經訓養育精神務令充實上與天一下合人心大臣亦宜體此惟以精神理大事上意欲全功臣之世詔自今中外臣僚奏事毋得攜摭甫奏消天下讜直敢言之氣其謂陛下何兼中書舍人繳奏不摘苛小謂監司郡守非其人則一道一州之蠹也時相鄭清之以國用不足履畝使輸券甫奏避貴虐賤有力者頑未應令而追呼迫促破家蕩產悲痛無聊者大抵皆中下之戶一日講罷上問外間事甫奏惟履畝事人心最不悅又一日讀通鑑至漢高祖入關辭秦民牛酒因奏今日無以予人反橫科之其心喜乎怒乎本朝立國以仁陛下以爲此舉仁乎否乎上爲惻然時朝廷以邊事爲憂起史嵩之帥江西將倚之和戎甫奏曰臣與嵩之居同里素不甚相知而嵩之父彌忠則與臣相識舊矣昔趙欲將趙括其母言括不可將謂括少學兵法而父奢責其以易言之也彌忠每戒嵩之輕易有父奢先見之明嵩之之易於主和亦猶括之易於言戰今朝

戊辰修史傳

三六四明叢書
約園刊本

廷甘心用父子異心之人臣謂不特嵩之之易於主和抑朝廷亦未免易於用人也疏入不報遂乞歸不允除起居郎兼中書舍人未幾嵩之除刑部尙書復奏疏云臣於嵩之本無仇怨但國事所係誼難緘默嵩之除命終不與書行乃除甫知江州王遂抗疏力爭上曰本以授其兄袁肅報行誤耳令遂勉甫無它志翌日乃除肅江州而殿中侍御史徐清叟復論甫守富沙日賊六十萬湯巾等又爭之清叟亦悔未幾除知婺州辭不拜嘉熙元年除中書舍人內引陳心源之說上問邊事甫奏

戊辰修史傳

四十四明叢書
約園刊本

當以上流爲急議和恐誤事清叟與甫並召而清叟未至甫奏清叟辭避實惟臣故乞趣其赴闕又奏備邊四事曰固江陵堰互梁與流民復業遣回韃使史嵩之除京湖沿江制置使知鄂州甫奏曰嵩之輕脫難信去年嵩之在淮西王楫由淮西而來韃騎踵之今又併湖南付之臣恐其復以誤淮西者誤湖南疏留中不行翌日除權吏部侍郎引疾至八疏賜告一月遂歸從臣復合奏留之尋命兼修玉牒官兼國子祭酒皆辭不拜二年除知嘉興府知婺州皆辭不拜三年乃除兵部侍郎內

引奏江潮暴涌旱魃爲虐楮弊蝕其心腹強韃剝其四支危亡之禍近在旦夕乞秉一德塞邪徑兼給事中岳珂以知兵財召甫奏珂總餉十二年焚林竭澤珂竟從外補除吏部侍郎兼國子祭酒日召諸生叩其問學淵源理義切磋之益時邊遽日至甫條十事其一督府駐武昌孟珙赴歸峽孟璋孟瑛防拓湖湘而韃兵已逼鼎澧震動且當於沅江用官兵土兵與督府新調之兵併力提備其二我徒仗舟師彼反遵陸驅鐵騎以窺湖南未必不別以舟師出奇江面當如常山之蛇顧首顧尾

戊辰修史傳

四十四明叢書
約園刊本

其三江西皆無限障獨臨江樟木鎮與豐城縣一江可守臨川則有鄧傅二社建炎嘗卻虜近己丑年亦有捍寇之力宜團結以助兵勢其四措置斥堠使邊面動息如在目前其五乞就朝行中擇習知形勢兵事者使時時條陳以資策畫其六宜下詔深陳往悔應口湖湘大家使之倡義勸率出力助兵其七分闕任重之人尤貴一心體國其八乞下督府令以棄城逃遁之名來上明正典刑其九中書之務不清由六曹長貳失職六曹率屬舉職可分大臣之勞其十流民剽劫宜急依區處四

年元日除權兵部尙書暫兼吏部尙書三月二十二日
終于位年六十有七贈通奉大夫諡正肅遺文有孟子
解後省封駁信安續志江東荒政錄防拓錄樂事錄及
文集四十卷甫少服父正獻公變之訓謂學者當以聖
人爲師又謂學以自得爲貴正獻薨以衰經乞銘於文
元公楊簡文元館之家塾扣辨往復了然於所傳之心
學自謂吾觀草木之發生聽禽鳥之和鳴與我心契其
樂無涯勸講金華嘗奏陛下識精一則識本心理宗云
精則不雜一則不二甫辨其爲此朱熹解字義而直欲

戊辰修史傳

聖三四明叢書
約園刊本

其君識心云

史臣震擬贊曰甫切於愛民所至有惠政謂史彌遠老
當還政謂史嵩之不可相天下立朝正直無阿附心近
世掄魁之有益世道甫一人而已然理宗方表章正學
甫乃欲略去章句超悟心源豈其所見然歟

刑部侍郎徐元杰

元杰字仁伯信州上饒人祖安國嘗繼龔氏旣第感正
本明宗之義言于朝歸徐姓父母伯仲猶俱存遂以一
樂名堂文公朱熹書扁宣公張栻爲記其事元杰幼穎

悟誦書日數千言每冥思精索聞陳文蔚講書鉛山實
文公高第往師之旣復師西山真德秀紹定五年以詞
賦冠南省廷對擢進士第一簽書鎮東軍節度判官廳
公事嘉熙二年除祕書省正字遷校書郎奏否泰剝復
之理因及右轄久虛非骨鯁者艾身足負荷斯世者不
可輕畀又言濟邸當置後及主壘久虛乞密定大計時
諫垣蔣峴方力排濟邸置後之說遂力請外不許卽謁
告歸丐祠章十二上三年除著作佐郎兼兵部郎官以
疾辭差知安吉州辭召赴行在奏事辭益堅淳祐元年

戊辰修史傳

聖三四明叢書
約園刊本

差知南劍州會峽陽寇作擒渠魁八人斬之餘釋不問
父老或相語曰侯不來須與我輩魚肉矣郡有延平書
院率郡博士會諸生親爲講說民訟率呼至以理化誨
多感悅而去輸苗聽其自概闔郡德之丁母憂去官眾
遮道跪留旣免喪除侍左郎官言敵國外患乞以宗社
爲心言錢塘駐蹕驕奢莫若抑文尙質兼崇政殿說書
每入講必先期齋戒嘗進仁祖詔內降旨揮許執奏及
臺諫察舉故事爲戒語多切宮壺除將作監進揚子雲
大匠箴陳告節儉時天久不雨轉對極論洪範天人感

應之理及古今遇災修省之實辭極忠懇丞相史嵩之
丁父憂有詔起復中外莫敢言惟學校叩闈力爭元杰
時適輪對言臣前日晉侍經筵親承聖問以大臣史嵩
之起復臣奏陛下出命太輕人言不可沮抑陛下自盡
陛下之禮大臣自盡大臣之禮玉音賜俞臣又何所容
喙今觀學校之書使人感歎且大臣讀聖賢之書畏天
命畏人言家庭之變哀戚終事禮制有常臣竊料其何
至於忽送死之大事輕出以犯清議哉前日所庭出命
之易士論所以凜凜者實以陛下爲四海綱常之主大

戊辰修史傳

四四明嚴書
約園刊本

臣身任道揆扶翊綱常者也自聞大臣有起復之命雖
未知其避就如何凡有父母之心者莫不失聲涕零是
果何爲而然人心天理誰實無之興言及此非可使聞
於夷狄也陛下烏得而不悔悟大臣烏得而不堅忍臣
懇懇納忠何敢詆訐特爲陛下愛惜民彝爲大臣愛惜
名節而已疏出朝野傳誦上亦察其忠亮每從容訪天
下事經筵益申前議未幾夜半一紙去四不才臺諫起
復之命遂寢元老舊德次第收召元杰亦兼右司郎官
除太常少卿兼給舍祭酒駸駸向用兼權中書舍人杜

範入相復多延議軍國事爲書無慮數十所言皆朝廷
大政邊鄙遠慮每教書至宗社隱憂處輒閣筆揮涕書
就隨削橐雖子弟無有知者六月一日輪當侍立以暴
疾謁告壽鑄按此下原空十五字無別本可資
校補但查宋史袁甫本傳又似無闕文詔除工
部侍郎隨乞納祿詔轉一官致仕夜四鼓遽卒年五十
二先元杰未死之一日方謁左丞相范鍾歸又折簡察院
劉應起將以翼日奏事是夕俄熱大作詰朝不能造朝
夜煩愈甚指爪忽裂以死朝紳及三學諸生往弔相顧
駭泣訃聞上震悼曰徐元杰前日方立螭不聞有疾何

戊辰修史傳

四五四明嚴書
約園刊本

死之遽耶亟遣中使問狀賻贈銀絹二百匹兩已而太
學諸生伏闕訴其爲中毒且曰昔小人有傾君子者不
過使之自死於蠻煙瘴雨之鄉今蠻煙瘴雨不在嶺海
而在陛下之朝廷望奮發睿斷大明典刑於是宗武兩
學及京庠諸生相繼叩闈訟冤臺諫交疏論奏監學官
亦合辭聞於朝二子直諫直方乞以卹典充賞格有指
付臨安府逮醫人孫志寧及常所給使鞠治既又改理
寺詔殿中侍御史鄭策董之且募告者賞緡錢十萬官
初品大理寺正黃濤謂伏暑證二子乞斬濤謝先臣然

獄迄無成海內人士傷之上悼念不已賜官田五百畝
楮五千緡給其家

史臣震擬贊曰嵩之謀起復舉朝翕然嚮往之元杰首
陳其不可公道復開元杰實爲之權輿君子蓋取節焉

寶章閣待制李心傳

心傳字微之隆州井研人寶慶二年以布衣補官詔入
史館專修中興四朝帝紀甫成其三言者去之添差通
判成都府尋除著作佐郎兼四川制置司參議官詔無
入議幕許辟官置局踵修十三朝會要端平三年書成

戊辰修史傳

四六四明叢書
約園刊本

會有狄難召赴闕明年冬復以言去奉祠霄上淳祐元
年罷祠既復予之又復罷三年致仕明年卒年七十八
所著成書有繫年錄二百卷學易編五卷誦詩訓五卷
春秋考十三卷禮辨二十三卷讀史考十二卷舊聞證
誤十五卷朝野雜記四十卷道命錄五卷西陲泰定錄
九十卷詩文一百卷立朝論諫亦多切直初心傳父舜
臣嘗主宗正寺簿以文名生三子道傳悅文公朱熹之
學不遠數千里出蜀將從之游至則文公已下世遂博
采力求盡得文公爲書而哀之用以代面承蜀之會粹

文公書自道傳始世所稱李果州者也性傳亦第進士
嘗參大政有名於時心傳最長慶元乙卯歲以明經薦
於鄉既下第獨絕不復應舉閉戶著書晚因許奕魏了
翁崔與之等合前後二十三人之薦自制置司津發至
闕下授之官又賜進士出身歷官至工部侍郎寶章閣
待制其書家藏而人誦殆將爲我宋信史所就益遠矣
世尊稱曰秀巖先生云

史臣震擬贊曰史臣自漢遷固後無聞焉至我朝而後
有心傳該總通達遂成一家嗚呼盛哉

戊辰修史傳

四七四明叢書
約園刊本

戊辰修史傳

東發先生日鈔後一半卽其文集也別有理度二朝政
要近又得其戊辰史稿乃其爲史館檢閱時所作列傳
一杜範一眞德秀一洪咨夔一袁甫一徐元杰一李心
傳凡六篇疑卽日鈔中所闕二卷是也先生所極稱者
杜丞相其於眞文忠公傳謂晚節阿附鄭清之大有微
詞與理度二朝政要所言互相證明政要最推袁正肅
公而傳中稍不滿其論學今宋史眞文忠公傳頗采公
文以爲藍本世有能重雕日鈔者當以此稿及理度二
朝政要附之全祖望

戊辰修史傳跋

四明叢書
約園刊本

崇禎閣臣行略



崇禎閣臣年表

天啟七年丁卯九月卽位

西蜀太史陳盟雪灘著

黃立極	天啟五年乙丑八月入閣是年十二月免	楊景辰	同
施鳳來	天啟六年丙寅七月入閣	李標	同
張瑞圖	同	周道登	同
李國楫	同	錢龍錫	同
來宗道	是年十二月入閣	劉鴻訓	同

崇禎閣臣行略

知服齋叢書

元年 戊辰

鳳來	四月免	標	
瑞圖	同	道登	四月入閣
國楫	五月致仕	龍錫	四月入閣
宗道	六月子告	鴻訓	二月入閣十二月以罪謫戍
景辰	同		

韓

秦昌元年庚申九月入閣天啟四年甲子十二月子告是年六月再召十二月入閣爲首輔

二年 己巳

三年 庚午

熿	十二月入閣	周延儒	同
標	同	何如寵	同
道登	正月致仕	錢象坤	同
龍錫	十二月子告		
成基命	十月入閣		

崇禎閣臣行略

知服齋叢書

四年 辛未

延儒		熿	正月子告
如寵	八月子告	標	二月子告
象坤	六月子告	基命	九月子告
體仁		延儒	
宗達		如寵	

五年 壬申

延儒		延儒	
體仁		體仁	
宗達		宗達	
徐光啟	五月入閣	徐光啟	
鄭以偉	同	鄭以偉	

六年 癸酉

延儒	六月子告	延儒	
體仁		體仁	
宗達		宗達	
光啟	十月卒	光啟	
以偉	六月卒	以偉	

						七年 甲戌	王應熊 十一月入閣	錢士升 同	何吾騶 同	是歲再召前輔臣何如寵入閣以疾辭不赴			
						八年 乙亥	體仁	宗達	應熊		士升	吾騶	
							張至發	體仁	宗達		應熊	士升	吾騶
							文震孟	五月子告	九月子告		十月致仕		
							七月入閣	同十月					
						九年 丙子	體仁	士升	至發	黃士俊	孔貞運		
							賀逢聖	林鈺	同	同			
							同	同是年五月卒	四月子告	六月入閣			
						十年 丁丑	體仁	至發	士俊	貞運	逢聖		
							六月子告	十二月子告					

崇禎開巨行略

三

知服齋叢書

						十一年 戊寅	劉宇亮 八月入閣	傅冠 同	薛國觀 同		
							至發	貞運	逢聖	宇亮	冠
							國觀	方逢年	程國祥	楊嗣昌	蔡國用
							四月子告	六月子告	三月子告	同	八月子告
							范復粹	十一月子告	同	同	同
						十二年 己卯	同	同	同	同	同
							宇亮	國觀	國祥	嗣昌	國用
							奉命督察追三月以罪革職	魏炤乘	姚明恭	張四知	命勦賊
						十三年 庚辰	復粹	同	同	同	同
							國觀	嗣昌	國用	復粹	炤乘
							五月入閣				

崇禎開巨行略

四

知服齋叢書

十六年 癸未	延儒 五月去 任八月	演	德璟	景昉 九月子 告	方岳貢 十一月 入閣
	延儒	逢聖 六月子 告	炤乘 二月子 告	四知 七月子 告	陞 四月以 罪去
	演	蔣德璟 九月入 閣	同	同	
	演	同	同	同	
	演	同	同	同	
	演	同	同	同	
十五年 壬午	是歲十一月召舊輔王應熊	崇禎閣臣行略	王	知服齋叢書	
	不赴	是歲再召周延儒張至發賀逢聖復入閣至發以病			
	復粹 五月子 告	嗣昌 二月卒 於軍	炤乘	四知	陞
	演				
十四年 辛巳	明恭 五月子 告	四知	謝陞 五月入 閣	陳演 同	
	住 六月閑		六月卒		

十七年 甲申	李建泰 十一月 入閣	魏藻德 五月入 閣	吳牲 三月督 師五月 致仕十 二月戊	是歲前輔臣王應熊至京仍子告	逮十月 至京賜 死
	演 二月子 告未去	德璟 二月子 告	岳貢 賊入京 被害	建泰 奉命勤 賊	
	耶瑜 二月入 閣	范景文 同三月 賊入京 殉難		藻德 賊入京 被賊害	
	三月賊 入京被 害				
崇禎閣臣行略					
六					
知服齋叢書					

崇禎內閣行略

西蜀太史陳盟雪灘著

黃立極

號中五北直元城人登甲辰楊守勤榜改庶吉士授簡
討歷陞贊善諭德庶子掌司經局尋陞少詹禮部侍郎
協理府事乙丑八月以禮部尚書同莆田周如盤賈池
丁紹軾涿州馮銓召入內閣十月加太子太保戶部尚
書歷加左柱國少傅進武英建極中極殿為首輔白崑
山顧秉謙去位大獄甫竟旋有要典之役元城翬翬備
位無所短長且與桑梓同調其時有內相外相之稱崇
禎登極漸艾狐黨元城內不自安乃引疾去二年璫案
定削籍為民

崇禎閣臣行略

七

知服齋叢書

施鳳來

號存梅浙平湖人丁未雋禮闈廷對第二人授編修陞
南國子司業天啟開歷陞諭德庶子陞少詹禮部侍郎
協理府事掌翰林院印丙寅七月以禮部尚書同晉江
張瑞圖高陽李國樞入內閣歷加少保少傅左柱國少
卿兼太子太師吏部尚書晉中極殿為首輔崇禎戊辰
會試總裁是時魏璫正法逆黨如李蕃李魯生輩尚多
在位數年橫被摧抑者猶未能聲明正論時御史楊維

垣有疏沮抑舊輔韓爌及文震孟等詞臣倪元璐疏駁
之被旨責具出位元璐欲再駁而憚正氣未伸予時為
國子司業為請平湖極論之平湖始憬然覺許以改正
翌日元璐書再上維垣遂獲罪中外翕然知上意所向
平湖一轉之力不可誣也三月引疾乞休加太傅蔭璽
丞馳驛已巳璫案定追論黨附革職閒住當丙丁之間
璫燄薰灼莫敢嚮邇救正之事豈能望於平湖但以湖
上片碣稱頌顯然猶用主持末局得從輕擬之旨

張瑞圖

崇禎閣臣行略

八

知服齋叢書

號二水福建晉江人丁未廷對第三人授編修歷陞庶
子掌司經局少詹禮部侍郎丙寅七月以尚書入內閣
歷加少保少傅左柱國少師兼太子太師吏部尚書進
中極殿崇禎戊辰副平湖會試總裁三月引疾去加太
保蔭中書已巳璫案定追論黨附革職晉江為人和易
無他以上書畫名雖居揆地嘗以吮毫為事稱頌之碣
瑞圖所書與平湖並峙湖上故不能免云

李國樞

國樞辨胡煥猷疏有引罪
語又上疏為煥猷請寬

號績溪北直高陽人登癸丑周延儒榜改庶吉士授簡
討陞贊善諭德少詹丙寅七月以禮部尚書入內閣故
事詞林必資陳望重始得與枚卜非二十年外不能望

政地自涿州以十三年時被寵命遂為昭代希有盛事然猶帶三品銜稍示謙退至是纔一年所竟用正卿入矣歷加少保少傅少師兼太子太師吏部尚書晉中極殿崇禎五年九月引疾予告馳驛高陽以權璫桑梓當元城秉政時官府之交頗合然亦心知其非於士大夫前閒一剖露及倪元璐疏將再上予為之言於政府惟高陽謝過甚切力以改正自任廷論多之既定璫案獨得從寬議辛未年卒

來宗道

號路然浙蕭山人登甲辰楊守勤榜改庶吉士授簡討

勞雁閣臣行略

九

知服齋叢書

乙卯主福建試陞贊善諭德庶子少詹禮部侍郎南禮部尚書丁卯十二月以本官同楊景辰等入內閣先是蕭山為宗伯日適崔呈秀以兵部尚書丁母憂該司題請加恩有在天之靈語上閱之亦為動色明年戊辰改元言官以為言蕭山不自安六月引疾去己巳璫案定亦坐革職

楊景辰

號侗孩福建晉江人登癸丑科禮闈二名改庶吉士授編修歷陞中允諭德禮部侍郎教習庶吉士尋掌院事丁卯十二月以禮部尚書入內閣晉江本未有挾持兼

語言鈍訥當懷宗初立頗難酬對遂以明年戊辰六月為言者所攻引去仍予馳驛己巳以璫案追論革職閒住

李標

號建霞北直高邑人登丁未黃士俊榜改庶吉士授簡討歷陞諭德庶子禮部侍郎協理府事時魏璫用事其同邑舊太宰趙公南星以東林黨被罪懼相及遂引疾去丁卯十二月仍以禮部尚書召入內閣蓋是時崇禎登極勵精之初冀得賢輔特召吏部尚書房壯麗總憲曹思誠及河南掌道御史吏科都給事中魏炤乘等入內庭上焚香禱於天入諸臣名枚卜金瓶中得六人焉高邑吳江華亭長山皆即其家召起政地一時以為盛舉戊辰六月加太子太保晉文淵閣庚午二月予告馳驛去公居心正直協公秉政素畏倚任時論推之故雍容引退為差勝云

周道登

號念西吳江人登戊戌趙秉忠榜改庶吉士授編修陞國子司業庶子掌坊少詹禮部侍郎天啟壬戌加太子賓客知貢舉尋引疾去丁卯十二月金甌之下以禮部尚書召入內閣崇禎戊辰六月加太子太保晉文淵閣

公端亮有執不事繼趨時門戶方熾未有敢稍爲同異者惟公生平守正在廷多憚之性簡默不尙口亦頗不合於時居恆面有笑容一日召對上怒顧公問曰卿何笑公亦質任無所謝言路遂據他事論公己巳正月引疾去歸而著書自樂不問戶外壬申以疾卒

錢龍錫

號機山華亭人登丁未科改庶吉士授編修歷陞諭德少詹事翰林院事禮部侍郎尋以魏瑞用事削籍追奪丁卯十二月金甌之卜以禮部尙書召入內閣崇禎元年六月加太子太保晉文淵閣至秋召起蒲州公首輔

崇禎曆臣行略

十二

即報齊書

時在廷紛紛請定瑞案江南物望素推重公而一時主持議論則多屬姚俟兩詞林己巳五月山海督師袁崇煥以殺東江總兵毛文龍於海上來告云臣在都門曾商之次輔錢龍錫云至北兵入大安口薄都城崇煥驟西市言者乃爲文龍訟冤並追論崇煥原疏次輔之說謂受指於公十一月公引疾去庚午三月御史范堃極論公遂緹騎逮益希陽羨指云先是戊辰冬枚卜陽羨求與名不得以爲憾正公在事日也至是下廷臣議在廷瞻徇無敢寬者賴上意洞然繫獄久之辛未春詞臣黃道周上疏極言時事始從輕議得謫戍定海公在戍

十二年肆赦者再皆不得釋至其子翰粟代贖公罪疏再上值陽羨復秉政又振扼之至甲申乃得復官存問卒於家

劉鴻訓

號青岳山東長山人登癸丑科改庶吉士丙辰授編修歷陞中允諭德丁卯十二月以金甌之卜用禮部尙書召入內閣崇禎元年六月加太子太保進文淵閣公性伉儷遇事敢任在廷翕然稱之是時上方用嚴毅懲玩愒故事提督京城街道原係府衙不隸於戎政惠安伯張慶臻奉命爲京營總督乃請之長山屬中書增入赦內及提督以功令職掌爲言上大怒詞事者且刺得其關通受賂之人於是並下長山獄罷慶臻先時長山在政府嘗議事有所不可輒言曰主上畢竟是冲主上聞而嫌之至是必欲寘之重典幸廷臣力救乃謫戍代州去竟卒戍所

韓爌

號象雲山西蒲州人登壬辰翁正春榜改庶吉士授編修歷陞庶子少詹禮部侍郎己未副使史繼偕總裁會試教習庶吉士八月光宗登極以禮部尙書入閣加太子太保少保少傅少師左柱國甲子七月福清葉公向

崇禎曆臣行略

十三

即報齊書

高予告去位公爲首輔時左副都御史楊漣參大璫魏忠賢不勝合在廷力併攻朝著闐然卒不勝忠賢欲重懲一二人以徇公持不可遂中璫忌計徇公而用其

輒降內旨切責皆出中官李永貞手公力辭避賢者路疏有糠粃在前語益謂崑山南樂也明年大獄興與督熊廷弼擬辟待決眾論多愴之公尤爲不平於是黃龍光上甲元免刑疏援嘉靖甲子免行刑例得請龍光公門生也及廷弼正法追論甲元疏爲受廷弼賄而入楊漣左光斗等坐職拷訊致之死並建龍光波及公下其僕韓三詔獄多端文致備極楊楚致死不承乃已公亦

崇禎曆臣行略

三

知服齋叢書

岌岌矣崇禎元年魏璫伏法予時爲國子司業上疏首訟公冤特旨承存問廷臣又極言之乃復召公秉政己巳三月定璫案公生平醇正誠篤忠貞自任有古大臣之風而時方繩急不無柄鑿未克展其用惜哉庚午六月引疾馳驛甲申賊入蒲州未敢犯公久之乃卒年近八旬矣

成基命

號慈子北直大名入登丁未科改庶吉士授編修陞中允庶子洗馬兼國子司業少詹禮部侍郎掌南京翰林院丙寅魏璫用事以楊漣同門故奉旨閒住崇禎元年

起原官協理詹事府事己巳特旨晉禮部尚書召入內閣庚午加太子太保晉文淵閣九月予告公秉性和厚容儀偉岸貳公弘化宣亮正直在揆席中爲表表云

周延儒

號挹齋宜興人登癸丑會殿皆第一人授修撰陞中允庶子掌司經局少詹禮部侍郎時懷宗初政簡覈各邊兵糧八月寧遠兵譁斃其巡撫畢自肅上怒召廷臣語問寧遠兵何遽譁天語再三莫有對者久之延儒厲聲奏曰古有羅雀掘鼠而土心不變者上深以爲是復誦其語再三亦終莫有對者上起令中官出詢班中奏對

崇禎曆臣行略

四

知服齋叢書

何官以職名入上已意屬矣十一月枚卜延儒丐廷推不得會推疏上內錢謙益爲溫體仁以謙益主辛酉浙場錢千秋關節事奏訐上怒褫謙益官聽勘罷枚卜己巳十月又枚卜兩人復不與獨點用大名十一月乃特旨召延儒以禮部尚書同何如寵錢象坤入內閣延儒年方強仕從來詞林躋政地除涿鹿外未有壯齒若斯者庚午加太子太保晉文淵閣七月蒲州高邑大名相繼去延儒遂爲首輔辛未借何如寵會試總裁壬申加少保少傅吏部尚書進建極殿癸酉予告馳驛恩禮優渥先是戊辰冬之役延儒不獲與謙益嫉視其鄉人而

與烏程比自此與門戶角立既罷歸猶時時瞻望三台
其門人庶吉士張溥爲延儒調停其間與謙益捐除宿
憾冀復兼用爲門戶周旋乃釀金近十餘萬付盛順者
輩之長安大瑤王裕民等咸納其重賂於辛巳春同淄
川江夏並召尋加太傅兼太子太保是時流寇猖獗關
毒痛中原獻蹂躪楚蜀邊腹糜潰力不能支錦州圍困
甚急先是輔臣謝陞有款邊制寇之議大司馬陳新甲
以獨對平臺遂及此上曰可款則款在卿部便宜從事
巨乃遣職方郎馬紹愉往議歲以百萬餉之紹愉入報
上問何以答之益謂名號言也延儒俯伏不對上慨然

崇禎曆行略

五

知服齋叢書

起言官遂劾新甲辱國下之獄大司寇擬新甲在事寇
陷襄福二藩抵辟決不待時其實因新甲過被寵任將
有爰立意故必殺之爲快癸未加大師奉命督師敗於
永平乃以捷聞監軍御史蔣拱辰據實入告上翹然其
門人范志完爲總督御兵德州敗嗣亦掩敗爲功延儒
調旨庇之德州道雷演祚發其事六月遂引疾去八月
御史何綸等益盡發其貪穢遣緹騎逮十月至京賜死
順城門外紅廟追贖十二萬延儒之再入也引用吳昌
時爲吏部濁亂朝政逢迎窺伺一以蒙飾爲巧至於在
廷寮案陰陽操縱備極牢籠壬午南闈子弟姻戚俱登

賢書慮門戶人不爲己用欲援夙習同好者繼之知廷
臣甚畏渝州每每操之以市重卒之興化甫入隨擠之
出科臣熊開元臺臣姜琛交章論其欺飾諸狀俱被杖
革職已而渝州竟起門戶乃羣起攻之不遺餘力由延
儒上下蒙徇生齒塗炭已極而惟賄是聞偷安旦夕身
死未幾而國亦隨之矣

何如寵

號芝岳桐城人登乙未科改庶吉士授編修陞中允庶
子國子祭酒詹事禮部侍郎乙丑請告崇禎元年起吏
部侍郎協理府事六月陞禮部尚書己巳十二月命以
原官入內閣庚午加太子太保少保戶部尚書晉文淵
閣武英殿副荆溪爲會試總裁尋予告馳驛癸酉荆溪
罷復召入閣遣行人敦趨就道至淮上辭以疾不赴歸
老金陵家居凡九載至辛巳卒公博學洽聞儀表豐潤
立志冲恬與物無競荆溪後進垂二十年怙其寵位殊
多簡傲公一不較也堅意選舉士論高之

錢象坤

號麟武浙會稽人登辛丑張以誠榜改庶吉士授簡討
陞贊善庶子少詹掌翰林院禮部侍郎請告去丙寅魏
璫用事以推禮部尚書閒住崇禎元年三月起掌詹事

崇禎曆行略

六

知服齋叢書

府事已已十二月命以原官入內閣庚午加太子太保
晉文淵閣辛未四月請告馳驛公恪守宿望尺度惟謹
循循雅飭有儒者風值荆溪當國恃寵藐弄屬其私人
武弁某者任京營荆溪入闈而大司馬梁廷棟出之於
外廷棟爲公門人因嫌之公遂拂衣去大司馬亦得罪
聞住卒於家

溫體仁

號圓嶠浙烏程人登戊戌科改庶吉士授編修陞南國
子司業庶子少詹掌翰林院禮部侍郎協理詹事丁卯
陞南禮部尚書崇禎元年掌詹事府事冬以枚卜不與

崇禎曆臣行略

七

知服齋叢書

許奏廷推錢謙益浙闈舉人錢千秋事言廷臣比私背
公大負主上反覆三四疏時上初政勵精尤惡欺蔽得
奏大怒奪謙益職下千秋勘訊黜降其同邑門人給諫
瞿式耜而罷枚卜上意已屬體仁矣然犯門戶鋒益樹
仇敵及荆溪大拜後乃以庚午六月特旨用原官同吳
宗達入內閣七月加太子太保晉文淵閣辛未桐城會
稽相繼去遂與荆溪同心秉政相得甚懽壬申加少保
少傅吏部尚書晉建極殿荆溪去位爲首輔甲戌會試
總裁尋加左柱國少師晉中極殿丁丑予告馳驛體仁
初佻達任率在官職嘗納娼爲妾後稍稍簡約忽以競

進忿爭受上知遇當軸者八年崇禎朝閣臣久任未有
如體仁者小心謹密兢兢自持既與門戶不協孰航伺
隙遂絕私交謝情面一惟迎合上旨以是上益推重之
去之歲會謙益怨家有擊鼓登聞言事者遂逮謙益謙
益懼體仁修郤不敢前遣其客多方謀之長安中及體
仁出國門而謙益始入說者謂客之計行也歸之明年
卒

吳宗達

號青門常州人登辛丑科殿甲辰榜第三人授編修陞
中允庶子國子祭酒禮部侍郎協理詹事崇禎戊辰陞
吏部侍郎九月陞禮部尚書掌詹事庚午六月以原官
召入內閣歷加太子太保少保少傅吏部尚書進武英
建極殿加少師進中極殿乙亥請告馳驛宗達醅謹諒
直不附門戶於荆溪內戚遂得與烏程並升同心輔政
竟歷六年有非他人所可及者丙子卒於家

徐光啟

號玄扈上海人丁酉領順天解登甲辰科改庶吉士授
簡討歷陞諭德時西洋人利瑪竇初入都光啟從之游
習其麻算大器諸法殊精癸丑分較會闈其麻法一策
光啟筆也會東事起以知兵薦遂陞少詹兼御史練兵

崇禎曆臣行略

六

知服齋叢書

通州是時用嘉靖庚戌例設巡撫潞水爲三輔倚角京師天啟壬戌陞禮部侍郎罷練事乙丑魏璫用事革職閒住崇禎改元二月起原官協理詹事己巳任部事庚午陞尚書掌詹事壬申同鄭以偉入內閣光啟畱心兵事精於西法沾沾自喜常以未竟其用爲憾九月卒於位

鄭以偉

號方水江西上饒人登辛丑科改庶吉士授簡討陞贊善庶子少詹禮部侍郎教習庶吉士天啟甲子冬請告崇禎己巳起陞禮部尚書掌詹事壬申以原官召入內閣

崇禎閣臣行略

九

知服齋叢書

癸酉卒以偉爲人修潔自好文章淵博奇古異常壬子戊午主考浙江應天試錄推重海內咸膾炙人口

王應熊

號春石四川巴縣人登癸丑會魁改庶吉士授簡討陞洗馬少詹事崇禎庚午起陞禮部侍郎癸酉陞尚書同錢士升何吾驪入內閣應熊生平博學多聞嫻熟國家典故烏程秉政尤倚重毘陵亦稱同心先是蜀撫劉漢儒以流寇入夔門逮治議推代者應熊舉其同門雲南布政王維章堪任後流寇再入保寧言者交章論之謂維章輦金珠寶玉入應熊邸上知應熊素潔操卽撫臣

亦著廉聲然謠詠益甚先是上深惡內門漏泄擬旨廷

臣嘗以此得罪應熊時在告適論者疏票紅未了而應熊之辨入言官因極糾之遂乞休致乃予告馳驛家居六年上嘗念之至壬午復召入閣遣行人敦趨是時寇氛充斥關陝阻塞癸未九月始達京師在廷憚其來謀所以脫之舊輔周延儒被罪逮不時至上一日顧中官曰延儒何尚未到中官乘間奏曰聞之外間云延儒需閣臣王應熊之先人也及至請召覲不報遂乞還山應熊負才恃氣不合時趨雖居揆路未秉國鈞而鑠金銷骨者必去之爲快是冬仍以內閣督師西南丁亥自盡

崇禎閣臣行略

十

知服齋叢書

錢士升

號御洽浙江嘉善人以丙辰第一人授修撰陞中允庶子掌司經局少詹事掌南翰林院尋改北詹辛未四月陞南禮部侍郎癸酉以尚書入閣士升本依附東林而私結好烏程烏程善之以爲己助是時陽羨去烏程當國毘陵已縣皆不爲門戶所喜獨士升與香山是其臭味烏程慎守其官上眷倚殊切諸人亦無隙可乘三五年間小得盜謚丙子以病請放歸士升初以明經赴吏部考注選主簿是秋中北闈遂登狀頭時四十二歲云壬辰年卒於家

何吾騶

號象岡廣東香山人已未二甲四名改庶吉士授編修
歷春坊陞少詹事壬申陞禮部侍郎癸酉以尚書入閣
乙亥致仕吾騶容儀魁岸與人煦煦樂易依倚時局兢
業取容而已

張至發

號憲松淄川人登萬厯辛丑科許獬榜起家玉田遵化
令行取禮部主事庚戌考選授御史巡案河南應天陞
大理寺丞天啟三年以病去崇禎改元起原官陞順天
府丞尋陞光祿卿乙亥陞刑部侍郎是年七月以禮部

崇禎閣臣行略

三

知服齋叢書

侍郎同文震孟入閣與烏程昆陵渝川長山香山共事
自永嘉貴溪後閣臣取之詞林幾八十餘年未有異也
是時上求治切思廣才路故罷甲戌庶常之選以考選
知推改授而是秋至發遂枚卜入閣兢兢奉命惟上意
所向嗣後保舉人才宗室改授更改法度實自茲始矣
逾年陞尚書加太子太保進文淵閣丁丑烏程去國至
發為首輔總裁會試錄士三百人戊寅請告歸辛巳復
召用壬午再請告至發性謹厚生平在言路無赫赫聲
善獵名譽以致首破成例存居顯位然未能有所建白
斤斤守職而已

文震孟

號湛持長洲人天啟壬戌廷試第一名授編修時四十
九歲矣曾祖徵明授翰林待詔以書畫名於世所稱衡
山者也世以清白稱震孟二十一舉於鄉吳俗一薦賢
書立可致富震孟為孝廉廿九年家泊如也吳人以是
重之為人伉儷激昂氣節自負初登第時朝政紛厖大
司寇王公紀以讞中官獄不當內旨革職去位震孟有
憤於中上封事言時政得失內有破帽蒙頭榮於蟒玉
及朝儀唱贊如傀儡之登場等語疏入不報庶吉士鄭
鄔因上言雷中之漸不可開於是並下前疏責以出位

崇禎閣臣行略

三

知服齋叢書

沽名醜詆朝政降震孟邊方襟職而禡鄔官魏璫用事
震孟岌岌不免崇禎改元以原官起補陞中允諭德掌
司經局少詹事乙亥七月以禮部侍郎入閣甫一月為
都給事中許譽卿求轉官太宰謝陞以其事入告上怒
革譽卿職為民而罷震孟歸里震孟少遊東林為時趨
所赴太宰素獨立不以為然故有是舉甲戌乙亥閒烏
程柄用門戶以為嫌知上意向莫敢誰何而亟攻其所
與震孟夙負時望標表人物傳冠以西江附之倪元璐
主議論政府銓曹籍為月旦言路皆取決焉歸之次年
卒

黃士俊

號玉崙廣東順德人以萬曆丁未第一人歷官宮坊少詹陞禮部侍郎協理詹事己巳陞尚書乙亥掌部事丙子以原官同孔貞運賀逢聖林鈺入閣是時烏程秉政武塘淄川佐之士俊中材伴食無所建明然以地遠不與門戶相暱踰年予告去

孔貞運

號玉橫句容人以萬曆己未一甲二名歷官宮諭日講官崇禎戊辰六月陞國子祭酒少詹庚午以丁憂去癸酉起南禮部侍郎尋改吏部丙子以禮部尚書入閣加太子太保文淵閣丁丑副淄川為會闈總裁戊寅予告貞運醇厚和平坐鎮雅俗當烏程時兢兢奉行故事未能有以異也

賀逢聖

號對揚湖廣江夏人丙辰以廷試第二人歷官宮允國子司業再陞洗馬丁卯魏璫用事革職為民崇禎戊辰正月起陞南國子祭酒五月陞少詹事禮部侍郎癸酉改吏部乙亥以禮部尚書教習館員是年初用推知改館職去丙子以原官召入閣戊寅請告辛巳復召用壬午再請告賜馳驛去逢聖真摯純篤從事理學規矩尺

崇禎曆臣行略

三

知照齊議書

度雍容雅俗有古大臣風度歸里遇獻賊之禍破城投水死屍數日不變

林鈺

號鶴胎福建同安人丙辰會魁廷試一甲三名麻編修贊善中允丁卯陞國子司業四月魏璫矯旨閒住崇禎戊辰陞少詹事兼祭酒禮部侍郎教習庶吉士掌翰林院丙子春以本官入閣五月去官鈺謹愿誠恪訥訥不能出諸口以去官非罪遂起聲望游至大位云云時魏璫竊柄逆焰滔天尸祝生祠騷動天下丁卯有監生陸萬齡者以忠賢功德上擬孔子請建忠賢祠于國學之傍奉旨與國學射圃卜地建祠鈺于是夜掛冠于國學櫺星門不辭竟去歸而結廬海濱荒烟寒楚人莫得而踪跡也

劉宇亮

號蓬玄四川綿竹人己未庶吉士歷簡討贊善諭德庶子陞少詹事南禮部侍郎丁丑改吏部侍郎尋以禮部尚書同傅冠薛國觀入閣戊寅晉文淵閣淄川去遂當國政是歲北兵蹂躪畿輔朝廷憂皇徵兵遣將宇亮素負勇力自請視師上甚喜十二月出京未具百騎次定州間陽和總督盧象昇敗劾于井涇遽單騎入真定總

崇禎曆臣行略

三

知照齊議書

督孫傳庭營已卯正月督諸將至天津特糾總兵劉肇基逗遛不前有旨即軍前正法何又為具疏請宥上怒其反覆矛盾下九卿科道議咸謂其身為輔臣玩弄國憲有負委任罪當大不敬上重其法但礙職罷去宇亮為人短小精悍生有膂力好技擊雖君之館常與其家僮角逐為戲旦夕不倦居平謂張魏公是其里人數自負人或以此多之然性嗜貨不喜讀書無智識方略善忌才能勝己者傾軋之不少靳凡史官講進撰文纂修典試諸差一不與以為賢初畏惡東林既而依附房師武塘援引攻擊已縣以成已聲譽數年間遂獲大用

崇禎曆臣行略

五

知服齋叢書

云

傅冠

號寄菴南昌人壬戌廷試第二人授編修戊辰二月陞侍讀中允諭德國子祭酒乙亥春陞少詹事掌翰林院教習館員丁丑以禮部尚書入閣戊寅晉文淵閣八月內侍發下擬票本置諸案冠憤憤謂是外來投揭援筆判其上既知誤皇恐引罪遂罷之是科鼎甲三人震孟與陳仁錫同里仁錫素孤行不為震孟所喜冠獨依附震孟震孟倪元璐喉言路攻已縣不為其所善者擊去之以是黨援日眾卒致登庸然性奢侈不得父歡好長

夜飲過午乃能出肅容祖烟官尚書家本饒裕里第創造宏麗羣妾婢各寘室恣其遊憩取樂乙酉奉命招撫楚寇行次崇安遇賊被殺

薛國觀

號賓廷陝西韓城人登己未科起家萊州府推官行取戶科給事中丁卯以禮科給事中副倪元璐主考江西十月陞刑科都崇禎戊辰冬逆案議起凡官熹宗朝者皆不免洗索時元璐主持議論國觀幸以典試之役與周旋得已恙乃以己巳二月京察竣遂請終養癸酉補禮科都甲戌會闈分考乙亥陞太常少卿左僉都御史

崇禎閣臣行略

五

知服齋叢書

丁丑以禮部侍郎入閣戊寅陞尚書加太子太保文淵閣尋以少保改吏部武英殿庚辰會試總裁錄士三百人頃之被議上合間住去國觀故與烏程善引以為助時局以為非其臭味兢兢側目國觀為人質實少學問聞于大體且不自詞林不曉館閣規制上方惡中書漏泄機務國觀欲取一人繩之以示懲遂發典籍周國興窟穴盤據狀而疏列其所受贖僅得某官餽送書儀一金國興斃於獄行人吳昌時者長洲之甥欲驟繼清要國觀不可陞禮部主事又欲營吏部司官國觀又不可昌時啣之移病去是時上惡外廷黨庇賄賂令金吾洞

察事件無大小以聞而中傷恩怨之私遂行乎其間昌時故善南北司主考又嘗厚餽遺結納至是以寸紙條國觀得其賄若干上之上大怒遣緹騎逮至京置順城門外寺中賜之帛自縊于梁間取旨數日下體有脫落者贖四萬金籍其家財曾不及四之一母夫人致居神廟士論冤之

方逢年

號書田嚴州遂安人壬戌二甲四名改庶吉士甲子授編修主湖廣試魏璫用事摘各省試錄有譏諷朝政語與浙江江西主考陳子壯丁乾學俱落職尋內艱丙寅

崇禎閣臣行略

三

知服齋叢書

復追論革職爲民崇禎戊辰起侍講庶子掌司經局南國子祭酒陞詹事禮部侍郎戊寅春以禮部尙書同程國祥楊嗣昌蔡國用入閣八月忽奉旨罷去逢年本庸才寡學識以受璫整得名爲時局所屬意逢年亦傾心歸向故得至此丙戌同馬士英方國安被戮于閩之水口

程國祥

號我旋上元籍歙人登甲辰科起家確山光山令陞南考功主事任四年引疾去又十年趙公南星爲太宰起北吏部歷稽勳至文選主事復引疾去頃之魏璫埽除

太宰黨革職爲民崇禎二年九月起稽勳員外尋轉考功郎管庚午大計太宰王公永光實爲政稱平允辛未陞大理寺丞歷太常卿南通政使乙亥陞南工部侍郎尋改南戶部倉場戊寅以禮部尙書入閣己卯病作請告歸旋卒于家國祥操行端謹介然孤處終身布蔬不改儒素趙太宰時所舉河南之夏嘉遇江右之鄒維璉與國祥皆以清節著稱而公尤寬平和恕故宦業獨隆甲子在文選時楊御史玉珂以其戚干丞尉選國祥直舉以入告御史降一級國祥亦請假去既而悔之在政府未久然端清正直之操當爲時標表云

崇禎閣臣行略

三

知服齋叢書

楊嗣昌

號文若湖廣武陵人登庚戌科以杭州府授歷南國博陞戶部主事山東司郎中管新餉是時邊警軍興加派田畝增關東兵糧歲六百餘萬始設新餉司嗣昌首當其任精覈敏幹一時咸稱其能壬戌引疾去崇禎戊辰以邊道起副使參政壬申陞山東巡撫時嗣昌父三邊總督以撫流賊神一魁爲言路論糾逮下法司嗣昌請以官贖父罪不允甲戌宣大總督張宗衡罷以嗣昌代之乙亥工父憂丙子大司馬張鳳翼卒于官時邊警方殷卽其家起復嗣昌兵部尙書是時流寇充斥幾半天

下官兵不能禦往往尾賊後即遇賊又常中賊餌卒致
 敗嗣昌乃倡為三正四隅之議欲令南直豫楚秦蜀合
 從夾擊視賊所之母令得逸逸者罪之然不能行也丁
 丑張獻忠據穀城陝撫鄖撫苗祚土不能制嗣昌請罷
 之舉兩廣總督熊文燦督勦流寇獻忠初佯許諾既以
 爭餉遷延撫字久不就戊寅召嗣昌入閣仍管兵部事
 賊竟殺穀令屠其城劫監軍張大經竝已降賊眾走入
 房縣據之己卯逮文燦下獄治罪嗣昌皇恐乃請解本
 兵任舉陽和總督陳新甲自代而已往辦楚賊於是建
 五省視師節賜上方劍文司道武總兵而下得自專殺

崇禎曆臣行略

无

知服齋叢書

兵馬錢糧一聽徵調漕粟亦許畱用歲暮出師上自為
 詩廷遣之文武郊饒威權之盛近世無比凡用兵十萬
 本折二百餘萬庚辰駐師襄陽調兵會勦以陝西興安
 一路失期斬其監軍司道殷太白以殉相持久之值獻
 忠生日羣賊飲太平之半邊山總兵左良玉請會兵合
 擊嗣昌不許良玉乃自以往獻忠倉皇墜崖走所殺獲
 甚眾以捷聞遂謂賊釜底遊魂刻期掃蕩云加太子太
 保先是嗣昌在朝日嘗言于上曰臣惟恐賊不入蜀巨
 若以蜀委之必殲賊無疑至是調蜀守防路將 詣
 軍門計事賊遂乘隙逸入嗣昌乃由夷陵泝江而上至

夔門賊已馳至州南轉薄成都嗣昌又從陸至廣安賊
 又騰出房縣直趨襄陽破之刀襄王于城上嗣昌復來
 下抵江陵辛巳二月廿八日自縊嗣昌自恃奇才素嫻
 兵略撫薊永時嘗為選人金鏡上之後奪情起復詞臣
 黃道周廷爭被杖下獄幾陷不測然是役也兵威物力
 盛極一時獻忠小醜無難殄滅乃至縱之出柙一籌莫
 展賊從此不可為矣己卯青山口之入廷臣皆憂深入
 嗣昌密奏曰北兵患不南巨不過捐十數城我援師麋
 集可令無隻蹄返也上喜謂嗣昌忠計究亦無功往往
 大言若此

崇禎曆臣行略

三

知服齋叢書

蔡國用

號靜原江西金谿人登庚戌科起家書考選授御史
 乙丑以丁憂起補值魏璫剷除江西人遂得閒住崇禎
 戊辰起用提學應天陞大理寺丞癸酉陞太僕卿乙亥
 陞工部侍郎戊寅以禮部尚書入閣己卯改戶部加太
 子太保文淵閣庚辰加少保吏部武英殿副國觀總裁
 會場出闈甫月餘卒于官國用醇謹之士無他才能遭
 值際遇遂至破格亦適逢其會耳

范復粹

號玉坡山東黃縣人登己未科初授開封府推官崇禎

戊辰考選御史巡案江西南京副卷丙子陞大理寺丞
丁丑九月陞少卿戊寅以禮部侍郎入閣己卯陞戶部
尚書加太子太保文淵閣尋加少保改吏部晉武英殿
辛巳請告去復粹生平謹飭規矩尺度無相業可稱是
歲入政地者五人而外衙門居其四嗚呼亦綦盛矣然
未足爲激勸也

魏昭乘

號瑤海滑縣人登丙辰科初授兗州府金鄉令壬戌考
選給事中乙丑歷陞吏科都給事中戊辰分校會闈陞
太常少卿六月推江西巡撫戊寅陞兵部侍郎協理京
營戎政己卯以禮部尚書同姚明恭張四知入閣皆韓
城所汲引也加太子少保辛巳加太子少傅改戶部晉
文淵閣壬午請告命馳驛去昭乘拘謹和易不爲崖岸
而亦不至曲徇人情斤尺幅自守乃長厚君子也

姚明恭

號崑斗楚之蘄水人己未會魁改庶吉士丁憂授簡討
陞諭德庶子掌翰林院戊寅陞禮部侍郎教習館員尋
任部事己卯以尚書入閣加太子太保改戶部晉文淵
閣庚辰請告馳驛去公優游臺閣養望表著因出高邑
趙興邦之門興邦以詆訶門戶爲趙公南星所不與時

崇禎曆臣行略

三

知服齋叢書

人以是側目明恭雖與韓城同志然所用舍皆不能自
主亦碌碌從人而已

張四知

號巖叟兗之費人登壬戌科改庶吉士授簡討戊辰分
校會闈五月陞侍講中允諭德乙亥陞南國子祭酒詹
事禮部侍郎己卯以尚書入閣尋加太子少保改戶部
晉文淵閣辛巳加少傅陞吏部晉武英殿壬午請告馳
驛去當壬戌庶常之選三十六人四知貌獨寢才識卑
下游處常與其類俱不敢近方正士也常患惡瘍掌指
閒盡白癩凡講習諸差咸不敢與自安庸劣數退處交
游恆寡時局人以爲異己因其地步漸近疏論之而無
可言者言爲祭酒日私賣國學倉米若干其實南雍倉
糧大司成司其出入例不稽覈故無左驗四知憤甚遂
於上前極力辨言爲廷臣所嫉如此上意頗動韓城因
汲引之遂得大拜歇後鄭五豈足專美於前哉可慨也

謝陞

號青墩山東德州人登萬曆丁未科起家三河遵化令
以丁憂去癸丑補雄縣調滑縣陞吏部考功主事歷文
選郎引疾去甲子儕鶴趙公爲太宰遴簡司屬起陞文
選郎受事數日復引疾去太宰留之不得丙寅起陞太

崇禎曆臣行略

三

知服齋叢書

常少卿庚午陞吏部侍郎辛未四月陞南吏部尚書甲戌改北吏部加太子少保丁丑以薦舉霍惟華爲言官論列間住去己卯再召爲吏部尚書庚辰以禮部尚書同陳演入閣加少保晉武英殿尋改吏部加少師晉建極殿壬午復以漏泄機密語爲言官論列間住陞歷官清深能不附時趨但豁刻深中絕少情實趙太宰之起爲選郎正以其清而孤立故事推用各官選郎爲政太宰秉成而已公欲少變戛成例每出片紙袖中用其所欲用者疏名付選郎登啟事陞大愠曰吾不能爲太宰供執筆役也魏璫用事凡不附太宰者皆得起官故陞復見錄用然門戶人亦無所迓以韓城柄用游歷華臚率至揆地

陳演

號贊皇井研人登壬戌科改庶吉士授編修庚午二月陞中允諭德副姜曰廣主應天試丁丑陞國子祭酒少詹事掌翰林院庚辰以禮部侍郎入閣辛巳陞尚書晉文淵閣加太子少保會試總裁時陽羨去位遂爲首揆甲申加少保兼太子太保晉建極殿演謏才寡學惟尚結納初爲庶常卽與中官交好得游歷顯職崇禎間選用閣員上嘗親策問觀其條荅以見能否是日將南試

枚卜各官中官預得上所欲問事以授演故與簡用壬午冬巴縣復召王應熊入閣時以流寇充斥門戶不憚而惡之因爲流言於宮禁以熒上聽及至國門遂不復召見演與有力焉當是時國事垂亾演端居揆席猶怙寵納賄甲申二月請告有乳媪逸去五城爲之緝捕不獲以及於難李賊入刑拷追贓四月廿二日賊牽演及方岳貢魏藻德殺之惠安伯園中嗟乎以萬鎰之玉付之庸工有不敗裂而破礪者哉是誰之咎已

蔣德璟

號八公閩晉江人登壬戌科改庶吉士授編修陞侍講中允癸酉副丁晉主應天鄉試甲戌陞諭德庶子掌司經局陞少詹事禮部侍郎壬午六月以尚書同黃景昉吳姓入閣癸未加太子少保改戶部晉武英殿甲申二月未旬請告去甫出都旬日而城破德璟世家閱諳諳練典故謹飭好修循默守成未能有所發摠僅克保其身而已士論惜之

黃景昉

號東崖晉江人登天啟乙丑科余煌榜改庶吉士授編修尋陞中允諭德經筵日講官丙子順天主考辛巳陞詹事掌翰林院事壬午以禮部尚書入閣癸未加太子

少保改戶部頃之請告馳驛去景昉恂恂雅飭曲謹事
上雍容朝亡內外安之亦其際會然也但年逾強仕時
值多艱崎嶇里閭良亦苦矣

吳 姓

號鹿友揚州興化人登癸丑科起家邵武調晉江行取
御史丁卯魏瑤專權革職爲民崇禎戊辰起補原官歷
巡案河南真定陝西癸酉陞大理寺丞陞通政甲戌陞
山西巡撫養病去戊寅起兵部侍郎協理京營戎政壬
午以禮部尙書入閣尋加太子少保晉文淵閣會流寇
披猖上憂之甚一日語閣臣曰流賊猖熾如此誰能爲

崇禎曆臣行略

三

知服齋叢書

朕分憂者姓起奏曰臣不才願往任之上大悅賜尙方
劍命督五省兵會勦初首輔延儒與烏程合而攻錢謙
益東林仇視之旣而延儒與門戶釋憾再賜環召乃眾
欲難厭稍不當便加責備延儒頗厭苦之會延儒與故
輔馮銓援恩詔求復冠帶因郊祭日言於眾眾力爭不
可姓又奮厲曰若爾某有掛冠去旨遂罷去延儒心惡
之乃私給姓謂上方憂寇意屬在公若能副上意上必
喜故姓慨然承旨姓旣被命中實悔之知爲延儒所賣
乃以徵調邊兵爲詞遷延歲月無去意致有科臣熊羨
交參之疏二臣皆予杖延儒益恨時邊兵薄近畿延儒

一日請於上曰兵已飽歸諸將皆觀望莫肯擊者臣願
親至行間督之庶幾一得當以報上甚喜而預戒裝以
待卽刻叩首辭至外直挈襍被出宣武門偵者以聞上
益喜而延儒之黨遂論姓稽留都門抗旨罪當不赦下
廷臣議乃謫戍雲南金齒衛同官自相傾軋如此而上
不悟可歎也 立乃予回籍

方岳貢

號禹修襄陽穀城人登壬戌科起家戶部主事歷陞郎
中丁卯陞松江知府崇禎改元以天下逋負過多責成
府正行降俸降職法罰多者皆不得遽遷雲間尤稱黻
黻岳貢遂降至十五級角帶視事凡爲雲間守十四年
居官清約如一日壬午自解任去囊橐蕭然不能名一
錢士民攀留者數萬舟不得前及以通糧論逮至京在
廷皆言其賢語聞於上乃陞岳貢漕儲道尋陞都察院
左副都御史癸未三月命以原官同李建泰魏藻德入
閣雲間浮靡澆漓不易治岳貢潔己自好表率僚屬東
南至今稱之崇禎閒久任獎廉岳貢足以當之賊至刑
拷無以應然猶與演同被誅戮傷哉其時以逋負淹滯
者猶不乏人岳貢爲最

李建泰

崇禎曆臣行略

三

知服齋叢書

號栝蒼山西曲沃人登乙丑科改庶吉士授編修甲戌分校會闈陞中允諭德丙子副王錫衮主考應天陞國子祭酒癸未以吏部侍郎入閣甲申加兵部尚書賜尚方督師勦寇建泰善操機智以要聲譽故捷得華撫三月初乃以人望薦舉命出督各路援兵勤王闖賊漸逼都城計無所出乃上疏請駕南遷願奉太子先行上召對平臺云國君死社稷朕將何往及甫至真定而京師陷援兵無至者建泰率其徒走臨清至濟上聞寇敗走乃復還京仍入閣居久之請告去歸里後因里中人起義事敗被戮

宗禎閣臣行略

三七

知服齋叢書

魏藻德

號思令順天通州人登崇禎庚辰廷試第一人授修撰時北兵大入往來經過潞水既不能禦又不能追逗畱玩怯藻德稔之甚悉乃具疏言其事然條奏寥寥又卑卑無甚高論上獨心異之意其能兵癸未枚卜遂特召以少詹事入閣即命副陳演總裁會闈以示優異然時事日非卒筆筆不能展一籌寇陷都城被殺

耶 瑜

號鞠懷襄陽宣城人登己丑會魁改庶吉士授檢討分校會闈陞中允諭德日講官辛巳陞少詹禮部侍郎甲

申二月以原官同范景文入閣公清修自好爲上所知以寇氛孔亟踰月而都城陷瑜自盡

范景文

號質公河間吳橋人登癸丑科起家東昌府推官陞吏部主事驗封郎給假甲子起文選郎陞太常少卿以丁憂去己巳七月起陞河南巡撫是冬北兵入大安口景文提兵入援庚午三月陞兵部侍郎壬申請告去甲戌起陞南都察院左都御史乙亥陞南兵部尚書己卯時少詹黃道周以論楊嗣昌奪情杖下獄景文疏救忤旨落職爲民大爲時論所推壬午起刑部尚書尋改工部甲申二月以原官入閣三月寇逼都城景文請奉太子南遷上不決及寇入從容殉難景文慷慨豪俠而沾沾自喜居官儉樸獨好音樂每燕必陳歌妓與門戶交契座客常滿雖小有蹉跌卒以是得力云


宗禎閣臣行略

三八

知服齋叢書


崇禎閣臣行略終

順德龍鳳鑣校采



崇禎五
十

宰相傳



崇禎五十宰相傳

倦圃老人重

宰相年表序

人臣至宰相極矣君道之盛衰由於相業之隆替史記以來班班可攷也雖其間世代不同氣數亦異要不得曰下不能獲乎上人不能勝乎天為相臣者亦將如之何哉若乃君擇臣臣亦擇君此區區庶采之末非所語於相臣也以十七年之帝祚而相者至五十人此五十人者不可謂非天地之貽以楨幹祖宗之滋以培養也歷三百載以來拔之乎千萬人之上而富貴利達功烈

崇禎五十宰相傳

知服齋叢書

淚焉無以副當世之勤求即無以厭海內之想望遂使感時傷事者痛心疾首無所用其責備不得已咨嗟歎息徒歸咎於人主以為求治太急輕於用人始見失之不明繼且失之不慎破格而終於痼推誠而伏以奸用舍進退之間幾幾乎惟日之不足迨煬竈燎原之後國破家亡同歸於盡君不任受過臣亦不任受罪是非不章本末固究悠悠千古誰實辨之嗟乎朕非亡國之君諸臣皆亡國之臣帝不專為相臣言也而以言相臣豈有辭焉爰自即位之初迄於殉難之日凡滿顧問歷殿閣者一一攷載之令後之人君有以觀覽云爾

宰相年表

天啟七年丁卯 是為即位之歲以明年改元

十一月左柱國少傅吏部尚書中極殿大學士黃立極馳驛回里 十二月以太子太保禮部尚書來宗道吏部左侍郎楊景辰入閣辦事 起陞禮部侍郎李標周道登吏部侍郎錢龍錫諭德劉鴻訓俱為禮部尚書兼東閣大學士

崇禎元年戊辰

三月加少師兼太子太師吏部尚書中極殿大學士施鳳來為太傅張瑞圖為太保俱馳驛回里 起復

崇禎五十宰相傳

知服齋叢書

左柱國少師兼太子太師吏部尚書中極殿大學士韓爌 五月少師兼太子太師吏部尚書中極殿大學士李國樞馳驛回里 六月來宗道楊景辰馳驛回里 加李標周道登錢龍錫劉鴻訓太子太保進文淵閣十二月劉鴻訓革職 二年己巳

正月周道登致仕 黃立極被察 施鳳來楊景辰閒住 張瑞圖來宗道議處 十月陞吏部侍郎成基命為禮部尚書兼東閣大學士 錢龍錫回里 十一月起復少師兼太子太師兵部尚書文華殿大

學士孫敬宗督師出鎮通州 十二月以禮部尚書
何如寵錢象坤侍郎周延儒入閣辦事

三年庚午

加成基命太子太保進文淵閣 韓爌李標回里

錢龍錫削籍 加孫承宗太傅回里 加何如寵錢

象坤周延儒太子太保進文淵閣 六月以詹事府

禮部尚書溫體仁吳宗達入閣辦事 七月加溫體

仁吳宗達太子太保進文淵閣 九月成基命回里

十一月加何如寵周延儒少保進武英殿

四年辛未

崇禎五十一宰相傳

知服齋叢書

何如寵錢象坤回里 李國楷卒

五年壬申

加協理尚書鄭以偉太子少保入閣辦事 禮部尚

書徐光啟進東閣大學士 加周延儒少保吏部尚

書進建極殿 溫體仁吳宗達少保改戶部尚書進

武英殿 周道登卒

六年癸酉

周延儒馳驛回里 鄭以偉卒 加溫體仁少保吏

部尚書進建極殿吳宗達吏部尚書進建極殿徐光

啟太子太保進文淵閣 召何如寵不至 陞禮部

侍郎王應熊何吾騶為尚書兼東閣大學士 召南
京禮部錢士升入閣辦事

七年甲戌

加溫體仁吳宗達少師進中極殿王應熊何吾騶錢

士升太子太保進文淵閣

八年乙亥

王應熊馳驛回里 七月陞少詹事文震孟改刑部

左侍郎張至發為禮部左侍郎入閣辦事 十一月

何吾騶文震孟回里 吳宗達回里

九年丙子

崇禎五十二宰相傳

四

知服齋叢書

錢士升馳驛回里 欽取禮部尚書孔貞運黃士俊

賀逢聖禮部左侍郎林鈺入閣辦事 陞張至發禮

部尚書 五月林鈺卒 十一月加孔貞運黃士俊

賀逢聖太子太保進文淵閣 吳宗達文震孟卒

十年丁丑

六月溫體仁馳驛回里 黃士俊回里 八月陞吏

部侍郎劉宇亮詹事傅冠為禮部尚書右僉都御史

薛國觀為禮部侍郎同入東閣辦事

十一年戊寅

張至發賀逢聖回里 孔貞運回里 陞薛國觀為

禮部尚書 改戶部尚書程國祥兵部尚書楊嗣昌
陞協理侍郎方逢年工部侍郎蔡國用俱爲禮部尚
書兼東閣大學士 陞大理寺少卿范復粹爲禮部
侍郎入閣辦事 劉宇亮傅冠進文淵閣 溫體仁
卒 改劉宇亮爲兵部尚書賜尙方劍督察各鎮兵
馬 傅冠方逢年回里

十二年己卯

程國祥回里 加薛國觀蔡國用范復粹太子太保
戶部尚書進文淵閣 劉宇亮回里 八月楊嗣昌
賜尙方劍督師 欽進禮部右侍郎姚明恭協理侍

崇禎五十宰相傳

五

知服齋叢書

郎張四知戎政侍郎魏炤乘俱爲禮部尚書兼東閣
大學士 程國祥卒 加薛國觀蔡國用范復粹少
保吏部尚書進武英殿 加姚明恭太子太保戶部
尚書進文淵閣張四知太子太保戶部尚書魏炤乘
太子太保

十三年庚辰

蔡國用卒 姚明恭回里 欽進太子少保吏部尚
書謝陞禮部左侍郎陳演兼東閣大學士 加楊嗣
昌太子太保 加謝陞少傅進建極殿 薛國觀閒
住

十四年辛巳

范復粹回里 楊嗣昌卒于任 四月召周延儒張
至發賀逢聖 八月薛國觀賜死 何如寵卒 十
月周延儒賀逢聖入朝張至發不至 加周延儒少
師兼太子太師進中極殿張四知少傅吏部尚書進
武英殿魏炤乘太子少傅戶部尚書陳演禮部尚書
俱進文淵閣

十五年壬午

正月召周延儒賀逢聖謝陞入殿上降拜 四月謝
陞削籍 命周延儒視師累加太師 賀逢聖張四
知魏炤乘馳驛回里 陞陳演戶部尚書進武英殿
六月以禮部侍郎蔣德璟詹事黃景昉戎政尙書
吳姓爲禮部尚書兼東閣大學士 十一月召王應
熊入朝賜金幣還

崇禎五十宰相傳

六

知服齋叢書

十六年癸未

加陳演蔣德璟黃景昉太子少保 五月以侍讀魏
藻德入閣辦事 周延儒回里 六月陞魏藻禮部
侍郎 八月徵周延儒聽勸 九月欽進少詹事李
建泰爲禮部尚書左副都御史方岳貢爲禮部右侍
郎入閣辦事 十二月周延儒賜死 吳姓遣戍

十七年甲申

正月以禮部尚書邱瑜工部尚書范景文入閣辦事

改李建泰為兵部尚書加太子少保督師 二月

蔣德璟致仕 進魏藻德禮部尚書文淵閣總督河

道屯練方岳貢戶部尚書兼兵部尚書文淵閣總督

漕運屯練 三月許陳演乞休 李建泰被執 京

師陷范景文死之 陳演魏藻德方岳貢邱瑜皆以

榜掠死

論曰甚哉遇合之難也古有有其人而無其時者矣若
之何有其時而非其人乎倘所謂遇合抑亦僥倖焉非

崇禎五一年相傳

七

知服齋叢書

若薦天受錄夢卜載車而求也者顧以莫之致而委之
也哉余昔從諸君子游先後出處知之甚詳竊嘆諸臣
類皆一時大有為之才視庸流萬輩相去甚遠而旋登
政地不免持祿固寵無能為主上畫一籌以至人事盡
乖天意莫挽或及身而隳或旋踵而敗功名喪失家國
淪亾至令回憶往事宛如白首宮人細數開元天寶間
遺事不僅為君臣傷遇合也豈不惜哉

宰相列傳序

余既序相臣年表年表之義紀時不紀事也雖出處之
次第固詳而進退之始末未顯恐無以槩生平以示後
世於是攷之國史參之見聞略舉其大端著為列傳分
為六則而系之以臆斷焉

崇禎五一年相傳

八

知服齋叢書

宰相列傳一

韓煥 孫承宗 李標

周道登 錢龍錫 劉鴻訓
何如寵 錢士升 文震孟
張至發 賀逢聖 范景文

韓煥蒲州籍泰州人壬辰進士以庶吉士官禮部侍郎

庚申陞尚書入東閣加經筵累進左柱國少師兼太子

太師孤介鯁直清脩無欲當紅丸議起禮部尚書孫慎

行以包藏禍心參舊輔方從哲煥以耳目間見深明其

不然既秉正以嫉邪又不為黨同伐異時論躓之甲子

六月副都御史楊漣參魏忠賢二十四大罪朝臣羣起

攻擊忠賢懼煥曰非公不能輯眾幸留意煥曰我不

能也孽自爾作爾自解之忠賢怒既得志謀逐煥假以

崇禎五十字相傳

九

知服齋叢書

票擬不當降諭切責煥疏引咎求斥略曰臣以謏劣備

員中書詰戎宜先營衛而觀兵肘腋無能紆宵旰之憂

忠直尚稽召還而榭掠朝堂無能回雷霆之怒以至後

先多官之斥諭旨中出之變在聖世祇肅紀綱乃中外

懼與黨禍而臣既不能先時深念有調劑之方又不能

臨事挺持為封還之懇此皆罪狀之大且重者請亟褫

臣官仍治臣罪為輔弼溺職之戒疏入忠賢益惡之遂

傳上旨曰卿親承顧命當矢公盡職乃歸非于上退有

後言今復悻悻求去著馳驛回籍時瑞逆顯著煥獨投

閒可謂先幾之哲李魯生復參論之謂三年莫展一籌

坐削奪且捕及家奴追贓究擬幾罹大禍崇禎改元欽

召復相正人多倚重袁崇煥東江一案錢龍錫罷煥以

閣務既同分宜引罪連章乞休大用未竟天下惜之

孫承宗高陽人甲辰榜眼官少宗伯以談兵拜輔府兼

閣學累加少師乙丑楊維垣疏糾柳河之役蘇兆先繼

劾之皆瑞意也遂回籍己巳起家督師鎮通州庚午加

太傅

李標高邑人錢龍錫華亭人俱丁未進士周道登吳江

人戊戌進士劉鴻訓長山人癸丑進士皆以館選游歷

翰林天啟中同遭瑞錮丁卯即位之初以人望起田閒

崇禎五十字相傳

十

知服齋叢書

同陞禮部尚書兼東閣大學士屢奉召對向用頗殷戊

辰冬御史吳玉奏劾樞臣王在晉因及張慶臻改勅事

以主使中鴻訓上諭標等曰卿如何不奏祖宗有法朕

不敢私也標等再三申辨以國體為重且曰臣等四人

事同一體若鴻訓有罪臣等亦皆有罪于是鴻訓革職

而道登得請既而欽定逆案告成黨人啣龍錫生其事

標贊成之偕言東江失事龍錫實授計袁崇煥又嘗薦

之甚力故崇煥處以極刑而龍錫鐫秩受遣戍標亦去

位

何如寵桐城人乙未舉進士未廷試戊戌選入中秘旋

歸養登籍後強半林下戊辰官禮部尚書召對稱旨因大拜周延儒當國權勢日盛如寵以座主門生引退回里迨延儒放歸上念如寵清慎復召入閣辭不出天下高之

錢士升嘉善人丙辰狀元以南京禮部侍郎召入閣蓋異數也丙子四月武生李璉請搜括巨室助餉士升擬下之法司上不聽士升上言比者僭端倖進實繁有徒而璉乃倡爲縉紳豪右輸官籍沒之法此衰世亂政而敢陳于聖人之前小人無忌憚至此且所惡於富者兼併小民巨郡邑之有富家亦貧民衣食之源也以兵荒

崇禎五十年相傳

十一

知服齋叢書

之故歸罪富家而籍沒之此秦始皇所不行于已清漢武帝所不行于卜式者也此議一倡而亡命無賴之徒相率而與富家爲難大亂自此始矣時溫體仁以上欲退言路竟改擬仍切責士升以密勿大臣卽欲要譽已足致之母庸汲汲又經歷吳化鯤訐奏士升弟士晉體仁亦擬嚴旨士升遂乞罷許之士升性和易與物不忤而嚴正之氣自在故璫燄灼天之日家食數年及登政府又恬淡不久于位

文震孟長州人壬戌狀元清標絕世有先祖徵仲之風焉爲孝廉三十年名聞海內固已物望咸歸矣及第後

首疏斥璫幾中危法輔臣韓爌力救之僅落職尋以璫脩前隙廢黜編氓隱居吳下戊辰環召累官少詹乙亥七月以進講春秋稱旨特簡入閣一時士大夫相慶得人然非溫體仁意也會給事許譽卿補南太常吏部尚書謝陞難之遂疏糾譽卿震孟擬旨上奪譽卿俸體仁不肯震孟作色擲筆曰卽削籍無害體仁夕揭上而震孟朝罷何吾騶嘆息于閣中亦同去國論者謂朝陽之瑞一鳴驚人鳴梟爲之扼其吭可慨也夫

崇禎五十年相傳

十二

知服齋叢書

張至發淄川人辛丑進士由知縣官刑部侍郎已亥讞獄得上意改禮部辦事東閣戊寅回里辛巳同周延儒賀逢聖復召辭不出至發性平恕中立不倚終其身不樹黨黨人亦相與安之東山不起時爲之亦志爲之也賀逢聖江夏人丙辰榜眼爲人清介不競進以資敘官禮部尚書丙子欽取入閣戊寅回里辛巳復召入朝同周延儒謝陞蒙上降拜逢聖感南北之倥傯無以報稱君父又與延儒不合以病告歸歸未久賊陷武昌逢聖死之

范景文吳橋人癸丑進士清貞端亮內行醅備自其束髮時便以天下爲己任筮仕東昌司李平刑敬獄多所平反山東嘗大饑景文脩行荒政全活億萬人徵入爲

吏部獎恬抑競海內翕然稱之乙丑典選疏請清仕路
 養士氣以勵廉恥杜請託奸人眈眈側目之時相魏廣
 微以鄉曲多方招致將芟除異己者景文侃侃爭執義
 不為徇李魯生薦同邑兒女親王建泰同年張九賢魏
 忠賢許以部屬起用景文謂二臣一以不謹一以貪察
 處力持職掌不肯下停之汪慶百例權副使瑞下部以
 吏科起又有添註少卿之旨景文曰職掌無此推竟以
 副使登啟事二魏恚甚盛氣待之會景文病歸卻軌永
 錮不出而其父官南贍部郎強項不拜逆祠禍且不測
 未幾崇禎御極起家太常開府中州以勤王功陞兵部
 侍郎鎮昌平再晉南京右都御史兵部尚書獻賊蹂躪
 江北賴景文調護陵京無恙己卯疏救御史成勇坐私
 黨削職壬午召為刑部尚書癸未改工部甲申正月進
 東閣辦事闖賊逼京師景文請駕南遷先奉太子撫軍
 江南廷議未果都城陷景文死之

崇禎五十宰相傳

三

知服齋叢書

宰相列傳二

徐光啟 何吾騶 劉宇亮
 方達年 謝陞 魏焯乘

吳姓 魏藻德
 李建泰 方岳貢

徐光啟上海人甲戌進士生而穎秀有敏悟嘗精天文
 麻數之學因星變陳言裨益政治上心識之官翰林王
 申入閣有崇禎麻書行世未久卒於位

何吾騶香山人己未進士由庶常官禮部侍郎癸酉陞
 尚書入東閣與溫體仁不甚合乙亥致仕

劉宇亮綿竹人己未進士丁丑以吏部侍郎進東閣戊
 寅請纓改兵部尚書賜尚方劍督師時太師左良玉敗
 河南賊於內鄉上聞其步兵淫掠切責之宇亮不自安

崇禎五十宰相傳

四

知服齋叢書

因告病回籍

方達年遂安人壬戌進士歷官少詹戊寅陞禮部尚書
 入東閣嘗以編修典試湖廣策問數千言皆切時政魏
 忠賢深怒之遂削奪益嚴氣正性如此入閣後不合時
 宜數月即罷相

謝陞德州人丁未進士由知縣行取吏部官郎中不附
 時局累至尚書有清譽獨與何吾騶文震孟相忤時論
 為之不平丙子冬上命指奏數年銓政大弊覆奏不稱
 旨因詰責之曰爾部職專用人推舉不效乃云綱目太
 密使中外束手且早時陞轉必優京卿申科反稱京卿

未必勝外官甲榜未必勝乙榜如此游移豈大臣實心體國之道於是陞罷職已卯春上以保舉考選奉行不實復召陞陞一切條用新法卓異則蘇州知府陳洪諡以通賦削籍松江知府方岳貢以通賦奪官考選則請命貢士并歲貢二百六十二人俱補部寺司屬以及推知上是之遂進東閣辦事壬午元旦召入殿廷親承降拜四月給事倪仁禎上言臣初拜官例謁閣臣言及兵餉陞曰皇上自用聰明察察為務天下俱壞位極人臣敢歸罪天子如此上怒命削陞籍

魏炤乘滑縣人丙辰進士由知縣歷官兵部侍郎己卯

崇禎五十年傳

知服齋叢書

入東閣天啟中疏薦周士樸以糾織監宜用士樸一事楊漣所引為魏忠賢罪者也璫意大拂以為市恩勒令回籍遇潘士良於德安士良蹙額曰余已為管蔡而來如婦失身不可贖矣炤乘曰何不早退士良有慚色炤乘果矯矯以潔白稱

吳姓興化人癸丑進士由知縣行取御史辛未奉命賈金賑陝西饑荒招撫流盜七千餘人授官兵部侍郎壬午枚卜上震怒處分李日宣等乃以姓為禮部尚書兼東閣大學士既而闖賊猖獗上命姓督師辦賊久之以逗畱遣戍

魏藻德通州人庚辰狀元召見於文華殿問邊隅多警何以報仇雪恥對曰使大小諸臣皆知所恥則功業自建先後娓娓數百言愛自陳戊寅城守功上心識之工部主事李振聲請限品官占田如一品田十頃屋十間其下遞減下部議藻德爭之遂寢辛巳十月請設裕國足民奇謀異勇科上然之隨諭朝臣咨訪徵辟以稱破格旁求之意十一月請禁朝臣祕探內閣通內侍於是待漏者俱露立毋敢入直舍癸未五月以侍讀學士入閣辦事請命勛臣子弟親騎射六月召見諸生蔣臣於中左門臣言鈔法日經費之條銀錢鈔三分用之納銀賣鈔者以九錢七分為一金民間不用以違法論不出五年天下之金錢盡歸內帑矣給事馬嘉植糾正之藻德力寢其議甲申二月進禮部尚書總督河道屯練往濟寧會有言各官不可令出出即潛逃遂止不遣京師陷後賊追脅獻金自勒而死藻德以書生新進受知甚殷國朝文臣早達無出其右者

崇禎五十年相傳

六

知服齋叢書

羌部召募忠勇勦寇立功名否亦內守西河扼控延安使賊不得東渡上悅曰卿居行朕當做古推輪行之閱數日建泰出師上以特牲告廟廷授節劍法駕御正陽門設宴作樂親賜卮酒曰先生之去如朕親行建泰頓首啟行上目送之是日大風揚沙占不利行師建泰肩輿不數武杆折識者危之既出都道間山西烽火甚急家已破貨財無以佐軍進退失措逗留畿內二月師過東光不輯士民閉城自守建泰怒攻三日破之三月建泰上書請駕南遷願奉太子先行上召廷臣議撫軍江南給事光時亨大誓止之廷臣遂不敢復言賊至保定

崇禎五十宰相傳

七

知服齋叢書

建泰已病臥軍中郭中傑縋城而降賊入城城守御史金毓嗣全家死難而建泰被執方岳貢谷城人壬戌進士由戶部主事為松江知府有政譽在郡十五年以通賊奪官壬午起陞漕運副使癸未入覲上諭各官薦將材稱旨擢副都御史因上言四事清言路以收人心定推遷以養廉貳賈吏治於荒殘儲將材於部伍上納之尋拜東閣大學士甲申二月進戶部尚書兼兵部總督漕運屯練濟寧未果京師陷被刑不食死

宰相列傳三

成基命	錢象坤	鄭以偉
孔貞運	黃士俊	林鈺
傅冠	程國祥	范復粹
姚明恭	張四知	蔣德璟
黃景昉	邱瑜	

以上十四人合

成基命大名人丁未進士錢象坤會稽籍山陰人辛丑進士竝己巳入閣鄭以偉上饒人辛丑進士壬申入閣以上皆由庶吉士孔貞運句容人己未榜眼黃士俊順德人丁未狀元林鈺同安籍龍溪人丙辰探花竝丙子入閣傅冠進賢人壬戌榜眼丁丑入閣程國祥上元籍歙縣人甲辰進士由知縣歷官戶部尚書范復粹黃縣人己未進士由推官歷任大理寺少卿竝戊寅入閣姚明恭蕪州人己未進士張四知費縣人壬戌進士竝己卯入閣蔣德璟壬戌進士黃景昉乙丑進士竝晉江人壬午入閣邱瑜宣城人乙丑進士甲申入閣以上皆由庶吉士其生平仕宦烜赫一時無關大節不悉書

崇禎五十宰相傳

六

知服齋叢書

宰相列傳四

黃立極 李國楫

施鳳來 來宗道

張瑞圖 楊景辰

黃立極元城人甲辰進士天啟中以禮部侍郎入東閣與施鳳來張瑞圖等同附魏忠賢尸位養奸為正人君子所恥丁卯錦州奏捷三殿告成各敘功立極實首倡之致忠賢子弟倖安平東平之爵而封王及兩功並封之議猶未已也朝臣增級賜金濫觴無紀宮保尚書都憲常僕幾於車載斗量而錦衣無坐處矣且二功謝恩之日即鼎湖攀髯之日也崇禎登極後立極知罪無所容因乞骸骨朝廷仍以元輔隆重之子告加太保廕子一人尚寶司丞又明年京察被處

崇禎五十宰相傳

六

知服齋叢書

施鳳來平湖人丁未榜眼張瑞圖晉江人丁未探花李國楫高陽人癸丑進士同歷官禮部尚書東閣大學士大工成並加少保兼太子太師璫敗後鳳來瑞圖俱被察典刑名逆案而國楫倖免
來宗道蕭山人甲辰進士楊景辰晉江人癸未進士同官翰林院學士錦州捷報疏稱魏忠賢功德揄揚鋪張權呼舞蹈以為朝廷倡崇禎初循資入閣旋以公論漸彰各得閒住

宰相列傳五

周延儒 薛國觀

溫體仁 楊嗣昌

周延儒宜興人癸丑狀元歷任禮部侍郎崇禎初召對廷臣上目視之曰常時召對卿等當面別無一言只有這官奏了幾句令自奏職名己巳冬入閣辦事癸酉正月宣府巡視太監王坤奏劾延儒乞罷不允左副都御史王志道上言王坤內監不宜侵輔臣上召羣臣於平臺謂志道曰遣用內臣原非得已何議論之多也志道奏曰坤劾輔臣舉朝皇皇為綱紀法度之憂臣為紀綱愴非為諸臣愴也上曰朝廷於國家大計不言惟因內臣在鎮不利奸弊乃借坤疏要挾誠巧佞也復詰至再延儒曰志道非專論內臣實責臣等溺職上色稍霽曰職掌不脩沽名立論何堪憲紀立退志道延儒遂放歸辛巳四月復召延儒入朝初丹陽監生盛順伯及虞城侯氏共斂金屬太監翼乘閒圖延儒再起禮部主事吳昌時力謀之果得再相壬午元旦召延儒及賀逢聖謝陞入殿曰古帝王皆崇師道卿等朕之師也宗社奠安惟諸先生是賴命東向立上降座西向揖之延儒愧謝四月命延儒督師會天氣漸炎兵不戰而退延儒乃奏捷班師加大師時人譏之曰出關一月無消息昨日元戎報捷來既而臺省文章論延儒受賄縱敵上頷之九

崇禎五十宰相傳

七

知服齋叢書

月誅兵部尙書陳新甲延儒爲營解曰國法大司馬兵不臨城不斬上變色曰他邊疆卽勿論僇辱我親藩七不甚於薄城乎延儒爲之汗下癸未五月科道郝綱蔣拱宸何綸劾論吏部郎中吳昌時禮部郎中周仲璉竊附延儒行私納賄延儒天下之罪人昌時仲璉又延儒之罪人也延儒罷七月召山東兵備雷演祚面質總督范志完縱兵行賄演祚因參延儒招權納賄諸狀上怒卽逮其幕客董廷獻誅志完徵延儒聽勘延儒當中外交証之日不能爲上畫一籌然受眷特深故其罷內監撤厥衛甚易諸璫日夜伺隙媒孽上俱不信延儒益忽

崇禎五十年相傳

三

知服齋叢書

之迨行邊之後上意稍移諸璫乃盡發其蒙蔽至是聖怒不可回延儒遂賜死方延儒之再召也門生張溥馬世奇以公論感動之盡反前轍向之所排受援而進之上亦虛已以聽溥旣沒世奇遠權勢而延儒左右皆昌時仲璉輩以至於敗

溫體仁烏程人戊戌進士累官禮部尙書與侍郎錢謙益門戶不同會戊辰枚卜謙益名列第二而體仁不與因疏前御史陳以瑞嘗參謙益與汪文言繆昌期相表裏其典試浙江省錢千秋以一朝平步上青天關節得雋今枚卜大典豈容濫竿上乃召對文華殿廷臣皆不

直體仁體仁指廷臣爲黨以激上怒於是攻者四起上俱不問庚午入東閣斤斤自守不殖貨賄時上英明恨廷臣苞苴亾狀獨信任體仁久之希寵用事厚私黨排異己日與士大夫爲難攻者竟無虛日至滋陽知縣成德盡發其奸逮錦衣衛獄其母張氏伺體仁輿出輒道詬之至不堪前工部侍郎劉宗周上言小人之禍人國無已時也皇上惡私交而臣下多以告訐進皇上錄清節而臣下多以曲謹容皇上榮勵精而臣下奔走承順以爲恭皇上尙綜覈而臣下瑣屑苛求以爲察窺其用心無往不出於身家利祿皇上不察而用之則聚天下

崇禎五十年相傳

三

知服齋叢書

之小人立於朝而有所不覺矣嗚呼八年之間誰秉國成臣不能爲首揆溫體仁解矣千戶楊光先亦再疏參論昇棺自隨旣而撫寧侯朱國弼劾體仁私唐世濟受霍維華金上奪國弼爵而世濟戍邊體仁不安其位未幾引疾免上賜金幣遣行人護歸

薛國觀韓城人已未進士由推官行取給事側身門戶嘗參喬允升游士任熊明遇正人多側目之歷官僉都御史丁丑以溫體仁援入東閣上頗向用之己卯考選科道吳昌時首擬吏科疏上上自手定先後示不測昌時得禮部主事謂國觀所爲恨之庚辰六月擬諭吳旨

勒令閒住上嘗語國觀朝士焚賄對曰使厥衛得人朝士何敢黷貨時東廠太監王化民在側汗出浹背於是日偵其陰事既而被參削籍給事袁愷再疏劾之并尚書傅永淳侍郎蔡奕琛俱下鎮撫司訊又下都御史葉有聲於獄皆以通賄國觀也株連甚眾國觀疏辨袁愷誣劾出吳昌時之意上不聽辛巳八月國觀賜死籍其家國觀性褊刻急於功名自僉憲驟登政府欲自結於上會上憂國匱因導以倍餉曰外則縉紳臣等任之內則戚畹非出自獨斷不可以李武清爲言遂密旨倍四千金李氏盡鬻其所有追比未已戚畹人人自危適皇

崇禎五十年相傳

三

知服齋叢書

子病眾倡爲九蓮菩薩之言六上薄侍外戚行夭折且盡大悔懼國觀又忤化民遂敗國觀事發於東廠而昌時實啟其機昌時甥王陞彥以通賄籍沒臨刑呼此舅氏所致若我有言恐累名教其後昌時坐敗亦伏於此楊嗣昌武陵人庚戌進士由教授歷官宣大總督丙子奪情起復爲兵部尚書丁丑十一月疏請限勦賊之期令各鎮撫分任斷截要害地方提兵合勦當上旨戊寅四月熒惑星見嗣昌上言月食火星猶幸在尾內則陰宮外則陰國皇上脩德召和必有災而不害者戶部主事李鳳鳴和其說給事何楷解學尹互糾其謬上不問

六月召嗣昌入閣辦事仍署兵部上命大禮大慶暨傳制頒詔諸大典不與其朝講召見如常何楷劾嗣昌忘親上切責之先是吏部會推閣員止及詞臣資敘上命并及在籍守制者蓋嗣昌爲陳新甲地也已而特召新甲以兵部侍郎總督宣大學士黃道周上言朝廷卽乏人豈無一定策效謀者而必非常破格以奉不祥之人上不憚召見羣臣於平臺道周極詆嗣昌謂臣不生於空桑豈遂不知父母但明旨迫切不敢有違乃道周自言不如鄭鄮鄮以杖杖母行同梟獍道周又不如之何言綱常也道周曰臣言文章不如鄭鄮上叱其朋

崇禎五十年相傳

四

知服齋叢書

比修撰劉同升編修趙士春御史林蘭友各疏救道周而劾嗣昌俱謫調有差己卯六月張獻忠降而復叛羅汝才九營俱起應之左良玉追及大敗而還失其符節事間良玉戴罪殺賊革督師熊文燦職初文燦與嗣昌深相結納嗣昌冀文燦成功以結上知文燦既僨嗣昌內不自安因請督師南征是時方倍鄭鄮以傾道周讖駁愈重遂磔鄮於市而賜嗣昌尚方劍并銀印金牌蟒紵緋絹無算九月嗣昌陛辭上賜宴後殿手觴三爵賦詩榮行出師之隆莫過於此十月嗣昌至襄陽入文燦軍中逮文燦入京師論死棄西市以塞人口謂良玉可

倚以滅賊請拜爲平賊將軍復奏辟永州推官萬元吉爲監紀庚辰二月給嗣昌萬金賜斗牛服又海驪聚驪馬各一金鞍二嗣昌調兵會勦以陝西興安一路失期斬其監軍殷大白三月嗣昌軍次荆門立大勦營五月羅汝才七股盡入蜀嗣昌檄元吉扼夔門與石砭女帥秦良玉兵合嗣昌又以左兵進止多不從節制乃密疏於朝請以別將軍賀人籠易之人籠所挾陝兵驍勇善戰以多擁降兵思得總兵名號以統轄之川撫邵捷春爲懇嗣昌嗣昌已諾後因中制不果人籠怨而良玉疑自是兵勢日離嗣昌憤事不可爲旋有病明年襄城破

崇禎五十年相傳

五

知服齋叢書

安將李萬慶死之嗣昌亦以病卒間

宰相列傳六

吳宗達

王應熊

吳宗達武進籍宜興人甲辰探花庚午入閣與溫體仁同相六年多所依順庶吉士鄭鄖繼母爲宗達女弟鄖負才名氣節薄於事舅宗達恨之因揭其杖母蒸妾嘗體仁入達逮鄖下獄仕路皆爲不平故宗達畏人言以告

王應熊巴縣人癸丑進士由庶常官少宗伯祭酒爲周延儒溫體仁引薦入閣人望未孚明年御史吳履中劾監視內臣并參應熊因求去不允又明年言路相狎以爲模稜後身應熊遂免壬午周延儒與廷臣異議復薦

崇禎五十年相傳

五

知服齋叢書

以自代資爲授也已而陛見上覺之應熊請老賜金幣還癸未召至上不見因辭還

蔡國用金谿人庚戌進士以中書舍人考選御史天啟中嘗以條議詆葉向高孫承宗趙南星等又薦趙興邦興邦亦疏稱之曰名臣頗爲仕途所非笑後官工部侍郎上方欲枚卜大典僅屬詞林因及國用等以示破格既入閣漫無表見惟庸庸養福而已未幾卒於位

陳演井研人壬戌進士累官詹事庚辰進東閣壬午六月召羣臣於中左門詰問吏部尙書李日宣曰會推大典自當矢公矢慎非枚卜濫舉徇情如房可壯張三謨

宋致等竝與推舉豈大臣之道又責吏部章正宸河南道張煊閣臣力爲救解不聽明日下日宣等六人於獄尋戍邊削籍有差初煊爲所親廖惟一試御史考核託可壯爲之地不約煊又加厲焉遂外調煊憾之適上遊西苑演從密奏之故有是譴演庸碌無能見上憂秦寇謂不足慮甲申二月賊勢漸逼京師演不自安乃求去三月京師陷李白成榜朝臣獻金演獻銀至三萬兩金三千兩珠三斗仍受刑不可忍以斃

論曰黨人之禍自古已然漢固已唐次之而宋爲甚跡其所爲雖諸臣賢奸較異要亦人主之明暗有不同也

崇禎五十宰相傳

七

知服齋叢書

至明末則不然臣非甚惡君又至賢無下國之理而失天下乃更速則黨禍之中於人心其酷烈即不如前代而久之成痼一旦殞絕不可復甦其積漸使然也蓋自四明當國其時東林諸君子以道學名於世浙人起而爭之而黨以立齊楚四方之士趨風捕影轉相含射而黨以盛其根原則國本也其發端則挺擊也紅丸也移宮也是爲三大案借三案者爲察典爲年例爲封疆而總之以東林浙黨爲分分之而不欲其合者德清也合之而不能不分者福清也皆政地也政地不足恃乃求奧援奧援成而政地若授之柄焉然則煽禍者璫也而

使之煽禍者則政地也丁卯以前流毒已甚戊辰以後公道大明然而門戶相承衣鉢相禪邪正雖殊其爲植黨則一是故蒲州韓爌高陽孫承宗繼福清葉向高去而崑山顧秉謙南樂魏廣微進矣元城黃立極平湖施鳳來晉江張瑞圖高陽李國樞附顧魏者也反正之初未及去援及蕭山來宗道晉江楊景辰矣高邑李標吳江周道登華亭錢龍錫長山劉鴻訓起自田閒讓蒲州當國以光贊中興逆案定而黨人側目借袁崇煥以饒舌而華亭得嚴譴蒲州不安其位矣高陽出鎮得匪虛拘乎文華召對宜興周延儒實左袒烏程溫體仁其流

崇禎五十宰相傳

八

知服齋叢書

派不正廷臣不免周章未幾而相繼進用人皆疑之疑則猜忌生而嫌隙見然宜興得桐城何如寵調劑人樂其易烏程以武進吳宗達依傍人畏其克樂其易者姑且安之不過欲其去畏其克者羣起而攻之惟恐其不去而竟不去彼大名成基命山陰錢象坤上饒鄭以偉上海徐光啟不徒伴食又爲得利之漁人桐城之再召也宜興所以善後而引高不出固知黨惡之必復也嘉善錢士升以破格召於南與巴縣王應熊香山何吾騶異地而同拜冷眼者從壁上觀以爲上意誠不測抑由秉國者立中道焉迨長洲文震孟以經筵受知正人君

子彈冠相慶稱主上聖明而一言不合於烏程不難并
 香山並驅而駕人言可畏何王且危之況嘉善乎獨是
 同一去也長洲為可惜嘉善則有名矣淄川張至發以
 獄獄稱旨句容孔貞運順德黃士俊江夏賀逢聖龍溪
 林鈺以利名樹望先後同升而烏程旋罷或謂上意漸
 移已非一日黨之不終禍也天實為之何意韓城薛國
 觀借援願結主知當南北控禦之際輒開羅織之機奔
 走士大夫使之救過不給即同時輔弼如進賢傅冠上
 元程國祥遂安方逢年金谿蔡國用黃縣范復粹無從
 見一長參一議而天下大勢壞如土崩綿竹劉宇亮以
 不得已請纓我則不武何濟於事武陵楊嗣昌之奪情
 有自來也白馬清流幾乎再見上即不推轂亦安能晏
 然處之以謝當世哉蘄州姚明恭費縣張四知并研陳
 演以資敘滑縣魏炤乘以知兵進德州謝陞以舊銓再
 起上頗自謂得人又稍稍失意於韓城若將置焉而黨
 人以贖貨中之上方切齒通賄遂不顧一韓城下警而
 武陵以任事不終告是內外無人也思惟舊人可以明
 無罪於朝廷惟張至發與賀逢聖而最受主知則莫如
 周召或弗至至或弗久肯為朕竭股肱力者不惜腹心
 寄之天子無常師師保傅何庸不拜赫赫明明維太師

崇禎五十年傳

三

御批

之功厥惟欽哉汝無負予一人也而不然也下之結黨
 者日以多而上之伺黨者日以密黨不足以自固也昔
 之黨異者攻異己今之黨同者攻同類黨適足以殺身
 耳晉江蔣德璟黃景昉可以並登通州魏藻德可以驟
 進興化吳姓可以分拮据之任巴縣王應熊可以資胼
 胝之勤而不能禁中人之媒孽塞言路之曉張益至是
 而法網愈密人心愈險天下之事勢已不可為主上之
 英明亦無所用辟如病人膏肓形體雖具藥餌有餘而
 元氣索然僅延時刻縱有盧扁何以云救哉其後曲沃
 李建泰谷城方岳貢宣城邱瑜之拜黨人已不及衡若
 吳橋范景文者固黨人所願得而甘心焉而獨以一死
 徇社稷其得力於東林道學之旨豈其微哉而謂黨云
 乎哉

崇禎五十年傳

三

御批

崇禎五十宰相傳 初彙

此係倦圖師初時手彙重訂之後原彙久置高閣零殘失次其孫承宗韓爌李國樞三傳竟不可得矣今與重訂本較對事蹟詳略間有不同特並錄之以俟論世之君子採焉康熙 夏

黃立極 張瑞圖 施鳳來 來宗道

楊景辰 李 標 劉鴻訓 周道登

錢龍錫 文震孟 成基命 周延儒

溫體仁 吳宗達 鄭以偉 徐光啟

崇禎五十宰相傳

三

知服齋叢書

錢士升 何如寵 錢象坤 王應熊

何吾騶 林 鈺 黃士俊 張至發

孔貞運 賀逢聖 劉宇亮 傅 冠

薛國觀 程國祥 楊嗣昌 方逢年

蔡國用 范復粹 姚明恭 張四知

魏炤乘 謝 陞 陳 演 蔣德璟

黃景昉 吳 姓 魏藻德 李建泰

方岳貢 范景文 邱 瑜

丁卯

黃立極 元城人甲辰科少師十二月回籍

施鳳來 平湖人丁未科少傅

張瑞圖 晉江人丁未科少傅

李國樞 高陽人癸丑科少傅

來宗道 蕭山人甲辰科十二月任

楊景辰 晉江人癸丑科十六年任

李 標 高邑人丁未科十二月任

劉鴻訓 長山人癸丑科十二月任

周道登 吳江人戊戌科十二月任

崇禎五十宰相傳

三

知服齋叢書

錢龍錫 華亭人丁丑科十二月任

戊辰

施鳳來 平湖人丁未科少傅

張瑞圖 晉江人癸丑科少傅

李國樞 高陽人癸丑科少傅

來宗道 蕭山人甲辰科十二月任

楊景辰 晉江人癸丑科十六年任

李 標 高邑人丁未科十二月任

劉鴻訓 長山人癸丑科十二月任

周道登 吳江人戊戌科十二月任

錢龍錫 四月到六月進文淵閣加太子太保

韓 熿 蒲州人乙未科六月召八月任少師首輔

己巳

韓 熿

李 標

周道登 正月致仕

錢龍錫 十二月削職下獄

孫承宗 高陽人甲辰科十一月起督師少師

錢象坤 山陰人辛丑科十一月任東閣大學士

成基命 大名人丁未科十一月任東閣大學士

崇禎五十年相傳

三

知服齋叢書

周延儒 宜興人癸丑科十一月任東閣大學士

何如寵 桐城人乙未科十一月任東閣大學士

庚午

韓 熿 正月回籍

孫承宗 回籍

錢象坤 七月進文淵閣加太子太保十一月加少保進武英殿

成基命 七月加太子太保進文淵閣九月回籍奉贈少保諡文穆

周延儒 七月進文淵閣加太子太保十一月進武英殿戶書加少保

何如寵 七月進武英殿戶書加少保二月進武英殿戶書加少保

溫體仁 烏程人戊戌科六月任東閣十一月進文淵閣加太子太保

吳宗達 武進人六月任東閣十二月進文淵閣加太子太保

辛未

錢象坤 六月回籍辛巳四月

周延儒 十一月加少保

何如寵 十二月加少保八月回籍後再召不出卒贈太傅諡文端

溫體仁

吳宗達

壬申

周延儒 三月加少保進建極殿吏書

溫體仁 二月加少保戶部尚書進武英殿

崇禎五十年相傳

壽

知服齋叢書

吳宗達 三月加少保進武英殿戶書

鄭以偉 上饒人辛丑科五月任東閣十月加太子少保

徐光啟 上海人甲辰科五月任東閣

癸酉 六月召何如寵不至

周延儒 六月回籍

溫體仁 十一月進建極殿加少傅吏書

吳宗達 十月進建極殿加少傅吏書

鄭以偉 六月奉贈太子太保諡文恪

徐光啟 九月進文淵閣加太子太保十月奉贈少保諡文定

何吾騶 香山人乙未科十一月任東閣

王應熊 巴縣人 癸丑科 十一月任東閣

錢士升 嘉善人 丙辰科 十一月任東閣 甲戌二月入直

甲戌

溫體仁 二月進中極 殿加少師

吳宗達 二月進中極 殿加少師

何吾騶 月進文淵閣 加太子太保

王應熊 月進文淵閣 加太子太保

錢士升 二月入直 月陞尚書

乙亥

溫體仁

崇禎五十宰相傳

三

知服齋叢書

吳宗達 五月子告回籍 丙子四月卒贈太傅

錢士升

王應熊 九月回籍

何吾騶 十月致仕

張至發 淄川人 辛丑科 七月任東閣

文震孟 長洲人 壬戌科 七月任東閣 十月回籍

丙子

溫體仁

錢士升 四月回籍

林 鈺 同安人 丙辰科 正月任東閣 六月卒贈尚書諡文穆

張至發 六月陞尚書 十一月加太子太保

孔貞運 句容人 己未科 六月任東閣 十一月進文淵閣 加太子太保

賀逢聖

黃士俊 順德人 丁未科 六月任東閣 十一月加太子太保

丁丑

溫體仁 三月加太保 一品六年考 滿加左柱國 六月回籍

張至發 二月進文淵閣 六月首揆

孔貞運

賀逢聖 二月進文淵閣

黃士俊 二月加少傅 進文淵閣 十二月回籍

崇禎五十宰相傳

三

知服齋叢書

劉宇亮 綿竹人 乙未科 八月任東閣

傅 冠

薛國觀 韓城人 己未科 八月任東閣

戊寅

張至發 四月回籍

孔貞運 六月回籍

賀逢聖 三月回籍

劉宇亮 六月進文淵閣 九月兼兵書督勦

傅 冠 六月進文淵閣 八月回籍

薛國觀 六月陞禮部尚書

楊嗣昌 武陵人庚戌科六月任東閣改禮書仍管兵部事

程國祥 欽縣人甲辰科六月任東閣改禮書

方逢年 遂安人壬戌科六月任東閣禮書十二月回籍

蔡國用 金谿人庚戌科六月任東閣禮書

范復粹 黃縣人己未科七月任東閣禮部左侍郎

己卯

劉宇亮 三月削籍

薛國觀 六月進文淵閣加太子太保戶書十一月進武英殿加少保吏書

楊嗣昌 八月督師

程國祥 三月致仕辛巳卒

崇禎五十宰相傳

三

知服齋叢書

蔡國用 六月進文淵閣加太子太保戶書十一月進武英殿加少保吏書

范復粹 正月加尚書六月進武英殿加少保吏書十一月進文淵閣加太子太保戶書

姚明恭 斬水人己未科五月任東閣十一月進文淵閣加太子太保戶書

張四知 費縣人壬戌科六月任東閣十一月進文淵閣加太子少保戶書

魏炤乘 滑縣人壬辰科五月入閣

庚辰

薛國觀 六月賜死

蔡國用 六月奉贈太保

范復粹

姚明恭 五月回籍

張四知

謝陞 德州人丁未科五月任東閣加太子少保

魏炤乘 加太子少保禮書

陳演 井研人壬戌科五月任東閣

辛巳

范復粹 五月回籍

張四知 八月進武英殿加太子少保

謝陞 八月進武英殿加少保吏書十一月進文淵閣加太子少保戶書

魏炤乘 十一月進文淵閣加太子少保戶書

陳演 月進文淵閣禮書

崇禎五十宰相傳

三

知服齋叢書

周延儒 二月召九月至京

張至發 二月召病不至

賀逢聖 二月召進武英殿加少保戶書

壬午

周延儒

張四知 五月加少傅吏書七月回籍

賀逢聖 六月回籍

謝陞 四月革職

魏炤乘 二月回籍

陳演 月進武英殿加太子少保戶書

蔣德璟 晉江人壬戌科
六月任東閣

黃景昉 晉江人己丑科
六月任東閣

吳 姓 興化人癸丑科
六月任東閣

王應熊 月召

癸未

周延儒 五月免十
二月賜死

陳 演 十一月進中極殿
加太子太保吏書

蔣德璟 五月進文淵閣加
太子少保戶書

黃景昉 五月進文淵閣加太子
少保戶書九月回籍

吳 姓 二月進文淵閣加太子少保
三月晉師四月致仕 月戌

王應熊 十月至未
仕回籍

魏藻德 通州人庚辰科五
月以少詹任東閣

李建泰 十一月任東閣

方岳貢 穀城人壬戌科十一
月以左副都任東閣

甲申

陳 演 正月加少保二月
回籍四月賊拷死

蔣德璟 三月
回籍

魏藻德 二月加兵書督師天
津旋回三月賊拷死

李建泰 正月加兵書督師
三月為賊所執

方岳貢 二月加戶書督漕濟
盜旋止三月賊拷死

崇禎五十宰相傳

三

知服齋叢書

范景文 吳橋人癸丑科二月
任東閣三月殉難

耶 瑜 宣城人乙丑科二月
任東閣三月賊拷死

崇禎五十宰相傳

四

知服齋叢書

崇禎五十宰相傳 初稟

黃立極

黃立極字中五元城人萬曆甲辰進士改庶吉士授簡
討陞贊善歷諭德庶子掌司經局尋陞少詹禮部侍郎
協理詹事府事天啟乙丑八月陞尚書同蒲田周如盤
貴池丁紹軾涿州馮銓入閣十月加太子太保戶部尚
書歷加左柱國少傅進武英建極中極殿為首輔充要
典總裁立極在位無所短長惟與忠賢桑梓情深隨事
獻諛擬旨務極褒贊時有內相外相之稱丁卯八月上
以信王登極禮遇諸輔立極等擬上詔款皆允行陵工

崇禎五十宰相傳

聖

知服齋叢書

肇啟立極等皆有捐助二十九日常朝立極至稍遲踉
蹌入班隨具疏引咎上諭以廟享在邇正宜表率有位
著即出贊襄十月初六日加太保蔭一子中書舍人照
新銜給誥命疏辭太保改加正一品俸隨送子黃英若
入監十一月因戶部主事劉鼎卿疏糾再疏引疾不允
十二月國子監監生胡煥猷上疏巨奸當除而輔奸者
不可一日容於聖明之側輔奸者誰問臣黃立極等是
也四輔不減二兇當申國憲立極等具疏辨妄以平勃
狄仁傑不得已為辭識者笑之十二月立極予告猶賜
金帛蔭一子尚寶司丞遣行人護還里己巳定逆案照

不謹例閒住

張瑞圖

張瑞圖字無盡號二水晚號果亭晉江人萬曆丁未進
士殿試一甲第三授編修歷陞少詹丙寅赴闕晉禮部
侍郎七月加禮部尚書入內閣辦事旋晉少保少傅少
師兼太子太師吏部尚書中極殿大學士瑞圖為人和
柔無他才能工書畫雖居揆地惟以吮毫為事魏忠賢
生祠碑瑞圖所書凡擬旨駢麗贊頌之辭皆出其手丁
卯上登極後監生胡煥猷疏糾瑞圖疏辨上溫語留之
戊辰二月副施鳳來主會試三月引疾去己巳定逆案

崇禎五十宰相傳

聖

知服齋叢書

以結交近侍革職贖徒辛巳三月卒年七十二隆武時
復原官賜諡文隱子潛夫庚辰進士授簡討

施鳳來

施鳳來字羽皇號存海平湖人中萬曆甲午鄉試丁未
會試第一殿試第二授編修庚戌分較禮闈癸丑乞終
養乙卯丁內艱戊午起南少司成庚申陞宮允天啟元
年辛酉入都陞宮諭兼侍讀學士管理誥敕壬戌復分
較禮闈奉差致祭荆府癸亥陞少詹事甲子轉正詹七
月陞禮部右侍郎充講官乙丑轉左侍郎掌翰林院事
丙寅七月晉禮部尚書入閣辦事丁卯歷加少保少傅

左柱國少師兼太子太師吏部尚書八月相視熹宗山陵旋爲監生胡煥猷所糾上疏辨因求退不允黃立極去正首揆戊辰主會試言路諷之歸三月引疾乞休加大傅蔭一子璽丞馳驛遣行人護歸里己巳定逆案追論黨附照不謹例閒住壬午八月卒於家年八十

來宗道

來宗道字子繇號路若蕭山人萬厯甲辰進士丁卯十二月枚卜上以諸臣姓名爲十闈入金瓶中親拈之得六人宗道居第四以太子太保禮部尚書兼東閣大學士戊辰四月考滿加少傅陞戶部尚書進文淵閣六月子告己巳二月列嬭瑤案革職徒三年納贖爲民初宗道與張瑞圖不入逆案中上問一臣何故不入嬭對曰無事實上曰瑞圖以善書爲逆瑤書祠額碑文宗道題崔呈秀母卹典稱在天之靈其罪更甚

楊景辰

楊景辰字載甫號侗孩晉江人萬厯癸丑進士丁卯十二月由禮部右侍郎陞禮部尚書兼東閣大學士戊辰四月加太子太保進文淵閣六月准馳驛回籍己巳二月列嬭瑤案閒住五月十一日卒

李標

李標字汝立號建霞高邑人萬厯丁未進士丁卯十二月由禮部右侍郎陞尚書兼東閣大學士戊辰六月首揆十二月韓爌召至辭首揆己巳二月皇長子生恩加太子太保進文淵閣庚午正月首揆二月立東宮加少保改戶部尚書進武英殿四月子告

劉鴻訓

劉鴻訓字默成號青嶽長山人萬厯癸丑進士丁卯十二月以少詹事起陞禮部尚書兼東閣大學士戊辰以贈敕書事爲御史吳玉所糾戊戌代州

周道登

周道登字文邦號念西吳江人萬厯戊戌進士丁卯十二月由太子賓客禮部右侍郎起陞尚書兼東閣大學士己巳正月閒住癸酉年卒

錢龍錫

錢龍錫字稚夫號機山華亭人萬厯乙未進士丁卯十二月由南京吏部侍郎起陞禮部尚書兼東閣大學士己巳以袁崇煥事下獄擬斬中允黃道周論救辛未五月戊定海衛龍錫乙未會試時夢衣蟒玉有刃加頸上忽爲人奪去後果驗

文震孟

文震孟字文起號湛持長洲人乙亥七月以禮部右侍郎兼東閣大學士十月忤溫體仁閒住丙子九月卒己卯復原官子嗣壬午正月贈尚書諭祭甲申十月南都謚文肅 有傳

成基命

成基命字靖之號志予後改名靖之大名人萬厯丁未進士己巳十一月由吏部左侍郎陞尚書兼東閣大學士庚午四月首揆七月敘邊功加太子太保進文淵閣九月廿一日予告乙亥七月卒贈少保謚文穆 有傳

崇禎五十宰相傳

聖

知服齋叢書

周延儒

周延儒字玉繩號挹齋宜興人萬厯癸丑進士第一廷試第一授修撰丙辰會同考辛酉江西主考己巳月旨陞禮部尚書兼東閣大學士庚午七月敘城守功加太子太保進文淵閣九月首揆十二月敘實錄成加少保改戶部尚書進武英殿辛未會試主考壬申三月敘陵工加少傅改吏部尚書進建極殿癸酉六月廿四日子告己卯六月存問辛巳二月以原官召九月十四日至壬午二月考滿加少師進中極殿辭允七月敘東省勦逆功加銜辭允癸未三月初八日行邊五月十四

日准告病六月提問十一月到京勒自盡追贖十二萬金

溫體仁

溫體仁字長卿號員嶠烏程人萬厯戊戌進士授編修辛丑會試同考歷司業諭德庶子少詹事壬戌陞禮部右侍郎甲子轉左丁憂丁卯十二月起陞南京禮部尚書崇禎戊辰二月轉北十一月以枚卜不預糾錢謙益庚午六月十二日以原官兼東閣大學士十一月敘實錄加太子太保進文淵閣壬申二月敘陵工加少保改戶部尚書進武英殿癸酉六月廿五日首揆十一月考

崇禎五十宰相傳

聖

知服齋叢書

滿加少傅改吏部尚書進建極殿甲戌會試主考二月敘登州功加少師進中極殿丁丑三月敘雲鎮功加太保一品六年考滿加左柱國六月二十日子告戊寅十二月卒贈太傅謚文忠弘光甲申有旨奸佞異常貽毒深遠著削去蔭謚以昭公道隆武乙酉復蔭謚

吳宗達

吳宗達字上于號青門武進籍宜興人萬厯辛丑舉禮部甲辰廷試第三人授編修崇禎庚午六月十二日由禮部尚書兼東閣大學士十一月敘實錄加太子太保進文淵閣壬申三月敘陵工加少保改戶部尚書進武

英殿癸酉冬考滿加少傅改吏部尚書進建極殿甲戌
會試主考二月敘登州功加少師進中極殿乙亥五月
廿八日子告丙子四月卒贈太傅

鄭以偉

鄭以偉字子器號方水上饒人萬曆辛丑進士崇禎壬
申五月由禮部尚書兼東閣大學士十月考滿加太子
少保癸酉六月十五日卒於位贈太子太保諡文恪
以偉喜讀書多著述票擬非其所長嘗曰吾富於萬卷
而窘於數行爲後生所邈時有掛冠之志

徐光啟

崇禎五十宰相傳

卷

知服齋叢書

徐光啟字子先號玄扈上海人萬曆甲辰進士授簡討
癸丑同考丙辰陞左贊善轉諭德中允少詹事己未十
一月邊警光啟自陳請纓以少詹事兼河南道御史管
練兵事務辛酉養病癸亥十二月起禮部右侍郎乙丑
五月閒住崇禎戊辰二月起京官己巳四月加太子賓
客專修麻事六月兼管練兵事庚午六月陞禮部尚書
協理部事壬申五月以原官兼東閣大學士癸酉九月
考滿加太子太保進文淵閣十月初九日卒於位贈少
保諡文定 有傳

錢士升

錢士升字抑之號御今又號寒菴嘉善人萬曆乙卯順
天第八丙辰廷對第一癸酉九月由南京禮部侍郎陞
尚書兼東閣大學士丙子四月回籍 有傳

何如寵

何如寵字康侯號芝岳桐城籍婺源人萬曆乙未舉禮
部戊戌廷試改庶吉士授編修陞中允庶子國子監祭
酒詹事禮部侍郎乙丑請告崇禎元年起吏部侍郎協
理府事六月陞禮部尚書己巳十二月十七日以原官
入內閣庚午七月北兵退敘功加太子太保進文淵閣
十二月敘實錄成加少保改戶部尚書進武英殿辛未
會試主考八月初二日子告癸酉二月周延儒罷復召
入閣遣行人屠象美敦趣就道行至淮上以疾辭屢疏
始得請益以溫體仁方得君如寵不欲與共事也歸臥
金陵甲戌二月敘登州功加少傅改吏部尚書進建極
殿辛巳卒

崇禎五十宰相傳

卷

知服齋叢書

錢象坤

錢象坤字弘載號麟武山陰人萬曆辛丑進士選庶吉
士九月丁內艱丁未授簡討癸丑會試同考陞諭德知
制誥甲寅請養歸旋丁外艱己未補右春坊右諭德兼
翰林院侍講轉庶子泰昌元年九月陞詹事府少詹事

兼侍讀學士天啟元年正月充經筵日講官二月陞詹事充纂修兩朝實錄副總裁壬戌陞禮部右侍郎協理詹事府事尋以病歸丙寅推南京禮部尚書內旨閒住崇禎元年三月起掌詹事府事己巳十二月廿七日以禮部尚書兼東閣大學士庚午七月敘功加太子太保進文淵閣十一月敘實錄成加少保進武英殿辛未六月請告馳驛庚辰十二月廿四日卒諡簡旌賜卹甚渥給事中葛應斗彈大金吾張道濬事連御史袁弘勛適兵部尚書梁廷棟有疏糾袁御史水佳胤遂應募糾梁甚力佳胤疏未下廷棟先致辨佳胤疑象坤洩漏糾并及之象坤五疏堅求去得旨回籍調理給事中吳執御傳朝右交疏致惱焉象坤有子鳳覽

王應熊

王應熊字飛熊號春石巴縣人萬曆癸丑進士崇禎癸酉十月由禮部左侍郎陞尚書兼東閣大學士乙亥九月以泄旨爲科臣吳楷所糾回籍乙卯六月存問壬午十一月初五日以前官召用癸未十月至京准辭回籍乙酉起義川中遙加少保兵部尚書武英殿大學士

何吾騶

何吾騶字龍友號象岡香山人萬曆己未進士癸酉十

崇禎五十年相傳

癸

知服齋叢書

一月初五日由禮部侍郎陞尚書兼東閣大學士乙亥十一月爲許譽卿與溫體仁擬票不合旨著致仕乙酉隆武以原官召用丙戌五月至閩用爲首輔加少保兼太子太師吏兵二部尚書謹身殿大學士賜以銀章日輔佐中興八月踉蹌回籍仕於永 爲給事中金堡等彈去

林 鈺

林鈺字實甫號鶴胎龍溪籍同安人萬曆丙辰廷試第三授編修天啟丁卯同任司業監生陸萬齡倡建魏瑄祠於太學側具簿醮金勒鈺題字鈺以筆抹倒忠賢閣之卽批削奪崇禎甲戌七月召用丙子正月陞禮部左侍郎兼東閣大學士六月初二日卒贈尚書諡文穆

黃士俊

黃士俊字亮垣號玉崙順德人萬曆丁未進士崇禎丙子六月由禮部尚書兼東閣大學士十一月敘功加太子太保丁丑二月敘雲鎮功加太傅進文淵閣十二月初六日子告己卯七月存問士俊歸時父母俱在堂稱觴侍養人以爲榮丙戌六月閩以原官召士俊不及赴而閩敗

張至發

崇禎五十年相傳

辛

知服齋叢書

張至發字聖鵠號憲松淄川人萬曆辛丑進士歷知縣御史大理寺丞順天府丞光祿寺卿刑部右侍郎乙亥陞禮部左侍郎兼東閣大學士外官枚卜自至發始丙子六月加禮部尚書十一月敘邊功加太子太保丁丑會試主考二月敘雲鎮功加文淵閣六月廿日首揆戊寅四月十一日子告己卯六月存問辛巳二月以原官召病辭旋卒贈少保

孔貞運

孔貞運字開仲號玉橫至聖裔句容籍建德人萬曆己未廷試第二崇禎丙子七月二十日由吏部侍郎陞禮

崇禎五十年相傳

至

知服齋叢書

部尚書兼東閣大學士十一月敘功加太子太保丁丑會試主考二月敘雲鎮功進文淵閣戊寅四月首揆六月十一日子告己卯六月存問

賀逢聖

賀逢聖字克繇號對揚江夏人萬曆丙辰進士父時泰博極羣書自守介特嘗貧餓著事小錄見志逢聖穎銳夙成自癸卯鄉薦後蹇滯公車署應城教諭丙辰授編修壬戌同考歷左中允司業丁卯為民思陵登極九月復原官戊辰轉南祭酒陞少詹事丁外艱哀毀廬墓辛未六月起詹事未至拜禮部右侍郎癸酉陞吏部左侍

郎乙亥陞禮部尚書丙子六月以原官兼東閣大學士十二月敘邊功加太子太保丁丑二月敘密雲功進文淵閣逢聖學問淵源持心終始不渝丙丁之際兆邊多警與首揆張至發議論多忤戊寅三月子告己卯存問辛巳二月召用入京數月即移疾去獻賦逼武昌逢聖以巨艦載其家出湖至墩湖中流擊破船底舉家十二口俱沈癸未五月十三日也尸沈三十七日不壞遂以禮改葬事聞命優卹甲申六月南都謚文忠乙酉陞武贈太師立專祠謚文孝

公於獻賊入城後具衣冠投水死無巨艦入湖事又

崇禎五十年相傳

至

知服齋叢書

尸沈八月始出

劉宇亮

劉宇亮字季龍號蓬玄綿竹人萬曆己未進士丁丑八月十四日由吏部左侍郎陞禮部尚書兼東閣大學士戊寅六月進文淵閣十一月邊警自請視師改兵部尚書督師己卯正月初二日東省陷以失事革職

傅冠

傅冠原名元範字元甫號奇菴進賢人天啟壬戌進士廷試第二授編修丁丑八月十四日陞禮部尚書兼東閣大學士戊寅六月進文淵閣八月廿三日子告乙酉

入聞見朝自任江右拔勅命爲督師問部三月餘尙駐邵武諫官參之有云日上三竿尙擁美童而臥安肯出關乃罷之

薛國觀

薛國觀字家相號實廷韓城人萬曆乙未進士授榮州推官歷給事中丙寅三月差勘毛文龍功罪己巳三月與許譽卿沈維炳計奏准終養後補都科陞太常寺少卿左僉都御史丁丑八月十四日陞禮部左侍郎兼東閣大學士戊寅六月加尙書己卯二月廿六日首揆六月敘邊功加太子太保改戶部尙書進文淵閣十一月

崇禎五十年相傳

三

知服齋叢書

敘城守功加少保改吏部尙書進武英殿庚辰會試主考六月以用中書王陞彥通問行賄事下鎮撫司國觀尋賜私宅自盡次年三月田產籍沒入官不及延儒十分之一

刑科袁愷孫承澤俱有疏參蔡奕琛行賄國觀以中書王陞彥口供爲據奕琛革職追贓遣戍

庚辰武清侯李誠銘卒次子國瑞嗣爵其庶長子憤恨上疏詭稱侯家產四十萬願無分而以充餉上商之國觀國觀以爲可從遂票旨行之其後李氏匿金不納而鬻所有田庄至拆賣其屋猶不足十之一戚

晚人人自危爲之控免上怒革其侯爵國瑞尋卒其後皇五子病亟時見孝定皇后來言此甚切上大恐急停止追比復封國瑞子存善爲侯方七歲悉還其所納金而皇五子竟薨遂心恨國觀時國觀已爲科臣袁愷所參回籍久矣復遣緹騎逮入京於八月初三日御史郝晉勸自盡國觀臨死曰吳昌時殺我其實不然也奉旨籍沒其家頗貧

程國祥

程國祥字仲若號我旋上元籍歙縣人萬曆甲辰進士歷知縣南吏部主事北禮部主事員外郎崇禎辛未筦大計陞大理寺丞少卿太常寺卿南通政司南工部右侍郎丁丑陞北戶部侍郎戊寅六月陞禮部尙書兼東閣大學士己卯三月致仕辛巳卒

楊嗣昌

楊嗣昌字子微號文若武陵人萬曆庚戌進士授杭州教授轉南京國子監博士戶部主事員外郎中崇禎戊辰陞河南副史參政辛未陞監軍關內道按察使壬申四月陞右僉都御史巡撫山東甲戌九月陞兵部右侍郎總督宣大乙亥十月外憂去丙子二月又繼母喪十月奪情起兵部尙書舉朝爭之不聽戊寅六月陞禮部

崇禎五十年相傳

三

知服齋叢書

尙書兼東閣大學士仍管兵部事七月敘陝西三鎮功
蔭錦衣百戶十二月北警降級管事己卯三月革職冠
帶辦事四月廿九日解部務回閣辦事六月北兵退敘
功復原職八月以原官兼兵部尙書督勦八省流寇賜
尙方劔庚辰四月敘捷加太子少保辛巳三月劔卒於
荊州鎮或云飲藥壬午三月敘甘州功贈太子太保後
奉旨擬罪

方逢年

方逢年字書田號獅巒遂安人天啟壬戌進士選庶吉
士甲子授編修主湖廣試發策有巨璫大蠹語觸忠賢

崇禎五十年相傳

委

知服齋叢書

怒乙丑降三級調外用丙寅革職丁卯思陵登極以原
官起用崇禎戊辰入都已巳陞左中允誥敕撰文庚午
陞左諭德充日講官辛未會試主考壬申陞右春坊右
庶子癸酉掌司經局印主順天鄉試甲戌陞南國子監
祭酒乙亥陞詹事府少詹事丙子給假葬親丁丑陞禮
部右侍郎協理詹事府事充纂修兩朝實錄副總裁戊
寅六月陞禮部尙書兼東閣大學士十一月以票擬劉
之鳳事上不悅旨著冠帶閒住甲申南京登極詔復原
官南和伯方一元疏薦報乙酉魯藩召爲首輔六月紹
興不守被執九月見殺

蔡國用

蔡國用字正甫號靜菴金谿人萬厯庚戌進士由中書
御史大理寺丞少卿太僕寺卿工部左侍郎戊寅六月
陞禮部尙書兼東閣大學士己卯敘邊功加太子太保
改戶部尙書進文淵閣十一月敘城守功加少保改吏
部尙書進武英殿庚辰會試主考六月十九日卒於位
贈太保

范復粹

范復粹字清六號玉坡黃縣人萬厯己未進士由推官
御史大理寺丞少卿太常寺卿戊寅六月陞禮部左侍

崇禎五十年相傳

委

知服齋叢書

郎兼東閣大學士己卯正月加尙書敘邊功加太子太
保改戶部尙書進文淵閣十一月敘城守功加少保改
吏部尙書進武英殿辛巳五月予告

姚明恭

姚明恭字玄卿號崑斗蘄水人萬厯乙未進士己卯五
月由禮部侍郎陞尙書兼東閣大學士十一月敘城守
功加太子太保改戶部尙書進文淵閣庚辰五月予告
戊寅六月戶科給事中耿始然糾其與袁綜比暱用
陳吾猷過付

張四知

張四知字伯廉號貽白費縣人天啟壬戌進士己卯六月初十日由禮部右侍郎陞尚書兼東閣大學士十一月敘城守功加太子少保改戶部尚書進文淵閣辛巳敘恩加太子少傅進武英殿壬午五月考滿加太子太保改吏部尚書七月予告

戊寅六月四知爲詹事工科給事中張濬糾其祭酒時諸穢行不當濫與枚卜

魏炤乘

魏炤乘字仲玖號瑤海滑縣人萬厯丙辰進士歷知縣給事中崇禎戊辰陞僉都御史巡撫江西丁丑丁憂起

崇禎五十年相傳

卷

知服齋叢書

工部侍郎戊寅調兵部京營戎政己卯五月陞禮部尚書兼東閣大學士十一月敘城守功加太子太保改戶部尚書進文淵閣壬午二月初九日予告

謝陞

謝陞字伊晉號青墩德州人萬厯丁未進士歷知縣吏部主事員外郎太常寺少卿太僕寺卿吏部左侍郎南京吏部尚書調北部庚辰五月加太子太保改禮部尚書兼東閣大學士八月考滿加少保改吏部尚書進武英殿又敘恩加少傅進建極殿壬午四月因洩款北事爲言官所劾革職爲民甲申五月練兵起義奉濟王旋

棄濟王降清入爲內院十二月以僞太子與刑部員外錢鳳覽互爭鳳覽生絞同死者八人後見鳳覽于朝門嘔血仆地扶歸卒南都六月間其倡義亦加上柱國少師充山陵使往北都

陳演

陳演字發聖號贊皇井研人天啟壬戌進士庚辰五月由禮部右侍郎陞左侍郎兼東閣大學士辛巳敘恩加尚書進文淵閣癸未五月敘城守功加太子太保改戶部尚書進武英殿八月會試主考甲申二月寇逼乞歸未出都國難爲寇殺死

崇禎五十年相傳

卷

知服齋叢書

蔣德璟

蔣德璟字若柳號八公晉江人天啟壬戌進士壬午六月十九日由禮部侍郎陞尚書兼東閣大學士癸未敘城守功加太子少保改戶部尚書進文淵閣甲申三月初九日予告乙酉隆武起原官丙戌八月卒

黃景昉

黃景昉字太樞號東厓晉江人天啟乙丑進士壬午六月十九日由詹事陞禮部尚書兼東閣大學士癸未五月敘城守功加太子少保改戶部尚書進文淵閣九月予告乙酉隆武以原官召用與鄭芝龍不合競于朝

傳

吳姓

吳姓字鹿友號專愚興化人萬曆癸丑進士歷知縣御史大理寺丞通政崇禎甲戌九月陞右僉都御史巡撫山西丁丑十月解任戊寅二月起兵部右侍郎未任閒住庚辰冬起原官辛巳十一月管戎政壬午六月十九日陞禮部尚書兼東閣大學士癸未二月改兵部尚書督師楚豫勦寇逗留不行五月革職冬逮至戍金齒衛引光朝釋罪以冠帶陞見不用 有傳

魏藻德

崇禎五十宰相傳

卷

知服齋叢書

魏藻德字思令號清躬北通州籍南上元人崇禎庚辰狀元授修撰癸未五月陞禮部右侍郎兼東閣大學士辭銜以少詹事兼大學士八月會試主考甲申二月廿七日陞兵部尚書進文淵閣督師天津旋止國難為流賊拷死

李建泰

李建泰字復余號括蒼曲沃人天啟乙丑進士癸未十一月由吏部右侍郎兼東閣大學士甲申正月自請督師勦寇廿六日上親餞于正陽門二月至保定兵潰為寇所執自刎不殊臥病保定清兵入召為內院乙酉罷

歸丁亥姜瓖叛大同建泰起兵應之不克臨陣被殺

方岳貢

方岳貢字四長號禹修穀城人天啟壬戌進士歷戶部主事郎中任松江知府十五年壬午九月陞漕運副使癸未六月特召擢左副都御史十一月以原官兼東閣大學士甲申二月加戶兵二部尚書進文淵閣令督漕濟寧旋止國難為流賊拷死

范景文

范景文字夢章號質公吳橋人萬曆癸丑進士授東昌推官值旱 人相食景文革大戶除養馬役設粥捕蝗

崇禎五十宰相傳

卒

知服齋叢書

己未擢吏部主事庚申八月給假天啟乙丑正月起掌選司時魏忠賢竊柄景文泣任五月移疾歸丁卯正月起太常寺少卿不赴崇禎戊辰冬再推補少卿己巳七月擢右僉都御史巡撫河南丁內艱服闋甲戌十月起南京右都御史乙亥陞南兵部尚書戊寅十二月革任壬子八月起北刑部尚書十月改工部尚書甲申二月十五日以原官兼東閣大學士三月十九日京城陷景文廿一日投井死閣臣殉節者僅景文一人弘光八月贈太傅諡文貞祀旌忠祠

邛 瑜

邱瑜字德如號鞠懷宐城人天啟己丑進士甲申二月十五日由禮部左侍郎兼東閣大學士國難爲流賊拷死

崇禎五十年相傳

李

知服齋叢書

崇禎五十年相傳終

順德龍鳳鏤校栞